





BIBLIOS.

~~31-B~~

Lowell  
12 5 12

~~6-2~~



R. P.

# FRANCISCI SVAREZ

GRANATENSIS E SOCIETATE  
IESV DOCTORIS THEOLOGI,

*ET IN CONIMBRICENSI ACADEMIA  
Primarij atq; Emeriti olim Professoris.*

TRACTATVS QVINQVE,  
AD PRIMAM SECVNDÆ D. THOMÆ:

De ultimo fine hominis, ac Beatitudine.

De voluntario, & inuoluntario.

De humanorum actuum bonitate & malitia.

De Passionibus & habitibus.

De vitiis, atq; peccatis.



MOGVNTIÆ

*Cum Superiorum permissu, & priuilegio Casareo.*

Sumptibus HERMANNI MYLII Birckmanni,  
Excudebat Hermannus Merefius.

---

ANNO M. DC. XXIX.



B

765

.T54

583

1629

JESUITICA

OVERSIZE

C.2

no 1 in a

binley

collection



DEF 2/21/14






# BALTHASAR ALVA- REZ E SOCIETATE IESV DOCTOR THEOLOGVS.

Ad Lectorem.



*Vm vniversa Theologia Scholastica tribus pri-  
mariis, ac maioribus partibus contineatur, ut  
Author in suo sequenti proœmio admonet, ea  
scilicet, quæ Deum in se Vnum ac Trinum con-  
siderat: altera, quæ de eodem, ut causa efficiente  
creaturarum, differit, quas latè prosequutus est,  
editis iam voluminibus de Deo, de Angelis, de  
Opere sex dierum, & Anima: tertia, quæ de ip-  
so Deo ut fine superiori naturæ rationalis, atque adeò de mediis illi ac-  
commodatis disputat; & partem hanc tertiam, quod ad media attinet,  
ad exitum ferè vsque perduxerit, excusis de Incarnatione, ac vita di-  
uini Verbi, de Sacramentis, Legibus, Gratiæque, libris tam multis: illud  
ex ea parte reliquum erat explicandum, quod de fine ipso, & actibus  
nostris, quibus obtinetur, aut amittitur, disceptat. Sed ecce tanta litera-  
torum hominum fortunæ obuia mors commune illorum perfugium de-  
iicit, parcere nescia, doctæque miscere rudium pariter funera, atque sa-  
pientum. Ergo quas eo de argumento, vel per Hispaniã, non vno in loco,  
vel Romæ cõmentationes olim dederat auditorib. (quæ n. interris regio,  
aut Academia eximij Doctoris monumentum aliquod non cuperet, nõ  
queritaret?) veluti subsidiarias proferimus: ac si laciniosas minus, mi-  
nimè certè degeneres, minimè enerues, ab ipso videlicet Soarij Marte  
progenitas. In quibus planè nobiles aliquot scriptores non parum præsidi-  
ij in eiusdem argumenti opere vulgando habuere. Tantus scilicet erat  
tunc, ac fuit semper, Soarij candor, tam minimè inuidebat vnquam po-  
scentibus labores suos, ut nulli penitus eos denegauerit, illo titulo, quod  
essent à se prælo subiijciendi. Quoniam verò solenne illi quondam fuerat  
disputationum titulis prænotare maiores dubitationes, subindèque in  
varias sectiones distinguere, hac in editione id obseruamus religiosè:  
quamquam posteriore consilio pleraque volumina per libros, & per ca-  
pita prudens distribuerit.*





Facultas  
R. P. PROVINCIALIS SOCIETATIS IESV, PER PROVINCIAM  
RHENI SUPERIOREM.

**C**um ex mandato Sac. Cæsareæ Maiestatis, omnibus & singulis Typographis, Bibliopolis, ac aliis quamcunque librariam negotiationem exercentibus, seriò firmiterque inhibeatur, ne quisquam libros ullos à Societatis nostræ Patribus hætenus editos, aut in posterum edendos intra S. Imperij, Regnorum & Dominiorum, Suæ Cæs. Maiest. hæreditariorum fines, simili aliove charactere aut forma, siue in toto, siue in parte recudere, vel aliò recudendos mittere, aut alibi etiam impressos adducere, vendere & distrahere, clam seu palam citra supradictorum Patrum consensum ac testimonium, audeat vel præsumat. Ego IOANNES COPPERVS Societatis IESV per Rheni inferioris Prouinciam Prouincialis, concedo HERMANNO MYLIO facultatem excudendi, Francisci Suarez Tractatus Quinque ad primam secundæ D. Thomæ: De ultimo Fine Hominis, ac Beatitudine; De Voluntario, & Inuoluntario: De humanorum actuum bonitate & malitia. De Passionibus & habitibus. De vitiis atque peccatis. In quorum fidem hoc ei testimonium manu nostra subscriptum, & sigillo munitum dare voluimus, Schlettstadij viii. Octobris M. DC. XXVIII.

*Joannes Copperus.*

---

FACULTAS R. P. PROVINCIALIS  
Societatis IESV in Prouincia Lusitana.

**E**go Emanuel Fernandez Societatis IESV in Lusitana Prouincia Præpositus Prouincialis, potestate ad id mihi facta à Reuerendo admodum Patre nostro Mutio Vitelleschi, facultatem concedo, vt Tractatus isti, siue prælectiones in primam secundæ D. Thomæ à Doct. Francisco Soario Societatis nostræ, & in Academia Conimbricensi primario olim Professore emerito compositæ, & eiusdem Societatis grauium doctorumq; hominum iudicio approbatæ, typis mandentur. In cuius rei fidem has literas manu nostra subscriptas. sigilloque nostro munitas dedimus. Eboe tertio Nonas Iulias Anno Domini 1627.

*Emanuel Fernandez.*

ELEN-





E L E N C H V S

## DISPUTATIONVM

PRIMI TRACTATVS,

De ultimo fine Hominis.

PROOEMIUM OPERIS TOTIVS.

## DISPUTATIO I.

De causalitate finis respectu humanæ voluntatis,  
complectens sectiones sex.

1. *In quo consistat causalitas finis respectu humanæ voluntatis.*
2. *Vtrum causalitas finis in voluntate nostra sit tantum respectu mediorum, vel etiam respectu ipsius finis.*
3. *Vtrum finis exerceat causalitatem suam sub ratione boni cogniti.*
4. *Sub qua ratione boni moueat finis, & consequenter an media participant causalitatem finis.*
5. *Quomodo se habeat finis ad obiectum adequatum voluntatis.*
6. *Quotuplex sit finis.*

## DISPUTATIO II.

De actionibus voluntatis, quæ sunt propter finem,  
complectens sectiones quatuor.

1. *Vtrum omnes actus liberi voluntatis humanæ sint propter finem?*
2. *Vtrum actus voluntatis necessarij sint propter finem, & consequenter an sint propriè actus humani?*
3. *Vtrum voluntas operetur propter finem in actionibus, quæ ab ipsa non procedunt?*
4. *Quot modis contingat voluntatem humanam operari propter finem?*

## DISPUTATIO III.

De ultimo fine hominis in communi, &amp; de modo operandi propter illum, continens sectiones sex.

1. *Vtrum necessarium sit constituere aliquem finem vltimum hominis, & actionum eius.*
2. *Vtrum homo possit intendere suis actionibus duos vltimos fines particulares tantum.*



3. *Vtrum homo possit intendere duos ultimos fines simpliciter, & positiue ac propter illos operari.*
4. *Vtrum possit aliquis simul intendere duos fines ultimos, vnum simpliciter, alterum secundum quid.*
5. *Vtrum necesse sit hominem semper operari propter finem ultimum simpliciter a se intentum.*
6. *Vtrum omnes actiones hominis sint propter ultimum finem simpliciter saltem ex inclinatione?*

#### DISPUTATIO IV.

De beatitudine in communi, an sit, & quid sit, comprehendens sectiones tres.

1. *Quæ sit communis ratio Beatitudinis, & propria huius vocis significatio?*
2. *Vtrum ostendi possit beatitudinem esse possibilem homini, aut de facto futuram esse?*
3. *Quotuplex sit Beatitudo?*

#### DISPUTATIO V.

De obiecto humanæ Beatitudinis, cohibens sectiones tres.

1. *Vtrum omnes creaturæ sine Deo possint esse sufficiens obiectum humanæ Beatitudinis?*
2. *Vtrum solus Deus sine consortio alicuius creaturæ sit sufficiens obiectum humanæ beatitudinis?*
3. *Vtrum Deus secundum totum, quod in se habet, vel secundum speciale attributum sit obiectum humanæ Beatitudinis?*

#### DISPUTATIO VI.

De essentia formalis beatitudinis quoad genus, & substantiam eius, & perfectionem, quam ponit in essentia animæ, continens sectiones tres.

1. *Vtrum beatitudo nostra sit ipse Deus, vt illapsus, & vnitus substantiæ animæ nostræ: aut quam perfectionem illa ponat.*
2. *Vtrum formalis beatitudo sit operatio creata afficiens immediatè animæ potentiam?*
3. *Vtrum beatitudo sit vna simplex operatio animæ intellectiue, vel plurium collectio?*

#### DISPUTATIO VII.

De specifica operatione, & proxima potentia, in qua supernaturalis beatitudo constituenda est, continens sectiones duas.

1. *Vtrum beatitudo formalis essentialiter sit actus intellectus, an voluntatis?*
2. *In quo actu consistat beatitudo essentialis imperfecta, quæ in hac vita haberi potest?*



## DISPUTATIO VIII.

De perfectionibus intellectus beati præter visionem beatam,  
continens sectiones quatuor.

1. *Vtrum præter beatam visionem detur Beatis alia cognitio, vel supernaturalis scientia.*
2. *Vtrum in beatitudine perseuerent, vel denuò infundantur scientie naturales, & acquisibiles.*
3. *Vtrum in Beatis possit error, vel ignorantia reperiri.*
4. *Vtrum ad Beatitudinem requiratur comprehensio.*

## DISPUTATIO IX.

De perfectione voluntatis beatæ, ut versatur circa Deum, continens sectiones tres.

1. *Vtrum voluntas Beati necessario amet illum amore charitatis, & benevolentia.*
2. *Vtrum Beatus necessario amet suam beatitudinem supernaturalem quam possidet & fruitur.*
3. *Quale sit gaudium, quod Beati habent in Deo, & de Deo clarè viso, qualisve sit fruitio.*

## DISPUTATIO X.

De aliis perfectionibus voluntatis Beati, continens sectiones duas.

1. *Vtrum voluntas Beati ex vi beatitudinis ita sit in bono confirmata, ut facta sit impeccabilis.*
2. *Quibus virtutibus ornetur voluntas Beatorum.*

## DISPUTATIO XI.

De actibus, aureolis, & fructibus animæ beatæ, complectens sectiones tres.

1. *Vtrum sint aliquæ dotes in anima beata, & quid, & quot sint.*
2. *Vtrum in Beatis sit aliqua beatitudo accidentalis.*
3. *De aureolis & fructibus, quid, & quot sint, & quomodo inter se distinguantur.*

## DISPUTATIO XII.

De inæqualitate Beatitudinis, remittitur ad Librum 2.  
de Attributis Dei.

## DISPUTATIO XIII.

De subiecto, seu statu, in quo homo possit consequi supernaturalem beatitudinem, continens duas sectiones.

1. *Vtrum anima ante resurrectionem hominis consequatur beatitudinem perfectam.*
2. *Vtrum eadem beatitudo supernaturalis futura sit animabus iterum corporibus unitis.*

DIS-



## DISPV TATIO XIV.

De immutabilitate, & perpetuitate beatitudinis, continens  
sectiones tres.

1. *Vtrum felicitas supernaturalis Sanctorum futura sit perpetua.*
2. *Vtrum beatitudo sit natura sua incorruptibilis & perpetua.*
3. *Vtrum de ratione beatitudinis sit, vt de facto perpetuo duret.*

## DISPV TATIO XV.

De his, quæ ad naturalem beatitudinem pertinent, continens sectiones duas.

1. *In quo consistat propriè beatitudo naturalis.*
2. *Quomodo possit homo beatitudinem naturalem acquirere.*

## DISPV TATIO XVI.

De appetitu beatitudinis, continens tres sectiones.

1. *Vtrum homo appetitu innato appetat beatitudinem naturalem in particulari, & in communi.*
2. *Vtrum prædicto appetitu appetat supernaturalem.*
3. *Vtrum appetitu elicitò eam possit appetere.*







TRACTATUS PRIMVS.  
D E  
FINE HOMINIS,  
PRO O E M I V M.



Ivvs Thomas in Præfatione ad hanc Theologiæ partem proponit in materiam & obiectum, seu subiectum eius, hominem, vt ad imaginem DEI conditum, id est, ratione & libertate vtentem, secundum hoc enim maximè relucet in homine DEI imago: alibi verò (hoc est, prima parte in fronte quæstionis 2. inter tradendam generalem Theologiæ diuisionem) ait finem potius illius esse tractare de reditu creaturæ rationalis in DEVM: vnde & subiectum non hominem esse, sed DEVM, vt finem vltimum, multi colligerunt. Neque id videtur rationi dissentaneum, totius namq; Theologiæ obiectum Deus est; quare vt pars cum toto proportionē seruet, oportet, vt omnes Theologiæ partes, præsertim maiores, magisque præcipuæ, de Deo disputent, eo vel maximè quòd ad perfectionem Theologiæ spectat Deum sub omni ratione, atque habitudine considerare: cumque in priore parte Theologiæ disputatum sit de Deo, tum sub ratione absoluta à creaturis, quatenus vnus, & trinus est, tum etiam secundum habitudinem primæ causæ, seu principij creaturarum, necesse est vt in parte alia Theologiæ nimirum quam aggredimur, de ipso, vt de vltimo fine differatur, eoque pacto sit eius obiectum. Neque verò hæc inter se sunt contraria, sed eodē reuoluuntur, si enim loquamur de materia proxima, in qua versatur hæc doctrina, non est dubium eam esse hominem vt liberè operatē, & per actionem liberam in suam beatitudinem tendentem, quod nunc alia probatione non eget, sed ipso vsu constabit, & ex proximè dicendis declarabitur. Si autem de primaria ratione materiam hanc tractandi sit sermo, rectissimè dicitur DEVS, vt finis vltimus, subiectum huiusce operis, quod planè rationes factæ probant.

Quæret verò aliquis: cum Deus non sit solum finis hominis, sed terminus etiam omnium creaturarum, cur Theologi ad explicandum in DEO rationem finis vltimi, in homine tantum illam declarent, considerando videlicet, quo modo beatitudo hominis consistat in DEO, & quibus actibus illum assequatur potius quàm in aliis creaturis.

Respondetur varias posse reddi huius rei causas, quas breuiter attingā, quoniam amplitudinem, dignitatē, & difficultatem huius doctrinæ manifestant.

Prima est, quoniam si homo cum inferioribus creaturis conferatur, solus ipse DEVM in seipso proximè & immediatè attingit, & consequitur præcognitionem, & amorem: atq; ita singulari modo est DEVS finis vltimus humanæ naturæ: aliæ verò res solum remotè, & secundum quandam imitationem di-

I.  
De obiecto  
seu materia  
huius Operis.

II.  
Cur Theologi rationē  
finis vltimi  
per ordinem  
solum ad hominem per-  
tractant.

III.  
Ratio 1.

Suarez in primam secundæ D. Thomæ.

A

cun-



cuntur in DEVM tendere. Si autem compareretur superioribus creaturis, habet quidem DEVS respectu illarum eandem rationem vltimi finis, tamen quia in hoc ferè eiusdem rationis est, respectu Angelorum & hominum; ideo quæ in hac parte de homine dicuntur, per similitudinem ad beatitudinem Angelorum extendi possunt. Quòd si in modo consequendi beatitudinem aliquid proprium aut singulare habent Angeli, illud & minus notum est hominibus, & tractando de natura Angelorum breuissimè à Theologis expenditur, quoniam etiam ad vtilitatem humanam minùs est necessaria.

IV.  
2. Ratio.

Secunda causa est, quia doctrina hæc non tantum est speculatiua, sed etiam practica & moralis; quod enim Aristoteles 1: *Ethicorum cap. 7. & lib. 2. cap. 7.* de Philosophia morali dixit, in hac etiam parte cum Theologia conuenit, scilicet non esse tantum propter cognitionem, sed propter actionem etiam, atque ut boni efficiamur; ad doctrinam autem moralem maximè fuit necessaria homini cognitio sui ipsius, & actionum suarum, non autem aliarum creaturarum, nisi quatenus huic morali doctrinæ deservire potest.

V.  
3. Ratio.

Tertia & optima causa addi potest, quia in homine, ut dixit S. Greg. *hom. 29. in Euang.* quodammodo omnes creaturæ continètur, & in eo omnes assequuntur suam felicitatem & beatitudinem, quatenus illius possunt esse capaces.

VI.  
4. Ratio.

Quarta denique, quia ex diuina institutione & ordinatione omnes creaturæ ad salutem hominum ordinatæ sunt, & tota ratio diuinæ prouidentiae quodammodo in gubernando ac dirigendo hominem ad suum finem posita est. Vnde fit, ut omnia diuina opera & mysteria, præsertim supernaturalia, propter salutem humanam, maximè electorum, facta sint, atque ita considerando de homine, & de mediis, quibus ad finem suum perducitur, tota ratio diuinæ prouidentiae quodammodo exhauritur, quantum ab hominibus cognosci potest. Atque hinc satis constat, quid sit obiectum huius partis.

VII.  
1. Corollar.  
ex dictis.

Ex quo colligitur primò, qua ratione Theologia, quamuis scientia diuina sit, de humanis rebus disputet: duplici enim titulo hoc præstat; primò, quia hoc necessarium fuit ad explicandam in DEO rationem finis vltimi. Secundò quia non considerat hæc moralia ut naturali lumine manifestantur, sed ut virtute continentur in principiis à DEO reuelatis, atque ideo eadem est ratio totius Theologiæ, & huius partis, scilicet diuinum lumen, & reuelatio, aut prima veritas, quatenus mediatè, aut per discursum applicatur conclusionibus in principiis fidei virtualiter contentis: in quo maximè differt hæc doctrina à morali Philosophia humana, seu purè acquisita.

VIII.  
2. Coroll.

Secundò colligitur ratio methodi, & ordinis huius tractationis: doctrina enim moralis, & practica, ut perfectè, ac per modum scientiæ tradi potest, supponit speculatiuam scientiam. Item cognitio de Deo sub aliqua habitudine ad creaturas supponit cognitionem ipsius Dei in se: & ad cognoscendum reditum creaturarum in Deum, oportet prius emanationem earundem ab ipso explicare, & ideo postquam de Deo, & de operibus creatis diximus, in hoc consequenti opere reditum creaturarum in Deum, atque adeo moralem doctrinam, qua peruenitur ad Deum trademus generaliter, principia scilicet, & fundamenta virtutum omnium, & actionum moralium. In specie verò, hoc est, de singulis virtutibus, eam tantum doctrinam in lucem damus, quæ ad tres virtutes Theologicas, aut eis affinem religionem exponendas opportuna est. Quoniam verò, ut Arist. testatur, principium rerum omnium moralium est finis, ideo ab vltimo fine disputare incipimus.

DISPV-





# DISPUTATIO PRIMA.

## De causalitate finis, respectu humanæ voluntatis.

**N**iuersa hæc doctrina maxima ex parte versatur in explicandis humanis actionibus, quatenus humanæ sunt, ac bonitatis ac malitiæ moralis capaces: in quo potissimum à fine pendent, qui est principium moralium actionum, & ideo prius hanc Disputationem præmittendam duxi, in qua munus, varios modos, rationem, seu distinctionem finis explicabo: hæc enim Disputatio necessariò præmittenda videtur, ad explicanda nonnulla principia, & varium titulum, quibus insequentibus vtendum nobis est, ne cogamur eadem semper repetere: curabimus autem à quæstionibus philosophicis, quoad fieri potest, abstinere, aut eas tantum breuiter attingere, quantum ad rem Theologicam fuerit necessarium.

### SECTIO I.

*In quo consistat causalitas finis respectu humanæ voluntatis.*

**I.** **P**rimùm omnium statuendum est, finem, & causalitatem eius, qualiscunque illa sit, propriè suum locum habere in voluntate humana, & in actibus, seu effectibus eius, quod est certissimum. Primò ex modo loquendi Scripturæ sacræ, vbique enim tribuit homini modum operandi propter finem, quod maxime illi conuenit ratione voluntatis, ad Roman. 8. *Propter te mortificamur tota die, &c. Sed in his omnibus superamus propter eum, qui dilexit nos.* & Psalmo 118. *Inclinaui cor meum ad faciendas iustificationes tuas, propter retributionem.* Secundò experientia constat, hominem non casu, nec fortuitò in incertum ferri, sed in definitum finem dirigere operationes suas. Tertiò constat etiam ratione, quia motio finis præcipuè habet locum in agentibus per intellectum: nam finis mouet agens ad operandum, mouet autem per cognitionem; agens autem intellectuale maxime cognoscere potest rationem finis, & ordinem eius ad media: ergo voluntas, quæ ratione ducitur, maxime potest moueri à fine.

**II.** **S**ecundò, vt intelligatur proprius quæstionis sensus, supponendum est ex Caiet. 1. part. quæst. 5. art. 4. & clariùs 2.2. quæstion. 17. art. 5. licet in causa efficienti quatuor distinguuntur, ita etiam possit in causa finali distingui, scilicet, res quæ causat, ratio, seu forma, quæ est principium causandi, causalitas eius actualis, & effectus causatus: in hac sect. præcipuè agimus de tertio, scilicet de causalitate actuali finis, qua intellecta, facile constabit, quis sit, & quod duplex effectus finis in humana voluntate: de ratione autem seu principio causandi, dicemus postea in sectione tertia: & inde constabit, quænam res possit esse causa finalis. Quare in vniuersum, in omni ge-

*Franc. Suarez, De fine Hominis.*

nere causæ, illa res potest rationem causæ participare, cui potest conuenire forma illa, quæ est ratio causandi.

Tertiò, his positis, duæ possunt esse extremæ sententiæ in præsentia sect. Prima est, causalitatem finis non consistere in motione aliqua respectu humanæ voluntatis, sed in hoc solum, quod effectus, qui à voluntate progreditur, in aliquid vt in finem ordinetur, ita vt esse finem nihil aliud sit, quàm esse id, cuius gratia aliud fit: nam hoc modo rationem finis Aristotèles vbique describit, præsertim 2. Physicor. & 5. Metaphysic. Vnde Caietanus supra dicit, causalitatem finis esse innominatam, significari verò per hanc vocem esse propter quod, seu id esse, cuius gratia. Et potest suaderi hæc sententia, quia in operibus Dei est propria causalitas finis, Deus enim verè ac perfectè operatur propter finem: sed respectu Dei non potest hæc causalitas consistere in motione voluntatis eius, vt videtur per se notum, quia id esset maxima imperfectio in Deo. Similiter in inferioribus agentibus naturalibus est propria causalitas finis, quæ non potest consistere in motione agentis, cum nō cognoscat finem: ergo similiter in voluntate humana, quæ est quasi media inter Deum, & res inferiores, philosophandum est. Secundò, quia vix potest intelligi, quæ vel qualis illa motio, quia vel est aliquid antecedens actum voluntatis, & hoc non, quia nihil est in voluntate: vel est ipsemet actus voluntatis, & hoc non, quia talis actus potius est effectus finis, quàm causalitas eius: mouet enim finis ad talem actum trahendo, & alliciendo voluntatem: ergo &c.

**IV.** **N**ihilominus hæc sententia nec rem ipsam, nec communem modum loquendi Theologorū & Philosophorum explicat. Primo enim Autores omnes ponunt causalitatem finis in motione metaphorica respectu nostræ voluntatis. Ita sentit D. Thomas 1. 2. quæst. 1. art. 1. & in quæst. de veritate, quæst. 22. artic. 2. vbi notanda sunt illa verba. *Sicut influere causæ efficientis est agere, ita influere causæ finalis est appeti seu desiderari.* & in quæstionibus de pœnitentia quæst. 5. artic. 1. inquit. *Finis non est causa, nisi quatenus mouet efficientem ad agendum: vnde vbi non est actus, non est causa finalis.* 3. Metaphys. text. 12. Et videtur hæc doctrina sumpta ex Aristot. 1. de Generat. cap. 7. Secundò, quod finis dicitur esse id, cuius gratia aliquid fit, solum est denominatio quædam extrinseca in ipso fine: ex eo quod aliquid aliud ordinatur ad ipsum: ergo non satis est hoc ad causalitatem propriam finis. Pater consequentia, tum quia hæc denominatio non dicit emanationem aliquam realem, nec influxum: tum etiam, quia aliàs quilibet terminus motus, & quodlibet obiectum cuiuscunque actus, quatenus est terminus, ad quem tendit operatio agentis, habebit propriam causalitatem

**III.**

1. *Opinio in præf. quæst.*

*Suadetur exemplis.*

*Item ratione.*

*Impugnatur proxima opinio.*



tatem finis. Item, cessante actione agentis hoc solo quod res esset propensa, seu inclinata natura sua in finem, duraret semper causalitas finis, quia semper durat illa denominatio, quod hæc res est propter illam, quæ emanare potest ex sola actione præterita, & ordinata ipsius agentis: hoc ergo solum non satis est ad explicandam hanc causalitatem finis.

V. Secunda sententia est, hanc causalitatem consistere in motione metaphorica voluntatis, quæ ex se antecedit tempore, & distinguitur ab omni actu elicitō ab ipsa voluntate. Quæ opinio in hunc modum explicari potest, quia finis non mouet voluntatem, nisi præcognitus sit: hoc autem ipso quod finis est cognitus, & bonitas eius, etiam si voluntas per proprium suum actum in illum non tendat (est enim libera, & potest suum actum suspendere) intelligitur excitari, & moueri à fine cognito, ut ipsum amet, & intendat: hæc enim excitatio & motio antecedit consensum voluntatis, & intelligitur oriri ex coniunctione & sympathia potentiarum intellectus, & voluntatis, quatenus in eadem animæ essentia radicanter: ergo in hac motione consistit causalitas finis, quia hæc motio metaphorica non videtur posse alio modo explicari. Et hoc confirmat secunda ratio facta in præcedenti sententia: quia quidquid post hanc motionem sequitur, non est nisi amor, vel intentio finis, qui sunt actus voluntatis, qui non sunt causalitatis: sed potius effectus causalitatis finis. Secundò, quia seclusa prædicta motione, postea finis solum se habet ut terminus specificans actum tendentem in ipsum: at verò sub hac ratione finis non exercet causalitatem finis, sed potius participat causalitatem formæ specificantis, ut significat D. Thom. 1. 2. q. 2. art. 6. ad 1. & in omnibus obiectis, actus specificatiuus est eadem ratio & modus causalitatis: ergo.

VI. Hæc vero nec intelligi possunt, nec satisfacere: quia hic non agimus de causalitate finis in actu primo, ut sic dicam, seu de proxima applicatione eius ad cauandum, sed de causalitate, & influxu eius in actu secundo, hic autem intelligi non potest priusquam in voluntate aliquid causatum sit; quia realis causalitas debet ad aliquid reale haberi, aliàs nihil esset: sed si in voluntate nulla est res noua, nec operatio aliqua, vel effectio, nihil intelligi potest, quod à fine causatum sit: ergo nec intelligi potest causalitas finis in actu secundo. Confirmatur ac declaratur, quia illa excitatio, quæ dicitur esse in homine cognoscente finem & bonitatem eius, antequam voluntas proprio motu moueatur, nihil aliud est reuerà, quàm cognitio & iudicium intellectus, nam in voluntate nihil de nouo positum est, quod ante non esset: sed iudicium intellectus non est causalitas finis, ut per se constat, sed potius est approximatio finis, ut causare possit: ergo non potest in hoc solo consistere causalitas finis. Dices fortasse ex hoc iudicio statim resultare in voluntate affectionem, vel motionem aliquam saltem per simplicem complacentiam, ratione cuius est actualiter, & vniuersaliter propensa in finem, ut illum intendat, & efficaciter amet. Sed hoc nihil refert ad rem de qua agimus, explicandam: primò quidem, quia, si hæc affectio est libera, potest voluntas illam suspendere: si autem est naturalis, non est per se ac semper necessaria ad causalitatem finis: huiusmodi enim imperfecti motus ex imperfecto modo operandi insurgunt in nobis, vel ex coniunctione appetitus, vel ex imperfecta deliberatione. At verò, seclusis his imperfectionibus, non sunt necessarij illi im-

perfecti actus, ut voluntas ex perfecto iudicio ac libertate à fine moueatur, ut videre licet in angelis, in Beatis, in Christo, & Virgine, & nonnunquam etiam contingit in nobis. Deinde de illo mer affectu simplici redit eadem difficultas: nam ille etiam est quidam actus voluntatis, unde est quidam effectus ipsius finis, de quo inquirendum superest, quæ sit causalitas finis circa talem actum: & quod de illo dictum fuerit, dici etiam poterit de perfecto actu intentionis, seu electionis.

Dico ergo causalitatem finis circa voluntatem nostram non esse in actu secundo, donec ipsa voluntas actu moueatur, & tendat in ipsum finem. Hæc assertio probatur sufficienter argumentis factis contra secundam sententiam, & videtur mihi expressè D. Thomæ locis nuper citatis, ex cuius verbis potest ratione noua confirmari: quia donec causa efficiens sit in actu, non potest intelligi causa finalis actu causare: nam si uis, ut definit Arist. est, cuius gratia aliquid fit: si ergo nihil actu fit, non est actu finis; si autem efficiens actum non efficit actu, nihil fit: & consequenter nihil fit propter finem: ergo, de primo ad ultimum, ante actum agentis non est causalitas finis: ergo pari ratione in voluntate ante actionem voluntatis non est causalitas finis circa ipsam in actu secundo. Quod tandem declaratur, quia vel hæc causalitas esset circa ipsam potentiam voluntatis, & hoc non, quia secluso actu illa non aliter se habet, nec immutatur aliquo modo: vel est circa actum ipsius voluntatis, & hoc esse non potest sine ipso actu.

Dico secundò: Causalitas finis in voluntate non est res aliqua, nec modus distinctus ab actu & actione voluntatis: sed est ipsamet actio, quæ simul est & à voluntate in genere causæ efficientis, & à fine in suo genere, scilicet, trahente, & determinate voluntatem ad talem actum. Hæc conclusio hoc solo sufficienter probatur, quia non potest intelligi quid aliud sit hæc causalitas finis, nec aliud est necessarium ut voluntas moueatur in finem: ergo reuera in hoc consistit. Deinde potest exemplis declarari, quia sicut in potentia cognoscitiua actio eius natura sua pendet à potentia, & ab obiecto ut mouente potentiam, ita suo modo actio voluntatis, in potentia autem cognoscitiua eadem actio ut est à potentia est concursus eius ad talem actum, & ut est ab obiecto est similiter causalitas eius: ergo eodem modo in voluntate actio eius, quia intrinsecè, & essentialiter pendet ab his duobus principiis, scilicet à potentia & à fine proposito, ut est effectiue à voluntate, est concursus eius: ut verò est à fine in suo genere causæ, est motio actualis eius, nec oportet in illa actione duas rationes, aut modos distinguere, quia per se ipsam & essentialiter postulat utramque habitudinem. Solum est, differentia, quod in potentia cognoscitiua concursus potestatis pertinet ad causam effectiuam, in voluntate vero ad causam finalem, quod prouenit ex propriis modis operandi talium potentiarum. Aliud exemplum adhiberi potest in causa exemplari, quæ media apprehensione concurrat etiam ad effectum suum, & concursus eius solum in hoc consistit, quod fiat effectus ad imitationem eius: unde in re non distinguitur ab actione agentis, sed eadem actio quæ profluit effectiue ab agente, manat ab idea exemplariter, ut sic dicam, & ut sic, est concursus eius: sic ergo in præsentī dicendum est.

Vnde intelligitur 1. huiusmodi modum causalitatis finis tantum habere locum in agentibus per cognitionem, nam alia agentia non possunt à fine moueri; & ideo est communis omnium sensus, apprehensionem finis esse illi vel ratione causandi, vel ratione necess-

VII.

VIII.

IX.

1. Corollar.  
Causalitatem finis proprie solum reperi in agentibus intellectualibus.



fariam ad cauſandum. Vt autem hæc cauſalitas propria ac formalis ſit, neceſſe eſt vt hæc cognitio ſit intellectualis: quia, vt infra dicemus, ſolum finis mouet ſub ratione boni & conuenientis. Sub hac autem ratione propriè & formaliter ſolum cognofci poteſt per intellectum, quia neceſſarium eſt cognofcere habitudinem vnius ad aliud, & proportionem quandam inter appetibile, & appetentem, ſeu inter medium & finem. Vnde bruta, quamuis per cogitationem moueantur ad appetendum, & ideo ſit in eis quædã participatio huius cauſalitatis finis, tamen non eſt perfecta in eis ac formalis ratio finis propter cauſam dictam.

X. 2. Corollar. non tamen reperiri in intellectu in creato. Secundò colligitur, hanc cauſalitatem finis, prout exercetur in voluntate, non reperiri propriè in Deo, nec in voluntate eius: ſed ſolum in voluntate creata, quæ per actionem propriam, & actum à ſe diſtinctum mouetur in finem: quia vt dixi, vbi non eſt actio agentis, non eſt actualis motio finis: ſed in voluntate diuina non eſt propria actio, quæ tendat in finem, quia actus, quo Deus vult quidquid vult, non diſtinguitur à voluntate eius, nec eſt aliquid factum, ſeu cauſatum: nihil enim, quod ſit ipſemet Deus, poteſt habere veram cauſam; voluntas autem Dei eſt ipſemet Deus. Dices. Ergo Deus non verè ac propriè operatur propter verum finem. Reſpondeo, negando conſequentiã ſimpliciter: 1. quia, vt notauit Gabriel in 2. d. 1. q. 5. a. 1. aliud eſt loqui de fine, aliud de cauſa finali: finis autem tantum dicit terminum ſeu rationem extremi, ad quod aliud ordinatur; cauſa verò finalis, propriè dicit id, quod mouet agens ad operandum: quamuis autem reſpectu Dei, & voluntatis eius, finis non habeat hanc cauſalitatem, tamen Deus altiori, & perfectiori modo ordinat effectus ſuos, ſeu exteriores actiones ad determinatos fines: & ideo perfectiſſimo modo, & ablatis omnibus imperfectionibus, operatur propter finem. Secundò, quia licet diuinæ voluntatis non detur propria cauſa, dari tamen poteſt ratio eius ex parte finis deſumptæ, vt docet D. Thom. 1. cont. Gen. cap. 86. & hoc modo fine cauſalitate finis circa diuinam voluntatem Deus propriè operatur propter finem. Atq; ex his ſatis reſponſum eſt ad ſumma aliarum opinionum, in nu. 3. & 5. & amplius patebit ex ſequenti ſect.

## SECTIO I I.

*Verum cauſalitas finis in voluntate noſtra ſit tantum reſpectu mediorum, vel etiam reſpectu ipſius finis.*

I. Explicata motione cauſæ finalis in voluntate noſtra, ſuper eſt explicandum, quotuplex ſit hæc motio, & circa quos actus verſetur: nam inde conſtabit qui ſint effectus finis: ſupponimus autem in genere quosdam actus voluntatis verſari circa finem ipſum amando vel intendendo illum, vel fruendo illo; alios verò circa media, quæ propter finem eliguntur. Eſt ergo quorundam ſententiã, cauſalitatem finis ſolum exerceri circa media, quæ propter finem appetuntur atque ad eò motionem voluntatis ad appetendum finem propter ſe ipſum non eſſe, nec pertinere ad cauſalitatem finis, ſed ſolum eam motionem, qua eligit media, vel eis vtitur propter finem. Ita Gab. in 2. d. 1. q. 5. a. 1. & Gregor. in 1. d. 1. q. 1. a. 2. & Medina 1. 2. q. 8. in principio, & idem ſentit Heruzus quodlib. 1. q. 8. & quodlib. 2. q. 1. quatenus dicit rationem finis conſiſtere in hoc, quod facit media eſſe amabilia propter ipſum: in quo magis explicat aptitudinem quam actum. Poteſt autem

Franc. Suarez, De fine Hominis.

hæc ſententia probari ex Ariſt. 2. phyſic. cap. 3. & 5. Metaph. cap. 2. dicente finem eſſe cuius gratia aliquid ſit: nam in hac definitione aſertè explicat habitudinem medijs ad finem. Vnde 3. Metaphyſ. cap. 2. inquit, *Omne, quod per ſe & propter naturam ipſius, bonum eſt, finis eſt, atq; ita cauſat*, quoniam illius gratia cetera ſunt: in quibus verbis ſignificat, illam rem eſſe finem, quæ per ſe bona eſt, & amabilis: & hanc conditionem ſupponit requiri antè cauſalitatem finis, hanc verò cauſalitatem in hoc conſiſtere, quod huius rei gratia aliquid fiat ratione prædicta. Confirmari hoc poteſt, quia finis dicit eſſentialiter habitudinem ad media, vt ex ipſa vocis proprietate conſtat, nam finis idem eſt quod extremum; vbi autem non eſt medium, nec extremum eſſe poteſt: ergo cauſalitas finis propriè non exercetur niſi circa media. Et confirmatur, nam Deus licet ſe ipſo ſit beatus, & ſe propter ſe amet, & in ſe ipſo quieſcat, non eſt propriè finis ſui ipſius, quia non tendit per aliquod medium ad conſecutionem ſui, vel ſuæ beatitudinis: ergo ſignum eſt cauſalitatem finis ſolum exerceri in ordinatione mediorum ad finem.

Nihilominus dicendum eſt, finem exercere cauſalitatem ſuam circa voluntatem noſtram, non ſolum vt eligentem, vel vtentem medijs, ſed etiam vt amantem, vel intendentem finem ipſum. Quam ſententiam latè tradidi in diſp. 23. Met. ſect. 3. & in primis exiſtimo eſſe doctrinam D. Tho. 1. 2. q. 1. art. 1. ad 2. dicentis, voluntatem noſtram operari propter finem, etiam agendo actionem quæ eſt vltimus finis; non poteſt autem operatio eſſe propter finem in noſtra voluntate, niſi interueniente cauſalitate finis. Idem conſtat ex loco ſupra citato, de veritate q. 22. art. 2. vbi dicitur, influxum finis eſſe amari & deſiderari. Idem 3. contra Gentes c. 2. dicit finem eſſe id, in quod tendit imperus agentis: ergo ſiue tendat per electionem, ſiue per intentionem, ibi exercetur ratio, ſiue cauſalitas finis. Præterea Ariſtor: 2. Metaph. c. 2. ſic inquit, *ipſum cuius cauſa finis, tale autem eſt id, quod non eſt alterius gratia, ſed eius cauſa cetera*: vbi per negationem illam explicat poſitiuam quandam motionem, aut conditionem finis propriè ac ſimpliciter dictam, in qua illa negatio fundatur, ſcilicet vt propter ſe ametur ſeu intendatur: ergo vtraque illarum actionum, ſeu motionum pertinet ad cauſalitatem finis, & quodammodo integrat rationem eius, quinimò quod finis habeat vim ad mouendum & trahendum voluntatem ad ſe, habet & virtutem trahendi illam propter finem.

Vnde ratione argumentor hoc modo; quia finiſtrahendo voluntatē ad eligenda media ppter ipſum, exercet cauſalitatem ſuam: ergo & trahendo voluntatem ad volendum eundem finem propter ſe. Probatur conſequentia: nam in electione medijs propter finem duo poſſunt conſiderari: vnum eſt quod ex intentione, quæ eſt actus voluntatis, oritur electio, & hoc non pertinet ad voluntatem finis, ſed efficientis, vt poſtea videbimus. Alterum eſt quod finis propoſitus, & intentus mouet in ſuo genere ad electionem mediorum, tanquam forma dans illis appetibilitatem; ſed in hoc eadem, vel maior ratio eſt de ipſo fine trahente voluntatem ad appetitionem ſuam: ergo pertinet hoc ad cauſalitatem finis non minus, quàm illud. Secundò voluntas noſtra tendit in finem per veram actionem ſuã, quam perfectò, & rationabili modo operatur: ergo ſicut illius actionis datur vera cauſa efficiens, ita etiam vera finalis cauſa, quæ eſt prima earum. Tertio, Amor Dei ſuper omnia reuera

A 3 eſt amor

II.

III.



est amor ultimi finis ut sic; ergo ille amor causatur à bonitate Dei in genere causæ finalis. Vnde in beatis voluntas, quæ necessario amat Deum, ab ipsa Dei bonitate clarè viſa, in hoc genere causæ determinatur, & necessitatur ad hunc amorem, & si per possibile, vel impossibile homo haberet illam beatitudinem sine aliis mediis, nihilominus consequeretur Deum, & frueretur illo ut ultimo fine suo, & Deus exerceret quoad hos actus, circa voluntatem causalitatem finis ultimi, sicut Angelus, licet natura sua absque aliis mediis, statim habeat beatitudinem naturalem in Deo ut in fine naturæ, nihilominus illum respicit ut finem suum, atque adeo ut causam finalem omnium actionum, quibus tendit in ipsum. Denique negari non potest quin finis determinet, & moueat voluntatem ad hos actus; sed illa ratio non potest ad aliud genus causæ pertinere: ergo.

## IV.

Qui sint effectus finis.

Qui eorum proximi, qui remoti.

## V.

Atque ex hac resolutione intelligitur primò quos effectus habeat causa finalis in voluntate nostra: omnes enim actus, quos voluntas exercet tam circa finem ut sic, quam circa media propter finem, sunt proprii & immediati effectus causæ finalis, in quibus ita est distinguenda ratio effectus à causalitate ipsa, sicut distinguitur actio à termino, ut constat ex dictis in præcedenti sectione. Intelligitur secundò, omnem hanc finis causalitatem proximè & immediatè versari circa actus elicitos ab ipsa voluntate, per illos autem extendi, & communicari aliis actibus humanis, qui ab huiusmodi voluntatis actibus imperantur: ab eis enim diriguntur, & ordinantur in finem, quod est notandum pro his, quæ postea tract. 3. dicemus de bonitate, & malitia horum actuum, & in Disputatione sequenti amplius hoc explicabitur.

Ad fundamenta prioris sententiæ in n. 1. respondetur primò. Arist. in verbis illis, *finis est, cuius gratia aliquid fit*, virtute comprehendisse illa duo, scilicet quòd finis propter se ametur, & alia propter ipsum. An vero utrumque eorum sit de ratione finis, dicam infra sect. 4. Dico præterea quando finis intenditur, vel amatur, ibi aliquid fieri, scilicet, ipsam intentionem, vel affectionem circa finem, & illud ipsum fieri gratia finis: nam sicut propter bonitatem finis cogniti eligit homo media, ita propterea eandem bonitatem finis cogniti eligit amorem, seu intentionem talis finis. Vnde ad rationem, videlicet, quia finis dicitur habitudinem ad media, primo respondetur, licet dicat habitudinem ad media, non tamen ad sola illa, sed ad omnem effectum, quem in suo genere causare potest: nam sicut efficiens dicitur habitudinem ad factum, seu ad omne id, quod à virtute effectiua prodire potest: ita finis, ut est causa, dicitur ad omne id habitudinem quod ex virtute finalizandi causari potest. Deinde etiam faciendo vim in nomine finis, quod significet terminum & extremum, respondetur, non solum esse terminum respectu mediorum, sed etiam respectu voluntatis intendentis in ipsum finem propter se amatum, sub qua ratione habet rationem cuiusdam ultimi, & extremi, quia ut sic non ordinatur in aliud, & ipsemet actus voluntatis, qui quodammodo mediat inter ipsam & finem, in ipso fine consistit tanquam in ultimo terminò. Ad confirmationem de Deo responsio est clara ex superius dictis *quest. præced. num. 11.* nam in Deo ad intra quatenus se amat propter se, non est causalitas finis proprii, quia non interuenit aliquis actus, qui propriè fiat ex motione finis.

);(

## S E C T I O III.

*Utrum finis exerceat causalitatem suam sub ratione boni cogniti.*

Explicuimus causalitatem finis, & effectum eius: sequitur ut dicamus de ratione causandi, seu de virtute, per quam causat. De qua duo sunt certa, circa quæ alia erunt dubitanda, & explicanda.

Primò igitur certum est, finem in suo genere causare, quatenus quoddam bonum, & conueniens est. Hæc est sententia D. Thomæ 1. 2. *quest. 1. art. 1. in fine corporis*, quam latè tractat 3. *con. gentes c. 2. & 3.* ubi probat, idem esse operari propter finem, & propter bonum: & 1. p. q. 5. a. 4. similiter probat bonum habere rationem finis, ubi in solutione ad 2. in hunc modum explicat illud Dionysij 4. cap. de Diuinis nominib. *Bonum est diffusivum sui.* Eandem doctrinam habet Alensis 1. par. q. 17. memb. 3. & 34. memb. 1. & colligitur ex Arist. 1. *Ethicor. capit. 7.* dicente, id esse unicuique bonum, cuius gratia cetera operantur. Idem lib. 1. *Ethic. in fine, & 2. Phys. cap. 3.* ubi dicit, finem & bonum idem esse. Ratio verò constat ex dictis, quia causalitas finis in hoc consistit, quòd trahit voluntatem ad se propter se amandum, vel alia propter ipsum: sed nihil potest trahere voluntatem nisi bonum, quatenus bonum est: ergo bonitas est à qua habet finis virtutem causandi finaliter; est ergo illi ratio causandi.

Hanc autem veritatem per se claram, obscuriorem reddit Caiet. 1. p. art. 4. q. 5. dicens, bonitatem formalem esse ipsam rationem causæ finalis in actu exercito, non verò in actu signato, nisi tantum fundamentaliter. Quorum verborum sensus in idem redit. Nam per hoc nomen bonum non explicatur res sub habitudine ad effectum, seu actum finaliter causandi, & hoc vocavit Caiet. finem in actu signato, quam rationem non significat formaliter ratio boni, sed tantum explicat perfectionem obiecti, seu convenientiam quam habet cum voluntate, ex qua habet quòd finalizare possit, quam habitudinem formaliter explicat nomen, seu ratio finis; & ideo dicitur fundari in bonitate. Et hoc modo dixit Caiet. bonum significare rationem finis in actu exercito fundamentaliter, ac si in causa efficiente diceremus calorem, v. g. esse finem agentis fundamentaliter, tamen ut sic non significat formaliter ipsam habitudinem efficientis.

Secundo certum est ut bonum causet finaliter necessarium esse ut cognitum sit; quia appetitus vitalis sequitur formam apprehensam, & ideo ferri non potest nisi in obiectum cognitum ut constat ex Philosophia, & ex 1. p. q. 80. & sequentibus. & ex q. 8. & 9. 1. 2. viderique possunt quæ scripti in disp. 23. *Metaph. sect. 7.* & lib. 2. de orat. mentali. cap. 13. Hinc verò oriebatur occasio disputandi quomodo se habebat esse cognitum ad rationem causandi finalem, an scilicet sit tantum conditio necessaria, vel etiam ratio causandi, & consequenter an bonum causet cognitum finaliter secundum esse cognitum, vel secundum esse reale. Quam questionem latè tractat 1. 2. q. 1. art. 1. Medina; & Caiet. *ibid.* & antea in 1. p. q. 5. art. 4. & Ferrar. 1. cont. Gen. cap. 44. & aliqui Theologi in 2. dist. 1. præsertim Gabr. p. 5. alij verò in 2. dist. 25. præsertim Scot. & Capreol. Sed quoniam hæc res in disp. 23. *Metaph. sect. 8.* à me latè traditur, & ut existimo, nihil difficultatis habet, dicam breviter quæ sentio, & quod ad Questiones Theologicas postea tractandas est necessarium.

Aduer-

I.  
Finis ratio seu virtus, per quæ causat, est bonitas.

II.  
Exponitur Caiet. circa rationem causandi finaliter.



III.  
Cognitio ob-  
iecti finali-  
zantis non  
pertinet ad  
rationē cau-  
sandi fina-  
liter, sed est  
sola cōditio.

Aduertendum est ergo, interdum appetere voluntatem obiectum cognitum solum in ordine ad cognitionem, vt v. g. quando contemplādo rosam non appetit illam habere, sed tantum considerare, & cognoscere, & tunc esse cognitū non solum est conditio, sed est ratio mouendi voluntatem; quia non solum est quid prærequisitum vt voluntas moueatur, sed etiam est terminus appetitionis, cuiusmodi est quæcumque alia res quæ iudicatur esse conueniens, & hoc modo quando homo delectatur tantum in cognitione non verò in re cognita secundum se, esse cognitum est id, à quo actus accipit suam rationem, & bonitatem vel malitiam: sicut est quando homo appetit videre Deum, illud esse visum pertinet ad formale obiectum, quod est causa finalizandi. Aliquādo verò voluntas appetit obiectū cognitū vt re ipsa illud habeat & cōsequatur, vt quando appetit sanitatem, & tunc plane ratio finalizandi est bonitas, quam in re ipsa obiectū habet, vel apprehēdit, quia illud est finis voluntatis, in quod tendit impetus agentis, sed nō tēdit nisi in esse reale ipsi finis, vt illud habeat & obtineat: ergo. Item, illud habet propriam rationem finis, quo consecuto, quiescit voluntas, & quo deficiente frustratur ab intentione sua, sed non quiescit in sola apprehensione, nisi re ipsa finem consequatur, & nisi hoc obtineat, frustrari dicitur: ergo signum est moueri à fine secundum suum esse reale. Non est autem intelligendum requiri ad causalitatem finis quod res illa, quæ est finis à parte rei præexistat, quia cū solum moueat metaphorice per cognitionem, satis est quod animo apprehendatur, & quasi in imagine repræsentetur; sensus ergo est rem illam secundum esse reale, quod obicitur, & in ea apprehenditur, mouere voluntatē, & habere causalitātē finis, quia secundum illud esse iudicatur cōueniens: mouet autem, vt diximus, quatenus cōueniens iudicatur; cognitio igitur huius cōuenientię, & bonitatis, non est propria ratio mouendi, quia tunc voluntas non appetit cognoscere, sed dicitur esse cognitio necessaria per modum approximationis, non quidem secundum locum sed tantum subordinationem potētiarum animæ; & quia sine illa nō habet finis illud modum quo indiget ad suam causalitatem. Et hoc modo explicata hæc sententia clarior est, vt patet ex Scot. Gabr. Caiet. & Feirar. locis supra citatis, & nullam habet difficultatem alicuius momenti.

Existētia  
realis non  
ingreditur  
etiam rati-  
onem cau-  
sandi fina-  
liter.

IV.  
Notatio pro  
precedente  
doctrina.

Vt tamen facile dissoluatur multa argumēta, quæ hīc multiplicat Medina, oportet vltimò aduertere, quod sicut in causa efficiēte approximatō non est ratio agendi, sed conditio, potest tamen ratione illius variari actio, si diuersum agens applicetur, ita & in hac apprehensione, seu cognitione intellectus, contingere potest, vt ratione illius varietur actio voluntatis, si in obiecto aliud esse, seu aliam rationem apprehendat boni, vel mali: quo sensu dici solet finem specificare actū voluntatis, non vt in re est, sed vt apprehenditur: nam licet elemosyna, v. g. in re sit bona, si quis illam existimat malam, actio voluntatis non est bona sed mala. Propter quam rationem videtur dixisse D. Thom. 1. 2. q. 31. a. 3. ad 1. cum obiectum voluntatis sit bonum apprehensum, diuersitatem apprehensionis pertinere ad diuersitātē obiecti, atq; idem sentit Cai. q. 30. art. 3. Sed hæc non sunt contraria, quia tunc apprehensio boni, tantum variat obiectum in quantum in illo apprehendit, & applicat diuersum esse obiecti, atque adeò distinctam bonitatem, vel conuenientiam, quæ vt dixi, est ratio mo-

uendi voluntatem. Quocirca quando dicitur obiectum mouere vt apprehensum, cauenda est æquiuocatio in illa particula reduplicante: nam si reduplicet solum denominationem prouenientem ab apprehensione, ita vt ipsa apprehensio sit forma, per quam finis mouet, falsum est, vt dixi, si autem reduplicet ipsum esse obiecti, quod apprehendit, sic vera est locutio, atque eodem modo diuersitas cognitionis, quæ se tenet tantum ex parte potētiz, aut cognitionis, seu in propriis qualitatibus ipsius actus intelligendi, vt sunt, v. g. quod sit clara, vel obscura, & similis; hæc, inquam, diuersitas non variat rationem finis, & consequēter nec motionem voluntatis: at verò diuersitas cognitionis, quæ redundat in obiecto, scil. quia aliud est quod cognoscitur, vel alia proprietas in eo apprehenditur, hæc variat finem & motionē, quia proponit & appropinquat subiectum secundum aliud esse obiecti: vnde quasi diuersificat illud, & sic reddit diuersam cognitionē non ex parte esse cogniti absoluti, sed ex parte obiecti quod cognoscitur. Et hæc de causalitate, effectu, & principio, seu forma, quæ est principium finis

#### SECTIO IV.

*Sub qua ratione boni moueat finis, & consequenter an media participent causalitatem finis.*

Cum triplex sit bonum, honestum, delectabile, & vtile: de duobus primis nulla est questio, quia de honesto per se notum est maximè per se expetibile, quinimò ait Diuus Thomas 1. p. quest. 5. art. 6. rationem honesti in hoc consistere, quod sit per se conueniens: de bono verò delectabili dixit Aristot. 10. Ethic. cap. 2. & cum eo D. Thom. 1. 2. quest. 2. art. 6. ad 1. stultum esse querere propter quid appetatur. Nam delectatio ex se habet appetibilitatem. Vnde constat vtramque hanc rationem boni esse sufficientē ad causandum finaliter, quia quod mouet vt per se appetatur, et habet vim ad mouendum vt alia appetantur ppter ipsum finem, si fuerint necessaria, aliàs prior motio non esset efficax, nam ex efficaci intentione finis sequitur electio medijsi necessaria sit. Tota ergo questio versatur de bono vtili, quod non est propter se bonum, nec propter se amabile, sed tantum propter aliud: loquimur enim formaliter de bono vtili, vt sic, nam si contingat bonum quod est vtile ad vnum finem, esse aliàs per se conueniens, vel delectabile, illud est accidentarium ad rationem vtilis, & sub ea ratione participabit obiectum illud aliam rationem finis, nam quatenus vtile est, propriè habet rationem medijsi & ideò hæc questio coincidit cum illa, an medium, vt medium, finaliter causet, in qua re tres excogitari possunt diuersæ sententiæ, quas laus attuli disp. 23. Metaphys. 5. sect. 6.

I.  
Resolut. af-  
fir. quoad  
bonum ho-  
nestum &  
delectabile.

Dubitatio  
solum ver-  
satur de bo-  
no vtili, vt  
sic.

Prima est, bonum vtile, ex hoc solum quod vtile est, atque adeo omne medium, siue sit primum siue secundum, posse habere rationem causæ finalis. Hanc sententiā videtur indicare Gabriel in 1. d. 38. quest. 1. artic. 1. vbi ex sententia Gregorij distinguit triplicem finem; vnus est, qui per se appetitur, & alia propter ipsum, quiescit finis vltimus in aliqua serie. Alius qui non propter se appetitur, sed alia appetuntur propter ipsum, vt sunt media intermedia: tertius est, qui nec propter se appetitur, nec alia propter ipsum:

II.



sed solum ipse appetitur propter alia, ut est primum medium in executione, & ultimum in intentione. Ratio verò huius sententiæ esse potest quia causalitas finis consistit in motione voluntatis; sed voluntas non tantum mouetur ad finem, sed etiam ad omne medium, quandoquidem illum appetit, nec etiam mouetur à solo fine ultimo, seu à bono per se amabili: sed etiam ab ipso bono, & medio utili, ut sic: ergo in illo reperitur causalitas finis. Probatur ultima pars minoris, in qua est difficultas, quia ipsum medium est bonum utile, & utilitas est aliqua bonitas in ipso existens, non enim inhæret in fine, sed in ipsa re, quæ est utilis ad finem: ergo medium ratione suæ utilitatis trahit voluntatem ad se. Secundo, quia voluntas determinatur ad eligendum hoc medium potius quàm illud, non à fine, sed à medio, scilicet, quia est magis aptum ad comparandum finem: ergo est in ipso medio causalitas respectu voluntatis ad alliciendam, & determinandam illam.

III. Secunda sententiæ extremæ contraria est, nullum medium participare rationem, vel causalitatem finis. Cui videtur fauere Aristoteles loco citato suprâ sect. 2. num. 2. ex 2. *Metaph. cap. 2.* vbi dicit de ratione finis esse, ut alia appetantur propter ipsum, & ipse non propter alia; ergo nullum medium habet rationem finis: nec dici potest Aristot. ibi loqui de fine ultimo; nam potius ex illo primo intēdit probare perueniendum esse ad aliquem finem ultimum, & non procedi in infinitum in causa finali: loquendo ergo de fine ut sic, verè in 2. *Phys. cap. 3.* dicit, omnia media, etsi inter se subordinata sint, esse propter unum finem intentum, v. g. propter sanitatem: & 1. *Ethic. ca. 7.* dicit, in vnaquaq; serie illud esse finem, quod ultimo appetitur. Et ideo adiungi potest confirmatio ex ipso nomine Finis, significat enim id, quod est extremum, & in quo sistit voluntas tendens ad finem. sed non habet rationem extremi, nisi id, quod propter se amatur, nec voluntas in alio sistit, nam per quodcunq; medium ulterius tendit in finem: ergo.

IV. Tertia sententiæ distinguit: nam medium considerari potest, vel quatenus amatur propter aliud, vel quatenus aliud amatur propter ipsum: & priori ratione negatur habere finis rationem, quia sub illa exercet formalem rationem medij: medium autem & finis ut sic, saltem ratione formali distinguuntur. Posteriori autem ratione dicitur habere rationem finis, quia ut sic, non exercet rationem medij, sed potius rationem termini, non ultimi, sed proximi & intermediij. Ex quo fit, illud medium, quod est executione primum, seu intentione, ac resolutione ultimum, nullo modo habere rationem finis, quia tantum propter aliud eligitur, & nihil amatur propter ipsum: reliqua vero media, quæ inter primum medium & finem ultimum intercedunt, participabunt rationem finis modo iam dicto. Hanc opinionem tenet Ægidius in 2. d. 28. q. 2. a. 2. & significat Gab. 2. d. 1. q. 5. a. 1. citans Ocham ibi qu. 3. a. 1. & videtur sententiæ D. Tho. 3. cont. Gent. c. 2. vbi in ratione finali inquit, In his, quæ sunt ad finem, omnia intermedia sunt finis respectu prioris: & in 2. *Phys. in lect. 5.* in hunc modum explicat citatum locum Arist. dicens: de ratione finis non esse, quod sit ultimum simpliciter, sed solum respectu præcedētis: & eodem modo exponit Aristot. 1. *Eth. ca. 7.* vbi certè videtur Philosophus multum fauere, nam apertè dicit, non omnes fines esse perfectos & propter se expetibiles, & inter fines ponit diuitias, & instrumenta artis, quæ sine dubio sunt media ulterioris finis, licet comparentur ut finis respectu earum actionum, per quas fiunt, vel acquiruntur. Inter

has sententias hæc postrema melius loquitur, & simpliciter verior est: tamen, quia secunda in aliquo sensu dicit etiam aliquid verum, oportet aliam distinctionem adhibere præter iam dictam. Possumus enim loqui de fine aut quoad propriam causalitatem finis, prout à nobis explicata est, vel solum, quoad rationem, & denominationem termini, propter quem aliquid fit.

V. Dico ergo primo, propriam causalitatem finis reperiri tantum in eo fine, qui in sua serie est ultimus, atque adeo in bono tantum, quod propter se amatur, & non propter aliud. Hæc conclusio colligitur ex Aristotele in secunda sententiæ citatus: & probatur ratione, quia omnia media à primo usque ad ultimum, non sunt amabilia propter se, sed solum ratione finis: ergo media non trahunt voluntatem ad se, sed solus finis est, qui trahit voluntatem ad omnia media. Vnde D. Thomas 1. part. quest. 5. artic. 6. Utilia, inquit, dicuntur, quæ non habent in se, vnde desidererentur: ergo non habent in se, vnde causentur finaliter: ergo tota causalitas est à bono per se amato. Secundo, quia media, ut amantur propter aliud, non exercent causalitatem finis; ergo nec illam exercent quatenus aliud amatur propter ipsa: ergo nullo modo sunt finis. Primum antecedens recte probatur, ab ultima opinione, & ex communi modo loquendi omnium Philosophorum constat: non enim distinguunt finem qui fit etiam medium, à fine ut fine. Item, quia tota causalitas ipsius finis, ut suprâ visum est, comprehenditur in illis duobus actibus, quod propter se amatur, vel alia propter ipsum: quin potius causalitas finis maxime censetur exerceri in electione mediolorum propter finem. Probatur verò prima consequentia, quia si medium, quatenus ipsum eligitur vel amatur, non habet vim causandi finaliter, ergo nec illam habebit, quatenus aliud amatur propter ipsum: quia si non habet vim trahendi voluntatem ad se, multò minus habebit vim trahendi voluntatem ad alia propter se: ergo sola hæc vis & causalitas est in fine. Tertiò argumentor ex specificatione actuum, nam omnes actus circa media, siue sint immediatè propter finem ultimum in illa serie, siue sint eligendo vnum medium propter aliud, omnes, inquam, illi actus sumunt suam speciem ab actibus voluntatis, quatenus est principium eorum: ergo. Antecedens autem per se notum & certum est, ut latius dicturi sumus Tractatu tertio. Tandem confirmari potest conclusio exemplis: nam in adoratione, v. g. quæ dicitur respectiua, quamuis res adorata sit, v. g. imago, vel calix, vel aliquid huiusmodi; tamen tota ratio & causa adorationis est excellentia personæ, propter quam fit adoratio: ita autem se habet medium respectu finis sicut imago respectu personæ representatæ. Simile exemplum est in dilectione, qua proximus amatur præcisè propter Deum: nam licet proximus sit res amata, tamen tota ratio & causa ipsius amationis, est bonitas Dei: sic ergo & in præfenti.

VI. Dico secundò, considerando in fine habitudinem termini, quæ explicatur illa voce, propter quam, vel cuius gratia aliquid fit: hoc modo dici possunt media interiacētia inter primum medium, & ultimum finem, participare rationem finis. Hoc probant fundamenta tertiæ sententiæ, & modus loquendi non solum Philosophorum & Theologorum, sed Sacræ etiam Scripturæ: sic enim dicitur Christus, v. g. mortuus propter nostram salutem, quamuis ille non fuerit finis ultimus mortis eius, sed gloria Dei: non potest au-

tem



tē negari, quin per hæc verba explicetur ratio finis, quinimò Arist. inde probare solet aliquid esse finem, quia per illum respondemus quæstioni, propter quid. Denique quia constat remotum medium non ordinari ad finem ultimum, nisi mediante proximo medio, ad quod immediate refertur: imo nec habet convenientiam, & proportionem cum ipso fine, nisi mediante medio proximo: ergo ordinatur ad illud ut ad propinquum finem, seu terminum: ergo sub hac ratione participat illud medium rationem finis: unde tandem fit medium ultimum in electione, seu resolutione, quod est primum in usu & executione, non enim posset propriè dici finis cum non moueat ut finis, nec propter se aliquid moueat, sed omnino ipsum habet propter aliud: ergo nec rationem causæ, nec rationē terminī, quæ est in fine, propriè participat. Verum est, interdum Diuum Thomam 1. parte, quæstione quinta, articulo sexto, vocare bonum utile ut sic terminum proximum motionis voluntatis, sed illud intelligi non propriè de ratione terminandi, quæ est in fine, sed eo modo, quo omne obiectum, seu materia, circa quam versatur actus mentis, seu voluntatis, potest dici terminus eius, & adhuc sub ea ratione non ipsum obiectum, ad quod terminatur electio, seu motio interior voluntatis, sed ipsemet voluntatis actus est quasi secundum medium, quod ad finē ordinatur, talis electio fit propter finem consequendum.

VII.

Ex dictis constat responsio ad fundamenta secundæ & tertiæ opinionis, quia prout à nobis exposita sunt, non sunt contraria, & ita fundamenta earum probant assertiones positas. Ad fundamenta vero primæ opinionis, respondetur, quamuis medium, ut amatur propter finē, materialiter terminet actum voluntatis, tamen solum finem esse, qui trahit voluntatem ad huiusmodi materiale obiectum, quod nō est appetibile, nisi ex bonitate finis. Ad primam verò probationem, quod utilitas est in medio, respondetur, si per utilitatem intelligamus formā aliquam, vel vim actiuam, ratione cuius medium conferat ad consequendum finem: verum est huiusmodi utilitatem esse in ipso medio; v. g. in potione amara est virtus expellendi prauum humorem, & sic de aliis: & hoc modo illa forma est aliqua bonitas conueniens illi rei, cuius est perfectio: nihilominus tamen respectu eius, qui amat huiusmodi rem solum ut mediū, tota illa utilitas non est appetibilis, nisi ex bonitate finis, à quo quodammodo extrinsecè informatur. Et hoc modo loquendo de bonitate & utilitate mediij ut appetibilis est ab operante propter finem, sic negatur intrinsecè in medio, sed extrinsecè à fine. Propter quod dixit D. Thom. 1. p. loco citato in num. preced. bonum utile tantum esse analogicè bonum.

VIII.

Ad secundam probationem respondetur comparando varia media ad finem, posse inueniri æqualitatem in ipsis mediis ut utilia sunt ad finē, & tunc si voluntas eligat vnum præ alio, tota causa finalis illius determinationis est finis, effectiua verò est voluntas liberè operans, & possunt in eadem terminatione duo distingui, vnū est absolutum, scilicet quod voluntas hoc eligat præ illo, & hoc non est necesse quod sit à fine, nec requirit causam finalem positiuam, quia illa comparatio præter electionem vnus mediij, solum addit negationem alterius, & ad non eligendum non requiritur specialis finis, sed solum quod illud medium non sit necessarium. Atque idem dicendum est (si contingat media esse inæqualia) voluntatem pro libertate sua eligere quod mi-

nus utile est; quod, an facere possit, disputabimus inf. tract. 2. At verò quando media sunt inæqualia, & voluntas eligit quod est vtilius, totum illud attribuitur fini, ut causæ finali, quia ille, quantum est de se, ad hoc totum mouet; quod si interdum voluntas non ita mouetur, non est ex defectu finis, sed ex libertate volūtatis, quæ non patitur necessitatem à fine. Et hoc quidem verū est quando excessus mediij est propriè ac formaliter in utilitate: nam si contingat esse in aliis conditionibus, v. g. quia est suauius, vel delectabilius, tunc non solum à fine, sed ab ipso medio prouenit, quod voluntas magis ad illud trahatur, quàm ad aliud, sed sub ea ratione mediū non se habet ut purè medium, sed admiscetur aliqua ratio finalis finis proximi, quia res illa, quæ est medium, iam non solum amatur propter utilitatem ad aliud, sed etiam, quia est aliquo modo per se bona & amabilis.

## SECTIO V.

### Quomodo se habeat finis ad obiectum adæquatum voluntatis.

Decisio huius quæstionis ex præcedenti haberi potest, & à D. Thoma tangitur 1. 2. quæst. 1. art. 1. eritque utilis ad ea quæ dicenda sunt, & ideo breuiter præmittenda. Ratio autem dubitandi est, quia obiectum adæquatum voluntatis est bonum: diximus autem, non omne bonum habere causalitatem finis, sed solum illud, quod est propter se amabile, non autem bonum utile, ut sic. Vnde Aristot. 1. magnor. moral. cap. 5. Bonorum, inquit, quedam sunt finis, quedam verò non: unde concluditur argumentum, quia voluntatis obiectū est omne id, circa quod voluntas versatur, non solum autem versatur circa finem, sed etiam circa media: ergo non est finis obiectum adæquatum. In contrarium autem est, quia Diuus Thomas citato articulo 1. dicit, finem esse obiectum voluntatis; & videtur loqui de obiecto adæquato, quia aliàs non recte concluderet voluntatem omnia operari secundum rationem finis, quia potentia operatur omnia sub ratione obiecti sui: est enim hoc verum de obiecto adæquato, & non de alio, & ideo comparat Diuus Thomas finem respectu voluntatis colori respectu visus: est autem color obiectum adæquatum visus. Confirmari potest ex Aristotele 2. Physic. capite 3, dicente, finem & bonum idem esse. & 1. Ethic. cap. 7. illud esse vniuscuiusque rei bonum, cuius gratia operatur: ergo sicut bonum, ita & finis est obiectum adæquatum voluntatis, quia quidquid voluntas amat est finis, vel propter finem.

In hac re, qui affirmant, media, ut media; habere causalitatem finis, facile concedunt, finem esse obiectum adæquatum voluntatis sub fine media comprehendendo. Alij verò, qui illud negant, docent, finem esse obiectum principale voluntatis, quia omnia, quæ voluntas vult, aliquo modo ordinantur in finem: non tamen adæquatum, quia non quidquid voluntas vult, est finis. Alij autem distinctione vtuntur, Conrad. ad citatum articulo 1. distinguit duplex obiectum voluntatis, scilicet per se, & per accidens, & dicit, obiectum adæquatum per se, tam motiuum, quàm terminatiuum esse finem, media verò solum esse obiecta per accidens. Alij denique Thomistæ distinguunt de obiecto motiuo, & terminatiuo, & docent, finem esse adæquatum obiectum motiuum voluntatis: non autem termi-

I. Non videtur finem adæquatum obiectum voluntatis.

II. Auctorum varietas in præsentia quæstione.

nati-



natum, quia voluntatis actus etiam ad media terminantur. Et hæc sententia magis ad veritatem accedit, quam alio modo, ita declaro. Possumus enim loqui aut de obiecto formali, quod est voluntati ratio operandi: aut de materiali obiecto, circa quod voluntas operatur, ut videre est in exemplis supra positis, sectione præcedenti numero 5. de amore proximi propter Deum, vel adorationis imaginis propter rem representatam: nam res, quæ amatur, vel adoratur, est diuina voluntas, vel excellentia præcepti, & ideo merito datur obiectum formale in istis.

## III.

1. Assertio  
unde probatur.

Dico ergo primo, rationem adequatam operandi voluntatis, atque adeo formale obiectum adequatum voluntatis esse finem. Hanc existimo esse mentem Diui Thomæ loco citato, & eam probant, quæ posteriori loco adducta sunt in ratione dubitandi: & sequitur ex dictis in sectione præcedenti, quia tota causalitas finis est in ipso fine non solum respectu sui, sed etiam respectu mediorum: ergo solus finis est adæquata ratio operandi voluntatis, quia illud est voluntatis ratio operandi, quod illam attrahit, seu mouet ad operandum. Est autem aduertendum, sermonem esse de voluntate operandi propriè ex causalitate finis, in qua non solum exterior effectus, sed etiam interior actus est ex causalitate finis: nam si sit sermo de diuina voluntate amante Deum ipsum propter summam bonitatem, obiectum eius propriè non est finis: quia ille actus non est ex causalitate finis: tamen in hoc habet proportionem, quod est de re propter se bona & amabili, quamuis sine causalitate propter summam perfectionem.

## IV.

Sed obiicies, quia interdum voluntas nostra operatur circa aliquod obiectum, nec intendendo illud ut finem, nec eligendo propter finem, sed per simplicem quandam complacētiam volendo illud actu imperfecto, quem *velleitatem* vocant: ergo ratio talis actus nullo modo est finis. Cuius signum etiam est, quia talis actus versatur etiam circa rem impossibilem: finis autem cum dicat ordinem ad esse, & ad executionem, semper est aliquid possibile. Respondetur huiusmodi actum semper versari circa obiectum, propter aliquam bonitatem, quæ in ipso apparet, vel absolute, vel sub aliqua conditione: & hoc modo etiam ille actus est ex causalitate finis, quia tale obiectum per illam bonitatem mouet & trahit illam voluntatem ad eliciendum simplicem effectum, & hoc modo etiam ille actus est ex causalitate finis, non quidem ut dicat ordinem ad intentionem, vel executionem, de quo procedit argumentum factum, sed solum ut dicat ordinem ad effectum voluntatis, quem excitat.

## V.

2. Assertio  
unde probatur.

Dico secundò, finem non esse obiectum materiale adequatum voluntatis. Hoc probat prior ratio dubitandi in principio posita, quia voluntas etiam versatur circa media: nec recte appellantur media solum obiecta per accidens voluntatis, ad eum modum, quo substantia, v. g. dicitur obiectum per accidens visus, nam potentia non attingit per proprium actum huiusmodi obiectum per accidens, sed solum attingit obiectum per se, quod coniungitur obiecto per accidens, quod valde remotè & extrinsece accipit hanc denominationem: at verò voluntas verè ac propriè versatur circa media immediatè & in se attingendo illa per proprium actum distinctum ab illo, quo versatur circa finem ut obiectum quod intendit per actum electionis, quo immediatè vult & eligit ipsa media: comprehenduntur ergo sub obiecto per se, quamuis materiali.

Sed quæret aliquis, an totum materiale obiectum voluntatis comprehendatur sub hoc distincto, finis vel medij: nam Scotus in 1. distin. 1. quest. 3. negat, quia potest voluntas, inquit, habere aliquem actum, qui nec versetur circa finem, nec circa media, quia potest voluntas esse de bono nec propter se, quod spectat ad finem; nec propter aliud quod pertinet ad media, sed abstrahere de bono ut sic, abstrahendo à bono propter se, vel propter aliud: hoc enim obiectum apprehendi potest per intellectum, qui quamlibet rationem realem potest abstrahere, & est sufficiens ad mouendam voluntatem: ergo est etiam sufficiens materia circa quam versatur actus eius. Imò etiam sequitur contra priorem assertionem, formalem rationem obiectiuam talis actus non esse finem, sed aliquid abstractum, & vniuersalius fine. Et pro hac sententia citari solent alij Nominales in illa distinctione prima, Ockham, Gabriel, Maior, & alij, qui dicunt, dari actum medium inter cœcitatem & visum: sed hi fortasse alio sensu locuti sunt, ut videbimus infra agentes de his actibus.

Dicendum tamen est, omnia obiecta voluntatis sufficienter comprehendendi sub fine & medij intelligendo, ut dixi, nomine finis, quidquid propter suam bonitatem amatur, siue ametur actu efficaci, siue non efficaci, siue sit primariò intentum, siue secundariò, tanquam quid coniunctum fini primariò. Hæc conclusio colligitur ex Aristotele 3. Ethicor. c. 3. & 4. quatenus in rationibus, quibus ibi vritur, distinguit fines, & media tanquam duo membra completentia totum obiectum voluntatis. Et eodem modo philosophatur Nyssenius siue Nemesius lib. 5. Philosophie, c. 4. & Damascen lib. 2. de fide cap. 22. & D. Augustinus 1. de doctr. Christian. cap. 8. vbi omnia bona à voluntate amabilia ad ea reuocat quibus vtendum est, vel fruendum. Idem sumitur ex D. Thoma 1. con. Gent. cap. 86. & 1. 2. q. 8. vbi Caieran. art. 1. alijq; etiam Thomistæ hoc sequuntur: Gregor. in 1. dubior. qu. 1. Probatur ratione, quia omne bonum amatur vel propter se, vel propter aliud; ergo vel ut finis, vel ut medium: sed illa duo opponuntur contradictoriè, quia in obiecto, quod propter se amatur, ut sic, includitur negatio, videlicet, quod non amatur propter bonitatem alterius: ergo inter illa duo non potest medium inueniri, quia hoc ipso, quod medium non ordinetur ad aliud, propter quod amatur, amabitur propter se: & ostendo sic, quia quicquid amatur à voluntate est bonum, honestum, delectabile, aut vtile: sed duo priora habent rationem finis, quantum est de se, quia ex se habent unde amantur: quod si interdum ad aliud referantur, est illis extrinsecum, & tunc inducitur ratio medij. Tertium autem bonum, scil. vtile, propriam habet rationem medij.

Ad hoc respondet Scot. posse amari bonum, vel conueniens, ut ab his omnibus abstrahit: sed hoc non recte dicitur, quia bonum aut est tale per intrinsecam bonitatem, aut solum per habitudinem ad extrinsecam bonitatem: priori modo habet rationem finis, posteriori vero rationem medij: non potest autem abstrahi vna ratio communis vtriusque, quia in huiusmodi analogia non datur ratio communis obiectiuam, sicut non potest intelligi quod aliquis amet sanum in communi, ut abstrahit ab eo quod formaliter intrinsecè sanum est & ab eo quod dicitur tale per habitudinem ad sanitatem: sed vnusquisque amat sanitatem propter seipsam: signum verò, vel instrumenta sanitatis propter ipsam: sic igitur quando quis amat bonum in communi, reuera amat illud

## VI.

Quæstiones  
la suborta,  
an medium  
finis & finis  
sint adæquatum obiectum voluntatis.

## VII.

Verare solutio.

## VIII.

Euasio Scoti  
occluditur.



illud quod est in se, & per se conueniens, & ille est appetitus finis non in particulari, sed in communi; descendēdo autem ad particularia bona, nullum est quod ab illis duabus rationibus abstrahat, scilicet propter se, vel propter aliud: igitur finis & media exhauriunt totum obiectum voluntatis.

## SECTIO VI.

### Quotuplex sit finis?

I. IN hac Quæstione explicandæ sunt nonnullæ partitiones finis, quæ necessariæ sunt, & magnam lucem afferunt ad ea omnia quæ in discursu huius materiæ tractanda sunt; præsertim tamen quam in disput. 23. Metaph. sect. 2. & ad rem Theologicam accommodatè.

1. diuisio finis in vltimū & proximum.

Primo ergo diuiditur finis in vltimum, & proximum siue non vltimum; quæ diuisio colligitur ex D. Thom. in hac quæstione, præsertim art. 4. & ab Aristot. 2. Physic. cap. 3. & aliis locis. Vt autem intelligantur singula membra, & aliquæ subdiuisiones, communiter notandum est duo conuenire finī proprie dicto; primum est, vt propter se ametur, in quo includitur negatio ordinationis eius ad aliud, atque hinc fit vt omnis finis formaliter sub ratione finis cōsideratus habeat rationē vltimi: vnde si in dicta diuisione vltimus finis sub hac ratione sumatur, non vltimus dicitur solum illud medium, quod participat rationem finis, quatenus aliud ad ipsum ordinatur, sæpè autem contingit, vt particulare bonum, quamuis propter intrinsecam bonitatē ametur, simul tamen referatur in vltiorem finem, quomodo pōt amari elemosyna, & propter intrinsecam misericordiæ honestatem, & vt medium ad impetrandam veniam pro peccatis; atq; hoc modo talis finis dicitur non vltimus quia licet sub quadam ratione participet causalitatem finis, tamen voluntas in illo non sistit, sed vlti⁹ tēdit: ille ergo dicitur vltimus absolute in quo sistit voluntas non referendo illud in aliud, qui quidem est vltimus in executione, quia illo consecuto quiescit voluntatis motus; est autem primus in intentione, quia est id, quod primo propter se amatur.

II. Secundo conuenit finī vt alia propter ipsum amentur: & ex hoc capite potest illa diuisio aliter explicari, & membra eius subdiuidi: est enim quidam finis qui dicitur vltimus simpliciter: alter secundum quid, seu in aliqua serie, quomodo sanitas dicitur vltimus finis medicinæ, quia omnia, quæ cadunt sub hanc artem, ad hunc finē referūtur, & vlti⁹ non tendunt, & sic de aliis: vltim⁹ autem finis simpliciter subdiuidi potest. Nam quidam est ex natura institutus, & est ille, propter quem homo est creatus, ad quem debet se & omnia sua referre: alius vero est, quē homo sibi instituit ex propria intēctione, qui interdum est illemet, propter quem est creatus, scilicet Deus, & tunc dicitur habere homo verum vltimum finem simpliciter in intentione sua. Interdum verò hic finis intentus ab homine est distinctus ab illo propter quem est creatus, & talis dicitur vltimus finis falsus: ita vero amatus, ac si esset vltimus finis. Non est autem facile ad explicandum quomodo dicatur homo intendere aliquid vt vltimum, siue finem simpliciter: nam si dicamus de ratione huius finis esse vt homo se & omnia sua in illū referat, videtur sequi iustum quia interdū venialiter peccat nō amare Deum vt vltimū finem quia non refert in illum omnes actus suos, nam actiones peccati venialis non re-

Dubium, quid sit finem esse vltimū simpliciter.

feruntur in Deum ab operante. Si vero dicamus vt quidam dicunt, de ratione finis vltimi esse, vt in eum referantur omnia, quæ sunt referibilia in ipsum hoc non erit proprium finis vltimi simpliciter, sed conuenit omni finī, qui est vltimus in aliqua serie, necesse est enim vt in eum referātur omnia, quæ ad ipsum pertinent, & nō alia.

III. Quocirca de ratione finis vltimi simpliciter, in primis est, vt ex debito, & meritis eius, homo referat in ipsum se, & omnia sua absolute, & simpliciter: vnde, vt intentio vltimi finis vnde quaque perfecta sit, necesse est vt nihil in homine admittat, quod non sit referibile in ta'em finem; vt autem absolute & simpliciter conseruetur, quamuis nō cum tota perfectione sua, satis est vt nihil admittat, quod sit absolute contrarium tali finī, & omnino repugnet consecutioni eius. Atq; hoc modo finis non vltimus proportionaliter distinguendus erit: nam respectu finis vltimi simpliciter, omnis finis alius particularis dicitur nō vltimus: & simpliciter in vnaquaque serie, vel arte omnis alius finis, ad quem non referantur omnia, dicitur non vltimus. Atque hinc intelligūtur aliæ diuisiones sub aliis terminis, quæ rem eadem aliis verbis continēt: solet enim dici quidam finis vltimus positive, alius vero negatiue: rursus quidam finis vltimus vniuersalis, alius particularis: quidam finis vltimus operantis, alius v. tantū alicuius operis: quādo enim finis vltimus talis est vt omnia simpliciter ad ipsum referantur, ille est vltimus etiam positive, quia omnia in illū tendūt, & ppter ea etiā est finis vltimus operantis, quia se & omnia sua in illū refert: quando finis vero est solum priuati⁹ in aliqua serie, vel aliquo ordine, tunc est particularis, & negatiue, quia solum dicitur vltimus propter negationem vltioris termini in illo ordine.

II. diuisio est in finem cui⁹ & finē cui, quæ diuisio sumitur ex Arist. 2. de anima c. 4. nā licet Aristot. transferat finem quo & finem cui, tamen priora verba sunt magis consentanea textui Græco & Cui.

& melius explicant sensum diuisionis: dicitur enim finis cuius forma illa, vel bonum, cuius adipiscendi gratia operatur voluntas, vt est, v. g. vltio beata, vel sanitas, & c. finis autem cui, dicitur persona ipsa, seu subiectum, cui bonum illud amatur, vel quæritur, vt est homo, qui sibi quærit sanitatem. Circa hanc vero diuisionem inquiri potest, an vtrumque eius membrorum habeat rationem finis. Quibusdam enim videtur solum finem cui, esse proprium finē: at verò finem cuius esse lato quodam modo finē. Ita Gabr. in 2. dub. 1. quæst. 5. secutus Otham ibi quæst. 3. art. 1. Et fundamentum eius est, quia de ratione finis proprie dicti est vt ametur amore amicitia, finis autem cuius non amatur amore amicitia, sed concupiscentia, cum ametur alteri qui est finis cui, qui propriè amatur amore amicitia: & videtur sentire Diuus Thomas prima secunda, quæst. 26. articulo quarto. vbi dicit, illud amari simpliciter, cui bonum aliquod amatur: bonū autem ipsum, quod alicui amatur, tantū amari secundū quid. Et cōfirmatur, quia finis cuius videtur multū conuenire cum medio, nam sicut medium est propter finem, & non è contrario, ita finis cuius est propter finem cui, & non è conuerso. Item sicut medium non est amabile, nisi propter proportionem, quam habet cum fine: ita finis cuius gratia non amatur, nisi quia est proportionatus & conueniens illi, cui amatur: ergo solus finis cui est propriè & vltimatè finis.

Aliis autem è contrario videtur, solum finem cuius

Resolutio proximi dubij.

IV. 2. diuisio in finem Cuius & Cui.

An ambo diuisionis membra participent propriè rationem finis.



Contrarium  
quorundam  
placitum.

cuius gratia fit operatio, esse propriè finem; illū vero, cui finis amatur, esse tantum subiectum, quod perficit, vel actuat ipse finis: quæ habitudo est distincta à propria habitudine finis. Quod potest confirmari illo exēplo de visione beata, quæ est finis operationum omnium hominum, & non propriè ordinatur ad hominem, ut ad finem: quod maxime verum est de ipso Deo, qui est propriè finis ultimus, & homo sibi illum appetit ut eo fruatur, & tamen non potest homo dici finis ipsius Dei, quamvis sit is, cui Deus amatur & inquiritur. Et confirmatur, nam ubicumque Aristot. agit de fine propriè, & sub ratione causæ, rationem finis attribuit fini cuius gratia, ut patet 2. physic. cap. 3. & 7. ubi hoc sensu dicit finem esse primum in intentione, & ultimum in executione & coincidere cum forma, quæ est effectus agentis: atque ibidem ait, *sumus & nos quodammodo finis*: significans finem cui tantum quodammodo, & secundum quid esse finem.

VI. Nihil ominis dicendum censeo verumque horum posse participare rationem finis: ac frequentius ita concurrere, ut ex utroque quodammodo infargat unus finis integer, qui primo intenditur, & inquiritur. Probatur, & explicatur, nam in utroque horum potest esse ratio sufficiens ad terminandum motum voluntatis propter se ipsum, & propter suam bonitatem: sic enim quando homo inquit sanitatem, & se diligit cui sanitatem vult, non propter extrinsecam bonitatem, sed propter id quod ipse est, & propter identitatem, quam secum habet, & similiter diligit sanitatem propter bonitatem eius: in quo multum differt à medio, quia medium solum censetur amabile quatenus est utile ad aliud: salus vero ratione sui, quatenus per se perficit hominem cui amatur. Atque ita finis totalis huius intentionis est homo sanus, in quo includuntur prædicti duo fines quasi componētes integrum finem. Quomodo etiam dicit sæpè Aristot. *potentiam esse propter operationem tanquam propter finem cuius gratia*, cum tamen operatio sit etiam propter potentiam ut ipsam actuet & perficiat, quia quod per se intenditur, est quod potest etiam sit in actu ultimo constituta. Igitur ratio finis utriusque horum propriè convenit, & ideo Aristoteles citatus num. quarto, in dicto loco de Anima, utriusque illam attribuit.

VII. Sed ut hoc magis explicetur, inquiri potest, quis horum sit principalior finis: potest autem fieri comparatio vel in esse rei, vel in esse causæ: si comparentur priori modo, non potest univērsalis regula tradi: nam interdum unus finis est res perfectior, interdum alius, nam cum homo intendit acquirere sanitatem, perfectior res est finis cui, scilicet homo, quam finis cuius, scilicet sanitas: quando vero homo intendit acquirere Deum, perfectior res est finis cuius gratia, scilicet Deus, quam finis cui, qui est homo. Et ratio est, quia interdum res perficitur à forma, quæ in esse entis est minus perfecta, quia præter perfectionem, quam habet ipsa forma, intendit acquirere aliam perfectionem alterius formæ, quamvis inferior sit. Interdum verò perficitur res per coniunctionem ad aliam perfectiorem se, ut homo per coniunctionem ad Deum: ergo propter hanc causam potest finis cuius gratia interdum esse res minus perfecta, interdum verò perfectior, quam res, seu persona cui amatur. At verò si comparatur in esse finis, videtur sanè finis cui frequentius participare rationem finis principaliorē, tum quia in eo genere amoris videtur magis amari: tum etiam, quia in illo sistit maxime tota motio voluntatis. In contrarium

Responso  
spectatis me-  
bris quoad  
suum esse.

Discutitur  
dubium spe-  
ctatis mem-  
bris in rati-  
one finis.

verò urget illud argumentum, quia honestè, & sanctè amamus Deum nobis, in quo amore Deus est finis cuius & non cui: & tamen dici non potest quod nos tunc amemus eo amore magis, quam Deū, aliàs amor ille esset inordinatus: nec etiam dici potest quod nos simus principalior finis illius motionis, aliàs nos essemus finis ultimus nostri & non Deus, quod est plane falsum.

VIII. Quapropter in hac parte dicendum censeo, non posse tradi univērsalem doctrinam, sed distinctione utendum esse, & considerandum quale sit illud bonum, quod alicui amatur, & cuius gratia fit operatio, nam si bonum illud sit particulare, & quasi secundaria, & accidentaria perfectio eius cui amatur: sic finis cui, induit principaliorē rationem finis, quia eius perfectio simpliciter magis intenditur. Signum etiam est, quia huiusmodi finis amari potest non solum ut finis, sed etiam ut medium, & amor illius sæpè oritur ex priori amore ipsius personæ cui amatur: ut homo ex absoluto, & perfecto amore sui, qui est amor benevolentia, amat sanitatem, & potest illam amare non solum ut perfectionem formalem suam, sed etiam ut medium utile ad alia. At verò interdum bonum illud, cuius acquirendi gratia homo operatur, seu quod sibi amatur, est maximum ac summum bonum respectu eius cui amatur, ut est Deus respectu hominis, & tunc illud bonum est præcipuum, etiam in ratione finis, quia ille est simpliciter finis ultimus, & non potest recte ad alium ordinari ut ad finem. Unde quando homo sibi amat hoc bonum, non ordinat illud ad se ut ad finem, sed potius amat coniungi illi bono ut bono & ultimo fini suo. Ex quo sequitur, & tandem intelligitur, quod licet respectu agentis vel mediorum, finis cuius, & cui, induant rationem finis, tamen comparando illa inter se, non est necesse, ut mutuo, seu ad invicem unus sit finis alterius vel è contrario: ut in prædicto exemplo, quamvis homo sibi amet Deum, tamen non ordinat Deum ad se ut ad finem, sed potius ipse ordinat ad Deum, ut ad finem ultimum, non quidem ut medium, propriè loquendo sed ut subiectum, quod potest consequi huiusmodi finem.

IX. Tertia diuisio est: nam aliquando finis est operatio tantum, ut est v. g. contemplatio, visio, 3. Diuisio finis in eum  
citharizatio, & in univērsum omnis actio, quæ nis in eum  
nō intenditur, ut ex illa aliquis effectus resultet, qui consistit  
& maneat, sed propter se. Interdum verò finis in operatio-  
est aliquis effectus resultans ex actione, ut est do- ne tantum,  
mus in edificatione, & sic de aliis. Quæ diuisio vel in re o-  
perata.  
quamvis respectu finis ut sic videatur materialis, quia magis sumpta est ex rebus, quæ sunt finis, quam ex ratione finalizandi, tamen illa sæpè vltus est Aristot. ut 1. Ethic. cap. 1. & 1. Mag. mor. cap. 3. quia ad explicandum ultimum finem humanarum actionum necessaria est. Et quidem circa finem, qui consistit in re facta, nihil notandum occurrit, nec multum refert ad moralem considerationem, quia finis hominis, ut postea dicemus, non consistit in re facta aliqua, sed in operatione. Circa aliam ergo partem est observandum: etiam in illo fine, qui dicitur consistere in operatione potentia, distingui actionem physicam à termino producto & facto, quia nulla est actio, per quam non aliquid fiat, ut patet: tum in actionibus immanentibus, in quibus & est actio, & qualitas facta, quæ dicitur propriè actus immanens: & in transeuntibus, quæ interdum debent esse finis, ut est citharizatio, cantus, &c. nam in illis est sonus, qui fit, & actio, per quam fit; tamen quia termini harum actionum tales sunt, ut non durent nisi quamdiu

fiunt:



fiunt; ideo tam actio quam terminus computatur per modum vnius finis, quamvis reuera finis sit ipse actus, seu terminus, qui per actionem fit. Secundò est obseruandum in huiusmodi actionibus maximè immanentibus, dari præter actum obiectum, circa quod versatur ipse actus, vt verbi gratia, visio Dei, est finis vltimus hominis tanquam operatio quædam, cuius obiectum est Deus ipse, & in his non solum actio, sed etiam obiectum datur, & est verè finis, quia illius gratia fit actio, scilicet ad possidendum illum, & fruendum illo.

X. Atque hinc oritur alia subdiuisio finis, quæ sæpè vsus est Diuus Thomas in hac materia, præsertim prima secunda, quæst. secunda & tertia, & quæstione decima, articulo tertio ad tertium, & in 1. distinct. prima, quæstione secunda, articulo primo ad primum: scilicet, quòd finis alius est vt adeptio, alius vt res adepta, qui etiam dici solet finis formalis & obiectiuus, & finis quo; & finis qui, id est, qui acquiritur, & quo acquiritur: qui duo, ait Diuus Thomas, non sunt duo fines distincti, sed integrant vnum finem, quia nec obiectum attingi potest, nisi per actum, nec actus fieri potest, nisi circa obiectum, & ideo eadem est intentio, & motio agentis ad acquirendum actum, & obiectum: constituunt ergo, & compount illa duo vnum finem: possunt autem inter se conferri eo modo, quo fecimus num. 7. inter finem cuius, & cui. & eadem ferè doctrina proportionaliter applicari potest, & ideo hæc sufficiant de fine in communi.

## DISPUTATIO II.

### De actionibus voluntatis, quæ sunt propter finem.



X dictis in disputatione præcedenti satis constat, voluntatem nostram operari propter finem: quod etiam est tanquam per se notum apud Philosophos, & ex modo loquendi Sacre Scripturæ, vbi etiam in Sectione 4. num. 6. confirmatum est. Et ratione patet; quia, cum homo vtatur ratione, cognoscit in fine propriam rationem finis, propter quam est appetibilis, & proportionem mediorum in finem, & ita potest ordinare vnum ad alterum, atque adeo operari propter finem. Duo ergo explicanda supersunt, primò in quibus actionibus: secundò, quot modis operetur homo propter finem,

### SECTIO I.

#### Virum omnes actus liberi voluntatis humanæ sint propter finem?

I. Ratio dubitandi est primò, quia tantum media, quæ ordinantur ad consequendum finem, videntur esse propter finem: hoc enim in rigore significat illa particula, propter: sed non omnes actus liberi voluntatis sunt media ad finem consequendum, vt patet primò de actu electionis: ille enim habet pro obiecto medium, (est enim electio de mediis: ) non potest autem ipsa dici medium: Deinde, multò minùs intentio finis, quæ antecedit electionem, habet rationem suam in primam secundam D. Thom.

nem medij. Secundò, quia id fit propter finem, quod fit ex amore finis: sed non omnis actus voluntatis fit ex amore finis, vt constat saltem de ipsomet amore, quia non supponit alium amorem. Vnde fieri potest aliter argumētum: nam primus actus circa finem, qui est amor, seu simplex voluntas, non procedit ab alio actu, à quo ordinatur in finem: ergo non est propter finem: nam esse propter dicit quandam ordinationem ad finem, sicut in actu intellectus, quamuis assensus conclusionis fit propter principia, tamè assensus principiorum non potest dici esse propter principia. Atq; ex his rationibus videtur eneruari Diuus Thomas discursus 1. 2. quæst. 1. articul. 1. Nam licet verum sit omnes actus voluntatis versari circa finem aliquo modo, quod tantum concludit sua ratione: patetque ex dictis disputat. 1. tamen inde non fit omnes actus esse propter finem, quia non omnes sunt media ad finem, nec omnes ordinantur ad finem ex priori intentione, seu affectu ad finem. In contrarium verò est Diuus Thomas: & ideo obseruandum inter actus liberæ voluntatis quosdam esse imperatos, quosdam elicitos: & inter hos, quosdam esse qui versantur circa media, vt electio, & vsus: alios, qui circa finem: inter eos autem quidam antecedunt consecutionem finis, vt sunt amor, & intentio, quidam verò consequuntur, vt delectatio: & amor etiam tunc durare potest: de hoc vltimo dicam disputat. sequenti, de cæteris in præsentia.

Primo ergo de actionibus imperatis à voluntate libera, certa res est esse propter finem, quia huiusmodi actiones esse solent potissima media ad finem consequendum. Item quia procedunt ex intentione finis, media electione amati: ergo propter finem: ergo propter eundem finem. Sed in his actionibus imperatis hæc breuiter obseruanda sunt primò interdum eas esse media ad finem nò solum ratione ipsarum prout sunt in fieri, sed etiam ratione terminorum prout permanent in facto esse, vt v. g. cum fit domus, non solum ædificatio, sed domus ipsa facta dicitur esse propter finem: quomodo dixit bene Arist. instrumenta artis esse media: solum in modo loquendi est notanda differentia, quia propter finem fieri, solum dicitur de actione propriè, vel de termino, quamdiu sunt in fieri: res autem iam factæ cessantibus actionibus dicuntur esse, vel factæ esse propter finem, non verò tunc fieri. Secundò verò obseruandum est, interdum actionem imperatam non ordinari ad alium finem, sed ipsam intendi vt finem, vt patet ex distinctione Arist. supra tacta disputat. præcedenti sectione 6. numero 9. & tunc illa actio habeat obiectum vt contemplatio, ratione illius potest dici illa fieri propter finem, siue loquamur propriè, & formaliter de actu vt actio est, seu vt est actus inmanens, seu intrinsecus terminus actionis: si verò actio non habet obiectum, vt est v. g. citarizatio, tunc illa actio quatenus est actio, & fit ratione sui termini, poterit dici fieri propter finem, vt reuera fit: terminus autem ipse non est propter finem, quia est ipsemet finis. Et hæc sunt addenda his, quæ dicit D. Thomas citato articulo 1. ad 2. Vltimò est obseruandum in his actionibus esse propter finem non esse aliquid intrinsecum inherens ipsi, sed tantum denominationem ab actibus voluntatis, à quibus procedunt, & ordinantur, nec aliter causantur à fine, nisi mediante voluntate quæ finis immediate mouet siue allicit:

Secundò dicendum est actus elicitos à voluntate, qui versantur circa media, maximè propriè

II.  
1. Assertio affirm. de actibus imperatis.

III.

B esse



2. Assertio affirm. de actibus, qui versantur circa media.

esse propter finem, ut est v. g. electio. Probatur, quia huiusmodi actus procedunt ex intentione finis. Item omnino ordinantur ad finem consequendum. Denique actus imperati per hos actus elicitos, dicuntur esse propter finem ratione illorum: ergo multo magis ipsi. Quocirca isti actus non immerito dici possunt media ad finem consequendum; nam qui dat v. g. eleemosinam ut faciat, vel mereatur gloriam, non solum ipsum dare, sed etiam velle dare assumit ut medium ad tale medium, quia non est minus necessarium velle quam dare, atque adeo nec minus utile: & ita in dicto exemplo ratio meriti magis in interna voluntate posita est, quam in externa actione; ad id vero non est necesse ut tale medium sit directum obiectum electionis, sed satis est quod intrinsece sit actus voluntarius se ipso volutus, quasi per intrinsecam reflexionem.

IV.

3. Assertio affirm. de intentione finis.

Dico tertio, etiam actus intentionis finis est propriè propter finem, propter quod in primis intentio ex se procedit ex amore finis: ergo hoc satis est ut dicatur esse propter finem, seu gratia finis, quia id fit gratia alicuius, quod fit ex amore illius. Deinde, quia illa actio propriè humana: ergo fit ab efficiente propter aliquem finem, non enim fit temerè, vel casu, sed tendit ad definitum scopum, & hoc non habet ex directione, seu motione extrinseca superioris agentis, sed ex interna directione ipsius hominis operantis: ergo in eo actu propriissimè operatur homo propter finem, tanquam se mouens in finem formalem eius cognitionem. Denique hoc magis, & à fortiori constabit ex sequenti dubio.

V.

De affectu simplici circa finem quorundam placitum.

Est autem specialis difficultas de actu amoris, seu voluntatis simplici circa finem: quidam enim grauis autor existimat, hunc actum nec esse propter finem ut à voluntate procedit; nec esse ab ipso fine formaliter, sed effectiue, atque ita solum esse propter finem respectu ipsius obiecti ut efficientis, eo modo quo actiones agentium naturalium sunt propter finem ex naturæ institutione. Fundamentum eius est supra tactum, quia ille actus non fit ex amore finis. Hęc sententia mihi non placet & primò quia sine causa hic autor miscuit præsentem difficultatem cum alia an obiectum appetibile concurrat effectiue ad actum voluntatis: hec enim questio non solum habet locum respectu amoris, sed etiam respectu intentionis, & cuiuscunque actus, & quantum ad præsens attinet, illa efficientia non est necessaria, quia cum amor seu appetitio non sit per modum assimilationis, sed per modum impetus ipse appetitus est sufficiens principium illius, nec satis intelligitur quo modo bonum cognitum priusquam existat possit habere effectiuam causalitatem. Secundo, quidquid sit de efficientia, male negatur obiectum appetibile habere causalitatem finalem respectu simplici amoris: nam metaphoricè mouet, & trahit voluntatem ad se, ut supra probatum est. Tertio cum dicitur huiusmodi bonum, seu obiectum appetibile mouere voluntatem propter finem inquiri quis sit ille finis: nam vel est ipsummet bonum quod mouet ad amandum se propter se, & tunc sequitur ipsummet bonum esse finem talis appetitionis, & concurrere ad illam in genere causæ finalis, quod intendimus: vel est aliquis alius finis extrinsecus, ut magis insinuat autores illius sententiæ: & hoc reuera falsum est quia finis ut finis non mouet ad amandum se propter aliud, sed ad amandum se propter suam bonitatem & alia propter se, nam quando ipse amatur propter aliud iam non amatur ut finis, sed potius, ut medium, & talis amor potius oritur ex motione finis alterius extrinseci, quam huius, quid dicitur

amari propter aliud. Quartò, quidquid sit de efficientia obiecti, negari non potest quod amor sit ab ipsa voluntate, nam cum sit actus virtutis, necesse est ut voluntas efficiat talem actum propter finem quia omne agens agit propter finem: ergo talis actus non tantum ut est ab obiecto, sed etiam ut à voluntate, est propter finem, nec dici potest esse propter finem illo imperfecto modo, quo actiones agentium naturalium sunt propter finem, quia illa actio procedit ex perfecta cognitione finis, & in eum tendit non tantum motione, seu ordinatione superioris agentis, sed ex intrinseca cognitione, & facultate, & ordinatione amantis. & hoc est agere propter finem propriè. Vnde D. Thom. 3. Cont. Gent. capit. 2. dicit, agentia per intellectum non esse dubium quin agant propter finem, quia agunt præconciendo in intellectu, id, propter quod agunt, & ex tali præconceptione agunt.

Quare dicendum est, huiusmodi actum amoris non minus esse propter finem, quam actum intentionis, & utrumque esse propter finem, nisi forte de nomine sit disputatio. Est aperta D. Thom. sententia 1. 2. quest. 1. artic. 1. in corpore, vbi vniuersaliter docet omnem actum humanum voluntatis esse propter finem; certum autem est simplicem amorè, v. g. Dei ut vltimi finis libere elicitem, esse actum humanum. Deinde in ratione sua ait non aliter actum esse propter finem, nisi quia est sub ratione finis, qui est obiectum voluntatis, sentiens ut actus humanus sit propter finem satis esse quod sit ex propria causalitate finis; ostensum est autem amorè esse ex causalitate finis, & negari non potest quin fiat sub propria & perfecta ratione obiecti voluntatis: ac denique in solutione ad primum expressè docet voluntatem vltimi finis esse propter finem. Probatur etiam ex communi modo loquendi, dicimur enim rectè amare Deum ut vltimum finem, propter se ipsum, & quia vltimus finis noster est. Item, amamus finem propter bonitatem illius, sed ratio boni est ratio finis: ergo eodem modo amamus finem propter ipsum finem, sicut in assensu primorum principiorum, assentimur illis propter immediatam connexionem ipsorum.

Denique, ut rationem explicemus, huiusmodi actus amoris considerari potest vel ut directè tendit in obiectum, vel ut includit reflexionem supra se ipsum quatenus ipse est volutus, cum sit voluntarius. Priori modo est propter finem, non quod sit propter extrinsecam rationem volendi talem finem, sed quia est propter intrinsecam bonitatem eius, & propria motione, & causalitate illius; in quo eadem est ratio de intentione & amore, ut num. 5. dicebam, contra vltimam sententiam, quia etiam intentio versatur circa finem propter se ipsum, & non propter extrinsecam rationem. Nec probari potest quod particula illa, propter, significet extrinsecam rationem volendi, ut ex communi loquendi modo ostensum est. Si vero ille actus consideretur posteriori ratione, sicut amari potest & propter se ipsum, vel propter suam bonitatem & propter obiectum, scilicet quia est tendentia in illud, ut in simili rectè dixit D. Thomas in 4. dist. 49. quest. 1. artic. 1. quest. 2. & ex illo Capreol. in 1. dist. 1. questio. 1. artic. 3. ad argumen. contra sententiam communem. Ac denique esse potest propter ipsum operantem ut propter finem cui, vel ut ipsum perficiat; ergo, &c.

Ad rationes ergo dubij in principio positas facilis est responsio ex dictis. Ad primum enim negatur solum media esse propter finem, nam hoc

VI.

4. Assertio affirm. de prædicto actu amoris.

VII.

VIII.



hoc solum est verum, quando finis est extrinsecus: tamen simpliciter omnis actus, qui est ex propria causalitate finis preconcepti, est propter finem. Ad secundum negatur esse propter finem, esse ex amore finis, ita ut amor necessariò supponendus sit ante actionem quæ est propter finem, sed sufficit ut actio sit ex bonitate ipsius finis trahentis voluntatem ad sui amorem: nam quod ex parte voluntatis intercedat diuersitas actuum, & quòd vnus supponat, non refert ad causalitatem finis, sed potius pertinet ad quandam efficientiam inter ipsos actus.

## S E C T I O I I.

*Virum actus voluntatis necessarij sint propter finem, & consequenter an sint propriè actus humani.*

I. **R**atio dubii est, quia Diuus Thomas 1. 2. *quest. 1. articulo secundo*, duo supponit: primum est, solum actus illos esse propriè humanos, quorum homo est dominus: habet autem homo dominium solum liberorum actuum, quia illi tantum sunt in eius potestate: ergo ex sententia D. Thomæ solum actus liberi sunt humani. Alterum est, solum actus humanos esse propter finem, quia de iis tantum docet esse propter finem: ergo actus necessarij non erunt propter finem. In contrarium autem est, quia hi actus videntur esse ex propria causalitate & motione finis preconcepti. Supponendum in primis est, non esse sermonem de illo modo imperfecto agendi propter finem, qui dicitur de agentibus naturalibus, quæ potius mouentur in finem, quam se in illum moueant, de quo latè in Disput. 23. Metaphysic. sect. 10. sed sermo est de proprio modo operandi propter finem ex propria ordinatione ipsius hominis operantis. Deinde suppono, duobus modis posse actum voluntatis esse necessarium, primò ex imperfectione, ut contingit in actibus indeliberatis, in quibus voluntas excitatur antequam ratio perfectè aduertere possit, ut in motibus primò primis, & indeliberatis. Secundò ex perfectione, ut contingit in amore Dei, quem habent beati: ille enim ab intrinseco est necessarius, non ex inaduertentia, aut imperfectione, sed potius ex perfectissima cognitione summi boni, ex quo amore potest oriri alius actus electionis necessariæ, si sit de obiecto habente necessariam connexionem cum prædicto amore.

## II.

*1. Assertio de actibus voluntatis ex perfecta aduertentia.*

Dico ergo primò, ut actio voluntatis sit perfectè propter finem, non esse de ratione illius ut sit libera, sed sat est, ut ex perfectè aduertentia, & iudicio rationis procedat. Probatur primò, quia perfectè causalitas finalis reperiri potest sine libertate: Deus enim clarè visus per suam liberam bonitatem trahit voluntatem ad sui dilectionem necessariam, tanquam finis vltimus summè amabilis. Dictum est autem, idem esse, actum esse propter finem, & esse ex propria causalitate finis: ergo hoc sufficit ut actus sit propter finem, etiam si liber non sit. Et ad hæc applicari potest ratio Diui Thomæ 1. 2. in articulo 1. *quest. 1.* quia talis actus est sub proprio obiecto, & motiuo voluntatis perfectè proposito & applicato: ergo est sub ratione finis, atque adeo propter finem. Secundò sic explicatur: Nam ex intentione finis necessariò sequitur electio mediij, si illud

*Suarez in primam secundam D. Thom.*

ut vnicum & necessarium proponatur, & hoc nõ obstat, quo minus illa electio sit propriè propter finem: ergo etiam si fingamus intentionem esse simpliciter necessariam, & consequenter ex illa ortam esse electionem necessariam, nihilominus illa electio erit propriè omnino propter finem, quia non obstat necessitate sit cum perfecta ordinatione mediij ad finem: ergo vltimè etiam ipsa intentio, quamuis contingat esse necessaria, nihilominus erit propter finem, dummodo procedat ex perfectè finis cognitione, & ex efficacissima motione illius in suo genere, atque adeo eadem ratione idem erit de actu amoris necessario procedente ex simili cognitione, & motione obiecti boni, quòd contingit tantum in visione beata: & ideo Diuus Thomas radicè operationis propter finem, nunquam tribuit libertati, sed perfectè cognitioni rationis, per quæ & proportio mediorum cum finè, & ipsius finis cum operante cognosci potest, ut videre est 3. *contra Gentes, cap. 2. & 1. 2. quest. 1. artic. 2.* vbi probat bruta non operari propter finem formaliter, & propriè, quia carent prædicta cognitione.

Obiicies primò, ergo processio Spiritus sancti in Deo est propter finem, quia licet sit necessaria, tamen est à voluntate ex perfectè cognitione diuinæ bonitatis. Respondeo, negando consequentiam ob ea, quæ diximus in disputatione prima: nam vbi non est causalitas finis, nõ est actio propter finem: diximus autem in Deo ad intra non esse causalitatem finis, quia ibi nulla est actio propriè, nec Deus est finis sui ipsius, & ita licet dici possit Deum se amare propter bonitatem suam, tanquam per rationem amandi, non verò tanquam propter finem, nec ex causalitate finis.

Obiicies secundò: videri idem dicendum de delectatione, vel de fruitione Dei, quòd illa etiam sit propter finem: nam ex dictis videtur sequi esse propter finem, quia licet sit actio necessaria, tamen est voluntaria, cum sit elicità à voluntate, & consequenter est à propria causalitate obiecti boni, quod consecutum delectat propter bonitatem suam: ergo rationes factæ num. 2. procedunt etiam de hoc actu. Hoc dubium attigit Fonseca 5. *Metaphysic. cap. 2. quest. 10. sectione 2.* non sub ratione delectationis, sed satietatis, aut quietis appetitus, quæ dicit factam esse propter finem, quatenus affectio finis, ad quæ consequitur, facta est propter finem: postquam verò finis consequutus est, inquit ille, non est propter finem, quia affectu fine cessat actio propter finem.

Sed hæc doctrina videtur solum habere locum in eo fine, qui consistit in aliquo effectu facto, non verò in illo, qui consistit in operatione. Item consistit in satietate & quiete priuatiua, & mortua, qualis est in rebus inanimatis, non verò in positiua & vitali, qualis est in viuentibus, quam nomine delectationis significamus: hoc enim quadiu est fit, & ideo videtur esse propriè propter finem. Nihilominus non censeo hunc actum esse tam propriè propter finem, sicut est intentio, vel amor. Et ratio est, quia non immediatè oritur ex propria causalitate finis, nec ex directo imperio, & motione alicuius actus voluntatis, qui sit propter finem, sed solum resultat naturaliter ex amore finis iam consecuti: obiectum enim bonum immediatè & per se mouet ad amorem sui, ex quo sine alia motione resultat delectatio, si finis sit præsens: & ideo tale obiectum non habet propriam & immediatam causalitatem in illum actum: ergo ille non est propter finem propriè tanquam actus elicitus, nec etiam tan-

B 2 quam



quam imperatus, quia non est actus, qui propriè pendet ex morione voluntatis, sed naturaliter resultat ex præsentia finis: non est ergo propter finem, sed est quid consequens assecutionem finis.

V. Tertiò præcipuè obici potest contra hanc doctrinam, quia operatio necessaria non est humana; ergo non est propter finem. Consequentia probatur, vt D. Thom. significat citato art. 1. solum operationes humanæ sunt propter finem. Probatum verò antecedens ex eodem D. Thom. in eodem art. quia illa operatio est humana, cuius homo est dominus; est autem dominus tantum actionum liberarum, non enim dicitur homo dominus actionis suæ solum, quia illam possidet, vel efficit, nam etiam possidet vitam, cuius non est dominus, & efficit nutritionem, & augmentum quorum dominio caret; nec dicitur dominus, quia habeat ius ad talem actionem, vel vsum eius, quia ad actum peccati non habet ius, & tamen est dominus illius actus: & seruus non habet ius ad omnes actiones suas, quia potius est apud dominum, & tamen est dominus suarum actionum: consilium ergo hoc dominium tantum in libera voluntate agendi, vel omittendi suas actiones: ergo vbi non est libertas, nec dominium erit, nec actio humana.

VI. Hæc difficultas petit, vt explicemus, quid necessarium sit, vt actio sit humana. Aliqui enim vniuersaliter docent, actionem necessariam non esse actionem humanam. Cuius duplex ratio addi potest ex Caietano prima secunda, questione prima, articulo primo: quia illa non est actio, quamuis late loquendo sit operatio: propria enim, inquit, actio illa est, qua homo se mouet; in actione autem necessaria potius agitur, quam agat; hæc verò ratio mihi non placet, quia actio immanens verè est actio, licet cõtingat esse necessariam: quamuis enim actio transiens sit etiam actio, vt sumitur in prædicamento actionis, distinguit tamen Aristoteles interdum actionem à factione, vt videre licet in 2. Physicor. text. quinquagesimo septimo, & quinquagesimo secundo: & 9. Metaphysic. text. quinquagesimo sexto: tamen, vt exposuit Diuus Thomas prima secunda, question. quinquagesima septima, articulo quarto, factionem vocauit actionem transeuntem, actionem verò eam quæ immanens est. Quod verò inter immanentes illa dicatur actio, quæ est libera, & quæ non necessaria, nec ex Arist. nec ex vsu & modo loquendi haberi potest, nec est iuxta mentem S. Thomæ illo articulo. 1. qui distinguit actionem in actionem hominis, & actionem humanam: ergo illa etiam quæ non est humana, est etiam actio. Secunda ratio est eiusdem Caiet. in fine articulo. 5. actionem voluntatis ex perfecta cognitione procedentem, & simul necessariam, qualis est amor beatificus, non esse humanam, quia est plus quàm humana, scilicet quodammodo diuina; agitur autem hic de homine vt homo est, non vt eleuato ad participationem diuinæ naturæ per gloriam. Sed nec hoc placet, sequitur enim supernaturalem Dei amorem viæ, etsi liber sit, non esse actum humanum, quia est plus quàm humanum, & quodammodo diuinum, procedit enim ex participatione diuinæ naturæ per gratiam.

VII. Sustinendo ergo hunc dicendi modum, aliter est explicanda eius ratio, aduertendo, dupliciter dici posse esse aliquam actionem hominis propriam; loquor autem de homine vt intellectus est, & distinguitur à cæteris creaturis inferioribus, non vt ab Angelis distinguitur, nam quæ hic de homine tractamus, omnia simi-

liter in Angelis inueniuntur, vt constat ex 1. part. quest. 60.

Primò ergo est aliqua actio propria hominis quoad substantiam & entitatem, non verò quoad modum, vt est v.g. intellectio necessaria; conuenit enim homini vt ratione utitur: nec actus talis speciei potest reperiri in inferiori creatura, modus tamen, scilicet quod ex necessitate fiat, communis est aliis rebus: & idem est de actionibus cogitatiue, & aliis, quæ licet conueniant homini secundum gradum genericum, non tamen præcisè consideratum, sed vt coniunctum, & eleuatum per gradum rationalem: & hæc actiones dicuntur proprie hominis, vt homo est, non tamen humanæ.

Secundo modo contingit actionem esse propriam hominis vt homo est, & in substantia, & in modo, quia scilicet efficiuntur cum indifferentia, & sine necessitate: & hoc modo videtur locutus Diuus Thom. d. quest. 1. articulo. 1. quia hæc est omnibus modis propria hominis, vt homo est, & per illum tendit homo ad consecutionem sui finis, & bene, vel male operatur, & dignus est laude, vel vituperio. Ac denique, quia, licet consideratione physica aliquæ actiones possunt dici humanæ, quia procedunt ab anima humana, vt rationalis est, tamen consideratione morali solum, hæc postremæ dicuntur proprie humanæ, quia ille modus est totius esse moralis fundamentum seu ratio: & hæc doctrina est valde probabilis.

Aliis verò placet, actum, etiam si necessarius sit dummodo sit à voluntate ex plenaria potestate operante, esse actionem humanam: idque dupliciter: primò, per extrinsecam denominationem scilicet quia est libera in sua causa: v.g. actus amoris Dei in patria ortus est ex actionibus liberis, quibus homo meruit illi statum, & ideo dicitur humanus, & liber in sua causa. Sed hoc non placet, primò enim non est vniuersalis ratio: in aliquibus enim est ille actus sine præcedentibus actionibus liberis, vt in infantibus baptizatis: tum quia est valde improprium, quia ille actus non imperatur à præcedenti actione humana, nec ab illa informatur nisi valde remote. Alius modus apparens est, quod ille actus intrinsecè sit humanus, quia est perfectissimè voluntarius, & illa necessitas, quam habet, non est ex imperfectione, sed potius ex perfectione nascitur: nam sicut operari liberè circa bona non summè bona nec simpliciter necessaria perfectionis est, ita circa summe bonum, & summè necessarium ferri necessariò ad perfectionem pertinet: ideo Deus sicut alia liberè, ita se necessariò amat, & vtrūque ex infinita perfectione videtur autem esse propriè actus humanus, qui ex maxima perfectione hominis, & vt sic dicā, ex plenaria potestate, & aduertētia rationis procedit.

Mihi autem in hac re videntur hæc duo: primum, prædictam controuersiam magis pertinere ad modum loquendi, quam ad rem: nam si per actionem humanam intelligamus moralem, & dignam laude, aut reprehensione, sic sola actio libera est humana, & hic videtur esse vltimior modus loquendi quem sequitur D. Thom. 1. 2. quest. 1. articulo. 1. si autem per actionem humanam intelligamus perfectè, rationaliter, & ab intrinseco procedentem ex plena hominis voluntate, sic actus beatitudinis dici potest actus humanus. Secundum est, quocumque modo istorum loquamur, facile posse expediri tertiam objectionem factam in num. 5. nam si dicamus actum beatificum, v.g. esse humanum, ad D. Thomam respon-

Actiones proprie hominis licet non humanæ præstent.

Actiones proprie humanæ.

VIII.

IX.



respondendum est, vel sub dominio talis actus comprehendisse non solum liberum, sed etiam voluntarium perfecte, quia utrumque fundatur in plena potestate libertatis, vel certe locutum esse de homine viatore, & per actus suos tendente in finem suum, in quo nulla est actio humana, quæ non sit libera; si autem demus illum actum non esse humanum, neganda est consequentia: ad D. Thom. verò dicendum est, nunquam posuisse exclusivam, sed solum dixisse, omnem actionem humanam esse propter finem, ex quo non sequitur, omnem actionem propter finem esse humanam. Vnde cum illo *art. 1.* definiisset omnem actionem humanam esse propter finem abstinuit ab actione libera: ergo signum est non locutum fuisse exclusivè.

X. *2. Assertio de actibus voluntatis ex inaduertentia.* Secundo principaliter dicendum est, actus voluntatis, qui ob inaduertentiam, seu in deliberationem rationis absque libertate sunt, non esse propriè & perfecte propter finem. Ita colligitur ex D. Thom. hinc *articul. 1. ad 3. cont. Gent. cap. 82.* & ratio ex dictis est facilis, quia propria operatio propter finem oritur ex eo, quod ratio cognoscit rationem finis, & proportionem mediorum ad ipsum: ergo quando ratio non potest perfecte advertere, non erit propria operatio propter finem, & hoc magis constabit ex sequenti dubio.

XI. *Questiuncula de non voluntibus perfecte ratione.* Hic verò quæret aliquis an homines, qui non possunt perfecte uti ratione, ut sunt pueri, amentes, & dormientes, possint interdum operari propter finem: nam ex proxima assertione videtur sequi pars negatiua, quæ confirmari potest: nam si hi possunt operari propter finem: ergo possunt conferre medium cum fine, & cognoscere eorum proportionem: ergo eadem ratione poterunt conferre vnum medium cum alio: ergo eligere: ergo liberè operari: ergo peccare.

XII. In contrarium autem videtur esse experientia, & ratio, nam licet isti habeant imperfectum vsum rationis, exercere tamen possunt actus intellectus, ut colligitur ex Diuo Thoma in *4. distinction. 4. questione prima, articulo quarto quest. 1. ad 3. & 1. p. quest. 8. artic. 2. ad 2.* quia, cum vtantur phantasmatibus, non sunt ita ligati, quominus possint recipere in intellectu species, & illis uti etiam componendo, & syllogizando: possunt ergo per intellectum cognoscere rationem boni & utilitatem medij ad finem ex propria voluntatis ordinatione operari propter finem. Atque ita sane dicendum videtur, licet isti homines non habeant perfectum dominium suarum actionum nec perfectam rationis cognitionem: & ideo non tam perfecte operantur propter finem sicut cordati homines: nam si non sint omninò insani, possunt aliquo modo operari propter finem, quod probat experientia. Vnde, si interrogentur, propter quid appetant sanitatem, respondent, quia ægrotare est discòueniens sibi: & si rogentur, cur vtantur medicina, respondent, quia confert ad sanitatem: signum ergo est non ita priuatos esse ratione, quin possint medium cum fine conferre, atque adeò vnum ad alterum ordinare, quod est operari propter finem. Confirmatur: nam aliquando experimur in his omnibus quasdam actiones procedentes ex quadam veluti prudentia, & sagacitate, quæ non possunt referri in solum instinctum naturæ, sicut solet fieri in brutis: homo enim, quia ratione utitur, non habet à natura huiusmodi instinctus: ergo proueniunt illi actus ex cognitione rationis, atque adeo ex ordinatione vnius ad alterum.

XIII. Ad adducta vero in contrarium n. 11. iam di-

FRANC. SUAREZ, De fine Homini.

ctum est, ad operationem propter finem non esse necessariam libertatem: deinde an his hominibus sit aliqua indifferentia, & libertatis vestigium, dicemus infra agentes de electione: interim videri potest Victor in *Relectione de pueris peruen. ad vsum ration.* Quidquid autem de hoc sit, certum est huiusmodi homines non esse capaces culpæ, præsertim mortalis, quia non possunt perfecte cognoscere rationem boni, honesti, & ultimi finis: de quo suo loco dicemus.

### SECTIO III.

*Verum homo operetur propter finem in actionibus, quæ à voluntate non procedunt.*

Diximus hætenus de actionibus voluntatis, tam elicitis, quam imperatis, & tam liberis, quam necessariis: ut ergo sit còpleta disputatio de actibus hominis, dicendum est breuissime de reliquis operationibus eius, quæ à voluntate non procedunt: latius enim id agimus in *diff. 23. Metaph. sect. 3. à n. 18.* Et primò potest esse difficultas de actibus intellectus, qui præueniunt voluntatem, nam illi videntur maxime proprii hominis, & valde perfecti: ergo ut sunt ab homine debent habere hanc perfectionem. Quod maxime vrgeri solet de visione beata: nam illa est operatio, in qua est ultimus finis: ergo etiam est propter finem ex D. Thom. *1. 2. q. 1. art. 1. ad 1.* Secundò idem inquiri potest de actionibus merè naturalibus facultatis vegetatiuæ, seu animalis, ut sunt nutritio, motus cordis, &c. nam si alia agentia naturalia agunt propter finem, cur non etiam homo in his actionibus, præsertim quia etiam passionibus inuoluntariæ possunt ab homine recipi propter finem: ergo magis actus naturalis.

Tertiò est maior difficultas de actibus appetitus tam ex ratione communi hominis quam ceterorum animalium, quia hic appetitus mouetur ex cognitione boni; ergo ex metaphorica cognitione obiecti boni, in qua diximus *diff. 1.* consistere causalitatem finis: ergo in hoc appetitu præcisè, & vi sua habet locum actio propter finem, præsertim cum D. Thom. sæpè dicat, bruta apprehendere rationem boni, vtilis, & ab ea moueri, ut patet ex *1. p. q. 28. art. 4.* vbi autem est bonum vtile, est ordinatio in finem. Deinde ex speciali ratione hominis, quia in eo appetitus non mouetur tantum ab æstimatione, sed etiam à cogitatiua, quæ iuxta multorum opinionem discurrere potest circa particularia: ergo poterit etiam conferre medium cum fine. Quin potius aliqui existimant, quando intellectus confert, & cognoscit proportionem medij cum fine, si obiectum sit sensibile, & proportionatum, necessarium esse ut cogitatio comitetur intellectui & similem collationem faciat: ergo appetitus sequens hanc potentiam & formaliter, & ex propria ordinatione appetit vnum propter aliud, & præsertim quia ex motione rationis sæpè appetitus fertur in id, quod videtur sensui repugnare: propter quod D. Thom. *1. 2. q. 30. art. 3. ad 3.* dixit in nostro appetitu esse concupiscentiam, quæ est cum ratione, & *1. p. q. 81. art. 3. ad 2.* dicit in homine moueri appetitum à ratione vniuersali.

I.

Arguitur pro actibus intellectus precedentiibus voluntatem.

Item pro actibus vegetatiuæ animalis.

II.

Arguitur tertiò pro actibus appetitus animalis.

Et speciatim de hominis appetitu.



III.  
Tres notati-  
ones pro de-  
cisione.

Aduertendum est breuiter, aliud esse actum procedere à voluntate; aliud esse volitum à voluntate: nam primum dicit rationem effectus, & causæ; secundum verò tantum dicit rationem obiecti, & actus, qui circa illud fertur. Atque simili ratione aliud est actum fieri propter finem, aliud verò extrinsecè ordinari in finem aliquo modo: nam primum requirit quòd ipsa mutatio sit à voluntate vt à causa operante propter finem: secundum verò solum requirit, vt actus ametur, seu sit volitus propter aliquem finem, licet ab ipso amante non fiat ipsa actio propter talem finem ex propria, & intrinseca ordinatione eius. Supponimus n. vltimò, sermonem esse de operatione propter finem formaliter ac propriè ex ordinatione ipsius operantis proximè, & non tantum ex extrinseca ordinatione ipsius auctoris naturæ, prout naturalia agentia operantur propter finem.

IV.  
Assertio bi-  
partita.

Dicendum est ergo, actus seu actiones omnes quæ nullo modo cadunt sub humanam voluntatem, esse posse propter finem passiuè, seu extrinsecè, eo videlicet modo, quo actiones naturalium agentium sunt propter finem, non tamè actiuè & intrinsecè, id est, ex propria ipsius hominis ordinatione & intentione. Prior pars per se clara est, quia non est in hac parte homo deterioris conditionis, quàm alia naturalia agentia, nam in his actibus etiam operatur ex impetu naturæ, & tendit in scopum ab autore naturæ destinatum; & hoc probant rationes dubitandi in num. 5. positæ, vt dicemus. Posterior autem pars facile probatur ex his dictis, quia motio finis propria est voluntatis, cuius finis est obiectum, vnde tendere in finem per proprium actum, atque alia ordinare in finem, ad voluntatem spectat: ergo secluso omni actu voluntatis, non potest esse actus propter finem ex propria, & intrinseca ordinatione operantis. Ex quo fit, si actus sit à voluntate vt à causa eliciente, vel operante, tunc posse fieri, & esse propriè propter finem; sicut dictum est in præcedentibus. Si autem non sit à voluntate, vt à causa, sit tamen voluntarius saltem obiectiuè, tunc non fiet propriè propter finem, quia non fit ex motione voluntatis; potest tamen ordinari ad aliquem finem, quia hoc ipso quod voluntas vult aliquem actum, propter aliquem finem illum vult: & hoc est ordinare illum in aliquem finem, quæ ordinatio licet physicè nihil ponat in ipso actu, potest tamen ad moralem valorem conferre: sic enim passionem, quæ non fiunt à voluntate, si per voluntatem acceptentur, & ad satisfaciendum pro peccatis referantur, possunt ad hunc effectum habere aliquem moralem valorem.

V.  
Ad argum.  
de actibus in  
tellectus in  
num. 1.

Ex his facilis est responsio ad rationes dubitandi in principio positas. Ad primam enim respondetur, visionem Dei, (& idem est de omni actu naturali intellectus, vt antecedit omnem actum voluntatis,) non esse propter finem vt est ab ipso homine: quia solum est quasi ex impetu naturæ, vnde potius est finis, quàm propter finem licet vt est affectio sui obiecti haberet illum pro fine, prout ex naturali sua inclinatione; at verò eo modo, quo illa actio potest esse voluntaria, potest ordinari in finem, sic enim potest beatus velle videre Deum in gloriam ipsius Dei; vel etiam in suum commodum, vt illa visione consequatur suum summum bonum.

Ad argum.  
de actibus  
animæ ve-  
getatiuæ.

Ad secundum iam est responsum, quomodo inferiores naturales actiones, vel passionem sunt propter finem, vel possint aliquo modo ordinari in finem.

VI. Ad tertium, quod ad bruta attinet, dicen-

est, inueniri in illis quādam imperfectam participationem causalitatis finis, quatenus ab obiecto apprehenso excitantur, vt per appetitum elicitum in illum tendant, & illum prosequantur, aut ab illo fugiant: nam cum causalitas finis consistat in motione voluntatis, quæ est appetitus elicitivus, quantum participant de hoc appetitu & motione, tantum necesse est participant de causalitate finis. Nihilominus, absolute loquendo, non operantur formaliter propter finem, quia solum mouentur à fine materialiter, vt docet D. Thom. 1. 2. q. 1. art. 2. & melius q. 6. art. 2. & potest in hunc modum explicari. Nam quoad actiones, quæ versantur circa media, quibus acquiritur finis, bruta non agnoscunt proportionem mediorum cum fine, nec vnquam alio conferre possunt, atque adeo hoc modo operantur propter finem; quoad eas verò actiones, quæ versantur circa finem, non cognoscunt in ipso fine propriam convenientiam, sub qua mouet, & propter quam est per se appetibilis, quia hoc etiam requirit collationem talis obiecti cum natura, & perfectam cognitionem illius; & ita quamuis materialiter tendant in rem sibi propositam, tamen non propriè operantur circa illam propter finem. Vnde quando D. Thom. significat bruta apprehendere vtilitatem, vel convenientiam, aut disconvenientiam cum propria natura, non est intelligendum, quia formaliter cognoscatur à brutis, sed tantum materialiter ex instinctu naturæ, quia videlicet apprehenso obiecto statim ex instinctu naturæ apprehendunt esse prosequendum vel fugiendum. Et hoc significat D. Thom. loco citato, cum ait, apprehendere has intentiones nature quodam instinctu. Cuius signum est, quia eodem impetu, & modo tendunt in id, quod est medium, & in id, quod est finis, quia vtrumque apprehendunt vt prosequendum, & in neutro apprehendunt distinctè rationem, propter quam prosequendum sit, quia de re latius in disp. 23. Metaph. sect. 10.

Ad aliam partem de appetitu hominis respondetur, longam esse disputationem quid possit cogitativa hominis cognoscere, & operari, quæ non est hoc loco tractanda. Ego verò probabiliter existimo non posse hanc potentiam tam propriè discurrere, nec etiam componere, aut diuidere: & multò certius est non posse res vniuersales cognoscere. Certum item est, appetitum sensitiuum hominis non posse immediate moueri à ratione sed solum mediante cogitativa, seu imaginatione particulari, vt D. Thom. explicuit loco citato: & ideo etiam censeo hunc appetitum per se sumptum, & quatenus se mouet, non verò vt mouetur à voluntate, non posse propriè operari propter finem, quia sensus non potest conferre intermedia quæ posset hic appetitus eligere, & ita aliquam propriam libertatem habere, præsertim circa obiecta posita vt æqualia, quod falsum est, vt infra suo loco latius dicemus. Solum ergo superat hic appetitus appetitum brutorum quia potest interdum moueri ex motione appetitus superioris, & ideo non tantum mouetur instinctu naturæ, sed aliquo etiam modo ex directione rationis, in qua magis se habet vt motus, quam se moueat, & ideo sub hac ratione non dicitur propriè operari propter finem ex

precisa virtute sua, sed præcedente aliqua ratione voluntatis.

Ad 3. de actibus appetitus, in numero 2.

VII.  
Ad aliud de speciali appetitu hominis, in eod. num. 2.



## SECTIO IV.

*Quot modis contingat, voluntatem hominis operari propter finem.*

**I.** *Modus quadruplex operandi propter finem.* **A**bsoluimus priorem partem earum duarum, quas initio Disputationis proposuimus, superest ut expeditamus hanc posteriorem, quæ visa est hoc loco necessaria, ut expeditior sit via ad ea, quæ postea tractanda sunt, & ut sæpe dixi, non est sermo de operatione propter finem communem agentibus naturalibus, sed de modo proprio hominis, qui in plures alios distingui solet: & potest ad quatuor tantum reuocari. Dicitur enim homo operari propter finem vel habitualiter, vel actualiter, vel virtualiter, vel tantum interpretatiue, quæ oportet breuiter explicare. Actualiter dicitur volūtas operari propter finem quādo actu mouetur à fine, vnde ad hunc modum operandi in primis requiritur actualis cognitio, & cogitatio de ipso fine, quia nisi sit actualiter apprehensus, non potest actualiter mouere. Deinde requiritur actualis motio voluntatis, vel in ipsum finem, vel in alium propter ipsum, quia hoc significat actualis operatio propter finem. Posset tamen hoc loco queri an in hoc modo operandi requiratur actualis intentio finis propter se ipsum, vel sufficiat actualis electio, vel vsus propter finem actu & distincte cognitum: sed hæc quæstio infra tractanda est cum dicetur de intentione & electione, & statim aliquid attingam agendo de tertio modo operandi.

**II.** *2. Modus operandi per relationem habitualem quo pacto ab aliis explicetur.* **Q**uid v. sit operari habitualiter, nō omnes eodem modo exponūt: aliqui hoc explicāt ratione cuiusdam concomitantis habitus concomitantis operationē in eadem voluntate seu subiecto, ita ut dicatur homo operari habitualiter, ppter aliquē finē, quādo operatur ppter aliquod obiectū retinendo habitum inclinātem ad alium finem, quamuis relatio huius habitus nullo modo cadat in huiusmodi operationem, nec referat illam in horum finem, sed solum ipsum hominem seu voluntatem operantem. Hunc modum significat D. Thom. 2. 2. q. 24. art. 10. ad 2. & 1. 2. q. 88. art. 1. ad 2. & q. 3. de malo; quod exemplo explicatur: nam hoc modo dici solet iustus, etiam dū venialiter peccat, habitualiter operari propter Deum, non quia ipsum opus peccati ab eo referatur in Deum, sed quia simul cum illo opere retinet habitualem relationem ipsius personæ, vel voluntatis in Deum ut finem vltimum, & quia opus ex se non excludit hanc relationem, atque eodem modo infidelis, qui habitualiter habet idolum pro fine, etiam dum facit opus honestum iusticiæ, & misericordiæ, dicitur habitualiter operari propter idolum. Ex quibus exemplis & ex re ipsa constat hunc modum esse valde improprium, quia, ut dixi, & Caiet. notat loco citato in 2. 2. hæc habitualis relatio non cadit in ipsum opus, quia nec per actum præsentem, nec per aliquem præcedentem refertur huiusmodi actus in illum finem, nec ab illo sumit aliquam entitatem, vel proprietatem physicam, vel moralem; imò nullo modo interdum referibilis est in illū finem, ut constat de veniali: ergo tota illa relatio habitualis solius subiecti, vnde potius potest dici operari cum relatione habituali ad talem finem, quam operari propriè propter talem finem.

**III.** **A**lio ergo modo explicatur hæc relatio habitualis, quando censetur relictā ex aliquo actu præcedenti, per quem illud opus vel in particu-

lari, vel saltem sub generalitate relatum est in talem finem, licet quando sit illud opus præcedens actus, seu relatio, nullo modo sit nec actualiter, nec in aliqua virtute, quam reliquerit, ut per eā influat in opus, sed merè habitualiter, quia illa intentio semel habita, retracta non fuit, vt v. g. retulit quis summo manē omnia opera Dei in Deum, postea verò in discursu Dei operatur aliquid referibile de se in Deum, tamē sine illa memoria prioris intentionis, & sine vllō influxu actuali, vel virtuali, tunc dicitur ille homo habitualiter operari propter Deum, propter relationem habitu relictā ex priori intentione habita, & non retractata. Quæ modum insinuare videtur D. Thom. 1. 2. quæst. 1. art. 6. ad 3. & quæst. 2. disputata de virtutibus artic. 11. ad 2. quamuis hæc loca possunt intelligi de relatione virtuali statim explicanda: nam D. Thom. sæpe relationem virtualem vocat habitualem, & nunquam satis distinguit; inter has tamen ex dictis constabit esse aliquam distinctionem: nam in hoc modo, de quo nunc agimus, finis nec actu influat, quia, ut supponimus, nec actu cogitur, nec actu mouet; nec etiam virtualiter influat, quia etiam supponimus ex priori intentione nihil esse in homine relictum, quod nunc conferat ad præsentem operationem, sed ita se habere hominem in modo operandi, ac si prior actus non præcessisset: est ergo huiusmodi relatio merè habitualis, de qua non parua quæstio est, an conferat operi aliquam moralem conditionem, aut valorem, aut in ordine ad meritum, vel ad satisfactionem, vel aliquid huiusmodi, quæ in locis propriis tractanda sunt.

**C**irca tertium modum operandi, scilicet virtualiter propter finem, notandum est eū veluti medium inter præcedentes, quia nec requirit actualiter influxum propter finem ut primus, nec omninō nullū ut secundus: sed requirit aliquem influxū per aliquā virtutē relictā ex priori intentione: difficile vero est circa hunc modum dicere, quid sit hæc virtus, & in primis sumo ad hunc modum necessarium esse ut præcesserit actualis cognitio & intentio talis finis, quia aliās nihil esset, vnde illa virtus fuisset relictā. Deinde oportet ut talis intentio non sit retractata per cōtrariam intētionem, quia aliās hæc cōtraria intētio destruxisset virtutem relictā per priorem intentionem. Tertio, necessarium est ut duret effectus aliquis relictus ex priori intentione, ut ab illo procedat aliquo modo opus, quod dicitur postea fieri virtualiter propter talem finem. Quis autem ut hic effectus aliter videtur explicandum respectu actuum externorū, aliter respectu actus interni ipsius voluntatis: potest enim actus exterior fieri propter finē absque actuali cogitatione, & intentione finis. Exemplum vulgare est quādo quis iter agit, quod incipit propter aliquē finem, in ipso verò actuali progressu non semper recordatur ipsius finis: imò nec interdum recordatur ipsius incessus, vel motus: & idem contingit in celebratione Missæ ex priori intentione: tunc ergo virtus relictā ex priori intentione nihil aliud esse videtur, quam applicatio ipsius potētiae executiæ ad actualem operationem externam, quæ durat & conuincit in ipso effectu quamdiu non cessat omninō ab actione, nec per contrariam voluntatem suspenditur actus, & licet contingat actiones externas variari, tamen quia vni in mente succedit altera, vna etiam excitat ad alteram, & hoc modo virtus interior censetur durare in ipso effectu. At verò, quando actio externa omnino interrumpitur,

## IV.

**3. Modus operandi per relationem virtualem.**

*Tres conditiones ad relationem virtualem.*



pta fuit v. g. per somnum, vel quid hu. usinodi, tunc necesse est actum voluntatis quasi de nouo inchoari; & quoniam voluntatis actus esse non potest sine cognitione intellectus, ideo ex parte illius videtur commodè exponi hęc virtus relicta ex priori intentione, quia nimirum ex præcedenti intentione, apprehensione, consultatione, & aliis similibus actibus factum est vt potentia, proposito tali obiecto, v. g. quod iter sit agendū, statim repræsentatur vt exequendum absque alia motione, seu speciali cōsideratione illius, seu finis, ad quem ordinatur: hoc modo statim voluntas exequitur id, quod proponitur, & incipit illo medio vti, quod proximū est, seu quod tunc occurrit primò exequendum, & sic recte dicitur virtualiter operari propter finem.

V. Circa 4. modum, quem vocauimus interpretatiuè operari propter finem, aduertendum est, interdum voluntatem intendere aliquod obiectum, in quo sistit ex vi cōsiderationis, & huius actualis motionis; tamen illa res intenta natura sua fertur, & ordinatur in alium finem: tunc ergo voluntas dicitur propriè, & quasi explicite intendere finem sibi propositum: interpretatiuè verò dicitur intendere vltiorē finem, ad quem finis priori modo intentus natura sua fertur: & ad hunc modum is, qui operatur honestè propter bonitatem misericordiæ aut iustitiæ, nihil de Deo cogitans, aut de alio fine, dicitur operari propter Deum, vel propter beatitudinem, & implere illud Pauli 1. Corint. 10. *Omnia in gloriam Dei facite* quia videlicet ipsum bonum honestum quod intenditur ad beatitudinem. Et ideo licet homo actu suo non intendat illum finem vltiorem, dicitur operari propter illum interpretatiuè, quod alij vocant operari propter finem ex natura ipsius operis potius quam ex intentione operantis, de quo modo operandi occurrent plura in sequenti disputatione.

### DISPUTATIO III.

De ultimo fine hominis in communi, & de modo operandi propter illum.



Ostquam de fine generaliter dictū est, oportet vt de illo in particulari aliqua dicamus, quoniam hic finis, & præcipua rationem finis habet, & primū principium est omnium operabilium, & eius ratio in beatitudine potissimum reperitur, ad quam totus hic sermo de Fine refertur: diximus autem suprā Disp. 1. sect. 6. num. 2. alium esse finem vltimum simpliciter & positiuè, alium verò vltimum secundū quid & negatiuè: & quamuis præcipua huius Disputationis intentio sit de priori, tamen ob maiorem claritatem, & doctrinæ complementum, dicemus etiam de posteriori, & primò videbimus, quā sit necessarius hic Finis ad operationes humanas: deinde, an sit vnus tantum vel possit esse multiplex.

#### SECTIO I.

Vtrum necessarium sit constituere aliquem finem vltimum hominis, & actionem eius.

Dupliciter intelligi potest hominem ordinari ad finem vltimum: vno modo, ex intentione authoris naturæ, ordinatione quasi extrinseca, & passiuā: alio modo ex libera voluntate, & a-

ctione sua, atque ad eod ordinatione quasi intrinseca, & actiuā, quia nimirum homo per actum suæ voluntatis aliquem finem vltimum sibi prætuit, in quem dirigat actiones suas, qui potest intelligi vel finis vltimus simpliciter, vel secundum quid.

Dico ergo primo dari aliquē finem vltimum simpliciter, ad quem, & propter quem homo institutus est ab autore naturæ. Hęc conclusio est simpliciter de fide, vt etiam ostendi in disp. 2. perit aliquis Metaph. sect. 1. quia constat Deum esse finem vltimum creaturarum omnium, & iuxta illud Apocal. 1. *Ego sum α, & ω*: quod latius tractatur 1. p. q. 5. art. 4. & specialiter constat esse finem vltimum hominis, qui propriè & peculiari modo potest Deum attingere, vt latius infra probabimus disp. 5. agentes de obiecto beatitudinis. Et hoc etiam est lumine naturæ notum, quod homo habeat aliquem finem vltimum sibi communicabilem, & ita posuerunt omnes Philosophi, qui de beatitudine disputarunt: vt videre est apud Arist. 2. Ethic. à princip. & Cicero lib. de finibus, & alia congerit August. lib. 9. de Ciuitate, setè per totum. Et ratio est facilis, quia homo nec frustra, nec casu est in mundo: est ergo effectus propter aliquē finem: & cum in finibus non procedatur in infinitum, necesse est vt sit factus propter aliquem finem vltimum. Deinde ipsa constitutio naturæ humanæ hoc intrinsecè postulat, tum quia alias non haberet homo natura sua certū terminum in quem secundū rectam rationē operationes suas dirigeret: vnde fieret vt neque etiam posset rectè vitā suam instituere: tum deniq; quia sicut in intentionibus, & electionib⁹ non potest in infinitum procedi, sed deueniendum necessariò est ad aliquem vltimū finem: ita in singulis reb⁹ necesse est, vt tota natura inclinetur ad aliquid vltimum, sicut contingit in arte, licet contingat in vna arte, multas esse actiones, necesse tamen est vt omnes tendant in vnum aliquem finem: nam si ars est vna, & multas actiones sub se comprehendit, necesse est alquem ordinem inter eas seruari, atq; ad eod omnes ferri ad aliquid, qd est perfectum, & cōsummatum in tali arte: sic ergo cum natura hominis vna sit, & plures operationes complectatur, perfecta eius institutio intrinsecè postulat ordinem, atque ad eod imperfectiora propter perfectiora, & hęc propter id, quod in homine est perfectissimum, sicque illud habebit rationem vltimi finis.

Dices, hoc discursu ad summum probari, viuere secundū rectam rationē esse finem vltimum hominis, non tamen quod in eo gradu, & ordine detur aliquis finis vltimus quia in eo gradu sunt multæ virtutes, omnes propter se amabiles, quæ possunt intendi per modum finis vltimi. Respondeo, etiam si demus totū id, quod argumentum postulat, id non esse cōtra positam assertionem, quia nunc non agimus de fine vltimo, in quo consistat, an in vna re, vel operatione, sed solum an sit, & hoc concludit ratio facta. De alio verò puncto acturi sumus disp. 6. sect. 3. agentes de beatitudine. Addit præterea Durand. in 2. d. 38. quest. 4. num. 8. rationem factam posse proportionaliter applicari, nam in ipso viuere secundū rationem est multitudo actionum, & operationum, inter quas potest etiam seruari ordo, vt imperfectiora ad perfectiora ordinentur: ac denique tota rationalis vita ad id, quod summū & perfectissimum est, quod latius tractaturi sumus agentes de beatitudine.

Atque ex hac conclusione sequitur omnes homines conuenire in hoc vltimo fine, vel secundum naturæ propensionem, quia vna est hominum

I. *Affertio: homini cōfinis vltimus simpliciter.*

II.

III.



num natura; vel secundum Dei ordinationem, quia tota humana species ad eundem finem ad-  
ed distincta est: at verò secundum appetitum  
elicitium non omnes homines eundem finem  
intendunt, quia hoc pendet ex eorum libertate,  
& cognitione, vel ignorantia. Addit verò D.  
Thom. *quest. 1. art. 7.* omnes, qui habent affectum  
bene dispositum, conuenire in hoc ultimo fine  
etiam secundum intentionem elicitam, quod  
intelligendum est iuxta modum, & qualita-  
tem bonæ dispositionis: nam si illa dispositio  
sit supernaturalis, & ex cognitione, ac virtute  
supernaturali procedat, omnes, qui illam par-  
ticipauerint, conuenient in eodem fine super-  
naturali. Si autem dispositio fuerit tantum natu-  
ralis, seu moralis, conuenient in fine ultimo  
naturali vel formaliter intēto, vel saltem inter-  
pretatiuè, quia omnes intendunt secundum  
rectam rationem viuere. Vnde licet in finibus  
proximis differre possint, vt Durād. notauit *loco*  
*citato*, quia vnus potest vnā virtutem intēdere,  
alius aliam: tamen omnes tendent in eundem vl-  
timum finem, quia ille finis adeò perfectus est,  
vt inquit Bonauent. in 2. d. 38. art. 1. *quest. 4.* vt  
omnes bene operantes ad se trahat, & solus  
ipse possit affectum bene dispositum satiare.

## IV.

2. Assertio,  
prima homi-  
nis actio nō  
necessariò  
est circa vl-  
timū finem  
simpliciter.

Dicendum est secundò, non est necesse vt om-  
nis homo, quando primò operatur, intēdat  
propria & formali intentione elicita aliquem  
finem vltimum simpliciter, in quem se, & omnia  
sua referat. Probatur, quia talis intentio ne-  
que est absolute necessaria per se, neque ad ali-  
as operationes: ergo nullo modo est necessa-  
ria. Prior pars antecedentis probatur, quia om-  
nis intentio voluntatis in via est libera sal-  
tem quoad exercitium, vel etiam quoad speci-  
ficationem, si sit de re aliqua determinata. Po-  
sterior verò pars probatur, quia ad operatio-  
nes morales sufficit intentio particularis finis,  
qui propriè intēdatur, & sit vltimus tantum  
secundum quid, & negatiuè. Vnde explicatur,  
& confirmatur conclusio, nam quando homo  
peruenit, v. g. ad vsum rationis, potest inchoa-  
re operationes suas morales à particularibus ob-  
iectis v. g. intendendo honorem, salutem, vel  
quid simile prius quam tractet de fine vltimo  
simpliciter, & propter illos fines potest liberè  
eligere, & operari: nec dici potest quod saltem  
interpretatiuè intēdat finem illum particu-  
larem tanquam finem vltimum simpliciter, &  
positiuè hoc enim necessarium non est, aliàs in  
tali affectu peccaret mortaliter, quod est planè  
falsum, quia fieri potest vt tale obiectum nec  
contra præceptum sit, nec contra charitatem, &  
consequenter vt nec formaliter, nec virtute,  
seu interpretatiuè ametur vt summum bonum.

## V.

3. Assertio,  
in actionib.  
humanis se-  
per intēdi-  
tur finis a-  
liquo modo  
vltimus.

Dicendum tertiò, necessarium esse hominem  
exercere actiones humanas intendere aliquem  
finem vltimum saltem negatiuè, & secundum  
quid. Iuxta quam conclusionem potest intelligi  
D. Tho. 1. 2. *quest. 1. art. 4.* & eam conuincit ratio  
eius, quia non est progressus in infinitum in fi-  
nibus, sicut neque in aliis causis per se ordinatis,  
de qua præter Aristotel. 2. *Metaph. cap. 2.* legi  
potest idem D. Thom. 1. *cont. Gent. cap. 3. & lib. 2.*  
*cap. 16. & lib. 3. cap. 17.* & Scot. in 1. d. 2. *quest. 1.*  
& Durand d. 3. q. 1. Atque hinc sequitur, pri-  
mum actum hominis incipientis operari hu-  
mano modo necessario esse debere circa aliquid  
per modum finis vltimi saltem negatiuè: quia  
necesse est, vt aliquid propter se ametur, vt pos-  
sint alia propter ipsum amari: illud autem, quod  
propter se amatur, vt sic habet rationem vlti-  
mi, quia vt sic, non refertur in aliud: si enim

referretur, iam illud aliud esset prius amatum.

Dices primò, nōne satis erit vt antecedit vol-  
untas, seu intentio boni in communi? Respon-  
detur, posse hanc intentionem esse omnium pri-  
mam, non tamen esse satis vt ex illa progredia-  
tur homo immediatè ad electiones faciēdas, sed  
necesse est vt prius figat intentionem in aliquo  
particulari obiecto propter se amando, quia me-  
dia, & executio eorum versantur circa singula-  
ria, & ideo non habent determinatam vtilitatē  
vel proportionem, donec cum re aliqua deter-  
minata conferantur, quæ per illa consequenda  
sit, & ideo illa generalis intentio non sufficit  
ad electiones propriè dictas, sed sufficit ac mouet  
& excitat ad amandum particulare bonum,  
quod sub illo communi continetur.

Dices secundò, quia fieri potest vt amor alicuius  
boni determinati v. g. honoris, præcesserit  
antè vsum rationis, & postea adueniente v-  
su rationis, ex vi illius fieri electiones: ergo fi-  
eri potest vt prima operatio humana sit circa bo-  
num tantum propter aliud amatum. Respon-  
detur, etiam si concederemus totum, non esse  
cōtra assertionē positam, quia illud est per acci-  
dens, nos v. per se loquimur de homine, qui sim-  
pliciter incepit operari, v. g. Adam cum pri-  
ma creatus fuit: & idem est de Christo, de Be-  
ata Virgine, & de angelis. Secundò dicitur in eo  
euentu cum ante electionem antecedere debeat  
consultatio, necessarium etiam esse, moraliter  
loquendo, vt præcedat intentio rationalis, qua  
velit homo consequi finem illum per conue-  
nientia media, hæc enim est quæ mouet ad con-  
sultationem; vnde non sufficit ille quasi natu-  
ralis affectus, qui potest antecedere.

## SECTIO II.

*Verum possit homo intendere in suis operationi-  
bus duos vltimos fines particulares  
tantum.*

Ratio dubij est primò, quia fieri non potest vt  
eiusdem effectus dentur duæ causæ totales  
eiusdem rationis & ordinis: ergo neque fieri po-  
test, vt in voluntate dentur duo fines vltimi,  
& inter se non subordinati, qui voluntatem mou-  
eant. Probatur consequentia, quia aliàs vter-  
que finis esset causa totalis in suo ordine: nam si  
essent tantum particulares, iam non essent duo,  
sed ex vtroque constaretur vnus finis: nos autem  
agimus de finibus totalibus, ita vt vnusquisque  
sit sufficiens ad mouendam voluntatem. Vnde  
argumentor secundò, quia vltimus finis est  
primum motiuum voluntatis, nam est primum  
in intentione: sed non potest voluntas simul, &  
æquè primò moueri à duobus, tum quia sicut  
repugnat esse duo prima principia, ita etiā duo  
prima motiua: tum etiā, quia motiuū volunta-  
tis est illud, quo posito mouetur voluntas, &  
sine quo non moueretur: nam, vt diximus ag-  
imus de motiuo totali: ergo repugnat huius-  
modi motiua simul multiplicari. Tertiò, non  
potest idem motus simul terminari ad duos ter-  
minos inter se non subordinatos: ergo nec mo-  
tio voluntatis ad duos fines, nam finis etiam  
est terminus huius motionis, & sicut motus  
specificatur à termino, ita motio voluntatis à  
fine, repugnat autem simul concurrere duo spe-  
cificatiua eiusdem motus. Quartò, fieri non  
potest vt ad eundem finem simul eligantur, vel  
applicentur duo media æquè proxima, seu pri-  
ma in executione, atque inter se non subordi-  
nata, quia non potest actio agentis simul incipe-  
re à

VI.

VII.

I.



re à duobus: ergo neque è contrario possunt duo fines simul iurendi. Tandem finis vltimus negatiuè dicitur qui ad alium non ordinatur; sed omnes fines particulares ordinantur ad finem vltimum simpliciter, & vniuersalem, quia de ratione illius est, vt omnia in ipsum referantur: ergo non possunt dari duo fines ita vltimi, quin saltem vterque illorum in vnum tertium ordinetur.

II. Aduertendum est, sermonem esse posse de duobus finibus, aut respectu eiusdem voluntatis, & eorundem mediorum seu eiusdem consultationis, & electionis, vel tantum respectu eiusdem voluntatis eligentis, & tendentis per diuersa media ad diuersos fines. Rursus, in ipsis electionibus, seu actibus, qui propter finem fiunt, considerari potest vel actus interior voluntatis, qui proximè, & immediate fit ex motione finis, vel actus exterior, seu imperatus ab illo interiori, sub quo comprehenditur omnis executio exterior mediorum, & effectuum, qui fiunt propter finem consequendum.

III. Dicendum primò: Eadem voluntas intendere potest diuersos fines, quorū vterq; sit vltimus saltem negatiuè, atq; eodem modo propter eos vltimatè eligere diuersa media. Hæc conclusio videtur satis clara primò exemplis, nam potest homo simul intendere sanitatem, & eligere media necessaria ad illam, in ea sistendo, & simul potest intendere honorem, v. g. & similiter propter illum eligere media consentanea: sicut etiam artes omnino diuersæ rēdunt ad diuersos fines vltimos in sua serie; & homo potest vtriusq; artis finem simul intendere, nec fiat vis in verbo, simul, quia ad præsertim quæstionem nihil refert quod physicè, aut metaphysice loquendo, possit voluntas simul exercere duos actus, vel non possit, etsi D. Thom. 1. 2. quæst. 12. art. 3. ad 3. hanc quæstionem attingēs concedit, posse simul exercere duos actus; sed nihil refert quod intelligatur de similitudine metaphisica, sed sufficit de similitudine morali, & virtuali: quomodo dicimus hominem simul intendere & scientiā, & temporale commodum, & non simul de vtroque cogitet. Ratio verò conclusionis est quia huiusmodi duo fines non habent inter se repugnantiam, quia vterque simul potest esse conueniens homini: ergo neq; intentiones eorum inter se repugnant. Neq; in eos procedunt argumenta facta, quia illæ intentiones sunt effectus diuersi, & consequenter diuersæ motiones: vnde nihil repugnat quod à diuersis principiis simul procedant, & ad diuersos terminos tendant. Atque eadem est ratio de variis electionibus, seu operationibus propter hos fines, quia etiam illæ inter se non semper repugnant, & ad diuersos terminos tendunt.

IV. Sed dicunt alij vtrumque istorum finium ordinari ad ipsum operantem, & ita illum esse finem vltimum vtriusque. Sed hoc in primis non est ad rem, quia operans non est finis cuius gratia, sed cui; Finis autem cui non tollit, quin finis cuius sit vltimus in suo ordine, si ad aliud in eodem ordine non referatur, & hoc modo nunc agimus de fine vltimo, quando quidem etiam finis vltimus simpliciter potest appeti amati tanquam finem cui. Deinde non est in vniuersum verum, nam potest homo simul intendere finem aliquē sibi acquirendum, & alium acquirendum amico in illo sistendo tanquam in fine cui.

V. Alij autem dicunt, quando cunque homo intendit huiusmodi duos fines particulares, semper eos intendere sub ratione vnius aliquo modo, vt, v. g. quatenus integrant absolutam per-

fectionem, seu hominis commoditatem, vel aliquid huiusmodi: & hoc insinuat D. Thomas in illa quæst. 12. artic. 3. ad 2. Respondetur, quod licet fortasse in re ipsa semper intercedat aliqua conuenientia, vel vnitas, quæ inter huiusmodi fines considerari potest, non est tamen necesse vt homo formaliter consideret, & intendat hanc vnitatem, sed potest absolute velle hoc, & illud bonum propter se amabile, non conferendo illa nec inter se, nec secundum aliquam rationem, in qua conueniunt. Vnde licet interpretatiue possit dici homo intendere in singulis finibus integrum commodum, seu bonum, non tamen propriè & formali intentione, vt latius sectione vltima huius Disputationis. Quæ responsio applicanda etiam est ad vltimum argumentum supra factum, quod maximè posset procedere contra hanc assertionem.

Dicendum secundò: Etiam potest homo ordinare simul eadem media ad distinctos fines particulares vltimos negatiuè, & inter se non subordinatos. Ita sumo ex D. Thoma dicta quæst. 12. articulo 3. vbi optimum signum adducit, quia in eligendis mediis, cæteris paribus, illud medium antepositum cæteris, quod ad plures fines vtilius esse potest: si quis enim intendens sanitatē possit vti medicina, quo simul capiat delectationem, hanc eligit: intendit ergo simul sanitatem, & voluptatem per idem medium, quia vtramq; simul potest per illud comparare, & non est necesse vt vnam ad alteram ordinet, cum vtraque sit per se, & absque altera amabilis. Et hinc sumitur propria ratio conclusionis, nam voluntas potest simul intendere duos fines inter se non subordinatos, neque in ordine ad vnum tertium, & idem medium potest re ipsa esse vtile ad vtrumque consequendum: ergo potest voluntas propter vtrumque finem idem medium eligere. Probatur consequentia, quia neque ex parte voluntatis, neque ex parte ipsius obiecti, est in homine aliqua repugnantia, quia obiectum sub vtraque ratione simul sumpta apparet conuenientius & amabilius, & voluntas potest in vtramque rationem ferri, & sub vtraque moueri & excitari. Quod euidentius fiet, soluendo argumenta initio facta post sequentem assertionem.

Dicendum tertio, quando voluntas eligit medium propter multos fines formaliter diuersos in ea ratione boni sub qua mouent, & inter se non subordinatos, sed proximos respectu electionis, tunc quamuis externum medium electum possit esse vnum & idem, tamen interiores actus sunt diuersi. Hæc conclusio potissimum probatur illa ratione, quam attigit Diuus Thomas 1. 2. quæst. 1. articulo 3. argument. 3. quia finis dat speciem actui interiori: non potest autem idem actus & quæ primò & immediate constitui in duplici specie: ergo si est duplex finis, & motuum proprium, non erit idem actus, sed duplex, qui ex illius motione causatur. De qua re hic plura non dicam, quia latius tractanda est infra Tractatu 3.

Argumenta igitur in principio facta, potissimum probant hanc vltimam conclusionem, non verò procedunt contra alias. Ad primum respondetur, quando voluntas mouetur à duplici fine duobus actibus internis intentionum vel electionum, iam ibi reperiri duas causalitates seu motiones finis, & duos proximos terminos, seu effectus earum, at que ita non dantur duæ causæ totales vnius effectus, sed plurium. Quin potius obiter adnota respectu talium actuum magis repugnare dari duas causas totales finales, quam duas

VI.

2. Assertio:  
de finibus  
per idē me-  
dium.

VII.

3. Assertio.

VIII.



SECTIO III.

*Utrum possit homo simul intendere duos ultimos  
fines simpliciter & positiue, & pro-  
pter illos operari*

**F**inis ultimus simpliciter, ut supra dixi, & constat ex Arist. 1. Ethicorum. cap. 7. & 8. est finis perfectus, & bonum sufficiens, atque adeo maximè necessarium intendenti talem finem. Vnde dupliciter apprehendi potest: primo sub ratione communi sufficientis boni, &c. non constitutendo illum in vna vel alia re determinatè, & hic vocari solet finis ultimus formaliter, in quo non habet locum præsens quæstio, quia, cum concipiatur abstractè, & confusè, clarum est non posse concipi nisi per modum vnius: nam qui appetit esse beatus absolute, & præcisè, non potest in ipsa beatitudine varietatem, & multitudinem excogitare, donec de re cogitet, qua beatificandus est. Secundo igitur modo concipi potest ultimus finis ut constitutus in re aliqua, aut rerum collectione, qui dicitur finis ultimus realis, seu materialis: & de hoc est quæstio, an necessariò sit vnus tantum: agimus autem de fine intento ex formali, aut virtuali hominis intentione, quia de connaturali fine ultimo, ad quem homo tendit impetu naturæ, seu ordinatione diuina, non est dubium quin sit vnus, ut latius infra cum agemus de beatitudine, & de hoc fine procedunt duæ rationes ultimæ D. Thom. 1. 2. quæst. 1. arti. 5. quæ possunt etiam accommodari ad finem ultimum formalem: de quibus dicemus plura sect. ult. huius disputationis.

**I.**  
*Hic finis dupliciter consideratur.*

Atq; hinc oritur ratio dubitandi in hac quæstione, quia intentio hominis non tantum fertur ad verum finem, sed ad falsum etiam, & apparentem: ergo quamuis in re ipsa non possint esse duo ultimi fines veri, possunt ab homine falso apprehendi, & existimari, sicut existimantur duo Dei, aut duo prima principia: ergo eadè ratione possunt appeti, & intendi duo fines ultimi simpliciter. Secundo, ut homo dicatur intendere duos fines, satis est ut saltem successiue habeat huiusmodi duas intentiones, dummodo virtualiter vtramque retineat, quamuis non actualiter, iam enim supra diximus nos hic non agere de similitudine metaphysica, sed morali, vel virtuali; potest autem homo nunc intendere vnum ultimum finem, verbigratia voluptatem & paulo post alium, v. g. honorem, non retrahendo priorem intentionem; quæ est enim repugnantia in hoc? nam illæ duæ res, neque in esse rei inter se pugnant, neque in esse finis, quia vtraque potest per se appeti ultimè in illa sistendo, & ad eam referendo omnia, quæ necessaria fuerint, in quo videtur ratio ultimis finis consistere. Tertio est vulgaris difficultas, nam qui peccat mortaliter, constituit finem ultimum simpliciter in creatura; sed potest quis simul peccare mortaliter diuersis actibus, & circa diuersas creaturas; ergo potest simul plures creaturas diligere ut ultimos fines.

**II.**

Aduertendum est, res, in quibus ultimi fines constituuntur duobus modis intelligi posse esse distinctas, primò formaliter, & quali specificè in ratione boni, seu conuenientiz, propter quam appetuntur: quomodo distinguuntur, v. g. voluptas, honor & similia. Secundo potest distinguere tantum materialiter & numerice, ut si quis, v. g. appetat diuitias in tanta quantitate,

**III.**

nihil

duas efficientes, quæ licet repugnet dari duas efficientes totales respectu eiusdè actionis, non tamè respectu eiusdem termini, quia causa efficiens est extrinseca, & non specificat terminum: at verò causæ finales repugnant tam respectu motionis, quàm respectu actus qui est veluti terminus casualitatis voluntatis, quia dant speciem actui, & non potest idem actus habere duas species æquè primas: at vero respectu actus, seu medij externi nulla est repugnantia quod duo fines simul concurrant, & moueant, quia ut supra dixi, non habent immediatum influxum in actum externum, sed in internum, nec dant illi propriam speciem immediatè sed solum mediatè quasi per denominationem extrinsecam ab actu interno, quonià nihil repugnat constitui in duplici specie accidentaria, & extrinseca

**IX.** Dices, saltem hinc necessariò sequi quod in genere causæ efficientis dentur duæ causæ totales eiusdè effectus, quia actus interior voluntatis effectiue mouet facultates interiores ad actus externos: ergo si in voluntate est duplex actus, & vterq; eorum sufficit per se ad motionem externam efficiendam, & actu influit suo modo, iam actus externus procedit à duplici principio naturali imperante, seu sufficiente. Respondetur primò, illos duos actus internos raro concurrere omninò simul physicè, & in instanti, iam enim num. 3. notauimus hanc simultatem non esse nobis necessariam ad ea quæ tractamus, sed sufficere moralem. Deinde, si contingat simul haberi, dici potest, quod de aliis causis physicis responderi solet, quod licet vtraque per se sit sufficiens, tamen quando simul æquè applicantur, neutram agere tota virtute sua, & necessaria ad effectum. Denique in huiusmodi effectum nullum aliud est inconueniens, quia hæc efficientia, qua mouet voluntas inferiorè aliquam potentià ad suum actum non est nisi per naturalem consensum potentiarum, qua fit, ut posito in appetitu tali actu, seu voluntate, statim anima, in qua omnes potentiæ radicanter, applicetur ad operandum per aliam potentiã, quod facere potest æquè benè, siue per vnum, siue per plures actus feratur voluntas in tale obiectum, seu actionem externam.

**X.** Et hinc facilis est solutio ad secundum: nihil enim repugnat dari duo motiua respectu eiusdè medij, seu obiecti voliti, dummodo motiones inter se voluntatis diuersæ sint. Vnde in voluntate diuina, cuius actus non sumit speciem ex obiecto externo, non solum res potest esse volita propter duplicem finem, sed etiam idem actus potest propter vtramque rationem ferri ad tale obiectum, quia altiori, & eminentiori modo omnia comprehendit. Tertium etiam ex dictis est facile nam illa proportio sumpta ex motu, & termino eius, ad summum procedit respectu actus interni propter conuenientiam in specificatione, non verò respectu medij externi, ut dictum est. Ad quartum respondetur imò sæpè accidere ut duo media eligantur ad eundem finem æquè immediatè, & sine subordinatione inter se, ut si vnum non habuerit effectum, saltem aliud habeat, vel si vtrumq; habuerit, tantò existimantur melius; Quare si interdum aliqua duo non possunt simul eligi, solum esse potest quia non possunt iudicari simul vtilia; & tunc argumentum proportionale factum non est simile, quia nos tractamus quando vnum medium simul iudicatur vtile ad plures fines. Ultimum argumentum solutum est in fin. n. 5.



nihil curans quod sit in his, vel illis numero pecuniis. Rursus, plures fines ultimi intelligi possunt appeti, vel copulatiue appetendo habere vtrumque simul, v. g. voluptatem, & honorem, vel tantum disiunctiue, vt si quis appetat, vel voluptatem, vel honorem, & alterutrum consecutus, contentus esse velit.

IV.  
1. Assertio.

Dicendum primò, fieri non potest vt aliquis copulatiue amet, & intendat duos fines ultimos totales, & integros: vnde si contingat amare plures res, seu plura bona, in eis aliquo modo vltimate sistendo, non appetit illa vt fines ultimos totales, sed partiales; integrum autem vltimum finem constituit in collectione, seu aggregato earum. Hæc est sententia D. Thom. 1.2. quest. 1. articul. 5. & prima ratio eius est demonstratio, quia finis vltimus integer, & totalis est ille, quem homo appetit vt complementum suorum desideriorum, atque adeò vt bonum sibi sufficiens & aliis præferendum, ac maximè necessarium; sed, si homo simul appetat duo bona, impossibile est vt vtrumque existimet esse tale, quale descripsimus debere esse vltimum finem quia si vnum existimatur sufficiens, alterum non potest reputari necessarium, quia sufficiens est quod non indiget alio; vel è contrario, si vtrumque existimatur necessarium, in neutro quiescet appetitus: ergo neutrum erit integer finis vltimus.

V.

Dices, Vnde constat totum illud esse de ratione vltimi finis, vel saltem cur non poterit homo hoc ignorare, & ita ex ignorantia saltè, appetere plures vltimos fines? Responderetur ad priorem partem, id constare ex ipsa vocis impositione, & ex communi hominum sapientum vsu, qui hoc intelligunt per vltimum finem. Item, quia in hoc distinguitur finis vltimus & totalis à partiali, seu particulari fine. Vltimo denique ex re ipsa, quia constat, posse hominem intendere aliquid in quo plenè quiescat, & ad quod dirigat se, & omnia sua quantum est ex modo appetendi, & intendendi talem finem: hinc ergo appellamus vltimum finem simpliciter. Vnde ad alteram partem responderetur, quamuis possit homo speculatiue ignorare quid significet vltimus finis simpliciter; & ideo posse existimare se amare plura vt vltimos fines, tamen reuera & practicè, atque in exercitio non intendere illos, vt totales fines, sed vt partiales, quandoquidem ita appetit, vt non sit contentus altero, sed vtroque aggregato. Atque hinc obiter constat non esse necessarium vt homo constituat hunc vltimum finem in vna re, seu in vno bono, potest enim plurium collectionem appetere vt vltimum terminum suorum desideriorum: sic enim Philosophi multi posuerunt beatitudinem vel in collectione bonorū temporalium, vel in eis simul cum virtute: neque in hoc est vlla repugnantia ex modo appetendi, vel ex ratione finis vltimi, vt ex dictis constat.

VI.  
2. Assertio.

Dicendum secundò, neque etiam disiunctiue potest homo intendere plura bona distincta, & formaliter diuersa, intendendo ea tanquam vltimum finem simpliciter, & totalem. De hac re nihil locutus est D. Thomas: probari ergo potest duobus modis, primò, quia intentio hæc obiecti disiuncti quando obiecta, seu bona, quæ in disiunctione ponuntur, sunt formaliter diuersa, est inefficax respectu singulorum, & insufficiens vt moueat ad opus, & ad electionem faciendam: ergo non potest hæc esse sufficiens intentio vltimi finis. Antecedens declaratur primò, quia neutrum illorū bonorum absolutè intenditur, sed quasi sub conditione, vel in de-

fectu alterius. Deinde, quia cum bona sint formaliter diuersa, licet fortasse vnum, vel alterum medium possit ad vtrumque conferre propter aliquā conuenientiam, quā inter se habere possunt: tamen absolutè & simpliciter indigent diuersis mediis, & electionibus: ergo illa intentio non est sufficiens ad electiones faciendas, donec ad aliquod ex illis bonis determinetur: ergo quamdiu est sub disiunctione, neutrum illorum bonorum respicit propriè vt vltimum finem simpliciter. Secunda ratio est, quia per talem intentionem, seu amorem, non potest vtrumque illorum bonorum appeti vt necessarium vel sufficiens appetenti: ergo neutrum amatur per modum vltimi finis. Antecedens patet, quia quodlibet illorum bonorum amatur non simpliciter, sed in defectu alterius, ergo neutrum per se existimatur necessarium absolutè, sed ad summum sub conditione, si aliud desit. Rursus, cum vtrumque aliquo modo appetatur, vtrumque censetur bonū appetentis, & cum sint bona formaliter diuersa vnum non confert ad bonitatem alterius, neque è contrario: ergo fieri non potest vt aliquod eorum appetatur tanquam per se sufficiens ad satiandum hominis appetitum: ergo reuera neutrum amatur vt vltimus finis.

Dicendum tertio, si bonum, quod amatur per modum vltimi finis, sit vnum formaliter, seu eiusdem rationis, nullum est inconueniens, quod sub disiunctione appetatur vt obtinendū in hac, vel illa re numero diuersa. Exempla sunt facilia: si quis, v. g. canonicatum appetat, & in hoc constituat suum finem vltimum, bene potest sub disiunctione intendere hunc, vel illum, quicumque ille sit. Ratio est, quia tunc finis est vnus formaliter, & illa distinctio numerica rerum naturalium nihil refert vel ad mutandam intentionem, vel ad satiandum hominis appetitum. Quod explicatur illa duplici ratione facta in præcedenti assertione contrario modo inducta: primò quidem quia illa intentio sufficit ad adhibenda media, & electiones faciendas vsq; ad assecutionē ipsius finis: quod si interdum necesse est adhibere aliquod speciale medium ad consequendum illum finem potius in vna re, quam in alia, illud est rarè & per accidēs, & tunc iam determinabitur intentio ad rem illā potius quam ad aliam: nō quia habeat aliam rationem boni, nec quia censeatur sufficientior ad saturandum appetitum, sed quia accidit vt fortasse hīc & nunc facilius acquiri possit, quam alia. Secundo, quia cum illis in rebus sit eadem ratio boni, quæ licet per se sufficit ad satiandum appetitum, qui non querit nisi tale ac tantum bonum, & in illo ponit finem suum.

Sed obiici potest, nam ille, qui sub disiunctione ita appetit duas res, reuera vtrāque appetit: Obiectio cōtra. ergo non potest alterutra earū satiari: ergo non tra præced. potest eas disiunctiue appetere per modum vltimi finis, sed necessariū est, vt appetat aggregatum vtriusque tanquam vltimū. Antecedens patet quia si quis velit interficere Petrum, aut furari bona eius, peccat peccato furci, & homicidij: ergo signum est illum consentire in vtrumque peccatum, atque adeò vtrumque velle. Responderetur, eum, qui tantum sub disiunctione vult vnum è duobus, reuera nō velle absolutè & simpliciter vtrumque. Quod patet primò, quia cum illo proposito stat voluntas efficax non committendi vtrumque. Secundò, quia homo id tantum vult, quod sibi proponit per modum dum obiecti, proponit autem sibi disiunctum, vt in alterutra parte exequendum, & non in vtraque simul. Tertiò, quia qui vult orare, vel eleemo-

VII.  
3. Assertio.

VIII.  
Obiectio cōtra. assert.



elemosinam facere, non ita meretur sicut ille, qui vult orare, & elemosinam facere. Et idem est in malis obiectis, præsertim si sint eiusdem rationis: qui enim proponit furari decem vel à Petro, vel à Paulo, non ita peccat, ac si proponeret furari decem à Petro, & decem à Paulo: ergo voluntas, quæ fertur ad aliquod disiunctum, non est absoluta respectu singularium partium, sed potius tantum secundum quid, & quasi conditionaliter, & ideo si membra illa tantum materialiter diuersa sint, illa voluntas æquiualeat voluntati vnius rei determinatæ habentis eandem bonitatem, vel malitiam: in illo autem exemplo in contrarium adducto, quia in singulis membris disiunctiones sunt malitiæ formaliter diuersæ, ideo opus voluntatis ab utraque illarum partium sumit malitiā, quia non solum peccat voluntas absolute volendo prauum actum, sed etiam volendo illum sub conditione, scilicet in defectu alterius, & quia in eo casu in utrumque consentit saltem conditionaliter, ideo utriusque malitiam participat, quāuis utraque sit minor, quam si obiectum esset copulatiue volitum. Vnde propter eandem causam si quis consentiat in obiectum disiunctum constans vna parte honesta, & altera turpi, simpliciter peccat ea malitia, quam sub disiunctione appetit, ut si proponat subuenire proximo, vel ex propriis bonis, vel ex alienis, furando illa, si aliter non possit ei subuenire.

IX. Ad argumenta initio facta, primum solum est, explicando primam conclusionem. Ad secundum vero facile respondetur, eum, qui mutat intentionem finis ultimi, hoc ipso retractare priorem intentionem, & ideo neque actu neque virtute intendere duos ultimos fines.

X. De tertio verò argumento multa scribuntur ab autoribus, sed quando illa difficultas ad materiam de peccatis intrat, 5. spectat, breuiter est expedienda. Primum ergo respondet Adrianus quodlib. 5. art. 3. negando eum, qui peccat mortaliter necessitate constituere ultimum finem suum increatura, quia reuera non diligit illam plus quam Deum, imò nec plus quam rem aliam temporalem: qui enim peccat, verbi gratia propter voluptatem carnis, non daret totam substantiam suam ut ea voluptate frueretur breui tempore: ergo non diligit illam voluptatem plus quam substantiam. Rursus, ille mer, qui sic peccat propter concupiscentiam, fortasse non negasset fidem, & religionem diuinam, etiam si oporteret totam substantiam perdere: ergo ille mer amat Deum plus quam substantiam suā: ergo plus quam voluptatem: ergo signum est illum hominem, dum sic peccauit mortaliter, non amasse illam voluptatem plus quam omnia, nec plus quam Deum, nec per modum ultimi finis. Et similia argumenta multiplicat Adrianus, quæ magna ex parte congerit Medina: & iuxta hanc sententiam est facilis responsio ad argumenta.

XI. Tamen Caiet. Contr. Medin. & alij hanc sententiam communiter reiciunt, asserentes, qui mortaliter peccat, constituere finem ultimum in creatura. Et videtur aperta sententia D. Thomæ 2. 2. q. 24. a. 10. ad. 2. vbi dicit, duplex est cupiditas; vna, qua finis in creatura constituitur, qua mortificat totaliter charitatem, cum sit venenum ipsius, &c. vbi necesse est loqui de fine ultimo. In eadem est sententia Scot. in 1. d. 1. quest. 5. vbi dicit peccatorem, quantum in se est, frui creatura; loquitur autem de fruitione simpliciter prout est ultimi finis. Cui sententiæ fauet modus loquendi sacræ Scripturæ ut est illud ad Philip. 3. Quorum Deus venter est; & illud Ierem. 3: Me dereliquerunt fontem aquæ vi-

Suarez in primam secundam D. Thomæ,

ue. Vnde sumitur ratio: nam qui peccat mortaliter, auertitur à Deo tanquam ab ultimo fine: ergo conuertitur ad creaturam, ut ad finem ultimum. Iuxta hanc vero opinionem ad difficultatem tactam respondent aliqui, peccatorem non conuerti ad creaturam, circa quam peccat, ut ad finem ultimum, sed ad seipsum, quem diligit plus quam Deum, iuxta illud Matth. 10. Qui diligit animam suam plus quam me non est me dignus. & illud Aug. 14. de Ciuit. c. vlt. Amor sui vsque ad contemptum Dei edificat ciuitatem Babylonis, vnde D. Thom. 1. 2. q. 77. art. 4. dicit omnia peccata committi ex amore sui. Sed hæc responsio non satisfacit, quia ipse peccator non est finis cuius sed cui amatur bonum illud, cuius gratia peccat, & de illo bono dicitur quod habeat rationem finis ultimi illius peccati, nec est contra rationem finis ultimi, quod alicui appetatur. Vnde propter illud bonum censetur peccator deferere Deum; & illo fruatur tanquam bono adepto, & sufficienti sibi, quapropter aliter responderi potest; si plura peccata mortalia tantum successiue committantur, tunc peccatorem toties intendere vel mutare finem ultimum, quoties de nouo mortaliter peccat, præsertim si peccatum sit diuersum à præcedentibus, vel illi repugnans quantum ad conuersionem: nam quamuis præcedentia peccata semper moueant habitualiter, & quantum ad reatum, tamen intentio actualis, vel virtualis peccantis mutari potest, atque hoc modo semper manet fixa in vno ultimo fine. Si autem simul committat plura peccata mortalia, tunc non conuertitur ad singula obiecta talium peccatorum ut ad fines ultimos totales, sed partiales tantum, & ultimus finis totalis erit aggregatum ex illis omnibus. Et hæc responsio est probabilis & facile sustineri potest.

XII. Vera tamen doctrina, ut existimo, est, dupliciter intelligi posse eum, qui mortaliter peccat, ponere ultimum finem in creatura, primo formaliter ac propria intentione: secundo tantum interpretatiue, seu imputatiue. Prior modus verus non est, ut rectè probant argumenta Adriani, & exempla ipsa: non enim omnis peccator dum peccat, ita diligit creaturam circa quam peccat ut se, & omnia sua in illam referat, & ut illam amet expressè, & formaliter tanquam bonum sibi sufficiens: quin potius nec semper amatur ut finis proximus res illa, circa quam peccatur, sed solum ut medium; vel cum quis furatur propter mœchiam, non constituit finem in obiecto furti, quantum est ex formali intentione sua. Posterior igitur modus verus est, nam quia peccator propter bonum creatum deserit suum finem ultimum, & bonum illud præfert diuinæ amicitie, ideo interpretatiue censetur diligere illam creaturam plus quam Deum, ut amicum, & ultimum finem: & hac ratione imputatiue & interpretatiue dicitur ponere ultimum finem in creatura.

XIII. Ex qua doctrina est facilis responsio ad difficultatem positam: cum enim dicimus, non posse aliquem intendere plures ultimos fines, intelligendum id est de propria, & formali intentione, nam in hac reperitur repugnantia supra posita; at verò interpretatiue tantum, & secundum moralem imputationem non repugnat intendere plura ut ultimos fines, quia tunc in actibus formalibus non est repugnantia, quia neuter eorum tendit in obiectum suum formaliter, vel in summum bonum sufficiens: id autem quod implicite tantum, & interpretatiue continetur in actu, non variat rationem operis,

C nes



nec modum operandi. Vnde fit, vt peccator in informali modo suo operandi aliquid amet vt medium, & tamen illi imputetur, ac si amaret vt finem: & idem est de amore talis obiecti super alia bona: nam quantum est ex formali affectu, non semper diligit illud plusquam alia omnia: tamen interpretatiue illi imputatur, ac si ita diligeret.

#### SECTIO IV.

*Virum possit aliquis simul intendere duos fines ultimos, vnum simpliciter, & alterum secundum quid.*

I. **H**Æc sola superest nobis facienda comparatio in qua ratio dubitandi est; quia finis ultimus simpliciter est ille, in quem homo dirigit se, & omnia sua: ergo impossibile est, vt cum tali fine simul intendatur alius, qui sit ultimus; etiam secundum quid tantum, & negatiue. Patet consequentia, quia vel ille finis ordinatur ad alium finem, qui dicitur ultimus simpliciter, vel non, primum, ergo iam ille non est ultimus, etiam negatiue, cum ordinetur ad alium; si secundum, ergo alter non est finis ultimus simpliciter, cum non omnia ordinentur in ipsum. Confirmatur primò, quia de ratione finis ultimi simpliciter est, vt sit bonum sufficiens: ergo impossibile est appetere cum illo aliud bonum non propter ipsum, quando tunc iam non censeretur ipsum per se sufficiens. Et confirmatur secundo, quia necesse est hominem operari omnia propter ultimum finem simpliciter, vt Diuus Thomas hic docet *art. 6.* ergo fieri non potest vt cum tali fine intendatur alius, qui sit ultimus negatiue.

II. In contrarium est, quia iustus, qui venialiter peccat, habet Deum pro ultimo fine simpliciter, & tamen in obiecto venialis peccati constituit finem ultimum secundum quid. Propter quam difficultatem præsertim mota est hæc quaestio, illa enim non obstante, multi Thomistæ sentiunt, non posse hominem simul duos fines ultimos intendere etiam dicto modo; propter rationem in principio positam: & ideo conantur inuenire modum, quo defendant istum venialiter peccatorem habere Deum pro ultimo fine, etiam in ipso actu venialis peccati. Dicunt ergo, in eo actu operari iustum propter Deum, saltem habitualiter: sed hoc, vt ex supra dictis constat, duobus modis potest intelligi: primo, proprie, ita vt reuera iustus per aliquem actum suum referat peccatum veniale in Deum, saltem ea intentione vniuersali, qua refert omnia sua in Deum. Et hoc modo intellecta hæc sententia est valde falsa, quia peccatum veniale non est hoc modo referibile in Deum, essetque contrarium diuino honori hoc modo referre peccatum veniale in Deum, quia esset, propter peccatum veniale placere Deo: & ideo, quando illa relatio fit vniuersalis omnium operum in Deum, aut debet intelligi distributio accommodata, scilicet, omnium, quæ apta sunt referri in ipsum, vel certe si iustus interdum habuit generale propositum absolute & simpliciter operandi propter Deum, quando postea venialiter peccat, mutat ex parte prius propositum, & non est in illo constans. Secundo, potest hæc sententia intelligi improprie, quia scilicet cum peccato veniali simul esse potest habitualis operantis conuersio ad Deum vt ultimum finem, & hoc, quidquid sit de modo loquendi re ipsa verum est: tamen si non explicat, quis sit finis ultimus illius operis peccati

venialis, quia, vt supra d. 2. q. 4. m. 2. dixi, illa relatio habitualis non est operis, sed subiecti, neque informat villo modo ipsum opus, sed concomitatur tantum: ergo per hoc solum non explicatur quem finem habeat ipsum opus, aut operans in tali actu, cum illum non referat in Deum.

III. Respondet Medina iustum referre actum peccati venialis in se ipsum, & quia se ipsum refert habitualiter in Deum per habitum charitatis, ideo consequenter refert habitualiter ipsum actum peccati venialis. Sed hoc non est recte dictum, nec satisfactum, primò, quia operans non refert peccatum veniale, & obiectum eius in se ipsum, nili tanquam in finem cui: hæc autem relatio non excludit rationem ultimi finis, vt sæpè dixi. Deinde, quia licet persona referatur habitualiter in Deum, non sequitur quidquid inest personæ, referri etiam habitualiter in Deum: nam quod est illicitum, nullo modo est medium tendendi ad Deum; & ideo licet persona secundum se referatur, non tamen vt est finis peccati venialis. aliàs posset etiam actualiter referri peccatum veniale in Deum, quia potest iustus actum referre seipsum in Deum, vt ultimum finem, & tamen venialiter actum peccare per aliquem locum, & vanam complacentiam concomitantem, & e contrario potest venialiter peccare propter alium, qui sit in peccato mortali referendo in ipsum tanquam in finem cui ipsum veniale peccatum absque alia ratione in vltiorem finem à se, vel ab alio, propter quem operatur, intentum.

IV. Dicendum ergo existimo, nullam esse repugnantiam quod aliquis simul intendat vnum finem ultimum simpliciter respectu personæ operantis, & tamen quod in aliquo opere sit in aliquo fine, qui sit ultimus negatiue, seu secundum quid solum respectu talis operis. Hoc probat sufficiens exemplum adductum de homine iusto peccante venialiter; imò idem fere procedit in homine existente in peccato mortali, nam ille etiam potest venialiter peccare, & per talem actum non constituit ultimum finem simpliciter in creatura, nec refert illum in finem peccati mortalis, aliàs in eo etiam actum mortaliter peccaret, item, fieri potest simile argumentum de infideli idolopatra, qui reulit omnia sua opera in idolum, tanquam in ultimum finem, & tamen postea absque vlla memoria illius finis, elemosynam facit ductus honestate naturali, ille enim tunc bene moraliter operatur iuxta sanam, & certam doctrinam non ergo refert illud opus in idolum tanquam in finem ultimum, sicut ergo eius intentio in obiecto illius operis per se bono, & amabili, tanquam in fine ultimo, saltem negatiue, licet operans habitu retineat alium finem ultimum simpliciter. Ratio autem est, quia in hoc nulla est repugnantia ex parte ipsorum obiectorum seu finium, & alioquin voluntas est libera ad operandum pro vt voluerit. Antecedens patet, quia non est necesse vt intentio finis ultimi simpliciter informet omnes alios actus hominis habentis talem intentionem; quod facilius patebit respondendo rationi dubitandi posite in principio.

V. Ad quam si respondetur, non esse de ratione ultimi finis simpliciter, vt qui illum intendit, omnia opera sua actum referat in ipsum, sed satis est quod hoc sit debitum ipsi ultimo fini; si verum sit, & cum dignitate, & proportionem appetatur: nam alioqui vt operans dicatur intendere talem finem, satis est, vt nihil amet, quod illi repu-



Discrimen  
inter mortale  
& veniale.

repugnet simpliciter, & quod absolute intendat adhibere media necessaria ad consequendum illum, cum qua intentione stare potest ut in tali opere habeat leuem inordinationem respectu talis finis, quatenus per tale opus in illum non tendit. Vnde obiter notari potest differentia quædam inter mortale, & veniale, quod per mortale simpliciter deserit homo ultimum finem suum, quia aliquod bonum illi absolute præfert: per veniale autem non deserit ipsum finem; sed solum non querit illum per talem actum. Vnde ad primam confirmationem respondetur; finem ultimum simpliciter intendi ut bonum sufficiens, postquam sit consecutus: tamen quando non est comparatus, potest homo aliquid aliud bonum amare extra illum finem: quod quidem licet sit inordinatum, quando ille ultimus finis est verus & debitus, non tamen est impossibile, quia non est necesse, ut qui intendit aliquod bonum, ut sufficiens in omni actu suo, illud inquirat. Secunda confirmatio petit sequentem questionem, ubi expeditur.

### SECTIO V.

*Utrum necesse sit, hominem semper operari propter finem ultimum simpliciter à se intentum.*

I. **D**uplex potest esse sensus questionis, primus absolutus, an necessarium sit præcedere in homine aliquam intentionem finis ultimi absolute propter quem operetur. Secundò ex hypothese, an postquam homo habuit talem intentionem, necessarium sit, ut ab illa procedant omnes alij actus circa fines particulares. Prior sensus resolutus ferè est ex dictis in 1. sect. huius disputat. pauca verò addenda sunt propter quosdam Autores, qui necessarium putant, ut ante omnes intentiones finium particularium, antecedat in homine secundum rationem operante, intentio finis ultimi vniuersalis, non quidem finis ultimi materialis, quia non est necesse, ut in aliqua re particulari primum omnium ponatur finis ultimus simpliciter, quia neque hoc est necessarium ad posteriores actus, qui versantur circa particularia bona, nec ferè est homini possibile, quia constituere finem ultimum in hac, vel illa re, est valde difficile, & magnam cognitionem requirit: loquuntur ergo hi Autores de fine ultimo formali, id est, de complemento totius boni, volunt enim necessarium esse, ut primus actus humanæ voluntatis sit circa felicitatem, vel circa bonum in communi, seu circa perfectum & completum bonum hominis, ut ex hoc affectu oriantur actus circa particularia bona. Huic sententiæ videtur fauere D. Thomas 1.2. quest. 1. articulo 6. ad 3. in illis verbis, *Virtus prima intentionis, quæ est respectu ultimi finis, mouet in quocunque appetitu cuiuscunque rei, etsi de ultimo fine actu non cogitet.* Idem videtur sentire in 1. p. quest. 60. articulo 2. & Capr. in 1. distinct. 1. quest. 5. articulo 1. circa primam conclusionem, & in 4. distinct. 49. quest. 3. articulo 1. & Caietan. eadem 1.2. & 1. p. questione 22. articulo 2. dub. 2. Citari etiam solent Durandus in 2. distinct. 38. q. 3. & distinct. 39. questione 3. & Henriquez quodlibeto 3. quest. 17. Sed hi Authores nihil expresse dicunt, sed solum voluntatem naturaliter ferri in bonum sibi propositum.

II. Fundamentum huius sententiæ est primò, quia voluntas non potest amare bonum imperfectum, nisi propter perfectum: quodlibet autem particulare bonum est imperfectum: ergo voluntas non

*Suarez in primam secundæ D. Thom.*

appetit illud nisi ex vi intentionis boni perfecti, & consummati. Secundò, quia sicut secundæ causæ efficientes, pendent essentialiter in causalitate sua ab influxu primæ causæ, & ita particulares fines pendent ab ultimo: ergo sicut non potest causa secunda agere, nisi mouente prima, ita non possunt fines particulares mouere nisi mouente ultimo, qui non mouet nisi virtute præcedentis intentionis: ergo necesse est ut huiusmodi intentio præcedat. Tertio, quia, iuxta Arist. ita se habet finis ultimus in appetitibus, sicut prima principia in speculabilibus: sed non potest intellectus assentire conclusionibus, nisi præcedat assensus circa principia: ergo nec potest voluntas ferri in particulares fines nisi præcedat intentio circa ultimum.

Sed quod attinet ad hanc priorem partem, siue sensum questionis, dicendum est, non esse necessarium absolute, ut ante intentiones seu appetitiones particularium bonorum præcedat intentio finis ultimi vel formalis, vel materialis. Hæc est sententia Scoti in 4. dist. 49. quest. 3. & in 1. q. 4. ubi Maior modum hunc sequitur, & plane idem sentit Durand. secundo loco supra citato Medina 1.2. ad art. 6. supra citatum. Tandem iudicat hanc sententiā probabiliorē. Et probari facile potest ex dictis sect. 1. huius disputat. & ex parte illam confirmat: quis est enim, qui huiusmodi actum in se expertus sit ante omnes alios? Et ratione demonstratur breuiter, quia vel necessitas huius actus oritur ex intellectione, aut ex obiecto, aut ex voluntate ipsa indigente huiusmodi actu ad alios subsequentes, sed nullum horum potest probabiliter dici primum de intellectu. Probatur, quia nihil est, quod necessitet illum ad cogitandum prius de bono: quin potius facilius excitet ad aliquam exteriorem cogitationem, tum quia mouetur à sensibus, qui primò offerunt particularia bona: tum etiam, quia in infantia ante usum rationis habet homo consuetudinem cogitandi de his particularibus bonis. Secundum de obiecto, etiam per se constat, quia si obiectum illud non sit prius cognitum, non prius mouebit voluntatem: ostensum autem est non necessariò prius cognosci, aut proponi, & aliunde in bonis particularibus, quæ per se bona sunt, est sufficiens ratio obiectiua ad mouendam voluntatem, & terminandum actum eius, quia in quolibet bono continetur communis boni ratio, quæ est formalis ratio obiecti voluntatis. Et hinc tandem concluditur ultima pars, quod nec ex parte voluntatis creatæ datur hæc necessitas, quia si in obiecto sit sufficiens ratio, ut per se ametur, voluntas habet sufficientem virtutem, ut eliciat actum circa illud absque priori actu, quia habet naturalem inclinationem ad bonum, & vires ad appetendum illud si sibi proportionatur: hac enim ratione quælibet alia potentia animæ siue sensitua, siue intellectiua, potest primo operari circa quodlibet obiectum, si sibi sufficienter proponatur: nulla est ergo necessitas, ut ille actus generalis alios antecedit, nec rationes contrariæ sententiæ aliquid probant.

Circa secundum sensum questionis positæ, qui sequitur primam sententiā citatam n. 3. consequenter dicunt, supposita intentione ultimi finis, necessarium esse ut reliquæ particulares intentiones ab illa procedant ut à causa, & ratione operandi: imò ad hoc ponunt illam primam intentionem, ut sit causa cæterarum. Dicendum tamen est, etiam si contingat illam vniuersalem intentionem præcedere, non esse necessarium,

C. 2. ut ab

IV.



vt ab illa procedant omnes posteriores actus voluntatis, qui versantur circa particularia bona. Ex quo euidentius constat, illam intentionem non esse necessariam: Probatur, quia talis intentio, vel influeret actu, vel virtute in actus posteriores: neutrum autem dici potest: ergo nullo modo, omitto enim relationem merè habitua-lem, quia, vt suprà dixi, hæc non consistit in aliquo influxu, & vera causalitate, sed est merè extrinseca. Probatur ergo prior pars de actuali influxu, quia hic non est sine actuali cogitatione: non semper autem actu cogitamus de ultimo fine quando aliquid appetimus in particulari. Altera verò pars de virtuali influxu probatur, quia fieri potest vt illa intentio tanto tempore antecesserit, vt omnino non maneat nec in memoria, nec in aliquo effectu suo: influxus autem virtualis intelligi non potest sine aliquo istorum vt suprà ostensum est *disput. 2. sect. 5. numero 4. ergo*. Et confirmatur, nam licet emus præcessisse in homine appetitum consummati boni sui, tamen fieri potest, vt talis homo nunquā contulerit particulare bonum, v. g. sanitatem cum illo obiecto vniuersali, considerando nimirum hoc bonum esse partem quandam illius completi boni: ergo quando voluntas postea appetit hoc particulare bonum, non mouetur ex vi prioris intentionis, sed solum ex vi præsentis obiecti, quia ad amandum, vel eligendum ex vi præcedentis intentionis, non sufficit sola intentio, sed requiritur etiam collatio obiecti electionis cum obiecto intentionis, quæ fit per consultationem, vt postea dicam.

V. Atque ex hâc tandem concluditur, non esse necessarium hominem operari semper propter vltimum finem simpliciter à se intentum, seu ex vi intentionis suæ, vel quia non est necesse vt talis intentio antecedit, vel quia etiam si antecesserit, non est necesse vt ab illa procedant reliqui omnes actus: vtrumque enim ostensum est. Et ita soluta relinquatur quædam confirmatio posita in fine sectionis præcedentis huc remissa, & ex ibi dictis confirmari etiam potest hæc veritas. Quo autem sensu D. Thom. sit exponendus, dicam *sect. sequ.* ex quo etiā facile patēbunt solutiones rationum primæ sententiæ in n. 2. quæ solum probant ad summum voluntatem debere semper moueri ab aliquo obiecto bono per se amabili, quod in se includat rationem communem boni, & in virtute contineat aliquo modo saltem implicitè & interpretatiuè vltimum finem, vt iam explico.

## SECTIO VI.

*Vtrum omnes actiones hominis sint propter vltimum finem simpliciter, saltem ex inclinatione.*

I. Ratio dubitandi est, quia est vel sermo de fine vltimo formali, aut de fine vltimo materiali, seu de re illa, ad quam homo natura sua tendit vt ad vltimum finem; neutro autem modo videtur homo operari semper propter vltimum finem. De primo patet, quia, vt supra dixi *sectione 1. num. 6.* intentio finis vltimi formalis nō sufficit ad electiones faciendas: atque adeo nec ad operandum propter finem ex propria intentione ipsius hominis operantis; ergo nec etiam naturalis proportio ad hunc finem formalem sufficit vt homo in omni actu suo dicatur operari propter vltimum finem hunc, ex inclinatione natu-

re, quia non omnia, quæ amat, sunt media ad hunc finem. Altera pars probatur, quia finis vltimus, ad quē homo natura sua tendit, est Deus; sed non omnia, quæ homo operatur, tendunt in Deum, vt patet maximè de actibus malis, seu peccatis: ergo.

Hæc quæstio facillimè expediri potest, suppositis his, quæ supra dicta sunt, in *disput. 2. sectione 4.* de variis modis operandi propter finem: nam hic modus, de quo nunc agimus, non requirit propriam intentionem ipsius operantis vel præsentem, vel præteritam, sed solum interpretatiuam, quæ censetur contineri in ipso obiecto proximo humanæ operationis, seu voluntatis quatenus illud natura sua tendit in aliud, vel tanquam medium ad finem, vel tanquam pars ad totum. Vnde dicendum est primo, hominem in omnibus actibus suis, tam bonis, quam malis, operari aliquo modo propter vltimum finem formalem ex naturali connexione cuiuscumque obiecti voluntatis cum tali fine. Ita est intelligendus D. Thom. 1. 2. q. 1. art. 6. vt clarius idem explicuit in 4. dist. 49. *quest. 1. articul. 3. quest. iunc. 4.* vbi ceteri Theologi idem sentiunt præter eos, qui existimant voluntatem posse ferri in malum sub ratione mali, quod improbabile est, vt nunc suppono. Et colligitur eadem conclusio ex Arist. 1. *Ethicorum capite 4. & 7. & 1. Rhetor. cap. 5.* & est frequens apud Aug. 10. *Confess. cap. 20. & 21. & lib. 11. de Trinit. cap. 6. lib. 19. de Ciuit. capite 1. & lib. de Epicureis & Stoicis.* Nam qui & bonus est, inquit, ideo bonus est, vt beatus sit: & qui malus est, malus non esset, nisi inde beatum se posse esse speraret. Secundo, ratio est clara, quia homo naturaliter appetit complementum omnis boni; in omni autem voluntate sua appetit saltem partem, seu inchoationem aliquam huius boni: ergo implicitè, & interpretatiuè appetit quidquid appetit, quatenus confert aliquo modo ad suum completum bonum; & hoc est amare illud interpretatiuè propter vltimum finem formalem. Confirmatur, & explicatur, quia licet non præcedat in homine intentio elicitā huius finis, præcedit tamen naturalis propensio in illum, & ab hoc procedunt omnes actus circa particularia bona: ergo saltem impetu naturæ omnes tendunt in huiusmodi finem. In quibus rationibus intelligitur hoc non solum procedere in actionibus liberis, sed etiam in omni appetitu cuiuscumque boni. Intelligitur etiam hanc habitudinem particularium finium, seu obiectorum ad vltimum finem formalem, non tam esse mediā ad finem propriè loquendo, quā partis ad totum secundum veritatē, aut saltem secundum apparentiam, & similitudinem, vt rectè D. Thomas explicuit: nam quando homo appetit, v. g. voluptatem, aliquo modo eam existimat partē sui cōpleti boni, quia licet talis voluptas nō semper sit illa, quæ verè pertinet ad perfectionem felicitatis humanæ, habet tamen quandam similitudinem cum illā.

Sed obiicit Scotus, nam si homo in omni actu suo appeteret hoc modo finem vltimum formalem postquam constituit finem illum in aliqua re determinatā, non posset non operari propter illam beatitudinem in particulari, consequens autem constat esse falsum, nam fidelis cognoscēs & credens suam beatitudinem consistere in visione Dei, non omnia operatur propter illam, imò potius multa contra illam. Responderetur negando maiorem, quia in hoc modo operandi propter finem non est attendenda particularis intentio hominis, vt terminatur ad particularem finem, quia non semper operatur ex illa, semper

II.

1. Assertio affirm. de fine formali

III.



semper tamen operatur ex intentione alicuius boni.

IV. 2. *Assert. affirm. de fine materiali.* Secundo dicendum est, hominem in omnibus suis actionibus virtutis interpretatiue operari propter ultimum finem particularem, seu realem propter quem est conditus, id est, propter Deum. In hoc etiam omnes conveniunt, quia omne bonum honestum habet proportionem cum ultimo fine vero, & exserendit in Deum; & potest esse aptum medium ut referatur in Deum & veram felicitatem, atque hoc modo quicumque honeste operatur, dici potest operari propter Deum. Sed difficultas est de quibusdam malis etiam peccati, an in his etiam possit homo dici aliquo modo operari propter finem, atque adeo propter rem illam, quæ est verus ultimus finis humanæ naturæ: quibusdam enim videtur non posse hoc affirmari villo modo cum peccatum sit aversio vel deordinatio à Deo; alij verò contrarium probant, quia homo etiam in his actionibus quærit quandam similitudinem cum Deo.

V. 3. *assert. de cistua proximi dubij.* Breuiter tamen dico tertio, hominem, dum peccat, per ipsummet actum peccati, aliquo modo operari propter Deum, non tamen eo quo per actum honestum. Intelligitur conclusio de peccato ratione actus positiui, nam malitia nullo modo est propter finem ultimum, imo nec propter finem, quia ipsa non est intenta, sed per accidens consecuta. Probatur ergo vtrique pars conclusionis, explicando convenientiam, & differentiam, quæ in hoc conuenire potest inter actum turpem, & honestum: nam primo si vterque comparatur ad Deum, vterque est ex causalitate, & efficientia Dei. Vnde ex hac parte necesse est, ut vterque aliquo modo ordinetur in Deum, nam sicut Deus propter se ipsum omnia creauit, ita etiam propter se ipsum concurret ad ad actum peccati, & in hoc ipso ostendit bonitatem suam. Et hoc generaliter docet Diuus Tho. 3. contra Gentes cap. 17. Secundò conueniunt, quod vterque actus habet necessariam connexionem, & dependentiam cum Deo: vnde fit ut peccator dum appetit aliquod bonum, quod sine Deo habere non potest, implicite appetat Deum esse: quamquam in hoc non tam respiciat Deum ut finem, quam ut principium, & quasi medium necessarium ad suum appetitum implendum. Tertio verò conueniunt, quod in vtroque reperitur quædam participatio diuinæ bonitatis & felicitatis, nam peccator dum peccat appetit etiam aliquo modo felicitatem, & in hoc ipso appetit assimilari Deo, quod commune est omnibus creaturis ut Diuus Thomas dixit 1. 2. quest. 1. artic. 7. & 8. Et ita exponit Diu. Thomas hanc locutionem in 4. dist. 49. quest. 1. artic. 3. quest. 1. 4. ad 2. & 3. & etiam est sententia Aug. lib. 2. Conf. cap. 4. & 6.

VI. *Explicitur eadem assertio ex differentia vtriusque actuum.* Differunt tamen inter se actus prauus, & honestus, quod actus peccati reuera nullo modo pertinet ad veram hominis beatitudinem, quæ in Deo consistit, nec tanquam pars eius, nec tanquam perfectio accidentalis illius; actus autem honestus, secundum suam honestatem, & speciem consideratus, pertinet aliquo modo ad decorem, & perfectionem beatitudinis. Vnde fit secundo, ut actus malus ex natura sua non sit medium ad consequendum Deum quatenus est finis ultimus hominis: actus autem honestus de se fit accommodatus ad consequendum hunc finem: atque hinc tandem actus honestus simpliciter dici potest natura sua tendere in Deum tanquam in finem sibi proportionatum, & quia ex se placet Deo, & ad ipsum est referibilis: actus

Suarez in primam secundam D. Thom.

prauus non potest dici proprie, & simpliciter esse propter Deum, cum prædicta omnia in illum non conueniant, sed tantum secundum quid ac remote dicetur esse propter imitationem quandam diuinæ perfectionis, quæ suo modo intendunt omnia naturalia agentia, in quo est quodammodo peccator inferior illis, quoniam debito modo, & iuxta ordinem diuinæ providentiæ intendunt omnia naturalia agentia assimilari Deo: peccator verò ut sic, indebito modo, & præter ordinem quærit assimilari Deo, & ideo impropiissime dicitur operari propter Deum.

## DISPUTATIO IV.

### De beatitudine in communi; an sit, & quid sit.



**B**EATITUDO Hominis re ipsa idem est cum ultimo fine cum solum differre videantur, quod sub nomine finis indicat formalem rationem causæ: sub nomine autem beatitudinis solum dicit rationem boni perfecti & consummati: vnde Deus dicitur habere beatitudinem perfectam, quamuis non habeat proprie ultimum finem: in homine verò quia beatitudo est res ab ipso distincta, quæ illam mouet ad sui amorem, & inquisitionem propter se ipsam & reliqua omnia in ipsam ordinando ut in bonum perfectum, sicut Arist. dixit 1. Ethic. c. 4. ideo beatitudo habet rationem finis. Atque ob hanc causam, postquam dictum est de communiratione, & causalitate finis ultimi, oportet inquirere, quid sit finis ultimus, seu quæ sit vera hominis beatitudo: de qua tria potissimum disputatur: Quid sit? Quæ perfectiones illam consequantur? Et quomodo appetatur, vel comparetur? Antequam verò ad hæc accedam, oportet de significatione vocis, & de questione, an sit beatitudo, pauca præmittere.

## SECTIO I.

### Quæ sit communis ratio beatitudinis, & propria huius vocis significatio.

**H**ÆC questio est prima omnium, iuxta Arist. 1. Poster. cuius materia est maximè necessaria, ut fixum ac certum scopum possit habere disputatio: nam ex defectu eius, Scholastici in hac re multiplicatis huius nominis acceptionibus, plures questiones reuocant ad disputationem de modo loquendi, ut videre licet in Scot. in 4. dist. 49. quest. 3. 5. & 6. & Durand. q. 4. & 6. Palud. q. 3. Maior quest. 1. & 5. Ocham in 4. q. ar. 4. & Olchor. q. 8. artic. 2. apud quos, omnis alii divisionibus, de quibus dicam in sect. 3. illa est celebrior, quod beatitudo interdum est nomen collectivum, significans aggregatum omnium perfectionum hominis; interdum verò significat simplicem perfectionem, verbi gratia perfectissimam hominis operationem. Quam distinctionem alij reiciunt tamquam gratias, & sine fundamento consistam, quoniam beatitudo nomen vniucum est, atque ita vnam aliquam rationem significare debet. Sed reuera non potest reijci, quia & in re ipsa, & in vsu sapientum habet magnum fundamentum, sed proprie, & commodè explicari.

C 3. Primò

I. Quorundam non contentenda acceptio duplex beatitudinis



## II.

1. Beatitudinis acceptio ex sententia Auctoris

Primò ergo beatitudo significare potest statum quendam felicem, in quo habebit homo plenitudinem bonorum, & complementum suorum desideriorum, qui interdum in sacra Scriptura nomine Regni caelorum appellatur Matth. 25. *Venite benedicti, accipite regnum: interdum nomine vite æternæ, ibidē. Et ibunt hi in vitam æternam: interdum nomine gloria, Et ita intrare in gloriam suam, Luc. 23. Atq; hoc modo videtur definiisse beatitudinem Boetius, dicens, Est Beatitudo status omnium bonorum aggregatione perfectus. Sic etiā intelligi potest quod Aug. dixit 15. de Trinit. cap. 5. *Beatus est qui habet omnia que vult; & quod dixit lib. 1. de liber. arbit. cap. 13. Beate vivere, est bonis veris certisq; gaudere. Sic Gregor. Nissen. lib. de Beatitud. in princ. Beatitudo, inquit, est comprehensio quadam omnium earum rerum que in homine intelliguntur, à qua nihil abest eorum, que pertinent ad bonorum desiderium, atque cupiditatem. Sic etiam D. Thomas 1. 2. q. 5. art. 3. & 4. dicit, beatitudinem esse perfectum, ac sufficiens bonum, omne malum excludens. & omne desiderium implens. Sic denique videtur loqui interdum de beatitudine Aristoteles dicens, bene vivere. & bene agere, & felicem esse, eadem esse putant omnes 1. Eth. c. 4. Et ratio adiungi potest supponendo huiusmodi statum esse possibilem homini, & ad perfectam omni ex parte felicitatem requiri: nam hic status concipitur per modum vnus completi, & consummati boni: ergo potest vna voce significari. Quid ergo impedit quominus hac voce beatitudo vel felicitas significetur, cum hæc sit accommodata, & nulla alia sit ad hoc imposita. Et confirmatur, nam in homine solemus distinguere beatitudinem animæ, & beatitudinem corporis, & sic dicimus, Christum in via habuisse animæ beatitudinem, non tamen corporis, & sancti dicunt animas nunc esse beatas, non tamen habere beatitudinem omni ex parte completam: ergo in his omnibus locutionibus supponitur beatitudinem vno modo significare huiusmodi statum omni ex parte perfectum.**

## III.

2. Acceptio magis propria.

Magis verò propriè iuxta scholasticam consuetudinem accipi solet beatitudo prout significat summam quandam perfectionem hominis, qua coniungitur optimo ac summo bono, seu fini ultimo suo, quæ alio modo dici solet perfectissima hominis operatio, qua suum finem ultimum consequitur. Atque hoc modo frequentius videtur loqui de beatitudine Aristot. 1. & 10. Ethic. & D. Thom. 1. 2. q. 2. cum docet, beatitudinem consistere in contemplatione, vel in optima operatione; si verò requirit alia bona ad statum beatificum, solū est quatenus huic optimæ operationi deserviunt, ut aliquo modo perficiunt hominem in ordine ad illam. Atq; hoc modo loquitur de beatitudine frequentius D. Tho. in hac materia, & tota q. 2. in 1. 2. & cum absētia beatitudinis excludit cætera bona creata præter Deum, & q. 3. ar. 1. & 4. & sæpè aliàs cum docet beatitudinem consistere in adeptione seu possessione summi boni. Item eadem ratione dicunt sæpè & sancti Patres, & Philosophi, hominem esse capacem beatitudinis secundum animam, & non secundum corpus, si enim sit sermo de collectione bonorum, hæc partim in anima, partim in corpore reperiuntur: nam loquēdo propriè de beatitudine in prædicta significatione pro adeptione ultimi finis, hæc in anima reperitur, ut postea dicemus, & ideo sancti in solis animabus dicuntur simpliciter beati, quamvis careant ex parte bonorū, quæ ad corpus pertinent: & similiter Christus in via fuit beatus prout beatitudinem animæ. Deniq; hac ratione dicitur solus homo propriè capax beatitudinis, ut docuit Aug. lib. 83. q. 5. & lib. 12. de Civit.

cap. 1. nam si sit sermo de statu perfecto, & de collectione omnium perfectionum, quæ naturæ debentur, sic vnaquæq; res iuxta capacitatem suæ naturæ potest dici capax suæ felicitatis, si sit in statu perfecto iuxta naturam suam; tamen quia beatitudo propriè significat, & requirit coniunctionem cum ultimo fine, attingendo illum aliquo modo in se per propriam operationem creaturæ capax beatitudinis, ideo sola creatura rationalis dicitur capax beatitudinis simpliciter quia illa sola est capax huius operationis, in qua consistit beatitudinis essentia.

Ratione deniq; ita potest hoc declarari, quia licet ad statum perfectum beatitudinis multa concurrant, tamen necesse est, ut inter illa aliquid sit summum, ad quod cætera referantur, vel ex eo tanquam ex primo fonte dimanent, aut in eo eminenter contineantur: quia non potest esse aggregatio multorum perfecta, sine aliquo ordine multorū inter se: illud ergo, quod est summum & perfectum in eo statu, dicitur essentia beatitudinis: cætera verò sunt veluti proprietates aut accidentia eius. Vel aliter, quamvis multa bona reperiantur in beato, non tamen per omnia attingit suum supremum finem, aut illū consequitur: ergo non omnia æque pertinent ad beatitudinem, neq; ad rationem ultimi finis: ergo beatitudo significat perfectionem ultimam ad quam cætera referuntur, meritò essentia beatitudinis non dicitur consistere in tota illa collectione, sed in eo, quod est in illa supremum & ultimum: hoc igitur propriè significare potest hæc vox beatitudo; atq; hoc ferè modo utemur illa in tota hac materia; statum verò beatitudinis ad tollendam æquiuocationem hoc modo semper appellabimus, quamvis in eo statu possit esse latitudo, & in illo oporteat aliqua distinctione uti, quam opportuniori loco trademus.

Atq; ex his sequitur primò, quod sicut supra agentes de fine diximus interdum finem significare rem, quæ intenditur: interdum vero consecutionem illius rei, ita in præfenti in beatitudine duo possunt considerari, aliud est res, quam obiectum vel quibus beatificamur, aliud est consecutio illius rei; illa vocatur obiectum beatitudinis, seu beatitudo obiectiva: hæc vocatur beatitudo formalis, seu per modum consecutionis: vtraque vero constituit vnā beatitudinē, quia vna linea altera beatificare non potest, sed vtramq; in suo genere cōcurrere necesse est. Vnde concludi potest formalis quædam, & generalis descriptio beatitudinis, saltem quo ad quid nominis, est enim consecutio ultimi, ac supremi boni, quod ab homine desiderari potest, & in quo cætera virtute continentur, seu ad illud referuntur: quæ descriptio ex communi consensu omnium, qui de beatitudine loquuntur, sumitur, & sacra Scriptura etiam hac ratione de beatitudine loquitur per modum possessionis, seu consecutionis. Matth. 25. *possidete regnum: 1. ad Corinth. 4. Sic currite, ut comprehendatis. ad Philip. 3. Sequor. si quo modo comprehendam. Et ratio esse potest, quia beatitudo dicit terminum, quandiu autem homo inquirat, non quiescit; terminatur autem inquisitio ad acquisitionem: ergo necesse est ut beatitudo in acquisitione consistat. Quod exemplo falsæ beatitudinis declarari etiam potest, nam avarus, qui beatitudinem suam ponit in diuitiis, non censet se beatum illas inquirendo, aut vendendo, sed obtinendo, & possidendo; & idē de similibus. Idem ergo erit in vera beatitudine, quæ consistit in consecutione veri ac supremi boni. Sic Gregor. Nissenus explicans sextam beatitudinem, *Beati mundo corde.**

## IV.

## V.

Beatitudo partim formatim obiectiva.

Descriptio integra beatitudinis.



Sed inquireret aliquis, quæ sit formalis ratio huius consecutionis. Respondetur, nunc in communi solum dici posse consistere in aliqua conjunctione hominis cum illo bono, quo beatificandus est. An verò hæc conjunctio fiat pervenio- nem, vel operationē, vel alio modo: pertinet ut ita dicam, ad materialem rationē beatitudi- nis, quæ postea est à nobis explicanda: nam ex formali ratione consecutionis, ut sic, illud prop- riè definiri potest. Itaque videtur hæc ratio in hoc consistere, quod res, seu bonum, ita possi- deatur ac teneatur, sicut appetitur, & desidera- tur, nam cum hæc consecutio sit terminus desi- derij, & satietas eius, tunc censetur res consecuta quando ita obtinetur sicut desideratur, quod videre licet in falsa beatitudine, nam qui illam ponit in diuitiis, eas assequitur per dominium & possessionē; qui verò in delectatione ciborum habebit consecutionem per sensum gustus, & tactus, & sic de cæteris: ergo sicut in falsa beatitu- dine, consecutio respondet prauo appetitui, ita in vera beatitudine illa censetur vera consecutio quæ terminat, & apta est satiari perfectum ac re- ctum appetitum veri, & summi boni; & quoniam hic appetitus est consentaneus, & proportiona- tus fini, seu obiecto suo, ideo consecutio illi re- spondens erit etiam proportionata tali obiecto, atque adeo talis erit, qualis res illa, quæ summum bonum postulauerit, seu quatenus natura sua apta fuerit ut possideatur, & teneatur, qualis au- tem in particulari sit, postea dicemus.

## S E C T I O II.

*Primum ostendi possit beatitudinem hominis esse possibilem, aut futuram esse?*

I. **R**atio dubij est, quia perfecta beatitudo repu- gnat cum imperfectione humanæ naturæ: quomodo ergo ostendi potest humanam natu- ram esse capacem tantæ perfectionis? Antecedens declaratur primò quia beatitudo, ut diximus, re- quirit collectionem omnium bonorum, & ex- cludit omnia mala: homo autem natura sua sub- iectus est multis malis, & miseriis, quæ vitare non potest. Secundò, & principaliter, quia pars beatitudinis, & via necessaria ad illam consecutionem, est nihil mali velle, seu carere peccato, quod non potest homo sua natura, cum constet contrariis affectibus, & inter se pugnātibz. Ter- tiò, quia de ratione beatitudinis est æternitas, nam qui timet carere bono, quod habet, non potest esse beatus, sed homo, ut homo, non est perpetuus natura sua: ergo. Dicit fortasse ali- quis, hanc rationem totam solum procedere de beatitudine priori modo accepta, ut significat collectionem bonorum omnium: non verò de essentia beatitudinis. Sed contra hoc est, quia li- cèt tota collectio bonorum non sit de essentia beatitudinis, tamen de ratione beatitudinis es- sentialis est, ut secum afferat, & postulet statum illum perfectum: ergo requirit subiectum capax illius status.

II. In hac quæstione agere possumus solum for- maliter de beatitudine prout à nobis definita est an homo sit capax illius, vel materialiter, seu in particulari, an cognosci possit quare & quomo- do beatificandus sit homo: & hoc modo tractat illam Scotus in 4. dist. 49. quæst. 2. & contendit, posse ratione naturali probari esse hominem capacem beatitudinis consistentis in visione Dei: quam quidem sententiam ego falsam existimo: sed non potest hic ex professo probari, donec ratio & na- tura illius beatitudinis magis cognita sit: & id-

eo in priori tantum sensu breuiter est hæc quæ- stio expedienda, in qua præterea potest esse ser- mo aut de capacitate tantum, aut etiam de facto an possit probari, hominem aliquando posse cō- sequi beatitudinem suam. Denique in hoc pro- cedere quæstio potest, aut ex principiis reuela- tis, aut ex solis principiis naturæ.

Dico ergo primo secundum fidem: Certum est III. hominem esse capacem absolutæ, & perfectæ be- atitudinis, & de facto consecuturum illam. Pro- batur, quia Deus in S. Scriptura promittit hanc beatitudinem omnibus, ut per se constat: hæc autem promissio supponit in hominē capacitātē ad recipiendam illam, quia Deus non promittit impossibilia. Rursus quamuis Deus non promit- tat hanc beatitudinem omnibus absolutē, sed iustis, & cōsequenter promissio respectu omniū nō sit absoluta, sed cōditionata, scilicet, si in iusti- tia decesserit: tamen & ex eadem sacra Scriptura, & ex aliis regulis fidei, constat & posse, & de fa- cto impleri hanc conditionem in multis homi- nibz. Quod deniq; illa sit beatitudo absoluta & perfecta, constat ex modo, quo de illa loquitur, & ex his, quæ de illa docet, vocat enim illam su- pereminens bonum, quod nec oculus vidit, nec auris audiuit, nec in cor hominis ascendit. vocat æternam gloriam pondus, æternum gaudium, quod negat omne malum, & omnem trinitiam, & alia similia, quæ postea videbimus.

Dico secundò, ex principiis naturæ probari IV. potest, hominem esse capacem alicuius beatitu- dinis. Probatur primò experimento ipso, nihil enim magis receptum fuit apud omnes Philoso- phos, quàm ut de re, in qua consistit beati- tudo humana, fuerit inter illos infinita dissi- sio ut sequenti disp. attingam: tamen quod aliqua sit beatitudo hominis tuit summa consensio, & ita hoc suntit tanquam primum fundamentum moralis Philosophiæ Aristot. in 1. Ethic. Secundo declaratur ratione in superioribus tacta, quia homo habet aliquem finē, vltimum: ergo potest illum consequi, alias frustra & insipienter ordi- naretur in illum: sed consecutio finis vltimi est beatitudo: ergo.

Dices, hac ratione probaretur bruta esse bea- titudinis capacia, quia etiam habent suum finē V. vltimum, & possunt peruenire ad suam vltimā perfectionem. Scot. suprā responderet esse aliquo modo capacia cuiusdā beatitudinis imperfectæ: tamen Aristot. 10. Ethicor. cap. 8. & 9. & Augustin. quem nuper citavi, simpliciter negant bruta esse capacia beatitudinis, & Gregor. Nyssen. in libr. de beatitudinibus, dicit, hominem esse capacem bea- titudinis, quia est ad imaginem Dei, quod est proprium intellectualis naturæ: igitur secundæ rationi factæ addendum est ex D. Thoma 1. 2. q. 5. a. 1. quamuis Deus sit finis vltimus omnium, non tamen eodem modo, quia non eodē modo potest attingi ab omnibz: homo enim potest suis actibus immediatè attingere Deū cognoscēdo & amādo: & ideo potest propriè consequi illum finem, atque adeo potest propriè esse beatus: nā, ut recte dixit Scot. beatitudo significat consecutionē optimi, atque vltimi boni simpliciter: ac verò animalia bruta non possunt attingere Deū immediatè suis actionibus, sed solum aliquā perfectionem creatam qua aliquo modo imitē- tur Deum, & ideo non possunt consequi illum finem vltimum secundum se, & ideo nō sunt ca- pacia beatitudinis: & hinc est quod homo dicitur immediatè creatus propter Deum, aliæ verò interiores creature sunt immediatè propter ip- sum hominem, & per illū vltimatē tendūt in Deū. Et confirmatur hæc ratio ex naturali appe-



titu hominis ad beatitudinē, hic n. innatus est omnibus hominibus, vt dicturi sumus latē in fine huius materiæ, & frequenter disputat Aug. l. 1. de libero arbit. cap. 14. & lib. de vita beata, & lib. 10. Confess. cap. 20. & in Enchir. cap. 25. sed appetitus naturalis fundatur in naturali capacitate, & nō tendit nisi in rem aliquo modo naturæ possibilem, quia appetitus naturalis est naturæ consentaneus: ergo beatitudo, quæ est obiectum huius appetitus, est res possibilis homini cuius ipse est capax natura sua.

VI.

Dico tertio, ex principiis etiam naturæ potest humanis rationibus satis congruentibus ostendi humanam speciem fore aliquando beatificandam. Loquor de specie humana, quia non est necesse vt in omnibus suis indiuiduis consequatur suum finem, quia cum multiplicatio indiuiduorum sit quodammodo per accidens, non est inconueniens aliqua deflectere à suo fine, præsertim quia cum homo sit liberi arbitrii, per eum stare potest quominus suum finem consequatur: satis ergo erit quod in aliquibus indiuiduis hæc species suum finem obtineat. Hoc autē probari potest quia ad convenientem prouidentiam auctoris naturæ spectat ita gubernare & dirigere singulas naturas in suos fines vt non omnino illis frustretur: primo quidem, quia viderentur frustra creati homines propter talem finem, si nunquam neque in villo indiuiduo illum essent consecuturi: quid enim prodesset homini capacitas beatitudinis, si nunquam esset implenda? Secundo, quia id, quod nunquam accidit in omnibus indiuiduis alicuius speciei etiam si quamplurima multiplicentur, meritò dici potest impossibile, si non omnino physice, seu metaphysice, saltem moraliter, & humano modo loquēdo: pertinet autem ad prouidentiam auctoris naturæ, & quodammodo debitum est ipsi humanæ naturæ ita dirigi in suum finem, vt possit illum consequi. Tertiò possumus etiam vt ratione, qua Chrys. & alij Patres sæpè vtuntur ad probandam resurrectionem, nam quidam homines totam vitam in vitiis, & in peccatis transigunt, alij honestè viuunt: pertinet ergo ad prouidentiam auctoris naturæ illos punire, hos remunerare: ergo respondere debet operib' virtutis aliquod beatitudinis præmium.

VII.

Dices, absolute loquendo, potuisse Deum ita gubernare humanas res, vt nullus hominum ad beatitudinem perueniret, permittendo cunctis labi in peccatum, & in eo durare vsque ad finem vitæ, sicut multis speciebus Angelorum euenisse creditur. Respondetur: ideo non dixi rationes factas esse demonstrationes, sed morales rationes multum suadentes & ostendentes modum prouidentie maxime consentaneum diuinæ sapientie, & bonitati. Vnde licet non negemus potuisse Deum id facere de potentia absoluta: negamus tamen id esse satis consentaneum & naturis rerum, & conuenienti ordini vniuersi. Ad exemplum autē Angelorum respondetur, illud supponere omnes Angelos esse specie diuersos, & in singulis speciebus tantum esse vnum indiuiduum: quo admissio, non est similis ratio, quia non poterat species Angelica permitti peccare, & cadere à suo fine quin omnia indiuidua eiusdem speciei permitterentur eodē modo cadere, quia supponunt non esse multa, sed vnum, & alioquin fuit conueniens etiam Angelos permitti suæ libertati, & ideo in illis censetur illud non esse inconueniens, quia omnes conueniunt in eodem gradu, & in eodem modo tendendi in suum finem: homines autem habent suum proprium modum, & quodammodo specialem gradum constituunt.

Ad rationem dubitandi in principio positam procedendo ex principiis reuelatis dicimus duo: Primum est, nō posse hominem suæ naturæ viribus, aut per naturales causas illum felicem statum consequi. Secundum est, in hac vita omnino non posse ad illum peruenire, etiam per auxilia gratiæ secundum legem ordinariam. Nihilominus satis est, illum statum fore aliquando possibilem homini cum diuina ope, & auxilio. Procedendo autem ex principiis naturæ, dicemus similiter duo sumpta ex Arist. Primum est, beatitudinem possibilem homini secundum naturā suam esse imperfectam, non tamen omnino nullam. Et hoc est, quod Arist. dixit 1. Ethic. cap. 10. posse nos esse beatos, tamen vt homines. Vnde non est de essentia cuiuscunque beatitudinis, vt absolute & simpliciter excludat omnem defectum, sed primo & per se est de eius essentia, vt sit consecutio vltimi finis: consequenter verò habet vt excludat omne malum, quantum fieri poterit, iuxta subiecti capacitatem. Secundum est, quod Arist. dixit 10. Ethic. cap. 7. talis vita superat hominis naturam, nō enim hoc ipso quo homo est ita viuunt, sed quo est quid in ipso diuinum; id est, quatenus mentem habet, & immortalem animam, in qua posset homo perpetuam beatitudinem consequi, & carere temporalibus incommodis, & aliquo modo satiari iuxta naturæ capacitatem.

### SECTIO III.

#### Quotuplex sit beatitudo.

Hanc dubitationem etiam præmitto, quia pertinet ad questionem an est, & fundamentum erit eorum, quæ dicenda sunt, & ordinis in hac materia seruandi. Omitto autem in primis diuisionem beatitudinis, in veram, & falsam, quoniam tantum de vera agimus: & falsa infinitum multiplicari potest pro libito humanæ voluntatis. Omitto præterea diuisionem beatitudinis in obiectiuam, & formalem, quia & vtræque explicata iam est, & ex vtræque consurgit vnus finis, & vna beatitudo. Denique omitto diuisionem beatitudinis in essentialem, & accidentalem, quoniam hæc quidem coincidit cum his, quæ diximus de beatitudine vel pro essentia vel pro statu: nam ea, quæ reperiuntur in statu beatitudinis præter essentiam, possunt dici accidentia beatitudinis, quamuis in eis sit latitudo: nam quædam sunt maxime intrinseca, & inseparabilia ab essentiali beatitudine, alia verò sunt magis extrinseca, de quibus omnibus postea videbimus. Notandæ igitur sunt tres, vel quatuor diuisiones præcipuæ.

Primò diuiditur beatitudo in naturalem, & supernaturalem. Hac diuisione vtitur sæpè D. Thomas 1. parte, questione 23. articulo 1. dicens: hominem ordinari ad duplicem finem, alterum naturæ proportionatum, alterum superantem facultatem naturæ; idem autem est finis vltimus & beatitudo, vt diximus. Item questione 62. articulo 1. distinguit in Angelis hanc duplicem beatitudinem, & dicit, eos fuisse creatos in beatitudine naturali, non verò supernaturali, iuxta doctrinam August. libro de Eccl. dogmat. (si eius est opus) capite 59. Addit verò ibi beatitudinem naturalem esse quodammodo beatitudinem, vel quia comparata est ad supernaturalem, est imperfecta, vel propter aliam rationem, quam infra subiiciam. Eadem distinctione agens de hominibus, vtitur D. Thom. 1. 2. questione 62. articulo primo in corpore, & ad 3. & quæst. 109. ar. 5. ad 3. & quæst. 110. ar. 3.

VIII.

II.

1. Diuio beatitudinis in naturalem & supernaturalem.



3. & optimè in 3. d. 23. quest. 1. art. 4. *questiuncula* 3. & ex hac diuisione colligit etiam necessitatem gratiæ, & diuisionem virtutum in infusas, & acquisitas.

III. Et ratione declaratur: nam in primis quod sit aliqua beatitudo hominis supernaturalis simpliciter de fide certum est, quoniam Dei visio, & amor ac fructus, quæ illam consequuntur, supernaturalia sunt, vt partim in sequentibus dicemus, partim constat ex materia de charitate, & gratia. Ex quibus etiam certum est, media, quibus illa beatitudo comparatur esse supernaturalia resurrectio etiam ad vitam immortalē & gloriosam omnino supernaturalis est. Datur ergo beatitudo supernaturalis. Quod verò præter hanc datur naturalis præter dicta *sect. præcedenti*, potest ex altero membro ita declarari: nam si beatitudo illa supernaturalis est, potuit ergo Deus absq; miraculo condere hominem non ordinando illum ad illam beatitudinem, nec prouidendo illi modum, aut media, quibus illam consequi possit, in quo nihil ageret contra, vel præter id, quod debitum est tali naturæ; sed homo sic conditus necessariò habiturus esset aliquam beatitudinem naturalem, ad quam, si velit, possit peruenire: ergo necesse est præter supernaturalem beatitudinem dari in humana natura aliquam beatitudinem naturalem. Maior mihi videtur certa, primò ex comuni cōsensu Theologorū, qui in hoc sensu distinguunt hominem constitutum in puris naturalibus ab homine eleuato ad finem supernaturalem; & vtrumq; ita censent esse possibilem, quoniam aliàs hominem esse ordinatum in hunc finem naturalem, esset debitum ipsi naturæ, & consequenter non esset donum gratiæ, vt rectè dixit D. Thom. 1. 2. *quest.* 110. art. 4. ad 2. gratia enim supra omne naturæ debitum. Consequens autem est valde falsum, magnāq; præbens occasionem errori Pe. agij: quia si ordinatio in hunc finem esset naturæ debita, etiam media sufficeret ad eundem finem deberentur naturæ: nam sicut qui dat formam, dat consequentia ad formam; ita qui dat finem, necesse est vt conferat media conducentia ad illum finem, aliàs superflua esset talis ordinatio ad talem finem, præsertim, quia media & finis debent inter se seruare proportionem, & ideo sunt eiusdem ordinis, & sub eadem prouidentia cadunt. Propria verò ratio à priori est, quia finis non debetur nisi ratione ipsius esse quasi primarij & substantialis: finis ergo supernaturalis solum correspondet ipsi gratiæ, quæ est participatio veluti substantialis diuinæ naturæ. Sicut ergo hæc gratia non est debita humanæ naturæ, ita nec beatitudo illa, quæ est proprius finis illius: sicut ergo potuit humana natura creari absque gratia, & absque vlla promissione illius, salua omni proprietate, & prouidentia tali naturæ debita, ita potuit creari sine ordinatione ad finem supernaturalem.

IV. Iam verò probanda est minor propositio principalis rationis, & probatur facile ex dictis supra quia homo sic creatus habet aliquem finem vltimum, & illum posset suis actionibus aliquo modo attingere cognoscendo & amando illum: ergo esset capax alicuius beatitudinis proportionatæ & cōnaturalis sibi: ergo in humana natura datur aliqua beatitudo naturalis præ supernaturalem. Dices: Esto, hoc verum sit de homine in puris naturalibus condito, non inde fit etiam nunc habere hominem hanc beatitudinem naturalem. Respondetur, aliud esse loqui de re, aliud de nomine: nam quod ad rem attinet, non potest homo nunc non esse capax illius beatitudi-

nis, seu perfectionis, quam haberet in puris naturalibus, quia nunc est eadem natura, & consequenter eadem capacitas: vnde cum gratia non destruat naturam, sed perficiat, non priuat illam hac perfectione naturali. Et ita certum est in supernaturali beatitudine habiturū hominē omnem perfectionem sibi cōnaturalem, quomodo probat D. Thom. 1. p. q. 12. a. 12. hominem videtur Deum non priuari cognitione naturali Dei, quin potius maximè in illa perfici, & idem proportionaliter est de amore. Quod verò spectat ad modum loquendi, facile concedemus naturalem beatitudinem non mereri nunc beatitudinis nomen absolute dictæ, & si e aliquo addito diminueret, quia in homine eleuato ad finem supernaturalem illa non habet rationem vltimi termini, seu perfectionis vltimæ propter quod si aliquis homo fortasse illam habere posset absq; alia, vt aliqui existimant de pueris excedentibus in solo originali peccato, non posset dici simpliciter beatus, sed potius miser, quia creatus est.

Secundò diuiditur beatitudo in beatitudinem perfectam vitæ futuræ, & imperfectam huius vitæ. Hac vtitur frequenter D. Thom. in hac materia, patet 1. 2. q. 3. art. 2. ad 4. & art. 5. & quest. 5. art. 3. & habet fundamentum in Aristot. 1. *Ethicor.* cap. 9. & 10. & potest accommodari vtriq; membro præcedentis diuisionis. Et ita potest facile reddi illius ratio: nam quod spectat ad supernaturalem beatitudinem, certum de fide est secundum legem ordinariam, & seclusis privilegiis, non obtineri in hac vita in tota sua perfectione essentiali, postea suo loco disputabimus: necesse est tamē vt pro tempore huius vitæ aliquid sit optimū etiam in ordine gratiæ, per quod homo maximè coniungatur suo supernaturali fini quātum pro hoc statu potest: illud ergo habebit rationem beatitudinis huius vitæ, quæ licet comparata ad illam, quā speramus, sit imperfecta, & reuera nō sit beatitudo, quia nō sistit in illa, sed futuram inquirat per illam: nihilominus in ordine ad hunc statum vitæ, dici potest beatitudo, quia est optimum & vltimum eius.

Atque eadem ratio facile applicari potest ad beatitudinem naturalem quæ in suo gradu, & ordine cum maiori perfectione acquiri posset in hac vita quam supernaturalis beatitudo in ordine suo, quia posset homo in hac vita cognoscere & contemplari Deum in creaturis, illum amare & alia honesta opera exercere, quæ omnia maiorem proportionem habent cum cognitione, & amore Dei naturali, quæ potest habere anima separata, quam habeat cognitio fidei, v.g. cum visionē clara Dei. Atque ita philosophi naturalem beatitudinem hominis posuerunt præcipuè pro statu huius vitæ: supposita vero animi immortalitate, necesse est, vt etiam post hanc vitam possit esse beata, quæ dicitur etiam beatitudo hominis ratione partis præcipuæ: an vero illa etiam beatitudo communicanda esset corpori, stando in prouidentia naturali, attingemus alio loco. Atque ex hac duplici diuisione colligitur ordo seruandus in hac materia: nam primò ac præcipuè dicendum est de beatitudine supernaturali futuræ vitæ, & obiter attingemus quæ pertinent ad beatitudinem imperfectam, scilicet, naturalem huius vitæ, postea verò de naturali beatitudine in vtroque etiam statu differemus.

Tertio diuidi solet beatitudo in speculatiuam VII. & practicam: & habet fundamentum in Arist. 10. 3. diuiso be- *Ethic.* cap. 7. 8. & 9. & illa etiam vtitur D. Thom. *attitudinis*, 1. 2. quest. 3. art. 7. & q. 5. art. 4. & alij Theologi in speculati- in 4. dist. 49. præsertim Palud. q. 4. art. 2. Et vltimam & practi-

V.  
2. diuiso in  
beatitudinem pa-  
triam & viam.

VI.



detur in eo fundata hæc diuisio, quod ad consummatam hominis beatitudinem requiritur perfectio non tantum cognitionis, sed etiam operis, seu, quod idem est, scientia, & virtus. Nihilominus tamen hæc diuisio non est admodum necessaria vel propria, quia vel neutra istarum est beatitudo hominis, sed pars beatitudinis eius, quæ ex utraque conflatur: vel certe (quod verius est) si altera tantum est beatitudo, altera non meretur hoc nomen, nisi valde improprie, quatenus est aliquid ad completum statum beatitudinis necessarium. Et ita sentiunt Ari. & D. Thom. de felicitate, quia cum non sit propter se, sed propter aliud non habet propriam beatitudinis rationem ut postea latius videbimus.

VII.

4. Diuisio.

Quartò diuiditur à quibusdam beatitudo in beatitudinem hominis & in beatitudinem tantum potentie alicuius, quomodo beatitudo hominis v. g. licet non consistat in amore, tamen beatitudo voluntatis dicitur consistere in amore. Sed hæc diuisio nec ab aliis autoribus celebrata est neque ab Scoto probatur aliqua ratione, neque aliquam vtilitatem affert ad ea quæ dicenda sunt; & præterea valde improprie dicitur potentia beatificari, persona enim est vel natura. quæ proprie per personam beatificatur. Tandem vel operatio potentie est consecutio ultimi finis integra, vel partialis; aut nullo modo est consecutio: si primum, per talem operationem non solum persona, sed etiam potentia beatificatur vel in totum, vel ex parte, quia per talem operationem consequitur aliquo modo suum finem; si vero dicatur secundum, talis operatio nec erit beatitudo hominis, nec personæ, cum sermo sit de beatitudine propria, quæ consistit in consecutione ultimi finis. Solum igitur duæ primæ diuisiones ad discursum huius materie nobis deferuiunt.

## DISPUTATIO V.

## De obiecto humanæ beatitudinis.



**E**XPEDITA quæstione, an sit beatitudo, sequitur explicanda quæstio, quid sit: & quoniam formalis beatitudo, ut infra dicam, in operatione consistit, quæ speciem & rationem suam sumere solet ab obiecto, ideo primum omnium de obiecto dicendum est; quod præcipue tractat D. Thom. 1. 2. in tota quæst. 2. & attingit etiam in sequenti partim in ar. 1. partim in 6. & 7. & latè 3. cont. Gent. à cap. 27. vsque ad 63. Reliqui doctores in 4. distinct. 49. Solum est in hoc principio aduertendum, hæc disputationem de obiecto, communem esse omni beatitudini tam naturali, quam supernaturali vitæ præsentis, & future, conueniunt enim omnes in illa re, in qua beatitudo consistit, quamuis de modo attingendi, vel consequendi illam sit diuersitas, ut postea videbimus.

## SECTIO I.

*Utrum omnes creature sine Deo possint esse  
sufficiens obiectum humanæ  
beatitudinis.*

I. **H**ÆC quæstio celebris fuit inter antiquos Philosophos, inter quos fuit magna opinionum varietas in explicanda hominis beatitudine, de

quibus, quia prolixum esset illas referre, legi De hominibus possunt ex Philosophis; Arist. li. 1. 1. Ethicor. & 10. beatitudinis Cicero lib. de finibus. & in Paradoxis; ex Patribus Scriptores verò Aug. 10. de Ciuitate. à principio, & capit. 56. & variis tractatu de Epicureis, & Stoicis: obiter Ambros. libro 2. de Officiis cap. 2. & Clemens Alexandr. li. 2. Strommat. circa finem, Lactant lib. 3. de falsa sapientia, præsertim à cap. 7. & Boetius lib. 2. & 3. de consolatione. Breuiter omnia creata bona possunt ad 3. capita reuocari; in primo sunt bona externa, quæ dicuntur bona fortunæ, & intrinsecè non afficiunt ipsum hominem, ut sunt quatuor illa, de quibus D. Thom. disp. 1. 2. quæst. 1. art. 4. diuitiæ, honor, fama, potestas, de quibus non inuenio Philosophum aliquem asseruisse in illis solis consistere beatitudinem, licet aliqui ea coniunxerint cum aliis bonis. In secundo capite sunt bona corporis, ut sunt sanitas, robur, & ad hoc caput etiam spectat voluptas corporis, & indolentia, & in his bonis multi beatitudinem constituunt, ut Carneades apud Ciceronem lib. 5. de finib. qui hæc vocabant prima bona naturæ: & Aristip. apud Lactantium supra. Et multi in hunc modum interpretantur sententiam Epicuri, ut August. supra. & D. Thom. 3. contra Gent. & Lactant. & alij dicant esse locutum de animæ voluptate. In tertio ordine sunt bona animæ, per quæ intelligere possumus, aut animam ipsam, & perfectiones illi inhærentes, aut etiam extrinsecum aliquod bonum per modum principij vel obiecti. Et hoc modo etià Deus inter bona animæ comprehenditur: hic igitur de omnibus bonis agimus, excepto Deo.

Vnumgenus bonorum.

Alterum genus.

Tertium genus.

Dico ergo primò, bona fortunæ per se sola non possunt hominem beatificare. Hanc conclusionem tractat benè ex Scolasticis Maior d. 49 q. 1. & est non solum certa, sed etiam euident. Et probatur primò generatim, quia omnia hæc bona in primis sunt inferioris ordinis; deinde sunt extrinsecæ, & nec perficiunt hominem in se ipso, neque possunt esse obiecta perfectorum actuum: tertio, non sunt bona stabilia, sed facillimè amittuntur, etiam nobis inuitis, & sine culpa: quartò, his bonis etiam iniqui abundant, imò facilius illa consequuntur: quintò, vnum sine alio non satiat appetitum, nec omnia simul sine salute.

II.

1. Assertio neg de bonis fortuna.

Ratio breuiter de singulis, nam primò diuitiæ non sunt propter se appetibiles, sed solum ut instrumenta vitæ: deinde difficillimè acquiruntur & difficiliter conseruantur; & si inordinatè, ac propter se amentur, nunquam satiant appetitum: auarus enim nunquam implebitur pecunijs. Eccles. 15. Et propter hanc causam Christiana religio non solum constituit beatitudinem in diuitiis, sed etiam constituit eas despicere, ut beati esse possimus. De qua re legi potest Aug. serm. 40. ad fratres in Erem. & 28. de verbis Apostoli, Gregor. 3. part. pastoralis, admonit. 27. Chrysostom. hom. 69. & 70. in Matth. 20. de honore ait Aristot. Ethic. 1. capit. 5. esse in honorante, non in honorato, & pendere ex arbitrio eius, & ideo non posse consistere in illo beatitudinem, ut probat etiam rationes factæ de diuitiis: potius ergo est quid consequens beatitudinem, quia honor debetur virtuti, & est testimonium excellens; beatitudo autem debet potius consistere in aliqua excellentia, quam in testimonio eius: & hoc modo dicitur Deus interdum honorare Sanctos suos in præmium virtutis, quia ira illos perficit, & excellentes facit, ut reddat honore dignissimos, & hoc modo dicitur in Psalm. 138. Nimis honorati sunt amici tui Deus; & Sapient. 5. Existimabamus vitam illorum insaniam, & finem illorum sine honore: ecce quomodo computat.

III.



computati sunt inter filios Dei. Tertiò, eadem est ratio de fama, quæ etiam est bonum extrinsecum, & consistit in aliorum opinionè, quæ sæpè non est in potestate nostra: hoc autem præcipuè intelligendum est de famâ, seu gloria, quæ potest esse in mente creaturæ: nam illa bona fama, quâ habere possumus in mente Dei, vt Caietanus notat 1. 2. *questione 2. articulo 3.* conferre potest ad nostram beatitudinem, saltem causaliter, quia Deus illis confert beatitudinem, quos bonos & iustos cognoscit, & hæc ipsa scientia, quatenus est ipsemet Deus, potest pertinere ad obiectum nostræ beatitudinis, quamuis non propriè nos beatificet ea ratione, qua terminantur ad nos per modum scientiæ visionis: sed quatenus in se est infinitum bonum, vt postea latius declarabim⁹. Hic verò inquiri poterat, an hæc bona honoris, & famæ, quamuis non sint vltimū bonum, sint saltem per se appetibilia, vt finis proximus: sed hæc res pertinet ad 2. 2. *quest. 131.* Tandem rationes factæ eodem modo procedunt de potestate dominandi; nam etiam hoc bonum est valde extrinsecum, & inferioris ordinis: non est autem bonum stabile, & auferri potest nobis inuitis, & in eo sæpè excellunt homines iniqui. Ac denique non magis potest satiare hominem adeptio famæ, & honorum, quàm diuitiæ. Denique de insufficientia horum bonorum, & moderatione in eis adhibenda, legi potest Chrysostomus *hom. 25. & questione 3. ad populum*, Augustinus in *Psalm. sexagesimum tertium*, Gregorius 18. *Moralium*, & Bernard. *serm. 13. in Cant.*

IV.  
2. *Asser. negatiua de bonis corporis.*

Dices secundo: nullum corporis bonum, etiam voluptas, potest esse obiectum humanæ beatitudinis. Hæc assertio etiam est euidentis, & ita probata semper fuit à melioribus Philosophis & contraria reiecta vt absurda, & indigna hominibus, aded vt Stoici dicerent, hæc interiora cōmoda non esse appellanda bona præter vnum, nempe honestum bonum: in quo tamen non rectè dixerunt; habent enim hæc aliquam bonitatem & coniunctionem cum natura: eatamen ab homine expetenda non est, nisi cum honestate sit coniuncta. Et hinc facile prolatur conclusio, quia hæc bona corporis sunt infima, & quodam modo aliis animalibus communia; homo autē vt suprà ex Aristotele dicebamus, non est capax beatitudinis secundum id, quod commune habet cum brutis, sed secundum id, quod in eo diuinum est. Deinde, quamuis homo habeat bona corporis, v. g. salutem, robur, indolentiam, &c. si tamen careat aliis bonis, etiam extrinsecis, vt honore, & fama, &c. non est contentus, nec satiatus: ergo non sunt hæc sufficiens bonum hominis, cum nec per se sola sufficiant, nec secum afferant alia, quæ necessaria sunt. Quæ omnia eodem modo procedunt de voluptate, qua possent aliæ rationes fieri: nam hæc sæpè est rectæ rationi contraria, & impedit spiritualia bonâ: immò si sit nimia, ipsi etiam corpori nocet, & dolores atque ægritudines affert; si autem sit temperata, maius bonum est virtus, quæ illam moderatur, & hæc ipsa moderatio est signum, voluptatem non esse propter se expetendam, sed solum quoad necessarium fuerit, vel ad conseruandam naturam, vel ad rectas operationes exercendas. Aliæ rationes videri possunt in Diuo Thoma 3. *contra Gentes.*

V.  
3. *asser. neg. de bonis spiritualibus creatis.*

Dico tertiò: etiam bona animi creata per se sola nō sufficere ad hominis beatitudinem. Probatur, quia inter hæc bona primum est ipsa anima, quæ quidem est subiectum suæ beatitudinis, non tamen esse potest obiectum, quia non potest esse finis vltimus sui ipsius, & ideo non potest in

se conquiescere: nam sicut non est à se, ita non potest esse se ipsa beata, sed quærit aliud melius se, & optimum, in quo quiescat. Secundo sunt inter hæc bona illa, quæ formaliter inhærent ipsi animæ, vt sunt potentiæ suæ, & actus, & in his consistere quidem potest formalis beatitudo, non tamen obiectiua, quia hæc minus perfecta bona sunt, quàm ipsamet anima, saltem quoad entitatem substantialem. Dices: visio beata numeratur in his bonis, & tamen illa posset esse sufficiens obiectum beatitudinis: nam si quis videret in alio hominè huiusmodi visionem, esset beatus, quia necessariò videret Deum. Respondetur, etiam si concedatur totum, non esse contrā conclusionem, quia, si videndo illam visionem, videtur Deus, non ideo erit aliquis beatus, quia videt visionem, sed quia videt Deum: visio autem ipsa erit veluti medium cognitum ducēs in Deum, si autem viso illo actu non necessariò videtur Deus, quod fortasse verius est, cessat etiam argumētum, quia tunc illa visio vt obiectum, non esset sufficiens ad beatificandum.

Vltimò connumerari possunt inter hæc bona, Angeli, quatenus sunt obiecta, quorum cognitione multum perficitur mens hominis: & hoc etiam non potest sufficere ad beatitudinem hominis, qui est capax maioris boni, vt iam dicam: & quia Angeli non sunt per se principium & causa animæ hominis, & ita nec sunt finis hominis: item, nec sunt, nec continent omne bonum, sed sunt quoddam bonum participatum: non ergo possunt satiare hominem. Vnde cum D. Thom. 1. 2. *quest. 3. art. 7.* dicit, in speculatione substantiarum separatarum positam esse quandam hominis imperfectam beatitudinem, non est intelligendus de beatitudine essentiali, etiam naturalī & huius vitæ: sed de quadam accidentali perfectione: lege eundem 3. *cont. Gent. cap. 17. & 25. & lib. 4. cap. 54.* Dicit aliquis, maiore perfectione, atq; proportionē habet natura Angelica cum humana, quàm ipse Deus, quia habet maiore similitudinem, & propinquitatē: ergo magis consistit beatitudo humana in cognitione Angelorum, quàm Dei. Respondetur negando consequentiam, quia licet habeat maiore proportionē in perfectione entis, non tamē in ratione causæ & effectus, & in ratione finis, & rei ordinatæ ad finē, nec etiam in dependentia, & connexionē necessaria. Vnde fit vt sicut potest esse anima sine Angelis non tamen sine Deo, ita potest esse beata sine Angelis, non tamen sine Deo: fit etiam inde, vt perfectiorem cognitionem Dei possit homo naturaliter assequi in hac vita, quam Angelorum.

Vltimò ex his concluditur, omnia bona creata simul sumpta nō posse sufficere ad beatificandum hominem sine Deo, est de fide, vt à fortiori patet ex his, quæ dicemus *sect. sequenti.* Ratione probat D. Thom. 1. 2. *quest. 2. art. 8.* ex capacitate potentiæ animæ nostræ, sunt enim vniuersales potentiæ: quia habent vniuersalissima obiecta: voluntatis obiectum est bonum vniuersale, sub quo omne bonum comprehenditur: bona autem creata sine Deo non complectuntur omne bonum: sed solus Deus est vniuersale bonum: ergo non possunt omnia sine Deo explere capacitatem hominis. Circa quam rationem multa notat Caiet. quia videtur in ea committi æqui-uocatio: nam Deus est bonum vniuersale non in prædicando, sed in causando, & secundum quandam continentiam eminentialem: obiectum autem voluntatis est vniuersale in prædicando: nulla tamen est æqui-uocatio, sed ex vna vniuersalitate fit optimum argumētum ad aliam: nam cum

VII.  
*Vltima ass. adequata titulo quest. & de fide.*



cum voluntatis obiectum sit bonum, & intellectus sit ens, plane comprehendunt Deum sub suis obiectis, & ita sunt aliquo modo capaces Dei. Rursus Deus cum sit summum bonum, & summum ens, est precipua pars, & precipuum obiectum harum potentiarum: ergo fieri non potest, ut homo secundum has potentias fiat beatus in solis creaturis sine Deo, quia deest illi id, quod est supremum, & optimum in capacitate sua.

VIII.

Vnde confirmatur, nam in homine operante secundum rationem duplex facultas considerari potest; altera est speculativa ad contemplandum, & hæc non potest esse contenta si non perveniat ad Deum, qui est supremum intelligibile. Vnde recte Greg. Nazianz. *Orat. 21. de laudibus Athanasij. Intelligibilem omnium* (inquit de Deo) *summum est vertex, in quo desiderium omne consistit, ac desinitur, nec supra eum usque fertur, nec enim quippiam sublimius habet, aut habebit vquam mens illa, quamvis philosophica, & altissima tenens, ac summe curiosa: hoc enim rerum omnium expendarum extremum est, quo cum pervenerimus, conquiescit omnis speculatio.* Altera facultas humane mentis est ad operandum secundum rationem: hæc autem multo minus potest esse perfecta sine Deo, sed solum quando honestissima operatione fungitur, quæ est amor Dei. Propter quod dicit Eccles. vii. *Deum time, & mandata eius observa, hoc est enim omnis homo.* Nec contra hoc occurrit difficultas alicuius momenti.

## SECTIO II.

*Verum solus Deus sine consortio alicuius creature sit sufficiens obiectum beatitudinis.*

I.

**R**atio dubij est, quia licet Deus sit supremum hominis bonum, non tamen est unicum eius bonum: nam præter Deum, indiget homo ut commodè vivat, & bonis corporis, & aliis bonis animæ præter cognitionem Dei, quæ omnia bona naturaliter appetit: ergo non satiatur appetitus hominis Deo: ergo solus Deus non est sufficiens obiectum beatitudinis eius. Nec satisfaciet si quis respondeat, hæc omnia bona contineri in Deo, continentur enim eminenter, non formaliter: homo autem indiget illis prout formaliter illum perficere possunt non tantum secundum eminentiam suam: nec enim erit homo sanus cognoscendo sanitatem, quæ est eminenter in Deo, sed habendo in se formalem sanitatem, & sic de aliis. Secundo auget difficultatem, quia ut homo sit beatus, non satis est videre Deum: sed necesse est ut videat se videre, quia alias, nec amare poterat suam beatitudinem, nec de illa gaudere propter quod quidam dixere, magis consistere beatitudinem nostram in cognitione reflexa, quam in directa: ergo in obiecto nostræ beatitudinis non solum continetur Deus, sed visio Dei, illa verò creatura est. Simile argumentum fieri potest de amore, quia, ut simus beati, non satis est videre Deum, sed etiam videre illum ut summum bonum à nobis dilectum, quia non potest beatificare, nisi quod amatur, & quatenus tale esse cognoscitur, quia beatitudo est satietas amoris, & terminus eius: ergo in illo obiecto includitur non solum Deus, sed etiam amor Dei, qui est quid creatum. Simile etiam est, quia ut simus beati, necesse est ut cognoscamus beatitudinem nostram perpetuò duraturam, alias non posset excludi omnis timor & anxietas, prout ad beatitudinem necesse est:

ergo in obiecto nostræ beatitudinis includitur non solum Deus, sed etiam perpetua duratio eiusdem beatitudinis; illa autem duratio creatum quid est. Tadem de beatitudine naturali potest esse difficultas, quia non potest anima nostra cognoscere Deum nisi cognoscendo se ipsam, vel aliquam aliam creaturam: imo nec in beatitudine supernaturali (ut multi existimant) potest videri Deus, nisi visus in ipso aliquo modo creaturis. ergo.

In hac quaestione Philosophi omnes sensisse videntur indigere hominem præter Deum aliis bonis creatis ad felicitatem suam: non tamen accurate distinxerunt, aut intellexerunt, an illa bona sint essentialia, ut particularia obiecta essentialis beatitudinis, vel solum ut dispositiones quædam vel proprietates, seu accidentariæ perfectiones eius: quin imo etiam inter Theologos Durand. Olcot & alij, quos citavi disput. præced. sect. 1. contenti illa distinctione beatitudinis quatenus significat aut perfectissimam operationem, aut collectionem omnium bonorum, respondent, solum Deum esse obiectum beatitudinis priori modo sumptæ, non tamen posteriori modo. Sed huiusmodi distinctio non deseruit ad rem explicandam, sed potius confundit illam: nam iuxta illam responsum videtur sequi, Deum nullo modo esse adæquatum obiectum nostræ beatitudinis, sed partiale, quavis precipuum. Supponendo ergo sermonem esse de propria, & essentiali beatitudine, advertendum est aliud esse loqui de proprio obiecto bono, cuius consecutione beati sumus; alia vero de his, quæ vel cum illo obiecto coniuncta sunt, vel ex parte nostra sunt necessaria ad consequendum illud obiectum perfectè, & ut in nobis efficiat illos effectus omnes, quos perfecta beatitudo requirit: non enim omnia, quæ hoc modo requiruntur, oportet ut sint propriè obiecta beatitudinis essentialis: sicut non omnia quæ sunt necessaria ad introductionem, vel conservationem formæ, nec etiam quæ illa consequuntur, pertinent ad essentialia compositum.

Dicendum ergo est absolute & simpliciter, solum Deum esse obiectum nostræ beatitudinis essentialis, atque hoc modo illum sine consortio creature sufficere ad nostram beatitudinem. Quam assertionem existimo certam, & ita in ea contentiunt omnes Theologi, & colligitur ex modo loquendi sacræ Scripturæ; primò ex illis locis, in quibus Deus solus ultimus finis noster, ut supra tractauimus d. 3. sect. 1. nam idem est finis ultimus, & obiectum beatitudinis. Deinde ex illis locutionibus, *beatum dixerunt populum, cui hæc sunt: beatus populus, cuius Dominus Deus eius, Psal. 143. & 72. Pars mea Deus in æternum; & Non gloriatur sapiens in sapientia sua, nec fortis in fortitudine sua, sed in hoc gloriatur, scire & nosse me, Jer. 9.* Faciunt etiam illa verba Christi Ioann. 17. *Hæc est vita æterna, ut cognoscant te solum Deum verum, &c.* nam de vera beatitudine multi Patres locum illum interpretantur, quos in suo loco indicabo. Docuit etiam hanc veritatem Nissenus lib. de beatitudinibus, beatitudine 6. eamque colligit ex illa promissione Christi, *quoniam ipsi Deum videbunt.* Optime eandem tractat, & ex S. Scriptura confirmat Aug. lib. 22. de Ciuitate. cap. 30. *præmium, inquit, virtutis erit ipse, qui virtutem dedit.* Colligitur etiam ex Extravaganti Benedicti XI. quam refert Castro verb. *Beati.* ubi definit beatitudinem nostram consistere in visione & fruitione Dei. Vnde à posteriori confirmari potest. Nam Christus Dominus in via fuit absolute, & simpliciter beatus propter hanc visionem & fruitionem, etiam si affectus

II.

III.



Aut esset multis malis pœnæ; & similiter anime sanctæ sunt absolutè beatæ, quamvis careant corporibus, & consequenter aliis bonis corporis. Et addere possumus, si fingamus nō esse in mundo aliā creaturam, nisi vnā animam videntem, & amantem Deum, illam fuisse futurā sufficienter beatam, & tamen nec cognosceret, nec frueretur alia creatura; quāvis autē supponat necessariō existentia ipsius animæ, & facultatum eius, non tamen per modum obiecti, sed subiecti beatitudinis, vt supra dicebamus, ipsa nō est finis sui, sed se ipsam debet in Deum referre. Cuius etiā signum est, quia etiam si fingemus aliam animam non cognoscere se ipsam, sed solum videre Deum, ipsoq; frui, hoc ipso solo esset beata, quia consecuta est vltimum finem suum.

IV. Atque hinc reddi potest ratio huius veritatis, quia vt Arist. ait 1. *Ethicor. cap. 7.* finis perfectus simpliciter est qui propter se semper, & nunquam ob aliud est; talis autem est felicitas: sed solus Deus est perfectus finis, propter se amandus, & reliqua omnia propter ipsum: ergo solus ipse est obiectiua beatitudo simpliciter humanæ naturæ. Quod in hunc modum confirmatur & explicatur. Nā licet in beatitudine multa requiratur bona ad completum statum eius, tamē, vt rectē Aug. dixit *dict. lib. de Ciuit. omnia debent in laudem Dei ordinari, illumq; tāquam finem vltimum respicere*; id autem, quod est finis, & vltimum bonorum omnium, illud est proprium & per se obiectum beatitudinis. Confirmatur præterea ex Aristot. *eodem 1. Ethicorum capit. 7.* perfectum bonum est, quod per se est sufficiens; sufficiens autem per se, illud esse ponimus, quod solum à cæteris segregatum expetibilem vitam facit, rei q; nullius indigētis: huiusmodi autem felicitatem existimamus esse. *libro autem 10. Ethicorum capite 2.* addit cum Platone, sumum bonum per se, & nullo addito tale esse, & non fieri expetibilius propter additum alterius boni; nam *hoc ipso*, inquit, *non esse summum bonum.* Vnde concluditur ratio, nam Deus per se solus est summum bonum simpliciter, & perfecta cum ipso coniunctio, seu illius adeptio est per se maximè expetibilis & sufficiens ad perfectionem hominis non solum quia in Deo continetur omne bonum eminenter sed etiam quia secum affert quidquid ad beatitudinem hominis necessarium esse potest: ergo solus Deus est essentialiter obiectum nostræ beatitudinis. Et confirmatur tandem, quia solus Deus est primum hominis principium: ergo solus etiam est vltimus finis eius; ergo in reditu ad ipsum & in consecutione eius stat hominis beatitudo. *Lege August. 5. confession. cap. 4. & 13. de Trinitate capit. 7. epistol. 57. & Diu. Thomam contra Gent. cap. 37.*

V. Atq; ex rationibus factis colligitur, assertionem positam veram esse, tū in beatitudine super naturali perfecta vitæ futuræ, de qua maximè procedunt omnia dicta, & potest de illa peculiaris ratio reddi; quia illa beatitudo propriè respondet gratiæ, tanquam sibi connaturalis: gratia autem est quædam propria participatio diuinæ naturæ: & ideo sicut diuina natura se ipsa esse beatam, ita propria beatitudo respondens huic gratiæ, consistit in coniunctione ad eandem diuinam naturam per altissimā participationem illius visionis, qua ipsa se fruitur: tum etiam de beatitudine supernaturali, qualis in hac vita imperfectè haberi potest, quia solus Deus est

*Suarez in primam secundæ D. Thom.*

supra omnia diligendus, omniaque ad hunc amorem, & ad ipsius Dei consecutionem referenda sunt, vt verè pertineant ad nostram perfectionem: tum denique de felicitate, seu beatitudine naturali, quæ habere posset vel in hac vita vel in anima separata propter eādem rationem, nam etiam si homo conditus in puris naturalibus, deberet Deum supra omnia diligere, & in eum vt in vltimum finem omnia referre.

Sed dubitabit hic aliquis, an Deus sit obiectum nostræ beatitudinis vt realiter existens à parte rei, vel solum vt obiectiue existens in mente humana. Quidam enim asserunt, quod licet de ratione Dei, vt Deus est, sit existere, tamen si præcisè consideretur id quod necessarium est in illo, sic non necessariō includi existentiam rei in seipso, sed solum esse obiectiue in mente. Quod per hanc conditionalem explicatur: nam si intelligamus beatitudinem hominis consistere in visione pulchræ imaginis, si Deus conferret in oculo illam visionem destruendo obiectum in esse existentis, tam beatus maneret homo sicut antea; quia ex parte sua eodem modo attingeret illud obiectum, atq; ita realis existentia illius obiecti non esset necessaria ad talem beatitudinem, sed solum obiectiua: ergo si per impossibile fingeremus, cognitionem, aut visionem Dei mauere in intellectu nostro, etiam si Deus non existeret eodem modo, essemus beati, quia haberemus eandem formam beatificantem: ergo ex præcisa ratione beatitudinis non requiritur existentia realis in illo obiecto, sed solum esse obiectiue. Cui modo dicendi viderur fauere Durand. *in 4. d. 46. q. 1. n. 8.*

Sed hæc opinio viderur mihi valde falsa, & apertam repugnātiā inuoluens, quia Deus est obiectum nostræ beatitudinis, quatenus est primum ens ac purissimus actus, & perfectissimus: ergo necesse est vt in eius ratione, etiam vt obiectum est talis beatitudinis, includatur quod sit ens necessarium per essentiam, atque adeo quod includat non solum obiectiuam, sed realem, & veram essentiam: quin potius in hoc obiecto non sunt hæc duo separabilia, quia illud, quod maximè de illo cognoscitur, aut in ipso videtur, est quod existat, & sit suum esse: & ideo etsi fortasse in aliis rebus, & præsertim in obiectis sensibilibus posset fieri à Deo vt maneat intuitiua visio sine reali existentia obiecti, tamen in hac Dei visione manifestam contradictionem inuoluit, non solum quia ex parte Dei repugnat non esse, sed etiam, quia ex parte visionis repugnat manere, & non terminari ad ens necessariō existens vt sic: imò etiam in cognitione abstractiua Dei, quæ verè sit, & scientifica, repugnat esse, & non fieri circa ens quoddam necessarium, quod à se essentialiter existat.

Ad rationes dubij in principio positas. Ad primam fatemur, ad completum statum beatitudinis requiri alia bona: tamen non sunt propriè obiecta essentialis beatitudinis, quia nec sunt finis vltimus, nec pars eius, sed ad aliud vt finem vltimum ordinantur, & ab illo quasi à primo fonte originem ducunt. Ad alteram vero rationem dubij similiter responderetur, ad summum probare aliquid creatum requiri ex parte nostra, vt ipso Deo perfecti efficiamur beati, quid autem illud sit, & quæ alia bona in beatitudine requirantur ad completum statum eius, postea est latius explicandum in singulis beatitudinis statibus.

D

SECTIO

VI.

*An realis existentia pertineat ad obiectum beatitudinis.*

VII.

VIII.



## SECTIO III.

*Virum Deum secundum totum, quod in se habet,  
vel secundum speciale arbitrium sui ob-  
iectum humana beatitudinis.*

**T**Ria sunt, de quibus potest in hoc dubio inquiri. Primo de diuinis attributis, & absolutis perfectionibus Dei. Secundo de diuinis relationibus. Tertio de ideis seu actionibus liberis, qui in Deo existunt: de quibus sigillatim dicam pauca.

## PUNCTUM I.

*An omnia, vel aliquod attributum Dei, pertineant ad obiectum beatitudinis.*

- I. Circa primam partem duo possunt excogitari dicendi modi: primus est iuxta opinionem Scoti dicentis, seu distinguentis attributa diuina ab essentia Dei, quam ex parte sequuntur aliqui Thomistæ, qui licet non admittant distinctionem ex natura rei inter attributa, & essentiam, nihilominus dicunt attributa esse extra rationem essentialiter Dei, & vnum attributum esse extra essentiam alterius priusquam secundum nostrum modum intelligendi in re ipsa fundatum concipi naturam diuinam, vt constituentem essentialiter Deum, & ideo postulantem talia attributa, quæ re ipsa cum ipsa identificentur. Iuxta hanc ergo opinionem in præsentia dici potest, Deum esse obiectum nostræ beatitudinis præcisè secundum eam rationem, quæ in eo intelligitur esse essentialis, quia secundum illam præcisè constituitur in esse Dei: sicut, si homo vt homo esset obiectum beatitudinis humanæ, intelligeremus solam essentiam animæ & corporis pertinere propriè ad tale obiectum; proprietates vero, sicut sequuntur essentiam, ita etiam pertinere ad quandam beatitudinis perfectionem, seu obiecti illius, non vero ad primariam rationem eius. Quam sententiam attigit Scotus in 1. distinction. 1. question. 1. & quamvis ibi eam non tractet, colligi tamen potest ex fundamento eius.
- II. Secundus modus dicendi est, Deum esse obiectum nostræ beatitudinis secundum quoddam speciale attributum, vel secundum bonitatem suam. Hanc opinionem attigit Medina in 2. quest. 3. artic. 5. vbi inquit, cum beatus iudicet, Deum esse omnipotentem, esse trinum, & vnum, in quo iudicio consistat beatitudo. Respondet consistere in hoc *quam bonus Deus Israel his qui recto sunt corde*, cætera vero iudicia, inquit, quæ habent beati, vel sunt præmia fidei, vel necessariò coniuncta. Fundamentum esse potest, quia Deus est obiectum beatitudinis nostræ vt est summum bonum, quia tale obiectum vt est vltimus finis simpliciter ac perfectissimus: vltimus autem finis, & summum bonum idem sunt, vt Arist. dixit 1. Eth. c. 7. Et ideo ex sententia omnium beatitudo consistit in adeptione summi boni: ergo Deus ratione suæ bonitatis, & non ratione aliorum attributorum, est obiectum nostræ beatitudinis.
- III. Vtramque opinionem falsam existimo, & sic dicendum, Deum secundum omnia sua attributa, & absolutas perfectiones esse obiectum proprium, ac primarium nostræ beatitudinis perfectæ, quam speramus in futura vita. Quæ sententia fundari potest in verbis illis 1. Ioan. 3. *Similes ei erimus, & videbimus eum sicuti est*. Sicut ergo

Deus est per suam essentiam summè sapiens, omnipotens, &c. ita videbimus eum: ergo Deus quatenus in sua essentia complectitur omnia bona, erit obiectum nos beatificans. Secundo præcipue argumentor ratione, quia Deus non est obiectum nostræ beatitudinis, nisi vt supremum ens intelligibile, & supremum bonum, formaliter, aut eminenter, reliqua omnia continens, quia vt sic potest implere capacitatem nostri intellectus, & voluntatis, & non alio modo: sed Deus non est huiusmodi ens secundum aliquod speciale attributum, sed vt immensum pelagus omnis perfectionis: ergo vt est obiectum nostræ beatitudinis includit formaliter omnia attributa absoluta, quæ dicunt perfectionem simpliciter simplicem, eminenter vero omnes alias perfectiones. Tertio hoc ipsum declaratur, quia sententiæ contrariæ procedunt ex falsis fundamentis: nam in primis falsum est attributa diuina distinguere ex natura rei ab essentia diuina vt ostenditur latius circa *question. 3. primæ part. D. Thom.* falsum etiam est, hæc attributa, quæ dicunt perfectionem simpliciter, non includi in conceptu essentiali Dei adæquato, quia Deus ex præcisa essentia sua est ens infinitum intensiue in perfectione essentiali, & ideo ex eadem præcisa essentia formaliter complectitur omnem perfectionem simpliciter, quia illud ens, quod formaliter afficitur his perfectionibus, quæ vocantur simplices simpliciter, perfectius est in genere entis intensiue quam si illas formaliter excludat: & ideo tam essentielles sunt istæ proportionales, Deus est sapiens, Deus est iustus, sicut hæc, Homo est animal rationale. Vnde retorquendo argumentum, cum Deus sit obiectum beatitudinis nostræ ratione suæ perfectionis essentialis, necesse est vt in hoc obiecto formaliter includantur omnia attributa.

Præterea secunda opinio confingit summam Dei bonitatem esse speciale attributum Dei ab aliis distinctum: nam reuera non est nisi infinita perfectio eius consurgens, nostro modo intelligendi, ex omnibus attributis, quod in hunc modum explicari potest: nam sicut in nobis, ita in Deo duplex bonitas intelligi potest, vel physica, vel moralis, & neutra in nobis est specialis aliqua virtus ab aliis distincta; sed bonitas physica est ipsamet entitativa perfectio, quæ consurgit ex principiis naturæ; bonitas autem moralis integra, nihil aliud esse potest, quam collectio omnium virtutum, vel in habitu, vel in actu, & vtraque bonitas suo modo reperitur in Deo; nam & est perfectissimum ens in genere entis, & est summum bonum in genere moris, quæ bonitas in ipso nihil aliud est, quam perfectio eius essentialis, ratione cuius essentialiter est summè iustus, summè misericors, &c. ergo Deus vt summum bonum, formaliter includit has omnes perfectiones: ergo retorquendo etiam argumentum, ex eo quod Deus est obiectum beatitudinis, & summum bonum, non sequitur aliquod attributum esse extrarationem obiecti illius, sed potius sequitur omnia includi in ipso formaliter.

Quocirca falsum etiam est, quod illa opinio secunda fingebat, scilicet, esse in beatis varia iudicia horum attributorum quæ non pertinent ad ipsam beatitudinem, sed cum illa coniuncta sunt: hæc, inquam, falsa fictio est, quia sicut in Deo secundum se hæc attributa non sunt multa, sed vna simpliciter perfectio Dei, ita in beato vt sic, id est, vt intuetur Deum, non sunt varia iudicia de his attributis, sed vnico, & simplicissimo, quo intuetur Deum sicuti est, iudicat



iudicat Deum esse omnipotentē, sapientē, &c. quia, ut infra dicemus, videre Deum, non est videre vnum vel aliquod attributum eius, sed videre totam Dei naturam formaliter includentē hęc attributa. Et per hęc responsum est dictis opinionibus.

**VI.** Atque hinc facile intelligitur, quomodo Deus sit obiectum illius imperfectę beatitudinis supernaturalis, quam in hac vita consequi possumus: nam idem Deus secundum totam beatitudinem suę perfectionis formalis, & bonitatis, qui beatificat in patria, est etiam obiectum beatitudinis eius, sed ibi ut consecutus, hic ut speratus: ibi ut visus, hic ut amatus. Solum est considerandum, si in hoc obiecto consideretur ratio sub qua attingitur à nostris potentiis, velatibus, sic solent assignari speciales, ac diuersę rationes, sub quibus attingitur, scilicet, ratio veri respectu intellectus, & ratio boni seu appetibilis respectu voluntatis. Quę duę rationes conueniunt Deo secundum totam perfectionem essentialē, quam includit, nam ratio illius & summē intelligibilis est, & summē amabilis; tamen ratio, quę nos beatificat, non est hęc ratio, sub qua loquendo, ut loquimur, de beatitudine obiectiua, sed est ipsa infinita perfectio, quę in obiecto attingitur: illa enim est quę nos sariat, quia omne bonum continet: illa verò ratio, sub qua, nō addit obiecto aliquā realem perfectionem, sed sumitur ex ordine ad modum operandi nostrarum potentiarū. Quę notanda sunt pro his, quę dicemus de formali beatitudine. Denique quod attinet ad naturalem beatitudinem ex dictis colligi potest quid in hoc puncto dicendum sit, proportionē seruata: est enim Deus obiectum illius secundum totam perfectionem, quę de illo cognosci potest ex principiis naturę, quod eisdem rationibus ostendi potest.

## PUNCTUM II.

### An pertineant diuina relationes.

**VII.** Circa secundum punctum de relationibus, quod est difficile, supponamus in primis, illud non habere locum in beatitudine naturali, quia constat Deum, ut trinum, non posse naturaliter cognosci. Similiter beatitudo imperfecta huius vitę, etiam si supernaturalis sit, consistere potest sine cognitione diuinarum relationum, quia potest Deus, ut finis supernaturalis, fide cognosci, & charitate infusa super omnia amari, etiam si Trinitas personarum distinctę nō cognoscatur. Et ratio vtriusque est, quia cognitione abstractiua potest Deus ut infinitum bonum cognosci, non cognitis relationibus: & ideo omnis beatitudo imperfecta, quę in sola abstractiua cognitione fundatur, non necessariò includit in obiecto suo prædictas relationes.

**VIII.** Difficultas ergo est de beatitudine perfecta, quę consistit in clara Dei visione. Quam difficultatem attigerunt Scot. in 1. d. 1. quest. 2. & Caiet. 2. 2. quest. 2. art. 8. tractantes aliam quæstionem, an possit videri essentia non visis relationibus quam fere confundunt cum præsentī quæstione: sunt tamen reuera difficultates diuersę, nā etiam si fateamur visionem essentialē habere necessariam connexionem cum visione relationum, non videtur inde sequi relationes pertinere ad obiectum nos beatificans, quia etiam cognitio creaturarum habet necessariam connexionem cum comprehensione essentię, quā

Suarez in primam secundę D. Thomę.

Deus beatus est, & aliquo etiam modo cum visione intuitiua, quā nos speramus esse beatos, & nihilominus non pertinent creaturę ad obiectum nos beatificans: atque etiam ē contrariū quamuis essentia cognosceretur sine personis, adhuc maneret quæstio, an sic præcisē visa sufficeret ad nos beatificandos. Ommissa ergo altera quæstione, quā suo loco tractabimus, circa præsentē.

Est prima opinio Scoti, qui affirmat obiectū nostrę beatitudinis esse essentiam præcisē sumptam, non verò relationes. Cuius sententię duplex potest excogitari fundamentum: primum est, quia Pater æternus est beatus ex vi visionis solius essentię, & non ex cognitione relationum: ergo essentia præcisē sumpta est obiectum diuinę beatitudinis: ergo multò magis nostrę, quę est illius participatio. Antecedens probatur, primò quia pater æternus ex se est sufficienter beatus, & non ab aliis personis, alias acciperet ab illis maximam perfectionem: quod est inconueniens, cum ipse ex se sit infinite perfectus. Secundo, quia obiectum beatitudinis concurrat nostro modo intelligendū per modum principij & spei intelligibilis ad formalem beatitudinem: sed relationes filij & Spiritus sancti nullo modo concurrunt ad beatitudinem patris, alias perfectio patris aliquo modo esset ab illis personis ut à principio: ergo non pertinent illę relationes ad obiectum beatitudinis. Tertiò, quia pater prius origine quàm generet filium, est beatus, quia est Deus, & Deus essentialiter est beatus, & tamen in illo priori non intelligitur videre personas, quia antecedit illas. Dices, hęc argumenta non procedere saltem de relatione patris. Respondetur primò, etiam applicari posse ad hoc, quia relatio patris non potest videri sine relatione filij: ergo si vna non pertinet ad obiectum, nec etiam alia. Secundò possunt fieri eadem argumenta de hoc Deo, ut subsistente absolute in diuinitate prius ratione, quā intelligatur esse personę, quia sic est perfectē beatus.

Alterum fundamentum præcipuum est, quia essentia potest videri sine personis, & illa, ut sic, sufficit ad beatandum, quia est bonum simpliciter infinitum formaliter, & eminenter continens omnem perfectionem: relationes vero ut sic, vel nullam perfectionem formaliter addunt, vel si addunt, illa eminenter continetur in sola essentia, quia non est perfectius ens tota Trinitas relationes includens, quàm sit sola essentia ut à relationibus abstracta: ergo tota ratio obiecti beatificantis in essentia. Vnde Benedictus XI. in sua Extrauag. absolute docet sanctos esse beatos visione diuinę essentię.

Secunda opinio est Caietani, qui docet, relationes pertinere ad obiectum primarium & essentialē nostrę beatitudinis, ita ut sine illis non intelligatur sufficiens diuina essentia ad beatandum. Probatur primò, quia Deus est obiectum nostrę beatitudinis, ut in se est, iuxta illud, *Videbimus eum sicuti est*, sed Deus sicut est, dicit diuinam naturam ut existentem in tribus personis: ergo nisi ita videatur, non videtur sicuti est: ergo non ita videtur ut possit beatificare, quod exemplo ita declaro: nam si beatitudo consisteret in videnda Christi humanitate, sicut nunc est in rerum natura, qui videret illam, & non videret vnionem eius, adhuc illam non videret ut beatem. Secundo, quia respectu diuinę beatitudinis relationes includuntur in obiecto beatificante, quia non potest comprehendi Deus, quin cognoscatur ut in-

**IX.**

1. Opinio, relationes diuinas non pertinere ad obiectum beatitudinis.

**X.**

2. Opinio contraria præcedenti.



cludens relationes: ergo idem erit respectu nostræ beatitudinis, quæ est participatio diuina. Terriò, quia, si in Deo tantum esset vna persona, non esset obiectum beatificans natura ipsa sine persona, sicut enim propriè non est primum principium, & creator deitas, sed Deus, (nam si hæc dicuntur de Deitate, est propter summam identitatem cum Deo) ita propriè vltimus finis est Deus, vt sic, & non deitas, nisi propter identitatem: Deus autem dicit personam: ergo eodem modo nunc non est Deus beatitudinis sine personis. Patet consequentia, quia non est minus idem nunc essentia cum tribus personis, quam si esset tantum vna. Tandem est argumentatio Caietani, quia visa diuina natura, & non visis personis, non quiesceret mens hominis, cum quia, qui videt aliquam naturam, & non videt in quo supposito sit, inquietudine laborat, donec videat quomodo sit: tum etiam, quia mysterium Trinitatis est maximum, & quod potissimum declarat eminentiam diuinæ naturæ: ergo non viso illo, non potest mens humana satiari.

XI. Inter has sententias media via tenenda est, & primo absolute, & simpliciter dicendum, Deum trinum, & vnum esse primum & adæquatum obiectum nostræ beatitudinis. Probatur primò rationibus Caietani, quæ hoc saltem persuadent, & fauet communis modus loquendi Sanctorum, quos infra referemus agentes de visione beatifica: & præsertim exponentes illud Iohannis 3. *Videbimus eum*, &c. quod tacitè exponens Concilium Florent. in *Liter. union.* dicit, Sanctorum animas plenè purgatas, intueri clare Deum trinum, & vnum, sicuti est. Secundo, quia Deus trinus, & vnus absolute est primum principium nostrum, ad cuius imaginem facti sumus: ergo est & vltimus finis noster: ergo obiectum beatitudinis nostræ: nam beatitudo vt dixi, consistit in consecutione vltimi finis, & magna perfectio humanæ naturæ est, quod ad suum primum principium conuertatur, & in illo quiescat. Et confirmatur, nam sola Trinitas vna suprema adoratio à nobis colitur, & vno amore charitatis infusa super omnia diligitur. Est ergo adæquatum obiectum nostræ supremæ dilectionis: ergo & beatitudinis nostræ. Et hoc magis constabit ex sequenti.

XII. Dico secundo: In hoc obiecto essentia est propria ratio formalis essentialis, ac de se sufficiens ad nostram beatitudinem: relationes verò etiam concurrunt tanquam intrinsecè pertinentes ad substantialem quandam, seu personalem constitutionem illius obiecti. Declaratur in hunc modum: nam Deus est obiectum nostræ beatitudinis: ergo eo modo pertinebit aliquid ad obiectum nostræ beatitudinis, quo pertinuerit ad constitutionem ipsius Dei: relationes autem, vt sic, non sunt de conceptu essentiali Dei, sed sola diuinitas, pertinent tamen intrinsecè ad constitutionem personalem Dei, seu vt natura diuina modo sibi connaturali eminentissimo subsistat: ergo eodem modo tam diuinitas, quam relationes pertinebunt ad obiectum beatitudinis nostræ. Vnde in hoc est magna differentia inter relationes, & creaturas possibiles, nam licet demus creaturas aliquo modo videri necessariò visa essentia, tamè solum videtur vt effectus eminenter còtenti in causa seu vt obiectum omnipotentiæ diuinæ, atq; adeò, vt qd extrinsecù Deo, terminas habitudinè quandam transcendentalem diuinæ omnipotentia, relationes vero vt intrinsecè ipsi Deo, & pertinentes aliquo modo ad constitutionem ipsius, saltem in esse personali; & ideo li-

cet non sint de formali, & essentiali conceptu huius obiecti, vt beatificantis, includitur tamen in illo intrinsecè, ac substantialiter. Et confirmatur illo argumento, qd finis vltimus respicit primum principium; quamuis autem Deus trinus & vnus absolute sit primum principium nostrum, tamen formalis ratio, ac per se necessaria, ac sufficiens vt sit primum principium, est diuinitas: relationes verò solum concurrunt, vt rationes subsistendi, quando de facto diuinitas consistit in tribus, qui sunt primum principium: ergo eodem modo loquendum est de vltimo fine, & obiecto beatitudinis. Et hanc sententiam sic expositam sumo ex Diuo Thom. 2.2. q. 2. art. 8. *argum.* 3. cum solutione.

Ad fundamenta Scoti ergo quatenus fieri possunt contra primam conclusionem responderetur ad primum, æternum patrem esse beatum videndo se ipsum, & diuinas personas, & diuinitatem sensu à nobis explicato. Nec inde fit quod accipiat beatitudinem à personis, quia diuinitas est illi sufficiens ad beatitudinem suam; tamen quia hæc diuinitas ex infinitate sua de facto est in aliis etiam personis, pertinet suo modo ad beatitudinem patris vt illas videat, & suam essentiam in illis, quod non accipit ab aliis, sed ex se etiam hoc habet. Vnde ad secundam probationem negamus relationes nostro modo intelligendi concurrere per modum speciei ad illam cognitionem, sed sola essentia est per se sufficiens ratio illius visionis, nam tota per se concurrat ratione entis etiam vt terminatur ad personas. Ad tertiam vero probationem negatur assumptum, quia pater in nullo signo, propriè loquendo, est beatus visione diuinitatis, & non personarum. Nam prioritas originis in re non est prioritas in quo, sed à quo. Vnde quod Pater dicatur prius origine beatus, quam filius, vel spiritus sanctus non significat in aliquo priori esse beatum, sed solum quod Pater habet ex se sine origine quod sit beatus, filius autem habet à Patre: & ideo sicut Pater non prius est quam filius, iuxta illud Athanas. *In hac Trinitate nihil prius, aut posterius*, ita nec prius est beatus visione sui, quam visione filij. Ad secundum fundamentum negatur assumptum, non enim potest videri essentia sine personis: deinde licet demus videri essentiam sine personis, concedo esse sufficientem ad beatificandum, quia reuera est ens infinitum simpliciter, & ex vi sui conceptus essentialis, non solum est deitas, sed Deus, vt alias probatum est in materia de incarnatione: Deus autem est sufficiens obiectum beatificans. Nihilominus tamen de facto, quia hic Deus existit in tribus personis, quæ pertinent ad intrinsecam, & personalem constitutionem eius, ideo qualibet illarum personarum, & omnes simul, pertinent ad obiectum, quod de facto beatificat.

Ad argumenta verò Caietani quatenus fieri possunt ex parte contra secundam conclusionem, responderetur ad primum solum probare quod de facto erimus beati videndo Deum trinum & vnum, non tamen quod essentia, & relationes æquè perineant ad rationem illius obiecti. Secundum etiam argumentum ad summum idem probatur, quamquam in rigore non sit efficax, tum quia idem argumentum fieri potest de creaturis, quas Deus necessario cognoscit comprehendendo se ipsum: tum etiam, quia nostra beatitudo non est comprehensio Dei. Ad tertium responderetur, non esse similem rationem, nam quicquid sit de idèitate tamè si intelligere mus in Deo tantum esse vnam personam, substantia personalis illius personæ esset de essentiali con-

XIII.

XIV.



li conceptu Dei, nam esset perfectio absoluta: at vero nunc relationes personales quamvis sint unum cum essentia, non sunt tamen de conceptu essentiali eius, ut ex materia de Trinitate suppono. Ad ultimum de appetitu respondetur, si per impossibile aliquis videret hunc Deum, non videndo personas, illum debere manere quietum, & satiatum tam in intellectu, quia videret obiectum formaliter, vel eminenter continens illam perfectionem, & omnem veritatem: tam in voluntate, quia frueretur simpliciter summo bono. Vnde solum differret ab alio, qui videret Trinitatem, sicut minus beatus, à magis beato. Vnde sicut nunc ille qui minus beatus est, satiatum est, quamvis alius melius videat, ita dicendum esset in illo casu, qui tamen propter alias causas impossibilis est.

P V N C T U M I I I.

*An pertineant idea, vel actus liberi Dei.*

XV. Intertio puncto in principio huius questionis proposito multa dici poterant, tamen quia attingunt materiam de modo, quo videntur creaturæ in verbo per visionem beatam, ea nunc præmitto: solum sunt breuiter adnotanda duo. Primum est, in rationibus, seu ideis creaturarum, quæ sunt in diuina essentia, aliud esse considerare id, quod est in ipso Deo formaliter, siue illud sit eminentissima illa perfectio, in qua eminenter continentur omnes perfectiones creaturarum, siue sit infinita scientia, in qua intelliguntur esse exemplaria rerum omnium. Aliud verò esse considerare creaturas ipsas, quæ in Deo continentur tanquam in causa prima efficiendi, & exemplari: nam primum horum pertinet ad intrinsecam, & essentialem perfectionem Dei: secundum vero est extrinsecum ipsi Deo. Vnde fit ut ad obiectum beatitudinis pertineat omnis illa perfectio diuina, in qua continentur rationes creaturarum, & perfectiones earum, quia tota illa perfectio est formaliter in Deo, & est essentialis illi: dictum est autem Deum secundum totam essentiam suam esse obiectum beatitudinis nostræ. Nihilominus tamē creaturæ ipsæ, quæ continentur eminenter in Deo, vel in ideis diuinis representantur, per se non pertinent ad obiectum beatitudinis secundum suam propriam, & formalem perfectionem, ac rationem: quia ut sic, sunt simpliciter obiecta creata. An verò, & quomodo cognosci possit illa perfectio, & videri clare, & infinita scientia eius, & potentia, non visis creaturis, dictum est disputando de perfectione visionis beatæ.

XVI. Secundò notandum est fere simili modo dicendum esse circa actus liberos voluntatis diuinæ: aliud est enim considerare in Deo actum voluntatis quo vult se, & alia a se: aliud est considerare illum eundem actum prout libere terminatum ad hoc, vel illud obiectum creatum. Primum necessario conuenit ipsi Deo, nam sicut est suum esse, & suum intelligere, ita est suum amare: vnde perfectio illius actus, absoluta est & essen-

tialis Deo, & ideo per se pertinet ad obiectum beatitudinis nostræ, ut patet ex principio supra posito: at vero secundum omnino est extra rationem, & perfectionem diuinæ essentia, quamuis enim Deus nihil extra se libere vellet, æquè perfectus essentialiter maneret, & in se summè beatus, & sufficiens ad beatificandum alios: vade illa libera determinatio actus diuini ad obiecta creata, si aliquid ei addit, non pertinet ad necessariam, & essentialem perfectionem eius: vel quod verius est, nullam rationem, aut perfectionem realem illi addit, sed solum connotat extrinsecum obiectum, & relationem rationis ad illud, ut tractatur i. p. quest. 19. & late exposui in disp. 30. Metaphys. sect. 9. Vnde fit quod licet ad obiectum beatitudinis pertineat videre illum actum diuinæ voluntatis prout in se necessariò est, ac de se sufficiens, ut sine sui mutatione terminetur libere ad extrinseca obiecta: tamen videre in illo actuale determinationem liberam non pertinet per se ad obiectum beatificum, quandoquidem hoc est extra essentiam, & perfectionem Dei.

Ultimò posset in hac Disputatione inquiri, sub qua ratione Deus sit obiectum beatitudinis, hæctenus enim solum explicauimus obiectiuam rationem, quæ nos beatificat: dicendum ergo videbatur de ratione sub qua: quia tamen, ut supra dixi, hoc inuoluit habitudinem ad nostras potentias: & actus: quibus attingimus illud obiectum, idè melius id explicabitur tractando de formali beatitudine. Tandem inquiri poterat, an Deus sit obiectum beatificum, prout in se est summum bonum, propter se amabile amore amicitia, an verò ut est summum bonum ipsius beati amabile amore concupiscentia: sed hoc etiam omitto, quia inuoluit multa, quæ postea dicenda sunt de modo appetendi beatitudinem: solumque breuiter suppono ex dictis, Deum ut simpliciter est summum bonum, summè amabile, omni ratione esse obiectum nostræ beatitudinis: nam quod illud obiectum sit maxime amabile ipsi beato tanquam summum bonum eius, per se notum videtur, quia nihil est amabilius homini ipsa beatitudine. Propter quod dixit Anselmus lib. de casu diabol. cap. 4. ex commodis constare beatitudinem amari tanquam bonum concupitum. Quod verò Deus etiam ut obiectum beatificum, sit summum bonum propter se maximè diligendum, docuit idem D. Thom. ibid. q. 4. Ratio etiam est clara, quia Deus sub hac ratione etiam est finis ultimi hominis, in quem ipsa etiam hominis beatitudo referri debet. Denique, quia beatitudo est satietas amoris, & ideo satiare debet, non solum amorem concupiscentia, sed etiam amorem amicitia perfectum: oportet ergo ut obiectum illius sit tale bonum quod utrumque amorem satiare possit. Quomodo autem hoc faciat Deus quando à beatis perfectè possidetur, explicabitur tractando de consecutione huius obiecti, quæ est nostra beatitudo.

XVII.



## DISPUTATIO VI.

*De essentia formalis beatitudinis quoad  
genus & substantiam eius, & perfe-  
ctionem, quam ponit in essen-  
tia animæ, &c.*



Ostquam dictum est de obiecto beatitudinis, sequitur ut de formali beatitudine dicamus, & quoniam supra ostensum est, illam esse, vel esse possibilem: inquirendum superest quid sit: circa quam Quæstionem tria hic explicabimus. Primum, quid sit proximum huius beatitudinis subiectum: ostendimus enim in superioribus, hominem esse capacem beatitudinis secundum animam, & non secundum corpus: in anima verò sunt, & substantia, & potentia. Hic ergo tractandum est, an beatitudo sit immediate in substantia animæ, vel in potentia. Ut autem abstinere à quadam physica quæstione, illud intelligi esse immediate in substantia animæ, quod illi soli proximè inest; illud verò in potentia, quod non inest animæ, nisi mediante potentia, siue simul attingat ipsammet substantiam animæ, siue non, nam hoc de ipsis etiam operationibus animæ in quæstione versatur quæ ad præsens non refert. Secundò hinc constabit sub quo genere collocanda sit beatitudo formalis: de differentia autem specifica disputatione sequenti dicemus. Tertiò hinc consequenter declarabitur, quænam perfectio tribuatur substantiæ animæ in beatitudine. Est autem obseruandum vltimò, doctrinam huius disputationis communem esse omni beatitudini nam imperfectæ, quam perfectæ, vitæ præsentis, vel futuræ; tamen præcipuè trademus illam de beatitudine perfectæ vitæ futuræ, & poterit faciliè ad alias accommodari.

## S E C T I O I.

*Virum beatitudo nostra sit ipse Deus, ut illapsus  
& vnitus substantiæ animæ nostræ: aut  
quam perfectionem in  
illaponat.*

- I. In hac quæstione tractanda est celebris opinio Henrici de Ganb. quodl. 1. 3. q. 12. qui dicit, beatitudinem nostram principaliter esse in substantia animæ, esseq; aliquid increatum, nempe diuinitatem ipsam, quæ ita illabitur, & vnitur substantiæ animæ, ut per ipsam illam maximè perficiat, & in se quodammodo transire faciat. Ita refert late Scot. in 4. d. 49. q. 2. & attingit in 2. d. 26. q. vn. Soto d. 49. q. 1. a. 3. Heru. tit. de Beatitudine, q. 1. & Medina hic, qui Henric. tribuit quod in hoc solo ponat beatitudinem essentialem, & ideo Medina temeritatis damnat hanc sententiam, quoniam Benedict. XI. tradit, nos fore beatos videndo, & fruendo Deo. Sed Henrici opinio nullam notam meretur, ille enim non excludit operationes, sed potius dicit vi amoris beatifici fieri ut anima quodammodo transformetur in Deum, & ideo Deus illabatur altiori modo substantiæ eius. Ex quo dicit vltius consequi, ut perfectius illabatur potentiis, & per

consequens etiam animæ vnatur: vnde in quodl. 6. q. 6. lit. T. dicit hunc illapsus prius fieri in potentia, & inde redundare ad substantiam. In priori vero loco significat inchoari per potentias, perfici verò in substantia, & inde vltius redundare in maiorem perfectionem potentiarum: simpliciter tamen dicit principalius consistere in illo illapsu, qui fit circa substantiam animæ.

Fundamentum huius sententiæ est sumptum ex illo Dionis. capit. 7. de Ecclesi. Hierarchia. quod amor habet vim transformandi amantem in amatum: vbi ait Hugo Viçt. amantem quodammodo à se exire, & ita in amantē exire, & quoad fieri possit, vnum cum ipso efficiatur; sed inquit Henricus, hoc non potest fieri inter Deum, & animam nisi per incircumcessionem non animæ illabentis in Deum, quia hoc impossibile est: ergo Dei illabentis in animam; ergo maxima animæ perfectio consistit in hoc illapsu diuinitatis in ipsam. verum hic illapsus perfectissimus est in substantia animæ, tum quia ex parte subiecti est primum in anima, tum etiam quia quodammodo vltimum, nam ibi in radice complectitur omnes potentias. Item est, immediatior, quia inter animam, & Deum nihil mediat, sed immediate coniunguntur: item per operationem solum vnitur obiectiue, quæ est vnio valde extrinseca, & non requirit intimam præsentiam Dei in anima: at verò secundum hunc modum vnitur realiter per se ipsum, & tandem in hoc illapsu non vnitur secundum specialem rationem veri, aut boni, sed secundum ipsammet rationem Deitatis: in hoc ergo consistit essentia beatitudinis. Ex quo fit ut beatitudo sit aliquid increatum, quæ est Deus ipsæ vnitus nobis vnitus, quod etiam pertinet ad perfectionem nostræ beatitudinis. Nec contra hanc sententiam sic expositam procedit illa definitio Benedicti, quia ille non intendit definire in quo consistat essentia beatitudinis, sed solum docere quod videndo, & fruendo erimus beati.

Et hæc res, quæ ab Henrico obscurissima traditur, ut à nobis distinctè explicetur, tria faciendæ sunt. Primò quænam vnio sit possibilis, vel futura sit inter substantiam animæ, & diuinitatis. Secundò, quæ perfectiones formales futuræ sint in substantia animæ ex statu beatitudinis. Tertiò, an, & quomodo pertineant ad essentiam beatitudinis, ex quibus tandem in n. 21. constabit, quid de opinione Henr. sentiendū sit.

## P V N C T V M I.

*De vnione inter Deum & substantiam  
animæ beatæ.*

Dico primò. Impossibile est Deum in se vniri speciali modo substantiæ animæ nostræ, nullo interueniente dono, vel effectu creato: quem Deus in anima efficiat, ratione cuius dicitur specialiter esse in illa. Hanc conclusionem docet Scot. & alij contra Henric. sed non satis constat Henricum docuisse contrarium, nam licet interdum id significet, tamen agens de hoc illapsu dicit, fieri per gratiam & quasdam diuinas dispositiones. Quidquid verò sit de mente illius, probatur conclusio vnica ratione, quia Deus quatenus conseruat animam in suo esse substantiali, intimè est in illa, seu illabitur illi per essentiam, præsentiam, & potentiam suam: ergo præter hanc vnionem non potest intelligi alia maior inter substantiam animæ, & diuinitatem, nisi facta aliqua mutatione,

II.

III.

IV.



nione, vel in diuinitate, vel in anima: nāque immutata manent eodem modo perseverant: ergo non possunt habere maiorem vnionem realem, quam antea: sed talis mutatio non potest esse in diuinitate, vt per se constat: ergo necesse est vt sit in anima, mutatio enim in anima non fit nisi per aliquem effectum realem: ergo non potest intelligi nouus illapsus Dei in substantiam animæ, nisi Deus in illa efficiat nouum aliquem effectum.

V. Dicunt aliqui, mutari animam non quia in illa fiat aliqua qualitas, sed quia nouo modo se habet. Sed inquiri, quid sit ille modus. Responderi potest primò esse quandam maiorem penetrationem cum essentia Dei: sed hæc tantum verba sunt, quia essentia diuinitatis intimè est in essentia animæ ex visu immensitatis, & actionis, qua illam conseruat in esse, ita vt illa veluti mutua præsentia, & indistantia vtriusque substantiæ in se sit summa, quæ concipi potest, & consequenter nec potest recipere magis, nec minus formaliter, & in se, sed solum ratione alicuius noui effectus.

VI. Aliter dici potest illum modum esse nouam vnionem animæ ad diuinitatem, sicut dicimus in mysterio incarnationis. Sed hoc etiam nullam habet probabilitatem, inquiri enim, an illa vnio sit substantialis, vel accidentalis: primum dici non potest, alias ex anima, & diuinitate fieret vna substantia composita, sicut fit ex humanitate, & verbo diuino: esset ergo vel vna natura vel vna persona, seu substantia composita, quia, vt ex materia de Incarnatione constat, omnis substantialis vnio, & compositio in his duobus membris comprehenditur: neutrum autem affirmari potest sine errore, quia vnio in vnam naturam repugnat Deo secundum principia fidei: vnio verò in substantia esset hypostatica. Secundum verò de vnione accidentali, quæ sit vera, & physica, eodem fere modo excludi potest, quia etiam ex hac vnione necesse est vt resultet vnicum compositum accidentale, quod esset absurdissimum ponere, resultans ex diuinitate, & substantia animæ, quin imò nec inter substantias creatas inuenitur, nec facile concipitur aliqua vnio accidentalis, quæ non sit medio aliquo accidente, nam si substantiæ sunt, quæ immediatè vniuntur, & vnio, quæ intercedit immediatè in substantia, & terminatur ad substantiam vt sic, non videtur posse componere nisi vnam substantiam ex duplici substantia, & hoc est esse compositionem substantialem: & id constabit facta inductione in rebus omnibus, quas experimur, vt, v. g. in exemplo illo de ferro candenti, quo hic vtitur Henricus, non intelligitur ignis magis vniri ferro, nisi quia illud magis afficit suis qualitibus, vel quia secundum præsentiam localem magis penetrat illud per poros, quæ non est vera vnio, sed iuxta positio. Et confirmatur, nam etiam hæc vnio inter duo intelligi non potest, nisi intercedat inter vnibilia aliqua habitudo, vel causalitas, vel dependentia vnus ab alio si sit immediata vnio: vel vtriusque ab alio: tertio, si in illo fiat vnio: & ideo in vnione hypostatica intelligimus humanitatem pendere à verbo tanquam à termino substantiali: at vero seclusa dependentia animæ à Deo vt à causa prima, nulla alia intelligi potest in substantia eius: ergo nec etiam potest intelligi quomodo, vel sub qua ratione noua illa vnio sine alio nouo effectu terminetur ad Deum, quia nec terminatur ad illum vt ad actum suum, nec vt ad sustentantem suum esse, aut aliquo alio modo, qui explicari possit.

Sed dicunt tandem illum modum posse esse verum, quamuis nobis sit incognitus, & ineffabilis. Sed respondetur primo, rationes factas non solum probare illum modum non intelligi seu explicari, sed etiam positivè ostendere nihil esse posse, quod habeat rationem entis: secundo hæc mysteria inenarrabilia fingenda non sunt sine aliquo fundamento: hic autem nullus prorsus est. Opponunt verò de vnione, quæ est inter essentiam diuinam, & intellectum in ordine ad visionem beatam; veruntamen de hac dicam infra, seclusa qualitate luminis gloriæ, non intercedere ibi aliam formalem vnionem, quæ sit vera, & realis propter easdem rationes.

Dices secundò. Medio aliquo effectu, vel dono gratiæ, possibile est, & de facto existit specialis illapsus essentia diuinæ in substantiam animæ nostræ. Hæc conclusio supponenda potius quam probanda est ex materia de gratia: est enim verissima sententia D. Thomæ, quam docet 1. 2. q. 110. art. 3. & 4. gratiam sanctificantem esse in substantia animæ: ratione ergo huius gratiæ dicitur diuinitas specialiter habitare in substantia animæ, non solum secundum participationem suam, quæ est ipsa gratia, sed etiam secundum se ipsam, ita vt licet ratio præsentia, seu vinculi sit gratia ipsa, tamen diuinitas verè ibi adsit, iuxta illud Ioan 14. *ad eum veniemus, & apud eum mansionem faciemus*; primo quidem, quia per gratiam participat anima nostra speciali modo diuinam naturam, atque deificatur, & ad nouum ordinem supernaturalem eleuatur; & ideo ratione huius esse supernaturalis sit illi diuinitas intimè præsens non titulo ac ratione. Secundò, hinc etiam fit vt per gratiam sanctificetur anima, vt Deus in illa habitet tanquam in templo suo, in quo specialiter colatur per cognitionem, & amorem, qui in ipsa gratia principaliter radiceatur, & fundatur, vt significauit D. Thom. 1. p. quæst. 43. artic. 3. Ac denique tertio intercedit speciale vinculum amicitia, ratione cuius Deus illabitur animæ, non solum vt gratiam conseruet, sed etiam vt ipsam animam adiuuet, protegat, ac promoueat, eique quantum amicitia talis postulat, coniungatur: & hoc significant citata verba Christi, *Pater meus diligit eum, & ad eum veniemus, & apud eum mansionem faciemus*; & illa Pauli Romanorum 5. *Charitas Dei diffusa est in cordibus nostris, per Spiritum sanctum, qui datus est nobis*.

Dico tertio. Hæc vnio, seu illapsus diuinitatis in substantiam animæ manet in beatitudine supernaturali. Hæc conclusio est certissima, supposita alia sententia, quod gratia sanctificans sit in essentia animæ; & ita docent omnes Theologi, qui prædictam sententiam tenent: imò gloriam nihil aliud esse dicunt, quam gratiam consummatam. Nec Henric. multum differt ab hac assertionem; nam expresse dicit Deum esse in essentia animæ per gloriam, quæ est gratia consummata; nec refert quod idem Henric. quodlib. 4. quæst. 10. sentit, gratiam non distinguere à charitate, nam etiam opinatur voluntatem non distinguere à substantia animæ, & consequenter dicit eandem qualitatem, vt est gratia, esse in substantia animæ, vt verò charitas, esse in voluntate. Ratione etiam probatur conclusio, quia hæc gratia est magna perfectio animæ in essentiam eius, & nullam imperfectionem includit beatitudini repugnantem: quin potius ad perfectionem illius status spectat, vt anima coniungatur Deo quoad fieri possit non solum per potentias, sed etiam per substantiam suam.

D 4

Dicunt

VIII

IX



X.

Dicunt aliqui, hanc vnionem fieri in via per donum creatum propter imperfectionem status & ideo in patria debere fieri altiori modo. Sed hoc esse falsum constat ex dictis, non enim fit hæc vnio per donum creatum, nisi quia aliter fieri non posset seclusa hypostatice vnione: donum autem gratiæ est perfectissimum, & supremi ordinis, nam per illud efficiuntur *confortes diuina natura* 2. Petr. 1. ergo per idem donum fit hæc vnio in patria. Quod confirmatur & declaratur, quia gratia in ordine supernaturali confert veluti substantiale esse, & comparatur ad alias virtutes infusas, sicut essentia ad facultates suas: si ergo in patria manet charitas, vt verè manet, multo magis manet gratia ratione cuius debetur charitas, & aliarum virtutes. Deinde in patria manet iustitia, quia in via anima iustificata est: principalis autem iustificatio fit per infusionem gratiæ, & donorum. Tandem per gratiam acquirimus ius ad beatitudinem, nam per illam efficiuntur filij & hæredes: non potest igitur amitti gratia comparata hæreditate. Neque in his, quæ diximus, superest aliqua difficultas soluenda.

## PUNCTVM II.

## De vnione inter Deum &amp; animam per dona accidentalia.

XI.

1. *Modus vnionis per dona non videtur impossibilis.*

Sed nunc occurrit explicandum quod secundo loco propositum est: an scilicet in beatitudine fiat nouus aliquis illapsus diuinitatis in substantiam animæ: tribus autem modis intelligi potest fieri: primo per noua dona, seu qualitates infusas in essentia animæ: & hunc modum indicat Henric. *suprà*, dixit enim, in anima beata non apparere nisi diuinas dispositiones, & ideo Deus illi specialiter illabitur. Quæ sententia non potest demonstrari impossibilis: cur enim non potest Deus plures qualitates diuinas, & supernaturales infundere in substantiam animæ: ita enim multi probabiliter censent characteres esse supernaturales qualitates inhærentes substantiæ animæ, & perficientes ipsam formaliter: ergo eadem ratione erit Deo possibile alias qualitates similes aut dissimiles animæ infundere: quod si hoc possibile est, quomodo ostendi poterit non ita fieri, eo vel maximè, quod in corporibus gloriosis ponunt Theologi quatuor dotes, quæ, vel omnes, vel plures sunt qualitates supernaturaliter perficientes corpus: ergo fortasse ita sunt plures qualitates in substantia animæ.

XII.

Nihilominus non censo, esse aliquod sufficiens fundamentum ad hoc asserendum: nec enim ab aliis Theologis asseritur, nec alia grauiori autoritate fundari potest. Deinde nulla est necessitas, vel probabilis ratio ad ponendas has qualitates, quia per gratiam fit anima particeps diuinæ naturæ vt natura est: per lumen autem gloriæ, charitatem, & alias virtutes participat diuinas operationes illius naturæ: ergo superuacaneum est fingere alias qualitates. Nec enim est eadem ratio de anima, & corporibus beatis, nam in corpore ponuntur plures qualitates ad occurrendum defectibus, & imperfectionibus corporis, vt impassibilitas ad impediendam corruptionem, agilitas ad supplendam tarditatem, lumen ad expellendas tenebras: at vero anima per se est immortalis, & impassibilis, & subtilissima, ac velocissima: per se etiam est actu intelligibilis & veluti quædam spiritalis lux

quæ altiori modo illuminatur per gratiam ipsam, & lumen gloriæ. Denique in sua natura per se est naturaliter pulcherrima, & supernaturaliter pulchriorefficitur, & sufficienter perficitur per gratiam, & dona, quæ illam comitantur: ergo superuacaneum est fingere alias qualitates præter gratiam. Nec ex characterē potest sumi argumentum, quia ille solum portatur vt habeat rationem signi & moralis potestatis, vnde nec est necessarius in patria nisi quatenus ex via manet, nec pertinet ad perfectionem simpliciter, & à Theologis non ponitur in anima Christi: vnde sumitur confirmatio, quia nullus Theologorum ponit aliquam qualitatem infusam animæ Christi ratione vnionis, præter gratiam sanctificantem: ergo multo minus fingenda est in aliis animabus cuiuscunque fidelis.

Secundo modo intelligi potest hæc maior vnio vel nouus illapsus diuinitatis in substantiam animæ per maiorem intentionem ipsius gratiæ. *dicte vnio-*  
In quo modo duæ difficultates inuoluuntur. *nus per do-*  
Prima, an in eodem subiecto gratia intendatur *na.*  
in ingressu beatitudinis ultra omnes gradus, quos habuit in termino viæ. Quæ difficultas pendet ex multis principiis pertinentibus ad materiam de gratia, & de penitentia, vt, v. g. an omne augmentum gratiæ, quod homo meretur suis actibus, siue intensis, siue remissis, statim in hac vita detur, vel aliquid eius in beatitudinem reseruetur. Item, an merita mortificata per peccatum ita reuiuiscant per actum contritionis, vt statim redeat totus effectus eorum. Rursus, an per omne augmentum gratiæ, quod homo in hac vita meruit suis actibus, vel per Sacramenta obtinuit, aliquid ultra detur in ingressu beatitudinis ex liberalitate Dei, quæ præmiat ultra condignum. Denique etiam hoc pendet ex illa quæstione, an intentio gratiæ, & charitatis in via & patria sint eiusdem rationis, vel potius in beatitudine sit altioris modi, & ordinis. Quia vero non possunt hæc omnia hoc loco disputari, *Libr. 9. de*  
suppositis his, quæ alius locis docui, simpliciter *grat. à c. 3.*  
probabilius censo hanc vnionem per gratiam non crescere in beatitudine in eodem subiecto ultra eum gradum, ad quem toto tempore viæ peruenit, quia certum existimo intentionem gratiæ, vel charitatis habitualis esse eiusdem rationis; imo eandem numero in via & in patria: quia manente eadem numero qualitate eodem modo subiecto inhærente, non potest intelligi varietas intensiōis, nec est vlla ratio aut necessitas fingendi illam. Rursus existimo, quidquid gratiæ meretur homo in via statim dari, quia homo in eo statu est capax talis augmenti: at meritum in suo genere est sufficiens causa eius, & Deus non differt mercedem si homo sit in statu capaci illius; atque eadem ratione augmentum gratiæ, quod propter sacramenta ex opere operato dandum est, in via etiam datur, quia, remoto obice, statim sacramentum habet effectum suum; obex autem necessarium est in via tollendus, nam postea non erit locus penitentiarum. Denique existimo certum non dari aliquod augmentum gratiæ ultra omne meritum operantis, vel applicationem meritorum Christi per sacramenta, quia augmento gratiæ respondet augmentum beatitudinis essentialis, quæ non datur nisi iuxta meritorum proportionem: nam *quæ seminauerit homo, hæc & metet*, vt inferius fortasse in hac materia latius dicemus. Nullum ergo relinquere principium, vnde possit gratia augeri in ingressu beatitudinis, ultra omnem gradum, quem in via habuit.

Athe-



XIV.

Altera difficultas, quæ in hoc puncto insinuat, est, utrum admissa maiori gratiæ intentione illa sufficiat ut Deus dicatur magis vniri, aut nouo modo illabi substantiæ animæ. Quod aliis verbis quæri solet, an solius gratiæ augmentum sufficiat ad nouam missionem inuisibilem diuinæ personæ: de qua reagitur in 1. p. q. 43. & ferè est quæstio de nomine, quæ nobis etiam non est necessaria, supposito quod diximus in priori difficultate: habet tamen locum in statu viæ, vbi est proprium tempus augendi gratiam. Lege D. Tho. in illa quæst. 43. art. 6. ad 2. vbi significat hoc augmentum sufficere ad nouam missionem, seu maiorem vnionem. Et reuera non est cur hoc negetur, seruata proportionem: nam cum hæc vnio non fiat, nisi medio dono creato, quo illud fuerit perfectius, eo crescat vnio suo modo.

XV.

3. Modus vnionis per dona.

Tertio modo intelligi potest perfici in beatitudine hanc vnionem, seu illapsum Dei in animam, non per intensiorem, sed per additionem alicuius perfectionis alterius ordinis, ratione cuius dicitur illa gratia esse consummata, quæ prius erat tantum inchoata: & ideo dicitur etiam gratia perfecta, & vocatur etiam gloria: & hoc modo dicunt aliqui augeri, & nouo modo perfici hunc illapsus in beatitudine. Quod si inquiras, quænam sit hæc perfectio, quæ gratiæ additur, dicunt esse inamissibilitatem, nam in via erat in statu corruptibili, in patria verò sit inamissibilis.

XVI.

Inamissibilitas gratiæ, seu impeccabilitas, vnde.

Sed hæc sententia mihi non probatur, quia non potest intelligi noua vnio Dei cum substantia animæ, nisi in ipsamet animæ essentia fiat aliquis nouus realis effectus, vel addatur aliqua perfectio, quæ sit intrinseca ipsi gratiæ, & in substantia animæ inhæreat. Quod facile probari potest ex dictis num. 4. in prima conclusione: nam non potest intelligi nouus modus, vel noua perfectio illius vnionis, sine nouo effectus, vel perfectione facta in eadem animæ essentia: huiusmodi autem perfectio intelligi non potest in gratia ipsa, nisi per modum intensiorem, sicut nec intelligi potest in aliis qualitatibus in quibus quoad hoc eadè est ratio. Quod autem de inamissibilitate dicitur, non obstat, quia hæc inamissibilitas gratiæ non dicit aliquam perfectionem propriam, & intrinsecam ipsius gratiæ, quæ sit in essentia animæ, sed dicit coniunctionem gratiæ cum visione beatifica, & amore necessariò ex illa resultante: gratia enim non est ex se amissibilis per aliquam formam sibi repugnantem, quæ sit in essentia animæ, nam solam priuationem habet formaliter sibi oppositam: vnde ex se ac præcisè considerando gratiam ut in essentia animæ existente non habet unde amittatur. Solum ergo amitti potest per peccatum, quod per potentias animæ committitur. Per id ergo, per quod ita rectificantur hæc potentie ut fiant incapaces peccati, per illud ipsum fit gratia inamissibilis; beatus autem fit incapax peccati per visionem, & amorem, & non per gratiam ut existentem in essentia animæ, sed quatenus illi coniungitur visio; ergo inamissibilitas non addit perfectionem aliquam intrinsecam in essentia animæ, sed solam coniunctionem cum visione beata, & quandam denominationem inde resultantem: ergo hoc non sufficit ad intelligendum nouum illapsus, vel perfectiorem vnionem Dei cum essentia animæ, sed solum cum potentia media aliqua operatione, ex qua resultat, ut dixi, ut gratia sit inamissibilis. Et idem dicendum est de illis denominationibus, scilicet, gratia consummata, perfecta gloria: nam hæc omnia nihil aliud dicunt,

quàm ipsam gratiam, ut iam coniunctam suo fini per actualem visionem, & consecutionem.

Ex his ergo omnibus concludo primo, non fieri in patria nouum illapsus Dei in essentia animæ, præter omnem illum, qui in via factus fuerat. Quod patet à sufficienti enumeratione omnium modorum, quibus poterat intelligi hic nouus illapsus.

XVII.

Expeditur 3. punctum part. 2. corollarium.

Secundo concludo, respondendo simul ad tertiam partem quæstionis supra positam in num. 3. beatitudinem nostram, si proprie loquamur, nec totaliter, nec principaliter consistere in illapsu, nec in aliqua perfectione, quæ in essentia animæ existat. Ita sentiunt reliqui Theologi, præter Henricum; & probandum est hoc latius in sequenti sectione, vbi ostendemus beatitudinem consistere in operatione: nam gratia, quæ est in essentia animæ, solum est per modum actus primi, & ideo non potest habere rationem beatitudinis. Quod præterea ita declaratur, & probatur, quia essentialis beatitudo nec in hac vita, nec in purgatorio obtinetur, sed expectatur postea consequenda: at vero hæc vnio per gratiam, quæ est in essentia animæ, solum in hac vita, & in purgatorio comparatur cum tota perfectione, quam in essentia animæ ponit: ergo. Deinceps in Christo Domino perfectior est vnio, & illapsus diuinitatis in substantiam animæ per vnionem hypostaticam, quam sit in nobis per gratiam habituales; & tamen ille non est beatus per hypostaticam vnionem, sed per aliquam aliam vnionem consequentem illam: quin etiam Deus ipse, quamuis sit suum esse, suumque intelligere, tamè prout hæc concipiuntur à nobis ratione distincta, non intelligimus eum esse beatum existendo, sed se videndo, & fruendo, quia ut sic intelligitur constitutus in perfecto actu secundo, & ultimo. Sicigitur, cum nostra beatitudo formalis sit participatio diuinæ beatitudinis, non consistit in quacumque existentia Dei in nobis, quæ per gratiam fiat, sed in consecutione ipsius Dei per aliquem actum vltimum.

XIX.

Tertiò concluditur ex dictis, respondendo directe ad titulum quæstionis, beatitudinem formalem non esse Deum ipsum ut vnitus essentia animæ nostræ. Probat ex dictis, quia Deus per seipsum non habet vnionem aliquam formalem cum anima nostra: ergo per se non potest illam formaliter beatificare, quia formalis beatitudo est perfectio ipsius beati. Rursus, gratia habitualis, per quam vnitur Deus animæ, non est formalis beatitudo; ut ostensum est. & confirmatur, quia beatitudo formalis est consecutio vltimi finis; sed Deus non est sui ipsius consecutio, sed est finis extrinsecus, qui obtinendus est: ergo.

XX.

Quartò concluditur ex dictis in omni beatitudine tam naturali, quam supernaturali vitæ presentis, vel futuræ, verum esse, illam non consistere in aliqua perfectione, quæ immediate afficiat essentiam animæ; quod quidem de beatitudine perfecta, & supernaturali vitæ futuræ, satis probatum est: est autem eadem ratio de statu huius vitæ, ut patebit ex sect. sequenti, & iterum etiam attingemus disputatione sequenti. De beatitudine autem naturali id est euidentius, quia anima non est naturaliter beata per suam substantiam, hoc n. est proprium Dei; sed præter substantiam.



stantiam, nullam aliam perfectionem habet ex natura rei, quæ immediate insit ipsi substantiæ præter potentias naturales, per quas etiam non est formaliter beata, aliàs semper & necessariò esset beata, quia semper & necessariò habet has potentias: ergo.

**XXI.** Quinto ex dictis constat quid de opinione Henrici posita *num. 1.* sentiendum sit, & quidem ille tam obscurè, & mysticè loquitur, ut vix de sensu illius constare possit, ut possimus illum, vel absolutè probare, vel reprehendere. Tria tamen in eius sententia mihi displicent. Primo, quod significat præter unionem, seu perfectionem animæ per accidentia, diuinitatem ipsam per se, ac immediatè illam perficere, quod est impossibile, quia diuinitas non potest esse formalis perfectio animæ, nec per se immediatè illi vniri, ut *num. 4.* ostensum est: nec videtur posse exponi, cum diuinitas tantum effectiue animam perficiat, tum quia dicit animam in essentia sua lucere luce increata: tum etiam quia in hoc constituit differèntiam inter diuinam essentiam, & potentias animæ; constat autem diuinitatem etiam perficere potentias effectiue. Secundò displicet, quia affirmat, beatitudinem principaliter existere in essentia animæ, quod falsum esse ostendimus: nec videtur posse exponi de beatitudine increata, seu obiectiua, quæ est Deus, tum quia hoc non esset ad propositum quaestionis; tum etiam, quia licet demus Deum primò & principaliter existere in essentia animæ tanquàm in templo, non est tamen ibi ut beatificans, nec ut finis ultimus consecutus. Vnde Henric. dicens beatitudinem prout est in essentia animæ esse increatam, plane sentit formalem beatitudinem principaliter esse increatam, quod falsum esse probatum est. Tertio non placet ille ordo, quem ponit in beatitudine, quod ex amore sequatur illapsus Dei in animam essentia, ad statum enim vix posset hoc aliquomodo accommodari, præsertim in iustificatione adultorum per propriam eorum dispositionem, in qua proceditur ab imperfecto ad perfectum, & ideo per dilectionem disponitur homo, ut Deus per gratiam sanctificantem vnietur animæ eius: ad quod possunt accommodari illa Christi verba, Ioan. 14. *qui diligit me, Pater meus diligit eum.* At verò in beatitudine, in qua omnis operatio beatifica perfectò modo fit, supponitur unio Dei cum substantia animæ, à qua tanquam à prima radice resultant perfectiones potentiarum, & operationum tam intellectus, quam voluntatis.

**XXII.** Ad fundamentum ergo Henrici in primis dicitur, illas locutiones de transformatione amantis in amatum, quæ per amorem fit, esse metaphoricæ, & mysticæ, & ideo nullum firmiter argumentum posse inde sumi: nec intelligendæ sunt, aut explicandæ per veram, aut physicam transformationem vel unionem, sed per affectiuam, & moralem, quia is, qui amat, totam cogitationem poni in amato, eique optat fieri similis, atque etiam in omnibus ei placere. Et hoc est, quod Christus dixit Luc. 10. *ut diligamus toto corde, tota mente, tota anima.* Ad alteram verò partem illius fundamenti de perfectione illius unionis, quæ est in essentia animæ, respondetur, quod attinet ad perfectionem entitativam, ibi attingi aliam quaestionem, an gratia habitualis in esse entis sit res perfectior, quam visio beata, quæ non est huius loci; quidquid tamen de hoc sit, certè ad rationem beatitudinis non sufficit maior perfectio in esse entis, ut constabit etiam *seq. sequent.* Deinde, si loquamur in ratione unionis omni-

bus illis modis, quibus Deus vnitur essentis, vnitur etiam potentiis, quia in eis efficit perfectionem tam habitualement, quam actualiter: unde etiam eas sanctificet, & in eis dici potest esse tanquam in templo, & præterea est in eis tanquam obiectum operationum earum, & hæc unio est, quæ propriè pertinet ad rationem obiecti beatificantis, ut iam dicam.

## SECTIO II.

*Verum formalis beatitudo sit operatio creata immediatè efficiens anima potentiam.*

**I.** PRÆTER modum tractatum in præcedenti puncto, quo fingi potest formalem beatitudinem esse aliquid increatum, fuit alius excogitatus a quibusdam Theologis, qui dixerunt formalem beatitudinem esse aliquid increatum, non quidem existens in essentia animæ, sed in potentia, scilicet ipsam Dei visionem per essentiam, & increatam, qua Deus se videt, unitam intellectui beati, & constituentem illum formaliter intelligentem & videntem. Sed in hac opinione improbanda non immorabor hoc loco, quia id præstiti in materia de Incarnatione, Disput. 24. sectione 2.

**II.** Primum igitur omnium statuendum est, formalem beatitudinem esse rem aliquam, seu formam creatam afficientem beatum. Ita Diuus Thomas *hic*, & omnes Theologi, & patet ex dictis, quia ostensum est, Deum ipsum non esse formalem beatitudinem: sed præter Deum nihil est increatum: ergo cum formalis beatitudo sit entitas aliqua realis, est enim magna perfectio beati necesse est, ut sit entitas creata. Et confirmatur: hæc enim beatitudo est consecutio Dei, seu coniunctio, est unio cum ipso: sed unio inter Deum, & creaturam, non potest esse modus ipsius Dei, qui est immutabilis: ergo oportet ut sit aliquid in ipsa creatura: necesse est ergo, ut sit aliquid creatum.

**III.** Secundò ex dictis etiam statuendum est, hanc beatitudinem non esse formaliter substantiam, sed accidens: hoc enim probatum est in sectione præcedenti, quia formalis beatitudo est consecutio finis extrinseci: homo autem per substantiam suam præcisè non assequitur suum finem: unde fieri potest, ut manens in sua substantia, finem suum amittat, & miser fiat: & inde postquam in substantia sua existit, superest illi consequenda beatitudo, quam mereri etiam potest, cum non possit mereri substantiam suam. Est ergo formalis beatitudo accidentalis perfectio addita substantiæ. Dices: substantia est propter finem, qui est beatitudo: ergo non potest esse beatitudo aliquid ignobilius substantia, quia finis debet esse aliquid perfectius eo, quod est ad finem, iuxta Aristotelem 1. *Magnorum Moralium, capit. primo & secundo*: perfectio autem accidentalis est ignobilior substantiali. Respondetur, ita esse substantiam propter beatitudinem, sicut est potentia propter operationem: ad quod non est necesse, ut ipsa operatio sit perfectior, sed quod potentia sit in perfectiori statu, dum operatur. Rursus, quamuis formalis beatitudo sit finis, cuius gratia ut quo, seu, ut consecutio, tamen ipse homo est finis cui vel ad quem perficiendum ordinatur beatitudo talis: & ideo non est præter rationem eius quod sit perfectio accidentalis. Denique hæc beatitudo est quasi

vin-



vinculum quoddam, quo coniungitur homo ultimo fini suo, qui est perfectissima substantia: per formam autem accidentalem potest homo coniungi perfectiori substantiæ, & ideo potest talis forma habere rationem beatitudinis formalis & hoc est, quod dixit D. Thom. in 4. dist. 49. q. 1. artic. 2. ad. 5. licet in esse entis substantia sit nobilior accidenti: tamen quoad aliquod munus accidens est perfectius, quatenus per illud una substantia coniungitur alteri nobiliori se.

IV.

3. Assertio, quod beatitudo formalis sit qualitas.

Tertio statuendum est, formalem beatitudinem esse constituendam in genere qualitatis. Hoc etiam est certum, & pater breviter discurrendo: nam cum hæc beatitudo sit in anima, nec potest esse quantitas, nec aliquod, quod ratione quantitatis substantiæ insit. De relatione autem referri solet quædam opinio Aureoli, & Capreoli in 4. d. 49. quest. 1. quæ asseruit beatitudinem consistere in quadam relatione præsentis, quæ consequitur ex aliqua operatione: quia, si operatio non faceret Deum præsentem, non faceret beatum; ergo relatio præsentis est, quæ formaliter beatificat. Citatur etiam pro hac sententia Scot. ibi questione 1. Sed reuera hi autores non constituunt beatitudinem in aliqua relatione prædicamentali, sed in ipsamet operatione, quatenus exhibet Deum præsentem animæ, seu illum animæ coniungit. Quod licet à nobis per modum relationis explicetur, non est tamen relatio, sed effectus formalis ipsius visionis. Relatio ergo propriè dicta non potest esse beatitudo, quia vel est nulla, vel infirma perfectio, & non est per se intenta, sed resultat ex accidenti: Atq; eadem ratio fieri potest de ultimis prædicamentis.

V.

Sed specialiter est aduertendum circa actionem & passionem: nam de aliis nulla est difficultas, quod passio transiens seu quæ sit mere ab extrinseco, non potest habere rationem beatitudinis, tum quia est quid imperfectum & in fieri consistens, & tota est propter terminum, in quo est maior formalis perfectio: tum etiam, quia talis passio præcise sumpta non potest habere rationem vitalis operationis, in qua consistere debet beatitudo, ut infra dicemus. Vnde talis passio ex ratione sua communis est rebus inanimatis. Similiter actio transiens non potest habere rationem beatitudinis, quia non est formalis perfectio agentis: recipitur enim in passio, supponit autem perfectionem in agente, & est veluti exercitium illius, & ideo dici solet extrinseca perfectio agentis; beatitudo autem dicitur intrinseca perfectio, quia est consummatio perfectionis ipsius beati: debet ergo esse forma inhærens illi intrinsece. Et confirmatur, quia si beatitudo est actio, debet consistere in perfecto genere actionis, quod sit principium rerum viuientium, seu cognoscentium, quia, ut supra diximus, beatitudo est propriè perfectio naturæ rationalis ut intellectuales. Tandem hæc beatitudo talis esse debet, quæ attingat Deum ipsum, sed per nullam actionem transeuntem immediate attingitur Deus: ergo nulla huiusmodi actio debet habere rationem beatitudinis. Quoniam verò in actionibus immanentibus præter rationem qualitatis coniungitur ratio actionis, & passionis, quomodo illæ ad beatitudinem pertineant, postea dicemus.

VI.

4. Assertio, beatitudo sit in quarta specie qualitatis, quæ sunt habitus vel dispositio.

Quarto statuendum est, beatitudinem constitui in quarta specie qualitatis, quæ sunt habitus vel dispositio. In hoc enim etiam cōueniunt Theologi, & eisdem rationibus probari potest quibus ostensum est, non esse substantiam, quia

potentiæ animæ necessario consequuntur illam siue beata sit, siue misera. Rursus cum beatitudo sit in anima, & non sit in essentia, oportet ut sit in potetia; in potentiis autem animæ non reperiuntur proprie nisi vel habitus, vel actus, seu dispositiones: necesse est ergo beatitudinem in hoc genere qualitatis constitui.

Difficultas ergo est inter Theologos, an sit habitus, vel actus: Prima opinio dicit esse tantum habitum. Hæc tribuitur Henrico locis citatis sect. præcedenti, sed reuera non dicitur. Fundari vero potest, quia beatitudo debet esse maxima nostra perfectio; quamuis autem perfectius sit esse in actu secundo, quam esse in habitu, quia illa perfectio hanc includit, vel supponit; si tamen præcise consideretur perfectio, quam præbet habitus, & quam confert actus, maior est illa; ergo illa est beatitudo: ergo. Secunda opinio dicit, beatitudinem consistere in utroque simul. Ita Bonauent. in 4. dist. 49. questione 1. ad ult. & addit, principalius esse in habitu, quam in actu. Cuius sententiæ fundamentum idem est cum præcedenti proportionaliter applicato.

Tertia communis & vera sententia est, beatitudinem non esse habitum, sed actum secundum & operationem ultimam; quæ assertio procedit, siue loquamur de beatitudine naturali, seu de supernaturali, tam præsentis, quam futuræ vitæ. Et ita eam docet Aristot. 1. Ethicor. à cap. 5. 7. & 8. & libro 10. capite 6. & 7. & libro 1. & 2. & hic ad Eudæ. & 7. Polit. cap. 3. & lib. 1. magn. moral. cap. 4. & lib. 2. cap. 10. & 12. Metaph. cap. 6. quibus locis docet, nec infantes posse esse beatos in re, seu in actu, sed in spe tantum, vel in potentia: nec etiam dormientes, imo nec Deum ipsum ait futurum fuisse semper beatum, si non se semper cognosceret actu. Et hanc sententiam sequuti sunt Theologi in 4. d. 49. ubi videri potest Scot. q. 2. Richard. art. 1. quest. 4. Supplementum Gabr. quest. 2. art. 2. Ad quam sententiam confirmandam, duo breviter dicenda sunt: primum est, quantumvis homo habeat habitus perfectos, si careat ultimo actu, non posse esse beatum, & consequenter beatitudinem non posse consistere nisi solo habitu. Probatur primò à signo, nam, ut Arist. ait, beatitudo debet esse vita perfecta, honestissima, & iucundissima; sed quæ est perfectus tantum in habitu, non habet perfectam vitam, cum desit ultimum vitæ complementum. Item ex ratione talis status non habet vitam iucundam, quia habitus sine actu non affert delectationem; imò cum quocunque habitu potest esse summa tristitia; atque simili modo habitus per se solus non facit vitam beatam, quinimò qui solum est in habitu ex vitalis status, capax est bonæ & malæ operationis. ergo perfectio habitualis, ut sic non sufficit ad formalem beatitudinem. Et confirmatur, nam alioqui dici posset animam esse beatam naturaliter per suam substantiam, & facultates naturales, quia ex vi illarum apta est ad habendam actualem operationem, nam hoc solum præstat habitus, quamuis enim dici potest habitum conferre maiorem quandam facilitatem, tamen tota illa provenit ex maiori quadam virtute actiua: vnde solum conferre posset ad maiorem beatitudinis perfectionem: non tamen esset necessarium ad beatitudinem simpliciter, præsertim naturalem, si illa consisteret in actu primo, seu in virtute agendi, maxime si loquamur de beatitudine animæ separatæ, nam illa per se ipsam sine habitu superaddito posset maxima facilitate DEVM cognoscere & amare:

& in

VII.

1. Opinio, quod beatitudo sit habitus tantum.

2. Quod sit habitus simul, & actus seu dispositio.

VIII.

3. & communis opinio, beatitudinem esse actum solummodo.



& in supernaturali beatitudine habitus potius dat facultatem, quàm facilitatem: sicut ergo beatitudo naturalis non cōsistit in substantia, vel potentiis, ita nec supernaturalis in solis habitibus infusis.

IX. Secundò dicendum est, formalem beatitudinem non consistere in aggregato ex habitu, & operatione, sed in sola operatione, quæ sufficit ad rationem beatitudinis. Probatur primò ratione D. Thom. 1. 2. *quæstione 3. articulo 3.* quia beatitudo est vltima perfectio: sed huiusmodi est sola operatio, & non habitus; ergò. Dices, vltimam perfectionem constare & habitu, & actu. Respondetur, ad perfectum statum vtrumque requiri, tamen illa duo inter se comparando habitum comparari ad operationem, sicut potentiam ad actum, & ideo solam operationem esse actum vltimum, quæ constituit rem in vltimo complemento, & perfectione sui status, & hoc est, quod habet rationem beatitudinis, quia beatitudo est vltimus finis, & vltima perfectio. Dices, hinc fieret cognitio non esse beatitudinem, sed amorem, quia cognitio non est vltima perfectio, sed amor, qui ex cognitione sequitur, immò nec amor erit beatitudo, sed delectatio, quæ ex cognitione, & amore sequitur. Respondetur, beatitudinem non dici vltimam perfectionem ordine generationis, seu causalitatis, sed in ratione, & modo actuandi, quia in suo ordine ita actuatur, vt non relinquat potentiam ad vltiorem actum, quo ipsa reducat in actum, quo modo omnis actus secundus est actus vltimus, qui modus actuandi necessarius est beatitudini, quia necesse est, vt in suo genere habeat rationem vltimi termini. Nihilominus tamen, sicut ex essentia, quæ est vltimus, & perfectus actus in genere substantiæ, resultant passionēs, ita ex illo actu, qui est in essentia beatitudinis, possunt resultare alij actus, qui sint veluti passionēs eius. Et confirmatur assertio posita, quia essentia beatitudinis consistit in consecutione vltimi finis: consequimur autem illum formaliter per solum actum: per habitum verò non nisi vt per principium efficiens talem consecutionem: non ergo potest dici habitus pars formalis beatitudinis, sed principium efficiens illius: quin potius nec principium efficiens est simpliciter necessarium, sed vt actus ille, qui est beatitudo, perfectio & connaturali modo fiat: absolute tamen videre posset Deum homo, & amare absque habitu superaddito; & tunc, si talem visionem perfectam & inamissibilem haberet, sine dubio esset beatus, quia haberet finem suum vltimum consecutum, & ex ratione illius consecutionis posset gerere vitam honestissimam, & iucundissimam. Tandem magis necessarium principium, & ad efficiendum actum beatificum est potentia, & tamen nemo vnquam dixit potentiam esse partem formalis beatitudinis.

X. Occasione huius quæstionis solent hoc loco tractari difficultates, quæ à nobis insinuandæ sunt, non verò disputandæ, quia philosophicæ sunt, & non nobis necessariæ. Prima est, quæ tangitur in fundamento aliarum opinionum, an habitus sit perfectior, quàm actus: nam quidam simpliciter negant, quia actus est vltima perfectio. Quæ ratio non conuincit, nam eadem fieri potest de potentia ipsa, imò & de substantia. Alij simpliciter præferunt habitum actui, quia est causa efficiens eius: quæ ratio etiam non concludit, quia non est causa totalis. sed partialis cum potentia; alij distinguunt de habitibus acquisitis, & infusis, & illos dicunt esse minus perfectos suis actibus, quia efficiuntur ab illis,

& ipsi solum dant facilitatem respectu suorum actuum: at verò infusos habitus dicunt esse perfectiores, quia non solum dant facilitatem, sed facultatem simpliciter: vnde comparantur sicut potētiz, & ab illis effectiue produci non possunt. Quæ coniecturæ sunt probabiles, quamuis reuera non conuincant: quidquid tamen de hoc sit, nihil refert ad rationem beatitudinis, quia, vt suprā dixi n. 3. non est de ratione beatitudinis quòd sit perfectissima entitas, sed quòd sit perfectissimum vinculum cum vltimo fine, atque adeò quòd sit perfectus actus in modo actuandi, ita vt de se non relinquat potentialitatē ad vltiorem actum in illo ordine, quo saltem sensu dicit Arist. lib. 2. *Ethicor.* operationem esse meliorem dispositione, seu termino. Lege de hac difficultate Richard. in 4. dist. loco cit. & Maiorem eadem dist. 40. Soto quæst. 1. a. 2. & Scot. quæst. 2. §. primo, & quæ in disputatione 44. *Metaphysicæ*, sectione octaua numero 17. dixi.

Secunda difficultas est, an sit de ratione beatitudinis quod sit actus productus ab ipso beato. In quo sine dubio dicendum est, beatitudinem de facto debere consistere in actu seu operatione effecta à beato, quæ quidem de beatitudine naturali est aperta sententia Arist. 1. *Ethicor.* cap. 8. vbi cum dixisset beatitudinem non in termino, sed in operatione consistere, subdit, fieri non posse quin beatus aliquid efficiat boni, nam qui operatur, inquit, agit utique necessario: & eodem sensu dicit cap. 13. felicitatem in operatione consistere. Et ratio sumenda est ex generali principio: quod vulgare est in scientia de anima, operationes vitæ, & actus immanentes naturæ suæ postulare vt fiant effectiue ab ipso viuentē, & per illam eadem facultatem, in qua recipiuntur: constat autem beatitudinē consistere in operatione vitali, nā est operatio animæ, vt anima est: certum etiā est positam esse in actu immanente, cuiusmodi est cognitio, & amor: ergo de facto dicendum est beatitudinem esse actum productum ab ipso homine, quia cum hoc sit connaturale, non oportet fingere alium extraordinarium modum, quidquid sit de illius possibilitate, quod quidem in naturali beatitudine est per se manifestum, quia nihil in ea supernaturale intercedere necesse est.

De beatitudine autem supernaturali specialiter probatur, quia licet illa consistat in aliquo actu supernaturali: tamen certissimum, ac de fide est, elici ab homine: id enim de actibus fidei, spei & charitatis definit Tridentinum sess. 6. can. 4. Eadē autem ratio est de vno actu supernaturali, ac de omnibus: ergo si id potest fieri cum sit magis connaturale, dicendum est, ita de facto fieri: nam ratio beatitudinis postulat, vt optimo modo, & maxime connaturali fiat, & in particulari attingimus disputando de principiis efficiētibus visionem beatificam, vbi non nihil etiā dicemus de illa quæstione, an de potentia absoluta posset huiusmodi actus esse, vel informare potentiam vitalem sine actu concursu eiusdem potentie: quamuis hæc quæstio reuera sit aliena ab hac materia, cum sit communis omnibus actibus vitalibus: hinc verò intelligitur cum in actu vitali duz rationes inueniantur, scilicet ratio actionis, dependentiæ, seu fieri, & ratio qualitatis, seu termini, prout est quædam res facta, & informans potentiam, propriam rationem beatitudinis consistere in illo actu in facto esse informante ipsam potentiam: primò quidem, quia intelligere in hac informatione consummatur, vt tradit D. Thom. 1. p. q. 34. a. 1 ad 3. & latius Scot. in d. 3. quæst. 7. §. Ad auctoritatem Philosophi: nam per illam informationem vltimò actuatur potentia, & fit

XI.

XII.



& sit similis intencionaliter, seu perfectè vnitu obiecto suo. Deinde, quia actio, seu fieri, est quid imperfectum: terminus autem seu qualitas facta habet esse perfectum, seu consummatum in suo ordine, & est illud vltimum, ad quod ipsum fieri ordinatur, quando ergo dicitur consistere beatitudo in operatione, intelligitur primò in opere facto: actionem verò esse quid intrinsece, ac necessariò prærequisitum. Quæ doctrina ad omnem actum vitæ accomodari potest.

### SECTIO III.

*Vtrum beatitudo sit vna simplex operatio anime intellectiue, vel plurium collectio.*

**I.** IN hac re prima sententia, & valde communis Theologorum est, beatitudinem non esse vnâ operationem, sed plurium collectionem. Itatenent in 4. d. 49. Albertus Magnus, Thom. de Argentin. Richard. Bonauent. Marsilius, & Supplem. Gabr. quorum loca citabo particulariter in principio disputationis sequentis: nam licet isti autores conueniant in dicta sententia, non tamen in numero, & qualitate illarum operationum, quod ibidem examinandum est: & idem reuera tenet Paludan. *ibid. questione 3. art. 2.* nam licet distinguat de beatitudine practica & speculatiua, & singulas earum in singulis operationibus constituat; tamen absolute beatitudinem hominis ponit in vtraque. Et huius sententiæ fuit Hugo Victorinus super capit. 7. Dionisij de diuinis nominibus, & ex modernis eam secuti sunt Vega libro 7. in Tridentin. capit. 3. & Corduba libr. 1. quest. 42. concl. 1. & 2. & Soto q. 49. quest. 3. art. 4. in hanc sententiam incidere videtur, licet contrariam profiteatur. Fundamentum huius sententiæ est, quia in anima rationali vt sic, non est tantum vna potentia, sed plures, & per omnes potest attingere Deum in se, & illi coniungi: ergo ad perfectam hominis beatitudinem non sufficit vna operatio vnus tantum potentiæ, sed plures requiruntur. Probatur consequentiâ, quia per vnâ solam operationem non perfectè coniungeretur homo suo fini, nec esset satiatus appetitus eius respectu vltimi finis. Plura in particulari de singulis operationibus dicemus disputatione sequenti.

**II.** Secunda opinio est, formalem beatitudinem consistere in vna simplici operatione quoad essentiam suam. Hæc videtur esse opinio D. Thomæ 1. 2. in tota questione 3. quamquam ille potissimum hoc affirmare videtur de supernaturali perfecta beatitudine futuræ vitæ: eam verò sine vlla distinctione sequuntur discipuli eius *ibidem* & in 4. dist. 49. & Heru. opusc. de beatitudine, & in re idem tenet Scot. in 4. distinction. 49. quest. 3. nam licet distinguat de beatitudine hominis, vel potentiæ: tamen absolutam beatitudinem hominis ponit in vna operatione. idem censendum est de Durando distinction. 49. quest. 4. qui distinguit de beatitudine pro collectione, vel pro operatione perfectissima: & hoc posteriori modo consistere in vna operatione. Fundamentum esse potest, quia beatitudo in essentia sua esse debet ens per se vnum: collectio autem operationum non est per se vnum, sed aggregatum quoddam. Item quasi semel dicamus plures operationes intrinsece essentiam beatitudinis, eadem ratione dici potest, Suarez in primam secundæ D. Thomæ.

omnes operationes simpliciter perfectes hominem pertinere ad essentiam beatitudinis eius. Sed hæc parui momenti sunt, nam in primis facile constitui potest differentia inter operationes: nam quædam attingunt ipsum finem vltimum in se ipso, aliz vero non: ac deinde ex virationis formalis beatitudinis nihil est, quod cogat vt dicamus, illam, philosophicè loquendo, esse vnum ens per se: potest enim esse sicut sanitas, & consistere in aliqua perfecta dispositione animæ humanæ consurgente ex proportionē, & consonantia plurium operationum. Vnde Aristot. *quauis i. Ethicorum capit. 7.* dicat, bonum humanum consistere in optima operatione: tamen *capit. 8.* sub distinctione ita loquitur de operationibus hominis: *has autem ipsas, aut vnâ earum quæ sit optima, felicitatem esse dicamus.*

Probabilius ergo huiusmodi sententiæ fundamentum est, quia plures operationes omnino similes, & eiusdem rationis non possunt ad beatitudinem requiri, id est, plures visiones Dei: nam hæc pluralitas, & est accidentaria, & superflua: si ergo plures concurrunt, necesse est illas esse diuersarum rationum: ergo necessarium etiam est esse perfectiones inæquales: ergo debent inter se ordinem seruare, ita vt illa, quæ minus perfecta est, sit propter perfectionem: ergo illa sola, quæ fuerit perfectissima, habebit rationem finis vltimi, & essentialis beatitudinis: perfectissima autem operatio tantum est vna: ergo formalis beatitudo tantum esse potest vnica operatio. Confirmatur, & explicatur hæc ratio, quia beatitudo esse debet actus nobilissimæ potentiæ, & in ea debet etiam esse nobilissimus actus: ergo absolute, & simpliciter ille actus, qui in homine fuerit nobilissimus, erit beatitudo: ille autem tantum vnus esse potest. Antecedens cõmuniter est receptum ab omnibus, & expressè illud docet D. Thom. in 1. dist. 5. quest. 1. artic. 1. & tam Thomistæ, quàm Scot. quamuis contendunt, an beatitudo sit in voluntate, vel in intellectu, tamē in hoc conueniunt quod est in nobilissima potentia, & ideo inter se disputant, quæ sit nobilior, intellectus, aut voluntas. Et ratione declaratur, quia beatitudo est summum hominis bonum, & ideo constituitur in summo gradu, in quo est humana natura, scilicet in gradu rationali: ergo eadem ratione constituenda est in suprema facultate illius gradus; est enim eadem proportionalis ratio, nam secundum illam potentiam homo est magis capax perfectionis: necesse est enim vt talis potentia vel nobilior attingat obiectum, vel nobiliori modo; beatitudo autē replere debet supremam hominis capacitatem, & attingere nobilissimum obiectum optimo modo. Atq; eiusdem rationibus probari potest minor propositio, videlicet in huiusmodi nobilissima potentia beatitudinem constitui debere seu in nobilissima operatione: quia perfectio operationis ex obiecto & modo attingendi illud desumitur: sed ostensum est, beatitudinem versari debere circa nobilissimum obiectum optimo modo: ergo ipsa esse debet perfectissima operatio. Atque ita suppone videtur D. Thom. artic. 4 & 5. dictæ questionis tertie.

Tertia opinio dicit, questionem hanc solum esse de modo loquendi. Ita opinatur Ocham in 4. quest. vltim. artic. 1. dub. 3. & Maior, distinction. 49. questione 3. & 5. qui fundantur in æquiuocatione nominis *beatitudo*, nam interdum, inquit, est nomen collectivum, & hoc modo consistit in multis operationibus interdū est diuissum

III.

IV.  
3. sententia.

E & hoc



& hoc modo, inquit esse operationem vnam, tamen non solum vnam, sed quamcumque immediata attingentem Deum dicunt posse vocari *beatitudinem*, siue sit cognitio, siue amor, siue alia huiusmodi, quia per quamcumque illarum anima coniungitur Deo; sed hoc est abuti nominibus, nam in primis iam supra *disp. 4. initio* exclusimus primam illam vocem & quiuocationem & deinde non quilibet actus quo attingitur Deus potest dici beatitudo; alias etiam desiderium Dei haberet rationem beatitudinis. Apparentius potest explicari hæc sententia in hunc modum, quia in re constat de facto, & ex natura rei, plures actus requiri ad beatitudinem, siue quibus nullus beatus esse potest, præsertim in perfecta, & supernaturali beatitudine, scilicet cognitionem, seu visionem, siue qua nec amor esse potest, nec gaudium. Deinde amor, vel necessario sequitur ex visione, vel necessarius existimatur, ut ipsa visio sit possessio summi boni a mari, actandem delectatio consequitur cognitionem, & amorem, & est vltima animi quies: unde si aliquid horum deficiat, nemo negabit hominem esse valde imperfectum in sua beatitudine: ergo cum hæc omnia sint necessaria disputare, an omnia sint dicenda de essentia, necne, quæstio de nomine videtur: præsertim cum philosophice loquendo, illa non componant vnum quid, nec sint partes vnius naturæ, sed sint diuersi actus, quorum singuli necessarii sunt propter suam propriam perfectionem.

V.

Et hæc sententia sic explicata non multum aberrat ab scopo veritatis: ut autem quoad fieri possit rem explicemus, supponendum est quod supra attingimus, ad complementum, & perfectionem status beatifici multas operationes requiri, quæ non omnes possunt dici vlla ratione pertinere ad essentiam beatitudinis, sed illæ solæ, quæ formaliter spectant ad consequendum finem vltimum: nam, ut ostendimus, formalis beatitudo quoad essentiam suam in consecutione finis vltimi ponenda est.

VI.

Atque hinc primò colligitur, (ne oporteat de hac re specialem mouere quæstionem) nullam operationem sensus exterioris, vel interioris, vel appetitus sensitui posse ad essentiam beatitudinis pertinere, ut docuit D. Thom. 1. 2. q. 3. art. 3. & consentiunt Theologi omnes, & Philosophi cum Aristot. 1. & 10. *Ethic.* Ratio est, quia finis vltimus hominis & obiectum beatitudinis eius, est solus Deus per potentias autem sensitivas, & operationes earum non possumus attingere Deum secundum se, & ideo consequenter nec illum consequi, & ideo in anima separata verè reperitur tota essentia humanæ beatitudinis, quamuis in ea esse non possint sensuum operationes.

VII.

Obiicies primò, quamuis per sensus non possimus perfecto modo attingere Deum, tamen per interiorem sensum possumus aliquò modo, & sub ratione aliqua materiali formare idolum quoddam, seu imperfectum conceptum Dei, v. g. sub ratione primi innotis, vel supremi benefactoris, ratione cuius possumus etià per appetitum sensituum illum aliquo modo diligere, & in eo delectari iuxta illud, Psalm. 83. *Cor meum, & caro mea exultauerunt in Deum vivum*: ergo potest hæc operatio pertinere ad essentiam beatitudinis totius hominis, & potest dici aliqua consecutio, seu possessio Dei, eo modo, quo per inferiores potentias obtineri potest. Respondetur, huiusmodi actus potius pertinere ad effectus secundarios redundantes in homine ex

beatitudine essentiali si anima fit corpori coniuncta, non tamen dici possunt pertinere ad essentiam beatitudinis; nam sine illis homo esset semper beatus, etiam perfectè, quantum ad Dei consecutionem & coniunctionem cum illo, ut est vltimus finis, nam per sensus nec attingimus Deum ut vltimus finis est, nec propriè ut Deus est, nam illa materialis ratio sub qua apprehenditur, non constituit proprium conceptum Dei. Denique omnes illi actus sunt valde imperfecti, & possunt esse in homine apprehendente falsum Deum, & ideo non spectant ad essentialem beatitudinem.

Sed aliter obiici secundo potest, quia licet naturaliter non possit sensus attingere Deum in se, tamen supernaturaliter potest ad hoc eleuari ut visus corporeus, v. g. ad videndum ipsum: sic enim interpretatur Hieronymus *epistola 61. ad Pamachium* illud Iob. *Quem oculi mei conspexuri sunt.* De qua re disputat latè Augustin. *Epistol. 111. & 112.* quæ sunt de videndo Deum, & 22. de *Civitate*, capit. 29. Responderetur esse impossibile sensum corporeum eleuari ad videndum, seu cognoscendum Deum prout in se est, quia nullo modo comprehenditur Deus sub obiecto eius, hac enim ratione non potest visus eleuari ad percipiendum sonum nec auditus ad percipiendum colorem, & sic de aliis potentiis, in quo differt multum intellectus à sensu, nam intellectus absolute continet Deum sub obiecto suo, & ideo eleuari potest ad percipiendum illum perfectius quam naturaliter posset, quia tota illa eleuatio est intra latitudinem obiecti intellectus. Secus verò est de sensu, qui habet obiectum limitatum ad rem materiale.

Secundò colligitur, omnes operationes intellectus, vel voluntatis, quas beatus habet extra Deum ipsum, id est, quæ non habent Deum pro obiecto, non esse de essentia beatitudinis, ut sunt v. g. cognitio Angelorum, & mysteriorum Dei, quæ sunt effectus creati, item amor proximorum etiam si sit ex charitate, & similia, &c. Ratio est, quia per hos actus non consequitur formaliter loquendo, beatus Deus, cum non attingat ipsum immediate: possunt igitur hæc opera pertinere ad perfectionem status beatifici, non tamen ad essentiam beatitudinis: atque idem erit de cognitione Dei abstractiua, seu per creaturas respectu beatitudinis supernaturalis perfectæ vitæ futuræ, nam si talis cognitio naturalis sit, est inferioris ordinis: unde non potest pertinere ad essentiam supernaturalis beatitudinis: si vero sit supernaturalis, est imperfecta in illo ordine, & ideo nec de essentia, nec simpliciter necessaria esse potest ad essentialem beatitudinem illius ordinis. Unde fit solum posse manere quæstionem de visione Dei, & de amore & gaudio, quæ illam consequuntur, ac proportionem seruata de similibus actibus beatitudinis naturalis, seu beatitudinis imperfectæ huius vitæ.

Tertiò igitur atque vltimò colligo & addo ex ratione formali beatitudinis ut sic non necessario sequi quod in vna tantum, vel pluribus operationibus consistat, sed in singulis statibus beatitudinis ex natura, & proprietate singularum operationum, & conditionibus talis status colligendum esse. Exacta probatio, ac declaratio huius assertionis pendet ex his, quæ in particulari de naturali, & supernaturali beatitudine dicenda sunt: nunc breuiter sic ostenditur ex illo principio posito quod beatitudo formalis consistit in consecutione vltimi finis:

VIII.

IX.

X.



nis : sed ex hac ratione formali præcise sumpta, non sequitur necessario hanc consecutionem sufficienter, vel necessario debere fieri per vnam tantum operationem, vel per plures : ergo ex vi huius rationis neutrum affirmari potest, sed hoc solum, illam operationem, vel operationes pertinere ad essentiam beatitudinis, quæ sunt necessaria ad consecutionem ultimi finis : minor propositio declaratur, quia si consideratur obiectum huius beatitudinis, cum illud sit summè simplex, & vnum, quantum est ex se videtur posse per vnam operationem sufficienter obtineri : si vero consideremus subiectum, fortasse non potest propter imperfectionem suam vna facultate, & actione illud possideri sufficienter, quia diuersis modis, & sub diuersis rationibus illud potest per varias operationes attingere, & fortasse omnes illi modi, vel plures illorum necessarij sunt ad consecutionem talis obiecti ; pendet igitur hoc ex natura, & consideratione talium operationum.

XI.

Et hoc tandem confirmatur ex responsionibus ad fundamenta duarum primarum opinionum : fundamentum ergo primæ opinionis quamuis probet, ad complementum, seu perfectum statum beatitudinis requiri plures operationes, quæ immediate versentur circa Deum ipsum, non tamen inde intrinsece sequitur omnes illas operationes esse de essentia, quia non sequitur omnes pertinere ad formalem consecutionem ultimi finis ; possunt enim aliquæ esse veluti proprietates dimanantes ex perfecta consecutione, vel dispositionibus præuijs, seu necessarijs ad illam. Vnde quamuis homo habeat plures potentias, quibus attingat Deum, non est tamen necesse omnes perfici per essentiam beatitudinis, sed satis erit quod perficiantur, vel per essentiam, vel per aliquid concomitans essentiam. Rursus ad fundamentum secundæ opinionis, primò fortasse in rigore non probat ex vi formalis beatitudinis intrinsece sequi quod esse debeat perfectissima operatio : nam si per possibile, vel impossibile aliqua operatio, quæ in entitate sua non est perfectissima, esset consecutio ultimi finis, illa esset formalis beatitudo : quia vt supra dicebamus, ratio beatitudinis non est consideranda ex perfectione entitatiua, sed ex vinculo, & coniunctione cum ultimo fine. Quo sensu dixit Diuus Thom. 1. 2. q. 3. art. 1. ad 2. beatitudinem dici summū bonū, quia est adeptio summi boni, & propter hanc rationem possunt reliqua omnia ad illam ordinari, vt ad finem : tamen vltius dicitur ex illo fundamento, & rationibus ibi factis rectè probari, perfectissimā operationem pertinere ad essentiam beatitudinis, non tamen quod illa sola sit tota essentia beatitudinis, quia fieri potest vt alia operatio quamuis minus perfecta cōferat & iuuat ad integram cōsecutionem ultimi finis. Vnde fieri etiam potest vt duæ operationes, quamuis inæquales in perfectione, ordinentur ad constituendum vltimum finem formalem, & consequenter, quod inter se habeant mutuam aliquam habitudinem, quæ non sit contra rationem talis finis, quia non est extra illum. Ex his ergo principiis generalibus, & communibus concludi non potest beatitudinem esse vnam, vel plures operationes essentialiter : quid igitur in singulis dicendum sit explicando naturam vniuscuiusque definitum

## DISPUTATIO VII.

*De specifica operatione, & proxima potentia, in qua supernaturalis beatitudo constituenda est.*



VÆ hæcenus diximus, generalia sunt, & communia supernaturali, & naturali beatitudini ; iam verò agendum est specialiter de singulis, quia hæc beatitudines, & in specie operationis, & in proprietatibus, & perfectionibus, quæ illam consequuntur, valde differunt : hinc ergo proprie agendum de beatitudine supernaturali vitæ futuræ, nam imperfecta huius vitæ potius est via ad beatitudinem quam beatitudo ; & ideo pauca de illa attingemus in fine huius disputationis sect. 2.

## SECTIO I.

*Vtrum beatitudo formalis essentialiter sit actus intellectus, vel voluntatis.*

PRIMA opinio constituit essentiam beatitudinis in actu voluntatis, qui est amor Dei. Est autem considerandum duplicem esse Dei amorem, vnum concupiscentiæ, alterum charitatis, quo amamus Deum super omnia propter se ipsum : nullus ergo autorum constituit beatitudinem in priori amore solum, tum quia ille amor imperfectus est, tum etiam quia non tam est propter se, quam propter habendum id, quod concupiscitur, & ita non potest habere rationem ultimi termini, seu consecutionis. Prima igitur sententia de amore charitatis perfecto intelligenda est ; & ita illam docuit Scot. in 4. dist. 49. q. 5. quam sequuntur Scotistæ omnes, & Ægydius quodlib. 3. quest. 19. illique fauent autores qui licet plures operationes requirant ad essentiam beatitudinis, præcipuam tamen earum dicunt esse hunc amorem, vt Hugo Victor. supra capit. 7. de Cœlesti hierarch. & Bonauentur. in 1. distinct. 38. quest. 1. & in 4. d. 49. quest. 5. vbi idem sentit Albert. mag. & Supplem. Gabr. question. 1. articulo 1. conclusionem 3. & Henric. quodlib. 1. question. 14. & quodlib. 13. quest. 2. Corduba, qui alios refert, libr. 1. quest. 42. videtur præterea huic fauere Augustin. sermon. 53. de Tempore, dicens charitatem omnium esse arcem virtutum, promissionem regni, & præmium sanctorum in cœlo, quia in perenni gaudio nihil gratius, & nihil dulcius habent sancti perfecto amore Dei. Item epistola 52. Vna, inquit, ibi virtus erit, & id ipsum erit virtus, premiumque virtutis, quod dicit in sanctis colloquiis homo qui amat : mihi autem adherere Deo bonum est. Hoc illi erit plena perfectaque sapientia, eademque beatitudinis vita beata. Præterea 1. de Doctrina Christi capite 32. Tota, inquit, merces nostra erit vt Deo fruamur : frui autem, vt ibidem definierat capit. 1. est amore adherere alicui rei propter se ipsam. Nonnulla etiam in fauorem huius sententiæ sumi possunt ex Chrysostomo hom. 64. ad Populum, quæ breuitatis causa omitto.

I.  
1. Opinio  
stat pro a-  
ctu volun-  
tatis, qui est  
amor cha-  
ritatis.

Argumenta pro hac sententia afferuntur multa, sed ad duo capita reuocanda sunt. Primum est, quia nobilissimus actus voluntatis, qui est

II.

E 2 hic

Suarez in primam secundam D. Thom.



hic Dei amor, est perfectior quocunque actu intellectus, dicente Paulo 1. Corinth. 13. cap. *horum autem maior est charitas*: ad quod vulgaris responsio est, illud esse verum in statu viæ, comparando charitatem cum fide, secus verò esse in statu patriæ, comparando charitatem cum clara visione. Sed contra hoc instatur primo autoritate D. Thomæ 1. part. questione 108. articulo sexto ad tertium & in 3. distinct. 27. questione 1. articulo 4. quibus locis videtur etiam in patria antepone re charitatem. Secundò autoritate Anselmi libro 2. *Cur Deus homo*, capite 1. dicentis, esse peruersum ordinem, amare vt intelligas: ergo etiam in patria videre est propter amare, & non è contrario: est ergo perfectius. Tertio ex autoritate Dionysij, Gregorij, & Theologorum dicentium inter Angelos Seraphinorum ordinem esse supremum, & excellere ordina Cherubinoꝝ, quoniam ille ordo excedit in amore, quamuis Cherubim dicatur ab excellentia sciens: ergo signum est etiam in patria ab amore scientiam superari. Quarto, quia illud est simpliciter melius, quod secundum rectam rationem alteri præferendum est, sed amor eligibilior est visione, secundum rationem rectam, si præcise comparetur, vt patet à contrario, nam maius malum est carere amore Dei quam carere visione. Vnde hoc confirmat Scot. primò, quia illud est melius, cuius oppositum est peius: sed peius est odium Dei quam hæresis, vel error circa diuina: ergo dilectio præeminet visioni. Confirmatur secundo, quia si in via actus amoris est perfectior actu fidei: ergo voluntas est simpliciter perfectior intellectu: ergo in optimo statu vtriusque potentie optimus actus voluntatis est perfectior optimo actu intellectus. Prima consequentia probatur, quia potentia minus perfecta non potest elicere actum perfectiorem actu melioris potentie. Et hinc congeruntur alia argumenta, quibus Scotistæ probare solent, voluntatem esse perfectiorem intellectu, scilicet quia est formaliter libera & ideo est quasi domina aliarum potentiarum, & ipsemet intellectus illi obedit, habet denique pro obiecto bonum, & attingere potest summum vt tale est.

## III.

Secundum fundamentum proprium huius sententia est, quia perfectus amor Dei habet rationem consecutionis vltimi finis, in qua diximus beatitudinem consistere. Assumptum probatur primò quia ratio consecutionis non consistit in tractione obiecti, nec in assimilatione, & repræsentatione illius, nam, qui amat pecunias, etiam si videat illas, & consequenter si faciat illas sibi præsentis, vel intentionaliter ad se trahat, non consequitur propterea illas: ergo consecutio consistit in perfecta vnione ad finem, qui propter se maximè desideratur, & amatur: sed perfectus amor Dei est perfecta vnio ad ipsum, teste Augustin. libro 10. de Trinit. capite quarto, & D. Thom. contra. Gent. capit. 116. & colligitur ex illo Dionysij, quòd amor transformatur in amantem, & quodammodo extra se fert illud, & transfert in amantem: vnde est illud vulgatum quod amor inerat vbi cognitio foris stat, & quod cognitio sit ad modum cognoscentis, amor vero fertur in amatum, vt in se est. Rursus hæc vnio est maximè propter se, & quasi se ipsa obtinetur, quia nihil magis propter se potest expectari, quam coniungi Deo perfecto vinculo amicitia; hoc autem formaliter fit, & comparatur per ipsum actum amoris: vnde sicut Augustinus 1. de libero arbitrio, capite decimotertio, & lib. 1. Retract. capite 9. dixit, in rebus honestis velle, esse habere ipsamita multo magis respectu Dei

amare illum est habere, & consequi illum.

Confirmatur primò, quia finis vt finis, & bonum vt bonum, ad voluntatem pertinent: ergo consecutio finis, & boni pertinent etiam ad voluntatem: sed beatitudo est consecutio summi boni, vt tale est, & consistit in consecutione vltimi finis, ita vt ratione talis consecutionis homo se, & omnia sua referat ad talem finem, quod totum sit per amorem; ergo. Confirmatur secundo, nam propter hanc rationem, voluntas in via est principium totius meriti, quia est primum mouens in vltimum finem: ergo eadem ratione in patria ipsa est, quæ consequitur talem finem, nam quod in finem tendit, debet in illo quiescere, & quod maximè desiderat, debet maximè satiari; decet etiam vt ibi detur præmium, vbi præcessit meritum.

Secunda opinio ponit beatitudinem in delectatione, & gaudio de Deo ipso. Hanc tribuit Aureolo Medina 1. 2. quest. 4. articulo 4. sed nescio vnde sumpserit, nam Capreolus non refert. Sed cuiuscunque sit, oportet aduertere: duplex gaudium posse in beatitudine intelligi: vnum est de bonis, quæ Deus in se habet, & quia ipse habet, & hoc gaudium est charitatis: vnde si de hoc sit sermo, parum differt hæc sententia à præcedenti, nam probabile est tale gaudium non esse actum distinctum à perfecto amore, qui habetur in præsentia obiecti: nam in illo reuera explicatur purissimus affectus diligentis ad Deum. Et si fortasse est actus distinctus, videntur de illo magis urgere motiua adducta pro Scoto, nam hic actus est quasi complementum reliquorum, quasi fatietas ipsius amoris, de hoc actu potest intelligi quod sæpe Augustin. ait beatitudinem consistere in fruitione, vt supra citauimus ex libro 1. de Doctrina Christi. capite 32. cum quo iungi possunt verba eiudem 8. de Ciuitat. capit. 9. Nemo beatus est qui eo quod amat non fruitur, nam & hi, qui res non amandas amant: non se beatos amando putant, sed fruendo: quisquis ergo fruitur eo quod amat, verumque summum bonum amat, quis eum beatum nisi miserrimus negat? quinetiam D. Thom. 1. 2. quest. 11. art. 3. ad 3. dicit, fruitionem esse ademptionem beatitudinis, & tamen questione 34. articulo 3. dicit fruitionem importare delectationem in vltimo fine, & hoc modo aliquā delectationem esse bonum optimum hominis. Atque de hoc gaudio posset etiam intelligi quod idem D. Thom. a 2. 2. quest. 27. articulo 6. ad 3. vbi dicit, vltimum finem hominis esse inhærere Deo per charitatem, vltima enim adhesio charitatis fit per gaudium: de quo possunt etiam intelligi illa Scripturæ sacræ loca, in quibus beatitudo nomine gaudij promittitur. Matth. 25. Intra in gaudium domini tui, & Ioan. 15. Vt gaudium meum in vobis sit, & gaudium vestrum sit plenum: de quo subiungit capit. 16. Ecce gaudium vestrum nemo tollet à vobis. Sic etiam Augustinus in Confession. capit. 21. & 22. & 23. dicit vitam beatam esse gaudere de Deo, ad Deum, & propter Deum. Alterum proprium gaudium beatorum est de beatitudine propria, quod potest oriri ex timore concupiscentia, & hoc gaudium etiam censeretur potest aut essentia, aut de essentia beatitudinis, dicit enim Anselm. lib. de Casu diaboli capit. 4. beatitudinem ex commodis consistere, atque adeo appetitum eius pertinere ad appetitum commodi: ergo ad beatitudinem propriam magis spectat gaudium de proprio commodo, quam de alieno. Rursus hoc gaudium est vltima perfectio humanæ operationis, teste Aristot. 1. & 10. Ethic. propter quod

IV.

V.

3. opinio stat pro actu voluntatis, qui est delectatio.



quod, vt D. Thom. refert 1.2. quæst. 4. articulo. 2. ipse non audet definire, quod sit maius bonum contemplatio, aut delectatio, quæ illam consequitur: cum ergo saltem excedat delectatio in ratione vltimæ perfectionis, ex hac parte vel omnino, vel maxime erit beatitudo: nam illa est quies animæ, sine qua non potest satiari.

VI. Tertia opinio est beatitudinem consistere in solo actu intellectus, qui est clara visio Dei. Hæc est opinio Diui Thomæ 1.2. quæstione 3. articulo 4. &c. contra Gent. capite. 25. & 26. & 1. part. quæstione 26. articulo 2. & in 4. distin. 49. quæst. 1. articulo primo quæstionum. 2. vbi latè Capreol. & Sot. & inclinatur etiam Palud. quatenus præferat actum speculationum intellectus actui practico, & amoris, quamuis vtrumque requirat. Item Caietan. & Ferrar. dictis locis. Idem significat Mag. in quart. 4. distin. 49. vbi etiam Carthus. quæst. prima. Fundamenta huius sententiæ sunt varia. Primum ex diuina Scriptura, ex qua potissimum ponderari solent verba Christi Ioan. 17. Hæc est vita æterna, vt cognoscant te, solum Deum verum, & quem misisti Iesum Christum. Respondet Scot. in quæst. quarta ad primam. cognitionem dici vitam æternam, non quia sit beatitudo, sed quia est vita actualis, & æterna. Sed est indigna expositio, illo enim modo etiam tristitia damnatorum esset vita æterna: negari ergo non potest, quin vsitata phrasi Scripturæ illa voce quasi per antonomasiam significetur beatitudo, vt patet Matth. 26. Marc. 9. ad Rom. 16. & eodem loco Ioan. 17. immediate ante dixerat Christus, Pater clarifica filium tuum, vt filius tuus clarificet te, vt omne quod dedisti ei, det eis vitam æternam: clarum autem est ibi petere beatitudinem electorum, & statim additur, hæc autem est vita æterna, &c. Quod autem Christus ibi loquatur de cognitione Dei per visionem beatam, videtur etiam clarum: quia nulla alia esse potest vera, & perfecta beatitudo. Atque ita exponit Augustin. libro de Spiritu, & lit. capite 37. & sermone 1. 2. de Tempore. & significat Origen. lib. secundo in cap. 2. Epist. ad Rom. & Innocent. III. libro quinto de mysterio altaris cap. 8. & 27. Laurent. Iust. in Fasciculo amoris cap. 16. Sentiant etiam Ambr. lib. 5. de fide bap. 1. & Rup. lib. 12. ad Ioannem, quamuis hi duo vltimi videantur aliam etiam expositionem indicare, & videtur etiam expositio satis accommodata textui.

Nihilominus tamen hic locus non conuincit propter duo: primò, quia satis commode exponitur de cognitione per fidem, vt indicant Ambros. & Rup. supra, & Hilarius 3. de Trinitat. circa medium, & lib. etiam 9. & Cyprian. ad Demetrium, & epistola 73. ad Iubaianum, Cyril. lib. 11. in Ioan. capit. 16. & Augustinus tractatu 105. in Ioan. & est expositio accommodata textui: petierat enim Christus clarificari per fidem, & subdit rationem, vt det eis vitam æternam, id est, beatitudinem; vita autem æterna, inquit, hæc est, vt cognoscant te, id est, hæc est vnica via ad acquirendam vitam æternam, scilicet per fidem & veram cognitionem Dei, & Iesu Christi: ibi ergo non explicatur, in quo consistat vita æterna, sed quomodo acquiratur. Cuius etiam signum est, quia cognitioni Dei adiungitur cognitio Iesu Christi Dei hominis, quæ non pertinet ad essentiam beatitudinis, sed est via ad acquirendam illam. Secundo, quia licet intelligamus de visione beata, non sequitur in ea consistere essentiam beatitudinis, sed illam esse quasi fundamentum, & primam operationem status beatifici; sicut dici solet in Scriptura sacra nos iustificari per fidem, non quia illa sola

Sharez in primam secundam D. Thom.

fit iustitia nostra, sed quia est initium, & fundamentum iustitiæ. Et ad hunc modum enervari possunt alia testimonia, quæ pro hac sententia adduci solent, quamuis non sint contemnenda, quia certè indicatur in illis visionem beatam esse id, quod est perfectissimum in operationibus beatorum, & quod est præmium laborum, vt Ioan. 3. Similes ei erimus, & videbimus eum sicuti est. & Ioan. decimo quarto. Qui diligit me, diligetur à Patre meo, & manifestabo ei me ipsum: & capite decimo septimo, Pater volo vt vbi ego sum & illi sint mecum, vt videant claritatem meam; prima Corinthiorum decimo tertio Paulus vocat statum viæ, statum pueritiæ, beatitudinem autem statum perfectæ ætatis. & subdit causam, quia videmus nunc per speculum in enigmate, tunc autem facie ad faciem. Facit etiam illud Psalmo decimo sexto. Satiabor cum apparuerit gloria tua: & illud Psalmo 90. Longitudine dierum replebo eum, & ostendam illi salutem meam. Denique ponderari potest illud Christi verbum Matthæi capit. 18. Angeli enim eorum semper vident faciem Patris indicans hanc esse summam dignitatem sanctorum Angelorum, iuxta quod dixit Basilii in Constitution. monast. capite 19. Summi boni contemplatio Angelorum thesaurus est. Vnde Hieronymus Isaia 5. dixit, homines per visionem Dei ex hominibus Angelos fieri, & Gregorius Nazian. orat. 19. quæ est funebribus in patrem. Nunc, inquit, magis appropinquat nudus, quia cum nulla principe illa, & purissima mente versetur Angelici ordinis dignitatem consecutus. Sic etiam Gregorius libro primo Dialogorum capit. 35. Per visionem, inquit, Dei, fit homo superior mundo.

Secundò ergo principaliter probatur hæc sententia ex Patribus præter citatos: August. 1. de Trinit. capite octauo, 9. 10. & 17. sæpe repetit visionem Dei esse vltimum terminum vitæ nostræ, & totam mercedem nostris meritis promissam, & summum bonum, cuius adipiscendi causa præcipitur quidquid præcipitur idem libro 22. de Ciuit. capit. 29. & concione 2. in Psalmo 90. visio est tota merces: & libro de Quantitate animæ, capit. 33. beatitudinem ponit in contemplatione primæ veritatis, quam vocat summum aspectum animæ, quo meliorem, & perfectiorem non habet: idem latè libro secundo de libero arbit. capite 14. & 1. Retrahit. capit. 14. Illud, inquit, beatissimos facit, quod scriptum est, tunc autem facie ad faciem, & tunc cognoscam sicut & cognitus sum: qui hoc enim inueniunt, illi sunt in beatitudinis possessione. Eandem sententiam docet latè Cyrill. libro tertio contra Iulian. circa principium, Hæc, inquit, vera Dei contemplatio est pretiosior, quandoquidem nos summa beatitudinis hac facit participes. Et citat locum Ioan. 17. supra tractatum, & illud Exodi 33. Ostende mihi faciem tuam: qua voce dicit explicari affectum beatitudinis. Præterea Euseb. 7. de Preparatione capite tertio expressè dicit vltimam beatitudinem in visione Dei consistere: indicat etiam Irenæus libro quarto, capite 75. dicens: Deus est, qui habet videri: visio autem Dei efficax est incorruptela: incorruptela verò proximum facit esse Deo. Ac multa similia habet eodem lib. cap. 37. inter alia, Vita æterna vnicuique euenit ex eo, quod videat Deum: & infra, Participatio Dei est videre Deum, & frui benignitate eius. Præterea Hieronymus in id Psalmo 89. Ibunt de virtute in virtutem, videbitur Deus Deorum in Sion: Deum videre, inquit, infinita corona est. & magna felicitas. Optimè Nazianz. orat. 10. in Cesarium fratrem, inter alia, pura mente puram veritatem intuentes, atque hanc labore exhaustam mercedem inueniamus, vt perfectius summi boni consortio, & contemplatione fruamur, quem quidem sacra nostra disciplina



finem tum libri, tum anime Theologi laude florentes esse profitentur. Nissenus etiam libro de Beatitudinibus in sexta circa illam promissionem; Quoniam ipsi Deum videbunt, promissio tanta est ut superet extremum terminum beatitudinis. quid enim aliquis potest eiusmodi boni, aliud desiderabit, cum omnia habeantur in eo, quem videt, nam videre in usu Scriptura sacra idem significat, quod habere, Psal. 127. ut videam bona Hierusalem: ergo, inquit, qui Deum videt, quidquid in bonis numeratur per hoc, quod videt adeptus est. Subobscurius hoc indicant Damasc. libro de fide, capite 12. & libro 4. capite ultimo in fine, & Bernardus sermone quinto de assumptione, & libro 3. de consideratione. Denique argumentum hoc concludere possumus verbis Concilij Francofordienfis in Epistola ad Episcopos Hispanos in fine, *prædicamus eum* (scilicet Christum) *Deum verum & viuum, ac verè filium Dei, ut ad eius beatissimam visionem peruenire mereamur, in qua est vera beatitudo, & beata aternitas.*

VIII.

Tertio agendum est ratione, quæ in duplici fundamento niti debet contrariò fundamentis Scoti. Primum est, quia visio Dei absolute, est maxima perfectio per modum actus secundi, quæ est in beatis, quæ potest probari præcipue ex comparatione inter intellectum, & voluntatem, nam intellectus est simpliciter perfectior potentia; ergo optimus actus intellectus est perfectior optimo actu voluntatis; sed ille est visio, hic amor: ergo absolute visio superat amorem. Antecedens non est hoc loco late probandum, & disputandum, pertinet enim ad scientiam de anima, & tractatur etiam in 1. part. question. 82. articulo 3. ubi probatur à Diu. Thoma ex ratione obiectorum, quia obiectum intellectus est abstractius, atque adeò spiritualius ex suo modo: quod etiam intelligi potest ex modo operandi, nam reuera intellectus subtilius, & artificiosius operatur quam voluntas. Quod etiam in facultatibus sensitiuis considerare licet, nam phantasia, seu cogitativa altioremodum operandi habet, quàm appetitus sensitivus. Declarari præterea potest, quia intellectiva, seu cognoscitiva potentia est immediatior essentie, & substantiæ, quàm voluntas, seu appetitus, nam intellectus immediatè intelligitur consequi substantiam; voluntas autem medio intellectu: unde est veluti passio illius, seu per illum resultans: nam sicut appetitus naturalis oritur ex forma naturali, ita appetitus elicitus ex forma apprehensa, & consequenter voluntas operandi vitaliter oritur ex facultate cognoscendi. Quod ulterius potest in hunc modum declarari, nam intelligere est, quod per se pertinet ad gradum rationalem, seu intellectualem, ut sic, & est primà operatio, in qua distinguitur ab inferiori gradu sensitiuo: illa ergo potentia, in qua maxime viget vis utendi ratione, est perfectissima in illo gradu, hæc autem est intellectus, qui per se est potentia rationalis, voluntas enim solum per participationem hoc habet, quatenus à ratione dirigetur, ut illi obedire possit, ut Arist. dixit 1. Ethic. cap. ult. unde in Deo ipso, ubi facultas & actus intelligendi sunt ipsa essentia Dei ipsum intelligere est veluti formale esse, quod constituit primo ipsam essentiam Dei: amare verò, secundum rationem, potius intelligitur esse substantia, seu natura Dei solum per identitatem ratione infinitatis: & fortasse hac ratione, inter alias, processio per intellectum in Deo sicut est origine prima, ita ex vi suæ rationis formalis est magis communicativa ipsius diuinæ naturæ, quam processio per voluntatem, & ideo illa est generatio, & non ista: ergo fa-

cultas intelligendi sicut est immediatior gradui rationali, ita est perfectior; & ideo libertas, & quidquid est perfectionis in voluntate, provenit ab intellectu ut à radice.

Sed dicet aliquis, esto hoc verum sit, inde tamen ad summum sequitur inter naturales operationes utriusque potentie perfectissimam intellectus superare perfectissimam voluntatis: non verò in supernaturalibus, ut sunt visio, & amor charitatis, quia cum in his actibus facultates animæ operentur ut instrumenta per potentiam obedientialem, fieri potest ut potentia naturaliter minus perfecta ad perfectiorem actum perficiendum eleuetur, sicut in via fit. Respondetur, eadem proportionem posse argumentum procedere comparando ipsum intelligere & velle in ordine supernaturali, quod etiam in illo ordine intelligere ex suo genere est perfectius, ut probant rationes factæ applicatæ eadem proportionem, ergo perfectissima intellectio illius ordinis est excellentior perfectissimo actu voluntatis: sed huiusmodi est visio Dei clara, ut postea dicemus. Et confirmatur, quia est participatio illius visionis Dei per essentiam, quæ est ipsum esse Dei, & est in supremo ordine, in quo potest illa visio participari, & ideo efficit etiam maxime similes Deo, ut indicat ille locus 1. Ioan. 3. eique nos maxime coniungit. Denique quamvis istæ potentie eleuentur per potentiam obedientialem, tamen hoc habet fundamentum in natura earum. Iuxta illud August. de prædestinat. Sanct. *Possè habere silem, natura est hominum: habere autem gratiam, est fidelium*: utraque autem potentia est æquè capax in suo ordine, & ideo cum eadem proportionem eleuari possunt, cum qua possunt naturaliter operari: si ergo operatio naturalis intellectus perfectissima excedit operationem voluntatis etiam illa, ad quam maxime eleuatur per gratiam, erit perfectior, quam omnis operatio voluntatis: non est ergo dubium quin ex parte perfectionis magis sit constituenda beatitudo in visione, quam in amore.

Sed quia ex hoc solo principio non potest formaliter inferri solam visionem esse totam essentiam beatitudinis, ideo in hac opinione addendum est secundum fundamentum, scilicet solum actum intellectus esse consecutionem, seu adaptionem ultimi finis; hoc autem duabus viis ostendi potest, ita ut una sit directè ostensiva, altera vero quasi indirectè, excludendo actus voluntatis, nam cum ultimus finis noster qui purè spiritualis est, attingi non possit nisi per actus voluntatis, vel intellectus, si omnes actus voluntatis excluduntur à ratione consecutionis, rectè concluditur totam consistere in actu intellectus.

Prior pars variis modis, seu rationibus ostendi potest. Prima sumitur ex proprio modo operandi intellectus, trahit enim ad se res, quas intelligit, in quo differt à voluntate, quæ potius fertur ad res, quas amat: ergo intellectus ex modo operandi suo est aptissima potentia, ut anima per actum eius teneat, & consequatur ultimum finem suum. Hæc ratio habet quandam apparentiam, tamen & fundatur in locutione quadam ferè metaphorica: nam intellectus dicitur trahere res ad se, solum quia in se recipit obiecti speciem, & per eam in se format intentionalem similitudinem, seu conceptum rei cognitæ. Deinde iam supra diximus, consecutionem finis non esse necessariò intelligendam per modum tractionis, hoc enim valde materiale est, sed solum per talem con-

IX.

X.

XI.



iunctionem cum obiecto, quæ sit accommodata naturæ illius, & satiet desiderium inquiringis tale obiectum : ergo ex eo quod intellectus illo modo operatur : non satis probat in illo esse consecutionem obiecti.

XII. Secunda ratio esse potest, quia visio fit per assimilationem, quod non habet amor, nam ille potius fit quasi per impetum, & inclinationem : videtur autem consecutio Dei optimè fieri per assimilationem ad ipsum, iuxta illud, *Simile se ierimus* : cum enim creaturæ omnes habeant Deum pro ultimo fine, omnes aliquo modo intendunt illi assimilari, & tunc censentur illum finem maximè consequi, quando illi maximè assimilantur, iuxta uniuscuiusque capacitatem : creatura ergo rationalis, quæ speciali modo habet Deum pro ultimo fine, quatenus eum in se potest attingere per illam operationem, maximè illum consequitur qua illi maximè fit similis : hæc autem est cognitio, seu visio, ut dictum est. Hæc ratio est etiam apprensiva, tamen enervari potest, quia illa similitudo cognitionis tantum est intentionalis : item quia per amorem assimilatur etiam beatus Deus, non quidem similitudine intentionali, sed per participationem eminentissimam divini actus, & operationis : & quia sicut per amorem Deus quærit in se, & unitur sibi affectivè, unde fit, ut omnia ad se propter se diligat : ita beatus amando quiescit in Deo, & unitur illi summo affectu, & omnia alia in illum, & propter illum diligit.

XIII. Tertia ratio assertur in hoc puncto, quia visio facit præsentem rem visam, amor verò non ita, sed potius prærequirit præsentiam factam per cognitionem, ut possit haberi. Hæc tamen ratio & parum differt à præcedentibus, & videtur petere principium variatis solis terminis, quia nec fieri præsentem ex vi cognitionis, quid aliud est, quam cognoscere, seu representari menti per intentionalem similitudinem : hic enim non potest esse sermo de præsentia locali, seu reali instantia, aut coniunctione entitatum, quia hæc nec multum refert ad rationem beatitudinis explicandam, nec propriè fit per operationem, licet fortasse præsupponatur ad illam, quatenus talis operatio fieri debet ab ipso Deo, quod tam in operatione voluntatis, quam intellectus locum habet : est sermo de præsentia obiectiva, in qua significatione nihil aliud est esse præsens, quam videri, quod quidem verum est amori non convenire : tamen probandum est hoc esse necessarium ad consecutionem : dici enim potest, quod licet amor non faciat illo modo præsens, facit tamen unitum suo modo, nam etiam facit amatum esse in amante.

XIV. Hæ igitur rationes directè & ostensivè non sufficiunt ad probandam solam visionem esse consecutionem : videntur tamen mihi sufficienter probare visionem non posse excludi à ratione consecutionis, quia si visio est perfectissima operatio naturæ intellectualis, ut ostensum est, & immediatè attingit ipsum ultimum finem, & maximè facit illi similem tum intentionaliter, tum etiam secundum participationem perfectissimi actus divini, quo Deus se videt. Et præterea facit præsens obiectum ut coniunctum cognoscenti, & quodammodo constituit illum in potestate videntis, ut ille possit frui, & satiari. Quæ quæso ratio afferri potest, cur talis operatio non habeat rationem consecutionis ? in rebus enim materialibus, quibus utendum est tunc dicimur adipisci

aliquam rem, quando ita constituitur in nostra potestate, ut illa uti possimus nostro arbitrio : ergo in ultimo fine, quo fruendum est, tunc rectè dicemur adipisci illum, quando ita constituitur in potestate nostra, ut pro voluntate nostra illo frui possimus. De qua re est elegans locus apud D. Thomam 1. p. quæst. 12. artic. 7. ad 3. ubi ad hunc modum explicat rationem consecutionis.

Supere est ergo ut alia via indirecta ostendam voluntatem non posse habere actum, qui sit consecutio nec totalis, nec partialis : hoc autem tribus aliis rationibus ostendi solet. Prima est illa quam attigit D. Thom. 1. 2. quæst. 1. artic. 1. ad 2. & quæst. 3. artic. 4. ad 2. & latius 3. cont. Gent. cap. 26. quia primum volitum, seu primum obiectum voluntatis non potest esse actus eius, nam actus, quo voluntas vult suum actum, est reflexus, unde necesse est ut supponat actum habentem aliud obiectum, in quod directè tendat, quod quidem non sit actus voluntatis, quia potentia prius movetur ab obiecto, quam ab actu suo : ergo primum obiectum voluntatis non potest esse actus voluntatis : ergo non potest esse ultimus finis : ergo nec consecutio eius, quia hæc etiam habet rationem ultimi finis. Probatur autem prima consequentia, quia ultimus finis est primum volitum, seu primum obiectum voluntatis.

Hanc rationem la. defendit Caietan. & Ferrar. fateor tamen mihi esse valde difficilem, primò quidem, quia satis est quod ultimus finis obiectivus sit primum obiectum appetibile directè à voluntate : non videtur autem necessarium, nec ex tota ratione ultimi finis probari potest, quod consecutio eius sit etiam appetibilis actu à se distincto. Quod in hunc modum explico : aut enim consideratur homo prius quam consequatur ultimum finem, v. g. pro statu viæ aut in eo statu, in quo iam tenet ultimum finem, in priori statu bene potest homo primo directè amare ultimum finem, & consecutionem eius, etiam si fingamus illam esse futuram in actu voluntatis, ut v. g. si quis nunc credat gaudium beatificum futurum esse ademptionem sui finis, cur non poterit actu primo, & directè illum intendere, & consequi illum, & propter hunc finem primò operari iuxta illud, finis præcepti est charitas ? Si verò loquamur de homine iam possidente ultimum finem, si amando possidet, cur non satis est ut obiectum illius amoris sit primum appetibile à voluntate, & quod ille amor dum directè fertur in illud obiectum, simul quasi reflexe feratur in se ipsum, & sit magis volitus quam omnis alius actus voluntatis, vel per ipsummet actum, vel per alium, si voluntas velit formalem reflexionem facere, certe non apparet in hoc esse aliquid contra rationem ultimi finis, vel consecutionis eius ut sic ergo ex illa præcisa ratione non satis excluditur actus voluntatis.

Deinde insto contra rationem hanc in hunc modum, nam sicut ultimus finis dicitur primum obiectum amabile, ita dici potest primum obiectum intelligibile, quia hic non est sermo de primo ordine temporis, seu successione durationis, quia in hoc sensu primus finis non est ultimum volitum, præsertim loquendo de fine ultimo particulari, ut constat ex dictis *disputatione prima* : igitur propositio illa intelligenda est de primo ordine perfectionis, seu naturæ secundum se : & hoc modo, sicut finis ultimus est primum obiectum appetibile, ita & intelligibile, quia sicut est obiectum si pre-



nium voluntatis, ita & intellectus: hinc autem inferri non potest, quod ultimus finis formalis non sit actus intellectus, quia satis est, quod finis ultimus obiectivus sit per se primum obiectum intelligibile, actus verò perfectissimus, qui circa illud versatur, sit etiam in supremo ordine intelligibilium, tanquam consecutio illius obiecti: ergo idem proportionaliter dici potest de voluntate.

XVIII.

Est ergo secunda ratio, qua usus est Durandus in 4. distinct. 49. question. 1. quia appetitus non est propter se, nullus enim præcisè appetit propter appetendum, sed propter consequendum id, quod appetit. ut patet discurrendo per omnem appetitum naturalem, sensitivum, atque eadem ratio est de intellectu: ergo cum voluntas sit potentia ad appetendum, & omnis actus eius sit appetitio quædam, non potest illa ut sit esse consecutio, sed potius debet ad consecutionem ordinari, seu per consecutionem satiari, unde in omni natura hoc reperitur, quod alia est facultas data ad appetendum, alia verò ad consequendum, & possidendum.

XIX.

Hæc verò ratio videtur ad summum de amore concupiscentiæ procedere, qui refertur ab bonum amatis: nam hoc amore amamus nostrum commodum, quod non obtinemus amando, ut avarus non obtrahat divitias qui amat illas, & sic de aliis. Unde in hoc amore semper videtur consecutio ab effectu distinguui, & ideo non potest etiam habere rationem ultimi finis in suo ordine, quia est propter aliud: at verò in puro amore amicitiae, & præsertim respectu Dei, non videtur huc procedere: nam hoc amore solum volumus bonum divinum, ut illi bene sit, unde in hoc sitit ut in ultima perfectione sua: talis ergo amor ex se non ordinatur ad aliam consecutionem, quia hoc solo contentus est, quod Deus in se bonis abundet; ergo hic amor habet rationem ultimi, & non est datus ad consequendum aliud bonum, sed solum ut nos coniungat summo bono amando illi bonum, quod habet.

XX.

Quæ obiectio non latuit Durandum: tribus autem modis illam solvere conatur: primo, quod circa Deum non est proprius amor amicitiae, seu benevolentiae, quia Deus nullo bono indiget, nec indigere potest, & ita non possumus velle illi aliquod bonum denuò ei acquirendum, quod propriè pertinet ad amorem benevolentiae. Sed in hoc valdè deceptus est, quia charitas est verè amicitia ad Deum, imò si erga aliquem esse potest pura benevolentia, est ad Deum, nam est bonum maximè propter se amabile, & super omnia, etiam supra ipsum amantem: nec refert quod Deus non acquirat bona intrinseca, quia inde solum fit hæc bona non amari Deo per modum desiderij, non tamen excluditur quin amari poterunt simplici amore, quo amatur quodlibet bonum, etiam postquam possidetur. Unde dicit secundò hunc amorem, secundum quod possibilis est, esse debitum Deo ex iustitia, & ideo magis habere rationem meriti. Verum licet hoc concederemus de amore viæ, quia est liber, tamen ut est necessarius in patria, potest habere rationem finis, & præmij: unde sub eadem ratione non potest propriè dici debitum morali, seu legali debito, quia ea, quæ sunt necessaria, non cadunt sub hoc debitum: tum etiam, quia impertinens est ad rationem consecutionis beatitudinis, quod ille actus, in quo consistit, sit debitum Deo, vel debito morali, si talis actus posset esse liber, vel debito connaturalitatis,

quia quodammodo debetur Deo propter bonitatem suam summus amor potentialis, & in solutione huius debiti potest esse maxima hominis perfectio. Tertiò ergo dicit, & hoc etiam sequuntur aliqui Thomistæ, beatitudinem consistere in nostris commodis, ut ex Anselmo supra retuli, & ideo amore amicitiae ut sic, non posset pertinere ad nostram beatitudinem, quia talis amor, ut idem Anselmus ait, non spectat ad affectionem commodi, sed iustitiæ. Sed hoc etiam mihi non satisfacit, quia ille met amor, qui respectu Dei est amicitiae, est maximum commodum nostrum. Unde ex amore commodi possumus hunc amorem amicitiae divinæ nobis amare, maximè quia non est necessarium ut nostram beatitudinem semper nobis amore concupiscentiæ amemus: nam ex vi amicitiae divinæ possumus nobis desiderare beatitudinem: sicut alibi dixit Divus Thomas. *Charitas à charitate diligitur: & inter soluenda argumenta Scoti plura dicemus.*

Tertia, & ultima ratio D. Thomæ loc. citat. est, quia omnis amor voluntatis vel antecedit consecutionem boni amari, vel subsequitur: ergo nunquam ille potest esse consecutio. Antecedens patet, quia actus voluntatis vel est desiderium, & hoc intrinsecè postulat, ut sit de bono nondum habito, & ideo antecedit consecutionem: vel est delectatio, & hæc intrinsecè est de bono iam consequuto: supponit ergo consecutionem: non enim delectamur ut consequamur, sed quia consequuti sumus. Contra quem discursum statim occurrit obiectio, quia præter hos actus reperitur amor. Sed huic obiectio occurrat idem D. Thom. 3. contra Gentes cap. 26. ratione 5. quia eadem ratio est de amore & desiderio, nam amor est de se indifferens ad bonum consecutum, & non consecutum, unde interdum antecedit desiderium. Ex quo sumitur confirmatio, nam amor charitatis in via reperitur: ergo non potest esse actus, in quo consistat essentialis beatitudo, quia in via nullo modo consequimur obiectum beatificum ut sic.

XXI.

Ad quam rationem respondet Scotus primò in via, & patria dari amores specie distinctos: sed hoc non est necessarium, nec hoc loco examinandum, & fortasse contrarium probabilius est. Secundo & apparentius respondet non esse necessarium actum illum, qui est essentialis beatitudo, differre specie in natura entis ab illo actu, qui reperiri potest extra statum beatificum, sed satis est quod differat in modo, & conditionibus, quamvis sint extra essentiam talis actus, quia beatitudo non dicit actum illum secundum speciem eius nudam, sed cum tali perfectione & modo, sicut de visione beatifica à nobis dictum est lib. 2. de attributis Dei: nam illa visio (si fuit in Paulo in raptu) eiusdem speciei fuit cum visione beatifica, & tamen in illo non habuit rationem beatitudinis, quia non fuit per modum permanentis, immutabilis, inamissibilis: sic ergo amor viæ, quia ex modo, & statu suo mutabilis est, atque amissibilis: non talis est, qualis ad beatificandum requiritur: amor verò patriæ est immutabilis, & inamissibilis, atque adeo est in statu perfectionis: ille ergo esse poterit actus beatificus: hoc autem amor sic perfectus non abstrahit à præsentia, & absentia, sed necessario postulat Deum clare visum.

XXII.

Sed contra rationem hanc procedit altera pars D. Thomæ, quæ est delectatio: cum scilicet delectatio supponit bonum consecutum, ita hic supponit

XXIII.



amor Dei immutabilis, & maximè perfectus, supponit Deum clarè visum, & consequentum: imò si quid habet perfectionis, quæ sit propria status beatifici, illam habet ratione visionis: ergo hic etiam amor eadem ratione excludendus est, quæ delectatio. Et hæc videtur tota vis rationis D. Thomæ, & sententiæ eius quoad ultimum punctum: quæ tamen responsionem non improbabilem habere videtur: probat enim illa ratio amorem beatificum necessariò supponere aliquam præsentiam, atque ad eam consecutionem aliquam obiecti beatifici: quod etiam Scotus concessit, distinguens duplicem consecutionem quasi partialem: alteram prioris origine, quam dixit esse in intellectu: alteram in voluntate, origine quidem posteriorem, perfectione autem prioris, ut ipse putavit: & quamvis nos hoc ultimum non admittamus, tamen ex discursu facto, non videtur satis concludi illam consecutionem & præsentiam, quæ est per intellectum, licet necessariò antecedit talem amorem, esse unicam, & totalem adeptio-nem obiecti beatifici, & non veluti consummari, & integrari per ipsum amorem: hoc ergo solum manet difficile in hac opinione.

**XXIV.** Est ergo quarta sententia affirmans de essen-tia beatitudinis formalis esse actum intellectus, & voluntatis simul. Ita opinantur in 4. d. 49. Albert. Magn. & Thom. de Argent. qui existima-vit rem hanc esse iam definitam. In eadem opi-nione est Bonaventura articulo primo quæst. quinta qui beatitudinem ponit in tribus dotibus ani-mæ quas esse dicit, amorem, visionem, fruitio-nem, ut sit perfectum spirituale matrimonium inter Deum & animam, Richardus articulo primo quæstione septima requirit visionem, & amorem, addit verò inamissibilitatem, quam putat esse speciale actum voluntatis. Sed in hoc non re-ctè sentit, ut postea in 4. sectione videbimus. sequitur verò hoc de visione & amore Supple-ment. Gabr. quæst. 2. artic. 2. & Palud. quæst. 3. & Marf. q. ultima ponit beatitudinem in visione & gaudio: existimotamen non distinguere gaudi-um ab amore boni præsentis. Fuit etiam hæc opi-nio Hugo: Victor. super cap. 7. de divinis nomin. tenet etiam Vega libro septimo in Trident. capite tert. & Corduba latè libro primo quæst. q. 42. qui citat Alensem, sed falsò: & hi duo autores ultimi exi-stimant etiam hanc sententiam esse definitam, quia in Clement. Ad nostrum de heret. dicitur indige-re nos lumine gloriæ ad videndum, & Deo bea-tè fruendum: apparentius videtur, quia Bene-dictus XI. in Extrava-g. quam referunt Marfil. Castr. & alij, definit, post Christi passionē ani-mas, quæ ex hac vita discedunt, si iustæ sint, & plene purgatæ, statim videre Deum, & viden-do frui, & hac visione & fruitione esse beatas.

**XXV.** Sed ut hoc de definitione expediamus, non est verum quidquam in hoc esse definitum, sci-licet, an essentia beatitudinis in vno, vel pluri-bus actibus consistat: nam in priori loco sermo est contra Begard. & Begu. qui asseriebant hominem natura sua fieri beatum, & non indigere ad hoc lumine gloriæ. Hoc ergo est quod Pon-tifex cum Concil. definit, indigere nos lumine gloriæ, ut eleuemur ad beatitudinem illam, & ut Deo fruamur: an verò beatitudo sit in visio-ne, vel in fruitione, vel in vtraque, impertinens est ad illam definitionem: in posteriori verò lo-co definitio est contra sententiam, quæ asse-rebat animas non beatificari usque ad diem iudi-cij: obiter verò dicitur ibi animas beatificari videndo & fruendo, quod etiam simpliciter ve-

rum est, quia de facto utrumque est in beatis, & qui utrumque habet, necessariò est beatus, siue utrumque sit de essentia, siue non, maximè quia adhuc in opinione versatur, quid sit fruitio, & an sit ipsamet visio, ut vult Soto, vel amor, ut Scotus putat, vel delectatio, ut creditur esse opi-nio D. Thomæ in 1. 2. quæst. 11. de quo non nihil infra diss. 9. sect. 3. non est ergo in hoc aliquid de fide.

Videtur tamen hæc opinio consentanea mo-do loquendi Pontificum, & illi fauent sancti Pa-tres citati in tribus opinionibus relatis: ideo e-nim interdum beatitudinem ponunt in visio-ne, interdum in amore, vel gaudio, quia hæc connexa sunt, & vnam essentiam beatitudinis constituunt. Addo verò duo testimonia. pri-mum est Augustini lib. 1. de moribus Eccles. capit. 3. dicentis, *Beatus, quantum existimo, nec ille dici potest, qui non habet quod amat, qualcunque sit, nec qui habet, quod amat, si noxium sit, nec qui non habet, quod amat, etsi optimum sit, quantum restat, ut video, ubi beata vita inveniri queat, cum id quod est hominis optimum, & a-matur, & habetur: quid enim est aliud, quod dicimus frui, nisi præstò habere quod diligis?* secundum est Bern-hardi epistola 19. ubi tractans illud ad Colossienf. 3. & vita vestra abscondita est cum Christo: In Deo, inquit, quia necdum possumus contemplari per speciem, nec plenè completi per amorem, dedit nobis interim & sapere per fide-m, & querere per desiderium: & infra, *Si enim adhuc absentes initiati fides & desiderium, præsentis profectò con-summat intellectus & amor:* & infra: *His ergo fortasse quasi duobus animæ brachiis intellectu, scilicet & amore, id est, cognitione & delectatione veritatis, amplectitur & comprehenditur ab omnibus sanctis, longitudo, latitudo, sublimitas, & profunditas.*

Ratione probatur hæc sententia, coniungen-do omnes adductas pro aliis: & quia de visio-ne satis apertè videtur ostensum pertinere ad es-sentiam, de charitate id amplius persuaderetur, quia charitas Dei est ultimus finis noster, vel to-tus, vel certe intrans essentiam eius: sed finis vl-timus est beatitudo eius: ergo. Antecedens o-stenditur primò ex Paulo, 1. ad Timoth. 1. dicitur, *finis præcepti Charitas.* Dices, Paulum loqui de cha-ritate viæ: quæ est finis omnium aliorum præce-porum. Sed contra. nam D. Thomas 2. 2. quæst. 44. art. 6. cum Aug. lib. de Perfectione iustitiæ, docet charitatem patriæ esse finem, ad quem ordina-tur perfectio charitatis viæ: imò dicunt in præ-cepto charitatis Dei, non solum esse mandatum, quid in hac vita exequendum sit, sed etiam esse demonstratam & ostensam charitatis perfecti-onem in alia vita obtinendam, ad quam ut ad finem tendendum est: ynde per charitatem viæ inquiremus Deum, iuxta illud Cantic. 2. *Quæram quem diligit anima mea.* per charitatem autem pa-triæ tenebimus illum: ad quod applicari potest illud Cantic. 3. *Tenui eum, nec dimittam.* & 1. Ioan. 4. c. *Deus charitas est, & qui manet in charitate, in Deo manet, & Deus in eo,* Sed dicit aliquis ex D. Thom. in 3. dist. 27. quæst. 2. artic. 2. ad 2. charitatem non dici finem præcepti, quia ad eum, ut ad finē ordi-nentur actus præcepti, sed quia per eam aliæ virtutes in finem ordinantur. Responderetur, D. Thomam ibi agere de charitate habituali, quæ dicit esse virtutem moventem, & ordinantem alias virtutes ad finem ultimum, quod verissi-mum est, licet reuerà non sit hic sensus Pauli in citato loco 1. ad Timoth. 1.

Præterea ostenditur secundò illud antec-edens, nam etsi loquamur de actu, verum est cha-ritatem non esse finem ultimum obiectivum, in quem sunt omnia referenda, nam hic est so-lus

XXVI.

XXVII.

XXVIII.



lus Deus, qui est charitas per essentiam: & hoc sensu etiam est verum dilectionem esse, qua omnia referuntur in Deum, imò etiam se ipsam in Deum refert, & in visionem beatificam ipsius Dei, quia, ut suprà dictum est, non est contra rationem ipsius finis ultimi formalis, quod referatur ad finem ultimum obiectuum: quin etiam hoc spectat ad excellentiam talis finis, & ad debitum ordinem hominis in illum. Quapropter quod dilectio ordinet se, & omnia in Deum, non excludit, quin ipsa possit esse perfecta coniunctio cum ultimo fine, ad quam, ut ad finem reliquarum omnes actiones referuntur, vel ad inchoandam illam in hac vita, vel ad perficiendam in patria: & ita exposuit testimoniū Pauli Aug. in *Enchirid. cap. 121. propter quod idem D. Thom. 2. 2. quest. 27. artic. 6. ad. 3. dicit expresse, actum interiore charitatis habere rationem finis, quia ultimus finis hominis sistit in hoc, quod anima Deo inhæreat, iuxta illud Psalmi 72 Mibi autem Deo adhaerere bonum est. Quod tandem ratione declaratur, quia amor Dei in patria est propter se diligibilis ultimè absque relatione ad alium finem præter Deum in se, quia amicitia diuinæ est bonum propter se maximè diligibile, etiam sine ordine ad visionem: item, quia creaturam inhære suo creatori, & perfectè conuertere ad suum principium, est per se, & ex propria ratione magna perfectio creaturæ, & quasi consummatio eius: sed nihil amplius requiri potest ad rationem finis ultimi: ergo huiusmodi dilectio, vel est ultimus finis formalis, vel saltem de essentia eius: est ergo de essentia humanæ beatitudinis.*

XXIX. Haecenus aliorum sententiæ retulimus, superest, ut ex omnibus dictis quid nobis dicendum sit colligamus. Dico ergo primò, essentiam beatitudinis formalis primò, & principaliter consistere in visione Dei clara, in qua quasi in fonte, & radice tota perfectio beatitudinis continetur. Hanc conclusionem ut existimo, persuadent sufficienter omnia, quæ pro tertia sententia a num. 6. adducta sunt primò, quia ex his habetur illam visionem esse præcipuam operationem creaturæ intellectuales simpliciter & absolute. Secundo, quia etiam est ostensum in ratione consecutionis, & coniunctionis cum ipso fine in se & immediatè esse perfectissimam. Tertiò, quia est veluti forma primò, & essentialiter distinguens statum beatificum à non beatifico, ita ut sine illa reuera homo non possit esse beatus absolute beatitudine supernaturali, nec habere alios actus circa Deum cum illa perfectione, quam illa beatitudo postulat: è contrario vero posita illa visione ex natura rei sequatur omnis alia perfectio ad statum beatificum necessaria, quod non habet aliqua alia operatio: ergo recte dicitur illa visio, & præcipua forma illius beatitudinis, & tota beatitudo, saltem in radice.

XXX. Atque hinc sequitur, & dico secundò, solum actum voluntatis & amorem perfectum Dei ex charitate, non posse esse essentiam totam beatitudinis: unde inter opiniones suprà citatas opinio Scoti, si in hoc sensu ab eo intellecta est, minus apparet probabilis. Probatur conclusio, quia solus amor ex se non est sufficiens satiare totam hominis capacitatem, totumque desiderium erga Deum, quin potius ex se, si aliud nõ supponitur aptus est causare desiderium præsentis, seu consecutionis claræ ipsius Dei: nec etiam de se causa efficax talis præsentis, sed potius prærequirit illam, ut inde perficiatur. Quod in hunc

modum præterea declaro, quia omnis amor, etiam si sit amicitia, ut sit satiat, requirit adaptionem boni amati: est autem differentia inter amorem concupiscentiæ, & amicitia, quia per concupiscentiam amamus nobis aliquod bonum proprium, ideo consecutio talis boni consistit in reali possessione illius boni, & illa est quæ satiat amorem: at verò in amore amicitia amamus alteri bonum ut ei in sit, & ideo consecutio talis boni, & satietas talis amoris videtur in hoc consistere, quod ille, quem amo, habeat bonum illud, quod illi amo: tamen quia hoc bonum, prout in alio est, non potest satiare diligentem, ideo satietas talis amoris videtur in hoc consistere, quod clare videat amatum possidentem omnia illa bona, quæ illi appetit: ergo impossibile est, quod talis amor satiet amantem sine tali visione: ergo non potest solus ille esse tota essentia beatitudinis, sed necessariò requirit consortium visionis, id est, vel tantquam causam antecedentem ex generali ratione, qua amor supponit cognitionem, vel tantquam formam suo modo satiantem ipsum amorem.

Dico tertiò, amor charitatis, & amicitia diuinæ est simpliciter necessarius, ut homo sit supernaturaliter perfectè beatus; & absolute dicendus est de essentia ipsius beatitudinis. Prior pars difficultatem non habet, eam enim sufficienter probant quæ adducta sunt in 1. 2. & 4. Opinione, & præterea ad eam declarandam addi potest doctrina Diui Thomæ in 3. distinct. 26. questione 2. articulo 2. ubi dicit, felicitatem supernaturalem requirere cõiunctionem amicitia cum Deo, quia cum illa felicitas non sit connaturalis, oportet ut per charitatem fiat aliquo modo connaturalis. Deinde addi potest, quod idem Diuus Thomas docet in 1. parte, questione 43. articulo 5. ad 2. & in 1. distinct. 14. questione 4. articulo 1. ad tertium, scilicet, cognitionem sine amore gratuito non sufficere ad perfectam similitudinem Dei, sed necessarium esse amorem, qui coniungat hominem Deo cognito secundum rationem convenientiæ. Unde, quod attinet ad modum loquendi, multi etiam Thomistæ absolute docent, si homo videat Deum, & actu non amet, suspendente Deo concursum suum, illum hominem non esse dicendum beatum, non tantum perfectè, sed nec etiam simpliciter & absolute. Atque hoc expresse docet Soto in 4. dist. 49. quest. 1. artic. 4. in fine, & tandem Medina 1. 2. quest. 3. artic. 4. in ultima solutione ad 1. primæ opinionis: qui tamen rationem insinuat, non quia amor sit formalis beatitudo, aut de essentia eius, sed quia licet visio sit tota beatitudo, non tamen beatificat quasi formaliter tantum inhærendo, sed efficiendo, vel causando amorem, & ideo, inquit, si non actu causat amorem, quamuis de se sit sufficiens beatitudo, tamen non actu beatificat. Quod mihi non satisfacit, quia si visio non tantum formaliter, sed etiam effectiue, & radicaliter beatificat, necesse est, ut aliquid aliud præter visionem beatificet formaliter, quia necesse est hunc effectum, qui est esse beatum formaliter, fieri per aliquam formam: ergo vel illa est sola visio, & sic amor non erit necessarius, nec erit verum, visionem beatificare effectiue, sed tantum formaliter; vel si effectiue beatificat, necesse est, quod efficiat aliquid formaliter beatificans, id est, omnino, vel ex parte: atque ita non sola visio, sed etiam amor erit forma beatificans, & consequenter erit de essentia beatitudinis formalis, de qua disputatur.

Sed



XXXII.

Sed dicunt alij, visionem solam non beatificare sine amore non quia amor sit pars essentialis formalis beatitudinis, sed quia est conditio necessaria, sine qua visio non habebit rationem comprehensionis, & consequenter nec rationem beatificantis. Sed hæc ratio, quidquid sit, an applicari possit ad amorem concupiscentiæ, vel inamissibilitatem, de quibus infra dicemus: tamen in amore amicitiae non potest habere locum: quia hic amor non concurret, nec petitur in beatitudine, solum propter visionem, seu ut conditio eius, nimirum ut ille sit in aliquo perfecto statu, sed per se ut est perfecta quædam conexio cum ultimo fine, ultima in suo ordine & propter se maximè appetibilis, & formaliter tribuens perfectionem aliquam respectu ultimi finis, quem immediatè attingit, quam non confert visio, nec aliquis alius actus. & sine qua hominis ultima perfectio esset valde diminuta & quasi dimidiata. Et hæc est ratio (ut ad 2. partem assertionis accedamus) quæ me cogit ut dicam, hunc amorem non solum esse necessarium, sed etiam esse de essentia huius beatitudinis, quod tandem sub his terminis concessit Soto in illa d. 49. quæst. 3. a. 4. & quod amplius est D. Thomas in materia 1. 2. q. 4. art. 8. ad 3. apertè dicit, perfectionem charitatis quantum ad dilectionem Dei esse essentialem beatitudini: vocat autem perfectionem charitatis ipsum actum perfectæ dilectionis Dei, nam de hoc ibi disputat, differentiam ponens inter illum, & dilectionem proximam, & q. 1. art. 8 dixit creaturam rationalem consequi suum finem ultimum cognoscendo, & amando Deum. Denique locus supra citatus ex 2. 2. videtur etiam expressus: quæ loca nobis aperiant viam ad explicandam doctrinam, quæ habet in 1. 2. q. 3. ne sibi videatur contrarius: solum enim intendit, ut existimo, beatitudinem non posse consummari in sola voluntate, & id quod est veluti omnino proprium beatitudinis, debere potius ad intellectum pertinere, quàm ad voluntatem: & ideo 3. contra Gentes, capite 26. ubi hoc fusiùs disputat, sæpè explicat beatitudinem principaliter ac magis esse in intellectu, quam in voluntate. cum verdè ait beatitudinem consistere in contemplatione. idem D. Thom. quæst. 2. 2. de veritate, art. 11. ad 11. explicuit, cum est sermo de contemplatione non excludi amorem. & citat Gregor. hom. 14. in Exod. quod est notandum ad explicanda varia sanctorum dicta in num. 7. adducta.

XXXIII.

Tandem ut simul omnibus obiectionibus satisfaciamus cum amor amicitiae diuinæ habeat omnia quæ diximus, quæ ratio afferri potest cur non sit de essentia beatitudinis: Respondet primo, quia est indifferens ad viam, & beatitudinem: nec enim satisfacere videtur quod supra ex Scoto dicebatur amorem cum tali modo esse proprium beatitudinis, quia si amor est de essentia, necesse est non solum modum amoris, sed etiam substantiam esse de essentia beatitudinis: sed hoc esse non potest, quia substantia amoris est indifferens ad beatitudinem, & non beatitudinem. Deinde respondeo, hanc potius rationem convincere hunc amorem, etiam quoad substantiam suam, esse de essentia beatitudinis, quamvis in illo solo non possit beatitudo consistere, quia siue videatur Deus, siue non videatur, prima, & maximè necessaria perfectio ad debitum hominis statum respectu Dei est coniunctio cum illo per hunc amorem: ergo signum est hunc actum esse propter se & propter perfectionem sui obiecti maximè necessarium homini, ut in quolibet statu sit beatus: iuxta uni-

uscuiusque status capacitatem: nec est vltimum inconueniens quod aliqua perfectio possibilis in statu viæ, sit de essentia beatitudinis: acrius, quia illa beatitudo patriæ non excludit perfectionem viæ, sed imperfectiones: & ideo fortassis Diuus Thomas citato loco 1. secundæ, non meminit amoris, quia existimauit, illum esse quasi generalem perfectionem in omni statu necessariam, & essentialem, & illud tantum declarauit, quod est proprium & quasi specificum illius beatitudinis.

Alij extrema quadam ratione respondent illum amorem non esse de essentia, quia non est de solo Deo immediatè, sed de Deo viso, vnde supponit Deum iam consecutum, ut sic dicam, & obtentum, sed hæc est aperta æquiuocatio; nam licet hic amor supponat Deum visum, tamen pro obiecto per se, & proximo, ac directè solum habet Deum, qui proponitur per visionem tanquam per necessariam conditionem, quod nihil obstat quominus amor sit immediata coniunctio cum solo Deo, formaliter, ac realiter distincta ab ea, quæ est per visionem, & per se expetibilis, & non solum propter visionem.

XXXIV.

Tandem dicunt alij, amorem resultare ex visione. & ideo non posse habere rationem essentialis, sed potius passionis: atque ita qui haberet solam visionem sine amore, dicens fore beatum essentialiter, quia quasi in fonte, & radice haberet totam perfectionem amoris. Sed hoc etiam nullo modo probari potest, quia hæc dilectio solum supponit visionem ut conditionem sine qua non: vel ad summum, per modum principij efficientis partialis, iuxta varias opiniones de modo, quo actus intellectus requiritur ad actum voluntatis: hoc autem nihil obstat quominus perfectio illa, quam formaliter confert amor, sit valde distincta à perfectione, quam confert visio, & in suo genere sit vltima, & maximè necessaria ad debitam coniunctionem cum fine ultimo, vnde sub ea ratione, qua visio est principium amoris, comparatur ad illum ut actus primus ad secundum & ultimum: & ideo non potest esse satis ad formalem beatitudinem habere amorem solum in tali radice, quia beatitudo non consistit in actu primo, sed secundo: sicut qui haberet lumen gloriæ, & Deum unitum per modum speciei, iam haberet visionem in radice, & tamen non esset beatus formaliter, quia solum haberet actum primum & non secundum: sicut autem comparatur lumen ad visionem, quoad coniunctionem cum ultimo fine, quæ fit per intellectum: ita comparatur visio ad amorem quoad coniunctionem, quæ fit cum eodè ultimo fine per amorem in voluntate: & ideo sicut sine visione actuali non esset inchoata essentia beatitudinis per solum lumen, vel speciem: ita sine actuali amore non esset consummata per solam visionem, nec in his rebus, quarum essentia confurgit ex proportionibus plurium, est inconueniens, quod vna pars essentialis causetur in aliquo genere ab aliqua altera. Quod patet exëplis manifestis: nam in substantiis materialibus materia, & forma, quæ sunt partes substantiales, & essentielles compositi, habent inter se causalitatem, & materia necessariò supponitur formæ. Inter accidentia, etiam necessaria ad perfectam dispositionem seu temperamētum alicuius rei potest facile intelligi causalitas, seu ordo per se, ut inter calorem, vel raritatem, vel siccitatem: & magis Theologicè Fides, & Charitas sunt per se necessaria ad iustitiam viæ, & charitas est quasi forma

XXXV.

q. 1. a. 1.



essentialis, quamvis necessario supponat fidem. Et ratio generalis est, quia non est contrarationem essentialis totius, quod partes inter se habeant per se ordinem, & connexionem: sic igitur quamvis inter amorē & visionem beatificā sit huiusmodi ordo, quod amor supponit visionem velut conditionem necessariam, vel ut causam efficientem, nihilominus potest amor pertinere ad essentiā beatitudinis, quia formaliter constituit hominē in sua vltima perfectione, non solus ille, sed simul cum visione.

XXXVI. Dico quartō, amor concupiscentiæ propriæ beatitudinis obiectivæ, vel formalis, non est simpliciter necessarius, nec de essentiā beatitudinis: potest tamē in illa reperiri tanq̃ secundaria perfectio eius. Hæc posterior pars non indiget probatione: quia talis actus est in suo genere bon⁹, & naturę consentaneus & nō includit imperfectiōnem repugnantem beatitudini: potest ergo in eo reperiri: de quo plura dicam infra disputat. 9. sect. 2. Prior verō pars facile etiam patet ex dictis suprà in secunda, & tertia opinione, ubi ostendimus amorem concupiscentiæ semper ordinari ad aliam actionem, quæ sit consecutio boni concupiti: hinc ergo consequitur illum non posse habere rationem vltimi finis nec obiectivi nec formalis, & consequenter nec rationem beatitudinis totalis, aut partialis.

XXXVII. Sed occurrit difficultas sumpta ex testimoniis Augusti. suprà citat. num. 16. ubi cumque enim requirit amorem ad beatitudinem præcipuē, videtur loqui de amore concupiscentiæ, quo aliquis appetit se esse beatum, & amat possessionem illius boni, quo existimat se fore beatū: & sic dicit beatum esse, qui habet omnia, quæ vult, & frui esse præstō habere quod diligit, quod pertinet ad amorē proprii commodi, ex quo constat, ut dixit etiam Anselm. Propter quam difficultatem dixerunt aliqui amorem concupiscentiæ, quamvis directē per se non sit de essentiā, nec pars essentiæ beatitudinis, esse tamen simpliciter necessarium, ut & homo possit simpliciter beatus appellari, & ipsa visio, vel quilibet alius actus possit habere rationem beatificæ consecutionis, quia est veluti dispositio necessaria ex parte subiecti, ut sit capax actualis beatitudinis & conditio necessaria ex parte obiecti, ut possit obtineri per modum finis, & obiecti beatificantis. Quod explicatur exemplo falsæ beatitudinis: nam possessio diuitiarum, v. g. nō potest beatificare hominem etiam falsa, & apparenti beatitudine, nisi intelligamus talem hominem amare sibi diuitias ut vltimum finem suum: posito autem hoc amore, illa possessio intelligitur habere rationem beatitudinis respectu talis hominis, quia est terminus desideriorum eius, & satietas amoris illius. Vnde eademmet possessio sine amore non habet rationem consecutionis, & cū amore habet illam propter dispositionem subiecti, quæ redundat in conditionem obiecti, quod possidetur vel ut res quædam tantum, vel ut summum bonum, & finis vltimus: sic ergo proportionali ratione intelligi potest in vera beatitudine, nam visio v. g. non habet quod sit consecutio formaliter beatificæ, ex hoc præcise quod visio est: nam D. Thom. 1. 2. quest. 4. in ea distinguit has duas rationes, & similiter 1. p. quest. 12. art. 7. ad 1. & in 1. d. 1. quest. 1. ubi dicit consecutionem sequi ex visione: visio ergo ut visio tantum respicit obiectum ut intelligibile, ut consecutio verō respicit ut summum bonum, & finem vltimum. Item, ut visio solum respicit intellectum, ut consecutio verō respicit etiam voluntatem, quia satiatur affectum eius. Vnde dici solet voluntas,

consequi non tantum per se ipsam, sed etiam per intellectum, quia actus ab illa elicitus non sufficit ad satiandam illam sine actu intellectus: hæc autem omnia supponunt in voluntate affectum propriæ beatitudinis, & summi boni sui, qui est amor concupiscentiæ: ergo sine hoc non potest homo intelligi beatus, nec beatificē consequi, aut tenere aliquod bonum. Iuxta quem discursus sequitur vltterius, quod licet visio ut cognitio, seu scientia quædam ordine naturæ antecedit prædictum amorem, quia est aliquo modo causa eius: tamen in ratione consecutionis, & formæ actualiter beatificantis esse posteriorem secundum rationem, quia sub hac ratione antecedit amor in genere dispositionis ex parte subiecti necessarij, ut beatificari possit. Vnde tandē fit visionem nō constituere beatum solum veluti physicē inhærendo intellectui, sed simul veluti obiectivē, satiando amorem.

Hæc doctrina aliquādo probabilis mihi visa XXXIIX. est, nunc tamē non videtur necessaria, & verins iudico eum, qui haberet visionem, & amorem amicitie, etiam si nullum actum alium amoris concupiscentiæ habere intelligatur, esse simpliciter beatum essentialiter, quia reuera est coniunctus huic vltimo fini perfectō modo, quantum propter ipsum vltimatē coniungi necesse est, & in hoc consistit ratio beatitudinis: habet enim rationem termini, & finis vltimi. Deinde tam ad intentionem Augusti. quam ad reliqua omnia, ut ficit amor amicitie Dei; Augusti. enim non loquitur specialiter de amore concupiscentiæ, sed simpliciter de amore boni beatificantis, intelligit enim hunc amorem debere esse proportionatum tali bono; in falsa enim beatitudine, quia bonum est imperfectum, & per se non habet quod sit finis hominis, sed ex sola intentione ipsius hominis ordinantis potius tam bonum ad se, quam se ad ipsum bonum, ideo amor ibi concurrens est concupiscentiæ, & necesse est ut antecedit totā falsam illam felicitatem. At vero in solida, ac vera felicitate, de qua agimus, bonum beatificans est perfectissimū, & per se maximē amabile, & natura sua est vltimus finis hominis in quem debet homo & omnia sua, & se referre: & ideo amor per se necessarius in hac beatitudine non est nisi amor amicitie.

Deinde hoc amore amicitie amat homo perfecte suam beatitudinem obiectivam, & præterea saltem virtute amat suam beatitudinem formalem, quia hoc ipso quod amat Deum, amat amare Deum, quia ipsemet amor intrinsece est voluntarius, & consequenter aliquo modo volitus per reflexionem ibi virtute inclusam. Vnde etiam fit, ut virtute amet ipsam visionem vel quatenus intelligitur necessaria ad amorem conditio, vel quatenus est perfecta unio ad amicum, quam amor amicitie maximē cupit: ac denique fit, ut amando Deum ut vltimum finem, se ipsum virtute amet, non sibi sed Deo: ergo etiam si demus, amorem propriæ beatitudinis esse aliquo modo necessarium ad beatificam consecutionem, prædictus amor sufficit. Quod vero hic amor sit per proprium actum distinctum, & specialem, & præsertim quod sit ex motivo proprii commodi, potest quidem pertinere ad quandam perfectionis extensionem; non vero est cur sit simpliciter necessarius ad beatitudinem essentialē; nec satis intelligitur quomodo visio, & amor amicitie non habeant rationem consecutionis beatificæ absque amore concupiscentiæ, & quod eo posito illam habeat, cum tamen huiusmodi amor nec sit pars consecutionis, nec intrinsece illam constituat,



stituatur, nec componatur, ut ostensum est: nam id, quod dicitur de conditione necessaria ex parte obiecti, vel de dispositione ex parte subiecti, reuera non satisfacit, quia hoc totum nihil addit prioribus actibus, nisi denominationem extrinsecam, vel in obiecto, vel in actibus ipsis, quæ parum referre videntur ut tales actus habeant, vel non habeant rationem consecutionis. Quod probatur, quia obiectio nihil addit, nisi quod sit amatum tali amore concupiscentiæ, quæ in eo tantum est denominatio extrinseca, nihilque perfectionis ei additur, ut ea ratione possit vel non possit beatificare: nam visio ex parte sua non beatificat, quia per eam video Deum esse amatum a me, sed quia video ipsum in se talem esse, nam videre esse amatum idem serè est, quod videre meum actum ut terminatum ad ipsum: meus autem actus non est obiectum, nec pars obiecti beatificantis.

XL. Dices, non beatificare quidem visionem Dei amati, quia amatus esse cognoscitur, requirere tamen hanc conditionem, quo amatus sit: sicut etiam in suo genere beatificat amor Dei visi, non quia ipsa visio sit pars obiecti, sed quia est conditio necessaria. Respondetur tamen non esse simile: nam visio prærequiritur ex generali ratione amoris, seu appetitus elicitus, ut approximatio obiecti, vel causa necessaria ad amorē: at verò è contrario amor non est per se necessarius ad visionem, & ideo si non concurrat ut obiectum eius, vel ut constituens cum illa vnam integram consecutionem finis ultimi, non est, cur ex parte obiecti sit conditio necessaria, ut visio habeat rationem consecutionis, præsertim cum obiectum eius ex se sit finis ultimus, & summum bonum hominis. Atque eadem ratio fieri potest de amore amicitiae, quod non pendeat ab amore concupiscentiæ, nec requirat illum ut conditionem ex parte obiecti necessariam, ut in suo genere sit coniunctio cum ultimo fine sufficiens ad beatificandum: ac denique idem argumentum fieri potest de dispositione ex parte subiecti: cur enim necesse est quod sit actu amans ex intentione proprii commodi? nam licet non amet hoc modo, tamen reuera amat hoc maximum bonum, & illi perfecte coniungitur illud, quod possidet & ille alius amor imperfectus, & concupiscentiæ, referendus est in eundem ultimum finem dilectum amore amicitiae, ut perfecto modo habeatur, ergo per se non est simpliciter necessarius.

XLI. Vnde aliter addo, etiam visionem ipsam secundum se, ut antecedit omnem amorem, esse saltem partialem consecutionem Dei, ut est supremum obiectum intelligibile, & ultimum, in quod potest tendere intellectualis natura per supremam operationem suam: addito autem amore amicitiae perficitur essentialiter coniunctio cum ultimo fine, & visio solum recipit denominationem seu habitudinem ad voluntatem, quia satiat ostendendo illi in re amata omne bonum, quod illi amat, & ita ex utroque actu sufficienter resultat vna completa essentia formalis beatitudinis.

XLII. Ultimò dicendum est, delectationem, seu gaudium, prout est actus, seu res distincta ab amore amicitiae Dei secundum se, non esse de essentia beatitudinis, sed esse proprietatem per se ac necessariò consequentem ipsam. Hæc est sententia D. Thomæ 1. 2. q. 3. art. 4. & q. 4. art. 1. & 2. Scoti dist. 49. q. 7. Ut autem intelligatur, aduertendum est, dupliciter intelligi posse hoc gaudium charitatis: primò, quod sit tantum complacentia quædam de bonis, & perfectionibus, Suarez in primam secundam D. Thomæ.

quas Deus in se habet, ita ut totum obiectum huius gaudij sit Deus, & bonum increatum, quod in ipso est. Et hoc modo existimo gaudium non distinguere ab illo amore amicitiae, quo diligitur Deus propter se, quia, ut Aristoteles dixit, amare aliquem est velle alicui bonum: complacere autem de bono diuino nihil aliud est quam velle ut illud habeat & possideat: ergo non potest esse ille actus res distincta ab amore. De qua re dicturi sumus plura Disp. 9. sect. 3. quapropter hoc gaudium sub hac ratione consideratum ita pertinet ad essentiam beatitudinis, sicut ipse amor amicitiae: & hoc etiam probant & confirmant, quæ in secunda opinione adducta sunt.

Alio ergo modo potest intelligi in beatis, quod est gaudium seu delectatio consequens ad ipsas operationes videndi, & amandi Deum: sunt enim illæ natura sua iucundissimæ, quomodo dixit Aristot. 10. Ethicorum cap. 7. *Arbitramur voluptatem felicitati admixtam esse oportere: & de eadem voluptate dixerat ibi cap. 4. quod perficit operationem ut quidam finis resultans, sicut pulchritudo perficit iuuentutem.* De hac delectatione intelligitur conclusio posita, & ita facile patet eius ratio ex dictis: primo quidem, quia, ut Diuus Thomas 1. 2. quest. 3. dixit, huiusmodi voluptas supponit finem iam perfectè adeptum, & inde ipsa resultat & consequitur. Secundo quia, ut Aristoteles dixit 1. Ethic. cap. 6. & 7. finis perfectus est, qui tantum est propter se: talis autem finis est felicitas: hæc vero delectatio non tam est propter se, quam propter operationem, ut rectè docuit D. Thomas 1. 2. quest. 4. art. 2. & latius 3. contra Gentes, capite 26. Vnde delectatio ex operatione habet, quod sit honesta, & quod secundum rectam rationem amari possit: ergo non conuenit illi ratio ultimi finis formalis, quin potius nec videtur per se primò intenta à vidente & amante Deum, sed quasi resultans ex tali operatione: propter quod Scotus & alij censent, huiusmodi voluptatem non esse actionem, sed meram passionem voluptatis. Tertiò denique, quia huiusmodi gaudium non versatur immediatè circa solum Deum in se, sed circa operationem, per quam beatus coniungitur Deo, quia, ut dixi, non est tantum de bonis ipsius Dei in se: ergo est de coniunctione cum ipso Deo, quæ fit per operationem. Dices: Est de ipso Deo ut mihi vnito, & hoc satis est ut tali actu attingam Deum in se & immediatè; sicut in virtute spei talis modus attingendi Deum sufficit ut sit virtus Theologica. Respondetur, verum quidem esse attingere aliquo modo Deum, tamen hoc ipso, quod attingit illum ut adeptum, hoc ipso deficit à ratione consecutionis, tum quia supponit illam, tum etiam, quia non est vltimatè propter se, sed propter operationem, ut dixi. Vnde intelligitur hanc delectationem dici quietem seu satietatem animæ, quia est perfectio consequens perfectam consecutionem boni amati, vnde non est ipsa, quæ per se ipsam maxime satiat, sed bonum ipsum & consecutio eius, ex quo sequitur illa vitalis animæ quies, & ideo non est illa beatitudo, sed est perfectio concomitans beatitudinem: solet autem gaudium illud beatificum vocari beatitudo, vel è contrario, beatitudo ipsa vocari gaudium, quia est inseparabile gaudium illud à beatitudine, & sæpe res nominamus ab effectibus nobis notioribus.

Ex his, quæ pro aliis opinionibus adduximus, solum restant soluenda duo fundamenta Scoti, quæ possunt contra primam conclusionem à nobis positam procedere: reliqua enim omnia vel confirmant nostram sententiam, vel facile ex

XLIII.

XLIV.



dictis expediuntur. Ad primum ergo fundamentum positum n. 2. negamus simpliciter, actum charitatis in patria esse perfectiorem actu visionis, aut habitum charitatis lumine gloriæ. Ad primam verò instantiam seu probationem, quæ sumebatur ex quibusdam locis D. Tho. eius discipuli, frequētius illa explicant de statu viæ.

XLV. Ferrar. verò 3. *contra Gentes, capite 26. versus fin.* non quiescit in hac solutione, quia D. Thomas præsertim in illo loco ultimo i. p. agit de distinctione ordinum Seraphinorum, & Cherubino-  
rum, & dicit, supremum ordinem denominatum esse ab amore, quia respectu Dei amor est melior cognitione. Constat autem, illos ordines sumpsisse sua nomina ex beatificis perfectionibus: loquitur ergo D. Thomas de amore & cognitione, etiam in patria: aliis verò locis indistinctè loquitur, absolute affirmans, respectu Dei amorem esse meliorem. Quapropter ipse Ferrar. respondet, D. Thom. vniuersaliter esse intelligendum, etiam de statu patriæ: tamen non esse explicandum de excessu simpliciter, sed secundum quid, ita vt visio sit simpliciter perfectior, quia excedit in obiecto formali: amor verò secundum quid excedat, quatenus tendit in obiectum prout est in se, & non prout est in cognoscēte, seu amante, sicut tendit cognitio & scientia.

XLVI. Hæc Ferrariensis ratio habet alias difficultates: primum ex ea sequitur etiam in via charitatem non superare simpliciter fidem, sed tantum secundum quid, quod non est verum, vt infra dicam. Secundò non satisfacit difficultati, quam ibi tractat D. Thom. cur enim supremus ordo Angelorum denominabitur ab amore, quia secundum quid excedit, & non potius à scientia, si est simpliciter perfectior. Quam obiectionem conatur soluere ipse Ferrar. sed reuera non satisfacit. Tertiò, quod ad rem magis spectat, non apparet sufficiens ratio, propter quam amor in patria excedat visionem in attingēdo Deum prout in se est, quia hoc etiam habet visio: nam *videbimus eum sicuti est*: nec refert, quod res cognita attingatur prout est in intellectu, quia Deus ipse, prout in se est, ita erit in intellectu beati.

Quod si dicas, essentiam Dei vniri intellectui secundum capacitatem eius, non secundum totum modum suum. Respondetur in hoc non esse considerandam vnionem essentia per modum speciei intelligibilis, in qua maximam vim suæ solutionis Ferrar. constituit: illa enim vnio, si qua est, solum est per modum actus primi, & ided antecedit potius, quam constituat beatitudinem, & præterea non est vnio formalis & propria, sed solum ad efficiendum, quomodo etiam Deus vt cognitus seu cognitio ipsa potest comparari ad voluntatem aliquo modo vt actus primus, quia mouet & determinat ad operandum. Denique, quia si visio illa fieret per speciem creatam, non minus beatificaret, nec esset minus perfecta: igitur ad rem præsentem solum spectat vnio obiectiua: & hoc modo sicut amor tendit in totum Deum prout in se est: & è cōtrario sicut visio ex parte vidētis non attingit Deum perfectè, nec totaliter, quia attingit per verbum creatum & finitum, ita nec amor ex parte amātis attingit perfectè & totaliter, quia attingit per imperium creatum & finitum.

XLVII. Quapropter necessariò limitanda est illa doctrina D. Thomæ ad statum viæ: ad obiectionem verò illam in num. 45 de ordinibus Angelorum primò dici potest probabile esse illum ordinem fuisse distinctum secundum perfectiones viæ, nam in patria siue amor excedat, siue visio, ta-

men illæ duæ perfectiones semper comitanter se habent, ita vt qui perfectius amat, perfectius videat, & è contra: & ideo non videntur posse distingui ordines ex illis perfectionibus prout in patria sunt: at verò in via non ita se habent, nam Lucifer excessit in cognitione, non verò in amore. Huius etiam signum est, quod illa distinctio ordinum suo modo reperta fuit in dæmonibus. Aut etiam dici potest, illa nomina imposita fuisse ab hominibus, vel propter ordines, & ideo perfectiorem ordinem nominasse ab ea perfectione, quæ in ipsis viatoribus est maxima: vel tandem illa nomina sumpta sunt potius ex effectibus, ita vt supremus ordo intelligatur habere vim inflammandi & accendendi charitate: alius verò illuminandi: ille autem prior effectus in hominibus est perfectior. Ex hisque patet responsio ad tertiam probationem.

Secunda probatio prædicti fundamenti Scoti in eodem numer. 2. sumebatur iuxta dictum Anselmi, ex ratione appetibilis propter se, & propter aliud. Thomistæ igitur contendunt, amorem patriæ ordinari ad visionem, & propter illam amari. Ita Caietan. 1. p. *quest. 26. art. 2.* indicat Ferrar. *supra, Soto dist. 49. q. 1. art. 3.* & idem Durand. *q. 4.* Sed mihi non placet hæc sententia, & dicti Autores videntur mihi in æquiuoco laborare: primò, quia non satis distinguunt inter amorem concupiscentiæ & amicitia, nam licet, quod asserunt, possit verificari de amore concupiscentiæ non tamen amicitia, loquendo de primaria ratione amandi, & tali amore præsertim in patria: amor enim vig. quatenus est liber, & meritorius, ordinari potest rectè ad visionem patriæ consequendam, quod præcipue intendit Anselmus loco citato, dum ait, Deum creasse hominem vt ipsum amaret, & amando ad ipsius fruitionem perueniret: at verò amor amicitia Dei secundum se, & maximè in statu suo perfectò, qualis est beatificus, non est primò amabilis propter visionem, sed propter se ipsum, & propter excellentiam & bonitatem sui obiecti, quod ex terminis videtur per se notum ex ipsa ratione amoris amicitia. Et præterea declaratur in hunc modum: quia, si amor ordinatur ad visionem, vel hoc est quatenus visio perficit hominem, & cedit in eius commodum: & hoc non: quia hoc non spectat ad amorem amicitia, sed concupiscentia: vel quatenus ipsamet visio ordinari potest ad laudem & gloriam ipsiusmet Dei, qui propter se amatur: sed quamvis demushoc modo posse amorem ordinari ad visionem, tamen negari non potest quin hoc sit quasi extrinsecum illi, & quin ipse amor per se, & immediate ordinetur ad Deum, & pertineat etiam ad illius gloriam, & sit illi debitus propter seipsum, etiam si per impossibile non posset cum visione coniungi: imò vltteriùs fieri etiam potest vt ipsa visio ordinetur ad amorem, & propter ipsius perfectionem ametur, quatenus talis perfectio sine visione haberi non potest: & hoc est, quod intendit Scotus, qui tamen sine causa in aliud extremum inclinavit, sentiens visionem omninò ordinari ad amorem.

Palud. verò quandam distinctionem indicat loc. cit. nam potest, inquit, spectari visio vt mera speculatio est, & hoc modo, inquit, est propter se & non propter amorem. Quod etiam significauit D. Thom. 1. 2. *q. 3. a. 5.* vel potest considerari vt est actus practicus, & hoc modo ait esse propter amorē, & in illo non consistere formalem beatitudinem vllam, sed solum antecederet requiri ad eam partem beatitudinis, qua consistit in amore quanq̃ Pal. sub dubio relinquit, an hic actus practicus

XLIX.

XLIX.



cticus sit res distincta à visione, vel ipsamet visio sub diuersa ratione; de qua re diximus lib. 2. de attributis ca. 18. à num. 10. tractantes de actu visionis. Nunc, quidquid de hoc sit, in presenti difficultate dicendum est, tam visionem, quam amorem esse propter se, & propter excellentiam sui obiecti, & ideo utratque participare rationem consecutionis, seu beatitudinis formalis, quia re vera uterque actus habet rationem ultimi in ordine suo, quamuis sese possint mutuo iuuare, & ut sic possint aliquo modo alter ad alterum ad inuicem ordinari.

L. Dices, esto hoc verum sit quod uterque actus sit propter se, tamen simpliciter videtur magis intentus amor, quam visio. Quod patet ex intentione primi agentis, qui est Deus, nam principaliter videtur creasse hominem ut ipsum amaret, quam ut cognosceret, quia omnia principaliter creauit Deus propter se ipsum: ad ipsum autem Deum magis refertur amor, quam visio, nam amor & se ipsum, & visionem, & omnia alia refert in Deum, visio autem non ita: ergo ex intentione primi agentis homo est precipue propter amorem: ergo etiam ipse homo magis debet intendere amorem, quam omnia alia, quia tunc intentio eius erit maxime perfecta cum fuerit conformior intentioni creatoris. Ac denique hæc videtur esse propria, & intrinseca natura talium actuum, quia verisimile est ita esse institutum à Deo, sicut natura apti sunt ordinari.

L.I. Respondetur ex Anselmo. supra Deum primario creasse hominem ut ipsemet Deo frueretur, id est, ut illum consequeretur, ac possideret, quod tam fit per visionem, quam per amorem, quod autem ex illis duobus magis Deus intenderit, non explicat Anselmus. & vix potest fieri talis comparatio, quia illi duo actus, ut beatifici sunt, sunt necessario coniuncti, & complent vnam essentiam beatitudinis, & quilibet sine altero esset aliquo modo imperfectus, quia ex visione habet amor necessitatem, & immutabilitatem suam, propterea per visionem quodammodo satiatur. Rursus ex amore fit quodam modo amabilior ipsa visio, quatenus coniunctio, & familiaritas cum amico ex amicitia nascitur: si tamen aliqua comparatio tandem facienda est, dicendum est magis creasse Deum hominem ut se videret, non solum quia ipsa est altior operatio, sed etiam quia est quodammodo fons aliarum perfectionum, & quia etiam per se cadit in magnam Dei gloriam, ut insequentem argumento explicabo.

L.II. Quarta probatio eiusdem fundamenti in eod. Ad 4. proba num. 2. petit aliam comparationem, quæ sit amabilior operatio, amor, an visio? In qua re, omittendum n. 2. si aliorum sententiis, supponendum est, comparationem esse præcisè faciendam non quatenus vnus actus supponit alium, vel includit: sic enim amor beatificus, ut sic, supponit visionem, non vero è contrario: & hoc modo potest amor dici amabilior visione. Quomodo loquitur Dur. in eodem n. 2. sed est friuola comparatio, quia solum est dicere, optabilius est habere duos actus, quam vnum, quanquam in hoc genere sit etiam quædam æqualitas: nam si amor supponit visionem, visio necessario secum affert amorem. Præcisè igitur hæc duo conferendo, possunt comparari vel ad amorem concupiscentiæ, vel amicitiae; & quidem sub priori ratione videntur se habere sicut excedens, & excessum, visio enim superat, quatenus est maior perfectio in genere entis, unde cum appetitus concupiscentiæ sit ad propriam perfectionem, videtur maior esse ad maiorem perfectionem. Aliunde vero amor superat, quia est magis coniunctus voluntati, & amabile quidem

Suarez in primam secundæ D. Thom.

bonum, vnicuique autem proprium, ut dixit Aristoteles. Propter quam rationem licet charitas inclinetur ad amorem Dei, tamen charitas mea magis inclinatur ut ego amem, quam ut amet alius, etiam si alius perfectius sit amaturus. Nihilominus dicendum est, hoc amore simpliciter magis amari visionem, quia voluntas non est tantum appetitus particularis propriæ perfectionis sibi in homine inherens, sed est appetitus vniuersalis totius boni hominis, & ideo magis amat maius bonum ipsius hominis, etiam si sit minus intrinsecum ipsi voluntati.

Secundo possunt comparari hi duo actus ad amorem amicitiae, & hoc modo fere omnes Thomistæ facile dant amorem esse amabiliorem visionem, & appetitiue esse præferendum illi, ita ut si solum alter ex his actibus esset homini dandus, & daretur ei optio ut vel visionem, vel amorem eligeret, debeat potius ex vi amoris amicitiae eligere amorem, quam visionem, quia veluti primum fundamentum amicitiae est amor. Unde est id, quod in ordine amicitiae maxime amatur, & propter quod amantur reliqua: nam si visio ipsa amabilis est, ex amicitia hoc habet, quatenus est coniunctio, vel præsentia, aut familiaritatis amici, ergo hoc ipsum habet ex vi amoris.

Et confirmatur, quia amor omnia refert in amicum Deum, quia eum constituit ut finem omnium actionum hominis, & facit illum præferre cæteris rebus omnibus: ergo ex amore amicitiae videtur hic amor præferendus visioni: nec hoc repugnat rationi beatitudinis, nec etiam inde sequitur hunc amorem esse precipuam perfectionem beatitudinis, quia quod amor sub hac ratione præferatur visioni, non est quia sit maior perfectio intrinseca beatitudinis, sed quia magis pertinet ad bonum diuinum, quod licet sit extrinsecum ipsi beato, tamen præferendum est bonis propriis, & intrinsecis ipsius beati, quia debet diligere Deum plusquam se ipsum, non est autem de ratione beatitudinis formalis ut præferatur omni bono extrinseco, seu quatenus cedit in gloriæ, vel honorem alterius, sed quod præferatur omni bono intrinseco, quatenus est perfectio ipsius beati: nam hoc est quod dixit Anselmus. beatitudinem constare ex commodis: quæ doctrina, loquendo generaliter, non potest improbari, quia si per impossibile id, quod est minus commodum mihi in esse, seu perfectione meæ naturæ, esset magis placitum Deo, illud esset ex amore charitatis præferendum maiori commodo meo: unde si Deo beneplacitum esset, ut ego carerem visione eius, hoc deberem plus amare, quam ipsam visionem propter eandem causam.

Nihilominus tamen ablata omni extrinseca suppositione de voluntate Dei, seu positio præcepto, & præcisè comparando actum visionis, & amoris, non video cur ex natura rei actus amoris sit præferendus visioni in ordine ad amorem amicitiae diuinæ, nec videtur id satis consentaneum his, quæ diximus in solutione ad 2. nam si amor est præferendus ex amore amicitiae; ergo ille est magis intentus à Deo, quam visio, quia Deus omnia propter se ipsum operatus est, ut consequenter magis intendit id, quod magis ad ipsum, seu ad eius gloriam pertinet; magis autem pertinet ad Deum id, quod ex amicitia ipsius magis est diligendum. Unde si hoc verum est comparando visionem ad amorem, fit vnus actus ad alium sit referendus, potius est ordinanda visio ad amorem, quam è contrario. Thomistæ igitur, qui vnum admittunt, & alteram negant, non omnino

L.III. Quid in altera comparatione dicant quidam.

L.IV. Confirmatur suum placitum.

L.V.



omnino consequenter loquuntur. Tandem ex amore amicitiae diuinæ amamus Deo bonum propter se: illud ergo in hoc genere præferendum est, quod est maius bonum diuinum; at vero nec amor meus, nec visio mea est bonum intrinsecum Deo, vtrumque autem est quodammodo bonum extrinsecum, nam visio est veluti quædam clara notitia excellentiæ diuinæ, vnde pertinet quasi ad extrinsecam gloriam, & bonam famam, ex qua nascitur laus, & honor ipsius Dei, & præterea est visio regula amoris, & illum dirigit, & excitat.

LVI.  
Auctoris  
responsio.

Consule au-  
thorem lib.  
6. de gratia.  
cap. 13. n. 8.

Videtur ergo satis probabiliter dici quod sicut voluntas, & intellectus ita comparantur, vt voluntas excedat in aliquibus proprietatibus, scilicet in ratione mouentis quoad vsum, & quoad libertatem, & nihilominus intellectus est simpliciter perfectior: ita etiam visio, & amor se habent respectu Dei, nam amor excedit ratione mouentis, & ordinantis omnia in Deum vt in finem: nihilominus visio simpliciter superat in ratione manifestantis diuinam excellentiam, & causantis ac dirigentis ipsum amorem. Addo tamen hoc potissimum intelligi de ipso actuali amore, nam ille solus comparatur cum actuali visione: quod ideo aduerto, quia si sit sermo de radicali amicitia, vt sic dicam, inter Deum, & hominem, quæ includit diuinam gratiam, & beneuolentiam Dei erga homines, hæc absolute præferenda est actuali visioni, quia simpliciter est maius bonum hominis, & finis ac radix ipsius visionis, quamuis, quia non intelligitur esse per modum actus secundi, sed per modum actus primi, non censetur pertinere ad formalem beatitudinem, sed esse fundamentum eius.

LVII.

Atque ex his constat quid dicendum sit de contrariis, ex quorum comparatione lumbatur confirmatio prima illius quartæ probationis: duo enim opposita hic possumus intelligere, vnum est per modum priuationis, scilicet carentia actualis amoris, & visionis, & de hoc nulla est difficultas suppositis quæ diximus, nam præcise comparando, illa priuatio magis fugienda est, cuius positium oppositum magis diligendum, nam in idem recidunt. Vnde si visio magis est diligenda, magis etiam fugienda priuatio visionis. Alterum est positue oppositum, seu contrarie, vt sunt odium Dei, & falsa existimatio, seu error circa Deum, quomodo videtur detestabilis odium, quia est maius peccatum, quam hæresis, & tunc vrget argumentum, quia illud est melius, cuius oppositum est peius.

LVIII.

Ad quod dici potest primo odium esse maius malum in genere moris, non vero in entitate naturali, & ideo non sequi visionem esse minus perfectam in suo esse. Dices, saltem sequitur esse minus perfectam in genere moris. Respondetur in eo genere *proprie, & formaliter*, non esse comparabiles visionem, & amorem beatificum, quia illi non sunt actus morales cum sint ab intrinseco necessarii, & actus in genere moris constituatur per libertatem. Dico autem *proprie, & formaliter*, quia radicaliter comparabiles sunt quatenus vel esse possunt principia, & radices totius bonitatis, & rectitudinis moralis, & hoc modo etiam habent quandam æqualitatem, in quantum tam ex vi amoris beatifici, quam visionis sit homo impeccabilis, & quodammodo excedit visio in quantum est prima radix illius beatitudinis: possunt etiam compa-

rari obiectiue, primo quatenus possunt esse obiecta amoris, seu desiderii boni moraliter, & vt sic etiam excedit visio, vt dictum est. Vnde si res attente consideretur, vterque istorum actuum talis est, vt nullum admittat positium contrarium, & ideo odium proprie opponitur amorilibero, seu viæ, & error similiter cognitioni, quæ haberi potest in via, & ideo non est mirum quod odium in genere moris sit detestabilius. Secundo dici potest, non esse veram illam regulam, illud scilicet esse perfectius, cuius contrarium est minus perfectum, vel è conuerso: nam licet albedo, v. g. sit perfectior qualitas, quam calor, non inde sit nigredinem esse perfectiorem frigiditate: nec è contrario ex eo quod frigiditas sit imperfectior frigedine, non sequitur calorem esse perfectiorem albedine, quia fieri potest vt tota latitudo duorum contrariorum sit in alio ordine, & genere, ad quod non attingant alia duo inter se contraria, igitur illa consequentia non est formalis.

In secunda confirmatione illius quartæ probationis Scoti in *fine numer. 2.* quæritur comparatio inter intellectum, & voluntatem, quæ hoc loco tractanda non est: & ad ea, quæ ibi adducuntur vno verbo dicendum est, solum probare voluntatem secundum quid, & in aliquibus proprietatibus excedere intellectum: specialis autem difficultas, quæ in illo argumento tangitur, scilicet an omnis actus intellectus sit perfectior quocunque actu voluntatis, tractabitur melius *sect. sequenti.*

Ad alterum fundamentum, seu caput argumentorum Scoti in *numer. 3.* quibus probatur amorem habere rationem consecutionis, vno verbo respondere possumus, concedendo totum id, quod probat, quia, vt diximus, etiam amor pertinet ad essentialem coniunctionem cum vltimo fine, quæ dici potest consecutio saltem partialis, si tamen ille contendat vt præferatur dilectio visioni. Respondendum est breuiter ad primum, per visionem, & amorem vniri animam obiecto, aut summo bono suo, & ideo vtrumque actum pertinere ad beatitudinem.

Quod si vrgeas, quia amor magis vnit, quam cognitio, vt D. Thom. etiam affirmat 1. 2. *quest. 28. artic. 1. ad 3.* Respondent Thomistæ, amorem magis vnire affectiue, visionem autem magis vnire realiter, quia requirit intimam vnionem essentiae diuinæ cum intellectu per modum speciei: sed iam sæpe dixi hanc vnionem per modum speciei non multum referre ad rationem beatitudinis explicandam, tum quia ibi non est alia vnio præter efficientiam: tum etiam, quia totum illud, quidquid est, antecedit solum per modum actus primi. Vnde aliter idem D. Thom. in 4. *dist. 49. quest. 1. artic. quest. 2. ad 1.* dicit, amorem perfectius vnire, quia perficit vnionem, quæ facta est per intellectum: quibus verbis significat præcise comparando non esse perfectiorem vnionem affectus, sed quatenus supponit, seu concludit aliam: ne tamen sit tantum de nomine disputatio, & ne hæreamus in locutionibus metaphoricis, aduertendum est, aliud esse loqui de propria vnione formali: aliud vero de vnione quali effectiua, seu causali. Priori modo nec amor, nec cognitio vnit physice & realiter operantem obiecto, sed tantum obiectiue: & hoc modo dicitur amor vnire solum, quia est propensio in bonum amatum, cognitio vero dicitur vnire, quia facit præsentem rem cognitam, non quidem præsentia locali, seu reali indistincta, sed vitali,

LIX.

LX.

LXI.



vitali, & actuali præsentia, quæ in hoc consistit, quod per cognitionem formatur res in mente, sicut est in se, quod non fit per amorem, & vtraque istarum vnionum habet aliquid proprium, in quo excedit aliam; simpliciter autem nobilior est ea, quæ fit per intellectum propter rationes supra dictas: at vero loquendo de vnione causali, seu effectiua, amor excedit, quia refert amantem in amatum, & facit vt omnes cogitationes eius sint in illo, aut propter illum; tamen hic excessus est tantum secundum quid, sicut voluntas excedit intellectum in ratione mouens ad vsum.

LXII. Ad primam confirmationem, quod voluntatis est intendere in bonum vt bonum, & finem vt finem; respondetur, hoc esse verum considerando rationem, sub qua tendit; loquendo autem de ratione, in quam tendit potentia, etiam intellectus apprehendit, seu videt summum bonum, quatenus est summum bonum & in se, & respectu hominis; non est autem necesse vt consecutio boni fiat sub eadem ratione, sub qua appetitur quantum ad modum attingendi, sed solum necesse est vt illud bonum apprehendat, & teneat eo modo, quo desideratum est; & ideo sæpe ac frequentius contingit vt bonum per aliam potentiam comparetur, & obtineatur, & per aliam appetatur, vt ex dictis facile ostendi potest.

LXIII. Ad secundam Confirmationem respondetur primò, non oportere vt præmium detur in eadem potentia, in qua est meritum, pugnat enim miles manibus, & coronatur in capite, quia qui meretur, vel præmiatur non est potentia, sed homo, qui potest vti diuersis instrumentis ad efficiendum meritum, & suscipiendum præmium, vt dixit D. Thom. quodl. 8. articul. 19. Addo vero etiam in voluntate recipi aliquo modo essentialè præmium, & gaudium, nec delectatio est omnino extra illud, cum sit proprietas per se coniuncta illi, tum etiam, quia ipsa visio aliquo modo satiat ipsam voluntatem, dum complet desiderium eius.

## SECTIO II.

*In quo actu consistat beatitudo essentialis imperfecta, quæ in hac vita haberi potest.*

PRiუსquam sigillatim, ac exactè disputemus de singulis actibus, ac perfectionibus supernaturalis beatitudinis, quam expectamus in vita futura, oportet in hoc dubio breuiter expedire omnia, quæ de imperfecta beatitudine supernaturali huius vitæ ad hunc locum pertinere possunt: nam, cum hæc beatitudo, vt dicemus, solum consistat in actibus Theologicarum virtutum, & solum requirat eam perfectionem, quæ ad sanctitatem, & actualem iustitiam huius vitæ necessaria est, non oportet circa eam amplius immorari, sed solum breuiter explicare in quo consistat.

I. In qua re duo sunt vitanda extrema. Primum fuit quorundam hæreticorum, qui dixerunt, beatitudinem huius vitæ etiam consistere in clara visione, imò in comprehensione Dei; contra quem errorem egimus libro 2. de attributis capit. 8. vbi ostendimus secundum legem ordinariam, esse impossibile hominem consequi in hac vita visionem illam.

Suarez in primam secundæ D. Thom.

Aliud extremum esse potest negando omnino dari aliquam beatitudinem in hac vita, etiam imperfectam, quia in hac vita nihil est stabile, aut permanens; beatitudo autem esse debet bonum durabile; sed hoc licet ad modum loquendi spectet, probandum non est, quia in hac vita potest esse coniunctio animæ cum Deo perfectè pro ratione huius status, & potest habere rationem vltimi desiderabilis in hac vita: ergo sub ea ratione habere potest rationem aliquam beatitudinis licet imperfectam. Et ita loquitur D. Thom. 1. 2. *questione tertia, articulo quinto, & questione quinta, articulo tertio.* & passim in hac materia, & Augustin. 11. de Ciuitat. capite duodecimo, & sæpe alias, & Philosophi in statu naturæ ita senserunt, vt patet ex Aristotel. 1. & 10. *Ethic.* non est autem minus sufficiens status gratiæ in suo ordine. Denique modus etiam loquendi sacræ Scripturæ fauet, nam iustos prædicat beatos etiam in hac vita; & Paul. 1. ad Timoth. 4. dicit quod *pietas promissionem habet vitæ, quæ nunc est, pariter & futura.*

Hinc vero dixerunt aliqui hanc beatitudinem non consistere in actu aliquo, imò nec, per se loquendo, in habitu, aut in perfusione aliqua intrinseca, sed in iure, quod interdum habet homo in hac vita ad obtinendum beatitudinem vitæ futuræ, siue hoc ius fundetur in gratia, vt nunc fundatur, siue in acceptatione extrinseca Dei, vt contingere possit. Et ratio reddi potest, quia homo non beatur in hac vita tanquam possidens beatitudinem; ergo tanquam tendens in illam, quæ beatificatur solum quasi per relationem quandam, seu approximationem ad beatitudinem; sed in hac vita non appropinquat ad illam, nisi per actus obtinendi illam, ergo per hos maxime in hac vita beatificatur. Hæc vero sententia recedit à communi modo loquendi omnium sapientum in hac materia: primum enim quis constituit beatitudinem in sola denominatione extrinseca, quæ prouenit ab extrinseca promissione, vel acceptatione Dei, illa enim vt sic non supponit in homine intrinsecam perfectionem; beatitudo autem formalis, de qua disputamus, esse debet formalis hominis perfectio, qua aliquo modo attingat, & consequatur suum finem: alioqui eadem facilitate posset aliquis dicere prædestinatum esse beatum hoc solum, quod prædestinatus est, etiam si nullam perfectionem gratiæ habeat. Itaque omnium communi consensu beatitudo est aliquid in potestate nostra existens; extrinseca autem promissio, vel acceptatio non est in potestate nostra. Denique beatitudo habet rationem vltimi finis, acceptatio autem extrinseca non est vltimus finis noster. Quod si loquamur de intrinseca perfectione gratiæ habitualis, quæ est semen gloriæ, poterit illa vocari beatitudo in semine, seu in radice: quomodo aliqui intelligunt illud Pauli Rom. 6. *Gratia vitæ Dei æternæ:* & eodem modo D. Thom. in quarto distinctione quadragesima nona, *questione prima, articulo secundo, questione secunda ad quinta.* dicit, iustum, qui non operatur, esse beatum in habitu, non in actu: tamen simpliciter illa non potest vocari beatitudo, prout Philosophi, aut Theologi de beatitudine loquuntur, quia non est actus vltimus, atque adeo nec consequutio vltimi finis, nec constituit hominem in statu, in quo aliquo modo fruatur: & ideo nec infans baptizatus, nec homo dormiens potest, tunc dici beatus, etiam eo modo, quo in hac vita beatificari potest, & qui aliter loquuntur, totam disputationem

II.



tionem reuocant ad modum loquendi, & præter omnium consuetudinem loquuntur.

## III.

Dicendum ergo est beatitudinem huius vitæ consistere in actibus intellectus, & voluntatis, quibus æterna felicitas vitæ futuræ maxime participatur. Ita docet D. Thom. 1. 2. *question. 3. articulo 5. & 6. & in 4. distinction. 4. question. 1. articulo 1. question. 4. & 2. 2. question. 120. articulo 4.* vbi propter hanc causam constituit beatitudinem huius vitæ, quam inchoatam vocat, in contemplatione, quæ in hac vita potest haberi de Deo: quod etiam docet *question. 182. articulo 1. & question. 186. articulo 3. ad 4. & 1. 2. question. 69. articulo 2.* Et idem sentit D. Augustin. *libr. de Quantitate animæ cap. 37. & fere toto libr. 19. question. 6. de Ciuitat. & Gregor. 6. moral. capit. 17. & 18. & Bernard. super Cantica à Sermon. 67. vsque ad 72.* Et ratio clara est, primo, quia felicitas vitæ futuræ est perfectissima; ergo, cum in hac vita non possit obtineri, illa, quæ fuerit in hac vita maxima participatio illius beatitudinis, erit & maxima felicitas huius vitæ. Deinde commune est utrique statui, vt felicitas eius consistat in Deo, & sine supernaturali, agimus enim de felicitate supernaturali: ergo formaliter consistit in actibus supernaturalibus, quibus attingitur ille finis perfectius in utroque statu: ergo in actibus cognitionis, & amoris, sed hi actus in hac vita eo sunt perfectiores, quo propensiores, & similiores sunt actibus vitæ futuræ: ergo in his consistit beatitudo huius vitæ: nec in hac conclusione potest esse controuersia.

*Primum dubium circa datam resolutionem.*

IV.  
*Quorundam placitum in hoc dubio.*

Vt vero amplius explicetur, nonnulla dubia explicanda sunt: primo enim inquiri potest, quis sit actus intellectus, & cuius intellectualis virtutis ille, qui principaliter requiritur ad beatitudinem huius vitæ. Aliqui censent non esse actum fidei, sed actum doni sapientiæ, quod est speciale donum Spiritus sancti proprium iustorum: hic enim actus videtur excellentior actu fidei, quia non est obscurus, sed clarus, quandoquidem in Christo, & beatis esse potest. Item actus, qui beatificat, esse debet proprius iustorum; huiusmodi autem est hic actus sapientiæ, non vero actus fidei. Denique contemplatio beatifica debet esse iucundissima; huiusmodi autem est hæc, & ideo dicitur Sapient. 1. *sapida scientia*; de qua intelligi possunt laudes omnes, quæ in scriptura de sapientia dicuntur.

V.  
*Verior sententia.*

Nihilominus dicendum est, huiusmodi actum esse actum fidei, non quemlibet, sed illum, quo anima Deum ipsum secundum diuinitatem eius contemplatur, & quoad fieri potest in hac vita simplici quodam intuitu intuetur, seu consideratur. Ita colligitur ex D. Thom. *locis citatis*, & ex Augustin. 1. *de Trinitat. capit. 8.* vbi inquit beatitudinem perfectam consistere in contemplatione perfecta, quæ est per visionem, quam in hac vita participamus, iuxta id, quod Paul. ait 1. ad Corinth. 13. *Videmus nunc per speculum in enigmate*: vbi certum est Paulum loqui de fide. Et ratio est, quia fides simpliciter est perfectior dono sapientiæ, vt plane sentit D. Thom. 1. 2. *question. 68. articulo 2.* nam dona dantur vt aliquo modo adiuuent fidem, eamque perficiant, loquimur enim de donis intellectus speculatiui, quæ non attingunt tam immediate Deum in se,

sicut fides: vnde si aliquam habent claritatem, & euidenciam, non est de ipsis veritatibus fidei, nec de Deo ipso in se, sed de credibilitate veritatum fidei, quam Spiritus sanctus speciali modo confert in dono sapientiæ per altissimas causas, & per quandam connaturalitatem ad affectum charitatis, velati tractatur dicto loco, aut in materia de Gratia, vel Charitate; perfectius autem est veritates diuinas, & Deum ipsum immediate cognoscere, & certitudinem in his habere, quamuis obscuram, quam de sola credibilitate habere claritatem: & non potest esse dubium quin hoc etiam magis spectet ad rationem beatitudinis, quæ debet consistere immediate in Deo ipso: donum ergo sapientiæ, & idem dici potest de dono intellectus, requiri potest vt contemplatio fidei sit in eo statu perfecta, quem beatitudo requirit, etiam in hac vita, non tamen est id, quod est præcipuum, & essentialiale.

*Secundum dubium.*

Secundo inquiri potest, quis actus sit principalior, magisque de essentia huius beatitudinis cognitio, vel amor, non enim desunt moderni qui dicant vel omnino, vel saltem principalius consistere in intellectu consideratione, dummodo vel per charitatem applicetur, vel charitatem pariat; & quidem D. Thom. 1. 2. *question. 3. articulo 5.* etiam de beatitudine imperfecta huius vitæ dicit principalius consistere in contemplatione, secundario vero in actu practico: & idem dicit in 4. & in locis citatis 2. 2. dicit essentiam vitæ contemplatiuam esse in actu intellectus: requirere vero amorem vt antecedentem, vel consequentem, & ad idem potest referri Augustin. 1. *de Trinitate capite octauo.* Et fundari hoc potest, quia beatitudo huius vitæ consistit in participatione futuræ: ergo maxime consistit in maiori participatione illius actus, qui principalior est in illa beatitudine: sed ille est actus intellectus: ergo in illo consistit principaliter. Minor probatur, quia in patria principalior pars beatitudinis est visio, & illi similior est cognitio, seu fides: & ideo D. Thom. 1. 2. *question. quarto, articulo tertio.* & omnes aiunt fidei respondere visionem. Secundo est ratio vulgaris, quia beatitudo est possessio, & apprehensio finis: ergo beatitudo huius vitæ esse debet inchoata apprehensio: sed intellectus est potentia apprehensiuæ: ergo etiam in hac vita per illum maxime apprehendemus finem vltimum. Tercio, quia licet fides in esse moris, siue in ordine ad meritum, sit minus perfecta, quam charitas, quomodo intelligitur Paul. 1. ad Corinth. 13. tamen simpliciter in esse entis est perfectior, sicut D. Thom. 1. 2. *question. 66. articulo tertio.* loquitur de virtutibus intellectualibus ad morales comparatis, ita enim comparatur fides ad charitatem, est enim illa virtus intellectualis, hæc appetitiua: est ergo illa sub genere absolute perfectiori, & à potentia nobiliori, & sub ratione altiori formalis obiecti: ergo in genere entis est simpliciter perfectior: ergo in illius actu principaliter consistit beatitudo huius vitæ: nam beatitudo non respicit rationem meriti, quin potius habet rationem termini, & vltimæ perfectionis.

Secunda sententia extreme contraria esse potest, hanc beatitudinem essentialiter consistere in solo amore, fidem vero requiri solum propter amorem, vt necessariam conditionem ex parte obiecti.

*Vide auctorem libr. 2. de gratia cap. 18.*

**VI.**  
*1. Sententia in hoc dubio.*

**VII.**  
*2. Sententia.*



obiecti. Ita sentit Canolibr. 9. de locis, cap. 7. ubi præcipue videtur loqui de beatitudine naturali: tamen quæ adducit generalia sunt. Et fundamentum esse potest, quia amor est ultimus finis harum actionum huius vite, est enim *vinculum perfectionis*, & omnium præceptorum finis, & consiliorum, omnia enim ordinantur ad perfectionem charitatis: & hic etiam verum est quod supra ex Anselmo afferebamus: affirmatur autem clarius ab Hugone de Sancto Victor. in capite 7. de celesti Hierarch. *rectum ordinem esse intelligere vt ames*, tota enim contemplatio velfrigida est, & inutilis, vel ad amorem perficiendum ordinanda est: ergo solus amor est tota essentia ultimi finis formalis huius vite. Et confirmatur, nam solus ille discernit inter filios Dei, & filios perditionis, solus ille est forma virtutum omnium, solus denique est substantia Christianæ iustitiæ: ergo solus etiam discernit inter hominem miserum, & beatum in hac vita.

VIII. Inter has sententias media via tenenda est, non est enim negandum quin supernaturalis cognitio perfecta, qualis in hac vita haberi potest, sit propter se necessaria, atque adeo de essentia beatitudinis huius vite, quia hæc beatitudo consistit in diuina contemplatione, vt omnes Patres suprâ citati docent: contemplatio autem essentialiter includit cognitionem. Item, quia licet cognitio fidei ad amorem deseruiat, tamen etiam per se est magna perfectio humanæ naturæ, quam speciali modo coniungit suo fini ultimo, quo non vnit amor: & ex parte etiam ipsius Dei pertinet ad specialem gratiam, & honorem eius, vt per fidem cognoscatur, & manifestetur: ergo est in hoc actu propria, & intrinseca ratio, propter quam per se, & essentialiter necessarius est ad hanc beatitudinem. Item hoc saltem probant fundamenta primæ sententiæ, præsertim duo priora: alia vero, quæ pro secunda afferebamus, non obstant, quia, vt supra dixi, actus, in quibus beatitudo consistit: licet in suo genere vnusquisque sit ultimus, & optimus, tamen se possunt mutuo iuare, & inuicem referri, & ita fides recte ordinatur ad amorem: tamen etiam amor non male referri potest ad fidem: potest enim aliquis recte intendere perfectionem amoris, vt melius de rebus diuinis sentiat, & constantius credat. Reliqua vero argumenta potius conuincunt contrarium, illi enim effectus tribuuntur amori, quia est veluti vltima forma, quæ supponit fidem, quæ sine amore ad illos effectus non sufficit, sicut nec ad beatificandum: nihilominus tamen ad omnes illos intrinsece concurrunt etiam fides, vt constat ex materia de gratia.

IX. Secundo vero addendum est principalius consistere hanc beatitudinem in amore. Ita colligitur ex Patribus citatis, præsertim ex Gregorio, & Bernardo, & multum etiam fauet Paulus in illo loco 1. ad Corinth. 13. fauent etiam aliæ locutiones Scripturæ sacræ, quas adducit Caietan. in quibus beatitudo tribuitur obseruationi mandatorum, *Beati immaculati in via, qui ambulauit in lege Domini*, Psalm. 118 & Eccles. vltim. *Finem loquendi præter audiamus, Deum time, & mandata eius obserua*, hoc est enim omnis homo: hæc enim obseruatio mandatorum in solo perfecto actu dilectionis virtute continetur. Vnde sumitur confirmatio, quia illa est præcipua forma, vel pars beatitudinis, quæ maxime reificat hominem in ordine ad suum finem vltimum, magisque eum illi coniungit: sed hoc maxime facit in

via dilectio: ergo. Denique, vt simul ad vltimam obiectionem primæ sententiæ in num. 6. respondeamus, charitas est simpliciter perfectior fide, non solum in esse moris, aut meriti, sed simpliciter in suo esse entis: quæ sententia quia pertinet ad 2. 2. non est hoc loco fusc tractanda, tamen sine dubio est magis consentanea Paulo, qui absolute loquitur: solus autem excessus secundum quid non esset sufficiens, vt charitas absolute diceretur amor: & ita exponunt ibi omnes antiqui interpretes, & hinc Sancti sæpissime asserunt, inter dona Dei, quæ in hac vita nobis dantur maximum esse charitatis: & Scholastici antiqui fere ita sentiunt. Sed præsertim est hæc sententia expresse Diu. Thomæ quasi. 23. artic. 6. & 1. p. quest. 82. artic. 2. & 1. 2. quest. 66. artic. 2. ubi dicit, *Vna virtus est maior alia secundum rationem speciei, sicut charitas fide, & spe: & artic. 3. subdit illam virtutem esse simpliciter perfectiorem alia in suo esse, & entitate, quæ excedit secundum rationem speciei, quamuis secundum quid in ordine ad amorem sit minus perfecta: & statim artic. 6. ex professo probat charitatem ita superare fidem, & spem.*

Ratione ita potest declarari, quia, vel censetur fides superare charitatem in esse entis, solum quia continetur sub genere actus, vel virtutis intellectualis, quod est perfectius, quia nobilissima species eius excedit omnem virtutem voluntatis, & hoc fundamentum [quod Dialecticum est] nullius est momenti, quia non est necesse omnes species contentas sub quocumque genere altiori superare omnes contentas sub inferiori genere, vt constat manifestis exemplis: quis enim dicat actum fidei humanæ esse perfectiorem actu charitatis, hoc solo, quod est actus intellectus: imo etiam sequitur actum visionis, vel phantasie esse perfectiorem omni actu voluntatis, quia continetur sub aliquo altiori genere, actus enim cognoscendi, & appetendi tanquam duo genera distingui possunt, & inter illa primum est sine dubio perfectius. Item in ipso intellectu scientia, & fides distingui possunt tanquam duo genera, inter quæ scientia est perfectior: & tamen fides supernaturalis excellentior est etiam in genere entis, quam naturalis scientia: quia fides innititur in ratione formali simpliciter perfectiori, vel altiori, scilicet in prima veritate. Inter substantias etiam afferri posset exemplum, nam substantia incorruptibilis abstrahi potest vt quoddam genus sub se complectens nobilissimas species substantiæ, & tamen inde non sequitur quamcumque speciem contentam sub illo genere esse simpliciter nobiliorem omni substantia corruptibili.

Denique ratione declaratur dupliciter primo quia hæc abstractio generum, vel specierum solum fundatur in aliqua conuenientia, & similitudine, quæ inter res ipsas reperitur: fieri autem potest, vt res nobilissima & ignobilis inter se habeant aliquam similitudinem, & conuenientiam, ratione cuius conueniant in aliquo genere, sub quo non comprehenditur res aliqua alterius generis, quæ in specie, & perfectione sua habeat medium locum inter illas, quia licet sit minus perfecta quam vna, & perfectior quam alia, fieri potest, vt cum neutra habeat illam similitudinem, vel conuenientiam, quam ipse haberent inter se. Secundo quia genus comparatur ad differentiam, sicut potentia ad actum: fieri autem potest, vt eadem potentia, quæ est capax nobilissimi actus, sit

Consule autorem in tr. de charitate disp. 3. q. 1.

X.

XI.



etiam capax ignobilioris, si in modo actuandi conueniant: quomodo etiam materia est capax animæ rationalis & inferiorum formarum. Vnde fit ut quamuis in entitate sua hæc materia fortasse sit minus perfecta, quam materia cœli, nihilominus sit capax alicuius formæ nobilioris, quam sit forma cœli, quamuis etiam sit capax aliarum minus nobilium. Ex hoc ergo capite nullum potest sumi argumentum efficax, ut fides in genere entis anteponatur charitati. Neque etiam sumi potest ex nobilitate potentiz quatenus est principium actuum sui actus: nam ut omittam potentias nostras in his actibus supernaturalibus concurrere ut instrumenta, ex quibus per se non potest sumi efficax argumentum: tamen etiam respectu eorum actuum, quorum sunt propriæ causæ, procedit ratio, quia in causis aequiuocis, & vniuersalibus non est necesse, ut omnes effectus causæ nobilioris superent omnes effectus causæ minus perfectæ, quia vniuersalis causa multa complectitur, & non semper operatur secundum vltimum potentiz suæ: intellectus autem, & voluntas sunt causæ æquiuocæ suorum actuum, & vniuersalia principia: & ideo non oportet ut quandocumque intellectus operatur, aliquid perfectius faciat, quam sit omne illud quod potest efficere voluntas: hoc igitur argumentum nullum etiam est.

XIII. Excluditur à beatitudine supernaturali via omnis actus intellectus, præter fidem.

Excluditur etiam delectatio ab essentia talis beatitudinis.

Tandem nec ex obiectis formalibus potest id colligi, scilicet quia ratio veri est altior, quam ratio boni, nam istæ duæ rationes ita simpliciter, & generatim sumptæ, comparantur ad intellectum, & voluntatem tanquam rationes adæquatæ specificantes ipsas potentias, & ideo ex nobilitate illarum rationum præcise consideratarum, recte potest colligi excessus vnius potentiz ad aliam: tamen ad habitus, seu actus, aut habitus intellectus, & voluntatis non comparantur, ut rationes adæquatæ, & specificantes, sed ut rationes genericæ, sub quibus comprehenduntur, verbi gratia, ratio veritatis euidentis, aut ratio veritatis obscuræ, & ratio boni increati, vel creati, &c. Ex quibus sumi possunt variæ species actuum, vel habituum, quæ inter se differant in perfectione, atque hoc modo fieri potest, ut aliqua ratio boni sit perfectior, quam aliqua ratio veri. Vnde ex hoc eodem principio recte colligit D. Thomas suam sententiam, quia licet ratio veri, & boni diuini, pro ut in se ipso est, ita se habeant, ut ratio veri excedat aliquo modo: tamen ratio veri non ut in se, sed quatenus ab illo ad nos dimanat, aliquid verum per testificationem, & reuelationem obscuram, illa, inquam, ratio veri inferior est, quam ratio boni simpliciter: & ideo charitas, quæ respicit Deum sub illa ratione boni, est simpliciter perfectior, quam fides, quæ sub ratione talis veri in illum tendit.

#### Tertium dubium.

Tertio dubitari potest, an præter hos duos actus cognitionis, & amoris, sit alius de intrinseca ratione, & essentia huius beatitudinis, & de intellectu quidem nulla est difficultas, quia sicut in eo nulla est alia virtus Theologica præter fidem, ita nullus est alius actus quo attingamus Deum in se, & ideo nullus alius potest esse de essentia beatitudinis, etiam imperfectæ. Rursus in voluntate certum est reperiri in via actum delectationis, seu fruitionis, quæ oritur ex charitate, & diuina contemplatione: nam primus fructus charitatis est gaudium 2.2. quæstio. 23. propter quod dixit Gregor. hom. 14. in

Ezechiel. Contemplatiua vita amabilis valde dulcedo est, quod recte explicat & confirmat Diu. Thomas 2.2. quæstion. 180. articul. 7. tamen hic actus non est censendus de essentia huius beatitudinis, sed tanquam proprietas consequens ipsam propter rationes adductas in præcedente sectione, quæ eadem proportionem applicari possunt. Difficultas vero solum superesse potest de actu spei, quia Theologicusest, & attingit Deum in se, & inter tria omnino necessaria ad essentialem perfectionem, & iustitiam huius vitæ numeratur à Paulo 1. Corinth. 13. & à Trident. sess. 6 cap. 7. Can. 3. ut ibi notat Vega libro 7. cap. 3. qui ex Patribus confirmat hunc actum esse de essentia iustitiæ, erit ergo de essentia beatitudinis huius vitæ, nam hæc maxime videtur consistere in actuali iustitia ergo Deum. Accedit quod Augustin. epistola 52. & 11. de Ciuitate c. 12. & lib. 19. capite 4. beatitudinem huius vitæ constituit in spe, & D. Thomas 1.2. quæstio. 5. articul. 3. ad primum sub disunctione dicit nos vocari beatos in hac vita, vel propter spem, vel propter fruitionis participationem. In contrarium autem esse videtur, quia hic actus consistit in motu, & tendentia, & directe repugnat consecutioni. Item beatitudo imperfecta debet habere proportionem cum perfecta, sed beatitudo perfecta est tantum in duobus actibus. ergo.

Mihi videtur hominem in hac vita dupliciter posse considerari, primo, ut existentem in quodam statu, in quo potest aliquo modo consequi, & tenere suum finem, quem statum posset habere homo etiam si illi non esset promissa beatitudo alia perfecta, & hoc modo hominis beatitudo nullum actum essentialem requirit præter cognitionem, & amorem: & hoc probant rationes posteriori loco factæ. Secundo potest homo considerari, ut viator tendens ad perfectam beatitudinem sibi promissam consequendam: & hoc modo spes dici potest essentialis huic homini viatori, ut possit aliquo modo esse beatus, quia per spem aliquo modo consequitur, si non in re saltem in spe, & quia sine spe nullum progressum facere posset ad illum terminum. Denique perfectio viatoris, ut sic, in motu consistit, & ita loquitur August.

XIV. Autoris de cisto satisfaciens virtutibusque parti.

#### Quartum dubium.

Vltimo dubitari potest de aliis virtutibus moralibus maxime propter verba Christi Matt. 5. quia videtur in eis ponere beatitudinem: dicendum vero est hæc omnia non esse de essentia beatitudinis, sed tanquam necessaria ad beatitudinem non attingant Deum in se, auferre tamen impedimenta charitatis, & disponere hominem ad perfectionem eius, & hac ratione illis tribui aliquo modo beatitudinem, ut omnes exponunt. De qua re legi potest D. Thomas 2.2. quæst. 180.

XV. Quomodo beatitudines tales dicuntur à Christo.

## DISPUTATIO VIII.

### De perfectionibus intellectus Beati extra visionem beatam.



Res diximus esse actus præcipuos beatitudinis, visionem, amorem, & gaudium: ad complementum ergo huius materiæ necessarium est singula nosse. Ac primū de actu visionis,



nis, cum primus sit omnium, quatuor occurrant disputanda. Vnum de obiecto illius: alterum de ipso actu. Tertium de principiis, siue causis à quibus manat. Quartum de effectibus: sed quoniam de tribus prioribus in secundo libro de attributis Dei negatiuis abunde est dictum, pro explicanda incomprehensibilitate diuina (quod etiam 1. part. quest. 12. D. Thomas enucleate præstitit) superuacaneum existimamus in præsentem repetere, quia quod Dei visio beatitudo hominis sit, non propterea diuersam tractationem postulat. Quare id quod quarto loco proposuimus discutiendum restat, cum ad præsentem materiam de beatitudine proprie, ac præcise at-  
tineat.

Perfectiones ergo, de quibus nunc agimus, effectus sunt beatæ visionis, quo nomine comprehendimus perfectiones omnes, quæ Beatæ dantur, se debentur ratione illius status, cuius prima radix, & quasi essentialis forma est visio beatæ, ut dixi, neque enim habet illa visio alios effectus proprios, & physicos, est enim actus immanens, & perfecto modo procedens ab habitu perfecto, & ideo nihil ultra se producit: inter hos vero effectus, propinquiores sunt, qui ad intellectum pertinent, de quibus primo videndum est, quam perfectionem potissimum includant præter visionem beatam: deinde quomodo excludant omnem imperfectionem ad intellectum pertinentem.

## SECTIO I.

*Vtrum præter beatam visionem detur Beatæ alia cognitio, vel supernaturalis scientia.*

In hoc dubio occurrunt multa tractanda, quæ per occasionem disputant Doctores variis locis, & ideo illa attingam breuiter, & remittam.

Primum est, an in Beatis simul cum visione sit cognitio fidei supernaturalis. Quod D. Thomas disputat ex professo 1. 2. quest. 67. artic. 3. & 2. 2. q. 1. art. 4. & 5. & in 3. dist. 31. vbi Capreolus latissime, & in particulari de Christo Domino D. Thomas 3. p. quest. 7. art. 3. vbi nonnulla notauimus, quæ huic loco possunt sufficere: resolutio enim est fidem, quatenus virtus intellectualis est, non manere in Beatis.

Secundum est, an maneant in Beatis dona Spiritus sancti, quæ ad intellectum pertinent, scilicet scientia, sapientia, & consilium: quod disputat D. Thomas 1. 2. quest. 68. art. 6. & definit, manere quia non includunt essentialiter obscuritatem: quod etiam attingit idem D. Thomas 3. p. quest. 7. art. 5. & 6. Vbi de hac integram edidi disputationem, quæ omnibus Beatæ potest esse communis.

Tertium est, vtrum sit in Beatis cognitio Prophetica, quod tractat D. Thomas 2. 2. questio. 174. artic. 5. & negat: addit vero in solut. ad sensum manent, aut non manent in Beatæ. Est breuiter aduertendum Prophetiam, ut sic, non dicere specialem rationem cognitionis claræ, vel obscuræ, sed solum quod sit supernaturalis cognitio eorum, quæ sunt procul, per diuinam reuelationem comparata: esse autem procul dicuntur ea, quæ sunt addita, & extra beatitudinem cognitionis, quæ debetur homini in eo statu, in quo existit, vnde Diuus Thomas dicto artic. 5. ad primum, dicit eandem visio-

nem beatificam, quæ in Beatæ non est Prophetica cognitio, in Moyse, & Paulo habuisse rationem Prophetiæ: & solutione ad tertium in dicit aliquam supernaturalem cognitionem habuisse rationem Prophetiæ in Christo viatore, quæ iam non habet illam rationem, quamuis in se non sit substantialiter diuersa, in quantum illa denominatio Prophetiæ dicit specialem habitudinem ad subiectum, & statum eius: sicigitur quantum ad hanc rigorosam denominationem negatur esse Prophetiam in Beatæ, qui iuxta suum statum nihil agnoscunt, quod procul ab eis esse censetur, nam siue in verbo formaliter, siue extra verbum, connaturale, & debitum illis est, ut sciant quidquid eos scire oportet, ut Gregor. dixit, *Quid non vident qui videntem omnia vident?* At vero prætermittam hac rigorosam denominationem, & considerando substantiam ipsam reuelationis fieri potest, ut aliqua cognitio, seu reuelatio sit in Beatæ eiusdem rationis cum illa, quæ solet dari Prophetis, hæc enim interdu est obscura, & hæc non habet locum in Beatæ, interdum vero euident, & supernaturalis, & hæc non repugnat illorum statui, ut magis ex dicendis patebit. Alia poterunt videri tom. 1. in 3. p. disput. 21. sect. 1. nam illa possunt accommodari omnibus Beatæ.

Quarto inquiritur, An scientia Theologiæ, quam hic acquirimus, maneat in Beatæ. Quam quæstionem non inuenio in Diu. Thoma terminis disputatam: eam vero tractant expositores eiusdem in 1. p. quest. 1. artic. 2. & ideo breuiter attingam. Et quidem iuxta opinionem eorum, qui existimant fidem manere in patria, non habet locum hæc quæstio, quia consequenter idem est affirmandum de Theologia: nos vero hoc disputamus supponendo fidem non manere, quia etiam hac suppositione facta, multi Thomistæ existimant, manere Theologiam in patria: & differentiam assignant, quia si ratione fidei est obscuritas, non vero de ratione Theologiæ, sed accedit illi ratione subiecti, seu status, quatenus in fide fundatur: & afferunt exemplum de scientia subalternata acquisita ante subalternantem ex principiis creditis, quæ durat etiam post acquisitam subalternantem. Sic Caietan. artic. 2. & Cano libr. 12. de locis, cap. 2. qui afferunt illud Hieronymi in epist. ad Paulinum, de omnibus Scripturæ sacræ libris, dicentis, *discamus in terris quorum scientia nobis perseueret in calis.*

Tamen hæc doctrina & differentia assignata est falsa, & mere voluntaria, parumque probabilis mihi semper visa est: vnde tam certum existimo non manere Theologiam hic acquisitam in Beatæ, sicut neque fidem, quod vidit postea Caietan. in id Pauli ad Corinth. 13. siue scientia destrueretur: idem etiam Capreol. licet variis sit, q. 1. prolog. art. 1. ad argumenta Aureoli, & Durand. & Scot. contra 1. & 2. concl. idem etiam Medina q. 67. art. 2. Ratio est, quia hæc Theologia, quam hic acquirimus, tota nititur autoritate diuina obscure reuelante, tanquā in obiecto formali, sicut nititur fides, solum differt ab illa, quia minus perfecte attingit illam rationem, scilicet per discursum: nam fides assentitur ijs, quæ formaliter, & in se reuelata sunt: Theologia vero ijs, quæ in reuelatis implicite continentur, & per euidentem consequentiam deducuntur: ita ergo est de essentia huius cognitionis obscuritas, sicut est de ratione fidei: ergo illa differentia est gratis ficta: aliud enim est loqui de Theologia in cōmuni prout dicit scientiam supernaturalem rerum diuinarum, aliud vero de hac Theologia in specie, quæ ex fide

De quo puncto latius in lib. 2. de attributis cap. 28.

IV. Theologiæ nostram manere in patria quidam putat.

V.

I. In beatæ non manet fidei actus. De hoc latius in tractatu de fide disp. 7. sect. vlt.

II. Manent dona Spiritus sancti.

III. Prophetiæ donum quod sensum manent, aut non manent in Beatæ.



ex fide generatur : priori enim modo accidit Theologiæ esse obscuram eo modo, quo accidit generi differētia contrahens: at vero huic Theologiæ in specie hoc non accidit, cum conueniat illi ratione sui obiecti formalis, & causarum per se, à quibus generatur, seclusis enim nominibus eadem distinctio habet locum in cognitione supernaturali principiorum fidei, nam illi ut sic, id est, ex vi generis sui accidit quod sit obscura, tamen illi in tali specie non accidit, imo in vniuersum repugnat eundem assensum, vel habitum, qui aliquando fuit obscurus, in solaque autoritate fundatus, postea fiat euident, & clarus: tum quia necesse est mutari formalem rationem assentiendi, nam qui cognoscit obscure, necesse est cognoscat ex autoritate, vel ex ratione incerta & probabili: qui autem clare, & euidenter cognoscit, necesse est ut in euidentia luminis, & in aliquibus principis ex re ipsa notis nitatur: tum etiam, quia inductione facta in omnia cognitione obscura nunquam reperietur ut eadem manens fiat clara, ut patet in opinione, & in fide humana, & diuina: & idem est in illo exemplo de cognitione conclusionum scientiæ subalternarum, quæ non fundatur in principis scitis, sed creditis ex magistri autoritate, illa enim non transcendit rationem fidei humanæ, & ideo non potest ipsamet fieri scientia: ac tandem, quia cognitio non fit clara per illuminationem aliquam accidentalem, seu additionem alicuius qualitatis, sicut illuminatur aër, id enim fictitium est, & intelligibile, sed fit clara ex mutatione medij, & ratione assentiendi: ergo quando homo mutatur ab obscura in claram cognitionem, non fit mutatio in eodem actu, vel habitu, sed fit relinquendo vnā cognitionem, & acquirendo aliam: idem ergo contingit in mutatione Theologiæ viæ, & patriæ: nec Hieronymus citato loco docet aliquid in contrarium, quia nec dicit manere eandem scientiam, sed earundem rerum scientiam, id est, diuinarum: neque etiam loquitur de propria Theologiæ scientia, sed de intelligentia Scripturarum, quæ vel ad fidem, vel ad interpretationem sermonum pertinet.

## VI.

Quid ex nostra Theologia maneat in patria.

Addo vero, quamuis in patria non maneat proprius assensus Theologicus, & habitus eliciciens illam, manere tamen in memoria species earum rerum, quas homo cognoscebat in via, & ita posse recordari Scripturarum diuinarum, & sensuum, vel interpretationum earum, quas in via comparauit, licet tunc non obscure, neque incerte, sed clare intelligat quis fuerit verus Scripturæ sensus: & idem dici potest de mysteriis, & aliis opinionibus Theologicis.

## VII.

An scientia per se infusa ultra visionem detur in Beatis.

1. Sententia improbabilis.

Hinc vero potest quinto dubitari, an præter visionem Dei, habeat beatus aliam scientiam supernaturalem, ac per se infusam: de quo pauca scripta inuenio: possunt tamen excogitari tres dicendi modi, primus est, absolute negans esse in beatis huiusmodi scientiam, quia non est fundamentum ad ponendam illam, sufficit enim eis visio beata, & naturalis scientia, imo nec in sanctis Angelis videntur Augustin. alique Theologi agnoscere aliud genus scientiæ, præter eam, quæ est in Verbo, quæ est visio beata, & aliam connaturalem ipsis, quæ vocatur in proprio genere: sed hæc opinio videtur mihi falsa, & parum probabilis, propter ea, quæ statim dicam.

## VIII.

2. Sententia.

Secundus modus est, beatos non habere scientiam aliquam per se infusam præter visionem beatam, nihilominus tamen habere extra Ver-

bum Theologicam quandam scientiam de diuinis rebus sua industria acquisitam, quam eliciunt ex his, quæ videntur in Verbo adiuncta connaturali cognitione, & discursu: sicut nos ex creditis, & naturaliter cognitis elicimus scientiam nostram Theologicam. Sed quidam moderni 1. p. quæst. 1. art. 2. sed hæc sententia mihi non probatur. Primo ergo vix potest intelligi huiusmodi genus scientiæ quod sit possibile, primo quia illa visio beata est simplicissima, & abstrahens ab omni discursu, unde quidquid per eam cognitionem cognosci potest, ex discursu vnico simplici intuitu cognoscitur: non ergo apparet quomodo possit cum alia naturali cognitione coniungi ad efficiendum nouum actum, & cognoscendum per discursum. Item quia admissio hoc genere scientiæ, posset in huiusmodi scientiis intermediis in infinitum procedi: nam anima Christi, v.g. ex his, quæ cognoscit per scientiam infusam adiuncta aliqua cognitione naturali posset aliud genus scientiæ acquirere: rursus ex scientia infusa, & beata posset etiam discurrere, & elicere aliud genus cognitionis: & rursus ex huiusmodi scientia intermedia cognitione naturali posset etiam alii varij discursus cognosci: & semper etiam variaretur cognitio, variata scientia principiorum, à qua per se pendet, quod est plane falsum: signum ergo est, quamlibet scientiam ex his in suo genere esse, ut ita dicam vltimum consummatum, & sub lumine suo manifestare omnia, quæ ex suis principis, vel in suis principis ostendere conatur: & ideo ex natura sua non posse coniungi cum alia inferiori scientia ad inferendum nouum genus cognitionis: in quo multum differt hæc scientia, seu visio beata à fide, quia fides ut sic non manifestat conclusionem in principis, neque ex principis, quia non est discursiua, nec penetrat rem in seipsam, sed tantum assentitur dictis. Deinde, quidquid sit de possibilitate talis scientiæ, non est necessaria beatis non solum propter dicta, sed etiam quia cognitio conclusionis sic elicita, non potest esse supernaturalis in se, quia ex vno principio supernaturali cognito, & alio naturaliter potest elici supernaturalis cognitio, si illa duo principia per se, & tanquam propria causa cognitionis concurrant: si vero alterum eorum non ita concurrat, sed solum ut applicans, seu proponens, sicut fortasse contingit in nostra Theologia, licet illa cognitio possit esse supernaturalis, non tamen euident, & clara quatenus talis est: hoc autem repugnat scientiæ, quæ est in beatis: ergo necesse est ut talis cognitio sit naturalis, vel si supernaturalis est, debet esse per se infusa, & habita ex sola euidentia supernaturali. Tandem si hæc scientia admitteretur in beatis, non esset illa sola sufficiens, ut iam dicam.

Tertius modus, seu opinio, quæ mihi probatur, est, extra visionem infundi beatis aliam scientiam rerum diuinarum, quæ potest dici Theologia euident, ac per se infusa in proprio genere, seu abstractiua. Quam opinionem indicant Gabr. in 3. d. 14. quæst. vnica, artic. 1. notab. 2. & Ocham in 4. quæst. 13. & eam necesse est doceant omnes, qui negant, beatos videre in Verbo formaliter mysteria gratiæ, sed tantum causaliter: nam hoc est dicere cognoscere illa per scientiam distinctam infusam ratione visionis. Faut etiam D. Thomas in 4. d. 45. quæst. 2. art. 5. ad 12. ubi ait, beatos visuros omnia, quæ Deus videt scientia visionis, non in Verbo, sicut anima Christi, sed extra Verbum: necesse est ergo fieri per

IX.

3. Sententia vera.



per nouam scientiam infusam, atque adeo hoc modo referri possunt Patres, qui affirmant beatos scire omnia, quia non oportet ut id sit de omnibus verum ratione solius visionis: loquitur ergo saltem in communi, scilicet, quod per visionem, vel per aliam scientiam infusam ea cognoscunt. Præter eos autem, quos hac de re citauimus lib. 2. de *Attributis*, capit. 27. sic etiam Athanasius. *quest. 11. ad Antiochum Presbyterum, de vita contemplatiua*, capit. 14. Anselm. in *illucidario, versus finem*, Bernard. *serm. de triplici genere bonorum, circa finem*, & Beda *libro variar. quest. 9. 12. in tomo 8.* Ratio adiungi potest, quia licet Beati videant creaturas in Verbo scientia matutina, tamen expedit ut habeant scientiam earum in proprio genere, quæ vespertina dicitur: ergo sicut de rebus naturalibus habent hanc scientiam, ita & eandem habere debent de rebus ac mysteriis supernaturalibus, ut de gratia, & de omnibus aliis quæ ad illum ordinem pertinent: hæc autem scientia necessariò debet esse per se infusa, & supernaturalis ordinis. Confirmatur, quia Beati non vident in Verbo omnia mysteria gratiæ quoad omnes circumstantias, & particulares rationes eorum, neque omnia futura contingentia, neque omnes cordium cogitationes: ergo ut hoc possint interdum cognoscere extra Verbum, necesse est ut habeant aliud genus supernaturalis cognitionis huiusmodi rerum, & hanc vocamus nos scientiam infusam extra visionem, ad quam pertinent nouæ reuelationes, vel illuminationes, quæ sunt Beatis tam Angelis, quàm hominibus, in quibus non semper necesse est infundi nouum lumen, nam hoc à principio factum est, quando scientia hæc est illis infusa, sed augeri vel in se, vel, quod probabilius est, per solam additionem specierum intelligibilium. Tandem huiusmodi scientia est consentanea statui beatorum, & nullam inuoluit repugnantiam, neque difficultatem: cur ergo neganda est.

X.

Sed vltimò inquiri potest, an eiusmodi scientia sit eiusdem rationis & perfectionis in omnibus beatis, vel quam habeat diuersitatem, & vnde illam habeat. In quo breuiter dicendum est, hanc scientiam eiusdem rationis essentialis esse in omnibus Beatis, præsertim hominibus, quia est quasi proprietas manans ex essentiali beatitudine, & alioqui modus intelligendi omnium hominum est eiusdem rationis: at verò quoad indiuiduale, seu accidentalem perfectionem, non est eiusdem perfectionis in omnibus, quia accidentalia dona beatitudinis tam animæ, quàm corporis, seruabunt proportionem cum essentiali beatitudine: potest autem hæc inæqualitas intelligi aut in claritate, & intensiōe luminis, aut in perfectione specierum intelligibilium, aut in multitudine earum, seu rerum cognitarum, & fortè in his omnia erit varietas: præsertim tamen in intentione luminis, & perfectione specierum, & in rebus cognitis quoad res indiuiduas, & particulares circumstantias, nam quoad específicas essentias rerum, vel mysterium supernaturalem, credibile est: vnde offerebat se occasio disputandi latè de obiecto huius scientiæ, vtrum comprehendat omnes res possibiles simpliciter, & an res naturales, vel tantum supernaturales. Rursus de lumine illius quale sit: sed hæc ferè eiusdem rationis in hac scientia sunt, & in scientia per se infusa animæ Christi: vnde sufficiant quæ de illa disputauimus 3. *quest. 11. à disp. 27.* Tandem probabile videtur inæqualitatem huius scientiæ in patria, non

respondere scientiæ acquisitæ in via, sed inæqualitati meritorum, quia hæc est ut proprietas consequens essentialem beatitudinem: ergo quo essentialis beatitudo fuerit maior, eo erit perfectior hæc scientia: sed mensura illius inæqualitatis sunt merita: erga & istius: quod quidem intelligendum est de maiori perfectione simpliciter, nam secundum quid, seu circa aliquod particulare factum, aut alias similes circumstantias, potest interdum excedere qui est inferior in meritis, quia illius cognitio magis pertinet ad suum statum, quomodo sæpè aliquid reuelatur inferiori beato, quod non innouescit superiori.

Dices: ergo sapientia, vel Theologia acquisita in via, nihil conferet ad maiorem sapientiam, vel Theologiam patriæ, etiam extra Verbum. Respondetur per se, ac præcisè assumptam nihil conferre, nisi quatenus confert ad meritum, vel quatenus ad statum alicuius potest pertinere ratione illius muneris, quod in via exercuit ut plures circumstantiæ de aliquibus mysteriis reuelentur: vel denique quatenus huiusmodi scientiæ responderet aureola, quæ non datur propter sapientiam per se, sed propter doctrinam, & aliorum illuminationem, ut iterum fortasse infra dicemus.

## SECTIO II.

*Virum in beatitudine perseuerent, vel denuò infundantur scientia naturales, & acquisibiles.*

DVo attinguntur in hac quæstione, vnum I. est, an scientiæ hinc acquisitæ naturales perseuerent in patria, in qua re Albert in 3. d. 33. sentit non manere, sed alias scientias loco illarum infundi: ita intelligens illud 1. ad Corinth 13. *sine scientia destruetur*. Ratio est, quia huiusmodi scientiæ habent multas imperfectiones admixtas, quæ repugnant perfectioni beatitudinis. Propter quam causam videtur in simili dixisse Hieronym. explicans illud Esaiæ 65. *Obluioni data sunt angustia priores*, non manere in beatis memoriam præteritorum malorum, nec peccatorum, quæ in via commissa sunt,

II. Contraria sententia communior est, quam significat D. Tho. 1. 2. q. 67. *Capr. in 3. d. 3. q. unica, art. 3. in princ.* Palud. q. 1. art. 3. Durand. q. 7. & d. 33. q. 4. Et hæc sententia est simpliciter vera: ut tamen rectè explicetur, distinguenda sunt tria, quæ in his scientiis reperiuntur, species intelligibiles actus cum habitibus, qui illis respondet, & opiniones variæ, quæ in omnibus scientiis miscentur. Primò ergo quod maneat species intelligibiles, non potest dubitari: constat enim ex materia de Anima, & ex D. Thom. 1. p. *quest. 89.* animam separatam ex natura sua posse conseruare species intelligibiles, quas in via acquisiuit, & per eas etiam posse intelligere, sunt enim spirituales, & non habent contrarium, vnde de se sunt perpetuæ, & quamuis in fieri pendeat à phantasmatibus, non tamen in conseruari. Atque eadem ratione, quamuis dum anima est coniuncta corpori, per eas non intelligat sine conuersione ad phantasmata, tamen id non est propter essentialem dependentiam in essendo, vel operando, sed propter concomitantiam quandam ortam ex coniunctione ad corpus: at verò beatitudo non destruit naturæ perfectionem: ergo hoc quod naturale est, perseuerabit in patria, quia in hoc præcisè nulla est imperfectio, quæ repugnet perfectioni beatitudinis: vnde est con-

XII.



constans Theologorum sententia, conseruari in patria memoriam eorum, quæ in via gesta sunt. Quod rectè etiam docuit Gregor. 4. *Moral. cap. 41.* ubi interpretatur citata verba Esaia, quod erit obliuio præteritorum malorum, non ut non cognoscantur, sed ut non contristent.

III. Secundò de actibus & habitibus euidentibus certum etiam videtur manere in patria, quia pertinent ad perfectionem naturæ, & non includunt imperfectionem repugnantem illi statui: neque etiam erit superfluum, aut difficile simul variis modis cognoscere res easdem, quia cognitiones illæ erunt diuersarum rationum, & à diuersis virtutibus & perfectionibus procedent.

IV. Tertio de opinionibus variis, quæ in scientiis acquisitis adiunguntur, dicendum est, eas propriè quoad actus & habitus non manere in beatitudine, quia hæc imperfectio repugnat perfectioni illius status, ut ex sectione sequenti magis constabit. Item, quia si fides diuino illi statui repugnat, multò magis humana: ergo & opinio: nam est eadem ratio: nec verò necesse est ablata hac imperfectio, auferri humanam scientiam, quia talis imperfectio non est intrinseca tali scientiæ, sed ex accidenti est coniuncta cum illa. Quo sensu possent intelligi illa verba Pauli, *sive scientia destruetur*, scilicet, quantum ad imperfectionem, quam in hac vita habet adiunctam: videt D. Thom. ibi ea interpretatur quantum ad imperfectionem dependentiæ à phantasmatis, hæc enim imperfectio tolletur, seu destruetur in patria, quamuis probabilius fortasse sit Paulum ibi non loqui de scientia humana, sed de diuina, quæ in hac vita acquiritur, & in fide fundatur, hæc enim simpliciter destruitur in patria, ut iam diximus. Addendum verò est, quamuis iudicium opinatum non maneat in patria, manere tamen memoriam omnium opinionum, quæ in hac vita fuerunt, & rationum probabilium, quibus nitebantur: nam hæc memoria non includit aliquam imperfectionem, nec de se est exposita periculo falsitatis seu erroris: nec repugnat etiam ex huiusmodi rationibus seu coniecturis iudicare, quid ex vi eorum sit probabilius & verisimilius, quia hoc iudicium euidentem esse potest.

V. Superest etiam ut non nihil dicamus de secundo puncto quæstionis, erunt enim in beatitudine multi homines, qui huiusmodi scientias non acquisierunt in via, habebunt ne illas in patria saltem per accidens infusas? & similis quæstio est de his, qui imperfectè illas acquisierunt, an sit eis adicienda omnis perfectio, quæ illis defuit: in qua videtur mihi dicendum, futurum esse in beatitudine, ut omnes habeant scientias naturales cum omni perfectione connaturali, & proportionata intellectui vniuscuiusque: sicut omnes Angeli habent naturalem scientiam cum perfectione sibi accommodata, est enim eadem ratio, nam homines erunt similes Angelis in patria cum proportionem. Vnde argumentor secundò, quia status beatitudinis esse debet omnium bonorum aggregatione perfectus bonorum scilicet tam gratiæ, quam naturæ, quia vnum ex maximis bonis naturalibus est scientia, & non habet aliquam repugnantiam cum aliqua supernaturali perfectione: ergo. Quod aliter explicatur tertio, quia illa beatitudo, vel formaliter, vel radicaliter satiabit omne rationabile desiderium Beati: sed vnusquisque merito appetit naturalem perfectionem sui intellectus, integram & adæquatam: ergo. Tandem propter hanc causam futura sunt corpora bea-

torum perfecta quoad omnes facultates, & quoad omnia organa, imò & quoad omnia accidentia connaturalia corpori humano: ergo multò magis idem credendum est de perfectionibus animæ. Et hæc resolutio est consentanea Diu. Thomæ 1. 2. q. 3. a. 6. & 7. nec video difficultatem, quæ solutionem postulet.

### SECTIO III.

#### *Utrum in Beatis possit error, vel ignorantia reperiri?*

Omnis imperfectio intellectus videtur comprehendendi sub hoc duplici capite, ignorantia quam vocant negationis, & erroris, qui appellatur etiam ignorantia prauæ dispositionis: & de utroque dicendum est.

Circa ignorantiam, siue illa consideretur in actu, quæ propriè dicitur inconsideratio, siue in habitu quæ propriè retinet non tamen ignorantia, aduertendum est, utramque posse reperiri in aliquo vel per modum negationis, vel per modum priuationis. Priori modo solum dicit carentiam illius cognitionis, quæ alicui non debetur, vel quæ necessaria illi non est ad conuenientiam eius status & perfectionem. Posteriori modo dicit carentiam debitæ cognitionis, vel quæ necessaria censetur ad conuenientem eius statum. Priori ergo modo constat reperiri in Beatis negationem scientiæ multarum rerum, quia, ut supra vidimus, non omnia sciunt: posteriori autem modo dicendum est, simpliciter eos nullam pati ignorantiam, & hoc modo dicuntur à Patribus omnia scire, scilicet, quæ illis sunt opportuna, quæque expedit illos scire. Et ratio vtriusque est, quia huiusmodi ignorantia habet rationem mali: abest autem ab illa beatitudine omne malum. Item quia meritò homo desiderat carere tali ignorantia: ibi autem completur omne huiusmodi desiderium: at verò prior nescientia (non enim illa propriè dicitur ignorantia) non habet malum, quia malum dicit carentiam boni debiti inesse: sicut quoddam vnus Beatus careat perfectionis beatitudine, quam alius habet, non est illi malum: & hæc de primo.

Circa alteram partem de errore oritur difficultas ex priori, quia Beati non omnia sciunt: aliqua ergo coniectant, & solum ex signis probabiliter assequuntur: ergo in iudicio ferendo de huiusmodi rebus possunt errare: possunt autem huiusmodi res esse in duplici genere, scilicet, in futuris contingentibus, quæ pendet ex libera voluntate Dei & creaturæ, & in vniuersum in mentium cogitationibus, quas in seipsis non semper intuentur, vel etiam in aliquibus proprietatibus naturalibus rerum, si fortasse eas non omnino comprehendunt: nec dici potest beatus non ferre iudicium de huiusmodi rebus propter coniecturas solum probabiles, quia nihil repugnat eos considerare omnes huiusmodi coniecturas, & probabiles rationes: at verò sicut consideratis principiis euidentibus non est in potestate hominis non ferre iudicium certum de conclusione, ita consideratis probabilioribus coniecturis non est in potestate hominis suspendere illud iudicium, quod ex coniecturis apparet probabilius.

Propter hanc difficultatem Holcot in suis determinationibus quæst. 9. artic. 2. docet in Beatis posse esse deceptionem: videtur autem loqui de potentia tantum absoluta, & in ordine ad res illas,

I.

II.

III.



illas, quas neque beatus videt in Verbo, nec alia via scit euidenter: quo sensu est illius sententia probabilis, quia nulla apparet aperta implicatio contradictionis. At verò loquendo de facto, atque adeo secundum legem ordinariam, debitam illi beatitudini & statui, dicendum est nullo modo esse posse in Beatis errorem seu falsum iudicium. Quam sententiam indicauit D. Thomas 1. 2. q. 5. art. 4. latius opusc. 72. in princ. *Omnes enim, inquit, cognoscunt Deum plena luce, quæ nihil erroneum patitur: unde propter huius luminis virtutem nulla opinio locum habebit.* Eadem est aperta sententia August. lib. 12. de Genes. ad lit. capite 26. *In statu beatitudinis omnia erunt euidentia sine ulla falsitate, sine ulla ignorantia, &c.* & in Enchirid. cap. 25. dicit, errores & falsas opiniones, licet non sint peccata, inter tamen mala huius miseræ vitæ numerari: & subdit, *Nullo enim modo falleremur in aliquo vel animi vel corporis sensu, si iam vera illa atque perfecta felicitate frueremur:* & hinc 9. de Ciuit. cap. 22. dicit, malos angelos sæpe falli, bonos nunquam: Hinc etiam Prosper 1. de vita contemplat. ca. 4. *In beatitudine, inquit, omnia bona, quæ naturaliter accepta, peccatum corruperat, reparabuntur in melius, intellectus sine errore, memoria sine obliuione, &c.*

IV. Ratio verò est, quia error est malum quoddam rationalis naturæ: certum est autem in illo beatitudinis statu nullum malum esse futurum: est enim in hoc magna differentia inter carentiam scientiæ, & positium errorem: quia carentia alicuius scientiæ non semper habet rationem mali, quia interdum potest esse mera negatio, quia non omnis scientia est debita rationali naturæ: at verò error positius semper est quoddam malum, quia est praua affectio contraria rationali naturæ, cui propterea semper debitum est, ut careat tali forma ad hoc, quod sit bene disposita iuxta exigentiam suæ naturæ. Confirmatur, ac declaratur: nam sicut dolor semper est malum appetitus, quamuis carentia cuiuslibet gaudij non semper habeat rationem mali, quia potest esse mera negatio: ita prorsus dicendum est de errore, qui non minus contrarius est intellectui, quam sit dolor perfectioni appetitus. Confirmatur secundo, nam propter hanc causam docent Theologi, propriam ignorantiam & errorem per peccatum esse introducta, nam sunt mala pœnæ, quæ durante innocentia non haberent locum etiam in statu originalis iustitiæ: multò ergo minùs possunt habere locum in statu beatitudinis: unde fit consequens non esse in beatis actus iucertos & opinatiuos, quia de se sunt imperfecti, & falsitati expositi: & hoc etiam confirmat conclusionem positam: nam si in illo statu essent huiusmodi opiniones, possent esse inter beatos contraria iudicia, & opinionum diuersitas, quæ maximè repugnat cū felici pace & tranquillitate illius status: posset item timeri, ne beatus in dictis suis alium deciperet, si non ex malitia, saltem ex falsa opinione, quæ est maxima imperfectio.

V. Ad rationem dubitandi respondetur, ex solis coniecturis probabilibus seu probabilioribus, non ferre beatos iudicium absolutum de rei veritate, vel falsitate, neque enim verum est ex harum rationum & coniecturarum consideratione necessitari intellectum ad huiusmodi assensum, quia sola euidentia veritatis potest absolutam necessitatem intellectui inferre: pendet ergo talis assensus quoad exercitium ex voluntate: loquor autem de absoluto iudicio veritatis, quia aliud est loqui de iudicio probabilitatis, nam hæc potest esse euidentis: unde positus & consideratis principiis, ex quibus tale iudicium

Suarez in primam secundæ D. Thomæ.

elicium elicitor, potest ad illud necessitari intellectus: tamen illa propria principia non sunt rationes probabiles, sed demonstratio sumpta ex definitione eius, quod est probabile, in qua omnes rationes probabiles habent rationem ynius extremi, ut probatur in hoc syllogismo, *Quicquid talibus rationibus ostenditur, est probabile: hoc ita ostenditur: ergo est probabile:* atque huiusmodi iudicium non repugnat beatis, quia non est opinatiuum, sed scientificum, unde in illo decipi non possunt: quantumcunque autem iudicent aliquid esse probabile, non est necesse ut absolute ita iudicent esse in re, quia vnum non sequitur necessariò ex alio, & vnum est certum, & aliud incertum.

Dices: Quamuis non necessariò sequatur, cur non potest beatus sua voluntate id facere, cum non sit peccatum, præsertim quia interdum beatus potest alio medio scire in tali iudicio non esse periculum falsitatis, ut si de eadem re, de qua habet probabiles coniecturas per inferiorem cognitionem, habeat per superiorem scientiam euidentem cognitionem, quod ita sit futura. Respondetur, cum hoc pendeat à voluntate beati, ex rectitudine & perfectione status eius oriri, ut non velit assentire cum periculo erroris, quia videt hanc esse magnam imperfectionem alienam à statu suo, præsertim cum tale iudicium illi non sit necessarium ad res agendas, neque ad cognitionem rerum assequendam. Primum constat, tum quia ad res agendas sufficit iudicium speculatiuum de probabilitate rei, tum maximè, quia si beato expediat huiusmodi cognitio, nunquam illi deerit certa & euidentis, vel per scientiam beatam formaliter, vel saltem causaliter ex ratione illius, per diuinam reuelationem, quia hoc prouidentia genus debetur statui beatorum. Unde fit, hanc rectitudinem, & perfectionem fundari quidem in visione Dei, non ut præcisè est visio, id est, manifestatio talium obiectorum, sed ut est essentialis beatitudo, radicaliter constituens talem statum. Secundum verò patet, quia supposita tota cognitione ac probabilitate rei, iudicium illud absolutum de veritate non addit perfectioni aliquam cognitionem. Ex quo patet responsio ad ultimam partem positæ instantiæ, nam quicquid sit, an tale iudicium ex natura rei sit compossibile cum iudicio euidenti, tamen certum est, esse inutile, & non pertinere ad perfectionem simpliciter intellectus: & ideo verisimilius est, voluntatem beati, quæ rectissima est, nunquam applicaturam intellectum ad exercenda huiusmodi iudicia.

#### SECTIO IV.

##### Utrum ad Beatitudinem requiratur comprehensio?

Hoc dubium S. Thomas in terminis tractat 1. 2. quest. 4. art. 3. de quo eius discipuli inter se dissentiunt. Supponenda est ergo illa distinctio comprehensionis, quam D. Thom. in solut. ad 1. nam interdum comprehensio significat adæquatam & exactam cognitionem rei, & hoc modo non sumitur hoc loco, quia certum est, hanc comprehensionem Dei nec necessariam esse ad beatitudinem, nec possibilem, ut ostendimus Lib. 2. de Attribut. Dei negatiuis, capite 29. & 3. p. tomo 1. disp. 26. sect. 1. & 2. Alio modo, quem lib. 2. de attrib. capit. 5. num. 1. attuli,

VI.

I. Comprehensionis duplex acceptio.

G



sumitur comprehensio prout opponitur inquisitioni, & est terminus eius, quo modo dixit Paulus, *Sequor, si quomodo comprehendam*: & hoc modo hic sumitur, & dicitur ad beatitudinem necessaria.

**II.** Sed est multiplex difficultas. Prima, quid sit hæc comprehensio, an sit operatio aliqua, vel modus operationis, vel relatio. Secunda, cuius sit facultatis. Tertia, quomodo requiri dicatur ad beatitudinem, an ut essentia, vel proprietas eius nam D. Tho. citato articulo. 3. hoc non explicuit Circa quod Palud. d. 49. quest. 8. articulo. 3. dicit, comprehensionem esse perpetuitatem actus beatifici, unde infert, esse tam in actu intellectus, quam voluntatis, & requiri ad beatitudinem eodem modo, quo inamissibilitatem, de qua infra dicendum est. Hæc sententia non habet fundamentum, neque in Diuo Thoma neque in ipsa vocis significatione, & vfu: quia licet concedamus de ratione comprehensionis beatificæ esse æternitatem, sicut infra dicemus agentes de inamissibilitate, tamen non proprietas, sed ipsa possessio, seu satietas perpetua habet rationem comprehensionis. Adde illam conditionem, seu durationem communem esse comprehensioni, & non comprehensioni, nimirum delectationi, & aliis rebus.

Reiicitur.

**III.** Est ergo secunda sententia Caietani in illo articulo tertio dicentis, comprehensionem esse relationem resultantem ex præsentia obiecti beatifici, quam dicit esse in voluntate. & consequenter non pertinere ad formalem beatitudinem, sed ex illa resultare. Pro hac sententia citatur Antonius quart. part. titulo septimo, capite 7. §. quarto, tamen ibi nihil aliud dicit, quam Diu. Thomas citatus: Caietanus ergo mouetur verbis Diui Thomæ in solutione ad 3. ubi dicit, comprehensionem esse habitudinem quandam ad finem iam habitum: si ergo est habitudo: ergo & relatio, nam idem sunt: item, si est ad finem iam habitum: ergo supponit præsentiam, & possessionem finis: non ergo formaliter facit illam, neque est ipsa possessio. Rursus ibidem subdit, visionem, seu rem visam, quæ præsentialem adest, esse obiectum comprehensionis: ergo est quid distinctum à visione, & præsentia rei: nec refert quod Diuus Thomas appellet obiectum, quia licet comprehensio, licet sit relatio, significatur per modum operationis, ad quam consequitur, ita terminus relationis huius significatur per modum obiecti. Tandem solutione ad 2. sentit Diuus Thomas comprehensionem pertinere ad voluntatem, quia eiusdem est consequi, cuius est sequi: sed voluntas est quæ prosequitur finem: illa ergo etiam est quæ consequitur. Item comprehensio respondet spei, ut ibid. Diuus Thom. docet in corpore articuli, ergo sicut spes est in voluntate, ita & comprehensio: sed nulla operatio voluntatis habet rationem comprehensionis, ut ostensum est: ergo non potest esse nisi aliqua relatio. Et hoc est quod dixit Diu. Thom. solutione ad tertium comprehensionem non esse aliquam operationem à visione distinctam, sed relationem ex illa resultantem. Declaratur vltimo, quia interdum voluntas comprehendit obiectum concupitum per actus alterius suppositi, ut quando desiderabat, & inquirebat bonum alterius ut sic, & tamen ipsa voluntas dicitur comprehendere quod inquirebat: ergo necesse est ut in ea aliquid resultet, à quo denominetur comprehendere: nam ab actione alterius, ut sic, non potest denominari, nihil autem intelligi potest in ea resul-

Motuum alterum ex ratione.

tans, nisi relatio.

Hæc sententia nunquam mihi probari potuit, quia nec ex vi significationis, & vfu huius vocis *comprehensio*, relatio significatur, ut constat ex communi vfu: neque etiam in re ipsa intelligo quæ, vel qualis sit ista relatio: primo enim inquirō, an sit rationis, vel realis. Primum dici non potest, quia relatio rationis nihil est nisi fingatur, seu mente concipiatur: comprehensio verò boni consecuti re ipsa fit, & ideo ad beatitudinem postulat. Nec dici potest secundum, quia in voluntate nihil est quod fundet hanc relationem realem: quidem illud est? aut enim est amor: & hoc non, quia amor, ut sic, solum dicit habitudinem ad amatum ut sic, & idem est de delectatione, & alia quacunque operatione voluntatis: nec etiam fingi potest ad quod genus relationis hæc pertineat, quia nec fundatur in actione, neque in vnitate, neque in ratione mensuræ. Præterea, quia si aliquid resultans in voluntate ex visione, posset habere rationem comprehensionis, magis hoc esset tribuendum delectationi, quam vlli relationi, cum tamen Diuus Thomas semper excludat delectationem à ratione comprehensionis. Assumptum declaro, quia si delectatio non est comprehensio, maxime quia supponit bonum præsens, & possessum, sed hoc ipsum conuenit illi relationi, nam resultare dicitur ex præsentia, seu possessione boni acquisiti: ergo in hoc pares sunt: alioqui verò excedit delectatio quancunque relationem, quia est satietas, & quies appetitus, & est maius bonum, magisque per se intentum: ergo vel nihil in voluntate inhxrens per se sumptum habet rationem comprehensionis, vel si aliquid, potius delectatio quam relatio.

Tertia opinio in primis affirmat comprehensionem esse operationem, quam tenet Soto in quarto distinctione quadragesima nona, question. quarta, articulo secundo, & Richardus articulo tertio, questione quinta, & septima, & Bonaventura articulo primo, questione quinta ibidem. Medina ad citatum articulo. tertium, & mihi etiam placet. Probatur primo ex dictis à sufficienti diuisione, quia si non est relatio nihil superest quod esse possit nisi operatio, nam comprehensio manifestè dicit actum vltimum, præsertim cum sermo sit de beatifica comprehensione. Verum est Diuum Thomam interdum significare comprehensionem esse habitum, vel dispositionem ad operationem, ut patet in quart. distinctione quadragesima nona, questione quarta, articulo secundo in corpore, & ad secund. ubi agit de dotibus in communi: sed ita est minus propria loquutio, ut infra dicam cum agam de dotibus. Secundo probatur, quia comprehensio beatifica idem est quod consecutio, tentio, adeptio, seu possessio finis vltimi, sed hæc etiam omnia nominant operationem, ut ex ipsis vocibus, & ex supra tractatis constat, & ex Diuo Thoma prima secunda, questione tertia, articulo quarto, dicente, beatitudinem consistere in consecutione, per quam finis est adeptus, & iam præsens inquirenti, & eadem questione, articulo primo, hanc consecutionem adeptionem vocat: idem questione prima, articulo octauo, & questione secunda articulo septimo. ubi etiam vocat possessionem boni concupiti: in omnibus autem his locis non est vfu voce comprehensionis vsque ad dictum articulo. 4. quod autem idem significauerit per illa, patet in primis ratione sumpta ex distinctione posita in principio citati articuli, & à D. Thom. posita

III. Impugnatur primo ex vfu.

Secundo per dilemma.

Alter pars dilemmatis.

V. Aliorū sententia vera.

1. Eius pars probatur 1.

Secundo.



fit in solutione ad 1. nam hęc comprehensio est terminus insecutionis: sed hic terminus est adeptio, siue consecutio boni inquisiti: ergo hęc omnia idem sunt. Quod D. Thom. sensibili exemplo declarat: nam quando aliquis cursu, & motu alium persequitur, tunc dicit eum comprehendere, quando tenet eum: ipsa ergo tentio est comprehensio: tentio autem non est relatio, sed illa actio, qua alius tenetur. Et idem colligitur ex illo Pauli, quod D. Thom. adducit ibi in argumento, sed contra, *Sic currite, ut comprehendatis*, & ideo D. Thom. ait, comprehensionem esse coronam iustitię, & terminum cursus spiritualis, & pręsentiam finis, & tentioem eius, ut dicit *solut. ad 1.* Tercio comprehensio numeratur à Theologis inter dotes animę beatę, ut patet ex D. Thom. 1. p. q. 12. art. 7. ad 1. & in 4. d. 49. q. 4. articulo 2. & omnes Theologi conveniunt omnes dotes vel esse operationes, vel habitus, & loquendo de illis secundum ultimam, & propriam perfectionem earum, melius dicuntur operationes, & saltem sunt perfectiones quędam, quę donantur à Deo animę beatę ad eius ornatum, & pulchritudinem: hoc autem recte accommodatur operationi, relationi autem minime: ergo comprehensio est operatio.

VI. Secundo explicandum est quę nam sit operatio intellectus ne, an voluntatis. Diu. Bonavent. supra dicit, esse specialem actum voluntatis, ut habet rationem irascibilis, quo tenebit Deum continue, & certe: quem actum distinguit ab amore, & gaudio, quę pertinent ad voluntatem, ut habet rationem concupiscibilis. Sed neque ipse declarat quis sit iste actus, nec explicari potest, quia circa Deum ut in se est, summum bonum [quomodo à voluntate attingitur] nullus actus voluntatis intelligitur nisi vel amoris, vel gaudij, supposita pręsentia talis boni: nam alii actus desiderij, vel spei supponunt absentiam. Item in eo statu nullus potest esse actus irascibilis circa Deum, quia iam non proponitur ut bonum arduum ad consequendum: neq; ibi est aliquod malum tali bono contrarium, quod per irascibilem sit fugandum. Quocirca omnes alii Doctores conveniunt comprehensionem non esse operationem distinctam ab illa in qua cōsistit formalis beatitudo: unde Rich. *supra* dicit esse visionem & amorem: Scot. vero principaliter eum tribuit amori, ut *supra* dixi, quia idem est de comprehensione, quod de consecutione.

VII. Alii vero dicunt comprehensionem esse visionem ipsam: quę sententia, simpliciter loquendo, mihi probatur, licet explicanda sit iuxta dicta *disp. 7. sect. 1.* de essentia beatitudinis: nam licet amor beatificus quatenus pertinet ad perfectam coniunctionem cum ultimo fine, quem inquirimus, possit dici ad comprehensionem pertinere: tamen quia visio est quę primo facit pręsentem ultimum finem, & quę primario constituit statum comprehensorum, & ab illa habet amor omnem perfectionem propriam illius status, simpliciter dici potest ipsa visio comprehensio: in quo sensu accipienda sunt verba D. Thom. *solut. ad 3. citati articuli 4.* dicentis, comprehensionem non esse aliam operationem pręter visionem: nam si docere voluisset comprehensionem non esse operationem, nec diceret non esse aliam, nec adderet illam particulam, *pręter visionem*, sed simpliciter negaret esse operationem: cum ergo ita loquitur, significat esse quidem operationem, non tamen aliam à visione: addit vero comprehensionem dicere beatitudinem ad finem iam habitum, non quia comprehensio sit relatio, sed quia ratione distinguitur à visione.

Suarez in primam secundę D. Thom.

ne secundum quandam habitudinem, ut ipse etiam declaravit 1. *part. quest. 12. articulo 7. ad 1.* nam visio, ut sic, solum dicit noticiam, seu manifestationem obiecti intelligibilis, comprehensio vero addit quod sit possessio summi boni concupiti, aut quod inquiri, vel cupi potest. Unde cum comprehensio dicitur importare habitudinem ad finem iam habitum, non est intelligendum quod finis obtentus supponatur comprehensioni, sed quod per ipsam veluti formaliter denominetur obtentus & habitus.

Tertium quod explicandum erat, ex nunc dictis constat: comprehensionem scilicet proprie sumptam, & in actu secundo, non pertinere ad beatitudinem ut quid consequens ipsam, sed tanquam formalem ipsam beatitudinem: quod patet ex dictis supra de consecutione, & ideo comprehensio dicitur respondere spei tanquam primarius terminus eius, nam quod primario speramus non est relatio aliqua, vel proprietas vlla beatitudinis, sed ipsa beatitudo essentialis tam obiectiva, quam formalis, id est, ultimus finis, & comprehensio eius.

Ultimo constat quomodo comprehensio dici possit pertinere ad voluntatem, nam ut est realiter ipsa visio constat esse subiective in intellectu: ad voluntatem vero pertinet obiective, quodammodoq; causaliter, nam illa visio est quam voluntas maxime cupit, & inquit, & ideo per illam, quatenus sibi voluntaria est, dicitur tenere quod cupit, & ex illa resultat in voluntate cessatio desideriorum, & spei, iuxta illud, *Quod videt quis quid sperat*: Rom. 8. & consequenter sequitur quies, seu gaudium in bono adepto.

Per hęc autem responsum est ad fundamenta contrarię sententię prioris: nam verba D. Thom. in illa solutione ad 3. declarata sunt: quod vero ibi dicit obiectum comprehensionis esse visionem, vel rem visam, cum sub disjunctione ponatur, satis est quod verificetur quoad alteram partem: itaque res visa est proprie obiectum directum comprehensionis, ipsa autem visio non potest proprie dici obiectum, nisi fortasse secundum quamdam reflexionem, in quantum etiam ipsa visio possidetur & habetur, & beatus videns se videre Deum, quodammodo tenet non solum Deum, sed etiam ipsam visionem, qua etiam fruitur. Quod vero dicit in solutione ad 2. comprehensionem pertinere ad voluntatem, iam dictum est, non esse intelligendum, quod ad illam pertineat tanquam actus formalis eius, sed tanquam terminus desideriorum eius: neq; oportet quod spes, & id quod respondet spei: sit in eadem potentia subiective, quia spes dicit affectum quendam comprehensionis, seu tentiois boni sperati: non oportet autem ut per eandem facultatem in re ipsa obtineamus bonum, per quam ad illud afficitur: ut in bonis etiam sensibilibus videre licet, in quibus etiam constat inquisitionem, & comprehensionem non semper fieri eodem organo, vel facultate. Et per hoc responsum est ad alias coniecturas: atque ita nihil aliud de comprehensione dicendum relinquitur pręter supra dicta: de essentiali beatitudine, & nonnihil infra dicemus agentes de dotibus: superest ergo ut ad explicandas perfectiones beatę voluntatis accedamus.

VIII.

IX.

Quomodo  
comprehensio  
spectet  
ad voluntatem.

X.



## DISPUTATIO IX.

De perfectione voluntatis Beati,  
ut versatur circa  
Deum.

**M**atenus explicuimus quid ponat beatitudo in essentia animæ, & quid in intellectu: nunc dicendum quid ponat in voluntate: quod potest numerari inter effectus visionis beatæ, ut nuper dixi: potest autem voluntas beati operari aut circa Deum, aut circa alia obiecta, & in utroque explicandum quantam perfectionem habeat. De priori dicemus in hac disputatione, quia pertinet ad primariam perfectionem beatitudinis: de reliquo in sequenti.

## SECTIO I.

*Utrum voluntas Beati videntis Deum, necessario amet illum amore charitatis, & benevolentia.*

- I. **D**e hoc actu, quamuis essentialis sit beatitudini, pauciora dicenda sunt, quam de visione beata dictum est suo loco, quia non est tam proprius beatitudinis sicut visio, quia est communis etiam statui viæ secundum substantiam & speciem, & intensiorem suam, ut nunc suppono ex materia de charitate, ex qua sumo idem esse obiectum proprium ac per se amoris viæ & patriæ, scilicet Deus ut in se est summum bonum & obiectum supernaturalis beatitudinis, seu finis ultimus supernaturalis, nam voluntas fertur in bonum sibi propositum prout in se est, quamuis propositio & cognitio non sit eiusdem rationis. Deinde suppono habitum charitatis viæ manere in patria, iuxta illud I. Corinth. 13. *Charitas nunquam excidit.* Deinde de perfectione intensiva huiusmodi amoris idem iudicandum quod de perfectione intensiva gratiæ, de qua supra nonnulla attigimus: latius vero dicendum est in propriis materiis. Solum ergo dicendum est de illa perfectione amoris huius quæ propria est status beatifici, quæ solum est immutabilitas & necessitas talis amoris: quæ duplex distingui solet, una quoad specificationem, alia quoad exercitium: supponimus autem de facto beatos necessario diligere Deum, quia illa beatitudo perpetua est: questio vero est, an hoc solum sit ex sola intrinseca providentia Dei, an ex intrinseca rei natura.

- II. **P**rima sententia est beatum tanta necessitate diligere Deum, ut etiam de potentia absoluta fieri non possit quin videns Deum actu ipsum diligat. Sic *Ægydius quodl. 5. quest. 6.* *Henric. quodl. 5. quest. 6. & libr. 12. quest. 5.* qui in hoc fundatur quod visio & dilectio ex natura sua tam intime uniuntur in eodem obiecto, ut separari nullo modo possit dilectio à visione: sed nec percipio satis vim huius fundamenti, neque aliud probabile inuenio pro hac sententia.

- III. **S**ecunda sententia est, beatum videntem Deum de potentia absoluta neque quoad exercitium neque quoad specificationem necessitari

ad amandum, sed posse in aliquo casu Deum habere odio. Sic *Holcot in suis determinationibus questio. nona articuli. secundo* & idem *Gabriel infra*, citandus, quæ sententia ita est explicanda: nam si beatus in Deo nil aliud videat quam id, quod est Deo intrinsecum, fieri non potest ut illum odio habeat, quia in Deo, ut sic, nihil videt nisi summam bonitatem: bonum autem ut bonum non potest odio haberi, ut nunc supponimus: potest tamen fingi casus, in quo is, qui videt Deum, videat fore ab ipso priuandum visione, & perpetuo damnandum, & maximis ac æternis cruciatibus afficiendum, tunc enim potest iste homo Deum odisse sub ratione malefactoris, nam posset odisse malum illud, quod sibi videret imminere: ergo posset etiam odio habere autorem illius mali, nam iam apprehenderet illum sub aliqua ratione mali, saltem extrinseca: neque alio titulo habetur odio à demonibus.

Responderi solet communiter, huiusmodi videntem Deum, necessario videre illammet pœnam esse æquissimam, & ex summa bonitate procedentem, & ideo non posse eum ad odium excitari. Sed hæc responsio non videtur satisfacere, primo quidem, quia fingi potest ut non videatur illa pœna infligenda propter culpam, sed ex Dei absoluta voluntate, & tunc non esset actio iustitiæ, sed absoluti dominij, & quamuis non esset contraria honestati, esset tamen contraria voluptati, & commodo naturæ: ergo hæc est sufficiens ratio ut odio habeatur & actio propter se, & agens propter actionem. Secundo, etiam si actio appareat æquissima, si aliunde in ea appareat ratio incommodi, potest voluntas, pro libera sua illam detestari, & consequenter etiam autorem eius, quia tota radix libertatis quoad specificationem est cognitio alicuius boni, vel mali in eodem obiecto. Denique, ut maior sit difficultas, fingere possumus ut is, qui videt Deum, non solum videat futuras pœnas, sed actu etiam iam experiatur presentes, ita ut actu sit in pœnis inferni, & ibi videat Deum, & priuetur omni gaudio, & delectatione beatifica, & spe euadendi illas pœnas, tunc enim posset eligere carere visione & pœnis simul potius quam in illo statu esse: ergo potest etiam desiderare ut Deus non sit, ut ipse possit eis pœnis liberari: ergo visio præcisè sumpta non necessitat quoad specificationem.

Tertia sententia eiusdem *Holcot* est de necessitate quoad exercitium, aliquando scilicet posse sequi ex visione non tamen semper: quod ipse ita declarat: nam in primis ex parte obiecti requirit, ut nihil videatur, quod possit impedire amorem: deinde ut ex parte videntis tanta intensione videat, quæ possit vincere resistentiam voluntatis ex libertate eius peruenientem, nam si interdu causatur hac necessitas, illa est ex efficacia visionis: sed hæc efficacia est finita: ergo quæ visio fuerit magis, vel minus intensa, habebit ad hoc maiorem, vel minorem efficaciam. Rursus resistentia voluntatis etiam est finita, imo est maior, vel minor quo voluntas est perfectior, vel liberior: ergo fieri potest, ut tanta sit efficacia visionis, quæ vincat resistentiam voluntatis, & tunc necessitabitur quoad exercitium: & è contrario tam remissa potest esse visio, & debilis ad mouendum, ut non inferat necessitatem, unde infert, aliquam visionem posse sufficere ad necessitandam voluntatem hominis, quæ non sufficiet

IV.

V.  
3. Sententia.



sufficiet ad necessitandam voluntatem Angeli, quia est perfectior & liberior.

VI. Sed discursus hic multa falsa supponit, quia fortasse visio illa nullam habet efficaciam circa voluntatem ut inde oriatur necessitas, & voluntas in hoc non habet resistentiam, sed maximam propensionem: apparentior distinctio esse posset de ipsa visione, nam interdum esse potest mere speculatiua absque villo iudicio practico formali, vel virtuali: quia nihil repugnat beatum videre Deum prout in se est precise, nihil iudicando de aliqua re creata, etiam de actu diligendi Deum: ergo per talem visionem non iudicabitur practice esse conueniens, vel necessarium diligere Deum: ergo ex tali visione non necessario sequitur amor Dei, quia ad amandum non satis est iudicare obiectum esse bonum, sed etiam oportet iudicare bonum esse diligere illud, quia qui diligit, non solum amat obiectum, sed etiam actum qui intrinsece voluntarius est. Vnde multi ex Thomistis, ut Paulus Ferrar. & alij, necessitatem illius amoris probant ex necessitate huius iudicij, Deus est summe diligendus: si ergo hoc iudicium non est necessario coniunctum cum visione, neque amor etiam erit, nisi fortasse tunc quando visio fuerit tam perfecta ut utrumque comprehendat.

VII. Quarta sententia est quæ simpliciter negat ex visione beatifica, quæcumque illa sit, necessario oriri in voluntate amorem Dei necessitate quoad exercitium intrinsecam, & ex natura rei. Sic Scot. in 1. d. 1. questio. 4. §. Negatiua istius articuli, & Gabriel ibi quest. 6. & Supplem. Gabriel. in 4. d. 49. quest. 2. artic. 3. dub. 5. Oham in 4. quest. vltim. artic. 3. & est expressa sententia D. Thom. quest. 22. de verit. artic. 6. & 1. 2. quest. 10. artic. 2. generaliter, ac sine limitatione negat, voluntatem necessitari quoad exercitium. Quæ sententia probatur primo, quia neque in intellectu, neque in voluntate videntis Deum est aliqua causa sufficiens ad inferendam necessitatem amoris quoad exercitium: erga cum alias voluntas ex se sit potentia libera, nullo fundamento affirmari potest necessario moueri. Assumptum declaratur discurrendo per principia quæ cogitari possunt afferre necessitatem illam voluntati: nam primo in intellectu est obiectum visum, scilicet Deus, & hoc non sufficit ad inferendam necessitatem, quia non mouet voluntatem quoad exercitium, sed tantum quoad specificationem: neque mouet illam effectiue, sed tantum metaphorice, seu finaliter. Et confirmatur, quia in via idem obiectum amoris proponitur, scilicet Deus summe bonus, & tamen non necessitat: ergo obiectum ex se non est sufficiens causa huius necessitatis: nam si est sola diuersitas cognitionis, seu modi representandi aut applicandi obiectum, non efficeret ad tam diuersum modum operandi, qualis est liber, & necessarius. Secundo est in intellectu visio ipsa, & hæc multo minus videtur posse inferre necessitatem propter easdem fere rationes, quia nec mouet quoad exercitium, neque est effectiua in voluntate, sed est tantum conditio necessaria, seu approximatio ex parte obiecti. Præterea, quia illa visio precise ut est visio Dei, & mere speculatiua ex se non sufficit ad mouendam voluntatem, quia oportet, ut numer. præd. dicebam iudicare de ipso metu actu amoris quod sit mihi conueniens hic & nunc: hac enim ratione in via, posito iudicio in intellectu quod Deus est summum bonum Suarez in primam secundam D. Thom.

maxime amabile, non sequitur necessario amor in voluntate, quia cum illo iudicio non necessario coniungitur iudicium de ipsa actuali dilectione quod hic & nunc sit necessaria, vel conueniens: sed simili modo non est necesse hoc actuale iudicium aut intrinsece includi in ipsa visione Dei, aut cum illa necessario coniungi, quia non est de ratione summi boni ut actu diligatur: ergo in intellectu nullum est principium sufficiens huius necessitatis, quia præter illa duo nullum aliud fingi potest.

Rursus ex parte voluntatis possunt illa duo principia excogitari, primum ipsa voluntas, quæ naturali impetu videtur tendere in Deum: sed hoc non sufficit, tum quia voluntas ex se non est principium sufficiens dilectionis, de qua agimus, neque ad eam habet naturalem propensionem: tum etiam, quia ex illa propensione ad summum colligi potest necessitas quoad specificationem, quia voluntas etiam inclinatur in bonum in communi, seu in bonum honestum ut sic, & tamen non necessitatur ad diligendum illud, etiam si per intellectum actu, & euidenter proponatur, quia in illo exercitio reperitur bonum particulare, in quod non necessario fertur voluntas, & quia illa naturalis propensio non prodit in actum nisi per propriam efficaciam, & applicationem ipsius voluntatis, & in hac re est libera voluntas, & domina sui actus.

Aliud principium necessitans voluntatem esse potest charitas infusa: & de hac fieri potest idem argumentum supra factum, nam in via non infert necessitatem, etiam si obiectum sit sufficienter propositum: ergo neque in patria, quia solus modus applicandi obiectum non sufficit ad tantam diuersitatem: item, quia charitas est habitus voluntatis: hæc autem est habitus naturæ ut in suo usu subiiciat potentiam, cui inest, & se se accommodet modo operandi illius: & ideo dixit Aristot. quod habitibus utimur cum volumus: ergo si ex voluntate non oritur necessitas, multo minus prius potest ex habitu illius.

IX. Quinta sententia est, posita Dei visione, ex natura rei necessario sequi in voluntate actum dilectionis eius perfectum, & ex charitate. Ita probabilior. Capreol. in 1. d. 1. quest. 3. art. primo. Palud. in quarta d. 49. quest. 7. num. 22. Caietan. 1. part. quest. 82. artic. 1. & 2. & 1. 2. quest. 10. artic. 2. Ferrar. 3. cont. Gent. capit. 62. Scot. in 4. quest. 3. artic. 4. conclus. 4. & alij discipuli Diu. Thom. qui vno ore censent, hanc esse Diu. Thom. sententiam, quam colligunt ex distin. quest. 82. artic. 1. & 2. & quest. 83. artic. 4. & magis insinuat in quest. 6. artic. 5. & ad 5. & quest. 62. artic. 2. ad 2. & ex 1. 2. quest. 5. artic. 4. & ex 3. contra Gent. capit. 62. Sed, ut verum fatear, licet hæc loca sunt probabilia, tamen in multis eorum solum loquitur Diu. Thomas de necessitate visionis, omnia autem quæ dicit de voluntate, possunt explicari de necessitate quoad specificationem: neque etiam inuenio rationem, quæ sufficienter demonstret hanc sententiam: eam tamen existimo esse probabilior, quam ut explicem:

Dicendum est primo, Deum clare visum & visionem eius esse in suo genere sufficiens principium ad mouendam & excitandam voluntatem ad amorem ipsius Dei. Probatur, quia non potest videri Deus quin videatur ut summum bonum, & summe amabilis: ergo necesse est ut Deus sic visus sit sufficiens ad trahendam voluntatem ad sui amorem quantum est ex se. Probatur conse-

VIII.

IX.

5. Sententia. Ita probabilior.

X.

Eius 1. assertio.



quencia, quia bonum cognitum mouet & trahit voluntatem: ergo infinitum bonum prout in se est cognitum, maxime mouebit voluntatem, quantum necesse est ex parte obiecti. Antecedens patet ex supra dictis *disp. 5. sect. 3.* quia non potest videri clare Deus, quin videatur secundum omnia sua attributa, quæ in eo sunt formaliter: vñ autem ex præcipuis est quod est, summum bonum, & fons totius bonitatis, & finis vltimus rerum omnium.

XI.

Vnde probabiliter colligo etiam de potentia absoluta non esse possibilem aliquam Dei visionem, quæ sola ac præcise sumpta absque alia cognitione, vel iudicio non sufficiat ex parte intellectus & obiecti ad excitandum Dei amorem in voluntate. Probat, quia si perfecta Dei visio, qualis nunc est, ad hoc sufficit, & aliqua fingitur ex se insufficientis, necesse est vt hoc habeat propter imperfectionem aliquam: vel ergo illa imperfectio est sola remissio visionis ex parte videntis, vel est limitatio aliqua ex parte obiecti, nihil enim aliud fingi potest, cum libro secund. de attributis capite decimo nouo. ostensum sit visiones esse eiusdem speciei: primum autem dici non potest, tum quia, quantumvis sit remissa visio, est clara & euidens: ergo facit voluntati præsens obiectum, prout in se est, sed hoc sufficit voluntati: tum etiam, quia sicut visio potest esse remissa, ita etiam & amor: ergo visio remissa saltem sufficit mouere ad amorem remissum. Secundum etiam dici non potest, quia ab illo obiecto visio præscindi non potest, quin videatur sub ratione summi boni, & finis vltimi: sicut præscindi non potest quin videatur sub ratione omnipotentis, & primi principij: hoc autem satis est ad mouendam voluntatem.

XII.

Dices, non esse satis, quia ex hoc præcise non videtur quod exercitium ipsius actus amoris hic & nunc conueniat. Respondetur, imo in ipso obiecto indicato & summo bono, & summe diligibili hoc virtute contineri, & ideo hoc satis esse ad mouendam voluntatem in suo genere, præsertim si in intellectu nullum sit aliud iudicium huic repugnans motioni, qualis esset, si intellectus iudicaret solum hic & nunc non esse conueniens occupari in exercendo actu amoris circa tale obiectum, quod iudicium non est in beato, neque esse potest, vt dicam, præsertim nulla facta extrinseca suppositione. Confirmatur, & declaratur, nam licet is, qui amat, voluntarie amet, & ideo dicatur consequenter amare ipsum amorem: tamen non est necesse vt hoc faciat per actum formaliter reflexum, tendendo proprie in ipsum actum amoris vt in obiectum, sed satis est vt in actu exercito per quandam reflexionem virtutalem velit ipsum actum per modum actus: ergo similiter vt voluntas moueatur & sufficienter excitetur ad huiusmodi actum, satis est vt ita proponatur obiectum, & iudicetur bonum, vt in ipso iudicio virtute contineatur continentia actus, & exercitii eius: hoc autem in præsentia fit eo ipso quod Deus clare visus iudicatur summum bonum, & vltimus finis simpliciter & absolute super omnia diligendus.

XIII.

2. Assertio duplici via probabilis de necessitate physica amoris beati quoad exercitium.

Dicendum secundo, posita Dei visione ex natura rei voluntas necessario sequitur motionem illius obiecti amando illud super omnia quantum potest. Hæc conclusio dupliciter probari potest, primo ostendendo in illo actu physicam & naturalem necessitatem, quæ probari potest primo à simili à diuina voluntate, quæ ad amorem sui ipsius omnino est definite determinata, vt ille amor omnino ac physice necessarius sit, i-

dem ergo dicendum est de voluntate creata respectu amoris Dei visi clare. Probat, hæc consequentia primo, quia voluntas diuina perfectior voluntas est omni voluntate creata, & non obstante hac perfectione, natura sua determinatur ad amandum summum bonum clare propositum, & cum hac determinatione retinet omnem libertatem necessariam ad essentiam & perfectionem simpliciter rationalis voluntatis: ergo dicendum est idem de voluntate creata. Probat, consequentia, quia si hæc voluntas ponitur libera respectu illius obiecti, vel hoc est ex perfectione: & hoc non, quia perfectior est diuina voluntas, vnde signum est hoc non pertinere ad perfectionem: vel est ex imperfectione, & hoc in primis non affirmant autores contrariæ opinionis, quia habere dominium sui actus conuenit voluntati ex perfectione sui. Deinde nulla est ratio cur hæc imperfectio tribuatur voluntati creatæ, præsertim supposita in intellectu clara Dei visione, quæ sufficit ex parte intellectus tollere omnem imperfectionem, quæ modum illum operandi imperfectum posset impedire, & posito in voluntate habitu charitatis eleuante voluntatem ad diuinum ordinem cum concursu sibi connaturali, & debito. Vnde confirmatur, nam creata charitas est participatio diuinæ charitatis per essentiam quodammodo eiusdem ordinis: sicut ergo charitas per essentiam determinata est natura sua ad amandum summum bonum, quod est obiectum eius: ita etiam charitas participata natura est eleuata ad amandum idem summum bonum sufficienter propositum, quod etiam respicit vt primarium obiectum. Nec circa fundamentum huius discursus hærendum est circa opinionem Scoti, Durandi, & aliorum, qui affirmant Deum se libere amare, & patrem, ac filium libere producere Spiritum sanctum, nam isti autores non loquuntur in sensu nobis contrario, id est, de libertate necessitati opposita, quia nec negant, nec negare possunt Deum tanta necessitate se amare, vt non possit se non amare, & tam necessario produci filium, ac Spiritum sanctum, alias non necessario existeret, & consequenter non esset Deus: sed loquuntur de necessitate opposita coactioni, aut naturali actione, vt Scot. loquitur, in qua re, quamvis de nomine disputent, tamen male loquuntur, vt in prima part. quest. 41. latius disputatur, nam ad præsentem questionem nihil refert.

Vltimo respondendo simul ad fundamentum Scoti, ostendo esse in actu omnia principia, quæ ad necessitatem sufficiunt: nam in primis obiectum cum sit infinitum bonum per essentiam ex se habet vim ad mouendum in suo genere summo, & perfectissimo modo: ergo quantum est ex se trahit voluntatem necessario ad sui amorem. Nec refert quod non moueat efficienter, quia in suo genere potest habere motionem accomodatam tali modo operandi: vnde quamvis obiectum dicatur mouere voluntatem quoad specificationem, quia determinat illam ad talem speciem actus: non video tamen cur etiam in suo genere non possit dici mouere & excitare etiam quoad exercitium, quia reuera ad hoc allicit voluntatem vt exerceat talem actum: & idolo quamvis Caieran. prima secunda questio. decima articul. secundo. neget hanc necessitatem oriri ex obiecto, sed solum ex parte potentis, neque ita ibi explicet D. Thom. verum censeo non minus tribuendam esse hanc necessitatem obiecto in suo genere, quam potentis in suo, quia reuera summa bonitas Dei est, quæ in genere si-

XIV.



nis trahit voluntatem ad se; trahit autem modo accommodato & actui, & eximie bonitati. Neque D. Thom. *ibi* aliud sentit, quia tantum loquitur de homine viatore in genere, vt *ibi* Conrad. explicuit, & Capr. in 1. d. 1. *quest.* 3. *art.* 3. Deinde ex parte cognitionis, seu applicationis illius obiecti est maxima applicatio, quæ esse potest, aut requiri: tum quia per illam fit præsens bonitas obiecti prout in se est: tum etiam quia tanta necessitate fit præsens, vt non possit voluntas intellectum ab eo iudicio diuertere, vt patet ex materia de visione agendo de necessitate illius. Tum tertio, quia ex vi illius visionis constituitur homo in statu beatifico, in quo excluditur omne iudicium, omnisque existimatio contraria illi amor, vt statim explicabo; & in his omnibus differt visio illius obiecti à cognitione, quæ habetur in via, & ideo potest ex illa oriri diuersus modus operandi; & diligendi, quam in via reperiatur. Rursus ex parte potentie reperitur inclinatio charitatis, quæ omnino est determinata natura sua ad summum bonum, vt declaratum est, quæ inclinatio quamuis prout terminatur ad Deum clare visum, & vt est supernaturale bonum, non sit connaturalis voluntati, tamen non est illi repugnans, sed potius est proportionata, & consentanea, & supposita charitate, etiam est suo modo connaturale vt voluntas eleuetur ad talem modum operandi. Quod ita confirmatur ac declaratur, nam libertas per se non tendit ad vltimum finem, sed ad media, nam connexio cum vltimo fine potius esse debet determinata vt ex intentione illius procedatur ad electionem mediorum, & quia in vltimo fine, vt sic, non est indifferentia, sed potius necessitas, cum in illo consistat beatitudo: ergo quando voluntas eleuatur ad finem vltimum supernaturalem, si ex parte finis sit sufficiens motio, & applicatio, consentaneum est ipsi voluntati, vt ex parte sua etiam eleuetur ad amandum modo consentaneo fini vltimo: Ex his ergo principiis sufficienter videtur explicari hæc physica necessitas.

XV. Secundo principaliter probari explicariq; po-  
2. *Via probandi eandem.* 2. *assertionem ostendendo physicam necessitatem amoris bea- tifici.* test conclusio ex ipsa ratione actus, vel omis-  
sionis voluntatis, quia proposito sufficienter obie-  
cto bono mouente, & excitante voluntatem ad  
amandum ipsum cū perfecta scientia, & cogni-  
tione, non videtur voluntas posse suspendere ac-  
tū, nisi illam et suspensio sub aliqua ratione  
boni & commodi proponatur; sed Deus clare vi-  
sus sufficienter moueat voluntatem ex se, & tan-  
te illa visione, non potest suspensio actus amoris  
repræsentari sub aliqua ratione commodi: ergo  
non est possibilis voluntati: ergo necessitatur  
quoad exercitium. Totus hic discursus fundari  
potest in doctrina D. Thom. 1. 2. *quest. 5. art. 4. & 3. contr. Gent. cap. 62.* vbi multis rationibus, quæ in  
summa in hoc discursu continentur, probat non  
posse volūtatem beati auertere intellectum ad vi-  
sionem Dei, quia eadem est prorsus ratio de volun-  
tate auerente se ipsam, vt ita dicam, ab amore  
Dei actuali; solum potest cogitari differentia, nā  
voluntas vt auerteret actum intellectus, indige-  
ret actu positiuo, quo vellet non videre Deum  
& ideo opus est vt illud obiectum ei proponatur  
sub ratione boni; ad cessandum autem ab amo-  
re, non indiget actu, sed sola negatio actus, &  
ideo nō videtur tam necessarium vt illa negatio  
proponatur per modum obiecti conuenientis.  
Sed hæc differentia non obstat, quia voluntariū  
virtuale, seu indirectum æquiualeat voluntario  
directo, quod fit per actum positiuum, & ideo si  
ad volendum directe per actum positiuū caren-  
tiam alterius actus, necesse est vt illa proponatur

sub aliqua ratione convenientis, ad suspendendum voluntarie actum idem erit necessarium.

Adde iudicium quod beatus habet de diuina bonitate, quam apprehēdit vt maxime diligibilem, & coniunctionem cum illa maxime necessariam ad suam felicitatem, hoc, inquam, iudicium ita excitare, & mouere voluntatem, vt sine iudicio contrario quod continetur, ne in actu exeat, non videatur illum posse suspendere; quod maxime procedit per se, & ex natura rei loquendo, nullam addēdo extrinsecam suppositionem, quia in tali amore nec lassatur voluntas, neque impeditur ab aliis actionibus, neque aliam rationem incommodi in eo reperit.

At vero facta aliqua suppositione, videtur esse aliqua difficultas, quæ tangitur in fundamentis aliarum opinionum: triplex autem suppositio hætenus cogitata est. Prima, quam fingit Holcot supra, scilicet, si videns Deum simul habeat hanc falsam existimationem, quod nisi cesset ab amore Dei, erit perpetuo miser, aut aliquid simile. Sed respondetur impossibile esse habere hoc iudicium videntem Deum, aut similem errorem; sicut fingi non potest quod beatus iudicet se peccare amando Deum, quia tale iudicium ex ipsis terminis est manifeste falsum, & ideo non potest cadere in intellectum, præsertim ita illustratum ut clare videat Deum.

Secunda suppositio est quod Deus præcipiat beato vt cesser ab amore sui, vel omnino ab omni actu voluntatis, de quo dicendum est suppositis quæ in prima ratione diximus, tale præceptum esse impossibile, quia necessitas huius actus est naturalis & physica, & ideo non est in potestate voluntatis cessare ab illa, & ideo non est hæc materia præcepti. Deinde esto admittamus hoc esse in potestate voluntatis, in eo casu tale præceptum esset extra ordinem naturæ, & ita non esset ille casus contra conclusionem positam. Ac denique tunc cessare ab illo actu ex tali motiuo, esset quidam amor Dei, vel formalis, vel virtualis, cum propter implendam eius voluntatem homo se priuaret voluntarie tanto bono.

Tertia suppositio est quod videns Deū patiat-  
tur ab ipso aliquod maximum detrimentum, vel  
videat ita aliquando futurum : & hoc in primis  
etiam est præter ordinem illius visionis : deinde  
etiam posito illo casu, non posset volūtas aliquid  
præter rectam rationem, aut inordinatum effi-  
cere, quia, vt *disph. sequenti sect. 1.* ostendemus, illa  
visio ex vi sua efficit voluntatem rectam; & ideo  
in tali casu fieri non posset vt voluntas exiret in  
actum odii, vel alium similem, quia euidenter  
videret illum actum esse inordinatum, & Deum  
non esse dignum tali odio, cum quidquid faciat,  
summa bonitate facere ipse beatus videat, & ita  
ab ea mouetur vt non possit habere aliam regu-  
lam suæ voluntatis, præsertim, si verum est phy-  
sicè necessitari ad eius amorem, quia semper  
efficácia illius bonitatis est infinite maior, quam  
cuiuscumque incommodi. Denique, etiam in  
eo casu videret beatus pro eo tempore quo vi-  
det, nullam esse rationem ad cessandum ab a-  
more Dei, quia etiam si aliam pœnam tunc pa-  
tiatur, vel postea passurus sit, nihil conferre po-  
test ad vitandam, vel minuendam illam quod  
cesset ab amore Dei, & alioquī videt non obsta-  
re illa pœna, quæ iustissime à Deo procederet, ip-  
sum esse æque dignum amore: ergo nullus casus  
fingi potest, in quo, ( vt ita dicam ) ab intrin-  
seco & voluntarie videns Deum, cesset ab actua-  
li amore illius.

Quæres, de quo amore sit hoc intelligen-  
dum, de affectiuo ne tatum, an etiam de amore,  
G 4 quem

XVI  
Ostenditur  
amplius di-  
cta necessi-  
tas.

XVII.  
Excluditur  
vnus casus  
in quo hæc  
necessitas  
cessare vide-  
tur.

XVIII.  
Excluditur  
alter casus.

XIX.  
Excluditur  
3. casus.

XX.

Quæstiuncula suborta  
expeditur.



quem vocant obedientialem? Respondetur de utroque esse intelligendum, siue intelligantur hi amores tanquam duo actus, siue tanquam vnus perfectus, quo beatus ita vnitur Deo vt efficaciter, & absolute velit illi omne bonum, atque adeo non tantum velit Deum esse & frui omnibus bonis suis, sed etiam velit voluntatem suam in omnibus implere: quia, vt recte D. Thom. 4. contra Gentiles capit. 92. perfecta amicitia efficit conformitatem voluntatum: amicitia autem ad Deum est perfecta, & est ad ipsum tanquam ad superiorem, & vltimum finem, ad quem amans debet se, & omnia sua referre: & ideo efficit vt, qui sic amat, habeat voluntatem suam conformem diuinæ, sine qua conformitate ille amor stabilis esse non posset. Atque ex his à fortiori sequitur voluntatem videntis Deum necessitari quoad specificationem, ad amorem Dei, quia necessitas quoad exercitium alteram necessitatem includit; imo in ordine ad diuinam potentiam multo maior est hæc necessitas, vt iam dicam.

Illatum ex  
hactenus di-  
ctis, de ne-  
cessitate  
quoad spe-  
ciem.

XXI. Vltimo ergo dicendum, de potentia absoluta fieri posse vt videns Deum ipsum actu non amet; probatur facile, quia hic amor est actus realiter distinctus à visione, & per nouam efficientiam fit, quæ à Dei influxu pendet: ergo potest Deus non obstante visione, non dare voluntati cōcursum necessarium ad efficiendum illum actum: ergo tunc manebit visio sine amore: neque potest in hoc aliqua repugnantia cogitari. Dices: ergo posset Deus in eo casu facere, vt videns ipsum, eum odio habeat. Respondetur negando consequentiam, quia carentia, seu cessatio actus non est mala moraliter, & ideo potest Deus esse autor illius, vel positivè volendo illam, vel per modum causæ priuativæ, seu negativæ non influentis. At vero odium est intrinsece malum, cuius Deus non potest esse causa: & ideo si ex natura rei esse non potest, vt ab ipsa voluntate creata tanquam à prima radice prodiret, non potest Deus specialiter modo esse autor illius actus in vidente ipsum, & ideo in ordine ad ipsum Deum maior est necessitas amoris ipsius Dei quoad specificationem, quam quoad exercitium.

XXII. Sed quid si Deus videnti se ipsum denegat habitum charitatis, & supernaturale auxilium ad diligendū ipsum amore supernaturali, quidnam faceret voluntas sic vidētis Deum: & supponendum est illam non priuare naturali concursu necessario ad operandum ea, quæ per vires naturæ suæ potest: nam si hoc etiam priuaretur, omnino maneret suspensa sine actu. In hoc casu dicunt quidam, voluntatem nullum actum dilectionis habituram circa Deum clare visum quia supernaturalis visio non potest ad naturalem amorem excitare, quia voluntas per vires naturæ non potest ferri in obiectum supernaturale, quale est Deus clare visus. Sed hoc in hi non probatur, suppono enim Deum non negare concursum naturæ debitum, vt voluntas operetur quantum naturaliter potest: nam si hoc denegaret, manifestum est illam nihil fore operaturam: tamen illo posito non repugnat voluntatem aliquid operari naturaliter circa obiectum supernaturale cognitum, vt etiam in via videmur experiri. Et ratio est, quia cum cognitio tantum requiratur vt obiectum fiat præsens voluntati, & alioqui potentia intellectiva, & anima per eam vere intelligat, & faciat præsens obiectum, licet illud supernaturaliter cognoscat, fieri recte potest vt voluntas moueatur circa obiectum supernaturaliter cognitum, si in ipso obiecto sit aliquid, quod naturaliter diligere possit: ita vero est in Deo clare viso,

nam licet aliqua ratione sit supernaturale obiectum, tamen etiam in eo apparet bonitas naturaliter diligibilis, & ipsum etiam obiectum supernaturale sub aliqua ratione habet cōuenientiam cum obiecto naturali, sub qua diligere potest aliquo actu imperfecto, & naturali.

Dicendum ergo est in eo casu voluntatem tanto impetu naturæ suæ amaturam Deum actu naturali perfectissimo, quem per vires naturæ habere potest, siue ille sit amor concupiscentiæ, vt quidam existimant, siue benevolentiae, vt longe verius esse censeo. Quomodo autem talis amor differat ab amore infuso charitatis, non spectat ad hunc locum, sed in materia de gratia, & charitate explicandum est: breuiter dico, in entitate sua differre, quia vnus est actus supernaturalis quoad substantiam, alius vero non: ex parte vero principii actiui, quia vnus natura sua postulat naturale principium, & non alius: ex parte denique obiecti, quia vnus respicit Deum prout habet necessariam connexionem cum natura vt sic, alius respicit Deum prout est finis & principium altioris rationis, quam natura secundum se postulet. Ad fundamentum iam responsum est.

XXIII.

## S E C T I O II.

*Virum beatus necessario amet suam beatitudinem supernaturalem, quam possidet, & qua fruatur.*

Diximus de amore amicitiae Dei, pauca addenda sunt de amore concupiscentiæ, cuius præcipuum obiectum est beatitudo, vel obiectiua, vel formalis, nam vt Anselm. dialogo de libero arbitrio dixit, amor beatitudinis est amor proprii commodi. hic autem amor potest intelligi necessarius in beatitudine, vel quoad specificationem tantum, vel etiam quoad exercitium: & de utroque breuiter dicendum est.

Primo certum est, beatum necessitate quoad specificationem necessario amare visionem Dei, & Deum visum, vt est obiectum, quatenus illa visione redditur beatus. Ita sumitur ex D. Tho. 1. 2. quest. 5. artic. 4. & 3. cont. Gent. cap. 62. & nullus Theologus de hoc dubitat, quia qui videt Deum, non potest absolute velle carere tali visione, quia sensu composito, id est supposito quod illam semel recipiat, non est in potestate eius illam dimittere. Deinde nec simplici affectu: seu desiderio potest optare carere illa, per se loquendo, tum quia, vt supra dicebamus, nulla ratio mali, aut incommodi in ea visione apparere potest, neque contrario aliqua ratio commodi in carētia eius: tum etiam, quia nullus potest desiderare non esse beatus, per se loquendo: qui autem videt Deum, videt felicitatem suam ex illa visione pendere, seu in illa consistere.

Dixi autem, per se loquendo, quia si fingatur aliqua extrinseca suppositio, non erit inconueniens quod voluntas velit carere illa visione vel perpetuo, vel ad tempus: perpetuo quidem, si Deus homini reuelat hanc esse suam voluntatem, & præsertim si velit, seu præcipiat hominem hoc velle, tunc enim licet non posset voluntas auertere intellectum à visione, seu mouere illum vt suspendat actum visionis, quia, vt supra dixi, non est hoc in potestate eius: vnde non est materia præcepti: posset tamen habere voluntarium consensum, & affectum, seu desiderium vt in se impleteretur diuina voluntas, quia actus iste honestus est, & non inuoluit aliquam repugnantiam, ob quam

II.



quam non possit esse in potestate voluntatis, & consequenter possit illi præcipi. Dices: repugnat quod aliquis velit non esse beatus. Respondetur, nulla facta extrinseca suppositione, ita est; tamen si ex suppositione, diuina charitas hoc postulet, nulla est repugnantia, quia licet propria beati: udo sit maximum hominis bonum, non tamen est simpliciter maximum bonum super omnia diligendum, maiori enim prærio amandus est Deus secundum se, & propter se, atque ita propter ipsum Deum, & ut voluntas eius impleatur possit aliquis velle carere beatitudine sua, atque hoc modo amor charitatis vincit amorem concupiscentiæ, quia est altioris ordinis, & in eum referri debet amor concupiscentiæ, ut rectus sit.

III. Alio modo posset intelligi eum, qui videt Deum, posse carere tali visione ad tempus non solum ob Dei voluntatem & amorem amicitie eius, sed etiam ex amore commodi, ut postea perfectius videat, v. g. si Paulus vidit in raptu diuinam essentiam, & intellexit oportere eum priuari tali visione aliquo tempore, in quo multa pro Christo pateretur, per quam postea altiore beatitudine consequeretur, posset velle tunc carere tali visione propter maius commodum, neque enim tunc suam nollit beatitudinem, simpliciter loquendo, sed vellet temporalem carentiam eius propter maiorem perfectionem simpliciter eiusdem beatitudinis obtinendam.

IV. Si quis vero recte consideret in his casibus & similibus, talis visio Dei non haberetur per modum beatitudinis seu non haberet beatitudinis statum, quia, ut infra disput. 14. sect. 3. videbimus, de ratione beatitudinis est perpetuitas non tantum aptitudinalis ex natura ipsius visionis, sed etiam actualis ex absoluto decreto diuinæ voluntatis; in prædictis autem casibus semper supponitur visionem non dari ut perpetuo duratura ex tali decreto: non ergo sumitur sub propria ratione, seu perfectione beatitudinis: & ideo loquendo de beatitudine ut sic, simpliciter affirmari potest, voluntatem quoad specificationem necessitari ad amandum illam, nec posse in aliquo casu velle priuari illa semel habita; neque in hac necessitate est alia difficultas.

V. Maior esse videtur circa necessitatem quoad exercitium, nam hic amor concupiscentiæ est imperfectus; ergo non est necesse ut beati illum exerceant in beatitudine, quidquid enim per illum velle possunt, amare etiam possunt per amorem charitatis, nam ex motiuo huius virtutis possunt sibi velle beatitudinem: ergo nulla est necessitas quod semper actu exerceant illum amorem. Confirmatur, quia hic est quidam amor sui, non est autem necesse est ut beatus semper se amet, quia non respicit se ipsum ut summum bonum, vel vltimum finem sui: ergo.

VI. Nihilominus communis sententia est beatum semper ac necessario esse in hoc actuali amore suæ beatitudinis. Ita Durand. in 4. d. 49. quest. 8. Palud. quest. 7. Maior quest. 8. Capr. in 1. dist. 1. quest. 3. ad argumenta Adæ contra 4. conclusionem, Conrad. 1. 2. quest. 5. artic. 4. Ferrar. 4. cont. Gent. capit. 62. circa quintam rationem, quibus locis D. Thom. fauet huic sententiæ, quæ mihi etiam probatur. In eius vero explicatione tria breuiter dicenda sunt. Primum, hunc amorem proprii commodi, & beatitudinis propriæ sub hac ratione habere locum in beatis, quod facile patet ex supra dictis disputat. 7. sect. 1. tractando de essentia beatitudinis, & quomodo amor ad illam requiratur, ubi ex August. nonnulla adduximus. Et ratio est, quia hic amor est valde consentaneus inclinationi naturæ, & ex se, & obiecto suo

est honestus, nullamque imperfectionem includit statui beatorum repugnantem, quia licet comparatus ad amorem charitatis dicatur imperfectus negatiue, seu minus perfectus quam ille: tamen non est imperfectus priuatiue, neque in se, neque respectu subiecti, quia neque in se priuatur aliqua perfectione sibi debita in ratione actus honesti, & consentanei rationi: neque etiam subiectum priuat aliqua maiori perfectione: neque in hoc inuenio difficultatem alicuius momenti.

Secundum est, hunc amorem in beatis esse supernaturalem, prout terminatur ad supernaturalem beatitudinem, & ad Deum ut obiectum eius, & bonum supernaturale ipsius beati. Probatur, quia talis amor supernaturalis est possibilis, ut colligitur ex D. Thom. 2. 2. quest. 17. artic. 6. ad 3. & 8. ubi sentit, in via huiusmodi amorem concupiscentiæ Dei, & beatitudinis supernaturalis esse actum elicitedum à virtute spei, quæ est virtus theologalis per se infusa, quæ non elicit actum nisi per se infusum & supernaturalem: & ab effectu probari potest ex ipso actu spei, seu efficacia desiderii, & intentione obtinendi supernaturalem beatitudinem; hic enim actus per se, & intrinsece sequitur ex illo amore: sed hic actus est supernaturalis: ergo & ille amor. Deinde, ille amor si in suo genere sit perfectus, & efficax, sufficiens est ad determinandam voluntatem ut absolute velit media necessaria ad illam beatitudinem obtinendam, unde vim quandam & efficaciam habet mouendi voluntatem ad seruanda præcepta etiam supernaturalia, iuxta illud Psalm. 118. *Inclinaui cor meum ad faciendas iustificationes tuas, propter retributionem.* ergo necesse est ut talis amor sit diuini ordinis, & supernaturalis. Denique obiectum huius amoris supernaturale est: ergo ut efficaciter ametur condigno, & proportionato amore, necessarius est amor supernaturalis. Si autem ille actus secundum se possibilis est, dubitari non potest quin in beatis locum habeat, nam eis non repugnat ratione status, seu præsentie boni consecuti, quia amor ex se abstrahit ab essentia, & præsentia: unde non minus perfecte haberi potest in præsentia boni amati, quam in absentia, & alioqui amor propriæ beatitudinis maxime conueniens est ad statum perfectum beatificum: quia non potest censeri beatus qui non amat, quod habet, ut præter Augustin. supra citatum dixit Anselm. in libr. de liber. arbitr. Ac denique ad perfectionem eiusdem status pertinet, ut vnaquæque res in suo genere ametur amore proportionato, & perfecto: amor ergo illius beatitudinis in illo statu supernaturalis est, sicut ipsa beatitudo, quia licet hic amor videatur esse amor propriæ naturæ, tamen per illum amatur natura in ordine ad supernaturalia, & quatenus apta est coniungi supernaturali fini, & ideo talis amor, si sit proportionatus, excedit limites naturæ.

Tertium est, probabilius videri hunc amorem ex natura re esse necessarium & connaturalem visioni beatæ. Quæ assertio probari potest duplici discursu facto sect. præced. quia etiam Deus sub hac ratione est summum bonum beatis, in quo nulla ratio mali, vel disconuenientiæ apparere potest, & ipsemet amor perpetuo exerceri potest sine vilo fastidio, vel incommodo, & necessarius est ad completam beatitudinis perfectionem: unde in carentia illius nulla ratio commodi apparere potest. Sed hoc melius confirmatur ex dicendis seq. section. nam quoad hoc eadem fere ratio est de isto amore, & de delectatione beatæ.

S E.

VII.

VIII.



## S E C T I O . III.

*Quale sit gaudium, quod beati habent in Deo, & de Deo clare viso; qualisque sit fructus.*

I. **DE** fruitione in genere, seu in communi tractat D. Thom. 1. 2. *quest.* 11. ex professoque dicendum est *tract.* 2. *disput.* 7. quid sit, & quod obiectum & causas habeat, nunc tanquam certum supponitur primo loco fruitionem beatificam non esse actum, vel rem distinctam à visione, amore, & gaudio, quia in beatis nullus alius actus excogitari potest in intellectu, & voluntate, qui ad Deum ipsum terminetur, & ad beatificandum hominem pertineat, & in hoc omnes Doctores conveniunt; disputant tamen qualis illorum sit fructus, quod ad questionem de nomine spectat. Ego vero nunc ut probabilius sumo fruitionem proprio & communi vfu significare gaudium beatificum: qua significatione supposita, certum de fide est futuram in beatis fruitionem, seu spirituales delectationes de Deo, seu de beatitudine sua. De hoc gaudio loquitur Christus Matth. 25. *Intra in gaudium Domini tui:* & Ioann. 15. *Hec locutus sum vobis ut gaudium meum, &c. & infra: Petite & accipietis, ut gaudium vestrum sit plenum, c. 16. ubi est illud: gaudium vestrum nemo tollet à vobis. 1. Petri 4. communicantes Christi passionibus gaude, &c. In Psalmis sunt multa similia verba, Exultabunt sancti in gloria: &, torrente voluptatis tue potabis eos: &, in aeternum exultabunt.* De qua re sunt etiam optima testimonia in Apocal. præsertim ultimis capitulis & ratione etiam naturali hoc ostenditur, quia delectatio oritur ex consecutione boni amati, sed beati possident summum bonum summe amatum: ergo necesse est ut de illo summe delectentur.

II. **Secundo** loco supponendum, hoc beatificum gaudium duplex intelligi posse, aliud amicitie de bonis Dei in se; aliud concupiscentie de propria beatitudine tanquam de proprio commodo: de priori rectè intelliguntur verba illa beatorum in Apocalyp. 19. *Quoniam regnavit Dominus Deus noster omnipotens, gaudeamus & exulemus.* Item de hoc gaudio docet D. Thom. 2. 2. *quest.* 28. per totam, esse proprium actum, & fructum charitatis, nam eiusdem est amare alicui bonum, & gaudere quod tale bonum possideat; sed ex charitate diligimus bonum Deo propter se, & hic amor est in beatis summe perfectus, & ipsi beati vident aperte Deum fruente in infinitis bonis suis: ergo ex eadem charitate Dei maxime de hoc obiecto delectantur, nec solum de bonis ipsius Dei in se, sed etiam de illius præsentia fruuntur hoc gaudio, quia delectari de præsentia amici fructus est amicitie.

III. **Aliud** gaudium, scilicet de propria beatitudine, ut est proprium bonum, fundari etiam potest in prædictis Scripturæ sacræ locis, qui absolute loquuntur de gaudio pleno, & perfecto: item facit illud Psalm. 15. *Adimplebis me letitia cum vultu tuo, delectationes in dextera tua, usque in finem; & similia frequenter.* Probari etiam potest ex his, quæ *sect.* 1. dicta sunt de amore, nam amor & gaudium boni possessi vel sunt idem re, & ratione distinguuntur, vel vnum ex alio naturaliter consequitur, & ita utrumque æque coniunctum esse in beatitudine, docet August. 14. *de Civitat. cap.* 9. & *lib. de Symb. ad Catechum. c.* 11. & hoc sensu 10. *Confess. cap.* 23. beatitudinem vocat gaudium de veritate. Secundo potest suaderi, quia in via spes beatitu-

dinis parit gaudium, iuxta illud Pauli, *Spe gaudentes*, quod gaudium ad amorem concupiscentie spectat, sicut spes ipsa: ergo multo magis beatitudo re ipsa obtenta pariet simile, seu proportionale gaudium. Tandem ratione, quia delectatio, seu gaudium consequitur operationem tanto perfectius, quanto operatio ipsa perfectior est, unde Arist. 10. *Ethic. cap.* 4. 7. & 10. dicit operationem sapientie esse maxime delectabilem, & delectationem ipsam esse decorem, & perfectionem sapientie; sed visio beatifica est perfectissima operatio, & contemplatio sapientie: ergo ex illa præcise sumpta ut est maxima perfectio operantis, sequitur velut propria passio eius gaudium & delectatio. Atque eadem ratio formari potest considerando illam visionem sub ratione intentionis summi boni, nam delectatio sequitur ex consecutione boni amati. Et hoc modo dixit D. Thom. 4. *cont. Gent. cap.* 92. & in 4. d. 48. q. 1. art. 3. impossibile esse videre essentiam bonitatis quin sequatur delectatio. Quod a deo certum Theologis visum est, ut quidam ex eis dixerint, etiam de potentia absoluta impossibile esse huiusmodi delectationem à visione separari, ut Goffred. *quodl.* 7. *quest.* 5. Henr. *quodl.* 1. q. 1. & *quodl.* 12. *quest.* 5. Egid. *quodl.* 5. *quest.* 6. quam rem dubiam reliquit Capr. in 1. d. 1. q. 1. ad 4. contra 6. *concl.* & in 4. d. 49. q. 2. ad 5. contra 1. *conclusionem.* Sed hoc nec necessarium, nec verum est, ut probari potest ex dictis *sect.* 1. de amore, quia, ut nunc suppono, delectatio non est ipsa operatio, quæ delectat, sed res, seu qualitas ab illa distincta, siue sit passio, siue actio eius, qui delectatur: requirit ergo efficientiam distinctam ab operatione; ergo & concursus distinctus Dei: potest ergo Deus illum suspendere, & ita impedire delectationem; præsertim quia delectatio vel est amor, vel quid posterius amore: si ergo amor impediri potest, multo magis delectatio: satis ergo est quod ex natura rei sit coniuncta cum tali operatione: sicut dolor ex natura rei coniunctus est necessario cum tali alteratione, & tamen Deus potest facile efficere ut stante illa alteratione impediatur dolor.

Tertio loco de hoc duplici gaudio multa queri possunt, quæ communia sunt omni delectationi, ut an sit passio, vel actio appetitus; an supponat amorem, aut quomodo ab illo distinguatur, & similia, quæ D. Thom. 1. 2. q. 31. & sequentibus stitunculas tractat de delectatione sensibili, quæ est passio de fructu sensus, & attingit *quest.* 11. & nos fortasse inferius tract. 4. *disp.* 1. *sect.* 6. ex professo de delectatione disputabimus, & videri potest in tract. 2. *disputat.* 7. *section.* 1. nunc tria illa, quæ de visione dixi, & de amore, inlinuiri hic possunt de hac delectatione, Expediunt inquiri scilicet potest de obiecto eius, de substantia eius, & principio, à quo procedit: quæ tria in priori delectatione charitatis difficultatem non habent, nam constat obiectum eius, bonum esse diuinum, prout in se est, & prout iam inest, & ex amore convenit ipsi Deo, respectu cuius gaudii, visio, seu representatio illius boni est conditio necessaria, sicut est cognitio respectu omnis actus voluntatis; propria vero ratio obiectiva talis gaudii est quod Deus sit tantum, ac tale bonum, quale est. Solum est advertendum, sicut charitas primario amat Deum, secundario vero creaturas propter Deum; ita etiam primario gaudet de bono, & felicitate increata ipsius Dei, seu de bonis intrinsicis eius; secundario vero gaudere potest de bonis creatis quatenus extrinsece pertinent ad ipsum Deum: gaudium autem beatificum ut sic proprie est de bono increato, quia illud est proprium obiectum beatitudinis, & ita illud gaudium per se est necessarium in beatitudine: gaudium

IV.

3. *Notatio continens varias quæstiones, seu delectationem.*



dum verò de aliis obiectis creatis non est ita necessarium, sicut dicendum est etiam de amore. Atq; hinc constat hoc gaudium esse eiusdem ordinis & substantiæ cum amore charitatis Dei, & ab eodem habitu seu principio manare.

V. De gaudio seu delectatione ex amore concupisc. quæst. 1. 1. De alio gaudio, quod est maximè proprium beatitudinis, inquiri potest primò, quod obiectum habeat, an ipsum Deum, vel visionem Dei, vel utrumque simul: quæ eadem quæstio fusè in tractat. de Spe, disp. 1. vbi habet proprium locum, videri potest, & ideo breuissimè illam exgrediam. Durand. in 1. d. 1. q. 2. & in 4. d. 49. q. 5. dicit, fruitionem & delectationem hanc nullo modo esse de Deo immediatè, vt de obiecto Quod, sed de visione Dei, & immediatè de Deo vt obiecto Cui, seu circa quod, & idem dixerat de Spe in 3. d. 29. quæst. 2. Fundamentum eius est, quia delectatio est de bono inherente, Deus autem est bonum extrinsecum solum tanquam obiectum, & causa visionis: item delectatio formaliter est de bono consecuto vt sic, & ideo sequitur operationem: ergo immediatè versatur circa consecutionem ipsam: circa rem autem consecutam solum mediatè, quatenus circa illam versatur operatio, quæ est consecutio.

VI. Secunda opinio est, delectationem hanc habere pro obiecto Deum ipsum solum, vt est bonum summum in se, visionem autem solum esse conditionem necessariam sine qua illud bonum non posset delectationi obici. Pro hac opinione citari possunt Scot in 1. d. 1. quæstione 1. articulo. 2. Gabr. quæst. 4. art. 2. sed hi autores loquuntur de fruitione, perquam intelligunt delectationem Dei super omnia ex charitate: atque in re ipsa ferè eodem modo loquitur Palud. in 4. d. 49. quæst. 4. art. 2. licet ex instituto Durandum impugnet: magis indicat hanc sententiam Caiet. 2. 2. quæst. 17. art. 5. quamuis explicationem admittat, vt dicam min. seq. Fundari potest hæc opinio, quia delectatio, de qua agimus, est propriè beatifica, si non vt essentia, saltem vt intrinseca passio ex natura rei inseparabilis ab illa, quâ tumuis præcise considerata: ergo versatur solum circa obiectum proprium beatificum: hoc autè obiectum est Deus solus, vt supra dictum est. in disp. 5. sect. 2. & sic explicatur, nam si mente concipiamus aliquem videre Deum solum, & nullam rem creatam, etiam ipsam visionem, ita vt non videat se videre, ille esset beatus essentialiter, & ex natura rei haberet hanc delectationem beatificā, & tunc non posset delectari de visione, sed solū de Deo ipso, quia cum delectatio sit actus appetitus nō potest versari circa aliquam rem vt obiectum, nisi illa supponatur cognita: in eo autem casu solus Deus cognoscitur, & nō visio ipsa: ergo solus ipse est obiectum talis delectationis beatificæ.

VII. Tertia, & vera sententia est, obiectum huius delectationis esse Deum ipsum, & visionem Dei, ita ut delectatio sit immediatè de vtroque per modum vnus obiecti adæquati. Hanc sententiam significat Capr. in 1. d. 1. quæst. 1. art. 7. conclusio 5. & ad argumenta contra illam, & ibi Greg. quæst. 3. art. 1. Marf. in 1. quæst. 4. articulo 2. quamuis hi autores non satis distinctè explicent hoc obiectum neque propriam rationem huius delectationis. Idem sentit Conrad. agens de delectatione in communi 1. 2. quæst. 32. art. 1. circa 5. D. Thom. apertè in 4. d. 49. quæstione 4. art. 1. quæst. 1. vbi sic inquit, Visio est delectabilis dupliciter, vno modo ex parte obiecti, in quantum id, quod videtur, delectabile est: alio modo ex parte visionis, in quantum ipsum videre delectabile est. delectamur enim cognoscendo mala, quamuis ipsa mala nos non delectent: quia ergo visio beatifica est perfectissima, ideo vtroque modo delectabilis est: ad hoc au-

tem quod visio sit delectabilis ex parte visionis requiritur quod sit facta connaturalis videnti: vt verò sit delectabilis ex parte rei visæ, oportet vt ipsum visibile sit conueniens, & quod sit coniunctum. In quibus verbis in primis considerari potest, quod licet delectatio hæc sit de obiecto visionis, tamen vt ipsum delectet tali modo, necessaria est ipsa visio: & hoc sensu dixit Caietanus, visionem esse conditionem necessariam, vt Deus sit obiectum delectationis. Quod duplici ratione verum est, primò quia est cognitio: secundò quia est consecutio, & bonum non delectat nisi sit obtentum, cum hoc tamen stat (quod Caietanus non negauit) quod ipsa visio sit etiam veluti pars obiecti: circa quod versatur hæc delectatio: nam hæc duo conuenire possunt eidem rei, quia & per se bona est, & conueniens, & præterea est coniunctio, seu vnio alterius rei conuenientis: sicut vt sanitas delectet, necesse est nobis inherere. & tunc delectamur, & de sanitate ipsa, & de inheretione eius, quæ vnio & est necessaria vt sanitas delectet, & est ipsa pars quædam obiecti delectationis: & hoc sensu dixit D. Tho. 1. 2. quæst. 32. art. 1. in corp. & ad 1. nulla bona esse delectabilia nisi quatenus apprehenduntur vt habita.

Deinde ex prædictis verbis D. Thom. colligitur ratio huius assertionis, nam in primis visio ipsa est magna beati perfectio, & actu illi inheret atque est præsens ergo est obiectum delectationis: sicut in reliquis operationibus delectatio, quæ ex illis consequitur, circa ipsas versatur. Denique id consecutum delectat, quod desideratur futurum: in hac autem vita desideramus visionem: ergo ipsa etiam habita delectat: & idem est de amore. Rursus, Deus ipse est etiam summum bonum beati: ergo illud bonum consequutum delectat ratione sui, & non tantum ratione operationis: imò talis operatio delectat maxime ratione sui obiecti. Confirmatur eodem argumento, quia illud delectat obtentum, & speramus obtinendum: speramus autè nō quia solum visionem Dei, sed etiam Deū ipsum, est merces nostra magna nimis: hac enim ratione spe est virtus Theologica & superat religionē: ergo.

Neque est verum quod Durand. sumit, rem supposito distinctam nō posse esse obiectum delectationis, quia talis res potest esse bonum quoddam, & commodum appetentis, & ideo amari potest amore concupiscentiæ: ergo eadem ratione potest esse obiectum delectationis, licet ad hoc requirat vt conditionem necessariam vnionem aliquam, seu tentationem: sicut diuitiæ possessor delectant anarum vbi non solum delectat possessio, sed res possessa: & Verbum diuinum vnitum humanitati Christi est maximum bonum eius, & maximè delectat ipsam animam, in qua delectatione non est sola vnio obiectum, sed etiam ipsum Verbum diuinum vnitum: & ita patet responsio ad fundamentum Durandi. Aliud vero quod ipse vrget, est, quia Deus non potest esse obiectum tristitiæ, sed solum ratione suorum effectuum, & quāuis à Marf. Caiet. & aliis latius soluatur aliter, facile tamè potest expediri negādo paritatē rationis: nā Deus per se est pulcherrimū obiectum, & maximè cōueniens, vnde ex se habet vt delectare possit: tamè ex se non habet aliqd discōueniens, & ideo non potest esse secundū se obiectum tristitiæ, sed solū vt causa efficiens aliq. malū discōueniens.

Ad fundamentū secundæ sententiæ responderetur, quod sicut visio Dei simul est directā visio Dei, & reflexa sui, & propriè est beatitudo sub priori ratione: ita etiam delectatio quāuis per modum vnus terminetur ad Deum visum, tamen

VIII.

IX.

X.



tamen propriè dicitur beatifica, quatenus terminatur ad Deum, quem respicit tanquam primum obiectum: consequenter verò habet, ut etiam attingat visionem. Neque hoc repugnat actui beatifico: posset autem, quod in illo argumento insinuat, metaphoricè inquiri, an possit hæc delectatio terminari præcisè ad visionem, & non ad Deum, vel è contrario. Sed hæc speculatio nunc non est necessaria, quia ad summum tractari potest de potentia absoluta, quia ex natura rei certum existimo non posse: quia, sicut illa duo, Visio & Deus, constituunt vnum finem ultimum, ita & vnum obiectum illius delectationis, quæ immediatè consequitur ex illa operatione ratione sui, & obiecti eius, & ad hoc satis est, quod beatus videndo Deum, necessariò videat se videre illa virtuali reflexione, quæ in ipsa visione includuntur: de qua re legatur Scotus in 2. distinctione 42. quest. unica.

XI. Secundò inquiri potest, an hæc delectatio sit quoad substantiam suam supernaturalis: Respondetur ita esse iuxta supra dicta de amore in sect. 1. quia est eadem ratio, & iuxta doctrinam Diui Thomæ 2. 2. quest. 17. art. 6. & 8. ubi sentit, gaudium spei esse supernaturale: ergo multò magis gaudium de consecutione rei. Tandem adiungo rationem, quia delectatio consequitur operationem, & maximè contemplationem, teste Arist. cit. num. 3. ergo necesse est, ut delectatio sit eiusdem ordinis, cuius est operatio, ad quam consequitur: & ideo ad operationem sensibilem sequitur delectatio sensibilis, ad operationem spiritualem delectatio spiritualis: ergo ad operationem maximè supernaturalem delectatio supernaturalis: esset enim valde imperfecta, seu inefficax illa suprema contemplatio, si non posset parere delectationem sibi proportionatam, & sui ordinis, præsertim quia obiectum huius delectationis non est minus supernaturale, quàm obiectum visionis: neque contra hoc inuenio rationem alicuius momenti.

XII. Solùm superest, requiri tertio, à quo principio seu habitu oriatur illa delectatio, quia nullus videtur esse habitus infusus, seu supernaturalis, à quo sit. In quo quatuor excogitari possunt modi dicendi. Primus est, non esse necessariū habitum, quia posita visione cum summa facilitate fit; quod non placet, quia visio non est principium eliciens ipsam delectationem, sed obiectum, vel conditio obiecti: actus autem supernaturalis absque alia difficultate requirit principium infusum, ut connaturaliter efficiatur, quod maximè necessarium est in delectatione: ut ait D. Thomas. Secundus modus est, elici à charitate, quod insinuant multi Thomistæ: sed non placet, quia ille actus est specie distinctus, & habet obiectum valde diuersum, ob quam rationem gaudium beatitudinis in spe, non elicitur à charitate, sed ab spe ipsa, quamuis possit à charitate imperari, & in finem suum referri. Tertius modus est, hunc actum elici ab speciali habitu, qui beatis infunditur in voluntate, quod significant Bonauent. & Richard. contra quos agam Disp. sequenti, sect. 2. num. 9. quia reuera hic habitus non est necessarius, & ideo verum existimo eundem habitum, qui in via est spes, manere in patria ad eliciendum hunc actum, quia eiusdem principii est amare bonum, & desiderare si absit, & delectari, si sit consecutum, de qua plura in citata materia de spe,

& legi possunt, quæ attigi

3. p. q. 7. a. 4.

).

## DISPUTATIO X.

### De aliis perfectionibus voluntatis Beati.



Vplex intelligi potest perfectio voluntatis Beati, vna formalis, seu inhærens, quæ in actibus seu habitibus consistit: altera dici potest obiectiua: nam quia voluntas est appetitus totius suppositi, ideo omnis perfectio suppositi potest dici complementum voluntatis, seu desideriorum eius, & ideo utraq; ex his perfectionibus potest explicari aut per ipsam positivam perfectionem, aut per exclusionem mali contrarii, quæ potest esse malum culpæ, aut quæcunque imperfectio, seu incommoditas naturæ, de quibus dicam.

## SECTIO I.

*Utrum voluntas Beati ex vi beatitudinis ita sit in bono confirmata, ut facta sit impeccabilis?*

I. PRIMò est error Origenis, qui censuit, voluntates Beatorum esse mutabiles de bono in malum, ut patet ex 2. lib. de Princip. cap. 3. unde de sanctis Angelis etiam dixit, interdum esse negligentes, & culpam incurrere in suis ministeriis peragendis, ut in homilia 13. in Lucam & 24. in Numer. qui afferebat illud Iob. 4. Ecce qui seruiunt ei non sunt stabiles, & in Angelis suis reperit prauitatem, & cap. 15. Cæli non sunt mundi in conspectu eius, id est, habitatores cæli. Fundamentum est, quia in beatis manet liberum arbitrium creatum, quod est radix omnis culpæ.

II. Sed in hac re conclusio Catholica est, in beatis secundum legem à Deo statutam non posse esse aliquam maculam culpæ. Dupliciter enim contrarius error intelligi potest: primò, quod manente in Beatis beatitudine, possit in eis simul esse culpa. Secundò, quod possint quidem Beati peccare, ita tamen ut statim peccando beatitudinem amitterent: & in hoc posteriori sensu videtur errasse Origenes: sed hic error est contra perpetuitatem & securitatem illius beatitudinis, de qua infra: in primo verò sensu nullum inuenio id afferuisse, nam, ut dixit Aug. Beatus est, qui nihil mali vult: unde necesse est, ut si aliquid mali vult, hoc ipso desinat esse beatus. Præterea hoc constat ex illis Scripturæ sacræ locis, in quibus requiritur innocentia, & puritas ad illum statum, in quo nihil potest esse inquinatum, Sapient. 7. unde Psalmo 139. Habitabunt recti cum vultu tuo, & ad Hebr. 12. Pacem sectamini cum omnibus, & sanctimoniam, sint qua nemo videbit Deum: unde Matth. 5. Beati mundo corde, quoniam ipsi Deum videbunt, & alia huiusmodi. Alia verò testimonia ex Patribus afferemus in quest. de amissibilitate beatitudinis. Ratio est, quia beatitudo consummata est status omnium bonorum aggregatione perfectus, & ideo ab illo excluditur omne malum, & præcipue culpæ. Tandem culpa, si sit mortalis, priuat amicitia diuina: si verò venialis, priuat perfecta dilectione actuali, efficitque dignum pænæ: hæc autem omnia repugnant statui beatitudinis.

III. Neque contra hoc obstat illa testimonia Iob, nam habet facilem sensum, quia cum serui Dei dicun-



dicuntur non esse *stabiles*, intelligi potest quantum est ex parte naturæ creatæ, nisi aliquando bono Dei ita firmentur, ut sint impeccabiles: quod verò dicitur de Angelis peccantibus, rectè intelligitur de malis angelis, qui in via peccarunt, ut exponunt Greg. lib. 5. *Moral. capit. 28.* & Anselm. lib. *Annotat. in Iob*, & Hieron. in *Esaiæ 24. circa finem*, quamvis ibi nos legimus, in *Angelis suis reperit prauitatem*, aliæ versiones habeant, *reperit inconstantiam*, quod potest in eodem sensu exponi, quantum est ex cōditione naturæ. Sic etiam intelligi possunt alia verba, quòd *cœli non sunt mundi*, & cæt. licet non sit necesse id intelligi de munditia à culpa, sed à quacunque imperfectione naturæ, quomodo dixit Dionys. Angelos *purgari non à culpa, sed à nescientia*. Quo sensu etiam de ipsis cœlis materialiter possunt illa verba intelligi, quia non carent multis imperfectionib⁹, præsertim ad diuinam perfectionem comparati, quomodo Iob 29. *Et stella non sunt munda in conspectu eius*.

IV. Præcipua verò difficultas huius quæstionis consistit in assignanda causa & modo huius impeccabilitatis Beatorum, an sit intrinseca, vel omnino extrinseca: est enim multorum Theologorum sententia, beatos ex vi visionis Dei non fieri impeccabiles, sed solum ex extrinseca prouidentia, seu manutentione Dei, qui statuit vel nunquam cum eis concurrere ad peccatum, vel ita necessitari illos ad amandum Deum super omnia, ut nunquam possint ab illo amore cessare. Ita Scot. in 1. d. 1. quæst. 4. & in 4. d. 43. quæst. 9. & 10. & d. 49. quæst. 6. Gabr. in 1. d. 1. quæst. 9. & in 2. d. 7. quæst. 1. Oham in 1. d. 1. q. 1. Gregor. in 1. dist. 7. quæst. 2. artic. 2. *circa finem*, Supplem. Gabriel. in 4. d. 19. quæst. 2. artic. 3. dub. 6. Potest autem hæc opinio dupliciter explicari, vno modo, quòd Beatus non necessitetur ad videndum Deum, & ideo possit ab illa visione cessare, & eo tempore, quo cessauerit peccare. Sed neque hic sensus est ad mentem dictorum autorum, neque ad rem, tum quia supra Disp. 7. probatum est, illam visionem esse necessariam, tum maximè, quia admissio illo modo mutationis, non verè diceretur beatus, seu vidēs Deum peccare, quia prius ponitur priuatus visione & beatitudine: & ita ille modus dicendi magis est contra perpetuitatem illius beatitudinis, quàm cōtra impeccabilitatem. Secundus sensus est, quòd stante visione, simul esse possit peccatum actuale, nisi Deus impediatur. Et ratio huius est, quia voluntas Beati ex vi suæ libertatis naturalis peccare potest: sed nihil est intrinsecum in ipso beato, quod auferat vel impediatur hanc libertatem aut inferat necessitatem ad non peccandum: ergo. Probatur minor, quia vel illud est visio, vel amor: non amor, quia ipse amor non est necessarius, neque habet formalem contrarietatem cum quocunque peccato: non visio, quia illa multò minorem cōtrarietatem habet, cum sit in intellectu, & peccatum in voluntate, quam rationem ampliùs vrgebimus explicando contrariam sententiam.

V. Verior tamen sententia est, beatos intrinsecè & ex rei natura fieri impeccabiles ex vi illorum actuum, quibus constituuntur essentialiter beati. Hæc est sententia Diui Thomæ 1. 2. quæst. 4. art. 4. & 1. p. quæst. 62. art. 8. & 3. contra Gentes, cap. 62. & lib. 4. cap. 92. & quæst. 22. de Verit. art. 6. & qu. 2. art. 8. Capreol. & Scot. locis citatis, Durand. in 2. dist. 7. quæst. 1. & dist. 23. quæst. 1. & in 4. dist. 49. qu. 8. Richard. in 2. dist. 7. articulo 1. quæst. 1. Maior in 1. d. 49. quæst. 8. Paludan. ibi quæst. 7. art. 2. Fundamentum generale esse potest, quia visio Dei natura

Suarez in primam secundam D. Thomæ.

sua est perfectissima beatitudo: ergo natura sua secum assert perfectionem maximè necessariam beatitudini, qualis est immutabilitas in bono, seu in rectitudine voluntatis. Quam rationem latè explicat D. Thom. in illo cap. 92. 4. cont. Gentes, præsertim ratione 1. & 8. sed satisfieri posset dicendo, hinc solum colligi illi visioni debitum esse illum prouidentia modum, quo Deus protegit ita beatum, ut illum peccare non sinat, sic enim multæ aliæ perfectiones illius status dicuntur cōnaturales beatis: oportet ergo in particulari exponere, an, & quomodo ipsa visio vi sua intrinseca & cōnaturali habeat hanc efficaciam ut liberū arbitrium natura sua mutabile ita cōtineat in officio, ut illud non relinquat declinare ad malū: in qua re explicanda 3. sunt diuersi modi.

Primus modus explicandi est, solam visionem per se & præcisè sumptam esse sufficientem non tamen ut est visio solius Dei, sed quatenus per illam videt beatus in Verbo omnes res & actiones ad se pertinentes, & omnes circumstantias, quæ possunt voluntatem rectam efficere, & ad malum inclinare, est enim principium Philosophiæ moralis, non posse voluntatē peccare, nisi præcedēte aliquo defectu in intellectu practico, vel speculatiuo errore, vel incōsideratione, iuxta id quod dicit Arist. 3. Ethic. c. 1. *omnis peccans est ignorans*: quia ergo illa visio excludit ab intellectu omnē defectum tam erroris quàm incōsiderationis circa res agendas, ideo facit voluntatē impeccabilem: ita supr. Durand. & D. Th. 4. contra Gent. c. 92. rat. 5. & illum approbant cæteri Thom.

Sed in hac sententia duo dici possunt: vnum est, hunc modum visionis esse sufficientem ad hanc rectitudinem, & hoc est valde probabile, tamen incertum quantum ad duo: primò, quia illud principium morale, quod præsupponitur, est valde dubium, intellectum de impotentia, seu de necessitate, simpliciter: nam licet verum sit, quòd, moraliter ac regulariter loquendo, nunquam accadat, voluntatem labi absq; defectu intellectus, & ideo posset hoc dici moraliter impossibile, tamen quòd voluntas ex absoluta potentia & libertate sua non possit eligere malum sub aliqua ratione boni delectabilis stante omni consideratione intellectus de quacunque malitia & turpitudine actus, quamvis probabile sit: est tamen dubium, & ad probandum difficile, ut infra Tract. 5. disp. 5. sect. 1. dicetur, & l. 7. de Angelis tractans latius à c. 4. at verò impeccabilitas beatorum non tantum debet esse moraliter, sed absolutè, ita ut nullo modo possit contrariū accidere. Secundò, quia supponit hic modus aliam rem dubiā: sc. quòd beati videant in Verbo omnes suas actiones & omnes circumstantias earum: quia, ut aliàs dixi in Tract. de art. neg. l. 2. c. 28. id non sequitur necessariò ex vi visionis, neq; videtur debitum statui eorum, si intelligatur formaliter per ipsammet visionē beatifica: nam si intelligeretur tantum causaliter, reuera esset incidere in opin. Scoti, quia nihil aliud esset quam dicere, deberi beato rōe visionis ut in singulis actionib⁹ illuminetur & dirigatur ex parte intellect⁹, ut volūtas non possit deficere.

Alterum quod dici potest in hac sententia, est, hunc modum esse necessariū ad hanc impeccabilitatē, ita tamen ut visio Dei, quatenus præcisè intelligitur terminata ad Deū, non sit sufficiens ad hanc rectitudinē: & quoad hoc existimo hanc sententiā esse contrariā D. Thomæ, unde quoad hanc partē non sequuntur eā discipuli eius, quia citato art. 5. totā rationem huius impeccabilitatis constituit in hoc, quòd per illam visionem

H

vide-

VI.

VII.

VIII.



videtur Deus, qui est ipsa essentia bonitatis. Censeo etiam esse falsam hanc partem, tum quia ex illa sequitur cum præcisa visione Dei ut sic, absque visione creaturarum ex natura rei posse esse peccatum: tum etiam, quia sequitur illam visionem non rectificare voluntatem quatenus beatificat, cum non beatificet ut visio creaturarum, sed ut visio Dei; hæc autem esse falsa ostendam in discursu quæstionis.

IX. Secundus modus explicandi est, visionem quidem Dei præcise quatenus summum bonum est, esse sufficientem ad hanc impeccabilitatem, non tamen immediate per se ipsam, sed mediante amore: itaque visio necessitat ad amandum, & amor ad non peccandum, & hoc modo visio est tota radix huius impeccabilitatis. Ita Capr. in 1. distinct. 1. quæstion. 1. conclusio. 4. Sotus in 4. distinct. 49. quæstion. 3. artic. 4. conclusio. 4. & eadem fuit sententia Victoriz, ut refert Medina 1. 2. qu. 4. art. 4. quam ipse videtur interdum sequi, interdum relinquere.

X. In hac etiam sententia, sicut in præcedenti, duo continentur, vnum est, hunc modum esse sufficientem ad hanc impeccabilitatem, & hoc existimo verissimum, & consentaneum in primis D. Thom. 4. contr. Gentil. capit. 92. ubi in 6. ratione, inquit, *Quandiu voluntas nostra finem vltimum non consequitur, & ad fruitionem illius peruenit, peruertere potest; & ratione 7. dicit, proprium esse amoris facere voluntates conformes se amantium, & ideo voluntates beatorum esse conformes Deo, & ita fieri rectas: expressius id explicat quæstion. 24. de Veritate articul. 8. Deinde est consentaneum sanctis Patribus, Gregor. 5. moral. capit. 27. alias 28. iuxta illud, Ecce qui seruiunt ei non sunt stabiles: Angelica, inquit, natura in semetipsa mutabilis est, quam mutabilitatem vincit per hoc, quod ei, qui semper idem est, vinculis amoris colligatur. August. 2. de Gen. ad liter. capit. 36. Sancti Angeli illam incommutabilitatis substantiam ita concipiunt, ut visione, atque amore eam præponant omnibus, & secundum eam iudicent de omnibus, & in eam dirigantur ut agantur, & ex ea dirigant quidquid agant: & idem 14. de Civitat. cap. 9. inter alia, ubi amor boni immutabilis est, profecto si dici potest mali cauendi timor securus est: idem 13. de Trinitat. capit. 5. & Isidor. 1. de Summo bono, cap. 12. Anselm. libr. de casu diaboli capit. 6. Tandem ratione, quia supra disput. 9. sect. 1. ostensum est, ex visione illa sequi necessario amorem perfectum, & super omnia; sed hic amor prorsus repugnat cum actuali peccato: ergo, &c.*

XI. Dices, quamuis peccatū virtualiter, & interpretatiue repugnet amorī, non tamen formaliter per directam oppositionem circa proximum obiectum: hoc enim modo amorī est contrarium odium, quod comparantur ut tendentia & fuga; conuersio, & formalis auersio respectu eiusdem; non sic autem comparatur omne peccatum etiam mortale ad amorem, nam formaliter est tantum conuersio quædam ad bonum creatum, in qua virtualiter includitur auersio à Deo: potest autem fieri ut etiam si quis actu amet Deum, conuertatur ad creaturam, non considerando, neque aduertendo virtualem repugnantiam actuum illorum: atque hoc modo non videtur repugnare eum, qui amat, peccare per inconsiderationem, ut in intellectu repugnat esse duos actus formaliter contrarios respectu eiusdem; tamen si quis assensum præbeat principio alicui, ex quo necessario sequitur conclusio, & non consideret vim illationis, fieri potest ut cum assensu principii habeat assensum virtualiter oppositum circa contradictorium conclusionis, quod ex illo sequitur, & in voluntate

possunt facile poni exempla, ut de illo, qui vult sanitatem, & similiter vult comedere rem contrariam saluti, non considerans esse contrariam.

Respondetur, ex vi amoris actualis perfecti Dei, & efficacis fieri ut homo in omnibus operibus suis aduertat, ne aliquid illi amorī admittat contrarium, quia hoc pertinet ad perfectionem illius amoris, quia per illum tendit homo in Deū ut in vltimum finem, & ad illum refert se, & omnia, & ideo ipsemet amor sollicitat hominem ut nihil operetur contrarium tali amorī, & consequenter ut non se exponat periculo taliter operandi: ac denique ut in omni actione sua consideret, an repugnet, vel sit consentanea tali amorī: & ideo cum tali amore repugnat esse peccatū, quia neque esse potest, considerando repugnantiam, quam habet cum amore, ut per se patet: nec non considerando: quia vel cum tali amore non erit inconsideratio, vel, si fuerit, non erit culpabilis, quia, ut dixi, ipse amor efficit ut homo adhibeat diligentiam necessariā & sufficientem ad tollendam inconsiderationem culpabilem. Et hæc tam procedunt de peccato veniali, quam de mortali, quia amor beatorum est perfectus, non tantum intrinsece, sed etiam obiectiue, & excludit consequenter quidquid non potest referri in ipsum Deum, & quidquid actuali dilectioni perfecte repugnat, & vtrumque horum conuenit peccato veniali: & quoad hanc vltimam partem hæc sententia etiam ab Scoto, Gregor. aliisque non negatur.

Alterum quod in eadem sententia continetur exclusiuū est, nempe hunc modum ita esse necessarium ad impeccabilitatem beatorum, ut sine actuali amore non possit intelligi, unde fit, si contingat Deum suspendere cōcursum ad actum amoris manente visione, illam non satis esse ad necessarium cauendum omne peccatum: & hoc sensu non tam expresse asseritur ab autoribus citatis pro hac sententia, insinuat tamen, quia alias non satis explicarent causam huius impeccabilitatis. Et potest suaderi sic, quia visio sola ut sic formaliter, & ex parte actus non habet repugnantiam formalem, vel virtualem cum peccato, quia visio est in intellectu, peccatum in voluntate, & quia visio, ut sic, non dicit velle, neque nolle nec formaliter, nec virtute. Deinde, neque ex parte obiecti habet quod necessario impediatur peccatum, quia fieri potest ut obiectum peccati nullo modo cadat sub visionem, neque etiam connectio, vel contrarietas inter illud obiectum, & obiectum visionis. Nec tandem videtur illa visio habere hanc virtutem causaliter, nimirum efficiendo ut homo semper aduertat repugnantiam, vel habitudinem, quæ esse potest inter obiectum peccati, & Deum ipsum visum, quia illa visio non est tendentia in finem sicut amor, neque habet vim impulsivam sicut habet amor, seu voluntas, cuius est applicare cæteras potentias ad suos actus, quia est inclinatio in finem.

Atque hinc oritur etiam difficultas circa rationem qua D. Thom. utitur in citato loco 1. 2. quæstione quarta, articulo 4. nimirum quod voluntas videntis Deum ita se habet ad bonitatem diuinam, sicut voluntas se habet absolute ad bonum in communi: unde colligitur quod sicut voluntas nihil potest velle nisi sub ratione boni, ita voluntas videntis Deū nihil potest velle nisi sub ratione diuine bonitatis: unde tandem cōcludit, non posse peccare; videtur enim illa proportio non tenere in omnibus prout necessarium est ad vim illationis, nam bonum in communi est ad vniuersale vniuersalitate prædicationis, boni-

XII.

XIII.

XIV.



bonitas vero diuina solum vniuersalitate continentur, & causalitatis: unde fit vt bonum in communi formaliter includatur in omnibus aliis bonis; bonitas autem diuina non ita includitur, & ideo non videtur eadem ratio: nam voluntas quidquid amat, dicitur amare sub ratione boni in communi, non per modum intentionis, & electionis; neque quia feratur in rationem boni sub ratione abstracta, sed solum quia feratur in obiectum sub aliqua ratione boni, in qua necesse est illam communem includi: at vero vt feratur in obiectum creatum sub ratione diuinæ bonitatis, necesse est vt fiat per modum electionis, & intentionis, quia vna bonitas non includitur in altera, & ideo potest vna ad alteram referri vt ad finem: ergo secluso amore, seu actu circa ipsum finem, nulla est necessitas volendi cetera omnia vt substanti illi fini: ergo vel ratio D. Thom. est inefficax, vel accommodanda huic opinioni, ita vt sensus eius sit, esse quidem aliquam proportionem inter illa duo quantum ad hoc, quod sicut voluntas operatur propter bonum, ita voluntas videntis Deum non impedita, nec priuata aliqua perfectione sua, operatur propter Deum: quamuis modus & causa huius proportionis non sit eadem in utroque.

XV. Tandem potest specialiter confirmari hæc sententia in peccato omissionis: nam licet demus quod voluntas videntis Deum, si vult, debeat velle in ordine ad Deum: tamen in cessatione actus, non videtur necessarium vt apponat hanc habitudinem, seu relationem, & alioqui est libera, & secluso amore, nihil est quod illam necessitet ad exercendum actum circa creaturam, quia suppono visionem nihil manifestare de tali creatura: ergo non obstante visione poterit continere actum eo tempore, quo præceptum vrget.

XVI. Sed quamuis hæc argumenta difficilia sint, placet tamen tertia sententia, quam citato art. 4. docet Caiet. scilicet ipsam visionem per se ratione sui obiecti, nempe summæ bonitatis diuinæ, esse sufficiens principium ad excludendum omne peccatum, & potestatem peccandi: nam hæc videtur esse mens D. Thom. ibi, vt patet ex ratione eius; possumus autem id quadam experientia facere credibile, nam si quis sit in actuali Dei contemplatione, & præterea si consideret bonitatem eius, & efficaciter iudicet illi esse debitum vt in ipsum omnia referantur, vix potest intelligi quod tunc voluntas actu admittat peccatum aliquod, nisi prius intellectus cesset ab illa: ergo multo magis visio clara ipsius bonitatis Dei potens erit ad continendam in officio voluntatem. Deinde illud obiectum sic visum ex se necessitat voluntatem quoad exercitium ad amorem sui: ergo quamuis demus Deum suspendere cōcursum, & hac ratione deesse actum, adhuc intelligimus ipsam voluntatem quantum in se est toto impetu naturæ, & charitatis manere propensam ad illud obiectum: ergo hoc satis est, vt intelligatur voluntas quoad specificationem necessitari vt nihil velle possit, quod non sit sub diuina bonitate contentum, seu actu referri, & ordinari ad illam. Quod tertio sic explicatur ex D. Thom. 4. contr. Gent. capit. 92. ratione 4. vbi sic argumentatur: Cuicumque sufficit quod habet, non querit aliquid extra illud: sed videnti Deum sufficit Deus, & hoc videtur per ipsam visionem, alioqui per illam non fieret beatus: ergo nihil potest velle extra Deum, id est, quod non sit Deus, vel ad Deum non pertineat, ac sit referibile in ipsum. Ac fere in idem reddit quod in tertia ratione ibidem ait, Deum ne-

Suarez in primam secundam D. Thom.

cessario videri sub ratione boni completi, in quo appetitus conquiescit.

Tandem summa rationum omnium ad hæc duo principia reducitur, vnum est quod per illam visionem in tanta æstimatione & pretio habetur Deus, & bonitas eius, vt iudicetur esse bonum omnibus præferendum, nihilque esse amandum, quod ab illo faciat quoquo modo auertere voluntatem, quodque non sit conforme, & cōsentaneum illi: & hoc significauit Anselm. supra, dicens Angelos beatos non posse peccare, quia vident nihil plus velle posse, quam id, quod sunt adepti. Alterum principium est, illud bonum adeptum diuinum, & visionem eius, tanta efficacia conuertere ad se totam animam, & attentionem eius, vt ex vi illius nunquam possint conuertere ad volendum aliquid, quod non sit prius regulatum ab eis cum diuina bonitate, an sit illud consentaneum sibi, nec ne, quia vt dixit Aug. tractās illud Psa. 35. *Inebriabuntur ab vbertate domus tue, cum accepta fuerit illa ineffabilis visio, perit quodammodo humana mens, & fit diuina*: atque ita inebriatur ab vbertate domus Dei, & ideo in omnibus, quæ amat, respicit Deum ipsum, & confert quidquid amandum est cum bonitate eius, vt illud tantum amet, quod est illi consentaneum.

Dices, ex his omnibus ad summum probari, durante visione non posse committi peccatum, ita vt illa duo simul in eodem instanti permaneant: non tamen probari, fieri non posse, vt is, qui videt Deum, peccet, & peccando amittat visionem, ita vt primum esse peccati sit primum non esse visionis: sicut etiam gratia ex natura rei est impossibilis cum peccato, ita vt non possint esse simul, & nihilominus qui est in gratia, potest peccare amittendo gratiam in instanti, quo peccat. Iterum non est dubium quin possit aliquis videre Deum, aliquo tempore, & in ultimo instanti eius priuari visione, & in eodem peccare. Respondetur, rationes factas eadem proportionem applicatas probare, eum, qui videt Deum, non posse amittere visionem ratione peccati, ita vt intelligatur prius natura peccare, quam amittat visionem, quod necessarium esset ad veritatem illius causalis, *Perdit visionem quia peccat*, nam hinc fit visionem de se esse inefficacem, & insufficientem ad impediendum peccatum, & vt ita dicam, posse vinci a peccato, quādoquidem peccatum fuit causa excludendi illam, & prius natura intelligitur commissum, quam visio exclusa: ostensum est autem visionem de se talem esse, vt non det locum peccato: & ideo non est simile illud exemplum de gratia, sed potius confirmat quod dictum est, nam habitualis gratia secundum se non est per se efficax vt omnino impediat peccatum ex necessitate, & confirmet in bonum: & ideo fieri potest vt per peccatum excludatur: neque etiam est eadem ratio in alio exemplo, quia si Deus prius natura tollat visionem, iam non vincitur visio per peccatum, & ideo si alioqui voluntas naturæ suæ relinquatur, non est repugnantia quod tunc peccet.

Ex his facile respondetur ad difficultates positas in confirmatione primæ sententiæ. Ad primam positam in numer. 13. dicitur, quod licet actualis amor moueat, & impellat in genere causæ efficientis, tamen summa Dei bonitas clare visa mouet sufficienter in suo genere, scilicet in genere finis, & voluntas ac tota anima saltem impetu naturæ est in illam propensa, & per visionem etiam excitatur vt nihil amet nisi in ordine ad illam bonitatem: & hoc satis est vt voluntas nunquam possit deficere. Ad secundam difficultatem, quæ est circa rationem

H 2

D. Tho-

XVII.  
4. Probatio  
ac summa-  
ria.

XVIII.

XIX.



D. Thomæ respondetur, proportionem in hoc consistere, quod sicut bonum in communi, vel secundum se, vel prout in singulis bonis inclusum sufficienter mouet in genere finis, & supposito naturali impetu voluntatis, necessitat illam vt nihil velle possit nisi vt contentum sub ratione boni: ita etiam bonitas Dei clare visa in eodem genere finis habet eandem efficaciam respectu voluntatis toto impetu naturæ propensæ in ipsum, licet hæc efficacia oriatur ex diuersis principis, quod nec D. Thom. negat, nec rationi eius obstat. Ad tertiam de omissione respondetur eadem proportionem, nam quando aliquid est voluntarie omittendum, ipsamet Dei visio necessitat, vt prudenter prius consideretur an omittendum sit, & consequenter an actus oppositus omissioni, qui efficiendus proponitur, habeat necessariam connexionem cum diuina bonitate, nec ne, & tunc necessitatur voluntas ad id volendum quod iudicatum est necessarium, iuxta diuinam voluntatem, seu bonitatem.

XX. Hinc vero oriebatur illa difficilis quæstio, quomodo in beatis maneat libertas, præsertim respectu actuum præceptorum, & maxime posito actuali amore Dei necessario: quam tractat Anselm. in dialogo de libero arbitrio. & Aug. in Enchirid. ca. 105. & 22. de Ciuitate cap. vlt. qui contenti sunt respondere, eo beatos magis liberos esse, quo sunt à peccato liberiores: sed hæc videtur æquiocatio verbi. Resolutio est, in eo casu vel non esse magis liberos ad obediendum, quam ad amandum, vel certe libertatem esse positam in hoc, quod possunt varios actus exercere, & sub diuersis rationibus, & motiuis operari ad præceptum implendum: vnde fit vt liberum eis sit hunc vel illum actum elicere, quod satis est vt in re ipsa actus semper sit liber: quod latius tractauimus 3. part. quæst. 18. disput. 39. ad quod conducit etiam disputatio 37.

XXI. Sed supersunt duo, quæ inquire possunt. Primum est, an saltem de potentia absoluta possit fieri peccatum, vt beatus peccet: nam quæ hæcenus dicta sunt ad summum probant ex natura rei, potest autem sæpe Deus facere, vt quæ natura sua repugnant in eodem subiecto, per suam potentiam simul in illo coniungantur. Respondetur, hoc nullo modo fieri posse primo quia si adsit amor, est specialis repugnantia propter contrarietatem inter amorem & peccatum: & licet in aliis contrariis fieri possit vt interdum sint simul, tamen in actibus vitalibus existimo habere specialem repugnantiam, quia vnus destruit obiectum alterius, & ideo inuoluunt immediatam contradictionem, vt significauit D. Thom. 4. cont. Gent. c. 92. ratione 2. Deinde etiam secluso actuali amore in aliis, quæ natura sua repugnant, vt per diuinam virtutem coniungantur, necesse est vt ad illa Deus speciali modo operetur, vel conseruando effectum, vel confortando, seu necessitando causam secundam ad agendum; non potest autem Deus hoc præstare in peccato, quia non potest voluntatem speciali modo mouere ad illud committendum, & aliunde non potest priuare suam bonitatem clare visam illa efficacia, quam habet ad attrahendam ad se voluntatem: neque etiam potest priuare voluntatem naturali impetu ad ipsum, & ideo non potest tollere principia vnde oritur hæc repugnantia, neque aliquid efficere, quo impediatur.

XXII. Dices: Posset Deus impedire, seu non concurrere cum huiusmodi homine vidente ipsum ad considerandam repugnantiam, quæ est inter actum peccati, & diuinam bonitatem Respondetur, hoc in primis non esse consentaneum diui-

uæ bonitati: deinde posito illo casu talem inconsiderationem non esse voluntatem, neque culpabilem, & ideo quamuis ratione illius esset materialis defectus in voluntate, non imputare. ut ad culpam, quandoquidem non esset tali homini potestas ad perfecte deliberandum ea quæ necessaria sunt ad vitandum talem defectum. Obiiciunt alii, nam posset Deus hominem actualiter peccantem ad se videndum eleuare, sed tunc simul esset peccatum cum visione. ergo. Respondetur negando minorem, in eo enim casu primum esse visionis, esset primum non esse peccati; neque enim posset Deus necessitare voluntatem ad perseverandum in actu peccati; vel certe si necessitaret, iam non esset peccatum; neque etiam potest voluntas libertate sua magis conseruare actuale peccatum simul cum visione, quam inchoare illud, eadem enim est vtriusque ratio.

Hinc secundo & vltimo inquire potest in hoc dubio, an de potentia absoluta possit Deus saltem efficere, vt simul cum visione maneat peccatum habituale: quibusdam enim videtur hoc etiam implicare contradictionem, vel quia visio ex se, & natura sua facit voluntatem rectam, vel quia repugnat Deo tantum donum tribuere homini iniquo, & sibi inimico, cum odio sint Deo impius & impietas eius. Sap. 14. Itæ, quia alias talis homo & esset beatus, quia haberet visionem Dei; & non esset beatus, quia esset in peccato. Aliis vero videtur hoc fieri posse de potentia absoluta, Med. citato art. 4. concl. 3. significat, Durand. in 4. d. 49. quæst. 4. & mihi videtur probabilius, quia neque phylice, neque moraliter inuenio repugnantiam, seu contradictionem. Phylice dicuntur ea repugnare, quæ in propriis, seu intrinsecis rationibus, & formalibus affectionibus contradictionem inuoluunt; hoc autem non reperitur in presenti, quia visio formaliter tantum est perfectio intellectus, & non redundat necessario in essentiam animæ, vel voluntatem, in quibus peccatum formaliter existit, quatenus includit priuationem gratiæ, & auersionem voluntatis.

Dices: licet non sit necessarium posita visione infundi gratiam in essentiam animæ, tamen necesse est, vt ex vi visionis sit debita talis gratia: ego etiam si maneat carentia gratiæ, tamen non poterit manere sub ratione priuationis, sed tantum sub ratione puræ negationis: ergo non potest sub ratione culpæ manere. Respondetur in primis, non proprie deberi gratiam ratione visionis; sed potius visionem deberi ratione gratiæ: proprie vero dicendum visionem naturæ suæ supponere gratiam; non est autem repugnantia quod homo ratione culpæ sit dignus carentia gratiæ, & visionis, quæ ad illam ex natura rei debetur dignitate, seu debito morali, & tamen quod Deus non ablata ipsa culpa det aliquod donum homini, etiam si sit illo indignus, & tunc carentia gratiæ non tantum duraret in ratione negationis, sed etiam priuationis, quia esset homini voluntaria per relationem ad actum præteritum, & esset debita debito morali ratione culpæ nondum remissæ: nec repugnant simul hæc duo, scilicet quod aliqua forma quodammodo sit debita naturaliter secundum proportionem ad naturam, vel ad aliquem actum, & tamen quod priuatio eius sit alio titulo debita debito morali ratione culpæ. Atque etiam hæc ratio procedit de voluntate, cuius obliquitas non necessario tollitur formaliter per visionem: neque obstat quod posita visione necessario constituitur voluntas in eo statu, in quo non potest peccare, quæ videtur summa eius rectitudo,

XXIII. An possit saltem habituale peccatum cum visione conseruari.

XXIV.



tudo, per quam tollitur omnis relatio, & moralis conuersio ad peccatum, hoc, inquam, non obstat, quia illa restitudo ex visione prouenit quasi obiectiue tantum; & ex parte voluntatis solum est quædam inclinatio naturalis ad bonum: per hæc autem non destruitur formaliter moralis habitudo, seu conuersio ad peccatum commissum non retractatum, neque remissum: maxime, quia ipsa actualis dilectio non habet formalem, & immediatam repugnantiam cum habituali culpa: ergo multo magis illa aptitudinalis, seu obiectiua restitudo voluntatis non est immediate repugnans cum culpa habituali physice: igitur nulla est in hoc implicatio contradictionis; moraliter autem videtur illud repugnare, quia inuoluit aliquid turpe, seu honestati contrarium, quale est mentiri Deum, & huiusmodi etiam repugnantia non est in præsentia, quia licet Deus odio habeat peccatorem, ut peccator est, id est, culpam eius detestando; potest tamen amare eum, qui peccator est, eique benefacere non tantum naturalia dona, sed etiam supernaturalia conferendo; sicut nunc dat peccatori fidem, & spem, & interdum donum prophetiæ, & alia similia, possit ergo similiter dare visionem, maxime pro aliquo tempore, in quo nec contra iustitiam faceret, cum sit dominus donorum suorum, neque contra aliquam aliam virtutem, quia si id vellet facere, non deesset Deo honesta aliqua ratio, propter quam id faceret. An vero in eo casu dicendus esset ille homo beatus, nec ne, quæstio esse potest de modo loquendi: dici tamen possit fore tunc beatum quoad essentiam, non vero quoad statum, & perfectionem beatitudinis, quæ requirit omnium honorum aggregationem, ut in suo statu perfecto constituta sit.

## S E C T I O II.

*Quibus virtutibus ornetur voluntas Beatorum.*

**I.** Ratio dubii oritur primo ex dictis præcedentibus. **1. Dubitatio.** **2. Ratio.** Rati sect. nam si voluntas illa peccare non potest, nulla indiget virtute, quia virtus circa difficile versatur: in illo autem statu nulla difficultas est in bono operando. Secundo, esto sit tibi necessaria aliqua virtus, sufficit charitas, tum quia beati omnia operantur perfectissimo modo: ergo immediate referunt omnia in Deum, ut finem supernaturalem: ergo sufficit illis charitas ad supplenda omnia: tum etiam, quia in illis non est spes, neque virtutes morales, quia non exercent actus earum, præsertim temperantia, & fortitudinis, quia neque habent pericula, in quibus fortiter segerant, neque passionem alias quas vincant.

**II.** In hac questione tria inquiri possunt, primum an beatus retineat in patria omnes habitus virtutum, quos habuit in via. Secundum, an exerceat actus eorum. Tertium, an habeat virtutem aliquam, cuius non est capax in via. Circa primum, & secundum multa dici possent, tamen quia aliis locis tractari solent, breuiter expediam. Est ergo quorundam opinio, in patria non manere virtutes omnes morales, quæ sunt in via: sic Durand. in 3. d. 33. quest. 4. nam quædam ex his virtutibus (inquit) sunt in appetitu sensitivo, ut fortitudo, & temperantia, & hæc non manent in anima separata, quia non manet subiectum earum: nec necessarium putat reparari in resurrectione, quia non existimat fieri posse, ut eadem Suarez in primam secundæ D. Thom.

numero restituantur, neque oportere, ut aliz numero distinctæ infundantur, cum ibi non sint necessariæ ad exercendos actus, neque ad mortificandas passionem, quæ in corporibus gloriosis erunt pacatissimæ. De virtutibus autem voluntatis concedit quoad habitus manere in patria, si acquisitæ sunt in via, quia subiectum earum manet, & non habent à quo corrumpantur: negat tamen ibi exercere actus suos, sed manere solum ad ornatum: & in hoc ultimo cum Durando sentiunt aliqui Thomistæ.

At vero communior sententia est, voluntates beatorum perfici omnibus virtutibus, & exercere aliquos actus earum: quod si quæ ex his virtutibus sunt in appetitu sensitivo, eas dicunt etiam futuras in beatis, quando in eis fuerit appetitus sensitivus, quod erit post resurrectionem. Hæc est sententia D. Thom. 1. 2. quest. 67. articul. 1. ex Augustin. 14. de Ciuitat. cap. 9. idem D. Thom. in 4. dist. 14. quest. 1. articul. 3. quest. 3. Alenf. 4. part. quest. 98. membr. 3. articul. 3. §. 1, qui adducit Augustinum libr. 6. Musica: idem sentiunt alii tum in 4. dist. 14. & in 3. dist. 33. præsertim Bonauent. quest. 6. Richard. articul. 1. quest. 6. Gabriel quest. 1. articul. 3. dub. 3. Quæ sententia vera est, & sic explicanda. Nam primo dicendum est, omnes habitus virtutum qui sunt, vel esse possunt in voluntate viatorum, manere in voluntate quatum ad substantiam, seu entitatem eorum. Ratio est, quia omnes istæ sunt virtutes, & perfectiones simpliciter, neque beatitudo includit perfectionem aliquam quæ hanc excludat: nam potius beatitudo de se requirit omnem suppositi perfectionem ad suum complementum, neque hæc virtutes in formali, & essentiali sua ratione includunt aliquam imperfectionem perfectioni beatitudinis repugnantem: & ideo dixit D. Thom. manere virtutes morales in beatis quoad formale earum. Quod sic probatur secundo, quia omnes hæc virtutes respiciunt bonum honestum ut sic, & inclinant, atque afficiunt voluntatem ad tale bonum, & de se augent virtutem operandi rectè circa illud: hoc autem totum ad perfectionem spectat: atque hoc magis constabit ex sequentibus.

Secundo dicendum est, omnes has virtutes posse exercere aliquem actum in beatitudine, alioqui videri possent superflue, neque fere esset maior ratio, ob quâ illæ manerent potius quam fides, imo non essent censendæ virtutes, ac perfectiones simpliciter, si in opposito, ac perfectissimo statu nihil possent operari. Ratione sic declaratur, quia sicut voluntas essentialiter est appetitus tendens in bonum, cuius primarius actus est amor, ad quem alii consequuntur; ita virtutes voluntatis, quæ illam perficiunt modo illi accommodato, sunt veluti affectiones quædam optimi, quod est honestum: ergo primario inclinant illam ad amandum huiusmodi bonum, & consequenter ut illud desideret, si illo caret, & illud exequatur, saltem si potest, & oportet, vel illo gaudeat, si iam illud possidet: ex quibus actibus saltem amor & gaudium tales sunt, ut nullam includant imperfectionem: possunt ergo haberi in quocunque statu perfectissimo circa quodcunque bonum sub quocunque honesto motiuo: ergo nulla potest excogitari virtus in voluntate, quæ non possit habere actum perfectum in beatitudine. Quod possit inductione explicari, nam hoc supra explicatum reliquimus in virtute spei, quæ maxime videri posset repugnare statui beatorum. Atque idem est de fortitudine: nam martyr, v. g. maxime gaudet quod se fortiter gesserit in tolerandis

**III.** Communis opinio & vera.

**1.** Pronuntiatio pro habitibus virtutum.

**IV.** **2.** Pronuntiatio pro actibus.



doloribus, & superandis periculis, qui actus si fiat ex moriuo, & honesta e illius virtutis, ad fortitudinem spectat: sic etiam D. Thom. in 4. vbi supra dixit, manere penitentiam in beatis, qui licet non doleant de peccatis commissis, gaudent tamen de satisfactione Deo facta, & remissione consecuta.

V. Tercio dicendum, has virtutes non posse in patria exercere omnes actus, quos efficiunt in via. Patet simili inductione in spe, & penitentia: & idem est de temperantia, & fortitudine, de quibus propterea dixit D. Thom. non manere, quia non manet omnino illa materia, circa quam possunt exercere aliquos actus. Et hæc est ratio huius assertionis, scilicet quia hic aliqui sunt huiusmodi actus, qui includunt, vel supponunt imperfectionem ex parte obiecti, scilicet vel absentiam alicuius boni, vel præsentiam alicuius mali.

VI. Atque hinc intelligitur primo, quando aliquæ ex his virtutibus negantur esse in beatis, vt in aliquo sensu hoc verum sit, non esse intelligendum de ipsa virtute secundum se, & quoad entitatem eius, sed vt connotat habitudinem ad aliquem actum imperfectum cum proxima aptitudine, & dispositione ad faciendum illum, sic enim non est spes in beatis, &c. Et eodem modo negari potest quod sit in eis continentia, quia hæc vox significat virtutem in statu imperfecto: sicut etiam simpliciter negari potest quod maneat in beatis potestas peccandi, etsi maneat voluntas creata, quia non manet iam ita disposita vt possit deficere. Quod si quis credat, habitum virtutis per diuersum modum gradus, seu entitatis partialis esse principium diuersorum actuum; consequenter dicere posset manere secundum eum gradum, vel entitatem, quæ est principium actus perfecti, non vero quoad alium gradum, vel partialem entitatem, quæ est principium actus imperfecti, & repugnantis illi statui; tamen quia communius est, eundem habitum indiuisibiliter esse principium omnium actuum, præsertim cum illi actus inter se sint ita connexi, & vnus ex alio oriatur, ideo verius est, habitum quidem in se eundem omnino esse, & durare, & solum ob diuersum statum, diuersamque obiecti applicationem, & representationem diuersos actus exercere, & in ordine ad illos diuersas denominationes recipere.

VII. Colligitur secundo, manere in beatis non tantum virtutes per se infusas, sed etiam acquiras, quæ vel conseruantur, si in via fuerunt acquiræ, vel per accidens infunduntur, vel perficiuntur, si quid eis deerat, sicut supra dixi *disp. 8. sect. 2.* de scientiis naturalibus, quia in eo statu debet esse natura omni ex parte perfecta, non solum gratuita, sed & connaturali perfectione. Atque eadem ratione idem dicendum censeo de habitibus appetitus, si qui in illo sint; nam proprie, virtutes omnes etiam morales sunt primario in voluntate: quia ratio est eadem scilicet, quod appetitus, & omnes potentie sensitiuæ debent in eo statu esse perfectæ omni perfectione sibi connaturali, & proportionata. Item, quia ibi erunt perfectissimæ delectationes sensibiles, quibus beati vtuntur moderatissime, & secundum rectam rationem: neque refert quod ibi erunt omnes appetitus passionum moderatæ, & subordinatæ recte rationi, nam hoc ipsum fiet per intrinsecam virtutem, & perfectionem, quia hic modus melior, & perfectior est. Propter quam rationem dixi in materia de Incarnat. *disput. 19.* has virtutes esse in Christi humanitate, sicut etiam fuerunt in Adamo in statu innocentia.

Tercio infertur, etiam esse futura in beatis illa tria Spiritus sancti dona, quæ ad voluntatem spectant: quod probari potest eadem ratione proportionaliter. Solum posset esse dubitatio de timore, de quo videri possunt quæ de Christo Domino dixi in citata materia *disput. 20. sect. 2.* eadem enim est ratio de cæteris beatis.

Circa tertium punctum huius questionis positum in num. 2. est opinio Richardi in 4. d. 49. art. 3. q. 7. qui tribuit beatis specialem virtutem, seu habitum voluntatis, quem ponit inter dotes animæ, quem dicit esse ad efficiendum actum securitatis: hunc enim existimat esse actum voluntatis, quatenus in ea est ratio irascibilis; nam versatur, inquit, circa Deum vt est obiectum summe bonum, & directe opponitur timori. Sic fere Bonauent. *ibi artic. 1. question. 5.* licet differat, quia non vocat illum actum securitatem, sed tensionem, seu comprehensionem. O Cham etiam, & alii idem sentiunt: sed ego nullum video fundamentum.

Quare probabilius existimo nullum virtutis habitum infundi beatis in voluntate, qui non potuerit esse in eisdem in statu viz quantum ad substantiam, & entitatem ipsius habitus. Ratio est, quia omne honestum bonum, quod per visionem repræsentatur voluntati, potest etiam per fidem proponi, si non ad fruendum, saltem ad amandum, & desiderandum, quia voluntas potest ferri in bonum secundum se, vel in bonum absens quacumque ratione cognitum: ergo voluntas in via est capax cuiuscumque virtutis, quæ circa bonum honestum versetur: vnde cum alias iustitia, quæ per gratiam, & cum gratia infunditur, sit essentialiter perfecta & integra, cum ea infunduntur voluntati omnes virtutes, quæ illam possunt perficere in ordine ad dilectionem cuiuscumque boni honesti. In quo est magna differentia inter intellectum, & voluntatem, quia status viz, & status patriæ primo ac per se distinguuntur ex parte intellectus videntis, vel credentis, quia actus sunt essentialiter diuersi, & requirunt omnino principia diuersa, & ideo necesse est in intellectu aliquod lumen infundi in patriam, quod non infunditur in viam: in voluntate autem id non est necessarium, quia rectitudo voluntatis supponitur, & per se non differt essentialiter ab ea, quæ est in patriam, sed solum perficitur vel accidentaliter, vel ex parte obiecti consecuti; neque actus ille securitatis, vel consecutionis est proprie actus distinctus, qui requirit specialem virtutem in voluntate: nam tentio, vel comprehensio, vt supra *disp. 8. sect. 4.* dictum est, vel solum est actus intellectus, vel si aliquo modo ad voluntatem spectat, nihil aliud est, quam vniri Deo per amorem perfectum: securitas vero, vt infra *disput. 14.* latius, ex parte intellectus est cognitio perpetuitatis beatitudinis, & diuinæ voluntatis, ac promissionis, vel carentia timoris, quæ nullum specialem actum dicit, vel perfectus amor, ac delectatio, quia circa beatitudinem sic proportionatam voluntas fertur sub ratione boni, & non desiderando, nec sperando: ergo amando, vel gaudendo de bono diuino, vel de proprio commodo; & ad hos actus sufficiunt virtutes, seu habitus supra explicati: omnis autem alius actus est excogitatus sine fundamento, nam cum voluntas sit essentialiter appetitus, non potest ferri in bonum, nisi per modum affectus, vel appetentis: ergo per amorem, vel gaudium.

(o)

VIII.  
3. Coroll. ar.IX.  
Circa 3. me  
brum qua-  
stionis in n.  
2. aliquorū  
opinio.

X.



## S E C T I O III.

*Utrum voluntas Beati necessario habeat  
complementum omnium desidero-  
rum suorum.*

I. **R**atio dubii est primo, quia in ipsa met essentiali beatitudine non habet beatus quicquid perfectionis haberi potest: ergo semper habet quod amplius desideret, nec potest beatitudo ipsa omnino hoc desiderium excludere: quomodo posset intelligi illud 1. Petri 1. *In quem desiderant Angeli prospicere*: quia semper desiderant magis, ac magis videre. Secundo in ceteris bonis non semper habent Beati perfectionem completam, nam in primis deest illis corporis beatitudo, quam desiderant, ut colligitur ex *Apocal. 6.* & idem dici potest de aliis bonis externis, ut est societas aliorum, & salus eorum, quos amant, & car. quia ratione in Angelis sanctis sicut interdum est oratio, quæ non impetrat, ita possunt esse desideria quæ non implentur: & in anima Christi Domini, præsertim tempore viæ, fuerunt similia desideria, quamuis tunc fuerit beata: ergo beatitudo non omnino excludit hunc actum, neque omni ex parte satiat voluntatem. Et ratio adiungi potest, quia beatitudo non necessario secum affert aggregationem omnium bonorum, quæ voluntas appetere potest.

II. **I**n contrarium est doctrina Augusti. 13. *de Trinit. cap. 5.* dicentis, *Omnes Beati habent quod volunt, quamuis non omnes, qui habent quod volunt, continuo sint Beati*: unde concludit illam sententiam, *Beatus est qui habet omnia, quæ vult, & nihil mali vult.* & *cap. 7.* subiungit, *In illa beatitudine perfecta quidquid ambitur adest, nec desiderabitur quod non adest.* Eandemque doctrinam habet D. Thom. *art. 4. quest. 5.* & sumitur ex Arist. 1. *Ethic. cap. 7.* dicente fecilitatem esse perfectum bonum sufficiens, & nullius rei indigens, quod repetit *libr. 10. cap. 6.* Imo Scriptura sacra videtur hoc sæpe docere, *Psal. 16.* *Satiabor cum apparuerit gloria tua,* & aliis locis, quæ supra disputat. 9. *sect. 3.* de gaudio, & delectatione dicta sunt. Ratio est, quia desiderium, quod non impletur, affligit animam, & supponit imperfectionem, nam est de bono nondum habito, quod bonum vel est desideranti conueniens secundum præsentem statum, vel non: si est, quomodo deesse potest beato? si non est, quomodo potest ab illo desiderari, cum non possit nisi ordinatissimos actus habere? Tandem qui desiderat, adhuc est in via: beatitudo autem habet rationem ultimi termini: ergo necesse est secum afferat complementum omnium desideriorum.

III. **I**n hac re id, quod probant rationes posteriori loco factæ, absolute, & simpliciter loquendo, verum est: indiget tamen explicatione, & limitatione: unde est aduertendum, sermonem esse posse vel de voluntate ut tendit in ipsum obiectum beatificum, seu formalem consecutionem eius, vel ut tendit in alia bona, vel sua, vel totius suppositi, vel aliorum, qui ad ipsum aliquo modo pertinent. Rursus dupliciter intelligi potest beatitudinem: aut per seipsam, alio modo radicaliter ut causa illorum: unde fit ut dupliciter possimus loqui de beatitudine, vno modo ratione essentiali illius, alio modo ratione status, qui includit omnem perfectionem concomitantem essentiali.

IV. **D**icendum primo, beatitudinem per se ipsam, ac formaliter satiare voluntatem quatenus tendere potest in ipsum obiectum beatificum, seu

consecutionem eius. Hoc est per se manifestum, & maxime probatur argumentis secundo loco factis, neque contra hoc procedit prima ratio dubitandi proposita, quia licet secundum remotam capacitatem quilibet beatus sit capax maioris perfectionis, tamen secundum proximam vnusquisque habet, quantum habere potest, quantumque sibi debetur, & ideo nihil amplius desiderat, præsertim cum habeat voluntatem suam omnino conformem diuinæ voluntati, & videat secundum diuinam ordinationem, & providentiam rationem talem beatitudinis gradum sibi destinatum: est ergo illo contentus, neque amplius desiderat. Nec verba illa ex epistola Petri citata habent illum sensum, sed eis indicatur quanto gaudio, & affectu beati semper videant Deum, ut ibi omnes exponunt, & optime Beda *tom. 8. lib. variar. quest. 9.*

Secundo dicendum est, essentialem beatitudinem non implere per se ipsam formaliter omnem appetitum seu desiderium beati. Ita Scot. in *4. d. 49. q. 6. artic. 1.* existimat tamen id esse contra D. Thom. sed sine causa, ut ait Caiet. 1. 2. *question. 5. art. 4.* quia nunquam D. Tho. oppositum docuit, ut patet in illo *art. & in 4. d. 49. quest. 1. art. 1. quest. 4.* & res est adeo clara, ut vix possit esse de illa controuersia, quia, ut sæpe dictum est, formalis beatitudo non est aggregatio bonorum omnium, quæ inesse possunt beato, & quæ ab illo desiderari possunt: ergo præter illam formalem beatitudinem appetit beatus aliqua alia bona: ergo sola ipsa per se ac formaliter non satiat omnem appetitum beati.

Tertio dicendum, beatitudinem constituere hominem in eo statu, in quo habeat complementum omnium desideriorum suorum, atque ita radicaliter, & quasi fundamentaliter beatitudinem afferre hanc perfectionem, quamuis non simul, nec pro quouis tempore illam afferat, sed opportuno tempore iuxta ordinem diuinæ providentiæ. Priorem partem huius assertionis probant argumenta, quæ in *numer. 2.* allata sunt, & facile probari potest ex dictis *disput. 6. sect. 3.* de essentia beatitudinis: nam essentia rei est radix, & fons omnium proprietatum, & perfectionum, quæ tali rei debentur: ergo similiter, &c. Posteriolem vero partem huius assertionis probant rationes dubitandi in principio positæ.

Sed aduertendum est, quod licet status beatitudinis si omni ex parte completus sit, & perfectus, requirat etiam hanc perfectionem omni ex parte consummatam: tamen interdum reperiri essentialem beatitudinem absque perfectione completa illius status, ut nunc est in animabus beatis, quibus adhuc deest illa perfectio, quæ ex coniunctione ad corpora in illas redundabit, quia secundum diuinæ providentiæ ordinem non fuit expediens simul beatificari totum hominem corpore & animo constitutum: quamdiu ergo status ille non est completus in qualibet perfectione intrinseca, vel extrinseca, potest intelligi in animabus beatis aliquod desiderium nondum completum quia hoc non est contra essentialem beatitudinem, neque includit imperfectionem eius, sed accidentaliter tantum beatitudinis, ut infra dicemus *disp. 13. sect. 1. num. 1.*

Est etiam aduertendum, ut secundam rationem in contrarium factam obiter dissoluamus, hoc desiderium, quod interdum potest esse in beatis, etsi sit de bono nondum habito in re ipsa, tamen si absolutum est desiderium & efficax, quantum est ex parte beati, semper esse de bono suo tempore opportuno infallibiliter obtinendo: pro quo tempore à beato desideratur, & non antea, nam

H 4 semper



Desideria  
non sollici-  
tant beatū.

semper habet hoc desiderium iuxta mensuram diuinæ voluntatis, & subordinatum illi. Vnde fit, vt ex tali desiderio nulla anxietas oriri possit, quia dilatio illius non est inuoluntaria, neque etiam est aliquis timor, quod suo tempore implendum non sit, ex quibus oriri solet, vt desiderium non impletum affligat animam: est ergo ille affectus per modum simplicis affectus habendi tale bonum conuenienti tempore, quod etiam quodammodo censetur præsens in radice, & infallibilis spe: quod si quæ videntur esse desideria in beatis de rebus, quæ nunquam fient, v.g. de salute amici, qui non saluabitur, illa non sunt absoluta, nec simpliciter efficacia ex parte beatorum, sed solum sunt simplices affectus subordinati diuinæ voluntati, & prouidentia, quam magis cupiunt in omnibus rebus impleri, & ita id, quod iuxta diuinam voluntatem absolutam in huiusmodi rebus fit, est etiam magis conforme voluntati beati. De quare videri possunt quæ in simili materia dixi tractando de voluntate Christi 3. p. q. 8. disp. 38. vbi multa, quæ dicta sunt de actibus voluntatis Christi, applicari possunt ad voluntatem beatorum.

IX.  
Nec malū  
præsens illū  
contristat.

Atque ex his à fortiori sequitur beatos non esse capaces tristitiæ, loquendo ex natura rei, & seclusis miraculis, quia si non possunt carere aliquo bono sibi debito, & proportionato, multo minus possunt habere aliquod malum præsens, quod est proprium obiectum tristitiæ, præsertim quia ex vi visionis beatæ tanto gaudio afficiuntur, & in tanto pretio habent illud bonum, quod possident, vt cætera omnia, quæ illi bono contraria non sunt, quasi pro nihilo ducant. Rursus si aliqua mala interdum commiserunt, iam nullo modo illa considerant vt præsentia, sed abolita, & ideo licet ea odio habeant, non tamen dolent de eis, sed potius gaudent de illis bonis, quæ occasione illorum malorum Deus in eis est operatus. Denique cum in omnibus habeant suam voluntatem conformem diuinæ, & omnia considerent sub ordine diuinæ prouidentia, nihil est, quod eos contristet, sed potius valde delectantur contemplantes diuinam sapientiam, & admirabilem prouidentiam in ipsis etiam malis, quæ in aliis fieri contingunt. Sic igitur est voluntas beatorum in omnibus perfecta.

## DISPUTATIO XI.

### De dotibus, aureolis, & fructibus animæ beatæ.



N hac disputatione nulla fere noua res explicanda occurrit, quæ ad essentialem beatitudinem spectet, tamen ad materiæ complementum, & intelligendos Theologos, qui de hac re scribunt, oportet explicare quasdam metaphoricæ locutiones, quibus hæc beatitudo animarum sanctarum explicata est, & non nihil etiam addere de accidentalī gloria earum.

### SECTIO I.

*Virum sint aliquæ dotes in anima beatæ:  
& quid, & quot sint.*

I.

Circa primum supponenda est metaphora huius vocis, *Dos*, quia interdum habet genera-

lem, & absolutam significationem, quomodo quælibet perfectio, & ornamentum viæ dicitur dos eius: sic enim qui pollet ingenio, &c. dici solet ornatus magnis dotibus. Interdum vero sumitur hæc vox ex speciali metaphora matrimonij, id enim quod datur sponsæ in matrimonio ad sustentanda illius onera, solet dotis nomine appellari, & hinc translata est metaphora ad animam beatam, vt D. Thom. in 4. d. 49. artic. 1. & ibi cæteri Theologi, & habet fundamentum in Scriptura sacra, nam vnio animæ cum Deo per charitatem, & iustitiam desponsatio dicitur, 1. Cor. 11. Respondi enim vos vni viro virginem castam exhibere Christo. & Ephes. 5. Sacramentum hoc magnum est, ego autem dico in Christo, & Ecclesia: & idem dici potest de quacumque anima sancta hoc autem spirituale matrimonium in statu viæ, quantum est ex vi eius, non est omnino indissolubile, in patria vero fit omnino irreuocabile, & tunc proprie traducitur sponsa in domum sponsi. Et ideo Theologi hanc metaphoram prosequentes addiderunt, tunc specialiter dotari, & ornari vel à Deo, vt à patre: vel à Christo, vt ab sponso, nō ad sustentanda onera illius matrimonij, quæ nulla sunt, sed vt condigne fruantur illo statu, de quo Apocal. 21. dicitur. Vidi ciuitatem sanctam Hierusalem nouam sicut sponsam ornata viro suo.

Quid in præ-  
senti signi-  
ficet *Dos*.

Ex hac vocis explicatione facile intelligitur primo, dari dotes in animabus beatis quando dantur illis perfectiones, & dona illi statui, ac sponcioni spirituali accommodata. Solum est quod possit inquiri, quia sequitur etiam in anima Christi, & Angelis ponendas esse dotes, quod Theologi non admittunt. Respondetur, quoad rem significatam non esse dubium quin tota illa perfectio, quæ in puris hominibus vocatur dos, sit in Christo, & Angelis: metaphora autem dotis non ita proprie illis accommodatur, vt Diu. Thom. docet citato loco art. 3. & 4. quia si in Christo consideretur vnio naturarum, nō habet proprie rationem desponsationis, quæ solet esse inter personas distinctas, & eiusdem naturæ specificæ: si vero consideretur vnio inter Verbum, & humanitatem, est etiam alterius ordinis, & non est etiam ibi similitudo in natura, atque eadem ratione non dicuntur Angeli proprie desponsari Deo vt Deo, neque Christo vt homini, quia non sunt eiusdem naturæ, & propter ea cessat metaphora dotis, etsi facile etiam extendi possit, quia etiam anima interdum dicitur desponsari Deo, vt Deus est, quatenus qui adheret Deo, vnus spiritus fit cum eo, & hoc modo conuenit Angelis, & suo modo animæ Christi.

II.

1. Consecra-  
rium ex da-  
ta explica-  
tione, quan-  
do datur  
dotes.  
In anima  
Christi &  
Angelis cur  
non sint do-  
tes proprie.

Colligitur secundo quid sint istæ dotes, sunt enim illæ perfectiones, quibus anima ornatur, vt vnatur Deo: solet autem à Theologis inquiri an sit habitus vel actus: quod sint habitus, docet D. Thom. d. dict. 49. q. 4. art. 2. & art. 5. q. 2. & sequitur ibi Rich. art. 3. q. 7. Palud. q. 8. art. 3. & alii: estque satis probabile si consideremus metaphoram: nam dos non significat vsum aliquem, sed facultatem ad vtendum: ergo in anima beatæ dos non significat operationem, quæ est per modum vsum, sed dispositionem, vel facultatem, quæ datur ad bonum vsum: sicut etiam in corporibus gloriosis dicuntur futuræ dotes, quæ non sunt operationes, sed qualitates, vel facultates, quibus corpus illud est aptum ad operationem, vel in se est recte dispositum.

III.

2. Consecra-  
rium de quid-  
itate do-  
tium.  
Dotem esse  
habitū pro-  
babile est.

Alii volunt esse operationes, quod sentit Bonauent. d. 49. art. 1. q. 5. & Soto quest. 4. art. 3. Ratio- nes eius non sunt magni momenti, nam in eo, quod assumit, lumen gloriæ non posse vocari dotem, petit principium, & aperte est contra D. Thom.

IV.

Probabile  
esse opera-  
tionem.



Diu. Thom. supra ad 3. quod etiam ait, respectu fruitionis non dari habitum qui sit principium eius, falsum est, nam iuxta sententiam ipsius, qui ponit fruitionem in intellectu, lumen gloriæ est principium eius: iuxta veram autem sententiam iam nos supra disp. 9. sect. 3. assignauimus in voluntate habitum, à quo elicitur fruitio. Ratio esse potest, quia dos hic significat perfectionem omnino propriam beatitudinis: propria autem perfectio beatitudinis est actus secundus, non primus. Vnde D. Thom. hic, quamuis metaphoræ dotis non meminerit, tamen loquendo de perfectionibus, quæ sunt dotes, semper loquitur de operationibus, ut sunt visio, comprehensio, delectatio, & eodem modo, & sub nomine dotium loquitur in 1. p. q. 12. art. 7. ad 1. & super 6. ad Hebr. lectione 1. & hoc potest defendi: si tamen spectemus accommodationem metaphoræ, prior loquendi modus videtur aptior.

V. Tercio facile intelligitur quot sint istæ dotes, omnes enim Theologi conueniunt in ternario numero solum propter quandam perfectionem, & analogiam, quia hæc dotes correspondent virtutibus Theologicis viæ, quæ sunt tres, tamen in enumerandis illis non conueniunt. Primo Rich. supra numerat visionem, amorem, & securitatem, ut his dotibus perficiantur tres potentie, intellectus, voluntas concupiscibilis, & irascibilis: sed iam ostendi securitatem non esse habitum, neque actum irascibilis, unde nec proprie numeratur dos distincta, quia solum est conditio cuiuscumque actus, & perfectionis perpetuæ. Secundo D. Bonauent. supra articulo prima questio. quinta. numerat visionem, comprehensionem, & delectationem: quæ opinio est in re probabilis: tamen in sensu, quo asseritur ab ipso, nobis non probatur: sentit enim comprehensionem esse operationem distinctam à visione & delectatione, & pertinere ad irascibilem, quod supra improbatum est. Tercio Palud. numerat visionem, delectationem, & dilectionem: comprehensionem omittit, quia putat non esse nisi tantum conditionem perpetuitatis in quolibet actu, quod supra reiectum est.

VI.

Videret tamen hæc opinio Paludani per se probabilis, quia illæ tres perfectiones sunt re ipsa distinctæ: comprehensio autem solum ratione distinguitur à visione, & amore. Diu. Thom. locis citatis numerat illa tria, visionem, comprehensionem, & delectationem, quem Soto & alii sequuntur, & explicat illa proportionem, quia visio respondet fidei tanquam perfectum imperfecto, & tanquam premium accommodatum tali merito: consecutio respondet spei tanquam termino eius: delectatio vero amoris, ut quies eius: & iuxta hanc sententiam facilius loqui possumus, etsi in re ipsa proprie tantum sit vna propria dos animæ beatæ, quæ est lumen gloriæ, quo disponitur anima ad propriam operationem illius status: reliqua enim animæ ornamenta, quibus vnitur Deo, communia sunt statui viæ, & patriæ: etsi aliquam perfectionem propriam ibi habent, eam solum participant ex coniunctione cum lumine gloriæ, seu cum visione, si loquamur in actu secundo: tamen distinctius explicando perfectionem illius status, est optima accommodatio Diu. Thomæ: nam gratia, & charitas non numerantur inter dotes, vel propter illam rationem, quia ex se abstrahunt ab statu viæ, vel quia in illis consistit substantiale vinculum illius desponsationis, pericitur enim vinculum matrimonij mutuo consensu: visio autem & comprehensio numerantur ut distincta, quia saltem distinguuntur ratione formali, & quia visio, ut

visio, est quasi fundamentum illius status, comprehensio vero est essentialis complementum beatitudinis, quibus adiungitur delectatio, quæ est propria perfectio, & quasi decor illius status præbens illi quasi auiditatem, & suauitatem. Et hæc sint satis de hac metaphora.

## S E C T I O II.

Vtrum in beatis sit aliqua beatitudo  
accidentalis.

I. Hæc questio est ad explicandas aureolas, & fructus. Ratio dubii est, quia beatitudo respondet ut corona meritorum, sed meritis vnū respondet premium adæquatum, & condignum, quod est beatitudo essentialis, ut Aug. dixit, *Visio est tota merces*: ergo nulla est beatitudo accidentalis, quæ præter essentialem conferatur: aut enim hæc omnino danda esset gratis, & hoc gratis diceretur: vel propter meritum, & hoc non, quia eisdem meritis solum vnum premium adæquatum respondet. In contrarium vero est communis omnium sententia, quam ut certam ex communi consensu, & traditione omnium Patrum docent Theologi.

Est igitur in hac re certum, præter essentialem beatitudinem esse in animabus beatis aliqua accidentaria præmia, quæ nomine beatitudinis accidentalis significari solent. Sic omnes Theologi, & habet fundamentum in Scriptura sacra: nam Luc. 15. dicitur, *Ita gaudium erit in celo super vno peccatore, &c.* & infra, *Gaudium erit coram Angelis Dei*, ubi sine dubio est sermo de nouo gaudio, & extra visionem beatam: de quo intelligi potest illud Psalm. 149. *Exultabunt sancti in gloria, latabunt in cubilibus suis, exultationes Dei in gutture eorum.* facit etiam illud Sap. 3. *Fulgebunt iusti, &c.* ter. his enim verbis significantur perfectiones, & honores distincti à visione beata. Denique de huiusmodi accidentali præmio communiter intelliguntur verba Christi Matth. 19. *Vos, qui reliquistis omnia, &c.* *sedebitis super sedes iudicantes, &c.* Ratione declarari potest, quia nulla est essentia creata, quæ non indigeat aliquo accidenti ad complementum suæ perfectionis: formalis autem beatitudo essentialis creatum quid est, & formaliter non continet omnem perfectionem beati: ergo, &c.

Secundo ut hoc amplius declaretur, supponendum est hanc beatitudinem accidentalem non ita appellari quia sit accidens animæ, hoc enim modo etiam beatitudo essentialis est accidens animæ: dicitur ergo accidentalis, quia accidit ipsi beatitudini essentiali. Sed est ulterius aduertendum, si in prædicta generali significatione sumatur, etiam delectationem ipsam beatificam posse vocari accidentalem, quia ut supra disp. 6. sect. 3. dictum est, in toto rigore est extra essentiam formalem beatitudinis: nunc autem non ita loquimur, sed beatitudo accidentalis distinguitur ab omnibus actibus beatificis supra enumeratis, quia delectatio est ita per se secundo coniuncta cum formali beatitudine, ut quodammodo censeatur vnum cum illa, nam etiam Aristot. dixit, delectationem esse intrinsecam perfectionem operationis, ad quam consequitur: unde nonnulli Theologi definiunt hanc beatitudinem accidentalem esse actum aliquem animæ qui versatur circa obiectum creatum, ut videre est apud Rich. in 4. d. 49. art. 5. q. 1. & Suppl. Gabr. ibi q. 3. imo D. Tho. 1. p. q. 95. art. 4. definit, esse gaudium de bono creato: sub gaudio comprehendens forte cognitionem

I.

II.

1. Assertio  
certa dari  
beatitudinem  
accidentalem.

III.

Notatio pro  
2. assertione



nem, & reliqua omnia, quæ ad huiusmodi actum sunt necessaria: imo non videtur ex solo obiecto creato satis definiri hæc beatitudo accidentalis, quia cognitio quælibet, quam habet beatus extra visionem, etiam si sit de Deo per scientiam infusam, non pertinet ad essentialē beatitudinem, sed accidentalem, & tamen versatur circa obiectum increatum, nisi dicatur semper huiusmodi cognitionem esse per aliquod mediū creatum, & hæc ratione comprehenditur sub prædicta regula: sicut e contrario visio creaturarum in Verbo non proprie pertinet ad beatitudinem accidentalem, quamvis terminetur ad obiectū creatum, quia realiter fit per ipsam beatitudinem essentialē, & per medium increatum.

IV. *2. Assertio, quid importet beatitudinem accidentalem.* Proprie igitur & generaliter loquendo, beatitudo accidentalis est quælibet perfectio beati, quæ versatur extra obiectum beatificum, quod est Deus, prout beatificum est, id est, prout est clare visus: loquor autem de perfectione supernaturali, sic enim nunc de beatitudine agimus: quæ definitio patet ex dictis. Quando vero supra dixi, beatitudinem consistere in actu secundo, etiam hæc accidentalis beatitudo in simili perfectione consistere intelligitur: nam habitus, seu principia, quæ ad actus secundos requiruntur, non computantur inter beatitudinem essentialē, vel accidentalem, sed ad illum ordinem pertinere censentur, ad quem spectant eorum actus secundi, seu ultimi. Vnde sit, huiusmodi genus beatitudinis accidentalis tam in actibus intellectus, quam voluntatis reperiri posse, quia utriusque necessarij sunt ad maiorem decentiam, seu decorem beatitudinis, ad quem pertinet hæc accidentalis beatitudo, ut dixit D. Thom. in 4. d. 49. quest. 5. art. 1. ad 1.

V. *Vnde proueniat dicta beatitudo iuxta quædam D. Tho. doctrinam.* Tertio ut causam, & rationem huius beatitudinis explicemus, & rationem dubitandi dissoluamus, declaranda est radix propria unde oriatur hæc beatitudo. In qua re est difficilis doctrina, quam D. Thom. tradit variis locis, præsertim 1. quest. 95. art. 4. & ad Roman. 8. lect. 5. & 1. ad Cor. 3. lect. 2. distinguit enim in actibus meritorijs viæ duplicem bonitatē, seu dignitatem, vnam prouenientem ex gratia, seu relatione & imperio charitatis: aliam ex proprio obiecto, seu quantitate operis: & priori bonitati dicit respondere beatitudinem essentialē: posteriori vero beatitudinem accidentalem, quam dicit esse gaudium de tali bonitate.

VI. Hæc vero doctrina duas, vel tres patitur difficultates. Prima est, quia videtur supponere bonis operibus meritorijs ex gratia, & charitate factis non respondere præmium essentialis beatitudinis ratione propriæ bonitatis, sed solum ratione charitatis: consequens autem, ut existimo, omnino falsum est: sequela patet, nam constituamus aliquem dantē eleemosynam, alium dantem sanguinem pro Christo ex eadem gratia & ex eodem actu charitatis: vel huic respondet maior gloria essentialis, vel non: si respondet, ergo ratione illius bonitatis, in qua superat, ergo ratione illius bonitatis, quam habet ex obiecto: nam in hac sola superat, in reliqua enim, quæ est ex gratia, & charitate, ponebantur æquales: ergo falsum est dicere, huic bonitati responderet tantum accidentalem beatitudinem, alteri vero essentialē. Si vero neuter habiturus est ratione illorum operum maiorem essentialē beatitudinem: ergo illi operi meritorio nullum propriū præmium respondet essentialis beatitudinis: nā si aliquod responderet, oporteret illud esse inæquale iuxta inæqualitatem operis, cæteris paribus: quod autem hoc consequens sit falsum,

nunc supponitur ex materia de merito: & certe per se, satis incredibile est non esse maioris meriti essentialis martyrii, quam eleemosynæ, si charitas sit æqualis, præsertim cum Scriptura sacra non tantum charitati, sed etiam alijs virtutibus promittat vitam æternam, & essentialē beatitudinem, & eodem modo loquuntur Concilia, ut patet ex trident. sess. 6.

Secundo, ex altera parte est difficultas, quia non apparet vera illa distributio præmiorum, nam ipsi charitati, & actibus elicitis ab ea non tantum respondet essentialē præmium, sed etiam accidentale illud, quod dicitur esse gaudium de bono creato: nam si beatus reuocans in memoriam bona opera, quæ in via perficit, gaudet se credidisse, aut passum esse pro Christo, multo magis gaudet se amasse Deum super omnia, quia hoc maius bonum est: nec potest dici quod hoc gaudium pertineat ad fruitionem ipsam beatam quia non est de bono illo, quod actu possidet beatus, sed de præterito, quod fuit causa illius beatitudinis. Vnde illud gaudium non est simpliciter necessarium quoad actum secundum, sicut est ipsa fruitio beata: ergo nulla est illa differentia inter bonitatem charitatis, & aliarum virtutum.

Tertio est alia difficultas, quia huiusmodi gaudium non sufficit ad explicandam beatitudinem accidentalem, de qua agimus: nec potest esse sufficiens præmium honorum operum secundum se. Probatur, quia, ut recte Rich. lococitato, gaudium, quod est in beatis ipsis cogitantibus bona opera, non habet propriam, & specialem rationem præmij, quia præmium debet esse à præmiante: hoc autem gaudium nascitur quasi ex natura rei ex intrinseca virtute ipsorum beatorum: sed illud gaudium habet propriam rationem præmij, quod speciali modo à Deo infunditur: hoc autem gaudium, de quo agimus, est prioris generis, cuius signum est, quia hoc gaudium esse potest non solum de operibus bonis factis in gratia, sed etiam factis in peccato mortali, nam sine dubio gaudet beatus de bonitate illorum, & quod illa fecerit: item simile gaudium est non solum de propriis, sed etiam de alienis: item esse potest de operibus gratiæ, quæ Deus in ipso beato operatus est absque merito eius, ut quod tali gratia eum præuenerit, &c. ergo non est in hoc gaudio sufficiens ratio præmij, seu beatitudinis accidentalis.

Dicendum ergo est, re ipsa tam beatitudinem essentialē, quam accidentalem, si per modum præmij considerentur, eisdem operibus nostris, seu meritis respondere. Quod duplici ratione contingit, primo quia talis perfectio accidentalis continetur quasi in radice essentiali, & veluti ex natura rei, ac secundum debitum providentiæ modum ex illa consequitur: sicut autem à Philosophis dicitur, qui dat formam, dat consequentia ad formam, ita qui meretur beatitudinis essentialē, meretur accidentalem, quæ illam consequuntur: & hoc totum habet rationem vnus præmij. Secunda ratio esse potest, quia Deus non solum dat mensuram bonam, & condignam, sed etiam confertam, & superfluentem, Lucæ 6. unde interdum ultra ordinariū & condignum præmium confert, seu promittit speciales prærogatiuas, seu honores, & gaudia propter aliqua virtutis opera, iuxta voluntatem, vel admirabilem rationem sapientiæ suæ. Vnde considerari potest, quod sicut in alijs rebus præter proprietates omnino intrinsecas, quæ consequuntur specificam rationem essentialē, sunt quædam accidentia intrinseca, quæ reperiuntur in omnibus

VII.

VIII.

IX.

Autoris doctrina inponenda radice accidentalis beatitudinis.



bus indiuiduis cum aliqua varietate pro diuer-  
sitate illorum : alia vero sunt accidentia magis  
extrinseca , & contingentia : ita in beatitudine  
præter essentiam beatitudinis & gaudium bea-  
tificum sunt multæ perfectiones accidentales  
quidem : tamen ita intrinsecæ, vt vel ex natura  
rei, vel ex lege Dei consentanea ipsis rebus, sem-  
per sint coniunctæ cum essentiali beatitudine, vt  
sunt perfectiones intellectuales supra enumera-  
tæ, & gaudia de bonis creatis paulo ante expli-  
cata : & ad hunc ordinem spectant quædam bo-  
na extrinseca, de quibus postea dicemus, vt est  
mutua amicitia, & familiaritas iustorum, honor  
mutuus, qui ab aliis exhibetur, habitatio in tali  
loco, & hæc etiam pertinent omnes perfectiones  
corporis : quæ omnia dicimus radicaliter con-  
tineri in essentiali beatitudine : alia vero sunt  
perfectiones singulares datæ ex speciali Dei pro-  
uidentia, vt sunt aureolæ, cuiusmodi esse possunt  
aliquæ extraordinariæ reuelationes, & gaudia,  
quæ illas concomitantur, quæ aut ex speciali pri-  
uilegio, vel officio, aut statu, aut certe ex Dei li-  
beralitate conceduntur.

X.

Neque in hoc vllam inuenio difficultatem,  
præter autoritatem, D. Thom. supra citatam, de  
1. Obserua- tio circa D. qua hoc loco duo tantum dicam. Primum, non  
Thom. n. 15. esse mihi verisimile, D. Thomam voluisse negare  
allatam. omnibus bonis operibus essentialia meritum  
beatitudinis, præterquam actibus charitatis,  
nam re vera illa opinio nullum habet fundamē-  
tum neque in Scriptura, neque in Patribus, ne-  
que in ratione, nec vllam speciem probabilita-  
tis, aut pietatis, præsertim cum idem Diu. Thom.  
1. 2. quæst. 114. artic. 4. licet dicat meritum prima-  
rio fundari in charitate, addit tamen secundo  
fundari in operibus aliarum virtutum, & non  
loquitur de merito præmii accidentalis, sed ex-  
presse de merito vitæ externæ : & solutione ad 2. ad-  
dit, hoc meritum crescere ex magnitudine, seu  
difficultate, quam opus habet ex obiecto : & 2. 2.  
quæst. 104. artic. 3. dicit rationem meriti sumi ex  
virtute obedientiæ, & quæcumque virtutum o-  
pera ex hoc esse meritoria apud Deum, quod si-  
unt, vt obediatur voluntati eius : & loquitur  
formaliter de obedientia vt distinguitur à cha-  
ritate, etsi addat nunquam separari. Denique  
secunda difficultas supra posita occasione præ-  
bet explicandi primam, quia incredibile est Diu.  
Thomam negasse, de actibus elicitis à charitate  
in via posse esse gaudium accidentale in patria :  
ergo sicut tribuens D. Thom. his actibus speciali  
titulo accidentale præmium operibus aliarum  
virtutum, non intendit eis omnino negare es-  
sentiale.

XI.

Dicendum secundo, duo potuisse intendere  
Diu. Thom. vnum est, opera aliarum virtutum  
non esse meritoria præmii essentialis, nisi sint in-  
formata aliquo modo, & eleuata per charita-  
tem, vnde non fit totam rationem meriti in eis  
sumendam esse ex sola charitate, sed comple-  
mentum, & quasi vltimam & constitutionem  
meriti, & ideo cæteris paribus ex parte charita-  
tis, poterit esse maius meritum ex parte alterius  
virtutis, quia licet tale opus non sufficiat ad me-  
ritum sine charitate, tamen hoc ipso quod est di-  
gnius ex se est etiam aptius, vt ad maiorem ra-  
tionem meriti eleuetur : alterum est, in ipsis me-  
ritis operibus virtutum considerari posse aut boni-  
tatem creatam, quam in se habent, aut habitu-  
dinem ad Deum finem vltimum, in cuius glo-  
riam cedunt, & ad quem tendunt vel pondere  
suo, vel relatione formali, vel virtuali, vel habi-  
tuali operantis : hæc ergo opera priori conside-  
ratione præcisè sumptæ sufficiunt ad generale

quoddam gaudium : tamen sub posteriori ratio-  
ne sunt apta ad merendum Deum ipsum, si aliæ  
conditiones meriti concurrant. Quod videtur  
voluisse D. Tho. in illo loco citato 2. 2. non n. necesse  
est, vt semper attendamus rationem formalem  
obediendi Deo : tamen quia hæc sufficit ad me-  
ritum, quia virtualiter includitur in operibus  
virtutum, etiam sub ea ratione illa sufficienti,  
præsertim si sint opera supernaturalia, & pro-  
portionata supernaturali fini : atque eadem est  
ratio de charitate, quæ hoc modo virtute inclu-  
ditur in his operibus : quod satis commode ex-  
plicatur à contrario, nam in peccato distingui  
solet controuersio & auersio, & conuersioni di-  
citur respondere pœna sensus, auersioni vero  
pœna damni, & tamen vtrique pœna respon-  
det cuilibet peccato mortali, quia formaliter,  
vel virtualiter includit vtramque rationem  
prædictam : vnde illa distributio pœnarum non  
intelligitur esse secundum diuersos actus, sed  
secundum diuersas considerationes cuiuscum-  
que actus : & ita explicari potest alia proportio,  
seu distributio præmiorum, vt satis explicatum  
est.

## S E C T I O III.

*Virum sint, quid sint, & quot aureolæ, &  
fructus, & quomodo inter se  
distinguantur.*

**B**eatitudinis præmium solet in Scriptura sacra I.  
coronæ nomine significari, 1. ad Corinth. 9. & 4. Aureolæ  
Iacob. 1. 1. Petri 6. & 5. nam corona signum est vi-  
darii. ditoris, & dignitatis regis : beati autem & cum  
Christo regnant, & de inimicis eius victoriam  
reportarunt : illa autem corona, quantum ad es-  
sentiale præmium spectat, aurea dicitur, Apoc. 4.  
& 19. propter eius eximiam perfectionem, & ex-  
cellentiam : atq; hinc quoddam accidentale præ-  
mium aliquorum beatorum corona aureola di-  
citur ab omnibus Scholasticis in 4. d. 49. qui hanc  
vocem sumpserunt ex glossa super 25. Exodi, vbi  
fit mentio coronæ aureolæ, quæ in mensa templi  
præcipiebatur supponi coronæ aureæ, quam per  
anagogem accommodat beatis, & sumpsit ex Be-  
da 1. de Tabernac. cap. 6. de quibus legatur D. Thom.  
d. 49. quæst. 5. quem transcripsit Sot. quæstion. 5. &  
Richard. late artic. 5. per totum, Supplem. Gabr.  
quæst. 4.

Secundo conueniunt omnes has aureolas esse II.  
tres, Martyrum, Virginum, & Doctorum : quas Earum me-  
ritus. in primis sumunt ex Scriptura sacra, nam de au-  
reolis Virginum intelligunt Beda, & alii illud  
Apocal. 14. Cantabant canticum nouum, & nemo po-  
terat dicere canticum, &c. vbi specialis prærogati-  
ua virginibus tribuitur : de quibus etiam dicitur  
quod sequuntur agnum quocumque ierit, & quod ha-  
bent nomen agni, & nomen patris eius scriptum in fron-  
tibus suis : de Martyribus intelligunt illud Apoc. 7.  
Amicti stolis albis, & palme in manibus eorum : & sub-  
ditur, Hi sunt qui venerunt ex magna tribulatione, &c.  
etsi probabile sit, ibi sermonem esse de omnibus  
beatis : lege Franciscum Ribeyram circa vtrum-  
que locum : significatur etiam aureola Martyrum  
illis verbis Christi Matth. 10. Qui me confessus fuerit  
coram hominibus, &c. De Doctoribus est expressus  
locus Daniel. 11. Qui ad iustitiam erudiunt multos,  
quasi stella fulgebunt in perpetuas æternitates : quem sic  
intelligit Hieronym. & late Perera libro decimo  
quinto in Daniele : facit etiam illud Matth. 5.  
Qui fecerit, & docuerit, hic magnus vocabitur. Ratio  
nem



nem reddit D. Thomas, quia corona respondet victoriæ, & ideo tribus insignioribus victoriis tres respondent aureolæ coronæ: tres sunt enim præcipui hostes Christi, Mundus, de quo triumphant Martyres: Caro, de qua Virgines: Dæmon, contra quem Doctores, & contra eius insidias gregem Christi tumentur: & ideo his tribus vincendi ordinibus tres aureolæ respondent: quod si circa hoc est aliqua difficultas, statim attingetur.

III. Tertiò disputant, quid sint hæ aureolæ, quidam existimant, non esse in anima, sed futuras esse in corporibus beatis: quod communiter reiiicitur, quia, licet verum sit, etiam in corporibus futurum esse aliquem specialem splendorem, non est cur animabus negetur, cum gloria corporum ex animabus redundet, & cum in illis sit præcipua ratio victoriæ. Vnde in prædictis testimoniis, præsertim Apocal. indicatur, beatos iam possidere has aureolas. Alij dixerunt, has aureolas nihil aliud esse præter visionem beatam datam hoc vel illo titulo: itaque quatenus propter martyrium datur, dicitur aureola martyrum. Sed hoc est contra mentem Bedæ & aliorum, qui de aureolis loquuntur, quia illa potius dicetur aurea Martyrum, quam aureola. Item quia ille titulus solum addit habitudinem seu respectum: at verò in prædictis testimoniis significatur aliqua specialis perfectio. D. Thom. dicit esse gaudia propria & specialia de illis insignibus victoriis propter propriam excellentiam, quam habent ex obiecto, iuxta doctrinam illius explicatam sectione præcedenti, numero 10. & 11.

IV. Si obiicias, in hoc sensu esse plures aureolas. Respondetur, in vno sensu esse verum, scilicet, quatenus aureola significare potest quamcunque accidentalem perfectionem additam coronæ aureæ: tamen specialiter accommodatum esse illud nomen ad significanda propria præmia, quæ respondent tribus illis insignioribus victoriis. Quia verò hoc gaudium non tam videtur esse speciale præmium, quam quid consequens ex natura rei ad essentiam beatitudinis, & ad rectitudinem voluntatis beatorum, ideo addendum videtur præter illud gaudium, quod per se sequitur ex his principiis, conferri à Deo his Sanctis aliquos speciales honores, propter dictos speciales titulos, ut verum simile est conferri Doctoribus maiorem aliquam diuinarum rerum intelligentiam, & Virginitibus significatur dicto loco Apoc. dari specialis coniunctio cum Christo, seu quoddam specialiter deputatæ sunt ad laudes eius canendas: & de Martyribus similiter. Tamen in hoc sensu etiam obiicitur, quia etiam Apostolis, vel pauperibus voluntariis videtur promissus specialis honor; habent ergo etiam aureolam: sunt ergo plures. Et fortè idem est de aliis Sanctis habentibus speciales dignitates. ad quod dicendum ex D. Thom. non esse inconueniens aliis etiam dari specialia præmia, tamè illa tria in hoc genere esse potissima, & ideo singulariter numerari.

V. Ex his facile constat quid sit dicendum de fructibus beatorum: nam metaphora fructus & essentiali beatitudini, & cuilibet præmio accommodari potest: tamen D. Thom. specialiter vult significare quædam præmia accidentalia, quæ correspondent virtuti charitatis, & ita explicat fructum 30. 60. & 100. de quibus loquitur Christus Dominus Matth. 13. & dicit, respondere castitati coniugatorum, viduarum, & virginum, & explicat per illud gaudium accidentale de his virtutibus. Et potest hoc facile sustineri, & est

consentaneum Hieron. Matth. 13. tamen Theophyl. ibi, & Anselmus, accommodant illos tres fructus profitentibus vitam contemplatiuam 100. actiuam cum singulari perfectione 60. & actiuam communem 30. Et idem ferè Gregorius hom. 15. in Ezech. nec ferè differt Athanas. epist. ad Amon. August. lib. quæst. euangel. 9.9. illa tria accommodat Martyribus, Virginitibus, Coniugatis: idemq. ferè Cyprian. lib. de habitu Virg. Ego verò existimo illis tribus gradibus significari omnes iustos in quibus alij sunt perfecti alij mediocres, alij infimi, quod significauit August. libr. de sancta virginit. cap. 45. & 46. Vnde non est necesse ibi esse sermonem de accidentalibus præmiis, sed de materia & qualitate præmij essentialis, ut citati Patres significant, & ex professo Hieron. lib. 1. & 2. contra Iovin. & epist. ad Pamach. contra eundem, Cyprian. epist. 76. tamen quia alia diuersitas in præmio accidentali huic non repugnat, facile potest sustineri, & accommodari Scholasticorum doctrina.

## DISPUTATIO XII.

### De inæqualitate Beatitudinis.

**D**iximus hætenus de perfectionibus Beatitudinis, omnibus Beatis communibus: sequitur dicendum de differentia earum inter se, de qua tria tractari solent. Primum an sit talis aliqua inæqualitas inter Beatos? Secundum, in quo consistat? Tertium, quæ sit eius radix? Quæ tria nos exequimur in libro 2. de Attributis Dei negatiuis, c. 20. & 21.

## DISPUTATIO XIII.

### De subiecto, seu statu, in quo possit homo consequi supernaturalem Beatitudinem.

**R**es status possunt ordine considerari in præsentis disputatione. Primus vitæ moralis, de quo iam in libro 2. de Attributis Dei negatiuis cap. 30. dubitationem hanc expediuimus. Secundus animæ separatæ quem hac in quæst. tractabimus. Tertius animæ rursus vnitæ corpori iam immortalis, de quo in subsequenti.

## SECTIO I.

### Utrum anima separata de facto consequatur beatitudinem supernaturalem perfectam antequam corpori vniantur?

**S**upponendum, de potentia absoluta esse in anima separata capacitatem ad illam visionem & ad omnia spiritualia bona, quæ ad illam consequuntur, quia visio est actus spiritualis non indigens corpore. Est ergo quæstio de lege statuta à Deo, quæ per factum ipsum optimè explicatur.

Lactantius lib. 3. diuin. institut. capit. 21. docuit, animam separatam ante diem iudicii nec videre Deum, nec habere aliquam cognitionem sui status,



status, sed manere incertam usque ad illum diem. Solent etiam citari verba Ambrosij, & aliorum Patrum: sed non est hic sensus illorum, ut dixi 3. part. quest. 59. disp. 52. vbi ostendi, dari iudicium particulare in instanti mortis, in quo anima certa redditur de suo statu, & recipit vel condignum primum, vel poenam suo statui debitam. Quod constat euidenter ex parabola Lazari & Diuitis. Vnde contraria sententia est haretica.

II. Alij dicunt, animam separatam, quantumvis iustam & purgatam, non recipere visionem beatam ante diem iudicij. Vigilantius, ut ait Hieronymus libro contra illum, videtur fuisse in hoc errore, ut putauerit adhuc manere in sinu Abraham, ibique frui quiete & pace, non tamen videre Deum, neque Christum. Tribuitur etiam Græcis & Armenis, ut Guido Carm. & Castro verb. Armeni, videri potest Bellarminus libro 1. de cultu Sanctorum, capite 1. videtur sequi Tertullian. libro de anima, capite 7. 9. 56. 59. Irenæus libro 1. contra hæreses, capite 31. apertè sentit omnes iustos descendere in sinum Abraham: an verò ibi careant visione beata non explicat: videatur libro 2. capite 62. & libro 4. capite 43. & Chrysost. homil. 40. in Genesim, & 53. in Matth.

III. Sit ergo certum animas sanctas plenè purgatas non detineri in loco aliquo inferni, sed in nobiliorem recipi, vbi cum Christo regnant. Probatur latius circa mysterium de descensu Christi ad inferos, iuxta illud, *morsus tuus ero inferne*, & illud, *ascendens in altum*, quod docuit Augustinus 20. de Ciuitate, capite 15. & constabit ex dicendis: quando verò nunc dicuntur animæ requiescere in sinu Abraham, non significatur ille materialis locus, in quo Sancti detinebantur ante Christi aduentum, sed locus, in quo sancti cum Christo requiescunt, ut bene Bernardus sermone 4. de omnibus Sanctis, & Augustinus quest. 38. libro 2. Quest. Euangel. Iulianus Martyr quest. 60. & 75. & 76. ad Gentes, Nicephorus libro 1. Historiarum capite 31. & libro 2. capite 22. putant animas iustas detineri in Paradiso terrestri, & ad illum locum tantum fuisse educatas à Christo ab inferis. Fundantur in illis verbis, *Hodie mecum eris in Paradiso*. Fauent Patres, qui hunc locum intelligunt de Paradiso terrestri. Sed quia hoc latè disputo 2. tomo 3. parte, solum hic aduerto secundum principia fidei non posse intelligi de Paradiso terrestri, quia est certissimum, Christum eo die non fuisse in Paradiso terrestri, quia est de fide, statim à morte descendisse ad inferos & eadem ferè certitudine verum est illic mansisse usque ad horam resurrectionis. Vnde est hæc sententia quoad hanc circumstantiam etiam erronea.

IV. Est etiam certum, animas sanctas plenè purgatas ad cœlestem locum ascendere: sic omnes veteres, Cyprianus libro de exhortat. Mart. Basil. tract. de 40. Mart. Nazianzenus Orat. de Basil. Leo Papa sermone de sancto Laurentio, Augustinus de predestinat. Sanctorum, capit. 14. & 20. de Ciuitate capit. 13. & 15. de Trinitate, capit. 23. Auctor de Ecclesiasticis dogmat. capit. 79. conuincitur ex mysterio ascensionis Christi in cœlum, iuxta illud, *Captiuam duxit*: vbi ad hoc propositum ponderat Gregor. verba Christi, *Vbi fuerit corpus*. Sicut ergo certum est, Christum ascendisse in cœlum, ita certum est de iustis, qui cum ipso regnant: Vide Gregorium 4. Dialog. capite 25. & 4. Moralium, capite 27. Hieronymum contra Vigilantium, non longè à principio.

V. Probatur etiam ex Paulo 2. ad Corinthios 5. cap. dicente, *Scimus quoniam si terrestris domus nostra &c. Suarex in primam secunda D. Thom.*

vbi obseruandum primò per *terrenam domum* quosdam intelligere totum mundum inferiorem, qui in die iudicij destruendus est. Vnde colligunt, nos non habituros cœlum usque ad diem iudicij, quam expositionem refellit Chrysostomus homilia 10. in illam epistolam, dixerat enim Paulus capite 4. exteriorem hominem corrumpi, interiorem verò renouari de die in diem, & ideo capite 1. subdit post plenam corporis dissolutionem sequi cœlestem animæ inhabitationem, quam omnes cupientes, nollemus tamen corporibus spoliari, sed superuolari: quia verò id fieri non potest secundum diuinam ordinationem, subdit, *audemus, & bonam voluntatem habemus peregrinari à corpore, & presentes esse ad Dominum*. Lequitur ergo de dissolutione à corpore, postquam dicit, sequi societatem cum Christo. quam expositionem sequuntur Græci & Latini. Secundò obseruandum, circa illud verbum, *edificationem*, ex Deo habemus domum non manu factam: per eam domum multos intelligere cor. us gloriosum, quod speramus futurum domicilium animæ nostræ, tribuendam non statim post destructionem terrenæ domus, sed in diem iudicij, ut Tertullianus supra capite 42. alij verò expositores iudicant, hoc esse contra mentem Pauli, qui consolatur fideles, & animat ad mortem libenter sustinendam, eò quod sit via ad cœlestem patriam: ergo non est verisimile eum loqui de resurrectione, & expectatione corporis gloriosi, sed de cœlesti patria, de qua dixit Christus Lucæ 12. capite, *Facite vobis amicos, &c. ut cum defeceritis*, (id est, vita excesseritis,) *recipiant vos in eterna tabernacula*: & Ioann. 14. *In domo Patris mei mansiones multe sunt*, Matthæi 25. c. *Intra in gaudium Domini tui*. Et Bernardus variis in locis, præcipuè sermone quarto de omnibus Sanctis, & serm. 2. & 5. videtur dicere, animas, si bene purgatæ sint, statim ferri in cœlum, fruique clara visione humanitatis Christi, non tamen consequi essentiam beatitudinis, etsi alibi videatur tribuere Sanctis cœlestem beatitudinem, ut sermone de sancto Malachia, qui habetur in fine Operum, post vitam eiusdem Sancti, & sermone secundo de sancto Victore, & de sancto Benedicto, citanturq; alij Patres in hanc sententiam.

Ultimò tamen certum de fide est, animas sanctas plenè purgatas post Christi Domini mortem statim frui visione Dei clara, & beatitudine supernaturali ac perfecta animæ. Et probatur primò ex variis scripturæ sacræ locis. Primus est ex 2. Corinth. 5. capite, iam tractatus quem bene explicat ibi Diuus Thomas, & opusculo capite 6. capite 9. & 4. contra Gentes capite 91. præcipuè illa verba, *Quamdiu sumus in corpore, peregrinamur à Domino, per fidem enim ambulamus*. Ergo relicto corpore non ambulabimus per fidem, sed per speciem, habendo Deum præsentem. Confirmatur ex illo 1. ad Corinthios 13. capite: *Cum venerit, quod perfectum est*. Ergo si cessat status fidei, incipit statim æternitas visionis, ut ibi Chrysost. Ambrosius, & Augustinus 14. de Trinitate capite 2. Hieronymus iisdem locis, Gregorius Magnus 4. Dialogorum, capite 25. & 4. Moralium capite 27. alijs 32. Secundus locus est Lucæ 23. capite: *Hodie mecum eris in Paradiso*. Videatur Chrysostomus homilia de Cruce & latrone, Hieronymus epistola 3. Augustinus epistola 57. ad Dardanum, & 12. Genes. ad litteram, capite 34. D. Thomas in Catech. super Lucam, & ad Heb. 9. vbi per Christi passionem ait esse ablatum impedimentum & apertam ianuam. Vnde Patres in Nouo Testamento dicunt, hoc esse discrimen, quod statim obtinetur beatitudo si nullū sit personale impedimentū. Vnde in initio

VI.



prædicationis [ & sit tertius locus ] dicitur appropinquasse regnum Dei, *Matth. 4.* quod confirmat Innocent. III. in *cap. minori*, de quo, & præcedenti testimonio multa in 2. tom. 3. p. disput. 43. & 44. & ideo illa hoc loco prætermitto. Pro quarto loco afferri possunt dicta de regno cœlesti in *Apocal.* & alibi repetitur, Sanctos regnare cum Christo in cœlo: illud vero regnum potissime consistit in visione beata, neque in locum beatorum quis admittitur, nisi qui iam est capax beatitudinis: sicut neque in infernum descendit, nisi qui iam est in eo statu, in quo passurus sit penas damnatorum. Vnde ante aduentum Christi iusti non ascendebant in cœlum, quia non erant visuri Deum: vnde dicitur Deus esse ibi specialiter, quia ibi se manifestat, vt in suo throno, & regno, *Matth. 5.* & *18. Isai. 66.*

VII. Secundo probatur ex definitione Ecclesiæ, quam veritatem definit Benedictus XI. in *Extra. uag. quam referunt Marfil. in 4. q. 13. art. 3. Castro, verbo beatitudo, hæres. 6. & Innocent. dict. c. Maiores, & Concil. Fancford. epist. ad Episcopos Hispania, & Florent. in luter. vno. Trident. sess. 25. in decreto de Venerat. Sanctorum, Mogunt. cap. 49. & 46. Sanctorum testimonia præter dicta videantur in *Bel-larm. vbi supra.* Ratio vero est, quia meritum vitæ æternæ in morte consumatur: ergo si neque ex parte naturæ rei, nec personæ est impedimentum, statim datur præmium: iuxta diuinam legem. Non morabitur apud se opus mercenarii vsque mane: cur enim manerent animæ sanctæ sine fructu meriti extra viam, & sine gaudio præmii extra patriam? ergo. Confirmatur exemplo Angelorum, qui finita via statim acceperunt præmium: & malorum, quibus statim datur pœna æterna in morte, *Luc. 16.* est autem Deus pronior ad miserandum, & præmiandum.*

VIII. Ocham vero in opere 6. dierum, & Gerson *serm. de Paschate*, dicunt, Ioan. XXII. definiisse contrarium: sed verum est illum fuisse valde propensum in hanc sententiam, eamque persuadere statuisse, non tamen vt Pontificem definiuisse, quia Benedictus XI. in sua *Extra. uag.* dicit, speciali Dei prouidentia raptum fuisse antequam aliquid definiisset. Nec credendum est Ocham, qui fuit illi infestissimus, potuitque illam sine errore defendere, quia Innocentius in illis decretis non definiuit ex professo hanc veritatem, sed obiter, & quasi aliud agens: vnde eius assertio non erat habita vt definitio fidei, vel non erat intellecta de clara Dei visione, sed de regno cœlesti cum Christo Domino, de quo potuerunt intelligi sine aperta hæresi Sanctorum testimonia, cum non essent satis ab Ecclesia declarata, præsertim cum sint alia testimonia Scripturæ sacræ, quæ occasionem præbere potuerunt ad contrarium opinandum.

IX. Obiiciuntur Scripturæ sacræ testimonia, vbi significatur præmium bonorum operum seruandum in diem iudicii, *Matth. 25. 2. ad Corinth. 6. 2. ad Timoth. 4. Reposita est mihi, & cetera. Matth. vigesimo. Facto vespere unicuique datur denarius, Ioan. 14. Vado parare vobis locum: iterum veniam, & cetera. vnde particula, veniam, secundum aduentum significat, & subditur, in illa die vos cognoscetis, quia ego in Patre, quod de die iudicii intelligunt Augustin. tit. 39. Cyril. libro nono, capite quadragesimo sexto, & 47. sic videtur intelligi illud 1. Ioan. 3. Similes ei erimus: & illud *Apocal. 6. Vidi subtus altare animas intersectorum, & cetera. quibus respondetur, sustinete modicum, donec impleatur numerus fratrum suorum, datur eis stolam primam, id est, visio humanitatis, & promittitur alia in finem mundi, id est, visio diuinitatis.**

Et ratio est, quia præmium quod proponitur tamquam corona tribuenda, & distribuenda inter multos, non est reddenda donec constet de omnium meritis: possentque de hoc testimonia multa sanctorum Patrum afferri.

Sed ad hanc totam coniecturam dicendum est, præmium meritorum cum publico honore, & solemnî pompa, & manifestatione omnium bonorum operum dandum esse in die iudicii generalis, quod significatur prioribus testimoniis: non tamen excludi iudicium particulare, nec remunerationem, quæ unicuique dabitur in illa die iuxta sua merita, & in vtroque sensu potest intelligi *Matth. vigesimo*, quia nomine *vesperi*, potest intelligi vel finis mundi, vel vitæ vniuscuiusque: & sic possunt exponi verba *Ioan. decimo quarto. Iterum venio*, scilicet, de aduentu per solam efficaciam, & virtutem, vt Christus Dominus aduenit in morte vniuscuiusque cum venit ad iudicium: si intelligantur de visibili aduentu, intelligendus est ille aduentus futurus, vt in corpore, & animo omnes suos recipiat ad se, vt exponitur illud, cum apparuerit, similes ei erimus, & cetera. cum ad iudicandum venerit, erimus ei similes in gloria, & claritate corporum, quia videbimus Deum, & cetera. sicut *Paul. ad Coloss. 3.* dicit, cum apparuerit Christus, & cetera, et si posset illud cum apparuerit, apud Ioann. ad nos solum referri, dixerat enim, nondum apparuit quod erimus, subdit, cum apparuerit, scilicet, quod futuri sumus, tunc erimus similes, apparebit hoc omnibus in die iudicii, singulis in die mortis. Locus *Apocalypf.* confirmat catholicam veritatem, per *stolam primam*, intelligimus stolam animo, per secundam gloriam corporis. Quo sensu multi Patres possunt exponi. De altari vero lege *Riberam.* Ad rationem respondetur. Nam in illo præmio vtriusque iustitiæ perfecta ratio seruatur, sed clis imperfectionibus, & ideo unicuique finito labore suo, & ablatis impedimentis, datur quantum ei debetur, sine vlla mora, quod ad perfectionem iustitiæ commutatiue spectat: postea finitis omnium victoriis fit publica manifestatio, & remuneratio unicuique datur iuxta proportionem meritorum, quod ad perfectam rationem iustitiæ distributiue pertinet, de quo multa citata disputatione de iudicio generali, & particulari.

## SECTIO II.

*Vtrum eadem supernaturalis beatitudo futura sit animabus iterum corporibus coniunctis.*

**D**Vas partes potest habere hæc quaestio. Prima est absoluta, vtrum hæc beatitudo haberi possit in corporibus: secunda, vtrum sit habenda cum eadem perfectione. Vide Augustin. *22. de Ciuit. cap. 26. & libr. 22. capit. 26. & Castro verb. Resurrectio. hæres. 1.* vbi referunt quosdam errores circa hanc rem.

Dicendum breuiter est, animas & esse futuras, & posse esse beatas post corporum resurrectionem, eadem supernaturali Dei beatitudine in visione Dei cōsistente. Est de fide, vt patet ex dictis *sect. præcedenti*, præsertim in vltima obiectione numero 10. Vnde est illud *Daniel. 12. Qui dormiunt in terra puluere, vigilaunt in vitam æternam, & Ioan. 5. Omnes qui in monumentis sunt, & cetera. & 1. ad Thessal. 4. ab illis verbis: si enim credimus quod IESVS mortuus est, & cetera. Ratio est, quia si anima esset priuanda illa*

X.

I.



illa visione propter corpus, multo melius esset illi nunquam redire ad corpus, talisque reditus potius esset pœna, quam prœmium, & quia illa visio per se non pendet à corpore, & alias corpus in resurrectione tale erit, vt nihil animam impediat in suis operibus. Denique ad perfectionem humanæ naturæ spectat, vt non solum anima, sed homo consequatur beatitudinem suam: non est autem homo, nisi corpore constet, pertinet etiam ad perfectam rationem prœmij, & iustitiæ, & sicut anima in corpore meruit, ita etiam in corpore premium recipiat, vt sicut corpus fuit particeps laboris, sic etiam prœmij, & gaudij.

II.

In secunda parte assertionis Magist. in 4. ait, beatitudinem hanc futuram esse intensius maiorem in animabus gloriosis corporibus vnitis, refertque Hiero. fauet Augustin. 12. de Genes. ad lit. cap. 35. ibique D. Thom. quest. 1. artic. 4. quest. in cula prima, & Bonauent. 2. p. dist. artic. primo, questio. prima, Richard. artic. 2. quest. 7. Marf. quest. 13. artic. 3. Henr. quodl. 7. quest. 6. videtur fauere Concil. Florentin. supra dicens, conuenit inter Græcos, & Latinos animas ante corporum resurrectionem perpetua felicitate frui, licet perfectius postea. Fundamentum est duplex, primum quia vbi perfectius est esse, perfectior est operatio: sed anima coniuncta corpori habet perfectius esse, quia habet statum sibi maxime connaturalem: ergo, &c. Secundum est, quia anima separata appetit corpus suum, & ex illo appetitu retardatur ne tanta attentione, & intentione videat Deum. Abulen. vero Matth. 5. quest. 63. ait remittendam esse aliquantulum Dei visionem ex vnione animæ ad corpus. Fundamentum esse potest, quia anima separata est Deo similior, & abstractior, atque adeo expeditior ad Dei visionem, quæ abstractissime est elicienda.

III.

Dicendum primo, Visio Dei nihil minuitur propter coniunctionem animæ ad corpus. Hęc conclusio est certissima, & in ea conueniunt omnes Theologi, & aliqui referunt, Benedictum XI. illam definiuisse, vt videre licet in Ioanne Villano lib. vndecimo histor. Florent. capit. decimo nono. Probat autem, quia illa visio considerari potest aut vt prœmium meritorum, aut vt visio, vel beatitudo: priori ratione diminui non potest, quia merita non minuuntur, & prœmium, illis promissum est æternum, vt statim latius videbimus in disputatione sequenti, si vero consideretur vt visio, nullam causam habet diminutionis, quia lumen gloriæ manet idem, & Deus non illi auxilium debitum negat: posito autem lumine intellectus necessitatur ad videndum quantum per illud connaturaliter videri potest: nec denique corpus illud impedire poterit animam, tum quia illa visio nullo modo pendet à corpore, tum etiam quia cum corpus illud iam sit spirituale, vt Paulus loquitur, perfecte subditur animæ in omnibus actionibus illius, nullum impedimentum illi affert, & ideo, si proprie loquamur, anima separata non est abstracta, nec expeditior, quam vnita illi corpori, quia licet quando est separata non se communicet corpori, & hac ratione videatur actualiter magis abstrahe- re à corpore, & operationibus eius, tamen in ordine ad spirituales actus exercendos tam independens manet à corpore, sicut antea erat: si vero consideretur vt beatitudo, etiam ex hac parte requirit immutabilitatem, vt seq. disp. dicitur, quia si vel ex parte amitti posset: hoc ipsum esset magna imperfectio, & quodam modo posset contristare beatum, & præterea resurrectio potius esset in detrimentum, quam in vtilitatem, & ap-

Suarez in primam secundam D. Thom.

petitus corporis elicitus irrationabilis esset, quia impediret maius bonum.

IV.

Dicendum secundo: Beatifica visio non est futura intensior post corporum resurrectionem: sic docet D. Thom. 1. 2. quest. 4. artic. quinto, præsertim in solutionibus argumentorum: Caiet. ibi, Durand. in 4. dist. 49. quest. 7. Palud. quest. sexto. Maior quest. 13. Supplem. Gabr. quest. 5. artic. 2. Soto q. 1. artic. 4. Et probatur eodem discursu factò in præcedenti conclusione, quia merita non crescunt, vt enim suppono, extra statum vitæ præsentis non sunt merita: ergo nec crescit essentialè prœmium, quod est visio, quæ nulli datur, nisi vt prœmium & eadem ratione, si consideretur vt hæreditas filiorum Dei, non habet vnde augeatur, quia gratia non augetur, quia nulla est causa augmenti eius. Atque eadem ratio est si illa visio consideretur vt beatitudo, habet enim, vt sic, rationem vltimi termini, & ideo non solum postulat vt non possit diminui, sed etiam vt non possit augeri, alioqui quantum ad illud augmentum esset beatus quasi in via, & non esset plene quietus in beatitudine essentiali. De quo lege Diu. Thomam primam part. quest. sexagesima secunda, artic. octauo. Tandem si physice consideretur vt visio, nullam etiam habet causam augmenti, quia non augetur lumen gloriæ, nihil enim ad illius augmentum confert vnio ad corpus, nec fingi potest alia causa augmenti eius: nec ergo crescit diuinus concursus, qui datur ratione luminis, prout est illi connaturalis: lumen autem illud antea agebat quantum poterat, quia, vt dictum est, naturaliter, & necessario agit: vnde fit, vt etiam intellectus cum eo conetur, & operetur quantum potest. Confirmatur, nam supra ostensum est, perfectionem visionis mensurandam esse ex lumine.

V.

Denique fundamenta in contrarium nullius sunt momenti, nam anima coniuncta reuera non habet in se perfectius esse, quam separata: sed vnus, & idem, solum differt, quia coniuncta habet illud communicatum corpori, vnde etiā habet nouum modum vnionis, qui ad perfectionem visionis nihil confert, cum nec sit principium eius, nec conditio ad illam necessaria, vt recte D. Tho. significat. Quare nihil ad præsens refert disputare, quis status sit melior, & connaturalior animæ extra, vel in corpore: nam quidquid horum dicatur, nihil ad visionem refert: nec etiam appetitus animæ separatæ potest ob stare perfectioni illius visionis, quia si loquimur de appetitu pro pondere naturæ, ille non est actus animæ, nec distrahit illam: si vero de appetitu elicito, ille est ordinatissimus, vt in superioribus dictum est: & ideo nihil inde sequitur, Lege D. Thom. in 4. d. 49. q. 2. art. quest. 3. ad 4.

VI.

Vltimo vero addendum est futuram esse post resurrectionem beatitudinem quandam perfectiorem extensius. Ita docent Theologi citati, & hæc est mens Concilii Florentini, & eodem modo explicat Augustinum D. Thomas: est tamen difficile accommodare ad verba, & rationes eius: quidquid tamen de hoc sit, res ipsa est clara, quia anima per vnionem ad corpus quodammodo extensius perficietur in se, & in operationibus suis: poterit ergo tunc non solum per se ipsam, sed etiam per corpus aliquo modo frui, & delectari bonis æternis: ergo extensius quoad aliquas operationes perficietur in resurrectione, quomodo etiam fiet, vt ratione visionis diuinæ corpus etiam ipsum sit perfectissimum, & multis ac variis dotibus exornatissimum, quod quidem ipsum sine dubio spectabit ad quandam perfectionem extensiuam ipsius animæ.



## DISPUTATIO XIV.

## De immutabilitate, &amp; perpetuitate beatitudinis.

## SECTIO I.

## Verum felicitas supernaturalis Sanctorum futura sit perpetua.

I.



Ertur communiter error Origenis negantis perpetuitatem beatitudinis, & ponentis perpetuam vicissitudinem felicitatis, & miseriarum. Sic tribuit Origeni Augustin. *hæres.* 43. addens, neminem posse Origenem excusare. Hieronym. *epist.* 59 *ad Aut.* & Epiphani. *epist.* ad Ioan. Hieron. *cap.* 61. *quest.* 60. inter *epist.* Hieron. Theophyl. Alexand. in 2. *epist.* Pasch. & sumitur ex Origene 2. *Periar. cap.* 5. & sequentibus, & *libr.* 2. *cap.* 3. Pamphilus vero, & alij excusant Origenem, & afferunt alia loca in contrarium: sed hoc parum refert, ut late Hieronym. *Apolog. contra Rufinum:* legatur Aug. 12. *de Ciuit.* c. 13. 20. & alibi, & Greg. li. 34. *Moral. cap.* 16.

II.

1. Assertio  
aff. r. de fide  
probat. ur.

Primo certum sit, statum supernaturalis, ac perfectæ beatitudinis fore perpetuum. Est de fide, imo articulus fidei, hoc enim sensu cōfitemur in Symbolo, nos spectare vitam æternam, & repetitur frequenter in Scriptura sacra, ut illud Matth. 25. *Venite benedicti, &c.* & infra, *Et ibunt hi in vitam æternam, &c.* Solum posset quis dicere hæc & similia testimonia non conuincere, quia in Scriptura sæpe dicitur æternum, quod per multa secula est duraturum, etsi in rigore non careat fine, seu principio. Respondetur, in præsentī sumi proprie, & in rigore prout significat durationem sine fine: hoc autem constat tum ex intelligentia, & sensu Ecclesiæ, & Sanctorum omnium: tum ex proprietate verbi sæpe repetiti, & in re tanti momenti, quæ continet præcipuam Dei promissionem, & quia in aliis locis satis est hoc explicatum, ut Apocal. 3. *Foras non egredietur amplius:* 1. ad Thessal. 4. *Sic semper cum Domino erimus, & ideo 1. Petri 1. dicitur hæreditas illa incorruptibilis, incontaminata, & immarcescibilis, & ca. 5. dicitur, immarcescibilis gloriæ corona: ratione declarabitur infra.*

III.

2. Assertio,  
quoad per-  
petuitatem  
perfectio-  
nū  
negatinarū.

Dicendum secundo, non omnes perfectio- nes beatitudinis esse eodem modo perpetuas, & æternas. Sic declaratur, nam in primis duplex perfectio potest distingui in illo statu: vna politiua, altera quasi priuatiua, quæ consistit in carentia omnis mali tam culpæ, quam pœnæ. De hac posteriori nihil aliud occurrit dicendum: nisi quod perpetuo durabit eodem modo, & absque vlla mutatione, quia hæc perfectio est integra, & totalis in suo genere, id est, omnino excludens quicquid habet veram rationem mali, in quo nulla erit vnquam diminutio, vel mutatio. De quo multa Apocalyp. 7. 21. & 29. & supra ostensum est, hoc pertinere ad statum beatitudinis.

IV.

Quoad per-  
petuitatem  
positiuarū.

At vero positiua perfectio duplex distingui potest, vna per modum actus primi, alia per modum actus secundi: prior perpetuo durabit eadē numero, & in indiuiduo immutabilis, sic n. durabit gratia, lumen gloriæ, & similes proprietates, quia in his maxime consistit perpetuitas huius status, nec mutantur, nec amittuntur, nisi

per peccatum. Item de perfectionibus corporum, quæ consistunt veluti in actu primo, dicitur 1. ad Corinth. 15. quod *surgit corpus in incorruptionem:* ergo multo magis id verum est de perfectionibus animæ. At vero aliæ perfectiones, quæ consistunt in actu secundo, quædam sunt pertinentes ad accidentalem beatitudinem, & hæc suo quidem modo erunt perpetuæ, non tamen ita, ut eadem numero perseuerent, quia nihil est, quod necessitet beatos ad habendos semper eosdem numero actus considerationis, aut gaudij circa bona creata: erit ergo in his perpetuitas quoad duo, primum, quia semper erit in potestate beati habere huiusmodi gaudia, & actus prout sibi placuerit, nam semper conseruat principia illorum per modum actus primi, quo sua voluntate uti potest. Secundo quoad quandam perpetuam vicissitudinem horum actuum, & gaudiorum, quia à cogitatione vnus rei transibunt ad cogitationem alterius, &c. Alii vero sunt actus secundi, in quibus consistit essentialis beatitudo, vel cum illa habent intrinsecam connexionem, & in his erit perpetuitas, & immutabilitas in ipsis actibus, etiam indiuiduo semper manentibus, absque vlla mutatione, quæ in illis fiat: & hoc modo intelligenda est proprie æternitas illius vitæ, & sic dicuntur Angeli semper videre faciem Patris, & de illo gaudio dicitur, *Gaudium vestrum nemo toller à vobis:* & supra *disp.* 9. ostendi hos actus esse necessarios: ergo iidem numero semper perseuerant, nec possunt augeri, vel diminui, ut supra etiam dixi *disp. præced. sect. ult. num.* 4.

Obiicies contra hanc perpetuitatem beatitudinis, nam illa danda est tanquam merces, & præmium nostrorum meritorum: ergo non habebit maiorem perfectionem, quam nostris meritis debeatur: sed nostris meritis non debetur æternitas præmij. Probatur, quia in nostris meritis duo possunt considerari, vnum perfectio intensiua, seu quantitas eorum, & hæc satis superque compensatur intensiua perfectione beatitudinis: secundum est duratio meritorum, quæ est temporalis, & finita: ergo compensabitur etiam sufficienter duratione finita ipsius præmij: ergo non est vnde æternitas beatitudinis debeatur nostris meritis, sed superat potius omnem proportionem eorum, sicut infinitum superat finitum. Hanc difficultatem attigit Scot. in 4. d. 49. q. 6. & in summa respondere videtur, illam beatitudinem futuram esse æternam, non ex vi meritorum, sed ex libertate Dei. Atque idem sentit Supplem. Gabr. *quest.* 4. & ipse Gabr. in 2. d. 27.

Hæc vero sententia dupliciter intelligi potest, & in vtroque modo est falsa, etsi non in eodem gradu. Prior sensus est quod beatitudo æterna, ut æterna, non sit præmium beatorum, ita ut nos non mereamur æternitatem, & perpetuam conseruationem illius beatitudinis, nec nobis ex iustitia respondeat: & hunc sensum existimo esse plusquam falsum, contra communem sententiam Theologorum in 2. d. 27. ut latius in 1. 2. q. 114. tractatur. colligitur ex Trident. *sess.* 6. *Can.* 32. *definiente, mereri nos vitam æternam, & eodem modo loquitur passim Scriptura 2. ad Corinth. 4. Quod momentaneum est, & leue, æternum gloriæ pondus operatur, &c.* ipsa ergo opera nostra operantur per modum meriti præmium æternum, ut sic, & ideo illa corona dicitur *incorruptibilis*, 1. ad Cor. 9. Denique vbi est promissio sub conditione operum facta iustis, est meritum, sed Deus promittit non solum visionem, sed æternam visionem sui propter bona opera, Apocalyp. 3. *Qui vicerit, &c.*

foras



foras non egredietur amplius, & cæter. i. ad Timoth. 6. & aliis locis supra citatis: ergo meremur non solum visionem, sed etiam æternitatem visionis, neque authores citati id negant, ut existimo. Dices, ergo supposito nostro merito ut nunc est, non posset Deus etiam de potentia absoluta priuare beatum beatitudine. Respondetur concedendo, & hæc est certa securitas beatorum, quia sciunt non posse Deum esse iniustum, nec negare seipsum.

VII.

Æternitas respondet nostris meritis, quia, procedunt ex gratia de se perpetua.

Item quia tendunt ad terminum perpetuum.

Secundus sensus esse potest, quod in nostris operibus nihil sit, propter quod eis respondeat æternitas in præmio, sed quod totum fuerit ex acceptatione Dei, & liberalitate, & hunc existimo esse sensum illorum autorum, qui etiã est falsus, quia perfecta ratio meriti, & præmii, præter promissionem, requirit sufficientem, & condignam proportionem, hæc autem explicari potest varie, primo modo, quia gratia, quantum est de se, est perpetua, & ideo opera, quæ ab illa procedunt, quantum est ex vi illius, postulant perpetuum præmium, saltem quantum est ex parte Dei, id est, quod à Deo non auferatur, quandiu homo non posuerit impedimentum: & ideo et si nostra opera formaliter temporalia sint, tamen veluti in semine, & radice continent sufficientem causam æternitatis. Deinde ex parte ipsius termini explicari hoc potest, quia opera nostra, quæ in obsequium Dei fiunt, veluti natura sua tendunt ad perfectam coniunctionem cum ipso Deo, in qua beatitudo consistit: unde ex se habent quod sint proportionata media ad illum finem. Quod etiam Aristot. ex parte cognouit. primo Ethic. cap. 9. dicens, si quod est munus Deorum eis consentaneum, credendum esse felicitatem à Diis ipsis dari, eamque esse diuinum quoddam præmium virtutis, ergo quidquid fuerit connaturale, & intrinsecum illi beatitudini, & coniunctioni cum ultimo fine, habebit etiam proportionem, & condignitatem cum nostris operibus, præsertim si ad eundem ordinem pertineant: æternitas autem est intrinseca illi beatitudini, & visioni: non est ergo ex sola extrinseca acceptatione adiuncta, sed fundata in ipsa connaturali proportionem rerum. Duo supersunt in hoc discursu probanda, scilicet, perpetuitatem esse connaturalem illi beatitudini tam ut visio Dei, quam ut perfecta beatitudo est, quod fiet duabus quæstionibus sequentibus.

## SECTIO II.

*Utrum beatitudo sit natura sua incorruptibilis, ac perpetua.*

I. Probatur pars neg. quoad perpetuitatem in actu, seu ex se.

**R**atio dubitandi esse potest, quia aut est sermo de perpetuitate in actu, aut in aptitudine, seu in debito, & radice. Priori modo neque visio Dei, neque vlla creatura potest esse perpetua ex se, & ab intrinseco, quia necesse est ut pendeat à Deo in se, & consequenter quod ab illo recipiat perpetuitatem essendi: unde hoc modo esse intrinsece perpetuum est proprium Dei. Atque eodem sensu negant aliqui Theologi esse aliquam creaturam necessariam ex se, ac perpetuam: ac similiter in Patribus, & interdum in Conciliis hoc sensu dicitur, omnem creaturam esse corruptibilem, & ex Dei benignitate accipere perpetuitatem, ut latius i. p. q. 61.

II. Arguitur etiam contrarium: quod semel existat, debetur perpetua conservatio.

Si vero sit sermo in secundo sensu, non potest aliqua creatura esse necessaria, ac perpetua, nisi in quantum habet talem naturam, cui supposito quod semel existat, debetur perpetua conservatio. Suarez in primam secundæ D. Thom.

uatio eiusdem esse, & hoc modo Angeli, & cæli sunt perpetui, sed hoc dici non potest de visione beata, seu lumine gloriæ, quod perinde est. Probatur primo, quia nulli accidenti debetur esse per se, sed ratione subiecti, ergo si accidens est tale, quod non est debitum subiecto, non poterit illi esse debita conservatio in esse, sed lumen gloriæ cum sit supernaturale, non est debitum subiecto, cui inest [ loquimur enim phylice: ] ergo neque illi est debita conservatio in esse: ergo neque incorruptio, vel perpetuitas. Secundo id amplius explicatur, quia, teste Aristot. priuatio est principium corruptionis: sed intellectus noster ex se est subiectus priuationi talis luminis, nam illud lumen est forma extrinsecus illi adueniens: ergo est in illo subiecto sufficiens principium corruptionis talis luminis: unde de facto etiam aliquando corruptum est tam lumen, quàm visio beata: ut in Paulo, vel Beata Virgine, si vidit aliquando diuinam essentiam, nam illa visio paulo post corrupta est. Unde argumentor tertio, nam gratia est qualitas corruptibilis, ut experientia constat, nam quotidie corrumpitur: ergo multo magis lumen gloriæ, & visio beata. Patet consequentia, quia gratia censetur nobilior forma in illo ordine, & quia comparatur ad lumen, ut essentia ad facultatem: non potest autem esse incorruptibilior natura, quam proprietas eius. Quarto, quia ad rationem beatitudinis non est necessaria hæc perpetuitas, sed satis est quod Deus statuerit perpetuo conservare perfectionem, in qua consistit beatitudo, ut patet in gloria corporis, & dotibus eius: sunt enim corruptibiles ex se, cum sint in subiecto corruptibili, & tamen habent perpetuitatem ad rationem beatitudinis sufficientem. Propter hæc, præsertim propter primum argumentum, quidam ausi sunt ita loqui, ut dicerent illam beatitudinem esse corruptibilem natura sua. Quæ opinio improbabilis omnino est, nam in re nihil potest fieri dicere diuersum à cæteris autoribus, & in modo loquendi aliena est à tota antiquitate & à modo loquendi etiam Scripturæ, & Sanctorum, & propter infirmum fundamentum, ut videbimus.

Dicendum vero est, illam beatitudinem natura sua esse incorruptibilem, ac perpetuam non minus vere, ac proprie, quam sint cæli, aut animæ nostræ. Sic Diu. Thom. i. 2. quæstio. 5. articulo. 4. ad i. vbi ait, per hanc beatitudinem eleuari hominem ad participationem æternitatis: & clarus i. part. quæstio. 10. articulo. 3. inter entia natura sua immutabilia, & æterna ponit visionem Dei, quã dicit propterea vocari in Scriptura vitam æternam: & art. 5. ad i. illam visionem mensurari non tantum æuo, sed etiam æternitate participata: idem in 2. d. 2. quæstio. 1. articulo primo ad quartum. Caietan. locis citatis, Scot. in 4. d. 49 quæstio. 3. articulo. 4. & omnes Thomistæ. Idem Scot. d. 49. quæstio. 6. quia eodem modo loquitur de visione sicut de Angelis: neque inter Scholasticos est qui contradicat. Fauet Augustin. 13. de Trinitat. capite octauo & duodecimo de Ciuitate capite vigesimo, & lib. 22. capite. 30. Fulgent. de fide ad Petrum, cap. 23. estque elegans locus Bernardi sermon 31. in Cant. neque contemnendæ sunt loquutiones Scripturæ sacræ, in hereditatem incorruptibilem, incontaminatam, & immarcescibilem, & illud, alii quidem ut corruptibilem coronam accipiant, nos autem incorruptam, & similes, quæ omnino proprium possunt habere sensum.

Ratione vero philosophica probatur, quia creatura non potest alia ratione dici incorruptibilis, & perpetua, nisi quia neque habet contrarium

perpetuitatem in habitu seu in radice.

III.

IV.



Definitio  
reiper su-  
spensionem  
supernatu-  
ralem in-  
fluxus non  
constituit  
rem corru-  
ptibilem.

rium, neque aliquod principium intrinsecum corruptionis, & consequenter neque extrinsecum creatum: sed solum potest desinere esse per suspensionem diuini influxus hæc autem omnia conueniunt tam luminis gloriæ, quam visioni beatæ. Maior constat ex Aristotel. & consensu omnium sapientum, à quibus petendæ sunt rerum definitiones, & non prohibito confingendæ: patet inductione in rebus incorruptibilibus, & ratione, quia ille modus, seu possibilitas amittendi esse per solam suspensionem influxus diuini, non est separabilis à creatura: ergo neque ex hoc solo capite potest creatura dici corruptibilis, prout nunc loquimur, neque carentia illius necessaria est ad corruptibilitatem: ergo non potest in creatura maior incorruptibilitas reperiri quam illa, quæ excludit omnem alium modum amittendi esse. Probatur minor, & in primis quod lumen non habeat contrarium, patet, quia hoc in vniuersum commune est omni luminis in suo ordine perfecto. Dices, error est contrarius illi visioni, & consequenter habitus ille erit contrarius luminis. Respondetur non esse contraria, quia nec sunt eiusdem ordinis, nec possunt mutuo se expellere, illa enim visio sic perficit subiectum, vt reddat illud omnino incapax erroris sibi contrarii, nec versantur proprie circa idem subiectum, vt idem, quia error respicit subiectum quatenus naturaliter perfici potest, aut deficere: visio autem eleuat subiectum, & altiori modo perficit secundum capacitatem obedientialem eius.

V.

Visio beata  
nullam cau-  
sam inter-  
nam corru-  
ptionis ven-  
diat.

Rursus quod nullæ sint causæ corruptionis in illa visione, patet, quia subiectum est incorruptibile, & lumen à nullo alio pendet nisi à solo Deo, neque visio pendet nisi ab intellectu, & lumine, quæ perpetua sunt, & necessario operantur in illo statu, & illis debetur concursus diuinus accommodatus: quod si loquamur de causa morali corruptionis, quæ potest esse solum peccatum, etiam illa omnino excludit illud: ergo nulla potest cogitari hic causa intrinseca corruptionis, vel extrinseca creata.

VI.

Secundo, [ vt simul primo fundamento contrario satisfaciamus ] quod forma sit supernaturalis, non est sufficiens causa vt dicatur corruptibilis; quis enim vnquam loquutus est ita, aut quis dicat vnionem hypostaticam solum quia supernaturalis, non esse natura sua indissolubilem & incorruptibilem, quin potius eo maxime indissolubilis est, quia est maxime diuini ordinis, & supra totam capacitatem naturalem creaturæ, eleuans illam ad quandam ordinem superantem omne agens contrarium, & omnem modum corruptionis: quod fere idem reperitur in visione. Deinde, illud quod dicitur de debito conseruationis, primo non esset admodum necessarium, nam supposito quod res existat, vt ex se habet perpetuo durare, satis est vt nulla creatura possit illi auferre esse, & quod illi non sit debitum non esse, nam hoc ipso pertinet ad diuinam prouidentiam, vt conseruet creaturam in esse, quam produxit, cui nec debetur non esse, neque aliunde aufertur esse, & fortasse nulli creaturæ maiori debito debetur conseruatio in esse. Exemplum philosophicum esse potest, nam motus cæli, teste Aristot. perpetuus est natura sua, quamuis valde probabile sit non esse debitum cælo secundum priuatam naturam considerato, nam ad perpetuitatem satis est quod illi non repugnet, & quod aliunde non habeat contrarium, nec principium corruptionis. Sed vltra hoc, quamuis a-

nimæ, vel intellectui secundum se non debeat visio, seu lumen. tamen luminis, vt sic, ex natura sua debetur tale subiectum: ergo postquam in illo est, etiam illi debetur ex natura sua conseruari in illo subiecto quandiu aliunde non expellitur. Rursus, vt proprie loquamur, nec considerandum est solum subiectum, nec sola forma, sed hoc compositum ex vtraque, quod proprie fit vel desinit esse: hoc autem compositum ex se indissolubile est, illi autem, saltem ratione formæ, debetur semper conseruari, & non dissolui si aliunde non corrumpatur: sicut huic composito ex intellectu, & lumine debetur concursus ad videndum, quia licet non debeat intellectui secundum se, debetur tamen huic composito ratione formæ: ergo simile iudicium ferendum est de concursu, seu influxu ad existendum, quod licet non debeat subiecto secundum se, debetur tamen huic composito ratione formæ.

Ex his patet responsio ad primam, ac præcipuam rationem dubitandi positam in num. 2. Ad secundam vero de priuatione, dicitur in primis, non quancumque priuationem possibilem sufficere ad principium corruptionis, sed illam, quæ oritur ex capacitate, seu appetitu ad positiuam formam repugnantem. Deinde in intellectu proprie secundum se non est priuatio visionis, sed mera negatio: si autem aliquo modo est illa priuatio, solum est in ordine ad absolutam Dei potentiam per capacitatem obedientialem, & hoc modo concedo in ordine ad illam posse lumen corrumpi, sicut posset etiam Deus corrumpere cælum, seu annihilare Angelum, id autem non satis est vt res dicatur natura sua corruptibilis, vt dixi, & patet responsio ad confirmationem de visione Pauli in eodem num. 2. illa enim si semel fuit, & præsertim si ex lumine gloriæ processit, ex se incorruptibilis erat: Deus autem potuit illam non conseruare. Addit vero Medina loco illo duodecimo, articulo quarto, si illa visio non processit à lumine, sed à solo auxilio, dicendam esse potius corruptibilem, quam incorruptibilem, quia existit modo præternaturali, & ex se non petit semper ita conseruari: sed quamuis questio forte sit de modo loquendi, non admitterem, qualitatem natura sua incorruptibilem aliquando esse ex se corruptibilem, physice loquendo, quia corruptibile, & incorruptibile differunt natura sua genere. Vnde in eo casu dicerem, illam visionem natura sua postulare connaturali modum, quo semper conseruetur, & hoc satis esse vt sit incorruptibilis, quamuis modus ille, quo fieret sine lumine non postulet ex se, vt sit perpetuus, sicut gratia, quæ fit medio Sacramento, natura sua postulat conseruari, quamdiu in subiecto non est aliquid repugnans, quamuis illa dependentia, quam habet in fieri, à Sacramento non postulet semper conseruari, quia est præternaturalis, & est alia magis connaturalis ex natura sua impossibilis quam illa.

Vnde patet responsio ad tertium de gratia, nam etiam illa de se postulat perpetuitatem, & secum illam affert si sit in statu perfecto: at in via potest aliqua ratione corrumpi, quia est in statu imperfecto, & quodammodo præternaturali, & adhuc in illo non est physice corruptibilis intrinsece, quia non habet aliquod physicum principium intrinsecum corruptionis, sed solum morale, quod est peccatum.

Ad quartum dicitur, si ratio beatitudinis formaliter solum consideretur, satis esse quod perpetuo

VII.

VIII.

IX.



tuo daret; siue hoc habeat natura sua, siue ab extrinseco conseruante; si tamen consideretur res illa, in qua perfecta beatitudo consistit, valde consentaneum rationi est, vt illa ex se postulet perpetuitatem, quia si ex se est sufficiens ad beatificandum, necessarium est vt saltem ex se postulet eas perfectiones, quæ ad perfectam beatitudinem necessariæ sunt: atque ita constat non solum visionem, sed etiam omnes dotes animæ beatæ ex se esse aliquo modo incorruptibiles, nam amor & fructio Dei sicut ab intrinseco habent necessitatem, ita & perpetuitatem, reliqua vero satis est quod habeant hanc incorruptibilitatem quoad actus primos, vt dixi. De dotibus autem corporis non est hic disputandum, sed in illis satis est quod habeant incorruptibilitatem accomodatam subiecto, quia illud non est simpliciter necessarium ad perfectam beatitudinem, vt dictum est.

## S E C T I O III.

*Vtrum de ratione beatitudinis sit, quod sit actu perpetuo duratura.*

I. **H**ic iam non est questio de intrinseca natura, seu aptitudine ad durandum, sed de actuali duratione perpetua, quæ ultra rem naturam, & entitatem nihil addit, nisi quod extrinseca causa perpetuo sit conseruatura rem talē, quod est separabile ab ipsa re. Et hinc oritur ratio dubitandi, quia beatitudo hæc est quid creatum; sed non est de ratione alicuius creaturæ quod sit perpetuo duratura, nam licet Deus creet Angelum, & pro vno die tantum illum sit conseruaturus, nihilominus pro tunc esset verus Angelus, & haberet quidquid est de ratione eius: ergo similiter si Deus conferat visionem alicui vno die duraturam, illa erit perfecta & essentialis beatitudo, & dum durat, constituet vere beatum: ergo quod perpetuo sit duratura, non est de ratione beatitudinis. Ratio à priori esse videtur, quia præter naturam rei hoc nihil addit nisi extrinsecum decretum Dei statuentis conseruare perpetuo talē rem, sed propter extrinsecam denominationem non mutatur natura rei: ergo. Item quidquid consideratur in perpetua duratione præter id, quod actu non est in re, concipitur à nobis vt quid futurum; sed illud vt sic non potest pertinere ad præsentem beatitudinem, quia homo non fit beatus nisi per id, quod actu iam habet: ergo quod postea res sit duratura, nec ne, non spectat ad actualem beatitudinem: Nisi quis dicat pertinere media cognitione præsentis, quatenus scilicet beatus cognoscit nunc se non esse vltro visionem priuandum, ex qua cognitione securitas oritur, vel in illa consistit. Sed contra hoc est, quia hæc ipsa cognitio non est de ratione beatitudinis, quia neque est visio Dei, neque amor, nec circa obiectum increatum, & per se necessarium versatur.

II. In contrarium autem est, quia omnes sapientes, qui de beatitudine loquuntur, requirunt actualem perpetuam durationem ad veritatem eius; Arist. 1. Ethicor. cap. 5. & 7. *Ver nec vna facit hirundo, nec vnus dies, idem cap. 9. & 10. ac lib. 10. capit. 7.* quæ loca explicans D. Thom. cum aliis dicit ad beatitudinem requiri diuturnam, stabilem, seu perpetuam durationem felicitati proportionatam, ita vt si sit imperfecta felicitas huius vitæ, requiratur stabilitatem status huius vitæ, vel saltem vt habeat immobilitatem perfectioni huius vitæ accommodatam; si ergo sit beatitudo per-

fecta simpliciter, requireret perpetuitatem simpliciter. Atque eadē est sententia Augustini vbicumque loquitur de hac materia, quam sic explicat, nam si beatitudo deserit volentem, non potest dici felicitas, quam aliquis volens deserit; si autem deserit nolentem quomodo beata vita est, quæ ita est in voluntate, vt non sit in potentate, aut quomodo potest esse felix qui se amissurum timet quod maxime amat. Ita fere 13. *de Trinitat. cap. 8. & 12. de Ciuit. cap. 20. & 1. de morib. Eccl. cap. 3.* & eadem videtur esse sententia Diui Thomæ 1. 2. q. 5. art. 4. qui eadem fere ratione vtitur.

III. In hac dubitatione D. Thom. *ibid.* affirmat, ad hanc beatitudinem necessariam esse, vt amitti non possit: non tamen satis explicat, an hoc sit simpliciter necessarium, vt homo possit dici beatus, vel solum pertineat ad quoddam complementum, & statum beatitudinis: neque magis hoc explicat Caiet. aut alii Thomistæ. Cæteri vero Theologi fere respondent sub distinctione sæpe repetita, quod si beatitudo sumatur pro operatione perfectissima intensiue, perpetuitas non est de ratione eius; si vero sumatur pro perfectissima intensiue, & extensiue, sic necessario includere perpetuitatem. Ita fere Scot. in 4. d. 49. quest. 6. Durand. quest. 6. Supplem. Gabr. quest. 2. artic. 3. d. 7. Ocham quest. vlt. art. 4. d. 6. Maior quest. 12. d. vlt. simpliciter affirmant de ratione beatitudinis esse perpetuitatem, quomodo etiam loquitur Sot. quest. 3. artic. 4. concl. 3. quamuis addat Maior, questionem videri de nomine, quod in hi quidem etiam ita videtur: nam considerando essentiam, & naturam illius operationis, in qua beatitudo consistit, constat perpetuitatem hæc non esse de ratione eius, vt probant rationes dubitandi priori loco positæ in *nm.* 1. Si vero consideremus conditionem, quam requirit illa operatio quatenus nomine beatitudinis significatur, vt sufficiens sit ad conferendum homini omnem effectum, quem beatitudo requirit, est sine dubio necessaria illa perpetuitas. Atque ita loquuti sunt autores citati posteriori loco in *nm.* 2. & sic nobis loquendum est.

IV. Simpliciter itaque dicendum, visionem Dei, & amorem, vt possit denominare hominem simpliciter beatum, requirere vt perpetuo duratura sint. Hoc potest duplici ratione explicari, primo cum D. Thoma in citato articulo, quia beatitudo, vt talis sit, oportet vt sit sufficiens ad satiandum appetitum hominis, & excludendā anxietatem, & timorem, qui tristitia amittere possit; sed ad hoc non sufficit illa operatio, nisi perpetua sit, nam timor amittendi illam non posset non causare tristitiam, quod maxime verum habet de appetitu ipsiusmet beatitudinis essentialis, nam hic maxime satiari debet, & re vera non satiatur per operationem temporalem, nam cum ipsa potentia, & capacitas sit perpetua, appetit inseparabiliter coniungi suo vltimo fini. Et hinc oritur secunda ratio, quæ sumitur etiam ex D. Thom. 1. p. quest. 12. artic. 7. ad 1. in illis verbis, *Beatus videndo Deum comprehendit ipsum, quia videndo habet sibi præsentem, in potestate sua habens eum semper videre:* vbi significat, hanc potestatem semper videndi esse de ratione consecutionis, vt consecutio est: dixi autem supra beatitudinem consistere in conseruatione simpliciter, non autem dicitur consequi diuitias, v.g. qui solum accipit potestatem vtendi illis vno, vel altero die: nisi absolute consequatur plenum dominium, & plenam potestatem vtendi illis, quam appetebat: sic ergo quamuis Paulus viderit Deū breui tempore, non censetur consecutus Deus, donec inamissibiliter illum videat: ergo non potest dici simpliciter beatus,



tus, donec habeat visionem perpetuo duraturam. Quod tandem à contrario potest explicari, nam qui ad tempus caret visione beata, si postea speret illam consequi, non potest dici miser, ut patet de animabus purgatorii: ergo & è contrario qui ad tempus videt, sed timet privari visione, non potest dici simpliciter beatus.

V. Ad rationes dubitandi, si contra hoc fiant, responderetur, quamuis hæc perpetuitas physice nō addat visioni entitatem aliquam, addet tamen firmitatem quādam, & permanentiam eiusdem entitatis, quæ licet proveniat à causa efficiente extrinseca, tamen in ipsamet visione quasi reperitur, & reddit illam æstimabilem, ut maius quoddam bonum, quod non speratur futurum, sed iam totum præsens habetur hoc ipso quod à sua causa procedit ex immutabili proposito conservandi illam; & hæc satis sunt ut illa visio veluti affecta hac conditione habeat rationem, seu statum, in quo possit habentem simpliciter denominare beatum.

VI. Petitur autem in illa tertia ratione dubitandi, an cognitio huius perpetuitatis sit etiam eodem modo necessaria ad beatitudinem, quæ fere coincidit cum alia quæstione, quam tractat Oham, & Supplem. Gabr. *supra*, an securitas sit de ratione beatitudinis; ad quam ipsi respondent simpliciter negando, quia ponunt securitatem in actu quodam irascibili, quod nos *supra disput. ii. sect. 1.* improbavimus, dicentes, securitatem nihil differre à prædicta cognitione. Nihilominus tamen respondeo verum esse propter rationem illam tertiam, quod hæc cognitio non versatur circa Deum, sed circa obiectum creatum, & si aliquo modo potest circa Deum versari, solum est quatenus in eo cognosci potest voluntas quædam libera conservandi in homine formalem beatitudinem: est ergo illa cognitio conditio necessaria ex parte beati, ut possit omnino satiari desiderium eius, & hæc est differentia inter perpetuitatem, & cognitionem perpetuitatis, nam illa est necessaria ex parte illius operationis, quæ est beatitudo, nam sine illa conditione etiam de se non est sufficiens ad beatificandum, & satiandum; at vero cognitio perpetuitatis solum ex parte subiecti est necessaria, nam visio hoc ipso quod perpetua est, de se sufficit ad satiandum appetitum, oportet tamen ut cognoscatur, quia appetitus satiari nō potest, nisi præcisa cognitione.

## DISPUTATIO XXV.

*De his, quæ ad naturalem beatitudinem pertinent.*



E hac re aliqua supra dicta sunt, quæ hi sunt supponenda, tradentes enim nonnullas divisiones beatitudinis *disput. 4. sect. 3.* ostendimus, necessarium esse dari aliquam beatitudinem hominis naturalem. Deinde, tractando de obiecto beatitudinis *disput. 5. sect. 1.* ostendi solum Deum esse obiectum beatitudinis etiam naturalis, quoniam ipse solus est finis ultimus hominis quocumque ratione consideretur. Rursus, disputando de essentia formalis beatitudinis *disputat. 6. sect. 2.* conclusimus commune esse beatitudini naturali, ut in operatione consistat, & consequenter illam debere esse operationem mentis, seu partis intellectivæ, secundum quam est homo capax Dei. Reliquum ergo est ut

aliqua addamus, quæ de hac beatitudine desiderari possunt: quæ fere ad similitudinem eorum, quæ de supernaturali beatitudine dicta sunt, erunt explicanda.

### SECTIO I.

*In quo consistat proprie hæc beatitudo naturalis.*

OMissis aliorum Philosophorum sententiis, de quibus supra dictum est, sententia Aristotelis, ut etiam attigimus in *disputation. 30. Metaph. sect. 11. a numer. 36.* in hoc negotio est, propriam & perpetuam beatitudinem hominis consistere in contemplatione substantiarum separatarum, quod præsertim intelligendum est, ratione divinæ substantiæ, vel naturæ, cetera vero omnia requiri ut dispositiones quasdam ad hanc contemplationem. Sic toto *lib. 1. Ethic. & lib. 10. c. 8. & 9.* & *ideo 7. Polit. c. 3.* hanc contemplationem præfert omni humanæ actioni, etiam gubernationi Reipublicæ, & *ideo 5. Met. c. 2.* sapientiam laudat, & præfert omnibus, & *lib. 12. c. 7.* dicit, Deum contemplatione sui esse beatum, nos vero quando illi, ut possumus, similes efficiamur. Hanc sententiam sequutus est D. Thom. *1. 2. quest. 3. art. 5. & q. 4. art. 3. & 1. p. q. 62. art. 1. & 64. art. 1. ad 1. idem 3. com. Gent. cap. 4. 4. & in 3. d. 29. quest. 2.* & exponendo Aristotelem. Cuius rationes sunt primo, quia contemplatio est de se diuturnior, magisque perpetua, est enim immaterialior, & carens contrario. Secundo, quia est per se sufficiens magis quam cetera, quia propter se quæritur, & non propter aliud, & quia paucissimis adiumentis eget. Tercio, quia est operatio maxime operabilis, quia est maxime consentanea naturæ secundum gradum supremum eius. Virde est quarta ratio, quia est perfectissima operatio, & maxime propria hominis, in qua maxime differt à brutis, & cum Deo, & substantiis immaterialibus convenit. Denique, quia per hanc actionem fit homo maxime familiaris Deo.

Secunda sententia ait, consistere hanc beatitudinem in amore Dei naturali super omnia. Tenet Cano *lib. 9. de locis, c. 9.* ubi reprehendit Aristotelem, quod omnino fuerit oblitus huius actus, & Scot. *4. d. 49. quest. 3. art. 2.* qui tamen existimat Aristotelem sub contemplatione amorem comprehendisse, quia rationes eius non magis procedunt de actu intellectus, quam voluntatis, ipse quoque existimat voluntatem esse perfectiorem potentiam: accedit, quod quælibet cognitio naturalis Dei potest esse in peccatore, unde solus amor esse videtur qui coniungit hominem perfecte cum suo fine ultimo naturali.

Hæc quæstio, suppositis supra dictis *disput. 6. & 7.* de beatitudine supernaturali, facile expediri potest. Dicendum est consequenter, hanc beatitudinem consistere in perfectissima naturali conjunctione cum Deo per intellectum, & voluntatem, quantum ex creaturis naturali lumine intellectus cognosci potest. Quod est verum siue loquamur de homine ex anima, & corpore composito, siue de anima separata; & hoc sequuntur auctores supra citati in simili, neque ab illa discrepat Scot. & Scot. *d. 49. q. 5. art. 4. concl. 5.* Medina *1. 2. q. 3. art. 7.* qui sic etiam Aristotelem intelligunt, nam inter alia dixit, illam contemplationem facere sapientem, vel amicam, & charam Deo, *1. Ethic. cap. 7. & 7. Polit. cap. 1.* & alibi requirit virtutem animi ad beatitudinem.

Rationes sunt claræ, nam in primis quod divina cognitio sit necessaria, satis probatur rationibus

L

II.

III.

IV.



tionibus Aristotelis: item, quia est quædam affectio supremi boni hominis: item, quia satiat perfectissimum quendam appetitum, & capacitatem hominis: denique, quia per hunc actum intelligit homo suum ultimum finem, estque non solum propter aliud, sed propter se expetibilis. Aduertendum est, valde errare eos, qui dicunt, hanc beatitudinem ex parte intellectus consistere in clara visione Dei, ut est prima causa naturalis, quod interdum videntur insinuare qui ponunt naturalem appetitum ad videndum Deum; est enim hæc omnino falsum, quia illa visio, utcumque consideretur, est supernaturalis, & non debita naturæ, & posset homo creari absque ordinatione ad illam consequendam, ut supra disput. 4. sect. 3. à num. 3. ostensum est, neque quidquam refert distinctio de visione Dei, ut prima causa, vel sub alia ratione, quia omnis visio Dei est eiusdem rationis, & peream videtur Deus ut in se est, tam ut trinus, quam ut vnus, & tam ut autor gratiæ, quam naturæ.

V. Altera vero pars de amore mihi videtur certissima propter rationes factas n. 2. in quo est maxime notanda differentia inter supernaturalem, & naturalem beatitudinem, quod in supernaturali visio intellectus necessario secum affert amorem, & ideo non potest vlla ratione sola cognitio dici essentialis beatitudo integra; quis enim dicat dæmonem esse essentialiter beatum naturali beatitudine, quia habet perfectam cognitionem naturalem Dei, cum non habeat amorem? Item potest sic explicari, quia homo & est ens physicum, & morale; ergo nisi utraq; ratione sit consummatus, & vltimate perfectus, non potest dici beatus: quamuis autem per cognitionem in esse physico valde perficiatur, tamen in esse morali tota eius perfectio pendet ex amore: ergo maxime pertinet ad beatitudinem essentialem naturalem eius.

VI. Quæres, quis horum præcipue requiratur in hac beatitudine. Omisissis opinionibus supra disput. 7. sect. 1. tractatis, mihi videtur utendum distinctione paulo ante insinuata: nam si consideretur homo in genere naturæ, & entis physici, præcipua pars est cognitio, quia, ut suppono, est perfectus actus, & supremus perfectissimæ potentie, atque adeo perfectissimus in genere entis, quod est præcipue verum de anima separata, & idem est probabile de toto homine, quia cum cognitio Dei, in utroque statu sit abstractiua, & per effectus; forte non est essentialiter diuersa, & quia in ordine naturalis beatitudinis homo in hac vita, non tantum considerandus est ut viator, sed ut existens in eo statu, in quo naturaliter beatificandus, est quia extra hunc statum non potest naturaliter beatificari totus homo, sed anima tantum, ut statim dicam sect. seq. at vero considerando hominem ut morale agens, præcipua pars beatitudinis eius est amor, quia solus ille est efficax principium honestatis, & rectitudinis in humanis operationibus, quod non habet speculatio naturalis. Vnde si altera ex his operationibus eligenda esset, præferendus esset amor, quia re vera est magis necessarius ad bonitatem, & honestatem simpliciter, & non est infallibiliter coniunctus cum illa cognitione, vnde etiam sit, ut magis pertineat ad amorem Dei propter se.

VII. Hinc facile constat quænam cognitio naturalis maxime ad beatitudinem pertineat, speculatiua, an practica. Arist. enim, & D. Thom. speculatiua maxime requirunt; quod procedit considerato homine in esse naturæ; tamen in ordine ad mores maxime necessaria est cognitio practica, etsi non sit excludenda speculatiua, in qua

practica fundatur, imo ipsa practica cognitio quamuis necessaria sit, non tamen proprie propter se, & ut pars beatitudinis, sed ut conditio ad amorem requisita.

Vltimo facile constat, quomodo alix animi virtutes, vel earum operationes ad hanc beatitudinem requirantur. Arist. ait, secundario requiri, quia vere in eis non consistit essentia naturalis beatitudinis, sunt tamen vel dispositiones ad eam prærequisite, vel proprietates illam comitantes. Atque idem iudicium esse potest de aliis scientiis intellectus: idemque proportionally dicendum de aliis corporis bonis, & fortunæ, quæ requiri possunt ut instrumenta, vel media necessaria ad beatitudinem, non vero proprie ut pars beatitudinis, ut dicam sect. sequenti, ubi soluemus difficultates omnes, quæ in doctrina data possunt occurrere.

## S E C T I O II.

## Quomodo possit homo acquirere beatitudinem naturalem.

VT intelligatur difficultas huius quæstionis, I. quomodo possit homo consequi beatitudinem naturalem, constituamus hominem in ordine ad finem vltimum suum conditum in puris naturalibus, id est, neque ordinatum ad altiorem finem, quam sit nature debitus, neque in se habentem alias facultates, vel virtutes præter eas, quæ naturam consequuntur, vel per naturales actus comparari possunt, neque ex parte Dei recipientem alia beneficia, neque aliud prouidentie genus, quam sit ordini naturæ consentaneum, nam ad intelligendam propriam nostræ naturæ conditionem, oportet præscindere omnia, quæ supra naturam sunt, quod non solum per intellectum fieri potuit, sed re ipsa potuit fieri à Deo, quod mihi fere tam certum est, quam est certum omnia hæc supernaturalia bona esse mere gratuita, & nullo modo nostræ naturæ debita.

Quo posito principio, multiplex oritur difficultas in præsentis quæstione, quæ sic explicatur, II. nam si homo potest consequi beatitudinem naturalem, vel hoc est in statu præsentis vitæ, vel in statu animæ separatæ, vel in aliquo statu, in quo post primam separationem iterum anima esset corpori vnienda: in nullo horum statuum: ergo ad statum nullo modo. De statu præsentis vitæ probatur variis modis, primo ex parte intellectus, quia in hac vita vix potest cognitio Dei acquiri, & quauis ab vno, vel altero possit, non tamen communiter ab hominum multitudine: beatitudo autem esse debet bonum commune, nam alix res naturales ut plurimum consequi possunt suum finem in pluribus indiuiduis, cur non humana natura? Rursus, qui possunt aliqualem cognitionem Dei assequi, illam fere semper habent admixtam multis opinionibus incertis, & quod peius est, multis erroribus, vnde est axioma Theologorum, non posse hominem suis viribus assequi sine errore omnes veritates naturales, & præsertim diuinas. Secundo ex parte voluntatis multorum opinio est, non posse hominem in pura natura diligere super omnia Deum amore proprio beneuolentiæ, quia quoad naturales vires non est potentior homo in pura natura, quam sit nunc in natura lapsa, in qua non potest diligere Deum sine gratia. Rursus licet admittamus posse aliquo modo, tamen certum est non posse perseueranter: non est autem beatitudo, quæ non est diuturna. Vnde est tertia difficultas ex parte appetitus,

dinem naturalem.

VIII.

I. Suppositio ad quæstionis decisio-nem.

II.

Arguitur ne gatiue in primis ex parte intellectus quoad statum præsentis vitæ.

2. Arguitur ex parte voluntatis.



3. Ex parte appetitus sensitiui.

4. Ex parte amissibilitatis cui subest naturalis beatitudo.

### III.

Quoad statum separationis arguitur etiam negative primo.

tus, ex quo fit, vt non possit homo constans ex his contrariis viribus suis vitare omnia peccata, etiam mortalia, & contra legem naturæ: ergo non posset homo sibi relictus nõ esse miser, quia non posset vitare peccatum mortale, & post illud commissum, non posset viribus suis illud à se expellere, nec remissionem illius naturaliter consequi; homo autem existens in peccato, dignus est æterna pœna, & miseria. Quarto hinc fit, vt in hac vita necessario desit aliqua perfectio neccessaria ad beatitudinem, quæ est perpetuitas, primum, quia hæc vita non est perpetua; hoc tamen non multum vrget, satis enim esset si beatitudo duraret quamdiu durat vita. Secundo id probatur, quia fere nullus est, nec esse potest per naturam, qui in eo statu toto tempore vitæ perseueret, & quamuis demus, posse hoc accidere, nullus tamen est, qui de hoc possit esse securus, sed semper sub timore cadendi ab eo statu; quamnam ergo erit hæc felicitas, vt omittam, non posse hominem in hac vita habere cætera omnia, quæ ad statum beatitudinis necessaria sunt, quia non posset carere doloribus, aliisque miseriis.

De statu animæ separatæ quoad cognitionem habet minorem difficultatem, quia tunc posset per se ipsam euidenter cognoscere Deum: tamen est difficultas in hoc, quod adhuc illa cognitio non satiaret appetitum eius, nam esset imperfecta, nam viso effectu desideramus videre causam etiam in se. Secunda difficultas etiam ex parte voluntatis fere eodem modo vrget, tum quia si actus ille amoris superat naturales vires voluntatis coniunctæ corpori, etiam separatæ; quia eius vires naturales eadem sunt in vtroque statu: tum maxime, quia si homo ex hac vita non potest decedere sine auersione ab ultimo fine, manebit necessario illa auersio in anima separata, quam non poterit per naturales vires à se expellere, neque cum illa poterit esse beata. Tertio est specialis difficultas, quia naturali appetitui non satisfit per solum felicem statum animæ separatæ, nisi totus homo beatificetur, quia aliæ res omnes non perueniunt ad suos fines in vnâ, vel altera parte, sed in tota natura, & quia ad prouidentiam auctoris naturæ pertinet vt totus homo, qui bene, vel male operatur, beatus fiat, vel miser.

### IV.

Quoad statum reunionis arguitur.

De statu tandem reunionis habet ille certe primam, & secundam difficultatem supra positam, & aliam propriam, quia ille status supponit resurrectionem hominis, quæ nec naturalis est, nec naturæ debita, & præterea illa admissa querendum superest, quale esset corpus, ad quod esset anima reditura: quia si esset tale, quale nunc habemus, redeunt difficultates positæ in primo membro, & præterea semper futuri essemus in quodam perpetuo circulo mortis, & resurrectionis; si vero esset alterius conditionis, iam esset præter debitum naturæ: nullo ergo modo intelligi potest homo beatus in pura natura. Vt respondeamus, supponamus quod alibi dixi, aliud esse loqui de facultate proxima ad eliciendos actus, in quibus consistit beatitudo, aliud de facultate ad exequenda omnia media, vel tollenda omnia impediementa beatitudinis.

### V.

2. Assertio.

Probat quoad actum intellectus.

Dicendum primo, hominem ex natura sua habere facultatem per se sufficientem ad eliciendum illos actus, in quibus consistit beatitudo. Sic D. Thom. 1. 2. qu. 5. art. 5. nam hanc beatitudinem naturalem vocat beatitudinem imperfectam, & hoc sensu dicit, posse viribus naturæ acquiri. Probat, quia certum est, hominem viribus naturæ posse consequi aliquam veram Dei cognitionem, vt 1. p. q. 2. & 12. dicitur, & constat

experientia; quod vero hæc cognitio sufficiat, non obstantibus difficultatibus n. 2. positis, infra patebit. Rursus de actu amoris benevolentis, & super omnia Dei auctoris naturæ, mihi certum est (& nescio an aliquis hoc negauerit) esse in voluntate humana per se, & secundum naturam suam consideratam vim, & efficaciam naturalem sufficientem ad eliciendum illum actum, ideo enim omnes fatentur hominem in statu innocentis potuisse viribus naturæ elicere talem actum, & idem concedunt de Angelis: & eadem ratio est de anima separata. Ex quo aperte concluditur voluntatem per se esse ad hoc potentem, vt probat ratio facta, quia voluntas in quocumque statu est eadem omnino quoad naturam intrinsecam, & vires naturales: quod si aliqui docent in statu naturæ lapsæ non posse elicere hunc actum, non est ex defectu virtutis actiue per se, sed ex impedimentis, scilicet quia illa virtus in hoc statu ita est impedita, vt non possit tam perfectum actum perficere: quod an consequenter dicatur, alibi dicendum est: nunc nobis sufficit, quod facultas per se, & intrinseca non deest. Et ratio est, quia ille actus non est in sua substantia supernaturalis, nec regulatur, nisi ratione naturali: ergo facultas per se elicitiva illius est etiam naturalis. Tandem in hoc differt naturalis beatitudo à supernaturali, quod illa consistit in actibus, ad quos natura dedit facultatem, & capacitatem in suo ordine proportionatam, vt colligitur ex D. Thom. 1. 2. quæst. 109. ad ult. & 1. p. quæst. 23. & 62. art. 1. & hac ratione dicemus infra disp. seq. esse in homine appetitum ad naturalem beatitudinem, non vero ad supernaturalem: ergo si aliqua est in homine naturalis beatitudo, necesse est vt sit naturalis facultas in homine ad eliciendas illas actiones, in quibus consistit.

Dicendum secundo: Possibile est hominem consequi hanc beatitudinem naturalem per media naturæ proportionata, & consentanea. Hæc conclusio probari potest primo rationibus communibus, quod media esse debent proportionata fini, hinc enim colligimus ad supernaturalem beatitudinem assequendam necessaria esse supernaturalia media. Item, quia natura non inclinat ad finem nisi per sufficientia media: neque auctor naturæ vnum instituit, seu ordinat nisi per aliud, quia esset valde diminuta prouidentia. Item quia omnes aliæ naturæ creatæ possunt assequi suos fines naturales per media consentanea naturæ: cur ergo natura humana erit in hoc peioris conditionis? Denique hoc videntur supposuisse omnes Philosophi, qui de beatitudine disputauerunt, tamen in particulari hoc melius probabitur, & declarabitur satisfaciendo difficultatibus initio positis.

Primo igitur ex tribus statibus ibi consideratis, tertius positus nu. 4. relinquendus est, non enim existimo illum pertinere ad ordinem naturæ, vt recte probant rationes ibi insinuatæ, & latius disputatum est in materia de Resurrectione 3. p. tom. 2. disp. 44. sect. 7. Nec obstat specialis difficultas ibi insinuata, quia non est necesse vt homo possit consequi aliter suum finem, quam potest existere, nulla enim res naturalis aliud postulat, nisi quod dum existit possit suum finem consequi: sicut ergo homo secundum naturam integram corruptibilis est, secundum animam vero est immortalis, & æternus, ita satis est, quod pro aliquo tempore possit naturaliter esse beatus in toto composito, perpetuo vero solum in anima.

Item quoad actum voluntatis.

Denique generaliter quoad actus in quibus stat ratio beatitudinis.

### VI.

2. Assertio probatur multipliciter.

### VII.

Expediuntur difficultates in n. 5.



VIII.  
Quid de  
beatitudine  
priorum  
duorum sta-  
tuum sen-  
serint Phi-  
losophi.

Circa alios vero duos status videtur esse controuersia inter antiquos Philosophos: nam Arist. 1. Ethic. cap. 10. significat naturalem beatitudinem in hac vita esse comparandam, & irridet Solonem eo quod dicit, beatitudinem solum continere homini post mortem: at vero Plato in Cratyl. & Phædon. è contrario asseruit, beatitudinem referuari in seculum futurum; ex quo Clem. Alexandr. lib. 5. Stromat. circa princ. hæc refert verba, Non dico fieri posse, vt omnes homines sint beati præterquam pauci, donec vixero, bona autem spes est sere vt postquam exceſſero omnia consequar. Et in eadem sententia est Tullius lib. de Finib. & alii, quos refert Eugubinus lib. 10. cap. 11. vbi reprehendit Aristotelem, quod oblitus fuerit vitæ futuræ: sed non existimo Aristotelem in hoc errasse. Dicendum est ergo, vtrumque esse aliquo modo verum, nam, vt paulo ante dicebam, homo in vnoquoque statu eo modo, quo est, potest coniungi suo vltimo fini, in quo consistit essentialis beatitudo. Item probatur illa ratione, quia non solum pars hominis, sed homo ordinatur ad beatitudinem naturalem: ergo oportet vt non solum anima, sed etiam homo possit aliquo modo beatificari: & hoc est quod intendit Aristot. qui addit 1. Ethic. cap. 7. hominem non posse beatificari quo homo est, sed quo est in ipso diuinius, & ideo, inquit, conuincendum esse, vt homo se ipsum perficiat secundum id, quod in ipso diuinius est, id est, non tantum secundum id, quod est, mortale, sed secundum id etiam, quod immortale est: quia vero pro statu huius vitæ nulla naturalis beatitudo esse potest non admixta variis imperfectionibus, & incommodis, ideo ait Aristot. beatificari hominem hic, tamen vt hominem: quia vero anima separata erit liberior ab omnibus his incommodis, quæ corpus consequuntur, ideo alii Philosophi referuari dicebant beatitudinem ad illum statum, & præsentem vitam solum esse veluti viam quandam ad illum statum, & præsentem vitam solum esse veluti viam quandam ad illum statum consequendum, quod Aristoteles non negauit, sed addidit hic esse aliqualem beatitudinis modum; atque hinc soluta relinquitur secunda difficultas in secundo membro seu statu posita; in 1. 3. aliz duæ communes erant cum aliis positis n. 2. in primo membro, siue statu.

IX.  
Ad difficultates in n. 2. generatim.

Ad quas primo in genere dici potest, hominem quidem habere in se intrinsecas facultates per se sufficientes ad consequendam beatitudinem naturalem, & exercendo actus, qui sunt media ad illam, & hoc satis esse vt hoc dicatur possibile possibilitate physica. Quod vero impedimenta extrinseca tantam homini difficultatem ingerant, vt moraliter non possit semper vt ea facultate physica, & accidentarium, & extrinsecum est, proueniens ex quadam mirabili compositione, quæ est in homine ex natura adeo distantibus, vt sunt caro, & spiritus, & ex appetitibus contrariis, quam imperfectionem non teneretur autor naturæ auferre. Deinde hinc fit, quod licet gratis daremus, nullum hominem naturæ suæ relictum assequuturum de facto beatitudinem naturalem, non inde fieret aut ipsam in se esse impossibile naturaliter, aut media non esse naturæ proportionata: sed solum sequitur hanc naturam tot esse implicatam obstaculis, vt moraliter non valeat omnia vitare: sed quia hæc non satisfaciunt, quando videtur pertinere ad prouidentiam auctoris naturæ, vt ita provideat, & subueniat defectibus rerum naturalium, vt possint assequi suos fines, ideo aliquid amplius est ad singulas difficultates dicendum.

Ad primam de cognitione respondetur, veram Dei cognitionem naturalem esse ita possibilem homini, vt multi illam assequantur, nec necesse est vt in hac vita omnes possint vacare huic speculationi, & scientiæ naturali, sed satis est vt possint aliquo modo cognoscere Deum esse, & quod possint se, & omnia illa in illum, vt in vltimum finem referre. Neque etiam est mirandum, quod hoc ipsum raro, & in paucioribus contingat, quia hæc est conditio, & imperfectio humanæ naturæ, & quia hoc pendet ex libertate, vnde fit, vt etiam beatitudinem supernaturalem pauci assequantur, & inter Angelos multæ species caruerunt sua beatitudine. Ad secundam de amore iam responsum est ad priorem partem eius: altera vero pars de perseverante amore coincidit cum difficultate tertia.

Ad quam dicitur primo quod qui ex hac vita decederent ante vsum rationis, statim assequerentur in alia naturalem beatitudinem. Secundo, qui breui tempore ratione vterentur, possent moraliter se conseruare sine peccato, quia hoc possibile est tempore breui, etiam homini lapso, & in puris naturalibus, fortasse id posset fieri aliquantulum longiori tempore, non quia intrinseca compositio, & impedimenta, quæ inde proueniunt, essent alia, sed quia impedimenta extrinseca essent minora, nam in eo statu non est consideranda impugnatio dæmonis, ad prouidentiam enim Dei pertinet vt hanc non permittat, nisi dando sufficientem gratiam ad illam superandam. Ablata autem illa dæmonis pugna, multa alia impedimenta auferentur, quæ ex illa sequuntur. Tertio est probabile Deum daturum fuisse homini in eo statu aliquod prouidentiz genus, quo & moraliter posset conseruari sine lapsu, præsertim mortali, & quo etiam obtineret remissionem peccati, si quantum in se est, faceret, vel se conuerteret in Deum amore naturali super omnia, qui sine hoc genere prouidentiz vix posset homo non esse miser: hæc autem prouidentia non esset debita homini, proprie loquendo, sed esset ex quadam liberalitate Dei, quam, vt ita dicam, Deus sibi ipsi deberet, id est, suæ prouidentiz, & sapientiæ, ac bonitati: differret autem à prouidentia gratiæ in hoc, quod per eam non eleuaretur homo ad finem, vel media supernaturalia, sed tantum tollerentur impedimenta, vt posset bene naturaliter operari: melius autem Deus homini prouidit, & omnes difficultates abstulit, gratiam, & supernaturalia dona illi conferendo.

XI.

## DISPUTATIO XVI.

## De appetitu beatitudinis.



Iuus Thomas 1. 2. in quæstione de consecutione beatitudinis hanc partem addidit de appetitu, imo videri potest, debuisse hoc dubium ante alios articulos præmittere, quando tendentia in beatitudinem à naturali appetitu incipit, & ideo forte Sot. d. 49. quæst. 2. artic. 1. hunc ordinem mutauit; tamen non immerito D. Thom. hanc disputationem in postremum locum suæ quæstionis referuauit, quia obiectum appetibile prius cognosci debet, quam appetitus, & ideo cognita ratione beatitudinis, facilius explicabitur appetitus eius. Supponenda ergo est vulgaris distinctio appetitus innati, & elicit, quorum prior solum consistit in ponere



dere naturæ, & ideo communis est cum aliis uiuentibus, & inanimatis, & in quibus inest perpetuū inest: posterior uero consistit in actu vitali proueniente ex cognitione: unde est proprium uiuentium uita animali uel rationali, & solum adest quando uiuens actu operatur & cognoscit: de utroque est dicendum tam respectu beatitudinis supernaturalis, quam naturalis, uel in communi, uel in particulari.

## SECTIO I.

*Virum homo appetitu innato appetat naturalem beatitudinem in particulari, & in communi?*

**I.** PRIMò de beatitudine naturali in particulari res est sine controuersia, hominem illam appetere appetitu innato: sic omnes in 4. d. 49. Scot. q. 6. Durand. quest. 8. Paludan. quest. 7. Maior quest. 6. Rationes sunt claræ: primò, quia in homine est capacitas naturalis ad hanc beatitudinem tam passiuā, quam etiam facultas actiua: omnis autem potentia naturaliter inclinatur ad actum sibi connaturalem, præsertim ad perfectissimum: omne enim perfectibile appetit suam perfectionem: beatitudo autem, ut sæpe dictum est, est maxima perfectio, & si naturalis sit, est etiam proportionata. Tandem appetitus sciendi maximè naturalis est, beatitudo autem est perfectissima quædam pars huius scientiæ. Et idem fieri potest de amore: atq; hinc sequitur, cum dictum sit, hanc beatitudinem consistere in cognitione & amore Dei, hunc appetitum naturaliter tendere in Deum, ut in finem ultimum, proprium & particularem, & in cognitionem & amorem eius, tanquam in illius consecutionem. Quod latè probat D. Thomas 3. contra Gentes, c. 25. & sequentib. Et de hoc ad minimum intelligitur illud Augustini, *Fecisti nos Domine ad te & inquietum est cor nostrum donec perueniamus ad te*, 1. Confess. cap. 1. Rationes sunt eadem quæ supra factæ.

**II.** Solent uero inquirere Scholastici, in qua facultate hominis sit hic appetitus. Paludanus, quem sequitur Soto, existimat esse in voluntate quia est appetitus totius suppositi, videntur tamen in suo discursu æquiocationem committere, & ab appetitu innato transferre sermonem ad elicitedum. Durandus collocat in intellectu, in quo etiam existimat esse naturalem appetitum sciendi, quia hic appetitus non distinguitur à capacitate naturali, quam unaquæque potentia habet ad actum suum. Alij distinctione utuntur, dicentes, hunc appetitum esse in utraque potentia, tamen propriè esse in voluntate, sicut etiam esse potest in appetitu sensitivo in ordine ad obiecta proportionata, quia istæ potentiæ tendunt in bonum sub ratione boni, in intellectu uero, & in aliis facultatibus esse impropriè, quia non tendunt in bonum sub ratione boni, sed sub ratione veri, uel aliis particularibus rationibus. Ita Fonseca 1. Metaph. quest. 1. sectione 3.

**III.** Mihi uidetur ferè distinctio, & quæstio de modo loquendi. Supponendo ergo formaliter beatitudinem includere actum intellectus, & voluntatis, non est dubium, quin ex ea parte, qua includit amorem, appetitus eius omninò sit in voluntate, ut rectè Scotus, non solum quia voluntas est appetitus uniuersalis, sed quia est proprium perfectibile per illum actum: at uero qua parte consistit in actu intellectus proximus

appetitus eius naturalis est in intellectu, ut rectè probat fundamentum Durandi: sicut etiam appetitus formæ est immediatè in materia prima, & in uniuersum omnis potentia inclinatur in suum actum, & quamuis fortè tota hæc appellatio appetitus metaphorica sit in eo modo, quo est, non est cur dicatur impropriè, quia licet intellectus inclinetur ad operandum circa suum obiectum sub ratione veri, tamen, ut habet appetitum innatum, inclinatur in suum actum sub ratione boni, & perfectionis sibi conuenientis: at uero quodammodo mediatè etiam voluntas pondere naturæ inclinatur in actum intellectus, quia inclinatur ad appetendum per actum elicitedum omnem hominis perfectionem, quarum una ex præcipuis est hæc cognitio intellectus: inclinatur ergo voluntas in actum intellectus, non ut actum suum, sed ut obiectum. Ad di potest, si uerum est, hos actus etiam manare immediatè ab ipsa substantia animæ, hunc appetitum innatum etiam in ipsa substantia inesse tanquam in radicali, & principali principio illorum, ex illo generali principio, quod omnis vis actiua naturaliter est propensa ad actum suum.

Iam de beatitudine in communi est nonnulla diuersitas inter Autores. Scotus loco citato, & q. 1. Troligi, negat habere hominem appetitum innatum ad beatitudinem in communi quia natura, inquit, ad determinatam & particularem perfectionem tendit: unde tendere in uniuersalem, proprium uidetur actus elicitedi. Quod fundamentum adeo uniuersale non uidetur uerum, quia etiam appetitus naturalis potest esse ad obiectum commune, sicut est appetitus materiæ ad formam: imò hoc ipso quod potentia potest per actum elicitedum appetere obiectum commune, uidetur necessario supponi appetitus innatus ad bonum illud: posset tamen in particulari urgeri argumento Scoti, quia appetitus innatus solum est ad ueram beatitudinē, non ad falsam, hæc autem beatitudo tantum est una in particulari, scilicet Deus, & consecutio eius: ergo hic appetitus non est in beatitudinem in communi, quia solum uidetur esse communis pro ut abstrahit à uera, & falsa beatitudine.

Nihilominus dicendum est secundo cum communi sententiā, esse in homine naturalem appetitum ad beatitudinem etiam in communi. Sic reliqui Theologi citati, uideri potest Caietan. 1. part. quest. 82. artic. 1. explicatur primo, quia actus ille elicitedus, quo potest homo amare beatitudinem in communi, est valde connaturalis, & proportionatus naturæ: ergo est in homine appetitus innatus ad amorem illum: ergo & ad beatitudinem in communi, saltem ut est obiectum eius, quia etiam ipsum obiectum totum est proportionatum naturæ. Secundo quia licet beatitudo rigorose sumpta pro essentiā beatitudinis dicat determinatos actus, tamen absolute pro statu, includit collectionē omnium bonorum, unde hoc modo beatitudo in communi nihil aliud est, quam perfectio, seu congregatio bonorum omnium: sed homo naturaliter appetit hoc appetitu innato, abundare omnibus bonis sibi conuenientibus: ergo hoc etiam modo appetit naturaliter beatitudinem in communi. Tercio, quamuis naturalis beatitudo obiectiua sit tantum una numero in particulari, tamen beatitudo formalis in variis actibus reperiri potest. ergo ex hoc capite appetitus hic non limitatur ad unum actum, sed tendit in ipsam rationem beatitudinis, quæ communis est omnibus illis: ergo ex hoc etiam capite tendit in beatitudinem

**IV.**

*De appetitu ad beatitudinem in communi autem controuersia.*

**V.**

*Affertio 2.*



dinem in communi, licet appetitus naturæ tendat in rem determinatam; tamen in illa includitur ratio communis, & ratione illius potissimè appetitur. Et hac etiam ratione rectè dicitur appetitus innatus tendere in communem rationem vel beatitudinis, vel alterius boni: nam re vera naturalem appetitum inclinari ad commune bonum, nihil aliud est, quam inclinari veluti sub disunctione ad hunc, vel illum actum, in quo inuenitur illa communis perfectio, nam hac ratione ille appetitus est quasi indifferens ad multa, & erit contentus quolibet illorum, dummodo in se contineat rationem illam communem. Atque sic patet responsio ad fundamentum Scoti in numero quarto.

## SECTIO II.

*Virum homo appetat appetitu innato supernaturali beatitudinem, quæ consistit in visione Dei.*

I.  
1. Opinio  
affirmat.

PRIMA sententia affirmat, esse in homine huiusmodi appetitum: sic Scotus distinctione quadragesima nona, questione nona, & decima, & questione prima, prologi, Durandus questione quadragesima nona, questione octava, coniuncta cum questione quarta, Paludanus ibi questione septima, articulo primo, Maior questione sexta, clariùs Soto questione secunda, articulo primo, & libro primo, de natura, & grat. capite quarto, Henriquez in Summa articulo tertio, questione quarta & quinta, articulo quarto questione tertia, & clariùs questione quinta, Dicitur Thomas videtur sapè fauere in tota hac materia, præsertim prima secunda, questione tertia, articulo octavo, & questione quinta articulo tertio ad tertium, & prima parte, questione duodecima, articulo primo, & tertia parte, questione nona, articulo secundo ad tertium, & aliis locis quæ tractabo sect. sequenti, citatur Augustinus illis verbis Feci in nos Domine ad te. &c.

II.

Hæc sententiâ duobus modis potest fundari, ac defendi: prior est, quod in homine sit potentia naturalis vel actiua, vel passiua, vel vtraque ad videndum Deum, nam omni naturali potentia innata est appetitus ad suum actum, ut constat ex Philosophia. Antecedens, quod attinet ad potentiam passiuâ constat ex illo Augustin. lib. i. de præstinat. Sanct. capit. quarto, quinto & septimo: posse habere fidem naturæ est hominum, habere autem gratiam est fidei. Nam eadem est ratio de visione, quæ est de fide. Item quia illud est naturale, quod est inseparabiliter coniunctum cum natura ex vi ipsius naturæ: sed hæc capacitas est necessariò coniuncta cum natura humana ex vi ipsius: unde fieri non potest, etiam per potentiam Dei, ut separetur ab ipsa. Tertiò id declarat Hæric. quia si materia prima ex vi capacitatis innatæ, quâ nunc habet, posset occupare formas naturales, & supernaturales, omnes equè appeteret, & quia omnium esset naturaliter capax, quamuis non omnes posset naturaliter recipere: ergo similiter intellectus, &c. Scotus adhibet exemplum de anima rationali, quæ naturaliter appetit vnionem, & iteratam vnionem ad corpus, quia vtriusque est naturaliter capax, quamuis non possit v-

Suarez in primam secundæ D. Thom.

tramque naturaliter accipere, sed solum primam vnionem. Altera verò pars de potentia actiua in superioribus tractata est, quia omnis potentia ad efficiendum actum vitalem est naturalis, &c.

Secundus modus defendendi est, abstractendo à potentia naturali, nam ad appetendum aliquid, satis est quod illud sit bonum, & perfectio appetentis, siue illud naturale sit, siue supernaturale: ergo ad hunc etiam appetitum non est necessaria naturalis potentia, sed sufficit obediēcialis congenita, & innata ipsi naturæ. Antecedens declaratur, quia res solum appetitur ut conueniens: ergo quod fuerit magis conueniens, & perfectior, eo erit appetibilior: ergo etiam si supernaturalis sit, poterit appeti, imò & magis appeti, quàm si sit naturalis quia supernaturalitas non diminuit rationem boni, sed augeat potius, & ideo licet in ordine ad consecutionem talis perfectio sit supernaturalis, quia consecutio dicit ordinem ad virtutem agendi, tamen in ratione appetibilis erit maximè naturalis, quia simpliciter est bona, & conueniens. Confirmatur à signo ex appetitu elicitio, quia hoc ipso, quod aliquid cognoscitur ut conueniens; quamuis apprehendatur ut supernaturale, statim voluntas appetitu elicitio naturali tendit in illud, quia illa supernaturalitas non minuit, sed augeat rationem boni, & amabilis: ergo idem est de appetitu innato, nam ille appetitus elicitus oritur ex naturali pondere, & inclinatione, quam voluntas habet ad bonum: ergo signum est, illud pondus esse ad omne bonum, siue naturale sit, siue supernaturale.

Hanc sententiam defendunt aliqui ex discipulis D. Thomæ sub quadam distinctione, seu limitatione: dicunt enim hunc appetitum innatum esse ad videndum Deum, ut primum naturæ autorem, & naturalem finem; quomodo solum includit ea attributa, quæ de illo naturaliter cognosci possunt: non verò ad videndum Deum ut autorem gratiæ. Sic Conrad. prima secunda, questione tertia, articulo octavo, & solet attribui Ferrar. sed ille loquitur de appetitu elicitio, ut infra dicam. Fundatur hæc opinio, quia Deus ut prima causa habet necessariam connexionem cum natura, viso autem effectu naturaliter desideratur videri causa.

Hæc verò opinio inter omnes mihi maximè displicet, nam & fundamentum eius ad summum procedit de appetitu elicitio, de quo infra. Et præterea distinctio illa, ut aliàs dixi, non habet locum in visione clara Dei, de qua agimus; quia si videtur Deus, vel aliqua attributa eius, necesse est videre totam essentiam Dei: non potest ergo natura inclinari ad visionem Dei sub vna ratione, quin absolute inclinetur ad videndum Deum prout in se est trinus, & vnus, & simpliciter omnipotens tam ad opera naturæ, quàm gratiæ, & finis vltimus omnium creabilium, siue naturalia sint, siue supernaturalia. Confirmatur, quia illa visio Dei, ut prima causa est, est tam supernaturalis sicut esse potest; ergo est eadem ratio de illa, & de visione Dei, sub quacunque ratione.

Dicendum ergo est, in homine non esse appetitum innatum ad videndum Deum clarè, & prout in se est, & consequenter nec ad supernaturalem beatitudinem: sic ex professo

III.

IV.  
Quo pacto  
quidam acci-  
piant hanc  
opinionem.

V.

VI.



Caietan. 1. part. quest. 1. articul. 1. & quest. 12. art. 1. nam licet distinctionem adhibeat, tamen quantum ad illam loquitur de appetitu elicitō, & Ferrar. 1. cont. Gent. capit. 5. & lib. 3. cap. 51. Capreol. in Prolog. quest. 1. latē Medina 1. 2. quest. 3. articul. 8. & Thomistæ frequentius hanc defendunt sententiam: D. Thomas autem non videtur satis clarē in hac materia loquutus, multum tamen fauet huic sententiæ, nam ubicunque distinguit beatitudinem hominis, distinguit duplicem, aliam naturalem, aliam verò supernaturalem, ut statim dicam: & apertē eam videtur docere quest. 22. de Veritate articul. 7.

VII.

Primo fundata est hæc opinio in duobus principiis contrariis. Primum est, quia in homine non est potentia vlla naturalis, neque actiua, neque passiuā, nec totalis, nec partialis ad videndum Deum, sed obedientialis tantum. Secundum principium est solam potentiam obedientialem non sufficere ad appetitum naturalem: primum, quantum ad alteram partem de potentia actiua, est traditum, in tractatu de attributis neg. & probatum ex supernaturalitate actionis, & termini eius, in quo non est distinguere aliquid naturale, & supernaturale, sed totum est entitas simpliciter supernaturalis, quæ licet conueniat cum aliqua entitate naturali in ratione communi, seu generica: tamen illa ratio generica non potest dici naturalis, sed ad summum abstrahens à naturali, & supernali, quæ tamen ut contracta est per supernaturalem differentiam, iam est etiam eleuata ad ordinem supernaturalem. Quæ omnia latius sunt in illo tractatu exposita; atque in hoc solum autores huius opinionis, sed Scot. Sor. alique autores primæ opinionis consentire videntur: ideo enim conantur defendere, posse esse appetitum naturalem, quamuis actiua vis sit omnino supernaturalis. Et potest sic confirmari, quia naturalis actiuitas limitata est, & habet certum terminum in perfectione, & intensiōe effectus; commensuratur enim perfectioni naturæ: si ergo natura est finitæ perfectionis, actiuitas eius erit ad actum finitum, & determinatum: sed vis ad efficiendam supernaturalem beatitudinem, quantum est ex parte naturæ nostræ, nullum habet terminum, sed in infinitum potest perfectiorem, & perfectiorem visionem efficere, & posset infinitam, nisi ex parte ipsius effectus non repugnaret: ergo signum est non fundari illam actionem in actiuitate connaturali potentia, sed obedientiali. Deinde cum actio hæc, & terminus eius sit omnino supernaturalis, interrogo cur dicatur intellectus habere ad visionem potentiam naturalem? an quia de facto ad illam concurrat per suam naturalem entitatem, & hoc non satis est: nam aqua, v. g. etiam concurrat per suam naturalem entitatem ad effectiōem gratiæ: dicitur ergo aqua habere potentiam, & appetitum naturalem ad illam actionem, quod est planè absurdum, vel hoc dicitur specialiter de intellectu, quia vitaliter concurrat. Sed hoc etiam non sufficit, nam ad illum etiam concursus sufficit potentia obedientialis: cur enim non poterit Deus uti potentia vitali tanquam vitali instrumento? aut cur sicut aliæ qualitates sunt in potentia obedientiali respectu Dei ad actionem sui ordinis, non etiam

erūt potentia vitales in potentia obedientiali ad aliquas actiones vitales, quæ sub hac ratione possunt dici sui ordinis: neque enim est de ratione actus vitalis quod procedat à principio proximo tanquam à principali, sed solum quod ita ab illo procedat, ut per se ordinetur ad informandum ipsum principium, & quod hæc informatio illam actionem per se præsupponat. Quod totum intelligi potest etiam si principium concurrat per potentiam obedientialem: nullum ergo est sufficiens fundamentum ad asserendam hanc naturalem potentiam, & alioqui est generalis regula, quod talis est potentia qualis est actus, & quod potentia inferioris ordinis natura sua non est instituta ad actionem superioris ordinis.

Atque eisdem ferè rationibus probari potest altera pars de potentia passiuā, hæc enim non dicitur naturalis, nisi in ordine ad naturalem actum, & ad perfectionem consentaneam naturæ, & ad naturale agens, nam ut Aristot. aliàs dixit, omni naturali potentia passiuā correspondet potentia actiua naturalis. Item eodem modo interrogo, cur dicatur naturalis, an solum ut congenita cum natura, & hoc modo etiam potentia ad unionem hypostaticam dicitur naturalis: nullus verò sic loquitur: non potest autem cogitari alia ratio specialis: potentia igitur naturalis non dicitur ex habitudine ad principium, ut ita dicam, unde manat, seu ab entitate, in qua fundatur, seu cum qua identificatur, nam hoc modo omnis potentia obedientialis est idem cum quacunque entitate creata cuiuscunque ordinis, vel rationis illa sit: dicitur ergo in ordine ad actum, quem talis natura ex se postulat, tanquam suæ naturæ debitum, quod dici non potest de supernaturali beatitudine respectu nostræ naturæ. Et hic etiam applicari potest illa coniectura, quod naturalis potentia est ad determinatum actum certæ intensiōis, & perfectionis: hæc autem capacitas nullum habet terminum, sed in infinitum potest meliorem, & meliorem visionem recipere. Unde obiter sumitur argumentum ad confirmandam conclusionem, quia si in homine esset hic naturalis appetitus nunquam posset repleri, & satiari, quia quacunque visione data, adhuc appetit meliorem appetitu hoc innato quia est capax illius capacitatis hac radicali, quæ in illa opinione naturalis dicitur, in qua fundatur hic appetitus. Aliis modis probant hanc partem de hac potentia non naturali, Capreol. Caietan. Ferrar. sed hæc videntur sufficere.

Supere est ut probemus aliud principium, scilicet obedientialem potentiam non sufficere ad appetitum naturalem: & primò manifestis exemplis, quis enim dicat appetere humanam naturam naturaliter unionem hypostaticam solum, quia habet potentiam obedientialem ad illam: aut corpus humanum appetere naturaliter claritatem Solis, & multa similia exempla possunt afferri. Deinde si intelligantur termini, est aperta repugnantia, nam appetitus innatus non dicitur rem aliquam, aut realem modum distinctum à capacitatem naturali: sed explicat per metaphoricam vim, & naturam ipsius potentia naturalis: si ergo sub nomine capacitatis non dicitur naturalis, sed obedientialis, cur po-

VIII.

IX.



test dici in illa fundari appetitum naturalem. Præterea facit etiam illud argumentum, quod hic appetitus innatus nunquam esset satiandus: præterea fundamentum, propter quod id asserbatur, id est, quia nullum appetibile in ratione appetibile est supernaturale, est revera falsum, & periculosum, aliàs nullum esset appetibile tam supernaturale in suo esse, quod non possit viribus naturæ perfectè, & efficaciter appeti, & amari: quod esse omninò falsum iudicatur in materia de Gratia, & nunc ostendam in secl. sequenti.

X.

Ex his ergo concluditur argumentum: Appetitus innatus fundatur in potentia naturali: sed in hominè non est potentia naturalis ad supernaturalem beatitudinem: ergo neque appetitus innatus. Quæ ratio confirmari potest alio discursu sumpto ex principiis suprà positis, nam ostendimus esse in homine aliam naturalem beatitudinem præter hanc supernaturalem, & consequenter illam appetere appetitu innato: appetit ergo illam quasi ultimam perfectionem suam, aliàs non appeteret tanquam beatitudinem: ergo illo appetitu non appetit ulteriorem perfectionem, quia sicut impossibile est dari duos ultimos fines respectu eiusdem: ita impossibile est naturaliter appetere duas perfectiones tanquam ultimas, seu, quod idem est, per modum beatitudinis. Quare iuxta priorem sententiam consequenter dicendum esset, appetitum naturæ non sistere in aliqua perfectione naturali, ut in ultimo fine formali, & consequenter nullam dari beatitudinem naturalem, præter istam supernaturalem, atque addèd non posse creari hominem ordinatum ad ultimum finem suum, quin sit ordinatus ad hanc beatitudinem supernaturalem: vnde vera sit ordinationem ad hunc finem esse intrinsecè debitam naturæ humanæ, quia nihil est magis debitum, quàm ordinatio ad ultimum finem, hoc enim consequens visum est semper mihi plusquàm falsum, neque credo illud concedere autores contrariæ sententiæ: quibus autem modis discursum factum subterfugerent, nec satis video, nec tempus est id examinandi.

XI.

Ultimò adiungi possunt confirmationes multæ, quæ vulgares sunt, & in dictis autoribus legi possunt, ut quod appetitus naturæ est efficax in suo ordine, vnde non extenditur ultra id, quod est possibile naturæ. Item, quod non est possibile, non est bonum in ordine naturæ, appetitus autem tendit in bonum: ergo appetitus naturalis ad id solum tendit, quod est bonum in ordine naturali. Assert etiam Caietan. illud Aristot. in lib. de Cælo, quod natura dans inclinationem ad aliquem motum, dat organa ad illum. Fundamenta contrariæ sententiæ in prima probatione nostræ sententiæ sunt expedita, præter confirmationem de appetitu elicito de qua iam dico.



Suarez in primam secundæ D. Thom.

## SECTIO VLTIMA.

*Verum possit homo appetitu elicito appetere naturaliter beatitudinem.*

Hæc quaestio intelligi potest tam de beatitudine naturali, quàm de supernaturali in particulari, & in communi: illud autem naturaliter sumi potest vel ut distinguitur à supernaturali, vel ut separatur à libero, quia quod necessarium est, naturale dicitur, quia natura inclinatur ad vnum: hic præcipuè intendimus priorem sensum, nam de posteriori agitur 1. 2. q. 9. & 10.

Circa beatitudinem naturalem dicendum, hominem posse naturaliter appetere illam appetitu elicito, & efficaci, quantum est ex parte hominis. Hoc patet, nam in primis si sit sermo de beatitudine in communi, illa ut sic proponitur ut summum bonum hominis, & ut proportionatum, & connaturale: imò in illo obiecto ut sic nulla apparet ratio mali; ergo non solum potest ab homine amari naturaliter, verum etiam non potest odio haberi, nam omne odium fundatur in aliquo amore, & omnis amor est alicuius boni, & omne bonum includitur in beatitudine in communi, vnde qui amat aliquod bonum, hoc ipso virtute amat beatitudinem in communi ut suprà dixi. Quin potius addunt aliqui, quamvis non semper homo necessariò appetat beatitudinem, quia non semper de illa cogitat, tamen si cogitat, & actu consideret bonitatem eius, ex hac suppositione non posse illam non amare, etiam quoad exercitium, quod est difficilius, etiam ad hunc locum non pertineat.

De beatitudine autem naturali in particulari, facile etiam probatur quia quidquid homo, seu voluntas appetit appetitu innato, potest etià appetere appetitu elicito naturali, si intercedat cognitio, quia obiectum est proportionatum, & facultas in potentia non deest: sed ostendimus hominem appetere hanc naturalem beatitudinem appetitu innato, & naturaliter potest cognoscere illam esse maximam perfectionem suam: potest ergo illam appetere appetitu elicito naturali. Potestque ad hoc confirmandum afferri illud Arist. 1. met. cap. 1. Homo naturaliter scire desiderat, nam illud non solum de appetitu innato, sed de elicito etiam exponunt interpretes: & D. Thom. etiam 1. 2. q. 10. art. 1. & 2. 2. q. 166. art. 2. naturalis autem beatitudo est quædam pars perfectissima scientiæ, cum in Dei cognitione consistat, atque eadem ratio est de amore. Quod autem Aristot. dixit, naturaliter, non fumpsit quidem ut distinguitur à supernaturali appetitu, nihil enim de supernaturalibus cogitare potuit, vnde multi colligunt Aristot. voluisse non solum actu naturali, sed etiam necessitate quadam voluntatem appetere sapientiam, seu, quod perinde est, naturalem beatitudinem, necessitate, inquam, saltem quoad specificationem: quod fortè est verum per se loquendo, seu quantum est ex parte obiecti, & seclusis extrinsecis impedimentis. Proprius tamen sensus est quod homo diligit illam quodam appetitu valdè con-

I.

Assertio affirmativa de naturali beatitudine.

Probatur quoad beatitudinem in communi.

II.

Probatur etiam de beatitudine in particulari.



sentaneo naturæ: unde potest inferri alius sensus conuenienter explicatus, ut dictum est.

III. De supernaturale beatitudinis appetitu naturali controuersia. Circa supernaturalem beatitudinem non est dubium quin per auxilium gratiæ possit homo illam appetere actu elicitu: de actu uero merè naturali est difficultas. diuus Thomas enim dicit, hominem naturaliter appetere hanc beatitudinem actu elicitu, imò inde concludit illam esse possibilem, & perfectam beatitudinem, ut patet *prima secunda, questione tertia, articulo octauo, & prima parte, questione duodecima, articulo primo & tertio, contra Gentes, capite vigesimo quinto, quinquagesimo quinquagesimo primo, & quinquagesimo septimo*. In contrarium uero est, quod illud obiectum est supernaturale, & quia si homo hanc beatitudinem naturaliter appeteret, non quiesceret extra illam. Item quia appetitio elicitu fundatur in innata: cum ergo hic non sit appetitus innatus, ut ostendi, neque erit elicitus naturalis.

IV. De hoc multa scribunt Caietanus *locis citatis, & prima parte, questione prima, articulo primo*, Conrad. Ferrar. *dicto capite quinquagesimo primo*, qui in hoc conueniunt, ut propter autoritatem D. Thomæ. fateantur appetitum elicitum supernaturalis beatitudinis esse aliquo modo naturalem, negant tamen sub omni ratione naturalem, & ideo variis distinctionibus utuntur. Caietanus enim *dict. quest. 3. art. 8.* dicit, appetitum videndi Deum dici naturalem, quia inest naturæ ut subiecto, non quia in modo sit naturalis: sed hoc nihil ualet, quia hoc modo & gratia, & ipsa visio dicitur naturalis, quia inest naturæ ut subiecto: at D. Thom. non ita loquitur. Secundò distinguit *ibidem*, hominem naturaliter desiderare videre Deum, ut est una ex causis necessariis ad effectum naturæ, non tamen desiderare naturaliter videre quid est Deus absolutè, ut Deus est. Hæc uero distinctio aut coincidit cum distinctione Ferrar. de qua statim: aut est intelligibilis, quia licet motuum huius desiderii possit esse necessaria illa connexio, quæ est inter effectus naturales, & Deum: tamen terminus, seu quod desideratur est visio Dei: ergo per hunc actum desideratur videri Deus, prout in se est. Aliter idem Caiet. *i. p.* distinguit ex parte hominis, qui vel esse potest in solo lumine naturæ, vel illuminatus aliquo modo per gratiam, de hac beatitudine supernaturali: priori modo negat posse hominem naturaliter appetere illam beatitudinem, quia non potest apprehendere illam ut bonum sibi possibile: posteriori modo concedit, & ita exponit, D. Thom. de homine in hoc statu esse loquutum. Hanc uero doctrinam improbat Ferrar. dicens, hoc esse præter intentionem D. Thomæ, qui loquitur de homine quatenus ea cognitione ducitur, quæ ex naturali cognitione effectuum naturalium oritur, & per eam excitatur ad desiderium videndi causam talium effectuum.

V. Et præterea nec primum membrum distinctionis est uniuersum verum: nec secundum expedit difficultates, ut videbimus. Aliter distinguit Ferrariensis de visione Dei, ut est prima causa, vel ut est obiectum supernaturalis beatitudinis. Pri-

ori modo dicit naturaliter appeti, & ita exponit D. Thom. non tamen posteriori modo. Hæc tamen distinctio supra *sect. præced. num. 4.* est impugnata, quia ipsa prima causa prout in se visibilis est, ex hoc ipso præcisè habet quod sit obiectum supernaturale, quia in ratione primæ causæ includitur quod sit actus purus, & suum esse & ex hoc præcisè habet quod sit obiectum naturaliter inuisibile creaturæ: ergo & quod sit obiectum supernaturale, seu supernaturalis beatitudinis. Item ostendi visionem primæ causæ esse tam supernaturalem, quam potest esse beatifica visio, imò etiam omnino eandem.

Mihi ergo aliter dicendum occurrit, primò non posse hominem naturaliter habere appetitum elicitum absolutum, & efficacem illius beatitudinis supernaturalis consequendæ. Hanc conclusionem mihi probant rationes posteriori loco factæ, existimo esse rem certam, quia hic appetitus est proprius actus spei infusæ, per quam intendimus efficaciter tendere in illam beatitudinem, eamque consequi diuina gratia adiuti. Præterea hic appetitus efficax virtute includit absolutam voluntatem exequendi omnia media necessaria ad illam beatitudinem consequendam: sed hanc voluntatem non potest homo habere suis viribus naturalibus; si enim non potest habere naturaliter efficacem voluntatem credendi vera, & supernaturali fide, quæ est medium necessarium, quomodo poterit habere aliam voluntatem quo hanc continet, & plures alias: nec D. Thomas vnquam loquutus est de hac voluntate, neque ad hanc sufficit quod obiectum in se sit bonum, & excellentissimum: sed oportet ut sit proportionatum, & possibile ipsi naturæ: quare hæc conclusio procedit tam de homine in pura cognitione, quam illuminato per fidem, nam semper indiget in voluntate auxilia eleuante, & adiuuante ad huiusmodi actum efficacem.

Dicendum secundò, circa hanc beatitudinem supernaturalem potest homo habere appetitum naturalem imperfectum, & simplicis cuiusdam complacentiæ, qui conditionatus actus dici solet, quia in obiecto includit virtualem conditionem: de hoc actu optimè intelliguntur loca D. Thomæ, & experientia constare potest, nam hæreticus habet hunc affectum, & Gentilis habebit, si semel concipiat illam beatitudinem. Item, quia hic affectus esse potest circa impossibilia, nec contra hoc procedunt rationes factæ, quia circa materiale obiectum supernaturale bene potest naturalis facultas habere aliquem actum imperfectum sub ratione aliqua naturali, aut communi, seu abstrahenti à naturali, & supernaturali: sic enim naturaliter credi potest fide humana mysterium Trinitatis, & ita etiam desiderari potest supernaturalis beatitudo, quatenus in ea apprehenditur communis ratio boni seu beatitudinis: quo circa hic affectus esse potest non solum in homine illuminato ex ratione supernaturali, sed etiam in pura natura.

Solum

VI.

VII.



VII. Solùm est duplex differentia, quia ex reuelatione facile apprehenditur illa beatitudo vt magnum bonum, & possibile, tamen ex solo naturali discursu vix posset in mente hominis cadere, non tamen repugnaret aliquo modo & conditionate apprehendi, id est, quòd esset bonum videre prout causam, si esset possibile. Secunda differentia est, quia postquam per reuelationem constat homini esse ordinatum ad illam beatitudinem, homo toto affectu, non quidem perfecto, sed quantum ipse potest, illam desiderat, nec est contentus, nec quietus extra illam, saltem in via: at verò stans in pura natura, licet homo conciperet aliquale desiderium conditionatum illius visionis, tamen si prudenter se gereret, non esset inquietus, sed esset sua naturali sorte contentus: sicut etiam posset homo illo modo appetere intelligere sine discursu,

qui tamen appetitus nec sollicitaret, nec inquietaret animam, quia cognosceret esse de re valde aliena ab humana natura, atque propter hanc causam non esse necesse, vt huiusmodi affectus elicitus oriatur propriè ex appetitu innato ad illam rem, circa quam appetitus elicitus versatur, vt manifestè patet de aliis velleitatibus, quæ versantur circa impossibilia: sed oritur ex affectu innato ad aliquam rationem communem, quam mens applicat in obiecto superante naturam. Vnde fit, vt voluntas simplici affectu adhæreat illi rei sub illa præcisa ratione considerata. Atque ita solutæ sunt omnes rationes dubitandi supra positæ, & absoluta materia de Beatitudine, ad laudem & gloriam Omnipotentis Dei, Beatissimæ Virginis Mariæ, &c.  
(o)

Finis Tractatus primi







E L E N C H V S

## DISPV TATIONVM

SECVNDI TRACTATVS

De voluntario, & inuoluntario in genere, de quæ actibus  
voluntariis in speciali.

P R O O E M I V M.

## DISPV TATIO I.

De voluntario, & libero, eorumque comparatione,  
complectens sectiones sex.

1. *Quid sit aliquid esse voluntarium.*
2. *Vtrum in actibus humanis reperiatur liberum excludens necessitatem.*
3. *Quid sit esse liberum in humanis actibus, & quo pacto à perfecto voluntario distinguatur.*
4. *Quotuplex sit voluntarium.*
5. *Vtrum sit aliquid voluntarium indirectum, quod actum voluntatis non requirat, & quid sit necessarium ad illud.*
6. *In quibus rebus inueniatur voluntarium.*

## DISPV TATIO II.

De inuoluntario, violento, & coacto, comprehendens sectiones sex.

1. *Quid sit inuoluntarium simpliciter, & quomodo se habeat ad coactum, & violentum.*
2. *Quæ res possint esse, seu denominari violentæ.*
3. *Vtrum Deus possit inferre violentiam rebus creatis.*
4. *Vtrum Deus possit necessitatem, aut violentiam creatæ voluntati inferre in seipsa.*
5. *Vtrum Deus possit inferre coactionem voluntati in seipsa.*
6. *Vtrum possit homo, seu voluntas humana simpliciter cogi ad actus aliarum potentialium, &c.*

## DISPV TATIO III.

De voluntario mixto cum metu, vel concupiscentia, complectens  
sectiones quatuor.

1. *Vtrum quæ ex solo metu fiunt, sint inuoluntaria simpliciter ratione ipsius metus.*
2. *Vtrum quæ ex solo metu fiunt, sint saltem inuoluntaria secundum quid ratione ipsius metus.*
3. *Vtrum*



3. *Vtrum concupiscentia augeat voluntarium.*
4. *Vtrum concupiscentia causet aliquo modo inuoluntarium.*

#### DISPUTATIO IV.

De ignorantia vtrum causet voluntarium, aut inuoluntarium,  
comprehendens tres sectiones.

1. *Vtrum rectè diuidatur ignorantia in antecedentem, concomitantem, & consequentem, & quo sensu.*
2. *Vtrum & qua ignorantia causet voluntarium, vel inuoluntarium.*
3. *Vtrum actualis inconsideratio faciat non voluntarium actum quoad conditionem ignoratam.*

#### DISPUTATIO V.

De circumstantiis, seu accidentibus humanorum actuum,  
continens tres sectiones.

1. *Vtrum sint aliquæ circumstantiæ actus humani internæ, & externæ.*
2. *Quot sint circumstantiæ humanorum actuum.*
3. *Quid necesse sit vt circumstantiæ afficiant actum moralem.*

#### DISPUTATIO VI.

De voluntate & intentione, actibusque intellectus præuiis,  
continens sectiones septem.

1. *De obiectis, rationibus, & differentiis voluntatis, atque intentionis.*
2. *Vtrum voluntas, & intentio versentur aliquo modo circa media.*
3. *Vtrum voluntas, & intentio sint actus liberi, an necessarij.*
4. *Vtrum ad actum voluntatis sit necessaria cognitio.*
5. *Qualis esse debeat prædicta cognitio.*
6. *In quo genere causæ concurrat cognitio ad actum voluntatis: & an intellectus moueat voluntatem quoad exercitium, vel quoad specificationem.*
7. *A quo moueatur voluntas quoad exercitium in actu circa finem.*

#### DISPUTATIO VII.

De fruitione, continens sectiones tres.

1. *Vtrum fruitio sit actus voluntatis.*
2. *Quòdnam sit fruitionis obiectum.*
3. *Quomodo gaudium ab amore distinguatur.*

#### DISPUTATIO VIII.

De electione, & consensu, ac de cognitione præuia ad talem actum,  
continens sectiones quinque.

1. *Quid sit electio, quod eius obiectum, & cuius potentie sit actus.*
2. *Vtrum consensus sit actus voluntatis ab electione distinctus.*



3. *Quomodo distinguantur electio, & consensus ab intentione finis, & simul quomodo versentur circa finem.*
4. *Vtrum actus electionis sit liber.*
5. *De cognitione necessaria ad electionem.*

## DISPUTATIO X.

De usu & imperio, continens sectiones tres.

1. *Quid sit usus, & quod eius obiectum.*
2. *Vtrum usus sit actus ab electione distinctus.*
3. *Quae cognitio antecedit usum, & simul quid sit imperium, & ut distinguatur ab usu.*

## DISPUTATIO X.

De actibus imperatis à voluntate in communi, in tres sectiones distributa.

1. *Vtrum actus voluntatis, & rationis imperentur.*
2. *Vtrum actus appetitus sensitiui imperentur.*
3. *Vtrum imperium, & actus imperatus sint vnus actus.*



TRACTA-





## TRACTATVS SECVNDVS

D E

VOLVNTARIO,  
ET INVOLVNTARIO.

## PROOEMIUM.



POST tractationē de beatitudine, agendū de actibus humanis, quoniam sunt potissima media, quibus hæc beatitudo cōparatur. Est autem his actibus commune, & veluti prima, ac generalis conditio eorum, vt à voluntate deliberata procedant, vnde voluntarii nominantur, & ideo hanc eorum conditionem in primis declaramus, in quo partim Aristotelem sequimur, partim deserimus. Ille enim postquam *in lib. 1. Ethic.* de beatitudine differuit: *in 2. tractat.* de habitibus, & virtutibus, quæ sunt principia humanorum actuum: *in 3.* verò incipit agere de voluntario, & involuntario. Qui vero hæc conditiones primo, ac per se reperiuntur in actibus, & cognitio actuum prior est, quàm habituum, merito præit disputatio de voluntario, quam etiam tradit Aristoteles *lib. 2. Ethicor.* ad Eudemum, & *lib. 1. magn. moralium cap. 12.* Nyssen *lib. 5. sue Philosophiæ cap. 1. 2. & 3.* Damasc. *lib. 2. de fide cap. 29.* & Scholastici nonnulla attigerunt *in 1. dist. 29. & 25.*

## DISPVATIO PRIMA.

De voluntario, &amp; libero, eorumque comparatione.



VAMVIS D. Thomas 1. 2. *questione* 6. solum proponat disputationem de voluntario, mihi tamen visum est de ratione liberæ actionis differere, tum quia nimis necessaria est hæc ratio ad cognoscendum actum moralem, cuius gratia tota hæc disputatio statuitur: tum etiam quia neque ipsa ratio voluntarii perfecte cognosci potest, nisi cum libero conferatur: non possunt autem comparari, nisi prius singula cognoscantur. Dicemus ergo an vtraque harum rationum in humanis actibus reperiatur, & quid, ac quotuplex sit.

## SECTIO I.

Quid sit aliquid esse voluntarium.

I. **D**ivus Thomas q. 6. art. 1. definit illam actionem esse voluntariam, quæ est à principio intrinseco cum cognitione. Aristoteles autem 3. *Ethicor.* cap. 1. quem sequitur Nissenus, & Damascenus, non nihil huic definitioni addere videtur. Dicit enim actionem esse voluntariam, cuius principium est in agente sciente singula, in quibus est ipse actus: id est, cognoscente conditiones, quæ actum circum-

stant, quas appellamus circumstantias, vt hi autores explicant. In vtraque autem definitione est difficultas, quoniam prior videtur plura complecti, quæ non necessariò sunt voluntaria, vt assensus scientiæ est à principio intrinseco, & procedit ex perfecta cognitione principiorum, & tamen ex se non est voluntarius: similiter actio, quæ fit habitus, est à principio intrinseco, & potest esse cum cognitione obiecti talis habitus, & tamen per se non est voluntaria, & cōtrario verò aliqua videntur esse voluntaria, quibus illa definitio non conuenit, nam si quis alium occidat me vidente, & gaudente, nihil tamen agente, illa occisio mihi est voluntaria, & tamē non est à principio intrinseco respectu mei cum principium eius nō sit in me. Quæ obiectio etiam procedit circa definitionem Aristotelis, circa quam etiam vrget, quia non videtur esse de ratione voluntarii cognitio circumstantiarum omnium, tum quia aliàs in brutis, & pueris non reperiretur voluntarium, quod est contra ipsos citatos autores: tum etiam, quia aliàs omnis actio, quæ fit cum ignorantia alicuius circumstantiæ, non esset voluntaria, & consequenter nec peccatum, quod est per se manifestè falsum.

Obiectiones  
contra pro-  
ximas defi-  
nitiones.



II.  
*Varia acce-  
 ceptiones vo-  
 luntarij.*

Vt explicemus has definitiones, incipiamus prius ab ipsa re ad quam cognoscendam oportet distinguere varias significationes huius vocis *voluntarium*: vt enim ex ipsa voce constat, à voluntate dictum est. Vnde quidquid sub voluntate cadit, generali ratione *voluntarium* dici potest, tamen hinc distingui possunt variae acceptiones voluntarii. Duobus enim aut tribus modis aliquid cadit sub voluntatem, primò vt obiectum tantum & non vt effectus, neque vt actus voluntatis; & hoc potius dicitur volitum, quam voluntarium, prout nunc de illo agimus. Exemplum est in obiectione facta de morte ab alio effecta me consentiente, non cooperante: Sic etiam generatio aeterna dicitur Patri esse voluntaria obiectiue: seu concomitantur, non principiatuè. Secundo modo cadit aliquid in voluntate tanquam effectus seu actus eius; quod dicitur causaliter voluntarium, seu principiatuè, de quo erit in presenti præcipuus sermo, & hoc modo dicuntur voluntarii actus, tum etiam elicit, tum etiam imperati à voluntate. Est autem considerandum nihil esse voluntarium hoc posteriori modo, quin sit etiam voluntarium priori modo, etsi non conuertantur, nihil enim potest à voluntate procedere aliquo modo, quin sit ab ea aliquo modo volitum: quidquid autem est volitum à voluntate, induit aliquo modo rationem obiecti sui. Sed circa ea, quæ hoc posteriori modo voluntaria sunt, oportet etiam advertere, quædam esse in voluntate immediatè, vt actus ab ea elicitus: quædam verò mediatè, id est, mediis actibus elicitis, vt sunt actus imperati, sub quibus effectus eorum comprehendo, inter quos hæc est differentia, quòd actus imperati ita sunt voluntarii causaliter, vt sint etiam propriè voluntarii obiectiue. Sunt enim actus imperati propria obiecta elicitorum actuum, per quos imperantur, vt cum aliquis voluntariè facit eleemosynam, exterior actus dandi eleemosynam est proprium obiectum interioris voluntatis dandi illam, atque ita illa actio est propriè voluntaria, & vt effectus, & vt obiectum. At verò ipsa interior volitio, quæ est actus elicitus, ita est voluntaria, & volita vt actio. seu actus, vt non sit propriè obiectum volitum, quia necesse est huiusmodi actum habere obiectum à se distinctum, circa quod directè versetur. Vnde solum ipse est volitus intrinsecè, & per se ipsum per quandam virtuales reflexionem quam in se includit, & ideo dicitur volitus per modum actus, non per modum obiecti.

III.  
*Quid sit vo-  
 luntariū vt  
 obiectum.*

His positis constat primò voluntarium vt obiectum, seu concomitans tantum, nihil aliud esse quàm denominationem quandam in obiecto voluntatis manentem ab actu eius, quo vult, seu comp. lacer in tali obiecto: sicut esse amatum est denominatio quædam in obiecto, seu re amata ab actu amantis, nam idem est esse volitum, quod esse amatum, & (vt dixi) idem est esse hoc modo voluntarium, quod esse volitum: sed huiusmodi voluntarium non satis est ad aliud, de quo modò tractamus, nam disputamus de voluntario, quod constituit actum humanum, ad quod non sufficit voluntarium tantum obiectuum, vt per se constat.

IV.  
*Quid volun-  
 tarium vt  
 actus impe-  
 rativus.*

Secundò facillè ex dictis constat quid sit voluntarium per modum actus imperati, nihil enim aliud est, quàm habitudo, seu denominatio quædam in actu imperato ab actu elicit, cuius est, & obiectum, & effectus, nō enim alia ratione actus imperatus voluntarius dicitur, nisi quia procedit ab actu elicitivo voluntario, & ab ipso quodammodo

do informatur, & cum illo constituit vnum actum moralem, vt dicam, quæ per se sunt satis clara. Tota ergo difficultas reuocatur ad actus elicitos.

Tertiò potest colligi, esse voluntarium in actu elicit, nihil aliud esse quàm esse actum, ita immediatè manantem à voluntate, vt per se ipsum intrinsecè sit volitus per virtuales, & intrinsecam reflexionem in ipso inclusam. Hoc ferè constat ex dictis, quia inter hunc actum, & voluntatem, non mediat alius actus: ergo necesse est, vt se ipso, & per immediatam habitudinem ad ipsam voluntatem dicatur voluntarius. Sed hoc, vt amplius explicetur, distinguamus in ipso actu elicit, duas rationes, alteram qualitatis, seu termini, alteram dependentiæ, seu actionis: videtur ergo dici posse actum ipsum, quatenus est qualitas quædam, esse voluntarium ab actione, seu dependentia, per quam manat à voluntate, ipsam verò actionem se ipsa esse voluntariam per immediatam habitudinem ad ipsam voluntatem, nam actus non est a voluntate, nisi mediante actione: actio verò immediatè per se ipsam: sed tamen licet hoc ex parte verum sit, non tamen sufficit ad propriam, & formalem denominationem explicandam: verum quidem est in actu immanente, vt voluntarius sit, necessariam esse illam dependentiam à voluntate, vt principio proximo efficiente, tum quia in omni actu vitali est hoc proportionale necessarium, vt possit existere, & suam potentiam informare: tum etiam quia supponimus hunc actum esse voluntarium, non tantum obiectiue, sed etiam causaliter: voluntarium autem causaliter necessario requirit dimanationem a voluntate, quæ cum in hoc actu elicit non sit per alium actum, necesse est quod sit per intrinsecam dependentiam.

Addendum verò est etiam ipsum actum quatenus in facto esse informat voluntatem, & constituit illam volentem, non tantum constituit re illam volentem obiectum, sed etiam ipsummet actum per virtuales reflexionem in illo inclusam, quod etiam agendo de voluntaria productione Spiritus S. explicui lib. 6. de Trinit. cap. 4. à num. 7. Nam actus ipse, vt actus est, intrinsecè includit, quòd sit volitus, neque intelligi potest voluntatem constitui volentem, id est, voluntariè tendentem in obiectum, quin virtualiter velit ipsam tendentiam, seu inclinationem, vt si per possibile, vel impossibile amaret obiectum per amorem impressum ab alio sine efficientia eius, reuera non tantum non eliceret ipsam efficientiam, sed etiam neque ipsum amorem, neque voluntariè, & spontaneè amaret: ergo signum est huiusmodi actum, non solum denominari voluntarium à dependentia ingenere causæ efficientis, sed per se ipsum formaliter ex vi suæ informationis, in quo differt huiusmodi actus ab omni alio, qui non sit à voluntate elicitus.

Dices, quamuis hoc appareat verum in actibus voluntatis, qui sunt per modum prosecutionis, vt sunt amor, & alii, qui tendunt in bonum sub ratione boni: non tamen in actibus, qui sunt per modum fugæ, vt tristitia, odium, &c. nam hi actus sunt potius nolitiones quædam, quàm volitiones. Vnde nō denominant iua obiecta voluntaria, sed potius inuoluntaria: ergo non possunt huiusmodi actus esse voluntarii se ipsis, & tamen sunt elicit à voluntate, & voluntarii eidem, cuius signum euidentius est, quia in eis esse potest peccatum, & meritum, vt in tristitia de bono opere, & dolore de peccatis: ergo non potest

V.  
*Quid vt a-  
 ctus elicitus*

Actus vt  
 qualitas etiā  
 est volitus  
 per se & non  
 tantum per  
 suam depen-  
 dentiā à vo-  
 luntate.

VI.  
*Est tamē vo-  
 luntarius per  
 intrinsecam  
 reflexionem*

VII.



VIII.

potest ratio voluntarii prædicto modo sufficere exponi in omnibus actibus elicitis.

Ad hanc obiectionem respondetur primò eundem actum esse posse directam nolitionem obiecti, & virtualē volitionem sui ipsius, nam licet tristitia, v. g. absolute, & simpliciter videatur inuoluntaria, tamen supposito tali modo præficta est voluntaria, nam voluntariè quis fugit malum sibi inhærens, etsi absolute nolit sibi esse. Nec refert quòd idem actus respectu obiecti sit nolitio, & respectu sui sit virtualis volitio quia hæc duo non opponuntur, cum sint respectu diuerforum, & modis diuersis. Secundò potest hoc declarari ex D. Thoma 1. 2. quæst. 6. artic. 3. ad. 2. Si dicamus omnes actus, qui à nobis explicantur per modum nolitionis, & fugæ, reipsa esse volitiones quasdam, si ad propria obiecta comparentur, & inductione hoc explicatur, nam odium alterius, est actus per modum fugæ, & dicitur esse nolitio quasdam, & tamen reuera est velle illi malum, & similiter dolor de peccatis, qui explicatur per hanc vocem, *nollem peccasse*, idem est quod vellem non peccasse, nam, vt rectè dicit D. Thomas, illud verbum *nollem*, si per solam negationem explicetur, nō tam dicit actum quam negationem actus: si autem positiuè declaratur, nihil aliud esse potest, quam voluntas carenti seu non habendi aliquid. Cuius signum etiā esse potest quia ex vi talis actus moventur aliæ facultates, & organa corporis ad fugiendum, vel alias actiones, quæ non sunt nisi voluntate positiua efficiendi illas. Hoc autem posito faciliè intelligitur hos actus posse esse seipsis voluntarios, vt faciliè patet ex dictis.

IX.

Exponitur  
iam vulga-  
ris definitio  
voluntarii.

Quartò facile est ex dictis explicare definitionem communem voluntarii ab Aristotele traditam, merito enim ait voluntarium debere esse à principio intrinseco, quia necesse est, vt oriatur à proprio appetitu innato, qui sit in agente: & in hac particula conuenit motus naturalis cum voluntario: differt tamen voluntarius à violento, qui est à principio extrinseco, vt infra dicam disp. 2. sect. 1. à num. 5. Addunt verò citati auctores voluntarium procedere ex cognitione, vt illum distinguant à motu naturali, vt sic, hic est enim consentaneus appetitui naturæ, ille verò debet esse ab appetitu eliciente, & vitali, qui appetitus sequitur formam apprehensam, & ex cogitatione resultat, nec ferri potest in incognitum, & ideo rectè dicitur voluntarium esse ex cognitione, quod non tantum est intelligendū cōcomitanter, sed etiam causaliter, ita vt cognitio sit aliquo modo fons, & origo ipsius voluntarii Et ita est explicata definitio D. Thomæ. De alia verò particula addita ab Aristotele dicam soluendo obiectiones in num. 11.

X.

Suadetur  
data expli-  
catio.

Quod autem nomine voluntarii hoc significetur, quòd per dictam definitionem explicatur non tam est probandum, quam sumendum ex communi vocis significatione: potest tamen sic explicari, nam constat esse in aliquibus rebus hunc modum appetendi vitalem, & elicitem ortum ex cognitione, quia appetitus elicited in hoc superat pondus naturæ: Sicut ergo aliquis motus est ex solo impetu naturæ, ita actus aliquis est ex appetitu eliciente, & sicut illud habet proprium nomen, & dicitur naturalis: ita etiam ille alius motus indiget proprio nomine: ad illud ergo significandum impositum est nomen voluntarium, vt constat ex communi vsu, & ideo hoc nomen nunquam tribuitur iis, quæ sine cognitione operantur, imò hinc deriuata est

hæc vox ad specialiter significandum ea, quæ sola propria voluntate sunt absque villo extremo impellente Sic 1. Petri 5. *Non turpis lucri gratia sed voluntariè*: & interdum etiam ea, quæ sunt sine obligatione, dicuntur voluntaria, sic etiam quod sit prompto animo dicitur specialiter voluntarium: significatur ergo hac voce ille motus, qui oritur ex proprio appetitu eliciente, & ideo necesse est, vt sit à principio intrinseco cum cognitione.

Vltimò facile est respondere ad obiectiones factas: assensus enim conclusionis per se non est voluntarius, sed naturalis nisi quatenus imperari potest à voluntate quoad exercitium, quia neque per se est intrinsece volutus, sicut actus appetitus, neque procedit ex cognitione sui proprii obiecti circa quod versatur, sed potius ipse est cognitio sui obiecti, motus autem voluntarius procedit ex cognitione obiecti, circa quod versatur, & ita est intelligenda definitio. Alia verò obiectio de occisione ab alio facta, & mihi voluntaria, procedit de voluntario obiectiue tantum, non causaliter: definitio autem intelligitur de proprio voluntario causaliter. Ad aliam obiectionem circa particulam, quam Aristoteles addit, & D. Thomas omisit, dici potest Aristotelem definiuisse voluntarium perfectum, & rationale: D. Thomam verò abstractius fuisse loquutū, quod est probabile, sed difficile propter obiectiones ibi factas, & ideo aliter dici posset, illam particulam, *cognoscentē singula, in quibus est actio*, non esse absolute, & simpliciter intelligendam, sed per distributionem accommodatam. Itaque vnumquodque voluntarium requirit cognitionem omnium proprietatum, quæ sub illud cadunt, seu quæ necessariæ sunt, vt actio appetatur. Vnde si sit perfectum voluntarium, requirit cognitionem omnium conditionum absolute, & simpliciter: si verò sit imperfectum, sufficit cognitio illius materialis obiecti circa quod versatur, atque eadem ratione ignorantia vnius circumstantiæ efficiet, vt actio nō sit voluntaria, quoad illam circumstantiam: poterit tamen esse voluntaria, quoad substantiam, & alias circumstantias, quæ cognoscuntur, de qua re iterum infra disp. 5. vbi tractabitur ille locus Aristotelis.

## SECTIO II.

*Virum in actibus humanis reperitur liberum  
necessitatem exclu-  
dens.*

Circa voluntarium non oportuit specialiter tractare quæstionem, an sit, quia si semel intelligatur, quid illa voce significetur, nihil est notius ipsa experientia, quàm esse in homine actiones spontaneas, & voluntarias, & ita neque cum Catholicis neque cū hæreticis fuit de hoc vlla controuersia: at verò de libertate est maxima: & est sermo de voluntate excludente necessitatem, nē sit quæstio in modo loquendi, vt infra disp. sequenti sect. 4. latius. Fuit autem in hac re antiquus error negans reperiri in homine motum liberum propriè dictū, & explicatum Sed in hoc errore sunt variū modi, & varia principia, quæ possunt ad quatuor capita reuocari, quæ attingunt varias difficultates ad alias materias pertinentes. Vnde tantum indicabo illas, & designabo loca

xi.

i.  
Voluntariū  
dari consen-  
tiunt omnes  
de libero dis-  
sentiant in-  
fideles.



bo loca, breuiter explicans, quod ad intelligentiam huius materiæ fuerit necessarium.

**II.**  
1. Error negans libertatem ob fatum, vel in fluxum cali  
Primus error reuocat hanc necessitatem in causam extrinsecam quam *fatum* appellat, & nomine fati intelligit seriem naturalium causarum, & præcipue cælorum influxum. In hoc errore fuerunt Stoici, quos imitati sunt, hæretici Priscillianistæ, contra quos videri potest Concil. Bracarense l. can. 9. Leo Papa epist. 95. cap. 8. Hieron epist. 66. August. cont. hæres. hæres. 70. qui in 35. eundem errorem tribuit Bardasano: tamen Epiphanius hæres. 56. potius refert eum contra fatum scripsisse, & idem colligitur ex Euseb. lib. 4. histor. c. 11. Hi tamen infideles in duobus errabant, quia tam inuitabilem putabant esse huius fati necessitatem ut nec diuinæ prouidentie, ac potentie eam subiicerent, contra quem errorem agitur in 1. p. q. 19. 22. & 25. Secundò errabant existimantes cælos posse directè influere, & immutare intellectum, & voluntatem hominis, quod est signum, ut ait D. Thomas, eos existimasse animam hominis esse materialem, nihilque inter intellectum, & sensum distinxisse, quam rem attingit D. Thomas 1. 2. quæst. 9. art. 5. latius 1. p. q. 115. artic. 4. & q. 116. art. 1. & 1. cont. Gent. c. 84. & 85. quinimò non solum materiales seu corporales causas, verum nec spirituales creatas posse immediatè immutare hominis voluntatem, ostendit idem D. Thomas 1. p. quæst. 104. 105. & 111.

**III.**  
2. Error tollens libertatem ob Dei impulsu in voluntatem  
Secundus error tribuit necessitatem etiam causæ extrinsecæ, non tamen creatæ sed diuinæ motioni: sic Caluinus, & alii hæretici, qui dicunt voluntatem nostram non posse liberè operari, quia indiget diuina motionè determinante illam ad operandum, vel certè, quia subiecta est dispositioni diuinæ voluntatis, per quã ita sunt ordinata omnia antequam fiant ut non possint aliter fieri, aut euenire. Imò August. 5. de Ciuit. Dei. c. 8. ex Seneca lib. de benefic. & epist. 18. ita explicat Stoicorum sententiam, ut scilicet, per fatum intellexerint hanc dispositionem diuinæ voluntatis, & indicat in hoc sensu non esse improbandam illorum sententiam. Sed intelligendus est dummodo non sentiant eam diuinam dispositionem necessitatem imponere humanæ voluntati, ut exponit D. Thomas. 1. p. q. 1. 6. art. 3.

**IV.**  
Prior modus explicandi prædictum errorem.  
Fundamentum huius erroris altero ex duobus modis potest explicari, prior est, habet duas conditiones, scilicet operari liberè, & operari cum dependentia à prima causa esse prorsus repugnantes, ita ut non possint eidem facultati simul conuenire, nam hinc necessariò sequitur nullam esse causam creatam natura sua liberam in agendo, quia omnis causa creata necessariò pendet in agendo à concursu primæ causæ, non potest autem eadem res, seu causa ex natura sua habere conditiones repugnantes.

**V.**  
Hoc fundamentum, secluis etiam principiis fidei, de quibus statim, nulla ratione verisimili probari potest, quia hæc repugnantia, neque oriri potest ex parte causæ creatæ, neque ex parte Dei. Primum constat, quia quamuis libertas in agendo sit perfectio simpliciter simplex, tamen non postulat ex se infinitam perfectionem simpliciter in genere entis, nisi sit in summo perfectionis gradu quem habet in Deo, sicut videre licet in aliis perfectionibus simpliciter, quales sunt esse intellectualem, immortalem, &c. neque enim aliqua specialis ratio de hac perfectione afferri potest, quia libertas, ut sic, non oritur immediate ex infinitate, sed ex perfecta intelligentia ad proponendum diuersa bona appetitui singulorum rationem, & utilitatem, & incommoda ponderando, quod totum reperiri

potest in natura finita. Neque etiam ex parte Dei potest oriri hæc repugnantia, tum propter generalem rationem quod nullus effectus repugnat ex parte potentie Dei, nisi in se inuoluat contradictionem aliquam, tum etiam quia Deus cum sit omnipotens, & infinitè sapiens, unicuique rei prouidere potest iuxta modum naturæ illius accommodatum. Nec denique in re ipsa est repugnantia quod operatio sit libera, & dependens à superiori causa, quia potest dependere absque eo quod superior causa determinat inferiorem per concursum suum, & absque ulla posterioritate in causando, sed cum omnimoda simultate, & concomitantia in eo concursu. Neque quod hæc duo sint possibilia, nulla est repugnantia, nec difficultas, quæ probabiliter ostendi possit: hoc autem posito facile intelligitur dependentiam à superiori causa non repugnare cum libera determinatione causæ inferioris, de qua re latius in materia de peccatis, & gratia, & 1. p. quæst. 19.

Secundo modo potest fundari hic error, scilicet, ut non oriatur ex repugnantia ipsius rei, sed ex sola diuina voluntate: iuxta quam intelligentiam non negat hæc sententia hominem esse liberi arbitrii in actu primo, id est, habere in se facultatem operandi ex se indifferentem, nisi aliunde ab extrinseco necessitetur. Deinde non negat posse Deum si velit concedere homini, ut vtatur hac facultate sua in actu secundo dando illi concursum accommodatum: affirmat tamen Deum de facto voluisse determinare suo arbitrio voluntates nostras ad omnes actus tam bonos, quam malos, idque fortasse ut ostenderet potentiam suam, & dominium quod habet nostrarum voluntatum, & ut omnia, quæ futura sunt, inuitabiliter suo arbitrio disponderet independentè à nostro. Et ad hoc confirmandum congerunt hæretici plura testimonia malè intellecta tam sacræ Scripturæ, quam Sanctorum Patrum, præsertim Augustini, quorum intelligentiam infra indicabo.

Sed in hoc etiam sensu est improbabilis hic error. Primò, quia de diuina voluntate, & dispositione, quæ in naturis rerum fundamentum non habet, sed potius eis aduersatur, nihil rationabiliter affirmari potest, quod reuelatum non sit, aut ex reuelatis colligatur, hoc autem quod hic error affirmat, non solum reuelatum non est, sed potius contrarium in sacra Scriptura continetur, ut statim ostendam. Deinde est contra perfectionem, & sapientiam diuinæ prouidentie immutare in omnibus actionibus, & suppositis humanis modum operandi connaturalem illis quin potius propter hanc potissimum causam Deus permittit peccata, ut hominem suæ libertati committat, neque id pertinere poterat ad manifestationem diuinæ potentie, tum quia satis eam ostendit si interdum hoc faciat, & vtatur humana voluntate suo arbitrio, eique necessitatem imponat aliquando, nam si semper id faceret, potius videretur carere potentia ad concurrendum cum humana voluntate salua eius libertate: deinde, quia maioris est sapientie, & potetie omnia ita disponere, ut infallibiliter ita fiant, sicut per diuinam prouidentiam disposita sunt, & tamen quod liberè fiat, quæ per voluntatem rationalem facienda sunt: hoc autem esse possibile Deo, supposita infinita eius scientia & potentia, non esset difficile ostendere, sed id spectat ad materiam de prouidentia, & de gratia. Omitto esse contra diuinam bonitatem inclinare, seu determinare humanam voluntatem.

**VI.**  
2. Modus explicandi eundem errorem.

**VII.**



voluntatem ad malum, seu peccatum, quod etiam prædictus error consequenter asserit.

VIII. Tercio erratum est circa hanc libertatem hominis, tribuendo necessitatem non causis extrinsecis, sed intrinsecis, non ex parte animæ, sed ex parte corporis, ita ut corpus passibile, & subiectum fomiti, & inordinatis affectibus appetitus sensitivi necessitatem voluntati imponat, nec relinquat illam libere operari. Iuxta quem dicendi modum non negatur simpliciter voluntatem secundum se esse liberam, seu capacitatem liberæ actionis, nam si esset separata à corpore, vel si in ipso corpore haberet corpus ipsum sibi omnino subiectum, posset uti suo dominio, & libertate, à qua tamen impeditur ratione talis corporis. Hic videtur esse sensus hæreticorum huius temporis, qui dicunt hominem in statu innocentie habuisse usum liberi arbitrii, per peccatum tamen illum amisisse, ita ut iam non sit liber, sed seruus peccati, ut late Rossen. articulo septimo. contra Lutherum & alii recentiores. Afferunt tamen hi hæretici plura ex sacris Scripturis, & præcipue ex Augustino, quorum intelligentiam infra breuiter indicabo. Rationem vero nullam afferunt, quia reuera est omnino irrationabilis error, nam si corpus passibile, & affectus appetitus quantumuis inordinati, non auferunt usum rationis, neque etiam auferre poterunt rationem liberi arbitrii, si rationabilis voluntas ex se, & natura sua libera est, quia appetitus non influit directe in voluntatem, neque illam physice mouet, aut determinat, ut tractat D. Thomas 1. 2. question. nona & decima, & in question. 99. & ex ipsa experientia constat esse in potestate hominis non consentire concupiscentiæ, & motioni eius, & in sacra Scriptura nihil est frequentius, ut infra citabimus à num. 11.

IX. Quartus modus asserendi hanc necessitatem fundatur in intrinseca natura ipsarum potentiarum hominis, quia nimirum omnes sunt determinatæ terminatæ ad vnum, et am supremæ, quales natura potentiarum anime. Arguitur pro hoc errore quoad intellectum. Arguitur quoad voluntatem. Arguitur quoad rationem. Arguitur quoad sensum. Arguitur quoad appetitum. Arguitur quoad imaginem. Arguitur quoad memoriam. Arguitur quoad irascibilitatem. Arguitur quoad concupiscentiam. Arguitur quoad sensum communem. Arguitur quoad sensum proprium. Arguitur quoad sensum particularem. Arguitur quoad sensum generalem. Arguitur quoad sensum specialem. Arguitur quoad sensum communem. Arguitur quoad sensum proprium. Arguitur quoad sensum particularem. Arguitur quoad sensum generalem. Arguitur quoad sensum specialem.

X. Rursus voluntas necessario sequitur definitum iudicium intellectus; ergo neque etiam ipsa est potentia libera; sed determinata ad vnum: ergo in illa potentia nulla est actio libera. Assumptum declaratur, quia voluntas est potentia rationalis, unde necessario sequitur ductum rationis, nam sicut non potest ferri nisi in cogni-

Suarez in primam secundam D. Thom.

tum per intellectum, ita non potest ferri aliter quam iudicatum est. Et ideo docent morales Philosophi, & Theologi, non posse esse defectum in voluntate, quin prius sit in intellectu, nam si intellectus prius recte proponat, & iudicet, non potest voluntas non recte eligere: ergo signum est voluntatem necessario sequi iudicium rationis: quod si interdum videtur non ita facere, ideo est, quia intellectus non recte iudicat, nec satis considerat omnia, quæ necessaria sunt ad mouendam voluntatem. Et hinc obiter videntur eneruari rationes multæ, & signa libertatis, quæ afferri solent, quales sunt correctiones, reprehensiones, consilium, punitio, & huiusmodi. Nam hæc quidem (inquiunt) videntur superflua si homo non esset liber, nam ex his solum concludi videtur hominem esse rationalem, & hæc omnia deseruire, ut recte iudicet, & apprehendat, quid bonum sit, & agendum. Nam hoc posito statim sequitur voluntas. Si ergo applicato obiecto, & medio sufficiente intellectus necessario iudicat, & voluntas necessario sequitur intellectum recte iudicantem, nullibi est vera libertas. Quam difficultatem late Buridan. 3. Ethic. question. prima. tractat, vbi propter eam indicat libertatem arbitrii non posse ratione naturali constare: in quam sententiam citaret etiam Andreas de Nouo Castro in 1. distinctione 45.

XI. Dicendum est autem in humanis actionibus reperiri liberum non tantum coactioni, sed etiam necessitati oppositum, de cuius ratione est, firm. & de ut includat indifferentiam, seu potestatem agendi, & non agendi, seu agendi hoc, aut contrarium. Hæc est veritas fidei, quæ ex variis locis sacre Scripturæ aperte colligitur. Clariora sunt illa, in quibus tribuitur homini optio, seu electio, ut grat. cap. 7. Deuter. 30. Testes inuoco cælum, & terram, quod proposuerim vobis vitam, & mortem, maledictionem & benedictionem: elige ergo, &c. similia habentur Iosue 24. Optio vobis datur, eligite, quod placet. Ecclesiastici 24. Apposui tibi ignem, & aquam, ad quod volueris extende manum. quæ verba tractans Augustinus lib. de grat. & libero arbitrio cap. 12. Ecce, inquit, apertissime videmus expressum nostræ libertatis arbitrium. Videri etiam possunt alia testimonia apud eundem Augustinum lib. de grat. & lib. arbit. à cap. 2. & apud Cyprianum 3. ad Quirinum cap. 52. Faciunt etiam illa testimonia, in quibus tribuitur homini dominium suarum actionum, Genes. 4. Subter te erit appetitus tuus, & tu dominaberis illius. quem locum ad rem præsentem optime declarat Prosper 2. de vocat. Genes. 4. hinc etiam illud Ecclesiastici 31. Qui potuit transgredi, & non est transgressus, ideo stabilita sunt bona illius in Domino: non esset enim dignus laude, vel præmio, nisi libere id fecisset: & ideo dicitur Prouerb. 4. Rectos cursus fac pedibus tuis: ut bene declarat August. Denique 4. Reg. 12. & num. 30. fit expressa mentio liberi arbitrii humani, & frequentia sunt huiusmodi testimonia in sacra Scriptura.

XII. Secundo afferri possunt varia signa libertatis ex sacra Scriptura, & Patribus desumpta. Primum est potestas dominandi, iuxta illud Gen. 1. Faciamus hominem ad imaginem, &c. ut præsit, &c. nam qui non est dominus suarum actionum, multo minus esse potest aliarum rerum. Vnde Sancti Patres communiter exponunt hominem esse ad imaginem Dei ratione liberi arbitrii. Secundum est potestas peccandi, quæ neque intelligi potest sine libertate, non tantum coactionem, sed necessitatem absolutam excludente, ut late Augustin. de vera, & falsa religione cap. 14. Prosper lib. 2. de vocat. Genes. cap. 14. Iustinus quest. 88. ad Gent. vbi libertatem

L

dicis



dicere esse ponendam in definitione peccati Clemens Alexandrin. libr. 2. Stromat. *Libera electio peccatum inchoat.* Basil. homil. 9. *quod Deus non sit autor malorum*; hac enim potissimum de causa peccatum non refunditur in autorem naturæ, quia non ex necessitate naturæ oritur, sed ex libertate voluntatis. Tertium signum huic simile est præceptum, nam, ut ait Augustin. de grat. & libero arbitrio capit. 2. *Quomodo posset Deus prohibere ne velimus, aut præcipere, ut velimus, si ad volendum necessitatur?* & epistola 46. *Eo ipso quod præceptum est, obedientiam nostram requirit, quæ nulla esse potest sine libero arbitrio.* Similia legi possunt in Athanas. libr. de Incarnat. Verbi. Origen. homil. 12. in Numer. Quartum signum est reprehensio peccatorum non tantum ad terrorem, vel emendationem futurorum, sed etiam per se in vindictam mali commissi. Ac denique diuinum iudicium de humanis operibus, nam, ut eleganter Augustinus epistol. 46. *Sinon est Dei gratia, quomodo Deus saluat mundum? & si non est liberum arbitrium, quomodo iudicat mundum?* Vide Prosperum, & Iustinum question. 9. Euseb. 6. de præd. cap. 5. & libr. 1. demonstrat. cap. 9. & libr. 4. cap. 1. & sequentibus. Irenæ. 4. cont. hæres. cap. 9. & 29. Cyril. Hierosolym. 5. catech. 4. Origen. hom. 20. in Num. Dionys. 4. cap. de diuin. nom. in fine, ait. *Sed dicit quippiam infirmitati supplicium non deberi, sed veniam: si non suppeteret potestas, recte se haberet oratio.*

XIII. Tertio principaliter addere possumus testimonia Patrum, ex quibus constat hanc fuisse perpetuam traditionem, & consensum Ecclesiæ. Sed quia huiusmodi testimonia sunt frequentia, & vulgaria, solum designabo loca, scilicet in Clemente Rom. epist. 3. decretali, & Dionys. de Ecclesiastica Hierarch. cap. 2. p. 3. Iustin. dialog. 9. cum Tryphone, satis post medium q. 8. ad Orihod. Lactant. 4. de sapient. cap. 11. Athanas. orat. cont. idola. Cyprian. epist. 18. lib. de unit. Eccles. Nissen. toto lib. 7. suæ Philosophiæ. Nazianz. orat. 1. 30. 38. & 42. Damascen. lib. 2. de fide cap. 16. Ambros. lib. 2. de fid. ad Grat. cap. 3. Hieron. epist. ad Damas. de filio prodigo. Aug. præter loca citata 1. Retract. cap. 9. & 16.

XIV. Quarto accedit definitio Ecclesiæ. Nam Concil. Brachar. supra citatum. Concilia item contra Pelagianos congregata, veritatem hanc vel definiunt, vel aperte supponunt. Pelagius enim non solum liberum arbitrium cognoscebat, verum illi soli tribuebat bona opera hominis, & initium salutis. Concilia vero admittunt liberum arbitrii operari in homine, diuina tamen gratia excitatum, & adiutum; Cœlestin. Papa epist. 1. ad Episcopos Gall. cap. 14. & 15. Expressius hoc tradidit, & definiuit Tridentin. sess. 6. & Pius V. & Gregor. XIII. in bullis contra Michael. Baium hanc damnant propositionem, *quod voluntarie sit, etiam si necessario fiat, libere sit*; in quo docent esse in homine libertatem non solum excludentem coactionem, quæ voluntario opponitur, sed etiam necessitatem simpliciter, quæ absolute tollat potestatem agendi, & non agendi. Vltimo uti possumus rationibus, quæ peti possunt partim ex dictis inter referendos errores, partim ex ijs quæ dicemus.

XIV. Ex hac veritate sequitur primo, facultatem libere operandi esse intrinsecam homini, & connaturalem illi. Itaque quod homo libere operetur, non est aliquid extrinsece superadditum homini miraculose, aut per supernaturalia dona infusa, sed est intrinseca proprietas suæ naturæ. Hoc constat ex dictis, nam quod homo sit ad imaginem Dei, & capax dominii, naturale est ipsi, & ideo etiam si priuaretur omnibus supernaturalibus donis, perseverat in illo quod sit ad imagi-

nem Dei. Similiter potestas peccandi ex intrinseca infirmitate naturæ oritur. Denique quod homo sit rationalis, naturale est ipsi. Ex hoc autem præcise oritur, quod sit liberi arbitrii, nam hæc libertas oritur ex ratione, ut communiter dicitur, id est, ex eo quod ratio potest vniuersalem rationem boni, & mali attingere, & in vnoquoque obiecto cognoscere quid bonitatis, aut malitiæ habeat, & quam connexionem habeat, vel cum fine intento, vel cum hominis natura ponderare: hoc autem totum naturale est homini saltim in ijs rebus, quæ lumine naturæ cognoscuntur. Vnde addo vltius fieri non potuisse, ut homo eleuaretur ad libere operandum, nisi ex sua natura haberet aliam, quam facultatem liberam, quia si omnis potentia humana natura sua esset determinata ad vnum, neque posset extra illud versari, quia non posset ferri extra suum obiectum, neque posset ipsa ex se suspendere suum actum, quia non posset naturam suam mutare, neque contra suam naturalem inclinationem operari.

Dices: Potest Deus efficere, ut potentia natura sua libera necessario operetur etiam in ijs, in quibus est de se libera: ergo etiam potest facere, ut potentia ex natura sua determinata ad necessariam operationem operetur libere, & cum indifferencia. Respondetur negando consequentiam, nam quando potentia libera necessitatur ad operandum, non mutatur intrinsece natura eius, quasi in actu primo (ut sic dicam), semper enim manet de se libera, & indifferens ad illi actum, & obiectum, impeditur tamen ne in actu secundo utatur illa libertate. At vero si potentia necessaria libere esset operatura, oporteret ipsam in se quoad actum primum immutari, quia non potest intelligi, ut potentia, quæ natura sua habet intrinsecam impotentiam ad suspendendum suum actum per se ipsam intrinsece, & voluntarie recipiat contrariam potestatem, quæ ad libertatem requiritur absque interna mutatione ipsius potentie: quomodo n. potentia manens determinata ad vnum, erit simul indifferens respectu eiusdem actus, præsertim cum hæc indifferencia magis consistat in aptitudine, & potestate ipsius potentie, quam in aliqua intrinseca potestate ipsius actus liberi, ut infra. Denique necessitas potest provenire ab extrinseco, neque ex se aliud postulat, & ideo nihil obstat quominus potentia ab intrinseco libera, extrinsecus necessitetur; at vero libertas debet esse ab intrinseco, & ideo si non oriatur ex interna facultate ipsius potentie, fieri non potest ut ab extrinseco proveniat.

Sed contra, nam ad actus supernaturales non habet homo naturalem libertatem, cum non habeat naturalem potestatem, & tamen per gratiā, & supernaturaliter accipere potest liberam facultatem illos operandi. Rursus è contrario homo videns Deum necessitatur ad amandum ipsum, & tamen supernaturaliter fieri potest, ut ille amor sit liber, si homo accipiat supernaturalem potestatem ad suspendendum illum actum.

Respondeo ad priorem partem voluntatis hominis ex solis viis naturæ non habere copletam libertatem circa actus supernaturales, ut argumentum probat, habere tamen libertatem (ut sic dicam) inchoatam, seu fundamentum completæ libertatis, quod habere non posset, nisi ipsa esset natura sua libera. Quod ita declaro, nam ex duobus, quæ ad libertatem requiruntur, quæ sunt potestas agendi, & non agendi, hoc secundum potest voluntas ex se circa actus supernaturales, quia licet non possit eos efficere sine auxilio gratiæ, potest tamen omittere, & suspendere, quia ad hoc non postulat supernaturales vires, hoc

Si homo non esset natura sua liber, non posset eleuari ad libere operandum.

XVI.

XVII.

XVIII.



hoc autem non posset nisi natura sua esset domina suorum actuum. Circa alterum vero, scilicet potestatem agendi, non habet ex se completas vires, habet tamen capacitatem obedientialem passiuam, & actiuam, ut possit eleuari ad illos actus, quæ fundatur in vniuersali capacitate voluntatis, qua tendere potest in bonum, ut sic, inde enim fit, ut possit eleuari ad amandum libere omne bonum, quod ex se non necessitat voluntatem, quia hæc libertas, ut supra dixi, oritur ex facultate rationis ponderantis in quolibet obiecto propriam rationem boni, quod etiam seruatur in obiectis supernaturalibus, quando voluntas eleuatur ad operandum circa illa; nam tunc etiam illa ducitur ratione suo etiam modo eleuata, & cognoscente supernaturalia obiecta.

XIX.

Ad alteram partem respondetur nunquam posse fieri, ut amor Dei clare visi sit in se intrinsece, ac formaliter liber, quia non potest voluntas per intrinsecam ac voluntariam suspensionem talis actus illo carere, sed ad summum fieri potest quod Deo suspendente concurrat voluntas careat illo actu, & consequenter etiam fieri potest, ut quoties homo velit, Deus suspendat illum concursus. Si tamen homo videns Deum possit habere talem voluntatem sub aliqua ratione boni, tunc carentia, vel suspensio talis amoris esset libera, non per se ipsam, sed per denominationem ab alia voluntate libera, quæ necessario supponit facultatem naturæ suæ liberam à qua procedat: & hoc modo non repugnat actum naturæ suæ necessarium fieri liberum per denominationem extrinsecam, & subordinationem ad potentiam liberam. Sic enim etiam nutritio, quæ ex se necessaria est, potest à Deo constitui sub dominio voluntatis: nos autem agimus de actu libero ex se per immediatam habitudinem ad potentiam elicientem.

XX.

Secundo sequitur ex dictis per peccatum originale non esse amissam naturalem facultatem liberi arbitrii: vsum autem eius nec per peccatum, nec per gratiam impediri semper. De hac veritate tractatur late in materia de peccato originali, & de gratia. Nunc autem declaratur breuiter. Primo quidem ex sacris Scripturis, & aliis testimoniis adductis, loquuntur enim de homine lapsio, & prout de facto operatur, aut male suo arbitrio, aut bene per diuinam gratiam. Deinde ratione, quia peccatum originale non mutauit humanam naturam, quoad intrinsecam, & essentialia, neque quoad proprietates connaturales intrinsece ab illa manantes, quarum vna est facultas libere operandi, quæ ratio conuincit de libertate, quoad actum primum, quoad vsum vero eius sufficitur quæ dicta sunt referendo secundum, & tertium errorem in num. 3. & 8.

XXI.

Contra totam hanc doctrinam de libera hominis actione multa obiciunt hæretici ex sacra Scriptura, & Patribus, præsertim ex Augustino: & ratione, sed quod ad rationem spectat, nulla est, quæ intrinsece & proprie attingat difficultatem; nili quæ tacta est in quarto dicendi modo num. 9. allato. quæ apud me non conuincit, seclusa visione beata voluntatem necessitari ad sequendum dictamen intellectus, absolute, & simpliciter loquendo. Quod ideo addo, quia ex vi vnus prioris voluntatis subsequuto aliquo iudicio intellectus, potest voluntas necessitari ad alium actum extrinsece, ut ab electione; sed tunc saluatur libertas in priori actu, quem posset voluntas tollere etiam post subsequutum aliud iudicium, & ita simpliciter non necessitatur ad sequentem actum. Tamen, absolute loquendo, & non supposito aliquo actu libero voluntatis, non necessi-

Suarez in primam secundæ D. Thom.

tatur voluntas ad sequendum iudicium in intellectu, quantumvis practicum esse fingatur, de qua re dicendum est infra agendo de actibus voluntatis, & videri potest quod ad hanc rem attigimus lib. 1. de prædestin. cap. 16. à num. 6.

Deinde quod attinet ad Scripturam afferuntur illa loca, in quibus Deus dicitur immutare corda hominum, operari in nobis velle, & perficere, trahere hominem, & similia. In quibus omnibus duo tantum obseruanda sunt. Primum, hæc omnia dici ratione excitantis, seu præuenientis gratiæ, præsertim efficacis, cuius tamen efficacia non consistit in necessitate inferenda, sed in hoc, quod Deus infinita sua sapientia, ita mouet hominem, sicut scit esse opportunum, ut ipse consentiat; ita August. de Spir. & Liter. cap. 34. & scriptissime cont. Pelag. Secundum est, in his locutionibus significari Deum esse principalem autorem huiusmodi operum, non tamen excludi liberam cooperationem nostram, ut optime tractat Nazianz. orat. 30.

Tandem ex Augustino obici solent varia loca, in quibus dicit hominem per peccatum amisisse libertatem, & factum esse seruum peccati, & necessitatem peccandi incurrisse. Sed in his, & similibus est magna æquiuocatio in nomine illo libertatis, quia non sumitur, ut significat indifferentiam in operando, sed ut significat carentiam cuiusdam seruitutis, ut latius, & commodius explicabo sequenti sectione.

## SECTIO III.

*Quid sit esse liberum in humanis actibus, & quomodo à perfecto voluntario distinguatur.*

Non mouetur quæstio de deliberatione in actu primo, seu de facultate libera, quia non de potentiis, sed de actibus disputamus, quamuis ex his, quæ diximus, & quæ dicemus, constat hanc libertatem nihil aliud esse, quàm vim quandam operandi cum dominio, seu virtute ad suspendendum actum, etiam positis omnibus requisitis ad operandum, ut latius docui in Metaphys. quæ vis non est res distincta à voluntate, sed est naturalis perfectio eius, quamuis oriatur ex perfectione intellectus: quomodo dici solet liberum arbitrium esse facultatem voluntatis, & rationis, D. Thomas 1. 2. q. 1. art. 1. Libertas autem actualis considerari potest vel in actu imperato, vel in actu elicito: in priori nihil aliud est quam emanatio, seu denominatio actus imperati ab elicito libero: in tantum enim actus imperatus est liber, in quantum ab efficacia actus eliciti liberi pendet, & ab illo quodammodo informatur moraliter.

Tota ergo difficultas reuocatur ad actum elicatum, quid in eo sit esse liberum, & quomodo se habeat ad voluntarium perfectum. In qua re multi Theologi sentiunt nihil aliud esse actum esse liberum, quam esse perfecte voluntarium. Ita sentit Almain. tract. 1. moral. cap. 1. dicit enim illud esse perfecte voluntarium, quod ita est in voluntate operantis, ut positis omnibus requisitis ad agendum, possit ab illo fieri, & non fieri: in eadem sententia est Scot. in 1. dist. 2. quest. 3. dist. 10. quest. vnic. quodlib. 16. artic. 1. & 3. ubi docet Spiritum sanctum procedere libere, quamuis necessario producat, quia nimirum perfecte voluntarie producit. Sed considerata est diuersitas inter hos autores, quamuis enim in hoc conueniant, quod liberum, & voluntarium perfectum

L 2

confun-

XXII.

Explican-  
tur loca scri-  
ptura non  
recte ab eis  
adducta.

XXIII.

Item loca  
Augustini.

I.

Quid sit li-  
berum in a-  
ctu primo.

II.

Liberum in  
actu secun-  
do idem esse  
ac perfecte  
voluntari-  
um qui pu-  
tent.



confundant, tamen diuerso modo, nam Almain. non solum ad liberum, sed etiam ad perfectum voluntarium videtur requirere indifferentiam, & dominium actionis. Scotus autem neque ad voluntarium, neque ad liberum hoc requirit, sed solum quod procedat ex perfecta cognitione: atque idem sentit Henric. quodlib. 3. q. 17. & quodlib. 6. q. 1. & quodlib. 9. q. 5. circa finem, & in summ. art. 6. q. 1. in quibus locis multa dicit obscure, quæ longum esset referre. Eidem sententiæ fauet Durand. in 2. d. 24. vbi in quest. 1. videtur liberum à necessario distinguere, tamen in quest. 2. subdit aliud esse loqui de libertate absolute, aliud de libertate arbitrii, nam libertas arbitrii (inquit) excludit necessitatem, non tamen libertas absolute, nam si actio procedat ab intellectu, & voluntate, hoc ipso libera est. Vnde sentit liberum absolute dictum idem esse, quod voluntarium perfectum, quod magis declarat in d. 39. qu. 3. & eandem fere doctrinam habet Bonauent. in 2. dist. 25. art. 2. q. 2. insinuat Capr. ibi ad argumenta Henr. cont. 1. concl. præsertim ad 5. Fauet huic sententiæ D. Thomas in 1. 2. quest. 6. nam artic. 2. ad ult. dicit voluntarium perfectum includere potentiam operandi, in quo fauet opinioni Almain. & idem sentit quest. 21. art. 2. & 1. p. quest. 41. artic. 2. & qu. 83. art. 2. ad 3. Tandem quest. 10. de potent. art. 2. ad 5. plane docet opinionem Scoti, & concludit Deum amare libere se ipsum, licet necessario. Atque hunc dicendi modum libenter amplectuntur heretici huius temporis, vt in modo loquendi doceant nos esse liberos, quia perfecte voluntarie operamur, quamuis re ipsa negent nos esse dominos nostrorum actuum.

III. Potest tamen fundari hæc opinio primo in modo loquendi sacræ Scripturæ, in quæ per se ponitur voluntarium pro libero, & è contrario, & omnia, quæ voluntarie fiunt, censentur laude digna, Psalm. 53. *Voluntarie sacrificabo tibi*, id est, libere, teste Ambros. 2. de fide capit. 3. sic ad Hebræos. 10. *Voluntarie peccantibus nobis*, &c. Vnde 2. Ma. hab. 2. 1. *vt faciatis eius voluntatem corde magno, & animo volenti*. Deuteronom. 12. Exod. 35. Paralip. 28. habentur similia testimonia, quæ frequentia sunt.

IV. Secundo fauent huic sententiæ nonnullæ locutiones Sanctorum difficiles. Damascen. lib. 2. cap. 24. *Quod sponte sit, laudem, & vituperationem communem habet*, quæ est proprietas actionis liberæ, & idem habet Nissen. lib. 5. Philosophia c. 1. vnde cap. 3. subdit, voluntarium, & inuoluntarium in his quæ in potestate nostra sunt, consistunt: dicuntur autem esse in potestate nostra, quæ sunt nostri arbitrii. Vnde etiam Damascen. lib. 3. capit. 22. dicit voluntatem esse volitionem, ac liberum appetitum: sumit autem voluntatem pro actu, non pro potentia. Difficilius Aug. lib. de nat. & grat. c. 46. cum ob eisset voluntatis arbitrio priuari eum, qui naturali necessitate constringitur, respondet absurde hoc dici, quia non priuatur voluntate propter huiusmodi necessitatem; sentit ergo solum voluntarium, etiam si non opponatur necessario, esse liberum ea libertate, quæ ad peccandum sufficit, atque idem sentit in Enchirid. c. 105. vbi habet illam vulgarem sententiam; *Aut voluntas non est, aut libera dicenda est*, idem lib. 5. de Ciuit. cap. 23. & 30. lib. de duabus animabus cont. Manich. cap. 10. lib. 1. retract. cap. 15. vbi voluntarium dicit esse animi motum cogente nullo, & statim subdit fere idem de libero. Idem sentit Anselmus lib. de liber. arb. vbi ad libertatem non requirit indifferentiam, sed potestatem volendi rectitudinem ipsam propter se. Bernardus etiam lib. de grat. & lib. arb. definit voluntarium esse motum liberum, & ser-

mon 81. in Cantica, & infra, quod voluntarie sit, etiam si ex necessitate fiat, liberum est.

Tertio possumus adiungere rationem, quia illa actio est libera, in qua homo se ipsum mouet ex perfecta aduentia rationis; sed hoc totum est de ratione voluntarii perfecti: ergo hæc duo idem sunt. Vel aliter ex Augustino; nam illud aliquis facit libere quod facit quia vult, & si nollet non faceret; ergo operatur libere, atque adeo idem sunt libere, & voluntarie operari. Denique liber modus operandi est vltima perfectio rationalis appetitus, sed de ratione huius appetitus est, vt voluntarie operetur, & de perfectione eius est, vt operetur voluntarie: ergo perfectio huius appetitus consistit in operatione perfecte voluntaria: ergo idem est operationem esse liberam, & esse perfecte voluntariam.

In hac quaestione multa continentur, quæ oportet distinguere, vt intelligamus, in quo posset esse controuersia de re, in quo vero de modo loquendi, & ne conueniamus cum hæreticis neque in re, neque in loquendi modo. Prima quaestio maxime ad rem spectans est, vtum in voluntate humana præter illum modum operandi ex perfecta cognitione, & intrinseco, ac vitali impulsu per se ipsum volito (in quo ratio voluntarii consistit, vt supra dixi) sit etiam alia conditio operationis, quæ consistat in indifferentia, seu independentia à potentia indifferente, quæ potest agere, & non agere.

Et in hoc sensu constat certa resolutio quaestionis ex dictis supra section. 1. numer. 11. de qua etiam videri possunt tradita lib. 1. de Auxiliis, à principio, & prologom. 1. de Gratia, scilicet in actibus humanis vtramque conditionem reperiri: hoc enim sensu ostendimus esse de fide, esse in homine operationem liberam non tantum coactionis: sed etiam necessitati oppositam. Ex quo plane sequitur has duas rationes voluntarii, & liberi in prædicta significatione sumpti prout nunc illo vtimur, esse distinctas saltem definitione, & ratione formali, nam altera consistit solum in hoc, quod potentia se determinet ad suum actum, volendo ipsum per se ipsum; altera vero in hoc, quod actus dicat habitudinem ad potentiam, quæ potest agere, & non agere, quæ duæ rationes plane diuersæ sunt, & euidentius constabit infra, cum ostendemus illas esse separabiles, & vnā posse augeri cum altera minuitur. Vnde in hac prima quaestione nulla est controuersia cum Catholicis, sed cum hæreticis, cum quibus iam actum est.

Secunda quaestio esse potest, esto ratio liberæ sit distincta à ratione voluntarii, an necessario illam supponat, seu includat: non enim desunt Theologi, qui dicant posse esse actionem liberam, quamuis non sit voluntaria. Sed isti ad summum loquuntur de voluntario, & libero indirecto, de quibus postea, nunc vero agimus de voluntario, ac libero directo.

De quibus dicendum est actum liberum includere essentialiter rationem voluntarii, quæ videtur esse communis sententia, & probatur primo, quia liberum arbitrium formaliter, & essentialiter est voluntas: ergo actus liber per se, & vt elicitus à potentia libera essentialiter est elicitus à libero arbitrio: ergo intrinsece includit, quod sit voluntarius, nam hoc per se conuenit actui à voluntate elicitum. Secundo sic declaratur, quia actus liber elicitur à potentia, quæ natura sua non est determinata ad vnum: ergo necesse est vt ipsa se determinet ad suam operationem liberam: non potest autem se determinare nisi volendo talem operationem, quia intel-

V.

VI.  
1. Dubium  
in hac controuersia.

VII.

VIII.  
1. Dubium.

IX.



intelligi non potest, quod potentia ex se indifferens ad opposita, ad alteram partem determinetur, nisi quia vult; ergo necesse est, ut illa determinatio libera sit voluntaria per seipsam, loquendo de primo actu libero elicitivae, ut nunc loquimur, nam si sit liber per denominationem à priori actu, erit etiam voluntarius per denominationem ab eodem, quia est eadem proportionalis ratio; tamen cum non possit in infinitum procedi, necessario sistendum est in aliquo actu, qui primo, & per se sit liber per immediatam denominationem à potentia libera, & hunc necesse est per se ipsum esse voluntarium, & in se includere necessariam determinationem potentiae ad hunc actum potius, quam ad oppositum, nam in huiusmodi potentia, quae se determinat ad suum actum, determinari ad operandum, & operari non sunt distincta, quia neque operatio potest intelligi sine determinatione, nec determinatio sine operatione, quia necessarium esse debet actus secundus additus potentiae. Atque hinc obiter confirmatur ratio supra tacta *sect. 2. numer. 9.* ob quam sola potentia appetitiva potest esse formaliter libera, quia in sola illa potest actus esse per se ipsum voluntarius, & determinatio libera includit essentialiter rationem voluntarii. Et ex hoc ipso principio sumenda est ratio, ob quam ad solam potentiam appetitivam potest pertinere munus, seu officium movendi alias potentias efficaciter quoad exercitium, de quo infra.

X. Tertia quaestio, utrum è contrario ratio voluntarii sit etiam inseparabilis à ratione liberi. Sunt enim, qui dicant, quod licet voluntarium in communi abstrahendo à perfecto, & imperfecto possit reperiri absque libero, non tamen voluntarium perfectum, ita ut ratio liberi sit veluti differentia specifica, & contrahens commune voluntarium ad rationem voluntarii perfecti. Quod sentit Almainus citatus *n. 2.* & sequitur Conrad. *1. 2. quest. 6. artic. 2.* & loquuntur proprie de libertate necessitati opposita. Et ratio eorum esse potuit, quia perfectum voluntarium esse debet ex sola, & propria determinatione voluntatis, quae solum reperitur in determinatione libera, nam si sit necessaria, iam non est à voluntate, sed à natura: unde magis videtur esse ab extrinseco, quam ab intrinseco: defuit ergo ibi perfecta ratio voluntarii.

XI. Dicendum tamen est liberum non esse de ratione voluntarii perfecti, posseque huiusmodi voluntarium sine libero reperiri. Exemplum est in amore beatifico circa Deum clare visum, ille enim non est liber in propria significatione, quia nunc utimur, ut in superioribus *tract. 1. disputat. 9. sect. 1. à numer. 7.* contra Scotum probatum est: & similiter amor quo Deus se amat, & quo Pater, & Filius producant Spiritum sanctum, est omnino necessarius absque controuersia, alias Spiritus sanctus, ut etiam contra eundem Scotum arguebam *libr. 6. de Trinitat. capit. 4.* non necessario esset, quis autem neget, aut beatos amare Deum perfecte voluntarie, aut (quod absurdus est) Deum amare se ipsum, & Patrem, & Filium producere Spiritum sanctum ex voluntario perfecto. Ratione vero ostenditur, nam huiusmodi voluntarium quamvis non sit liberum, potest procedere ex ratione, & cognitione perfecta; & ex perfecta voluntatis facultate operantis toto suo impetu, & conatu iuxta perfectissimam propensionem suam; ergo nihil ibi deest ad perfecte voluntarium. Antecedens constat facile ex exemplis adductis. Consequentia vero patet, quia voluntarium est, quod est ex cognitione ab intrinse-

Suarez in primam secundae D. Thom.

co; ergo quod est ex perfectissima cognitione, & maxime ab intrinseco, erit perfecte voluntarium. Confirmatur, quia, ut supra *sect. 2. nu. 5.* dixi, nec libertas dicit perfectionem simpliciter respectu cuiusque obiecti, nec necessitas dicit semper imperfectionem; sed voluntas perfectio in hoc consistit, ut feratur in vnumquodque obiectum, modo illi debito pro qualitate illius, & iuxta mensuram bonitatis, & necessitatis eius: ergo quando voluntas fertur in obiectum necessarium, eo quod excellentia obiecti postulat illum modum tendendi, quae excellentia perfecte cognoscitur ab operante; tunc voluntas perfectissimo modo tendit, & alioqui fertur ex intrinseco impulsu: ergo nihil illi deest ad perfectissimum voluntarium. Neque enim refert, quod obiciebatur supra in *fine num. 10.* determinationem illam voluntatis videri esse à natura, & non à voluntate, tum quia licet sit à natura radicaliter, tamen effectivae, & vitaliter est ab ipsa voluntate, unde non est ab extrinseco, sed ab intrinseco, tum etiam, quia illa met ratio naturae includitur in essentia ipsius voluntatis: est enim voluntas essentialiter natura quaedam: unde operari ex naturali impetu ipsius voluntatis, non excludit quin operatio talis sit omnino ex voluntate, atque adeo perfecte voluntaria.

Quarta quaestio plane de modo loquendi est, XII. utrum actus perfecte voluntarius, etiam si sit simpliciter necessarius, dicendus sit liber, nam Scotus citatus, & alii contendunt ita esse appellandum, in quo fauent modo loquendi haereticorum huius temporis, & ideo cavendum est hoc locutionis gentis, quamvis in re non possit esse differentia, dummodo constet libertatem, quae tali actui tribuitur, non esse illam, quae necessaria est ad merendum, & ad peccandum, ita ut peccatum tribuatur ad culpam operanti. Atque hoc modo est certissimum actum illum non esse liberum ea libertate, quae proprie necessaria est ad liberum arbitrium. Unde Philosophi, qui dixerunt Deum operari ex necessitate naturae, non negabant illum operari per intellectum, & voluntatem, & consequenter perfecte voluntarie: negabant tamen eum esse liberi arbitrii. Quam tamen libertatem fides catholica illi attribuit: haec ergo libertas propria non est in praedicto actu necessaria.

Ut vero hoc plenius explicetur, & intelligatur varia loca Sanctorum supra in hac, & superiori sectione insinuata, notandum est liberum ex primeua impositione significare id quod est sui iuris, & alteri non est subiectum: unde videtur directe excludere relationem servitutis: unde in *l. libertas. ff. de statu hominum*, dicitur, *libertas est facultas eius quod cuique facere libet, nisi quod ei, & lege prohibitum est.* Atque ita vulgari sermone homo ingenuus dicitur liber, atque hinc translata est haec vox ad significandam libertatem voluntatis nostrae: in qua varii gradus considerari possunt, dicitur enim voluntas nostra libera à coactione, nam coactio est magna quaedam servitus, & ideo carencia illius, libertas dici potest, & in hoc sensu operatio perfecte voluntaria, quantumvis necessaria, potest dici libera, quia nihil coactionis habet, & in hoc sensu est vera propositio Augustini, *voluntas, aut voluntas non est, aut libera denda est*, si intelligatur de actu, nam de ipsa potentia res esset facilius.

Secundus gradus est, in quo excluditur non tantum coactio, sed etiam necessitas simpliciter, XIV. & haec est perfectior libertas, cum maiorem subiectionem excludat, & hoc sensu nos loquimur de libertate iuxta usum magis receptum. Sic

L 3 etiam

XII. 4. Dubium.

XIII.

1. gradus liberi, seu libertatis.

XIV. 2. Gradus.



etiam loquitur sæpe Augustinus, & videre licet *libr. de perfectione iustitie respons. 9.* & in eodem sensu (ut opinor) 1. *Retract. cap. 15. voluntatem esse motum animi cogente nullo*, nam ibi cogere sumit pro eodem, quod est necessitatem imponere, ut constat ex contextu, qui modus loquendi est frequens apud Patres, ut patet ex Cyrillo *catech. 4.* & Irenæ. *cap. 71. Bern. de lib. arb.*

XV.  
3. Gradus.

Tertius gradus excludit non tantum coactionem, & necessitatem absolutam, sed etiam necessitatem infirmitatis (ut sic dicam,) & inductionis, seu prauæ consuetudinis, quæ libertas est perfectior, & dicitur fuisse in statu innocentiz, in quo voluntas erat libera à captiuitate corporis mortalis, & à fomite, quo inducitur ad peccandum, & hanc voco infirmitatem humanæ naturæ: atque hoc sensu dicitur homo peccando amisisse libertatem, & incurrisse necessitatem peccandi, non quia in aliquo actu simpliciter necessitetur, sed quia absolute non potest vitare omnia peccata mortalia sine Dei gratia, venialia autem, neque per gratiam, quæ ordinarie datur, sedulæ priuilegiis. Atque hoc sensu videtur loqui Concil. Carthag. cum ad Innocent. scribit nostrum liberum arbitrium per gratiam Dei vere fieri liberum, dum à carnalium concupiscentiarum dominatione liberatur. Et in eodem sensu intelligendus est Augustinus vbiunque de hac materia loquitur, & præsertim in illo libro *de perfectione iustitie respons. 9.* vbi sic ait, *Victa vitio, in quo cecidit voluntarie, caruit libertate nature*, scilicet hac perfectissimâ libertate, & sic dicitur ibidem necessitatem peccandi per peccatum inductam, non excludere quin homo sua libertate peccet. Et eodem modo intelligendus est Bernard. *sermon. 81. in Cantic.* nec multum differt, quod dicit D. Thomas *question. 6. de malo art. vnic. ad 23.* scilicet hominem peccando liberum arbitrium perdidisse, quantum ad libertatem à miseria, & ad 24. dicit quod consuetudo peccandi facit necessitatem non simpliciter, sed in repentinis.

XVI.  
4. Gradus.

Quartus gradus adiungi potest, quod *libertas* dicat non tantum eam entiam necessitatis simpliciter, sed etiam obligationis; sic 1. ad Corinth. 7. *Non habens necessitatem, sed potestatem habens sue voluntatis.* Et hinc etiam quando lex est impotita, quanto est suauior, & magis in amore, quam in timore fundatur, eo magis dicitur lex libertatis, & contraria lex seruitutis, de quo vide Irenæ. 2. *cont. haret. cap. 29.* & August. *toto lib. de spiritu, & litera.*

XVII.  
5. Dubium.

Quinta quæstio, in actu, qui simul est voluntarius & liber, quid sit, vel quid addat esse liberum. Quidam enim existimant esse aliquid reale intrinsecum ipsi actui: quod potest fieri verisimile, primo, quia hoc esse liberum est magna perfectio actus, nam ratione illius est dignus laude, vel capax meriti, si bonus sit, & à contrario digna poena, si malus. Secundo, quia in hoc esse libero fundatur totum esse morale, quod est aliquid reale in actibus. Tertio, quia si esse voluntarium, est aliquid reale in actu, cur non esse liberum, cum non sit minus perfectum.

XVIII.

Dicendum vero est actum esse liberum, præter voluntarium perfectum, solum addere habitudinem, seu denominationem à potentia eliciente actum, & habente potestatem ad suspendendum illum, seu eliciendum oppositum. Hæc opinio tribui solet Scoto in 2. d. 40. & Durando d. 30. Sed in his locis nihil dicunt hi autores; Durandus vero in 2. d. 38. fauet huic sententiæ, quatenus dicit, esse morale nihil addere supra ipsum actum in esse naturæ præter denominationem à poten-

tia. Ratio vero fundamentalis est, quia ex hoc præcise quod concipiatur actus perfecte voluntarius, & à potentia, quæ ita operatur, ut sit in facultate eius non operari, intelligitur actus liber; posito autem quocunque alio modo, seu entitate intrinseca, & præcisa hac habitudine, seu denominatione, non intelligitur actus liber; ergo superfluum est fingere huiusmodi modum, seu entitatem.

Hæc autem ratio duobus modis potest explicari, & confirmari. Prior est, quia in potentia libera in actu primo duplex potestas intelligitur, prior ad eliciendum actum, posterior ad retinendum illum; quatenus ergo elicit actum, utitur priori potestate, & ille influxus præcise consideratus sufficit ad voluntarium, quia hoc ipso est actus à principio intrinseco cum cognitione; at vero ex vi illius influxus præcise non intelligitur actus liber, nisi intelligatur in facultate operante altera potestas, per quam, ut sic nihil influat in actum, quia non est potestas agendi, sed potius non agendi; ergo actus non consummatur in esse liberi per positum influxum potentiz, sed per denominationem à potentia quatenus potest non agere: ergo non constituitur per aliquod intrinsecum additum actui supra rationem voluntarij.

Secundus modus explicandi rationem, est distinguendo ea quæ in actu possunt considerari. Primum est entitas ipsius actus, ut est qualitas quædam, & in eo, ut sic, non intelligitur ratio liberi: quia hæc ratio intrinsece includit emanationem actiuam à potentia, sine qua neque intelligi potest libertas, quia hæc non potest primo consistere in recipiendo, sed in actione. Nisi quis fortasse dicat actum ex vi suæ entitatis intrinsece, postulare talem modum emanationis cum libertate. Et hac ratione ex vi suæ entitatis intrinsece dici posset liberum: quod ita declaratur, quia talis actus necessario includit hanc reflexionem, quia per illum vult potentia, quæ de se est indifferens determinari ad hanc partem potius quam ad aliam, quod non conuenit actui necessario, atque in hoc sensu vere dicitur libertas includi in ipsa entitate. Sed quamuis hæc responsio videatur apparens, & subtilis, tamen re vera non est necessaria, nec facilis intellectu. Quia quando potentia de se indifferens in actu primo determinatur ad vnum obiectum tantum elicit simplicem appetitionem illius obiecti, & hoc ipso determinat suam indifferentiam ad illud obiectum, & illum actum: sed hoc totum fit per actum ipsum, ut voluntarium supposita indifferentia potentiz: ergo superfluum est fingere alium modum entitatis seu reflexionis. Ac præterea totum hoc non sufficit sine modo emanationis, seu dependentiz actus à potentia.

Secundo ergo considerari potest in actu libero actualis dependentia ipsius qualitatis à potentia vitali, & posset quis dicere hanc dependentiam esse talem in actu libero, ut non possit esse eundem rationis in actu necessario, atque ita illum esse quid intrinsecum actui à quo denominatur liberum. Sed circa hoc considerandum est actum, qui ex natura sua postulat fieri libere, interdum fieri potest necessario Deo necessitante potentiam, & tunc verum mihi videtur necessariū esse mutare dependentiam, quam actus ex natura sua haberet ex sua potentia, & sub illa libere fieret, quia intelligi non potest actum ex se liberum fieri necessario, nisi facta aliqua mutatione, vel in ipso actu, vel in dependentia actus à potentia. Sed hic non fit mutatio in actu, ut supponimus, neque in aliqua alia re, quia sine mutatione intellectus,

XIX.

XX.

XXI.

Cum actus idem tran-  
sit de libero  
in necessa-  
rium, oportet  
ut eius  
dependentia  
varietur.



vel alterius potentie potest Deus necessitatem inferre voluntati: ergo necesse est mutationem fieri in dependentia ipsa.

XXII.

Quod aliter confirmatur, nam si Deus nunc concurrat cum libera voluntate seruata libertate eius, & postea stantem eodem obiecto infert illi necessitatem ad eundem actum, necesse est, vt aliter concurrat: quomodo enim potentia extraheretur à suo connaturali modo operandi, nisi Deus aliter in illam, vel cum illa efficeret: necesse est ergo, quod concursus Dei sit distinctus: ergo & concursus ipsius voluntatis, variata enim actione respectu causæ primæ, necesse est etiam variari respectu causæ secundæ, quia est vna, & indiuisibilis actio: dependentia ergo actus liberi respectu necessitatis ab extrinseco prouenientis est aliquid intrinsecum actui distinctum à concursu necessitante, nihilominus tamen illa dependentia non denominaret actum liberum nisi cū denominatione, & habitudine ad potentiam habentem vim, & facultatem ad suspendendum talem influxum per se ipsam ab intrinseco: ergo esse liberam vltimo constituitur per hanc denominationem. Vnde probabilissimum est, si actus liber fiat necessarius intrinsece, non esse necessarium mutare hanc dependentiam, sed solam diuersam applicationem obiecti, vt si quis diligat Deum libere per fidem, & immediate transeat ad visionem, poterit continuare eundem actum amoris necessario amando ab intrinseco, & tunc non oportet mutare, nec qualitatem, nec dependentiam eius, quia hoc solū quod ratione diuersæ cognitionis intelligatur voluntas impotens ad suspendendum actum, intelligitur actus esse necessarius, etiam si fiat per eandem dependentiam: & idem intelligi poterit in actibus indeliberatis voluntatis, nam ex sola aduertentia eorum sine mutatione physica facta in voluntate intelliguntur manere liberi, quia ex vi solius aduertentiae rationis voluntas fit potens ad tollendum actum: ergo sola dependentia sine habitudine ad potentiam potentem suspendere actum, non dat formalem esse liberum.

XXIII.

Quid aliter  
vltimus cō-  
siderent in  
actu libero.

Tertio præter hæc duo fingi posset in actu aliquis alius modus intrinsecus, à quo denominaretur liber. Tamen hoc multo maiori ratione reiiciendum est, quia neque explicari potest quid sit iste modus, neque quæ sit necessitas ponendi illum: ac denique quia semper illo posito vrget illa ratio quod solus ille sine habitudine ad facultatem habentem virtutem ad suspendendum illum actum, non constitueret esse actum liberum: hæc autem habitudo adiuncta rationi voluntarii perfecti statim constitueret liberum sine illo modo: ergo ille superfluous est. Quod tandem confirmatur, quia stante eodem voluntario, atque eodem influxu positiuo voluntatis, potest augeri, vel minui liberum mutatis causis extrinsecis, vt sunt passio, vel aduertentia rationis, quia ratione illarum intelligitur esse in voluntate maior, vel minor potentia ad suspendendum actum: ergo signum est rationem liberi consummari in hac habitudine, seu denominatione ab hac potestate.

XXIV.

Instantie  
nonnullæ  
contrarius  
dictæ remo-  
uentur.

Neque obstat quod libertas dicat perfectionem, nam dicit illam si physice loquamur, tum in ipso actu primo, nam facultas illa ad agendum, & non agendum est magnæ perfectio: tum etiam in ipso actu secundo, quatenus natura sua aptus est ita fieri à tali potentia: hoc autem non addit perfectionem physicam, sed moralem, ad quam sufficit denominatio ab ipsa potentia prout à nobis explicata est. Atque eadem ratione sufficit hoc esse liberum, vt sit fundamentum ipsius esse moralis,

de quo dicam suo loco. Neque est eadem ratio de voluntario, vt facile constat ex dictis, nam voluntarium, vt sic perficitur, & consummatur in positiuo influxu, & appetitu voluntatis, & ideo intrinsece continetur in ipso met actu: liberum autem vltra hoc addit habitudinem ad eundem appetitum, quatenus potest suspendere actum suum, à quo, vt sic, nihil positiuum, aut intrinsecum recipit. Ex quo recte confirmatur supra dictum, scilicet esse liberum non esse intrinsecam rationem voluntarii, sed considerationem superadditam, sine qua potest voluntarium reperiri. Colligitur etiam hinc hoc esse liberum nihil repugnare cum perfectione voluntarii, neque illud, per se loquendo, minuire, vt quidam existimarunt, quia nec minuit illud ex parte intellectus, nam potius ad actualem libertatem requiritur perfecta cognitio intellectus neque etiam ex parte voluntatis, quia stante libertate potest suo toto conatu, & affectu tendere in obiectum, & in hoc consistit perfectio voluntarii ex parte voluntatis. Nec refert quod voluntarium consistit in determinatione ad vnum, liberum vero in indifferentia ad vtrumque, quæ videntur conditiones repugnantes. Non tamen sunt, quia libertas actualis, seu exercita etiam requirit determinationem ad alteram partem in ipso actu secundo indifferentiam vero in actu primo seu facultate, ad quam dicitur habitudinem.

Ad fundamenta adducta in contrarium, à n. 3. q. attinet ad omnia testimonia dicemus duo. Primum in omnibus illis sermonem esse de homine viatore, in quo voluntarium perfectum, & liberum se semper comitantur in omni actu, & hinc fit, vt indifferenter vocent actionem liberam voluntariam & è contrario. Quod etiam attigimus libr. 6 de Trinit cap. 3. & eadem ratione D. Thomas 1. 2. questio. 6. voluntarium perfectum explicuit per potestatem operandi, & non operandi, loquitur enim de homine quatenus per actus suos in beatitudinem tendit. Secundum est voluntarium perfectum, & liberum ex eadem radice oriri, scilicet ex perfecta cognitione intellectuali, ex quo fit, vt nunquam subiecto separantur, omne enim agens liberum potest perfecte voluntarie operari, & è conuerso, & hac de causa vnum pro alio frequenter vsurpatur. Ad rationem autem ibi tactam in numer. 5. solutio etiam est facilis: nam perfectio libertatis licet coniuncta sit cum perfectione voluntarii modo nuper exposito, tamen formaliter non sunt omnino idem, vt dictum est.

XXV.  
Ad fundā.  
in nu. 3. &  
sequent.

## SECTIO IV.

### Quotplex sit voluntarium?

Diximus an, & quid sit voluntarium, consequens est, vt explicemus aliquas diuisiones ex quibus nonnullæ sunt clariiores, quæ ex dictis colligi possunt. Primo enim diuidi potest voluntarium in illud quod obiectiue tantum, seu concomitanter se habet, & in voluntarium actiue, seu causaliter, de quo dictum est sect. 1. Secundo posterius voluntarium subdiuiditur in voluntarium imperatum, seu quod est tale per denominationem ab alio actu, & elicitum, quod per se ipsum est intrinsece voluntarium per denominationem intrinsecam, quod etiam explicatum est supra.

Tertia diuisio est in perfectum, & in imperfectum, quam attigit D. Thomas 1. 2. q. 6. art. 2. de qua plura sect. vltima huius disput. Nunc circa voluntarium imperfectum, [nam perfectum iam satis explicatum est]

I.  
1. Diuisio  
voluntarii.

2. Diuisio.

II.  
3. Diuisio.



est] solum aduerto non satis explicari per ordinem ad appetitum, seu cognitum nem sensitivum, nam etiam in voluntate potest esse voluntarium imperfectum ut constat ex motibus primo primis, qui ex imperfecta aduertentia rationis procedunt: Illud ergo erit voluntarium imperfectum, quod procedit ex imperfecta cognitione obiecti non satis diiudicando, & considerando rationes boni, & mali, quæ in ipso sunt. Vnde fit, ut in hoc imperfecto voluntario possit esse magna latitudo, qualis esse potest in aduertentia imperfecta, tamen in ea diuisione communiter sumitur, ut excludit à voluntario perfectum vsum rationis, qui ad libertatem sufficit, iuxta capacitatem obiecti, quomodo facile explicatur hoc membrum per priuationem alterius membri.

III. Quarto diuidi potest voluntarium in se, & in alio,

4. Diuisione. quæ diuisione confundi solet cum alia diuisione voluntarii in directum, & indirectum: sed nos illas distinguimus claritatis gratia: quod videtur fecisse D. Thomas 1. p. q. 77. art. 7. & q. 3. de malo art. 1. ubi voluntarium in alio vocat voluntarium implicitum, & virtuale: voluntarium ergo in se satis clarum est, tunc enim aliquid dicitur in se voluntarium, quando in se est volitum, ita ut voluntas immediate referatur circa illud. vel per actum proprium, si sit voluntarium directum, vel per carentiam actus, si sit indirectum, ut dicam.

IV. Exponitur  
2. membrum  
predictæ diuisionis.

Circa voluntarium autem in alio est in primis aduertendum interdum vocari voluntatem interpretatiuam, quæ præsumitur futura fuisse in aliquo si aduertisset, aut si rem cognouisset, ut quando per epicheiam fit aliquod contra tenorem legis, dicitur actus ille interpretatiue voluntarius legislatori, quia si hic, & nunc cognouisset circumstantias talis actus, voluisset illum fieri, sed si quis recte consideret, hoc non est proprie voluntarium, nam si quis omnino ignorans casu occidisset inimicum, ita tamen esset dispositus, quod si sciret esse inimicum facilius occideret, non propterea actio illa censetur illi voluntaria, quin potius Aristoteles vocauit illam non voluntariam, & dici etiam potest non inuoluntaria. Vnde hæc interpretatio potius deseruit, ut actio censetur non esse contra voluntatem alterius, v.g. superioris, quam ut censetur esse ab eius voluntate, & ideo dico non esse voluntariam illi, neque inuoluntariam, quod est obseruandum ad ferendum iudicium in rebus moralibus, quæ pendeant ex voluntate alterius, & interdum dici solet sufficere in eis voluntatem interpretatiuam. Sed oportet distinctione uti, nam si ad honestatem actus sufficit, quod non sit alteri inuoluntarius, v.g. quod non sit prohibitus à superiore, tunc satis erit voluntas interpretatiua, si re vera, moraliter loquendo, talis sit: si autem necessaria est positua voluntas, seu positius influxus alterius procedens ex voluntate eius, tunc satis non erit interpretatiua voluntas prædicto modo explicata, quia re vera nulla est, ut dixi, ut in materia de confessio- ne, si à valore actus necessaria est iurisdictio à superiore collata, non sufficit prædicta interpretatio, sed necesse est, ut aliquo modo constet de superioris voluntate. Quo circa hoc voluntarium interpretatiuum non est, de quo in præsentem agimus, quia voluntarium in alio, non solum non est inuoluntarium, sed est vere, ac positue voluntarium, non quidem per actum, qui immediate ad illud, in quo virtualiter, seu moraliter contineri censetur id quod dicitur voluntarium in alio, ut cum quis vult comedere cibum suum salutari contrarium, & gritudo inde contracta dicetur

voluntaria non in se, sed in alio, id est, in appetitu cibi.

Circa hoc autem voluntarium duo inquiri possunt, primum, quid ex parte intellectus sit ad illud necessarium. In quo breuiter dicendum requiritur ut aliquo modo sit cognitum, quia sicut nihil est volitum, quin præcognitum, ita nihil est voluntarium quin aliquo modo cadat sub cognitione operantis. Sed hoc dupliciter potest accipi: primo quod sit directe præuisum. Secundo, quod sit in potestate operantis illud præcogitare, & animaduertere, ac per negligentiam hoc facere omiserit: & vterque modus satis est ad huiusmodi voluntarium, ut ex D. Tho. colligitur 1. 2. quest. 73. art. 8. & quidem in primo modo cognitionis nulla est difficultas, in secundo vero est maxima, quam attingemus in disput. 4. agentes de ignorantia.

Secundo dubitatur in hoc puncto, quid requiratur ad huiusmodi voluntarium ex parte voluntatis: cum enim in huiusmodi voluntario duo sint obiecta, quorum vnum ex alio sequitur, & ideo dicitur voluntarium in illo: videri potest ad huiusmodi voluntarium satis esse, quod illa duo obiecta sint inter se connexa, & quod connexio sit aliquo modo præuisa ut volito vno obiecto censeatur volitum aliud, quod ex illo sequitur, nam si hoc non sufficit ad huiusmodi voluntarium, sequitur culpam peccatoris esse Deo voluntariam hoc ipso, quod vult dare illi concursus suum præuidens infallibiliter peccatum futurum. Sequitur etiam mortem innocentis esse voluntariam militibus comburentibus domum, hoc solo quod voluntarie efficiunt combustionem, ex qua vident futuram esse mortem innocentis.

Propter hæc dici solet præter connexionem rerum, & scientiam ex parte intellectus necessariam esse obligationem vitandi vnum, ne sequatur aliud, sine qua nullum erit voluntarium in alio, atque ita in dictis exemplis illa non sunt voluntaria ex defectu huius obligationis. Aliis vero hoc non placet, quia præceptum cum sit extrinsecum, nihil videtur posse conferre ad voluntarium: quod esse debet ab intrinseco, sed solum ad hoc est necessarium præceptum, ut id quod alioqui voluntarium est imputetur, vel non imputetur ad culpam: actus enim non ideo est voluntarius quia est malus, vel contra præceptum, sed potius è contrario, ut actus sit malus, & contra præceptum proprie prærequirit, ut sit voluntarius: ergo præceptum non causat voluntarium, sed supponit.

Mihi tamen in hac distinctione utendum videtur, duobus n. modis accidere potest, ut posita actione in se voluntaria aliquid sequatur. Primo quod sequatur per se ex vi mex actionis præcise sumptæ. Secundo quod non sequatur per se, neque ex vi illius tantum, sed ex aliis adiunctis: ita tamen, ut hic, & nunc infallibiliter sequatur, & sequendum præuideatur. Exemplum vulgare est, si quis videat alium peccaturum eo quod ipse dat eleemosynam, vel aliquid simile operatur. Primo ergo quando effectus est prioris rationis, ut censeatur voluntarius in alio, sufficit ex parte voluntatis, quod prior actus sit voluntarius directe, & in se nulla habita ratione præcepti. Ita sumo ex D. Thom. 1. 2. q. 37. art. 8. ubi rationem indicat, quia talis effectus per se censetur constituere vnum, & ad eandem speciem pertinere cum sua causa. Et hoc sensu habet verum, quod dici solet, qui vult antecedens, velle etiam consequens sufficienti cognitione supposita. Vnde in huiusmodi voluntario præceptum solum ad hoc conferre

V.  
1. Dubium  
circa proximi-  
me dicta de  
voluntario  
in alio,  
quid exigat  
ex parte in-  
tellectus.

VI.  
2. Dub.  
quid exigat  
ex parte  
voluntatis, ut  
à quibus-  
dam resol-  
uatur.

VII.

VIII.  
Decisio au-  
toris per di-  
stinctionem.



ferre potest, & illud voluntarium sit turpe, vel honestum, nam si effectus, v.g. prohibitus sit, necesse est, ut sit etiam prohibita causa, ex qua per se, & ex præcisa virtute illius sequitur talis effectus, nam cum hæc duo sint inseparabilia physice, multo magis erunt moraliter.

IX. Secundo addendum est quando affectus sequitur tantum posteriori modo, ut censeatur voluntarius in alio, necessariam esse obligationem vitandi vnum ne sequatur aliud, ut in simili dicemus explicando sequentem diuisionem, & hoc confirmant adducta exempla. Et ratio est, quia ut aliquid sit voluntarium, prout nunc de illo agimus, necessarium in primis est, ut sit volitum, & deinde ut sit aliquo modo à voluntate: nihil autem hic inuenitur secluso præcepto. Primum patet, quia aliud est esse permissum, aliud esse volitum, ut constat ex communi sensu omnium, & ex ipsa vocum significatione, nam permissum abstrahit, seu præcendit à voluntario, & inuoluntario, sed in eo casu talis effectus solum est permissus seclusa obligatione, & ideo non imputatur ad culpam etiam si malus sit. Item ille effectus non est volitus in se, ut constat, neque in alio, quia non continetur virtute in illo: ergo nullo modo est volitus: ergo ex hoc capite non est voluntarius, unde neque esse potest à voluntate tanquam à causa, quia voluntas nihil causat nisi volendo, item quia mere per accidens sequitur ex eo, quod voluntas vitat: secus vero est si superaddatur voluntas transgrediens tale præceptum, censeatur etiam causa moralis effectus subsequenti, & ideo illi attribuitur tanquam voluntarie causanti, non enim est causa omnino necessaria, aut naturalis, est ergo voluntaria. Ratio vero reddi potest, quia ratione præcepti illa causa, & effectus ex illa secuti, quamuis physice tantum per accidens connectantur, nec vnum sit causa alterius: tamen moraliter censeantur habere rationem vnius obiecti disconuenientis, seu euita id à voluntate, & ideo voluntas vnius censeatur virtualis voluntas alterius. Item addi potest, quod non existente præcepto, effectus, qui omnino per accidens sequitur, non pertinet ad voluntatem: ratione autem præcepti pertinet ad illam moraliter, quia tenetur vitare illud quoad possit, & ideo si non faciat, censeatur moralis causa illius.

X. Vnde non obstat obiectio *m. 7.* facta quia licet præceptum videatur quid extrinsecum, tamen illo posito sit moralis quædam mutatio in obiecto, ratione cuius est in illo maior connexio moralis, quam esset secluso præcepto, & ita etiam magis pertinet ad operantem: & quamuis prius sit esse voluntarium, quam esse culpabile, non tamen semper est prius, quam esse præceptum, loquendo de voluntario in actu secundo, ut loquimur: nam præceptum supponit quidem quod ille cui imponitur, sit capax voluntariæ operationis. Potest tamen esse ratio, quod aliquid reputetur moraliter voluntarium in actu secundo, quod sine præcepto non reputaretur, quatenus ex præcepto mutatur habitudo moralis obiectorum, tam inter se, quam in ordine ad operantem.

XI. Ex quo intelligitur primo ad hoc voluntarium non satis esse quodcumque præceptum, quod sit veluti extrinsecum, & per accidens ratione talis operationis, sed necessarium est præceptum, quo quis teneatur vitare ne inde sequatur alius effectus, quia huiusmodi præceptum est quod facit prædictam moralem mutationem in obiecto, & non quodlibet aliud: ut si quis teneatur abstinere à cibo ratione præcepti Ecclesiastici, non vero ne sequatur inde, v.g. pollutio nocturna, quamuis transgrediatur præceptum ieiunii, non ideo

censebitur voluntaria talis pollutio, nec tenebitur illam vitare propter vitandum alterum effectum, sed aliunde.

Secundo colligo ex omnibus dictis posse eundem actum esse voluntarium in alio causaliter, & tamen esse in se inuoluntarium obiective, ut si quis actu directo omnino nolit hominem occidere, & tamen velit emittere sagittam non adhibita sufficienti diligentia, ne hominem occidat, tunc enim homicidium si fieri contingat, est in se inuoluntarium formaliter ratione prioris actus, & tamen est voluntarium in alio, & virtualiter, ratione posterioris actus. Et ratio est, quia illi duo actus in se non sunt formaliter contrarii, & alioqui cum voluntas sit libera, quamuis nolit homicidium, potest non applicari actu ad exhibendam diligentiam necessariam ne sequatur homicidium: & ideo dixi illud esse inuoluntarium obiective potius quam causaliter.

Vltimo diuiditur voluntarium in directum, & in indirectum. Directum est illud, in quod directe tendit voluntas per actum suum, & ideo in eo explicando nulla est difficultas. Indirectum vero quodam generali significatione dici solet: omne illud quod moraliter censeatur esse à voluntate, ac si illud expresse vellet, quamuis ipsa non eliciat proprium actum quo illud velit, & in hoc sensu etiam voluntarium in alio, de quo hactenus dictum est, dici potest indirectum, quia voluntas non recta tendit in illud, sed per aliud: nos vero in hac diuisione strictius sumimus voluntarium indirectum, ut sit illud, quod est à voluntate volente, & operante per actum positium, siue id sit immediate, seu virtute, & de hoc indirecto voluntario est specialis difficultas sequenti sect. tractanda.

## S E C T I O V.

*Utum sit aliquod voluntarium indirectum, quod actum voluntatis non requirat; & quid sit ad illud necessarium?*

Hæc quæstio videtur coincidere cum alia, quam D. Thomas attingit 1. 2. quæst. 75. artic. 5. utrum possit esse omisio sine actu: sed quamuis sint similes, non tamen sunt omnino eadem, cum quia hic non agimus de sola ommissione, seu priuatione, sed etiam de effectibus, seu actibus positivis: tum etiam quia omisio, ut ibi sumitur, includit rationem culpæ, hic autem voluntarium abstrahit à culpa: est ergo quæstio diuersa, quamuis ex resolutione præsentis quæstionis pendeat alterius resolutio. Aliqui Theologi, quos sequitur Vazquez 1. 2. disp. 92. cap. 2. opinati sunt non posse aliquid esse voluntarium sine actu positivo voluntatis, quia si hoc voluntarium, de quo agimus, non est in actu primo, sed secundo, non potest esse sine aliquo actu secundo: item si voluntas antea non volebat, sed nunc vult, siue id sit directe, siue indirecte, necesse est esse mutatam, non mutatur autem nisi per actum. Denique ita videtur sentire D. Thomas dicta quæst. 75. art. 5. ubi negat posse esse omisionem sine actu, ubi in eandem sententiam citari solent Alens. Henr. Adrian. Capreol.

Nihilominus dicendum est, per se loquendo, & ex vi voluntarii non repugnare aliquando esse sine actu per solam liberam suspensionem actus, ita D. Thomas 1. 2. quæst. 6. art. 3. & omnes Thomistæ. Almain. tract. 1. moral. cap. 1. Et probatur, quia libertas voluntatis includit potestatem agendi, & non agendi: ergo cognito obiecto, quod ne-

XII.

2. Confectarium.

XIII.  
5. Diuisio.I.  
Exponitur  
quæstio.II.  
Sententia auctoris in hac parte tituli.



cessitatem illi non infert, potest non operari ex vi suæ libertatis: ergo illa carentia actus est in voluntate ex libertate eius: erit ergo voluntaria, tum quia est libera, & liberum supponit voluntarium: tum quia eo modo, quo est, oritur ab intrinseca potentia voluntatis ex cognitione: ad huiusmodi autem suspensionem actus, non requiritur actus, sed satis est carentia influxus: non ergo ad omne voluntarium est necessarius actus. Confirmatur, nam talis suspensio actus si sit contra præceptum, quo quis teneatur velle, vel operari, est culpabilis: ergo est voluntaria, quia voluntarium est de intrinseca ratione culpæ. Nec D. Thomas est sibi contrarius, prædicto enim art. 3. explicuit quid per se & formaliter requiratur ex vi voluntarii, in alio vero loco declarauit quid de facto accidat, moraliter loquendo, in humanis actionibus. Neque rationes dubitandi vrgent, quia huiusmodi voluntarium indirectum non intelligitur per modum actus secundi positiui, sed potius per modum priuationis eius, ad quam sufficere potest aliqua mutatio in operante, quâuis ipsa non sit physice in voluntate, sed tantum moraliter, vt iam explicui.

III.  
Differitur  
2. pars tituli.

Superest enim ulterius inquirendum, quid sit necessarium, vt voluntas aliquid velit hoc modo indirecto. Et in primis conueniunt omnes necessariam esse aliquam cognitionem, seu aduertentiam ex parte intellectus propter rationes factas in præcedenti sect. in 4. diuisione, quod intelligendum est iuxta ibi dicta: atque hinc fit, vt non omnis carentia, seu negatio actus liberi censetur voluntaria, quia non cadit sub cognitionem, nec de illa semper actu cogitamus. Secundo etiam est certum necessarium esse, vt sit in potestate voluntatis, quidquid est indirecte voluntarium, quia quod non est in potestate voluntatis, non est ab illa: non ergo illi attribui potest tanquam volenti, & causanti illud, quæ duo diximus esse de ratione voluntarii prout de illo agimus.

IV. Solum est controuersia, an requiratur etiam præceptum, quo quis teneatur facere, quod voluntarie indirecte omittit. Nam D. Thomas 1. 2. q. 6. hanc conditionem requirit, & Caietan. ibidem, & in quest. 18. art. 9. Probatur, nam si contingat mori proximum ex defectu alimenti, cui ego subuenire possem, sed non obligabar, quia ego indigebam, tunc illa mors non est mihi voluntaria, quia licet possem illam vitare, non teneor, tenebar ergo. Aliud commune exemplum est, quia peccatum non est voluntarium Deo, & si possit impedire illud, & non faciat, solum quia non tenetur: est ergo hæc conditio necessaria. Et ratio esse potest, quia tunc effectus non est directe volutus, neque etiam interpretatiue, & secundum moralem existimationem, alioqui imputaretur volenti: at vero voluntarium indirectum solum esse videtur per quandam moralem interpretationem. Alii non existimant esse præceptum necessarium ad hoc voluntarium indirectum, sic Almain. supra: quia aliud est imputari, vel non imputari ad culpam, aliud vero esse voluntarium: primum pendet ex præcepto, secundum autem minime, tum propter rationes adductas in simili puncto sect. præcedenti, tum etiam, quia, qui potest, & sciens, ac videns, non facit sponte sua omittit, etiam si facere non teneatur: ergo voluntarie. Item libere omittit, quia non ex necessitate: ergo voluntarie, ab inferiori ad superius affirmatiue.

V.

Alii distinctione vtuntur, nam ad liberum indirectum non existimant esse necessarium præceptum, ad voluntarium autem esse: atq; ita ali-

quid esse liberum isto modo, quod non est voluntarium, ira Medina citato loco D. Thomæ, & fundari potest, quia in dicto exemplo, quando non teneor subuenire proximo morienti, mors eius mihi est libera, quia possum illam vitare, & non vitare: non est autem voluntaria, quia non est à me voluta, neque effecta.

In hac re aduertendum est in hoc genere voluntarii indirecti aliquid posse considerari, vt in se voluntarium, aliquid autem, vt voluntarium in alio. Voluntarium quidem in se est illud, quod est immediate in voluntatis potestate, qualis est actus liber elicited, seu potius carentia eius, hæc enim immediate est voluntaria ab ipsa voluntate, in qua ipsa inest immediate, & in cuius potestate existit. Potest etiam dici in se voluntarium hoc modo id quod immediate manat ab hac voluntate tanquam quid imperatum ab illa, vt quâdo quis non vult dare eleemosynam, seu indirecte vult carentiam actus eleemosynæ, ibi enim sunt duo, vnum est carentia, seu suspensio interioris voluntatis, alterum est carentia, seu negatio exterioris actionis: vtrumque ergo voco voluntarium in se, primum immediate per se, seu à voluntate, secundum mediate, seu ratione prioris omissionis, ad quam comparatur, vel tanquam obiectum, vel tanquam actus imperatus ad elicited, vel tanquam effectus per se ad causam voluntariam, nam, vt Aristoteles dixit, sicut affirmatio est causa affirmationis, ita negatio negationis. Vnde sicut in actibus positiuis actus elicited, & imperatus immediate sunt in se voluntarii directe, ille per se ipsum, hic vero per illum, ita in omissionibus oppositis his actibus eadem est proportionalis ratio quoad voluntarium indirecte: voluntarium autem in alio dicitur effectus subsecutus ex tali carentia actus imperati, vel elicited, vt est mors, v. g. vel submersio navis, quæ subsecuta est ex eo quod alius non subuenit, illa enim non est in se voluta etiam indirecte, sed solum quatenus in alio priori volito virtute continetur.

VII.

Dicendum primo. Vt omissio, aut carentia actus elicited sit in se, & per se voluntaria indirecte, non est necessarium præceptum, sed satis est, quod homo sciens, & videns pro sua libertate non eliciat actum. Probatur, quia talis suspensio actus non est omnino necessaria: nec coacta, neque ab extrinseco, ergo eo modo quo est ab intrinseco ex cognitione, est voluntaria, nam quod est à voluntate cum cognitione, id vocatur voluntarium: illa autem carentia actus eo modo, quo habet esse, est à voluntate directa per rationem iudicantem in eo actu, vel obiecto esse aliquid mali, vel saltem nihil esse, propter quod ex necessitate sit appetendum. Tandem, nam tunc homo omittit actum non quia cogitur, nec quia non potest: ergo quia vult saltem indirecte. Præterea hic vrget illud argumentum quod adiuncto præcepto talis ommissio imputaretur ad culpam, sed tunc præceptum non causaret voluntarium, quia non causat aliquam connexionem inter illam suspensionem actus, & voluntatem, sed solum facit esse prohibitam illam actus suspensionem: ergo secluso præcepto illa esset per se voluntaria, quia voluntarium non consistit in hoc quod sit contra, vel iuxta præceptum, sed in hoc quod sit à voluntate media cognitione. Vnde confirmatur, nam per actum positiuum certum est illam suspensionem posse esse directe voluntariam absque præcepto, vel in se, vt si quis directe vellet hodie non audire Missam, vel in alio, vt si quis hodie velit studere tempore quo posset audire sacrum, etiam cum sufficienti aduertentia: ergo eadem ratione potest esse indirecte voluntaria, etiam si non



non adit praeceptum. Vide D. Thomam 1.2. q. 71. art. 5. ad 2. & in 2. d. 35. art. 3. ad 5. ubi agens de hac suspensione actus dicit esse voluntariam, quia est in potestate voluntatis, & de praecepto nihil dicit.

VIII.  
2. Pronuntiatum.

Dicendum secundo omissionem actus imperati, quae immediate per se sequitur ex omissione actus eliciti, etiam esse voluntariam indirecte absque praecepto. Hæc conclusio sequitur ex precedenti, nam sicuti actus imperatus denominatur voluntarius ab elicitio, ex quo immediate sequitur ita carentia actus eliciti: ergo si hæc est voluntaria, etiam illa. Item hæc carentia est à voluntate, ex regula illa Arist. quod sicut affirmatio &c. ergo est aliquo modo volita, & causata per se, & vi suspensionis inferioris actus: ergo est voluntaria. Tandem hic possunt applicari omnes rationes factæ in priori conclusione.

IX.  
3. Pronuntiatum.

Dicendum tertio, quod quidquid per se ac simpliciter sequitur ex vi prioris omissionis actus eliciti, & imperati, est etiam voluntarium indirecte in alio, etiam si praeceptum non interueniat. Probatur ex dictis præcedente sect. in 4. diuisione. Quia qui vult causam, vult etiam virtualiter effectum, qui ex vi illius per se, ac necessario sequitur, non ratione præcepti, sed ratione virtualis continentis vnius in alio: ergo qui vult indirecte causam, vult etiam indirecte effectum in illa virtualiter contentum prædicto modo, nam ille effectus redundat in voluntatem causantem, & volentem per se illius effectum: ergo est voluntarius, saltem indirecte, & in alio. Denique quoad hæc eadem est ratio de voluntario directo, & indirecto.

X.  
4. Pronuntiatum.

Vnde quarto addendum est, si effectus sequatur per accidens ex omissione, seu carentia actus voluntatis, illum non esse voluntarium, nisi praeceptum interueniat. Hoc constat ex dictis in illa 4. diuisione, nam quoad hoc eadem est ratio de voluntario in alio per actum positium, vel per carentiam actus, quia talis effectus per accidens non est à voluntate, vt à causa physica, cum per accidens sequatur. In quo differt multum ab ipsa omissione, seu carentia actus, nam illa per se est à voluntate libera, eo modo quo habet esse: neque etiam talis effectus est à voluntate, vt à causa moralis, si ad illam non pertineat vitare, seu impedire illum effectum. Et hoc etiam probant exempla adducta in 4. in priori sententia: at vero quando interuenit praeceptum, iam effectus prohibitus pertinet ad voluntatē, vt ad causam moralem, & censetur moraliter vnum quid cum ipsa omissione, & ideo si omisio est voluntaria, in illa est etiam voluntarius effectus inde sequutus, vnde fit, in vniuersum loquendo, nullum effectum positium esse hoc modo indirecte voluntarium, nisi intercedat praeceptum, quia effectus positius nunquam per se sequitur ex carentia actus, quia causa priuatiua, vt sic, non potest per se influere in effectum positium. Exemplum est in gubernatore nauis, qui non subuenit existentibus in periculo submersionis, nam illa submersio est effectus positius, qui per accidens sequitur ex negatione auxilii alterius, & ideo si ille teneatur succurrere, & non faciat, illa submersio est illi prædicto modo voluntaria, si autem non est voluntaria, non est volita, sed permixta: secus vero est de effectui priuatiuo, nam vna priuatio per se potest sequi ex alia.

XI.  
Instantia contra nunc dicta.

Dices, ergo in prædicto casu, & quodcumque homo non subueniat homini existenti in periculo mortis, vel certe si quis non comedat, ita vt se mori permittat, in his casibus mors erit voluntaria, quia est priuatio quædam, quæ ex alia

priuatioue voluntaria sequitur. Respondetur negando consequentiam nisi interueniat obligatio, quia quamuis mors sit priuatio, non est necesse vt per se sequatur ex quacumque alia priuatione eo vel maxime, quia nunquam sequitur immediate ex negatione auxilii, sed mediante aliqua actione physica, & positiua, vel aquæ suffocantis, vel caloris, aut alterius agentis alterantis corpus, quæ actio positiua non sequitur per se ex priori omissione.

Vltimo dicendum, in hac re idem esse de libero, & de voluntario, nullum enim est liberum indirectum, quod non sit etiam voluntarium, neque etiam est contrario. Prior pars ratione supra facta conuinci potest, nam quod est liberum, eo modo quo est, necessario esse debet à libero arbitrio: sed liberum arbitrium essentialiter est voluntas: ergo esse debet à voluntate: ergo oportet, vt sit voluntarium. Deinde probatur facta inductione explicando rem ipsam, cum omisio, seu carentia actus liberi, sicut est libera, ita etiam est voluntaria, vt ostensum est, ideo enim est libera, quia est in potestate voluntatis potentis facere actum, & non facere, quæ humano modo, & cum sufficiens cognitione illum impedit, sed hoc ipsum satis est ad voluntarium indirectum, vt dixi: Si vero sit sermo de effectu, iam etiam ostendi quando per se sequitur, vel etiam per accidens interueniente præcepto, illum esse voluntarium, sicut etiam est liber: at vero quando est effectus per accidens, & non interuenit praeceptum, tunc non magis potest dici effectus liber, quam voluntarius: interrogo enim, si dicatur liber ille effectus, quid illa voce significetur: aut enim quod sit libere permixtus, & hoc modo dicetur etiam voluntarius, quia etiam est voluntarie permixtus: aut significatur, quod est libere factus: vel volitus, & hoc est falsum, quia neque est factus, nec volitus, vt dixi, à tali voluntate: ergo. Vnde explicatur aliter, quia duobus modis potest dici effectus mihi liber in actu primo, qui tantum significat aptitudinem, seu potestatem: scilicet vel ex parte obiecti, quatenus est diligibile, siue factibile à libero arbitrio: vel ex parte voluntatis, quæ potest illud velle, & nolle. Atque si hoc modo dicatur ille effectus liber, est extra rem, quia agimus de libero in actu secundo: & præterea illo modo etiam potest dici voluntarius ille effectus aptitudine, seu in actu primo. Alio modo dicitur effectus liber in actu secundo, & ad hoc necesse est, vt sit à voluntate libera actualiter, & sic non potest dici liber, sicut nec voluntarius, quia reuera non est à voluntate: nullum ergo est liberum indirectum, quod non sit voluntarium.

Atque in præsentis fit etiam conuersio, vt in posteriori parte conclusionis dixi, quod nullum sit voluntarium indirectum, quod non sit etiam liberum. Et ratio est, quia hoc liberum indirectum immediate fundatur in potestate, quam habet voluntas ad suspendendum actum suum positus requisitis ad agendum: fundatur ergo in voluntate: imo hoc voluntarium est quoddam actualiter exercitium libertatis, & ideo fieri non potest quin sit etiam liberum. Vnde hæc est differentia inter positiuam actionem, & suspensionem actionis ab intrinseco, quod illa esse potest, & à causa indifferente, & à causa determinata ad vnum: hæc vero tantum esse potest à causa indifferente. Ad argumenta aliarum opinionum in 4. & 5. satis est responsum ex dictis. D. Thomas autem explicandus est iuxta quartum pronuntiatum, quando enim requirit praeceptum ad hoc voluntarium indirectum, non loquitur de carentia actus, sed de positio effectui, qui ex illa sequitur.

## XII.

5. Pronuntiatum bipartitum:

## XIII.

Posterior pars pronuntiatum.



## S E C T I O VI.

## In quibus rebus inueniatur voluntarium.

**I** Cur sola causa materialis, & efficiens voluntarii nunc tractentur.

**E**xplicata ratione voluntarii, & variis modis eius, sequebatur dicendum de causis, effectibus, & proprietatibus voluntarii. Sed de hac potestrema parte tractat D. Thomas 1.2. q.7. de effectibus autem nullum fecit specialem sermonem, nam fere ea omnia, quæ de actibus humanis dicenda sunt, pertinent ad effectus voluntarii, & liberi: inter causas vero formales nulla est diuersa ab ipsa ratione voluntarii, præsertim cum actus voluntarius ipse sit forma, & actus ultimus: finalis vero causa satis est explicata in principio huius materie tract. 1. disp. 2. ubi ostendimus actus humanos, seu voluntarios esse propter finem. Et hac ratione diximus etiam in superioribus, voluntarium oriri ex cognitione, quia finis non mouet nisi cognitus. Dicendum ergo est de causa materiali, seu subiectiua, cū qua fere coincidit causa efficiens, quia voluntarium cum per se primo reperitur in actu vitali, & immanenti, ab eodem fit, in quo subiectatur.

**II.** In quibus suppositis subiectetur voluntarii.

**De perfecto.** Possimus autem triplex subiectum voluntarii distinguere, vnum remotum, quod est suppositum, aliud propinquius, quod est potētia, aliud proximum, & immediatum, quod est ipse actus. De primo supposita distinctione voluntarii in perfectum, & imperfectum, dicendum breuiter, voluntarium perfectum in solis rationabilibus creaturis reperiri, quia in solis illis est perfecta cognitio, ex qua sequitur voluntarium perfectum, nā sola ratio cognoscit in obiecto diligibili propriam rationem, propter quam potest appeti, vel non appeti. Voluntarium autem imperfectum reperitur in omnibus quæ viuunt vita saltem sensitua, non autem in reliquis, quæ cognitione carent: vtrumque facile constat nam voluntarium, vt dixi, sequitur cognitionem: non ergo potest esse in rebus, quæ cognitione carent, sed est in eis appetitus innatus, & motus naturalis. At vero quæ participant cognitionem, saltem sensituiam, possunt proprio appetitu à se elicitio ferri in res cognitās, & ex illo appetitu moueri, atque ita aliquo modo voluntarie operari. Ex quibus colligitur, ex diuisionibus voluntarii positis sect. 4. duas primas habere locum in vtroque voluntario, perfecto, & imperfecto, atque adeo omnia illa membra etiam in brutis suo modo inueniri, nam in eis esse potest voluntarium obiectiuum, & causale, & voluntarium intrinsece, & per extrinsecam denominationem, duæ autem diuisiones sequentes solum voluntario perfecto attribui possunt, vnde omnia illa membra solum in rationalibus reperiuntur, nam in solis illis solum esse potest voluntarium indirectum, nam hoc, vt dixi, libertatem requirit: libertas autem non est sine ratione: voluntarium etiam in alio supponit potestatem cognoscendi quomodo possit vnum ex alio sequi, vel in alio contineri: quam rerum comparisonem sola ratio efficere potest, & ideo hi duo modi voluntarii, sunt omnino proprii personæ rationales.

**III.** In qua potētia subiectetur voluntarium.

De secundo, seu proprio subiecto nihil fere occurrit dicendum nam constat ex dictis appetitum vitæ esse huiusmodi subiectum voluntarii, appetitum quidem rationalem voluntarii perfecti, appetitum autem sensituum, vel rationalem, etiam imperfecto modo operantem, voluntarii imperfecti: nam licet actiones aliarum facultatum denominentur voluntariæ, tamen hæc de-

nominatione prouenit ab actu proprio, & elicitio ab appetitu vitali, & ideo ipsum voluntarium proprium in illo subiectatur, non in aliis facultatibus, quæ motioni illius subduntur.

**IV.** In quo actu subiectetur.

Ex quibus constat quid sit dicendum de tertio puncto, nam sicut solus actus elicitus à voluntate, vel appetitu, est per se intrinsece voluntarius, ita ratio voluntarii in solo huiusmodi actu proprie, & immediatè inest: Atque hinc etiam sit omnem huiusmodi actum posse esse capacem huiusmodi voluntarii. Solum est aduertenda differentia inter actus appetitus, & voluntatis, nam in appetitu omnes actus sunt, vt ita dicam, quædam simplices tendentiæ in obiecta, ita vt vnus non oriatur propriè ex intentione obiecti alterius, sed ex simplici obiecti propositione: vnde sit, vt omnes quantum est ex parte appetitus, sint æquè voluntarii, si cætera sint paria. At verò in voluntate est quædam origo vnus actus ab alio in quantum voluntas ex intentione finis eligit media, & hinc fit, vt intentio sit perfectius voluntaria, quàm electio, quia propter quod vnumquodque tale, & illud magis, intentio autem finis est per se voluntaria, electio vero medii, propter intentionem finis: ergo hæc intentio est perfectiori modo voluntaria, sicut finis ipse est magis appetibilis quàm medium, quia est per se appetibilis, medium autem propter ipsum. Secus tamen esse videtur in ratione liberi, in qua videntur se mutuo separari hi duo actus sub diuersis rationibus: electio autè cōmuniter existimatur magis libera, quàm intentio: nam intentio finis immediate oritur ex appetitu naturali voluntatis ad bonum: electio autem oritur ex proprio appetitu ab ipso operante concepto, & ideo, vt infra videbimus, dici solet voluntas se ipsam mouere in electione mediorum: in intentione autem finis, moueri ab autore naturæ, & ideo etiam dixit Aristoteles. Ethic. c. 4. consultationem propriè esse de mediis, non de fine. Ex consultatione verò oriri videtur maximus vsus libertatis, vnde quanto plura media, magisque similia, vel æqualia per consultationem inueniuntur, tanto maior libertas in electione reperitur. Aliunde verò habet intentio aliquid maioris libertatis, in quantum ipsa immediatè oritur ex libera voluntate: electio autem habet quandam necessitatem ab intentione, nam illa stante, necesse est electionem fieri, vel vnus medii determinate, si illud tantum inueniatur, vel saltem alicuius medii proportionati, si plura sunt.

Intentio præstat electioni in ratione voluntarii.

In ratione tamen liberi se mutuo superant.

## DISPUTATIO III.

## De inuoluntario violento, &amp; coacto.



Propositorum cognitio ad eandem doctrinam pertinet, & alterius notitia ad alterum perfectius cognoscendum conducit, & ideo post declaratum voluntarium dicendum consequenter est, de inuoluntario illi opposito, nam illius scientia multum ad res morales necessaria est, de quo eadem fere tractanda occurrunt, quæ de voluntario, & quoniam fere nunquam inuoluntarium reperitur sine aliqua vi, vel coactione, ideo hæc erunt explicanda simul.



## S E C T I O I.

*Quid sit inuoluntarium simpliciter, & quomodo se habeat ad coactum, & violentum.*

**I.** In hac quaestione præcipue explicanda est ratio, & propria significatio harum vocum, & quomodo eis uti debeamus, ne in æquiūoco laboremus. Circa *inuoluntarium* igitur aduertendū est tribus modis dici posse, sc. negatiue, priuatiue, & contrarie. Primo modo *inuoluntarium* dicitur tantum negationem voluntarii, quæ significatio est valde impropria & inusitata: sic enim *inuoluntarium* tribui poterit rebus inanimatis, & actionibus naturalibus, quæ à voluntate neque eliciuntur, neque imperantur, quod tamen nō est in usu. *Inuoluntarium priuatiue* dicitur etiam negationem voluntarii, tamen in subiecto capaci oppositi voluntarii, quomodo ad *inuoluntarium* non requiritur quod sit contra posituum impetum, seu appetitum voluntatis, sed satis est, quod nō sit ex voluntario consensu, quem ipsa voluntas posset habere, & hoc etiam nisi aliquid aliud addatur, non est proprie *inuoluntarium*, ut sumitur ex Arist. *Ethicor. cap. 1.* Proprie igitur *inuoluntarium* sumitur contrarie, & est illud quod est contra posituum actum, seu appetitum elicited voluntatis, ut satis patet ex ipsa nominis significatione.

**II.** Quæri potest qualifnam debeat esse actus voluntatis cui hoc *inuoluntarium* opponitur, ut proprie, ac contrarie tale sit. Et est ratio dubii, quia duplex potest esse huiusmodi actus voluntatis, vnus absolutus, qui explicatur hac voce, *nolo*; alius conditionatus, seu secundum quid, qui explicatur hac voce *nollem*: non videtur autem necessarius prior actus, nam vel homo potest impedire in quod voluntarie patitur, vel non potest: si potest & absolute, & efficaciter actu non vult id pati, re vera impedit, & consequenter non erit aliquid *inuoluntarium* in ipso: si autem non potest impedire, nō poterit habere actum absolutum, quo illud nolit, nam huiusmodi actus non est nisi de obiecto hic, & nunc indicato possibili, ut qui ducitur ad violentam mortem, quam hic, & nunc indicat inuitabilem, non potest habere hunc actum nolo mori, sed simplicem affectum nollem mori, & tamen inuoluntarie moritur. In contrarium est, quia si hic simplex affectus sufficit, dicendum erit multa fieri Deo inuoluntaria, proprie, & contrarie, quia multa fiunt, quæ per simplicem affectum, seu antecedentem voluntatem nollet fieri, mors etiam Christi dicenda esset inuoluntaria: ac denique dicendum esset voluntatem posse cogi ad volendum inuoluntarie, quia potest necessitari ad volendum, nolens per alium simplicem affectum, seu nolentiam.

**III.** Respondetur ad *inuoluntarium simpliciter* necessarium esse, ut sit contra posituum affectum de se efficacem ad impediendum contrarium motum, quantum est ex parte operantis. Hoc probant in primis adducta inconuenientia posteriori loco, & ex ipsa nominis significatione demonstratur. Nam illud est *inuoluntarium simpliciter*, quod est contra voluntarium simpliciter: ergo ut sit hoc modo *inuoluntarium*, necessarium est, ut sit contra talem impetum, & affectum voluntatis, cum quo simul esse non possit *voluntarium simpliciter*: sed ad hoc non sufficit quilibet simplex affectus, seu nolentia, quia cum hoc a-

*Suarez in primam secundæ D. Thom.*

ctu esse potest contraria voluntas absoluta, & efficax: ergo ille simplex affectus non sufficit ad *inuoluntarium simpliciter*, requiritur ergo actus aliquo modo efficax:

Neque contra hoc obstat obiectio facta, quia circa ea quæ non sunt impossibilia ex se, & simpliciter, sed solum hic, & nunc ex circumstantiis, potest esse voluntas efficax, quantum est ex parte operantis, quia licet non possit esse actus qui de facto moueat ad opus, verbi gratia, ad resistendum, vel impediendum effectum inuoluntarium, qui actus explicatur illa voce, *nolo*, tamē potest esse actus, qui re vera procedit ex toto affectu, & impetu voluntatis, quæ ita est disposita, ut ex vi illius actus sit parata ad faciendum quidquid potest, ut impediat illum effectum. Vnde si aliquid occurrit possibile, statim requiritur illud ex vi talis effectus: quod si de facto per illud nihil operatur, non est ex inefficacia appetitus, sed quia nihil offertur ut possibile: & ideo dixi hunc affectum debere esse efficacem quantum est ex parte operantis: non est autem huiusmodi simplex affectus: cum quo stat voluntas contraria, ut fuit in Christo, & in Martyribus voluntarie morientibus. Dixi autem hoc esse necessarium ad *inuoluntarium simpliciter*, quia ea quæ sunt contra simplicem affectum, si alioqui sunt ex consensu absoluto voluntatis, possunt dici inuoluntaria secundum quid, ut postea videbimus.

Ex his sequitur primo quomodo se habeant *inuoluntarium*, ac *violentum*. est enim *violentum*, teste Arist. 3. *Ethic. cap. 1.* quod est *ab extrinseco passio non conferente vim*, nam quod est ab intrinseco, vel est naturale, quia oritur ex principiis intrinsecis naturæ, vel oportet sit spontaneum ex propria voluntate ortum, & ita non erit *violentum*: est ergo de ratione *violenti* ut sit ab extrinseco principio, non tamen satis est id, nam si passio extrinsecus proueniens sit consentanea appetitui naturali passiuo, ut est, v. g. generatio respectu materiæ primæ, non poterit dici violenta, sed naturalis potius, & ideo addit Arist. aliam particulam *passio non conferente vim*, id est, neque cooperante, neque consentiente neque per appetitum elicited neque per naturalem. Quin potius non satis est, ut non consentiat, quia violentia non solum dicit negationem, sed contrarietatem. Vnde etiam si in passio non sit appetitus ad recipiendam formam, seu motum, dummodo neque etiam sit appetitus positius contrarius, non poterit dici actio violenta, sed neutra, sicut est motus ignis circularis in propria sphaera, & multi idem dicunt in motu cœli respectu particularis naturæ eius, & ideo recte Scotus in 4. d. 29. particulam illam *passio non conferente vim*, explicandam censet contrariæ, id est, resistente, & sic etiam exponendus est Aristot. 5. de generat. animal. capite octauo, cum dicit *violentum esse præter naturam*, id est, contra naturam, ut idem Aristotel. dixit section. 1. probl. quaestione sexta, & libr. 2. *Ethicor.*

Imo addunt aliqui ad *violentum* necessarium esse, ut sit contra appetitum actiuum, id est, fundatum in actiua potentia. Sed hoc neque in Aristotele, neque in ratione habet fundamentum, nam etiam principium passiuum est pars integræ naturæ: ergo quæ sunt contra appetitum passiuum, sunt vere contra naturam, seu contra appetitum naturæ: ergo erunt violenta, quia neque sunt naturalia, neque neutra. Item hæc, & ab extrinseco proueniunt, & in eis passum non confert vim, sed potius in eis quoad potest resistit: Denique nulla potest reddi ratio quare vis illata appetitui passiuo nō

M

sit

IV.

V.

VI.



fit vera violentia, nam si potentia passiva naturalis sufficit, ut motus sit naturalis, cur non sufficiet contraria repugnantia, ut sit violentus? Atque hoc satis colligitur ex Diuo Thoma prima secunda questione sexta, articulo quarto ad secundum, & articulo quinto ad secundum. Addendum est autem, sicut de inuoluntario diximus debere esse contra appetitum elicitem de se efficacem, ita ad violentum simpliciter necessarium esse, ut sit vel omnino contra appetitum naturalem, vel contra elicitem efficacem, seu principium. Vnde si contingat actionem aliquam, vel mutationem esse consentaneam alicui appetitui naturæ, & repugnantem alteri, sicut motus progressiuus, ubi gratia qui ex parte repugnat corpori, ut graue est, tamen est consentaneus illi ut animale est, tunc in huiusmodi casu mutatio non erit violenta, nisi sit simpliciter ab extrinseco, quod non contingit in prædicto exemplo, & in errore intellectus, vel similibus, & tunc necessarium est, ut sit contra potissimam inclinationem naturæ, ut corruptio ex parte materiæ dici potest naturalis, tamen respectu suppositi dicitur simpliciter violenta, quia est contra potissimam inclinationem eius peruenientem ex parte formæ, & sic de aliis. Atque hæc de violento.

## VII.

Collatio  
violenti cum  
inuoluntario

Ex quibus licet colligere, iuxta mentem Aristotelis, & communem usum huius vocis, violentum latius patere, quam inuoluntarium: nam est commune uiuentibus, & non uiuentibus: inuoluntarium autem solum in rebus cognoscentibus reperitur. Licet vero hæc sit propria significatio vocis, claritatis tamen gratia utemur distinguendo illam ab inuoluntario, ita ut inuoluntarium, tantum dicatur id, quod est contra appetitum elicitem, violentum vero quod est contra innatum, siquidem illud primum non statim inferitur ex hoc secundo: nam ex potestate, & amplitudine voluntatis fieri potest, ut quæ sunt innaturalia, sint voluntaria, & è contrario, ut aliqua sint inuoluntaria, quæ non repugnant appetitui naturæ, sed potius sunt illi consentanea, & fortasse aliunde etiam accidere potest ex parte obiecti, ut inuoluntarium latius pateat, quam violentum, ut ex sequentibus constabit. Aduertendum tamen est ex Durando in quarto distinctione quadragesima, questione tertia, & in secundo, distinctione vigesima quinta, questione tertia. hæc omnia intelligenda esse de violentia efficaci, & absoluta, quæ infert suum effectum nullo spectato consensu patientis, est enim illa violentia inefficax, quæ fit per minas, tormenta, & dolores illatos ad extorquendum consensum, quæ in iure dicitur vis quædam, tamen hæc non est proprie violenta, sed ad metum reducitur, de quo postea in disputat. sequent. dicturi sumus, atque hoc ipsum obseruandum est in his, quæ dicemus de coactione.

## VIII.

Differitur  
2 pars tituli.

Secundo principaliter sequitur ex dictis, quid sit coactum, & quomodo ad inuoluntarium, & violentum comparetur, sæpe enim pro eodem sumitur, quod violentum, ut colligitur ex Aristotele 3. Ethic. cap. 1. & libr. 2. ad Eud. & D. Thoma in citatis articulis. Tamen, ut notauit Durand. in secundo d. 25. quest. 4. contractius sumitur interdum, nam inanimata non dicuntur proprie cogi, sed violentiam pati: unde coactio in rigore videtur esse vis illata contra internum appetitum elicitem, quod colligi potest ex ipsa etymologia vocis, dicitur enim coactum quasi contra actum, seu contra actionem, & appetitum elicitem ab ipso patiente: sicigitur coactum ferre coincidit cum inuoluntario, unde ad illud nec-

cessarium erit, ut sit contra appetitum simpliciter, non dicitur autem quis simpliciter appetere, nisi quod de se efficaciter appetit, & ideo quando quis proiciet merces in mare, ut naufragium effugiat, non dicitur proprie, ac simpliciter cogi, quia licet habeat aliquam repugnantiam in voluntate, tamen non est contra efficacem voluntatem, quam hic, & nunc habet nimirum saluandi vitam illo medio, cum non possit alio. Atque hac etiam ratione non dicentur esse coacta, quæ sunt per se ac simpliciter impossibilia, quamuis contingat esse contra aliquem simplicem affectum, ut non dicatur homo proprie cogi ad non volandum, etiam si doleat, quod caret illa potestate naturali volandi, vel si apperat simplici affectu volare, quia ille affectus nullo modo est efficax, nec de se operatiuus, atque hoc modo coactum coincidit cum inuoluntario. Vtrum vero ex parte obiecti aliquæ res possint denominari inuoluntariæ, quæ non possint dici proprie coactæ, fortasse est questio de nomine, de qua sequenti sectione.

Atque hinc obiter constat, quod Aristoteles supra tetigit, quid dicatur molestum, hoc enim solum proprie tribuitur rebus cognoscentibus, & simillimum videtur coacto, tamen molestum proprie dicitur quatenus infert aliquem dolorem, vel tristitiam. Præterea constat ex dictis quid sit necessarium, nam ex vi nominis tantum significat determinationem ad vnum absque indifferentia ad oppositum, & hoc modo reperiri potest necessitas in motu violento, & coacto, & in naturali, & voluntario: nam potest esse necessitas ab intrinseco, & ab extrinseco: & ad illam potest passum interdum conferre vim, interdum non conferre. Notat autem Diu. Thomas questione vigesima secunda de veritate, articulo quinto. ex Augustino quinto de Ciuitat. capite decimo, aliam esse necessitatem naturalis inclinationis, & hæc est, quæ non repugnat voluntario: aliam vero esse necessitatem coactionis, quæ voluntario repugnat.

Vltimo principaliter possumus ex dictis colligere, quod duplex sit inuoluntarium. Potest enim aliquis querere, vtrum omnes diuisiones, quæ de voluntario supra disputatione prima, sectione quarta, datæ sunt, possint seruata proportionem, inuoluntario accommodari. Et quidem diuisio illa voluntarii in perfectum, & imperfectum, attribui etiam potest inuoluntario, nam opposita versantur circa idem: sicut ergo potest esse voluntarium in voluntate, & in appetitu, ita etiam, & inuoluntarium: erit ergo vnum perfectum, & alterum imperfectum, nam est eadem proportionalis ratio.

At vero diuisio inuoluntarium causale, & obiectiuum, non habet locum in inuoluntario, quia nullo est inuoluntarium causale, sed tantum obiectiuum. Et ratio est in promptu, quia voluntarium, in causale, ut sic, est, vel esse potest ab intrinseco, coactum vero, seu inuoluntarium est ab intrinseco, & ideo non potest oriri ex intrinseco appetitu: non potest ergo dici inuoluntarium, quia ab appetitu causetur, sed solum quia appetitus illud detestatur, seu non vult, quod est esse tantum obiectiue inuoluntarium. Confirmatur, quia voluntas non operatur per nolitionem, ut nolitio est, nam si nolitio interdum est principium operationis, illud est in quantum includit volitionem alicuius obiecti, ut supra dictum est, atque hac ratione ipsa, ut sic, est voluntaria per se ipsam, & quidquid ab illa procedit, est voluntarium ratione illius, inuoluntarium autem est obiectum nolitionis, ut nolitio est: ergo non est à voluntate, ut à principio:

IX.  
Quid sit  
molestum.

Quid necessarium.

## X.

1. Diuisio  
voluntarii.

## XI.

2. Diuisio  
voluntarii  
in causale,  
& obiectiuum  
non accom-  
modatur in  
voluntario.



pio: nihil ergo est *inuoluntarium*, nisi obiectiue tantum.

XII. Neque habet locum diuisio in per se, & per aliud. Atque hinc fit tertia diuisio voluntarii in voluntarium per se, & per aliud, seu intrinsece, vel per extrinsecam denominationem, non habere locum in inuoluntario: nihil enim est inuoluntarium per se ipsum, & intrinsece, sed solum per extrinsecam denominationem ab actu nolitionis, qui est in voluntate, quia nihil est intrinsece voluntarium, nisi quod immediate elicitur ab appetitu, seu voluntate: nolitio autem ipsa, quæ à voluntate elicitur, non est inuoluntaria, sed voluntaria potius, ut dixi, & per se patet, quia est libera, & à principio intrinseco: nihil ergo relinquitur, quod per se ipsum possit esse intrinsece inuoluntarium. Item quia num. precedenti, dictum est nihil esse inuoluntarium, nisi obiectiue tantum: ergo solum per denominationem ab actu obiectiue, non autem per modum actus: nam omnis actus, de quo hic est sermo, est causaliter ab appetitu.

XIII. Habet tamen inuoluntario, nam quod datur inuoluntarium in se, per se notum est, huiusmodi enim est illud quod immediate, & directe fugit voluntas per nolitionem suam. Nisi quis forte dicat voluntatem nihil fugere, nisi quatenus aliquid aliud vult, fugit enim formam appetendo priuationem eius, vel formam contrariam, & ita videtur nil fugere directe & in se, sed tantum in alio, scilicet in eo quod voluntas vult. Sed hoc parum refert, & videtur pertinere ad loquendi modum, nam sicut idem actus est volitio, & nolitio respectu diuersorum, ita totum obiectum eius censetur vnum, & ita censetur etiam voluntas directe, & in se, vel refutare, vel amare, id quod in illo obiecto continetur seruata proportionem ad dictum ipsius. Proprie ergo dicitur inuoluntarium in alio, quando effectus continetur in causa inuoluntaria, vel è conuerso, sicut de voluntario in sect. illa 4. disputat. prima dictum est. Sed est in hoc differentia, nam ad huiusmodi inuoluntarium, non satis est, quod causa sit per se, & sufficiens, sed oportet, ut sit etiam necessaria, quia si effectus potest sequi ex variis causis per se, & sufficientibus, quamuis aliquis nolit aliquam illarum, non sequitur nolle effectum, quia posset illum velle ob aliam causam, quod secus est in hoc voluntario. Et ratio est clara, quia ad ponendum effectum sufficit ponere vnam causam per se sufficientem, ad tollendum vero id satis non est, sed oportet omnem similem causam auferre. Vnde consequenter fit multo minus reperiri effectum inuoluntarium in causa per accidens, siue interueniat præceptum, siue non, in nolitione enim talis conditionis dicitur inuoluntarius talis effectus propter eandem rationem: intelligendum est autem talem effectum esse inuoluntarium prout esse potest ab ipso, qui non vult causam, vel conditionem necessariam adhibere, nam cum hoc fiat quod possit esse voluntarius obiectiue, prout est ab alia causa.

XIV. Tandem quod attinet ad quintam diuisionem, & ex dictis, & per se notum est posse dari directum inuoluntarium, indirectum vero dari non potest eo modo quo de voluntario explicatum est scilicet per negationem actus, nam hoc ipso quod tollatur omnis actus, poterit quidem res esse non voluntaria, non tamen inuoluntaria contrarie, nam de huius ratione est ut repugnet positio appetitui voluntatis, sicut supra numer. 5. dicebamus ad violentum non satis esse carentiam appetitus, sed necessarium esse positium

Suarez in primam secundæ D. Thom.

appetitum naturalem repugnantem. Potest autem ex Aristotele 3. Ethic. capite secundo colligi quidam modus inuoluntarii indirecti, qui potius pertinet ad inuoluntarium interpretatiuum, & reduci potest ad inuoluntarium in alio, sed illud proprie non reperitur, nisi interueniente ignorantia, & ideo illud melius explicabimus in disputatione quarta.

## SECTIO II.

### Quæ res possint esse, seu denominari violentæ.

In hac quaestione sermo est de violento strictè, ut distinguitur à coacto, seu inuoluntario, & non inquirimus subiectum, seu suppositum, cui potest violentia inferri, iam enim dictum est omnes res creatas, quæ habent appetitum naturalem, posse pati violentiam, quatenus pati possunt aliquid tali appetitui repugnans, sed inquirimus formam, seu mutationem, in qua potest ipsa violentia inferri, quæ sit quasi obiectum appetitui repugnans: constat autem ex definitione Aristotelis, in omni violentia interuenire passum, & agens extrinsecum, vnde necesse est inueniri etiam actionem, passionem, & terminum. De agente autem nulla est quaestio, nam constat agens non pati violentiam, sed inferre potius: subiectum autem quod substat passioni, ipsum per se non potest sibi esse violentum, quia ut sic, nihil ab extrinseco patitur. In quo differt violentum à naturali, quia per solam rationis comparisonem, seu distinctionem, potest dici aliquid esse naturale alicui, ut est naturale Deo esse bonum, & communicatiuum sui, & potentia materię dicitur ei naturalis, & similiter animæ aptitudo ad informandum, quia cum naturale sit intrinsecum, non requirit distinctionem ex natura rei: violentum vero cum sit ab extrinseco, semper requirit distinctionem ab eo cui est violentum: superest ergo, ut de tribus aliis capitibus dicamus, sub quibus complectimur negationes, & priuationes eorum.

Circa actionem certum est posse esse violentam passum, quia est illi ab extrinseco, & potest repugnare appetitui eius. Difficultas ergo est an possit esse interdum violenta agenti, ut agens est. Videtur esse posse, nam interdum agens, præsertim, quod est veluti principium vniuersale, potest agere aliquid repugnans potissimæ inclinationi eius, ut intellectus efficit errorem, qui repugnat inclinationi ad verum, quæ in ipso est maxima, & similiter voluntas efficit actum repugnantem inclinationi ad bonum honestum: erit ergo talis actio violenta ipsi agenti. Confirmatur saltem de potentia absoluta, nam calor, v.g. potest à Deo eleuari, & necessitari ad frigefaciendum: erit ergo talis actio violenta calori, cum sit contra naturalem inclinationem eius ad calefaciendum.

Probabilius tamen est actionem, ut actionem, non posse esse violentam agenti. Quod in primis colligitur ex definitione Aristotelis, passo non conferente viui: supponit ergo violentiam proprie tantum esse in passo. Deinde actio prout est ab agente respectu illius non potest dici esse ab extrinseco proprie, cum oriatur ex interna virtute agentis. Deinde dixi supra, agens ut agens, non pati violentiam, sed potius inferre: agens autem, ut sic, actione completur: ergo actio ut sic, non est illi violenta. Præterea quod

I. De quibus nam sit quaestio explicatur.

Non est de agente, nec de patiente.

II. Arguitur quod actio possit esse violenta agenti, ac adeo de illa procedere quaestionem.

III.



alicui est conueniens, non est violentum illi, sed agere, vt sic, non est disconueniens agenti, nisi aliunde in ipso recipiatur passio, seu forma disconueniens. Tandem vel actio est ab agente propria virtute operante: & sic oritur ex naturalis propensione eius, atque idem est si sit ab ipso, vt ab instrumento connaturali, & à natura destinato ad illam actionem, nam etiam talis actio est illi connaturalis, cum sit iuxta institutionem naturæ: vel est actio instrumenti artificialis, & quodammodo eleuari per artem humanam, & in hac actione interdum antecedit motio violenta ipsius instrumenti, in qua ipsum potius est passum, quam agens, tamen supposita illa motione actio, quæ postea subsequitur, connaturalis est tali instrumento, vt lapis sursum proiectus, naturaliter postea impellit aërem, verbi gratia quia illa motio, quæ antecedit, solum est veluti applicatio agentis, quod postea agit virtute sua, & hoc modo dixit Aristoteles libro secundo ad Eudem. posse interdum aliquid cogi ad agendum, quia vt agat prius in se recipit motum contra internum impetum. Vel denique actio est ab instrumento diuinitus eleuato, & sic quamuis naturalis non sit, neque est etiam violenta, sed est supra naturam.

## IV.

Neque contra hoc obstat ratio in principio facta, quia illa actio, de qua ibi est sermo, quamuis videatur repugnans alicui inclinationi agentis, tamen cum sit à principio intrinseco, non potest esse violenta, & præterea non habet rationem formæ repugnantis proprie quatenus actio est, sed quatenus est in agente, & ponit in illo formam repugnantem inclinationi eius, sub qua ratione magis habet rationem passionis, quam actionis. Ad confirmationem de diuino instrumento respondetur, duo ibi posse considerari. Primum est quod calor, verbi gratia priuatur actione calefaciendi, & de hoc statim à num. sequenti. nam id est per accidens, non enim per se sequitur ex diuina eleuatione, sed vel ex subtractione concursus, vel ex repugnantia passio. Secundum est quod agens illud eleuatur ad actionem super naturam eius, & hoc etiam non facit eam violentam, vt dixi: quod vero illa actio videatur contraria actioni connaturali talis instrumenti, videtur quidem esse quoddam violentiæ genus. Dicendum tamen proprie non esse violentiam, tum quia illa est alterius generis ab actione naturali, & ideo non est proprie contra naturalem impetum: tum etiam, quia nihil ponit in ipso agente, quod sit ipsi contrarium, neque est ab ipso, vt operante per virtutem naturalem.

## V.

Arguitur dari posse violentiam saltem in carentia actionis.

Sed quæres, an saltem in carentia actionis possit esse violentia: nam Aristoteles libr. 2. ad Eudem. videtur id affirmare, dicens, quando fors quispiam præter impetum intrinsecum mouerit: sedaueritque, id vis fieri affirmamus. Deinde quando graue sursum detinetur, vim patitur, quia non permittitur agere in se motum. Denique illa priuatio est contra inclinationem naturæ, atque ita sentit Durand. in secunda distinctione. 23. questio. 9. & sequuntur Medina 1. 2. q. 6. ad art. 5. & alii.

## VI.

Oppositum magis probatur fundamento biniembri.

Contrarium vero sentit Paludan. in 4. dist. 29. quest. 1. artic. 1. Caietan. prima. art. questio. 82. artic. 1. Potestque fundari, nam agens duobus modis potest impediri ob agendo: primo naturaliter, aut ex resistantia passio, aut ex distantia eius, aut ex defectu alicuius alterius conditionis requisitæ ad agendum, & tunc certe nulla videtur esse violentia, quia solum est naturale agenti, vt agat positis omnibus requisitis, & iuxta proportionem virtutis suæ supra resistentiam

tiam passio: quod vero illæ conditiones omnes ponantur semper, & quod in passio non sit resistentia maior, neque æqualis, hoc neque est debitum agenti, neque est contra inclinationem eius, sed est quædam imperfectio, quæ sequitur ex limitatione eius, vnde posito tali defectu, & resistentia naturaliter cessat ab agendo. Secundo modo potest agens carere actione supernaturaliter per subtractionem diuini auxilii, seu concursus: & in hoc etiam non videtur esse violentia proprie: quia vel esset in ipsa negatione concursus, vel in carentia actionis, quæ inde sequitur. Non primum, quia licet concursus dicatur debitus secundum quandam propensionem naturæ: non tamen hoc debitum est tam rigorosum, vt negatio eius possit dici violenta, sicut non potest dici iniuriosa eo vel maxime, quod ille concursus nihil est in ipso agente, vt sic, vnde ex negatione eius non priuatur aliqua perfectione sibi intrinseca: at vero negato auxilio, carentia actionis [quod erat secundum] necessario, ac naturaliter sequitur ex intrinseca imperfectio virtutis creatæ, quæ nihil agere potest sine auxilio superioris causæ: vnde sicut est illi naturale agere cum tali auxilio, ita videtur esse naturale carere actione, si auxilio destituatur: ergo ex nullo capite carentia actionis potest esse violenta. Et confirmari potest, quia in hac carentia agens non habet rationem passio, nec priuatur aliqua perfectione: Aristoteles autem definit violentiam per ordinem ad passum. Vnde licet fortasse hæc diffusio tantum sit in modo loquendi, tamen hic posterior mihi magis probatur. Nec repugnat Aristoteli, quia verbum *sedare*, in rigore non significat priuationem actionis, sed motus, ita vt idem sit quod quiescere, & in hoc reperiri potest violentia, vt probat exemplum de lapide sursum detento: ac deinde Aristoteles dixit aliquem cogi ad agendum, non immediate in ipsa actione, sed in aliquo motu antecedenti, vnde etiam è contrario posset cogi ad non agendum in aliquo motu antecedenti violento, vt si ignis deorsum feratur ne calefaciat, & sic de aliis. Et hæc tenus de actione à nu. 2.

## VII.

Circa alias partes questionis positas numer. 1. simul dicemus de vtraque passione scilicet, & In passione termino eius, quia tota ratio, seu violentia passionis sumitur in ordine ad formam, quæ per illam inducitur, quatenus illa violentia esse potest. De vtraque ergo est certum posse esse violentam, vt facile potest ex dictis ostendi. Sed est considerandum, quod sicut positua forma, non est proprie mala, aut disconueniens ratione posituæ perfectionis præcise sumptum, nam perfectio, vt perfectio, non videtur posse esse disconueniens, sed habet rationem mali quatenus secum affert aliquam imperfectionem, vel priuationem alicuius formæ conuenientis, & desideratæ per naturalem appetitum, ita nulla mutatio, seu forma positua videtur esse violenta præcise ex perfectione sua, quia perfectio, vt sic, non est contra appetitum naturæ, nam sicut Aristoteles dixit naturam non per se intendere priuationem, sed posituum ex quo sequitur priuatio, ita appetitus naturalis non per se intendit priuationem alicuius perfectionis, sed solum quatenus resultat ex aliqua perfectione, ad quam ipse tendit: ergo positua perfectio non est contra appetitum naturæ, seu violenta præcise ratione sui, sed propter priuationem adiunctam. Et adhuc addendum, oportere huiusmodi formam eiusdem esse ordinis naturalis cum ipso subiecto, nam proprie contraria



traria eiusdem generis esse debent, & appetitus naturalis tantum est ad formam sibi contrariam, & consequenter detestatur formam contrariam. Vnde si forma sit superioris ordinis, respectu illius non est appetitus contrarius, sed est capacitas neutra, seu obedientialis.

VIII. *Spoliatio forma contraria naturalis etiam non inducit aliam formam, est violenta.* Atque tandem hinc sequitur posse dari violentiam omnino priuatiam, si subiectum priuetur forma, ad quam habet naturalem appetitum, etiam si id fiat absque adiunctione alicuius formæ, quia talis priuatio necessario futura est ab extrinseco, & per eam subiectum vere mutatur mutatione saltem priuatiua, in quo differt hæc mutatio à priuatione actionis ut sic, & ideo in illa subiectum reuera habet rationem passivi, quod non confert vim, cum resistat, & repugnet: ut potest, per naturalem appetitum,

IX. *An destructio in fieri sit violenta rei destructæ.* Sed quæres, utrum talis mutatio possit dici violenta respectu rei, quæ per illam destruitur. Videtur enim mors violenta homini seu animali, quamvis per ipsam destruat, est enim contra appetitum naturalem se conseruandi in esse, & est ab extrinseco. Dicendum tamen proprie violentum non dici respectu rei quæ desinit esse: sed respectu subiecti, quod manet sub tali mutatione, nam sicut naturale supponit appetitum, & consequenter subiectum cui forma, vel mutatio naturalis sit, ita violentum supponit appetitum, & subiectum cui repugnet, nam contraria circa idem versantur. Et confirmatur, nam annihilatio Angeli non potest dici proprie violenta, quia est negatio totius esse, quia deest subiectum cui fiat violentia. Vnde sicut creatio propter hanc causam non est naturalis actio, seu mutatio, sed alterius ordinis: ita etiam annihilatio non est innaturalis (ut sic dicam) seu violenta mutatio, sed aliquid maius. Et confirmatur, quia perpetuo non esse, non est violentum proprie: alioqui nunquam creare rem aliquam creabilem, esset illi violentiam inferri, quod est aperte contra sensum omnium: ergo eadem ratione cuiuslibet rei non existenti, ut sic, non fit violentia.

X. Dices ad hoc satis esse rem fuisse, sed contra, quia hoc tantum dicit respectum rationis, seu determinationem extrinsecam: ergo nihil potest conferre ad violentiam, quæ nunc fit: alioqui etiam posset sufficere, quod sit res futura. Ac deinde interrogo, quando fiat violentia rei, quæ fuit, & iam non est: aut enim eo tempore, quo existerat, & hoc non est ad rem, quia tunc erat subiectum perseverans sub mutatione, & non per illam destructum, quod intendimus esse necessarium: vel fit illa violentia etiam toto tempore, quo res non existit, postquam semel fuit: & hoc est plane falsum: quis enim dicat nunc pati violentiam hominem ante centum annos mortuum, solum quia non conseruatur in esse. Vel fit hæc violentia solum in tempore immediato post instans, in quo res desinit esse, & hoc etiam dici non potest, quia non est maior ratio de illo momento, quam de toto tempore subsequenti. Igitur mutatio non est violenta respectu rei, quæ destruitur, sed respectu subiecti, sicut frigus non est violentum calori, sed subiecto connaturaliter calido. Et idem dicendum seruata proportionem de corruptione subiecti, nam ratio ne totius alterationis, quæ antecedit instanti corruptionis, potest dici violenta, supposito, quod corrumpitur, quod habet rationem passivi respectu totius alterationis. At vero ipsa substantialis corruptio non est proprie violenta respectu sup-

Suarez in prima secundæ D. Thom.

positi, sed aliquid maius, quia priuatur illud suo esse simpliciter: respectu etiam materiæ primæ non est violenta, quia materiam ad illam confert vim per appetitum, quem habet ad omnem formam. Solum in homine potest aliquo modo dici violenta respectu animæ, quæ vere manet in instanti corruptionis, & priuatur modo existendi sibi intrinseco contra suum naturalem appetitum, de quo in tractatu de Anima libr. sexto capite nono.

### SECTIO III.

#### *Utrum Deus possit inferre violentiam rebus creatis?*

EXposito quid sit violentia, & in quibus ea reperitur, & cui inferri possit, superest exponendum à quo possit inferri. Et quidem ex principiis positis breuiter posset dici violentiam posse inferri ab omni agente extrinseco, quod habeat vim agendi superiorem resistentiæ passivæ, nam, ut Philosophi dicunt, à proportionem maioris inæqualitatis sequitur actio, ex quo videtur sequi, si agens creatum potest inferre violentiam passo sibi subiecto, multo magis id posse Deum respectu creaturarum, quia vis agendi Dei potentior est.

Nihilominus multi Theologi negant posse Deum inferre violentiam creaturis, non qui non possit efficere in creatura quidquid alia creatura potest, sed quia hoc ipso quod actio illa fit à Deo, non est violenta, quia iam non fit passo non conferente vim. Probatur, quia omnis creatura habet appetitum innatum ad obediendum Deo in omni actione, vel mutatione ab ipso pueniente: nihil ergo resistere potest actioni Dei: ergo actio Dei nulli potest esse violenta. Anecedens probatur, quia appetitus innatus cunctis à Deo, est maxime ordinatus: ergo magis inclinatur ad vniuersale bonum, quam ad particulare: ergo magis ad obediendum Deo, qui est vniuersalissimum bonum, quam ad proprias & particulares perfectiones. Quod potest exemplis declarari, nam hac ratione motus aquæ sursum ad replendum vacuum, non est violentus, qui est ex inclinatione ad commune bonum: & idem multi consent de motu fluxus & refluxus maris, & similiter motus appetitus sensitiui ex imperio voluntatis non est violentus, etiam si interdum sit contra propriam inclinationem ad bonum delectabile, quia est ex appetitu ad obediendum superiori mouenti: ergo similiter. Hanc sententiam tenent Conrad. 1.2.q. 6.art. 4. & Caiet. 1.p. q. 82.artic. 1. & 3.p. quæst. 44.artic. 2. & videtur sane fauere D. Thom. quæst. 1. de potent. artic. 3. ad primum, & quæst. 6.artic. 1. ad 17. ubi inquit, quod à Deo fit in his inferioribus, non esse violentum: atque idem significat de quacumque impressione corporum superiorum in inferiora, licet videatur eis contraria, quia in omni re [inquit] est naturalis ordo & habitudo ad causam superiorem. Quod repetit 1.p. quæst. 105.artic. 6. & in citato artic. 2.3. partis ad 1. ubi citat Augustinum 26. cont. Faust. cap. 3. dicentem, id esse vnicuique rei naturale, quod ille fecerit, à quo est omnis modus, numerus, & ordo natura: & 21. de Ciuit. cap. 8. dicit nihil esse contra naturam, quod fit Dei voluntate, cum vniuersi rei create natura voluntas Dei sit.

Secunda sententia affirmat posse Deum violentiam inferre creaturis, hoc est, ex hoc solo capite quod actio fit, non repugnare quod sit violenta, si aliunde non repugnat. Sic Bonau. in 2.



d. 25. 2. p. d. 8. art. 2. quest. 1. ubi dicit, quamuis Deus non inferat violentiam creaturæ quantum ad potentiam obedientiæ, inferretamen quantum ad inclinationem specialis naturæ: & D. Thomas potest adduci questio. 6. de potent. articul. primo, ad 1. 2. & 3. ubi dicit Deum multa agere increaturis quantum ad singulares naturas earum illis contraria, licet non sint contra vniuersalem ordinem totius naturæ: & ita explicat Augustinum supra citatum: idem habet quest. 13. de Verit. articul. 1. ad 2. & 3. & in 2. dist. 18. quest. prima. articul. 3. & probatur ex definitione Aristotelis, nam Deus operatur in creatura tanquam agens extrinsecū, ut constat, & creatura potest non conferre vim actionis eius: ergo talis actio erit violenta creaturæ, etiam si à Deo fiat, nam conuenit illi tota violenti definitio. Minor probatur primo exemplis, nam si Deus moueat lapidem sursum, vel immediate per se calefaciat aquam, talis motus à Deo impressus non minus repugnat naturæ lapidis, vel aquæ, quam si ab agente creato fieret, nam est omnino eiusdem modi & rationis: quod autem sit ab hoc, vel illo agente, est denominatio valde extrinseca, præsertim respectu appetitus naturalis. Quod confirmatur maxime, quia appetitus naturalis non respicit immediate agens, sed formam, & consequenter mutationem qua perficitur passum: ergo quod forma vel mutatio sit ab hoc, vel illo agente, non variat appetitum naturalem, si illa sit eiusdem rationis. Confirmatur etiam, quia sola potentia obedientialis non videtur sufficere ut actio non sit violenta, quia potentia obedientialis ut sic, non fundat appetitum naturalem, sed solam non repugnantiam: ergo si aliunde forma, vel mutatio facta in passum, est contra illius naturam, non erit satis potentia obedientialis respectu agentis ut non sit violenta: sicut si Deus moueat brutum contra appetitum elicitum eius, nihilominus illa motio erit coacta: nam licet in bruto possit considerari potentia ad obediendum Deo in illo motu, nihilominus illa non excludit appetitum elicitum, cui motio illa est contraria, sicut non excludit etiam appetitum naturalem, cui motio diuina potest etiam esse contraria.

IV. Dissensio inter has sententias videtur solum de modo loquendi, nam in re vix differunt, cum omnes fateantur Deum posse immutare creaturam præter naturalem inclinationem eius, ut est talis particularis natura. Tamen in rigore, ac proprie, videtur mihi distinctione vtendum: duo enim modis potest Deus immutare per posituam actionem creaturam, priuando illam aliquam naturalem perfectionem sibi debita, ad quam habet naturalem propensionem. Primo mouendo illam eodem modo, quo posset naturali agente moueri & ad formam eiusdem rationis, ut accidit in exemplis supra positis de motu lapidis sursum ac de calefactione aquæ. Alio modo potest moueri ad formam superioris ordinis excedentem totum ordinem naturæ, omnemque vim naturalium agentium, qui duo modi sunt, ut dixi, per actionem positiuam, nam per mutationem priuatiuam etiam potest Deus priuare creaturam perfectione naturali, nullam inducendo in eam formam positiuam.

V. Dicendum primo in priori genere actionis positivæ Deum posse violentiam inferre creaturæ. Quod mihi satis probant adducta in posteriori sententia, num. 3. nam reuera illud de potentia obedientiali hic non satisfacit, nam respectu talis mutationis eadem est capacitas in creatura respectu Dei, & respectu cuiuscunque agentis

superioris quod possit vincere resistantiam eius. Et idem dicendum si Deus priuare creaturam forma debita & connaturali absque alia forma positiva in illa effecta, quia nunc etiam priuatur creatura sua perfectione contra appetitum naturalem suum, qui nullo modo manet expletus, & ideo semper appetit suam perfectionem naturalem.

Vltimo dicendum, quando Deus mouet creaturam ad formam supernaturalem, nullam illi inferre violentiam, quia non agit in illam contra appetitum naturæ, sed supra illam: & quidem si talis forma per se non inducat, nec requirat priuationem alicuius naturalis perfectionis, ut est in infusione gratiæ, aut scientiæ, tunc nulla est difficultas, quia talis actio nullo modo est repugnans naturæ, quamuis neque etiam sit ex appetitu naturali eius: at vero quando talis actio priuat aliquam perfectionem naturalem, ut contingit in vnione hypostatica, per quam priuatur creatura propria subsistentia, & in conseruatione accidentium sine subiecto, per quam priuantur naturali inhaerentia, tunc est maior difficultas an illa actio dicenda sit violenta, quia ex eo capite videtur esse contra appetitum naturæ: tamen proprie non dicitur violenta, sed supernaturalis, quia cum forma inducta sit superioris ordinis, non habet propriam contrarietatem cum naturali forma, quia proprie contraria sunt eiusdem generis, unde nec proprie repugnat appetitui naturæ, quia hic appetitus non excedit ordinem naturalem, & præsertim quia nunc altiori modo perficitur per altiore formam, & quoad has formas deferuire potest potentia obedientialis, ut ratio illius non fiat violenta, quatenus per illam creatura est cœpax altioris formæ, quam sit illa, ad quam habet naturalem appetitum, & ita non procedunt contra hanc partem argumenta secundæ sententiæ in numero tertio.

Argumenta autem prioris opinionis quatenus possunt contra primam conclusionem procedere soluenda sunt. Ad præcipuum fundamentum dicitur nullam esse inordinationem in natura, etiam si per appetitum naturalem interdum repugnet motioni diuinæ, tum quia appetitus ille naturalis necessarius non est, & inseparabiliter tum etiam, quia in illa actione tantum operatur Deus ut agens superioris virtutis, & non proprie ut autor ipsius naturæ, seu quatenus potestatem habet ad immutandam illam supra naturam eius. Ad exempla adducta respondetur, ad illud de appetitu sensitivo, non moueri violentè à voluntate, quia nunquam ita mouetur à voluntate, quin ipse se moueat ab intrinseco, & ideo semper mouetur connaturali modo per propositionem alicuius obiecti, in quod appetitus ferri potest per proprium actum. Ad aliud exemplum de motionem aquæ sursum, respondetur reuera esse violentam, considerata particulari natura aquæ, licet respectu ordinis totius vniuersi ab auctore naturæ instituti non dicatur violenta, sed naturalis, quia est necessaria ad conseruandum debitum naturæ ordinem: atque ita explicandus est D. Thomas locis illis citatis, ut non intelligatur de particulari natura vnicuiusque rei, sed de naturali ordine totius vniuersi.

Dices interdum operari Deum contra solitum ordinem totius vniuersi, ut docet ipse D. Thom. 2. 2. q. 104. art. 4. ad 2. & q. 1. de potent. art. 3. ad 1. Respondetur ex eodem, tunc proprie non operari Deum contra naturam, quia totus hic ordo vniuersi ab ipso manauit, & licet sit consentaneus particularibus naturis rerum, & accommodatus

VI.

VII.

VIII.



datus ad conseruationem vniuersi, tamen ipse posset aliter instituere, & aliter conseruare: vnde si sua voluntate illud immutet, nulli facit proprie violentiam: vnde si totus hic ordo vniuersi consideretur vt coniunctus & subordinatus auctori suo, sic quidquid Deus in illo operetur, non agit contra vniuersalem ordinem vniuersi, & causarum eius, cum in ordine Deus & voluntas eius supremum locum teneat, atq; ita exponendus est Augustinus, qui etiam est legendus de Genesi ad litter. cap. 17. vbi recte declarat & distinguit quomodo creaturæ subdantur Deo interdum secundum capacitatem naturalem, interdum vero secundum obedientialem.

## S E C T I O IV.

*Utrum Deus possit necessitatem, aut violentiam creare voluntati inferre in se ipsa?*

I. *Exponitur sensus questionis.* Quæ hætenus in communi diximus, eo tendunt, vt ea quæ ad voluntatem spectant, facilius in hac & sequentibus sectionibus explicentur. Summus autem in præsentī violentum in ea stricta significatione qua distinguitur à coactio, & appetitui innato contrarium est. Deinde proponitur quæstio specialiter de Deo, quia supponimus ex xp. & 1.2.q.9 & 10. nullum agens creatum posse immediate immutare voluntatem, aut aliquid in ipsa immediate efficere, sed solum auctorem eius: vnde fit multo minus posse creaturam aliquam inferre vim, vel necessitatem voluntati, & ideo solum est quæstio de Deo ipso: agimus autem hic de voluntate ipsa secundū se, & in se: nam de illa vt versatur circa actus imperatos, vel circa res alias, in sectione vltima dicendum erit. In voluntate autem ipsa solum possumus à nobis intelligi vel habitus, vel actus, vel horum priuationes, nam cum voluntas sit essentialiter potentia operatiua, & receptiua suorum actuum, tantum suis actibus, vel habitibus ad illos ordinatis perfici potest, aut eis priuari: de his ergo tribus sigillatim dicendum est.

## P V N C T V M I.

*An in recipiendo aliquem habitum possit voluntas pati violentiam?*

II. *Pars negans vera suadetur.* Primo de habitibus dicendum est, licet possit Deus sua sola virtute infundere habitus in voluntate, & consequenter necessitare illam ad eos recipiendos, non tamen posse per hanc actionem violentiam illi inferre. In hoc videntur conuenire auctores omnes infra citandi. Et ratio est aperta, quia non potest huiusmodi habitus voluntati à Deo infusus esse contra naturalem inclinationem eius. Quod ita patet, quia vel ille habitus est per se infusus, & supernaturalis, vel per accidens, & naturalis: prior habitus quamuis non sit ex naturali appetitu, non est tamen contra illum, sed supra illum, & est magna perfectio ipsius naturæ: ergo illa infusio non potest esse violenta; habitus vero acquisitus semper est iuxta naturalem capacitatem & potentiam voluntatis: vnde in illius receptione vim confert voluntas, & per naturalem appetitum passiuum, & quodammodo per actiuum, quatenus naturalem propensionem habet ad illos actus, ad quos talis habitus ordinatur, sunt enim naturales illi, & virtute naturali illos valet efficere.

Dices: Interdum hi habitus sunt contra potissimam inclinationem voluntatis, vt habitus vitiorum, qui repugnant inclinationi ad bonum honestum, quæ in voluntate est maxima: ergo efficere ab extrinseco habitus hos in voluntate erit illi violentum. Respondetur primò quod etiam inferius tract. 4. disputat. 4. sect. 2. au. 5. & in Metaphysica disputat. 44 sect. 13. num. 17. trado, mihi probabilius videri Deum se solo non posse huiusmodi habitus vitiorum infundere in voluntate: repugnat enim & bonitati, & summæ sapientiæ ac prudentiæ, quam Deum seruare in omnibus operibus suis necesse est. Vnde potest argumentum retorqueri ad confirmandam conclusionem, nam Deus non potest infundere in voluntate habitus prauos, habitus autem honesti non possunt esse violenti voluntati, cum sint maxime consentanei naturali eius perfectioni & inclinationi: habitus autem indifferentes, vel nulli sunt, vt multi volunt, vel si sunt, vt forte est verius, illi necessario sunt conformes alicui naturali inclinationi voluntatis, & non repugnant superiori inclinationi, cum non sint prauis: ergo in eorum effectione, vel receptione non potest esse violentia. Addo deinde, licet demus posse Deum infundere habitus vitiosos, nihilominus illa non posset dici violentia, quia licet repugnent alicui inclinationi perfectiori, tamen simpliciter in receptione talis formæ passum confert vim per naturalem potentiam quam habet: sicut quando materia prima priuatur meliori forma, & imperfectiorem accipit, non patitur violentiam, quia inclinatio ad vtramque formam est naturalis, & fundata in quadam vniuersali potentia, quæ non respicit hanc, vel illam formam, sed absolute formam, quæ per generationem possit illi vniri: licenim se habet voluntas ad suos actus, & habitus generatim sumptos; & hac etiam ratione quando voluntas suis actibus acquirit sibi similes habitus vitiosos, non patitur vim, sed potius illam confert ad talem actionem & receptionem.

IV. Dices etiam posse Deum efficere in voluntate aliquam qualitatem, quæ neque sit actus vitalis, neque habitus operatiuus, sed absoluta quædam dispositio, qualis est vel gratia in anima, vel albedo in corpore: ergo per infusionem talis qualitatis potest efficere violentiam voluntati. Respondetur primo negando antecedens, nam cum voluntas essentialiter & adæquate sit ordinata ad obiectum & actus suos, non potest perfici, neque est capax alicuius qualitatis, quæ non habeat inclinationem ad idem obiectum, vel ad aliquid ab illo contentum, & ideo vel esse debet actus secundus, vel si est primus, necesse est vt aliquo modo disponat ad secundum, & hunc vocamus habitum; perfectio enim debet esse accommodata: vnde non est dubium quin secundum capacitatem naturalem voluntas non sit capax aliarum qualitatum. Vnde secundo respondetur negando consequentiam, nam licet demus posse Deum id facere, erit tamen secundum potentiam obedientialem voluntatis, & ideo talis forma non erit violenta, quia non erit contra, sed supra appetitum naturæ.

## P V N C T V M II.

*An in spoliatione alicuius actus, vel habitus pati possit voluntas violentiam?*

V. Secundo de priuatione tam actus, quam habi-



tus, dicendum est posse Deum necessitare voluntatem ut careat quouis actu, vel habitu: & per hunc modum posse illi aliquam violentiam inferre. Prior pars per se nota est, quia duobus modis potest Deus facere ut in voluntate nulla sit operatio: vel impediendo cognitionem intellectus, aut alia quæ ad illam requiruntur: vel certe suspendendo concursum suum positus omnibus aliis requisitis ad agendum, & uterque modus est facilis, nam cum Deus sit omnipotens, potest immutare potentias, & separare, vel impedire obiecta prout voluerit; cum vero sit liber, potest suo arbitrio non dare concursum suum: atque eadem ratione potest duobus modis efficere ut voluntas careat habitu, vel non conferuando illum postquam factus est, vel non infundendo illum, seu non concurrando cum actu ut per illum fiat.

VI. Posterior autem pars conclusionis videtur repugnare his quæ dicta sunt *sect. 2. à n. 6.* scilicet carentiam actionis non esse violentam respectu agentis, nam eadem videtur esse ratio de carentia habitus respectu voluntatis; quod sicut carentia actus non est violenta, nec carentia habitus esse potest, quia si Deus non infert violentiam negando voluntati concursum ad actum, neque etiam infert illam negando actum concursum ad efficiendum habitum, etiam supponendo concursum quo habitum conferuat.

VII. Nihilominus prædictam partem conclusionis tenet Marfil. in 2. q. 16. art. 5. dub. penult. & Almain. tractatu 2. Moral. cap. 2. & Medina 1. 2. q. 6. art. 4. Et ratio est, quia Deus tunc non tantum priuat voluntatem concursu ad agendum, sed etiam priuat intrinseca & connaturali perfectione, ad quam habet naturalem capacitatem & propensionem: conuenit ergo huic priuationi tota definitio Aristotelis, nam est ab extrinseco, passio non conferente vim. Quocirca non est eadem ratio de priuatione actionis præcisè ut actio est manans ab agente, nam ut sic non est perfectio agentis, neque illud immutat: unde in præsentī violentia non tam consistit in carentia actionis, quam in carentia actus, qui est forma voluntatis. Quod sic potest explicari, nam si per possibile, vel impossibile, Deus efficeret in voluntate actum amore sine efficientia ipsius voluntatis, nulla intercederet violentia, quia voluntas reciperet formam sibi intrinsecam & connaturalem, quamuis modo extraordinario & supernaturali: non est ergo hæc pars contraria his quæ supra dicta sunt de carentia actionis.

VIII. Aliter vero videtur impugnare hanc partem Durand. in 2. dist. 25. quæst. 4. quia licet actus voluntatis sit perfectio eius, tamen non est perfectio necessaria, sed libera: ergo carentia eius non est violenta. Patet consequentia, quia non est contra naturalem inclinationem, nam ad actus liberos non est inclinatio naturalis, sed libera. Respondetur argumentum bene probare hanc carentiam non esse violentam quando est ex propria voluntatis potestate, quia tunc non est ab extrinseco, sed ab intrinseco: non vero procedit argumentum quando provenit ab extrinseco: & committit æquivocationem in inclinatione naturali, nam si hoc verbo significetur inclinatio, quæ naturaliter ac necessario prodit in actum suum, sic verum est in voluntate non esse inclinationem naturalem ad hos actus; si vero significetur, ut significari debet, sola capacitas, seu pondus naturæ ad suam ultimam perfectionem, sic falsum est in voluntate non esse pondus naturale ad actum liberum: alioqui non esset in nobis naturalis inclinatio ad actus virtutum, quod est falsum, quia isti actus, quamuis li-

beri, sunt magna perfectio voluntatis. Adde posse etiam voluntatem priuari actu necessario contra internum impetum, ut si videns Deum priuatur omni actu amoris ipsius. Aduertit autem bene Paludan. in 4. d. 19. q. 1. art. 1. ex duobus modis supra positus in nu. 5. quibus potest voluntas priuari actu, scilicet vel impediendo cognitionem, aut alia prærequisita ad agendum, vel positus omnibus requisitis per solam negationem concursus: in priori modo non inueniri proprie violentiam, quia non est debitum voluntati ut habeat semper parata omnia requisita ad agendum, unde si ex defectu illorum careat actu, non est propria violentia, sed imperfectio naturaliter consequens. At vero in secundo modo reperitur aliquod violentiæ genus, ut dictum est, quia iam tunc est voluntas veluti in ultima dispositione ut recipiat ultimam perfectionem sibi connaturalem, eaque ab extrinseco priuatur.

### P V N C T U M III.

#### An operatio aliqua voluntatis possit illi esse violenta?

Tertio circa actus est maior difficultas, quam late tracto prologom. 1. de Grat. cap. 4. & 5. Et ratio dubii est, quia hi actus necessario sunt ab intrinseco: ergo non possunt esse violenti. In contrarium vero est, quia Deus potest necessitare voluntatem ad actum natura sua liberum, & aliquo modo contrarium inclinationi naturali, v. g. ad appetitum non existendi: ergo ibi intercedit violentia tum in modo agendi, tum etiam in actu ipso.

In hac re possunt esse duæ extremæ sententiæ. IX. Prima, Deum non posse necessitare voluntatem, & ideo non posse illi violentiam inferre in actibus positiuis. *1. Sententia.* Huius opinionis nullum inuenio autorem quoad priorem eius partem, in qua est difficultas: potest autem suaderi hoc modo, quia non potest Deus ita mouere voluntatem ad agendum huiusmodi actum, quin maneat in illa potentia ad non agendum, quia hæc est essentialiter ipsa voluntas, & intrinseca eius natura, quæ priuari non potest: quo sensu dixit Marfilius citatus nu. 7. non posse Deum priuare voluntatem libertate sua; ergo fieri non potest quin actus à tali libertate procedens sit liber. Probatur consequentia, quia *disp. 1. sect. 3.* dictum est libertatem in actu, nihil aliud esse, quam denominationem à potentia quæ potest non agere; sed talis actus procedit à potentia quæ potest non agere: ergo ab illa necessario existit ac denominatur liber. Et forte propter hanc causam vulgare est apud nonnullos Thomistarum necessitatē provenientem ex diuina motione non esse necessariam simpliciter, sed tantum ex suppositione, & ideo non tollere libertatem. Confirmatur primo, nam, ut supra ex Augustino & aliis adduximus, & tractat etiam D. Tho. 1. p. q. 82. a. 1. & 2. necessitas tantum est duplex, coactionis, & naturalis: in voluntate autem non habet locum necessitas coactionis, ut in sequ. sect. dicam: ergo nec potest esse vlla necessitas in actibus natura sua liberis, cum illi non habeant naturalem necessitatem, ut constat. Potissima denique difficultas pro hac opinione est, quia non videtur possibilis modus, quo possit Deus necessitatem imponere voluntati, ut infra à num. 13. inquiremus.

Altera sententia omnino contraria præcedenti est, posse Deum necessitare, & consequenter etiam violentiam inferre voluntati in actibus positiuis, & natura sua liberis. Sic sentiunt Marfil.

IX. Rationem tring. dubitandi.

X. 1. Sententia. Eius ratio quoad priorem partem de necessitate.

XI. 2. Sententia.



fil. & Almain. cit. in n. 7. Gibr. in 2. d. 25. quest. 1. artic. 3. & inclinatur etiam Medin. 1. 2. quest. 6. art. 4. & de priori parte dicemus à num. sequenti. Posterior vero de violentia videtur satis probari argumento supra facto, quia tunc voluntas cogitur ad operandum modo repugnante suæ naturæ: patitur ergo vim. Confirmatur, nam num. 5. dictum est voluntatem pati violentiam aliquam, quando necessitatur ad non efficiendum in se actum, quem posset efficere positus omnibus requisitis: ergo eadem ratione patietur huiusmodi violentiam quando ne essitatur ad efficiendum in se actum quem possit non efficere positus omnibus requisitis.

XII.  
1. Assertio.

Dicendum primo posse Deum necessitare voluntatem ad operandum, quando ipsa de se nullam haberet necessitatem, & est sermo de necessitate simplici, quæ tollat libertatem in actu. Hæc est communis sententia Theologorum in 2. distin. 15. nemine contradicente, quem ego viderim: & eam aperte supponit D. Thom. 1. 2. quest. 6. art. 4. & Scot. in 4. d. 49. q. 6. §. Dico ergo. Ratio conclusionis est illa vulgaris, quia nulla potest in hoc ostendi implicatio contradictionis, quod patet tractando modum, quo id Deus potest efficere. Nominales id probant, quia Deus potest efficere. Nominales id probant, quia Deus potest efficere se solo actum in voluntate, illa tantum passivè se habent: ergo hoc modo potest illam necessitare ad volendum, vel nolendum. Consequentia est evidens, quia sine efficentia non potest esse libertas, præsertim cum agens sit infinitæ potentie, cui passum non possit resistere: ergo si Deus se solo possit efficere actum in voluntate, voluntas necessario illum recipiet: ergo eadem necessitate recipiet effectum formalem eius, qui est velle, vel nolle. Tamen hic modus supponit sententiam, quam supra iudicavimus falsam, nimirum actum vitalem posse informare suam potentiam, si ab illa non fluat. Vnde dicendum, etiam si necessarium sit ut voluntas effectivè concurrat ad suum actum, nihilominus Deum posse efficere ut necessario concurrat, quia cum sit infinitæ potentie, potest movere creaturam non solum ut recipiat, sed etiam ut agat ad nutum voluntatis suæ; cor enim regis in manu Dei est, & quocumque voluerit inclinabit illud, *Proverbior.* 21. nam si Deus potest elevari creaturam ut faciat effectum supra totam virtutem suam naturalem, quid mirum est quod ita possit movere voluntatem ut illam faciat necessario operari? Sed adhuc in explicando modo huius motionis est difficultas.

XIII.

Secundo modo explicari hoc potest ex parte intellectus, supponendo quod sicut voluntas ad elicendum actum suum indiget iudicio intellectus proponentis obiectum sub ratione boni, aut mali, ita ut eadem voluntas possit libere suspendere suum actum circa obiectum propositum, vel habere actum contrarium, necessarium est ut intellectus advertat, vel saltem advertere possit, in obiecto esse aliquam rationem, propter quam potest omitti seu refutari, vel saltem non esse in illo tantam rationem boni, ut necessitatem secum afferat: potest ergo Deus facere ut intellectus iudicet in obiecto unicam rationem boni, aut mali, & impedire illum ne possit advertere aliquam aliam rationem in obiecto, quæ possit movere voluntatem vel ad efficiendum actum contrarium, vel ad suspendendum actum illum. Hic modus dicendi est probabilis, nam fundamentum quo nititur probabile est, de quo supra in disp. 1. sect. 3. n. 21. tamen non est sufficiens, nam requera hoc solum est dicere posse Deum ne-

cessitare voluntatem ad actum indeliberatum ex parte rationis & advertentis intellectus, quomodo in motibus primo primis necessitatur: Deus autem non solum hoc (nihil enim esset singulare in illo,) sed positus etiam ex parte intellectus omnibus prærequisitis ad operandum libere, & cum perfecta deliberatione potest facere ut voluntas necessario operetur, nam in hoc etiam nulla est implicatio contradictionis: & hoc etiam probat illa ratio in num. 12. sumpta ex efficacia divinæ motionis seu elevationis.

Tertio modo dici potest Deum necessitare voluntatem, imprimendo illi aliquam qualitatem, seu habitum, qui omnino illam determinet ad unum actum, & ad unam rationem obiecti, & ad tale exercitium talis actus, si posita sint omnia requisita ad agendum. Sed hic modus mihi probari non potest, quia non existimo qualitatem creatam posse mutare modum cōnaturalem operandi voluntatis, contrariumque inducere, præter id quod ratio iudicat, & obiectum cognitum exigit, quia ex hoc principio intrinsece oritur libertas voluntatis, & solus Deus propter infinitam potentiam habet hanc vim supra voluntatem, ut posset illa uti extra modum naturalem eius. Quin potius eo ipso quod illa qualitas esset in voluntate ut in subiecto, & per modum actus primi subordinaretur ex se libertati voluntatis, quia non transcederet rationem habitus: habitibus autem, ut dixit Arist. utimur cum volumus, sunt enim ad adiuuandas potentias, non ad cogendas illas.

Quarto modo dici potest Deum posse necessitare ad unum actum per subtractionem concursus ad omnem alium actum. Qui modus recte explicat necessitatem quoad specificationem, ut per se patet, non tamen declarat necessitatem quoad exercitium, quia ad suspendendum actum nullus est necessarius concursus. Posset vero quis dicere voluntatem proposito obiecto non posse suspendere omnem actum suum, sed necessario aliquem elicere, quamvis ei liberum sit facere hunc, aut illum: si ergo impediatur ex negatione concursus ne ullum alium possit efficere præter unum, necessitabitur etiam quoad exercitium ad efficiendum illum. Sed hoc etiam displicet, quia existimo illud fundamentum simpliciter esse falsum, quia nihil est quod magis necessitet simpliciter voluntatem ad efficiendum aliquem actum confuse, quam hunc, vel illum determinate. Et deinde etiam si illud suppositum esset verum, naturaliter loquendo, & relicta voluntate suæ naturæ cum pleno concursu, tamen supponendo aliunde Deum negare suum concursum ad omnes actus præter unum, non recte infertur voluntatem operari necessario illum unum quoad exercitium, quia non est magis determinata ad illum unum actum, quam antea esset, quamvis ex defectu concursus non possit alium effectum efficere: ex quo sequitur potius in illo casu suspendere posse omnem actum suum propter defectum concursus.

Dicendum ergo Deum posse efficere hanc necessitatem in voluntate solum concurrente ad actum eius aliter, quam naturaliter libera voluntatis postulet: cum enim concursus divinus nihil aliud sit quam dependentia ipsius actus creati à voluntate divina, & hæc dependentia in particulari & determinata non sit de essentia actus, poterit Deus illam immutare; quævis enim essentiale sit actui pendere à Deo, at vero pendere hac numero dependentia, non est essentiale, sed potest per varias actiones, seu dependentias pendere.

Quod

XIV.

XV.

XVI.



Quod autem possit hunc concursum variare, & per hunc modum necessitare voluntatem, ita declaro. Nam cōcursus debitus liberæ actioni oriri debet ex voluntate diuina quasi indifferente & applicante suam potentiam ad concurrendum cum voluntate creata, prout ipsa se determinauerit ad hunc, vel illum actum: potest autem Deus non ita applicare concursum suum voluntati humanæ, sed per suam voluntatem absolutam, & efficaciter operaturam velle ut creata voluntas hinc & nunc operetur hunc actum, & solum illi dare determinatum & efficacem concursum ad illum actum, quo posito non poterit voluntas non cooperari cum illo, solum quia natura & efficacia talis concursus necessario secum affert influxum causæ secundæ. Et hoc potest confirmari exemplo adducto de instrumentis diuinis, eorumque eleuatione, nam aqua applicata corpori non solum non necessario confert gratiam animæ ex natura sua, verum etiam non potest, & tamen Deus quando illam eleuat ut instrumentum, eam necessitat ad illam actionem, quod non aliter facit, quam per efficacem voluntatem suam, dando illi talem concursum, qui secum necessario habeat coniunctum influxum creaturæ per potentiam obedientialem eius actiuam. Ad hunc ergo modum facile intelligi potest in voluntate.

XVII. Sed contra: Ergo quando Deus ita necessitat voluntatem, prius natura ipsa concurrat & influit in actum, quā voluntas creata: consequens autem est impossibile. Sequela patet, quia tunc creata voluntas non concurrat se determinando ad actum, sed determinata à diuina voluntate. Vnde voluntas diuina tunc non solum facit actum humanæ voluntatis, sed etiam facit ut faciat, non per aliquod auxilium excitans distinctum ab ipso actu, ad quem necessitat voluntatem humanam, sed per ipsammet motionem efficacem, per quam illam determinat & concurrat: ergo necesse est ut prius natura voluntas diuina concurrat. Quod autem hoc sit impossibile, patet; quia ubi non est distinctio, non potest intercedere prioritas ex natura rei: concursus autem diuinus & actus voluntatis non sunt duo ex natura rei distincti, sed est vna indiuisibilis actio, quæ dicit essentialiter respectum ad vtramque causam, quam solum per rationem & inadæquatos conceptus nos distinguimus secundum habitudines ad ipsas causas: ergo inter vnum concursum & alium non potest esse vera prioritas naturæ, maxime, quia hæc prioritas fundatur in reali causalitate; vnus autem concursus non est realis causa alterius, quia non sunt duo nisi secundum rationem. Denique vterque est de essentia illius dependentiæ, seu actionis, per quam fit talis actus.

XVIII. Respondetur primo negando sequelam intellectam de propria prioritate naturæ, & de concursu Dei prout recipitur in creatura, quomodo non distinguitur in re ab actione ipsius creature, de illo enim ut sic, procedit argumentum factum. Et ad probationem sequelæ respondetur ex illa solum probari subordinationem inter humanam voluntatem & diuinam, ita ut hæc efficaciter mouente necesse sit illam moueri, seu operari, non tamen sine sua causalitate, neque prius natura quam ipsamet operetur, quia illa causalitas diuina nihil ponit in voluntate prius natura quam ipsamet concurrat, nec causat in illa aliquid præuium ad actionem eius, sed solum aliquid concomitans determinatum ad vnum ex efficaciam talis voluntatis diuinæ. Vnde secundo dicitur, si loquamur non de concursu Dei prout

recepto in creatura, sed de voluntate efficaci, quæ est in ipso Deo, & est principium huius concursus, sic concedi potest illam voluntatem esse priorem actione nostræ voluntatis, quia est vera causa illius. Et hoc ad summum probat ratio facta, nec contra illud procedit altera obiectio, quia illa voluntas reuera est distincta à concursu voluntatis creatæ, & causa illius. Dices: Eodem modo voluntas, per quam Deus concurrat ad actus liberos, est prior quam concursus voluntatis nostræ. Respondetur in hoc habere aliquam similitudinem, tamen differre, quia illa voluntas de se est indifferens ad præbendum concursum ad hunc, vel illum actum, vnde non determinat voluntatem humanam; altera autem voluntas de qua hic loquimur, est absolute determinata ad vnum, & propter efficaciam suam, & subordinationem inferioris potentiæ, secum necessario affert determinationem illius.

Vnde etiam facile patet responsio ad fundamentum contrariæ sententiæ positum *numer. 10.* Respondetur ad rationem contrariæ sententiæ principalem in *11. 10.* nam licet in eo casu in voluntate maneat libertas radicalis, seu in actu primo; tamen respectu talis actionis non influit ut libera est, quia non habet potestatem ad suspendendum illum concursum, & ideo non sufficit talis potentiæ libertas ad denominandum actum liberum: neque etiam obstat quod hæc necessitas videatur esse ex suppositione, & consequenter quod sit tantum secundum quid, & non tollat libertatem simpliciter, quia quando suppositio est talis quæ antecedit determinationem voluntatis, & illam physice determinat ad vnum, tunc necessitas ex tali suppositione est necessitas simpliciter, quia effectus necessario manet tunc à causa totali, nec relinquitur in inferiori potestate talis modus agendi, quem possit ipsa suspendere: & ideo qui dicunt semper Deum mouere voluntatem isto modo, neque posse aliter concurrere ad actum eius, imprudentes tollunt vsum libertatis, neque explicare possunt qua alia via possit Deus necessitare voluntatem.

Ultimo addendum in hac necessitate non proprie interuenire violentiam voluntatis. Probatur breuiter, quia duo possunt in hac motione considerari: vnum est actus ipse quem voluntas necessario efficit: & ille non potest dici violentus, nam & est à principio intrinseco, cum sit actus vitalis, & necessario aliquo modo est contemporaneus appetitui naturali ipsius voluntatis etiam passiuo, quia necesse est ut talis actus sit vel appetitio boni, vel fuga mali, & ad vtrumque habet voluntas appetitum naturalem. Secundo potest ibi considerari dependentia ipsius actus à voluntate: & hæc etiam deficit à ratione violentiæ, quia est à principio intrinseco, & quia, ut *sect. 2. numer. 3.* diximus, actio, ut actio, non est violenta principio agendi: ac denique, quia licet non sit omnino connaturalis, est tamen superioris ordinis, & non proprie contra, sed præter naturam. Quod potest etiam exemplo declarari, nam si lapis deorsum moueatur, velocius tamen quam posset per internam grauitatem, non dicitur motus violentus etiam quantum ad illum modum sed est ultra, seu supra naturam: per hæc

autem satis patet ad fundamentum contrariæ sententiæ.

—(?)—

S E-



## SECTIO V.

*Virum Deus possit inferre coactionem voluntati in seipsa.*

I. **T**itulus expositus est in principio præcedentis sectionis. Nam coactio hoc loco præcise sumitur ut est contraria appetitui elicitæ, & potest considerari in tribus illis rebus, de quibus in illa sectione disputatum est, scilicet in habitibus, seu in qualibet qualitate infusa per modum actus primi, aut in actibus secundis, aut in priuatione eorum.

II. **C**irca primum res certa est, posse Deum cogere voluntatem ad recipiendum quemcumque habitum, seu actum primum, cuius ipsa sit capax, quia voluntas potest quantum in ipsa est nolle talem actum vel receptionem eius, & nullo modo illam velle, quia talis infusio, vel receptio habitus nec per se ipsam intrinsece voluntaria est, nec necessario secum affert aliquem actum quo voluntas illam velit: potest ergo esse omnino inuoluntaria, & alioqui voluntas per suam nollitionem, quantumvis de se absolutam & efficacem, non potest diuinam efficientiam impedire: potest ergo Deus huiusmodi actus efficere in voluntate omnino contra internum impetum elicitum eius, & hæc est coactio, & ita in hoc conueniunt omnes autores citati. Nec repugnat D. Thom. vel quia nihil de habitibus, sed tantum de actibus loquutus est, vel certe, quia cum solum negat posse voluntatem cogi ad actum elicitum, tacite id admittit fieri posse in quacumque alia actione, vel passione quæ fieri possit in voluntate, cuius ipsa non sit principium eliciens.

III. **S**ecundo de priuatione actus, vel habitus, certum etiam est ex dictis præcedenti sectione. posse Deum priuare voluntatem quocumque actu, vel habitu, ipsa inuita, atque adeo coacte. Quæ videtur etiam esse communis sententia, nec contra D. Thom. quia nihil de priuationibus locutus est, & fortasse illas numerauit inter eas res, quæ non sunt elicite à voluntate, quas dixit posse esse coactas, sicut diximus de infusione habitus. Ex quo feresumenda est eadem ratio huius assertionis, nam carentia actus, quæ non est à voluntate per liberam potestatem eius, quam habet ad suspendendum suum actum, non est per se & intrinsece voluntaria: ergo si aliter fiat, potest esse absolute inuoluntaria atque coacta, quia nulla tunc inuoluitur repugnantia, & absolute potest voluntas tunc, quantum est de se, nolle talem carentiam, seu priuationem; potest autem Deus efficere ut voluntas careat actu, non per voluntariam, ac liberam suspensionem suam, sed vel per subtractionem concursus, vel per alia impedimenta homini simpliciter inuoluntaria.

IV. **V**nde obseruandum hoc loco est duobus modis posse voluntatem priuari huiusmodi actu, quem antea, v.g. habebat, vno modo per subtractionem concursus, vel alia extrinseca impedimenta: & tunc non est dubium quin talis priuatio possit esse coacta, si voluntas per actum elicitum omnino repugnet. Secundo modo potest hoc accidere, si Deus potenter efficiat, ut voluntas relicto actu, quem antea habebat, alium efficiat, iuxta illud Prouerb. 21. *Cor regis in manu Dei est & quocumque voluerit inclinabit illud:* & hoc mutationis genus censetur esse aliquo modo violentum à Medina ad art. 4. quæst. 6. in 1. Ego tamen nullam violentiam in eo inuenio: duobus enim modis potest Deus hoc facere, primo salua liber-

tate voluntatis, ita excitando illam ad alium actum priori contrarium seu repugnantem, ut infallibiliter illum faciat, & tamen libere faciat, & tunc non solum est violentia, sed potius est efficacissima, & suauissima prouidentia: quis enim dicat voluntatem cogi ad faciendum, vel omitendum, quod ipsamet sua libertate facit, vel omittit. Secundo modo id potest facere Deus necessitando ad alium actum & tunc inquiri, in quo sit coactio, aut enim in positiuo actu, seu efficientia eius; & hoc non, ut statim dicam, quia talis actus necessario est simpliciter voluntarius: vel est in carētia actus qui immediate ante fuit; & hoc non, quia illa sequitur intrinsece ex actu voluntario contrario priori, qui est simpliciter voluntarius. Igitur in illo est voluntaria priuatio actus contrarii, non est ergo coacta. Item tunc illa priuatio est ab intrinseco, quia actus contrarius est ab intrinseco, & qui inducit vnā formam, expellit aliam repugnantem.

Dices, fieri posse, ut quando voluntas transfertur ab vno actu in alium, illi actus non sint absolute repugnantes: ergo tunc omnisio vnus non erit voluntaria in alio. Respondetur tunc non esse proprie transitum ab vno ad alium, per se loquendo, quia poterant esse simul, si non habebant repugnantiam: solum ergo per accidens & ab extrinseco accidere potest, ut voluntas inchoans vnum actum, relinquat alium; & tunc illa priuatio poterit aliunde esse coacta, ac si non esset coniuncta cum alio actu: & ad hoc necessarium est, ut tunc sit contra actuale appetitum elicitum ipsius voluntatis. Neque enim satis est, ut quidam existimant, quod sit contraria actui qui immediate præcessit, quia iam ille reuera non est, & illo ita non obstante potest præsens priuatio esse voluntaria.

Tertio de positiuis actibus dicendum est voluntatem non posse cogi simpliciter ad actum elicitum ab ipsa. Hæc est sententia D. Thomæ in 1. 2. q. 6. art. 4. in ea conueniunt omnes Theologi in 1. 2. d. 25. vbi Bonauent. art. 2. quæst. 4. & 5. Richard. art. 4. quæst. 2. & 2. Durand. quæst. 4. & in 4. d. 29. q. 1. & Scot. quæst. vnic. Maior quæst. 1. & idem sentiunt Palud. & Marfil. Gabr. & Almain. supra, & Hangeft. in moralib. cap. 3. nam licet aliqui ex his interdum vtantur verbo coactionis, tamen æquiuoce vtuntur pro necessitate, seu violentia. Ratio autem D. Thomæ est euidentis, quia actus elicitus à voluntate est per se ipsum intrinsece voluntarius, vnde hoc est omnino inseparabile ab ipso: ergo non potest esse simpliciter inuoluntarius: ergo neque coactus. Quam rationem tetigit Anselmus dialog. de lib. arb. dicens. *Torqueri, occidi potest homo inuitus, quia non potest velle, nolens velle, nam omnis volens ipsum suum velle necessario vult.* quam etiam rationem tetigit August. qui in eadem est sententia 5. de Ciuitat. cap. 10. & Bernard. lib. de lib. arb. Secunda ratio adhiberi potest, quia actus elicitus à voluntate, necessario est intrinsece ab ipsa: non ergo potest esse illi coactus, nam coactum conuenit cum violento in hoc quod oportet esse à principio extrinseco. Quod si obiciatur posse Deum infundere actum in voluntate, ipsa nihil operante, responderetur in primis id falsum esse: deinde illo admissio adhuc superesset prior ratio, quia si talis actus constitueret voluntatem volentem, necessario futurus esset ipse intrinsece voluntarius, ut in principio huius materiz dictum est, aut enim esset volitio boni, aut nolitio mali, & vtraque esset per se voluntaria, non tantum ut efficitur à voluntate, sed ut informat illam.

Contra hanc conclusionem præcipue obijci solet

V.

VI.

3. Assertio negans posse voluntatem cogi in eliciendo actum.

VII.



Obiectio  
cont. a 3. as-  
sertionem.

Soluitur.

solet, quia potest Deus facere ut voluntas aliquid velit, quando velle nollit, durante in ipsa hac nolitione: ergo tunc cogeretur voluntas. Respondetur quod si voluntas necessitatur, aut efficaciter mouetur, & actu absoluto aliquid velit, non poterit tunc manere in illa absolutus actus quo nolit alium actum, nam tales actus sunt absolute & omnino contrarii & repugnantes: ad summum ergo habere poterit actum simplicem, quo nolit habere talem actum, qui non faceret actum inuoluntarium simpliciter, sed tantum secundum quid, ille autem esset aliunde & per se ipsum voluntarius simpliciter, & consequenter non esset coactus simpliciter, sed secundum quid & improprie, sicut ea quæ fiunt ex motu.

VIII.  
Instantia  
contra solu-  
tionem ut à  
quibusdam  
enodetur.

Sed vrgent Nomina'es, quia de potentia absoluta potest facere Deus ut in voluntate sint simul volitio & nolitio absolute & contrarie omnino. Respondent aliqui in eo casu non esse inconueniens concedere actum elicitedum à voluntate esse coactum, non tamen ut elicitedum, quia ut sic voluntarius est, sed ut imperatum, seu imperabilem, aut amabilem per alium actum distinctum, actus enim elicitedi à voluntate possunt esse etiam imperati per alios actus eiusdem voluntatis, ut supponitur, & ideo non est mirum quod sub hac ratione irritent alios actus imperatos, in quibus potest esse coactio, ut postea videbimus. Mihi tamen in primis videtur impossibile esse simul in voluntate & intellectu huiusmodi actus absolute & proprie contrarios: quævis enim in aliis actibus non repugnet duo contraria etiam in esse perfecto, & intenso simul esse in eodem subiecto de potentia absoluta, tamen inter actus vitales contrarios est specialis repugnantia: cuius indicium sumi potest ex ipsa repugnantia naturali, nam alia contraria in esse remissa etiam esse possunt naturaliter simul, nõ vero actus contrarii vitales, quantumvis remissi: hoc autem videtur oriri ex intrinseco modo, quo vitales potentie excitantur ad hos actus eliciedos. Et potest ita explicari, nam per vnum actum destruitur omnino obiectum alterius, ablatum autem obiecto non potest facultas operari: ut in intellectu, hoc ipso quod iudicat propositiorem aliquam esse veram, destruit omnino veritatem in contraria, vel contradictoria illius, & ideo fieri non potest ut simul iudicet vel illam esse falsam, vel contradictoriam veram. Atque hac etiam ratione non potest intellectus vno & eodem actu credere contradictoria: non est autem minor repugnantia quod id fiat duobus actibus. Quod si hoc verum est, non procedit difficultas tacta, quia nunquam potest actus voluntatis habere simul alium actum, qui sit simpliciter inuoluntarius.

IX.

Secundo vero dicendum, etiam si per possibile, vel impossibile admittamus cum volitione alicuius rei simul posse esse absolutam nolitionem habendi talem actum, nihilominus non posse dici simpliciter coactum, primo quia non est maior ratio de vno quam de alio: ergo vel vterque est coactus, vel neuter: non potest autem intelligi vtrumque esse coactum, quia non possunt ambo esse contra appetitum simpliciter voluntatis: ergo neuter. Secundo, quia ille actus simpliciter per se & intrinsece est voluntarius: ad summum autem potest dici inuoluntarius per denominationem extrinsecam, seu respectum ad alium actum: ergo magis & perfectius est voluntarius, quam inuoluntarius: non est ergo coactus, nam quod coactum est, debet esse simpliciter inuoluntarium. Et in hoc est aperta differentia inter actus voluntate imperatos in aliis potentiis, &

in se ipsa, nam illi non sunt per se intrinsece voluntarii, sicut actus ipsius voluntatis, qui simul sunt elicitedi ab ipsa, ut notauit Almain. tractatu 1. moral. capit. 2. Denique hic actus necessario est à principio intrinseco respectu ipsius voluntatis, vnde non fit in ea, ipsa non conferente vim: ex hoc ergo capite etiam deficit à ratione coacti. Simpliciter igitur loquendo non potest coactio voluntati inferri in actionibus positius illius.

Atque hinc obiter colligitur idem dicendum esse de actibus propriis appetitus sensitui seruata proportionem, nam illi etiam sunt per se intrinsece voluntarii, atque necessario etiam sunt à principio intrinseco respectu eiusdem appetitus, & ideo fieri non potest ut respectu illius sint coacti. An vero respectu voluntatis, atque adeo simpliciter respectu hominis possint esse coacti, dicemus sequenti sectione.

## SECTIO VI.

*Utrum possit homo, seu voluntas humana simpliciter cogi ad actum aliarum potentiarum, quæ subduntur imperio voluntatis.*

DE his actibus dupliciter loqui possumus, vno modo in ordine ad proximam facultatem, ut de visione in ordine ad potentiam visiuam, de intellectione respectu intellectus, & sic de aliis. Alio modo in ordine ad voluntatem, à qua imperari possunt, & denominari actiones voluntariæ, vel humanæ. Dicendum primo, huiusmodi actiones imperabiles à voluntate, simpliciter possunt esse coactæ respectu voluntatis, & consequenter absolute respectu hominis. Sic intelligenda est doctrina D. Thomæ 1. 2. quæst. 6 art. 4. dicentis posse voluntatem cogi in actibus imperatis, nõ est enim hoc intelligendum in sensu composito (ut sic dicam) quia non potest idem actus simul esse coactus, & imperatus à voluntate, quia hoc ipso quod imperatus est, voluntarius est simpliciter, & ipsa voluntas vim confert ad illum, nam est aliquo modo ab illa. Intelligendum est ergo in sensu diuiso, scilicet quod actus, qui ex natura sua aptus est, imperari à voluntate, potest in homine fieri, ipsa absolute nolente, quod est fieri coacte. Et hoc modo est euidentis doctrina, quæ satis constat experientia, atque hac ratione quando homo sic cogitur, omnino excusatur à culpa, quia scilicet talis actio, vel potius passio est prorsus inuoluntaria. Et ratio à priori est, quia voluntas humana est finitæ efficacitatis & virtutis, & ideo facile potest ab agente fortiori superari. Quoniam autem voluntas est appetitus totius hominis, & supremus, ideo quod est absolute contra voluntatem, est simpliciter coactum homini.

Obiicies, nam coactum est quod est à principio extrinseco, sed istæ actiones non possunt omnino esse à principio extrinseco, quia sunt vitales, ut visio, imaginatio, &c. vnde ad eas semper passum confert aliquam vim: ergo non sunt simpliciter coactæ. Respondetur primo has actiones reuera non esse coactas ut actiones sunt, sed solum ut sunt passiones, vel certe alicuius passionis præcedentis, quæ cum coacta sit, denominat coactum quidquid ex illa nascitur: quod non est eodem modo applicandum ad omnes potentias quæ subduntur imperio voluntatis, quales sunt potentia cognoscitiua, appetitus inferior, & potentia loco motiua: inter quas hæc

X.

Diaproxime quantant etiam in appetitum sensituum.

I.

2. Assertio affirm. exponitur.

II.

Obiectio contra assertionem.

ult ma



ultima omnino subditur motioni appetitus in agendo, & subditur directe & immediate, ita ut appetitus directe illam applicet ad mouendum, nec possit ipsa operari non posita motione appetitus, etiam si reliqua omnia prærequisita ad agendum applicata sint; & ideo proprie nunquam videtur homo cogi ad actionem huius potentia: licet enim cogatur ad ambulandum, vel loquendum, tamen ille motus tunc reuera non est à potentia intrinseca motiua, sed solum à principio extrinseco mouente: unde non est motio vitalis, sed solum illi similis in mutatione, vel acquisitione loci: & quamvis fortasse interdum cogatur impellere vnā partem mediantē alia, tamen ille motus non est ab intrinseco, sed ex vi alicuius extrinsecci impulsus: quod si interdum homo victus fortasse dolore cedit aliquo modo, & mouet aliqua membra, iam illa motio non est coacta, quia reuera à voluntate prouenit; neque enim posset appetitus efficere illam motionem voluntate simpliciter contradicente, loquimur enim de motibus qui ab appetitu procedunt, non de his qui fieri possunt alteratione naturali, nam hi non subduntur imperio voluntatis. Alię vero potentia cognoscitiue, & appetitiue non videntur moueri à voluntate, nisi per applicationem obiectorum, quæ interdum fieri potest à principio extrinseco, vel directe ex parte obiecti, ut quando fit sonus contra voluntatem audientis, vel remouendo impedimentum ex parte organi, ut quando cogitur homo aperire oculos, &c. quæ omnia constat fieri ab extrinseco. Quod si interdum potest voluntas mouere directe has potentias ad actus suos, vel illas cohibere positis etiam omnibus requisitis ad agendum, tunc fortasse cogi non potest homo ad huiusmodi actus, quia neque cogi potest voluntas ad mouendum tales potentias, alias cogitur iam ad actum elicitedum neque ipsæ potentia necessitari possunt ad operandum renuente voluntate, quia naturalis subordinatio, quam habent ad voluntatem, intrinseca connaturalis, atque adeo immutabilis est.

III. Et hæc quidem responsio videri posset sufficiens, si tantum esset sermo in ordine ad causas creatas, tamen in ordine ad Deum, non existimō sufficere, quia non solum potest Deus facere ut homo moueatur voluntate renuente, quod etiā potest Angelus, vel homo facere, sed etiam potest Deus facere ut homo se moueat motu, v. g. progressiuo, ita ut motus effectiue procedat à potentia motiua, quæ est in membris humani corporis, voluntate etiam & appetitu omnino contradicentibus, quod forte neque Angelus, neque homo possunt efficere, quia non possunt immutare naturalem subordinationem harum potentiarum, neque hæc potentia obedit in agendo alteri voluntati, vel agenti extrinseco creato, sed tantum appetitui proprii suppositi: at vero voluntati diuinæ necessario obedit, sicut omnis alia creatura. Ac simili modo in intellectu, v. g. potest Deus efficere ut credat, seu assentiat opinioni probabili absque motione voluntatis, imo contra illam; quod tamen non potest facere causa creata, tum ratione dicta, tum etiam quia nulla creatura habet actionem directam in intellectum, præsertim quoad actum secundum eius: videtur ergo posse Deum cogere ad hos actus etiam prout sunt à principio intrinseco.

IV. Respondetur tamen secundo hos actus posse considerari tantum phyſice, & sine respectu ad voluntatem, & hoc modo non sunt coacti, imo nec violenti, ut statim dicam. Possunt etiam considerari ut sunt actus humani, vel esse possunt,

Suarez in primam secundæ D. Thom.

& ut sic omnino pendent à voluntate, quæ est proprie principium humanorum actuum ut humani sunt. Quando ergo homo cogitur ad habendos hos actus citra voluntatem, iam desinunt esse humani, & ita respectu hominis ut homo est, operarique potest humano modo, sunt à principio extrinseco. Atque hoc modo sunt coacti respectu hominis, & principalis appetitus eius.

Dices: ergo hac ratione etiam motus appetitus sensitiui qui in homine insurgit contra voluntatem eius, dicitur coactus, quia est ut sic à principio extrinseco respectu voluntatis: consequens autem videtur falsum, quia ille actus est per se & intrinsece voluntarius. Respondetur concedendo sequelam: & ratio in contrarium facta solum probat illum actum non esse coactum appetitui, non vero non esse coactum voluntati, atque adeo homini ut homo est, qui per solam voluntatem humano modo operatur. Urgebis, nam sequitur etiam motus imperfectus, qui in ipsamet voluntate insurgunt ex motione appetitus, esse coactos, atque ita reperiri coactionem in actibus elicitis à voluntate. Sequela patet, quia etiam illi motus sunt contra plenarium & absolutum consensum voluntatis. Respondetur nequaquam in his per se reperiri coactionem, quia si voluntas actu habeat deliberatam & absolutam voluntatem repugnantem huiusmodi motibus, iam habet sufficentem rationis aduertentiam. Unde fieri non potest ut huiusmodi motus inuoluntarie insurgant: si autem nec ratio aduertit, nec voluntas habet deliberatum actum contrarium, possunt quidem insurgere illi motus, qui tunc erunt necessarii, non autem coacti, quia non sunt contra actuale appetitum voluntatis: atque idem est si contingat prius rationem aduertere, postea vero vi & efficacia passionis fieri ut distrahatur & non aduertat, & propter hanc causam insurgant motus in voluntate, nam tunc etiam non est coactio, sed mutatio voluntatis, ut section. 5. numer. 4. & 5. in simili dicebam.

Tandem queri potest in hac conclusione, VI. quid sit hæc coactio respectu voluntatis, aut quid sit in quomodo dicatur coactio illius, cum per eam nihil in voluntate fiat. Respondetur hanc coactionem in re nihil aliud esse, quam actionem, vel passionem factam in inferiori aliqua facultate hominis contra voluntatem: sicut autem voluntas dicitur consequi bonum quod appetit, etiam si non per se ipsam, sed per actionem inferioris potentia illud assequatur, quia ipsa est appetitus vniuersalis; ita è contrario dicitur cogi quando in inferiori potentia sibi subdita aliquid fit contra appetitum eius.

Secundo dicendum hos actus inferiorum potentiarum, qui respectu hominis, seu voluntatis coacti dicuntur, respectu ipsarum potentiarum neque coactos esse, neque proprie violentos. Hoc bene docuit Durand. in 2. dist. 25. quest. 3. & 4. cuius opinionem fere alii secuti sunt, Paludan. Almain. locis citat. immeritoque illam reprehendunt Medin. 1. 2. questione sexta, articulo quinto, & Soto in quarto distinctione vigesima nona, questione prima, articulo quinto, quamuis forte de nomine disputent. Probatur tamen conclusio, quia hi actus respectu propriarum potentiarum sunt à principio intrinseco, ut visio à potentia visiva: sunt etiam conformes appetitui naturali, quo hæc potentia inclinatur ad suos actus & obiecta, & ut sic, non sunt contra appetitum elicitedum, quia non est in huiusmodi potentiis, nisi in appetitu sensitiuo, de quo iam diximus.

V.

VII.

N

mus



mus necessarium esse ut actus eius sit intrinsece voluntarius respectu illius.

## VIII.

Obiicit Medina in primis quædam loca D. Thomæ in 2. distinct. 25. question. 1. artic. 2. & in 3. distinct. 27. question. 1. artic. 2. & question. 22. de veritat. artic. 5. ad 5. Tamen hæc loca aperte explicari possunt de coactione respectu hominis. Item sæpe D. Thomas his locis videtur coactionem sumere pro necessitate, ut cum ait visum cogi ad videndum à suo obiecto, vel intellectum cogi ab euidencia principiorum ad assentiendum conclusioni. Obiicit deinde, quia in his potentiis subordinatis voluntati duplex est appetitus, vnus ad sua obiecta, alius ad obediendum voluntati: & hic est maior & potior, quia est ad commune bonum totius suppositi. Illa ergo coactio, quamuis non repugnet priori appetitui harum potentiarum, repugnat tamen posteriori, & ideo est violenta respectu ipsarum potentiarum, quia est contra potissimum appetitum earum. Respondetur tamen, quando hæc potentie coguntur tantum per applicationem obiectorum, seu tollendo tantum impedimenta, & applicando omnia necessaria ad operandum contra voluntatem suppositi, tunc nihil proprie fieri contra inclinationem harum potentiarum, nam ea omnia quæ sunt præuia ad actiones earum, non sunt ex parte earum, vnde neque in his inclinatur ad obediendum voluntati: at vero postquam sunt omnia necessaria ad operandum, tunc vel naturaliter ac necessario operantur, ut constat in sensibus externis, & ita nullam patiuntur violentiam, neque quo ad hoc inclinatur ad obediendum voluntati, quia ipsa non potest impedire hos actus postquam sunt posita omnia requisita ad illos efficiendos. Si autem fingamus has potentias immediate & per se cogi ad agendum, vel recipiendos suos actus renuente voluntate, tunc iam diximus huiusmodi vim non posse proprie inferri ab agente creato: si autem inferatur à Deo, responderi poterit ad auctores contrariæ sententiæ iuxta principia eorum, magis inclinari has potentias ad obediendum Deo, quam voluntati ipsius hominis, & ideo ex hoc capite ipsis non fieri coactionem. Vel absolute dicendum est, tunc immutari quidem à Deo aliquo modo naturalem modum operandi absque propria coactione, quia respectu illius modi non est positua repugnantia in natura, sed potius quædam non repugnantia, ut in similibus sæpe dictum est in superioribus.

IX.  
*An coactio  
dari queat  
in voluntate  
respectu  
actionum  
mere natura-  
lium sup-  
positi, &c.*

Vltimo hic potest inquiri, Vtrum possit voluntas cogi vel ad actiones mere naturales ut sic, ut est nutritio, &c. vel ad carentiam actionis, seu passionis sibi impossibilis per naturam, v. g. ad non volandum, vel ad alias res mere extrinsecas, quæ non sunt in ipso homine, v. grat. ad mortem amici, vel similia. Sed in his omnibus tantum potest esse questio de modo loquendi, nam constat posse hæc esse inuoluntaria, atque hoc sensu posse dici coacta, si coactum dicatur quidquid est contra desiderium elicited voluntatis: proprie tamen coactio tantum videtur esse in his, quæ sunt circa ipsum hominem, in quibus habet rationem passi non conferentis vim, & non est proprie circa necessaria, vel impossibilia, quia circa hæc non proprie conatur voluntas ad agendum, vel resistendum, quod videtur ad coactionem requiri, sed ad summum possunt ei displicere per simplicem affectum.

(o)

## DISPUTATIO III.

De voluntario mixto cum inuoluntario  
ob metum, vel concupiscentiam.



Ixi mus de voluntario per se ac simpliciter, & similiter de inuoluntario: nunc dicendum de actu participante vtrumque. Quod ex duplici radice contingere potest, scilicet aut ex affectu, vel passione aliqua, aut ex ignorantia, cum enim ad perfectionem voluntarii duo sint necessaria, scilicet quod sit ex perfecta cognitione, & quod sit à principio intrinseco, priori conditioni repugnat ignorantia, & ideo potest voluntarium tollere, aut saltem minuire, de quo dicendum *disputation. sequenti*: posteriori autem conditioni videtur repugnare passio, seu motio appetitus sensitiui, nam, ut constare potest ex dictis *disputation. preced.* & latius traditur 1. 2. question. nona & decima, nulla alia causa extrinseca, excepto Deo, de quo iam dixi potest trahere voluntatem, nisi mediante appetitu, intellectus enim non computatur proprie inter causas extrinsecas, nam potius est proprius & connaturalis motor ipsius voluntatis; vnde quo perfectius mouet, tanto magis confert ad voluntatem: omnis autem passio appetitus ad hæc duo capita reuocatur, scilicet aut sunt prosecutio boni, aut fuga mali: quæ videtur D. Thomas comprehendisse sub metu, & concupiscentia, quia hæc duæ passionēs maxime videtur mouere voluntatem, & ideo de vtraque simul dicemus, præsertim quia potissima difficultas huius disputationis consistit in explicanda differentia quæ est inter hos affectus in causando voluntarium, vel inuoluntarium.

## SECTIO I.

Vtrum quæ ex solo metu sunt, sint voluntaria simpliciter ratione metus.

Ad do in titulo dictionem illam exclusiuam, I. quia contingere potest ut voluntas aliquando velit ob timorem alicuius mali, non tamē ex solo illo motiuo, sed etiam ratione alicuius boni: ut potest quis velle seruare diuina mandata ob timorem inferni, simulq; propter amorem Dei, & tunc constat posse actionem esse simpliciter voluntariam, tamen tunc non potest constare quid habeat ex vi metus, & ideo sumenda est actio & voluntas quæ ex solo metu nascatur: cū autem sermo est de solo metu, non excluduntur priores affectus ex quibus metus nascitur, quia dictio exclusiua non excludit necessario concomitantia. Sic igitur exposta questione, difficultatis ratio est, quia Aristot. 3. *Ethicor. cap. 1.* dixit, quæ ex metu sunt, simpliciter esse inuoluntaria, solumque ex accidenti esse licet & nunc voluntaria: & D. Thom. 2. 2. q. 142. art. 3. citans prædictum Aristotelis testimonium, dicit ea quæ ex timiditate sunt, non esse voluntaria simpliciter, quia sunt voluntaria tantum secundum rationem communem, inuoluntaria autem secundum particularem naturam. Et ratione argumen-  
tari



tari possumus primo. Quæ ex metu sunt, tantum sunt voluntaria, conditionate scilicet, si necessario sint ad vitandum malum: sunt autem inuoluntaria absolute & per se sumpta. Et confirmatur ab incommodis, quia si hæc ex metu facta, essent voluntaria simpliciter, ergo si sunt contra legem, erunt semper peccatum, quod est falsum. Rursus contractus ex huiusmodi voluntate facti non erunt semper validi, quia per voluntatem sunt: ergo si ibi interuenit absoluta voluntas, habebit effectum; consequens autem est falsum, vt constat de matrimonio, vel voto metu facto.

II.  
Vox *simpliciter* quo sensu accipienda hoc loco.

In hac questione, & distis Aristotelis & aliorum solet esse æquiuocatio in illo termino *simpliciter*, & ideo distinguenda est eius significatio: potest enim sumi vel ex parte obiecti voliti, seu operationis quam voluntas eligit, vel ex parte operantis, seu eligentis ipsius. Priori modo sumplit illam vocem Aristoteles *loco citato*, nam in hac significatione idem est *simpliciter*, quod præcise, & nude obiectum considerando, & sic recte dicitur projectionem mercium in mare *simpliciter*, id est, per se consideratam, nō esse voluntariam, quia vt sic abstrahitur ab omni alia vtilitate, vel necessitate: quamuis si quis recte consideret, in hoc loquendi genere, non tam est sermo de voluntario in actu, quam aptitudine, id est, quid illud obiectum possit causare nude sumptū. Posteriori autem modo, id est, ex parte operantis, dicitur *simpliciter* voluntarium, quod de facto est volitum per actum absolutum & efficacem voluntatis: vnde talis actus dicitur voluntas *simpliciter*. In quo adhuc oportet aduertere huiusmodi *simpliciter* interdum excludere omnem missionem inuoluntarii: & hoc modo vsus est hac voce D. Thomas in *citato loco* 2. 2. sic enim ait, *Quæ ex metu sunt, non sunt simpliciter voluntaria, sed mixta*; de quo seq. sect. Alio ergo modo dicitur *simpliciter* voluntarium, quod est absolute & efficaciter volitum per actum in suo genere perfectum, qui sufficiens sit denominare hominem absolute & *simpliciter* volentem, etiam si habeat coniunctam, seu admistam imperfectam velleitatem aliquo modo contrariam, & in hoc sensu sumitur in præsentī.

III. Vnde dicendum primo ea quæ sunt ex me-  
1. *Affertio*, tu, esse simpliciter voluntaria. Hæc est sententia  
*probat*ur D. Thom. 1. 2. *quest.* 6. *articul.* 6. August. Nissen. Da-  
*autoritate* masc. & Anselm. *locis cit. initio sect. sequentis*, & hoc  
*presertim* sensu dici solet in iure, *Coacta voluntas, voluntas est*  
*Aristotelis* simpliciter, vt constat ex l. *similiter*. §. *penult. ff. de eo*  
*quod vi, metu seu causa*, & ex cap. *merito*. 15. *quest.* 1. &  
*cap. vides*. 23. *quest.* 6. ex Augustin. *quest.* 2. 4. in *Numer.*  
& *epist.* 48. Et hæc est sine dubio mens Aristotelis  
3. *Ethicorum cap.* 1. sic enim ait, *De his quæ metu sunt*,  
*per se quidem inuite sunt*, sed nunc pro his expetuntur,  
*principiumque est in ipso agente*: vnde concludit, *Per*  
*se quidem inuitus facit*, nunc autem & pro his sponte fa-  
*cit*, magis autem his *similia sunt quæ sua sponte quis a-*  
*git*: actus enim sunt circa ipsa singula, quæ quidem sponte  
*facit*. In quibus verbis considerandum est illa  
*duo per se*, & nunc, ac pro his, distinguui tanquam  
*opposita*: vnde constat sumere illud *per se* ex par-  
*te obiecti*, vt idem sit quod præcise & abstracte  
*illud considerando*, & separando à præsentibus  
*circumstantiis*.

IV. Deinde est considerandum Aristotelem concludere nunc, & pro his actionem illam esse simpliciter spontaneam. Et indicat duplicem rationem: prima est, quam D. Thomas citato articulo 6. tetigit, nam vnumquodque est simpliciter tale prout est in actu, sed hic actus prout nunc exercetur, est simpliciter volutus: & eandem fere rationem adducit Suarez in primam secundae D. Thom.

nem tetigit D. Thomas *quodlib. quinto, articulo decimo*. quia licet talis actio per se considerata non sit amabilis simpliciter, tamen hinc & nunc proponitur ut absolute eligenda tanquam medium conueniens ad euitandum maius malum: ergo sub ea ratione est hinc & nunc simpliciter voluntaria. Vnde alio modo sumpsit D. Thomas *in citato loco 2. 2.* medium in communi, & in particulari; cum ait ea quæ ex metu fiunt in communi considerata esse voluntaria, tamen in particulari esse inuoluntaria; cum tamen *in illo articulo sexto, & dicto quodlib.* contrarium principium sumere videatur. Sed non est contradictio, nam *in 2. 2.* loquitur formaliter de medio ut medium est ad fugiendum malum, nam in communi sumptum est simpliciter voluntarium, & nullo modo inuoluntarium, etiam secundum quid, quia in hoc communi obiecto, scilicet fugere, vel vitare malum, nihil est voluntati contrarium: at vero hoc malum in particulari, scilicet fugere malum proiciendo merces in mare, aliquid habet difficultatis, seu incommodi admixtum, propter quod est aliquo modo inuoluntarium, secundum quid saltem: at vero *in 1. 2.* & aliis locis loquitur de ipsa actione, v.g. proiciendi merces, & de hac optime dicit præcise & abstracte sumptam non esse voluntariam simpliciter, tamen prout hinc & nunc exercetur, esse voluntariam, & iudicium de voluntario esse ferendum, considerata re in particulari cum omnibus circumstantiis, & non per abstractionem, seu præcisionem intellectus.

Secunda ratio Aristotelis est, quod illud est voluntarium, quod est à principio intrinseco cum cognitione, sed illa actio hic & nunc, est à voluntate, supposita tali cognitione; nam voluntas illam eligit, & ex vi talis electionis applicat potentiam ad exercendam illam actionem, quod est apertum signum absolutæ & efficaciæ voluntatis. Dices: ergo quoties homo ex metu tacet, vel non resistit actioni, censetur voluntarie consentire in illam actionem. Respondetur ex dictis supra de voluntario indirecto, aliud esse loqui de actione positiva, quæ est à voluntate, aliud vero de negatione actionis, & effectu inde subsecuto: quando enim aliquis ex metu agit actionem per imperium suæ voluntatis, tunc semper illa actio est simpliciter voluntaria, quia necesse est vt procedat ab actu absoluto & efficaci; quando vero ex metu solum inducitur homo immediate ad non agendum, seu non imperandum actum, vt ad non clamandum, tunc illa omisio, vel negatio esse poterit voluntaria, indirecte saltem; tamen effectus inde secutus non necessario est voluntarius, quia non sequitur ex imperio voluntatis, neque ex vi metus cogitur voluntas ad habendum aliquem positivum actum circa illum effectum: esse autem poterit indirecte voluntarius pro ratione obligationis, iuxta principia superius posita in disput. 1. sect. 5.

Dicendum secundo: Quæ ex metu fiunt, sunt  
 simpliciter voluntaria, ratione ipsius metus, ita-  
 que metus est causa huius voluntarii simplici-  
 ter. Declaratur sic, nam aliud est aliquid operari  
 cum metu, aliud vero ex metu: nam primum di-  
 citur concomitantiam; unde quod ita fit, licet sit  
 absolute voluntarium, tamen illud voluntari-  
 um non oritur ex metu, sed potius opponitur, &  
 vincit ipsum metum, quod est signum magnæ  
 voluntatis: ut quando Christus Dominus pro-  
 grediebatur ad mortem, metuens illam, summa  
 voluntate illam amplectebatur, quæ non orieba-  
 tur ex timore, sed ex amore Patris & hominum,  
 N 2 & ideo



& ideo vincebat naturalem timorem. At vero fieri ex metu, significat quod metus ipse inducit ad volendum, seu faciendum aliquid, & tunc metus est causa talis voluntarii, eo modo quo inter actus voluntatis intentio est causa electionis, & electio vsus, & amor boni, est causa odii oppositi mali: nam ad hunc modum in presenti quando quis timet mortem, decernit, & intendit illam fugere, & ex vi huius decreti eligit hoc medium, v. gr. proicere merces in mare, & ad hanc electionem sequitur vsus, seu executio: ergo de primo ad ultimum metus fuit causa excitans & applicans voluntatem ad illum actum efficacem, quo imperauit illam actionem exteriorem: ergo hoc modo metus causat voluntarium simpliciter.

VII. *Ad argum. in n. 1.* Ad argumenta. Ad Arist. & D. Thom. iam responsum est. Ad incommoda quæ afferebantur in 3. argumento, respondetur ad 1. formaliter verum esse, quidquid ex metu contra legem fit, esse peccatum, quia transgressio legis est intrinsece mala, vnde si sit simpliciter voluntaria, imputabitur ad peccatum, & ideo 2. Malach. 7. dicitur, *Præclara mors, quæ propter seruandam legem sustinetur, & Matth. 10. dixit Christus, Nolite timere eos qui occidunt corpus: de quo legi potest Aug. 1. de Ciuitat. cap. 18. Dixi autem formaliter loquendo, quia fieri potest vt in tali articulo, seu periculo mortis, vel infamiz, aut alterius mali similis, cesset obligatio legis, quia vel est affirmatiua, quæ non obligat pro semper, vel est positiua, quæ non semper obligat cum tanto discrimine, & tunc actio illa facta ex metu non erit peccatum, non quia non sit voluntaria, sed quia non est contra legem: quando vero ratione alicuius incommodi cesset obligatio legis, non est huius loci explicare. Videri possunt dicta in materia de excomm. disp. 6. sect. 3. & de legibus lib. 3. c. 30. & lib. 2. de iuram. cap. 10. & lib. 1. de voto cap. 6. Ad aliam sequelam de contractibus responderi posset ad valorem contractus non esse solum necessariam voluntatem simpliciter, prout nos loquimur, sed etiam in secundo sensu supra explicato, id est, nullo modo cõiunctam cum inuoluntario. Hæc vero responsio non est firma, neque vniuersaliter applicari potest, nam sine dubio sæpe sunt contractus validi, etiam si secundum quid sint inuoluntarii. Dicendum est ergo verum esse ex hoc capite, id est, ex defectu voluntarii, non esse inuoluntarios contractus factos ex metu: vnde si interdum inuoluntarii sunt, illud est vel ratione iuris positiui, vel si interdum oritur, ex naturali iure, solum esse potest quando tale voluntarium per iniuriam extortum est: de qua re in materia de matrimonio, seu de voto tractari solet in particulari, non vero est huius loci.*

## SECTIO II.

*Virum quæ ex metu fiunt, sint inuoluntaria, saltem secundum quid ratione ipsius metus.*

I. *Partis affirm. multorum suadetur tribus indicis.*

In hac re omnium, tam antiquorum Philosophorum, quam Theologorum, sententia esse videtur, metum causare inuoluntarium saltem secundum quid, quod explicatur illo actu, nollem hoc facere. Id constat ex Aristotele, & expolitibus eius 2. Ethicor. Nissen. 5. Philosophia cap. 1. & Damasc. 2. de fid. cap. 24. Anselm. dial. de libr. arb. D. Thom. 1. 2. quæst. 6. art. 6. & loco citato 2. 2. & ex omnibus expolitibus. Qui omnes afferunt tria signa huiusmodi inuoluntarij, quæ reperiuntur in

his quæ metu fiunt: primum est, quia quæ sic inuoluntarie fiunt, tristitiam afferunt, nam quod est voluntati consentaneum, vt sic, delectat: si ergo aliquis cum tristitia operatur, signum est opus esse aliquo modo inuoluntarium illi, sed quæ ex metu fiunt, cum tristitia fiunt, vt experientia docet: signum est ergo esse inuoluntaria saltem secundum quid. Secundum signum est, quod opus, si turpe sit, sit aliquo modo venia dignum, nam cum peccatum in tantum sit culpabile, in quantum est voluntarium, si aliquam excusationem admittit, est propter aliquod inuoluntarium admistum, sed quæ ex metu fiunt, etiam si sint peccata, apud omnes homines censentur digna aliqua excusatione: ergo signum est esse aliquo modo inuoluntaria. Tertium signum est, quod opus secundum se sumptum non est amabile voluntati: huiusmodi autem est opus ex solo metu factum, nam per se non est eligibile, vt Aristoteles dixit: ergo hic & nunc aliquo modo est voluntarie electum propter metum: causat ergo metus inuoluntarium secundum quid.

In contrarium est, quia hoc inuoluntarium imperfectum in hoc consistit, quod cum voluntate absoluta illius operationis quæ ex metu fit, coniungatur simplex affectus contrarius, quo voluntas nollet sic operari, sed in his quæ metu fiunt, non est necesse coniungi huiusmodi affectum cum illa voluntate, & aliquando coniungitur ille affectus, non oritur ex metu, sed aliunde: ergo metus non causat huiusmodi inuoluntarium. Minor quoque ad priorem partem probatur manifestis exemplis, nam qui vult seruare præceptum ex metu gehennæ, vere operatur ex metu, & tamen non habet illam velleitatem, vellem peccare si non immineret poena inferni, alioqui in hoc ipso iam peccaret, esset enim omnino seruilis, & malus talis timor. Item est de homine nobili, qui fugit iniustitiam furti metu infamiz, qui non est necesse habeat illum actum, vellem furari si non sequeretur infamia: hæc ergo & similia licet ex metu fiant, non sunt inuoluntaria etiam secundum quid. Et ratio huius prioris partis sumenda est ex posteriori, nam quia hoc inuoluntarium si aliquando coniungitur, non oritur ex ipso metu, ideo non necesse est temper cum illo coniungi, quia non habet ordinem per se ad illum. Declaratur ergo & probatur posterior pars, nam quando quis metu mortis proicit merces in mare, nollet proicere: hæc nolletas non oritur ex metu mortis, sed ex concupiscentia diuitiarum, nam si hunc affectum non haberet, nullā repugnantiam sentiret in illa actione, etiam si ex metu mortis illam faceret: & idem constare potest ex quouis alio exemplo. Et ratio est, quia ille timor, & altera nolitio imperfecta versantur circa diuersa obiecta, quæ non habent inter se connexionem cum amore, vel odio: vnde non est cur vnus actus ex alio nascatur. Item quia supra dixi potius metum inducere voluntatem ad volendum simpliciter illam actionem, quia est utilis ad vitandum malum, quod timor fugit: ergo non est vnde metus auertat voluntatem ab illa actione etiam secundum quid: nullo ergo modo causat inuoluntarium.

Propter has difficultates possumus primo hac distinctione vti; dupliciter enim potest aliquid fieri ex metu, primo vt ex motiuo necessario sine quo non fieret actio, vt est in repetito exemplo de projectione mercium. Secundo vt ex motiuo quod actu quidem mouet, non tamen est simpliciter necessarium, quia sine illo fieret actio, vt in exemplo illo de obseruatione præcepti ex motu inferni. Quando ergo actio fit ex metu hoc poste-

II. *Partis neg. argumentum.*

III.



posteriori modo, non est necesse esse inuoluntarium etiam secundum quid: & hoc probant obiectiones in contrarium factæ *num. preced.* Quando vero fit priori modo, tunc admiscetur inuoluntarium imperfectum: & ita loquuntur Aristot. & alii autores, vt expressius declarauit. Nyss. dicēs tunc actionem esse inuoluntariam, quando propter maioris mali timorem minus malum quis eligit, quod aliter fieri non possit.

IV.

Sed distinctio hæc non euacuat difficultatem, interrogo enim quid necessarium sit vt timor censeatur motiuum necessarium sine quo non fieret actio: aut enim sufficit quod hic & nunc, quando fit actio, solus timor moueat, vel vltra hoc necesse est vt voluntas habeat actu hoc propositum, nisi immineret hoc malum, id non facerem. Primum dici non potest propter eadem argumenta supra *num. 2.* facta, nam interdum potest solus timor inferni mouere ad seruandam legem sine motiuo amoris, vel alterius honestatis, & tamen non propterea est actio inuoluntaria, neque censetur formaliter, aut virtualiter continere illud propositum conditionatum ex parte obiecti, si non esset poena imposita, non facerem, alioqui esset malus talis timor, cum tamen sit certum esse honestum, etiam si talis sit. Item in aliis motiuis voluntatis non sequitur, si vnum hic & nunc moueat, illo ablato non esse futuram actionem, quia deficiente illo posset intellectus aliud proponere. Vnde illa conditionalis, si deesset hoc motiuum, actio non fieret, omnino est incerta. Et præterea, etiam si demus in re ita esse, & Deum cognoscere illam veritatem, id nihil referret vt actio hic, & nunc sit inuoluntaria, etiam secundum quid, nam interdum fieri potest vt Deus cognoscat hunc peccatorem non esse conuertendum, nisi ipse immitteret in illum vehementem timorem mortis, & nihilominus quod inspirato tali timore ille omnino voluntarie conuersatur absque omni mixture inuoluntarii, quia illa conditionalis hic & nunc nihil ponit in esse. Si vero posterior sensus intelligatur, insurgunt difficultates *illo 2. numer.* positis, nam etiam si quis operetur ex solo metu, non est necesse vt actu habeat in voluntate hoc propositum, si non esset metus, non facerem. Quod si dicas non omnem metum causare inuoluntarium, sed quando habet hoc propositum coniunctum, non facerem nisi propter hoc malum vitandum, manifeste petitur principium, & idem per idem explicatur: quia actionem esse secundum quid inuoluntariam, nihil aliud est, quam nolle illam per se nisi esset medium ad vitandum malum: ergo dicere metum causare inuoluntarium, quando illud propositum est adiunctum, nihil aliud est, quam dicere causare inuoluntarium quando est inuoluntarium, & præterea semper procedit difficultas supra posita, quod etiam tunc propositum illud seu nolitio conditionata non procedit ex metu, sed aliunde.

V.

Secundo vero distinguere possumus de metu, alius enim est qui intrinsece oritur ex malo per se coniuncto actioni, aut omissioni contrariæ, vt timor inferni oritur ex malo poenæ, quod per se & intrinsece coniunctum est transgressionis præcepti: alius vero est timor extrinsecus ortus propter vitandum malum per accidens, & ab extrinseco coniunctum cum tali actione, vel omissione, vt est in protectione mercium in mare. Quando timor est prioris modi non est necesse vt causet inuoluntarium, imo nec causare illud potest, per se loquendo, quod videntur probare rationes supra factæ: Aristoteles enim &

Suarez in primam secundæ D. Thom.

alii autores explicari possunt de posteriori timore.

Hæc distinctio neque omnino displicet, neque omnino satisficit, nam quod attinet ad priorem partem, videtur certe probabile satis illum timorem neque inducere, neque, per se loquendo, secum admittere aliquod inuoluntarium, nam ille timor non est ab extrinseco. At autem D. Thomas metum in tantum causare inuoluntarium, in quantum est ab extrinseco, quia de ratione voluntarij est vt sit ab extrinseco. Item quia quando malum quod timeatur tale est, vt per se sit coniunctum tali actioni, iam actio non solum hic & nunc, sed etiam per se præcise considerata talis est, quia quæ per se consequuntur actionem, coniunguntur cum illa, etiam si per se ac præcise consideretur: ergo talis malitia facit per se odibilem illam actionem, & amabilem contrariam, & non tantum hic & nunc, vt Aristoteles loquitur. Dico autem, per se loquendo, quia qui vult seruare præceptum ex timore inferni, si intelligat vim illius motiui, non potest habere simplicem affectum contrarium transgredier præceptum si non esset poena, nam per hunc ipsum affectum peccaret, & reatum poenæ incurreret, & consequenter contra suum motiuum: si ergo vere & efficaciter moueatur ab illo motiuo, & intelligat vim eius, & qualitatem suorum actuum, fieri non potest vt cum illo motiuo sit talis affectus; ex accidenti vero, ob ignorantiam, fieri potest vt aliquis habeat illum affectum, quia non satis percipit vim illius mali, neque intelligit se in idem reuolui, quod timebat. Adde etiam quod tunc licet malum illud vere sit per se coniunctum actioni, tamen in apprehensione concipitur ac si esset extrinsecum, & separabile ab actione.

VI.

At vero quod attinet ad posterius membrum, non videtur satisfacere, quia argumenta *num. 2.* facta videntur probare, quod etiam si actio procedat à metu extrinsecus illato, non semper est necessario inuoluntaria, vt patet de furto quod quis vitat ob metum poenæ mortis, seu infamiae, nam hoc malum extrinsecum est, & per accidens coniunctum, & deinde quando actio est inuoluntaria, adhuc illud inuoluntarium non causatur ex metu, vt probatum est.

VII.

Quo circa dicendum mihi videtur, & communem doctrinam esse veram, & obiectiones in contrarium factas etiam concludere quod intendunt, non tamen procedere contra sensum ab Aristotele & ab aliis intentum. Quod ita declaratur, nam in primis metus non dicitur causare inuoluntarium, quia causat illum simplicem affectum à quo denominatur actio inuoluntaria secundum quid, sed potius, quia superat illum affectum, & inducit ad volendam actionem, non obstante tali affectu voluntatis. Hoc apud me conuincit obiectio facta, nam idem motiuum non potest simul inducere ad volendum & non volendum. Deinde explicatur exemplo coactionis, quæ dicitur causare inuoluntarium simpliciter, non quia causet nolitioem illam, à qua actio denominatur coactio, nam coactio non potest causare actum ipsius voluntatis, dicitur ergo causare inuoluntarium, quia facit operari actionem, vel recipere passionem, cui voluntas quantum potest resistit. Vnde vltius sequitur non esse necessarium vt omnis actio quæ ex metu fit, sit inuoluntaria, quia fieri potest vt voluntas cedat, & nullo modo resistat.

VIII.

Nec contrarium docuit Aristoteles, quem Satisfit alii secuti sunt, qui specialiter loquitur de meto-  
toritati Ari-  
tu qui inducit ad eligendam actionem, quæ per stotelis in  
se sum-  
num. 1.

IX.



se sumpta non est amabilis voluntati, sed potius odibilis: tunc autem regulariter ac moraliter semper fit ut voluntas aliquo modo repugnet tali electioni, & consequenter quod sit aliquo modo inuoluntaria, quia licet metus non inducat talem motum contrariæ nolitæ, tamen obiectum ipsum per se sumptum auerit à se voluntatem, & aliunde metus ipse non attrahit voluntatem inuitando ad bonum, & quasi occultando, vel diminuendo malitiam illius obiecti, nec quasi faciendo illud per se amabile, sed solum quasi vi impellendo ad vitandum malum, & ideo moraliter semper sequitur illa displicentia, seu nolitæ, quia voluntas naturaliter refugit obiectum per se disconueniens; & non amabile. Accedit etiam quod ipsamet illatio metus est contraria quodammodo libertati voluntatis, & ideo ex hac etiam parte illi displicet, & facit actionem inuoluntariam: atque in hunc modum facile conciliantur omnia.

## S E C T I O III.

*Vtrum concupiscentia augeat voluntarium.*

I. PEr concupiscentiam intelligere possumus non tantum affectum sensitiui appetitus, verum etiam voluntatis, in quantum etiam in voluntate ipsa affectus ad rem vnam inducit facile ad alium affectum: tamen quia D. Thomas loquitur de concupiscentia sensibili, sub qua (ut dixi) comprehendimus cæteras passiones, quibus appetitus inclinatur ad aliquid agendum, vel appetendum, ideo de affectu sensitiuo loquimur, & quæ dicemus, facile applicari poterunt ad voluntarium. Est etiam supponendum ex D. Thoma 1. 2. *quest. 76. artic. 6.* duplicem esse concupiscentiam, antecedentem scilicet, & consequentem, quibus possemus addere concomitantem: sed hæc, vel moraliter loquendo, nulla est quæ non participet alterutram rationem ex dictis, vel si sit, eadem ratio est de illa, quæ de consequenti. Dicitur ergo concupiscentia antecedens, quæ ordine causalitatis antecedit consensum voluntatis, & illam suo modo trahit ut consentiat, ut quando viso obiecto insurgit concupiscentiæ motus in appetitu sensitiuo, & inuitat voluntatem ad similem actum. Consequens vero è contrario dicitur quæ ordine causalitatis sequitur actum voluntatis, vel directe, vel saltem per quandam redundantiam excitantem in appetitu talem affectum, quomodo fuerunt in Christo quæ dicuntur propassiones, & homines studiosi excitant in se similes affectus ad melius exercendas actiones, & de hac dixit Aristot. 3. *Ethicor. cap. 8.* operari ex ira non esse viri fortis, sed excitare in se iram per virtutem fortitudinis ut melius operetur: & adducit Homerum dicentem, *Virtuti immitte furorem*; de hac etiam August. 14. *de Cuit. cap. 9.* dicit sapientem non posse in hac vita vivere sine his affectibus.

II. Dux possunt esse opiniones extreme oppositæ. Primo nullam concupiscentiam augere voluntarium; quam opinionem sequitur Conrad. 1. 2. *q. 6 art. 7.* Fundamentum est, quia concupiscentia consequens non potest augere voluntarium, cum non sit causa eius, sed potius effectus: antecedens autem non solum non augeat, verum etiam minuit voluntarium, ut docet D. Thomas 1. 2. *q. 76 art. 6.* Vnde sumi potest ratio ab effectu, nam concupiscentia antecedens minuit peccatum, ut docet D. Thom. 1. 2. *quest. 6. art. 7. & q. 73 art. 6.* ergo

diminuit voluntarium, nam cum peccatum sit tantum sit peccatum, in quantum voluntarium, non potest per passionem antecedentem immui, nisi diminuat ipso voluntarium: & hoc modo dici solet peccatum ex infirmitate, vel ex passione leuius esse. Secunda ratio à priori est, quia voluntarium oritur ex cognitione, & à principio intrinseco: vtramque autem horum minuitur per hanc concupiscentiam: ergo minuitur ipsum voluntarium. Minor quoad priorem partem constat, quia passio antecedens perturbat rationem, & corrumpit æstimationem prudentiæ ut Aristot. dixit 6. *Ethic. c. 5.* & ipsa experientia factis docet: minuit ergo cognitionem ad voluntarium necessarium: sicut ergo ignorantia hoc titulo minuit voluntarium, ut infra dicemus, ita etiam hæc passio. Quoad secundam partem nota est minor, quia ipsa passio extrinseca est voluntati, & inducit illam ad consensum: ergo ille consensus ut sic est à principio extrinseco: ergo ex hoc capite est minus voluntarius.

Quod si obijcias D. Thomam citato *art. 7.* dicentem concupiscentiam causare voluntarium. Responderi potest primum ipsum loqui de concupiscentia consequente: sed hoc neque intentioni eius opinionis satisfacit, quæ hoc etiam negat, neque est verum in se, ut constat ex solutione ad 3. & magis constabit ex dicendis. Respondet ergo aliter Conrad. D. Thomam nunquam docuisse concupiscentiam augere voluntarium, sed tantum comparatiue dixisse potius causare voluntarium, quam inuoluntarium, quia inuoluntarium nullo modo causat, voluntarium autem aliquoties, quatenus iuuat, aut aliquo modo mouet voluntatem ad volendum, quamuis proprie & in se voluntarium non augeat.

Secunda opinio est vtramque concupiscentiam augere voluntarium: sic Medina 1. 2. *q. 6. art. 7.* & de antecedenti quidem concupiscentia id postea probabimus: de consequenti vero ipse probat, quia vir fortis, seu studiosus excitat in se huiusmodi concupiscentiam, ut voluntatem confirmet & augeat in suo actu, seu deliberatione: ergo signum est hanc concupiscentiam augere motum voluntatis, & consequenter voluntarium, quia ille motus per se & intrinsece voluntarius est.

Mihi videtur vtendum distinctione communiter recepta, aliud enim est loqui de libero, aliud de voluntario, nam hæc duo, ut supra dixi, ratione formali distinguuntur, & suo modo diuersas habent origines, aliud enim consistit in propensione, aliud in indifferentia. vnde facile intelligi potest augeri vnum, licet minuat aliud: amor enim Beatorum tantum augetur in voluntario, quanto maiori conatu fit; a deo autem minuitur in libero, ut omnino illud amittat: sic ergo intelligi potest in actibus viæ, licet simul sint voluntarii & liberi, nam & politius conatus voluntatis suscipit magis & minus cum eadem libertate: & indifferentia etiam voluntatis potest similiter augeri & minui, quatenus voluntas potest esse aut magis propensa ad vnum obiectum, quam ad aliud, aut cum inclinatione æquali.

Dicendum primo: Concupiscentia consequens, formaliter & proprie loquendo, neque augeat, nec minuit liberum, nec voluntarium. Probat facile, quia hæc concupiscentia ut sic comparatur ad voluntatem ut effectus eius: ergo ut sic non potest augere, vel minuere illam, sed potius est signum maioris, vel minoris voluntatis, ut recte D. Thomas dixit 1. 2. *q. 77. art. 6.* Probat consequentia, quia non potest intelligi concupiscentiam augere voluntarium, quin aliquo modo moueat, & consequenter causet aliquid in voluntate,

IV  
Concupiscentia duplex, antecedens, & consequens.

III.

IV.

V.

VI.



tate, sed effectus ut effectus nihil causat in suum principium: ergo. Quocirca quando vir studiosus in se excitat passionem ut constantius, vel etiam feruentius operetur, illa passio comparari potest vel ad motum voluntatis prout ab illo orta est, & ut sic, est consequens, & ut sic non augeat propter rationem factam: vel potest comparari ad id quod postea in voluntate subsequutum est; si fortasse passio ipsa orta ab actu voluntatis remissiori, fuit occasio ut tempore subsequente voluntas maiori conatu operaretur, & ut sic iam potius habet rationem concupiscentiæ antecedentis, quia reuera ordine causalitatis antecedit huiusmodi conatum voluntatis.

VII.

Dicendum secundo: Concupiscentia antecedens minuit *liberum* seu libertatem in actu voluntatis. Hanc conclusionem probant rationes primæ sententiæ, & testimonium D. Thomæ ibi citatum ex q. 77 art. 6. nam quia, ut supra dixi, in actibus viz, qui ex perfecta aduertentia rationis procedunt, nunquam separantur *liberum*, & *voluntarium*, ideo vtrumq; significari solet vna voce *voluntarii perfecti*: & sic intelligitur illud Aug. 3 de lib. arb. cap. 18. *Peccatum in tantum est peccatum, in quantum est voluntarium*, nam ad culpam peccati non sufficit *voluntarium* sine *libero*. Sumitur ergo ibi *voluntarium* ut *liberum* includit: sic ergo cum dicitur hæc concupiscentia minuere peccatum, quia minuit voluntarium, sumendum est ibi voluntarium ut includit liberum: & similiter explicandum est minui ea ratione quæ liberum includit.

VIII.

Ratione probatur, quia concupiscentia antecedens trahit voluntatem ut secum consentiat: minuit ergo indifferentiam eius, quia aliquo modo inclinat ad vnum obiectum magis quam ad aliud: ergo ex hac parte minuit vsum libertatis. Item concupiscentia hæc facit ut obiectum cupitum appareat pulchrius, vel facilius, aut suavius, propter quod dixit Aristoteles 3. Ethic. c. 4. *Qualis vnusquisque est, talis finis sibi videtur*: & si in tali obiecto aliquid est difficultatis, aut incommodi, illud occultat, seu facit ut non attente consideretur, & ideo dicitur corrumpere estimationem prudentiæ: & propterea illud tempus in quo homo est affectus huiusmodi passionem aliqua, non censetur aptum & consilium, neque ad iudicium ferendum de rebus agendis: ergo duplici titulo minuit concupiscentia libertatem: primo, quia minuit radicem eius, quæ est aduertentia rationis: secundo, quia facit ad obiectum apparens pulchrius, vehementius moueat, & consequenter minuatur indifferentia voluntatis.

IX.

Dices: ergo etiam concupiscentia consequens minuit libertatem, quia etiam inclinat voluntatem ad vnam partem magis, quam ad aliam, & ita minuit indifferentiam. Respondetur, formaliter loquendo de concupiscentia consequente, negando consequentiam, quia illa non inclinat voluntatem, sed supponit iam determinatam ex sua libertate. Vnde addo præterea, etiam considerando hanc concupiscentiam ut antecedentem respectu vltioris effectus non minuer liberum saltem moraliter, & in ordine ad minuerdam bonitatem, vel malitiam actionis, quia licet illa concupiscentia, ut sic, reuera inclinet ad illum effectum quem causat, & in sensu composito (ut sic dicam) minuat formaliter libertatem: tamen totum hoc procedit ex libertate ipsius voluntatis, à qua manat hæc eadem concupiscentia: determinatio autem quæ oritur ex suppositione libera simpliciter, nec tollit, nec minuit libertatem, ut iterum dicam.

Dicendum tertio: Concupiscentia antecedens augeat voluntarium intrinsece, seu intentione, quamuis minuat aliquo modo perfectionem eius quodammodo extrinsecam. Hæc posterior pars constat ex præcedenti conclusione, nam libertas quando actus & obiectum est capax illius, ad perfectionem voluntarii pertinet, si ergo hæc concupiscentia minuit libertatem, necesse est ut aliquo modo minuat perfectionem voluntarii: quod magis declarabitur in solutione argumentorum. Prior vero pars conclusionis est sine dubio D. Thomæ 1. 2. q. 6. art. 7. & ita eam docent communiter discipuli eius. Probatur primo, quia hæc concupiscentia causat voluntarium: ergo potest et augeat. Antecedens patet: nam ideo hæc concupiscentia vocatur antecedens, quia mouet & inclinat voluntatem ad volendum: ita est aliquo modo causa actus voluntatis, & consequenter ipsius voluntarii, quia voluntatis actus intrinsece per se ipsum voluntarius est. Prima vero consequentia probatur, quia si concupiscentia causat voluntarium: ergo vehementior concupiscentia augere illud poterit, quia est eadem ratio & proportio. Vnde argumentor secundo, nam cæteris paribus, hæc concupiscentia est causa, ut voluntas maiori conatu, & intentioni affectu velit, ut experientia docet, & ratione facta probari facile potest: sed ubi est intensior voluntatis motus, est magis de voluntario intrinsece & entitative, quia totus ille actus, & quilibet gradus eius per se ipsum voluntarius est: ergo constituit formaliter voluntatem magis volentem obiectum, seu actionem externam, & ipsam internam inclinationem à se elicita, seu [quod idem est] constituit illam volentem maiori impetu, & ipsum etiam maiorem & impetum à se elicita: hoc autem est magis voluntarie ferri intensius. Tercio declaratur exemplo naturalis impetus, nam si ille interdatur, ut v.g. si grauitas intensior fiat, cæteris paribus, erit motus magis naturalis, qui ex maiori impetu naturæ procedit: ergo similiter.

Ad argumenta primæ sententiæ fere ex dictis respondendum est, nam prima ratio de diminutione peccati, solum probat diminutionem libertatis: & ita exposuimus. D. Thomam ibi citatum. Ad 2. de diminutione cognitionis, responderi potest primo id esse per accidens, non est enim necesse ut hæc concupiscentia minuat cognitionem, quia ea non obstat potest voluntas pro sua libertate applicare intellectum ut omnia necessaria consideret: vnde si non faciat, & ea ratione minuatur cognitio ad voluntarium, ea diminutio non erit tribuenda concupiscentiæ, sed pertinebit ad ignorantiam, ad quam inconsideratio reducitur.

Sed hæc responsio recte quidem ostendit concupiscentiam non esse causam necessariam huiusmodi inaduertentiæ: verumtamen etiam non est necessaria ipsius voluntarii, quia non infert voluntati necessitatem: at vero sicut est causa inducens aliquo modo ad volendum, ita etiam est causa inducens ad non considerandum ea quæ sibi obstatere possunt imo non aliter videtur inducere voluntatem, nisi media cognitione eorum quæ voluntatem excitare possunt, & inconsideratione eorum quæ obstatere possunt: ergo eadem est ratio de ipso voluntario, & de inconsideratione intellectus: vtrumque ergo æque tribuendum est concupiscentiæ. Vnde D. Thomas 1. 2. q. 6. artic. 7. ad 3. absolute concedit concupiscentiam minuire cognitionem quoad actuale considerationem in particulari agibili, negat vera propterea minuire voluntarium, quia illam et inconsideratio

X.

XI.  
Ad argum.  
in num. 2.

XII.



voluntaria est, posset enim voluntas non obstare passioni illam impedire. Sed adhuc replicari potest, quia interdum potest tanta esse inconsideratio, ut sit mere naturalis & inuoluntaria. Deinde etiam quando est voluntaria, est minus voluntaria, quam si non esset ex passione: ergo licet non omnino excuset, quia voluntaria est, tamen minuet saltem culpam, seu voluntariam actionem, quia ipsamet minus voluntaria est. Tota autem hæc diminutio provenit ex concupiscentia.

XIII.

Dici ergo potest clarius & facilius concupiscentiam ex vna parte minuere cognitionem, ex alia augere, auge enim considerationem illius boni in quod ipsa fertur: minuit vero aliorum bonorum, vel malorum considerationem, & prius augmentum confert ad augmentum voluntatis, quia hoc nascitur ex bono cognito, & consistit in positiva tendentia ad illud. Posterior vero diminutio cognitionis minuit rationem liberi, quia radix libertatis est indifferentia, & amplitudo cognitionis, unde etiam fit ut minuatur illa perfectio voluntarij, quæ sumitur ex parte rationis potentis considerare & ponderare rationem bonitatis, quæ voluntati proponitur, fit etiam hinc ut in illo obiecta sic volito multæ rationes sint minus voluntariæ, & solum indirecte volitæ, ut quando quis ex passione iræ magno affectu voluntatis inimicum occidit, licet vindicta ipsa magis voluntaria sit, tamen offensio diuina, quæ ibi includitur, item periculum propriæ vitæ cui homo se exponit, minus voluntaria, & solum in alio volita sunt, quia passio fecit attentius considerare utilitatem, seu bonitatem vindictæ, occultauit autem cætera: & ita etiam ex hac parte minuitur perfectio voluntarij. Et hoc modo posset etiam exponi Diu. Thomas supra citatus, dicens concupiscentiam minuere peccatum, quia minuit voluntarium: facit etiam ut ipsa ratio peccati, quæ in offensione Dei consistit, minus considerata minusque voluntarie sit.

XIV.

Ad 3. de principio extrinseco, seu ad 2. partem minoris, quæ in fine illius numeri 2. probabatur, respondetur concupiscentiam non omnino mouere per modum extrinseci principij, quia mouet medio obiecto, & sic attrahit ipsum principium intrinsecum ut sese vehementius moueat, sicut etiam qui mouet per consilium, vel per preces non dicitur mouere extrinsece quasi vim inferendo, sed inducere medijs principijs intrinsecis, id est, intellectu voluntata, & ideo ex hoc capite nihil minuitur voluntarium. Quamuis dici posset minui liberum, quia illa inductio libera non est, & aliquo modo indifferentiam minuit.

XV.

Vnum con-  
fectarium  
ex dictis.

Ex dictis de concupiscentia sensibili facile intelligi potest primo quid dicendum sit de effectu, seu desiderio ipsius voluntatis: potest enim vnus rei effectus ex alio causari, atque ita potest sine dubio concupiscentia voluntatis circa vnū obiectum augere voluntarium circa alterum: sic enim ex amore filiorum, aut honoris aut Dei aliquis voluntarie aggreditur pericula, quæ voluntas tanto erit feruentior, quanto ille effectus fuerit maior. Est tamen in hoc considerata differentia in voluntarium & liberum, nam hic affectus licet augeat voluntarium, non tamen minuit liberum, per se ac moraliter loquendo in ordine ad bonitatem & malitiam, & alios effectus morales. Et ratio est, quia hic effectus qui est antecedens respectu alterius, ipsemet est perfecte voluntarius & liber: & ideo quamuis illo supposito minori libertate, vel interdum etiam necessario

sequatur alter effectus, ut ex intentione finis sequitur electio medij, tamen quia illa suppositio libera est, ideo nec tollit, nec minuit libertatem, sicut dicebamus supra num. 6. de concupiscentia consequente quatenus respectu alterius effectus est antecedens.

Secundo ex principiis positis definienda est etiam alia quæstio, scilicet vtrum consuetudo, vel habitus augeat voluntarium, aut liberum, vel minuat: ex quo pendet an augeat culpam, seu meritum. Dicendum est enim ex consuetudine, & habitu per illam acquisito fieri ut voluntas maiori promptitudine feratur, quia maiori facilitate & delectatione operatur ex habitu, quæ sipe illo cæteris paribus: at vero maiori conatu operamur ea, quæ facilius & iucundius efficiamus: sic ergo habitus augeat voluntarium, quia ut supra dixi, augmentum voluntarij in hoc consistit quod voluntas maiori impetu feratur. At vero de libero dicendum, sicut paulo ante dicebamus de affectu voluntatis, seu de concupiscentiæ consequenti, quod habitus quidem per se ac formaliter, seu facta suppositione minuit libertatem, quia inclinando magis voluntatem ad alteram partem minuit indifferentiam eius: tamen moraliter & in ordine ad effectus morales non censetur minuere quamdiu illa consuetudo libera ac voluntaria est, propter eandem rationem, quia dispositio libera, ut sic, non minuit liberum. Unde fit probabile, si consuetudo & habitus fiant inuoluntaria per actum contrarium efficacem quantum est ex parte hominis, quem poenitet se acquisiuisse talem consuetudinem, vel habitum, & proponit facere quantum in se est ad vincendum illum, tunc, inquam, est valde probabile consuetudinem minuere libertatem, & consequenter culpam, quia talis consuetudo versa est quodammodo in naturam, & iam non est in potestate hominis tam cito vincere illam, & alioqui est iam inuoluntaria, & ideo non reputatur tanquam suppositio libera, sed necessaria, de quo latius in materia de peccatis.

Tertio, ex iisdem principiis definiendum est, vtrum gratia augeat, vel minuat voluntarium, aut liberum. Dicendum enim est, per se loquendo augere voluntarium, quia mouet & inclinât voluntatem ad volendum: & quamuis gratia soleat dici principium extrinsecum, tamen, per se loquendo, mouet aut ex parte obiecti trahendo voluntatem multo suauius quam concupiscentia soleat trahere, ut eleganter prosequitur Aug. tractatu 26. in Ioan. Vel ex parte potentiae per habitum in illa infusum, aut motionem vitalem eius, & ab illa intime procedentem. At vero de libero fieri potest ut gratia interdum illud minuat, inclinando magis voluntatem ad alteram partem: tamen non semper est necessarium, nam in hoc differt multum inter gratiam & concupiscentiam, nam concupiscentia mouet ad vnam sub aliqua ratione occultando, seu minuendo cognitionem eiusdem obiecti, & sub alijs rationibus: at vero gratia, per se loquendo, illuminat, & ostendit in obiecto omnem rationem boni & mali, quæ in illo considerari potest, & inclinât ad prosequendum illud sub perfectissima & suprema ratione boni, quam facit ponderare ac estimare prout digna est: atque ita ex vi gratiæ non est necesse ut minuatur libertas, quamuis, ut dixi, aliquando minui possit. An vero omnino tollatur interdum, non pertinet ad hunc locum.

(o)

XVI.

Aliterum  
confectarium.

XVII.

3. Confe-  
ctarium.



## SECTIO IV.

*Utrum concupiscentia causet aliquo modo inuoluntarium.*

I.  
Multorum  
sententia  
neg.

**A**utores sicut affirmant metum causare inuoluntarium, ita id negant de concupiscentia: unde sine dubio intelligunt non causare inuoluntarium, etiam secundum quid. atque adeo ea quæ ex concupiscentia fiunt, non esse mixta ex voluntario & inuoluntario, ut sunt ea quæ fiunt ex metu, sed esse simpliciter ac pure voluntaria. Hæc est mens D. Thomæ in his articulis, nam ideo valde diuerso modo loquitur de concupiscentia, & metu: & est plane mens Aristotelis 3. Ethicor. cap. 1. ubi cum dixisset, quæ ex metu fiunt, esse aliquo modo inuoluntaria, subdit, *Quod si quis ideo iucunda, & bona violenta esse dixerit, quod & extra sunt, & compellunt omnia, erit eius sententia violenta, horum enim gratia omnes omnia agunt, & sane qui violenti inuitique agunt, hi cum dolore, qui autem ob iucundum, hi voluntarie operantur: est autem ridiculum externa quempiam accusare, & non potius se ipsum, qui ab huiusmodi rebus facile capitur: constat autem idem esse operari ob iucundum, & concupiscentiam: unde infra expresse dicit ea quæ fiunt per iram, aut cupiditatem, non recte dici fieri inuite. Et hanc sententiam transcripsit Gregor. N. 8. 5. Philosoph. cap. 1. & 3. & Damascen. 2. de fid. cap. 24. & omnes Philosophi morales in hoc conueniunt, & experientia ipsa idem persuadere videtur, nam qui passione fertur, non operatur cum repugnantia appetitus. Item hac ratione: Quæ fiunt per preces, vel per beneficia, non censentur villo modo fieri inuoluntarie, & ideo licitum est per beneuolentiam iniurare infidelem ad fidem, non autem per metum: & eadem ratione contractus precibus impetratus, dummodo non includat actionem, aut comminationem implicitam, semper est validus, & non censetur villo modo inuoluntarius: secus vero est in contractu facto ex metu. Denique signa inuoluntarii supra posita section. 2. numer. 1. non inueniuntur in iis, quæ fiunt ex concupiscentia, ut Aristot. citatis verbis indicauit, quia nec causant tristitiam quam diu concupiscentia durat, neque censentur amabilia solum in casu propter aliud, sed per se, & propter bonitatem suam.*

II.  
1. Difficultas contra  
preced. sententiam.

In contrarium autem, est valde difficile asserere in hoc differentiam inter concupiscentiam & metum. Et primam rationem difficultatis tetigit D. Thomas prima secunda questione sexta, articulo septimo ad primum, quia sicut concupiscentia est quædam passio inclinans voluntatem, ita & metus. Respondet Diuus Thomas non esse parem rationem, quia concupiscentia est de bono, timor autem de malo. Sed non videtur hoc admodum conferre, quia tam voluntaria est fuga mali, sicut persecutio boni, quia sunt eiusdem rationis & proportionis, nam sicut bonum est consonum voluntati, & ideo inclinatio in illud est voluntaria, ita è contrario malum est dissonum, & ideo fuga illius est æque voluntaria. Vel igitur considerantur hi effectus in ordine ad propria & immediata obiecta, & sic, tam voluntarius est vnus, sicut alius, quia vnus est persecutio boni, alter vero fuga mali: vel considerantur in ordine ad effectus qui ex eis proueniunt: & hoc etiam modo non potest esse diuersitas, quia si causa est æque voluntaria, etiam effectus, per se loquendo. Quod si interdum contingit in his

quæ fiunt ex metu coniungi inuoluntarium aliquod, non ex metu, sed aliunde, ut supra dictum est, etiam potest contingere ut ea quæ fiunt ex concupiscentia, sint aliquo modo inuoluntaria secundum quid, non ex concupiscentia, sed aliunde: nam sicut ex timore vnus mali maioris amplectimur aliud minus, quod est inuoluntarium, ita & ex concupiscentia vnus boni deserimus aliud, quod etiam est inuoluntarium.

Unde oritur secunda ratio dubitandi, quam Diu. Thomas attigit argum. 2. quia sicut per timorem aliquis agit quod nolebat, ita etiam contingit operari ex concupiscentia, & responderi metum non mutare omnino voluntatem, sed relinquere illam affectam ad prius obiectum secundum se consideratum: concupiscentiam vero mutare affectum, atque ita efficere ut iam non sit inuoluntarium quod antea erat: quæ responsio videtur difficilis, quia gratis hoc dicitur: vtrumque enim experimur contingere in vtroque affectu, interdum enim metus affectum mutat, ut patet de metu inferni, vel mortis: atque etiam interdum concupiscentia non omnino mutat affectum, sed trahit voluntatem repugnantem per aliquem simplicem affectum: sic enim interdum aliquis qui amat honestatem, vel habet habitum honeste operandi, concupiscentiam vincit, retinens simplicem affectum ad honestatem: ergo nulla est data differentia. Tandem augetur difficultas, quia supra dictum est metum directe causare voluntarium simpliciter contra aliquid inuoluntarium secundum quid: unde etiam fit ut possit augere voluntarium simpliciter, ut si metus ipse maior sit, vel si addatur aliis motiuis, quæ voluntatem mouebant ad volendum: ergo in hoc æquiparatur metus concupiscentiæ. Aliunde vero etiam concupiscentia causat voluntarium repugnans inuoluntario secundum quid, ut, verbi gratia, cum quis ex appetitu honoris occidit filium contra affectum quem habet erga illud. Et ratio est, quia interdum vnum bonum repugnat alteri bono, & potest homo esse affectus ad vtrumque, vnum simpliciter, & aliud secundum quid. Et confirmatur vltimo, quia neuter istorum affectuum causat fere inuoluntarium, nisi quatenus iuuatur ab altero, vel ab eo fundatur, nam metus mortis causat proiectionem mercium, quæ inuoluntaria est ratione concupiscentiæ diuitiarum, & è contrario concupiscentia diuitiarum aggredi facit periculum mortis, quod inuoluntarium est ex timore mortis, in quo ergo est differentia?

III.  
2. Difficultas.

Etiam si non sit facile hanc differentiam declarare, tamen dubitari non potest quin magna sit ipsa n. experientia docemur amore & beneficiis inclinari homines ut facile & sponte operentur, timore autem & metu potius retrahi, seu obdurari, vel saltem non ita sponte operari. Radix autem differentiæ videtur in obiectis istorum affectuum, nam obiectum concupiscentiæ cum sit bonum, de se & ex vi sua est cõsentaneum voluntati, & nullam vim, aut necessitatẽ ei infert quantum in se est: at vero obiectum metus cum sit malum, de se est dissonum voluntati, & potest necessitatem quandam inferre, ut cõtingit præcipue in omni metu extrinsece illato. Unde fit, ut licet ex suppositione talis mali fuga illius voluntaria sit, tamen simpliciter & malum ipsum sit inuoluntarium, & consequenter fuga eius, quia nollet homo constitui in ea necessitate ut sibi esset necessarium fugere, vel timere malum, & ita hoc inuoluntarium est quasi intrinsece annexum

IV.



xum timori: quod non ita reperitur in concupiscentia.

V.  
Cōcluditur  
resolutio  
huius sectio  
nis.

Ex quo tandem fit, ut moraliter ac regulariter loquendo, & concupiscentia nec secum afferat, nec admittat inuoluntarium aliquod: quamuis enim non repugnet aliquo modo misceri huiusmodi inuoluntarium in his quæ ex concupiscentia fiunt, ut probant obiectiones factæ, in num. 2. & 3. tamen hoc est valde per accidens & extrinsecum, & non habet fundamentum in ipsa concupiscentia, quæ quantum est ex se, prorsus est voluntaria, & ideo intimo quodam modo afficit voluntatem, & spontanee inducit mutationem in illam. At vero ea quæ fiunt ex metu, regulariter loquendo, ac moraliter, quantum est ex vi metus, habent adiunctum illud voluntarium fundatum aliquo modo in ipso metu, & in necessitate quæ ab intrinseco inducit malū illud quod timetur, & est veluti fundamentum & ratio totius motionis voluntatis, & ideo hæc etiam motio est magis ab intrinseco, quam illa, ac propterea magis inuoluntaria.

## DISPUTATIO IV.

### De ignorantia, utrum sit causa voluntarii, vel inuoluntarii.

Tractatio  
de ignorantia  
triplex.



Ignorantia triplex est consideratio, prima ut esse potest quoddam speciale peccatum: secunda ut est circumstantia plurium peccatorum: & constituit quendam peccandi modum distinctum à modo peccandi ex malitia, vel ex passione: tertia est ut causat voluntarium, vel inuoluntarium. Prima proprie pertinet ad materiam de fide, in qua docetur quid homo, per se loquendo, scire teneatur: peccatum enim ignorantia speciale est oppositum illi obligationi sciendi. Secunda spectat ad materiam de peccatis. Tertia est propria huius loci, & diligenter tractanda, quoniam est cæterarum fundamentum.

## SECTIO I.

### Utum recte diuidatur ignorantia in antecedentem, concomitantem, & consequentem, & quo sensu.

I.  
Hæc diuisio  
ignorantia  
potissima  
est.

Multæ solent tradi ignorantia diuisiones: de quibus legi potest Almain. tractat. 1. moral. cap. 2. & latius Castro 2. de leg. pænal. cap. 14. & Cordub. in questionario lib. 2. quest. 1. & disput. 4. de censuris sect. 8. aliqua attigimus de his diuisionibus. Sed quæ hic proponitur à D. Thoma, est propria huius loci, & quæ maiori explicatione indiget: reliquas vero postea breuiter attingam. Ut autem difficultas huius diuisionis recte intelligatur, aduertendum est voces illas antecedens, concomitans, & consequens esse respectiuas, ut patet ex ipsis vocibus. Vnde duo explicare oportet: primum respectu cuius dicantur antecedere, vel consequi: secundo in quo sit hæc antecessio vel concomitantia.

II.  
Arguitur 1.  
cōtra ipsam  
diuisionem.

Ratio difficultatis circa priorem partem est, quia vel sit comparatio ad actum voluntatis, seu effectum eius, qui ex ignorantia, vel cum igno-

rantia sit, aut sit comparatio ad voluntatem directam vel indirectam ignorandi, quia illa relatio non potest fieri ad alium terminum quantum spectat ad præsentem materiam moralem: sed si comparatio fiat ad voluntarium effectum ex, vel cum ignorantia factum, sic nulla inuenitur ignorantia consequens, quia neque tempore, neque causalitate consequitur talem actum, ut statim dicam. Si vero relatio est ad voluntatem ipsius ignorantia, sic nulla est ignorantia concomitans, quia omnis ignorantia vel cadit sub voluntatem directe, vel indirecte, & sic est consequens: vel non cadit sub voluntatem, & sic est antecedens sensum voluntatis ipsius: non ergo potest dari medium, cum illa duo membra contradictorie opponantur: ergo non potest intelligi illa trimembris diuisio, nisi per comparisonem ad diuersa.

Deinde augetur difficultas explicando alteram partem, scilicet qualis sit habitudo quæ per hos terminos significatur: duplex enim tantum ad rem præsentem intelligi potest: altera est durationis, altera causalitatis. Prior nihil videtur spectare ad præsens institutum, nam in hoc sensu omnis ignorantia, quæ potest aliquid conferre ad voluntarium & inuoluntarium, oportet ut secundum durationem comitetur actum qui voluntarius, vel inuoluntarius dicitur ratione ignorantia, nam si in eo instanti in quo fit actus, non sit ignorantia, erit cognitio: ergo non fiet actus cum ignorantia, vel ex ignorantia: necesse est ergo ut sint simul duratione: quod vero ignorantia duratione antecedit, vel sequatur, est impertinens per se loquendo, nam si finito actu ignoranter facto, statim in eodem instanti tolleretur ignorantia, nihilominus fuisset actus voluntarius, vel inuoluntarius: quia hoc non pendet ex futura scientia, sed ex præsentia. Et idem est proportionaliter, si illa ignorantia non antecessisset duratione, dummodo in instanti in quo fit actus, sit eadem inconsideratio, seu inaduertentia, propter eandem rationem, quia præsens actus regulariter per scientiam præsentem fit, non per præteritam, nisi quatenus aliquo modo durat: in hoc ergo sensu omnis ignorantia deberet dici concomitans: si autem illis terminis significetur habitudo causalitatis, sic excludenda est ignorantia consequens, quia omnis ignorantia aut est causa actus, & sic est antecedens, aut non est causa, & ita est concomitans: nulla vero est quæ sit effectus ipsius actus ut hac ratione possit dici consequens: vnde omnes qui de ignorantia consequente loquuntur, dicunt vel semper, vel frequenter esse causam actus, non vero effectum, ut cum aliquis proiciendo sagittam occidit hominem, ignorans ibi adesse propter negligentiam, illa ignorantia est consequens, & tamen est causa illius actus, qui non fieret si adesset scientia, & imputatur ad culpam propter negligentem ignorantiam, ergo non potest commode exponi hæc diuisio per habitudinem causæ.

In hac difficultate dicam prius sensum & rem intentam in hac diuisione, postea reddam rationem nominum quoad fieri possit. Censeo igitur illam trimembrem diuisionem optimè explicari per duas bimbres, prima est quod ignorantia alia est causa actus ex ignorantia facti, alia vero non est causa, sed solum concomitans illum: ad quam diuisionem possunt accommodari verba Aristotelis 3. Ethicor. cap. 1. & Nyssen. libr. 5. Philosophiæ cap. 2. dicentium quædam fieri ex ignorantia, alia cum ignorantia: & de prioribus [inquiunt,] tristamur postea cum aduenit scientia, de posterioribus vero

III.  
Arguitur 2.

IV.  
1. Diuisio  
ignorantia  
per quæ in-  
cipit expli-  
cari trimem-  
bris diuisio  
in titulo  
posita.



repostea latamur. Est autem aduertendum ignorantiam non posse per se neque directe esse causam actionis voluntariæ. Nam cum de ratione voluntarij sit vt ex cognitione procedat. potius ignorantia quâ tum est de se impedit actum voluntatis, & saltem tollit voluntarium directum, vt supra dixi: solum ergo dici potest causa actus tanquam remouens prohibens, quia scilicet tollit scientiam, quæ si adesset, non fieret actus. Vnde è contrario illa ignorantia non dicitur esse causa actus, sed comitari illum, quando non tollit scientiam impedituram actum, quia nimirum si homo haberet cognitionem, non operaretur illum actum.

V. Sed statim occurrit difficultas circa hanc explanationem, quæ est Aristotelis & omniũ, nam per illam conditionalem scientiam de futuro non potest explicari recte præsens causalitas ignorantie, tum quia illæ conditionales sunt valde incertæ, & pendent ex libertate voluntatis, quæ in vtramque partem facile mutari potest, tum etiam, quia vt præsens actus imputetur, vel non imputetur ad culpam, nihil refert quod homo esset, vel non esset facturum adesset scientia, quia præsens peccatum non pendet ex futuro contingenti: ergo idem est de voluntario: actus enim imputatur ad culpam quatenus voluntarius est. Deinde illud signum Aristotelis de gaudio & tristitia postea subsecutis, adueniente scientia non est sufficiens, tum propter rationem factam quia potest mutari voluntas, tum etiam, quia potest id oriri ex alia qua obiecti diuersitate: nam si quis, v.g. comedat carnes die prohibito, ignorans inuincibiliter prohibitionem, nunc illa ignorantia est causa actus, & omnino excusat à culpa, & tamen ille postea intelligens se comidisse carnes sine peccato, gaudere potest: illud ergo gaudium non est signum quod prior ignorantia fuerit causa actus.

VI. Ad hoc breuiter dicendum est ex Diu. Thoma questione tertia de malo, articulo octauo, vbi dicit doctrinam Aristotelis, & signum ab eo datum intelligendum esse nisi voluntas mutata sit, itaque non est pensanda ex futuro euentu conditionato, sed ex præsenti dispositione voluntatis, quæ interdum ita est affecta vel formaliter & actualiter, vel certe virtualiter, ratione prioris actus aliquo modo virtute durantis, vt ex vitalis actus, & dispositionis efficeret actum intercedente scientia, quem ignoranter facit, nisi aliunde magna mutatio in ea fieret, ad quod necessarium esset aliam scientiam, seu alia motiua concurrere, quæ illius affectum immutarent, quæ tamen sunt per accidens, & etiam raro eueniunt: hic autem loquimur per se & moraliter considerata tali dispositione voluntatis ex sola ignorantia, vel cognitione facti. Quando ergo voluntas est sic disposita & affecta ignorantia, quæ illi coniungitur, non censetur esse causa actus: quando vero non est illa affecta, censetur esse causa, neque oportet vt habeat formale propositum contrarium, nec virtuale ex prioribus actionibus relictum, sed satis est quod careat illo affectu.

VII. Secunda diuisio ignorantie est in inuoluntariam & voluntariam, quam magis significauit Aristoteles & Nissen. locis citatis, & Damascen. lib. 2. c. 24: cum dixerunt, aliud esse ob ignorantiam aliquid facere, aliud vero ignoranter facere. nam primum membrum, id est, ob ignorantiam facere, dicunt accidere quando ignorantia omnino occupat hominem, & casu illi obuenit, ita vt ille nullo modo sit sibi causa talis ignorantie: & hoc est ignorantiam esse inuoluntariam, non enim sumenda

est hic illa vox in eo rigore, in quo inuoluntarium dicitur contrarie, seu quod repugnet positiuo appetitui elicito, sed sumenda est priuatiue, seu negatiue, ita vt omnis ignorantia quæ nullo modo est volita nec directe, nec indirecte inuoluntaria dicitur. Secundum vero membrum, scilicet ignoranter facere, explicant prædicti autores tunc accidere, quando homo est sibi causa suæ ignorantie per suam electionem, seu voluntatem directam, aut indirectam, vt infra exponam. Atque ita facile constat hæc diuisio, quæ cadere potest in membra præcedentis diuisionis, nam ignorantia, quæ est causa actionis, potest esse voluntaria, & hanc sine dubio vocauit Aristoteles ignorantiam antecedentem: aliquando vero potest esse inuoluntaria, & hanc vocauit consequentem. Atque eodem modo ignorantia, quæ non est causa actionis, potest voluntaria, & inuoluntaria esse, quia est eadem ratio. quod apertis exemplis ostendi facile posset, vt ex dicendis patebit.

An vero dicenda sit concomitans quocumque modo accadat, videtur esse questio de nomine potius, quam de re: aliquibus enim videtur hanc ignorantiam non posse dici concomitantem si voluntaria sit, sed tunc dicendam esse consequentem: & quidem Aristoteles videtur ita loqui, nam illud solum membrum diuidit quod est ob ignorantiam aliquid facere in causam, vel non causam actionis, & addit vtramque ignorantiam facere inuoluntarium: at vero si ignorantia voluntaria sit etiam si non sit causa actionis, non reddit actum simpliciter non voluntarium, vt iam dicam: ergo de ratione talis ignorantie est vt sit omnino inuoluntaria.

Sed nihilominus si rem attendamus, non video rationem differentie, ob quam non debeat dici concomitans ignorantia quæ non est causa actionis, tam si voluntaria sit, quam si sit inuoluntaria, quia quando est inuoluntaria, licet respectu actionis sit concomitans, tamen respectu voluntatis est omnino antecedens, & similiter quando est voluntaria, licet respectu voluntatis sit consequens, tamen respectu actionis est concomitans: ergo vel in vtroque casu dicenda est concomitans, vel si in vno dicitur consequens, in alio debet dici antecedens. Et fortasse, cum res sit de modo loquendi, clarius loqueremur dicendo respectu diuersorum posse hanc ignorantiam, vel concomitantem, vel antecedentem, vel consequentem appellari, nam respectu actionis semper est concomitans, respectu voluntatis interdum antecedens, interdum consequens.

Atque hinc facile intelligitur sensus à D. Thoma intentus in illa trimembri diuisione: voluit enim breuiter in illa explicare vtramque diuisionem à nobis declaratam. Ratio etiam nominum facile ex dictis reddi potest, vel explicando illa membra respectu diuersorum, vel certo dicendo comparisonem fieri ad voluntatem absolute, siue ad ignorantiam, siue ad actionem terminatam, & ignorantiam antecedentem dici, quæ omnino antecedit voluntatem tam ignorandi, quam operandi actionem ex ignorantia factam: ignorantiam autem consequentem appellari, quæ consequitur aliquam voluntatem saltem ignorandi: concomitantem vero, quæ concomitur aliquam voluntatem saltem operandi, siue antecedit voluntatem ignorandi, siue sequatur. Vnde constat ad quem terminum fiat comparatio, & in qua habitudine, scilicet causalitatis, non durationis, vt recte probat ratio in principio facta num. 1.

Secundo

VIII.

Ignorantia quæ non est causa actus, videtur esse consequens.

IX.

Placet alii dici concomitantem.

Iudicium auctoris.

X.

Explicatur iã trimembri diuisione tituli.



XI.  
3. Diuisio  
ignorantiae.  
Culpabilis  
ignorantia  
quæ:

1. Notatio  
pro hac  
ignorantia.

Secundo ex his facile est explicare aliam diuisionem ignorantiae. Tertia ergo sit, quae diuiditur ignorantia in culpabilem, & inculpabilem: ut autem ignorantia culpabilis sit, duo requiruntur, vñ ut sit voluntaria, quia hoc est de intrinseca ratione cuiuscumque peccati: secundum ut sit prohibita, seu priuans scientia præcepti, nam velle ignorare quæ quis non tenetur, non est culpa. Solum oportet aduertere duobus modis posse hominem teneri ad aliquid sciendum: primo modo absolute & per se: quomodo fideles non tenentur scire res fidei, & tunc ita est ignorantia culpabilis, ut constituat propriam speciem peccati, de quo in materia de fide. Secundo modo potest homo teneri ad aliquid cognoscendum solū ex hypothesi vel in ordine ad actionem, si eam operari vult, ut qui sagittam proicit in agro, absolute non tenetur scire, nec inquirere an ibi lateat homo, vel an soleat illac frequenter transire: tamē supposito quod vult ibi sagittam mittere, tenetur hoc scire: quod si voluntarie omittat, erit culpabilis ignorantia, tamen illa culpa non est per se specialis, sed est actionis circumstantia, cum qua vnā culpam constituit.

XII.  
2. Notatio.

Illud etiam oportet in hoc membro aduertere, aliud esse, ignorantiam esse culpabilem, aliud vero esse per culpam contractam, nam in hoc multi autore decepti sunt, ut forte referam inferius. Omnis enim ignorantia quæ ex peccato nascitur, est per culpam contracta, quia culpa hominis factum est, ut ignoret: v.g. si verum est hominem fide carentem, si per sua peccata non ponat obstaculum, fore à Deo illuminandum, optime dicitur ille homo propter sua peccata manere in ignorantia fidei, & carere diuina illuminatione: non tamen hoc satis est ut illa ignorantia sit culpabilis, quia fieri potest ut sit omnino inuoluntaria, quia nunquam venit in mentē hominis cogitare de scientia illi opposita: etiam indirecte, quia licet impedimentum talis cognitionis voluntarium sit, quia est culpa, non tamē ut impedimentum, sed solum ut continetur in alio genere peccati: quod contingit quando homo prorsus ignorauit tale peccatum esse impedimentum ad illam cognitionem. Atque ex his constat duobus modis ignorantiam posse esse in culpabilem, vno modo si sit prorsus inuoluntaria, altero modo si sit de scientia non præcepta nec propter se, nec propter actionem proprie: tamen ad materiam moralem nihil refert ignorantia rei ullo modo præceptæ, quia illa nihil confert ad bonitatem vel malitiam actionis, & ideo semper agimus de ignorantia quæ per se opponitur præcepto.

XIII.  
4. Diuisio  
ignorantiae.

Quarta diuisio ignorantiae est in affectatam, & negligentem, quæ facile explicatur ex doctrina de voluntario directo & indirecto: Vtque enim modo potest ignorantia esse voluntaria, & quando directe est volita, vocatur affectata, præsertim si sit in se volita, nam si sit voluntaria in alio, potest esse crassa, seu supina, ut statim dicam, nam hoc voluntarium in alio, inter indirecta numerari solet. Solum potest in hoc inquiri quomodo posset ignorantia esse in se directe volita: ad hoc enim necesse est ut sit in se directe cognita, quod videtur ignorantiae repugnare, nam si quis sciret se ignorare, hoc ipso non esset ignorans: sicut si quis sciret se errare, hoc ipso non erraret. Respondetur posse aliquem scire se ignorare negatiue, quia nescit an aliter se res habeat quam ipse existimet, vel an aliquid super sit cognoscendum de re, vel an sit ei aliqua diligentia præstanda ad acquirendam scientiam. Item sæpe satis est de hoc dubitare, & licet non semper quis velit directe

Exponitur  
ignorantia  
affectata.

ignorare, si tamen directe velit non facere diligentiam, quam putat esse necessariam, hoc satis est ad ignorantiam affectatā: oportet autem, ut ex ultimo, ut talis voluntas non inquirendi scientiam non oriatur ex alia priori ignorantia non affectata, sed tantum indirecte voluntaria, tota siquidem ignorantia subsequens per primam radicem est mensuranda, ut si quis directe nolit in aliquo negotio diligentiam facere ad inquirendam veritatem, quia putat se in illa re esse sufficienter instructum, illa non esset ignorantia affectata si hæc alia tantum esset indirecte voluntaria, & etiam illa non esset culpabilis, si hæc esset inuoluntaria, seu inuincibilis, & hac ratione ignorantia quæ fuit in Paulo, cum dixit, *ignorans feci* 1. Timoth. 1. non fuit affectata, ut ex ultimo, quamuis contrarium doceat Cordub. loco citato, ubi alia donit exempla minus vera ex defectu huius regulæ, quia scilicet non considerauit quod diximus.

Ignorantia ex negligentia proprie est illa, quæ solum est indirecte voluntaria, quæ cernitur quando homo tenetur scire, vel diligentiam facere ad sciendum, & sciens negligens est, seu omittit facere illam diligentiam: & quia in hac negligentia, potest esse magis & minus, iuxta hoc, solent distinguere varii gradus huius ignorantiae, nam quæ oritur ex magna desidia, vel pigritia, catur crassa, & ad hæc reuocatur etiam illa ignorantia quæ oritur ex magna sollicitudine rerum temporalium, vel ex magno affectu ad aliquam actionem, quo modo peccat qui aliquod munus exercent, seu acceptant sine sufficienti doctrina ad illud necessaria, vel qui plura munera exercent, quibus necesse est impediri ne in singulis adhibeant diligentiam necessariam ad sciendum quæ oportet: quia nui multa ex his sunt magis voluntaria in causa seu in alio, quam proprie indirecte. At vero quando negligentia est communis, tunc ignorantia retinet commune nomen ignorantiae culpabilis seu negligentis.

XIV.  
Exponitur  
ignorantia  
negligens.

Est autem difficile ad explicandum quid sit necesse, ut ignorantia, seu negligentia, quæ est causa eius, sit indirecte voluntaria. Dicendum est præter obligationem sciendi, & potentiam inquirendi, seu adhibendi diligentiam, necessariū esse ut homo aliquo modo aduertat, vel moraliter aduertere possit, & quid ignoret, & ignorantiam ipsam, & diligentiam quam adhibere potest ad illam expellendam, & quod his positis non facit: nam, ut supra dixi, voluntarium indirectum requirit aliquam aduertentiam & considerationem, nam sine hac non potest homo voluntarie se applicare ad sciendum, seu inquirendum, & ita non poterit etiam voluntarie omittere: qualis tamen & quanta esse debeat hæc aduertentia, & quo modo possit esse voluntaria, vel inuoluntaria, dicam sectione vltima huius disputationis, nam in hoc eadem est ratio de ignorantia, & de aliis actionibus, vel omissionibus humanis.

XV.  
Quando negligentia est  
seatur indirecte voluta.

Quinta diuisio ex dictis fere explicata manet, scilicet in ignorantiam vincibilem, & inuincibilem: quæ duæ voces possunt late sumi, ut significant absolutam, vel physicam potestatem, vel impotentiam hominis ad expellendam aliquam ignorantiam cuiuscumque rei sit: & hoc modo solum illa ignorantia poterit dici proprie inuincibilis, quæ humano & ordinario modo expelli non potest, qualis vix reperitur nisi in amentibus, vel aliis hominibus, qui non possunt ratione uti, aut de his rebus, seu factis, quæ loco, aut tempore à nobis distant, vel similibus. Vnde ignorantia vincibilis opposita inuincibili in prædicto sensu, non erit

XVI.  
5. Diuisio  
ignorantiae.



Est idem quod ignorantia culpabilis, quia poterit esse etiam de scientia non necessaria vel quia potest fundari in aliqua potestate quam homo non teneatur exercere ad expellendam ignorantiam, ut iam dicam. Tamen iuxta communem usum illæ voces sumuntur solum iuxta morale debitum sciendi, & potestatem etiam sciendi moralem, & negotio, seu scientiæ proportionatam: & in hoc sensu ignorantia vincibilis coincidit cum culpabili & inuoluntaria.

XVII. *Placitum Cordubæ de ignorantia culpabili inuincibili veritatur.* Neque enim probo quod ait Corduba esse posse aliquam ignorantiam inuincibilem & culpabilem, *qualis est*, inquit, *ignorantia ebrii*, quæ iam vinci non potest, & tamen culpabilis est in ebrietate. Sed hoc non rectè dicitur, quia si ignorantia est culpabilis, est voluntaria & libera: ergo necesse est, ut sit in potestate hominis illam vincere. Vnde in exemplo adducto, quamvis aliquis culpabiliter inebrietur, si tamen prorsus non aduertit, nec moraliter advertere potuit ignorantiam inde futuram, illa non est culpabilis, licet fortasse sit ex culpa contracta, iuxta doctrinam supra datam numero duodecimo, si autem aduertit, est quidem illa ignorantia culpabilis in sua causa, scilicet in ebrietate, & in eadem vincibilis fuit: postea vero sicut iam expelli non potest post ebrietatem, ita iam non est in se culpabilis noua culpa: ergo proportionem seruata eo modo quo est inuincibilis, est inculpabilis, & è contrariò sicut est culpabilis, ita & vincibilis.

XVIII. *Quomodo iuxta nonnullos, ignorantia fiat inuincibilis.* Est autem controuersia inter Doctores, quid necesse sit ut aliqua ignorantia fiat inuincibilis, nam quidam requirunt ab homine summam diligentiam, & quod homo faciat quantum in se est etiam preparando se ad gratiam, nec per aliquod peccatum impedimentum ponat diuinæ illuminationi qua posset ignorantia expelli. Ita Adrian. *quodlib.* 4. q. 1. & ex parte Castro *supra*, quamvis in 2. & 3. diuisione aliter loqui videatur. Sed de hac re latius in materia de fide, in *disq.* 17. quia nec dicti auctores generaliter loquuntur, sed specialiter de ignorantia quæ est in materia fidei.

XIX. *Vera responsio aliorum.* Et ideo dicendum cum communi sententia ignorantiam inuincibilem illam esse, in qua homo voluntariè nihil facere omittit eorum, quæ potest & debet facere ad illam expellendam, & nihilominus eam expellere non potest. Ita diuus Thomas *prima secunda, questione* 76. *Alens.* 2. p. q. 29. & alii in 2. *distinctione vigesima secunda*. Sed quod ad potestatem attinet, intelligendum est non solum de potestate remota, sed aliquo modo proxima, id est, quod iuxta capacitatem hominis, & consideratis circumstantiis, & notitia quam habet, possit se applicare ad eam diligentiam adhibendam, quia licet illa diligentia in se sit possibilis, tamen si in mentem hominis nunquam venit de illa cogitare, aut de aliqua re, quæ moraliter posset ad illam excitare, vel certè si eodem modo nunquam intellexit illud esse medium accommodatum ad scientiam acquirendam, non potest dici talis diligentia moraliter esse in hominis potestate. Atque eodem modo circa obligationem oportet advertere, non satis esse, hominem teneri ad aliquid faciendum, quod si faceret, non ignoraret, sed oportet ut teneatur id facere ad scientiam acquirendam, nam alia obligatio est quasi extrinseca, & per accidens: atque eodem modo necessarium est, ut homo non excusetur à tali obligatione propter aliquam aliam causam rationabilem; nam quoad rem moralem, perinde est excusari & non teneri.

*Suarez in primam secundæ D. Thomæ,*

Vnde concluditur, dupliciter posse ignorantiam esse inuincibilem: primo modo, quia nunquam venit in mentem hominis se teneri ad id sciendum vel inquirendum, vel ad utendum tali medio, seu tali diligentia ad acquirendam scientiam, ut v. g. ad non furandum, ne ponat impedimentum diuinæ illustrationi quia huiusmodi dispositio reddit hominem impotentem ad faciendam diligentiam, & hæc propriissimè est ignorantia inuincibilis. Secundo modo est quando homo dubitans se ignorare, facit moralem diligentiam rei & negotio accommodatam, & nihilominus non potuit illam ignorantiam expellere, & illa dicitur ab aliquibus ignorantia *probabilis*, quia iam ille homo probabili fide in illa durat, & ideo excusat maiorem diligentiam adhibere, licet fortasse posset. Quanta vero esse debeat huiusmodi diligentia ut sit *probabilis*, non potest vna regula definiri, sed prudentia opus est iuxta materiam qualitatem. Vnde tandè sit ignorantia vincibilis duo illa requirere, quæ de voluntario indirecto supradicta sunt; scilicet quod possit & debeat prædicto modo scire seu inquirere, & non faciat, nec diligentiam adhibeat, quam si omnino omittat, talis ignorantia est propriissimè vincibilis, & coincidit cum *crassa*, vel *supina* vel *affectata*: si vero adhibeat aliquam diligentiam, non verò sufficientem, dici solet ignorantia *improbabilis*.

Ad explicandam autem amplius hanc quantam diuisionem, oportet advertere sextam, quam Aristoteles tetigit 3. *Ethic.* c. 1. & de qua est titulus *de iure ciuili ff. de iuris & facti ignorantia*. Est ergo alia ignorantia *iuris*, alia *facti*. Sub iure comprehenditur ius diuinum, naturale, & positiuum, aut ius humanum, ac denique omne superioris præceptum: sub *facto* autem comprehenditur vel tota actio vel circumstantia eius, vel effectus, qui ex illa postea sequitur: & utrumque horum, scilicet *actus*, & *factum* potest inuincibiliter, & vincibiliter ignorari: licet de singulis ferè soleat moueri quaestiones, Vtrum ius naturale, diuinum, positiuum vel humanum possit inuincibiliter ignorari. Sed non sunt huius loci, viderique possunt dicta in materia de Legibus: generatim tamen loquendo non dubito quin in omnia hæc membra possit cadere ignorantia inuincibilis, quamvis facilius in iure positiuo diuino, quam naturali, quia hoc habet cum homine magis intrinsecè, connexionem. Vnde inter naturalia quædà sunt quæ minus possunt ignorari sine culpa, quia sunt lumine naturæ notiora, & fortè aliqua sunt tam per se nota, ut nullo modo possint inuincibiliter ignorari, ut sunt principia vniuersalia, ut *bonum est faciendum, turpe vitandum*, & aliqua etiam immediata, ut *nemini est facienda iniuria*: atque eadem ratione facilius potest ignorari ius humanum, quam diuinum: & factum, quam ius, quia est magis contingens, & mutabile, & in ipso facto facilius ignorantur extrinsecæ circumstantiæ, quam intrinsecæ, & quæ sunt per se connexæ cum ipso opere: & iuxta hæc diuersa capita iudicandum est de diligentia quæ sufficiat ad reddendam ignorantiam inuincibilem, seu probabilem.

Septimò addi potest diuisio tacta ab Aristot. nam alia est ignorantia quæ absolute opponitur scientiæ & cognitioni, in quam propriè nomen *ignorantia* conuenit: alia verò est quæ solum priuat actuali aduertentia, seu memoria, quæ magis propriè dicitur *inconsideratio*, seu *obliuio*, & vocari solet *ignorantia actualis*, & ad utramque ferè possunt accommodari ferè omnia dicta, & de utraque dicemus duabus sectionibus sequentibus.

Vltimò non est omittenda diuisio dialectica ignorantia, in ignorantiam *negationis*, & *prauæ* 8. Diuisio.

XX.  
Unus modus ignorantia inuincibilis.

Alius modus.

XXI.  
Sexta diuisio ignorantia.

XXII.  
7. Diuisio.

XXIII.

C dispo-



*dispositionis.* Circa quam, quod ad rem moralem spectat, solum est aduertendum ignorantiam negationis non esse quamcunque negationem scientiæ, quæ potius *nescientia* dicitur, neque quamcunque priuationem physicam, sed moralem, ita ut sit carentia scientiæ moraliter debita, tamen sine errore, vel cognitione contraria, nam quando hæc adiungitur, illa dicitur ignorantia *prauæ dispositionis*: vocatur autem *praua* non moraliter, seu culpabiliter, sed quia est mala affectio, seu dispositio hominis, quæ si sit voluntaria, pertinebit ad malum culpæ: si autem inuoluntaria, tantum ad malum pœnæ. Est autem considerandum hanc ignorantiam *prauæ dispositionis* coincidere cum conscientia erronea, in qua intercedit positua cognitio, seu existimatio, & ex hac parte potest mouere directe voluntatem, & ita non solum causare voluntarium, sed etiam interdum causare honestum actum, & suo modo concurrere ad specificationem eius, & de illa dicendum est *tractatu sequenti disput. vltima*: præter positium vero includit negationem debita scientiæ: & quoad hoc eadem est ratio de illa, quæ de ignorantia priuatiua, quoad causandum voluntarium, vel inuoluntarium de quo iam dictum est.

## S E C T I O II.

*Utrum & quæ ignorantia causet voluntarium, vel inuoluntarium.*

**D**iximus quomodo ignorantia ipsa voluntaria, vel inuoluntaria sit: sequitur dicendum quomodo ratione illius actio aliqua, vel omissio, vel effectus eius voluntaria, vel inuoluntaria sit, & dicemus de illis tribus ignorantibus antecedenti, concomitanti, & consequenti, nam de omnibus est difficultas.

**I.** Primo de antecedenti dici solet causare inuoluntarium, in quo est duplex difficultas. Prima, quia hæc ignorantia est causa actus voluntatis: ergo causat voluntarium. Antecedat constat ex dictis, quia in hoc distinguitur hæc ignorantia à concomitante. Consequentia vero probatur, quia actus voluntatis per se est voluntarius: ergo qui causat illum, causat voluntarium: hac enim ratione probauimus supra metum & concupiscentiam causare voluntarium simpliciter.

**II.** Secunda difficultas est, quia inuoluntarium est illud quod repugnat appetitui positiuo voluntatis, sed quod sit per ignorantiam antecedentem, non est hoc modo inuoluntarium, quia non est necesse ut qui propter ignorantiam comedit carnes die prohibito, tunc actu habeat displicentiam, seu simplicem affectum illi actioni contrarium: imo vix fieri potest ut illum habeat, quia supponimus in illo actu ignorare illam conditionem, quæ ab illo posset auertere voluntatē. Dices non sumi hic voluntarium in eo rigore id est, contrarie, sed solum negatiue, seu priuatiue, sicut supra de ignorantia inuoluntaria dicebamus. Vnde potest hæc responsio confirmari, quia ignorantia non potest facere actum magis inuoluntarium, quam ipsa sit. Sed contra hoc est, quia tam Aristoteles, quam D. Thomas, & alij, hanc differentiam ponunt inter ignorantiam antecedentem, & concomitantem, quia illa causat inuoluntarium, hæc vero nec voluntarium, nec inuoluntarium, sed non voluntarium: ergo necesse est ut priorem partem intelligant de inuoluntario contrarie, alias quid differret inter ignorantiam antecedentem & concomitantem.

**III.** Atque hinc oritur tertia difficultas de igno-

rantia cōcomitante, quia si formaliter sumatur, ut concomitans est, sicut non causat voluntarium, ita nec non voluntarium, tum quia illa ut sic, non est causa actionis: ergo nullam conditionem in eam influit: tum etiam, quia alias hæc ignorantia semper excusaret culpam, nam ut actio non imputetur ad culpam, satis est quod non sit voluntaria, quamuis positue inuoluntaria non sit, nam cum de ratione culpæ sit voluntarium, sufficit carentia voluntarii ad excusandum à culpa: si vero consideretur hæc ignorantia quatenus ipsa voluntaria, aut inuoluntaria esse potest, non semper facit actionem non voluntariam, nam quando ipsa voluntaria est, etiam actio quæ cum illa sit reputatur voluntaria, & imputatur ad culpā. Veluti si quis occidat hostem, putans se occidere feram, non facta sufficienti diligentia ad vitandum homicidium, sine dubio ei imputatur ad culpam, etiam illa ignorantia concomitans sit, nam si ille esset ita virtualiter dispositus, quod si sciret ibi esse hominem, non interficeret, nihilominus propter negligentiam culparetur ut homicida: ergo non minus culpandus est eo quod ita sit affectus, quod si sciret, libentius occideret, nam hæc dispositio non excusat, sed potius accusat. Atque idem à fortiori est quando ignorantia concomitans est de conditione aliqua impertinente ad actum, ut si quis furetur die festo ignorans esse diem festum, qui non minus esset furaturus, etiam si id sciret, nam illa ignorantia reputatur concomitans, & tamen nullo modo facit actum non voluntarium, non solum si voluntaria ipsa sit, sed etiam si sit omnino inuoluntaria.

**IV.** Vltimo esse potest difficultas de ignorantia consequenti: de qua dicitur quod causat voluntarium: quod non potest esse verum de voluntario directo, quia aufert illius obiectum: neque etiam de voluntario indirecto id videtur vniuersale, quia supra dictum est quod quamuis omissio aliqua sit voluntaria, non est necesse effectum inde secutum esse voluntarium indirecte, quia per accidens sequitur, sed ignorantia est quædam omissio: ergo licet ipsa sit voluntaria, non est necesse effectum inde secutum esse voluntarium: ut v.g. si aliquis negligenter ignoret hunc qui petit elemosinam esse pauperem, & ideo dat, illa ignorantia consequens est, nam est causa actus, non n. daret si sciret esse diuitem, & est voluntaria, cum non sit facta sufficientis diligentia ad expellendā illam, & tamen illa donatio non sit voluntaria, imo alter tenetur restituere quod accepit: ergo illa doctrina non est vniuersaliter vera. Et confirmatur, nam ignorantia ebrii qui se voluntarie inebriauit, non facit semper voluntarium homicidium subsecutum, & tamen illa est consequens: nam & est causa actus, non enim occideret si non esset priuatus vsu rationis propter ebrietatem, & est voluntaria saltem in alio, id est, in ebrietate.

In hac re considerandum est aliud esse loqui de effectu, seu actu quem voluntas habet occasione ignorantie circa rem aliam cognitā, aliud vero de actu circa rem ignoratam ut ignorata est. Quod exemplo declaratur, nam qui comedit carnes die prohibito ignorans prohibitionem, duo potest intelligi operari, & velle: vnum est quod comedit carnes, quod non est ab ipso ignoratum, sed cognitum: alterum est quod transgreditur præceptum quod est ab ipso ignoratum, & fortasse occasione huius ignorantie facit illud primum. Hic non est proprie sermo de priori actu, seu effectu, sed de posteriori, tamen ut priorem difficultatem dissoluamus.

**Dicendum**

3. Difficultas quoad ignorantiam concomitantem.

Confirm.

4. Difficultas quoad ignorantiam consequentem.

V.



VI.

Dicendum primo, ignorantiam posse esse causam voluntarii directe circa aliquod materiale obiectum quatenus cognitum est alias. Hoc testigit Caietanus 1. 2. *quest. 76. articul. 1.* & clarius Adrian. *quodlib. 4.* & exemplo adducto declaratur: nam ille actus comedendi carnes simpliciter est voluntarius, & tamen ut sic, est causatus ab ignorantia, eo modo quo ignorantia potest causare, scilicet ut causa per accidens remouens prohibens, nam si ille sciret prohibitionem, non comederet. Et hoc etiam probat difficultas prima supra tacta: atque idem procedat de ignorantia consequenti, in concomitante vero non habet locum, quia sicut non est causa actus, ita nec eius voluntarii.

VII.

Dices, cum *voluntarium directum* per se requirat cognitionem, quomodo potest ignorantia esse causa illius? Deinde si causa hæc sit omnino inuoluntaria, quomodo potest esse causa effectus voluntarii? hac enim ratione omnes autores dicunt ignorantiam antecedentem causare *inuoluntarium*. Ad priorem partem Respondetur duo requiri ut voluntas moueatur: primum ut in obiecto appareat aliqua ratio attrahens ipsam, secundum ut non appareat aliquid detinens, seu auertens ipsam. Quantum ad primum, concurrunt positue cognitio ad causandum *voluntarium*, non tanquam remouens prohibens, sed tanquam applicans materiam circa quam, seu causam per se mouentem voluntatem: quoad secundum vero potest per se concurrere ignorantia, non quidem obiecti cogniti ut cognitum est, sed aliquius conditionis eius, quæ auerteret voluntatem, & ideo non concurrat ut cognitio, sed ut remouens prohibens, ut dixi. Vnde patet responsio ad posteriorem partem, nam hæc ignorantia non causat hoc voluntarium eo quod ipsa voluntaria sit, sed præcise ex hoc quod tollit impedimentum talis voluntarij, & ad hoc non est necesse ut sit voluntaria, sicut cognitio causat *voluntarium*, etiam si ipsa voluntaria non sit, sed mere naturalis, quia non causat ut voluntaria, sed præcise ut applicans obiectum mouens potentiam: & idem esse potest de habitu, & in omni alia causa actus voluntatis, quia hæc sunt veluti causæ physicz per se, & vel per accidens actus voluntatis: quando vero autores dicunt ignorantiam inuoluntarium causare *inuoluntarium*, intelligunt respectu conditionis ignoratæ, ut statim dicam, non respectu actionis cognitæ, & obiecti directe voliti.

VIII.

2. Assertio manifesta.

Dicendum secundo. Respectu conditionis ignoratæ, omnis ignorantia causat *non voluntarium directum* & in se. Hoc est per se notum, supposito illo primo principio quod voluntas non potest ferri in incognitum: ergo voluntas necessario efficit ut id quod ignoratum est, ut sic, non possit esse in se volitum: hoc autem necessarium est ad *voluntarium directum* & in se.

IX.

Solum posset aliquis dubitare de ignorantia affectata, nam hæc non videtur excludere hoc voluntarium directum: cum enim aliquis vult ignorare prohibitionem superioris, ut liberius operetur, tunc directe vult sic operari, & tamen operatur ex ignorantia affectata. Respondetur, aut ibi non esse *voluntarium directum*, aut eo modo quo est, non esse ex ignorantia vlla, sed supponere cognitionem, illa enim non vult absolute efficere illam operationem quatenus continet transgressionem præcepti, quia reuera non scit esse tale præceptum, nec huiusmodi transgressionem: sicut qui directe vult ignorare quid Ecclesia sentiat, vel definierit de aliqua propo-

*Suare ~ in primam secundæ D. Thom.*

sitione, ut liberius opinari possit, non vult directe sentire & opinari contra illam, quia reuera ignorat esse contra illam: imo ideo vult hoc ignorare ut non cogatur à sua sententia discedere. Propter quod multi probabiliter existimant talem ignorantiam affectatam excusare à formal peccato hæresis, quamuis non excuset à culpabili errore: qui ergo ita vult ignorare, directe solum vult operationem illam, cuius prohibitionem ignorare vult, & ad summum vult etiam exponere se periculo transgrediendi legem: seu sic operari, etiam si contingat id esse prohibitum, & respectu huius voluntarii directi non habet ignorantiam, nam satis cognoscit esse possibile & contingens illud esse prohibitum.

Dicendum tertio. Ignorantia antecedens causat simpliciter *inuoluntarium* respectu actus, vel effectus quatenus ignoratus est. Si in hac conclusione *inuoluntarium* sumatur negativæ, seu priuatiue, est res certissima, & indubitata etiam in fide: constat enim huiusmodi ignorantiam excusare culpam, ut patet de Jacob accedente ad Liam antequam esset vxor sua, qui in eo actu nihil peccauit ratione ignorantiz, non autem excusat à culpa, nisi quia tollit voluntarium. Ratio à priori est clara, illa enim conditio ignorata non est directe voluntaria in se, ut patet ex conclusione præcedenti, neque etiam est voluntaria indirecte, seu in alio, quia nullo modo est præuisa, sed inuincibiliter ignorata, ut supponitur. Item quia causa eius, quæ est ignorantia, est prorsus inuoluntaria: ergo ex nullo principio potest ille actus ut sic, esse voluntarius. Si autem in conclusione *inuoluntarium* sumatur contrarie, sic est conclusio incerta propter secundam difficultatem *num. 2.* tactam, quam melius expediemus simul cum sequenti conclusione.

Dicendum quarto. Ignorantia concomitans, si sit omnino inuoluntaria, facit actum ignoratum omnino inuoluntarium *priuatiue*, quamuis non *contrarie*. Ita Almain. *tractatu 1. moral. cap. 4.* licet sine causa existimet hoc esse contra Diu. Thomum, nunquam enim hoc aperte negauit, nam potius de omni ignorantia concomitante videtur affirmare quod causet non voluntarium, de quo postea. Alii vero autores in 2. d. 22. præsertim Gabriel *quest. 2.* & Marsil. *quest. 15. articul. 2.* Adrian. *quodlib. 4.* videntur huic conclusioni contradicere, quia sentiunt hanc ignorantiam concomitantem non excusare à culpa, quantumuis inuoluntaria sit. Tamen illi videntur loqui de quadam ignorantia, quam ego potius *impertinentem* vocarem ad rem moralem, quam concomitantem, & adhuc de illa non recte loquuntur, ut dicam.

Probat ergo conclusio eodem modo, quo præcedens, quia talis ignorantia excusat à culpa: ergo tollit voluntarium. Antecedens probatur, quia qui sic ignorat, licet alias habeat paratam voluntatem ad ita operandum si sciret, tamen hic & nunc non operatur ex illa voluntate, & alias facit sufficientem diligentiam ne sequatur talis effectus, vel certe prorsus ignorat talem actum esse prohibitum, vel aliquid simile: ergo non est unde ei imputetur ad culpam talis effectus, vel transgressio. Confirmatur & declaratur, nam si quis mittat sagittam & occidendam feram, & facit sufficientem diligentiam ad vitandum periculum occidendi hominem, & postea occidat inimicum quem libentius occideret si sciret ibi adesse, nihil peccat, nec est homicida: ergo non occidit voluntarie. Antecedens

X.

3. Assertio.

XI.

4. Assertio bipartita.

XII.

Probat hanc assertio quoad 1. partem.



dens paret, quia si occideret amicum, non esset homicida, quia iam esset ignorantia antecedens: ergo neque occidendo inimicum. Patet consequentia, quia ratio culpæ non pendet ex re extrinseca mere casuali, quod autem contingat ibi esse amicum, vel inimicum, est mere casuale & extrinsecum.

XIII. Rursus hoc ita declaro, nam variis modis potest intelligi homo esse dispositus in huiusmodi euentu, primo quod illam præparationem voluntatis ad occidendum inimicum habeat solū in habitu, seu virtute ratione actuum præcedentium, tamen hic & nunc nihil cogitet de inimico, neque habeat aliquem actum voluntatis circa illum, & tunc est evidens nihil peccare occidendo illum, quia actus emittendi sagittam pro ut hic & nunc fit, est prudenter factus, & cum sufficienti diligentia, ut supponitur: ergo illa voluntas sagittandi nullam habet malitiam: ergo illud homicidium tunc non est in se directe volitum, ut per se constat: neque etiam in alio, scilicet in venatione, quia per accidens sequitur, & nullo modo est præuiusum: neque etiam indirecte, quia hic & nunc non tenetur homo ille vitare hanc actionem, ne sequatur ille effectus, vel saltem excusatur ob excusabilem inaduertentiam: ergo, &c.

XIV. Secundo modo potest esse homo ita dispositus, ut quando emittit sagittam, actu cogitet de inimico, & habeat simplicem complacentiam, seu desiderium mortis illius, pro ut explicatur his verbis: Utinam ibi esset inimicus, ut illum confingerem: & tunc multis videtur ille effectus voluntarius, quia est volitus ab operante. Sed, ut in superioribus diximus, in rigore aliud est esse volitum, aliud voluntarium. Ille ergo effectus in eo casu, est volitus obiectiue per simplicem affectum & voluntatem inefficacem non tamen per absolutam & operatiuam, & ideo non est voluntarius tanquam à voluntate procedens, sicut si sagitta ab alio mitteretur, & ater haberet illum affectum, utinam illa sagitta interficeret inimicum meum, peccaret quidem interno affectu homicidii, & ille effectus si fieri contingeret, esset illi obiectiue volitus, non tamen actiue, & ideo non esset voluntarius, neque actio illa exterior illi imputaretur ad culpam: idem autem est quando illa duo coniunguntur in eodem, nā ille affectus interior circa mortem inimici, & actus exterior emittendi sagittam, licet vnus suppositi sint, tamen vnus non est actiue ab alio, & ille affectus non imperat hanc actionem, sed sola voluntas venandi: ergo effectus ex venatione secutus non est voluntarius ratione illius affectus simplicis: vnde in illo casu ille non est homicida exterior, nec maneret irregularis si faceret [ ut supponitur ] sufficientem diligentiam. Confirmatur, nam si ille effectus tunc esset voluntarius ratione illius simplicis affectus, esset directe voluntarius, quia ille affectus directe terminatur ad illud obiectum in se: ergo tale voluntarium non fundaretur in ignorantia pro ut nunc loquimur: constat autem non esse directe voluntarium per modum actionis, sed solum per modum obiecti, in quo voluntas habet simplicem complacentiam, quare, &c.

XV.

Tertio tamen modo posset intelligi huiusmodi homo ita dispositus, ut non solum haberet simplicem affectum, sed etiam hunc actum: Volo emittere sagittam, si forte illic sit inimicus: & tunc sine dubio effectus videtur iudicandus voluntarius, quia iam illa actio non procedit tantum ex voluntate venandi, sed etiam ex volun-

tate interficiendi inimicum: tunc autem vel moraliter fieri non potest, ut cum tali voluntate fiat sufficiens diligentia ad vitandum homicidium, vel si admittamus hanc fieri, dicendum est voluntatem illam non procedere ab ignorantia, sed à communi scientia, quia iste existimat casu fieri posse, ut ibi sit inimicus, non obstante præmissa diligentia, & ideo hoc nihil repugnat conclusioni positæ.

Dices: Si hæc ignorantia concomitans non est causa actionis, non est etiam causa effectus subsecuti ex actione: ergo quod illa sit inuoluntaria, nihil referre potest ut effectus etiam inuoluntarius sit: alioqui si ipsa esset inuoluntaria positivæ, seu contrariæ, ut regulariter esse potest, etiam effectus esset positivæ inuoluntarius, quod est contra conclusionem positam. Respondetur in primis, ut ignorantia hæc faciat effectum omnino non voluntarium, non oportere ut sit causa, sed satis esse ut tollat conditionem ad *actuale voluntarium* necessariam, qualis est cognitio, quæ per ignorantiam tollitur. Vnde licet illa conditionalis aliquo modo vera sit, scilicet quod si sciret, libentius faceret, tamen hic, & nunc nullam actualem voluntatem directam, aut indirectam ponit in operante, quæ sit causa illius effectus, & hoc provenit ab ignorantia, & ideo potest causare inuoluntarium in effectum, quamvis non causet ipsum effectum. Denique cum illa ignorantia sit inuincibilis, ratione illius sit, ut voluntas emittendi sagittam possit esse prudens, & debito modo facta, & consequenter ut effectus subsecutus sit prorsus casualis, & præter voluntatem operantis. Neque est eadem ratio de *inuoluntario contrariæ*, nam ignorantia siue sit priuatiue, siue positivæ inuoluntaria, per se solum habet tollere cognitionem, & consequenter voluntarium, tamen ex se non habet inducere affectum contrarium respectu effectus subsecuti, & ita manet simul confirmata vltima pars conclusionis.

Sed vrget secunda difficultas in numer. 2. posita, quænam sit differentia in hoc inter ignorantiam antecedentem & concomitantem, quando utraque est inuoluntaria. Nam Aristotel. & Diu. Thomas in hoc videntur constituere, ut dixi. Respondetur primo ignorantiam concomitantem quatenus inuoluntaria est, induere aliquo modo rationem antecedentis, ut dixi, & ideo forte non esset necessarium constituere aliquam differentiam. Secundo dicitur, quamvis in actuali affectu nulla sit, tamen in virtuali & interpretatiuo, aliquam reperiri: nam quando in rigore ignorantia est antecedens, quia homo censetur ita affectus ut si sciret non faceret, censetur actio non solum *priuatiue* inuoluntaria, sed etiam quodammodo *positivæ*, quia censetur illa voluntas virtualiter habere affectum contrarium, cuius signum est tristitia postea subsecuta adueniente scientia: quando vero ignorantia est concomitans, nullum *inuoluntarium positivæ* nec actuale, nec virtuale ibi admiscetur, quia voluntas neutro modo habet affectum contrarium, & libentius esset factura si scientia adesset: cuius signum est gaudium postea subsecutum adueniente scientia.

Vltimo dicendum, ignorantiam simpliciter voluntariam reddere actum, vel effectum subsecutum voluntarium, siue illa sit consequens, siue concomitans. In hac conclusione, præsertim quoad priorem partem, omnes conveniunt, & sumitur ex illo August. 3. de lib. arb. c. 19. Non tibi imputatur ad culpam si inuitus ignores, sed si scire neglexeris. Ratio vero est, quia ignorantia illa est

XVI.

XVII.  
Ad 2. diffi-  
cultatem  
in n. 2.

XVIII.  
5. Assertio  
bimembra.



causa talis actus, seu effectus, ut dictum est de ignorantia consequenti: ergo si ipsa est voluntaria, etiam effectus erit voluntarius, saltem indirecte & in causa. Quo fit ut obiter dicam huiusmodi effectum per accidens non posse esse magis voluntarium, quam sit ipsa ignorantia: unde si illa sit tantum imperfecte voluntaria, v.g. ex leui negligentia, quæ ad mortale peccatum non sufficiat: etiam effectus erit imperfecte voluntarius, & excusabitur à culpa mortali, licet non à veniali. Ratio huius est, quia effectus non potest esse perfectior sua causa totali, ut sic: ergo si totum voluntarium respectu effectus sumitur ex voluntario causæ, scilicet ignorantie, non potest illud esse maius respectu ignorantie, quam hoc. Notarunt hoc Cordub. & Castro locis citatis, & Nauar. in summ. cap. 12. num. 6. licet oppositum insinuet Caiet. 1. 2. q. 76. art. 4. & forte plura de hoc in tractatu de peccatis.

XIX.

Sed superest altera pars de ignorantia concomitante, de qua non procedit ratio facta, quia non est causa actionis, ut in 3. difficultate tactum est. Sed nihilominus etiam hæc pars est certissima, ut probant exemplum, & ratio adducta in 3. difficultate numer. 3. & præterea quia illa ignorantia non excusat tunc à culpa: ergo nectollit voluntarium. Tandem ille tenetur expellere illam ignorantiam ad euitandum actum, & voluntarie hoc facere omittit: ergo voluntarie etiam operatur saltem indirecte. Quare nihil refert quod hæc ignorantia non sit causa actus, & quod si adesset scientia, actus nihilominus fieret: tum quia quamuis dicemus illum actum non esse voluntarium in ignorantia tanquam in causa, erit tamen illa ignorantia conditio sufficiens ut ille actus sit voluntarius indirecte, quatenus homo tenetur & potest illum vitare & non facit, nam quod esset facturus existente scientia, non excusat illum, sed potius quodammodo magis accusat, quia illa est praua dispositio, & contraria obligationi, qua tenetur vitare actum: tum etiam quia ille effectus est voluntarius in alio actu directe voluntario, ut v.g. occisio hominis in venatione: ignorantia autem voluntaria quamuis sit concomitans, est ratio, seu conditio ut prior ille actus venandi imprudenter, seu incaute fiat, & consequenter ut in illo censetur volutus effectus inde secutus.

XX.

Expeditur  
3. difficultas  
posita n. 3.

Atque ex his satisfactum est ad tertiam difficultatem in principio positam: concedimus enim totum id quod probare intendit, ut ex hac ultima assertionem, & ex præcedenti satis constat: quando ergo Arist. dicit ignorantiam concomitantem causare non voluntarium, vel certe locutus est saltem de illa ignorantia quando omnino non est voluntaria, ut supra notavi, vel locutus est præcise de illa quatenus concomitans est, nam ut sic non habet causare voluntarium, sed potius non voluntarium saltem directum: quod vero causet voluntarium, interdum id habet quatenus ipsa voluntaria est, sub qua consideratione participat rationem ignorantie consequentis, ut dictum est. Atque eodem modo est interpretandus D. Thom. cum 1. 2. quest. 76. articul. 3. dicit ignorantiam concomitantem non excusare, scilicet præcise, ut concomitans est, nam ut est inuoluntaria, & quodammodo antecedens, excusare potest. Ad confirmationem ibi positam de ignorantia concomitante alicuius conditionis impertinentis ad actum, ut, v.g. quod fiat die festo: respondetur in primis hic non esse sermonem de ignorantia rei impertinentis ad actum morale, quia illa etiam si sit antecedens, vel consequens, nihil etiam refert ad moralem actum. Deinde

Suarez in primam secundam D. Thom.

dicatur, qualiscunque sit illa conditio ignorata, posse fieri voluntariam, vel inuoluntariam per ignorantiam, si cetera necessaria concurrant, ut in exemplo ibi posito de eo qui furatur die festo, ignorans esse diem festum, si illa ignorantia sit inuincibilis, etiam si sit concomitans, faciet actum inuoluntarium, ut tali tempore factum. Unde si illa circumstantia posset aliquo modo aggravare culpam, excusaret hominem ab illa gravitate.

Ad quartam difficultatem vno verbo dici potest, verum esse totum id quod in ea intenditur, non tamen esse contra dicta, hæc enim ignorantia facit conditionem, seu effectum ignoratum esse voluntarium tantum indirecte & in alio, & ideo seruandæ sunt regulæ de huiusmodi voluntario supra tactæ. Itaque si hæc ignorantia sit immediate causa alicuius omissionis ex qua sequitur alius effectus, considerandum est utrum ille effectus sit priuatiuus, qui immediate sequitur ex alia priuatione: & tunc ille erit voluntarius in sua causa, si sit sufficienter præuisus, si vero effectus sit positivus, ulterius inquirendum est, an quis teneatur illum vitare, nam tunc erit voluntarius, & non alius, quia si quis non tenetur vitare effectum, nihil refert quod ignoret illum fore consequendum ex priori omissione, imo sicut non tenetur euitare effectum, ita etiam non tenebitur vitare talem ignorantiam pro ut ad illam terminatur, & consequenter illa ignorantia ut sic, non erit voluntaria, neque consequens, quia neque est voluta directe, ut supponitur, neque indirecte, quia non tenetur illum vitare. Si autem actus aliquis positivus sit immediate voluntarius occasione ignorantie, tunc effectus subsequens non est tantum indirecte voluntarius per negationem actus, sed etiam positivus voluntarius in alio. Unde oportet ut vel per se sequatur ex priori actu cum sufficienti præuisione, vel certe si per accidens sequitur, necesse est ut homo teneatur illum vitare, alioquin non censetur volutus, sed permissus. Et ita est intelligenda communis doctrina de ignorantie consequenti.

Unde ad illud exemplum de eo qui vult dare eleemosynam ei qui se fingit pauperem, dicendum illam actionem dupliciter considerari posse, vno modo ut formaliter est eleemosyna, quæ terminatur ad pauperem quia pauper est, alio modo ut est efficax ad transferendum dominium in hunc hominem quasi materialiter quatenus talis homo est. Priori modo talis actio est simpliciter, imo & directe voluntaria, quia formaliter & directe proponitur voluntati obiectum eleemosynæ, & in illud directe tendit, & ita illa actio est simpliciter studiosa & honesta, si alias prudenter fiat: posteriori autem modo illa actio non est directe voluntaria, nam ex parte obiecti est quasi virtualiter conditionata, volo dare si pauper est: unde non existente conditione, non consequitur effectus, & ideo etiam ille effectus non est per se ac necessario coniunctus cum tali voluntate, neque cum actione exterius dandi. Quo loco se offerebat amplissima questio, quando ignorantia irritet voluntatem, seu contractum: sed hoc pertinet ad alias materias, & ideo observanda est tradita regula in dicta solutione, quod quando ignorantia est de aliqua conditione quæ virtualiter reddit voluntatem conditionatam, tunc si desit conditio, irritat ob rationem datam, & quia in eo casu talis conditio semper est motium intrinsecum voluntatis, ut est paupertas in actu eleemosynæ: quando vero conditio non est huiusmodi, sed est motium extrinsecum applicans

XXI.

Expeditur  
4. difficultas  
in n. 4.

XXX.

Ad exemplum  
in eodem  
num.

Ad confir.  
in eodem  
num.



cans voluntatem, nunc ignorantia circa talem conditionem non irritat actum.

XXIII. Ad aliud exemplum in eadem difficultate positum de ignorantia ebrui, dicendum est, ut illa ignorantia sit consequens respectu alterius affectus subsecuti, non satis esse ut ipsa sequatur ex culpa voluntaria, sed oportere ut ipsa, quatenus potest esse causa, vel conditio ut fiat talis effectus, sit voluntaria, & aliquo modo praeuisa, nam si hoc sit omnino ignoratum, quamuis ebrietas sit voluntaria materialiter, tamen ut est causa homicidii, est inuoluntaria, & ideo tunc ignorantia illa facit homicidium inuoluntarium, quia est in se sit consequens, tamen ut respicit homicidium, est antecedens: si autem utroque modo sit voluntaria, faciet homicidium voluntarium: atque ita semper est verum ignorantiam consequentem ut sic causare voluntarium.

XXIV. Sed poterat hic ulterius quæri, utrum hæc ignorantia augeat, vel minuat voluntarium: quæ comparatio debet fieri ad actum eundem, vel certe ad subiectum, nam si fiat inter ipsas ignorantias, certum est, quo maior fuerit ignorantia, vel magis voluntaria, eo, ceteris paribus, reddere actum magis, vel minus voluntarium: unde ignorantia affectata magis voluntarium facit, quam crassa, & hæc magis, quam negligens communi modo. Si vero fiat comparatio ad actum ex scientia factum, omnes concedunt, ignorantiam indirecte tantum voluntariam minuire potius quam augere voluntarium, quia ipsamet est imperfecto modo voluntaria, & propterea facit ut actus non sit directe voluntarius, sed tantum indirecte. Item, quia minuit cognitionem, atque ita ex hac parte minuit voluntarium, & aliunde non augeat, cum ipsa sit imperfecto modo voluta. De ignorantia autem affectata auctores non conveniunt, nam D. Bonau. in 2. d. 22. 2. p. dist. art. 1. q. 3. Almain tractatu 1. moral. c. 4. censent minuire ob rationes factas quia minuit cognitionem, & consequenter minuit contemptum, & tollit saltem directum voluntarium. At vero Div. Thomas 1. 2. q. 76. art. 4. quem sequitur Durand. in 2. d. 21. q. 4. sentiunt non minuire, sed potius augere, vel magis proprie, esse signum magni voluntarii, quia hæc ignorantia est directe voluntaria: unde ex parte non minuit, & aliunde procedit ex vehemēti affectu talis actionis, nam ideo vult aliquis ignorare, ut libentius operari, seu peccare possit.

XXV. Sed hæc res latius tract. 5. disp. 4. est discutienda: nam mihi non est dubium quin hæc ignorantia possit procedere ex variis motibus & affectibus, & quod interdum possit minuire voluntarium respectu alicuius conditionis ignoratæ, & consequenter quod possit minuire peccatum ex parte alicuius circumstantiæ, v. g. contemptus, ut si quis nollit scire quid Ecclesiæ de aliqua re definiērit, quia non vult ab Ecclesiæ definitione discedere, & alioqui vult libere sentire quandiu sibi de Ecclesiæ definitione non constet: tunc si contingat in re dissentire à definitione Ecclesiæ, sine dubio est id cum minori voluntate, & absque pertinacia, & cum minori contemptu: si autem negligat scire definitionem Ecclesiæ, quia decrevit ita sentire, quidquid Ecclesiæ sentiat, nunc illa ignorantia nihil minuet, sed potius est signum magni affectus: semper tamen hæc ignorantia alicui ex parte augeat voluntarium, saltem ex parte illius actus, vel effectus quem homo ita amat, ut ob id velit ignorare. Utrum vero omnibus pensatis augeat, vel minuat culpam, prædicto loco tractandum est. Legatur Cordub.

libro secundo de ignorantia questione decima tertia.

### SECTIO III.

Utrum actualis inconsideratio faciat non voluntarium actum quoad conditionem ignoratam.

DE hac questione pauca in terminis inveniuntur in autoribus: videntur enim supponere eundem esse rationem de inconsideratione, & de ignorantia, quia inconsideratio quædam ignorantia est: habet tamen specialem & non modicam difficultatem, cuius cognitio etiam confert ad intelligendum quibus modis possit esse ignorantia indirecte voluntaria.

Supponendum primo sermonem esse de voluntario perfecto & rationali, nam certum est inconsiderationem actualem necessario excludere voluntarium directum actualem, quia nihil est directe & in se volitum, quin sit eodem modo cognitum, non tantum habitu, sed actu, quia habitus dum non operatur, non mouet, neque excitat voluntatem, sed est quasi dormiens: & eadem ratio e non satis est quod præcesserit consideratio etiam tempore immediate antecedenti, quia si iam nunc non est actu, tantum manet habitu, & non mouet: igitur solū potest superesse questio, utrum id quod actu non consideratur, possit pro tunc esse indirecte voluntarium, seu in alio, quod nunc pro eodem sumimus. Dixi autem supra indirecte voluntarium solum habere locum in voluntario perfecto & rationali, quia intrinsece includit potestatem agendi, & non agendi. Est ergo sermo de voluntario perfecto, & non voluntario illi opposito, & consequenter de consideratione, vel inconsideratione illis proportionata.

Secundo supponendum dupliciter actum, vel effectum posse denominari voluntarium: primo ab actu præterito, secundo ab actu præsentem, vel formali, vel interpretatiuo: inter quos duos modos est magna differentia, quod attinet ad res morales: nam quando actus, vel effectus denominatur voluntarius ex sola præcedenti voluntate tunc siue hoc sufficiat ut denominetur actus bonus, vel malus moraliter, siue non (quod videtur ad questionem de nomine spectare) tamen certum est in re ipsa non habere aliam malitiam, neque aliud demeritum, quam fuerit in præcedenti voluntate, ab qua denominatur voluntarius. Exemplum est in actu facto tempore ebrietatis, qui est voluntarius tantum præcedenti voluntate, quia tota malitia & demeritum consistit in voluntate: at vero actuale voluntarium per voluntatem præsentem continet distinctam malitiam seu bonitatem. Hic ergo non agimus de voluntario per denominationem ab actu præterito: licet enim certissimum est, id quod nunc est actu inconsideratum, posse esse voluntarium ratione voluntatis quæ præcessit, si illa sit causa inconsiderationis subsecutæ, & actus ab illa procedentis ut in exemplo ebrui. Quærimus ergo de actuali voluntario, Utrum possit durare per præsentem voluntatem stante actualem inconsideratione.

Ex qua tituli explicatione satis patet ratio dubitandi. Videtur enim fieri non posse ut sit ita voluntarium, quod non est consideratum, quia nihil est actu volitum, nisi quod est actu cognitum: idem autem est esse actu cognitum, & esse actu consideratum. Dices hoc solum probare huiusmodi actum, vel obiectum non consideratum non posse esse directe voluntarium, posse autem esse indirecte. Sed contra, quia licet ad directe voluntarium necesse

I.  
1. Suppositio pro explicatione tituli.

II.  
2. Suppositio, tio,

III.  
Præcipua ratio dubitandi in hac quest.



neceſſe eſt vt ſit actu cognitum, ita ad indirectum  
neceſſe eſt vt ſaltem poſſit & teneatur conſide-  
rare, & non faciat: ſi autem aliquis actu non con-  
ſideret aliam rem, non eſt in poteſtate eius ac-  
tu conſiderare, nec poteſt hic & nunc actu te-  
neri ad conſiderandum: ergo non eſt indirecte vo-  
luntarium. Probat minor, quia neque homo  
poteſt ſe applicare ad conſiderandum, quod non  
conſiderabat, per ſolam potentiam intellecti-  
uam, quia illa non eſt potentia libera, vnde non  
poteſt ſe determinare quoad exercitium, niſi  
vel ab obiecto neceſſario excitetur, vel aliunde  
applicetur, ſicut contingit in viſu & aliis poten-  
tiis cognititiuis: neque etiam eſt hoc in noſtra  
poteſtate per voluntatem, quia voluntas non  
poteſt applicare intellectum vt conſideret, niſi  
volendo vt conſideret hanc vel illam rem: non  
poteſt autem voluntas hoc velle, niſi prius intel-  
lectus iudicet bonum eſſe conſiderare de illa re,  
quia non poteſt ferri, niſi in cognita & iudica-  
tum bonum: ergo talis voluntas ſupponit ne-  
ceſſario aliquam conſiderationem illius rei, ſal-  
tem quatenus poteſt eſſe obiectum conſidera-  
tionis intellectus: ergo ſi omnino nulla ſit conſi-  
deratio talis rei, non poteſt actio eſſe volunta-  
ria. Imo de illo iudicio, quo intellectus iudicat  
actu bonum eſſe conſiderare, ulterius inquiren-  
dum ſuper eſt, vtrum ſit liberum, vel neceſſari-  
um, nam ſi eſt liberum, oportet vt ſupponat vo-  
luntatem, & hæc voluntas ſupponit iudici-  
um, de quo redibit eadem quaſtio. Si vero ne-  
ceſſarium, ſequitur non poſſe eſſe in poteſtate  
hominis conſiderare de aliqua re, niſi vel caſu,  
vel externa prouidentia prius neceſſario mouea-  
tur ad aliquam conſiderationem illius rei: ergo  
hac ſecluſa nullum erit voluntarium.

IV. Vnde poteſt aliter vrgeri hæc difficultas, nam  
actualis inconfideratio ſemper non eſt volunta-  
ria: ſemper ergo cauſat non voluntarium. Conſe-  
quentia patet ex ſupra dictis de ignorantia: an-  
tecedens probatur, quia talis inconfideratio  
non poteſt eſſe directe voluntaria, propter argu-  
mentum factum, quia voluntarium directum  
requirit actum poſitiuum voluntatis, hic vero  
ſupponit cognitionem & conſiderationem ac-  
tualem obiecti voliti: neque etiam eſſe poteſt in-  
directe voluntaria, quia hoc ipſo quod homo  
non conſiderat, non eſt in poteſtate hominis ap-  
plicare ſe ad conſiderandum: vnde ſit etiam vt  
non teneatur, quia obligatio ſupponit poteſta-  
tem, & quia, vt homo hic & nunc obligetur actu,  
oportet vt hic, & nunc actu conſideret ſe ad hoc  
teneri, quia non obligatur niſi mediâte ratione,  
& ideo ſi ratio veluti actualiter non imponat  
præceptum, ſeu applicet legem, non poteſt ho-  
mo actu obligari: ergo ſi non conſiderat de obli-  
gatione ad conſiderandum, non poteſt teneri ad  
conſiderandum: ſi autem prius conſiderat de ob-  
ligatione conſiderandi talem rem, iam non præ-  
cedit inconfideratio illius rei.

V. Tandem confirmatur veluti inductione qua-  
dam, nam ob hanc cauſam quamuis aliquis ope-  
retur bonum, ſi tamen non conſiderauit boni-  
tatem obiecti, vel actionis, nullam bonitatem  
moralem habet in voluntate ſua, quia illa inco-  
nſideratio fecit actum & bonum inuoluntarium;  
& quia obiectum non dat bonitatem voluntati  
niſi vt cognitum, ideo licet in ſe ſit bonum, ſi ex-  
iſtimatur malum, & ita terminat voluntatis ac-  
tum, non dat illi bonitatem, ſed malitiam: ſi ergo  
per inconfiderationem occultetur bonitas  
eius, non dabit etiam bonitatem. Deinde eadem  
eſt ratio de malitia, vel de prohibitionem incon-  
ſiderata: qua ratione qui omittit ſacrum in die

feſto, ex actuali inaduertentia diei feſti, non pec-  
cat: nec ſacerdos omittens aliquam ex horis ca-  
nonicis ex obliuione. Item hac ratione Theolo-  
gi omnes excuſant à mortali peccato delectatio-  
nem ex ſe turpem, in qua homo aliquantulum  
inmoratur abſque reflectione & aduertentia  
turpitudinis eius, & in hoc diſtinguunt delecta-  
tionem moroſam à non moroſa, ſcilicet non in  
mora temporis, ſed inaduertentia, vt videre eſt  
apud Theologos in 2. d. 24: apud D. Thom. Bona-  
uent. Richar. Alber. & alios, & Caiet. & Summi-  
ſtas, verbo, delectatio moroſa, ſeu verbo, cogitatio, & nos  
infra in tract. 5. diſput. 5. ſect. 7. & tractatur late 1. 2.  
quaſt. 74. art. 8.

Propter hæc videri poteſt probabile actualem  
inconfiderationem reddere actum non volun-  
tarium quantum ad conditionem non conſide-  
ratam, & conſequenter non eſſe in voluntate  
propriam & formalem bonitatem, vel mali-  
tiam, niſi quamdiu homo aliquo modo actu cō-  
ſiderat eſſe bonum, vel malum id quod opera-  
tur, & conſequenter quod ſi homo cœpit aliquid  
operari cum tali conſideratione, poſtea vero du-  
rat in actione externa d uertens intellectum à  
tali conſideratione, illa actio in principio dica-  
tur moraliter voluntaria, & bona, vel mala in  
actu, poſtea vero in continuatione ſolum deno-  
minetur talis ab actu præterito, qui fuit quam-  
diu durauit illa aduertentia, non vero ab actua-  
li, vel præſenti voluntate. Vnde ſit vt per illam  
continuationem, vel perſeuerantiam in tali ac-  
tione, nec creſcat bonum, nec malitia, nec me-  
ritum, nec demeritum.

#### Preamble aſſertiones due ad præcipuum reſolu- tionem tituli.

Vt explicemus veritatem, præmittendum eſt  
in primis dari aliquam inconfiderationem actua-  
lem prorsus inuoluntariam, quæ dici ſolet natu-  
ralis obliuio, de qua recte procedunt quæ hæc-  
tenus dixi, & rationem huius vnico verbo attingit  
Caietan. verbo, inconfideratio. quia non eſt in po-  
teſtate hominis facere vt omnia quæ habitu ſcit,  
aut memoria retinet, ſibi actu offerantur: quan-  
do ergo obiectum conſiderandum nullo modo  
offeritur, neque in ſe formaliter, neque in aliquo  
alio quod poſſit excitare cognitionem eius, tunc  
vero obliuio eſt naturalis & inuoluntaria, vt eu-  
identer probat principalis ratio in principio  
facta.

Supponendum ſecundo, æque certum eſſe  
dari aliquam inconfiderationem voluntariam. Obluio ſeu  
Hoc docuit expreſſe D. Thomas in 1. 2. quaſt. 6. ar- inconfidera-  
tio voluntaria dari po-  
teſt.  
tic. 3. ad 3. & art. 7. dicens, ſicut non velle & non a-  
gere, ita & non conſiderare eſſe voluntarium: & ideo ſicut poteſt eſſe voluntarium indirectum ſine  
actu voluntatis, ita ſine actuali conſideratione  
intellectus, & ideo tam citata quaſtion. 6. artic. 8.  
quam quaſt. 74. art. 7. ad 2. dicit, quamuis delecta-  
tio tollat aliquam actualem conſiderationem,  
nihilominus illam inconfiderationem eſſe vo-  
luntariam, quia eſt in poteſtate hominis vel im-  
pedire concupiſcentiam, vel ea non obſtante ap-  
plicare intellectum ad conſiderandum. Idem re-  
cte demonſtrat Scotus in 2. d. 42. quaſt. 1. artic. 1. &  
idem ſupponunt omnes Theologi & Summiſtæ  
tractantes de morali inconfideratione, & de  
peccato quod ab ea procedit, & magis ſequen-  
tibus conſtabit. Colligitur etiam ex Ariſtotele 2.  
de anim. capit. 5. dicente poſſe hominem intelli-  
gere actu cum velit, & lib. 2. cap. 4. idem repetit, ſi  
intellectus ſit in actu primo conſtitutus: atque i-  
dem ſentit Auguſt. 2. de Trinit. cap. 3 & lib. 15. cap. 27.



& sæpe in eisdem libris eleganter tractans & inquirens quid debeat in intellectu præcedere ut possit voluntas illum ad considerandum applicare ut latius infra dicitur. Vnde sumenda est ratio à priori huius veritatis, scilicet quia voluntas potest mouere intellectum ad exercitium actus: & hac ratione non omnis actualis inconsideratio est naturalis & ab extrinseco, sed aliqua est ab intrinseco ex voluntate hominis: quod recte declarauit Gabr. in 2. d. 22. quest. 2. artic. 1. ergo eadem ratione inconsideratio intellectus poterit aliquando tribui voluntati tanquam propriæ causæ positivæ, vel saltem priuatiuæ, nam sicut affirmatio est causa affirmationis, ita priuatio priuationis: si ergo voluntas applicans est causa ut intellectus consideret, eadem voluntas non applicans erit causa non ut consideret: ergo illa inconsideratio est à voluntate ut à causa per se in moralibus: ergo est voluntaria. Confirmatur, nam hac ratione aliqua inconsideratio est culpabilis & imprudens, ut expresse docuit D. Thomas 1. 2. q. 183. art. 24. & 5. & Gabr. supradicens rationem dormire, & non inquirere inquirenda, nec curare de agendis, aut non agendis, esse sæpe culpabile, & ideo etiam actum voluntatis esse malum, quia est præter regulam rationis, quæ vel actu inest, vel inesse deberet: nihil autem esse potest in intellectu culpabile, nisi quatenus est voluntarium à voluntate, quia voluntarium est de intrinseca ratione culpæ, ut sæpe dictum est. Tandem hac ratione orare sine attentione est malum & culpabile, quia ipsa distractio mentis potest esse voluntaria; nihil autem aliud est non attendere, quam non considerare: igitur aliquando, & sæpe carentia actualis considerationis potest esse voluntaria.

*Responsio principalis ad titulum per duas  
assertiones.*

IX.

Ex his duobus principiis colligo duas alias assertiones æque mihi certas. Prima est inconsiderationem inuoluntariam causare actum non voluntarium, quæ ad conditionem non consideratam. Itaque quantumuis actus sit malus, vel prohibitus, si malitia eius omnino inuoluntarie non aduertitur, excusat hominem ab illa, & sic de aliis. Ratio est supra tacta, quia sine cognitione actuali non potest esse actualis voluntas: ergo sine potestate considerandi non potest esse hic & nunc potestas volendi, sed quando inconsideratio est omnino inuoluntaria, deest potestas considerandi, quia supponimus esse inuoluntariam directe & indirecte: ergo etiam deest hic & nunc potestas proxima volendi: ergo tollitur voluntarium directum & indirectum, nam utrumque supponit intrinsece potestatem proximam volendi. Vnde confirmatur, nam ignorantia inuoluntaria causat inuoluntarium, non ob solam negationem scientiæ habitualis, quia operatio humana per se non dependet ex habitu, sed ex actuali cognitione; igitur causat inuoluntarium, quia tollit potestatem considerandi actualiter contra voluntatem. Et eadem ratione quando homo habet impeditum rationis usum, non est capax voluntarij pro tunc non ob defectum actus primi, ut sic, sed quia inde redditur impotens, ut hic & nunc faciat actum secundum, ergo etiam si non sit læsum organum, nec desit habitus, aut actus primus, quacumque alia ratione homo hic & nunc sit impotens ad actum secundum: erit incapax voluntarij.

X.

Dices primo, esse differentiam, quia prior impotentia quæ oritur ex læsione organi, vel caren-

tia actus primi, vel alio simili impedimento, est impotentia simpliciter, & ideo excusat, & reddit actum inuoluntarium: at vero hæc inconsideratio tantum actualis, solum inducit impotentiam ex suppositione, eo modo quo res quando est, necesse est esse, quia illa inaduertentia non est necessaria nisi supposito quod sit. Respondetur simpliciter negando assumptum, nam sicut prior inconsideratio est necessaria ex suppositione alicuius impedimenti pertinentis ad actum primum, ita hæc inconsideratio, de qua agimus, oriri potest ex aliquo impedimento necessario, & antecedenti omnem voluntatem, pertinente ad aliquam conditionem, necessariam ea parte obiecti ut homo exeat in actum secundum: ut v.g. quod offeratur ei aliquod obiectum excitans intellectum, & illo mediante voluntatem. Vnde necesse est aduertere impotentiam actualiter considerandi interdum oriri ex causa & suppositione prorsus extrinseca, seu naturali, & tunc illa inconsideratio est inuoluntaria, & causat inuoluntarium, siue illa suppositio tollat actum primum, siue præcise impediatur actum secundum; nam est eadem ratio, ut probant argumenta facta. Aliquando vero potest homo in sensu composito esse impotens ad considerandum, tamen ex suppositione libera. Et hoc potest esse adhuc duobus modis, primo quod illa suppositio iam præcessit, tamen hic & nunc iam non pendet ex voluntate, ut v.g. quia homo ita se voluntarie distraxit, seu applicauit ad studium, vel aliquid simile, ut iam in illo nullum principium actu maneat quo possit se ad aliam cognitionem applicare, & tunc etiam hæc inaduertentia etiam hic & nunc causat inuoluntarium, quia reuera iam de præsentis non est voluntaria, sed solum per denominationem extrinsecam ab actu præterito. Alio tandem modo potest dici homo hic & nunc impotens ad considerandum ex suppositione voluntaria & libera pro eodem instanti, scilicet supposito quod non se applicuit ad considerandum, seu quod voluntarie fertur à concupiscentia quæ illum distraxit à consideratione: & de hac impotentia recte procedit argumentum factum, sed non de illa loquimur, quia hæc non sufficit ut inconsideratio sit inuoluntaria, quandoquidem tota illius radix est voluntas.

Dices secundo recte fieri posse ut inconsideratio sit inuoluntaria, & tamen quod operari cum tali inconsideratione voluntarium sit: ergo inconsideratio inuoluntaria non semper facit opus inuoluntarium. Antecedens patet à simili de ignorantia, nam licet homo ignoret prohibitionem, potest suspendere illum actum prohibitum, & ideo operari cum tali ignorantia potest esse voluntarium, & interdum etiam culpabile. Respondetur, cum inconsideratio inuoluntaria dicitur causare inuoluntarium, intelligendum est de inconsideratione non solum materialiter (ut sic dicam) sed etiam formaliter, quatenus hic & nunc potest esse causa talis actus. Quod facilius in ignorantia declaratur, quia potest quis nunc inuoluntarie ignorare prohibitionem, atque etiam aduertere suam ignorantiam, & tunc male faceret applicando se ad opus cum tali ignorantiâ, si posset commodè suspendere actum, donec ignorantiam expelleret, vel faceret quod in se est, ad illam expellendam. Vnde quamuis tunc illa ignorantia sit inuoluntaria, tamen ut applicata ad opus non erit inuoluntaria, & hoc appello esse formaliter inuoluntarium: idem ergo est de inconsideratione, quamuis in illa vix posset accidere ut ipsa in se sit inuoluntaria; & non ut applicata

XI.

ad



ad opus, quia cum expellat, seu excludat actua-  
lem considerationem, excludit etiam illam re-  
flexionem quod sic operari cum tali inconsidera-  
tione non expediat, vel non liceat; imo videtur  
excludere potestatem habendi talem reflexio-  
nem, & ideo in consideratione hac videntur illa  
duo semper esse coniuncta.

XII. Secunda assertio est, inconsiderationem actu  
voluntariam non reddere actum omnino non  
voluntarium quoad conditionem, seu circum-  
stantiam non considerationem. Hæc est, ut existi-  
mo, communis sententia omnium Doctorum,  
qui ex hoc principio affirmant huiusmodi inco-  
siderationem voluntariam non excusare homi-  
nem à culpa. Sic Arist. & D. Thom. & alij inter-  
pretes in 3. *Ethicor. cap. 3.* ubi inquit non inuite o-  
perari eum, qui in singulari ignorat quod con-  
fert: ubi ignorantiam in particulari vocat inco-  
siderationem actualement, quem etiam vocat igno-  
rantiam electionis, & dicit non esse causam inuo-  
luntarij, sed malitiæ. Idem 7. *Ethicor. capit. 3.* di-  
cit incontinentem habere quidem scientiam in  
vniuersali, seu in habitu, non tamen in particu-  
lari, seu in actu, nec ob id excusari: & idem re-  
petit *cap. 10.* & sæpe alias. Ex quibus locis D. Tho-  
mas, & alij Theologi colligunt huiusmodi actua-  
lem inconsiderationem non solum non excusa-  
re voluntatem, verum potius nunquam volun-  
tatem peccare sine tali inconsideratione, vel er-  
rore, qui prior sit. ut patet in 1. 2. *quest. 76. artic. 4.*  
& 77. *art. 2.* & 78. *art. 1.* & 1. p. *quest. 63. artic. 2.* & 3.  
Præterea hoc maxime verum habet in peccatis  
ex ignorantia, & expasione, de quibus omnes  
docent occultare aliquo modo malitiam obie-  
cti, & actualement considerationem eius, ut patet  
in 1. 2. *question. 78. art. 1. ad 1.* Colligitur etiam hæc  
assertio ex eodem D. Thoma in eadem 1. 2. *question.*  
20. *artic. 4.* & *quest. 73. artic. 8.* ubi dicit effectum  
qui per se sequitur ex aliqua causa, posse esse in  
illa voluntarium, etiam si non sit præuisus, seu  
in se ac directe consideratus: eadem autem ratio  
est de quacumque alia conditione, seu circum-  
stantia per se coniuncta cum obiecto considera-  
to, quamuis ipse formaliter & in se considerata  
non sit. Eadem doctrina sumi potest ex Caieta-  
no 2. 2. *question. 88. artic. 1.* ubi distinguit dupli-  
cem deliberationem mentis, seu rationis, for-  
malem scilicet, & virtualement, & priorem ait fieri  
cum actuali consideratione obiecti, & malitia  
eius, seu prohibitionis & aliarum circumstan-  
tiarum, quam considerationem interdum dicit  
esse perceptibilem, interdum vero impercepti-  
bilem, quia nimirum velocissime fit, & absque  
magna reflexione; posteriorem vero significat  
fieri sine hac actuali consideratione ex habitu,  
vel consuetudine, vel ex priori deliberatione  
iam facta. Idem aperte docet Gabr. loco citato ex  
2. *dist. 22.*

XIII. Ratione probatur conclusio, quia si causa est  
voluntaria, ex hoc capite non erit effectus inuo-  
luntarius, ut supra dictum est, ergo similiter si  
inconsideratio est voluntaria, non ob id erit ac-  
tus inuoluntarius, quia talis inconsideratio est  
causa actionis, vel illi æquiualeat. Secundo hac  
ratione, supra dictum est ignorantiam volunta-  
riam non causare de se inuoluntarium: eadem  
autem ratio est de inconsideratione actuali, quia,  
ut iam dixi, ignorantia non refert ad voluntarium,  
vel inuoluntarium ratione habitualis scientiæ qua  
priuat, sed proxime, & immediate ratione actua-  
lis considerationis, quam tollit, quia voluntas  
non mouetur proxime & immediate ab habi-  
tuali cognitione, sed ab actuali.

XIV. Probatur tandem conclusio ab inconuenien-

ti, quia alias sequitur malitiam moralem actus  
non esse voluntariam, nisi quis actu consideret  
illum actum quatenus offensa Dei est: consequens  
autem est valde absurdum, alias nullus peccaret  
mortaliter, nisi is, qui dum peccat, actu cogitat  
illum actum offensam Dei esse grauem, quod pau-  
ci cogitant dum peccant, sed solum de sua volun-  
tate, & vindicta, & utilitate, &c. Sequela vero patet,  
quia si hæc conditio actus non cogitetur, forma-  
liter & in se erit actualiter inconsiderata: ergo  
vel erit inuoluntaria, & sic admittitur iam se-  
quela illata, vel si non obstante ea inconsidera-  
tione actuali potest esse voluntaria, non alia ra-  
tione est, nisi quia ipsa inconsideratio volunta-  
ria est, & ipsi homini imputatur, nam si esset in-  
uoluntaria & inculpabilis, reliqua etiam quæ  
consequuntur essent inuoluntaria.

Secundo eodem modo sequitur neminem  
peccare venialiter, nisi qui actu considerat mali-  
tiam, & turpitudinem venialis peccati, eamque  
reperiri in actu particulari quem exercet. Se-  
quela patet eodem fere discursu: consequens au-  
tem vix credi potest; alias certe multi homines  
mediocriter perfecti raro, aut nunquam venia-  
liter peccarent, quod quam sit falsum, constat  
ex materia de gratia. Sequela patet, quia mul-  
ti sunt qui propter nullam causam commit-  
tunt actum malum, si actu animaduertant malitiam  
eius etiam venialem, & in peccatis venialibus  
quæ ex subreptione fiunt, nunquam intercedit  
hæc actualis consideratio, nam quando hæc in-  
teruenit, iam est actus deliberatus saltem illa  
deliberatione imperceptibili, quæ sufficit ad  
mortale, quantum est ex parte modi operandi,  
ut Caietan. supra notauit, & latius in materia  
de peccatis dicemus.

Tertio sequitur nunquam actum imputari ad  
culpam, nisi fiat cum actuali conscientie repre-  
hensione, quia si hæc non intercedit, oportet ut  
aliqua inconsideratio interueniat: ergo si illa  
non sufficit ad causandum voluntarium, etiam si  
voluntaria sit, excusabit semper quamdiu non  
abeat actualis consideratio seu reprehensio con-  
scientie. Consequens autem videtur esse con-  
tra illud Pauli 2. ad Corinth. 4. *Nihil mihi conscius*  
*sum, sed non in hoc iustificatus sum.* quod testimo-  
nium fere ad hoc propositum ponderat Hiero-  
nym. *dialog. 2. contra Pelag.* reprehendens illum  
quod diceret nullum esse peccatum ex ignorantia  
commissum. Sæpe enim (inquit) aliqua malitia  
latet ubi bene egisse arbitramur: & ideo Apostolus tempe-  
rat sermonem, ne forte per ignorantiam diliquisset. quæ  
certe ignorantia vix poterat in Paulo esse nisi ac-  
tualis inconsideratio. Vnde ad hoc confirman-  
dum adduci possunt Patrum testimonia, qui  
monent ut opera etiam virtutum magna discre-  
tione fiant, ne forte sit reatus criminis, quod putatur  
causa virtutis, ut dixit Gregor. 1. *moral. cap. 19.* alias  
39. & 5. *moral. cap. 22.* alias 23. & *libr. 9. cap. 16.* seu  
25. & *sequentibus*, & Cassian. *collat. 1. cap. 20. 21.* &  
22. Item possent hic afferri testimonia sacre Scri-  
pturæ, quæ maxime reprehendunt eos, qui ex  
nimia peccandi consuetudine, sine vlla conscien-  
tiæ reprehensione delinquant, & peccata sicut  
aquam bibunt: hæc ergo actualis inconsideratio  
non excusat, nec tollit voluntarium si ipsa volun-  
taria sit.

Sed tota difficultas quæ tangitur in argumen-  
tis in principio positis, est, quæ regula seruan-  
da sit ad iudicandum quando hæc inconsidera-  
tio sit inuoluntaria, & excuset actum tollat volunta-  
rium; quando vero sit voluntaria, quod censo  
explicatu difficile. Duo tamen extrema vitanda  
sunt; primum erit si quis putet ad huiusmodi vo-  
luntarium  
luntarium

XV.

XVI.

XVII.

Qua regula  
discernen-  
dum sit ne  
inconsidera-  
tio volunta-  
ria, an non.



luntarium satis esse vt in aliquo obiecto actu considerato virtualiter contineatur aliud, tanquam propria & per se causa eius physica, vel moralis: quod potest fundari in doctrina D. Thomæ supra cit. quod effectus per se securus est voluntarius, quamuis non sit præuisus: hæc enim regula non potest esse vniuersaliter vera, quia quamuis hæc continentia vnus in alio sit intrinseca & per se ex natura rei, nihilominus potest esse inuincibiliter ignorata, vt licet in simplici fornicatione contineatur detrimentum prolis, nihilominus potest inuincibiliter ignorari ea malitia: ergo eodem modo potest similis effectus, vel conditio actus inuoluntarie non considerari, si nihil actu offeratur quod sit sufficiens ad excitandam mentem, vel voluntatem, vt intellectum applicet ad huiusmodi considerationem. Item hac ratione excusatur quis à culpa morosæ delectationis, quando ex naturali obliuione non considerat conditionem sui operis: idem ergo erit de reliquis.

XVIII.

Vnde obiter sumi potest aliqua regula ad huiusmodi inuoluntarium cognoscendum: quando cumque intellectus in ea est dispositione circa aliquod obiectum, vel conditionem obiecti, vt ex vi illius non possit voluntas applicare intellectum ad propriam considerationem illius obiecti, seu conditionis, tunc inconsiderationem illius esse omnino inuoluntariam, & consequenter reddere actum vel omissionem actus inuoluntariam prout ad actum, vel conditionem eius terminatur. Hæc regula constat ex omnibus supra adductis, & ex Caietan. 1.2. q. 6. art. 8. & Cordub. lib. 2. de ignorant. q. 17. dub. 1. vbi refert A. lens. & alios. Et ratio propria est, quia deficiente in intellectu huiusmodi cogitatione, non potest in voluntate dari directum voluntarium, ex illo principio, nihil volitum quin præcognitum. neque etiam potest esse indirectum, quia hoc semper etiam supponit potestatem volendi directe, & ideo supra dixi huiusmodi voluntarium tantum reperiri in potentia libera, quia fundatur in potestate operandi, & non operandi: si autem hic & nunc non est in homine potestas considerandi rem aliquam in se ipsa, non est etiam potestas directe illam volendi: ergo non poterit actu esse voluntaria indirecte. Dices esse posse voluntariam in alio, in quo virtute continetur. Respondetur huiusmodi voluntarium etiam supponere potestatem volendi in se id quod in alio continetur, alioqui illud non potest esse volitum vt quid distinctum ab ipso obiecto primario quod in se & formaliter volitum est, & ideo hoc voluntarium supponet, vel actuale considerationem, vel saltem potestatem proximam & liberam considerandi illam virtuale continentiam vnus in alio, & propterea hoc voluntarium in alio inter voluntaria indirecta computari solet, eademque ratione reperiri non potest nisi in potestate rationali & libera.

XIX.

Vnde inferitur primo, si contingat intellectum nihil actu considerare, nihil etiam esse posse tunc voluntarium directum, aut indirectum, vt notauit recte Scot. in 2. dist. 4. & 42. & Ferrar. 2. cont. Gent. cap. 101. & Hangest. in suis moralib. capit. 6. §. 1. Et ratio est clara ex dictis, quia nulla præexistente in intellectu cogitatione actuali, non est potestas in voluntate mouendi illum ad aliquid cogitandum: ergo illa carentia cogitationis tunc non potest attribui voluntati nec directe, nec indirecte. Dices contingere posse vt illa totalis inconsideratio procedat ex voluntate, nam sicut potest applicare intellectum vt consideret, ita etiam vt suspendat considerationem; ergo etiam

potest velle vt omnino nihil cogitet. Respondetur fortasse hoc non esse in potestate voluntatis, quia vix est humano modo possibile: tamen hoc dato, saltem est certum pro illo instanti, pro quo durat talis actus voluntatis non posse esse in intellectu illam carentiam totalem actus, quia hæc destrueret ipsum actum voluntatis ad summum ergo fieri poterit vt immediate post illud instans intellectus suspendat omnem actum ex imperio voluntatis, & tunc illa suspensio esset voluntaria ab actu præterito, non vero hic & nunc ab actu præsentis pro hoc instanti, vt nunc loquimur, quia iam non est amplius in potestate voluntatis tollere illam suspensionem actus ab intellectu, nisi aliunde proueniat aliqua noua cogitatio naturalis, ac non voluntaria. Vnde obiter colligitur differentia inter intellectum & voluntatem respectu voluntarij indirecti, nam hoc esse potest sine villo prorsus actu voluntatis, vt supra dictum est, non tamen esse potest sine villo prorsus actu intellectu. Et ratio est, quia carentia actus voluntatis non tollit potentiam proximam volendi, sed potest esse ex sola libertate voluntatis, positis omnibus requisitis in actu primo ad nolendum: at vero totalis carentia actus intellectus tollit potestatem proximam volendi etiam ipsam considerationem intellectus.

Voluntarium indirectum stare potest absq; actu voluntatis, non absq; actu intellectu.

XX.

Secundo inferitur ex dicta regula, etiam si intellectus aliquid actu cogitet, si res ipsa cogitata, vel eius consideratio non sit talis vt ex se sufficiat ad excitandam voluntatem vt possit applicare intellectum ad alterius rei cogitationem, non satis esset vt inconsideratio alterius rei sit voluntaria, nam si illa res sit prorsus separata ab altera quæ actu cogitatur, eius consideratio erit omnino inuoluntaria ex eodem principio, quod tunc non est in voluntate potestas applicandi intellectum ad talem cogitationem: non enim quolibet res potest excitare memoriam alterius, nec voluntas potest facere vt intellectus ab vna in aliam transeat, considerandam, nisi inter illas sit aliqua connexio, vel etiam aliqua consideratio illius: qualis autem aut quanta hæc esse debeat, explicandum superest.

XXI.

Alterum ergo extremum erit si dicamus, tunc solum inconsideratione esse voluntariam, quando supra illam aliquo modo reflectitur intellectus actu formali, vt expresse aduertendo se non satis considerasse hanc rem, & teneri ad exactius considerandum, vel saltem dubitet de sufficienti cogitatione, & de obligatione amplius cogitandi: & eadem ratione iuxta hunc modum dicendi, vt res actu non considerata sit voluntaria, oportebit vt aliquo modo cadat in actuale apprehensionem intellectus, vel directe, vt si intellectus præuideat ex tali causa esse consequendum talem effectum, vel saltem de hoc dubitare incipiat, vel saltem reflexe si incipiat dubitare, vt trum oporteat inquirere & considerare sit ne periculum vt consequatur talis effectus. Qui quidem modus dicendi si esset verus, facile expediret difficultates positas facileque declararet quando obliuio alicuius rei censenda sit naturalis, scilicet quando nec res oblita actu obicitur menti consideranda, neque ipsamet obliuio, seu inconsideratio illius, nec obligatio considerandi illam. Deniq; iuxta hunc modum excusantur homines à multis peccatis, & à perplexitatibus & scrupulis.

XXII.

Sed tamen hoc ipsum apud me reddit hunc dicendi modum valde suspectum, & moraliter incredibile, quia iuxta illum sequuntur omnia incommoda quæ in probatione secundæ conclusionis 14. illata sunt, nam vix est vllus peccator,



cator, qui dum actu peccat faciat illam reflexionem, an satis consideret obiectum & malitiam eius, vel teneatur amplius considerare, &c. excusabuntur ergo homines facillime à culpis quas libere committunt. Deinde sic argumentor, nam ut inconsideratio sit voluntaria ex parte voluntatis, non est necessarius positivus actus quo velit non considerare, nam cum inconsideratio sit quædam omisio; sufficit carentia actus ut illa sit voluntaria, vel sufficere poterit etiam voluntas alterius rei ex qua sequatur talis inconsideratio, si alioqui ex parte intellectus sit sufficiens dispositio ad hoc voluntarium.

XXIII.

Rursus ex parte intellectus, quod non sit necessaria illa reflexio, quæ aliquo modo terminetur ad circumstantiam, vel conditionem actus non consideratam in particulari, sic declaratur, nam constituamus hominem actu considerantem esse malum, vel peccatum id quod operatur, non tamen in particulari considerare quale malum, vel peccatum sit, neque circa hoc facere aliquam reflexionem. Interrogo igitur, an illa consideratio speciei, vel gravitatis peccati in particulari sit voluntaria, nec ne? & consequenter an peccatum commissum cum illa inconsideratione sit in ea specie mali, quam in re habet actus, vel tantum sit malum in ordine ad illam communem rationem quæ est in illa apprehensione actuali. hoc posterius non potest convenienter dici, nam inquiri quænam sit illa species malitiae. Dici potest esse in quadam specie, quæ sumi potest ex habitudine ad obiectum conceptum sub ratione generica ut est in hoc actu, volo honeste vivere, seu inique agere, de qua specie inferius suo loco. Sed contra hoc est, quia in eo casu oportet ut peccatum sit aut veniale, aut mortale, quia à parte rei non potest dari aliquod peccatum ab his abstrahens, quia distinguuntur quasi per contradictionem scilicet per aversionem, aut non aversionem à Deo ultimo fine, sed in eo ille non deliberavit, nec consideravit actualiter, utrum illud sit peccatum veniale, aut mortale, ut suppono, sed solum esse peccatum: ergo necesse est ut aliqua specialis ratio actu non considerata sit voluntaria. Dicitur fortasse illud esse peccatum veniale, quia hoc ipso quod est peccatum, ut minimum, debet esse veniale, & ideo si ulterior malitia non consideratur, saltem contrahetur illa minima, quæ ad veniale sufficit. Sed reuera hæc responsio in doctrina morali est valde falsa, & periculis exposita, nam si hoc verum est, fere omnia peccata sunt venialia, præsertim in hominibus vulgaribus, qui non exquisitè reflectuntur supra suas actiones, quia dum peccant, interius ad summum reprehenduntur se female agere, neque examinant species malitiae, nec gravitatem peccatorum. Item quis dicat eum qui detrahit proximo, considerans actu se male agere, & nocumentum illi inferre, etiam si in re ipsa magnum inferat nocumentum, peccare solum venialiter, quia non consideravit actu gravitatem nocumenti. Atque idem fere est de eo, qui iecit sagittam, aut applicuit ignem, prævidens fore ut sequatur aliquod incommodum, non tamen in particulari aduertens quale illud sit, nam tunc si occidat hominem, vere censetur homicida & irregularis, quia reuera se exposuit voluntarie huiusmodi periculo, & imprudenter egit sic operando: ergo signum est in huiusmodi euentibus illam inconsiderationem in particulari, & conditionem actus ex illa ortam esse voluntariam. Quod etiam potest alia via confirmari, nam si duo furentur cum eadem omnino aduertentia, quod furtum est malum

absque ampliori ponderatione & inquisitione, & unus furetur 100. & alter 10. gravius peccat qui furatur centum, quamvis formaliter non aduertat in illa materia esse graviorem malitiam: alias dicendum esset omnia peccata quæ fiunt cum simplici illa & confusa aduertentia malitiae, esse æqualia, & esse minima, quod nemo Theologus dicit.

Si vero prius illud eligatur, scilicet ut particularis malitia, vel species sit voluntaria, satis esse aduertentiam ad communem rationem mali, in primis habeo ex parte quod intendo, scilicet ad hoc voluntarium non esse necessariam formalem illam reflexionem, quæ includat propriam & determinatam apprehensionem talis conditionis, vel malitiae. Deinde sic argumentor, nam illa apprehensio obiecti non est satis ut voluntas determinate applicet intellectum ad considerandam talem speciem, vel conditionem contentam sub illa ratione communi, quia voluntas non potest determinatè ferri in incognitum, & tamen illa consideratio, seu particularis conditio, aut species est voluntaria, quia stante illa aduertentia obiecti communis, potest voluntas saltem confuse mouere intellectum ut inquirat quid sub illo communi lateat: quæ motio satis est ut intellectus possit pertingere ad considerandum id quod in re ipsa est: ergo eadem ratione aduertentia ad obiectum sub ratione amabilis, vel eligibilis, vel sub alia simili, erit satis ut voluntas antequam libere eligat, possit mouere intellectum ad perficiendum & prudenter iudicandum de tali obiecto, & de re agenda: ergo si se præcipiet, & id facere omittat, hoc satis erit ut talis inconsideratio, talisque conditio, seu circumstantia actus sit voluntaria. Probatur consequentia, quia tanta connexio esse potest inter bonum ut sic, & bonum honestum, quanta est inter malum in communi, & tale malum, & similiter inter actionem, & obiectum, vel circumstantias eius poterit facile intelligi similis connexio.

XXIV.

Quocirca dicendum cenfeo hanc inconsiderationem & effectum eius, variis modis posse esse voluntaria: primo directe & in se, & ad hoc est necessaria illa reflexio intellectus inanimaduerteris, oportere amplius inquirere, vel considerare de tali re, &c. ergo & actus voluntatis volentis non considerare, sed operari absque maiori consideratione; directe voluntarius est, quia voluntarium directum non est sine positivo actu voluntatis, & si terminari debet ad obiectum in se ipso, oportet ut obiectum in se sit actu cognitum.

XXV.

Secundo potest esse hæc inconsideratio in se voluntaria, tamen indirecte tantum, & ad hoc necessaria est eadem reflexio ex parte intellectus, quia non potest aliqua res esse in se voluntaria, nisi in se ipsa sit proposita voluntati, ut ipsa possit libere operari, vel suspendere actum circa ipsam, nam in hoc distinguitur voluntarium in se à voluntario in alio: posita autem illa reflexione intellectus circa inconsiderationem ipsam, potest voluntas nullum actum habere circa ipsam, nec circa intellectum applicandam ad ampliorem considerationem, sed solum circa hanc & nunc faciendum, & tunc illa inconsideratio est indirecte voluntaria per solam carentiam actus: conditio autem, vel malitia, vel circumstantia actus quæ non fuit considerata, erit voluntaria in alio, vel indirecte in ipsa inconsideratione, vel certe propinquius in voluntate operandi cum tali inconsideratione.

XXVI.

Tertio potest hæc inconsideratio esse voluntaria in alio directe, vel indirecte, seu per actum posi-

XXVII.

posi-



positiuium, aut per carentiam actus, qui modus est difficilius ad explicandum, & in particulari saepe excedit, vt existimo, facultatem humanam posse exacte discernere vtrum inaduertentia fuerit voluntaria nec ne, & ob id fortasse dictum est prauum esse cor hominis, & inscrutabile, lerem. 17. & illud Psalm. 81. *Ab oculis meis munda me.* Nihilominus difficultas hæc non est sufficiens, vt negetur hic modus voluntariæ inconsiderationis, quem sine dubio supponit Diu. Thomas 1. 2. *questione 6. locis cit.* & in illa doctrina num. 17. citata quod effectus potest esse voluntarius, licet non sit præuisus: quod necessario intelligendum est de præuisione directæ, nam indirecta saltem excludi non potest, alioquin esset effectus inuincibiliter ignoratus. Et ideo idem Diu. Thom. 1. 2. *questione 76. articulo quarto*, dicit, cum aliquid nõ cognoscitur esse peccatum, non potest dici quod voluntas per se & directe feratur in peccatum, sed tantum per accidens, seu indirecte: vnde concludit minorem tunc esse contemptum, minusque peccatum, non tamen nullum. Atque eadem veritas colligitur ex aliis autoribus, qui dicunt ad hoc voluntarium sufficere deliberationem virtualem, vt Caiet. ait, vel interpretatiuam, vt Durand in 2. d. 24. q. 6. n. 5. & ex aliis qui dicunt esse culpabilem negligentiam voluntatis non applicantis intellectum vt sufficienter se informet, prout loquitur Gabr. in 2. d. 22. & admittit Cordub. cum aliis quos refert q. 17. dub. 1. in fine. Rationes autem ad ostendendum, ita esse, sufficienter adductæ sunt tum in reprobando secundum modum dicendi in num. 22. tum etiam in probanda secunda assertione num. 12.

**XXVIII.** Modus autem quo id potest declarari & intelligi, hic est. Nam vt voluntas libere moueatur, necesse est vt in intellectu præcedat aliquod iudicium circa rem agendam cum sufficienti reflexione, & ponderatione ipsius obiecti, & cum aliqua saltem imperceptibili collatione commodi, aut incommodi, necessitatis, vel indifferentiæ talis obiecti, & bonitatis eius: nam cum libertas oriatur ex ratione, actualis vsus libertatis pendet etiam ex actuali vsu rationis, quo proponatur obiectum aliquo modo vt indifferens, & conferendum, ac regulandum per rationem, an sit amandum, nec ne, quod docuit D. Tho. in 2. d. 24. q. 3. art. 1. dicens, *Appetitus rationalis est qui consequitur apprehensionem rationis*: rationis autem apprehensio duplex esse potest, vna simplex & absoluta, quando scilicet ratiocinando, bonum, vel malum, conueniens, vel nociuum inuestigat, & talem apprehensionem sequitur voluntas deliberata, de qua nos in præsentī loquimur: hoc ergo iudicio, & apprehensione supposita in intellectu, antequam voluntas libere se determinet ad prosequendum obiectum propositum, potest applicare intellectum vt perfectius conferat, vel diiudicet, vel vt conetur distincte concipere quod tantum confuse propositum est, vel alio modo simili: ad quod non semper requiritur nouus actus intellectus, sed sufficit virtualis illa reflexio, quam rationalis consideratio virtualiter in se includit supra se ipsam, vt Scotus supra notauit: qui enim considerat aliquam rem, hoc ipso potest velle considerare, etiam si non habeat alium actum quo consideret se considerare: & eadem ratione potest applicare intellectum ad considerandum in se & distincte, quod confuse ibi continetur, vel terminum talis habitudinis, de quo latius infra suo loco: & inculcat acute satis Aug. 10. de Trinit. cap. 1. & 2. Vbi inter alia dicit voluntatem cum scire desiderat, non ferri in incognitū, sed appetere plene cognoscere id quod

aliquo modo imperfecto, vel confuse nouit: *Aut enim* [inquit] *in genere totum habet quod amat, & id appetit scire in aliqua re singulari, &c.* hoc igitur modo, vel alio simili, potest voluntas applicare intellectum considerantem & conferentem, sed non plene, ad perfecte & plene considerandum: & quidem si in hoc sit voluntas negligens, & statim sine ampliori consideratione se determinet, erit inconsideratio, & conditio actus inconsiderata, voluntaria, vel indirecte, per carentiam actus, quem voluntas posset & deberet habere: vel aliquo modo per actum positium, quo voluntas vult ad aliquid aliud attendere, vel sequi passionem aliquam, quæ talem considerationem impedit: si autem voluntas applicet intellectum ad considerandum, & quantum in re ipsa est sufficientem faciat diligentiam, & nihilominus inconsideratio omnino non fuerit ablata, tunc iam erit inuoluntaria, quia neque directe, nec indirecte volita est.

Quod si quis inquirat quando censenda est voluntas adhibuisse sufficientem diligentiam, quando vero non, vt propterea sit iudicanda inaduertentia culpabilis, vel inculpabilis. Respondetur in generali tantum dici posse id quod supra de ignorantia dixi, considerandam esse qualitatem negotii & circumstantiarum, & iuxta hæc ferendum esse iudicium prudentis arbitrio. Sic enim in præsentī, si homo prius quam libere eligat, seu amet obiectum propositum, faciat mediocre diligentiam iuxta capacitatem suam, vt prudenter de tali actione, vel obiecto iudicet, tunc inconsideratio remanens erit inuoluntaria: si vero pro qualitate negotii imprudenter se gerat, temereque se exponat periculis præstite errandi, tunc non excusabitur, & inconsideratio durans erit indirecte voluntaria: est enim prudentia optima regula humanorum actuum. At vero in particulari declarare, vtrum in actione hæc & consideratione homo prudenter se gesserit, & vtrum fuerit in morali potestate eius amplius facere: interdum assequi id homo poterit: saepe vero, vt existimo, superat humanam facultatem, quia difficillimum est homini cognoscere suos interiores actus, præsertim cum hæc deliberatio saepe fiat imperceptibiliter, & ideo frequenter difficillimum est homini cognoscere an consenserit, nec ne, & an deliberauerit, nec ne.

Ad rationem dubitandi principio positam num. 3. fere patet solutio ex dictis, nego enim in primis, quando cuncte actu homo non considerat aliquid non esse in potestate eius illud considerare, per voluntariam applicationem intellectus, iam enim declarauimus quomodo sit in potestate nostra, supponendo aliquam considerationem, vel iudicium non liberum sed naturale, & ex illa progrediendo ad vltiorem considerationem voluntariam. Deinde, quamuis admitramus interuenire aliquam formalem reflexionem supra considerationem, vel inconsiderationem ipsam, forte enim, moraliter loquendo, frequenter ita accidit, tamen nullo modo est necessarium vt per hanc reflexionem attingat intellectus vsque ad omnes particulares conditiones obiecti, seu actionis, ita vt nulla censenda sit voluntaria, nisi prius aliquo modo cadat in intellectum per conceptum proprium & particularem, id enim non est verisimile, neque morale, sed ad summum accidere potest vt homo in confuso aduertat, vel formidet, aut dubitet, oporteatne amplius considerare, &c.

Et hinc patet responso ad alteram partem illius difficultatis de obligatione considerandi, quæ

**XXIX.**  
Quæ sit diligentia sufficientis ad iudicandam inaduertentiam inculpabilem.

**XXX.**  
Ad præcipuam rationem in n. 3.

**XXXI.**  
Ad 2. rationem in n. 4.



quæ non videtur actu vrgere, nisi actu consideretur. Respondetur enim ut præceptum actu obliget satis esse ut actu sit pro hoc tempore impositum vel ut sit in morali potestate hominis actu de illius obligatione considerare: præsertim quia hæc obligatio considerandi, de qua agimus non semper est ex speciali præcepto, sed oritur ex præcepto non occidendi, vel non scandalizandi, & similibus, aut ex generali præcepto prudenter operandi: ad cuius obligationem, seu potius ut ab illa homo non excusetur, non est necesse ut formaliter, & quasi in actu signato homo reflectatur, & advertat se debere prudenter operari: alioquin huius advertentia & reflexionis posset etiam intercedere alia obligatio, ad quam necessaria esset alia advertentia & reflexio, & sic posset in infinitum procedere. Unde satis est quod sit in potestate hominis prudenter operari & animadvertere omnia necessaria ad hanc obligationem & prudentem operationem. Sicut etiam tenetur homo ad liberè operandum, & libertas est una ex conditionibus voluntariis maximè necessariis ad humanam operationem, & tamen necesse non est, ut formaliter & in se prius aduersetur, ita ut homo actu consideret se posse vel debere liberè operari, sed satis est, ut re ipsa possit hoc præstare, & quod possit id considerare, si velit,

XXXII. Ad inductionem factam in ultima confirmatione. Ad primum exemplum de bonitate respondetur nos hic non disputare, quia ratione voluntarium sufficiat, ut actus moralis sumat speciem, vel augmentum bonitatis, vel malitiae, sed solum quid requiratur ad voluntarium, quidve illud impediatur. Deinde generatim nunc dicere possumus ad malitiam actus sufficere voluntarium indirectum, & consequenter conditionem aliquam, vel circumstantiam obiecti posse dare malitiam actui morali, etiam si in se non sit actu considerata: bonitas autem requirit voluntarium aliquo modo directum, & ideo sine actuali consideratione bonitatis obiecti vel circumstantiarum eius, fortasse non potest actus ab illis sumere bonitatem aliquam. Et ratio differentiae est, tum quia bonitas debet esse per se intenta, malitia verò est præter intentionem & per accidens: tum etiam, quia bonitas cum sit positiua, requirit positiuam voluntatem: malitia verò per solam priuationem vel carentiam actus haberi potest. Denique quia si potest homo & debet aliquid considerare, & non facit, hoc non potest ei bonitatem aliquam conciliare, sed potius malitiam: si autem vel non potest vel non debet considerare, iam non erit inconsideratio voluntaria prout necesse est ad bonitatem vel malitiam actus: Ad aliud exemplum de inconsideratione præcepti positiui respondetur, eam inconsiderationem causare inuoluntarium, quando est per naturalem obliuionem: quod facile & frequenter accidere potest in huiusmodi præceptis positiuis, etiam supposita eorum scientia habituali, quia cum ex se non habeant intrinsecam connexionem cum rebus ipsis, non facile excitatur eorum memoria ex presentia, seu consideratione ipsarum actionum. Secus verò est de præceptis naturalibus seu malitia intrinseca ipsis actionibus, seu obiectis nam si sufficienter consideretur actio ipsa veluti materialis, statim excitatur consideratio malitiae, vel certe facillimè excitari potest, si homo paululum animadvertere velit. Unde ad ultimum exemplum de delectatione morosa, respondetur autores loqui, quando homo delectatur in deliberatè per simplicem apprehensionem abs-

Suarez in primam secundæ D. Thomæ.

que reflexione vel collatione aliqua, ut constat ex D. Thoma loco citato, & 1. 2. quæst. 74. articulo 8. ubi de hac re ex professo disputatur: quia verò hæc delectatio habet ita annexam intrinsecè turpitudinem, ut vix possit homo qui sic delectatur, supra seipsum reflectere & considerare, quid faciat, & in quo immoretur, quin statim occurrat illi turpitudine illius actionis vel obiecti ideo autores sæpe ita loquuntur, maximè cum explicant quæ advertentia in huiusmodi delectatione requiratur ad peccatum mortale, de quo nunc tractatum non est, sed absolute de voluntario.

## DISPUTATIO V.

### De circumstantiis seu accidentibus humanorum actuum.



De circumstantiis humanorum actuum duplici modo tractant Theologi. Primo in ordine ad confessionem, & sub hac ratione solet tractari de hac materia in 4. d. 16. 17. & 18. & in materia de Pœnitentia nonnulla dixi. Secundo tractatur de his per se & ratione ipsorum actuum moralium, & ita pertinet ad hunc locum tum quia ex eis pendet ratio voluntarij & inuoluntarij, tum maximè, quia earum cognitio omnino necessaria est ad cognoscendam bonitatem vel malitiam humanorum actuum, de quo postea nobis disputandum est in sequenti tractatu. Dicemus igitur de his circumstantiis an sint, & quid, & quot sint, & quomodo humanum actum afficiant?

### SECTIO I.

#### Utrum sint aliquæ circumstantiæ actus humani internæ, & externæ?

Quod humani actus ad suum esse plures conditiones requirant, per se notum est: neque id controuertitur, ut constat ex Aristotele 3. Ethicor. ca. 1. quem Nysenus, Damascenus, & omnes Theologi imitati sunt atque etiam Philosophi. Quod ergo in dubium vertitur est, Utrum hæc conditiones seu attributa (ut Rhetores loquuntur), sint accidentia actus humani, quæ nos circumstantiarum nomine declaramus, vel pertineant potius ad substantiam eius, aut per modum obiecti saltem partialis, quod reducit ad causam formalem extrinsecam, aut per modum causæ per se efficientis vel finalis.

Prima sententia est, actum humanum posse considerari aut in esse naturæ, aut in esse moris: & primo modo habere propriè circumstantiam: nam occisioni hominis, ut est physica actio, accidit omnino quod fiat in agro, vel domi, vel fiat propter honorem tuendum, vel propter rem furandam: tamen in esse moris non habere circumstantiam, sed omnes has condiciones esse substantialia principia, seu causas per se moralis actionis ut sic. Ita videntur sentire Durand. in 4. d. 16. quæstione 3. ad argumenta, dicit enim has condiciones esse extrinsecas actui in esse naturæ: intrinsecas verò in esse moris. Et eodem modo loquitur Nauarr. cap. consideret de pœnitentia, dist. 15. in principio. Citari potest Alensis 4. parte, quæst. 77. membro 3. articulo 1. & 5. sed ibi solum dicit, circum-

Punctum  
quæstionis.

I.

P

cum-



cumstantias aggrauantes non esse de substantia actus ut peccatum est, esse tamen de substantia eius ut tale peccatum est. Potest præterea hæc sententia tribui Aristoteli *loco cit.* ex quo, ut dixi, sumptæ sunt istæ circumstantiæ, inter quas ipse ponit personam operantem, quæ tamen est causa per se actionis moralis. Dici potest per circumstantiam non intelligi personam operantem, sed aliquam conditionem eius, nimirum quod sit in dignitate constituta, vel aliquid simile. Sed hoc videtur esse præter mentem Aristotelis, addit enim neminem posse ignorare huiusmodi circumstantiam sue actionis, quia non potest ignorare seipsum, quod necesse est intelligi de ipsa persona operante simpliciter, quia conditionem, vel statum suum bene potest aliquis ignorare. Deinde affirmat Aristoteles eo loco ignorantiam cuiuscunque circumstantiæ reddere actionem inuoluntariam, quod non potest esse verum de circumstantia accidentalī, nam licet aliquis furetur in loco sacro ignorans qualitatem loci, nihilominus illa actio erit voluntaria: loquitur ergo de conditione essentiali, cuius ignorantia facit totum actum ut moralem, absolute inuoluntarium, quia ablato vno principio essentiali, tolletur tota rei essentia, ut in dicto exemplo, si quis ignoret rem quam accipit, esse alienam, tota illa actio furti est inuoluntaria, etiam ut furtum est. Denique exempla Aristotelis satis indicant ipsum nomine *singulorum* non intelligere accidentia aliqua, sed essentialia conditiones actus, nam sub circumstantia *quid*, ponit materiam circa quam versatur actus, quæ non est accidens, sed obiectum, imo etiam genus & species actus numerat.

II. Ratione tandem probatur hæc opinio, quia actus moralis ut moralis pendet in suo esse & in sua substantia ex circumstantiis, nam si est bonus, requirit complementum omnium circumstantiarum, sine quibus bonus esse non potest, ut, v.g. ad actum temperantiæ requiritur talis qualitas, vel tanta quantitas cibi, qua ablata, non erit actus temperantiæ: illa ergo conditio materiæ, quæ pertinet ad circumstantiam *quid*, non est accidentalī, sed essentialis temperantiæ, ut sic. Et in vniuersum idem est de cæteris circumstantiis, & de quolibet actu virtutis, pendet enim actus virtutis essentialiter ex prudentia; prudentia autem iudicat omnia & singula quæ circumstant actum, ut absolute decernat quid faciendum sit. Eadem autem ratio est de actu malo, quia de priuatiuo per positium iudicandum est.

III. Secunda sententia distinguit inter actum internum & externum. Internus dicitur solus actus voluntatis, externus quilibet alius siue sit intellectus, siue alicuius potentiæ subordinatæ voluntati. Affirmat ergo hæc opinio actum exteriorem habere circumstantias accidentales, quod postea comprobabimus: negat vero actum interiore habere huiusmodi circumstantias. Sic Gabr. in 3. dist. 23. *quest. 1. articul. 1.* cum Ocham in 3. *quest. 10. dub. 4.* & *quodlibeto 3. quest. 15.* indicat etiam Durand. in 2. d. 38. *quest. 1.* ex quo sumi potest fundamentum huius opinionis, scilicet quia omnes illæ conditiones quæ videntur circumstare actum externum, respectu voluntatis componunt vnum integrum obiectum eius, non enim possunt circumstantiæ afficere actum internum, nisi voluntariæ sint; hoc autem ipso quo sint voluntariæ, habent rationem obiecti, scilicet partialis; nam actus voluntatis vnus est & simplex, qui vnica habitudine tendit in obiectum circumstantiis affectum: totum autem ob-

iectum pertinet ad substantiam actus: non ergo est accidens eius. Et iuxta hanc rationem fauet huic sententiæ D. Thom. 1. 2. *quest. 19. articul. 2.* ubi dicit actum interiorem ex solo obiecto habere bonitatem: intelligit ergo circumstantias respectu actus interioris non esse circumstantias, sed transire in rationem obiecti. Atque ita opinatur & exponit Conrad. in illo loco. Caiet. *quest. 18 articul. 4.* idem affirmat de circumstantia finis, non vero de reliquis, qui etiam videndus est *ead. quest. art. 10.*

Tertia opinio vititur alia distinctione ex parte circumstantiarum; nam quædam addunt, seu mutant speciem moralem, alia autem augment, vel minuunt intra eandem speciem: de his posterioribus concedit hæc opinio esse accidentia, quia magis, vel minus accidunt formæ; de prioribus vero negat esse accidentia, sed principia essentialia actus moralis, quia nihil dat speciem, nisi quod est principium essentialē rei. Et hanc opinionem sequuntur multi Thomistæ, & solent tribui Caietano *citatis locis*, vereor tamen ne tota hæc diffusio sit de modo loquendi. Explicabo ergo potius rem ipsam, & inde constabit quomodo loquendum nobis sit, & obiter attingam in numer. 14. quo sensu fuerit Aristoteles locutus.

Primo ergo certum est ad substantiam actus moralis necessarias esse, & per se pertinere aliquas causas, quæ possunt ad quatuor genera causarum reuocari, ut notauit Alet. 2. *part. quest. 105. statiam a membr. 4.* Prima causa est efficiens, sub qua comprehenditur & ipsum operans, & quidquid ex parte illius simpliciter necessarium est ad operationem moralem, ut est voluntas, intellectus, &c. Seunda causa est finalis, quæ potest esse vel intrinseca ipsi obiecto, seu materiæ, ut est in materia eleemosynæ ipsa honestas misericordie; vel extrinseca, qualis erit in dicto exemplo honestas poenitentiae, si eleemosyna fiat ad satisfaciendum Deo: hic tamen finis extrinsecus licet aliquo modo concurrat per se ex parte operantis, non tamen semper est necessarius. Tertia est causa veluti materialis, quæ non est proprie subiectum, nam hoc nihil refert ad præsentem considerationem, sed est illa materia, circa quam versatur actus, ut quod sit circa aliud, vel circa passiones proprias, vel quod versetur circa hunc cibum, vel circa alium, quæ materia reducit ad obiectum materiale. Quarta est causa formalis, quæ si sit extrinseca, quale est obiectum, sic materialiter coincidit cum materia circa quam; formaliter vero, cum fine, seu motiui, nam, ut supra dictum est, finis est obiectum voluntatis: si autem sit sermo de causa intrinseca, cum actus moralis sit forma quædam, non habet aliam causam formalem præter suam rationem intrinsecam & quidditativam. Hæc ergo quatuor ut sic non sunt accidentia actus moralis, sed per se pertinent ad illius substantiam, vel ut principia intrinseca, vel ut causæ per se extrinsecæ, nam hic actus, qui etiam vitalis est, necessario postulat intrinsecum principium à quo fiat, & obiectum circa quod versetur, & quia est actus voluntatis, oportet ut illud obiectum sit finis, vel propter finem.

Secundo certum est in his quatuor causis posse considerari aliquas conditiones, quæ licet accidentibus ut res physice sunt, sunt tamen de essentia actuum moralium ut morales sunt, unde non poterunt hæc dici proprie circumstantiæ iuxta propriam huius vocis impositionem, quam D. Thomas 1. 2. *quest. 7. articul. 1.* explicuit, ita docet idem D. Thomas *ibi articul. 3. ad 3.* & *quest. 2.*

IV.

V.

1. Assertio certa ad substantiam actus moralis pertinentem 4. causas.

VI.

2. Assertio inter conditiones aliquas pertinentem ad substantiam actus moralis.



question. 2. de malo, articul. 6. significat Richard. in 4. dist. 17. articul. 3. quest. 5. Alenf. 1. & 4. part. quest. 77. memb. 3. articul. 5. qui significant Aristotelem in hoc sensu fuisse locutum, quod est probabile, sed non certum. Declaratur breuiter inductione, & præterea probatur, nam in primis ex parte causæ agentis necessaria est libertas & vsus rationis, nam hinc pendet substantia actus moralis, in causa etiam instrumentali potest interdum considerari qualitas, seu conditio quæ variet essentialiter humanum actum, vt si dedit potionem mortiferam, vel salubrem, & sic de aliis. Item ex parte finis valde pertinet ad humanum actum, qualis ille fuerit, honestus, vel turpis, vel indifferens, hic enim finis habet rationem motiui, & obiecti formalis, & ideo pertinet ad essentiam actus, præsertim si sit finis intrinsecus. Tertio ex parte materiæ circa quam quod sit propria, vel aliena, quod sit parens, vel extraneus, & similes conditiones possunt essentiam actus moralis variare. Ac denique ex parte ipsius actus interioris quod sit odium, vel amor, & ex parte exterioris etiam, modus eius potest spectare ad essentiam moralem, vt si fortiter percussit, vel tantum leuiter attigit, ex quo pendet vt sit homicidium, nec ne.

VII.

Vnde quoad hæc omnia & similia verum est quod prima sententia assererat posse aliquas conditiores esse accidentales actui in esse rei, quæ sint essentielles actui in esse moris. Et ratio à priori est, quia esse morale pendet primario ex ordine rationis: contingit autem sæpe vt actio, vel obiectum habeat diuersum ordinem ad rationem propter diuersas conditiones earum rerum, quæ ad actum moralem concurrunt. Vnde si in huiusmodi actu consideretur genus eius, seu communis ratio entis moralis, sic pendet ex obiecto, quod coincidit cum fine, & materia circa quam, & non est omnino simplex, sed sæpe consurgit ex concursu multarum rerum, seu conditionum, quæ necessariæ sunt vt sit conforme, vel difforme rationi, & ideo variata vna, vel altera conditione, potest actus totus moralis variari.

VIII.

3. Assertio.

Dicendum tertio. In his quatuor causis aliquæ possunt interuenire circumstantiæ, quæ accidentaliter pertineant ad actum humanum in ratione boni, vel mali moralis. Ita D. Thom. 1. 2. question. 7. articul. 1. qui in eundem sensum Aristotelem exponit, quod sequuntur alii Scholastici, Richard. in 4. distinct. 17. articul. 3. question. 3. Gabr. in 3. distinct. 23. question. 1. artic. 1. & in 2. d. 41. Ocham in 3. question. 3. dub. vltim. & quodlib. 3. question. 15. Burid. 3. Ethic. question. 12. Almain. tractatu 1. moral. cap. 6. Soto in 4. distinct. 8. question. 2. artic. 4. Boëtius etiam libr. 4. de locis topicis, sic intellexit Aristotelem & Ciceronem libr. 2. de inuent. Neque est alienus ab eadem sententia Gregor. Niss. libr. 5. Philosophiæ cap. 2. quamuis id non satis explicet, sed indifferenter loquatur, atque eodem fere modo de circumstantiis scribit Damascen. 2. de fide capit. 24. Chrysostom. homil. 17. in capit. 5. Matth. vbi dicit ad iudicium ferendum de operibus non tantum esse ipsa opera consideranda, sed etiam tempus, locum, causam, personam, & quidquid aliud operibus acciderit, habetur in capit. occidit 27. distinct. 8. Item Augustin. lib. de vera & falsa penitent. capit. 14. & 15. in capit. consideret. de penitentia distinct. 5. vbi in ordine ad confessionem dicit oportere considerare circumstantias actus, quas aperte significat non mutare substantiam eius: & 15. de Ciuit. cap. 7. ad hoc accommodat illud Genes. 4. Si recte offeras, non autem recte diuidas, peccasti. Quam expositionem sequitur Suarez in primam secundam D. Thom.

fil. libr. 2. de baptis. cap. 8. vbi de his circumstantiis disputat, indicatque accidentia esse, quamuis non satis clare.

IX.

Ratio est, quia sicut bonitas, vel malitia actionis moralis pendet ex his conditionibus, ita ex eisdem interdum augetur, vel minuitur, seu accidentaliter perficitur, seruata illius substantia: ergo tunc huiusmodi conditiones erunt accidentales actui. Patet consequentia, quia magis, vel minus, quando non variant substantiam, ad accidentia pertinent. Neque enim querenda est hic exacta ratio accidentis, nimirum quod sit per veram inhærentiam & informationem, quia neque in omnibus physicis accidentibus hoc proprie reperitur, sed multa tantum accidunt, adiacent, seu circumstant rem, & multo minus id petendum est in actibus moralibus, quorum esse sæpe pendet ex rebus extrinsece denominantibus, vt inferius videbimus. Antecedens vero declarari facile potest discurrendo per singulas causas, nam quæ persona operans sit huius, vel illius dignitatis, potest pertinere ad quandam maiorem bonitatem, vel æstimationem moralem actus, non variata substantia eius: similiter quod materia, circa quam versatur actus, sit huius, vel illius quantitatis, in furto, v.g. vel alio simili, & sic de cæteris. Ratio autem est, quia ordo ad rationem non semper ex his circumstantiis ita variatur, vt omnino mutet confirmatatem, vel diffirmitatem ad rationem, quamuis efficiat vt secundum magis, vel minus varietur: tunc ergo erunt conditiones accidentales, non essentielles, quod magis confirmabitur ex sequentibus corollariis.

X.

Primo enim ex hac conclusione inferitur has circumstantias non solum accidere actui humano in esse naturæ, sed etiam in esse moris, quia accidunt illi quatenus est conformis, vel difformis rationi, atque adeo quatenus liber est. Vnde prima sententia indefinite, seu permissiue intellecta verum quidem affirmat, scilicet posse aliquos ex his conditionibus esse accidentales in esse naturæ, & essentielles in esse moris, tamen intellecta vniuersaliter, seu exclusiue, id est, nunquam has conditiones esse accidentales in esse moralis actus, est falsa, vt patet aperte de intentione actus, nec ratio illius sententiæ contra hunc sensum procedit, quia licet rectitudo moralis actionis pendeat ex concursu plurium conditionum, seu circumstantiarum, tamen non solum pendet ex illis quoad substantiam & essentiam, sed etiam quoad augmentum, vel diminutionem; & quoad hoc sunt accidentales.

XI.

Secundo inferitur has circumstantias non solum esse posse accidentia actus exterioris, sed etiam actus interioris: primum de exteriori omnes admittunt. Solum est considerandum exteriore in actum & esse obiectum actus interioris, & esse actionem humanam & voluntariam ab interiori manentem: priori modo facile intelligitur huiusmodi obiectum posse accidentaliter variari ex huiusmodi circumstantiis non variata substantiali honestate eius, vt orare in templo, vel alio loco, eandem honestatem religionis habet; tamen cum circumstantia loci sacri habet quodammodo maiorem; si vero loquamur secundo modo, sic, vt inferius dicam, actus exterior habet totum suum esse morale ab actu interiori, & ideo non potest proprie affici accidentaliter à circumstantiis sub hac ratione, nisi medio actu interiori.

XII.

Vnde probatur & declaratur altera pars primo ad hominem, quia actus exterior non solum in ratione obiecti, sed etiam in ratione actus moralis affigitur accidentaliter his circumstantiis,



Quomodo  
circumstan-  
tia actus in-  
terioris ex  
parte obie-  
cti possit esse  
accidentia-  
lis.

Quomodo  
ex parte a-  
ctus.

Quis.

XIII.

ut omnes fatentur: ergo & interior. Secundo hoc ipsum sic declaratur & probatur, quia dupliciter intelligi potest has circumstantias afficere interiorem actum, & utroque modo possunt habere rationem accidentium, quatenus non sunt necessaria simpliciter ad primariam & essentialem eius bonitatem, sed ad aliquod augmentum, vel diminutionem, & ad aliquam perfectionem accidentalem. Primus modus est ex parte obiecti, ut cum aliquis vult furari in Ecclesia, illa circumstantia loci non circumstat actum voluntatis ex parte ipsius, quia, ut suppono, ille actus non fit in Ecclesia, circumstat tamen ex parte obiecti, quia materia circa quam primo versatur ille actus, est furtum: quod vero res furto furripeda sit in Ecclesia, accidit. Secundo modo contingit hæc circumstantia ex parte ipsius actus, ut si quis exiit in Ecclesia, ibi cogitet & deliberet de fornicatione, vel furto faciendo extra Ecclesiam, nam tunc locus non est circumstantia obiecti, sed ipsius actus, quia in tali loco fit: quod sit causa exempli positum, siue illa circumstantia augeat malitiam, siue non. Quod vero hæc circumstantia ut afficiat actum interiorem debeant esse voluntaria, non obstat quominus sint accidentia: primo, quia præsertim cum sint perfectioris rationis non sunt voluntarie directe, sed ad summum indirecte, ut patet in dicto exemplo de circumstantia *Vbi*: & idem erit de circumstantia *Quis*, si sacerdos, v.g. odio habeat proximum, fortasse illud odium erit grauius ex persona operante, licet non velit se directe operari: interdum etiam hæc circumstantia est voluntaria per modum actus, & non proprie per modum obiecti, ut in circumstantia *Quomodo*, qualis est intensio actus, non enim est intensio volita per modum obiecti, sed sicut homo eliciendo actum voluntatis vult ipsum, ita maiori conatu eliciendo vult intensiorem eius. Deinde quamuis in primo modo contingat has circumstantias esse directe voluntarias, non tamen hoc repugnat cum ratione accidentis, quia sunt vel secundario, vel quasi remote, & consequenter voluntarie, ut patet in primo exemplo de circumstantia *loci*: accidit enim primarie intentioni operantis quod res furto auferenda sit in loco sacro: & idem clare cernitur in circumstantia *finis extrinseci*, qui distinguitur ab obiecto primario specificante actum.

Tertio colligitur ex dictis non tantum circumstantias augentes in eadem specie, sed etiam addentes nouam speciem esse accidentia, non enim dicuntur hæc circumstantie mutare speciem, quia tollant vnam, & in aliam transferant, sed quia priori speciei essentiali addunt aliam. Vnde sicut in rebus physicis forma accidentalis addita substantiæ addit nouam speciem entis, quod non obstat quominus sit verum accidens, quia talis forma & species est præter rationem subiecti, & potest adesse & abesse, ita in his moralibus licet circumstantia addat nouam speciem moralem præexistenti, accidit tamen actui ut in sua prima specie constituto, quia est præter rationem eius, & potest adesse & abesse. Vnde recte notauit D. Thom. *quest. 2. de malo art. 6. in corp. & ad 2.* has circumstantias mutantes speciem posse comparari vel formaliter ad speciem quam addunt, & ut sic, non habere rationem accidentis, sed principii essentialis, seu obiecti, ut cum quis vult dare eleemosynam ut satisfaciatur pro peccatis, ille actus eleemosynæ, ut formaliter constituitur in specie satisfactionis, seu poenitentie, respicit motum poenitentiae, non ut circumstantiam, sed ut proprium obiectum formale. Secundo modo possunt comparari ad actum cui dant talem spe-

ciem ipsi accidentalem, ut in dicto exemplo, finis ille poenitentiae comparatus ad actum misericordiae, ut sic, dat illi speciem accidentalem: hoc pacto satis est ut hæc circumstantia sint accidentia actuum moralium, nam etiam in entibus naturalibus si forma accidentalis comparatur formaliter ad compositum quod constituitur quatenus tale est, non dicitur accidens eius, sed principium essentialis, ut albedo est de essentia albi quatenus album, quamuis simpliciter subiecto accidat.

Ad fundamenta aliarum opinionum satis respondum est inter probandum nostram sententiam. Solum superest respondere ad Aristotelem allegatum *numer. 1.* quem multis placet reuera non fuisse locutum de circumstantiis accidentalibus, sed de conditionibus essentialibus requisitis ad actum voluntarium: quod si hoc verum est, responderetur ad argumentum tacuisse ipsum de circumstantiis accidentalibus, non vero illas negasse. Mihi tamen ille sensus difficilis videtur, primo quidem, quia video omnes expositores, & Theologos aliter illum intellexisse. Secundo, quia diminutus fuisset in morali doctrina tradenda. Tertio, quia nihil est quod cogat ad limitandam illo modo doctrinam eius, nam quod asserit de circumstantia *Quis*, potest intelligi & de ipsa persona, & de conditione, seu statu personæ. Neque obstat quod ait neminem posse ignorare hanc circumstantiam, *quia non potest ignorare seipsum*, nam in primis non loquitur de inaduertentia, sed de ignorantia, quæ in rigore dicit carentiam scientiæ etiam habitualis, & hoc modo certe dici potest neminem posse ignorare suum statum & conditionem. Deinde illud *non posse*, non esse necesse intelligi metaphysice, sed ut plurimum, seu moraliter, patet: tum quia ibidem dicit Aristoteles vniuersalia legis naturæ præcepta non posse ignorari, quod prædicto modo & moraliter oportet intelligi, tum etiam quia in rigore etiam potest quis ignorare conditionem ex parte personæ operantis necessariam ad actum moralem, nimirum potest quis ignorare se libere operari. Deinde quod Aristoteles ait ignorantiam circumstantiæ cuiuscunque causare inuoluntarium, supra à nobis explicatum est de inuoluntario sub tali ratione ignorata, non absolute sub quacunque alia: & hoc modo conuenit etiam circumstantiis accidentalibus, & necesse est ita exponi, etiam si sit sermo in essentialibus, ut patet in exemplo eiusdem Aristotelis. Nam si quis (inquit) loquatur de aliqua re, quam ignorat sibi sub secreto esse commissam, actio est inuoluntaria: quod quidem est verum quatenus illa est reuelatio secreti, nam quatenus est locutio quædam, voluntaria manet, & potest esse aliud peccatum, v.g. verbum otiosum, & interdum actus virtutis: & idem est facere aliis exemplis ostendere. Denique ut fateamur aliqua exempla Aristotelis esse de conditionibus essentialibus actuum moralium, tamen alia possunt accommodari ad accidentales, ut quod leuiter, vel acerbè percusserit, quod talis effectus consecutus sit ex actione. Quare existimo Aristotelem in communi fuisse locutum de quibuscunque conditionibus, aut circumstantiis, quæ in actione singulari prout fit, reperiuntur, siue illæ sint essentialis, siue accidentales, nam omnes possunt ad voluntarium, vel inuoluntarium aliquo modo conducere, sub qua ratione ibi Aristoteles de circumstantiis differuit: de qua re iterum redibit sermo *section. sequenti.*

XIV.



## S E C T I O II.

## Quæ sint circumstantiæ humanorum actuum.

I. Ratio dubii sumi potest ex diuersis enumerationibus grauium autorum: Aristoteles enim sex enumerat, nempe, *Quis, quid, quomodo, circa quid, vel in quo, quo instrumento, cuius gratia: in qua enumeratione omittit tempus & locum.* Secundo Tullius 1. de inuent. septem numerat; addit enim circumstantiam *vbi*, & *Quando*: omittit autem circumstantiam *Circa quid*, quam Aristoteles docuit: & eandem sententiam tradit Gregor. Nissēn. paululum mutatis verbis, scilicet *persona, res, organum, tempus, locus, modus, causa, vbi*: per *causam* intelligit finale, ita enim appellari solet, quasi per antonomasiam, præsertim in hac circumstantiarum enumeratione, & hoc modo solet dici in iure pensandam esse causam actionis ad iudicium ferendum, de ea in l. verum. ff. de furtis, & capit. occidit. 23. questione octaua & capit. sciendum. 29. dist. & capit. cum causam. extra de testibus. Tertio Damascen. libro secundo, capite vigesimo quarto, enumerat octo, scilicet *Quis, quem, quid, quomodo, quo, quare, vbi, quando*: distinguit enim cum Aristotele circumstantiam *quid*, & *circa quid*, & hanc posteriorem vocat *personam circa quam fit operatio*, quam distinguit à *persona operante*, quam vocat *quis*: & præterea cum Tullio addit *vbi*, & *quando*, & ita consurgit ille numerus octauus circumstantiarum.

II. Quarto adhuc videntur alię circumstantię addendę huic numero, nam si numerantur *vbi*, & *quando*, & *relatio ad finem*, cur non etiam *qualitas*, & *quantitas* materię, cum ex his possit moralis actio multum variari? Item euentus consequens actionem solet esse magni momenti in rebus moralibus, & tamen non continetur in illo numero: additur autem in l. aut facta. ff. de pœnis, quę inserta est in iure Canonico cap. aut facta. de pœnitentia, d. 1. Item *liberum & voluntarium* multum referunt ad rem moralem, & quamuis absolute sint de substantia actus moralis, tamē pro vt possunt secundum magis, vel minus variari, inter circumstantias numerari debent; & ad hoc spectat vt *rum* actio fuerit coacta, vel ex metu, passionē, aut ignorantia, & ita hæc circumstantiæ numerantur in cap. consideret. de pœnit. d. 5. Et huc spectat quod ait Chrysost. Matth. 5. hom. 16. & colligitur etiam ex c. 1. 15. q. 6. scilicet considerandum esse qua voluntate facta sit actio. Denique in dicto c. cum causam. alię adduntur circumstantiæ, ait enim inquirendum esse de *causis, personis, loco, & tempore, visu, auditu, fama, certitudine, scientia, aut dubitatione, vel credulitate.* August. addit *perseuerantiam*, & *multiplicationem actionis*.

III. Hęc res est facilis: mihi probatur enumeratio Damasceni, quę est distinctior, clarior, & sufficient: cuius sufficientiam satis explicat D. Thomas 1. 2. question. 7. art. 3. & merito distinguit personam operantem ab illa, circa quam versatur actio, nam licet conueniant in nomine, & ratione personę, tamen conditiones earum valde diuerso modo afficiunt actum moralem: *vbi* etiam, & *quando* hęc non sumuntur in rigore physico pro intrinseca rei præsentia, vel durationē, sed pro extrinseco loco continente nō tam proprio, quam communi, vt est Ecclesia, vel platea, &c. Et similiter tempus sumitur pro extrinseca & publica mensura humanarum actionum, in quibus considerari possunt conditiones, aliquę, quę

Suarez in primam secundam D. Thom.

referant ad moralitatem actus, & diuerso modo afficiant à cæteris circumstantiis, & quamuis inter se videantur aliquo modo conuenire in ratione extrinsecę mensurę, tamen habent veluti specificas rationes distinctas in modo afficiendi actum moralem, & ideo merito vt distinctę numerantur.

Alię vero omnes circumstantiæ, quę vel excogitari possunt, vel insinuatę sunt, in his satis continentur, nam circumstantia *quid*, primum indicat materiam actionis, non simpliciter, vt est obiectum, quia hoc modo non est circumstantia, sed pertinet ad substantiam actus, sed vt habet aliquam conditionem accidentalem actui morali, siue illa conditio physice considerata, sit quantitas, siue qualitas, materiale enim hoc est: & sub eadem circumstantia comprehenditur effectus, seu euentus consequens actionem, nam est quid factum per actionem. Deinde ad circumstantiam *quomodo* annumerari possunt omnes illę conditiones, quę augent, vel minuunt liberum, aut voluntarium; quidam enim actionis modus intelligi potest quasi physicus, qualis est intentio, aut voluntas: alius esse potest moralis solum per concomitantiam quandam, vel extrinsecam causalitatem denominans actionem, vt est *ignoranter*, vel *coacte* operari. Alii vero reducunt has conditiones ad circumstantiam *quis*, quando sunt veluti conditiones quędam personę operantis. Rursus perseuerantia actionis potest reuocari vel ad circumstantiam *temporis*, vel ad *modum actionis*, quia illa nihil aliud est, quā ipsemet actus magis, vel minus durans: multiplicatio autem actionis non est circumstantia, sed est numerus, vel multitudo actionum: sic enim in ordine ad confessionem numerus peccatorum non est circumstantia, sed est veluti substantia materię aperiendę in confessione, quia vnus actus non efficit aliū ex vi solius multitudinis. Deniq; alię speciales circumstantiæ numeratę dicto cap. cum causam, vel reuocantur ad circumstantiam *quomodo*: vel certe non pertinent ad bonitatem, vel malitiam actionis, pro vt nunc de circumstantiis agimus, sed ad reddendum firmum, vel infirmum testimonium: non est autem inconueniens quod in aliis rerum generibus reperiantur alię circumstantiæ, vt actio pingendi, vel scribendi, alias circumstantias requirit vt bona sit in genere artificii, quam vt sit bona in genere moris, quamuis seruata proportionē in prædictum numerum possint reuocari omnes circumstantiæ.

V. Ad Aristotelem, qui *tempus & locum* omisit, responderi potest illum non numerasse accidentales circumstantias, sed conditiones essentielles, & ideo omisisse *locum & tempus*, quę semper accidentales sunt: quę responsio & procedit ex dubio fundamento, & non videtur vniuersaliter vera, nam interdum *tempus*, & *locus* pertinent ad substantiam actus, in esse morali, & ignorantia illarum reddit actum inuoluntarium in illo esse morali, vt ignorantia quod hodie sit dies veneris, facit vt actus comedendi carnes non sit malus. Alii respondent, estq; communis responsio, Aristotelem non omisisse has circumstantias, sed comprehendisse illas in verbo illo, *in quo*, id est, in quo tempore, & in quo loco: ita sentit D. Thom. 1. 2. quest. 7. & in Ethic. & ibi Burid. & alii: habet tamen difficultatem expositio, quia iuxta textum Græcum, particula, *circa quid*, & *in quo*, non ponuntur vt diuersa, sed vna vt exponēs alteram, ac si dicamus *circa quid*, seu *in quo* versatur actio, & ita Aristoteles cum aliis circumstantiis ponat diuersa exempla, huius tantum ponit vnum & idem, dicens, *Putauerit autem quispiam filium*

IV. Ceterę enumerationes ad 3. reduci possunt.

V. Responsio ad obiecta ex Arist. in n. 1. displicet.



hostem esse. Dici autem potest, quamuis his duobus verbis eadem circumstantia significetur, tamen ad illa reuocari *tempus* & *locum*, quia circa illa fit actio: possent etiam aliquando reuocari ad circumstantiam *quid*, quia interdum actio non est mala, vel bona ratione temporis nisi quia tunc est actio prohibita ratione materię in qua versatur.

VI.

Sed hinc fieri potest generalis obiectio contra hanc diuisionem, nam vel data est secundum rationes specificas, & vltimas harum omnium circumstantiarum: & hoc modo multo plura membra fuissent numeranda, vt ex dictis constat: vel tantum secundum quasdam rationes genericas, quo sensu pauciora membra sufficerent, vt facile etiam ex dictis haberi potest: & præsertim respectu interioris actus, si quis recte consideret, fere omnes circumstantię quę sumuntur ex parte obiecti, pertinent ad *quid*, vel *propter quid*: ex parte autem actus ad *quomodo*. Respondetur rem hanc non fuisse tam metaphysice expendendam, sed moraliter, numerata enim sunt illa membra, quę iuxta communem modum sentiendi & tractandi de humanis actibus sufficere visa sunt ad moralem eorum valorem estimationemque considerandam: & ideo neque omnes conditiones distincte enumeratę sunt, illud enim esset in infinitum procedere, neque solum secundum vniuersalissimas rationes, nam illud etiam esset valde confusum, sed secundum quasdam rationes generales, quę, vt dixi, sufficiunt ad intentum.

### SECTIO III.

*Quid necesse sit vt hæ circumstantia afficiant actum moralem.*

I. Solent ab aliquibus distingui hæ circumstantię, quia quędam sunt pertinentes ad rem moralem, quędam impertinentes. Sed non oportet hac distinctione uti, quia quę sunt impertinentes, reuera non sunt circumstantię moralium actionum, quamuis possint esse accidentia physicarum mutationum. Hinc vero oritur ratio dubii in hac quæstione: nam interdum hæ accidentia physica censentur moraliter circumstantię, interdum vero non, quia interdum afficiunt moraliter actum, interdum vero non: quę ergo est radix huius differentię? aut quid necessarium est vt hæ conditiones actus moraliter illum afficiant? hoc autem inquiri potest aut ex parte ipsius actus, seu conditionis eius, aut ex parte operantis.

II.

Dicendum primo illam conditionem actus habere rationem circumstantię moralis, eumque moraliter afficere, quę comparata ad rationem rectam mutat habitudinem ad illam in maiori, vel minori conformitate. Hanc regulam assignant omnes autores, & inductione, ac exemplis potest facile ostendi, nam quod homicidium fiat in hac domo, vel in illa priuatis, non est circumstantia, quia ratione illius talis actio neque est minus, neque magis difformis rationi: quod autem fiat in templo, statim præ se fert maiorem dissonantiam à recta ratione. Ratio vero generalis est, quia recta ratio est regula humanorum actuum, de quo *in tract. seq. disput. 10.* latius, & circumstantiarum eorum: ergo non potest affectio, seu ratio harum circumstantiarum melius explicari, quam per ordinem & dictamen ad rectam rationem.

III.

Atque hac eadem regula vtendum est ad in-

telligendum quando conditiones actus etiam si morales sint, non sint proprie circumstantię, sed essentielles conditiones, nimirum quando sunt tales, quę iuxta rectam rationem omnino sunt ne: essarię, non solum ad magis & minus, sed simpliciter ad honestatem, vel turpitudinem actus. Similiter ex hac regula est intelligendum quando circumstantię sunt speciei diuersę, quando verò aggrauant intra eandem, quia species morales sumuntur per habitudinem ad rationem rectam, seu ad obiectum vt recta ratione regulatum: quando verò circumstantia omnino mutat conformitatem, vel difformitatem ad rationem mutat etiam speciem: si verò cum eodem ordine faciat rem esse magis conformem, auget intra eandem speciem, & dicitur notabiliter augere, vel aggrauare, quando illud augmentum est magni ponderis, vel æstimationis iuxta rectam rationem. Tandem ex eadem radice oritur quod ex circumstantiis superiori sect. numeratis, quędā semper moraliter afficiunt, vt *quomodo*: v.g. intētio, *quid* seu *quantitas materię*: quia hæ conditiones semper aliquo modo mutant materiam, quatenus in ea constituitur medium rationis, seu mutant habitudinem actus ad obiectū morale: alię vero conditiones physicę non semper pertinent ad rem moralem, vt *locus*, *tempus*, *persona*, *instrumentum*, quia non semper mutant medium rationis, seu habitudinem ad illam.

Petes: Quare quędam conditiones mutant habitudinem ad rationem, & non alia? Respondetur huius quęstioni aliam responsionem non posse tradi, nisi quia quędam sunt talis nature, vt mutant honestatem, alię vero non: hoc autem in particulari semper oritur ex aliqua proportionem quam recta ratio inuenit in rebus ipsis in ordine ad debitum finem humanę vitę: verbi gratia ex hoc quod res sit aliena, intrinsece oritur quod accipere illam domino rationabiliter inuito sit contra honestatem, quia est contra debitum modum operationis humanę, vt seruetur pax, & debitus societatis modus & sic de aliis, quę omnia quoad nos per rectam rationem ponderantur ac regulantur, licet in ipsis rebus sit, fundamentum talis rationis rectę, vt infra explicabo.

Secundo dicendum. Vt circumstantia conferat ad honestatem moralem actus, vel turpitudinem ex parte operantis, oportet vt sit aliquo modo voluntaria, & cōsequenter cognita directe vel indirecte. Hoc constat primo à posteriori, quia si quis furetur in loco sacro inuincibiliter ignorans conditionem loci, illa conditio non afficit moraliter illum actum solum ex defectu voluntarii. Ratio vero est quia tota honestas morum pendet ex voluntate: ergo quę non cadunt sub voluntatem aliquo modo, non possunt illā reddere magis, vel minus honestam: ergo neque actionem aliam moralem vt actio moralis est, quia vt sic tota pendet à voluntate, vtum vero oportet hoc voluntarium esse directum, vel sufficiat indirectum: & vtum in hoc sit aliqua differentia inter bonitatem & malitiam, infra tract. 3. disput. 5. sect. 3. dicemus, & supra disp. 4. sect. 3. num. 32. attigimus.

Solum posset nunc queri propter Aristotelem 3. *Ethic. cap. 1.* Vtrum in omnibus prædictis circumstantiis possit cadere inuoluntariū ratio ne ignorantię, nam ille de omnibus affirmat, præterquam de circumstantia *Quis*, de qua supra sect. 1. num. 14. dixi: de aliis autem videtur falsa hæ doctrina, quia saltem circumstantia finis non potest esse inuoluntaria, neque ignorata, quia

IV. Vnde fit vt quedam circumstantia faciant ad mores, alia non.

V.

VI.



quia, ut superius dixi, finis qui habet rationem circumstantiæ, non est finis intrinsecus operis, qui potius est obiectum, sed est finis extrinsecus operantis, quem oportet esse intentum: ergo directe volitum: ergo cognitum. Quo modo ergo potest esse inuoluntarius & ignoratus? Respondetur primo Aristotelem non esse locutum de fine intento, sed de fine, seu effectu per accidens secuto: quod explicat Aristoteles suo exemplo, dicens: Si quis vulnerauit salutis causa, & interfecit. Sed reuera hæc circumstantia sic explicata, magis pertinet ad circumstantiam quid, sub qua continentur causales effectus, ut supra dixi cum D. Thom. ideo dicitur finem posse ignorari, non in se & in particulari pro ut est intentus, posse tamen ignorari secundum aliquam conditionem, v.g. si quis intendat scientiam ut rem facilem, cum tamen in se difficilis sit, vel etiã potest ignorari in medijs seu in habitudine medijs ad ipsum, ut si quis intendat sanitatem per medium nocuum, putans esse utile, nam tunc ille excusatur a culpa ratione finis. Vltimo ex dictis colligitur cur finis sit potissima ex numeratis circumstantiis, quia & est magis intentus, & magis spectat ad debitum rationis ordinem, de quo in sequenti disp. à qua secunda pars huius secundi tractatus inchoatur.

## DISPUTATIO VI.

### De voluntate, & intentione, actibusque intellectus præuis.



Principio huius secundi tractatus, hucusque differuimus de duabus differentiis generalibus actuum humanorum, quæ per voluntarium, & inuoluntarium declarantur. Restat in hac 2. parte eiusdem tractatus, ut in specie de actibus voluntatis agamus. Miscebimus tamen sermonem de actibus intellectus, quia ad explicandos voluntatis actus plane conducunt. Illud etiam attendendū, voluntatis nomen in præsentī titulo non potentiam, sed actum importare: licet in discursu doctrinæ, ad ipsam quoque potentiam aliquando digrediamur.

Omnis igitur voluntatis actio aut circa finem, aut circa medium versatur: quod dupliciter contingit fieri: aut appetendo, aut exequendo: ex quo duplex oritur ordo actuum voluntatis, & intellectus practici, qui voluntatem gubernat in moribus. Prior omnes illos actus continet, qui necessarij sunt, usque ad postremam mediæ electionem, qui sunt, voluntas, intentio, consilium, consensus, electio. Tres priores circa finem: posteriores circa medium [eo quo numerati sunt ordine] versantur. Stabilita autē electione, progreditur voluntas ad liberam executionem: & sic est secundus ordo, in quo duo tantum actus numerantur: imperium, & usus: quibus actibus fruitio additur: quæ non est operatio ad finem vel appetendum, vel assequendum ordinata: sed sine potius comparato, ipsa subsequitur. Omnes præterea actus isti directe tendunt in aliqua obiecta, sæpe tamen sunt quasi reflexi, ut dum voluntas eligit medium, eligit eligere, & utitur se ipsa, & intellectu, &c. tamen hæc actuum quasi reflexio non fit per actus ab ipsis rectis distinctos licet Caietan. prima secunda, questione decimasexta, articulo quarto, oppositum censeat. Dicemus igitur de actibus directis & de reflexis obiter,

quæ erunt necessaria. In hac autem disputatione de actibus ante consecutionem finis agemus.

## SECTIO I.

### De obiectis, rationibus, & differentiis voluntatis, & intentionis.

Hæc omnia adeo inter se nexa sunt, ut non possit vnum sine altero commode explicari. In primis igitur voluntas significat simplicem quendam actum voluntatis, qui est quasi prima inclinatio voluntatis in obiectum propositum tanquam per se amabile, cuius effectus formalis non potest esse alius, quam velle illud obiectum propter se, sine ordine ad aliud, qui actus dicitur simplex, quia nullum alium supponit neque formaliter, neque virtute alterum includit: ex quo patet hunc actum proprie versari circa finem: solus enim finis est bonum per se amabile, & quoniam principium omnis motus voluntatis est finis: hic autem est primus voluntatis motus, ut docet Arist. 3. Ethic. 2.

Intendere significatione quadam generali est in aliud tendere: ex qua etymologia nomen intentionis varias habet significationes: nam & mentis attentionem, & sensuum applicationem significare solet, & interdum res inanimates dicuntur intendere suos fines. In proposito vero significat quandam liberam, vel perfectam voluntariam tendentiam in aliquem finem: quæ propria est rei utentis ratione: ex quo constat, intentionem hic aliquid significare ad intellectum, vel voluntatem pertineens. Quid vero sit, alii aliter explicant D. Bonauent. 2. d. 38. 2. p. q. 2. dicit intentionem ad voluntatem, & intellectum æque pertinere, quam ait, non esse vnum actum, sed quasi mixtum ex duobus: quia intentio dicit appetitionem eius, qui intendit & collationem vnius ad alterum. Primum vero pertinet ad voluntatem: secundum ad intellectum, quæ coniunguntur. Aureol. apud Capreol. 2. d. 1. quest. 1. ait, intentionem non esse actum, sed circumstantiam electionis, quia intendere solum est alicuius gratia hoc facere, hoc vero importat circumstantiam finis in electione.

Dicendum tamen est, hoc nomine importari proprium quendam actum voluntatis quæ sententia est D. Thom. 1. 2. quest. 8. & Doctorum 2. d. 38. vnde Augustin. intentionem vocat amorem Psalm 7. & 9. Et ratio est, quia intendere hic est in aliquid voluntarie tendere: principium autem motionis, & tendentiæ est voluntas, vnde confirmatur: nam ex intentione potissimum pendunt mores hominum, ut boni, vel mali sint: pendunt vero ex voluntate. Ex ratione vero D. Bonau. solum concluditur, istam intentionem voluntatis supponere iudicium, & ordinem rationis, sicut motus progressius, quo exemplo ipse vitur, directionem alicuius potentiæ cognoscentis requirit. Ad Aureol. vero respondetur, finem esse interdum circumstantiam electionis: tamen ipsam intentionem finis esse actum voluntatis. Ex quo ulterius colligimus huius actus obiectum esse finem ipsum, quæ est sententia communis: ideo enim bonitas, vel malitia actus ab intentione pensatur, maxime quia ipse est circa finem, & finis est principium humanorum actuum, ut patet ex vi nominis: nam intendere est in aliud tendere: tendimus vero in terminum, & terminus voluntatis est finis.

I.

Primus actus volens dicitur:

II.

Intentionis variæ significatio.

Intentio proprie quid:

III.

Assertio. Intentio est proprius actus voluntatis.

Obiectum intentionis est ipse finis.



IV.  
Voluntas &  
intentio in  
quo differ-  
rant.

Sed ex his erit ut quæstio, quo modo volun-  
tas, & intentio distinguantur, cum habeant id-  
em obiectum, scilicet finem? Respondetur: in  
fine duæ sunt rationes. Prima est quoddam bo-  
num per se amabile, & ut sic est obiectum volun-  
tatis: quod patet, quia voluntas est primus, &  
simplicissimus actus voluntatis: qui tendit in  
obiectum sub prima quadam & simplicissima  
ratione: hæc autem est ratio boni per se, sine ullo  
ordine ad aliud. Secunda ratio est eius boni in-  
uestigandi per media, & hoc modo est obiectum  
intentionis: quod patet etiam ex vi nominis:  
tunc enim proprie tendimus in finem, quando  
de illius consecutione tractamus. Vnde colligi-  
tur, intentionem finis solum reperiri in absentia ip-  
sius finis: Quare Deus non intendit proprie suam  
felicitatem, tamen vult, & amat eam: unde vo-  
luntas, manere potest etiam consecuto fine, quod  
etiam distinctionem istorum actuum manife-  
stat.

V.  
Voluntas  
& amor si-  
nis prorsus  
idem actus.

Ex qua differentia infertur primo, volun-  
tatem non esse distinctam ab amore: nam ratio  
amoris est tendere in bonum absolute siue præ-  
sens sit, siue absens: hæc autem eadem est ratio  
istius actus, qui dicitur *Voluntas*, solum videtur  
addendum, amoris nomen posse vniuersalius v-  
surpari, & significare aliquando affectionem vo-  
luntatis, siue circa medium, siue circa finem: ta-  
men loquendo de amore finis, seu boni propter  
se, non apparet, quomodo possit distinguì ab illo  
actu, qui est *Voluntas*. Quod confirmatur: nam  
hic actus amoris de se etiam est simplicissimus,  
& nullum alium supponit: ex quo fit, ut actus  
intentionis eo modo distinguatur ab amore, quo ab  
actu, qui est *voluntas*.

VI.  
Desiderium  
quomodo  
aliqui ab in-  
tentione non  
distinguantur.

Secundo colligunt multi, actum intentionis  
non distinguì ab actu desiderii, quia ita videtur  
ad desiderium comparari, sicut *voluntas* ad amo-  
rem, *desiderium* enim generali significatione quan-  
tumque appetitionem obtinendi boni, quo ali-  
quis caret, significat: & non solum ad appetitio-  
nem efficacis voluntatis, sed etiam ad imperfe-  
ctas volitiones, vel velleitates rerum etiam im-  
possibilem sese extendit: intentio vero solum vi-  
detur significare absolutam & efficacem volun-  
tatem obtinendi finem amatum per media con-  
sentanea. Quocirca si de *desiderio* non in illa gene-  
rali significatione loquamur: sed pro ut est desi-  
derium efficax finis, isto modo non videtur ha-  
berationem formalem distinctam ab intentione,  
quia habet idem formale obiectum, scilicet  
obtineri bonum absens: nam cum dicitur, de  
ratione desiderii esse, ut versetur circa bonum  
absens: non est intelligendum, desiderium versari  
circa ipsam absentiam: nam potius istam fugit,  
sed versatur sub quadam ratione, quæ necessario  
supponit absentiam, hæc autem non est sola ra-  
tio boni ut sic: nam sic indifferens est ad absen-  
tiam, & præsentiam: ergo dicit consecutionem  
boni non habiti: sed hoc ipsum appetit intentio:  
ergo: &c.

VII.  
Alii ut di-  
stinguant.

Alii nihilominus actus istos ita distinguunt.  
*Desiderium* [inquiunt] abstrahit à mediis, circa  
quæ intentio aliquo modo versatur: quod sic pa-  
tet: cum amo bonum, quo careo, statim illud  
desidero sine vlla cognitione mediorum: imo  
contingit, media non esse necessaria, & nihilo-  
minus esse desiderium: & ex hoc desiderio na-  
scitur consideratio mediorum, & intentio. Alii  
vero dicunt, desiderium non esse actum per mo-  
dum volitionis: sed per modum cuiusdam pas-  
sionis, quæ ex amore boni, & absentia eius na-  
scitur, quæ est quasi ærumna quædam, quæ op-  
ponitur delectationi de bono præsentis: & patet,

quia desiderium & delectatio opponuntur: sed  
delectatio contraria est huic ærumnæ: ergo,  
&c.

Sed prior modus mihi magis probatur, quia  
desiderium intelligi debet per modum volitio-  
nis, illa vero ærumna de qua vltima sententia  
loquitur, potius est fuga quædam, & quasi noli-  
tio ad modum tristitiæ de malo præsentis: cuius  
signum est, quia non ex obiecti bonitate, sed ex  
absentia oritur, quæ absentia apprehenditur sub  
ratione mali, & ideo opponitur delectationi non  
solum illi perfectæ, quæ oritur, bono iam conse-  
cuto, sed etiam illi imperfectæ, quæ ab spe boni  
iamiam consequendi oriri solet: & ideo dici solet  
desiderium affligere animam, non per se, sed ra-  
tione carentiæ, & ut illius ærumnæ principium,  
de qua vere dicitur, esse per modum passionis:  
desiderium vero non isto modo opponitur de-  
lectationi tanquam contrario, sed tanquam via  
termino: ille vero actus, quem secunda sententia  
dicebat esse desiderium, forte esse potest deside-  
rium quoddam inefficax: tamen si sit efficax, &  
ab amore distinctum, non potest non dicere ordi-  
nem ad consecutionem obiecti, ut satis osten-  
sum est. Quod vero illa sententia fingit, bonum  
esse potest absens, & tamen nullum esse necessa-  
rium medium fieri non potest. Et confirmantur  
hæc omnia à simili ex appetitu sensibili: qui licet  
non possit perfecte intendere finem, suo tamen  
modo potest saltem materiale. Eius vero in-  
tentio supposito amore, non est nisi desiderium:  
ergo idem desiderium perfectum in voluntate  
erit perfecta eius intentio.

IX.  
Ex his efficitur falsam esse sententiam Aureol.  
& Gregor. qui respectu finis non consecuti non  
distinguit hos actus amoris & desiderii, atque  
adeo neque voluntatem, & intentionem: contra  
quos præter dicta agemus, cum de fruitione erit  
sermo. Secundo circa finem nondum acquisitum  
solum duos actus perfectos posse habere volun-  
tatem, qui ad illius consecutionem sint necessa-  
rii, scilicet voluntatem, & intentionem: siue a-  
morem, & desiderium, imperfectos vero posse  
habere alios, qui tamen ad istos reducantur. Ca-  
ietan. vero 1.2. quæst. 16. art. 4. addidit alium actum,  
quem dicit pertinere ad ordinem intentionis,  
scilicet fruitionem imperfectam: sed tamen hic  
actus & imperfectus est in suo genere, & per se  
proprie ad ordinem intentionis non spectat: tum  
quia est de fine ut aliquo modo consequuto: tum  
quia non est actus per se ordinatus ad consec-  
utionem intentionis finis: sed est quasi passio re-  
sultans ex spe, vel propinquitate finis: qui actus  
ab autore naturæ fuit institutus, ut in intentio-  
ne finis quis facilius, & constantius perseueret.  
Maior difficultas esset de ipso actu spei, qui et-  
iam est circa finem non habitum: & per se est ne-  
cessarius, & directe ordinatus ad consecutionem  
finis. Sed dicendum est, spei actum per se non esse  
necessarium in hac quasi linea actuum humano-  
rum, sed ex accidenti circa aliquod obiectum  
quod arduum est, & excellens, ut appetitus con-  
firmetur, & communis est actibus circa finem,  
& circa medium: & tandem cum necessarius est,  
versatur circa finem, & ad intentionem re-  
ducitur: est enim quasi volitio quæ-  
dam obtinendi finem, quan-  
tumvis arduus, & ex-  
cellens videa-  
tur.

(o)

VIII.  
Vera sen-  
tentia desi-  
derium ab  
intentione  
non distinguì

Fruitio im-  
perfecta non  
spectat per  
se ad ordinem  
intentionis.

Neque etiā  
actus spei.

Quævis ali-  
quando redu-  
catur.



## SECTIO II.

*Utrum voluntas, & intentio versentur  
aliquo modo circa media.*

## SECTIO III.

*Utrum voluntas, & intentio sint actus  
liberi, vel necessarii.*

I. **Q**uestio intelligenda est formaliter de voluntate, ut voluntas est, & de intentione, ut intentio est: nam si realiter, vel materialiter idem actus, qui est intentio, potest quasi augeri & fieri electio, disputabitur infra. Dico primo: voluntas ut voluntas solum versatur circa finem, & non circa media: ita Diu. Thom. prima secunda questione octaua, articulo secundo, quia voluntas est actus simplex circa bonum per se amabilem nullum priorem actum supponens, sed hoc repugnant volitioni mediorum ut sic: ergo, &c. Confirmatur: nam fieri non potest: intellectum principiorum ut sic, assentiri conclusionibus: ergo neque voluntatem ut voluntas est, ferri in media. Dico secundo: actus intentionis vel virtute, vel expresse est appetitus mediorum in communi. Probat, quia intentio est efficax voluntas obtinendi finem: sed vel e finem absolute ut sic consequendum, est virtute velle exequi omnia media necessaria ad finem: ergo. Confirmatur: nam qui distat ab aliquo loco, & efficaciter vult fieri præsens illi, virtute vult peragere illud iter. Quod vero formaliter etiam possit, probatur: nam hic actus, volo adhibere omnia media necessaria ad finem, possibilis est, ut experientia ostendit, & videtur per se notum, quia illud obiectum est amabile, & ille actus est intentio, quia antecedit omnem consultationem de mediis, & est principium consilii, & electionis: hoc autem est proprium munus intentionis: & hoc videtur sensisse Diu. Thom. prim. & secunda questione duodecima, articulo quarto ad tertium, cum ait, motum voluntatis, qui fertur in finem secundum quod acquiritur, per ea, quæ sunt ad finem, esse intentionis.

II. **D**icendum tertio. Intentio, ut sic, non potest esse volitio aliquius medij particularis ut medium est, quia intentio, ut sic, antecedit consilium: ergo electionem: volitio vero medij particularis supponit consilium. Confirmatur primo, nam hac ratione, intentio ab electione distinguitur. Confirmatur secundo: nam posita intentione integra, & perfecta, nullum particulare medium necessario appetitur: imo si facta consultatione, vnum tantum medium reperiri contingat, potest voluntas mutare intentionem, & non velle illud: ergo intentio non est necessario coniuncta cum voluntate medij particularis, dico medij, ut medium est: quia fieri potest, ut id, quod est medium, sit alia ratione per se appetibile: & hac ratione potest intentio in illud ferri, & idem est de voluntate: fieri etiam potest, ut vnum medium ad aliud medium ordiretur: & ut sic etiam intentio versatur circa medium, quatenus habet rationem finis: Aliqui præterea addunt intentionem versari circa media particularia non appetendo aliquod medium propter finem: sed appetendo finem per tale medium, seu appetendo finem in medio:

sed hæc omnia mihi videntur verba distincta, non res.

**Q**uestionem hanc tetigimus agendo de appetitu beatitudinis: hic autem de voluntate, & intentione cuiuscumque boni per se amabilis. Et licet sermo sit de actibus voluntatis circa finem nondum acquisitum, tamen quia actus voluntatis, indifferens est, & manere potest sine etiam acquisito: de hoc etiam dicemus. Loquimur autem de voluntate quæ cum perfecta rationis consideratione procedit, & à causa extrinseca necessitatem non patitur. Item de necessitate vel quoad exercitium, vel quoad specificationem. Item de fine tam proximo, quam ultimo.

Dicendum est primo. Ante finem acquisitum voluntas particularis finis nunquam est necessaria quoad exercitium, neque proprie quoad specificationem, siue ille finis particularis sit, siue ultimus. Est communis, & probatur prima pars ex dictis citato loco, & ratio est, quia obiectum, quod voluntati proponitur, vel non ostenditur, ut omnino necessarium, & carens omni ratione mali: vel non ita aperte, & euidenter proponitur, ut & ipsa voluntas non possit subterfugere: & intellectus non possit rationem, ad actum saltem non amandum inuenire. Et hinc probatur secunda pars: nam quodcumque bonum particulare potest voluntas repudiare: quia semper illi est aliqua ratio mali coniuncta. Item in voluntate finis particularis potest peccatum committi: signum ergo est, esse omnino in potestate voluntatis. Dicendum secundo: quamuis finis particularis sit iam acquisitus, actus voluntatis manet omnino liber, quæ conclusio patet ex eisdem rationibus.

Tertio dicendum: acquisito ultimo fine, actus voluntatis circa illum est omnino necessarius. Si conclusio intelligatur de fine supernaturali, Deo scilicet clare viso, est communis, ut docuimus supra tract. i. disp. 9. sect. 1. contra Scotum & alios. Si vero intelligatur questio de fine ultimo naturali in hac vita, nunquam est necessaria ista voluntas, quia tota huius vitæ consecutio est imperfecta. Si vero intelligatur in anima separata, forte in illa voluntas est necessaria eo modo, quo diximus, cum de beatitudine ageremus.

Quarto dicendum est. Actus intentionis nunquam est necessarius simpliciter. Hæc conclusio sequitur ex prima: nam intentio supponit voluntatem, & in hoc differt ab illa: quod voluntas potest esse ante, & post consecutionem finis: intentio vero solum est ante acquisitionem, tunc sic voluntas ante finem requisita, nunquam est necessarius actus, ut dictum est in 1. conclus. & intentio solum est in eo statu, & supponit voluntatem: ergo intentio nunquam est actus simpliciter necessarius. Loquor autem de necessitate simpliciter: nam loquendo de necessitate ex suppositione, quatenus vnus actus voluntatis potest ex alio necessario oriri: hoc modo intentio sequi potest necessario ex voluntate efficaci, si consecutio est possibilis, & cognita. Et hæc tenus de prima parte tituli disputationis. Dicendum iam de secunda, id est, de cognitione, & aliis necessariis ad eliciendos hos actus voluntatis, & intentionis.

I.

II.

1. Assertio.

2. Assertio.

III.

3. Assertio.

IV.

4. Assertio.



## S E C T I O IV.

*Utrum ad actum voluntatis sit necessaria cognitio.*

Quæstio hæc etfi omnibus actibus voluntatis generalis videatur: in hoc tamen primo actu continet peculiarem difficultatem: tum quia primus est, tum etiam quia simplicissimus: atque adeo potentie cognoscentis directionem minus requirens.

I. Prima sententia negat, & tribuitur Gregorio 2. d. 25. fundamentum est, quia voluntas applicat intellectum ad cogitandum: ergo illa prima voluntas non potest procedere ex cognitione. Confirmatur, nam si voluntas velit intellectum nihil actu intelligere, id fiet, si voluntas sit efficax, ut supponimus: ergo tunc habebit actum, & intellectus nihil cogitabit. Secunda sententia inquit, in initio amoris necessariam esse aliquam cognitionem, quæ voluntatem excitet, & determinet, postmodum vero amorem posse perseverare, etiam si intellectus nihil cogitet quod experientia quadam persuadet. nam si quis de Deo cogitans excitet amorē Dei, postmodum solet amor intensus durare, intellectu nihil actu cogitante. Et ratio est, quia cognitio ad summum videtur necessaria, vt excitet & determinet voluntatem: igitur si semel sit excitata, non est, cur ille actus voluntatis in conseruari, & fieri pendeat ab actu cognitionis.

II. Nihilominus dicendum est primo. Actus voluntatis non potest ferri in incognitum. Hæc est primum principium in Philosophia morali. Sequuntur omnes Theologi 2. dist. 25. Diu. Thom. 1. 2. quæst. 9. artic. 1. & Aristot. 3. de anima, ait, appetitum moueri ab appetibili apprehenso, & experientia id videtur docere: nam illa, de quibus nunquam cogitamus, non amamus. Et ratio est, quia sicut appetitus naturæ sequitur ex forma naturali: ita appetitus elicitus ex forma apprehensa actu representante obiectum: nam quamdiu hoc non efficit, ita inhæret, ac si non esset, quod attineret ad actionem vitæ. Confirmatur: alias non posset reddi ratio, propter quam magis nunc operaretur voluntas, quam antea. Dices, propter suam libertatem. Contra: quia libertas hæc oritur ex ratione: & in appetitu sensitivo non habet locum ista ratio: ergo ille non poterit amare incognitum: ergo neque voluntas: nam necessitas cognitionis non est propter libertatem, vel necessitatem. Simile argumentum sumitur ex multitudine obiectorum, quæ amari possunt: nam si non magis applicaretur vnum, quam aliud, non magis posset tendere in vnum, quam in aliud, ergo oportet applicari per cognitionem. & hinc

III. Dicendum secundo, probabilius omnino est, voluntatem non posse durare in amore, nisi intellectus perseveret in actuali cognitione. Est communis, & ratio est, quia appetitus non magis durat, quam illud, à quo dimanat. Secundo, quia actio non potest conseruari, si non adlit obiectum conuenienter applicatum. Tertio experimur voluntatis amorem remitti cum intellectus ad alia cogitanda distrahitur: ergo si intellectus omnino ad alia feratur, & auferat cogitationem de obiecto amoris, amor omnino destruetur. Et quæ dicta sunt de voluntate actu, à fortiori vera sunt de intentione, quæ vt supra dixi, maiorem directionem cognitioni requirit.

IV. Ad fundamentum primæ sententiæ responde-

tur, primam operationem intellectus non esse à voluntate applicante: sed vel ab autore naturæ, vel ab aliqua causa extrinseca: ita D. Thom. 1. p. q. 82. num. 4. Cum autem voluntas proprio actu applicat intellectum ad cogitandum de aliqua re, semper præcedit aliqua cogitatio confusa & imperfecta, vel ipsius rei, vel accidentium, quæ excitant memoriam eius. Recte August. 10. de Ciuitat. capite 1. *Qui amat [inquit] scire quod non scit, non amat incognita, sed rei cognita scientiam.* Ad confirmationem respondetur. Ea voluntas, qua quis vult nihil cogitare, non potest habere effectum eodem instanti quo est ipsa: sed vt plurimum immediate post illud, & in eo iam ea voluntas cessabit: quod si voluntas sit pro eodem instanti, est sibi contraria, & inefficax.

Ad fundamentum secundæ sententiæ negatur illa experientia. Quod vero aliquando accidit est intellectum in principio peculiaris perfectionis obiecti considerare, vt amorem excitet: postmodum vero illas omittere: non tamen omnino desistere ab actuali representatione illius obiecti saltem in confuso. Confirmatio ex dictis manet soluta. Occurrebat quæstio, an hæc cognitio sit necessaria tanquam ratio, vel tanquam conditio solum obiecti, de qua suo loco Philosophi. Solum est aduertendum, cognitionem, vel sit conditio, vel applicatio obiecti: tamen plurimum posse conferre ad distinctionem actuum voluntatis, si cognitio ipsa non solum ex parte cognoscentis, sed etiam ex parte rei cognitæ varietur, si res eadem aliter à diuersis concipiatur, vt ab vno apprehendatur sub ratione boni, ab alio sub ratione mali, & si sit vna res, si concipiatur sub ratione honesti ab vno, ab altero sub ratione delectabilis: nam hæc cognitio variat actus non per se, sed quia applicat diuersa obiecta formalia, licet forte materiale sit idem. Si vero obiectum non varietur, diuersa conditio cognitionis, scilicet esse claram, vel obscuram, certam, vel incertam, non mutat qualitatem actus voluntatis.

## S E C T I O V.

*Qualis debeat esse hæc cognitio.*

Primum disputari potest, an sit necessaria cognitio intellectus: an sufficiat cognitio phantasia: aliquibus enim etiam Thomistis ita videtur ex Diu. Thom. 1. 2. quæst. 10. artic. 3. ad 3. dicente voluntatem non solum moueri à bono apprehenso per rationem, sed etiam per sensum. Et ratio esse potest, quia licet potentie sint diuersæ: tamen eadem anima est, quæ sensu interiori cognoscit, & per voluntatem appetit: ergo illa cognitio sufficere potest. Confirmatur. nam voluntas mouetur ad amandum actu naturali rem supernaturaliter cognitam: ergo sicut mouetur à cognitione superioris ordinis, ita potest ab inferiori.

Opposita nihilominus sententia communis est, & verior mihi videtur. Et in primis, cum sensus cognoscit, aliquid esse conueniens homini, vel intellectus idem iudicat, vel dissentit, vel nullo modo habet iudicium: si dissentiat, manifestum videtur, voluntatem non posse sequi iudicium sensus contra omne iudicium intellectus. Primo, quia intellectus est propria regula voluntatis accommodata illi ex natura sua. Præterea, quia libertas voluntatis oritur ex perfectione, & amplitudine rationis, non ex pluralitate potentiarum: ergo non est liberum voluntati appetere bona sensu proposita: sed ea, quæ ratione proponuntur.

I. Opinio Thomistarum sufficere cognitionem phantasia vt voluntas velit.

II. Contraria communis & vera.

V. Solutur fundamentum 2. Vide auctori lib. 5. de anima cap. 3.

Solutur fundamentum 1. sententiæ.



nuntur: aut si vnum est tantum amare, & non amare. Confirmatur, quia licet appetitus sensitivus appetat motum, si voluntas nolit, non fiet solum quia voluntas est facultas superior, cui appetitus subiicitur: ergo idem est de intellectu, & phantasia à proportionem: si vero intellectus nihil iudicet in primis, vix intelligi potest, quo modo id fiat: tamen etsi fieret, non posset moveri voluntas, quia appetitus sequitur esse, & formam proportionatam: ergo appetitio rationalis non sequetur nisi à forma, id est, apprehensione spiritali, & rationali. Confirmatur, quia potentia cognoscitiva, quæ potest movere voluntatem, potest eam dirigere, & illuminare, quia est magna perfectio: ergo non potest convenire potentia inferioris ordinis. Et tandem intellectus non potest per se movere appetitum sensitivum: solum, quia eius cognitio non est illi consentanea, ergo nec contra. Si denique simul iudicium sensus & intellectus conveniant, iam non à sensu, sed ab intellectu movebitur voluntas, neque illud iudicium sensus per se conferre potest, vt voluntas magis moveatur, propter easdem rationes: per accidens vero poterit iuvare, quatenus quodam modo trahit intellectum, vt secum consentiat, vel iuvet, vt rem distinctius cognoscat.

III. Ad D. Thomam Caietanum obscure respondet. Dico igitur, nomine boni apprehensi per sensum intelligere D. Thomam bona materialia indiuidua, quæ ab illo ita nominantur, non quia illa apprehensio sufficiat, sed quia hæc bona sunt, quæ primo subduntur sensibus. Ad confirmationem non est simile de cognitione supernaturali. nam illa est spiritalis cognitio, & includens rationis iudicium, quod non habet sensus.

IV. Hoc constituto explicandum sequitur, qualis debeat esse hæc cognitio intellectus. Scot. num. 2. d. 6. q. 1. dicit sufficere quamcumque apprehensionem obiecti. Fundamentum est, quia illa est aliquis cognitio spiritalis, atque adeo sufficiens applicatio obiecti, in appetitu enim sensitivo, similiter apprehensio sufficit sine iudicio, ergo. Sed contrarium verum est: quod reliqui Theologi opinantur in 2. dist. 24. cum Aristot. 3. de anima, D. Thom. loco citato: qui omnes dicunt, necessarium esse iudicium, qua de re iudicetur esse bonam, vel malam, & experientia quidem docet, nos non posse amare, nisi supposito hoc iudicio. Et ratio est, quia bonum vt bonum est obiectum appetitus, & hoc debet esse præcognitum: ergo debet præcognosci, hoc esse bonum: hoc autem est iudicium. Confirmatur, nam apprehensio indifferens est rei possibili, & impossibili convenienti, vel disconvenienti: appetitus vero est rei convenientis, & cum aliquo ordine ad existentiam. Ad fundamentum negatur minor: falsum etiam est, in parte sensitiva non præcedere aliquem modum iudicii, vt constat: nam duo animalia apprehendunt lupum: & tamen ovis fugit, & non aliud. Et ratio est, quia non solum apprehendit, sed suo modo iudicat, id sibi expedire: est enim in sensu aliquis modus iudicii, qui non à ratione, sed à naturali instinctu profuit, idem fere de pueris & amentibus sentendum.

V. Maior difficultas est, quale debeat esse hoc iudicium: Quidam volunt sufficere, iudicium speculativum, scilicet hoc esse bonum. Ratio est, quia hoc iudicio cognoscitur id quod vere bonum est, vel sub ratione veri boni. Nam speculatio tendit in veritatem, sed nihil ita movet voluntatem, sicut verum bonum: ergo. Confirmatur, quia licet speculatio non sit de se tam efficax

ad movendam voluntatem, tamē si duret, & perseveret, nonnunquam excitat affectum. D. Tho. 1. 2. quest. 9. artic. 2. ad 2. docet, necessarium esse iudicium practicum: quam sententiam aliqui interpretantur ita vt necessariū esse credant, quendam actum intellectus, quem vocant practice practicum, & imperium, & explicatur hac voce, *fac hoc*, sed de hoc iudicio, & imperio plura dicam in sequentibus.

Dico igitur iudicium sufficiens ad movendum voluntatem ad primum actum perfectum, & absolute hoc modo debere esse practicum, vt nō solum quis iudicet, hanc rem esse in se bonam, & speculetur eius perfectionem, sed etiam quasi applicet rem cognitam voluntati: quod facit cū vel formaliter, vel virtute iudicat, esse sibi hoc obiectum & conveniens, & possibile, & expedire illud amare. Et patet hoc sufficere, quia tunc fit sufficiens iudicium bonitatis, & convenientiæ obiecti. Rursus obiectum applicatur voluntati, vt patet, ex modo ipsius iudicii: ergo. Et confirmatur, nam iudicium, quod antecedit, & sufficiens est ad eliciendum hunc actum, & non necessitat voluntatem, vt sectione sequenti ostendam: ergo non potest esse, nisi id, quod est explicatum. Nam illud imperium, vt eius autores dicunt necessitat voluntatem. Confirmatur etiam, quia imperium illud, si quod est, non præcedit, sed subsequitur electionem, teste D. Tho. 1. 2. quest. 13. artic. 1. ad 2. ergo, &c. Hoc autem iudicium esse necessarium probatur primo ex Diu. Thom. Secundo, quia quando intellectus tantum speculatur: licet veritatem obiecti intelligat, tamen illam non applicat voluntati. Confirmatur, quia ad amandum non est satis cognoscere obiectum esse in se bonum: sed necesse est cognoscere, bonum esse amare tale obiectum: hæc autem cognitio practica veredici potest, cum includat ordinem ad actum voluntatis. Ex dictis in hac sectione constat de cognitione ad actum intentionis necessaria. Eodem enim fere modo loquendum est servata proportionem.

## SECTIO VI.

*In quo genere causa concurrat cognitio ad actum voluntatis: & an moveat intellectus voluntatem quoad exercitium, vel quoad specificationem.*

Nota primo, potentias animæ, quarum actio nes voluntarie esse possunt, præter vim astrictivam duo requirere ad agendum, scilicet motionem obiecti convenientem propositi, & applicationem operantis ad opus, quam censeo, semper fieri ab appetitu. Prior motio obiecti dicitur quoad specificationem, quia ab obiecto sumitur determinatio, & species actus. Posterior motio dicitur, quoad exercitium, quæ communiter esse dicitur in genere causæ effectivæ: quod non est ita intelligendum, vt potentia superior movens, & applicans, aliquid efficiat in inferiori, sed dicitur efficere, quia efficaciter movet per naturalem consensionem potentiarum eiusdem animæ, quæ ita sunt institutæ, vt vna alteri obediat, de qua re vide Augustinum de libero arbitrio cap. 12. Ex quibus colligitur primo istum duplicem motum motionis proprie solum reperiri in dictis animæ potentiis: nam reliquæ neque ita proprie habent obiectum, à quibus moveantur, & quia à natura sua sunt omnino determinatæ, non indigent intrinseca applicatione ad agendum, sed forte extrinseca per motum localem, quod indicavit

VI.

I. Notatio duplicis motionis quoad speciem, & quoad exercitium.

1. Corollar.



2. Corollar. cavit D. Thom. 1. 2. q. 9. art. 1. vbi Caiet. multa. Secundò colligitur, an, & quomodo intellectus moueat voluntatem quoad specificationē, mouet enim in quantum voluntati obiectum proponit: quocirca per se, & propriè ipsum obiectū est quod mouet. Per accidens verò intellectus tanquam applicans licet in moralibus censeatur causa per se sicut dans consilium. Sed tunc occurrebat illa quæstio, an hæc motio fiat per veram efficientiam obiecti cogniti, aut ipsius cognitionis in voluntate, vel in actu eius. In qua quæstione

II. Dicendum. Sola voluntas est totum principium efficiens suum actum: atque adeo nihil recipit ab obiecto, neque ab illius cognitione. Est D. Thomæ supra, & Scoti, & communis. Ac patet primò, quia voluntatem efficere suum actum constat, quia est actus vitæ, & debet procedere à principio intrinseco: quod verò sola efficiat, est valde consentaneum naturæ voluntatis: non solum, quia perfectè libera est sed etiam quia est quoddam pondus in suum obiectum: vnde fertur in illud ad modum aliarum rerum, quæ habent inclinationem: modus verò operandi alicuius inclinationis vt grauitatis est vt ipsa se inclinet in terminum: à termino verò moueatur finaliter, non effectiue: ideo non est necessaria alia efficacia. Secundò, quia causa finalis non est actiua: hæc autem causalitas finis sufficit ad mouendam voluntatem, & dandam speciem actui. Præterea cognitio intellectus nō potest per se & immediatè influere in actum voluntatis: nunquam enim actus vnus potentia animæ est principium eliciendi actum alterius, neq; etiam obiectum cognitum potest esse hoc principium, quia vt sic non habet aliud esse realiter, nisi esse ipsius cognitionis.

III. Dices ex Aristot. non potest esse idem principium actiuum & passiuum respectu eiusdem. Cū igitur voluntas recipiat suum actum, non potest ipsa ipsum efficere. Quare Gabriel & Nominales in 2. dist. 25. & Capreol. d. 24. Palud. d. 49. Henric quodl. 2. q. 5. Ferrar. 1. contra Gentes, cap. 23. in diuersas sententias trahuntur. Nam quidam dixerunt esse voluntatem agentem, aliam recipientem. Alij autem, actum fieri ab obiecto vel totaliter, vel partialiter. Caiet. & alij dixerunt, voluntatem habere habitum à natura in se, quo amat finem, per quem postea facit actum circa media. Sed hæc omnia facillè soluntur ex dictis. Dicendum est igitur, eandem voluntatem habere totam vim actiuam sui actus, & posse illum recipere: nam potest idem esse simul in actu virtuali & potentia formali. Addit tamen Ferrariensis 1. contra Gentes, cap. 44. finem licet non moueat voluntatem effectiue ad sui amorem, mouere tamen effectiue ad electionem mediorum. Verum neque ista efficientia propriè tribuitur obiecto voluntatis, sed vt plurimum ipsamet intentio, quæ est actus voluntatis, est ratio efficiendi electionem medij, sicut assensus principiorum est causa effectiua assensus conclusionis.

IV. De motione quoad exercitium Thomistæ, fingunt, illam necessitatem imperii communiter dicunt, intellectum illo imperio ita efficaciter mouere voluntatem ad primam volitionem finis, vt posito tali imperio non sit in potestate voluntatis non amare: & hoc modo dicunt, intellectum applicare voluntatem ad hunc actum quoad exercitium, & effectiue: citant Aristot. 6. Ethicor. à capite 8. ad 11. dicentem intellectum practicum mouere effectiue, & quoad exercitium voluntatem, vt patet in prudentia, cuius impe-

rio posito est impossibile, voluntatem non obsequere.

V. Dicendum tamen est, voluntatem in hoc actu non moueri ab intellectu effectiue, neq; quoad exercitium: quod colligitur ex D. Thom. 1. 2. quæst. 17. artic. 1. vbi ait, imperium non esse in ratione, nisi supposito actu voluntatis, à quo suam vim, & efficaciam sumit: ergo circa primum actum voluntatis non potest esse imperium. Vnde D. Thom. 2. 2. q. 47. ait imperium tantum esse de his, quæ sunt ad finem. Et Arist. supra dicit, imperium esse actum prudentiæ, cuius non est præscribere finem, sed media. Præterea probò non esse possibile imperium adeo efficax circa primum actum voluntatis, quia non potest necessitari ab alia potentia ante omnem suum consensum: nam vel intellectus necessario imperat, vel liberè: si primum, cū voluntas etiā necessariò obediat, tollitur libertas, si secundum: ergo vel ipse intellectus liber est formaliter: qd suppono falsum, vel cerè libertas illius imperij, prouenit ab alio actu libero voluntatis applicatis intellectum ad imperandum: de quo actu voluntatis rogo, an sit ante omne imperium, quadoquidem veniendum est ad vnum primum actum voluntatis liberum factum sine imperio: sit igitur ipsa voluntas finis. Dicunt quidam, imperium esse liberum, tamen non procedere à voluntate priori, sed simul intellectum imperare, & voluntatem amare, & vtrumque actum quasi sese mutuo applicare, & neutrum alterum antecedere: sed hoc neq; ex rationi, neq; intelligi potest: nam impossibile est, voluntatem per illum actum, quo amat finem, applicare illum ad efficiendum illum actum, quia actus imperatus vt sic, est effectus in, erit: effectus verò non potest applicari causæ, deinde hæc mutua applicatio non est sine aliquo genere causalitatis. ergo necessariò vnus actus debet alterum antecedere, saltem naturā: quare impossibilis est ille circulus in eodem genere causæ, scilicet effectiue applicantis. & eodem modo dici posset, voluntatem applicare intellectum ad primam cognitionem, contra omnes Theologos. Præterea vnus actiue est actus appetitus secundum omnes Philosophos & Theologos. Et tamen hic vnus est applicatio potentia inferioris ad opus: ergo non conuenit intellectui. Tandem iuxta hanc sententiam tam libera potentia, est intellectus, quam voluntas: nam æque primo vtraque se determinat libere ad suum opus: quæ omnia & absurda sunt, & non necessaria: nam posito illo iudicio, de quo supra, ponitur id solum, quod ex parte intellectus necessarium est, vt voluntas moueatur. Quare concludo, voluntatem non moueri ab intellectu ad appetendum finem, quoad exercitium actus.

VI. Ad fundamentum nego, intellectum practicum semper mouere effectiue voluntatem. Quid vero dicendum sit de prudentia, de qua Aristot. illo loco, infra dicam disputatione sequenti, nam versatur circa media.

## SECTIO VII.

A quo moueatur voluntas quo ad exercitium in actu circa finem.

Hæc quæstio proponitur propter quosdam, qui opinati sunt, voluntatem non se mouere in isto actu circa finem, sed necessario debere moueri à Deo. Fundamentum est, quia qui se mouet, debet operari ex intentione finis prius amati, quia finis est principium eius motionis: hic



hic autem modus motionis repugnat ipsi amor & intentioni finis: quam sententiam interdū videtur indicare D. Thom. 1. 2. q. 9. Alij, vt Scot. 2. d. 5. & 25. censent voluntatem mouere se ipsam in primo amore finis.

II. 1. Assertio. Dicendum est primò. Physicè voluntas se mouet, & applicat ad primum actum, quem habet circa finem. quia physicè se mouere, est efficere in se motum: at voluntas efficit in se istum motum ad finem: ergo. Item voluntas non habet potentiam superiorem, à qua applicetur, neque applicatur à causa extrinseca, vt patet: ergo. Confirmatur: nam voluntas applicat alias potèntias, dum vult hominē per illas operari? sed ipsa dum vult finem, simul vult operari circa finē; ergo. Dices, vt quis moueat se physicè, non est satis facere in se motum: sed necessarium est, vt efficiat per formam ab ipso comparatam: quia ratione graue non se mouet, sed à generante, quia tantum efficit illum motum ex vi ponderis naturalis. Respondetur, hoc magis pertinere ad modum loquendi quàm ad rem. Sed dico, illū modum loquendi non esse verum, maximè in actionibus vitæ, neque in naturalibus.

III. 2. Assertio. Dicendum est secundò. Non solum physicè, sed etiam moraliter voluntas se mouet in actu circa finem, & magis in actu intentionis, ex D. Thom. 1. 2. quest. 1. artic. 2. dicente, hominem propriè se mouere in illo actu, qui procedit ex perfecta cognitione finis, & cuius est dominus: sed prima voluntas finis, rocedit ex prima cognitione finis, & bonitatis illius: & homo est dominus illius actus, quia est actus liber. vt supra diximus: ergo, &c. Confirmatur: nā sēpè iste actus non potest referri in alium, nisi in operantem quia potest esse peccatum. Nā primus finis proximus potest esse rationi contrarius: & ideo D. Thom. supra dixit, in ipsa volitione particularis finis debere perpendi, an eius bonitas sit cōformis rationi: idē colligitur ex eodē 1. 2. quest. 6. art. 2. Imò addo non solum cum actus iste est liber, sed etiam si sit necessarius propter perfectionem finis, & cognitionis potest etiam propriè dici voluntatem moraliter se mouere in tali actu, quia ex plena potestate, & perfectione sua se applicat ad illum actū, propter quod supra suo loco dixi, illum actum esse verè humanum. Vide quæ diximus supra tract. 1. disp. 2. sect. 2. num. 9.

IV. 3. Assertio. Dicendum est tertio, voluntas à nulla causa extrinseca creata moueri potest directè ad exercitium actus. Est communis & ex parte probata in lib. de Angelis capit. ... vbi ostendimus. Angelos non posse isto modo mouere voluntatem: ergo neque reliquæ creaturæ etiam cœli: quia cœli, & reliqua agentia agunt qualitate corporea: voluntas verò est spiritualis. Dico directè, quia indirectè possunt, aliquo mediante corpore, vel appetitu sensitivo à quo, vt patet, voluntas non directè, sed indirectè moueri potest. Et per hæc excluditur error antiquorum, qui dixerunt cœlum influere in voluntatem actionem volendi: vide D. Thom. 3. cont. August. 7. de Ciuit. 6. 5. Chrysoft. hom. 56. ad populum.

V. 5. Assertio. Dicendum est quarto. Deo aliquando tribui potest ista motio voluntatis in finem, quia volitio finis potissimè inclinationi voluntatis non est contraria: hac conclusione explico ex D. Thom. in 1. 2. quest. 9. & sequenti. Nam primò Deus potest mouere voluntatem, quia cum illius actu concurret, & in illam influit: sed hoc omnino impropriè, isto enim modo concurret etiam circa media, & concurrere non est mouere. Secundò potest Deus mouere propriè voluntatē

Suarez in primam secundam D. Thom.

applicando illā ad opus vel necessariò, si velit, vt supra vidi in est, quod tamen rarò, vel nunquam facit, vel liberè: idque variis modis, scilicet ex parte intellectus per inspirationes vel ex parte potentiæ voluntatis, aut infundendo habitum, aut alio modo illam incitando, & impellendo: qui omnes modi maximè pertinent ad operationes gratiæ, licet Aristot lib. de bona fort. ad Alexand. & Plat. ex parte cognouerint, homines excitari ad bonum à Deo. Vide Augustin. 5. de Ciuit. cap. 9. Abul. quest. 23. in cap. 21 Exod. Ex quibus colligitur, istam prouidentiam aliquo modo pertinere ad prouidentiam autoris naturæ: sed hæc omnia non satis explicant D. Thom. illis in locis, quia neque in omnibus actibus circa finem, etiam bonis, intercedit hæc diuina motio, & est etiam in actibus circa media. Quare addendum est mouere voluntatem ad istum actū, eo quod sit autor voluntatis, & illi dedit propensionem ad bonum rationis, ex qua ista voluntas in finem immediatè oritur. Nam in moralibus, sicut qui consulit vel inducit, censetur causa actus ita quidat inclinationem naturalem, est causa actus manantis ab illa. Oportet autem huiusmodi actum ex bono vsu naturæ inclinantis procedere. & ideo si sit actus peccati, non referitur in Deum, quia magis est contra: quàm ex inclinatione naturali: quod indicat D. Thom. art. 6. ad 2.

Dices. Eodem modo actus circa medium tribuetur Deo. Respondetur primò. Inclinatio naturæ primò, & per se est ad bonum per se amabile: ad media verò non inclinat nisi ex intentione finis: & media voluntate, & qui amor & intentio non sunt naturales sed elici à voluntate, & ideo actus circa media, qui ab actu circa finem oritur, in ipsam voluntatem magis referitur, quàm in autorem naturæ. Exemplum esse potest in intellectu pro vt naturaliter mouetur in assensum principiorum, & se mouet in assensum conclusionum. Ex quibus colligi potest, ex illis duobus actibus circa finem voluntatem magis propriè referri in Deum, quàm intentionem: quia voluntas magis ex sola inclinatione naturæ procedit.

Argumenta Scoti probant priores duas conclusiones, rationes verò Caietan. non vrgent contra illas, quia vt voluntas verè se moueat, non est necessaria præcedens intentio finis: sufficit enim antecedere perfectam cognitionem finis, & voluntatem plena potestate ferri in illū. Quare supra tract. 1. dixi, ipsam motionem in finem esse actum humanum, & aliquo modo propter finem. Quare falsum est, volitionem finis non esse voluntariam per modum actus: contrarium enim docet D. Thom. 1. 2. quest. 9. artic. 4. ad 1. & 2. Et patet quia ille actus est in potestate voluntatis, & quia vult, efficit illum.

## DISPUTATIO VII.

### De fruitione.



IXIMVS de actibus voluntatis, qui versantur circa finem non acquisitum: sequitur, vt dicamus de actu, qui tantum elici potest, sine iam acquisito, vt expeditis actibus omnigenis circa finem veniamus ad eos, qui circa media versantur.

Q

SECTIO



## S E C T I O I.

## Vtrum fruitio sit actus voluntatis

**I.**  
**1. Sententia**  
PRIMA sententia negat, quam tenet Sot. in 4. d. 49. q. 2. art. 4. qui de fruitione beatorum loquens dicit esse ipsam consecutionem, atque addidit esse ipsam beatitudinem: ad voluntatem autem pertinere vel per modum obiecti, vel per modum actionis efficientis involuntate passionem gaudii, fauet D. Thom. 1. 2. q. 11. art. 1. ad 1. & 1. p. q. 26. art. 2. his locis indicat fruitionem esse ipsam beatitudinem creaturæ rationalis. Et Aug. lib. de morib. Eccl. cap. 3. Quid est (inquit) frui, nisi apud te habere quod diligis? Fundamentum est, quia frui est fructum capere: sed illa actio, qua quis fructum capit, est consecutio illius: ergo, &c.

**II.**  
**2. Sententia**  
Secunda sententia dicit, fruitionem esse in voluntate, & in hoc conueniunt ferè alii Theologi: tamen diuerso modo. Nam Scot. in 1. d. 1. q. 3. dicit esse amorem propter verba August. 1. de doctr. Christ. dicentis cap. 4. frui est amore alicui rei inherere propter seipsam tamen Caiet. Capr. & alii dicunt non esse amorem, sed gaudium, quod etiam indicat D. Thom. 1. 2. q. 11. art. 1. & q. 5. de potentia, art. 1. ad 15. his enim locis & fruitionem numerat inter actus à voluntate elicitos, & dicit sequi ex amore, & præsentia rei amatæ. Videatur 1. p. q. 12. art. 7. ad 1.

**III.**  
**3. Sententia**  
Tertia sententia est fruitionem non esse vnum actum, sed aggregatum ex amore, & gaudio: præcipuè tamen requirere amorem: ita Hipal. in 1. d. 1. art. 2. & quidam alii.

**IV.**  
**Notatio 1.**  
Ne solum sit questio de nomine: Nota in fructu de quacunque hæc tria esse necessaria, amare, possidere, & gaudere, & præter hæc nihil aliud. Primum patet, nam si quis amat, & nullo modo possidet desiderare poterit, sed non frui: quia frui est terminus desiderii: unde est illud Prouerb. 7. Veni fruamur concupitis. Item qui amat, & possidet, si non delectatur, non fruitur: nam qui sumit potionem amarā, quam appetebat, non fruitur. Vnde August. 10. de Trinit. cap. 10. fruimur (ait) rebus cognitis, in quibus voluntas delectata conquiescit. Secundum, nempe hæc sufficere, patet, nam qui hæc habet, quocunque alio careat, fruitur. Concludo ergo, fruitionem non esse aliquid ab his distinctum, siue hæc tria inter se distinguantur, siue non, de quo infra.

**V.**  
**Notatio 2.**  
Præterea secundò certum est, ex his tribus amore, & gaudio in voluntate esse: possidere verò pertinere ad eam potentiam, quæ tenet bonum amatum: siue illa intellectus sit, siue sensus. Neque enim audienda est illorum sententia, qui dicunt, voluptatem, seu gaudium non esse actum appetitus, seu voluntatis, sed eius potentia, quæ bonum amatum tenet: atque addidit voluptatem, quam aliquis capit, v. g. videndo esse in ipso visu, quod tenet Adam. in 1. d. 1. q. 3. quoniam cum gaudium, & delectatio tendat ad bonum sub ratione boni, vt per se constat: manifestum videtur hunc actum ad appetitum pertinere, de quo videri potest Greg. in 1. d. 1. q. 2.

**VI.**  
**Notatio 3.**  
Ex his colligitur tertio, fruitionem propriè non esse amorem, tum quia amor per se abstracta cōsecutione, & eiusdē rationis est, siue delectatio adit, siue non. Vnde Paul. scribit ad Philem. quem iam diligebat, Itate fruamur in Domino. Et præterea Aug. 8. de Ciuit. c. 9. Nemo (inquit) beatus est, qui eo non fruitur quod amat. Vnde cum 1. de doctr. Christ. dicit, frui esse amore inherere. non intelligit esse amorem ipsum: sed illam inhesionem, seu quietem, quæ ex amore nascitur,

quod etiam patet ex vi ipsius nominis: nam frui est capere fructum à re: amor autem solum dicit pondus in rem amatam.

Vnde quartò videtur ex dictis sequi consecutionem obiecti, vt sic, non habere rationem fruitionis, nisi fortè quasi gaudio informata. Vnde gaudium ipsum est, quod per se nomen istud meretur, quamuis interdum fortè significet ipsam consecutionem, quæ est causa, vel principium gaudii: sicut è contra ipsum gaudium beatorum solet dici beatitudo, quia temper est cum beatitudine coniunctum. Hæc omnia ex dictis, & ex communi loquendi modo satis videntur comprobari, & ex Augustin. lib. Octuag. trium quest. q. 30. vbi ait frui esse fructum capere: idem est modus loquendi scripturæ Eccles. 5. Qui amat diuitias fructum capiet ex eis. Vnde dico fruitionem ad voluntatem pertinere. Probatur ex dictis, quoniam est gaudium, & hæc est sententia D. Thom. Et idè in 1. 2. non egit de gaudio voluntatis. Quapropter cum art. 1. ad 1. q. 11. visionem vocat fruitionem, loquitur realiter, seu obiectiue quod ipse satis explicuit, & ibi, & solutione ad 3. & in corpore art. apertè docet fruitionem versari circa bonum, sub ratione boni, & inde concludit esse actum voluntatis.

Sed quarat aliquis, vtrum sit actus effectiuus à voluntate, vel sola passio? Scotus enim suprà de gaudio loquens dicit esse solam passionem. Item dicit fruitionem vt actio est, esse in intellectu, vt passio in voluntate. Fundamentum Scoti est, quia omnis actio voluntatis est in eius potestate: gaudium verò minimè: sicut neque dolor. Confirmatur, nam omnis actus voluntatis est volitio, aliàs esset amor, tum è contrario, quia tristitia non est nolitio: beati enim nolunt peccasse, & tamen non habent tristitiam.

Dico tamen fruitionem esse actum à voluntate effectiue productum, est D. Thom. 1. 2. q. 22. art. 3. ad 3. quam benè prosequitur Caietan. 1. p. q. 64. art. 3. Est etiam Aristot. 3. de anima textu 29. vbi ait, delectari esse operari ad bonum. Ratio potissima est illa communis, quia actus vitæ procedit à principio intrinseco: gaudium autem manifestissimè est actus vitæ. Dices, ideo procedere ab intellectu, qui etiam est principium actus vitæ: sed contra hoc est: nam vel intellectus efficeret delectationem vt cognitio est vel ratione boni, quod repræsentat, vel vt consecutio est. Non primum: nam suprà ostendi, actum vnius potentia non esse productiuum actus alterius potentia, & quoad hoc eadem est ratio de amore, gaudio, & de aliis actibus voluntatis. Secundum etiam patet, quia obiectum respectu gaudii tantum est causa finalis: & deinde non habet aliud esse reale nisi esse cognitionis. Tertium illud de consecutione etiam non placet: nam aliàs omnis voluntas effectiue fieret ab illo actu, qui est formalis consecutio boni amati: quoniam ille actus sæpe est actus alicuius sensus, & nonnunquam exterioris membri. Et præterea cum sola efficientia intellectus non possit rectè consistere vita, quæ est in hoc actu gaudii, si non fieret ab ipsa voluntate, quia respectu ipsius voluntatis est actus vitæ, & illam informat modo vitabili: hic autem modus necessariò requirit efficientiam in ipsa potentia, quæ informatur actu vitæ: & propterea hi actus sunt immanentes essentialiter. Tandem confirmatur à simili, nam impossibile est, vt vna potentia animæ per operationem ab alia productam, cognoscat, ergo neque vt amet.

Ad Scotum responderetur, actum voluntatis nonnunquam esse necessarium, vel simpliciter, vt de

VII.  
Notatio 4.

VIII.  
Gaudium esse tantum passionem putat Scot.

IX.  
Gaudium effectiue fieri à voluntate, vera sententia.

X.

Ad Scotum in n. 8.



vt de amore, Dei clare viso supra dicebam, vel ex suppositione, & hoc modo gaudium est actio necessaria, nempe ex suppositione amoris, & boni consecuti. Ad confirmationem Caietan. supra vult, gaudium, & tristitiam non esse volitionem, nec nolitionem: vnde negat, omnem actum voluntatis hac partitione comprehendere: tamen Gregor. dicit, gaudium esse volitionem: quoniam Augustin. vocat gaudium voluntatem quandam. Dico tamen: omnem actum voluntatis esse vel prosecutionem boni, vel fugam mali. Et si hoc significetur nomine volitionis, gaudium ad voluntatem pertinet: quod docuit Arist. 6. Ethic. cap. 2. Idem sentit August. 14. de ciuit. cap. 6. Vbi iactitiam consensionem, tristitiam disensionem voluntatis vocat: tamen nomine volitionis, & nolitionis, proprie videntur significari amor, vel odium: & hoc modo non conuenit neque gaudium, neque tristitia, vt statim latius dicam. Et propterea Deus habet nolitionem, & odium peccati, nullam tamen tristitiam: & in hoc sensu gaudium non est volitio, nihilominus esse potest quidam actus voluntatis, qui est vitalis, quædam quies, seu suauitas, & dulcedo quædam, quæ ab ipso appetitu in semetipso nascitur ex præsentia boni amati.

XI.

Appetitus  
sensitiuus vt  
dicatur frui

Sed vltius quæret quis, vtrum iste actus fruitionis ita sit in voluntate, vt non sit etiam in appetitu sensitivo. Respondetur, certum esse, appetitum sensitivum capere voluptatem & delectationem, non tamen ita perfecte, vt capit voluntas, sicut bona spiritalia, & apprehensio intellectus perfectiora sunt, ex his oritur gaudium: & propterea nomen fruitionis, & gaudij proprie & communiter tribuitur soli delectationi voluntatis: nonnunquam verò etiam extenditur ad appetitum sensitivum, vt patet ex illo loco 7. Prouerb. & ex Augustin. libr. Octuag. trium quæst. trigesima.

## SECTIO II.

## Quodnam sit fruitionis obiectum.

I. EX dictis hæc videntur sumi vt certa. Primum, obiectum fruitionis esse bonum sub ratione boni, quia est modus appetitus prosecutionis obiectum. Secundum, illud bonum esse debere delectabile, quia est causa delectationis in suo genere: at causa finalis non est causa delectationis, sed quod delectabile est. Dices: etiam bonum honestum est causa delectationis, imo perfectissima causa. Respondetur. Ratio, quæ delectat, sæpe est honestas: tamen ipsummet honestum bonum, prout aptum est generare delectationem, inducit rationem boni delectabilis, & sub hac ratione est obiectum fruitionis. Tertium est, hoc obiectum, & bonum debere esse consecutum. Quibus positis dubium primum est, vtrum hoc obiectum sit medium, vel tantum finis, vel si finis, an quicumque, vel solum vltimus? Ratio dubitandi est, quia August. 10. de Trinit. c. 11. ait, nos non frui ea re quam propter aliud amamus, atque adeo frui solo vltimo fine. Vnde concludit peccatum mortale esse frui creatura. In contrarium autem est verbum ipsius Aug. lib. de doct. Christi. cpa. 3. *frui est vti cum delectatione: vti autem mediorum est.*

II.

1. Assertio.

Dicendum primo. Gaudium esse potest non solum de fine in se, sed etiam de medio, quamuis ratio gaudendi, seu formale obiectum semper sit finis: nam gaudium oritur ex consecutione boni amati: sed ipsum medium est quoddam

Suarez in primam secundæ D. Thom.

bonum amatum: ergo. Vnde experimur nos delectari, quando media conuenientia obtinemus. Quod autem ratio formalis gaudij sit finis, patet, quia si illa delectatio erit extrinseca bonitate ipsius medij, iam non est gaudium medij, vt medium est, sed vt est finis, & bonum perse amabile. Si verò est de medio propter utilitatem ad finem: ratio gaudendi, est ipse finis. Quod etiam patet, quia omne bonum amatum est finis, vel ratione finis: ergo omne bonum quod delectat, est finis, vel ratione finis.

Obiicitur: am obiectum gaudij debet esse bonum delectabile, at medium vt medium est, non est delectabile, cum nullam in se habeat bonitatem, vt patet in potatione amara. Ideo dicunt aliqui, illam delectationem, quæ cum executione medij coniuncta est, non versari circa ipsum medium, quia reuera non est illud, quod delectat, sed circa ipsum finem: nam ex quadam spe illius nascitur. Sed quæstio videtur de nomine tamen reuera, quamuis disticta, v. g. tantum lic bonum vtile, tamen ipsæ verè amantur, & desiderantur non habitæ, & ipsæmet comparatæ delectant.

Dicendum est secundò, non solum finis vltimus, sed proximus etiam potest ipse esse obiectum gaudij, quod nonnunquam appellari solet fruitio, quamuis ratio hoc nomine importata in solo gaudio de vltimo fine perfectissime inueniatur. Probantur singula: nam omne bonum, quod per se amatur, & desideratur, comparatum perse etiam delectat, vt experientia constat, & ratione patet, quia desiderio respondet gaudium, sicut motui quies, cum peruenitur ad terminum: voluntas autem cum id obtinet, quod per se ipsam amabat: peruenit ad terminum: ergo. Hoc autem gaudium esse fruitionem, patet ex dictis, & ex communi modo loquendi omnium ex illa definitione Augustini, *frui est inherere rei propter seipsam*. Ratio verò vltimæ particulæ est, quia fruitio dicit quietem voluntatis: voluntas autem nunquam perfecte quiescit, donec finem vltimum consequatur: nam cum in aliis finibus non omnino sistat, quocunque obtento, semper relinquitur aliud inquirendum: & hic est frequens vsus apud Sanctos, & apud Scholasticos.

Sed inquirendum superest, quod sit obiectum huius fruitionis? an ipse finis, qui finis dicitur finis? Quod: an ipsa consecutio, quæ dicitur finis? Quo, vel formalis. Durandus in 1. dist. 1. quæst. 2. de fruitione beatorum loquens negat obiectum illius esse Deum ipsum: sed dicit, visionem ipsam vel consecutionem Dei. Fundamentum est, quia fruitio pertinet ad amorem concupiscentiæ: obiectum autem huius amoris & fruitionis, quæ ex illo obiecto sequitur, non potest esse ab amante re, & supposito distincta, sed aliquid ipsi inherens, quia debet esse bonum eius. Et confirmatur, quia illud bonum non delectat nisi vt consecutura: ergo debet haberi aliquo modo, iuxta Diuum Thomam 1. 2. quæst. 11. art. 1. ad 7. & art. 3. ad 3.

Durand. tamen in duobus errat: Primò, quia nullam agnoscit fruitionem ad amorem amicitie pertinentem. Certum est autem, posse nos gaudere de bonis amici, quia illius, propter bonum eius: & supra in materia de beatitudine ostendimus, beatos habere gaudium perfectissimum de bonis Dei: & huius gaudij obiectum sine dubio est res supposito ab amante distincta, nempe bonum amici ab illo possessum, nam in hoc quiescit appetitus amoris amicitie: verum tamen est, nomen Fruitionis magis proprie attribui

III.

IV.

2. Assertio.

V.

De obiecto  
fruitionis,  
sententia  
Durandi.

VI.

Q 2

tribui



tribui gaudio quod ad amorem concupiscentiæ pertinet: quoniam frui est fructum capere. Vnde videtur importare respectum ad commodum ipsius fruētis. Secundo errat, cum negat primum, & principale obiectum istius fruitionis non posse esse rem supposito distinctam à fruente, ut in beatis est Deus. Nam contraria est sententia communis Theologorum in 1. d. 1. ubi Gabriel *quest. 4.* Scot. & alij in 3. d. 23. Caietan. in simili *quest. 17. articul. 5.* Et ratio est, quia res, quæ est supposito distincta ab amante, potest esse per se bonum eius, & amari amore concupiscentiæ, & consequenter esse obiectum gaudij, quod ex amore isto procedit. Et inductione patet, quia amans delectatur in ipsismet delicijs, & Deus per se est summum bonum beati magis quam cætera omnia, quæ illi inhaerent, & per se est intimè illi vnitus: & tandem si ipsa visio delectat, est in ordine ad ipsum Deum. Confirmatur, quia illud est obiectum primum fruitionis in patria, quod est obiectum primum spei in via: sed hoc obiectum spei est Deus ipse, qui est merces nostra: aliàs spes non esset virtus Theologica. Cum ergo D. Thom. dicit, consecutionem esse obiectum fruitionis, loquitur de beatitudine formali, & obiecto eius per modum vnus: & hoc modo verum est, totam illam beatitudinem esse vnum integrum obiectum fruitionis: quia tamen in illo plures res includuntur, si ita illas inter se conferamus, primum obiectum fruitionis est ipsum primum obiectum beatitudinis, & amoris: reliqua verò sunt quasi secundarij. Et per hæc satis patet ad fundamentum Durand. Ad confirmationem dicitur, consecutionem quidem esse conditionem necessariam, sine qua non erit perfecta fruitio: non tamen esse primum obiectum, sed veluti perfectam applicationem obiecti.

VII. Ex quibus omnibus efficitur, duplicem esse modum gaudij, vel fruitionis: alia enim est perfecta fruitio: alia verò imperfecta: nam cum sit de fine consecuto, si finis perfectè assecutus sit, fruitio est perfecta, si sit assecutus in spe quadam: potest hinc oriri aliqua fruitio, sed imperfecta, quia illa iam est aliqualis consecutio: & hæc videtur illa fruitio, de qua Paul. *spe. gaudentes.* Dubitari tamen non immeritò potest, an duæ istæ fruitiones sint specie, vel accidentaliter distinctæ, & maximè de fruitione viæ, & patriæ. In quo vnum videtur certum, nempe fruitiones, quæ oriuntur ex amicitia, esse eiusdem speciei, quia habent idem obiectum æquè perfectè consecutum, nempe bonum, quod reuera Deus possidet, & hæc est ratio huius fruitionis. Neque refert, cognitionem eius non esse æquè perfectam, ut patet etiam in ipsis actibus amoris: tamen de fruitione quæ ex amore concupiscentiæ oritur, res videtur dubia, quoniam videntur specie differre, quia obiectum fruitionis est bonum iam consecutum, & sub hac ratione dat speciem fruitioni. At verò licet Deus in se sit idem bonum hominis concupiscentis ipsum: tamen ratio tenendi illum & possidendi omnino est diuersa: imò in via gaudium non tam est de Deo obtento, quam de Deo, qui speratur in patria.

An specie distinguantur.  
Fruitiones ex amore amicitie procedentes eiusdem sunt speciei.  
Quæ ex amore concupiscentiæ procedunt videntur differre specie ab alijs.

## VIII.

D. Thom. tamen 1. 2. *quest. 11. articul. 4. ad 2.* indicat istas fruitiones esse eiusdem speciei. Constituit enim discrimen inter fruitionem de fine non ultimo, & fruitionem de fine non perfectè habito, comparando eas cum fine ultimo perfectè consecuto: & dicit, fruitionem de fine non ultimo, differre specie ab illa: fruitionem

autem de fine ultimo imperfectè consecuto esse propriam, licet imperfectam. Et probatur ratione, quia primum obiectum, quod dat speciem fruitioni viæ, non est spes, sed ipsummet bonum diuinum, ut perfectè obtinendum: quod quidem bonum quamuis re vera obtentum non sit, tamen ratione spei, & gratiæ apprehenditur, ac si esset obtentum. Quod à simili explicatur: nam cum aliquis voluptatem capit in actu turpi, quem non exercet, cogitatione tamen illum apprehendit, ac si exerceret: voluptas illa eiusdem speciei, ac eiusdem gratiæ est cum voluptate ipsiusmet actus: nam licet obiectum in re non sit: tamen ita apprehenditur, ac si in re esset. Et potest hoc confirmari ex dictis, quia licet consecutio sit necessaria ad istam fruitionem: tamen non est primum obiectum eius: ergo quamuis ipsa non sit in re, poterit manere species fruitionis, licet non ita perfecta. Præterea cum bonum consecutum dicitur obiectum fruitionis, inte. ligendum videtur eo modo, quo bonum est obiectum voluntatis, scilicet vel verum bonum, vel apparens: ita in fruitione erit bonum consecutum, vel quod apprehenditur ut consecutum. Et hoc quidem modo potest probabiliter defendi, aliquam posse esse fruitionem in via, quæ quoad substantiam eiusdem speciei sit cum fruitione patriæ: quamuis res mihi videatur satis dubia. Addo etiam, quod aliquod gaudium potest esse tale in via, quod in eadem specie non potest manere in patria, nempe illud, quod ex ipsamet spe oritur tanquam ex principali obiecto: nam hæc manere non potest ubi non manet obiectum.

## S E C T I O III.

## Quomodo gaudium ab amore distinguitur.

PRIMA sententia negat distingui: ita Aureol. apud Capreol. in 4. d. 4. *articul. 2.* qui non distinguit in voluntate, nisi duos actus: alterum ante finem acquisitum, quem dicit desiderium, alterum post finem acquisitum, quæ dicit amorem, & gaudium. Et probatur, quia in omni appetitu tantum sunt duo, motus, & terminus: nam quid est, inquit, amare diuitias, quas non habes, nisi desiderare illas? & sic de cæteris. Et quid est amare bona amici, nisi amare illum?

Dico tamen primò amorem differre ratione sua formali à desiderio, & gaudio. Probatur primò, quia est actus separabilis ab illis. nam dari potest actus particularis, qui sit odium, & non tristitia, neque timor, ut patet in Deo, & beatis, & in nobis ipsi's aliquando experimur: hoc pacto potest dari actus amoris, qui nec desiderium sit, nec delectatio: nam quod est odium in malo, id est amor in bono. Confirmatur: nam contingit amare rem præsentem, & ideo non desiderare, neque etiam frui, vel delectari, si fortè res ipsa delectabilis non sit. Et ratio à priori ex obiectis desumenda est: quæ in superioribus ferè est explicata, quoniam amare est vitali quodam pondere ferri in bonum cognitum, illique vniri, ex quo sequitur appetitus obtinendi bonum illud, & posita præsentia sequitur gaudium quod non vnit amantem cum amato, sed potius est, ut supra dixi, quadam suauitas, quæ ex illa vnione, & boni possessione oritur, vnde sumitur confirmatio, nam desiderium, & gaudium sunt effectus amoris: ergo.

Ad



III.

Ad fundamentum Aureoli dic, in omni appetitu non duo, sed tria reperiri. nam primum omnium est pondus in finem, quod in appetitu vitæ fit vitali modo, & in illo consistit amor, & ex illo sumuntur alia duo, scilicet motus, & quies. Ad confirmationem respondetur amorem esse velle bonum eo modo, quo velle dicitur de omni actu voluntatis appetentis: tamen non est velle, si proprie sumatur pro desiderio, cuius signum esse potest amor quidam complacentiæ, quem haberi contingit circa rem pulchram & bonam, quam non desidero, si tamen habere illam complacentiam ad appetitum potius quam ad intellectum pertineat, de quo suo loco dicemus. Et ex his rationibus colligitur: supradictos actus non solum formaliter, sed etiam realiter semper distinguere, quia reuera habent effectus, & modos productionis valde diuersos. De amore autem, & desiderio nonnulla potest esse quaestio, an aliquando possint in eundem actum coalescere secundum rem, quam infra obiter expediemus agentes de electione.

IV.

Quari autem potest, quidnam horum actuum sit perfectior? Dico tamen, per se & ex natura rei loquendo, amorem esse perfectiorem gaudio. Probatur, quia est principium, & consequens, & gaudium est quasi passio amoris: nam amor est, qui efficit primam unionem inter amatum, & amantem: qua ratione aliis actibus praefertur: ergo & gaudium. Et confirmatur in amore, & gaudio charitatis [in quibus Capreol. gaudium praefert amori.] amor enim ipse est essentialiter ipsa charitas: gaudium vero est quid consequens, unde odium Dei quod opponitur amori, maius peccatum est, quam accidia quæ opponitur gaudio de bonis Dei, ut docet D. Thom. 2. 2. quaest. 34. & 35. Sed quid si amor sit inordinatus de re propter delectationem tantum: eritne tunc minus perfectus, quam delectatio subsequens? Respondetur, per se non esse necessarium: nam sæpe actus vitæ est perfectior suo obiecto, ut actus videndi, albedine visa: interdum vero contingere poterit delectationem amatam esse perfectiorem, si ex natura sua nata sit oriri ex quodam actu nobiliori, quam sit amor delectationis.

## DISPUTATIO VIII.

## De electione, &amp; consensu, deque cognitione prævia ad talem actum.



IXimus de actibus circa finem, dicendum sequitur de actibus circa media, qui ad ordinem intentionis pertinent, de quibus ego simul disputo, quia easdem difficultates continent. Et, ut dicemus, hi actus nullo fere modo distinguuntur, licet D. Thom. in 1. 2. q. 13. & sequenti, hanc doctrinam separauerit.

## SECTIO I.

## Quid sit electio, quod eius obiectum, &amp; cuius potentia sit actus.

I.

Eligere, si vim nominis consideremus, est vnum è multis separare: idque cæteris præferendo, quod intellectu nonnunquam fieri potest, sum è duabus sententiis alterum alteri præferat, Suarez in primam secundæ D. Thom.

non tam propter libertatem, quam quia rationibus, vel alio modo verisimilior demonstratur: proprie tamen eligere actus est voluntatis. Et hæc sit prima conclusio: quæ probatur primo ex communi consensu hominum: nam licet quis iudicet hoc esse melius, vel vtilius donec illud velit, non censetur elegisse. Secundo eligere est actus existens in potestate eligentis, solum autem velle, & ea, quæ voluntati subsunt, sunt in potestate hominis: nullus vero eligit, quæ necessario illi insunt: & in ipsis iudiciis eatenus est aliquis modus electionis, quatenus ab intellectu, & voluntatis consensu pender. Dices, Aristot. quasi dubitans 6. Ethic. cap. 3. concludit electionem esse vel appetitum intellectuum, vel intellectum appetituum. Respondetur, illis verbis solum indicasse, electionem pertinere aliquo modo ad intellectum, non tanquam ad elicentem, sed tanquam ad dirigentem, & ordinantem: & ideo ibidem appellat electionem potentiam consultatricem. Dices, hoc commune esse omnibus actibus voluntatis: qua ratione ergo tanquam proprium electioni tribuitur. Respondet Diu. Thom. 1. 2. quaest. 13. artic. 1. electionem materialiter esse in voluntate, quia ab illa habet substantiam suam: formaliter vero esse ab intellectu, quia ab illo habet quendam ordinem, qui est tanquam forma istius actus, quod obscurum valde est: sed exponam statim.

Nota tamen electionem, si consideremus vim dictam vocis, necessario fieri inter multa, quomodo fieri sæpe contingit in voluntate, tamen in Philosophia moraligeneralius sumitur, omnis volitio efficax alicuius rei particularis, quæ non propter se amatur, sed propter aliud, electio dicitur: quamvis contingat non fieri inter plura, sed illud medium esse vnum tantum. Et hæc sit secunda conclusio, quæ etiam est communis. Et ratio est, quia ratio volentis à fine speciem sumit: quare actus humanus per ordinem ad eundem finem eandem speciem, & essentiam retinet: siue sit vnicum medium, siue conferatur cum aliis: nam hoc accidentarium est actui morali, & per se illi non confert bonitatem, neque malitiam, & ideo si seruetur species, seruetur etiam nomen.

Dico tertio. Obiectum electionis est medium particulare ut medium, seu ut bonum vtile. Est commune, & probatur ex dictis, quia electio à voluntate, & intentione distinguitur, ut suppono: & ex illis oritur. Omnis autem volitio boni, quod per se amatur, ad voluntatem, vel intentionem pertinet: ergo electio non potest esse nisi de bono propter aliud. Similiter quod sequitur ex intentione finis, ut sic, est volitio medii propter finem: ergo illud est materia electionis: solum nota circa hoc medium versari, & intellectum & voluntatem: intellectus confert tam medium cum fine, quam media inter se, & de illis iudicat, & voluntati proponit: voluntatis vero est eligere vnum illorum.

Ex quo intelligitur quod dixit D. Thom. forma liter electionem esse ab intellectu, non intellexit [ut impugnavit Aureol. apud Capr. in 1. d. 1. q. 2. ad argumenta contra 3. conclusionem] aliquid vere esse in actu electionis, quod ab intellectu fiat, quia intelligi nullo modo potest substantiam electionis fieri à voluntate, quin tota ratio illius actus vsq; ad ultimam differentiam ab eadem potentia eliciatur: & patet in elicitor ut est voluntas medij propter finem: hæc autem est ipsa ratio formalis electionis: tamen hæc ipsa ratio formalis peculiariter quadam ratione tribuitur intellectui: quia

1. Assertio.

II.

2. Assertio.

III.

3. Assertio.

IV.



conferre vnum ad alterum est proprium opus rationis, & in tantum reperitur in voluntate, in quantum præcedit in intellectu, à quo illam vim participat: & ita explicuit D. Thom. q. 22 de veritate artic. 15. Alio modo electio dicitur pendere à ratione tanquam à forma, non simpliciter vt existat, sed vt sit prudens, vel imprudens, & hoc aperte voluit Aristotel. loco citato sexto Ethic. cap. 3.

V. Sed arguitur contra conclusionem: nam eligere contingit non solum inter media, sed etiam inter fines: nam inter bona plura per se appetibilia vnum sæpe eligimus, aliis relictis: & inter fines ultimos contingit electio: nā licet verus ultimus finis vnus tantum sit: tamen homo potest ponere ultimum finem errando in multis rebus, & ideo potest eligere inter creaturam, & creatorem: quod scriptura sæpe indicat. Et confirmatur: nam eorum est electio, quorum est consultatio, sed consilium potest esse inter bona per se amabilia: ergo. Respondetur primo: si electio solum significet amorem vnus rei præ multis, & inter multa, concedo, huiusmodi electionem posse versari circa fines, & bona per se amabilia: tamen, vt dixi, non est hæc essentia electionis, sed amare vnum propter aliud: & hoc tantum conuenit medio vt sic, & hoc sufficiebat quo ad ipsam rem: tamen Aristot. & Diu. Thom. & fere Theologi indicant, electionem inter multa solum esse de mediis. Dico præterea secundo huiusmodi electionem inter multa vel formaliter, vel virtute esse ex intentione alicuius finis præcedentis, & hoc modo vel formaliter, vel virtute esse de mediis. Quod sic patet primo. Omnis motus procedit ex intentione alicuius termini: consultatio autem, & electio est quasi motus quidam rationis, & ex intentione alicuius finis procedit: ergo. Probatur illa minor: nam consultatio est collatio quædam inter multa bona, & ideo necessario supponit voluntatem iam affectam circa bonum in communi.

VI. Dico quarto. Obiectum electionis debet esse aliquid, quod à nobis fieri potest. Duo continet conclusio: alterum obiectum debere esse possibile: & hoc certum est, quia electio procedit ex intentione efficaci finis: voluntas autem efficax nō inclinat ad impossibilia. Item quia electionis obiectum est bonum vtile vt sic: id autem quod est impossibile, non est vtile. Altera pars conclusionis est, obiectum electionis esse factibile ab eligente: ita Aristot. 3. Ethic. cap. 2. & patet inductione, nam ea, quæ non possumus facere, possumus quidem amare: eligimus autem operari hoc, vel illud, vt rem amatam consequamur. Dices: etiā eligimus res, quas non facimus, vt cibum, hunc potius quam illum: vitam potius, quam mortem & personas ad hoc vel illud munus. Respondetur: hæc ipsa exempla explicant rem: nunquam enim quis eligit rem nisi pro vt ab ipsius opere vel omnino, vel ex parte pendet, vel ad illud ordinatur, sin minus tantum potest desiderare, vel amare: vt qui diligit pecunias, tunc dicitur eligere, quando vel diligit illas inquirere, vel quando actione sua potest efficere illas suas: idem est de reliquis. Et ratio esse potest, quia nos in tantum intendimus finem, in quantum actionibus nostris possumus eum consequi: & ideo electio, quæ ex hac intentione sequitur, versatur vel in actionibus nostris, vel in rebus pro vt actionibus nostris subiectæ sunt. Dices: idem igitur erit de intentione. Respondetur. Intentio quatenus versatur circa ipsum finem obiectiuum, sæpe est de re, quam nos non possumus facere, sed tamen possumus actionibus nostris consequi, & hac ra-

tione, & pro vt aliquo modo includit voluntatem mediorum, dicit etiam respectum aliquem ad actiones nostras: quod D. Thom. 1. q. 13. artic. 4. adnotauit.

## SECTIO II.

*Verum consensus sit actus voluntatis ab electione distinctus.*

Consensus propria significatione animorum, Caut iudiciorum concordiam significat: & hoc modo non vnum actum, sed plures, vt sibi similes significat, vt habetur 1. ad Corinth. 7. Nisi ex consensu ad tempus, tamen hinc translatus est hoc nomen ad significandum voluntatem concordem cum iudicio rationis in eodem homine. Propter quod Bonauent. in 2. d. 38. quæst. vlt. dicit, istum actum non esse voluntatis, neque intellectus, sed vtrique mutuo conuenire. Verum ex communi vsu aliorum Theologorum consensus proprie significat actum voluntatis: cuius rationem tradit D. Thom. 1. 2. q. 15. artic. 2. Et alia esse potest, quia iudicium intellectus antecedit voluntatis actum, & est quasi naturalis. In potestate autem voluntatis est, illi assentiri, vel non: & ideo illa dum libere operatur, est quæ perficit consensum, licet interdum etiam apud Arist. 6. Ethic. c. 12. consensus referatur ad intellectum.

Nota tamen secundo, hoc nomen hac ratione posset tribui cuicumque actui libero voluntatis acceptantis bonum intellectu propositum, quomodo dicitur peccatum perfici consensu: & sic non est specialis actus: & non solum circa media, sed etiam circa finem versatur: quia tamen consensus proprie videtur fieri post perfectam deliberationem, & consultationem: ideo peculiariter vsurpatur ad significandum quandam peculiarem voluntatis actum circa media iam ratione proposita, & iudicata conuenientia. Et hæc propria est difficultas, an talis consensus possit esse actus alius ab electione.

Ratio dubitandi est: nam D. Thom. videtur distinguere istos actus 1. 2. q. 19. & 13. quorum distinctionem sic possumus intelligere, vt consensus, & electio ita versentur circa media, sicut voluntas, & intentio circa finem: nam intellectus primo proponit medium vt bonum, & vtile: & voluntas simpliciter amat illud vt bonum quoddam est, & conueniens, & hic amor vt licet consensus: nam est prima concordia voluntatis cum iudicio circa medium: postmodum vult illud medium vt exequendum: & hæc erit proprie electio. Et confirmatur iste modus: nam in fine ille duæ rationes formales boni vt absolute amati, vel vt cum ordine ad executionem, distinguunt duos actus: ergo idem erit in ipso medio.

Sed mihi non satis facit hic modus, quia medium vt medium non habet bonitatem nisi in ordine ad finem: ergo non potest amari nisi cum eodem ordine: ergo si amor sit efficax circa medium, necessario dicet ordinem ad executionem circa medium ipsum: non enim apprehenditur vt vtile, nisi vt exequendum: & re vera nihil aliud est velle efficaciter medium, nisi velle exequi illud. Confirmatur, quia si aliqua possit esse distinctio inter medium volutum secundum se, & in executione potius esset talis distinctio inter electionem, & vsum, vt magis patebit infra. Et tamen ipse D. Thom. 1. 2. quæst. 15. artic. 3. ad 3. dicit vbi solum inuenitur vnum medium quod placeat, non differre consensum ab electione, nisi per diuersos respectus rationis: cum tamen in vni-

I. Notatio.

II. 2. Notatio.

III.

IV.



vnico etiam medio essent distinguendi actus, si distingueretur illo modo. Addit verò D. Thom. loco citato, ubi sunt plura media, distinguere prædicto modo, quia oblata media voluntati prius placeant, & tunc consentit, postmodum vnum præferat cæteris, & eligit; sed re vera illa prior complacentia non satis intelligitur, nam vel est iudicare omnia hæc media esse vtilia, & conuenientia; & hoc est intellectus, vel est amare, & velle illa omnia, & hic actus non reperitur; quia voluntas vnum vult, cætera omittit. Cuius signum manifestum est, quia si contingat omnia illa media esse peccatum, voluntas si iudicat, non peccat in omnibus, sed in vno tantum; ergo vnum tantum vult, & vni tantum consentit.

V.

Possit tamen exponi D. Thom. ut præsentatis omnibus mediis, voluntas acceptet omnia, & singula non actu absoluto, sed conditionato, isto modo; si non esset aliud medium, isto vteretur; qui quidem actus potest aliquando contingere; id tamen non est necessarium; quod etiam ipse D. Thom. indicauit, cum dixit: *Potest autem contingere*, &c. Et ille actus conditionis magis potest dici consensus, quam electio; quia electio cum dicat vnum simpliciter præferri aliis, denotat actum absolutum. Quapropter loquendo de actu absoluto circa medium, arbitror, consensum, & electionem non esse actus distinctos, sed ex diuersis respectibus rationis recipere has denominationes. Nam quatenus voluntas vult, quod intellectus iudicat esse vtile, dicitur consensus; quatenus vero illud præfert, vel aliis mediis vtilibus, vel certe aliis rebus inutilibus non conducentibus ad finem, dicitur electio.

VI.

Dicit aliquis. In hoc actu circa medium potest distinguere amor medij, & desiderium. ergo isto modo possunt distinguere illi actus. Respondetur, proprie electionem esse ad modum desiderij, proprie electionem esse ad modum desiderij, quia est de medio ut exequendo; & ut dicam infra, electio antecedit executionem: & ideo est de re absente. tamen non supponit alium actum, qui sit veluti amor ipsius medij: sed immediate oritur ex amore finis: nam re vera voluntas non amat medium ut medium illo peculiari actu amoris, quem supra explicui, quia non proprie vnitur illi ut sic, neque bonitati eius: sed latè dicitur amare illud: quatenus omne velle est amare: & ipsum desiderium est quidam amor. Et explicatur experientia ipsa, nam nullus habet affectionem illam amoris erga portionem amaram, quæ est medium ad sanitatem: tamen desiderat illam sumere. Sed dices, quia nonnunquam experimur eligere medium, & tunc non desiderare illud, & postea oriri ipsum desiderium. Respondetur, substantiam, & essentiam desiderij, quæ consistit in voluntate rei absentis, simul esse cum electione, quia est ipsamet: tamen affectus ille desiderij qui est anxietas quædam, vel ærumna, ille non semper est coniunctus cum electione, & hoc est quod experimur postea oriri.

### SECTIO III.

*Quomodo distinguantur electio, & consensus ab intentione finis, & simul quomodo versentur circa finem.*

I.

ET ex dictis colligi potest, electionem, & intentionem hoc differre, quod intentio, ut plurimum, descendit ad media in communi: electio vero est circa medium particulare ut sic. Ex quo duplex oritur dubitatio. Prima est, utrum hæc diuersitas constituat distinctionem essentialem

inter hos actus? Secunda, utrum etiam realiter illos distinguat? Ratio prioris dubij est, quia Arist. 3. *Ethicor. cap. 2.* & D. Thom. *citatis questionibus*, videntur distinguere illos tanquam essentialiter differentes. Et ratione arguitur: nam actus distinguuntur specie ex obiectis formalibus: sed finis, qui est primum obiectum intentionis, & medium, sunt obiecta formaliter distincta: quod patet, quia habent diuersas rationes formales boni: nam finis est per se, & intrinsecè bonum: medium vero secundum quid, & denominatione extrinsecè. Confirmatur ex Aristot. 6. *Ethicor. cap. 8* & 2. *Physic. text. 29.* ita se habent intentio, & electio in voluntate sicut in intellectu assensus primi principij, & conclusionis: sed isti actus in intellectu differunt essentialiter: ergo, &c. Ex quibus videtur consequenter concludi, istos actus esse realiter distinctos: quia vnus actus secundum rem non potest habere differentias essentialiter distinctas. Confirmatur primò, quia intentio est causa effectiua electionis. Confirmatur secundo ex simili illo de assensu principiorum & conclusionis: & hanc sententiam sequutus est Gregor. in 1. d. 1. *quest. 2.*

In contrarium autem est primò, quia intentio & electio habent idem obiectum formale: nam formale obiectum voluntatis est, quod est motuum eius: idem autem est quod mouet ad intentionem, & electionem. Et confirmatur: nam idem est habitus, qui inclinatur ad intentionem, & electionem, sicut est idem habitus charitatis, qui inclinatur ad amandum Deum, & proximum: & eandem religio qua inclinatur ad honorandum sanctum: & imaginem sancti propter sanctum. Confirmatur secundo, quia alius qui vult occidere, & euaginat gladium, peccata specie diuersa committeret, quia habet actum intentionis, & electionis. Consequens est aperte falsum, & contra illud Aristot. *Qui furatur propter mæchiam magis est mæchus, quam fur.* Ex quibus videtur etiam concludi, intentionem, & electionem posse coalescere in eundem actum realiter: quia non habent essentias distinctas, & obiectum formale est vnum re vera, ex illo Arist. *Vbi vnum est propter aliud, ibi est vnum tantum.* Et confirmatur: nam ostensum est, habitum esse re vnum: ergo actus etiam potest esse vnus. Et in hanc partem videtur inclinare D. Thom. 1. 2. *quest. 8. artic. 3.* & q. 12. *art. 4.* & Caietan. *his locis*, & Thomistæ communiter, Ocham. & ferè Nominales 1. d. 1. Nota dupliciter posse intelligi eum, qui vult medium, velle simul finem: vno modo per se, & ut aiunt, tanquam obiectum quod: alio modo ut quo, seu ut ratione volendi: & hoc vel formaliter, vel tantum virtute, ut statim exponam.

II.

*Arguitur in contrarium pro formalitate identitate.*

*Arguitur etiam pro identitate reali.*

Dico primò, per electionem, ut electio est, semper est aliquo modo volutus finis, quamuis interdum sit virtualiter amatus. Prima pars patet ex illa regula, *Propter quod vnumquodque tale, &c.* sed finis est, propter quem est electio, voluta igitur. Confirmatur. nam electio, ut sic, recipit bonitatem, & malitiam moralem ex fine: ergo tali actu amatur aliquo modo finis, & eius bonitas, vel malitia. Secunda pars, scilicet non esse necessariam istam bonitatem finis semper esse formaliter amatam: patet. Interdum enim contingit, voluntatem amare medium, & intellectum nihil actu cogitare de fine: non potest autem esse aliquid formaliter volutum, nisi sit etiam actu cognitum: ergo.

III.

*1. assertio.*

Sed dices, quomodo fieri potest, ut voluntas velit medium ut sic propter solam bonitatem finis, intellectu nihil cogitante de ipso fine: Nam ut voluntas moueatur, non satis est intellectum

*III. Obiectio.*



Quorundam  
solutio.

cogitare de re amanda, sed oportet etiam cogitare de illa ut bona est, & de ratione amandi, & hic est finis. Propterea dicunt aliqui, illam voluntatem, quam experimur circa medium sine actuali cogitatione finis, non esse medii, ut medium est, sed medii propter se: ita indicat Greg. loco citato, & alii Thomistæ. Sed mihi non placet, nam experientia docet infirmum velle medicinam etiam amaram, etsi nihil cogitet de sanitate, tamen re vera non vult illam propter se: nam sepe in illa non est ratio vllavolendi illam. Et confirmatur, nam talis voluntas recipit bonitatem & malitiam ex fine: Confirmatur secundo quia alias nunquam quis amaret proximum ex vera charitate, nisi actu cogitaret de Deo, propter quem debet eum diligere. Similiter nunquam quis crederet actu vero fidei, nisi actu cogitaret de prima veritate reuelante, propter quam credit. Dico ergo, ut voluntas amet medium, non esse necessarium intellectum actu cogitare de fine: sed satis esse hic, & nunc proponere hoc medium ut conueniens, & appetibile, confusa quadam ratione, ex habitu, id est, virtute actuum præcedentium in actu exercito ferri tanquam propter finem in medium, sicut in brutis contingit instinctu naturæ apprehendere media appetenda propter finem, & moueri in illa, non cognita ratione appetendi: quamuis in re nulla alia sit, nisi finis. Ita in homine ex habitu fit simile iudiciū in intellectu, & voluntas ex eodem habitu sine expressa motione finis mouetur etiam in medium. Et simile quid est in illis exemplis adductis, & in scientia, & habitu principiorum.

V. Dico secundo, per electionem, ut electio est, potest appeti finis formaliter expresse, non ut obiectum quod, sed tantum ut ratio volendi. Hanc conclusionem docet etiam D. Thom. loco citato, & ratio est clara, quia generaliter semper potentia eodem actu fertur in obiectum, & in rationem formalem obiecti. Quapropter si intellectus actu cogitet de fine propter quem medium est amandum, & voluntas expresse illum appetat, illo actu formaliter appetit finem, saltem ut rationem volendi medium: non vero necessario appetit finem in se: tum quia in hoc distinguitur electio ab intentione: tum etiam, quia nihil est, quod tunc necessitet voluntatem ad amandum finem isto modo.

VI. Sed dices. Quomodo fieri potest, ut finis ametur formaliter ut quo, vno actu, & non ut quod, quia finis non est ratio volendi medium, nisi ut est ipse volitus: hoc autem est esse obiectum quod, & patet à simili: non enim potest quis videre colorem, & lumen ut rationem videndi colorem, quin simul videat lumen ut obiectum quod. Respondetur sicut ad dubium positum in præcedenti conclusione, satis esse, ut in virtute actuum præcedentium voluntas feratur in medium formaliter propositum, ut ordinatur ad finem: nam tunc ratione illius ordinis formaliter amatur, & hoc est, finem ut quo, amari. Et est simile in actu fidei, quando quis formaliter credit propter primam veritatem, quamuis non actu conficiat syllogismum: neque actu credat tunc Deum esse summam veritatem primam reuelantem. Illud autem exemplum de lumine, & colore non est simile: quia lumen est quoddam visibile, quod necessario immutat potentiam: & ipsa immutata, & non impedita, necessario agit: non sic est de voluntate, & intellectu. Nota tamen circa has duas conclusiones, istam qualemcumque voluntatem finis, quæ in electione continetur, vulgari sermone, & à Sanctis sæpe vocari intentionem: & hoc modo

dicat Gregor. electionem manifestam, esse intentionem occultam, quia quod volumus per se patet: quare autem velimus, sæpe latet.

Dico tamen tertio, actum proprium intentionis à proprio actu electionis aliquo modo secundum rationem formalem, & interdum etiam re ipsa distinguī: & communis, & D. Thom. supra: & probatur. Nam quando aliquis appetit finem in se nihil cogitando de medio particulari, habet verum actum intentionis, & electionis nullo modo: & è contrario, qui appetit solum medium, maxime si nihil cogitat de fine, habet veram electionem, & intentionem nullo modo: ergo illi actus habent aliquo modo rationes distinctas, quandoquidem diuersas denominationes fortuntur, & diuersa munera. Et hoc etiam confirmant rationes in principio factæ: & hinc etiam constat, re ipsa distinguī, quandoquidem separatur adinuicem, & è contrario, quod nunquam contingit, nisi in rebus re ipsa realiter distinctis. Et confirmatur exemplo amoris Dei & proximi: hos enim amores ratione formali aliquo modo distinguī patet: nam vnus est amor super omnia, & non alius: vnus est amor vltimi finis, & non alius, & re ipsa aliquando separari experientia constat.

Dico quarto. Contingit, voluntatem aliquando amare finem, & medium vtrumque tanquam obiectum quod, & tunc vnum actum solum habet qui vere est intentio simul & electio. Colligitur ex D. Thom. 1.2. quæst. 8. artic. 3. & q. 12. art. 4. Et prior pars patet, quia voluntas potest simul multa appetere per modum vnus: sed medium, & finis conueniunt per modum vnus: ergo, & ex. Confirmatur, nam intellectus potest simul aliquando versari circa præmissas, & conclusionem, quod experientia etiam videtur docere. Secunda pars, id est, tunc esse vnum tantum actum, patet primo, quia procedit ab vno habitu, & inclinatione voluntatis. Secundo, quia tendit in illa duo per modum vnus obiecti: nam licet vtrumque appetat, ut obiectum quod, tamen voluntas non sistit in vtroque per se, sed vnum ad alterum refert: ergo totus ille motus est vna perfecta tendentia in finem & medium. Et confirmatur: nam supra diximus, per actum intentionis aliquem velle & finem, & media in communi: ergo si proponatur etiam particulare medium, potest etiam ille actus se extendere ad illud: nam eadem est ferre ratio. Tandem de actu charitatis Theologi sentiunt eodem posse amari Deum in se, & proximum propter Deum. Vltima vero pars patet, quia in eo actu reperitur quidquid est de ratione electionis, & intentionis.

Sed restat in hac conclusione difficultas, vtrum res alioquin realiter, & formaliter diuersæ in vnam & eandem coalescant. Respondetur primo eo modo fieri posse, quod plures rationes formales possunt in eandem rem coalescere: ita Caiet. 1.2. quæst. 8. art. 3. & fauet D. Thom. quæst. 12. artic. 4. sed hoc non videtur satisfacere, quia nunquam contingit ut duæ rationes formales, vel res quæ aliquando possunt mutuo separari, aliquando in eadem re, & entitate conueniant. Præterea, quando duæ rationes finis eidem rei conueniunt, ut rationes quasi indiuisibiliter inhæret toti entitati, hoc autem non ita est in proposito. Quare dicendum est, actum intentionis, cum extenditur ad medium particulare per modum electionis, in re ipsa augeri per veram additionem entitatis eo modo, quo fit in augmento scientiæ: Quare electio, & intentio quando per se sumuntur separatim, res quidem sunt distinctæ, sed non integræ, & perfectæ, sed absolute constituunt vnam, si in eodem

VII.  
3. Assertio.

VIII.  
4. Assertio.

IX.



eodem obiecto simul, & debito modo coniungantur. Sicut dicendum est, etiam in simili augmento habituum. Quapropter rationes formales intentionis, & electionis ita sunt inter se differentes, sicut partes heterogeneæ totius dicuntur specie distinctæ, quamuis sint aptæ componere vnum totum: & ad hunc modum dicendum de actu charitatis erga Deum, & proximum.

X. Sed dices. Ergo simili modo quando actus intentionis se extendit ad media in communi formaliter amanda, illud erit per aliquod augmentum, quod non pertineat ad intentionem finis, sed potius ad electionem. Respondetur primo. non esse similem rationem, quia, ut dixi ipsa intentio virtute, & confuse continet media in communi, & postea idem ipsam magis explicat, sicut si aliquis confuse cognosceret principia, & postea illa magis penetraret, non variaretur essentialiter modus conclusionis: secus vero est, quando ad conclusionem descendit. Secundo, si aliquid additur intentioni illa ratione, id non pertinet ad electionem, quia antecedit omnem consultationem, & per se habet intrinsecam connexionem cum intentione finis.

XI. Ad argumenta primæ opinionis, si fiant contra istam conclusionem, Arist. esse interpretandum iuxta ea, quæ diximus, quamuis loquatur de voluntate, & de intentione, de quo actu formaliter verum est, semper esse actum per se distinctum ab actibus subsequenibus, quia habet diuersum modum tendendi in obiectum, & est prima unio, quæ semper permanet eodem modo, quamuis cæteri actus varientur. Ad primam rationem negatur, obiecta electionis & intentionis omnino distingui. Ad confirm. respondetur non esse similem rationem in omnibus: & manifeste patet diuersitas in habitibus. Est ergo differentia, quia conclusiones, quæ eliciuntur ex principiis, habent in se propriam veritatem, quæ principia manifestant: at vero medium, ut sic, nullam bonitatem habet: sed totam illam recipit ex ordine ad finem: & per hanc etiam patet ad reliquas rationes. Solum ad id de efficientia electionis circa intentionem, dico, forte non esse propriam efficientiam, sed dicitur intentio efficax, quia applicat efficaciter voluntatem ad electionem. Vel secundo, quamquam vere efficiat potest esse per modum augmenti, ita ut eadem intentio finis ipsa se augeat, & extendatur ad voluntatem medii.

XII. Sed hic sunt duo dubia. Primum est, quando medium est a naturæ per se, & propter finem, an ibi sint vera intentio, & electio: & quomodo distinguantur? Respondetur, sine dubio esse ibi rationem intentionis, & electionis: tamen de istorum actuum distinctione dicemus agendo de bonitate, & malitia. Nunc dico breuiter, frequenter, & fere semper esse vnum actum, qui secundum suam essentiam est intentio: tamen ex accidenti est electio: ut vero talis actus sit primario electio, necessarium est, ut voluntas proxime, & immediate moueatur ad rationem boni intrinseca ratione medii, & obiectum illud referat in finem alium: tunc enim primaria species primario desumitur à medio, accidentaria à fine. Si vero contingeret, potentiam ita allici à duabus illis rationibus boni, utramque proxime, & immediate intenderet, & vnam ad alteram non referret, tunc reuera essent duo actus distincti, eliciendi, verbi gratia, à diuersis virtutibus: quia differentia desumptæ ab illis obiectis essent primaria, & essentialis, & ideo non possent conuenire eidem actui.

XIII. Sed obieci: nam in intellectu tunc est vnus

actus quo iudicat hanc rem esse duplici ratione appetibilem scilicet per se, & propter aliud: ergo in voluntate erit vnus actus. Respondetur negando consequentiam. Patet à simili, nam intellectus potest iudicare vnico iudicio Deum esse in se bonum, & nobis. Et tamen voluntas non amat vno actu sub vtraque ratione: nam vnus est actus amoris amicitia: alius concupiscentia. Et ratio est, quia aliqua res possunt pertinere ad intellectum sub eadem ratione formali veri: quæ tamen diuersa ratione appetibilis ad voluntatem pertineant, & habitus id manifeste declarât in illo exemplo: nam fides ostendit Deum sub vtraque ratione, & tamen non eadem charitas amat sub vtraque ratione.

Alterum dubium est, quando medium est volitum propter finem tantum: & tamen est id propter quod aliquid est volitum, quomodo se habeat intentio, & electio. Respondetur, in re esse vnum actum, qui diuersis rationibus potest dici intentio, & electio, quando id refertur ad aliud, atque aliud ad aliud: tamen quia simpliciter tota ratio volendi illud medium sub vtraque ratione est finis extrinsecus à quo sumitur tota ratio appetibilitatis, quæ est in obiecto, ideo simpliciter, & quasi secundum substantiam ille actus est electio: tamen secundum quid, & veluti quodammodo est intentio.

#### SECTIO IV.

##### *Utrum actus electionis sit liber.*

Suppono post intentionem, & facto consilio aliquando reperiri vnum medium, interdum plura: & hæc vel æque, vel inæqualiter bona ad finem.

Est ergo prima sententia, quæ affirmat omnem electionem esse liberam, etiâ posita intentione, & vnico medio. Ita tenent Nominales. Ratio est, quod nihil tunc occurrat, quod inferat necessitatem: nam deberet esse intentio ipsa: quæ tamen cum sit actus liber, non potest necessitare. Confirmatur primo exemplis, nam si quis voluntate absoluta velit facere eleemosynam, & non possit nisi per furtum, non necessario eligit tale medium. Similiter qui vult consequi felicitatem, non necessario seruat mādāta. Secundo confirmatur ab inconuenienti: aliàs posita intentione absoluta, nullum esset meritum in electione: sicut quando actus exterior necessario sequitur ex intentione: non habet meritum: ergo, &c.

Secunda sententia affirmat existente vnico medio electionem esse necessariam: tamen existentibus pluribus solum esse liberam, quatenus voluntas potest applicare intellectum, ut inquirat plures rationes conuenientiæ, & utilitatis in vno medio, quam in alio: quas intellectus si inueniat, & iudicet esse in vno medio, voluntas necessario eligit illud. Quod si intellectus æque iudicet de vtroque medio, voluntas in neutrum eorum poterit moueri. Hanc sententiam indicat D. Thom. 1. 2. quæst. 13. artic. 6. ad 3. Caiet. ibi. Fundamentum est, quia libertas voluntatis oritur ex indifferentia intellectus: ergo facta determinatione intellectus, & posito iudicio demonstrante, hoc esse utilius, voluntas non potest non velire. Confirmatur, quia cum voluntas sit potentia cæca, debet regi iudicio intellectus: aliàs iudicium, & consilium essent inutilia, & nulla posset reddi ratio, cur voluntas hoc amaret, & non illud. Hæc sententia est Durand. in 2. 2. d. 24. quæst. 3. qui potius dicit, electionem prout est à volun-

tate,

XIV.

I. Sententia

II. Sententia.



tate, non esse liberam, sed totam libertatem esse in iudicio: nam intellectus, inquit, libere potest iudicare hoc esse eligendum, vel illud, cui iudicio necessario consentit voluntas.

III.  
1. Assertio.

Dico primo. Certum est de fide, hominem esse liberum in electionibus. Nam de fide est, hominem libere operari: precipue autem operationes hominis, & maxime humanæ, sunt electiones, quia magis versantur circa contingentia, & magis ex consilio, & ratione hominis pendent: ergo, &c. Vnde Eccles. 15. homo liber maxime dicitur, quia relictus est in manu consilii sui. Et statim adhibentur exempla de mediis, quibus potest homo libere uti. Hæreses vero, quæ ex hac conclusione euincuntur, omitto: vide in tract. 2. disp. 1. sect. 2. & libr. de gratia.

IV.  
2. Assertio.

Dico secundo. Quando vnum tantum est medium, illius electio in tantum libera est in quantum est in potestate voluntatis tollere intentionem, tamen si intentio est efficax, & illa perseueret, necessario sequitur electio. Est communis D. Thom. supra ad primum, & quæst. 10. articul. 2. ad 3. Aristot. 3. de anima text. 47. & 48. & potest colligi ex Ioan. cap. 14. Qui diligit me, mandata mea seruabit. Et ratio est, quia voluntas absoluta, si potest, facit quod vult: quia si potest, & non facit. certe non propter aliud, quam quia non vult, & quia efficaciter vult consequi finem: & potest: ergo facit: ergo si potest, vnicuique medio, illo utitur: quod si non utitur, manifestum signum est, voluntatem non fuisse efficacem, &c.

V. Nota tamen debere medium necessarium iudicari, & cognosci, & intellectum actu cogitare de illo: quoniam alias voluntas non mouebitur. Itaque oportet ut voluntas necessario hic, & nunc moueatur, medium hic, & nunc iudicari necessarium: quoniam si iudicatur necessarium, sed pro alio tempore, potest voluntas differre electionem, etiam si persistat in illa intentione. Et ratio est, quia voluntas non patitur necessitatem, nisi pro modo necessitatis medii.

VI.

Neque contra hoc obstant fundamenta primæ sententiæ in numero primo. Ad rationem dico, hanc efficaciam, & necessitatem provenire ab intentione. Neque refert, actum intentionis esse liberum: quia cum actu libero potest alius actus necessario coniungi. Et tunc ab illo necessario manat. Ad primam confirmationem negatur inductio. Ad primum exemplum dic, illam voluntatem dandi eleemosynam non esse absolutam quæ explicatur hac voce *volo*, sed est *vellem*: qui tamen actus, quia procedit ex toto affectu ad bonum honestum, existimatur ac si esset absoluta voluntas. Ad secundum exemplum responderetur, peccatorem illum non iudicare hic, & nunc esse necessariam poenitentiam, sed suo tempore. Ad secundam confirmationem aliqui concedunt electionem illam in se non esse meritoriam, sed in causa, id est, in intentione, & in perseuerantia: quia si illa intentio esset actus omnino necessarius, electio talis nullum haberet meritum: ergo signum est, totum meritum consistere in illa intentione. Sed verius dicitur, illam electionem esse in se meritoriam, quia necessitas ex suppositione non tollit voluntatem simpliciter, quia suppositio illa est in voluntate, neque est simile de actu exteriori: quia ille proxime procedit à potentia, quæ nullam habet libertatem: & ideo actus exterior est vnus moraliter cum interiori, non sic autem electio. Et ad illud de perseuerantia intentionis dico, hanc perseuerantiam intentionis in hoc consistere quod hic potius vult eligere, quam omittere intentionem: & idcirco electio simpliciter est libera, & in potestate eligen-

tis, non vero esset simile, si intentio esset omnino, & simpliciter necessaria: quia tunc non esset in potestate eligentis omittere illam: ne ad eligendum cogereetur, & ita nulla libertas maneret in electione.

Occurrebat hæc difficultas: nam sequitur, eos qui diligunt necessario Deum, cum vident illum, operari necessario omnia, sine quibus non potest conservari ille amor. Dico breuiter, quoniam res est alterius loci, frequenter solum esse necessitatem quoad specificationem: quia non occurrunt obiecta tanquam hic, & nunc necessaria. Secundo forte inconueniens non est, aliquando actum illum electionis esse necessarium: semper tamen potest manere aliqua libertas, quia potest voluntas ferri in illud medium, non ea ratione tantum, quæ necessaria est ad finem, sed propter alias rationes boni: & hoc liberum est. Quare, &c.

Dico tertio. Quando sunt plura media omni ratione equè bona, potest voluntas sua libertate eligere quod voluerit. Conclusio hæc est communis, & probatur primo: quia propositis mediis intellectus iudicat, nullum sigillatim esse necessarium: ergo habet voluntas vnde amet quod illorum placuerit, quia bonum est, & propter quid omittat: scilicet, quia necessarium non est: ergo, &c. Secundo incredibile est dicere, quod tunc voluntas maneat suspensa: nam ipsa ratio ducit ad eligendum illo modo, nam aduertere potest, esse irrationabile, medium utile non eligere, & sine amato priuari, solum quia occurrit aliud medium æque bonum. Tertio in hoc maxime casu apparet libertas voluntatis: nam si tunc non potest eligere, semper determinaretur à iudicio intellectus: quo posito eligeret, sed hoc tollit libertatem voluntatis: nam peto, an illud iudicium sit liberum, an necessarium? si necessarium, tollitur libertas: si liberum: ergo ex præcedenti actu voluntatis libero, & redibit eadem questio. Neque vero probabile est, quod Durand. dicit, iudicium illud per se esse liberum, nam cum quis non necessarium præbet assensum, quando assentit, ideo facit, quia vult: sicut quia non necessario mouetur, cum mouetur, quia vult: & idcirco credit, quia vult, &c.

Dico quartò: quando media sunt inæqualia siue materialiter, siue formaliter, siue utroque modo, liberum est voluntati eligere etiam minus bonum; semper tamen electio est iuxta mensuram intentionis, & frequentius, & ferè semper eligit voluntas sub aliqua ratione maioris conuenientia. Notandum in mediis, duo posse præcipue considerari. Primum utilitas ad finem, quod est quasi formale. Secundum aliqua propria bonitas, quod est quasi materiale: possunt ergo media esse æquè bona priori ratione, non verò posteriori: & hæc voco materialiter inæqualia: & tunc constat intentionem finis de se non magis inclinare ad vnum, quam ad aliud. Quare ex hac parte libera est electio: verum aliunde ex naturali propensione voluntatis ad alia bona, fit ut voluntas magis inclinetur ad aliud bonum, quod est quacunque ratione melius. Verum, cum hæc inclinatio etiam non imponat necessitatem, poterit tunc voluntas non amplecti illam maiorem rationem boni, atque ad eò eligere medium materialiter minus bonum. Et ita patet prima pars conclusionis, quæ confirmatur: nam illud maius bonum, ut sic, non est amatum electione, sed intentione: atqui omnis huiusmodi intentio est libera; ut supra dixi. ergo.

Notandum secundò: contingere posse, media, ut media formalia esse inæqualia, quia scilicet vno

VII.

VIII.  
3. Assertio.IX.  
4. Assertio.

X.



uno medio, vel breviori tempore vel maiori perfectione, & certitudine comparabitur finis & tunc constat, liberum esse voluntati eligere quod voluerit, quia liberum ei est intendere finem aut pro tali tempore, aut cum tanta perfectione. Et ratio est, quia intentio est causa electionis, & ideo electio commensuratur illi tanquam suæ causæ. Et confirmatur etiam experientia conclusio. Nam si quis intenderet consequi finem aut brevissimo tempore, aut summa perfectione, respectu huius intentionis medium vtilius esset simpliciter necessarium: ergo necessario eligeretur. Et per hæc patent alia duæ partes conclusionis. Patet etiam alia pars, nempe simpliciter esse liberum voluntati eligere medium, quod omnibus pensatis absolute iudicatur minus bonum, quia ad nullum determinate necessitatur, cum nullum sit necessarium, & semper potest remittere intentionem prout voluerit. Confirmatur experientia: nam quamvis simpliciter quis iudicat honestum esse melius delectabili, eligit delectabile si vult.

Ad fundamentum secundæ sententiæ dico, libertatem oriri ex ratione, non solum quia potest iudicare hoc esse melius illo: sed maxime quia potest perpendere uniuscuiusque boni pondus: propterea potest voluntas illo perfecto modo amare: id est, eo gradu, & modo, quo ipsum est amabile: & exemplum huius evidens est in libertate diuinæ voluntatis: quod confirmat omnia, quæ diximus: quoniam ex duobus æqualibus eligit quod vult, non alia ratione, nisi quia vult, & sæpe eligit, quod minus vtile est. Nostra autem libertas est participatio illius, & eandem radicem habet servata proportionem. Ad confirmationem illius sententiæ nego, voluntatem ita determinari ab intellectu, ut ipsa non se etiam determinet, imò ab intellectu determinatur, quasi quoad sufficientiam: ipsa verò se determinat quoad efficaciam: neque oportet aliam rationem huius determinationis reddere, præter libertatem, & quia vult supposita sufficienti ratione ex parte obiecti. Atque hactenus de priori parte tituli præsentis disputationis.

## SECTIO V.

### De cognitione necessaria ad electionem.

I. In hac secundam partem disputationis incidit quæ D. Thom. scribit 1. 2. q. 14. Possumus verò etiam ex dictis sumere quædam certa. Primum est, electionem debere præcedere iudicium aliquod intellectus. Secundum, oportere, ut illud iudicium sit aliquo modo practicum. Tertium, non esse necessarium aliquod aliud imperium ab isto iudicio distinctum. Quod eisdem rationibus confirmari potest, quibus in materia de intentione vñ fuimus disp. 6. sect. 4. Iam solum restat querendum, Vtrum electionem necessario debeat præcedere consilium.

II. Et dico breviter ad electionem frequenter præcedere formale consilium, non tamen semper. Nota, nomine consilii hæc non significari collationem mediorum factam inter plurá, quamvis ea fortè fuerit etymologia vocis: sed significat proprium actum intellectus hominis eligentis, in quo duo præcipue requiruntur: nempe inventio mediorum, & iudicium. Vnde constat consilium non vnum, sed plures actus includere: quoniam electionem præcedit inquisitio, quæ non fit sine discursu, & consideratione circum-

stantiarum, & difficultatum, & omnium rerum quæ ad rectè ferendum iudicium necessario considerandæ sunt. Vnde consilium nonnunquam solam inquisitionem ipsam significat. Psal. 12. *Quamdiu ponam consilium in anima mea?* Et hoc modo videtur loqui D. Tho. ferè tota q. illa 14. cum Arist. 3. Ethic. c. 3. Aliquando verò consilium significat solum iudicium, quamvis ex discursu non procedat. Et hoc præcipue tribuitur Deo, de quo Damasc. lib. 2. c. 22. interterdum utrumque complectitur. Psalmi 32. *Dissipat consilia gentium.* Genes. 49. *In consilium eorum non veniat anima mea.* Et hoc modo intelligenda est conclusio, quæ ex superiobus satis patet. Nam quando electio fit inter multa [quod sæpius accidit] oportet, omnia illa esse iudicata, & proposita per intellectum: & communiter esse inuenta, & considerata. Tamen certum præterea est, hunc modum consilii neque semper, neque in omnibus æquè procedere, vel esse necessarium: nam de rebus minimis, vel de per se motis non est consilium. Ex quibus constat, etiã materiã consilij, & electio nis ferè esse eandem nepe actiones nostras, vel quæ his actionibus subiiciuntur, vel ad illas conferunt. Solum addendum est, materiã consilij esse graviore, quia ratione inquisitionis multa in consilio considerantur, quæ postmodum non cadunt: licet eorum notitia ad bene eligendum cõducatur: & per hæc satis videtur exposita doctrina D. Th. q. 14.

Solum id quod art. 5. dicit, consilium fieri modo resolutorio, quoniã à Caiet. obscure exponitur, breviter dicam. Resolutio ergo & compositio proprie ad totum, partesque dicit ordinem: nam compositio totum ex partibus, & in illas resolvitur: tamẽ quia sunt causa totius, ideo processus à causa ad effectum dicitur compositivus ab effectu ad causam resolutorius: in consilio ergo inquisitio proprie procedit ordine resolutorio, & de hac loquitur D. Th. Et ratio est, quia in inquisitione consideramus res secundum ordinem causæ ad effectum, quem in se ipsis habent non prout sunt in intentione: id est, finis prout est aptus fieri per hoc medium, & hoc medium per aliud, & sic vsq; ad ultimum medium in hac resolutione fit posterius quod postea primum est in executione. Nam quia in hoc discursu consideratur finis ut est effectus à parte rei: ideo dicitur resolutorius discursus: tamen in iudicio ferendo in ordine ad intentionem, & electionem versatur ordo compositivus, quia procedit à causa finali ad suum actum.

Ex dictis facile solvitur aliud dubium, quod citata q. art. 5. etiam tangit D. Thom. an scilicet in appetitum possit esse electio, & in sensu, consilium? Respondetur ex dictis, non posse, quia sensus non potest vi sentiendi, media inter se, aut cum fine cõferre. Et ideo in sensu semper est aliquod materiale iudicium de obiecto appetendo sine vera collatione cum aliis: & hoc vocat D. Th. animalia bruta esse determinata ad vñ; quia iudicium est determinatum ad vñ, licet possit postea variari. Est casus vulgaris, si bruto proponerentur duo obiecta æquè appetibilia. Dices, utrumque appeteret per modum vnius; quod quidẽ verum esset si posset illa per modum vnius apprehendere, ita ut in utrumque simul posset moveri. Sed casus est, quando vnum repugnat alteri. Et dico breviter durare illa æqualitate brutum in neutrum moveri, quia non potest habere principium motus, quod est determinatum iudicium, & efficax appetitio: determinatur enim ab obiecto. Et tunc obiecta se semper impediunt, quia æqualiter agunt, & resistunt. Dico, durante æqualitate, quia facillimè posset fieri inæqualitas, & quacumque circumstantia mutata, mutaretur iudicium, ut sic caput moveret, v.g. quod casu, & contingenter evenit.

Aliud



V.

Aliud dubium etiam resoluitur de homine nō habente vsum rationis, an in illo sit electio propriè? Dico primò esse quendam modū electionis multo magis proprium quàm in brutis, quia potest media cum fine, & inter se cōferre. Vnde interrogatus amens rationem reddit, propter quā hoc potius, quàm illud eligat. Et ratio à priori est, quia in hoc non est omnino impedita operatio rationis, vt suo loco vidimus. Tamē aduerte secundò, illam electionem non esse propriè humanam seu moralem, quia in illa amens, vel puer non habet dominium, neque fit ex perfectōe consilio, & potestare operantis. Et ratio summi potest ex dictis suprà de voluntario quia tūc ratio sequitur iudicium sensus, & non per se, & propria virtute iudicat, voluntas autem comitatur tunc intellectum. Vide Caiet. 2. 2. q. 88. art. 1. & 1. 2. q. 6. art. 2. ad 2. & 1. p. q. 82. art. 1. ad 3. Aristot. 1. mag. mor. cap. 16. & Victor. in relect. de perueniente ad vsum rationis.

VI. Qui peculiariter circa hoc interrogat, an possit quis in aliquo medio carere vso rationis ad eligendū, & habere in omnibus aliis. Dico breuiter ex par uiter, & nota primū, vsum rationis dupliciter posse perturbari: vno modo permanenter, & quasi in habitu, vt quando læsio, & indispositio sensuum prouenit ex ægitudine permanente, & ita sentio de amente, vel ebrio: alio modo quasi in transitu solum vt in illo, qui ira, vel furore agitur. Priori modo non credo posse cōtingere aliquem in vna materia posse vti ratione, & non in aliis. Et ratio est, quia facultas ratio cinandi potius pendet ex effectu, quàm ex modo, & ex intelligentia principiorum. Principia autem, & modus ratio cinandi eiusdem rationis, & ordinis sunt, præcipuè in materia morali. Et ideo quod propter impedimentum sensuum non potest, vel resta ratione iudicare de aliquo principio, vel conuenienter ex illo colligere, eadem ratione non poterit in reliquis: quia eadem virtus rationis requiritur: neque indispositio sensus potest esse talis, vt de se magis impediatur in vna materia quàm in alia. Quod si aliquando videantur isti homines vt cordati loqui, id vel casu, vel ex consuetudine aliqua præterita accidit: contingere autem potest hominem alias rectè dispositum ad vtendum ratione ita esse affectum in aliquo negotio, vel materia vt illa proposita statim vehementer commoueat. & organum phantasie alteretur. Et ideo eo tempore non potest vti ratione: tamen pro tunc indispositus verè est in quacunque materia.

VII.

Aliam difficultatem huc pertinentem tractat D. Thom. 1. 2. q. 15. art. 4. an electio requirat directionem superioris rationis, vel sufficiat inferioris: sed quia quod hic est difficile, pertinet ad materiam de peccatis dico breuiter, electionem, vel consensum, quatenus actus humanus est, & liber, per se dirigi posse non solum à ratione superiori, sed etiam ab inferiori. quia ratio inferior verè ratio cinatur, & iudicat, licet per principia inferioris ordinis: tamē prout is actus habet rationem culpæ, interdum inferiori rationi, interdum superiori tribuitur, vt eo loco latius dicam.



## DISPUTATIO IX.

## De usu, &amp; imperio.



IXIMVS de actibus pertinentibus ad ordinem intentionis: nunc breuiter de his, qui ad ordinem executionis pertinent, de quibus D. Thom. 1. 2. q. 16. & 17.

## SECTIO I.

## Quid sit vsus, &amp; quod eius obiectum.

V Sus apud Theologos, omisis aliis significationibus, à fruitione distinguitur, & illi quasi opponitur, ex Aug. de doctr. Christian. cap. 3. vbi ait vti esse id, quod in vsu venit, ad id, quod amas obtinendum, referre. Nota tamen, in re amata propter aliam posse versari & electionem, & facultatem etiam aliquam inferiorem eam rem exequendo. Et in hoc ultimo consistit, vel perficitur vsus: & ideo D. Thom. dixit, vsum significare applicationem ad operandum: sciendum autem est, applicationem potentie exequentis non habere rationem vsus, nisi vt est actio voluntaria ad finem ab ipso operante relata, & ideo bruta non videntur propriè, quapropter in ipso met vsu distingui debet & actio exterior ipsius potentie, quæ ad exequendū opus applicatur, & actio interior illius potentie, quæ exteriorem applicat. Dicunt ergo quidam, vsum propriè esse illam actionem externam, & ideo vsum non esse actum elicited à voluntate, sed imperatum. Alii verò cum D. Thom. dicunt interiorem illam actionem esse vsum: & consequenter dicunt esse elicited à voluntate. Sed fortè dissentio est in verbis, nam in re constat vsum compleri in ipsa executione. Certum etiam est, præcedere ante istam executionem aliquem actum interiorem appetitus, qui est causa exterioris actionis humanæ. Quare non mihi displicet illa distinctio communis vsus in actiū, & passiuū, iuxta quam.

Dico primò: vsus actiuus est actus elicited à voluntate. Probatur, quia voluntas est, quæ mouet ceteras potentias ad operandum: sed non mouet, nisi per actum ab ipsa voluntate elicited: ergo per illum vtitur inferioribus potentiis, & actibus earum. Imò & intellectu & se ipsa, quatenus se ipsam applicat ad exercitium actus.

Dico secundò: vsus passiuus est in exteriori potentia exequente. Patet, quia est vsus procedens ab vti actiuo: & ideo dicitur passiuus, quāuis respectu i: sui rei exterioris, vel interioris extrinsecè habeat quamdam actionem actiuam: sic enim motione manus vtor calamo, & dici potest actiuus secundarius: vide Dur. in 1. d. 1. Sed dices, etiam actus appetitus sensitiui habet rationem vsus. Respondetur breuiter: in homine hic appetitus non potest mouere alias potentias, nisi consentiente voluntate: & ideo consequens vsus tribuitur voluntati, præcipuè moraliter. Et præterea vsus, vt suprà dixi, propriè importat actum perfectè voluntarium: & propterea ipsamet motio appetitus sensitiui non habet rationem vsus, nisi vt subest voluntati. Et his facile definitur, quod sit obiectū huius actus.

Vnde dico tertio: vsus propriè est de mediis. Est D. Thomæ, & omnium ex August. suprà, & probatur ex vi nominis: nā vsus significat motum.

I.  
Varia vsur-  
pationes vsus.

II.  
1. Assertio.

III.  
2. Assertio.

IV.  
3. Assertio.



tum quemdam. Et confirmatur; nam vsus versatur immediatè circa nostras actiones humanas, quæ sunt media ad cognoscendum vltimum finem ex August. 11. de Ciuit. cap. 25. Et ex hoc colligitur propriè, & immediatè vsus, qui est actus voluntatis, versari circa interiores potentias, & actiones hominis; quia est applicatio potentiarum ad opus: tamen ex consequenti, & mediatè versatur circa res exteriores, prout eas ad nostras actiones ordinamus, vel prout sunt materia nostrarum actionum; quapropter nulla re vti dicimur, nisi subiecta sit nostræ voluntati. Quod varijs modis contingere potest, nam aliquando subijcitur tanquam instrumentum; aliquando tanquam materia, vel obiectum; aliquando solum, quia est nobis illa res com-  
moda.

V. Sed obiicies; nam sequitur, nos non posse vti Deo contra August. Probatur, quia est nobis valde vtilis; & possumus illum diligere propter nostrum commodum. Confirmatur primò; nam beati saltem dicuntur vti Deo tanquam obiecto, & speculo, in quo omnia vident. Confirmatur secundo, nam vtimur sole, & Angelis etiam; quæ tamen res non subsunt nostræ voluntati. Respondetur ad argumentum primum, nos non vti Deo, sed possumus vti actionibus circa Deum, id est, amore secundo. Aliud est, Deum esse vtilem nobis, & ideo amari; quod interdum fieri potest amore etiam honesto, licet non perfecto. Aliud est vti Deo, quod fieri recte non potest; tum quia non est in potestate hominis, applicari Deum ad efficiendum id quod sibi est vtile; tum etiam quia licet amor Dei possit referri propriè in nostram vtilitatem, tamen non vltimate, sed tandem debet terminari in ipsummet Deum. Vnde ad confirmationem respondetur, beatos non propriè vti Deo: præcipue quia operationes, quas beati exercent circa Deum, sunt necessariæ, quæ tamen, vt ex dictis patet, debent esse liberæ. Ad confirmationem secundam respondetur, non esse locutiones illas ad eòd proprias: omnes tamen dicunt ordinem ad nostram voluntatem, & operationes. Vt enim sole quatenus est in potestate mea, non illum mihi, sed me illi applicare: & quodammodo vtimur Angelis, quia volumus iuari orationibus, vel auxilijs eorum.

## SECTIO II.

### *Vtrum vsus sit actus ab electione distinctus.*

I. Prima sententia negat, ita Aureol. apud Cap. in 1. d. 1. q. 2. Fundamentum est, quia habent idem obiectum, nempe bonum propter aliud appetendum. Confirmatur, nam supra dixi, electionem esse voluntatem efficacem, ex qua sequitur opus. Sed hæc eadem est ratio vsus: ergo, &c.

II. Secunda sententia communis Thomistarum est, hos actus ex proprijs rationibus semper esse distinctos: fundamentum est, quia electio est quasi simplex voluntas, & intentio circa finem: vsus autem non sic. Confirmatur primò, quia electio sequitur immediatè post iudicium consilij, & antecedit executionem, vsus vero non est, nisi in executione ipsa. Vnde non sequitur immediatè post iudicium, sed post electionem, & imperium. Confirmatur secundo: nam vsus non propriè versatur circa medium, sicut electio, sed circa potentiam exsequentem, quod ad opus applicat.

Suarez in primam secundæ D. Thomæ.

Nota, electionem duobus modis posse fieri: vno modo quasi abstractiue, determinando scilicet medium, non tamen omnes particulares circumstantias, scilicet hîc, & nunc, & hoc modo exequendas. Secundo modo potest fieri electio cum totali determinatione circumstantiarum particularium.

Dico primò. Electio cum sit priori modo, non est vsus. Hoc probant rationes secundæ sententiz, & præcipue, quia ex vi huius electionis potentia non applicatur ad vsus. Et de hac electione intelligendus est D. Thom. cum 1. 2. q. 16. art. 4. dicit electionem antecedere vsus: moraliter enim, & ferè semper ita fit, vt prius fiat consilium, & electio de medio secundum se, quam tractetur de executione: licet interdum accidat, ad eòd esse breue tempus, quod inter electionem, & vsus intercedit, vt vix percipiatur.

Dico tamen secundo, per se simpliciter loquendo, necessarium non esse electionem tẽpore antecedere vsus. Et tunc electio, & vsus non sunt actus distincti. Prior pars probatur, quia nihil impedit quo minus intellectus subito determinet medium, & circumstantias omnes, & voluntas in eodem instanti, in quo eligit medium, eligat circumstantiam, & actualem executionem. Secunda vero pars patet ex fundamentis primæ sententiæ: & præcipue, quia ex vi talis electionis sequitur actio potentiz exsequentis.

Dico igitur tertio. Electio, & vsus secundum se non videtur actus formaliter, vel essentialiter distincti: sed frequenter differunt secundum maiorem, vel minorem determinationem circumstantiarum. Patet ex dictis, & ratio præcipua est, quia isti actus tẽdunt in obiectum sub eadem ratione boni, nempe vt est vtile ad consequendum finem. & hoc est essentialiter: illa vero alia differentia videtur plane accidentaliter. Et hoc est iuxta confirmationem primæ sententiæ. Neque obstant argumenta secundæ.

Quare ad fundamentum respondetur, electionem etiam versari circa medium in ordine ad executionem: vnde, quod hæc executio vel statim, vel in posterum determinetur, non arguit differentiam essentialiter, sed solum secundum magis & minus accidentaliter: & ratione huius maioris determinationis fit vt ad vsus sequatur opus, & non ad electionem, quando fit sine ista determinatione: quia exercitium operis requirit determinationem omnium circumstantiarum. Ad secundam respondetur ipsūmet vsus potentiz exsequentis esse velut vnum ex medijs necessarijs ad consequendum finem. & ideo eandem rationem boni, & appetibilis participat: vnde non arguit distinctionem essentialiter. Secundo non sequitur, ad executionem operis esse necessarium vt voluntas directe, & quasi in actu signato velit applicare potentiam exteriorem ad opus: sed satis est, hîc & nũc velle istum effectum, nã statim propter naturalem connexionem potentiarum sequitur opus, vt maxime patet in vsu ipsius intellectus. Et ita intelligitur facile D. Thom. in illo art. 4. ad 1. & 3.

## SECTIO III.

### *Quis actus intellectus antecedit vsus, & simul quid sit imperium, & quomodo distinguatur ab vsu.*

I. Vtiores omnes conueniunt, reperiri in nobis *Datur in internum quoddam imperium*, quo nobis *nobis imperium.*



ipsis imperamus; quoniam imperare est inferiorem mouere, & ordinare opus. Homo autem per potentias superiores se mouet, & ordinat ad operationes inferiorum potentiarum: unde in nobis distinguimus actus elictos, & imperatos, ut infra dicitur: vide D. Thom. quodlib. 9. art. 12.

Itaque dari imperium certum est: quid autem sit, non constat inter autores. Multi censent esse ipsummet usum actiuum voluntatis: ita Scot. in 2 d. 36. d. 1. Med. Codice de penitentia tract. de oratione. 2. Fundamentum praeceptum est, quia finis imperij est mouere, & ordinare: sed mouere inferiores potentias est proprium voluntatis, ut constat ex dictis. Ordinare etiam, inquit Scotus, conuenire potest voluntati, vel per se, quia potentia immaterialis est: & hoc sufficit, vel saltem quasi per participationem ab intellectu. Confirmatur: nam imperium proxime respicit executionem: ergo est illud, ex quo immediate oritur executio. Oritur autem immediate ex usu actiuo voluntatis, ut ex dictis patet. & in potentiis brutorum ostenditur manifestè. Nam motiones exteriores ab appetitu manant sine aliquo alio imperio.

**II.** Secunda sententia affirmat actum imperij pertinere ad intellectum. Ita D. Thom. 1. 2. quest. 17. artic. 1. & quest. 90. art. 1. Caietan. his locis. Scot. 1. de iust. q. 1. artic. 1. Tamen Thomistae non conueniunt in explicando rem hanc. Nam quidam dicunt hoc imperium antecedere actum voluntatis. Alij electionem: alij, solum esse post electionem, sed ante usum. Alij etiam volunt, esse post usum actiuum voluntatis, & immediate cadere in potentiam exequentem. In hoc tamen conuenire videntur, quia omnes putant, istud imperium esse actum distinctum à iudicio intellectus, & consistere in impulsu quodam, qui explicatur hac voce, *fac hoc*, Et Arist. 3. Ethic. cap. 10. manifeste distinguit imperium à iudicio, & utrumque dicit esse actum prudentiae. Et ex August. 15. de Ciuit. c. 7. Fundamentum proprium est, quia intellectus est ordinare vnum ad aliud, & hoc est effectus imperij.

**III.** Suppono primò, nos hic loqui de imperio, quo quis sibi ipsi imperat: nam de imperio, quo aliis imperat, agendum est in materia de legibus: licet hinc petenda sint fundamenta. Secundo suppono, hominem dupliciter seipsum mouere, & sibi imperare. primo, quasi in actu exercito, dum se mouet ad aliquid agendum: quamuis explicitè non exprimat illum actum, *fac hoc*. Alio modo quasi in actu signato vel expressè signando illum actum, iuxta illud, *Spera in Domino*: & illud, *Conuertere animam meam in requiem tuam*.

**IV.** His positis hæc cenfeo in re probabiliora. Primum ante electionem antecedere iudicium practicum, & non alium actum ab illo distinctum, qui possit dici imperium. Hoc supra dixi, & probaui. Secundum post electionem illam, quæ abstrahit ab executione ante usum, natura saltem præcedere, & necessarium esse aliud iudicium magis practicum in hoc distinctum à iudicio, quod præcedit electionem, quia immediatius attingit opus, & omnes determinatas circumstantias necessarias ad operis executionem. Et hinc est quod vehementius etiam mouet voluntatem non tam virtute sua, quam virtute electionis iam factæ. Ratio est, quia ante omnem actum voluntatis debet antecedere iudicium intellectus illi consentaneum, à quo dirigatur, & illuminetur. Sed usus actiuus est actus voluntatis, qui aliquid addit illi electioni iam factæ. ergo, &c. Et hoc iudiciū merito dici solet practice practi-

cum seu omnino practicum; quia omnino, & prorsus ordinatur ad executionem operis, & magis inclinat ad vincendam difficultatem operis, quæ tempore executionis maior semper apparet, quàm in consultatione, & electione abstracta.

Tertium, præter hæc duo iudicia practica reperiri in nobis actum illum, quem experimur, cum nobiscum ita loquimur interius. *fac hoc*, qui actus non est iudicij, sed interior quædā locutio, qua homo sibi ipsi explicat vel rationem, vel voluntatem operis exequenti. Nam sicut exterius alios alloquimur, vel enunciando, vel imperando: ita etiam interius nobiscum: & hæc interior locutio, sine dubio, est actus intellectus, quia fit per conceptus interiores, & quia est expressio proprii iudicij, vel affectus.

Quod si quæras, quomodo fiat, arbitror, illum actum non existere, neque fieri per conceptum, quem vocant vltimum, sed per conceptus non vltimos ipsarum vocum non solum interius apprehendendo voces ipsas, sed in actu exercito, seu loquendo per signa mentis, quæ vocibus correspondent: quod patet in interiori locutione per modum optantis. Nam si consideremus, quod sit vltimum significatum huius internæ locutionis, *vtinam hoc fieret*: illud certe non est, nisi desiderium voluntatis. Et tamen locutio illa in intellectu est, quæ fieri non potest, nisi dicto modo: ergo similiter in proposito.

Sed quæres, an iste actus antecedit, vel sequatur voluntatem? Respondetur ex Augustin. 8. lib. Confess. cap. 9. dicente; *Imperat sibi animus vt velit, qui non imperaret, nisi vellet*. Hoc ergo imperium, si efficax est & verum, absolutam voluntatem supponit. Nam si fiat sine vlla voluntate, est fictum, & tantum verba: si vero voluntas, quæ antecedit, sit inefficax, ipsum etiam inefficax erit. Et ratio est, quia tota efficacia mouendi est à voluntate. Dices, Ad quid ergo est iste actus? Respondetur: non est quidem per se necessarius, ut voluntas, aut exterior potentia moueatur: tum quia voluntas antecedit, tum etiam, quia potest esse motio, ut experimur: tum etiam, quia nulla potentia percipit illud imperium, nisi ipse intellectus. Est tamen utilis iste actus, ut voluntas ipsa, & totus homo magis moueatur, vel ut citius aggrediatur executionem, vel constantius in ea perseueret, quia dum homo sibi ita imperat quasi supra seipsum reflectitur, & fit sibi superior: & denique quia ipsa locutio nescio quomodo vim habet mouendi, & incitandi animum.

Quartum, præter dicta iudicia practica, & istam locutionem, nullum esse actum intellectus, qui dici possit imperium, patet: quia nullus alius actus est necessarius neque ad mouendam voluntatem, neque ad potentiam exequentem. Primum patet ex dictis, quia ostensum est, voluntatem vel sufficienter moueri dictis iudicijs practicis: vel etiam necessariò, si aliquis actus in voluntate præcedat, cum quo alius actus necessariam connexionem habeat: quam connexionem intellectus per iudicium proponit. Secundum patet etiam, & ostenditur argumentis prioris sententiæ. Et constat ex Aristot. 3. de anima c. vlt. & ex D. Thom. illa q. 17. art. 8 ad 1. potentias exequentes non applicari immediate, nisi ab appetitu.

Præterea non potest intelligi talis alius actus. Nam omnis actus intellectus, vel est apprehensio, vel iudicium, vel locutio. Et ratio est, quia intellectus essentialiter, & adæquatè, est potentia cognoscitiua: potentia autem cognoscitiua duo tantum potest efficere, nempe cognoscere quod

V. Tertium.

VI. Quomodo fiat actus interior imperij?

VII. An istud imperium ante te vel post voluntatem existat.

Non est necessarium, sed utile.

VIII. Quartum probabile in hac quasi.

Probatum primo.

IX. Probatum Secundo.



quod non fit, nisi apprehendendo, & iudican-  
do, & exprimere quod cognouit, nempe lo-  
quendo: ergo, &c. Confirmatur, quia quicquid  
voluntas efficit, efficit per modum potentie  
appetentis. Unde si mouet, & applicat exte-  
riores potentias ad opus, id non facit, neque  
potest, nisi appetendo, & volendo: ergo simi-  
liter intellectus, quicquid operatur, efficit  
per modum potentie cognoscitiue: vel certe si  
non potest illi accommodari, tanquam cognos-  
centi, nullo modo potest fieri, etiam ad qua-  
estione de nomine pertinere videtur, cui isto-  
rum actuum accommodari debeat nomen, &  
ratio imperij, quæ est mouere cum ordina-  
tione.

Et dico breuiter primo, vsum voluntatis sæ-  
pe dici imperium, id constat ex D. Thom. 1. 2. q. 71.  
art. 6. ad 2. & 2. 2. q. 4. art. 2. ad 2. quibus locis vo-  
luntatis dicit esse imperare cæteris potentiis, et-  
iam intellectui. Et eodem modo, vt dictum in-  
fra, vnus actus voluntatis imperatur ab alio a-  
ctu eiusdem, vt actus misericordie ab actu cha-  
ritatis. Et ratio huius locutionis sumi potest  
ex dictis in prima sententia: & quia imperare  
est habentis dominium: voluntas verò est, quæ  
quasi habet dominium omnium actionum hu-  
manarum.

Dico tamen secundò. Actus intellectus dicitur  
imperium, & propriè illi conuenit ratio huius  
vocis. Hoc vult D. Thom. in d. quest. 17. art. 1. &  
patet, nam in primis illa actio per modum im-  
perantis manifestè continet rationem imperij,  
quia mouet, & ordinat. Patet etiam, quia simili  
modo imperamus alijs: & hoc modo videtur lo-  
qui Aug. supra: tamen Arist. non loquitur de hoc  
imperio vero, sed de illo, quod simpliciter neces-  
sarium est ad actus prudentie, & exercitium vir-  
tutis. Et ideo Arist. tam iudicium illud practicū,  
quod antecedit electionem: quam quod antecedit  
vsum, vocat imperium. Et ratio est, quia im-  
perare non est quomodocunque mouere, sed  
mouere quasi imponendo legem: intellectus au-  
tem est qui legem ponit voluntati, quoniam iudic-  
at de agendis.

Sed nota primò, multos in hoc fuisse de-  
ceptos, quia putant de ratione imperij intellectus  
esse, vt necessitatem inferat voluntati, & pro-  
pterea non attribuunt hanc rationem iudicio  
practico, sed alteri actui, quod falsum esse con-  
stat ex D. Thom. art. 3. & 4. ad 2. & contra Arist.  
dicentem rationem imperare voluntati regen-  
do, & iudicando. Et ratione constat, quia non est  
de ratione legis, vt necessitatem inferat: ergo nec  
de ratione particularis imperij, quod quis sibi  
imponit, quod est quasi lex particularis. Et  
confirmatur: nam cum alijs imperamus: non in-  
ferimus illis necessitatem, Nota secundò apud  
Arist. cum distinguit imperium prudentie à iudicio,  
nomine imperij intelligere illud iudicium  
practicè practicum, quod propriè antecedit v-  
sum tanquam eius regula. Neque verò intelligit  
hunc actum non esse per modum iudicij: nam  
falsum id esse constat ex dictis. Constat etiam ex  
verbis eius: nam dicit, illum actum esse conclu-

sionem syllogismi practici: conclusio autem vim  
iudicij habet, nam manifestat connexiorem in-  
ter electionem factam, & vsum, seu exercitium  
actionis: & hinc habet vim ad determinandam  
voluntatem: nam reuera si talis actus nihil de-  
nuo ostenderit voluntati, esset inutilis: distin-  
git ergo hunc actum à iudicio, quia tota consul-  
tatio, & difficultas ferendi iudicium pendet ex  
consultatione, & iudicio, quod post illam sequi-  
tur: facta autem consultatione, & iudicio, iam  
difficultas non est, in cognitione, sed in exequen-  
do; & per hæc constat, quid veritatis habeant  
sententie aliarum.

Et ex his facile soluitur quæstio, quam D.  
Thom. art. 3. illius quæstionis 17. tractat: nempe an  
vsum præcedat imperium? In qua breuiter nota,  
voluntatem vt intellectus, & alijs potentiis, quia  
omnis actus liber vt sic, est à voluntate: loqui ergo  
possumus de vso voluntatis & imperio intel-  
lectus, prout directè tendunt ad directionem, seu  
actionem potentie exequentis: hoc modo con-  
stat, imperium eo modo, quo est in intellectu, an-  
tecedere vsum ratione iudicij practici. Quod sa-  
tis ex dictis patet: ratione vero illius locutionis  
non necessariò antecedere, sed quasi concomi-  
tante. Norat verò D. Thom. illud imperium, seu  
iudicium intellectus, etiam si omnino practicum  
sit, sæpè natura tantum, non nunquam vero et-  
iam tempore antecedere vsum, quia vel impe-  
rium non est efficax, vel voluntas non vult obe-  
dire, sed mutare, vel differre electionem: vel for-  
tè, quia potentia exequens est aliquo modo im-  
pedita. De ipso autem vso voluntatis dicit D.  
Thom. nullo modo antecedere actionem poten-  
tie executiue: quia omnino mouet illam, & quia  
in genere moris non solum est principium effe-  
ctuum eius, sed quasi forma, & ideo censentur  
esse simul omnino.

Si autem loquamur posteriori modo, & con-  
sideremus ipsum imperium, quatenus actus li-  
ber est, necessario dicendum est, à voluntate  
procedere: atque adeò esse potest ad aliquem v-  
sum voluntatis. Sed oportet hic aduertere, istum  
vsum non necessariò per actum formalem, & ex-  
pressum, quo voluntas velit intellectui impera-  
re: sed frequenter fieri solum virtuali vso: nam  
posita intentione efficaci finis, sæpè ex vi illius  
applicatur intellectus ad inquirenda media. Et  
similiter ex vi electionis applicatur ad cogitan-  
dum de executione ipsa, licet etiam interdum  
præcedere possit ille formalis actus voluntatis  
applicantis intellectum: quod maximè cōtingit  
in illo imperio, quod fit per interiorem locutio-  
nem: nam cum illud non sit ex natura rei simpli-  
citer necessarium: vix vnquam sequitur ex vir-  
tute alterius actus, sed ex formali voluntate sibi  
imperandi, sicut contingit in imperio; quo alijs  
imperamus. Vnde fit, vt ante hanc voluntatem  
debeat præcedere & cognitio, & iudicium, &  
consequenter quodammodo vsum. Quapropter  
ne in infinitum procedatur, in aliquo vir-  
tuali vso intellectus sisten-  
dum est.

XIII.  
An vsum præ-  
cedat impe-  
rium.

Vno modo  
imperium  
præcedit.

XIV.  
Alio modo  
subsequitur.



## DISPUTATIO X.

## De actibus imperatis voluntatis in communi.

**I**mperium, ut ex superioribus constat, solum habet locum in actibus liberis; & ideo in brutis non reperitur, neque item amor, neque visio Dei imperatur, quia sunt actus necessarii. Quapropter illi dicuntur actus imperati proprie, qui à voluntate non immediate, & proximè, sed mediata liberè procedunt; & isti actus distinguuntur communiter ab elicitis, quos ipsa voluntas proximè, & immediate elicit.

## SECTIO I.

## Vtrum actus voluntatis, &amp; rationis imperentur.

I.  
Satis sit prima partituli.

Quoad primam partem tituli D. Thom. 1. 2. q. 17. art. 5. affirmatiuè respondet. Sed nota primo, actum voluntatis propriè esse elicitedum, non imperatum in ordine ad ipsam voluntatem; tamen in ordine ad intellectum dicitur imperatus eo modo, quo in intellectu est imperiū. Nota secundo primum amorem, seu voluntatem finis non dici propriè actum imperatum, quia procedit à iudicio minus practico, at quia nullum supponit actum voluntatis. Alij vero actus dicuntur etiam imperati, quia non à voluntate sola, sed ab alio etiam actu ipsius voluntatis procedunt; & hoc modo actus misericordiz dicitur imperatus à charitate, & ob hæc aliqui illi diuisioni actuum voluntatis in elicitedos, & imperatos tertium addunt membrum; eorum videlicet actuum, qui simul & imperati sunt, & elicitedi, de quo vide Almain. tract. 1. moral. cap. 2.

II.  
1. Assertio. pro 2. parte tituli.

Quoad secundam partem tituli, de qua etiam D. Thom. supra art. 6. dico primo. Actus rationis imperatur quo ad exercitium à voluntate; hoc intelligitur, & constat ex dictis, & experiētia; sed excludendus est primus actus intellectus, ut supra dixi, & excludēdi etiam sunt actus necessarii, qui præcipui sunt, & per se in intellectu separato; in coniuncto enim per se non reperitur necessitas, nisi in primo actu; interdum tamen contingit, ut propter aliqua impedimenta non obediat intellectus voluntati: ut si motio sensus, vel phantasia sit ita vehemens, ut quasi rapiat intellectum; nam tunc vel voluntas non potest uti intellectu suo arbitrio, vel certè dum ipsa vult, id obtinet, quod vult, tamen statim intermittit actum intellectus; ergo reuertere potest ad eandem cogitationem, si aliunde moueatur.

III.  
2. Assertio.

Obiectioni satis fit.

Dico secundò. Apprehensio intellectus non potest imperari à voluntate quantum ad speciem actus; est D. Thom. Et ratio est, quia posita specie in intellectu, quamuis sit in potestate hominis apprehendere, vel non apprehendere rem præsentatam: non tamen est in potestate voluntatis apprehendere hoc, vel illo modo, sed prout per speciem representatur. Dices. Etiam est in potestate hominis facere veram, vel falsam rei apprehensionem. Respondetur. Potest quidem homo apprehendere rem fictam, ut chimeram: sed tamen illud non est variare speciem apprehensionis eiusdem rei: sed exercitium, quia illa iam non

est apprehensio hominis, v. g. vel alterius rei: sed est apprehensio fictæ, & quoad hoc est vera apprehensio.

Dico tertio. Quando iudicium intellectus est evidens, non pendet à voluntate in specie actus: est etiam D. Thom. id est, non potest voluntas mouere intellectum nisi ad assensum rei evidentis, quia ad disensionem non potest. Ratio est, quia intellectus est potentia necessariò agens quando obiectum perfectè proponitur ut necessario verum. Proponitur autem perfectè per lumen, vel medium evidens. Sed occurrebat difficultas, quoniam interdum videtur voluntas mouere intellectum ad credendum ea, quæ non manant ex principiis evidentibus. Respondetur negando assumptum, sed mouet credendo, aliquas posse esse veritates secundum ista principia: quæ lumine naturali manifestantur. Et hoc ipsum est ferè evidens, quia constat, multas esse res, quas noster intellectus non comprehendit, præcipue Deum, & infinitam eius perfectionem. Et ideo contra ipsum iudicium intellectus esset velle res ipsas omnes solo lumine naturali mensurare.

IV.  
3. Assertio.

Difficultas remouetur.

Dico quarto. Quando intellectus non habet euidenciam de aliquo obiecto, potest moueri à voluntate ad speciem actus, id est, ad assentiendum, vel dissentiendum: est etiam D. Thom. Ac materia huius conclusionis latissima est, quæ partim in dialectica, partim in materia de fide vberius est explicanda. Nunc tamen dico, voluntatem non posse mouere intellectum, ut assentiat, nisi sub ratione veri: neque ut dissentiat, nisi sub ratione falsi. Et ratio est, quia non potest mouere intellectum, ut operetur extra suum obiectum formale: ex quo fit, ut in rebus, quæ non sunt per se notæ, semper sit necessarium aliquod medium, quod veritatem probabiliter saltem ostendat: alias non poterit intellectus moueri, ut assentiat, vel dissentiat, quia non habet obiectum. Quando verò est tale medium, quod non infert necessitatem simpliciter, tamen aliquo modo ostendit veritatem: tunc potest voluntas mouere intellectum ad assensum, & mihi probabile est, non posse moueri: nisi in illud, quod verosimilius, & probabilius apparet: quamuis ipsa voluntatis affectio plurimum conferre possit, ut ipsum obiectum probabilius, & verosimilius appareat.

V.  
4. Assertio.

Probabile est intellectum semper assentire verosimiliori.

## SECTIO II.

## Vtrum actus sensus, in i imperentur.

Dico primò. Voluntas, & intellectus non possunt immediate mouere appetitum sensitivum, nisi adsit iudicium phantasiae: est iuxta D. Thom. supra art. 7. Ratio est, quia etiam appetitus sensitivus non fertur, nisi in bonum cognitum cognitione sibi proportionata: & patet ex dictis à simili supra de voluntate.

Dico secundò. Existente in phantasia, & sensu, absoluto iudicio de conuenientia obiecti, non potest voluntas imperare appetitui, ut non appetat, vel ipse non obediat. Ratio est, quia appetitus ex se est potentia naturalis, & necessario agens, ut suppono: unde si habet obiectum debitè applicatum, necessario tendit in illud. Confirmatur à simili: nam applicato sensui visus obiecto, & ablatis impedimentis, non potest voluntas imperare ut non videat. Dixi, existente absoluto iudicio, quia si apprehensio sit imperfecta, & sensus sit quasi dubius inter diuersa obiecta: tunc non sequitur motio in appetitu, quia non sufficienter proponitur obiectum.

I.  
1. Assertio.

II.  
2. Assertio.

Dico



III.

3. Assertio.

Dico tertio. Interdum voluntas non potest imperio suo tollere apprehensionem imaginationis, & tunc etiam non potest impedire omnem actum appetitus sensitui. Hoc patet primo in his actibus, qui omnino præueniunt rationis usum & aduertentiam. Item in his, quæ fiunt ex reali præsentia obiecti, vel alteratione aliqua materiali ipsius corporis: nam illa actio durante non potest homo impedire per imperium actum phantasiæ, quia hæc etiam potentia necessariò agit, quando à suo obiecto actu mouetur.

IV.

In quibus non obediunt  
hæc potètia  
voluntati.

Et hæc est ratio, propter quam dolor appetitus sensitui non pender à voluntate, quando actu inest causa doloris. Et simile est de voluptate. Præterea etiam quando actus phantasiæ non procedit ex mutatione obiecti exterioris, contingere potest, vt voluntas non possit illum remouere, quia interior ipsa motio imaginationis quæ sæpe fit per naturalem alterationem humorum & spirituum vitalium, vel propter operationem alicuius intrinseci agentis angeli, vel dæmonis, ita potest esse vehemens & importuna, vt non possit voluntas suo arbitrio illam depellere, quia etiam tunc dependet ex actuali motione obiecti quamuis interius facta: quam motionem non potest voluntas impedire. Sciendum autem est, voluntatē & rationem, quāuis imperando non possint cohibere istos motus, posse tamen illos moderari, si rebus aliis attendant: & tanta potest esse attentio intellectus circa rem aliam, vt omnino impediret apprehensionem imaginationis, & actuaalem etiam dolorem & voluntatem: sed hoc non fit vi imperii, sed propter separationem virtutis.

V.

4. Assertio.

Dico quarto. Quando apprehensio imaginationis & motio appetitus non procedit ex actuali motione obiecti, potest voluntas & reuocare imaginationem ad aliud, & impedire motum appetitus. Conclusio est certa & communis, & patet experientia. Et ratio est, quia voluntas est generale principium actuum humanorum, estque illius perspicere vniuersalem finem hominis, & quidquid est illi conueniens, & præcipere intellectui vt magis etiam id ostendat. Tamen oportet aduertere, efficaciam huius imperii ex necessitate solum habere vim, quamdiu voluntas ipsa actu mouet, & intellectus aduertit. Nam statim atque voluntas cessat, phantasia & appetitus possunt reuerti ad suos actus.

VI.

5. Assertio.

Dico quinto. Quandoque voluntas efficaciter imperat appetitui sensitui & appetitione absoluta appetat vel fugiat aliquod obiectum, ipse semper & necessariò obedit. Est etiam communis: & patet, quia isto modo mouemus nosmetipsos, & aggredimur res ipsi appetitui repugnantes: quæ tamen motio proximè fit per phantasiam & appetitum. Et ratio est, quia cum isti appetitus sint in eadem anima, oportuit naturā suā dicto modo esse subordinatos, nam multitudo sine ordine parit confusionem: & propterea inferior appetitus habet naturalem propensionem ad obediendum superiori etiam contra propriam & peculiarem inclinationem, sicut leuia & grauiā ad replendum vacuum extra sua loca naturalia.

VII.

Obiectio diluitur.

Dices: istam conclusionem contradicere primæ, secundæ, & tertiæ, & experientia: nam sæpe volumus non concupiscere, & nō possumus. Respondetur in primis: Quando fit ista motio, non fit sine iudicio phantasiæ: nam ipsa etiam

Suarez in primam secundam D. Thomæ.

tunc necessitatur ad iudicandum, id esse conueniens homini, etiam secundum corpus. Si tamen obiectum doloris aut voluptatis sit præsens, non potest voluntas imperare, vt non sequatur dolor: tamen potest efficaciter imperare appetitui, vt nō repugnet illi dolori actu absoluto, sed in eo persistat. Et tandem verum est, sæpe voluntatem non posse omnem repugnantiam appetitus tollere, quia sæpe manet in eo quidam actus quali naturalis, qui est imperfectus, & explicatur hac voce *nollem*: tamen cum hac repugnantia stat actu absoluto appetere: & quantum ad istum actum dicimus necessariò obedire, cuius signum est, quia semper ex illo actu sequitur motus in homine iuxta imperium voluntatis. Quòd si interdum aliqua membra moueantur contra istud imperium voluntatis, illud non est propter imperium appetitus sensitui repugnantis, sed quasi per accidens resultat ille motus ex aliqua alteratione materiali. Vide D. Thomam supra art. 9. ad 3.

Et ex dictis intelligitur primò, dictum illud Aristot. 1. Politic. c. 3. appetitum obedire voluntati principatu politico: sensus enim est, quia potest resistere vel repugnare appetitus sensitui, non quia existente voluntate absoluta necessarium non sit appetitum obedire, sed quia non obstante voluntate potest ipse per modum naturæ per actum inefficacem in contrarium obiectum inclinari, ex qua repugnantia paulatim fit sæpe, vt alliciat superiorem appetitum, & illum trahat, vt secum consentiat. Tamen si voluntas ipsa perseverare vult semper vincet: & consuetudine etiam neri potest, vt inferior pars minus resistat, quia dum ipsæ actiones vsu fiunt iucundiores, ipsa etiam imaginatio apprehendit obiecta à ratione proposita, vt facilia, & sibi etiam conuenientia.

Secundò intelligitur ratio, propter quam nō potest sæpe voluntas eum dolorem vel tristitiā in appetitu excitare, quem sæpe desiderat: quia videlicet illa naturalis repugnantia non potest sæpe vinci omnino: ex qua fit, vt conatus appetitus, & consequenter intentio actus sit minor: & propterea quamuis appetitus obediat quantum ad substantiam actus, non tamen semper, quantum ad conatum & intentionem, & multo minus quantum ad aliquos effectus, qui in corpore fieri solent ex passionibus appetitus.

Tertiò intelligitur ratio, propter quam potentia motiua voluntati ad nūm, & sine resistencia obedit, & tamen appetitus, qui perfectior est, & voluntati similior, ei sæpe resistit: causa enim est, quare membra exteriora non ab obiecto proprio mouentur, sed a superiori tantum potentia tanquam instrumentum quoddam & organum, quod omnino subiicitur principali mouenti: appetitus autem mouetur à proprio obiecto secundum propriam naturæ meliorationem.

Dices. Etiam exteriora membra habent inclinationem propriam, & appetitum. Respondetur, non habere appetitum vitæ, & ideo non vitaliter resistere: tamen quia habent aliquod naturale pondus, possunt resistere aliquo modo, vel impedire actionem: sicut etiam, quia debitam dispositionem requirunt ad motum efficiendum, fieri potest, vt ex defectu eius impediri possit voluntatis imperium. Et per hæc intelligitur Diuus Thomas 1. 2. questione illa

decima septima, articulo octauo & nono.

VIII.

Exponitur dictum Aristot. de obedientia appetitus erga voluntatem

IX.

Cur nō semper excitetur in appetitu actus, quem vult voluntas.

X.

Cur potètia motiua semper obediat.

XI.

Obiectio diluitur.



## S E C T I O III.

*Virum imperium, & actus imperatus sint  
vnius actus?*

- I. **Q**uestionem tractat Diuus Thomas 1. 2. *quest.*  
17. *articulo* 4. Dico tamen breuiter actum imperatum, & imperium, esse vnum actum in genere moris. In genere, inquam, moris, quia in genere naturæ constat, sæpè esse distinctos: nam vnus potest esse actus voluntatis: alius intellectus, vel sensus. Et patet assertio, quia isti actus in genere moris habent idem esse: tum quia ab eodem rationis ordine, & ab eadem libertate procedunt: tum quia ex illis quasi conficitur vna perfecta actio, vnde quasi per modum materiæ & formæ vniri censentur: ex quo colligitur, non solum imperium & actum imperatum, sed

etiam consilium, electionem, & vsum quatenus ad executionem eiusdem actionis tendunt, si simul fiant, & sine interruptione morali, censerentur omnes complere vnum perfectum actum humanum.

Sed tamen nota, conclusionem intelligi de imperio & actu imperato in vno homine: secus est, si imperium ad alium deferatur. Nam tunc actus factus ab vno propter imperium alterius, licet ad imperantem relatus vnus moraliter sit cum imperio eius, & ideo bonitas, vel malitia imperati actus imperanti tribuatur: tamen comparatus ille actus cum ipsomet, qui actum imperatum exequitur, est nouus moralis actus, quia noua libertate fit, & ideo potest illi, vel ad nouum meritum, vel culpam imputari.

(o)

II.

Finis Tractatus Secundi.



ELEN-





E L E N C H V S

## DISPVTATIONVM

TERTII TRACTATVS,

De bonitate, &amp; malitia humanorum actuum.

## DISPVTATIO I.

De actu morali in communi, quidque in eo sit moralitas, continens  
sectiones tres.

1. *Quinam actus sint morales in homine.*
2. *Quid sit in actu morali ipsa moralitas.*
3. *Quid sit moralitas in ceteris rebus, qua morales denominantur.*

## DISPVTATIO II.

De bonitate, & malitia obiectiua humanorum actuum, comprehendens  
sectiones tres.

1. *Vtrum in obiectis actuum humanorum sit aliqua honestas, siue bonitas moralis obiectiua.*
2. *Quid sit bonitas obiectiua humanorum actuum.*
3. *Vtrum actus humani sumant honestatem ex obiecto, siue, & circumst, & quotu-  
plex illa sit.*

## DISPVTATIO III.

De formali bonitate actus interioris voluntatis in communi,  
continens sectiones quatuor.

1. *Vtrum possit esse in voluntate hominis actus aliquis moraliter bonus absolute, &  
simpliciter.*
2. *Vtrum actus interior voluntatis sit formaliter bonus, vel tantum causaliter ab  
actu externo.*
3. *Quid sit bonitas formalis, & moralis in actu interno.*
4. *Quotuplex sit bonitas in actu interiori voluntatis.*

## DISPVTATIO IV.

De bonitate actus interioris ex obiecto, complectens  
sectiones quatuor.

1. *Vtrum actus interior sumat suam bonitatem ex obiecto.*
2. *Vtrum hac bonitas quae sumitur ex obiecto sit prima, & essentialis, atque entitativa  
differentia interioris actus voluntatis.*

R 4

3. *Vtrum*



3. *Vtrum idem actus voluntatis possit habere plures bonitates specificè diuersas ex proximo obiecto.*
4. *Vtrum actus voluntatis habeat vnā bonitatem in ordine ad plura obiecta materialia.*

## DISPUTATIO V.

De bonitate actus interioris ex circumstantiis, continens sectiones tres.

1. *Vtrum actus interior, vt sit simpliciter bonus requirat bonitatem aliquam ex circumstantiis.*
2. *Quomodo in voluntate esse debeant circumstantiæ obiectiuæ, vt conferant bonitatem actui interiori, & qualis sit illa bonitas.*
3. *Quomodo circumstantiæ actus interioris: quæ immediate ipsum afficiunt, debeant esse voluntariæ, vt dent bonitatem, & quæ sit talis bonitas.*

## DISPUTATIO VI.

De bonitate actus interioris ex fine, continens sectiones quinque.

1. *Vtrum bonus finis sit necessarius, vt actus voluntatis sit bonus.*
2. *Qualis sit bonitas, quam actus puræ electionis habet ex fine honesto.*
3. *Vtrum actus ex obiecto bonus possit habere bonitatem aliquam ex fine extrinseco.*
4. *Quid sit bonitas accidentalis ex fine in actu interno voluntatis.*
5. *Qualis relatio in finem requiratur ad prædictam bonitatem.*

## DISPUTATIO VII.

De malitia, complectens sectiones decem.

1. *Vtrum sit aliquis actus voluntatis ex natura sua malus exclusa etiam extrinseca prohibitionē.*
2. *Vtrum malitia interioris actus voluntatis proxime sit in ipso actu.*
3. *Vtrum malitia actus interni sit aliquis modus realis positiuus, & physicus in ipso.*
4. *Vtrum malitia moralis actus voluntatis præter entitatem eius addat rationem moralem positiuam, vel tantum priuatiuam.*
5. *Vtrum malitia actus voluntatis dicat priuationem rectitudinis, seu honestatis debitæ.*
6. *Vtrum malitia moralis sit sola ipsa negatio, vel priuatio, vel includat etiam entitatem positiuam ipsius actus.*
7. *Vtrum actus malus sumat unitatem, & distinctionem specificam ex obiecto.*
8. *Vtrum actus voluntatis accipiat malitiam ex circumstantiis, & quomodo.*
9. *Vtrum actus voluntatis sumat malitiam ex fine.*
10. *Vtrum sit aliqua malitia voluntatis in sola carentia actus, & quid sit illa.*

## DISPUTATIO VIII.

De diuisione actus voluntatis in bonum, & malum, & membrorum comparatione, & repugnantia, & continens sectiones tres.

1. *Vtrum idem actus voluntatis possit simul habere bonitatem, & malitiam.*
2. *Vtrum habere illas possit successiue.*
3. *Diuisio actus voluntatis in bonum, & malum sit essentialis, necne.*

DIS-



## DISPUTATIO IX.

De indifferentia actuum voluntatis, & sufficientia diuisionis in bonum, & malum, continens sectiones tres.

1. *Vtrum detur actus voluntatis indifferens secundum suam essentiam vel speciem.*
2. *Vtrum detur voluntatis actus supernaturalis indifferens secundum suam speciem.*
3. *Vtrum detur actus voluntatis indifferens in individuo.*

## DISPUTATIO X.

De bonitate, & malitia formali externorum actuum humanorum, complectens sectiones duas.

1. *Vtrum actus externus humanus sit bonus, vel malus solum per denominationem ab interno, ideoque nullum ei addat bonitatem, & malitiam.*
2. *Quid conferant actus externi ad bonos, vel malos mores hominum.*

## DISPUTATIO XI.

De prima seu remota regula bonitatis, vel malitiæ humanorum actuum, quæ est voluntas Dei, seu lex æterna, continens sectiones tres.

1. *Quibus modis possit humana voluntas esse conformis, vel difformis diuinæ.*
2. *Vtrum voluntas humana, vt sit recta, conformari debeat diuinæ disponenti de actibus ipsius humanæ.*
3. *Vtrum humana voluntas debeat conformari diuinæ volenti alia obiecta extra actus ipsius voluntatis.*

## DISPUTATIO XII.

De proxima regula bonitatis, & malitiæ humanorum actuum, quæ est recta ratio, seu conscientia, continens sectiones septem.

1. *Quid sit conscientia.*
2. *Quotuplex sit conscientia.*
3. *Quenam conscientia sufficiat ad recte operandum.*
4. *Quodiudicium conscientie sufficiat ad inducendam obligationem homini, vt operetur, vel omittat, præsertim si erret.*
5. *Quando possit homo licite operari cum conscientia dubia.*
6. *Quomodo sit vtendum conscientia opinante, seu probabili ad recte operandum.*
7. *Quomodo sit vtendum conscientia scrupulosa ad honestam actionem.*

TRACTA-





## TRACTATUS TERTIVS

D E

# BONITATE, ET MALITIA HUMANORVM ACTVVM.

## DISPVATIO PRIMA.

*De actu morali in communi, quidque in eo sit esse morale.*



Principalis scopus huius tractatus est explicare hanc diuisionem actus humani in bonum & malum, & quid sit vnumquodque horum membrorum: quo modo inter se opponantur: an interdum misceri possint inter se, an possit vnum in aliud transmutari, & quomodo adæquent diuisionem, & alia quæ in discursu materię prosequemur. Vt ergo ad hæc omnia paretur via, necesse est prius intelligere quod sit eius diuisionem, & per quid constituatur communis ratio eius, quia alioqui non poterunt commode speciales rationes bonitatis moralis & malitię intelligi. Quoniam vero potissimum agitur nunc de actu morali ut moralis est, dicemus prius quid sit iste actus, & quas condiciones requirat. Deinde quid formaliter sit in ipso ipsum esse morale: & quoniam ab actu morali vel in ordine ad illum multa alia denominantur moralia, breuiter etiam attingam quid sit in cæteris rebus illud esse à quo sic denominantur.

## S E C T I O I.

*Quinam actus sint morales in homine.*

I. *Moris significatio impropria.*

PRIMO quod sint in homine aliqui actus morales, certius est quàm ut probatione indigeat, satisque constat ex communi modo loquendi omnium. Radix autem huius denominationis à more desumpta est, nam apud Latinos idem est morale, quod ad mores pertinet, ut constat ex Tullio lib. de fato. Mos autem, ut notauit D. Tho. 1.2. quest. 58. artic. 1. idem fere est quod frequens, sæpiusque repetitus idem operandi modus: quæ frequentia vel similitudo in modo operandi interdum oritur ex inclinatione & determinatione naturæ: & hoc modo tribuitur interdum mos irrationabilibus & inanimatis rebus, sic enim dicuntur mores bestiarum, seu ferarum, 2. Machab.

11. & Sapient. 12. infantium & insensatorum more viuentes: sic etiam legimus mores cœli apud Plin. lib. 14. cap. 1. Sed hæc metaphorica esse videntur, ut notauit D. Thom. in 3. q. 23. quest. 1. artic. 4. quest. 2. & Soto 1. de iust. quest. 7. artic. 2.

Proprie ergo dicitur mos, quando ille similis operandi modus oritur ex voluntaria determinatione operantis: & hoc modo dicuntur mores huiusmodi boni, vel mali, ad Hebr. 11. & Psalm. 67. Qui habitare facit vnius moris in domo. Hinc D. Isidor. 5. Etym. cap. 3. dicit morem esse vetustate firmatam consuetudinem: postea vero subdit consuetudinem esse ius quodammodo moribus introductum: in quibus definitionibus videtur quidem vitiosum circulum committere: propter quod forte Soto citatus dicit morem interdum significare quemlibet actum, interdum frequentiam ipsam actuum, interdum vero habitum ex huiusmodi frequentia acquisitum. Sed reuera exprimiaria significatione hæc vox neque vnum habitum, neque actum significat, sed ipsam frequentiam similium actuum. Inde vero orta est denominatio actus moralis, quatenus significat illum actum, ex cuius frequentia mos conficitur. Cum ergo per se notum sit dari humanos mores, eodem modo certum est dari in hominibus actus morales: sed quinam hi sint, hoc inquiremus.

II. *Significatio impropria.*

Prima opinio censet actum morale idem esse quod actum proprie & perfecte humanum, seu perfecte voluntarium: de quibus quid sint, dictum est à nobis tract. 1. initio, & tract. 2. initio, & videtur hæc esse sententia D. Thomæ 1.2. in titulo & discursu questionis 18. & 19. semper enim mouet questionem de actu humano, quam appellationem confundit cum appellatione morali. Et potest breuiter suaderi, nam actus hoc ipso quod humanus est, est capax rectitudinis, & honestatis, & contrarij defectus: ergo hoc ipso est moralis actus. Probatur consequentia, quia actus qui diuiditur in bonum & malum, seu honestum & turpem, est ille qui est capax vtriusque proprietatis. Diximus autem actum morale esse, qui in hæc membra diuiditur. Antecedens vero

III. *1. Opinio pro hac q.*

Eius argumentum.

verò



vero probatur, quia ille est actus humanus, qui procedit ex perfecta deliberatione & facultate rationis & voluntatis: ergo hoc ipso quod talis est, potest esse conformis, vel difformis rationi, quam respicit ut principium & regulam: ergo hoc ipso est capax honestatis, vel turpitudinis, quæ sumuntur per ordinem ad regulam rationis.

## IV.

2. *Opinio.*  
*et usque ratio.*

Secunda opinio est actum moralem aliquid addere supra actum humanum, actualem scilicet. libertatem: diximus enim supra libertatem non esse de ratione actus humani ut sic, quia potest actus procedere ex integra deliberatione & facultate rationis & voluntatis absque libertate. Diximus etiam posse esse perfecte voluntarium absque libero, quoniam obiectum tale est, ut perfecte cognitum necessitatem inferat voluntati, & tanto melius, quanto melius cognoscitur: quod totum provenit non ex imperfecta, sed ex perfectissima facultate voluntatis: ad moralem autem actum non videtur sufficere tota hæc perfectio, si sit cum necessitate coniuncta, quia tunc determinatio talis actus provenit ab ipsa natura: ergo aliquid aliud oportet addere ad moralem actum, quod certe nihil excogitari potest præter libertatem.

## V.

*Fraseratio*  
*ad resulta-*  
*tionem.*

Et quamvis forte dissensio inter has opiniones non sit multum de re ipsa, simpliciter tamen hæc posterior vera est, si commode explicetur. Suppono itaque actum moralem per se primo reperiri in actibus elicitis à voluntate, quia illi sunt soli capaces formalis honestatis & bonitatis, à qua homines denominantur boni studiosi, ut dicam. Alii autem actus hominis qui denominantur morales recipiunt hanc denominationem ab actu voluntatis: & ideo interdum dicit Diu. Thom. esse morale per se reperiri in voluntate, per accidens vero in aliis potentiis, siue in actibus earum, quatenus subiacent imperio voluntatis. explicato ergo hoc actu in voluntate, explicatus etiam erit in reliquis potentiis.

## VI.

1. *Assertio.*

Dicendum primo, ut actus voluntatis moralis sit, necesse est ut procedat ex perfecta deliberatione rationis, non solum, quatenus potest unum actum vel obiectum cum alio conferre in ratione delectabilis, vel alio modo convenientis naturæ, sed etiam sub ratione honesti, aut turpis. Hæc conclusio colligitur ex Theologis statim citandis, sed præcipue ex Diu. Thoma, qui hac de causa variis in locis docet rationem esse primam radicem moralis entis, ut patet 12. *quest. 18. artic. 5. & quest. sequenti, artic. 1. præsertim ad 3. & 3. contr. Gent. c. 10.* Vnde *quest. 2. de malo, art. 4.* dicit actum esse moralem, ex eo quod est actus rationis, quia vero ratio non est sufficiens, neque proximum principium eliciendi actum moralem, subdit ita *art. 6.* actum moralem esse actum voluntarium à ratione procedentem: & *art. 6. illius. q. 18.* dicit actum exteriorem non habere rationem moralitatis, nisi quatenus est à voluntate, & idem recipit *quest. 2. de malo, art. 2. ad 13.* Sunt ergo voluntas, & ratio deliberans, proprium principium actus moralis ut sic, illa ut eliciens, hæc ut regulans, seu dirigens. Est ergo de ratione moralis actus quod sit perfecte humanus, nam actus humanus est qui prædicto modo est à voluntate, & ratione.

## VII.

*Vnde am-*  
*plius confir-*  
*meatur.*

Deinde hanc conclusionem confirmant quæ adducta sunt pro prima sententia in *num. 3.* præsertim illa ratio, quia actus moralis, iuxta communem modum sentiendi omnium, est ille, ex quo confici possunt boni, vel mali mores hominum: sed huiusmodi actus est ille qui est à ratione potente deliberare de honestate, vel turpitu-

dine morum. Et hac ratione in pueris non potest reperiri actus moralis, neque in amentibus, etiam si iuxta probabilem sententiam aliquorum possit in eis inueniri aliqua indifferentia in operando, & aliquis discursus & comparatio inter unum bonum & aliud, & inter commodum & incommodum: ergo prædictus concursus rationis est necessarius ad morales actus. Et hæc conclusio amplius constabit ex sequenti.

Dicendum secundo. Ut actus sit moralis, necesse est ut actualiter sit liber. Hæc conclusio sumitur ex Scoto in 2. d. 40. ad 2. & Durand. d. 38. *quest. 1. Henric. quodlib. 13. quest. 1. Soto 1. de iust. quest. 7. artic. 2. & Nauarro præludio 6. num. 2. summe.* etque aperta doctrina D. Thomæ in 2. loco paulo antea citato, ubi dicit ibi incipere genus moris. ubi primum dominium voluntatis inuenitur: dominium autem voluntatis est per libertatem. Ita habet in 2. d. 24. *quest. 3. art. 2. & clarius in 3. d. 23. quest. 1. art. 2. quest. 2.* ubi id colligit ex etymologia nominis *num. 2.* à nobis explicata. Idem insinuat 1. p. q. 19. *artic. 1. ad 3.* Ratio vero est, quia mores proprie dicuntur solum de actibus liberis, quia frequens eorum similitudo, seu repetitio oritur solum ex voluntaria determinatione operantis: in actibus autem necessariis oritur à natura. Et confirmatur, nam amor beatificus licet sit à voluntate, & à ratione plene considerante, nihilominus non est actus moralis, solum quia est necessarius. Tandem ad actum moralem ut sic, sequuntur hæc proprietates quod sit laudabilis, vel vituperabilis, capax meriti, vel demeriti, & cæter. quæ non possunt reperiri nisi in actu libero.

Dices: hæc sola conditio sufficit, iuxta dicta, ad moralem actum, & potest separari à priori explicata in præcedenti conclusione: sine causa igitur tot conditiones exegimus. Maior patet, quia ex hoc quod actus sit liber, est sufficiens ad constituendum morem per similem frequentem repetitionem, quæ erit ex intrinseca determinatione agentis, cum sit libera. Minor autem ostenditur, nam si quis utens ratione actu deliberet de actione aliqua ex temporalibus rationibus convenientiæ, vel disconvenientiæ, nihil aduertens de honesto, vel turpi, tunc libere operabitur, & eligeret, v.g. quod est delectabilius, vel commodius ad vitam tuendam, & carebit tunc deliberatione rationis in prima conclusione posita: poterit ergo tunc esse actus moralis absque illa deliberatione.

Respondetur in primis fortasse casum esse moraliter impossibilem, quia oportet illam inadvertentiam ad honestum, vel turpe esse prorsus involuntariam, quia si esset voluntaria, iam esset in potestate hominis talis deliberatio actualis, & hanc diximus esse necessariam ad moralitatem actionis: vix autem intelligi potest hominem actu operari libere perfecta & rationali libertate, quin sit in potestate eius deliberare etiam de honestate, vel turpitudine talis actionis, iuxta dicta *tract. 2. disp. 4. sect. 3.* Secundo dicitur, admissio casu, quod illa inadvertentia sit prorsus naturalis, tunc illum actum non posse dici absolute & simpliciter moralem. Primo quidem, si ad nominis radicem attendamus, quia actus non est natus ita fieri, ut ex eo possit confici mos, quia talis modus operandi est rarissimus, & casualis, & præter voluntatem humanam: quare omnibus pensatis pro ut hic & nunc sit, non potest dici quod sit ex intrinseca determinatione ipsius operantis. Deinde quia actus moralis proprie dictus est in ordine ad rectitudinem, vel obliquitatem morum, & ideo necessario requirit capacitatem huius rectitudinis,

## VIII.

2. *Assertio.*

*Obiectio*  
*contra nunc*  
*probata.*

## X.

1. *Dilutio.*

2. *Dilutio.*



nis, vel obliquitatis: ille autem actus prout in eo casu fingitur, est incapax rectitudinis, & consequenter obliquitatis, & ideo non est moralis, & ut sic dicendus est indelibertatus.

XI. Ad fundamentum prioris sententiæ est facilis responsio. Nam quod attinet ad D. Thom. & alios autores, loquuntur fere semper de homine viatore, in quo nunquam separantur perfectum rationale, voluntarium, & liberum, & ideo pro eodẽ reputant actum humanum & moralem. Ad rationem dicitur rectitudinem illam, honestatem, vel bonitatem, quæ potest inueniri in actu necessario voluntatis, verbi gratia, in amore beatifico, esse quendam rectitudinem naturalem & physicam, non proprie moralem, de qua latius infra disp. 3.

## SECTIO II.

### Quid sit in huiusmodi actu morali ipsum esse morale.

I. Ratio dabit esse potest, quia in hoc actu possunt duo considerari, scilicet substantia ipsius actus, quæ est veluti quid materiale, & formalis ipsa denominatio seu forma illa, à qua actus denominatur moralis. De primo constat esse ipsam entitatem actus, quæ est etiam quid physicum & naturale. De secundo autem valde obscurum est quid sit. Nam in primis non potest esse ens rationis proprie dictum, quia hoc esse morale est in rebus ipsis, intellectu nihil fingente, vel comparante. Item hoc esse morale est radix proprietatum realium, meriti, &c. ens autem rationis nihil reale potest conferre. Deinde non potest esse extrinseca denominatio ab aliqua re sumpta: primo, quia hæc denominatio fere nihil differt ab ente rationis, quia cum non sit in re ipsa denominata, solum fieri videtur per intellectum comparantem vnã rem ad alteram, v. g. visionem ad obiectum acti in illo esset. Vnde non videtur hæc denominatio extrinseca sufficere ut actus sit dignus laude, vel præmio ratione illius, quia nihil in eo ponit. Secundo, quia hæc denominatio moralis est analoga, & primo conuenit actibus voluntatis, reliquis autem rebus in ordine ad illos, quia sunt principia eorum, vel quid simile: in omni autem analogo primum analogatum est intrinsece tale, reliqua extrinsece per habitudinem ad illud: ergo oportet ut hoc esse morale sit intrinsece in actu voluntatis: non ergo est per denominationem extrinsecam. Actandem omnis forma extrinsece denominans vnã rem, debet esse intrinsece in alia, ut visio denominans extrinsece obiectum visum, est intrinsece in visu, quia cum sit forma realis, oportet ut alicubi realiter insit: sed hoc esse morale non reperitur intrinsece in alio præter actum voluntatis: ergo nõ potest esse in illo per solam denominationem extrinsecam. Aliunde vero non videtur esse posse aliqua realitas intrinseca actui, ut patebit facile discurrendo per rationes omnium predicamentorum, & ex dicendis constabit: quid ergo est?

II. Prima opinio esse potest moralitatem actuum voluntatis esse ipsam essentialem & intrinsecam entitatem eius, ita ut hoc esse nõ dicatur morale, quia non sit etiã naturale & physicum, sed quia est tale ens quod ex natura sua habet fieri à voluntate rationali per rationem directã & motã. Fundamentum esse potest præter rationes dubitandi positas, quia talis actus per se & natura sua dicit realem habitudinem ad suum principium,

quod est voluntas, & ratio, & ad suum obiectum per rationem propositum, sed ex vi huius habitudinis est actus moralis, quia respicit principium & obiectum morum: ergo. Et videtur huic sententiæ fauere Diuus Thomas interdum, dicens esse morale per se conuenire actibus elicitis à voluntate, aliis per accidens, ut significat i. parte question. 19. articulo primo clarius in 3. dist. 25. quest. art. 4. q. 2.

Sed hæc sententia sustineri non potest, procedit enim ex defectu duplicis distinctionis. Nam cum agimus de esse morali, loqui possumus aut de illo esse quod denominatur morale, aut formaliter de ipsa formali denominatione, aut forma vnde sumitur. Priori modo ipsum physicum & naturale esse actus voluntatis denominatur morale, quando habet omnia ad moralitatem requirita, sic enim actus ipse quo voluntas aliquid vult, actu moralis dicitur: constat autem illum actum habere physicam entitatem. Hic autem non hoc inquirimus, sed ipsam formalem rationem denominantem, & hanc non potest habere actus ex vi solius entitatis suæ physice, quia potest esse tota entitas actus physica & naturalis, & nihilominus non sit moralis actus: denominatio aut quæ sumitur ex sola entitate præcise sumpta, est inseparabilis ab illa. Assumptum patet, quia actus voluntatis sine deliberatione rationis elicitus tunc non est moralis, si autem accedit rationis deliberatio, sit moralis, manente eadem entitate actus in voluntate. Idemque erit in amore necessario, & libero, qui potest esse idem secundum substantiam & entitatem, ut dictum est. Secundo deficit hæc sententia, quia aliud est loqui de aptitudine, seu capacitate, quam habet actus ut moralis sit, aliud vero de actuali moralitate eius. Primum habet actus voluntatis ex vi suæ physice naturæ, & hoc probat ratio prædictæ sententiæ, quia hoc ipso quod hic actus natus est, ab his principiis oriri, & tendere in tale obiectum, est capax moralitatis per se primo, & non per alium actum, quod fere voluit docere D. Thomas citatis locis in num. 2. non tamen habet actualem moralitatem ex vi huius capacitatis, quia recte fieri potest, ut actus ex natura sua possit fieri hoc, vel illo modo, & tamen ut actu non ita fiat. Sic ergo potest etiam natura sua postulare, vel saltem admittere, ut morali modo fiat, & consequenter ut actus moralis sit, & tamen non ita fieri. Nos ergo non agimus de capacitate moralitatis, de qua potest prædicta sententia verificari, sed inquirimus actualem statum moralitatis, per quid constituitur.

Secunda opinio dicit hoc esse morale, ultra entitatem & substantiam actus addere realem quandam modum intrinsece afficientem actum voluntatis, sine quo non erit moralis, & illo posito non poterit non esse. Hic autem modus poterit explicari aut ad similitudinem utilitatis actus, nam utilitas est modus realis in actu vitali, sed esse morale est quoddam esse vitale, nam principium morum ut sic, vitale est. Deinde potest explicari iuxta probabilem sententiam afferentem esse liberum, esse realem modum in actu libero voluntatis, quia libertas est perfectio voluntatis non solum in actu primo, sed etiam secundo: ergo est aliquid reale non solum in ipsa potentia, sed etiam in ipso actu: ergo cum non sit substantia eius, erit saltem modus eius: ergo erit idem de esse morali, quod vel est idem cum esse libero, vel coniunctum cum illo.

Hæc vero sententia etiam mihi displicet, quia non potest satis explicari, vel intelligi id quod affirmat, in actu enim voluntatis [ & idem est de actu

III. Refellitur.

Refellitur.

IV. 2. Opinio.

V. Impugnatur.

Ratio prima dubitandi.

Ratio secunda.

1. Opinio.



actu immanenti cuiuscumque potentia] præter specificam entitatem actus non potest intelligi modus aliquis, nisi aut per intensiorem in subiecto, aut per extensionem ad subiectum, aut per habitudinem & dependentiam à suo principio, quia ille actus non habet in se aliam transcendentem habitudinem, neque aliquod entitatis absolute, in qua non includantur hæ habitudines, vel aliqua ex illis. Sed ille modus qui dicitur *esse moralitas* actus voluntatis, non potest esse extensio ad subiectum, neque intensio in subiecto, quia sicut potest tota substantia actus reperiri sine moralitate, ita tota extensio & intensio actus potest esse sine moralitate, potest enim voluntas magno & paruo conatu ferri indeliberate & necessario, ex quo conatu sequitur intensio: potest etiam eodem modo ferri in plura, vel pauciora obiecta, in quo consistit illa veluti extensio actus: in his ergo duobus modis non potest consistere esse morale. Rursus etiam dependentia realis & physica, quam actus voluntatis habet à suo proximo principio, potest esse sine moralitate: ostendimus enim in superioribus actum voluntatis cum eadem dependentia à voluntate, nunc posse esse liberum, postea necessarium solum propter diuersam proportionem obiecti ex parte intellectus.

VI.

Evasio præcluditur.

Quod si quis dicat non dependentiam physicam, sed morale esse modum illius quid dicitur moralitas actus. Primum in hoc petitur principium, nam inquiri per quid illa dependentia physica fiat moralis. Et deinde non defendit opinionem, quia dependentia non est modus intrinsecus & realis, nisi quatenus physica est, nam dicitur habitudinem ad causam per se realiter & physice influentem, & quidquid præter hoc addit, cum non dicat physicum influxum per se, nihil reale, nouum, & intrinsecum ponit in effectu: nullus ergo excogitari potest talis modus. Neque exempla allata illum declarant, nam *esse vitale* in actu, præter substantiam actus nihil aliud est nisi dependentia physica à proximo principio vitali: hoc autem licet necessarium sit ad actum morale, de quo agimus, quia oportet esse elicatum à voluntate, tamen id non satis est ad moralitatem actus, ut ex dictis patet, quia stante eadem dependentia vitali ab eodem principio vite, stat actum esse vel non esse morale. Exemplum autem de libertate potius confirmat oppositum, quia ratio libertatis formaliter reperitur in potentia: in actu vero non, nisi includendo denominationem à potentia à, quia ipse formaliter in se continet determinationem ad vnum: tamen quia est à potentia, in cuius potestate est non sic determinari, ideo actus ipse denominatur indifferens, seu liber.

VII.

3. Opinio declaratur.

Tertio opinio esse potest, hoc esse morale actus esse respectum quendam ad rectam rationem, id est, legem ut regulantem actum voluntatis: est enim actus voluntatis conformis, vel difformis rei, quæ conformitas, vel difformitas in relatione consistit: sicut similitudo & dissimilitudo. Unde sicut ab his relationibus potest abstrahi quidam conceptus communis relationis fundatæ in qualitate, ita ab hac relatione conformitatis, vel difformitatis potest abstrahi conceptus communis respondens ad rectam rationem, quæ potest appellari *regulabilitas*. Fundamentum esse potest, quia *esse morale* diuiditur per bonum & malum morale, tanquam per differentias per se, ut colligitur ex D. Thom. 1. 2. *quest. 19. artic. 1.* sed bonitas, vel malitia moralis consistit formaliter in conformitate, vel difformitate ad rationem rectam: ergo communis ratio *esse moralis* debet

Suarez in primam secundæ D. Thomæ.

consistere in ratione respectiva communi abstractibili ab illis membris, quæ non potest esse alia nisi *esse regulabile* per rationem rectam.

Hæc sententia & est insufficiens ad rem explicandam, & est in rigore falsa: & primo quidem supponit bonitatem moralem consistere in conformitate illa respectiva, quod valde dubium est, & magna indiget explicatione. Deinde supponit, à bonitate & malitia formaliter sumptis posse abstrahi conceptum communem alicuius relationis quod forte etiam falsum est, quia illa duo priuatiue opponuntur, si de eis formaliter loquamur: inter priuationem autem & habitum nulla est conuenientia communis: unde actus moralis bonus & malus possunt quidem conuenire quasi materialiter in communi ratione actus, vel positivæ habitudinis ad obiectum per rationem propositum: tamen formaliter ratione malitiæ & bonitatis sunt primo diuersi. Sed hæc omitto, quia pendunt ex infra tractandis.

Duobus igitur modis potest intelligi hoc *esse regulabile* per rectam rationem. Primum ut recta ratio habeat rationem veram præcepti, aut legis respectu voluntatis, quod non potest ratio habere ex se, quia non habet potestatem superioris respectu voluntatis: neque idem homo habet propriam iurisdictionem in seipsum, ut se possit proprie per legem obligare, & eo modo quo se potest obligare necesse est ut oriatur id ex voluntate. Ratio ergo ut ratio, & ut regulans voluntatem non inducit propriam rationem legis, nisi quatenus participat, vel applicat præceptum alicuius superioris, scilicet Dei, vel alterius qui participet potestatem eius. Secundo modo potest intelligi hic respectus ad rectam rationem: non ut præcipientem proprie, sed ut proponentem & iudicantem de ipsis obiectis secundum eorum naturam, seclusa lege superioris, sicut iudicat ratio, mentiri esse malum & disconueniens naturæ rationali ut sic, etiam si à nullo superiori sit prohibitum.

Si ergo loquamur in priori sensu, sic *esse regulabile* per rationem, vel legem non potest esse ipsum *esse morale*: primo, quia in Deo ipso potest intelligi actus, vel actio moralis, sicut in eo intelligitur libertas & honestas, quidquid enim Deus operatur, bonum est, & ipsa operatio, ut est ab ipso, potest dici moraliter bona bonitate iustitiæ, aut misericordiæ, aut veritatis, propter quod non tantum est dignus honore, sed etiam laude: Deus autem est supra omnem legem: ergo absque respectu ad legem intelligitur esse, & bonum morale. Unde est reperiri in hoc aliquid singulare in Deo, quia cum operatur libere, nullum esse reale liberum in ipso ponitur, sed tantum in actione ad extra, & ideo si quid est moralitatis in actibus Dei, magis est in actibus externis, quàm in actu interno, quamuis in illo etiam considerari possit esse terminatum ad extra. Secundo est in homine intelligitur recte esse morale absque respectu ad legem, nam, ut dicebam, hæc condicionalis est vera, si per possibile, vel impossibile homo non haberet superiorem, vel ab eo non gubernaretur per legem, nihilominus per rationem iudicando dare electionem esse per se conueniens naturæ, homicidium autem esse disconueniens, libere operando iuxta hæc dictamina, operaretur moraliter, & bene, aut male: ergo moralitas operationis humanæ non est sumenda per se primo ex respectu ad legem. Tertio etiam nunc posita lege non ideo actus est moralis, quia regulatur per legem, sed è contrario potius, quia homo est morale agens, & non habet voluntatem indefectibilem à bono, ideo indiget lege superioris inclinantis in bonum, & auer-

S

tentis

VIII.

Reiicitur propter duo falsa quæ supponit.

IX.

Prænotatio duplicis sensus dictæ opinionis.

X.

Impugnatur iam in primo sensu. Primo.

Secundo.



tentis à malo: ergo esse regulabile per legem, supponit potius esse morale, quam illud constituat, & ideo nullus actus necessarius potest vere ac proprie per legem regulari, quia non est moralis, sed naturalis, de naturalibus autem non datur præcepta. Vnde confirmatur, nam supposita in actu voluntatis habitudine intrinseca ad suum obiectum, & sua principia, esse regulabilem per legem, nihil ei addit præter denominationem extrinsecam à potestate legislatoris: non potest autem esse morale poni in hac denominatione, tum quia illa est omnino ab extrinseco, esse autem morale debet esse aliquo modo ab intrinseco: tum etiam, quia quod actus sit regulabilis hoc modo, non provenit ex potestate hominis, sed Dei & superioris: esse autem morale debet esse in actibus humanis ex parte hominis, ideo enim per hoc esse meremur, vel demeremur, laudamur, vel vituperamur. Quarto si in hoc respectu consisteret esse morale, tam primario cōveniret actibus externis sicut externis voluntatis: consequens est contra communem sensum Philosophorum moralium, & Theologorum, quia mores hominum ut sic, per se primo pendent à voluntate. Sequela probatur, quia lex tam per se primo regulat actus externos, sicut internos, imo nonnunquam lex non prohibet, vel præcipit internum, nisi ob externum, ut patet de lege non furandi, vel dandi eleemosynam, quod est signum hanc regulabilitatem, seu hunc respectum non esse proprium actus moralis ut talis est, sed per se extendi ad obiectum moralium actuum.

XI. Si vero loquamur in posteriori sensu, hoc est, de recta ratione solum pro ut lumen manifestas id quod est in rebus & in obiectis prosequendis, vel vitandis à voluntate, triplex respectus potest considerari ad huiusmodi rectam rationem. Primus ex parte ipsius obiecti in quod tēdit voluntas, in quantum illud censet bonum, quod est conforme rectæ rationi, & malum quod est difforme. Secundus ipsius actus voluntatis ad tale obiectum, quia tendit in illud, amando, vel refutando illud. Tertius est inter actum voluntatis & iudicium intellectus, qui intelligi potest ad modum cuiusdam similitudinis, vel cuiusdam proportionis, quæ in hoc consistit, quod voluntas ita versatur circa illud obiectum, sicut intellectus iudicat esse faciendum: in nullo autem horum respectuum potest consistere esse morale actus voluntatis.

XII. Probatur de primo respectu. Primo quidem, quia ille respectus potest antecedere omnem actum moralem, ut si intellectus iudicet eleemosynam esse faciendam hic & nunc, & voluntas non moveatur, ibi nullus est actus moralis, quia iudicium illud intellectus naturale est, & tamen est illa conformitas obiecti ad rectam rationem. Quod si dicas ibi esse obiectivum solum, non vero secundum existentiam donec actu fiat eleemosyna. Respondetur in primis id esse per accidens ad rationem obiecti voluntatis in quantum illud idem quod est obiectum in intentione, postea est effectus voluntatis in executione. Vnde si obiectum diligendum non sit, actus hominis humanus & liber poterit secundum existentiam antecedere cum illo respectu actum moralem, ut si consideretur Deus ut diligendus, vel visio beata ut honeste amabilis. Vnde etiam intelligitur hunc respectum non esse proprium actus moralis ut sic, sed latius patere: non ergo potest esse morale constitui formaliter per ipsum. Tandem, quia si recte consideremus obiecta morum, non sunt honesta, quia confor-

mia rectæ rationi sub hac consideratione, sed potius quia ipsa ex se talia sunt, ideo recta ratio iudicat esse faciendam: ut dare eleemosynam non ideo est honestum, quia recta ratio iudicat esse dandam, sed potius ideo ratio iudicat esse dandam, quia in eo obiecto invenit honestatem, & quandam conformitatem cum fine, & natura hominis, ut latius disput. seq. ergo ille respectus conformitatis obiecti ad rationem non est quod formaliter constituit illam honestatem vel moralitatem quæ in obiecto potest intelligi, sed est quid consequens ad illam supposito iudicio rationis, siue ille respectus sit realis, siue rationis, quod parum ad præsens refert, quamvis probabilius sit ex parte obiecti esse respectum rationis, qualis est scibilis ad scientiam. Ex quo capite etiam concludi potest esse morale non consistere in hoc respectu, formaliter loquendo, quia non potest esse proprie ens rationis, ut probant argumenta facta in initio quæstionis.

De secundo respectu actus ad obiectum facile est ex dictis probare non consistere in ea esse morale. Primo quidem, quia in hac habitudine consistit substantia & entitas ipsius actus, specificatur enim ab obiecto etiam in suo esse physico & naturali: ostensum est autem supra esse morale formaliter non esse solam substantiam, vel entitatem actus: ergo non potest consistere in sola hac habitudine. Secundo, quia hic respectus abstrahit ab actu morali, & non morali, ut amore enim beatifico reperitur respectus ad obiectum valde conforme rationi, & tamen in illo actu non est esse morale.

De tertio respectu actuum inter se in primis fieri potest eadem ratio, quia hic respectus abstrahit ab esse morali, & non morali, nam interventionem beatam quatenus continet iudicium de Deo diligendo, & inter dilectionem beatificam, est illa conformitas, quia voluntas ita tendit, sicut intellectus iudicat esse tendendum, & tamen in illis actibus non est moralitas. Secundo, quia cum hæc relatio sit ad modum relationis similitudinis, supponit existentiam utriusque extremi ut resultat: ergo quatenus hic respectus potest resultare in actu morali voluntatis, prius natura supponit ipsum actum ut existentem, & dimanantem à voluntate & ratione, quam resultat ibi conformitas illa ad rationem: ergo hic respectus ut sic non constituit, sed supponit esse morale: sicut in rebus naturalibus, ut effectus referatur ad causam relatione similitudinis, prius natura supponi debet ut existens & dimanans à causa: sic enim actus moralis voluntatis ut sit in re ipsa conformis actui intellectus, debet supponi ut manans à voluntate ut efficiente, & aliquo modo ab intellectu ut dirigente: ex hoc autem præcise intelligitur actus moralis, prius quam intelligatur resultare alius respectus quod probatur, nam ex hoc præcise est homo dignus laude, vel vituperio: nam respectus postea resultans est quid per accidens, & præter intentionem. Omitto valde probabile esse hunc respectum esse solum rationis, quia non est fundatus in vera unitate, vel convenientia, quæ inter actus, id est, inter iudicium intellectus, & amorem voluntatis, sed fundatur in quadam proportionem, vel proportionalitate solū, quæ non satis est ad respectum realem. Nullo ergo modo potest hoc esse consistere in solo respectu ad rationem. Quod si tandem dicatur non sumi hic hunc respectum in eo rigore, sed solum ut significat emanationem quandam actus voluntatis à iudicio

XIII. Impugnatur deinde quoad 2. respectum.

XIV. Impugnatur quoad 3. respectum.

Impugnatur etiam 2. sensus quoad 1. respectum multifariam.



iudicio rationis? Respondetur primo hoc esse valde improprie significari per respectum conformitatis vel difformitatis: ac deinde verum quidem hoc esse necessarium ad actum moralem, non tamen sufficere, nisi ex parte voluntatis aliud adiungatur, quia in actu non morali potest ille modus emanationis à ratione reperiri.

XV. Dicendum ergo primo, *Esse morale* in actu voluntatis præter entitatem, & substantiam eius nihil addere, nisi modum cuiusdam emanationis, seu cuiusdam moralis dependentiæ à ratione aduertente, & à voluntate libere operante. Hæc assertio probari potest primo à sufficienti enumeratione, quia suppositis exclusis nihil aliud excogitari potest. Secundo, quia posito illo modo operandi in actu voluntatis, impossibile est quin sit moralis, & non posito illo modo, impossibile est esse moralem: ergo per illum constituitur in esse morali. Dices hoc genus argumentandi habere locum in quacunque conditione necessaria, & ita solum concludit libertatem, vel aduertentiam esse conditionem necessariam ad actum moralem, non vero esse principaliter ipsum esse morale. Respondetur arg. esse efficax ex materia, quamvis non sit ex forma, quia ibi nihil aliud innuitur, quam quod præter conditionem necessarium sit principium formale, & quia in tali conditione nihil reperitur quod sit, præter rationem formalem, recte concluditur per illud constitui formaliter rem, quo posito habet talem denominationem, & ablato non habet. Terrio est optima ratio, quia posito involuntate illo modo emanationis, consequuntur proprietates morales actus moralis ut sic, & augentur, vel minuuntur in ordine ad illum modum, quia cæteris paribus eo actus est laudabilior, vel vituperabilior, quo fit cum maiori libertate, vel aduertentia. Et hinc est illud axioma, *Peccatum in tantum est peccatum, in quantum est voluntarium*, quod supra dictum est, intelligendum esse de voluntario & libero rationali. Ergo signum est actum moralem formaliter consummari per illum modum operandi, nam rei proprietates manifestant essentiam.

XVI. Dicendum secundo. Hic modus non est aliquid physice & intrinsece inhærens actui morali, sed in actu exteriori dicit denominationem ab actu libero voluntatis: in ipso autem actu voluntatis dicit præter physicam emanationem à voluntate, denominationem à ratione dirigente, & à voluntate ex plena potestate ita operante ut possit non operari. Prima pars huius sententiæ constat ex dictis contra secundam opinionem supra impugnata. Secunda vero pars sumitur ex D. Thoma 1. 2. quæst. 18. artic. 6. ubi hac ratione dicit non esse aliam moralitatem in actu exteriori, quam in interiori, & quæst. 20. artic. 3. & 4. ex eodem principio definit actum exteriores per se non augere bonitatem, vel laudabilitatem operantis. Ratio etiam est clara, quia eadem actio exterior, si sit à voluntate libera, est moralis: si vero casu & sine aduertentia fiat, non est moralis: ergo signum est totum hoc consistere in denominatione à voluntate. Tandem quia actio exterior habet per se totam suam substantiam & entitatem à proximo principio exequenti: ab illo autem non habet esse morale, sed esse physicum, ergo tantum habet esse morale per ordinem ad primum principium mouens, & dirigens humano modo, quod est voluntas.

XVII. Ultimam partem conclusionis insinuat Durandus in 2. d. 38. quæst. 1. numer. 5. & 6. & patet facile ex dictis, nam de ratione huiusmodi actus moralis in primis est ut sit per se & intrinsece vo-

luntarius, & hoc quidem est formaliter & intrinsece in ipso actu, & realiter, ac de substantia & entitate eius, ut constat ex dictis agendo de voluntario: hoc autem *Voluntarium* ut sit perfectum, indiget perfecta aduertentia rationis, quæ in actu non ponit aliquid præter entitatem eius, sed solum directionem quandam, à qua denominatur actus cum aduertentia, seu perfectio modo factus. Est accommodatum exemplum in opere artificioso, nam si quis voluntarie, & ex directione artis fingat monstrum, actio est artificiosa: si vero volens depingere hominem, casu depingit monstrum, actio non est artificiosa, sed deficiens ab arte, & tamen si consideretur physice actio ipsa, eodem prorsus motu physico perficitur. Igitur sicut in hoc exemplo *esse*, vel *non esse artificiosum*, est denominatio ab arte dirigente, ita in actu voluntatis, quod procedat ex perfecta aduertentia, solum est denominatio ab actu intellectus. Ultra hoc etiam necessaria est denominatio ab ipsamet potentia voluntatis ut potente non elicere, quam agendo de voluntario, ostendimus nihil intrinsecum addere actui voluntatis, quia voluntas ut sic, non influit in illum.

Atque hinc intelligitur primo hoc *esse morale* esse diuersæ rationis, & quasi analogum in actu exteriori, & interiori: nam primum differt in voluntario intrinseco, & extrinseco: deinde differt in forma, à qua sumitur denominatio, ut declaratum est. Deinde hoc *esse* immediate conuenit actui interiori, exteriori vero non nisi per interiorem. Secundo colligitur, licet actus morales interiores essentialiter & specificè differant in eo esse reali & intrinseco quo denominantur *morales*, tamen in modo illo, in quo consummatur *moralitas*, non differre formaliter, siue sint boni, siue mali, libertas enim voluntatis eiusdem rationis est in actibus bonis & malis: & similiter aduertentia intellectus eodem modo fit. Est exemplum in virtutibus intellectus, & in aliis actibus qui sunt ab intellectu ut ratione, nam licet ex obiectis differre possint in ratione talis, vel talis scientiæ, aut etiam in veritate & falsitate, tamen formaliter in modo ratiocinandi & colligendi non differunt, quia modus operandi intellectus semper est idem: sicigitur in præsentis contingit.

Ad rationem dubitandi initio positam respondetur hoc *esse morale* consistere in denominatione intrinseca saltem respectu ipsius actus: quod ideo dico, quia respectu operantis tota hæc denominatio sumitur à potentia, siue actibus ut intrinsecis: & ab his rebus quæ sunt in potestate eius, quod supra insinuaui esse necessarium ad moralitatem. Ad primam rationem & probationem respondetur huiusmodi denominationem proprie non esse ens rationis quod consistit in fictione intellectus, sed est in rebus ipsis, quæ ita se habent, ut licet una non sit in alia, neque illi inhæreant, aut illam informant: habent tamen inter se aliquam habitudinem, vel causalitatem, ratione cuius una denominatur ab altera ut Diu. Thomas docuit 1. 2. quæst. artic. 2. ad 1. unde hoc videtur solum tribuere relatiuis, sed intelligendus est non solum de relatiuis prædicamentibus, sed etiam de transcendentalibus, & de quocunque genere habitudinis realis, nam est eadem ratio, & colligitur ex eodem D. Thom. 1. part. quæst. 37. articulo secundo, & in 1. dist. 32. quæst. 1. articulo primo, & d. 40. quæst. 1. artic. 1. ad 2. Ex hac autem rerum habitudine sumit intellectus fundamentum vel ad imponenda nomina, vel ad fingendos respectus rationis: & fortasse nihil aliud sentiunt qui appellant hoc *esse*, ens rationis, sci-

XVIII.

XIX.



licet fundamentaliter, & quia in re denominata non ponit nouum esse reale. Vnde ad alteram partem illius augmenti negatur hanc denominationem sic explicatam non sufficere, ad effectus morales, quia est evidens in rebus humanis multum aestimari & valere huiusmodi denominationem ad morales effectus, nam dominium, iurisdicatio, & similia non addunt rebus physicis entitates, sed morales facultates ortas ex libero consensu voluntatis. Et ratio huius est, quia homines reguntur ratione, & in aestimatione rationis multum præponderat ordo rerum in ordine ad voluntatem & libertatem humanam, & in ordine ad superioris voluntatem, præsertim quia cum præfens denominatio non sit omnino extrinseca operanti, non est mirum posse ei cedere in laudem, meritum, & alios effectus.

XX. Ad secundam rationem respondetur, si cōtingere possit denominationē respectu eius cui primario datur, esse extrinsecam, posse illam secundario & analogice communicari alicui, cui etiam extrinsece conueniat mediante re prius denominata: nam calor & substantia cui inhæret dicuntur extrinsece visa, & nihilominus calor dicitur proprie ac simpliciter visus, substantia vero non nisi per accidens & secundum quid: & sic esse visum potest esse quid analogum respectu visibilis per se, & per accidens, & tunc non est necessarium ut primum analogatum sit intrinsece tale. Et ratio est clara, quia analogia fundatur in proportionem quadam, seu proportionalitate: hæc autem sicut sumitur interdum per ordinem ad formam intrinsece denominatam, ita potest sumi in ordine ad formam denominatam extrinsece, quando forma denominans habet aliquam variationem, seu ordinem in denominando. Sic ergo in præfenti, quamuis *esse morale* analogice conueniat actibus internis, vel externis, vel aliis rebus: nihilominus potest omnibus per extrinsecam denominationem conuenire, quæ primo ac per se conuenit actibus internis, per quos communicatur externis: atque hæc est sufficiens responsio.

XXI. Potest tamen esse alia responsio, quam statim addam respondendo ad alteram partem illius argumenti, quæ in hoc fundabatur, quod forma extrinsece denominans debet prius in aliquo intrinsece reperiri: ad quod breuiter dicitur, verū quidem esse formam realem extrinsece denominantem aliud vel inhærendo, vel per identitatem, debere esse intrinsece alicubi: non est tamē necesse ut eandem denominationem, quam extrinsece alicui tribuit, prius det intrinsece alteri, sed potest dare aliam. Exemplum clarum est in visione quæ dominat obiectum visum extrinsece: est tamen intrinsece in potentia, quam non denominat visam, sed videntem: & in actione transeunte constat esse inhærenter in passo, cui non dat denominationem agentis. Et ratio est clara, quia denominatio extrinseca oritur ex aliqua habitudine formæ denominantis ad rem denominatam: hæc autem habitudine potest esse valde diuersa in ordine ad rem extrinsecam, quam sit in ordine ad subiectum. Sic ergo in præfenti, forma à qua actus denominatur *moralis*, radicaliter est in aduertentia intellectus, quæ intrinsece est in ipso intellectu, & denominat ipsum aduertentem, actum vero voluntatis denominat deliberatum, seu consideratum: proxime vero est in ipsa voluntate quatenus est indifferens ad agendum, & non agendum: quæ in potentia ipsa est intrinsece & formaliter, & denominat illam liberam quoad facultatem, seu actum primum: actum vero ab illa manantem

denominat liberum, seu *moralem*. Vnde addi potest hanc denominationem *moralem* quamuis considerata etymologia vocis, & prima eius impositione primo conueniat actibus, attamen secundum rem & secundum illam proprietatem à qua totum esse morale manat, primo, ac formaliter conuenit voluntati, quæ, ut iam explicauimus, dici potest causa moralis, non per denominationem extrinsecam à suis actibus, sed per intrinsecam à sua virtute, à qua habet sic operari posse, quo modo non dicitur causa moralis, quia actus causat, sed quia potens est sic causare.

### SECTIO III.

*Quid sit esse morale in cæteris rebus quæ hoc modo denominantur.*

Materia huius q. si exacte tractanda esset, valde esset diffusa, & inuolueret multa quæ ad alias materias Theologiæ spectant. Ne igitur ab scopo nostro discedamus, attingam solum principia generalia quod & ad hanc materiam multum deseruiunt, & ex eis facile erit in aliis discurre. Ad tria ergo capita possunt reuocari ea omnia, quæ moralia denominantur, præter actus humanos, de quibus iam dictum est, primo ad causas, seu principia moralia, secundo ad effectus, seu proprietates morales, tertio ad accidentia, & de singulis pauca.

Circa causam moralem, generatim loquendo, hæc denominatio sumpta est ex modo causandi, ut à fortiori patet ex dictis de actu. Est autem considerandum huiusmodi causalitatem moralem interdum non excludere causalitatem per se physicam, interdum vero ab ipsa cōdistingui. Priori modo causa moralis illa dicitur, quæ licet physe & per se influat in effectum, non tamen ex necessitate causat, sed cum dominio & libertate: & hoc modo voluntas diuina dici potest causa moralis suorum effectuum ad extra: voluntas autem creata non solum effectum ad extra, sed etiam sui actus qui intra illam manet, dicitur causa moralis, quia licet physe & per se influat in illum actum, tamen id facit cum dominio & potestate non influendi. Atque hoc modo *esse morale* in tali causa, si sit sermo de causa actuali in actu secundo, includit denominationem, & ab actu suo, seu actione, ut sic, & à potestate non agēdi, non enim dicitur causare moraliter, nisi quia agit potens non agere. Si vero sit sermo tantum de causa in actu primo, denominatio illa sumitur ab intrinseca potentia tantum, & in hoc sensu *esse morale* est quid physicum & intrinsecum potentia.

Posteriori autem modo dicitur causa moralis, quæ per se & physe non influat in effectum, sed tantum applicando, vel inducendo aliam causam ex formali, aut interpretatiua intentione talis effectus. Hoc constat tam inductione, quam ratione, quia non est alia ratio, in qua hæc causalitas distinguatur à causalitate per se physica. Item quia licet hic modus causandi physe sit per accidens, at tamen moraliter reputatur per se, quia in ordine ad mores illa causa se gerit tanquam intendēs per se illum effectum, in quo differt à causa physica, nam hæc per se non intendit, nisi quod per se causare potest: causa autem moralis, quia per cognitionem dirigitur, & per voluntatem operatur, potest per se & directe intendere ea, quæ solum per accidens potest physe causare. Et hinc fit ut talis effectus eodem modo tribuatur tali causæ quoad laudem,

Tria genera rerum quæ denominantur morales

I. Generis sunt causæ, quæ morales denominantur duplici modo. Vnus modus.

II. Alter modus.

vel



Vel vituperium, præmium, vel pœnam, ac si per se illum causaret. Quæ omnia moralia sunt ergo & ipse modus cauſandi moralis est, vnde constat non habere locum nisi in causa operante per intellectum & voluntatem, vel in instrumento eius vt supplet eius vicem, & dicit aliquam habitudinem ad intellectum & voluntatem: quo etiam modo causa consulens, perens, & huiusmodi, dicuntur causare moraliter: atq; ita hoc etiam esse morale consistit in modo inſuendi & operandi per voluntatem, vel in ordine ad illam: & per hoc iudicandum est de cæteris.

III. Circa secundum de effectu considerandum est generatim etiam loquendo, effectum vt sic dici *moralem* ex modo emanationis: proprie tamen tunc ita denominatur quando non physice procedit à sua causa, præsertim loquendo de rebus externis, quæ sunt extra voluntatem. Inter hos autem effectus quidam sunt, qui licet denominentur *morales* ex ordine ad causam, tamen in se sunt entia realia & physica, vt præmium est quidem effectus moralis meriti, in se tamen est quid physicum & reale, & sic de aliis: & in his fere nulla est difficultas, nam res ipsa physica non essentialiter, sed denominatiue dicitur moralis effectus, & ideo esse potest totus ille effectus quoad rem physicus sine tali moralitate, quæ sæpiſſime sumitur ex intentione agentis ordinantis vnam rem ad aliam, vel quia per vnam excitatur ad faciendam aliam.

IV. Interdum vero huiusmodi effectus sunt *morales* quoad totum suum esse, qui sunt difficilioreſ ad explicandum: neque enim hoc esse dicit aliquam entitatem physicam, ac rebus superadditam, neque vere dici potest omnino confictum, quia vere est in rebus ipsiſ aliquo modo: huiusmodi est obligatio orta ex promissione, dominium quod transfertur per voluntatem domini, vinculum matrimonii, valor rei ortus ex lege taxante pretium eius: & huc etiam spectat macula peccati, siue habitualis culpa, quæ nec per se dicit ens positium reale, vt per se constat, nec simpliciter requirit priuationem realem physicam, vt constat in culpa veniali, & in peccato mortali, si esset in homine pura seclusa gratia: dicit ergo solum aliquid morale relictum ex præcedenti actu, quod, generaliter loquendo, nihil aliud est quam denominatio relictæ ex præcedenti actu, non vt cunque vt præteritum est, nam illa vt sic potius est quali necessaria & naturalis denominatio, sed vt moraliter secundum prudentem estimationem ita se habet ac si præſens esset in ordine ad *morales* effectus: vnde fit vt ratione talis denominationis res sic denominata aliter comparetur ad rectam rationem, vt, v.g. liceat, vel non liceat vti illa, vel vt sit digna odio, vel amore, vel alio simili modo.

V. Ex qua doctrina colligi in primis potest quædam distinctio *moralis entis* præ oculis habenda, nam quoddam dici potest *ens morale* solum denominatiue, aliud vero entitatiue, seu substantialiter. Vnde etiam obiter intelligitur quomodo *ens morale* distinguatur ab *ente physico*, nam illud *ens morale*, quod solum denominatiue est tale ratione rei denominatæ est verum, quod ex modo suæ productionis, vel ex aliqua alia habitudine ad liberam voluntatem vt sic, recipit illam denominationem *moralem*, & huiusmodi sunt actus *morales*, & fortasse præcipua eorum bonitas moralis, vt dicemus. *Ens autem morale* entitatiue & substantialiter, licet habeat aliquod fundamentum in aliqua re physica vnde oriatur talis denominatio, tamen in se & intrinsece non

Suarez in primam secundæ D. Thom.

includit entitatem physicam: & huiusmodi etiam sunt aliquæ proprietates actuum humanorum, vt est, verbi gratia, infinitus valor operum Christi, laudabilitas operis, seu operantis, ratione operis: & interdum in causis moralibus, præsertim instrumentalibus, virtus cauſandi est etiam hoc modo moralis, qualis est in scriptura, vel chirographo, ad efficiendam solutionem debiti, & huiusmodi putatur à multis esse virtus Sacramentorum, quæ pendet ex extrinseca impositione.

Secundo ex his colligitur quomodo possint hæc entia moralia destrui, aut corrumpi, nam sicut per denominationem extrinsecam sunt, ita per similem modum destruantur, sic tollitur obligatio promissionis per alterius remissionem, vel obligatio voti per dispensationem, vel irrationem. Solum est obseruandum, sicut hæc entia dicuntur esse per ordinem ad apprehensionem hominum, quatenus possunt mutare iudicium morale de agendis: ita pari ratione per ordinem ad eandem hominum prudentem estimationem destruantur, quædo per contrarium, ratio recta apprehendit esse factam in obiecto moralem mutationem, quæ ita illud relinquit, ac si prior denominatio non fuisset: sicut valor, seu pretium rei durat posita lege taxante, illa autem reuocata per voluntatem Principis, tollitur talis valor, & relinquitur res in eo statu, quem ex se haberet nulla posita lege, & sic de aliis. Et ratio generalis est, quia quale est esse rei, talis esse debet finis, vel initium eius.

Circa tertium caput de accidentibus, vel circumstantiis moralibus, nihil fere præter dicta restat dicendum: hæc enim interdum in suo esse sunt entia physica, vt intensio, locus, & cætera. & tunc solum denominantur *morales* aut ex modo quo sunt, aut certe quia terminant, vel terminare possunt habitudinem actus moralis ad modum obiectorum, de quibus vnum verbum statim dicam. Aliquando vero hæc circumstantiæ sunt in toto suo esse *morales* secundi generis suprapositi, addunt tamen ordinem ad actum moralem quatenus illum possunt aliquo modo aficere accidentaliter, & sic dicuntur circumstantiæ *morales*.

Ex his itaque facile erit ad has reuocare omnes alias similes denominationes *morales*: dicuntur enim obiecta *moralia*, quia per rationem regulantur, & proponuntur ad actus *morales* elicandos, vt significauit D. Thom. 1. 2. questione de cimanona, artic. 1. ad 3. quæ denominatio potest reduci ad causalitatem moralem, quia obiecta sunt causa actuum, & in ordine ad *morales* actus illa causalitas est aliquo modo moralis, quia non imponit necessitatem: dicuntur etiam scientiæ *morales* vel per modum effectus, quia habent pro materia, atque adeo pro causa obiectiua *morales* actus, vel etiam possunt sic denominari per modum causæ, quia dirigunt aliquo modo actus *morales*. Tandem simili ratione dicuntur aliquæ virtutes *morales*: & licet D. Thom. 1. 2. quæst. 58. articulo 1. & quæst. 1. de virtut. artic. 10. ad 18. dicat illam denominationem magis sumptam esse à more vt significat inclinationem, quam vt significat consuetudinem: tamen mihi valde probabilis est hæc posterior denominatio, tū quia illa prior omnibus habitibus potest esse communis, tum etiam, quia hæc posterior significatio moris est magis propria: potest ergo à more desumi per modum effectus, quod significare viderur Arist. 2. Ethic. capite primo, dicens, virtus moralis ex more fit, vnde & nomen accepit: vel etiam potest sic denominari per modum causæ, quia est principium

S 3

mora-

VI.

VII.

3. Generis sunt accidentia, seu circumstantiæ, quæ morales denominantur.

VIII.

Cur obiecta aliqua denominantur moralia.

Cur scientiæ.

Cur virtutes.



moralium actuum, & sic comprehendit etiam virtutes infusas: imo si hæc denominatio sumatur in hac ampliacione, etiam virtutes Theologicæ possunt dici *morales*, nam reuera actus earum sunt *morales*: verum illa denominatio virtutum specialiter accommodata est ad illas, quæ etiam habent pro obiecto & materia circa quam versantur, aliquos actus *morales*, de quo latius alibi.

IX. Ex quibus omnibus tandem concludo *ens morale* in tota latitudine sua non dicere proprie in cõmuni, nam rationem communem: vt satis patet ex analogum est.

magna varietate huius denominationis quam explicuimus. Vnde licet possimus dicere *ens morale* esse illud quod ad morēs pertinet, vel quod aliquo modo ex libero operandi modo procedit, aut ad illum dicit aliquam habitudinem, tamen hæc potius est quædam vocis analogiæ interpretatio, quam alicuius rationis formalis communis explicatio: in aliquibus autem entibus moralibus magis contractis potest vere dari ratio communis abstracta, & diuisio, quæ sub illa fiat per se per modum generis & speciei, & huiusmodi est ratio actus moralis, & ratio bonitatis, vel malitiæ moralis, de quibus nobis mox disputandum est.

## DISPUTATIO II.

### De bonitate & malitia obiectiua humanorum actuum.



Voniam obiecta, teste Aristotele, sunt priora actibus, & actus humani vel omnino, vel præcipue accipiunt ab obiectis bonitatem, & malitiam, ideo antequam disputemus de bonitate actuum vt actus sunt, dicendum videtur de bonitate obiectorum, quam nos vocamus bonitatem obiectiuam, de qua videbimus an sit, quid sit, & vnde sumatur, seu quomplex sit, & simul dicemus de malitia, quia facile cognoscitur cognito positio cuius est priuatio.

## SECTIO I.

### Vtrum in obiectis actuum humanorum sit aliqua honestas, siue bonitas moralis obiectiua.

I. Ratio dubii est primo, quia non oportet vt conditiones quæ sunt in actu, prius reperiantur in obiecto, etiam si sumat actus totam denominationem suam ab obiecto: ergo licet actus humanus sit bonus ex habitudine ad obiectum, non oportet, vt obiectum ipsum prius sit bonum: ergo non est necessaria hæc bonitas obiectiua. Primum antecedens patet inductione, nam licet iudicium intellectus sit verum, non oportet vt illa veritas prius sit in rebus, nam, teste Aristotele, primo & per se est in intellectu, per confirmationem ad res: idem est de certitudine, claritate. Et ratione patet, quia obiectum in tantum potest requirere conditionem quæ est in actu, in quantum est causa illius: obiectum autem non est causa vniuoca actus, sed æquiuoca: non ergo oportet vt in se habeat conditionem illam, quam communicat actui obiectiue: ergo quauis obiecta humanorum actuum aliquo modo communicet actibus bonitatem, non oportet

vt ipsa in se bona sint bonitate morali, seu honestate. Secundo, actus interior voluntatis non ideo est bonus, quia obiectum est bonum moraliter: duplex enim esse potest tale obiectum, scilicet, aut res omnino extrinseca, seu quæ nullo modo sit actus humanus, vt est Deus respectu amoris eius, vel potest esse aliquis actus humanus, vt est eleemosyna respectu voluntatis dandi eleemosynam: priora obiecta non possunt dici ex se moraliter bona, aut mala, vt per se constat, quia tantum sunt res quædam simplices & naturales, seu physice: posteriora vero in tantum sunt bona moraliter, in quantum procedunt ab actibus internis bonis: actus enim exterior eleemosynæ ideo est bonus, quia à bona voluntate procedit, vnde si interdum procedat à mala voluntate, est malus: ergo neque in illis obiectis secundum se est bonitas aliqua. Tertio, vt actus voluntatis sit malus, non requirit malitiam in obiecto, ergo neque vt sit bonus, requirit bonitatem: antecedens patet, nam odium Dei est malum, & tamen habet pro obiecto Deum, in quo nulla est malitia, & sic de aliis.

In hac re vix reperio varietatem opinionum, quia Theologi pauca de ea in propriis terminis disputant: potest autem referri hic opinio eorum, qui negant in actibus externis esse aliquam bonitatem, quæ non emanet ab interioribus actibus, quam tenet Almain. tractatu 3. moral. cap. 18. & Ocham. quodlib. 1. q. 10. Gregor. in 2. quest. 41. Sed reuera hi autores non loquuntur de actibus externis formaliter vt obiecta sunt, sed vt sunt actus humani, quæ consideratio est longe diuersa, vt dicemus.

III. Dicendum primo. In obiectis humanorum actuum, qui sunt boni moraliter, necessaria est aliqua honestas quæ conueniat obiecto ex se, & affirm. non per actum, & illa recte dici potest bonitas obiectiua. Hanc conclusionem sumo ex D. Thoma 1. 2. q. 19. art. 1. ad 3. dicente, Bonum per rationem presentatum voluntati vt obiectum, & in quantum cadit sub ordine rationis, pertinet ad genus moris, & causat bonitatem moralem in actu voluntatis. In quibus verbis dicit aperte bonum præsupponi vt obiectum ante actum voluntatis, & respectu actus moraliter boni: illud bonum aliquo modo pertinet ad genus moris per ordinem ad rationem: est ergo in illo aliqua bonitas quam recta ratio cognoscit, & hanc nos vocamus obiectum honestum: vnde 1. 2. q. 20. art. 1. ad 1. ait idem D. Thomas actum externum pro vt est prior in ordine rationis, quæ internus, habere ex se bonitatem non ab interiori actu, sed quæ sit potius fundamentum bonitatis interioris actus. Vbi est aduertendum non sentire D. Thomam hanc bonitatem non conuenire his actibus pro vt in re sunt, eo quod dicat conuenire illis pro vt sunt in ordinatione rationis, quia res quæ iudicatur bona: non in apprehensione tantum, sed in existentia iudicatur bona: vt ergo iudicium sit verum, oportet vt res in se habeat bonitatem, quam habet vt rationi obiecta: dicit tamen D. Tho. hanc bonitatem conuenire actibus externis vt sunt in apprehensione rationis, quia vt sic obiciuntur voluntati, & ita hoc modo dicendi, explicuit hanc bonitatem esse obiectiuam, & conuenire actibus externis, non vt actus sunt morales, sed vt obiecta sunt. Eandem doctrinam repetit questione secunda, de malo, articulo tertio, in corp. & ad octauum, vbi hanc vocat bonitatem primordiale: & ita conclusionem hanc fere omnes Thomistæ docent, Conrad. alii 1. 2. quest. 20. art. 1. & 2. Ferr. 3. cont. Gent. cap. 1. Viger. in Sum. c. 3. §. 7. vers. 2. & alij Theologi quos infra referam.

Ratione



IV

Ratione probatur, quia obiectum voluntatis est bonum sub ratione boni: ergo bonitas illa quæ mouet voluntatem, non manat à voluntate, sed supponitur in obiectis: idem ergo proportionaliter verum est in omnibus habitibus, vel actibus voluntatis, quia omnia tendunt in obiectum adæquatum potentiae proportionali modo: ergo idem necesse est dicere de actibus bonis & rectis: supponit ergo in obiectis suis aliquam bonitatem mouentem voluntatem ad tales actus, & formaliter terminantem tendentiam eorum. Tunc ulterius, illa bonitas talis obiecti non constituit bonum utile, nec delectabile: ergo honestum est: ergo in ipsa, aliqua honestas sufficiens in suo genere ad dandum actui bonitatem moralem, & ideo recte dicitur bonitas moralis obiectiua. Probantur duæ partes de utilitate & delectabilitate, nam in primis bonum utile ut sic est respectuum: & totam suam rationem appetibilis sumit ab illo, ad quod est utile, ut suo loco iam ostensum est: ergo utile ut sic est indifferens, & ut sit honestum, dicendum est esse utile ad honestum obiectum, seu finem: ergo proprie & formaliter hæc bonitas non est in bono utili ut utile est, sed in aliquo bono per se amabili, ut latius postea. Similiter bonum delectabile ut sic non est sufficiens ad dandum actui interiori bonitatem moralem, sed ex adiunctis iudicandum est de illo, nam potest habere adiunctam turpitudinem, & tunc actus qui circa tale bonum versatur, erit malus moraliter: interdum verò neque turpitudinem, neque honestatem habet adiunctam, & tunc est indifferens: unde non potest facere actum bonum, sed ad summum facit indifferentem in specie, & in indiuiduo erit bonus, vel malus ex adiunctis circumstantiis: aliquando vero potest delectatio esse honesta, quia consequitur honestam operationem, quæ operatio habet rationem obiecti honesti: ergo honestas illius non est ipsa delectatio, sed aliqua alia ratio boni, à qua & opus ipsum, & consequenter delectatio est honesta.

V.

Dices præter has tres rationes esse quandam aliam conuenientis boni ut sic, & illam sufficere ut ex parte obiecti fundet bonitatem actus. Respondetur iuxta metaphysicam distinctionem boni in utile honestum, & delectabile, omne illud quod est amabile tanquam per se conueniens, reduci ad bonum honestum: unde licet concedamus illam conuenientiam cum natura fundare obiectiue bonitatem actus, nihilominus illa verè dicitur honestas quædam. Ad do tamen ulterius, non quidquid est conueniens naturæ hominis, hoc ipso esse honestum propriè & in ordine ad mores, ut uult loquimur, nam vita per se est conueniens naturæ, & tamen interdum amare illam potest esse turpe, & idem est de sanitate, aut aliis commodis naturæ, & hoc modo antiqui Philosophi, ut constat ex Tullio 3. & 4. de Finib. distinxerunt bonum naturæ à bono honesto, quod appellabant per se decens: in obiectis ergo actuum humanorum sola commoditas naturæ non est sufficiens ad honestatem actuum: ergo est in eis aliqua ratio bonitatis, quam propriè honestatem appellamus, ratione cuius talia obiecta per rectam rationem iudicantur esse homini decencia, & propter se recte amabilia.

VI.

2. Assertio trimembris.

Dicendum secundò. Hæc honestas non conuenit tantum actibus humanis, sed etiam aliis rebus, quæ per se recte amari possunt: neque etiam conuenit solis actibus externis, sed etiam internis. Hæc conclusio declaratur vno exemplo quoad priorè partem, nam tota illa sequitur ex præce-

denti, & eadem ratione probanda est proportionaliter explicata. Prima ergo pars declaratur hoc exemplo, Deus est obiectum per se amabile ab homine, rectissimo amore: non est autem ita amabilis Deus, quia amor qui in ipsum tendit, rectus est, sed è contrario: quia Deus de se ita est bonus, & ita amabilis, ideo amor qui tendit in illum sub hac ratione rectus est: ergo hæc obiectiua bonitas supponitur in ipso Deo, neque conuenit illi per denominationem ab actu voluntatis, sed potius in suo genere est causa rectitudinis voluntatis. Dicunt aliqui tale obiectum non denominari bonum nisi à causalitate, quia scilicet potest causare actum bonum. Sed si hoc intelligatur de actuali causalitate, sic est aperte falsum: est enim obiectum de se bonum, etiam si actu non causet actum bonum: si autem intelligatur de virtute causandi, cum hæc causalitas pertineat ad finalem causam, verum est bonitatem ipsius obiecti esse virtutem, per quam sic causat, iuxta dicta initio huius operis. Hæc autem bonitas non consistit propriè in relatione causalitatis, sed est veluti virtus ipsa, in qua potest fundari talis relatio.

Atque hinc probatur secunda pars conclusionis de actibus externis, qui etiam sunt obiecta internorum, & interdum sunt tales, ut ex se habeant unde rectè amentur, quo sensu vera est illa causalis, quia dare eleemosynam bonum est, ideo velle dare est bonum: ergo in talibus actibus secundum se præsupponitur aliqua bonitas, quæ non manat ab interiore actu, sed potius obiectiue præsupponitur, & est fundamentum rectitudinis illius.

Dénique eodem modo probanda est vltima pars conclusionis de actu interiori: qui dupliciter potest considerari: primò quatenus vnus actus interior potest per alium actum amari quasi reflexè, & hoc modo eadem est ratio de vno actu interiori respectu alterius per quem amatur, quæ est de actu exteriori respectu interioris: sicut ergo actus exterior in se & ex se habet honestatem obiectiuam, ob quam rectè amari potest, ita etiam interior: & hoc modo velle amare Deum est actus bonus, quia ipsum amare est obiectum bonum, & per se decens homini ut recta ratione videtur: ergo illa est honestas obiectiua vnus actus respectu alterius. Secundò potest considerari actus interior quatenus se ipso est intrinsecè voluntarius, & consequenter volutus: sub qua ratione non habet propriè rationem obiecti, quia non est volutus ut obiectum, sed ut actus: attamen eo modo quo est volutus, lata quadam ratione potest dici aliquo modo inducere rationem obiecti, nam vere ut sic est amabilis. Et eadem consideratione si actus sit honestus dici potest intrinsecè includere honestatem obiectiuam, ratione cuius est amabilis honestè intrinsecè & per se ipsum, est enim eadem proportionalis ratio. Poterat autem circa hanc conclusionem inquiri, vtrum hæc honestas obiectiua reperitur aliquo modo in mediis ut media sunt, & in priuationibus, & in entibus, seu respectibus rationis: quæ commodius explicabuntur in sequenti sectionibus.

Ad argumenta in principio posita, quoniam magna ex parte fundantur in equiuocatione nominum, præmittenda est distinctio iam inlinuata bonitatis & honestatis, nam alia est obiectiua, alia verò potest vocari formalis: prior est illa quæ constituit rem in ratione obiecti honesti: posterior verò, quæ constituit actum ut actum in ratione actus honesti. Dices, omnis bonitas formaliter constituit in ratione boni illam rem,

VII.

VIII.

IX.

Prænotatio  
diuisionis  
bonitatis  
obiectiue, &  
formalis.



cuius est bonitas: ergo omnis bonitas est bonitas formalis. Respondetur hanc esse vocis æquivocationem. concedo enim obiectum bonum formaliter constitui sua bonitate in tali esse, & hoc sensu illam posse appellari bonitatem formalem; verum respectu hominis illa dicitur bonitas obiectiua, & sub hoc respectu & consideratione datur illa diuisio, nam, vt latius dicam inferius, in tantum aliquid est bonum alteri, in quantum est illi conueniens: dupliciter autem potest aliquid conueniens homini scilicet aut per modum obiecti, aut per modum formæ. Ad quem modum initio huius operis distinguebamus finem obiectiuum & formalem: sic ergo in ordine ad mores aliquid est bonum homini vt obiectum, quia scilicet est tale, vt per se sit recte amabile ab homine. Alio modo potest esse conueniens vt forma actualiter constituens hominem bonum: non enim fit homo bonus formaliter ab obiectis per obiecta ipsa, sed per ea quæ exercet circa obiecta. Primum ergo bonum vocatur obiectiuum, secundum formale; de quibus plura insequentibus.

X.  
Ad 1. argū.  
in num. 1.

Ad primum ergo respondetur concedendo non esse necessarium, obiectum habere formaliter eam conditionem, quæ est in actu: hinc tamen solum fit honestatem illam obiectiuam non esse necessariò eiusdem rationis cum honestate formalis quæ est in actu, quod verum est, vt latius postea constabit, non vero inde inferitur honestatem illam quæ est in obiecto, non esse bonitatem quandam, nam cum constituat obiectum amabile, & sumatur ex conuenientia ad rationalem naturam, cuius est obiectum, vt dicam, necesse est illam esse bonitatem quandam: unde in illa diuisione boni in honestum, & c. bonum honestum non solum conuenit actibus, sed etiam aliis rebus quæ honestè amari possunt: est ergo illa honestas bonitas quædam obiectiua.

XI.  
Ad 2. argū.

Hinc ad secundum est facilis responsio, quamuis oporteat distinguere de bonitate & moralitate, si sermo sit de bono morali, nam denominatio boni sumitur sine dubio à bonitate ipsius obiecti, quæ antecedit actum voluntatis; denominatio vero moralis potest sumi ex sola habitudine extrinseca ab actu morali, nam, vt supra dicebam, obiectum non denominatur morale, nisi quatenus esse potest causa actus moralis: unde sicut in medicina sana virtus causandi sanitatem est intrinseca in ipsa medicina illi ex se conueniens, & non à sanitate, & nihilominus denominatio sani est extrinseca illi à sanitate quam causare potest: ita dicendum de honestate obiectiua quatenus moralis denominatur. Hinc ergo ad priorem partem illius argumenti, quæ est de rebus quæ nullo modo sunt actus humani, concedo in eis esse honestatem & bonitatem propter quam sunt honestè diligibiles, vt dictum est de Deo, & idem est de aliis, seruata proportionem. Vtrum vero honestas illa dicenda sit moralis, quæstio est de nomine quæ iam satis explicata est. Vnde Ferrar. supra illam vocat bonitatem naturalem, quæ non liberè, sed naturaliter obiectis conuenit: D. Thomas autem vocat primordiale in genere moris, quod idem est quod dicere esse morale causaliter. Ad posteriorem autem eiusdem 2. argumenti partem de actibus externis aliqui non formidant concedere dari circulum inter actum internum & externum, & non esse vitiosum, quia est in diuerso genere causæ, nam actus externus est bonus, quia internus bonus est, & internus etiam est bonus, quia terminatur ad talem actum externum tan-

quam ad obiectum. Sed in hoc committitur æquivocatio, nam respectu vnus & eiusdem bonitatis nullus est circulus saltem quod attinet ad specificationem, nam si sit sermo de bonitate obiectiua, non ideo actus externus est bonus, quia est ab interiori bono, sed ex se talis est, vt declarauimus & retulimus ex D. Thom. Vnde etiam si actus elemosinæ procedat à mala voluntate, quamuis vt actus non sit bonus, tamen vt obiectum semper est bonus, quia de se semper est sufficiens ad dandam actui voluntatis bonitatem. Vnde potius est vera illa causalis, ideo actus voluntatis est bonus, quia actus exterior est obiectiue bonus: at verò respectu bonitatis formalis, quæ conuenit actui vt actus est, habet actus exterior vt sit bonus ab actu interiori bono, vt suo loco dicemus, tamen iam hoc est respectu diuersæ bonitatis, & ita nullus est circulus.

Tertium argumentum petit, an quod dictum est de bonitate, extendendum sit ad malitiam. Et breuiter dicendum, quoad aliquid esse eandem rationem, nimirum quando actus interior ab obiecto malus est, necessariò supponi in obiecto aliquam turpitudinem obiectiuam, à qua manat in suo genere tota malitia talis actus interioris, nam ideo est malus, quia circa prauum obiectum versatur: prauitas ergo subiecti supponitur in ipso, & non manat ab actu interiori in ipsum obiectum, vt facile patet applicando omnes rationes factas pro assertione. Est autem attente considerandum, quidnam sit proprium & proximum obiectum talis actus interioris, nam in illo debet reperiri malitia, & non in persona, vel in aliqua alia re, ad quam terminatur, vel aliquo modo includit tale obiectum, vt in exemplo adducto in argumento, odium Dei non habet pro obiecto proximo Deum, sed non esse Dei, vel aliquod malum inferendum Deo, & ideo obiectiua malitia respectu talis actus non est querenda in Deo, sed in hoc quod est Deum non esse, vel malum aliquod inesse Deo. Et ad hoc intelligendum cōfert quod suprā dicebam, omnem actum voluntatis licet significetur per modum fugæ, includere prosecutionem, vel appetitionem aliquam, sicut in odio Dei includitur voluntas vt Deus non sit, vel ei fiat iniuria: illud ergo quod appetitur est proprium obiectum, in quo est malitia obiectiua.

Est autem differentia notanda inter malitiam, & bonitatem, quod bonitas non solum est in obiecto, sed etiam de se est ratio formalis obiectiua voluntatis: unde esse potest directè & per se volita; imò hoc etiam necessarium fortasse est, vt conferat actui interiori bonitatem: at verò malitia, licet sit in obiecto, non est tamen ratio obiectiua, quia nemo intendens ad malum operatur, nec malitia vt sic potest mouere voluntatem ad appetitionem obiecti: & quamuis fortasse interdum ex magna deordinatione posset voluntas amare malitiā ipsam, non tamen propter ipsam, sed propter aliquam aliam rationem boni, ad quam talis malitia existimari potest utilis, & ideo vt obiectum malum communicet malitiam actui, non oportet vt malitia sit directè intenta aut voluntaria, sed satis est vt in ipso obiecto aliquo modo sit volita, tum propter rationem factam, tum quia malum ex quocunque defectu.

¶ (?)

XII.  
Ad 3. in fine  
eiusdem n. 1.

XIII.  
Interest inter  
bonitatem  
& malitiam  
in appetitu.



## SECTIO II.

*Quid sit hæc bonitas obiectiua humanorum actuum.*I.  
Ratio dubitandi.

**R**atio difficultatis est, quia nãc bonitas reperitur in entibus realibus, vt in Deo, & elemosyna: reperitur etiam in entibus rationis, vt in priuationibus & negationibus, nam velle non occidere est actus bonus ex obiecto; in illo ergo obiecto est bonitas obiectiua, estque mera priuatio, seu negatio: conuenit etiam rebus per extrinsecam denominationem realem, vt in actibus externis, qui sunt boni, quia præcepti; & mali, qui prohibiti, nam esse præceptum, vel prohibitum denominatio extrinsecã est, & tamen in illa fundatur bonitas, vel malitia obiectiua talis actus: hæc ergo bonitas in communi loquendo, non potest aliqua esse proprietas realis, alioqui nec reperiri posset in non entibus, neque oriri ex denominatione extrinsecã: neque etiam esse proprietas rationis, quia, vt sæpe dixi, entia rationis sunt conficta, & vt sic nihil conferunt ad mores: neque denique potest esse aliquid commune, quia nihil tale fingi, aut excogitari potest.

II.  
Opinio.

In hac re potest esse eadem varietas opinionum, quæ disp. precedenti de moralitate tractata est, & quam inferius agendo de bonitate formaliter referemus, vnde breuiter illam attingo. Prima sententia esse potest, hanc bonitatem obiectiuam in vnaquaque re tantum esse relationem conformitatis ad rectam rationem, nõ vt habet rationem legis, de quo postea, sed vt est vis representans voluntati id quod eam amare oportet; quod videtur posse sumi ex D. Thoma 1.2. q. 18. art. 1 ad 3. vbi dicit bonum vt propositum per rationem, pertinere ad genus moris.

III.

Hæc opinio intelligi potest vel proprie de respectu vt significat relationem sine realem, siue rationis; vel fundamento talis respectus, seu denominatione quæ in obiecto oritur ex iudicio rationis. Neutro autem modo potest hæc opinio esse vera, nam primò quod attinet ad relationem rationis proprie dictam; rationes supra factæ conuincunt esse impertinentem ad honestatem morum, nam hoc ipso quod intellectus iudicat elemosynam esse honestam, relucet in illo obiecto bonitas obiectiua, & tamen nondum est orta relatio rationis donec intellectus conferat vnum cum alio, & fingat illam. Deinde propter hanc bonitatem est res digna amore; quis autem dicat rem esse amabilem propter relationem rationis? Deus enim per se, & ratione suæ bonitatis est obiectum maximè honestum, & summe diligibile, non propter relationem rationis. Denique obiecta virtutum moralium realia sunt, & tamen sunt honesta bona. Secundò de relatione reali, in primis in obiecto per rationem iudicato, nulla resultat talis relatio, sed si quæ resultat, est in iudicio ipso, ab illa autem non potest obiectum denominari bonum, sed fortasse ipsum iudicium, vnde denominatur verum, & inde etiam vt ipsum sit bonum quoddam intellectus magis ratione fundamēti, quam formali respectus. Deinde etiam si daremus hanc relationem conformitatis esse realem in obiecto per rationem proposito, neque posset esse verum in omnibus obiectis, vt patet in Deo, neque etiam ipsa relatio quicquam conferret ad honestatem obiecti, nam præcisè lex hoc quod obiectum intelligatur esse tale, quale per rectam

rationem iudicatur, intelligatur esse honestum, & tamen in illo vt sic nondum intelligitur relatio, quia intellectus non iudicat de tali relatione, sed solum de ipsa re, & de tali proprietate illi conueniente. Vnde facile probatur etiam tertia pars de denominatione. Primo quidem, quia obiectum non denominatur à iudicio rationis nisi cognitum, vel diiudicatum, quæ denominatio non constituit obiectum bonum, sed manifestat solum id quod obiectum in se habet: vnde antequam sic denominetur, vel cognoscatur, tale est. Ac denique, quia obiecta non sunt honesta, quia iudicantur honesta, sed potius è contrario, ideo recta ratio iudicat illa honesta, quia ex se talia sunt, nam sicuti in aliis iudiciis veritas eorum fundatur in rebus, si nimirum tales sunt, quales iudicantur, ita in hoc iudicio rectæ rationis rectitudo illius fundatur in obiecto iudicato: ergo honestas obiecti non potest consistere in conformitate ad tale iudicium. Quocirca quando dici solet illud obiectum in moralibus esse bonum, quod est conforme rationi, vel intelligendum est fundamentaliter, id est, quod in se habet vnde recta ratio verè iudicet esse appetendum honestè, vel certè explicatur honestas à posteriori, & quoad nos, quia nobis est data ratio, vt per eam discernamus honestum à turpi.

Secunda sententia esse potest, hanc honestatem esse positam in cõformitate ad legem: quam insinuat Conrad. 1.2. q. 19. art. 1. ad 3. dum ait rectam rationem regulando obiectum in legem æternam, vel aliam quæ sit participatio eius, dare obiecto bonitatem moralem. Et potest hoc suaderi; quia lex est mensura & regula humanarum actionum: vnde fit vt eadem omnino res realiter immutata posita lege præcipiente sit honestè appetibilis; stante autem lege prohibente sit obiectum turpe.

IV.

Opinio.

Hæc vero sententia attingit quidem aliquid quod semper est necessarium ad hanc honestatem, vel malitiam contrariam: non tamen vniuersaliter, neque formaliter explicat in quo consistat hæc bonitas. Primò, quia lex tantum datur de humanis actibus: hæc autem bonitas & honestas latius patet, quam actus humanus, vt in præcedentibus dictum est, & patet in Deo, qui per se est obiectum honestum, quamuis de illo nulla lex dari possit, sed solum de actu, qui circa illum versatur, in quo distincta bonitas est ab illa, quæ est in Deo ipso.

V.

Secundo, quia etiam si loquamur de bonitate actuum, illa esse potest prior quam lex, multa enim sunt obiecta honesta, quæ non sunt præcepta. Quod si quis fortè dicat vel nomine præcepti comprehendere etiam consilium, aut approbationem superioris; vel omnes actus honestos esse aliquo modo præceptos, non absolutè vt fiant, quod potest vocari quoad exercitium, sed veluti sub conditione, seu quoad specificationem, id est, quod si voluntas circa tales actus versetur, tali modo tendat, quamuis enim mihi non sit in præcepto nunc loqui, est tamen in præcepto, qd si velim loqui, vera loquar. Nihilominus hæc responsio non satisfacit ob rationes, quas in simili supra feci tractando de ente morali, nam licet per impossibile nõ esset superior præcipiens aut prohibens; hoc ipsum obiectum, quod est mentiri, per se propositum turpe est, & è contrario dicere verum, est honestum, & ideo etiam respectu Dei intelliguntur habere has rationes, & ideo alteri ei repugnat, alterum est connaturale: ergo hæc honestas per se & formaliter præscindit à lege.

VI.

Ter-



## VII.

Tertio, etiam in his quæ præcipiuntur, quædam præcipiuntur quia bona: ergo in eis non potest resultare bonitas ex lege, alia vero dicuntur bona, quia præcepta, in quibus si nulla sit bonitas, præcisa lege, quod raro inuenietur, resultat quidem bonitas mediante lege. Tamen hoc dupliciter potest intelligi quod lex se habeat tanquam causa efficiens moraliter, & tunc bonitas non potest formaliter consistere in conformatione ad legem, sed in illo medio virtutis ad quod pertinet materia talis legis, & consequitur in aliqua alia conformitate ad naturalem rationalem, quæ habuit fundamentum in tali lege, vt v.g. lex taxans pretium rei, dat illi moralem valorem, qui non est proprie conformitas ad legem, sed moralis quidam effectus natus ex lege in ordine ad hominum existimationem: vnde fit vt tanti vendere huiusmodi rem sit honestum obiectum respectu iustitiæ voluntatis, quia in illo reperitur medium iustitiæ, quod licet habuerit ortum ex lege, non tamen consistit in conformitate ad illam, sed in æqualitate rei ad rem. Idem videre licet in lege præcipiente actum temperantiz, quæ habet vim & efficaciam moralem ad præscribendum medium in illa materia, & sic de alijs. Alio autem modo potest hæc bonitas ex lege oriri quasi formaliter, quatenus hoc ipsum quod est subdi legi, & conformari illi, bonum est: & hoc sensu verum est aliquam bonitatem honestam obiectiuam posse sumi ex conformitate ad legem, tamen illud & est speciale de bonitate obedientiz, & præterea requirit conformitatem cum natura rationali, in qua consummatur formalis ratio obiectiuæ honestatis, vt iam dicam.

## VIII.

## 3. Opinio.

Tertia ergo sententia esse potest, hanc bonitatem honestam nihil aliud esse, quam bonitatem transcendentalem earum reum, quæ sunt ex se obiecta honesta, quia nihil aliud in eis excogitari potest ad hanc honestatem, vt videtur probare ratio in principio facta, & alia argumenta contra citatas opiniones. Et præterea, quia bonum transcendens diuiditur in honestum, utile, & delectabile: ergo bonum honestum comprehenditur sub bono transcendentali: ergo honestas in quocumque obiecto honesto erit talis bonitas transcendentalis eius. Confirmatur inductione, nam Deus est optimum summè honestum, hoc autem habet ratione suæ infinitæ bonitatis, quæ respectu illius est bonitas transcendentalis talis infiniti entis: & idem reperitur in quolibet actu humano, si vt obiectum alterius actus concipiatur, nam ratione suæ entitatis, & bonitatis transcendentalis, est obiectum honeste amabile.

## IX.

Hæc opinio non omnino satisfacit.

Hæc opinio proxime accedit ad veritatem, non satis tamen explicat rem totam, nam constat non omnem bonitatem transcendentalem sufficere ad honestatem. Explicandum ergo esset quid addat honestas obiectiua supra bonitatem transcendentalem in communi. Deinde, quia multorum opinio est bonitatem transcendentalem esse absolutam per conuenientiam rei ad se ipsam seu ad suum appetitum naturalem, vel elicatum, quomodo est Deus bonus sibi, etiam si nulla sit creatura: at verò hæc bonitas honesta non potest esse omnino absoluta, nam eadem res respectu huius est honestum obiectum, & non respectu alterius. Tandem lex non potest mutare bonitatem transcendentalem rerum, & tamen potest mutare obiectum de honesto in turpe, si illud prohibeat.

## X.

## 1. Assertio.

Dicendum primò hanc honestatem obiectiuam consistere in quadam conuenientia obiecti

honesti per se ipsum ad naturam rationalem vt talis est. Vt explicetur & probetur hæc conclusio, de qua videri possunt dicta in *disp. 10 metaph. sect. 1. num. 12. & sect. 2. à num. 11.* suppono ex D. August. 8. de Trinit. cap. 3. & ex D. Thom. in 2. d. 27. quest. 1. art. 2. ad 1. & quest. 1. de virtut. artic. 2. ad 1. & alijs locis citandis, & ex Scoto quodlib. 18. dupliciter aliquid denominari bonum, vno modo in seipso, alio modo respectu alterius. Priori modo idem est bonum, quod perfectum, teste D. Thom. 1. p. quest. 5. art. 1. & sequentib. & eodem sensu videtur vsus nomine bonitatis. 1. 2. quest. 18. art. 1. cum inquit tantum habere vnamquamque rem de bonitate, quantum habet de esse, & eodem sensu locis citatis, & 1. 2. quest. 5. art. 4. ad 1. censet accidentia & virtutes ipsas non esse aliqua bona, sed esse potius bonitates quasdam: quod est intelligendum in eo sensu, quo dici solet accidentia non esse entia, sed entis entia, per quod non negatur habere aliquam entitatem intrinsecam sibi, sed affirmatur illam esse imperfectam, totamque ad substantiam ordinatam. Sic etiam dicuntur accidentia non esse bona, non quia in se non habeant intrinsecam aliquam perfectionem, sed quia totam illam habent ad perficiendam substantiam, quæ tunc dicitur simpliciter & absolute bona, quando habet omnem perfectionem sibi debitam iuxta naturam suam, vt D. Thom. supra docet. Posteriori autem modo, vt aliquid sit bonum alteri, præter perfectionem suam requirit proportionem quandam, & conuenientiam cum illo: quo fortasse sensu dictum est ab Arist. *amabile esse bonum, vnicuique autem proprium*, quia vnaquaque res amat quod sibi conueniens est: & hoc modo calor dicitur esse bonus igni, non aquæ, quia licet respectu vtriusque habeat eandem perfectionem, non tamen eandem proportionem, seu conuenientiam. Vnde D. Thom. 1. 2. quest. 26. art. 4. dicit, quod in se est, esse absolute bonum, & simpliciter bonum; quod bonum est alteri, esse tantum bonum secundum quid sub ea ratione: de quo videri potest idem D. Thom. 3. p. quest. 11. art. 5. ad 3.

In præsentī ergo bonum honestum obiectiuū de quo agimus, non potest consistere in solā perfectione rei secundum se, nam hoc dicitur bonum respectu rei cui obijcitur vt amandum, vel prosequendum: requirit ergo aliquam conuenientiam cum natura hominis: vnde fit vt ipsum esse diuinum si obijciatur homini vt sibi appetendum, non habeat rationem obiecti honesti, quia est quid homini improporionatum: si vero proponatur vt amandum Deo, sit obiectum honestissimum & proportionatum homini: ergo hoc honestum vt tale est requirit formaliter conuenientiam & proportionem cum natura rationali. Addendum tamen hanc conuenientiam esse debere, cum natura rationali, vt rationalis est, & recta ratione gubernari potest, quia hæc honestas est supremæ bonitas quæ in eo genere conuenientiz esse potest respectu hominis: ergo debet esse secundum perfectissimum gradum & supremam perfectionem quæ in homine est: ergo debet attendi penes naturam rationalem vt rationalis est: & è contrario cum ratio bonitatis in communi respectu alterius consistat in aliqua conuenientia, in hac conuenientia ad naturam rationalem posita erit aliqua bonitas, sed illa non est utilitas, nec delectabilitas, vt per se constat: ergo est honestas. Vnde etiam in alijs rebus inferioribus bonitas, quæ est per conuenientiam ad naturam, est distincta à delectabili & utili, & lato modo vocatur honestas: propriè ergo talis erit, si sumatur

Bonū aliud absolutum.

Aliud respectiuum.

XI.  
Bonum respectiuum est de quo agitur in præsentī.



matur per conuenientiam ad naturam rationalem ut sic.

**XII.**  
*Obiectio 1.* Dicit aliquis primo, ergo incidimus in primam sententiam improbatam, nam idem videtur esse conueniens naturæ rationali, ut sic, quod conforme rectæ rationi. Respondetur eandem rem esse, non tamen eundem respectum, & ita simpliciter negatur consequentia: quia hæc conuenientia ad naturam rationalem non respicit dictamen rationis, sed naturam ipsam secundum se; ratio autem solum est applicans & proponens quid conueniat naturæ, & tunc habet dictamen rectum quando res ipsa ita conuenit naturæ sicut iudicatur, ut si quis posset cognoscere calorem sibi esse conuenientem, non esset calor conueniens propter conformitatem cum iudicio, sed propter proportionem cum natura ipsius, sicut etiam sensus aliquo modo apprehendit quod naturæ sensitiuæ conueniat, & tamen illa conuenientia non est per ordinem ad cognitionem sensus, sed per ordinem ad consistentiam, seu conseruationem naturæ.

**XIII.**  
*Obiectio 2.* Dices secundo. Ergo bonum honestum ut sic, tantum est amabile illo amore concupiscentiæ, qui dicitur esse proprii commodi, quia tantum amatur ut propria naturæ rationali conueniens: consequens autem est falsum, nam potius amor commodi, & amor iustitiæ, qui est amor honesti, ut sic, condistingui solent, ut patet ex Anselm. lib. de casu diab. cap. 12. Respondetur æquiuocationem esse in vocabulo conuenientia: interdum enim sumitur conueniens pro eo quod est alicui ita commodum, ut ei aliquam perfectionem & quasi utilitatem asserat, & hoc modo sumitur in obiectione. Alio vero modo dicitur conueniens quod per se deest aliquo modo, & est consentaneum naturæ, & inclinationi eius; sic dicitur Incarnatio conueniens Deo, & bonitati eius, & similiter misereri & liberaliter se communicare, & similia sunt obiecta maxime conuenientia Deo, quia sunt proportionata perfectioni & magnitudini eius. Huiusmodi ergo conuenientiam, vel proportionem requirit, per se loquendo, *honestum* ut honestum respectu rationalis naturæ, quia potest obiectum esse tale, ut considerata dignitate naturæ rationalis, illam deceat, seu illi sit consentaneum amare, seu prosequi tale obiectum. Unde multa sunt huiusmodi obiecta, quæ vel nullam commoditatem asserunt præter ipsam honestatem virtutis, vel non propterea intenduntur, imo ipsa naturæ commoditas nisi hac posteriori ratione informetur, & per se conueniens censeatur homini, ut sic non habebit rationem obiecti honesti, nec sufficiens ad dandam actui honestatem, ut supra insinuatum est, & latius dicitur inferius.

**XIV.**  
*2. Assertio bipartita.* Dicendum secundo. Hæc honestas obiectorum moralium interdum fundatur in perfectione, & proprietatibus realibus, & physicis ipsarum rerum, interdum vero requirit ulterius proprietates morales ortas ex actibus humanis, seu liberis. Prior pars constat exemplis, nam Deus per se est maximum bonum, solum ratione suæ perfectionis & naturalis proprietatis: similiter subleuare miseriam pauperis, seu dare eleemosynæ est consentaneum naturæ humanæ, quia per hanc ipsa subleuatur necessitas proximi, & sic de aliis. Ratio est, quia quædam sunt res per se & ratione suæ perfectionis entitatiuæ; consentaneæ naturæ humanæ, vel quia sunt vltimus finis eius, ut Deus, vel quia contingunt hominem cum illo fine, ut cognitio, vel amor Dei, quia ex se rectè disponunt hominem in ordine ad talem finem, vel remotè; ut iustitiæ, &c. hinc enim

fit ut tales res sint proportionatæ naturæ rationali quatenus est capax beatitudinis, & ad illam inclinatur, & ideo etiam actus tendens in talia obiecta, rectus dicitur, quia per illud homo rectè tendit in finem sibi debitum.

Posterior verò pars etiam constat exemplis, quia restituere alienum, est per se bonum, & consentaneum homini, quæ honestas non fundatur in sola physica entitate vel perfectione, nam esse propriam rem vel alienam, est proprietas moralis, non physica, & in illa fundatur prædicta honestas: idem est de hac denominatione quod res sit præcepta, &c. Ratio vero etiam est facilis ex supra dictis, quia licet istæ proprietates nihil physicum ponant in rebus præter denominationem, tamen in ordine ad humanos usus, vel actus, sunt magni momenti, quatenus manent in æstimatione hominum, & iuxta illam variatur ordo ad rectam rationem, & ad conuenientem usum rerum, & subordinationem inferioris ad superiorem, & ad pacem, & debitam societatem hominum: ob hanc enim causam per se decens est implere promissionem, parere superiori, & unicuique seruare ius suum: nam hinc etiam est quod vna voluntas possit esse regula alterius, & habeat vim inducendi obligationem, vel moralem necessitatem, & sic de cæteris proprietatibus moralibus; tamen in obiecto voluntatis non requiritur maior realitas seu entitas, quia intentionaliter mouet media cognitione, & ideo satis est, quod in rebus habeat sufficiens fundamentum ad variandam prudentem hominum estimationem, & actionem.

Dicendum tertio. Conuenientia illa, quam bonum honestum dicit ad naturam rationalem, præter rei entitatem, vel moralem proprietatem explicatam, nihil addit in ipso obiecto, sed connotat in homine naturalem aliquam inclinationem ad capacitatem, seu conjunctionem cum illo obiecto, seu (quod idem est) dicit denominationem aliquo modo extrinsecam consurgentem ex coexistentia plurium rerum. Hanc conclusionem sumo à simili Dur. in 2. d. 34. q. 1. n. 6. Et in primis probatur à sufficienti enumeratione quia hæc conuenientia non potest addere proprietatem aliquam, vel qualitatem absolutam & realem, quia, ut dicebamus circa tertiam opinionem n. 9. in fine, eadem res cum eisdem proprietatibus absolutis potest esse conueniens vni, & non alteri; & deinde quia nec fingi, nec satis concipi potest talis res absoluta. Quod vero non sit relatio realis, ex dictis etiam patere potest, tum quia aliquod est bonum honestum quod non est capax talis relationis, ut Deus, & Verbum diuinum respectu humanitatis Christi: tum etiam, quia esto possit insurgere talis relatio prædicamentalis, in intentione boni honesti non intenditur talis relatio: sicut etiam bonum delectabile fundatur in bono naturæ conuenienti ut sic, ut latè Ca. et. 1. 2. q. 32. art. 1. & tamen non fundatur in relatione: neque enim delectatur relatio, sed res ipsa accommodata naturæ. Denique relatio rationis propriæ & in rigore sumpta, iam etiam exclusa est, quia solum habet esse fictum & cognitum per intellectum: ergo nihil superest quod esse possit præter denominationem prædictam, seu connexionem plurium rerum quas vox *conuenientia* connotat, seu includit.

Potest præterea hoc sic declarari, nam quando vna & eadē res est bona vni & non alteri, semper inter priores intercedit aliqua realis connectio, seu habitudo transcendentalis, quæ non intercedit inter alias, ut si color est bonus igni, & non

XV.

XVI.  
3. Assertio.

XVII.



non aquæ, aliquam connexionem habet cum forma ignis, à qua resultat ex natura rei, & ideo illa forma habet naturalem appetitum ad illam proprietatem quæ nõ conuenit formæ aquæ. cum ergo dicitur calor conueniens igni, significatur tota perfectio caloris, & connotatur illa naturalis annexio, quæ est inter calorem & formam ignis. Sic ergo in obiecto honesto, in primis requiritur ut tale sit: deinde connotatur aliqua conexio quam habet cum natura rationali, & consequenter in illa connotatur capacitas ad tale obiectum: ut in exemplis positis, Verbum diuini est maximum bonum humanitatis Christi, in quo significatur & perfectio Verbi diuini, & coniunctio humanitatis ad ipsum; sic etiam Deus aliter est bonum, & finis hominis, & aliter lapidis, quia in eo est alia capacitas quam sit in lapide. Quod ergo Deus sit homini conueniens, significat in Deo perfectionem, & connotat in homine capacitatem: conuenientia ergo nihil aliud esse potest quam denominatio orta ex huiusmodi rebus, & earum coexistentia, seu connexionem; illud ergo obiectum honestum est tale, quale exigit dignitas, seu capacitas naturæ humanæ secundum propriam inclinationem rationalem.

XVIII. Solum video posse obijci contra hoc, quia si hæc doctrina vera est, superflua erant omnes relationes prædicamentales, præsertim quæ fundantur in vnitatem, quia seclusa tali relatione, potest res denominari similis, vel conformis, solum connotando coexistentiam alterius; quod concedit consequenter Durand. sed hæc disputatio ad nos non spectat: solum duo sunt dicenda, primum est, quidquid sit de alia necessitate harum relationum, non posse negari quin ante illas sit fundamentalis conuenientia, à qua potest aliqua denominatio etiam sumi, Secundum est, in præsentem neque esse necessarias tales relationes, quia istæ, (si sunt,) non resultant ex quauis proportionem, sed ex formali vnitatem, seu conformitatem in natura: hæc autem conuenientia, de qua agimus, non in hoc consistit, sed in proportionem tantum.

XIX. Ad rationem dubitandi in initio positam iam dictum est hanc honestatem esse aliquo modo realem, non tamen oportere ut semper sit per modum entis physici, sed satis esse quod sit per modum entis moralis, & hoc est satis ut possit aliquo modo concipi in communi, sicut concipiens, & abstrahens à physico, & morali, nam quale est esse vniuscuiusque rei, ita potest habere bonitatem. Et hinc constat quid dicendum sit de obiectis priuatiuis, nam in primis satis est ut in eis reperiatur honestas fundata in aliqua proprietate morali, ut est esse prohibitum, vel præceptum. Deinde priuationes secundum se consideratæ non habent appetibilitatem nisi ratione positiui, & eodem modo habere possunt honestatem quasi per denominationem ab ea honestate quæ est in re positiua, semper tamen priuatio est hoc modo honesta, non per modum entis rationis, sed secundum illud esse quod habere potest in rebus.

XX. Ex dictis de bonitate obiectiua, facile est intelligere quid sit malitia, quoniam hæc bonitati contrariatur, sicut bonitas fundatur in re conuenienti naturæ rationali ut sic, ita malitia consistit in disconuenientia, quæ interdum fundari potest in rebus ipsis, vel priuationibus realibus, interdum in aliqua proprietate, seu prohibitionem morali. Vtrum verò hæc disconuenientia sit tantum per modum priuationis, vel interdum etiam per modum rei positiuæ, seu an fundari

possit in positiuo ut positiuum est, vel solum ut habet priuationem adiunctam, dicemus latè in disp. 7. sect. 5. & 8. agentes de formali malitia actuum internorum, quia in hoc est quæstio eiusdem rationis.

Atque hinc etiam constat quid dicendum sit de obiectis indifferentibus, & quidnam sit indifferentia eorum: nam quod aliqua obiecta sint talia sumitur apertè ex D. Thom. 1. 2. q. 18. art. 8. & constat inductione, nã loqui nunc, vel deambulare, est obiectum indifferens, quia de se neque bonum, neque malum est: & hæc est huius rei ratio, quia hæc bonitas & malitia obiectiua non sunt ita immediatè opposita, quin possint habere medium saltem ex parte subiecti per negationem vtriusque formæ. Vnde etiam colligitur ad hanc indifferentiam in obiecto duo requiri. Primum ut in tali obiecto sit aliqua ratio inferioris boni, ob quam sit appetibile, nam si hanc non habeat, non poterit esse obiectum voluntatis per se, neque poterit illi dare ex vi sua aliquam speciem. Secundum est ut in se non habeat honestatem sibi debitam, neque oppositam malitiam.

Dices: Hoc ipso quod non habet honestatem, erit malum obiectum. Respondetur negando consequentiam, quia non omnis negatio honestatis est malitia, sed negatio honestatis debita: fieri autem potest ut tali obiecto secundum se & ut tale est, nulla debeatur obiectiua honestas, & ut nihil etiam habeat per se dissonum, aut repugnans rationi, seu naturæ rationali quatenus talis est.

### SECTIO III.

*Verum actus humani sumant honestatem obiectiuam ex obiecto, sine, & aliis circumstantiis, & quotuplex illa sit.*

I. IN præcedenti sectione explicui generali quadam ratione fundamentum huius honestatis; hic verò oportet magis in particulari, magisque ad rem moralem explicare principia & radices huius honestatis, vnde obiter constabit quotuplex illa possit esse in obiecto morali: proposui autem quæstionem de actibus humanis, licet, ut supra dixi, aliæ res possint habere honestatem obiectiuam, tamè obiecta & circumstantiæ moralia propriè reperiuntur in actibus humanis: verum ea quæ dicemus poterunt facile, seruata proportionem accommodari ad res alias: & eodem modo loquar semper de actibus externis, quæ sunt frequentiora obiecta actuum internorum: inde tamen constabit quid dicendum sit de actibus internis, quatenus per reflexionem aliquam possunt esse obiecta aliorum actuum internorum. Deinde supponendum ex D. Thom. 1. 2. quæst. 18. art. 6. & quæst. 1. de malo. art. 4. licet actiones exteriores sint obiecta voluntatis internæ, tamen ipsæ etiam suo modo habent obiecta sua, ut constat apertè in actibus intellectus, vel appetitus sensitiui, vel sensuum externorum, nam omnes isti actus vocantur externi in præsentem: atque idem est de aliis actionibus exterioribus quæ subordinantur voluntati, quæ omnes reducuntur ad motionem localem, & obiectum earum esse censetur materia circa quam versantur formaliter sumpta, & ut ad mores pertinet, nam locutionis, ut v.g. obiectum esse cõsetur res quæ significatur: actionis autem elemosynæ est miseria proximi ut suble-

XXI.  
Quid sit obiectum m. indifferens.

XXII.

I.  
Notatio vna pro resolutione.

Notatio altera.



subleuanda, & sic de aliis: præter hæc autem obiecta habent hæ actiones circumstantias suas, ut constat ex dictis tract. 2. disp. 5. Solum est notandum licet finis comprehendatur sub circumstantia, tamen propter specialem modum afficiendi, D. Thomas in hac materia semper de illo specialiter loquitur, distinguens illum à ceteris circumstantiis, & ita nos etiam loquemur in hac sectione.

II.

His positis videtur esse multorum sententia actum humanum ab omnibus his accipere bonitatem: & consequenter aliam esse in huiusmodi actu honestatem sumptam ex obiecto, seu materia circa quam versatur, aliam ex circumstantiis, aliam ex fine: quod videtur posse fundari in D. Thom. 1. 2. quest. 18. art. 4. & ratio esse potest, quia licet ad completam rei perfectionem requiratur substantia & accidens, ut videre est in substantiis; tamen alia est bonitas, quam dat forma substantialis, alia vero quam dat forma accidentalis: ita ergo in præsentī obiectum quod est quasi substantialis forma, dabit substantialem bonitatem; finis vero & circumstantiæ, cum sint accidentia, dabunt distinctam bonitatem. In contrarium autem est, quia obiectiua bonitas in his actibus videtur esse sicut sanitas, vel pulchritudo in corpore: sicut ergo sanitas, vel pulchritudo solum est una forma, licet resultet ex multis, ita erit tantum una bonitas in actu resultans in illo ex omnibus requisitis ad honestatem.

III.

1. Assertio bipartita.

Dicendum primo, actum humanum præcipue sumere honestatem obiectiuam ex materia circa quam versatur, seu ex effectu in quem primò & per se tendit, non tamen hoc sufficit ad huiusmodi honestatem. Prior pars à simili sumi potest ex D. Thom. 1. 2. quest. 18. art. 6. & eam significat q. 20. art. 1. & 2. & patet inductione, nam actus comedendi, v. g. potest esse bonus obiectiue, & hoc primario & per se habet, quia versatur circa materiam, qua potest subuenire necessitati naturæ: & idem est de actu elemosinæ: & è contrario, actus homicidij est malus, quia habet pro obiecto destructionem vitæ humanæ. Ratio huius partitis est, quia, ut supra dixi, hæc bonitas fundatur in rerum entitate & perfectione, sed huiusmodi actiones ex suis propriis terminis, seu materiis circa quas versantur, habent ut sint talis rationis, vel perfectionis: ergo ex eodem capite habebunt conuenientiam ad naturam humanam.

IV.

Posterior vero pars conclusionis est æquè certa, & communis omnium, & in eisdem exemplis facile potest declarari. Et ratio est, quia actio humana ut sit obiectum honestum, requirit mediocritatem quandam, quæ mediocritas non attenditur ex sola materia, sed etiam ex aliis conditionibus, vel ipsius materiæ, & scilicet sit tanta, vel talis, vel ipsius, &c. ut propterea fortasse dixerunt Henr. Scot. & alij citandi, ex obiecto nudè sumpto non sumi bonitatem moralem, sed naturalem, aut non sumi specificam in genere moris, sed quasi genericam, quæ per conditiones, seu circumstantias determinanda est: hæc enim & similia melius accomodantur ad hanc bonitatem obiectiuam, quam ad formalem, ut ex dicendis constabit.

V.

2. Assertio.

Dicendum secundo. Honestas specifica obiectiua confurgit in huiusmodi actu ex materia & conditionibus omnibus ipsius actionis, quæ necessariæ sunt ut talis actus sit conueniens rationali naturæ ut sic. Hanc sumo ex D. Thom. 1. 2. quest. 18. art. 1. & indicat etiam quest. 19. art. 2. præ-

Suarez in primam secundam D. Thom.

cipue ad 2. item Durand. in 2. d. 38. quest. 1. num. 8. ubi dicit in obiecto voluntatis honestæ includi necessarias circumstantias: Scot. in 2. d. 40. & quodlib. 18. dicit bonitatem actus humani consistere in quadam integritate materiæ & circumstantiarum actus: & idem sentiunt ferè omnes alij citandi. Ratio vero in generali reddi potest, quia bonitas hæc sumenda est per conuenientiam ad rationem, seu naturam rationalem: ergo quidquid in actione est necessarium ut sit conueniens rationali naturæ, est necessarium ad hanc honestatem obiectiuam; sæpe autem non sufficit sola materia circa quam versatur actio sine aliis conditionibus ad prædictam conuenientiam secundum talem speciem, vel rationem, quod maxime verum est in actibus exterioribus. Cuius rationem attingit D. Thom. 1. 2. quest. 19. art. 2. quia istæ actiones sunt inferioris ordinis: res autem quæ ito est inferioris ordinis tanto habet integritatem ex pluribus rebus. Sic ergo omnes illæ conditiones sunt veluti intrinseca principia huius bonitatis.

Vt autem hæc conclusio magis in particulari declaratur, reuocandum est in memoriam quod dictum est tractatu 2. disput. 5. sect. 3. quasdam esse conditiones actus, quæ non sunt proprie circumstantiæ, sed pertinent ad essentiam eius in genere moris, alias vero esse quæ sunt proprie circumstantiæ & accidentia, inter quas quædam mutant, seu addunt speciem bonitatis, vel malitiæ, quædam vero solum augent intra eandem speciem. Et circa hæc omnia membra aliquid est adnotandum: conclusio enim posita præcipue verum habet in primis conditionibus essentialibus, nam illæ non supponunt, per se loquendo, aliquam honestatem obiectiuam, sed illam complement atque constituunt: & ideo dicit D. Thom. ubique has conditiones transire in rationem obiecti 1. 2. q. 18. art. 5. ad 4. & art. 10. ad 1. & 2. & q. 2. de malo art. 7. quia sunt veluti principia essentialia constituentia integrum obiectum; & hoc modo optimè intelligitur quod dici solet, conditionem accidentalem in genere entis, posse esse essentialem in genere moris, quod potest exemplo physico declarari, nam frigiditas accidit aquæ in genere entis naturæ; in ratione tamen conuenientis homini vel ad salutem, vel ad aliquid simile, ut sic potest esse de essentia, quia illa conuenientia potest esse talis ut confurgat ex multis, & in rebus artificialibus id facilius reperitur.

Circa conditiones, seu circumstantias accidentales mutantes speciem, inquiri solet an se habeant ut accidentia respectu prioris speciei, vel ut principia essentialiter contrahentia, sicut dictum est de prioribus conditionibus. Cum quæ quæstione adiuncta est alia, an ratione harum circumstantiarum multiplicetur specie bonitas, vel malitia obiectiua horum actuum, vel solum constituatur una species tanquam ex genere & differentia. Aliqui enim autores præsertim Conrad. 1. 2. quest. 18. articul. 10. significant semper ex his confurgere vnam tantum speciem, & consequenter bonitatem & malitiam sumptam ex una circumstantia comparari ad alteram ut genus ad differentiam: & quamuis ipsi loquantur de bonitate formali, tamen eadem ratio, imo tota radix est in bonitate obiectiua. Id declaratur exemplis, nam subuenire proximo existenti in necessitate, habet honestatem materiæ, seu obiecti: si vero addatur circumstantia circa quid, scilicet quod ille proximus sit pater meus, talis actus habet bonitatem

T

pie-

VI.

Circumstantiarum triplex genus

De primo circumstantiarum genere.

VII.

De 2. genere circumstantiarum.



pietatis, non simul cum bonitate materię, sed contrahendo priorem bonitatem, & transferendo ex vno genere ad aliud; si vero aliter mutaretur illa circumstantia, & fieret elemosyna loco sacro, actus erit religionis, & non misericordię. Similiter in malis, accedere ad non suam, præcisè consideratum, habet malitiam fornicationis; si vero addatur circumstantia quod sit vxor alterius, dat nouam speciem contrahendo & componendo cum priori malitia vnam tantum speciem, vt sentit D. Thom. 2.2. quæst. 154. art. 8. & in 4. d. 41. q. 1. art. 4. quodlib. 2. & quæst. 2. de malo artic. 6. vbi alia exempla adducit, & multa docet, in quibus videtur huic sententię fauere. Et ratio adiungi potest, quia ex illis omnibus constituitur vnum integrum obiectum: ergo ex omnibus illis per modum vnius resultat vna conuenientia.

## VII.

Alij vero in vniuersum existimant, quando-  
cunque obiectum cum talibus conditionibus  
habet certam speciem honestatis, vel malitię, &  
si nulla alia circumstantia adiungatur, tunc si  
circumstantia addita addat nouum ordinem  
conuenientię, vel disconuenientię ad ratio-  
nem, non contrahere specificè priorem honesta-  
tem, sed addere nouam speciem, siue illa circun-  
stantia sit separabilis ab actu in esse naturę, siue  
non. Exempla videntur clara, nam si quis subue-  
niat sacerdoti indigenti, in eo actu est honestas  
misericordię, quam haberet, etiam si ille non es-  
set sacerdos, & tamen illa circumstantia ex se ad-  
dere potest honestatem religionis, in quantum  
illa persona est sacra, cui ea ratione debetur cul-  
tus, & honor: nec posterior bonitas excludit prio-  
rem, cuius apertum signum est, quia potest ille ac-  
tus exterior obiectiue communicare interiori  
vnam honestatem, & non aliam, si quis vnius  
intuitu operetur, & non alterius. De malitia ve-  
rò retorqueri potest exemplum de adulterio,  
quia reuera illa circumstantia circa quid, vxor-  
is alienę, non tollit totam deformitatem in-  
temperantię, sed addit speciem iniustitię, vt sæ-  
pe etiam significat D. Thom. 2.2. quæst. 154. artic. 1.  
vbi Caiet. & idem videtur esse de furto in loco  
sacro, nam habet speciem iniustitię & sacrilegij,  
de quo 2.2. quæst. 99. fauet etiam D. Thō. 1.2. quæst.  
73. artic. 5. & 7. Ratio etiam hoc videtur con-  
uincere, quia species vltima non est amplius cō-  
trahibilis essentialiter, sed hæc circumstantia,  
de qua agimus, supponit in actu vltimam ali-  
quam speciem honestatis, quam haberet seclusa  
illa circumstantia; ergo non potest specificè con-  
trahere, sed addere nouum aliquid. Item hæc  
circumstantia quę superuenit, non destruit om-  
nia principia quę sufficiunt ad aliam honesta-  
tem, vel malitiam specificam: ergo non potest  
tollere vltimam speciem, quam haberet seclusa  
tali circumstantia: ergo non contrahit, sed ad-  
dit. Tertio, quia differentia vnius generis non  
contrahit nec mutat speciem in alio genere con-  
tentam, sed interdum actus sine tali circumstan-  
tia habet malitiam intemperantię, & circun-  
stantia addit malitiam iniustitię: non est ergo il-  
la essentialis contractio.

VIII.  
Ad motum  
1. opinionis  
in num. 6.

Atque hæc sententia, formaliter ac proprie  
loquendo, vera est, & reuera conuincunt ar-  
gumenta facta. Nec ratio in contrarium in fine  
numeri 6. obstat, quia licet illud obiectum vi-  
deatur vnum materialiter, tamen formaliter &  
in ratione conuenientis potest esse diuersum:  
sicut idem obiectum materialiter potest esse de-  
lectabile & honestum, præsertim quia si res at-  
tentè consideretur, circumstantia quę additur,  
non intrat illud obiectum vt habens priorem

honestatem: dixi, proprie & formaliter loquendo,  
quia interdum materialiter, præsertim in spe-  
ciebus peccatorum, solet illa species per modum  
vnius declarari, præsertim quando illę species  
semper sunt coniunctę, & præterea sumet deno-  
minationem ab eo quod magis mouet operan-  
tem, vt de adulterio dixit Caietan. citato loco;  
interdum vero ab ea quod grauius est, vt fur-  
tum in loco sacro dicitur sacrilegium. Deinde  
illud etiam addidi, quia interdum fieri po-  
test vt conditio, seu circumstantia addita mu-  
tet conditionem ex parte materię necessariam  
ad priorem honestatem, vt iniuria quę est ad  
alterum, si addatur conditio personę, quę mu-  
tet illum respectum ad alteram, transferet to-  
tum actum ab vna specie ad aliam: qua ratione  
iniuria facta Deo, est alterius rationis ab ea quę  
fit homini: & fortasse eodem modo iniuria  
facta parenti, vt sic definit esse proprie iniustitia,  
& est impietas: & idem potest contingere in ac-  
tibus bonis: tamen quando ita accidit, iam  
non contrahitur prior species ad vltiorem,  
sed contrahitur ratio aliqua generica, quę su-  
mitur ex obiecto vt abstrahit ab illis determi-  
natis conditionibus, vt est in exemplis positis,  
ratio ad alterum, siue sit Deus, siue homo, si-  
ue parens, siue extraneus. Quando autem con-  
tingat conditiorem esse huiusmodi, non po-  
test certa aliqua regula definiri, sed consideran-  
da est materia, & principia rationis, per quę re-  
gulanda est.

Ex his autem intelligitur quomodo hæc cir-  
cumstantię quę mutant speciem, dicantur acci-  
dere actui in esse moris, nam si considerentur,  
quatenus constituunt obiectum talis virtutis,  
vel vitij, non accidunt, sed sunt veluti condicio-  
nes essentialis talis obiecti formaliter sumpti:  
solum ergo dicuntur accidere ad inuicem, & mu-  
tuo ex parte subiecti, vt sumitur ex D. Thom. 1.2.  
q. 7. artic. 1. quia vnicuique earum accidit vt ha-  
beat aliam sibi coniunctam in eadem materia:  
sicut in Physicis dicitur album accidere musico,  
non quia directè vnum sit accidens alterius, sed  
quia vtrique accidentarium est vt in eodem sub-  
iecto sit alterum. Vnde constat hanc rationem  
accidentis esse mutuam, quia non est maior ra-  
tio de vno, quam de alio: quanquam in his rebus  
moralibus interdum contingit vnam ex his cir-  
cumstantiis fere semper præsupponi ad aliam,  
aut esse magis intrinsecam materię circa quam  
versatur actio, & tunc illa quę est posterior, vel  
remotior, dicitur potius accidens alteri, quam  
e contrario, vt in adulterio, iniustitia dicitur  
circumstantia luxurię, vel intemperantię, quia  
hęc inordinatio est magis intinseca illi ma-  
terię.

Sed quæres, vtrum circumstantię non so-  
lùm sibi accidunt in eodem subiecto, sed etiam  
quodammodo directè afficiendo, & aggrauan-  
do moraliter speciem sumptam ab altera circun-  
stantia, ita vt non solum adulterium aggrauetur  
ex iniustitia quasi extensiuè per multiplicatio-  
nem malitiarum, sed etiam quali intensiuè ip-  
sa intemperantia fiat grauior ex adiuncta in-  
iustitia, nam iuxta communem modum loquendi  
prior modus videtur verior, nam hæc circun-  
stantię distinguuntur ab illis, quę augent  
intra eandem speciem: ergo istę non augent in-  
tra eandem speciem, sed tantum addendo nouam  
speciem: ergo non augent quasi intensiuè, sed  
solum extensiuè. Consumatur primò, nam ser-  
ma accidentalis non auget bonitatem, nisi iuxta  
illud esse quod confert, quia bonū sequitur ens,  
sed hæc circumstantię solum dant nouum esse acci-  
denta-  
le

IX.

X.



dentale diuersa speciei : ergo non aliter augent bonitatem. Confirmatur secundo à simili in scientiis , nam quod vna conclusio possit duobus mediis specie differentibus manifestari euidenter , neutrum eorum reddit euidentius , vel clarius , sed vtrumque simul facit conclusionem euidentiore extensius , id est , pluribus mediis : ergo idem est de bonitate proportionaliter.

XI. In contrarium vero possunt obijci varia exempla , nam sine dubio intemperantia adulterij in propria specie videtur grauior , quam in simplici fornicatione : vnde si fingamus ab illo actu separari iniustitiam , vt aliqui fieri existimant , quando alter coniux consentit , quia scienti & volenti non fit iniuria ; nihilominus ipsa malitia intemperantiæ semper maneret grauior. Deinde sacrilegium factum in loco sacro per furtum ibi commissum , est grauius ex circumstantia furti , quam si esset aliud genus peccati. Præterea in metaphysica contractione generis & differentiarum contingit non solum totam speciem constitutam per differentiam perfectiorem & nobiliorem , sed etiam ipsam rationem genericam quasi per concomitantiam esse ibi magis perfectam : vt , v.g. rationem animalis in homine : ergo similiter potest esse in presenti ; nam in rebus moralibus concomitantia vnius rei cum alia solet illi addere quandam dignitatem & estimationem moralem , vt virtus , & scientia , licet sint perfectiones diuersarum rationum , tamen si simul coniungantur , se se mutuo nobilitant.

XII. Circa hoc quamuis vtrinque appareat res probabilis , mihi tamen non videtur esse necessarium vt vna circumstantia ex his augeat aliam in propria illius specie : furtum enim factum in templo quoad obiectum malitiam iniustitiæ non augetur , si in quantitate rei ablata , & in aliis conditionibus sit æqualitas. Et ratio est , quia cum alia circumstantia sit diuersæ rationis , per se loquendo , non esse necesse vt mutet ordinem ad rationem quem habet alia circumstantia in sua specie. Adde tamen duobus modis posse accidere vt ex hoc capite augetur malitia in actu , & constitutur in alia specie , primo ex parte quantitatis in quantum anget voluntarium , quod non pertinet ad malitiam obiectiuam , sed ad formalem. Atque hoc sensu videtur dixisse D. Thom. 2. 2. quæst. 154. art. 1. ad 2. in adulterio non merere per accidens se habere deformitatem iniustitiæ ad deformitatem luxuriæ , anget enim illam : & declarans modum , subdit , *Ostenditur enim luxuria grauior , quæ in tantum concupiscentiam sequitur , vt etiam iniustitiam inducat.* Alter modus esse potest ex parte obiecti , si contingat talem circumstantiam mutare aliquo modo ordinem ad rationem , quem habet alia , vt in exemplo posito de sacrilegio , ipsamet acceptio rei alienæ in sacro loco , auget iniuriam ipsi loco factam : vnde quoad hoc non se habet vt mutans speciem , sed tanquam augens deordinationem intra latitudinem sacrilegij : neque enim repugnare eandem rem in ordine ad diuersa vtramque rationem inducere : quando autem ita contingat , ex materia , & ex principiis rationis , quibus regulatur , pensandum erit.

XIII. Tercio , circa alias circumstantias quæ non mutant speciem , sed augent , constat ex dictis , formaliter in eis non procedere conclusionem num. 4. positam , quia hæ circumstantiæ per se non sunt necessariæ ad speciem bonitatis , vel malitiam ; tamen proportionem seruata applicari potest eadem doctrina ad indiuiduam & singularem Suarez in primam secundam D. Thom.

bonitatem , quæ est in tali obiecto , nam sicut specifica bonitas confurgit ex obiecto & conditionibus essentialibus : ita in indiuiduo confurgit ex omnibus circumstantiis , quæ possunt illam augere intra eandem speciem. Ex quo colligi potest differentia inter bonitatem specificam & indiuiduam , quod illa potest multiplicari , secundum speciem in eadem actione iuxta diuersas condiciones eius , hæc vero est vna tantum numero , siue parua siue magna sit , iuxta varias circumstantias : sicut pulchritudo , vel sanitas , etiam si confurgat ex multis rebus , vna numero est , magis , vel minus perfecta. Et ratio est , quia ibi est vnitas specifica , & vnitas subiecti : ergo & vnitas indiuidualis.

Sed occurrunt duo dubia explicanda , vnum est an hæc singularis bonitas prout confurgit ex materia & circumstantiis , sit diuisibilis , vel indiuisibilis. Et responderetur breuiter primo hanc bonitatem simpliciter esse compositam , atque in hoc sensu posse dici diuisibilem , prout dicit D. Thomas in 2. d. 36. art. 5. ad 1. & Scot. d. 40. q. unica , præsertim ad 3. & quodlibet 18. Et constat , quia ibi concurrunt plures res secundum varias convenientias suas ad componendam vnam integram convenientiam moralem ; & declaratur etiam exemplo pulchritudinis & sanitatis. Adde secundo , si consideremus solas condiciones necessarias ad honestatē specificam , quodammodo dici posse moraliter indiuisibilem bonitatem ex illis confurgentem , quia quidquid auferas ex illis conditionibus , dissoluitur species in ratione honesti simpliciter dicti , quia id quod manet , reuera non est obiectum honestum simpliciter : sicut pulchritudo & sanitas possunt dici consistere in indiuisibili saltem quoad eam proportionem , quæ requiritur ad sanitatem , vel pulchritudinem simpliciter : vel siue etiam species numeri , licet composita est : tamen quoad hoc indiuisibilis est , quod ab lata quacunque vnitate soluitur tota species. Et ratio generalis reddi potest , quia ratio specifica semper consistit in indiuisibili , & quod ad illam non datur magis & minus. Vnde concluditur tertio , si sermo sit de bonitate hac indiuidua quoad augmentum ex circumstantiis non simpliciter necessariis ad bonitatem specificam , sed tantum ad melius esse , vt sic , esse simpliciter & moraliter diuisibilem quia ablato aliquo gradu illius bonitatis , seu circumstantia , aut conditione vnde sumitur , manet adhuc eadem bonitas , licet minor , quod est facile exemplis ostendere.

Sed obijciens , nam licet hæc locum habeant in bonitate , non sic in malitia : quin potius ex dictis sequi videtur malitiam non posse augeri , neque minui , ex defectu circumstantiarum , quia vel illæ circumstantiæ sunt debitæ actui ad bonitatem specificam , vel requiruntur solum ad maiorem bonitatem : hæc posteriores non faciunt actum malum sed relinquunt minus bonum , quia non sunt requisiti ad bonitatem simpliciter ; priores vero tales , vt quacunque ablata auferatur tota bonitas : ergo iam est tota malitia quæ esse potest : ergo non poterit augeri , neque minui , quia in priuatione totali non datur magis , neque minus : consequens autem est falsum , quia non solum in bono , sed etiam in malo dantur circumstantiæ augentes , vel minuents intra eandem speciem. Respondetur doctrinam datam etiam habere locum in malitia. Ad argumentum vero factum responderi potest ex D. Thom. in 4. d. 16. q. 3. art. 2. quodlibet 1. ad 3. licet priuatio integra in se non recipiat magis aut minus , recipere tamen in causa , aut in fundamento : ex

XIV. 1. Dubium circa hoc 3. genus.

XV.



quo fit vt subiectum magis sit longatum à positiua forma. Sic ergo quamuis malitia priuet tota bonitate specifica, ex defectu cuiuscunque circumstantiæ debita, tamen quo plures circumstantiæ defuerint, eo malitia erit censenda maior in fundamento & radice. Secundo magis hoc explicando dicitur, licet ablata vna circumstantia debita, illud quod manet non sit simpliciter honestum, retinet tamen eam conuenientiam quam habet, ratione cuius potest cum aliis concurrere ad honestatem componendam. Quo sensu verum est quod dixit D. Thom. in 2. d. 36. art. 5. ad 1. ablata bonitate circumstantiarum manere bonitatem ex genere, quamuis illa non sit bonitas simpliciter, vt statim addit ad secundum. Dicit tamē à nobis potest honestas inchoata, seu initium honestatis: ob hanc ergo causam quanto actus fuerit priuatus pluribus conuenientiis partialibus, tanto malitia poterit esse maior, quia plus destruit de bonitate ipsa: sicut quamuis ablata vna vnitatem auferatur species numeri, tamen si omnes auferantur, vel plures, magis destruetur ille numerus.

XVI.

2. *Dubium.* Sed hinc occurrit dubium secundum qualis sit hæc compositio bonitatis ex circumstantiis, intra similes eiusdem speciei, an sit tanquam ex partibus heterogeneis, atque adeo ex bonitatibus, vel malitiis partialiter diuersis; an vero tanquam ex partibus omnino similibus. Duo enim possunt esse dicendi modi. Vnus est totam bonitatem, vel malitiam consurgentem ex materia cum circumstantiis esse omnino eiusdem rationis quoad omnes partes suas, quia licet circumstantiæ in esse physico videantur esse diuersæ rationis, tamen in causanda bonitate sunt veluti causæ æquinoce influentes ad eundem omnino effectum. Hoc autem ita esse declaratur exemplo, nam si homo diues det centum in eleemosynam, ille actus melior est ex circumstantia quid, si autem pauper det duo, ille actus est æquus bonus ex circumstantia quis: ergo ex circumstantiis diuersarum rationum in suo esse potest consurgere eadem bonitas. Simile exemplum esse potest in prodigalitate, quæ deficit per excessum in dando: hic autem excessus oriri potest ex persona dante, quia est supra facultatem eius: vel ex persona recipiente, quia abundat, & tamen malitia eiusdem rationis est. Dices has circumstantias reduci ad vnā quantitatem materiæ, quæ non est absoluta, sed relatiua. Sed hinc formari potest vniuersalis ratio, quia omnes circumstantiæ in tantum conferunt ad bonitatem, in quantum constituunt vnum medium virtutis, quamuis ergo in sua entitate sint diuersæ, tamen in habitudine ad medium quod constituunt, inducunt eandem rationem: ergo vt sic potest ex omnibus illis consurgere bonitas eiusdem rationis. Confirmatur primò, nam supra dicebam num. 12. circumstantiam dantem speciem malitiæ posse aggrauare aliam speciem intra propriam rationem eius: ergo non hoc facit dando suam speciem malitiæ, sed aliquem gradum alterius: ergo pariter ratione quolibet circumstantia, licet in suo esse sit diuersa, potest conferre bonitatem vel malitiam eiusdem rationis. Tandem confirmatur, quia alias fere nulla esset diuersitas inter circumstantias mutantes speciem, & aggrauantes: vnde tam necessarium esset has confiteri, sicut illas quia mutant speciem partialem. Alter dicendi modus est hanc compositionem esse heterogeneam ex partibus diuersarum rationum, quam tenet aperte Conrad. 1. 2. q. 18. art. 2. agens de malitia formali: est autem eadem, vel maior ratio, nam formalis ab obiectiua desumitur: &

similiter erit idem de bonitate, quia malitia proximè sumit rationem suam ex bonitate quæ priuat: & reuera videtur hæc opinio. D. Thomas locis statim citandis, & in hi videtur vera rectè explicata.

Dicendum igitur compositionem bonitatis obiectiue ex diuersis circumstantiis diuersarum rationum, & ex materia in suo esse, & conuenientia partiali ad rectam rationem, esse tanquam ex partibus heterogeneis. Ratio huius est, quia omnia illa conueniunt ad componendam vnā integram honestatem, non tanquam causæ extrinsecæ, seu efficientes, sed tanquam causæ seu partes intrinsecæ, eo modo quo plures partiales figuræ concurrunt ad vnā figuram domus, vel sicut color, figura, &c. conueniunt ad componendam pulchritudinem: quando autem ea quæ sic componunt, sunt diuersarum rationum in se, necessariò faciunt compositum constans ex diuersis rationibus partialibus: vnde non potest hic accommodari quod numer. præced. dicebatur de causa æquivoca, quia illa si sit extrinsecæ, non componit effectum: si autem sit intrinsecæ, vt materia & forma, eadem ratio de illa procedit. Atque ex hac ipsa ratione intelligitur hanc sententiam non esse intelligendam de omnibus omnino circumstantiis, sed tantum de illis quæ per se sunt diuersarum specierum; fieri enim potest vt in aliqua circumstantia sit etiam latitudo eiusdem rationis, vt est quantitas eiusdem materiæ, vel fortasse duratio temporis aut intensio actus, nam sicut animal, quamuis constet ex partibus heterogeneis, nihilominus in ipsis partibus heterogeneis sunt aliquæ homogeneæ inter se, ita in præsentibus & hoc certè voluisse videtur D. Thom. 1. 2. quest. 73. artic. 7. vbi ait circumstantias quæ non mutant integram speciem interdum augere peccatum, augendo omnino eandem deformitatem, vt quantitas obiecti: & hunc modum augmenti dicit aliis locis fieri per modum intensificationis, vt videre licet in 4. d. 16. quest. 3. artic. 2. quest. 1. ad 2. & quest. 2. de malo artic. 7. ad 4. & 7. Alius modus augmenti est (inquit) multiplicando deformitatem, seu rationem mali in eodem actu, vt si actio (inquit D. Thomas) fit quando non debet, &c.

Sed adhuc est in hoc considerandum ex doctrina eiusdem D. Thomæ 1. 2. quest. 18. artic. 10. & 11. interdum circumstantiam quæ in suo esse videtur esse diuersæ rationis, non ratione sui conferre ad bonitatem & malitiam actus, sed tantum ratione alterius circumstantiæ, in quam hæc redundat: interdum vero per se ipsam conferre. Exemplis declaratur, nam in actu temperantiæ naturalis necessarium est vt debito tempore fiat, tamen hoc tempus non est per se debitum, sed solum vt homo comedat quando indiget, quod redundat in quantitatem cibi, quia si antea comedat, sumet vltra quantitatem necessariam: at vero in ieiunio Ecclesiastico comedere tali tempore, & non antea, est per se necessarium ad honestatem, & non solum ob debitam quantitatem cibi, & ex natura rei: idem intelligi potest in actu sacrificij: quod enim fiat decenti loco, est per se necessarium ad honestatem, si in re oblata, seu in materia omnia necessaria concurrant. Sententia ergo posita intelligenda est de circumstantiis quæ hoc posteriori modo concurrunt, de quibus solis procedit ratio facta, non vero de aliis; quia illæ vt sic non tam concurrunt formaliter & intrinsecæ, quam vt causæ, vel conditiones extrinsecæ.

Ex hisque patet responsio ad exempla addu-

XVII.

XVIII.

XIX.



*Ad motum in contrarium in num. 16.* Ita num. 16. in primo argumento, in contrarium cum prima confirmatione. Ad illud verò quod dicebatur de medio virtutis, respondetur non semper esse simplex & homogeneum, sed sæpè esse compositum, & quasi temperatum ex multis rebus. Ad ultimam verò confirmationem in fine eiusdem num. 16. Primo negatur simpliciter consequentia, quia circumstantiæ quæ simpliciter dicuntur mutare speciem, talem conferunt bonitatem, vel malitiam, ut quælibet per se sit integra & totalis, & nihil cum alia componat, sed solum veluti materialiter coniungantur in eodem obiecto. At verò circumstantiæ aggravantes, vel conferunt bonitatem & malitiam omnino eiusdem rationis, vel si conferant diversam, est in ordine ad componendam unam integrā bonitatem. In quo est differentia inter malitiam & bonitatem, nam quia malum est ex singulis defectibus, unaquæque circumstantia etiam si sola sit, simpliciter confert malitiam: tamen quia bonum est ex integra causa, licet singulæ circumstantiæ tribuant suam convenientiam, tamen una separata ab aliis, non habet rationem honestatis, seu bonitatis simpliciter. Quod verò de confessione dicebatur, responderetur primò non spectare ad præsentem quæstionem, quia homo non debet confiteri bonitatem, vel malitiam obiectivam actus, sed formalem: fieri autem potest ut quamvis in obiecto sit bonitas composita & indivisibilis, in actu sit formalis bonitas indivisibilis, ut infra videbimus: & idem posset quis opinari de malitia, licet non satis consequenter. Et ideo addo ulterius, si plures malæ circumstantiæ diversarum rationum tales sint, ut unaquæque sufficiat per se ad dandam actui malitiam mortalem, concedendam esse sequelam, scilicet omnes necessario esse confitendas, siue dicantur mutantis speciem, siue notabiliter aggravantes: ut si quis consecraret hostiam in fermentato panis, & in priuata domo, absque vestibus sacris, omnes has circumstantias confiteri tenetur, quia reuera singulæ conferunt malitiam mortalem: si autem circumstantia non confert mortalem malitiam, non est necesse illam explicare, quod verum est etiam si integram speciem addat, vel mutet, ut fortasse est in peccato facto in die festo.

XX.

*Regu. a D. Thom. quædone circumstantia mutet speciem vel augeat præcedentem.*

Atque ex dictis in hoc dubio intelligitur optimè quomodo sit applicanda ad malitiam, vel bonitatem obiectivam regula quam D. Thomas tradit. 1. 2. quæst. 18. artic. 10. & 11. ad cognoscendum quando circumstantia addat speciem, vel tantum novum augmentum in eadem specie, nam si circumstantia in se talis est, ut per se considerata, & ratione sui det bonitatem, vel malitiam, etiam si non sit adiuncta cum alia, tunc intelligitur dare, vel mutare speciem: si autem circumstantia ex se non sufficit ad dandam malitiam, vel bonitatem, sed solum ut adiuncta alteri, seu determinata ab altera, tunc non confert novam speciem, sed augeat intra eandem. In qua regula hæc posterior pars est per se satis clara, ut patet in exemplis de intentione, & de multitudine quantitatis. Et ratio est, quia hæc circumstantiæ secundum se non dicunt determinatum ordinem ad rationem, sed sunt veluti indifferentes, donec per alias determinentur. Prior verò pars ut sit uniuersalis, sicut est intentio D. Thomæ, ut patet ex solutione argumentorum artic. 11. & ex aliis locis supra citatis, primo intelligenda est de ordine unius circumstantiæ ad aliam, secundum rationis principia, & consequenter de separatione unius malitiæ, seu bonitatis ab alia secundum formalem rationem, non semper secundum

*Suarez in primam secundæ D. Thomæ.*

rem, nam interdum accedere potest ut in aliquo actu semper in re ipsa una malitia supponat aliam, & nihilominus sumatur ex circumstantiis mutatis speciem ut patet de adulterio, in quo iniustitia semper supponit intemperantiam, & nihilominus sunt malitiæ speciei diversæ, quia & per principia diversæ rationis regulantur quæ alia sunt non esse contrectandam rem alienam inuito domino, & vagum concubitus esse secundum rationem repugnantem speciei humanæ, & ita secundum formales rationes una est separabilis ab alia, cuius signum est, quia licet fingamus ob ignorantiam vitari malitiam intemperantiæ, semper maneret malitia iniustitiæ. Secundo intelligenda est illa pars non solum de specie totali, sed etiam de partiali, quia ex circumstantiis variis possunt in eodem actu oriri diversæ malitiæ partiales, quarum una non habet respectum ad aliam, quod magis contingit in malitia, quam in bonitate, quia, ut supra tactum est, & explicat D. Thomas in 4. d. 16. quæst. 3. artic. 2. quæstiuncula 3. ad 2. Quod si quis velit intelligere illam regulam de solis speciebus totalibus, oportet ut dicat primam circumstantiam quæ confert speciem bonitatis, vel malitiæ transire in rationem obiecti primarij: ceteras vero quæ augent ut sic necessario supponere aliam quæ dat speciem. Atque ita ex his omnibus constat quomodo ex omnibus generibus circumstantiarum oriatur bonitas, vel malitia obiectiva. Quod est principale huius sectionis initium.

Solum posset quis interrogare cur nihil dicamus de circumstantiis quæ solent dici minuentes intra eandem speciem. Respondetur, quia hæc circumstantiæ, præsertim sumptæ ex parte obiecti propriè ac positivè, nullæ sunt quæ minuant, sed tantum negativè possunt dici minuire, quia si non adhibeantur, nihil conferunt. Quod sic explicatur, nam vel circumstantia minuens bonitatem tollit aliquid necessarium ad bonitatem simpliciter, & hæc verè non minuit, sed tollit bonitatem, & ponit malitiam; si verò tollit aliquid non necessarium ad bonum, sed conferens ad melius esse, sic nullam bonitatem tollit, sed solum non dat quod posset conferre si adhiberetur, unde potius illa est negatio circumstantiæ, vel si dicatur circumstantia, est impertinens, quia nec confert bonitatem, nec malitiam. Et idem est proportionaliter de circumstantia, quæ dicitur minuire malitiam, quia si illa est circumstantia indifferens, nec minuit, neque augeat, si est mala, semper dat aliquam malitiam, unde quantum est ex se augeat; si vero est bona, non dat malitiam, & fortasse impedit aliam circumstantiam quæ illam daret, attamen non tollit aliquam malitiam, quam obiectum & aliæ circumstantiæ darent, illa non existens: quia, ut sæpe dictum est, quilibet defectus confert totam malitiam quam potest conferre, etiam si aliæ circumstantiæ videantur convenientes. Atque ex hac doctrina intelligitur ratio à priori, ob quam circumstantiæ aggravantes sint per se de necessitate confessionis, non vero illæ quæ dicuntur minuentes, quia homo debet aperire in confessione malum quod fecit, non autem quod non fecit. Dico autem per se, quia si sit necessarium ad tollendam aliquam deceptionem, aut ne videatur confiteri plus quam fecit, poterit esse necessarium, sed per accidens.

Ultimo dicendum, ex fine extrinseco & per accidens, qui solet dici finis operantis, nullam bonitatem, vel malitiam obiectivam resultare serio.

XXI.

*Quid de circumstantiis minuētibus bonitatem, aut malitiā*

*Cur circumstantiæ aggravantes sint confitendæ, non minuentes.*

XXII.

*Ultima assertio.*

T 3

in



in medio, seu obiecto quod ordinatur ad talem finem. Hæc conclusio sumitur ex D. Thoma 1. 2. *quest. 20. artic. 1. & 2.* ubi in hoc sensu dicit bonitatem quæ est in obiecto, prius esse in actu exteriori, quàm interiori: bonitatem autem sumptam ex fine prius esse in interiori, quàm in exteriori, quia nimirum talis bonitas non præsupponitur in obiecto, sed tantum pex extrinsecam denominationem ad illud manat ex actu interiori voluntatis. Ratio autem huius sumitur ex eodem D. Thoma 1. 2. *quest. 18. artic. 6.* quia finis ut finis non attingitur à potentia executiva, qualis est illa à qua procedunt actus exteriores, sed attingitur à voluntate, cuius est respicere finem ut obiectum: ergo in actione exteriori secundum se, & antecedit voluntatem, nulla esse potest bonitas obiectiva ex fine extrinsecam, quia ut sic nullam habet habitudinem ad illum, ut exemplis etiam facile patet, nam eleemosyna, præcisa relatione operantis, non habet honestatem religionis, aut poenitentiz.

XXIII.  
Instantia.

Dices: Sicut voluntas ex obiecto bona supponit in obiecto honestatem, ita voluntas bona ex fine supponit hoc obiectum, scilicet ordinare hoc in illud, esse bonum: ergo etiam hic actus supponit bonitatem obiectivam sicut illæ. Respondetur, si ordinare sumatur actualiter, ut vox significat in rigore, non est bonum ut obiectum, sed ut actus voluntatis, quia ordinare medium ad finem est proprius actus voluntatis eligentis; si autem sumatur aptitudinaliter, id est, esse ordinabile, sic nullam bonitatem dicit intrinsecam medio ut sic, sed tantum denominationem extrinsecam à fine in ratione appetibilis, & voluntate, potest vnum ob aliud amare, vel eligere: in ipso autem medio solum dicit entitatem eius, & virtutem fortasse, quam habet ad causandum hunc, vel illum effectum: quod totum in ratione appetibilis informatur à fine, ut dixi initio tractatus primi.

### DISPUTATIO III.

#### De formali bonitate actus interioris voluntatis in communi.



Iuus Thomas in præsentī materia hunc servat ordinem, ut prius disputet in communi de actu humano ut abstrahit ab interno & externo, postea in particulari de interno, & deinde de externo: de bonitate autem & malitia, non separatim, sed promiscue tractat. Verum quod attinet ad bonitatem & malitiam moralem formalem, actus interior & exterior solum analogice conveniunt, ita ut interior intrinsecus sit, exterior vero solum per denominationem extrinsecam ab interiori, & ideo sub hac ratione nihil ferè dici potest quod sit utrique commune. Rursus bonitas & malitia habent modum valde diversum & in suo esse & in ratione, quia vel ab obiecto, vel à fine desumuntur: ac denique cum opponantur sicut habitus & privatio, ferè nihil habent commune, & cognitio habitus præsupponitur ad cognitionem privationis. Hac ergo de causa dicemus prius de bonitate actus interioris, postea de malitia, vel indifferentia utriusque, & de harum oppositione, principiis & causis, ac tandem omnia accommodabimus ad actus externos.

### SECTIO I.

#### Utrum possit esse in hominis voluntate aliquis actus moraliter bonus ab olivæ & simpliciter.

I. In hac re fuit hæresis Lutheri, omnes actiones hominis esse peccata, quamvis fidelibus non imputentur ob fidem: quem errorem secuti sunt Calvinus, & alij posteriores: neque multum ab eis discrepavit Ioan. Hus, qui art. 6. damnato in Concil. Constantin. sess. 55. dixit in homine existente in peccato omnes actus esse malos, in homine vero studioso esse bonos. De hac posteriori parte primus error Lutheri ortus ex duplici hæretico fundamento. Primum est quod tenemur in hac vita tanta perfectione diligere Deum, quanta diligibilis est ab homine in quocunque statu, iuxta illud, *diliges Dominum Deum tuum ex toto corde tuo*, &c. Secundus est, illo præcepto, *non concupisces*, prohibitam esse etiam sensibilem concupiscentiam, & omnes motus fomitibus, quos dicit esse peccata, etiam si maximè in voluntarij sint. Unde concludit omnem actum hominis esse malum, quia semper deest illi aliqua debita circumstantia, vel quia non procedit ex perfecto amore Dei, vel concupiscentia semper insurgit, & perfectionem operationis impedit: & in confirmationem adducit nonnulla Scripturæ testimonia, Isai. 64. *Sicut pannus menstruatus omnes iustitiae nostrae*; Iob. 9. *Scio quod non iustificabitur homo compositus Deo*; ubi Gregor. *Quidquid videmur habere iustitiae, si ab interno arbitrio districte iudicetur, vitium potius apparebit, quam meritum.* Quæ verba ferè transcripsit Bernard. *serm. 10. de omnibus sanctis*, & similia leguntur apud August. *serm. 49. de tempore*, tractantem illud Psalm. 142. *Non iustificabitur in conspectu tuo omnis vivens.* Unde idem Gregor. 35. *moral. c. vlt.* satis obscurè dicit mala nostra esse pure mala, bona autem quæ nos habere credimus, pura bona esse nequaquam posse, ad quod facit illud Psalm. 13. *Non est qui faciat bonum*, & illud Genes. 6. *Omnis caro corruperat viam suam*; & non permanebit spiritus meus in homine, quia caro est.

II. Hæc questio duobus modis intelligi potest, vno absolute & præcisè de actu voluntatis humanæ abstrahendo ab hoc, vel illo statu humanæ naturæ, & à viribus & auxiliis quibus operari potest: & in hoc sensu nulla est controuersia etiam cum hæreticis, quin possit in homine esse actus simpliciter bonus: constat enim & nunc bene operari in patria, & in statu innocentiae potuisse etiam operari, & de Christi humanitate id est multo certius: est etiam per se notum hominem esse capacem virtutis & vitij, quia hoc ipso quo est rationalis, potest cognoscere, & iudicare quid sit conveniens iuxta rationem rectam, & totum id quod est necessarium ad honestatem actionis: & hoc ipso quo est liber, potest etiam velle, sicut etiam potest ab hoc deficere, & ideo malè operari. Secundo modo potest questio hæc tractari in particulari de homine lapsa & infirmo per originale peccatum: quo sensu loquuntur prædicti hæretici, quorum sententia etiam in hoc sensu est manifestè hæretica, sed quia impugnari latius solet in materia de Gratia, pauca breuiter adducam, omittens questionem aliorum locorum.

III. Primo ergo constat esse nunc in filiis Adæ & Catholicis viatoribus bona opera, ad Philipp. 1. *Qui cepit in vobis opus bonum*, &c. cap. 2. *Deus est qui operatur in vobis & velle & perficere pro bona voluntate*, &c. 1. ad Cor. 1. *ad*

I.  
Pars negativa hæreticorum.

II.

III.

Catholica pars affirmativa comprobatur ex scriptura.



Corinth. 7. Qui uxorem ducit, non peccat: qui autem seruat virginitatem, melius facit, Marci 14. Bonum opus operata est in me, & Iob sæpe repetitur, In his non peccauit Iob, vt notauit Greg. 2. moral. c. 15. Hinc etiam in scriptura præcipiuntur, & consulantur, & laudantur humana opera eorumdem hominum: non autem præcipiuntur, nec laudantur mala opera. Vnde Matth. 15. ait Christus Dominus, sic luceat lux vestra, vt videant opera vestra bona, &c. & 1. ad Corin. 4. dicitur, Nolite peccare, &c. 2. Petri 1. Hoc autem facientes non peccabitis: & alia sunt frequentia. Vnde Cyril. in Ioan. c. 330. notat cum Christus dixit paralytico Ioan. 5. Noli peccare, satis docuisse posse hominem recte & honeste operari, quod etiam tractat Bernard. lib. 6. de præcepto, & dispensatione. Denique hac de causa laudantur vita & actus multorum hominum in scriptura, vt constat de Abraham, Iob, & aliis, qui breuiter numerantur ad Hebr. 11. & Ecclesiast. 44. est ergo hæc veritas euident in scriptura.

IV. Item ex Concil. Secundo cuius hanc causam definita est præsertim in Concil. Trid. sess. 6. can. 7. 15. & 26. & Leo X. damnauit Lutheranam hæresim. Antiquiora vero Concilia de hoc expresse non tractant, quia nondum erat exorta hæresis, tamen id aperte supponunt, præsertim contra Pelagium definiunt posse hominem bene operari saltem per auxilium gratiæ, vt patet ex Mileuit. c. 3. & Araus. II. præsertim c. 21. 22. & 23. Et eodem modo inueniuntur multa testimonia Patrum scribeantium contra Pelag. præsertim Aug. & Hieronymi, de quibus legi possunt Rossensis art. 31. & 32. contra Luth. & Vega lib. 11. super Trident. c. 24. Ratio est fere eadem quæ adducta est num. 2. in priori sensu quæstionis: nam etiam homo lapsus potest sufficienter ratione vti ad discernendum inter bonum & malum, nam si hoc non potest, nec humanam actionem efficere potest: stultum est autem dicere hoc non posse, quia habet integras vires naturales voluntatis & intellectus, & non semper à sensibus impeditur: vnde in discursu & ratiocinatione naturali tantum potest, quantum si absque peccato & gratia in pura natura esset conditus, & tamen vltra hoc habet nunc vires & illustrationes gratiæ: ergo quantum est ex parte intellectus, habet quidquid sufficit ad bene operandum, sed ex parte etiam voluntatis habet libertatem naturalem, vt in superioribus ostensum est agendo de voluntariis: & similiter habet etiam vires gratiæ præuenientis, & adiuvantis: nihil ergo in hoc statu illi deest quominus possit bene operari.

V. Ad fundamenta hæreticorum sunt falsa, nam illo præcepto, diliges Dominum Deum tuum, nihil impossibile homini lapsus præcipitur, sed substantia illius præcepti est vt Deum super omnia diligat, quod potest homo in hac vita præstare: non est autem necesse, vt vel maxima intentione diligat, neque vt perpetuo ac semper, neque vt omnis alia actio ab hoc amore procedat, sed solum vt illi non repugnet, vt iterum dicemus: hæc autem dilectio possibilis est homini in hac vita: sicut enim 1. Ioann. 2. dicitur, Qui seruat præcepta eius, vere in hoc charitas Dei perfecta est. & eodem modo Dauid, & alij sancti in Scriptura dicuntur quæsisse Deum in toto corde suo, Psalm. 118. similiter præcepto non concupiscendi, non sunt prohibiti naturales motus, sed quod est in hominis potestate: quodque alibi dictum est, post concupiscentias tuas nec eas, nihil enim præceptum homini est impossibile: alias vel saluari non posset, vel sine obseruatione mandatorum saluari posset, contra illud Matth. 19. Si vis ad vitam ingredi, serua mandata.

Ad testimonia autem Scripturarum, tria breuiter dicenda sunt. Primum frequenter in eis locis sermonem esse de personis, & eorum viuendiratione, non de singulis actibus: licet enim homines quantumuis iusti multa bona faciant, tamen tot mala & peccata intermiserint vt merito dicantur iustitiæ eorum sicut pannus mensurata, in quo licet plures sint maculæ, aliquid potest esse mundum: & hunc sensum significauit Iob illis verbis, Si innocentem me ostendero, prauum me comprobabit, quod alibi dixit Ioan. Si dixerimus, quia peccatum non habemus, mentimur, &c. & eodem fere sensu loquitur Greg. vt videre est apud eundem locum cit. cap. 2. 6. & 8.

Secundum est, etiam loquendo de personis sæpe loqui Scripturam per quandam exaggerationem, præsertim quando loquitur de prauis & corruptis hominibus, in quibus tot sunt mala & peccata, vt licet interdum aliquid faciant boni, quasi nihil reputetur: quod maxime verum habet de iis qui de suis viribus & meritis præsumunt, de quibus potissimum videtur esse sermo in prædictis locis Iob: & de iisdem etiam loquitur Gregor. Est autem similis ratio de hominibus carnalibus, de quibus fit sermo Genes. 6. & sic de aliis. Addi potest ex D. August. lib. de vult. Eccles. cap. 2. interdum esse tantam multitudinem prauorum hominum, vt Scriptura loquens de tota communitate ita loquatur, ac si nullus in ea esset qui bene operaretur: & hoc modo ait Aug. nō obesse iustis in medio impiorum constitutis, quidquid in ipsos ob multitudinem impiorum dicitur: plerumque enim sermo diuinus hominum impiorum turbas ita arguit, ac si omnes tales essent: & similem regulam præbet Hier. epist. 140. ad Damasc. de filio prodigo.

Tertium est, etiam loquendo de singulis actibus comparatiua quadam & metaphorica locutione: dici posse non esse in eis puritatem, si cum diuina puritate & iustitia comparatur: sicut dicitur Angelus materialis ad Deum comparatus, vel sicut dicitur, Nemo bonus nisi solus Deus, Matt. 19. quem locum ad hoc propositum bene ibi tractat Origen. homil. 8. vel sicut Ioannes Baptista dicitur lucerna, & lux, sicut & Apostoli Matth. 5. dicuntur lux mundi: & tamen comparatione facta ad Christum dicitur de Baptista Ioan. 1. Non erat ille lux, vt bene ibi Theophyl. ponderauit: atque hoc modo facile erit seruata proportionem ad singula loca hoc applicare.

## SECTIO II.

Verum actus interior voluntatis sit formaliter bonus, vel solum causaliter ab actus exteriori.

CVm constet dari actum humanum bonum, & actus humanus ex interiori & exteriori componi possit, & vterque bonus denominetur, videndum consequenter est an bonitas illa, à qua actus voluntatis denominatur bonus, sit in ipso formaliter, ita vt ipsum intrinsece afficiat, vel sit tantum in exteriori, & inde denominet interiorum actum, & consequenter interior actus dicatur bonus, quia est causa exterioris actus boni, quod est esse bonum causaliter non formaliter: Ita enim de interioris actus bonitate sentire videtur Caiet. 1. 2. q. 20. artic. 2. resp. ad 2. Idque explicat exemplo sanitatis, & medicinæ, nam sanitas est in animali formaliter, & tamen medicinam, à qua efficienter dimanat, denominat sanum causaliter.

VI. Ad loca Scripturæ prima pars responsionis.

VII. 2. Pars.

VIII. 3. Pars.

I. Exponitur quest.



saliter: Sic ergo [inquit] una est bonitas ex obiecto in actu exteriori & in interiori, tamen in exteriori est formaliter, & manat efficienter ab interiori quem denominat causaliter: unde non videtur Caietan. hanc doctrinam vniuersaliter tradere de omni actu interiori, sed solum de illo, qui est bonus ex obiecto, non vero de illo, qui est bonus tantum ex fine extrinseco, vt colligi potest ex eodem *ibidem* dub. 4. Fundamentum huius opinionis solum esse potest, quia ideo actus interior est bonus, quia efficit actum exteriorem bonum: & hoc sufficit ad bonitatem eius: ergo non oportet in illo aliam bonitatem multiplicare. Confirmatur, nam in illo actu est bonitas, qui per se precipitur, vt actus eleemosynæ, v.g. interior vero solum quatenus potest esse necessarius ad causandum illum actum: ergo ille solum denominatur bonus ob hanc causalitatem.

## II.

Notatio triplicis generis actuum interiorum.

Hæc tamen opinio, mea sententia, nullo modo defendi potest nec generaliter, nec in particulari de aliquo actu interiori. Aduertendum igitur inter actus internos quosdam versari circa obiecta quæ non sunt actus hominis, sed res aliæ, vt amor Dei, amor vitæ: alios versari circa actus humanos, quos respiciunt vt obiecta sua: & hi etiam possunt esse duplices: quidam qui non habent necessario coniunctam actualem causalitatem talium actuum, vt est simplex amor, seu complacentia circa eleemosynam: & in hoc ordine poni possunt omnes actus qui ex parte obiecti habent aliquam vniuersalitatem, vel ex parte circumstantiarum abstrahunt ab actuali executione, vt est propositum dandi eleemosynam, vel propositum ieiunandi cras: alii vero sunt qui habent necessario coniunctam executionem, vt est actus qui est per modum vsus actiui, scilicet voluntas qua hic & nunc ita volo dare eleemosynam, vt ex vi illius statim moueam manum ad exequendum.

## III.

1. Assertio pro primo genere actuum interiorum.

Primo ergo de primis actibus qui versantur circa obiecta quæ non sunt actus humani, certa res est non posse esse causaliter bonos, sed formaliter. Patet, quia nihil causant, per se loquendo. Item amor Dei, v.g. est bonus, non à bonitate quæ est in obiecto: ergo ab alia, à qua ipse denominatur intrinsece & formaliter bonus. Minor patet, quia licet actus sumat conditionem, vel speciem suam ab obiecto, non tamen tanquam à forma per se ac formaliter denominante actum, sed tanquam à termino illius habitudinis, quæ est in ipso actu, per quam talis denominatur: idem est de amore Dei, & de quocumque alio actu tendente in obiectum bonum simile.

## IV.

2. Assertio pro secundo genere actuum.

Secundo de omnibus actibus internis, qui etiam versantur circa actus externos vt obiecta, ita tamen vt illum actum non causent, certum etiam est non denominari bonos causaliter à bonitate actus externi, sed à propria bonitate quæ est in ipsis per habitudinem ad talem actum, seu obiecta. Hoc etiam constat, quia illi actus sunt actu boni quando actu non causant: ergo iam tunc est eorum bonitas: bonitas autem exterioris actus tunc non fit ab actu interiori, neque est in re, sed in apprehensione, tantum ergo actus interior non est bonus formaliter ab illa bonitate. Dices, interdum posse aliquid denominari à forma non existenti, solum quia est causatiuum illius, vt patet de medicina, quæ dicitur sana priusquam effectiue sanet. Respondetur primo in actu interiori, de quo agimus, necessarium non esse non solum vt actu causet, verum etiam necesse effectiuum actus exterioris: potest enim esse simplex complacentia, vel delectatio cum propo-

sito nihil exterius operandi. Deinde etiam si deamus esse effectiuum exterioris actus, non ideo tamen bonus est interior actus, quia est effecti- uus exterioris, sed potius è contrario, quia bonus est, ideo est effectiuius, siue excitans ad actum exteriorem bonum, vt magis ex dicendis constabit. Denique quando res denominatur analogice talis à forma extrinseca, & non existente, reuera realiter, & in se, non est simpliciter talis, qualis formaliter potest constitui res aliqua per illam formam actu existentem & informantem: at vero hic actus interior, de quo agimus, statim ac existit, est in se & realiter bonus, adeo vt reddat bonum, habentem, & formaliter ac realiter rectum seu studiosum: ergo est bonus in se reali aliqua bonitate, & non per bonitatem actus exterioris apprehensi.

Tertio hinc concluditur etiam illum actum interiorum, qui actu necessario causat exteriorē, non denominari bonum tantum causaliter à bonitate actus exterioris, sed formaliter à bonitate quam in se habet per habitudinem ad actum exteriorem: atque ita in vniuersum omnis actus interior habet bonitatem in se ipso, vel saltē per denominationem ab aliquo actu interiori, & non ab exteriori. Quæ sententia, vt existimo, est communis omnium Theologorum, & sumitur ex D. Thoma 1. 2. quæst. 20. præsertim articulo. 3. & 4. cont. Gent. cap. 10. & ibi Ferrar. & ex aliis Theologis in 2. distinct. 42. vbi Bonauent. & Richard. articulo primo, quæst. 1. Durand. q. 1. Gabr. art. 1. & 2. Ocham in 3. q. 10. & quodlib. q. 20. & quodlib. 13. q. 41. Ratio in primis sumi potest ex dictis, nam sicut actus interior non causans exteriorem bonum, si versetur circa obiectum bonū, inde habet in se bonitatē: ita actus interior causans exteriorem, respicit illum vt obiectum, quia necesse est omnem actum internum habere aliquod obiectum: hic autem nullum est aliud: ergo etiam hic actus habet per habitudinem ad suum obiectum suam in se bonitatem formalem. Probatur consequentia, tum quia est eadem ratio: tum etiam, quia causalitas subsequens non potest priorem habitudinē impedire, præsertim quia hæc causalitas est posterior, & supponit priorem bonitatem, seu habitudinem ad actum vt ad obiectum, sicut prius est esse, quam causare illum, ideo enim causat illum, quia vult illum, & tamen ex vi primæ & essentialis habitudinis, quam habet præcise ex hoc quod est actus circa tale obiectum, est rectus & studiosus: tum denique, quia si per possibile, vel impossibile contingeret actum exteriorem non sequi, v.g. Deo non concurrente, eandem omnino bonitatem haberet ille actus interior. Quod etiam confirmari potest ex actibus ipsis interioribus inter se comparatis, nam amor est causa desiderii, vel intentionis, & intentio electionis, & tamen nullus dicere potest actum qui est causa, esse bonum à suo effectu: sed si interdum vnus potest denominari ab alio, potius effectus denominatur à causa, seu actus imperatus ab imperante, quam è contrario, vt infra videbimus: quæ ratione etiam actus exterior vt actus denominatur bonus ab interiori, loquendo de bonitate formali, vt nunc loquimur. Unde etiam fit, vt voluntas non agendi exterius, sit interdum formaliter & positiue bona, cum tamen in carentia illa exterioris actus nulla sit propria, formalis, ac positiua bonitas. Tandem actus interior per id quod in se est, habet eam perfectionem, ratione cuius potest constituere operantem bonū, quam perfectionem non habet in se actus exterior. Cuius signum est quia actus interior per se solus sufficit ad constituendum hominem formaliter bonum

## V.

3. Assertio pro 3. genere actuum.



num, nouero exterior, vt suo loco dicemus, & statim etiam indicabimus.

VI. Neque existimo Caietanum omnino sensisse contra predictam doctrinam, nam illa q. 20 art. 3. docet bonitatem quam interior actus habet ab exteriori vt ab obiecto, seu sine intrinseco suo, non esse denominationem extrinsecam ab actu exteriori, sed esse aliquid in ipso met actu interiori: quod optime probat à simili ex voluntate alterius finis honesti, qui non sit actus humanus. Addit tamen Caietanus quippiam, in quo fundata multa dubia, quæ in illis articulis obscurissime tractat, quæ reuera nõ erant necessaria, nec nituntur solido fundamento. Dicit ergo actum interiorem, qui est intrinsece & in se bonus ab actu exteriori vt obiecto, posse etiam denominari extrinsece bonum ab eodem actu exteriori vt actus est, & in hoc differre talem actum internum, qui est causa exterioris, ab eo qui non est causa. Sed hic modus denominationis solum videtur excogitatus ad agendam rei difficultatem, quia reuera talis denominatio nõ est necessaria. Primum enim nulla causa denominatur proprie bona à suo effectu: deinde bonitas quam exterior actus habet ex se, non est bonitas formalis, sed obiectiua solum: ergo non potest denominare formaliter bonum actum internum, etiam extrinsece, sed ad summum denominare bonum obiectiue analogice, & secundum quid. Item actus exterior secundum suam bonitatem obiectiuam, non solum ab interiori bono, sed etiam à malo causari potest, nam actus elemosinæ exterior, etiam si à mala voluntate, vel intentione procedat, non amittit suam bonitatem obiectiuam, & tunc ille actus non dicitur bonus causaliter: ergo ex hac causalitate non sumitur talis denominatio.

VII. Ad fundamentum vero, in principio positum respondetur istam causalem, *actus interior est bonus, quia exterior est bonus*, in eadem forma habere locum in omni actu interiori voluntatis respectu sui obiecti, vel finis: amor enim Dei est bonus, quia Deus est bonus, & sic de aliis: illa ergo casualis non est vera in genere causæ formalis proprie, sed tantum in genere causæ obiectiue, seu finalis, quæ dici solet forma extrinseca per modum termini, & ideo non sequitur bonitatem quæ est in actu exteriori, vel generaliter in obiecto, denominare actum formaliter bonum, sed ad summum bonitatem actus interioris sumi ex ordine ad bonitatem obiecti, seu finis, & circumstantiarum, vt sigillatim inferius dicemus.

### SECTIO III.

*Quid sit hæc bonitas formalis & moralis in actu interno.*

I. <sup>1. Sententia.</sup> PRIMA sententia est, bonitatem hanc nihil esse præter collectionem omnium circumstantiarum, seu conditionum, quæ secundum rectam rationem necessariæ sunt vt actus interior simpliciter & absolute denominetur bonus. Refertur pro hac sententia Scotus in 2. d. 40. quo loco eam declarat per proportionem ad bonitatem naturalem vniuscuiusque rei, quæ nihil aliud est quam collectio perfectionum omnium quæ tali rei iuxta naturam eius, debentur. Quomodo etiam D. Thomas 1. 2. q. 18. art. 1. videtur explicare bonitatem actus moralis, scilicet per hoc quod habeat plenitudinem essendi: sic ergo in actu voluntatis plenitudo eius confurgit ex hoc quod habeat obiectum, & omnes circumstantias sibi debitas: vnde si hæc omnia habeat, est bonus, si

aliquo istorum caret, est malus: signum ergo est bonitatem eius in hac integritate, seu collectione consistere.

Hæc tamen opinio vel falsa est, vel improprie & insufficienter explicat quod inquirimus. Duo enim modis intelligi potest collectio obiecti & circumstantiarum esse bonitatem actus voluntatis: primo formaliter: quo sensu est plane falsum, quia, vt paulo antea dicebam, obiectum non est forma afficiens formaliter actum voluntatis, sed est, vel causa extrinseca finalis, vel terminus habitudinis actus ad ipsum: eadem autem ratio est de circumstantiis, quia hæc non conferunt propriam bonitatem & honestatem actui interiori: nisi quatenus sunt aliquo modo volitæ, atque adeo quatenus aliquo modo participant rationem obiecti: ergo per se non formaliter afficiunt actum, sed sunt tantum causa alicuius habitudinis actus ad ipsam: loquor autem de circumstantiis obiecti, nam de aliis quæ circumstant ipsam actum secundum se est alia ratio, vt videbimus. Secundo modo posset hæc sententia intelligi causaliter, & ita est impropria locutio, quia bonitas non est collectio obiecti & circumstantiarum, sed resultat, seu oritur ex obiecto & hæc debitis circumstantiis affecto: & hic sensus est verus, vt postea videbimus, sed non sufficiens ad rem, de qua agimus, explicandam, quia non inquirimus vnde oriatur bonitas, sed quid in se sit.

Secunda sententia est, hanc bonitatem consistere in conformitate ad legem: quam indicant aliqui autores statim citandi. Et potest in hunc modum suaderi, nam quidquid habeat actus voluntatis seclusa hac conformitate, nõ est bonus, qua posita est bonus: ergo signum est hanc bonitatem in hac conformitate consistere. Antecedens patet, nam etiam ipse amor Dei, qui videtur maxime bonus per se, si fiat contra præceptum, vt, v. g. si Deus mihi nunc prohiberet ne exercerem amorem eius, & nihilominus ego amarem, ille amor esset malus hic & nunc, quia non est conformis legi: vnde etiam fit vt idem actus per solam mutationem legis fiat de bono in malus, vel è contra, manens immutatus in aliis omnibus, vt si quis velit comedere carnes nunc tempore prohibito, illa volitio est mala: si autem tollatur prohibitio, poterit esse bona: ergo signum est totam bonitatem esse in prædicta conformitate. Confirmatur tandem, quia hæc conformitas, aliqua bonitas est, & est propria actus moralis vt moralis est, imo sola videtur illi propria, nam si qua alia bonitas reperiri potest in actu interiori, illa poterit esse in illo, etiam si liber non sit, vt in actu amoris Dei reperitur tota illa rectitudo quæ intelligi potest in ordine ad obiectum, etiam si necessario fiat, & moralis non sit: conformitas autem ad legem non potest esse nisi in actu morali, quia nullus alius potest cadere sub præceptum: ergo illa conformitas est propria omnino bonitas moralis.

Hæc sententia dupliciter potest intelligi, primo de conformitate quasi fundamentali, seu ex parte obiecti, ita vt ille actus dicatur conformis legi, quia tendit in tale obiectum, quale est præscriptum à lege, aut quia tendit in ipsam conformitatem cum lege tanquam in quoddam obiectum bonum. Et hic sensus licet non sit formalis & proprius, est tamen verus, quamuis non eodẽ modo ad omnem bonitatem possit applicari, vt ex dicendis constabit, nam in hoc sensu hæc sententia coincidit cum nostra, vel est quædam pars illius: non est autem hic sensus intentus ab autoribus huius sententiæ.

Secundo

II.

III.

2. Sententia

IV.

Huius sententia sensus vnus expeditur.



V.  
Sensus im-  
pugnatur.

Secundo modo intelligi potest de conuenientia propria & formali inter ipsum actum voluntatis, & legem, id est, de denominatione seu relatione, quæ in nostro actu inde resultat. Et in hoc sensu existimo sententiam esse falsam, primo quia hæc bonitas moralis secundum se abstrahit à lege proprie sumpta pro præcepto superioris, nam in primis multi sunt boni actus interni, qui non sunt præcepti, quod si quis extendat nomen præcepti ad consilium, vel certe respondeat, quamuis non omnes actus sint præcepti quoad exercitium, omnes tamen esse præceptos quoad specificationem, seu quoad modum quo debent fieri si sunt: adhuc est extra rationem bonitatis moralis, ut hoc sit lege præscriptum, nam per se sufficere posset ipsa natura talis actus, vel obiecti, nam velle dare eleemosynam, aut loquendo, velle dicere verum, per se & natura sua est actus virtutis per se sufficiens ad bene afficiendum operantem, etiam si per impossibile nullus esset superior qui legem ferret. Quod potest ita explicari, hæc enim lex potest intelligi aut in diuino iudicio, quo Deus iudicat hunc actum ita esse faciendum, ut sit honestus [quam multi putant esse legem æternam] & tunc non ideo actus est talis, quia Deus iudicat debere esse talem, sed è contrario, potius Deus ideo iudicat illum actum debere esse talem, quia hæc est ratio & natura eius: ita honestas talis actus non consistit in conformitate ad illam legem, sed potius obiectiue supponitur in illo, ut iudicium illud ferri possit. Vel intelligitur hæc lex in voluntate diuina qua vult obligare homines ad sic operandum: & hæc cum sit posterior ratione illo iudicio, multo magis supponit honestatem in re præcepta, quam illud iudicium: vel denique intelligitur illa lex in nostra ratione, & de hac multo magis procedit ratio facta, quia, ut D. Thom. ait 1. 2. quæst. 19. art. 2. ad 1. ratio naturalis non habet rationem legis, nisi prout est participatio legis æternæ, & illam applicat.

VI.

Sed dices hunc discursum solum habere locum in actibus qui dicuntur præcepti quia honesti, non vero in aliis qui sunt honesti quia præcepti: ergo saltem in his consistit prædicta formalis honestas in prædicta conformitate ad legem positivam, vel diuinam, vel humanam. Sed contra hoc ampliatur magis ratio facta, nam vel lex præcepit voluntatem quæ per se & sine lege posset esse honesta, ut si nunc Deum præcipiatur amare, & tunc lex non dat actui honestatem, sed dat necessitatem exercendi talem honestatem, & hoc est frequentius in legibus præcipientibus actus humanos: vel interdum mandat lex actum de se indifferentem non solum quoad necessitatem, sed etiam quoad honestatem, & tunc actus non erit bonus ob solam conformitatem materialem ad legem [ut sic dicam,] sed ob formalem, obiectiuam seu finalem, & tunc erit actus bonus ex habitudine ad finem, seu obiectum, non vero ad legem, nisi quatenus sumitur pro obiecto.

VII.  
Declaratur  
amplius ratio  
excludendo  
vnu modum  
conformitatis  
ad legem.

Declaratur, nam duobus modis potest intelligi actus conformis legi, vel propter immediatam habitudinem, seu relationem quasi similitudinis, quæ resultat inter actum & legem positam extremis: & hanc voco conformitatem quasi materialem, quia potest esse in actu præter intentionem operantis, imo præter scientiam, seu cognitionem, nam si quis ignorans hodie esse diem festum andiat Missam, reuera implet præceptum, & in actu eius est prædicta conformitas ad præceptum, quamuis neque ipse illam intendat, neque cognoscat: & hanc conformitatem dico non

sufficere ad bonitatem actus: primo quidem non sufficit quia bonitas formalis non est in voluntate, nisi sit voluntaria, non utcumque, sed directe, ut infra dicam, aut per modum obiecti, aut saltem per modum actus, quia voluntate aut peccatur, aut recte viuunt, sed prædicta conformitas non est voluntaria: ergo ut sic, non reddit actum bonum. Secundo non sufficit, quia actus malus, vel indifferens potest habere hanc conformitatem, nam si quis faciat quoad substantiam id quod ei præcipitur, est conformis legi ad seruandam illam, & tamen fieri potest ut aliunde peccet in eo actu.

Alia ergo est conformitas formalis, quæ esse potest variis modis. Primo modo ex parte finis, quia scilicet operans non solum facit quod præceptum est, sed etiam oportet ipsius præcepti finem, quem necesse est esse bonum, nam si lex interdum præcepit actum indifferentem ex obiecto, necesse est ut saltem præcipiat ob bonum finem, alias non esset lex honesta, nec rationabilis: tunc ergo actus poterit esse bonus ex tendentia ad talem finem, ex qua inde resultat alia conformitas relatiua ad legem. Secundo modo ex parte obiecti proximi habentis honestatem obiectiuam rationi legis in aliqua specie virtutis, ut quando lex determinat in ipsa materia medium virtutis, ut v.g. iustitiæ, vel temperantiæ, & tunc actus si versatur circa tale obiectum ut sic, poterit esse bonus formaliter: sed ista bonitas intrinsece consistit in habitudine ad obiectum, non vero ad legem, nisi quatenus aliquo modo se tenet ex parte obiecti, immutando illud moraliter: inde vero poterit resultare alia conformitas relatiua ad legem, quæ adhuc dici potest aliquo modo materialis, quatenus, ut sic, non est intenta operante. Tertio & ultimo potest esse hæc formalis conformitas, si ipsa ut sic, sit ab operante directe intenta, ut cum aliquis vult operari ut se subiciat legi, & tunc poterit quidem voluntas esse bona ex hoc motu, tamen iam tunc respicit legem, seu conformitatem ad illam ut obiectum. Vnde bonitas inde sumpta non est communis omni actui bono, sed est specialis virtutis obedientiæ, & ideo dici non potest rationem formalem bonitatis ut sic, consistere in hac conformitate. Possunt præterea hic adungi alie rationes, quib. supra disputatione secunda, sectio ne secunda, à numero quinto, ostendi bonitatem obiectiuam non posse consistere in hac conformitate ad legem, nam est fere eadem ratio, & statim addemus multa.

Tertia sententia non est multum dissimilis præcedenti, quæ ponit hanc bonitatem in conformitate ad rationem rectam, quæ videtur placere Scoto in 1. d. 17. quæst. 3. §. Quantum ad istum articulum, & iuxta hoc videtur exponere primam sententiam supra citatam in num. 1. quam alibi sæpe indicat: dicit enim bonitatem actus esse conformitatem eius ad rationem rectam plene distantem de omnibus quæ convenire actui possunt. Similia fere repetit in 2. d. 7. ubi etiam Gabr. quæst. 1. in principio, & in 3. d. 36. Gregor. in 3. d. 26. q. 1. Durand. d. 38 quæst. 1. num. 7. Almain. tractatu 1. moral. cap. 13. & 14. Conrad. 1. 2. quæst. 18. articulo 5. ubi D. Thom. videtur huic sententiæ favere, & q. 64. art. 3. quæst. 1. de verit. art. 2. quæst. 1. de virtut. artic. 3. & sæpe alibi. Fundamentum est, quia tota bonitas voluntatis pendet ex iudicio rationis, adeo ut stante eodem actu voluntatis, ob solam mutationem iudicii, mutetur actus de bono in malum, ut si quis existimans hodie esse diem Dominicam, carnes vellet comedere, erit actus bonus, & tamen si aduertat esse diem sabbati, & perseveret in eo:

VIII.  
Deinde ex-  
cludendo mo-  
dos alios con-  
formitatis.

IX.  
3. Sententia.



in eodem actu voluntatis, erit malus: ergo signū est totam bonitatem illius actus consistere in conformitate ad iudicium. Et ratio à priori esse videtur, quia res non dant bonitatem voluntati, ut sunt in se, sed ut iudicantur practice à ratione, quia recta ratio est regula voluntatis: ergo bonitas voluntatis consistit in conformitate ad suam regulam.

X. Hæc opinio potest habere varios sensus, nam primo considerari potest ratio ut habet vim legis respectu voluntatis: & in hoc sensu hæc opinio coincideret cum precedenti, unde nihil in eo sensu addendum est. Secundo potest considerari ratio ut manifestans, & proponens obiectum, seu ut iudicans ipsum met actum voluntatis: utrum hic & nunc bonus sit, vel malus: & hinc potest resultare duplex conformitas in voluntate respectu rationis, una enim conformitas est quasi similitudinis, vel proportionis inter ipsosmet actus in intentione, & hoc nullo modo esse potest bonitas ipsius actus voluntatis ob multa supra tractata in 2. sententia. scilicet quia illa habitudo est præter intentionem operantis, & quia est posterior ipsa bonitate actus, nam prius intelligitur versari actus circa obiectum honestum per rationem propositum. Item quia non est actus bonus quia talis iudicatur, sed potius quia ipse honestus est, & ideo est verum iudicium quo iudicatur esse talis: sic enim intelligendum est quod Aristoteles dixit 6. Ethic. ca. 2. veritatem intellectus speculativi ex conformitate ad res ipsas sumi, veritatem autem intellectus practici sumi ex conformitate ad appetitum rectum, quod etiam docet D. Thom. 1. 2. quest. 57. art. 5. ad 3. Item quia inter ipsos habitus, à quibus progrediuntur hi actus, scilicet inter prudentiam & virtutem moralem voluntatis potest intelligi illa conformitas, & tamen nemo dicit bonitatem habitualem virtutis moralis consistere in habitu ad habitum prudentiæ: sed ad obiectum quod potest per prudentiam proponi. Altera ergo potest consistui conformitas, non inter ipsos actus inter se, sed in obiecto, scilicet quia voluntas tendit in tale obiectum, quale per rectam rationem proponi solet: & hoc modo loquuntur fere omnes auctores citati de conformitate ad rationem rectam, ut magis quam cæteri explicavit Durand. Alio etiam modo possemus per hanc conformitatem intelligere convenientiam ipsius actus interioris ad naturam rationalem: & quoad hæc duo erit vera hæc sententia provt statim explicabimus, nam ita declarata nihil differt à nostra.

XI. Quarta opinio referri solet, & tribui Caietano 1. 2. quest. 71. art. 6. & quest. 72. artic. 1. ubi non de bonitate, sed de malitia loquitur, ubi etiam docet esse proprietatem positivam, & realem pertinentem ad prædicamentum qualitatis, existentem in actu voluntatis: quod quidem maiori ratione diceret de bonitate, nam id dicit de malitia, quia existimat contrariorum eandem esse rationem. Potest autem hæc opinio breviter ita fundari à sufficienti enumeratione: quia hæc bonitas non est ratio rationis in rigore sumpta ob rationes sæpe tactas in simili questione, quia hæc relatio nihil est, sed esse fingitur, unde non denominat proprie, nisi quando ab intellectu fingitur: bonitas autem actuum & aliquid est, & realiter denominat, etiam si intellectus nihil fingat. Rursus non est etiam relatio realis, cum quia omnis huiusmodi relatio est aliquid resultans præter intentionem agentis: bonitas autem hæc est per se intenta ab operante, tum etiam quia nulla bonitas proprie consistit in relatione, ut

supra ostensum est, quod maiori ratione in hac locum habet, quia est magna perfectio rationalis naturæ. Deinde non est etiam denominatio extrinseca, ob easdem fere rationes, quia hæc bonitas est magna perfectio: denominatio autem extrinseca nihil perfectionis ponit in re denominata. Item quia denominatio extrinseca, si aliqua hic esse potest, erit à lege, vel à recta ratione: ostensum est autem bonitatem hanc non consistere in denominatione ab his extrinsecis formis. Item quia hæc denominatio provenit ab extrinseco, & non fit proprie ab ipso operante: bonitas autem hæc est ab extrinseco, & fit ab homine operante virtutem. Tandem non potest hæc bonitas consistere in sola substantia actus interioris, quia manente eadem substantia actus potest nunc esse bonus, & postea esse malus mutato tempore, lege aut fine: ergo bonitas est aliquid aliud præter substantiam, præsertim quia substantia actus est aliquid naturale: hæc autem bonitas quid morale: superest ergo ut sit proprietas realis & absoluta, intrinsece afficiens substantiam ipsius actus.

Hæc sententia etiam est falsa, cuius tamen perfecta intelligentia pendet ex his fere, quæ dicam tribus disputationibus sequentibus: tunc sufficiant quæ de simili opinione diximus supra tractando de esse morali, possunt enim etiam hic eadem proportionem applicari. Item ex Metaphysica constat bonitatem rei non posse esse aliquid ex natura reidistinctum ab ipsa re, præsertim absolutum quid: est autem eadem ratio de bonitate hac respectu actus boni.

Ut ergo explicem meam sententiam, aduerto ex his quæ supra dixi, dupliciter posse aliquid denominari bonum nempe ut quod, & ut quo, seu absolute & in se, vel respectu alterius, vel tanquam suam habens debitam perfectionem, aut tanquam alteri conveniens, cumque commode afficiens iuxta suam naturam: quæ distinctio accommodari potest actibus voluntatis, nam licet sint accidentia, tamen, ut supra etiam attigi, accidentia quoque habent bonitatem suam, ratione cuius bene afficiunt substantiam, atque ita D. Tho. 1. 2. q. 19. art. 1. & fere in tota hac materia considerat bonitatem actus quatenus est perfectio eius, seu quatenus habet omnia quæ ad talem perfectionem requiruntur, nam inde consequenter fit ut talis actus sit homini conveniens. Deinde est advertendum ex dictis disp. 1. fitur in esse morali contingit aliud esse id quod denominatur morale, & aliud id unde sumitur talis denominatio, ita in bonitate morali aliud esse potest ipsa bonitas, à qua actus denominatur bonus, aliud vero principium, seu forma, unde denominatur moralis, & utrumque est explicandum.

Dicendum primo actum voluntatis esse bonum & perfectum, nihil aliud esse quam esse rectum & studiosum: atque hoc modo bonitatem eius non esse aliud quam ipsum esse virtutis quod in ipso est. Hanc conclusionem sumo ex Aristotele 6. Ethicor. c. 6. dicente virtutem esse quæ bonum facit habentem, nam ex hac definitione intelligitur ipsum esse virtutis esse bonitatem, & perfectionem ipsius virtutis: unde D. Thom. 1. 2. quest. 55. art. 3. dicit loquens de habituali virtute, essentialiter esse habitum bonum, & artic. 4. ad 1. dicit virtutem esse bonam non alia bonitate à se distincta, sed quia ipsa est talis. Unde etiam August. libr. 2. de lib. arbitrii. capit. 18. & 19. & 1. retract. cap. 9. dicit virtutem esse bonam mentis qualitatem, & libr. 2. de morib. Eccles. cap. sexto, dicit virtutem facere animam optimam, quæ omnia licet possint ad habitualem virtutem applicari, eodē tamen

XII.

XIII.

XIV.

1. Assertio.



men modo locum habent in actu virtutis: quia ratio virtutis & bonitatis prius reperitur in actibus, quam in habitibus, vt bene Gabr. in 3. d. 23. quest. 1. art. 1. notab. 4. ex Aristot. 2. Ethicor. cap. 1. dicente secundum differentiam operationum sequi habitus: actus ergo voluntatis in tantum est in se bonus & perfectus, in quantum est actus virtutis, & inde etiam habet vt constituat formaliter hominem bonum in actu secundo: ergo bonitas hæc, & perfectio eius nihil aliud est, quam ipsum esse virtutis, seu differentia illa, per quam constituitur in esse virtutis. Et confirmatur primo, quia ablato hoc esse virtutis, tollitur bonitas formalis & moralis ab ipso actu, & illo posito, & quocumque alio per intellectum præciso, manet bonitas in actu, quia manet actus sufficiens ad benefaciendum homini. Confirmatur secundo, quia quando homo operatur bene, hoc esse virtutis per se primo operatur, & hoc maxime cadit sub intentionem eius, estque dignus laude aut præmio ratione eius, quæ sunt proprietates consequentes bonitatem moralem: ergo signum est hoc esse virtutis esse perfectionem illam, à qua actus voluntatis dicitur bonus.

XV. *Dubium breuiter explicatur.* Sed tunc statim se offerebat inquirendum, quid sit hoc esse virtutis, sed hoc pendet ex dicendis de obiecto, fine, & circumstantiis. Nunc breuiter dico dupliciter esse posse actum voluntatis actum virtutis, vel tanquam elicitum à voluntate, vel tanquam imperatum: in priori actu esse virtutis nihil aliud est quam ipsum esse specificum & entitatum talis actus, & ita hoc ipsum erit bonitas, seu perfectio à qua dicitur actus in se bonus: in posteriori autem actu nihil est esse virtutis, nisi denominatio extrinseca ab actu imperante, & in eadem consistit bonitas eius: quomodo autem hæc probanda sint, constabit ex dicendis.

XVI. *1. Assertio.* Dicendum secundo. Actus voluntatis quatenus est bonus & conueniens homini, præter bonitatem & perfectionem dictam quam in se habet, nihil in ipso actu addit, sed solum connotat in homine talem naturam & capacitatem, nempe rationalem, cui optime conuenit illa perfectio, seu bonitas talis actus. Hæc conclusio patet ex dictis in simili de bonitate obiectiua, nam eadem est proportionalis ratio: constat etiam ex bonitate transcendentali omnium entium, nam nulla res dicitur bona alteri, nisi ratione suæ perfectionis entitatiuæ, addendo conuenientiam ad alteram: quæ conuenientia solum connotat in alia prædictam capacitatem. Docet autem D. Thom. 1. 2. quest. 55. art. 4. ita se habere hanc bonitatem ad virtutem, sicut se habet bonitas transcendentalis ad ens. Tandem probatur à sufficienti enumeratione: excludimus enim omnes modos qui excogitari possunt, & positis his quæ diximus, sufficienter intelligitur tota hæc bonitas: ergo in his præcise consistit.

XVII. Dices primo hanc potius esse bonitatem obiectiuam, quam formalem ipsius actus voluntatis, nam quatenus est rationali naturæ conueniens, est respectu illius bonus obiectiue. Respondetur eandem bonitatem in ordine ad diuersa seu secundum diuersas rationes, posse vtramque denominationem accipere: quamuis enim possit esse aliqua bonitas pure obiectiua, quæ non sit formalis, tamen è contrario omnis bonitas formalis est etiam obiectiua, quia est appetibilis ab ea re cuius est bonitas: & ita in præsentia, actus virtutis comparatus ad humanam naturam quatenus est perfectibilis modo sibi conuenientissimo, est quædam formalis bonitas eius: quatenus

tenus autem comparatur ad alium actum, quo amari potest, est etiam honestum obiectum in quod potest tendere voluntas. Dices vterius: ergo esse hoc modo bonitatem formalem est de essentia talis actus, & non consequitur ad illam vt proprietas: consequens autem videtur esse contra D. Thom. 1. 2. quest. 71. artic. 1. vbi loquens de virtute dicit esse bonitatem quandam, & consequi ad essentiam virtutis. Ad hoc Caietan. in illo loco concedit rationem bonitatis pertinere ad essentiam virtutis, non vt rationem specificam, sed vt genericam, & ita exponit D. Thom. rationem bonitatis consequi ad essentiam virtutis eo modo quo differentia generica comitatur specificam. Sed reuera esset valde impropria locutio: quis enim dicat differentiam genericam consequi ad essentiam rei? præsertim quia Diu. Thom. ibi non agit de differentia specifica virtutis, sed in genere de virtute, & ad illius essentiam dicit consequi bonitatem. Aliter Medina ibi respondet virtutem posse comparari vel ad subiectum cuius est dispositio: & hoc modo de essentia illius esse quod sit quædam bonitas subiecti: vel ad actum quem potest efficiere: & hoc esse quid consequens ad essentiam virtutis, & sub hac ratione dici bonitatem consequi ad illius essentiam. Sed hæc doctrina reuera non est ad mentem D. Thom. nam ibi distinguit illa tria, nempe esse dispositionem talem subiecti, esse bonitatem, & esse principium actuum virtutis: & virtutem dicit esse bonitatem quandam, non vt est principium actuum, sed vt conuenienter disponit subiectum. Deinde neque in se est vera illa doctrina, quia loquendo de virtute habituali, de essentia eius est habitudo ad actus, sicut ad subiectum, imo in tantum bene disponit subiectum, in quantum reddit illud facile & promptum ad actus.

Dico ergo ex D. Thoma altis locis citatis, ita comparari hanc bonitatem ad virtutem, sicut in communi bonitas comparatur ad ens: vnde sicut bonitas non est aliquid realiter consequens rationem entis tanquam aliqua proprietas realiter ab illa distincta, sed solum dicitur consequens rationem entis ob diuersam habitudinem illa voce significatam, seu connotatam, quamuis re ipsa nihil sit præter essentiam entis: ita in præsentia dicendum est, siue loquamur de habituali, siue de actuali virtute, essentialiter esse perfectionem bene efficientem subiectum in quo est: & ita, vt supra vidimus, Aristot. & omnes definiunt virtutem. hinc tamen secundum rationem consequitur vt habeat conuenientiam quandam cum tali natura, ratione cuius sit illi propter se appetibilis: quod etiam in naturalibus perfectionibus seu proprietatibus videre licet.

Dicendum tertio, vt hoc esse virtutis, quod est in actu voluntatis, denominetur bonum morale, seu bonitas moralis, necesse est vt illi coniungatur esse liberum. Ita docuit Scotus quodl. 18. §. 2. Gabr. cum Ocham in 3. d. 23. quest. 1. notab. 4. & constat ex doctrina supra data de esse morali: sicut enim actus voluntatis etiam si in substantia sua sit omnino idem, si non sit liber non est moralis, ita quamuis talis actus tendat in honestum vt sic, & in hac ratione sit omnino rectus, & studiosus nihilominus si non sit liber, illa rectitudo non erit moralis: quod videre licet in actu amoris diuini, nam in beatis est rectissimus, & ab eadem virtute charitatis procedens, atque adeo eiusdem speciei cum amore viæ, vt est probabilis, & nihilominus ibi non habet bonitatem moralem, non quia deficit illa bonitas, quam habet ex obiecto, & differentia specifica, sed quia deest illi moralitas quæ sumitur ex libertate.

XVIII.

XIX. 3. Assertio.



XX.

Si inquiras, an hoc ipsum esse liberum dicat aliquam bonitatem moralem in actu distinctam ab ipsa bonitate, quæ potest saluari sine libertate, Videbitur forte ita dicendum, quia ad omne esse sequitur aliquid bonitatis eo modo quo est, sed hoc esse liberum est aliquo modo esse reale: ergo, &c. Respondetur libertatem quidem ipsius potentie in actu primo esse bonitatem quãdam seu perfectionem non moralem, sed naturalem, non in actu secundo, sed in actu primo: vnde in ipso actu secundo hoc esse liberum reuera non addit bonitatem physicam & realem distinctam à perfectione ipsius potentie, & positio influxu, quem habet in actu, sed addit quandam denominationem quæ morali modo potest dici perfectio quædam. Et adhuc de ista est ulterius addendum in communi sumptam, non esse etiam bonitatem moralem, id est, honestam, quia est conditio communis bonis & malis actibus: est ergo quid indifferens: tamen hæc libertas adiuncta bonitati & honestati actus, dat illi quendam valorem & æstimationem, quæ potest merito dici dignitas quædam moralis actus, quæ non consequitur ex honestate sola, neque ex libertate sola, sed ex libera honestate, seu [quod idem est] ex bono usu libertatis, quæ significatur illis verbis, *Potuit transgredi, & non est transgressus, &c.* & eodem modo possumus dicere, potuit non bene operari, & bene operatus est, & ideo in hoc fundatur ratio meriti, laudis, &c.

XXI. *Vltima assertio.*

Vltimo addendum est, ut actus voluntatis denominetur bonus simpliciter, necessarium esse ut nulla malitia moralis illi coniungatur. Ita docent omnes Theologi cum D. Thom. 1.2. quæst. 18. artic. 1. ex illo principio vulgatissimo, *Bonum ex integra causa, malum ex quocunque defectu*. Solum est aduertendū aliud esse disputare an in eodem actu voluntatis possint simul coniungi verum esse virtutis, atque adeo aliqua vera bonitas moralis cum aliqua malitia morali vera: aliud vero an si coniungantur, talis actus dicendus sit bonus, vel malus. De primo nihil nunc definimus, tractandum enim est infra in propria disputatione, ubi explicabimus quanta sit oppositio inter bonitatem & malitiam. Hic vero solum affirmamus prædictam conditionalem, per quam responsum fere est ad præcipuum fundamentum, quo nitebantur omnes fere sententiæ supra citatæ, scilicet quia idem actus potest fieri de bono malus, & è contrario, sine sui mutatione: respondetur enim fieri non posse ut actus elicitus à voluntate sic constitutus in specie virtutis, amittat illam bonitatem sine sui mutatione, quamuis fortasse fieri posset ut extrinsecus, seu accidentaliter illi adiungatur aliqua malitia, ratione cuius non possit denominari simpliciter bonus, sicut denominaretur ex vi suæ bonitatis specificæ, si nullam haberet malitiam adiunctam. Et eadem ratione si aliquis actus est ita malus, ut ex vi suæ speciei nullam habeat honestatem, non poterit affici bonitate intrinseca, seu specifica sine sui mutatione. Quando vero actus accidentaliter solum est bonus, vel malus, non repugnabit sine sui mutatione intrinseca fieri de bono malum, vel de malo bonum, quamvis hoc posterius nunquam fiat sine aliqua mutatione voluntatis saltem per additionem alterius actus, quæ omnia non possunt hoc loco latius explicari donec in particulari fusius tractentur in disputatione octava, & tunc etiam clariora erunt omnia quæ in superioribus opinionibus insinuavi.

Suarez in primam secundæ D. Thomæ.

## SECTIO IV.

*Quotuplex sit bonitas in actu interiori voluntatis.*

I.

Ratio dubii esse potest, quia D. Thom. 1.2. quæst. 18. art. 4. dicit quatuor esse bonitates in actu humano, una est secundum genus prout est actio; alia secundum speciem prout ad tale obiectum tendit, tertia ex circumstantiis, quarta ex fine. Eandem fere doctrinam habet in 2. dist. 36. artic. 5. in corp. quamvis in modo loquendi non nihil differat, nam bonitatem ex obiecto vocat quasi genericam, ex circumstantiis autem, specificam. D. Thomam autem imitatus est Scot. in 2. d. 40. q. v. nica, & quodlib. 18. ubi significat illas quatuor bonitates esse quasi partiales, & singulas per se sumptas tantum esse bonitates secundum quid, ex omnibus autem conflare bonitatem simpliciter actus. Verum est hos autores non loqui in particulari de actibus internis, sed in communi de actu humano: vnde facilius posset accommodari illa doctrina ad actum externum prout ex se habet bonitatem obiectiuam, ut supra dictum est. Nihilominus multi Thomistæ eam etiam intelligunt de actibus interioribus, in quibus distinguunt re ipsa quatuor illas bonitates partiales, adeo ut à parte rei sit una separabilis ab alia, nam potest manere idem actus secundum substantiam bonus solum bonitate actus ut sic, sine vlla bonitate ex obiecto formali: & hæc rursus esse potest sine bonitate ex circumstantiis: & tandem bonitatem simpliciter actus componi ex his omnibus, quia sine illis non erit actus simpliciter bonus.

II.

Hæc sententia sic exposita mihi valde displicet in multis. Primum enim bonitas illa prima, quæ consistit in ratione actus, seu actionis ut sic, reuera non est honesta bonitas de qua loquimur, quia de se communis est & indifferens ad actum honestum & turpem etiam intrinsece: cum tamē in actu intrinsece malo nulla sit proprie bonitas honesta, imo neque in actu indifferenti ex obiecto ut talis est, nam ideo est indifferens, quia omni caret honestate & malitia: & ideo recte dixit Scot. dicto quodlib. actum humanum ut humanum, primo determinari ex obiecto honesto, ad honestum ut sic. Scio Caietan. 1.2. q. 18. art. 8. ad 1. dicere omnem actum voluntatis, quantumvis malum habere aliquam bonitatem moralem saltem ex parte finis vniuersalissimi, quia scilicet omnis actus tendit aliquo modo in beatitudinem & finem vltimum, iuxta dicta in tract. 1. Sed hoc valde improprie dictum est, quia illa relatio in finem vltimum non est ab operante, sed ex natura ipsius actus, seu entitatis, & ideo non pertinet ad formalem bonitatem & honestatem operantis, sed solum ad naturalem entitatis illius bonitatem, quæ potest etiam denominari moralis, id est, libere facta per extrinsecam denominationem, ut sæpe dictum est: non tamen bonitas moralis honesta, de qua nunc agimus, quia quando actus est ita malus, nullam habet per se conuenientiam cum recta ratione, seu natura rationali, neque intendere illo modo implicito, finem vltimum in tali particulari bono est per se decens aut conueniens homini: neque D. Thom. aut Scot. supra relati, numerarunt illam tanquam bonitatem moralem, sed ut bonitatem naturalem, quæ secundum rationem prima est, & quasi fundamentum honestatis moralis.

V

Se-



III.

Secundo displicet illa sententia in quantum in omni actu interiori requirit illas quatuor bonitates vt sit bonus simpliciter. Primo, nā est de-  
mus in aliquo reperiri, non sunt tamen omnes necessariae, nam, teste D. Thom. 1. 2. q. 19. art. 1. & 2. sufficere potest bonitas ex obiecto sine circumstantiis proprie dictis, & sine extrinseco, dūmodo nulla sit aliunde adiuncta malitia: & actus indifferens ex obiecto potest esse simpliciter bonus ex solo fine, quamuis ex obiecto & circumstantiis nullam habeat bonitatem. Tercio displicet in eo quod ait, quando concurrunt hae bonitates in actu re ipsa semper distingui & separari posse, & tamen componere vnam bonitatem, tum quia ostēdam inferius bonitatem primam naturalem, & honestatem sumptam ex obiecto, in re non distingui, sed ratione, vt ratio generalissima & generica: sicut in habitibus se habent habitus ratio, & ratio virtutis: & fere idem ostendam de bonitate ex obiecto, & circumstantiis in actu interiori, quae se habeant tantum sicut species & indiuiduum: tum etiam, quia si aliquae ex his bonitatibus re ipsa distinguuntur in actu interiori, tunc non componunt vnam, sed sunt sicut duo accidentia specie diuersa in eodem subiecto, quales esse possunt bonitates sumptae ex pluribus finibus extrinsecis: aut se habebunt sicut substantia & accidens, vt si vna sit bonitas ex obiecto, alia ex fine, quia ex obiecto sumitur substantia actus, finis vero accedit illi, vt latius infra disput. 6.

IV.

Alio ergo modo extremē contrario potest praedicta sententia exponi, nēpe q̄ illa quatuor numerentur solum vt ratione distincta: bonitas autem in re sit vna & simplex. Cuius rei fundamentū esse potest, quia talis est rei bonitas, qualis entitas: sed entitas actus interioris est in se simplex: vnde D. Tho. 1. 2. q. 19. art. 2. hanc videtur constituere differentiam inter actum internum & externum, q̄ externi bonitas, quia est inferioris rationis, consurgit ex multis: interioris autē bonitas, quae est superioris ordinis sumitur ex vna simplici habitudine ad obiectum: q̄ si respicit circumstantias, vel finē, solū est in quantum componunt aliquo modo vnum obiectum. Et potest hoc confirmari, quia bonitas ex obiecto, & fine se habet sicut genus & differentia, teste D. Tho. 1. 2. q. 18. a. 7. & eodem modo comparatur bonitas ex obiecto, & ex aliis circumstantiis, ex eodem D. Thom. citato loco in 2. sent.

V.

Hae vero sententia licet in aliquare, vera esse possit, non tamē simpliciter & in omnibus, quia certum est aliquam bonitatem posse esse substantialem, & aliquam accidentalem in actu interiori, quae in re ipsa sunt distinctae & separabiles, vt patet aperte de bonitate ex obiecto & ex fine, vt sentit etiam D. Tho. 1. 2. q. 19. art. 2. ad 2. & q. 18. a. 7. vbi loquendo de fine per accidens dicit ab illo sumi speciem accidentalem: quod vero ibi ait, à fine per se ordinatio sumi genericam differentiam, non est contra id q̄ modo agimus, quia non dicimus ex illo fine multiplicari bonitates, sed ex fine extrinseco accidentali vt sic: quo modo autem illud sit intelligendum, dicemus disput. 6.

VI.

Vt ergo quaestioni respondeam, suppono in actu interiori primo esse considerandam honestatem illam, seu rationem virtutis, à qua & ipse habet vt bonus & perfectus sit, & quod operantem bonum, seu studiosum denominet & constituat: quam bonitatem diximus supra consistere in ipso esse virtutis, siue consideretur vt in se est quoddam esse perfectum, siue vt est conueniens naturae rationali: & sic hae duo pro eodem computamus, quia, vt dixi, sola ratione distinguuntur: & hoc significamus nomine *formalis*

*honestatis*, vt loquuntur omnes Theologi: ex hac vero bonitate consequuntur in actu humano & libero quaedam aliae proprietates, seu dignitates morales, quae possunt etiam dici bonitates quaedam: huiusmodi sunt conformitas ad legem, quae si non sit per se intenta non addit formalem bonitatem propriè sumptam, vt supra dixi, est tamen dignitas quaedam, & quali obiectiua quaedam bonitas quae per se posset amari & intendi. Alia proprietates est ratio meriti, seu moralis valor operis, vel ad merendum, vel ad impetrandum, vel ad satisfaciendum: & inter hae etiam annumeratur laudabilitas operis, & quibus proprietatibus tractat Diu. Thomas 1. 2. quest. 21. & de eis aliquid dicemus *disputatione* 5. nunc enim non censemus ratione illarum multiplicari bonitates actus interioris: imo neque augeri, quia propter has proprietates non redditur homo melior, aut sanctior, sed potius ipsae consequuntur ex illa bonitate formali, qua homo fit sanctus & bonus in actu secundo. Superest ergo vt de ipso esse virtutis solū explicemus quod duplex esse possit in actibus voluntatis.

Dicendum primò, generatim loquendo, duplex tantum genus bonitatis potest in actibus voluntatis reperiri: vnum est per intrinsecam perfectionem & entitatem ipsius actus: aliud est per extrinsecam denominationem ab alio actu eiusdem voluntatis. Probat & imprimis quod vnus actus esse possit bonus per denominationem ab alio, sufficiens argumentum sumitur ex actibus exterioribus, hi enim quatenus sunt actus boni vel mali denominantur solum quatenus à bona vel mala voluntate procedunt & imperantur, vt latius 1. 2. quest. 20. sed eodem modo potest vnus actus voluntatis ab alio imperari sic enim charitas ceteris virtutibus imperat, & inter reliquas virtutes potest esse mutuū imperiū, ergo actus etiam voluntatis si ab alio actu bono imperetur, poterit ab illo bonus denominari, vt rectè Caietanus. notauit 1. 2. quest. 18. artic. 6. explicans D. Thomam ibi in corp. & ad 2. quod nomine *actus exterioris* hac ratione comprehendat etiam actum ipsius voluntatis qui ab alia imperatur quatenus imperatus est. nomine autem *actus interiorum* solum significet actum voluntatis elicivum vt sic. Confirmatur, nam actus interior indifferens ex obiecto, potest in particulari esse simpliciter bonus ex relatione ad finem extrinsecum bonum, quae relatio, vt infra ostendam, nihil est in illo nisi denominatio ab actu imperante: ergo hae sufficit ad dandam aliquam bonitatem actui voluntatis. Et ratio à priori est, quia actus imperans est veluti moralis forma actus imperati, & ideo moraliter perficit illum, & bonum constituit si ipse bonus sit.

Deinde addo ulterius, ac noto primo, non posse actum voluntatis esse bonum per extrinsecam denominationem sumptam ab alia forma, quam ab actu eiusdem voluntatis. Itaque quamuis haec denominatio possit esse extrinseca, comparatione actus ad actum, tamen respectu operantis debet esse à forma illi intrinseca, & ab eo elicita. Probat & primo, quia omnis haec bonitas est actualis: ergo debet esse per actum secundum ab operante elicivum. Item debet esse voluntaria, quia bonum & malum morale formale non potest esse, nisi sit voluntarium, quia voluntate peccatur, aut bene vivitur: ergo oportet vt illa bonitas à qua denominatur quilibet actus bonus moraliter formaliter, sit in aliquo actu voluntatis. Et confirmatur primo, quia si voluntas faceret actum, & denominationem boni resultaret à forma extrinseca quae ad ipsam voluntatem

VII.  
1. Assertio.VIII.  
Notatio 1.  
na circa  
assertionem  
positam.



luntatem non pertineret, talis bonitas non esset à voluntate: ergo non operaretur bonum ut bonum est: ergo non efficeretur bona formaliter per talem actum. Confirmatur secundo, quia ut voluntas sit bona, necesse est ut tendat aliquo modo in honestum ut sic: vt August. 1. de lib. arb. cap. 12. *Quid est [inquit] bona voluntas?* respondet, *est voluntas qua appetimus recte honesteque viuere:* ergo ut actus sit bonus, necesse est ut in honestum, ut honestum saltem, ab illa referatur: non potest autem ita referri nisi per alium actum eiusdem voluntatis, quia solius voluntatis est tendere in bonum sub ratione boni perfectissimi, quale est honestum. Nota quod hinc etiam obiter constat non posse hanc denominationem sumi ab ipsa potentia voluntatis, sicut supra dicebamus de esse *moralis*, seu *libero*, quia habitudo ad huiusmodi potentiam de se est indifferens, & communis actui bono & malo, & quia potentia per se ipsam nude non potest tendere in honestum ut sic. Ex his ergo concluditur, & noto tertio, necessarium esse ut præter hunc bonitatis modum sit in voluntate aliquis actus, qui per se & intrinsece bonus sit sine denominatione ab alio. Probatur aperte, quia neque vnus actus potest denominari ab alio bonus, nisi etiam ille alius bonus sit, ut patet de actu exteriori respectu interioris: neque in hoc potest procedi in infinitum: ergo necessarium est sistere in aliquo actu qui per se bonus sit. Confirmatur exemplo voluntarij, nam quia vnus actus potest denominari voluntarius ab alio actu voluntario, ideo necesse est ut aliquis actus, nempe interior voluntatis sit per se ipsum intrinsece voluntarius, quia neque potest procedi in infinitum, neque illa denominatio potest à sola nuda potentia sumi: ita vero est in proposito.

Notatio al-  
tera.

IX. Constat igitur ex his dari in actibus voluntatis duplicem illum modum bonitatis. Quod vero præter hos non possit alius excogitari, facile potest ex dictis concludi, quia nullus alius actus potest esse per se bonus, nisi actus voluntatis, quia nullus alius est per se voluntarius attingens honestum sub ratione honesti: neque etiam potest actus voluntatis proprie ab alio imperari, nisi ab ipsa voluntate, nam ipsa mouet alias potentias ad vsum actus: ipsa autem non mouetur ab alia, sed se ipsam mouet & applicat. Denique inter ipsos actus voluntatis non potest reperiri alia habitudo, quia omnis actus à voluntate elicited, vel est tantum elicited, vel simul elicited & imperatus: & quatenus elicited potest habere bonitatem intrinsecam: quatenus imperatus vero, extrinsecam: non est ergo aliud bonitatis genus. Quæ res, quatenus imperans poterit ne habere aliquam specialem bonitatem. Respondetur, si sit proprie & directe imperans actum bonum, ea ratione poterit esse bonus, tamen illa erit bonitas intrinseca, quia actus imperans non respicit imperatum tanquam formam extrinsece denominationem sed tanquam obiectum à quo sumit intrinsecam bonitatem: sicut patet manifeste in actu interiori respectu exterioris, quem imperat non aliter, quam volendo illum.

X. Ex hac prima conclusione sequitur secunda, scilicet hoc duplex bonitatis genus posse interdum eidem actui interiori conuenire, non quod hoc sit necessarium ut actus sit absolute & simpliciter bonus, nam, ut supra dixi, si actus ha-

beat bonitatem aliquam non honestam, & nullam malitiam, dicetur absolute bonus: potest autem habere alterutram ex dictis bonitatibus absque vlla malitia, quia potest habere bonum obiectum sine villo sine accidentario & extrinseco ab operante intento, & è contrario potest referri in finem bonum, etiam si ex obiecto bonitatem non habeat. Sensus ergo solum est posse hanc duplicem bonitatem simul inueniri in eodem numero actu. Quod facile suadetur, quia potest idem actus habere & obiectum bonum, & præterea referri in finem extrinsecum diuersam bonitatem habentem: vnde etiam potest idem actus ab vna virtute elici. Vnde intelligitur, quando hæ duæ bonitates coniunguntur in eodem actu, licet denominent illum vnde quaque bonum, non tamen componere proprie vnā virtutem, sed solum coniungi aut sicut essentia & accidens, aut sicut duo accidentia in eodem subiecto. Hoc facile patet, tum quia illæ bonitates sunt omnino diuersarum rationum, quia vna est intrinseca, alia extrinseca: tum etiam quia non se habent ut genus & differentia: & distinguuntur realiter, & potest vna manere sine alia, & è contrario, & vnaquæque sola manens retinet suum proprium genus & speciem, ut facile potest exemplis colligi. Neque etiam alio modo physice componi vnā bonitatem, neque essentialiter, neque accidentaliter, quia, ut dixi, realiter distinguuntur, & nullum genus vniōis inter se habent, nisi ratione subiecti. Est autem notanda differentia inter has bonitates respectu eiusdem actus, quod illa quæ est intrinseca, est vnā tantum, extrinseca vero multiplicari possunt, ut latius *infra*. Nunc breuiter ratio est clara, quia entitas rei est vnica, denominationes autem extrinsecæ possunt esse plures. Item quia intrinsecus ac per se terminus vniuscuiusque actionis est vnus tantum, remoti autem, & extrinseci possunt esse plures, & ita in presenti vnus actus solum habet per se vnū obiectum: potest autem habere extrinsecos fines multiplices, & ita ab vna tantum virtute elici potest, cum tamen possit à pluribus imperari.

Ultimo constat ex dictis quo sensu intelligenda & explicanda sit illa quadruplex bonitas quæ tribuitur actui humano, si applicetur ad actum interiorem, non est enim intelligendum illa quatuor membra semper re ipsa distingui, sed vel realiter, vel ratione, vel abstractione intellectus, nam, ut ex dictis sumi potest, & ex dicendis latius constabit, tria priora membra, nempe bonitas entitativa actus, & ex obiecto, & ex circumstantiis, in re non distinguuntur, sed virtualiter tantum ut genus, & species, & individuum, bonitas autem ex fine addit accidentalem & extrinsecam bonitatem: & ita etiam obiter constat sufficientia illius numerationis: in qua etiam prima illa bonitas naturalis posita est tanquam primum fundamentum, & commune omnibus actibus voluntatis, & ideo de illa nihil dicendum superest. Tria autem alia membra addita sunt ad explicanda tria præcipua capita totius bonitatis, quæ sunt obiectum, circumstantiæ, & finis, de quibus à nobis sigillatim disputandum est ad huius materiæ complementum.

XI.  
Assertio vltima, quæ sitis fit di-  
recte senten-  
tia posita in  
num. 1.

os (?) so



## DISPUTATIO IV.

## De bonitate actus interioris ex obiecto.

**M**ateria hanc tractat in communi D. Thom. 1. 2. *quest.* 18. *art.* 2. & nonnihil etiam attingit *art.* 5. & 6. in particulari vero de actu interiori *quest.* 19. *art.* 1. & 2. quos omnes magna ex parte nunc explicabo. Suppono autem nomine *bonitatis* me intelligere ipsam perfectionem actus, siue consideretur ut in se est quardam bonitas, siue ut est homini conueniens, quia hæc non variant, neque distinguunt rem, ut supra dictum est.

## SECTIO I.

## Vtrum actus interior sumat suæ bonitatis speciem ex obiecto.

**I.** IN primis sumo ut certum non intelligi questionem generatim de omnibus actibus bonis voluntatis, quia ut paulo antea dixi, non oportet ut omnes sint boni ex obiecto: procedit ergo solum de actibus habentibus bonum obiectum, & per se honestum. De quibus est secundo certum accipere aliquam bonitatem ex obiecto. In quo conueniunt omnes Theologi, quia præcipua habitudo actus immanentis est ad obiectum: unde de malis dictum est, *Facti sunt ab omnibus sicut ea quæ dilexerunt*, *Osee* 9. 10. quod eadem ratione dici potest de bonis. Difficultas ergo superest de specificatione bonitatis, an sumenda sit ex obiecto, & sub qua ratione. Et ratio dubii esse potest primo, quia actus morales sumunt speciem ex fine, teste Diu. Thom. *prima secundæ questionis prima, articulo* 3. & *questionis* 18. *art.* 5. sed obiectum distinguitur à fine in his actibus: ergo non sumunt speciem ex obiecto. Secundo, quia hi actus [ *volo honeste vivere, aut iustitiam seruare* ] sunt boni in aliqua specie bonitatis, & tamen non possunt illam ab obiecto sumere, quia obiectum est generalissimum, & commune omnibus virtutibus. Tertio, sæpe actus interior est bonus ex obiecto, & tamen in obiecto non est certa bonitatis species, sed est indifferens ad plures, ut dare decem Petro, est indifferens ad bonitatem materiæ libertatis, vel iustitiæ, & Deus, v. g. est indifferens ad amorem concupiscentiæ, vel amicitiae: ergo ex obiecto non potest sumi specifica determinatio bonitatis.

**II.** In hac re solet referri opinio Scoti in 2. *dist.* 40. *Quorundam placitum in hac quest.* & *quodlib.* 18. afferentis non sumi ex obiecto bonitatem moralem specificam, sed genericam, quæ per circumstantias ad certas species determinatur. Ita illi tribuunt Caetan. & Medin. 1. 2. *q.* 18. Sed eodem modo possunt tribuere hanc sententiam Diu. Thomæ in 2. *distinctione* 36. *articulo* 5. nam eodem modo prorsus loquitur. Non ergo intellexerunt hi autores bonitatem sumptam ex obiecto proprie esse genericam, ex circumstantiis vero specificam, sed imitari quodammodo has rationes genericam & specificam, quia sicut genus indifferens est ad plures differentias, ita actus ex obiecto bonus ad plures circumstantias, ut satis docuit D. Thom. & idem Scot. in 2. *dist.* 7. *quest.* unica, & ibi Gabr. *notab.* 1. & in *distinctione* 36.

*articulo primo*; *notab.* 3. & eodem modo loquitur Henric. *quodlib.* 3. *q.* 10 & ita in hac re nulla fere est dissensio opinionum.

Dicendum primo interiorem actum voluntatis, si ex obiecto sit actus virtutis, ab illo secundum propriam rationem formalem eius habere suum esse specificum virtutis, & consequenter suam specificam bonitatem. Ita fere sentiunt citati autores, & D. Thom. 1. 2. *quest.* 19. *articulo primo*, & 2. & *quest.* 18. *art.* 5. & sexto, dicit hoc sensu obiectum & finem non distingui respectu actus interioris, quod etiam docet *quest.* 73. *articul.* 3. ut ita constet non esse aliud specificari ex obiecto, quam ex fine. Item Dur. in 2. *d.* 38. *q.* 1.

Ratione probatur, quia bonitas actus voluntatis est ipsum esse virtutis ipsius, sed actus interior voluntatis, qui ex obiecto est studiosus, ab eodem obiecto constituitur in determinato esse virtutis: ergo habet ab obiecto speciem suæ bonitatis. Minor probatur primo illa ratione generali sumpta ex 2. libro de anima, quod potentia constituitur per actus, & actus per obiecta, per quæ distinguuntur, nam eadem ratio est de actu virtutis ut sic: nam sicut alii actus animæ dicuntur habitudinem transcendentalem ad obiecta sua: ita & actus virtutis quatenus talis est.

Secundo id potest inductione ostendi, nam actus iustitiæ ideo est in tali speciei virtutis, quia habet pro obiecto ius alterius seruandum, & per hoc distinguitur ab actu temperantiæ. Item potest sumi argumentum à simili ex habitibus virtutum moralium, qui per obiecta sua constituuntur & distinguuntur in tali esse virtutum. Atque idem argumentum fieri potest ex actibus & habitibus virtutum intellectualium, est enim par ratio.

Tandem voluntas de se est indifferens ad hunc, vel illum actum, in hac vel illa specie efficiendum: non est autem unde determinetur quoad specificationem, nisi ab obiecto: neque enim probabiliter excogitari potest ab obiecto determinari ad genus actus, à circumstantiis autem ad speciem: nam interrogo de quibus circumstantiis sit sermo, nam si per circumstantias intelligimus condiciones illas quæ simpliciter necessarie sunt ad honestatem talis obiecti, illæ non sunt circumstantiæ sed essentielles condiciones constituentes obiectum, in quod talibus conditionibus affectum tendit voluntas, vñ eo simplici actu, & ita sumit ab illo suam speciem bonitatis: si vero sit sermo de propriis circumstantiis accidentalibus, illæ non possunt dare primam speciem bonitatis, quia hoc ipso quo accidentia sunt, possunt separari, & illis ablatis manet integra bonitas quæ ex obiecto sumebatur: ergo manebit bonitas specifica, & non tantum generica, quia non potest in re ipsa manere aliquid sub genere, quin sit in aliqua specie: ergo præcis circumstantiis sumebatur bonitas specifica ex obiecto. Deinde, quia vel illæ circumstantiæ intelliguntur augere bonitatem intra eandem speciem, vel addere novam: si sunt prioris generis, iam supponunt speciem bonitatis constitutam, alias quomodo augerent illam? sicut intelligi non potest intensio qualitatis, neque augmentum quantitatis, nisi supposita quantitate, vel qualitate in vna specie. Circumstantiæ autem posterioris generis vel nullæ sunt respectu actus interioris boni quoad intrinsecam bonitatem eius, ut postea videbimus, vel etiam si admittantur necesse est ut supponant substantialem speciem, sicut accidentia supponunt substantiam, seu subiectum.

Dicendum secundo. Actus interior voluntatis

III. 1. Afferentia.

IV. 1. Ratiopro eadem.

V. 2. Ratio.

VI. 3. Ratio.

VII. 2. Afferentia.



tis accipit hanc bonitatem, & speciem suam ex obiecto formali, & formaliter intento quatenus honestum est tali honestate. Hæc conclusio sumitur ex Aristotele 2. *Ethicor. cap. 4.* dicente actum virtutis ut talis sit, debere esse propter ipsam virtutem: unde de libr. 6. *capite 12.* dicit, velle id quod honestum est, non ipsius causa, non est honeste velle: idem diuus Thomas, *prima secunda, quest. 100. artic. 9.* ubi dicit hunc modum operandi esse de ratione virtutis, & *questione 19. articulo septimo, ad 3.* constituit differentiam supra tactam inter actum bonum & malum, quod ut actus sit malus, satis est ut sit de obiecto malo, licet non sit de illo, quia malum est: ut autem sit bonus, oportet ut sit de obiecto bono, quia bonum est: & eadem *quest. articulo primo, ad tertium*, in eodem sensu dicit bonum [scilicet obiectiuum] repræsentari voluntati per rationem, & in quantum cadit sub ordinem rationis pertinere ad genus moris, & causare bonitatem moralem. Eandem sententiam docent expresse Ocham in 3. *quest. 12.* & 13. *articulo 1.* & quodlib. 4. *questione 6.* Gabr. in 2. *distinct. 41. art. 1.* & in 3. *dist. 23. q. 1. artic. 1. notab. 4. in fine, Almain. tractat. 1. Moral. cap. 1.*

VIII.

1. Ratio pro eadem.

Probatum primo ex generali principio, quod actus non specificantur ex obiecto materiali, sed ex formalibus, quia circa idem materiale obiectum possunt diuersissimi actus versari. & in præsentihoc maxime verum est, quia obiectum formale est quod primario & per se intenditur: virtus autem debet esse per se voluntaria & intentata: quod autem huiusmodi obiectum formale præcipue consistat respectu actus virtutis in honestate obiecti, constat in primis ex consensu omnium recte sententium de voluntate recta, nam omnes censent illam esse bonam voluntatem, qua bonum ut sic intenditur: & hoc sensu dicunt sæpe Patres sine intentione boni nullum esse opus bonum, ut videbimus infra *disputatione sexta.* Ratione etiam patet, quia obiectum formale voluntatis est bonum quatenus tale est: ergo idem est obiectum cuiuscunque actus voluntatis: ergo ipsi actus voluntatis inter se debent constitui, & distingui per obiecta bona non quatenus bona in communi sunt, nam in hac ratione omnes conueniunt: ergo quatenus talia, vel talia bona sunt: ergo actus virtutis ex obiecto distinguuntur ab omni alio, qui non est bonus ex obiecto per talem obiecti bonitatem nempe honestatem. Patet consequentia, quia nulla alia bonitas obiecti sufficit dare actui talem speciem bonitatis, nam bonitas utilis, ut sic, non de se specificat nisi pro ratione termini, ad quem est utile, ut supra dictum est: bonitas etiam delectabilis de se est indifferens, seu talis est, qualis est operatio cui adiungitur, ut infra dicetur, & tractat Caietan. 1. 2. *quest. 34. articulo 1.* & 2. cum Diu. Thom. ibi, & Ferrar. 3. *cont. Gent. capite trigesimo octavo*, Bonitas etiam que esse potest in conuenientia ad naturam, si abstrahatur à natura rationali ut sic, non potest esse regula honestatis actus, tum quia illud bonitatis genus commune est homini, cum aliis animalibus, tum etiam, quia illa conuenientia inueniri potest in obiecto de se turpi: si autem consideretur conuenientia ad naturam rationalem ut sic, habemus quod intendimus, nam illa est honestas obiectiua, ut supra dictum est: ergo oportet ut actus tendat in huiusmodi honestatem, ut ex obiecto possit esse honestus: & hoc etiam confirmant rationes dubitandi initio positæ.

IX.

Hinc colligitur ex obiecto non solum sumi specificam rationem virtutis, sed etiam communem & genericam, seruata proportione in eo- Suarez in primam secundæ D. Thoma.

dem obiecto, nam sicut actus, vel habitus virtutis conueniunt in communi ratione virtutis, vel proxima, vel remota, ut v.g. iustitia distributiva & commutativa proxime conueniunt in ratione iustitiæ, remote vero in ratione virtutis moralis, in qua etiam cum aliis virtutibus moralibus conueniunt: ita in obiectis considerari possunt similes conuenientiæ & differentiæ in ratione honestatis ut sic, vel talis, aut talis honestatis: sicut ergo specifica bonitas virtutis sumitur ex tali honestate, ut talis est, ita ratio virtutis in communi sumitur ex obiecto honesto ut sic: & similis proportio reperitur in aliis subalternis rationibus, seu differentiis. Et ratio generalis est, quia totus actus virtutis secundum totam bonitatem suam dicit habitudinem ad obiectum: ergo sub quouis conceptu generico, vel specifico ille actus concipiatur, habet proportionalem habitudinem ad obiectum, & per illud constituitur & distinguitur sub eadem proportionali differentia & ratione.

Dices: ergo etiam communis illa ratio bonitatis, quæ est in actu voluntatis ut actus est, quæ in actibus etiam malis inueniri potest, sumenda erit ex obiecto, nam est eadem proportionalis ratio, cum actus ut actus sub quacunque ratione consideretur, includat habitudinem ad obiectum: consequens autem videtur esse contra D. Thom. dicentem huiusmodi bonitatem sumi ex conuenientia actionis ad suum principium, quod etiam dixit Scotus supra. Responderetur in rigore ita esse ut ratio facta conuincit: & præterea, quia actus voluntatis ut sic distinguuntur ab actibus intellectus ex obiectis, quia tendunt sub ratione boni, quæ est adæquata ratio illius potentia, sub qua necesse est tendant omnes actus eius. Deinde quia omnes actus voluntatis vniuocè conueniunt sub ratione illa communi, quæ transcendentaliter respectiua est, & habitudinem dicit ad obiectum. Neque Diu. Thom. contrarium sentit, sed quia hæc ratio obiecti, in qua conueniunt omnes isti actus, est communis & adæquata ipsi potentia, ideo perinde est dicere hanc rationem sumi ex conformitate cum potentia, vel obiecto illius, proprie enim alii actus sub specialioribus rationibus dicuntur determinari ab obiectis, quia potentia secundum se non est magis determinata ad hunc, vel illum actum, & ideo determinata videtur ab obiecto sub aliqua speciali ratione: at vero loquendo de actu sub communissima ratione, potentia ex se est determinata ad illum quoad specificationem, sicut & ad commune obiectum. Accedit etiam quod rationalis actus sub ratione liberi proprie sumitur ex habitudine ad potentiam, ut supra tractatum est.

Sed obiiices contra posteriorem conclusionem, nam ex illa sequitur, ut actus voluntatis sit bonus, necessarium esse actu considerare de honestate obiecti, & de conuenientia quam habet cum natura rationali ut sic, quia obiectum non potest specificare actum voluntatis, nisi per intellectum propositum sit: consequens autem videtur difficile creditum, tum quia si hoc verum est, difficile est bene operari, pauci enim sunt, qui cum tanta animi reflexione & attentione operentur: cur enim ut voluntas dandie leemosynam bona sit, non satis erit considerare hunc esse pauperem, & indigere? sicut etiam ut sit bonus amor Dei satis est considerare Deum ipsum. Responderetur. In primis non diximus vniuersaliter, ut actus voluntatis sit bonus, necessarium esse appeti obiectum honestum sub ratione honesti, sed ut sit bonus ex obiecto. Alio

V 3 enim



XII.

enim modo infra tractando poterit fortasse esse bonus sine huiusmodi obiecto, ut postea tractabimus.

Vnde secundo dicitur, ad prædictam bonitatem ex obiecto necessariam esse aliquo modo, actualem considerationem intellectus de bonitate, seu honestate ipsius obiecti, nam si hoc aliqui requirunt ad malitiam actus, quid mirum si ad bonitatem requiratur, cum bonitas perfectam causam requirat? Item Div. Thomas dicta questione decima nona, articulo primo, ad tertium, ad bonam voluntatem ex obiecto requirit aperte duo: primum ut obiectum ipsius bonum sit, deinde ut constitutur sub ordine rationis, quod nihil aliud esse videtur, quam per rationem rectam proponi ut tale bonum est. Deinde actus voluntatis ut sic, esse non potest sine consideratione boni ut sic; ergo neque actus determinatus & specificus voluntatis esse poterit sine consideratione boni sub aliqua ratione determinata, quia ex obiecto determinandus est actus: ergo eadem ratione & proportionem actus determinatus ad perfectam rationem virtutis, seu bonitatis requirit ex parte obiecti considerationem, seu applicationem perfectæ bonitatis, quæ est bonitas honesta obiectiva. Tandem non potest sufficere cognitio illius obiecti materialis circa quod voluntas versari debet, quia ut supra in principio argumentabamur in illo materiali obiecto interdum sunt plures rationes boni, vnde si solum materiale proponatur, non magis specificabit secundum suam, quam secundum aliam: imo interdum illud materiale indifferens est ut sub honesta vel turpi ratione amari possit: ergo sola consideratio materialis obiecti nec sufficit ad dandam actui speciem honestatis, neque honestatem simpliciter: ergo oportet ut sub certa & determinata ratione honesti cognoscatur & proponatur: non est autem necessarium ut hæc consideratio sit omnino distincta, & sub formali ratione conceptu convenientiæ ad naturam rationalem, aut alio simili, nam hæc magis pertinent ad speculativam & exquisitam rerum cognitionem, quam ad simplices conceptus rerum & practica iudicia: satis ergo erit ut intellectus iudicet hoc obiectum esse per se amabile homini, esse decens, aut consentaneum rationi, aut debere ab homine fieri hic & nunc in tali materia, & hoc non est adeo difficile, sed à multis facile fit.

XIII.  
Ad 1. & 3.  
argum. in  
num. 1.

Rationes dubitandi in principio positæ prima, & tertia solutæ sunt ex dictis, quia obiectum, de quo agimus, coincidit cum fine intrinseco, & hoc sensu non est diversum quid dicere, actum sumere bonitatem specificam ex obiecto & ex fine, ut etiam D. Thomas supra citatus docuit: dictum etiam est non esse sermonem de obiecto materiali, sed de formali, & ideo nihil obstat quod in eodem materiali coniungantur multæ rationes formales bonitatis, quominus ab eis possint voluntatis actus specificas bonitates sumere.

XIV.  
Ad 2. arg.  
Consule auctorem in  
tom. de penitentia.  
disp. 2. sect. 4.

Secundum autem argumentum postulat quæstionem, quæ posset latè tractari, sed quia eam alibi disputavi, breuiter attingam, scilicet ad quam virtutem spectant actus illi qui versantur circa obiecta communia sub communi ratione, ut circa honestum, quia honestum. In qua breviter dicendum est huiusmodi actum & esse honestum, & esse in determinata specie honestatis. Primum patet ex se, quia est valde consentaneus rationi, & habet obiectum honestum, optime que disponit animum. Secundum etiam patet, quia ille actus est qualitas realis existens in re-

rum natura separata ab omnibus aliis: ergo necesse est ut sit in determinata specie. Deinde addendum est huiusmodi actum sumere hanc bonitatem specificam ex obiecto suo, quia in eo habent locum omnes rationes supra factæ de cæteris actionibus. Vnde licet illa ratio honestatis, ut sic secundum suum esse reale sit communis, tamen in ratione obiecti sumitur, ut particulare, & determinatum obiectum, quæ præcise & propter se proponitur diligenda, & ideo sufficiens est, ut sic, ad dandam actui specialem bonitatem, qui modus specificationis frequens est in intellectu, & voluntate, quia sunt potentia, quæ possunt attingere rationes vniuersales per se præcise, ac vniuersaliter: sic enim Metaphysica, v.g. est in determinata specie scientiæ, quamuis versetur circa ens, ut ens, & sic de aliis. Quocirca quavis communis ratio honesti, ut inclusa, ac determinata per specificas rationes det solum genericam rationem virtutis, tamen præcise, & formaliter intenta dat determinatam aliquam speciem virtutis.

Sed statim interrogabis, quænam illa virtus sit. In quo primum inquiri potest, utrum huiusmodi actibus correspondeat aliquis habitus virtutis. Nam D. Thom. interdum significat ad honestum, ut honestum, non esse necessarium habitum, quia voluntas de se est satis propensa, ut patet questione nona, de virtutibus articulo quinto, & questione decima sexta, articulo 1. ad 7. & 11 & in 3 distinctione vigesima septima, questione secunda art. 3. ad 5. Sed mihi non est dubium, quin his actibus correspondere possit aliquis habitus, quod in infusis est manifestum, quia talis habitus potest esse supernaturalis. In acquisitis vero etiam existimo probabilius per hos actus acquiri habitum, quod non minus in hoc experientia ostendit, quam in cæteris. Et ratio est, quia etiam isti actus sunt difficiles, si efficaces sunt, & ex parte voluntatis est sufficiens capacitas, & multiplex propensio, & inclinatio, ratione cuius indiget habitibus: licet enim sit propensa ad honestum, habet etiam inclinationem ad delectabile, & ad id, quod est commodum corpori, quia est appetitus totius suppositi. Et ideo veram existimo regulam quam constituit D. Thomas 1. 2. q. 17. art. 1. Vnicuique actui virtutis respondere bonum habitum.

Sed dices: quænam est hic habitus? Quidam dicunt esse iustitiam legalem: sed non recte, nam iustitia legalis dupliciter sumitur. Vno modo generaliter pro omnibus virtutibus, & hoc sensu constat hunc actum de quo agimus non esse à iustitia legali adæquate, sed à quadam parte eius, quia non est ab omnibus virtutibus, sed ab uno habitu sibi proportionato. Alio modo iustitia legalis sumitur pro speciali virtute habente pro speciali obiecto, & motiuo reddere iustum Reipublicæ, seu communitati, ut latius 1. 2. q. 58. art. 5. & 6. vbi D. Thomas, & q. 79. art. 1. At vero actus de quibus agimus non respiciunt illud speciale motiuum, sed absolute honestum, ut sic, quod abstrahit ab illo obiecto iustitiæ legalis, & aliarum virtutum.

Dico ergo hunc habitum esse specialem ab aliis distinctum, licet speciale nomen non sit ei impositum. Tamen sicut in intellectu practico sunt propria, & specialia dictamina circa hæc vniuersalia principia, Bonum est faciendum, malum vitandum, cui respondet habitus principiorum practicorum, qui dicitur *synderesis*: ita in voluntate est habitus proportionalis circa hæc vniuersalia obiecta. De quo habitu ulterius inquiri potest, an sit vnus, vel multiplex, iuxta varias rationes communes obiecti honesti magis, vel minus vniuersales

XV.

XVI.

XVII.



ueriales, quas intellectus potest abstrahere, & voluntati proponere. Sed hoc parum refert ad præsens institutum, & facile definiri potest ex principiis generalibus de distinctione habituum per actus, & obiecta.

## S E C T I O II.

*Verum hæc bonitas, quæ sumitur ex obiecto, sit prima, & essentialis, ac entitativa differentia, seu species interioris actus voluntatis.*

I.

1. Ratio dubitandi.

**R**atio dubij est, quia esse morale distinguitur ab esse naturali, & supponit illud tanquam fundamentum in quo nititur: ergo eodem modo se habet bonitas moralis interioris actus voluntatis respectu bonitatis naturalis, ut supra cum D. Thoma, & Scoto dicebamus. Nam ex quatuor bonitatibus, quas ipsi ponunt, prima est naturalis, & fundamentalis: sed bonitas hæc quæ sumitur ex obiecto est bonitas moralis: ergo non est prima, & essentialis bonitas, seu entitas talis actus. Secundo est commune argumentum, quia idem actus interior voluntatis ex obiecto bonus, potest fieri malus ex eodem obiecto per solam mutationem moralem absque mutatione physica: ergo signum est hanc bonitatem non esse ipsam physicam entitatem actus. Antecedens patet, in voluntate comedendi carnes, quando non est prohibitum, nam tunc est voluntas bona, & si accedat prohibitio, fit mala, circa idem omnino obiectum tantum moraliter mutatum: ergo & voluntas est etiam physice eadem: nam sumit unitatem suam ex obiecto. Tertio est difficile argumentum, quia voluntas potest vno, & eodem actu tendere in idem obiectum, in quo sunt plures rationes honestatis obiectivæ, & propter omnes illas; ergo sumer ab omnibus illis species bonitatis; & tamen non potest sumere species physicas, & entitativas, quia non potest idem actus simul esse in pluribus speciebus; huiusmodi ergo signum est has species supponere vnam entitatem actus circa tale obiectum materiale, & esse quasdam rationes formales aduenientes illi.

II.

1. Sententia vulgaris.

In hac re videtur esse satis vulgaris, & communis sententiæ has species bonitatis morales etiam ex obiecto non constituere primo, & essentialiter, & entitativè actus interioris voluntatis; sed vnumquemque actum habere suam entitatem physicam ab obiecto materiali circa quod versatur, eique superaddi speciem bonitatis moralis ex motivo formali desumptam; quæ opinionem indicat Caiet. 1. 2. quæst. 19. Vbi sentit differentiam bonitatis sumptam ex obiecto non dividere per se, & essentialiter actum voluntatis: & idem indicat in quæst. 18. art. 5. & aliis locis disput. præcedenti citatis, sect. 3. opinione 4. & idem videtur sentire Bonaventura in 2. d. 41. art. 1. quæst. 2. Et faver D. Thom. 1. p. q. 48. art. 1. ad 2. dicens bonum, & malum non esse differentias essentielles entis, nisi in genere moris.

III.

Superest vero in hac opinione explicandum quid sit illud esse virtutis, seu illa bonitas, quæ additur huic actui, ut tendit in obiectum materiale ultra entitatem; quam habet ex obiecto materiali. Duobus enim, aut tribus modis potest hoc explicari. Primo, ut illud nihil sit in actu reale, & physicum, sed solum aliquid morale per aliquam denominationem extrinsecam. Hoc vero improbabile est, ut convinci potest ex dictis di-

sputatione præcedenti sect. 3. Quia hæc denominatio si qua esset, non posset sumi, nisi ab aliquo alio voluntatis actu, sed nullus est prior à quo sumi possit, quia actus ex obiecto bonus potest esse omnino primus, & tantum elicitus, & non imperatus, neque in alium finem relatus. Item quia si esset alius prior, de illo interrogabitur, quid sit bonitas in illo, & redibit eadem quæstio. Tandem ex re ipsa id aperte convincitur, nam voluntatem ferri in aliquod obiectum materiale sub tali motivo formali, & intrinseco, non est denominatio extrinseca in voluntate, sed est vitalis, & physica tendentia ipsius voluntatis in talem honestatem. Vnde includit veram appetitionem talis, & totius obiecti, non solum quatenus est tale materiale, ut comedere, vel aliquid simile, sed quatenus honestum est; ergo oportet, ut hæc tendentia voluntatis, quatenus terminatur ad illud motivum, sit aliquid reale verè effectum ab ipsa voluntate. Vnde autores citati non negant hoc esse virtutis, seu hanc bonitatem esse aliquid reale in ipsis actibus, sicut qui in intellectu similiter distinguunt materiale, & formale in actu fidei, v. g. non negant, quin assentiri, quia Deus dicit, in re ipsa addat aliquid ultra id, quod est assentiri rei materiali, v. g. huic propositioni, *Anima est immortalis*: Sed dicunt entitatem materiale illius actus sumi ex obiecto materiali, & addito illo motivo, addi entitati rei aliud reale. Et idem etiam convincit exemplum de habitibus virtutum, de quibus non potest negari quin esse virtutis sit aliquid reale physice, & intrinsece existens in ipsis, est enim eadem ratio, & proportio de actibus elicitis à virtutibus, seu generantibus virtutes ipsas, quia non eis communicant hoc esse virtutis, nisi per illud, quod in se habent, & per realem habitudinem ad eadem obiecta formalia: quid vero hoc ipsum sit, variis modis iuxta hanc sententiam explicari potest.

Alter ergo modus explicandi hanc opinionem est quod in actu interiori voluntatis intelligantur duæ entitates parciales per modum partium integrantium, quarum altera attingat materiale obiectum, altera formale, seu rationem volendi, quæ ita inter se comparantur, ut illa prior, quæ attingitur materiale obiectum, sit veluti fundamentum alterius, atque adeo invariabilis in tali actu; altera vero sit quasi superaddita, & variari possit, & ideo dicatur accidentalis in esse naturæ, quamvis sit essentialis in esse moris, quæ duæ entitates non possunt comparari, ut gradus intentionis, sed per modum extensionis ad varia obiecta materialia, seu formalia, tum quia gradus intentionis præcisè considerati tendunt ad idem obiectum sub eadem ratione: tum etiam, quia sunt eiusdem rationis formalis specificæ. Vnde intentio supponit speciem constitutam, & non variat illam: at vero in præsentia hæc duæ partes actus interioris tendunt quasi in diversas partes obiecti, materiale scilicet, & formale, & sunt diversarum rationum, & ordinum: nam altera dicitur præcisè pertinere ad esse naturæ, altera ad esse moris: & vna de se est indifferens, & communis actibus bonis, & malis non solum secundum rationem communem, sed etiam secundum individuum entitatem: alia verò proprie constituit actum virtutis, ut talis est: est ergo hæc compositio quasi ex partibus integrantibus extensivæ.

Alij verò dicunt esse prædictam compositionem tanquam ex partibus essentialibus non metaphysicis, quæ sola ratione distinguuntur, & à parte rei separari non possunt:

IV.

*Alter sensus eiusdem sententiæ. Similem modum vide in tract. de fide disp. 3. sect. 8.*

V.

3. Sensus.



sed physicis ad modum materiæ, & formæ, quæ in re ipsa distinguuntur, & separantur: nam sicut in obiecto datur materiale, & formale, quæ in ordine ad operantis intentionem, & voluntatem separari possunt; ita in actu datur pars materialis distincta à formali. Vnde sicut materia nunc est sub vna forma, postea sub alia, quamuis ab omnibus simul nunquam separetur, neque etiam pars formalis inueniri possit, nisi in tali materiali, quia est veluti forma inherens.

VI.  
4. Sensus.

Alij denique dicunt hæc duo habere se sicut totam substantiam actus, & modum, seu accidens eius, nam substantia actus (inquiunt) sumitur ex obiecto materiali, quod vero sit sub hoc, vel illo formali, est quidam modus accidentalis. Hæc verò sententia quocumque ex his modis explicata, mihi semper visa est falsa, & difficillima intellectu; & quoniam res hæc potest esse fundamentum plurium veritatum in materia de gratia; & de actibus infusis tam intellectus, quam voluntatis, ad eam explicandam.

VII.  
1. Assertio.

Dicendum primò. In actibus voluntatis (& idem est in intellectu seruata proportionè) non possunt ex natura rei distingui id quo actus attingit materiale obiectum, & quo respicit formale, quod est primum motiuum, seu prima ratio attingendi tale materiale. Possunt quidem ratione ratiocinante, vel ratiocinata distingui per modum generis, & differentie, aut per duos conceptus inadæquatos, vel alio simili modo, tamen re ipsa est impossibile. Quod primo declaro exemplo, nam si credo Christum esse Deum, quia Deus dicit, necesse est, ut in eo actu eadem sit entitas indiuisibilis, qua attingo illam veritatem, Christus est Deus, & qua præbeo fidem Deo dicenti illam veritatem, quia in ordine ad talem assensum illa dico ita se habent ut vnum sine alio non possit mouere ad illum assensum, neque ad aliquid eius, quod etiam proportionale est in habitu à quo talis actus elicitur, atque idem est in actibus voluntatis.

VIII.

Quod secundò principaliter ostendo discurrendo per singulos modos supra positos, nam primus in num. 4. qui erat de partibus integran- tibus, & generaliter est à me impugnatus, tractando de visione beata. Et præterea non potest ad præsentem materiam accommodari, quia si ibi sunt duæ entitates partiales integrantes vnam, ergo necesse est, ut quælibet earum attingat ad obiectum materiale, & formale: ergo impertinens est earum multiplicatio. Assumptum declaratur, quia quælibet earum per se sumpta est distincta speciei ab aliis entitatibus aliorum actuū, & non differunt per obiectum materiale tantum, quia circa illud materiale possunt esse actus diuersarum rationum: ergo necesse est, ut per formale aliquod distinguantur, & è contrario ipsum motiuum, seu ratio amandi qua tale est, non attingitur nisi tendendo in aliquod obiectum materiale ratione illius: ergo necesse est utraque per se attingere eandem rationem formalem obiecti: nam ab illa sumitur omnis species actus interioris. Si secundum: ergo vnâqueque illarum partium habebit suum obiectum formale distinctum: ergo in toto illo actu non erit vna ratio volendi obiectum, quod est contra suppositionem. hic etiam agimus comparando præcisè materiale obiectum ad primum formale, & præterea potius illi dicendi essent duo actus, quam duæ partes eiusdem actus, ut latius ex sequente sectione constabit.

IX.

Secundus autem modus de compositione ef-

sentiali ex parte materiali, & formali in primis est inauditus in qualitibus, & in omnibus formis, & consequenter ponendus esset in omnibus habitibus intellectus; & voluntatis, & in actibus virtutis infusæ. Et vltèrius consequenter esset dicendum eundem actum, vel habitum fidei quoad materiale partem manere in hæretico, non verò quoad forma'em, & illam priorem esse acquisitam, & naturalem; posteriorem vero infusam, & supernaturalem. Et nihilominus componere vnam speciem actus, vel habitus infusi, quod multi concedunt: imo inde putant oriri facilitatem illam credendi, quæ manet in hæretico, aut bene operandi, quæ manet in peccatore: quia scilicet in illo manet habitus fidei, & in hoc habitus virtutum infusarum quoad materiale: sed hæc omnia mihi videntur per se satis absurda, alioquin idem esset dicendum de charitate, & lumine gloriæ, ac visione beata.

Ratione præterea ostendo falsitatem prædicti modi, quia illa pars, quæ dicitur materialis in tali actu, cum sit realis, & physica, necesse est, ut ex se habeat propriam, & determinatam speciem, in qua non constituatur per alteram partem formalem, sed per habitudinem intrinsecam, quam ipsa dicit ad obiectum, sicut in substantiis physicis materia necessariò ex se habet propriam suam speciem materiæ vltimam in ea ratione: hæc autem species non potest sumi ex solo obiecto materiali, nam circa hoc obiectum materiale versantur intellectus, & voluntas: & utraque ex his potentiis potest pluribus actibus, & sub diuersis rationibus versari circa illud materiale obiectum: ergo necesse est, ut illud quod dicitur materiale, in actu intellectus, & in actu voluntatis inter se distinguatur: quia in actu intellectus, & voluntatis nihil est physicum, & reale eiusdem speciei: ergo in illis met partibus materialibus necesse est, ut præter habitudinem ad materiale obiectum vna tendat per modum voluntatis, altera per modum intellectus: vna per modum inclinationis, altera per modum representationis: ergo vna attinget obiectum sub ratione boni aliquo modo præcisè, & ex vi sua, & suæ indiuisibilis habitudinis ad obiectum: ergo necesse est, ut attingat materiale illius sub aliquo formali.

Responderi potest has duas partes materialis in eo casu non distinguere ex obiectis, sed se ipsis. Vnde fit, ut altera ex se sit apta ad componendum actum intellectus, altera ad componendum actum voluntatis. Sed hoc nec verè, nec consequenter dici potest. Primum patet, quia illæ duæ partes verè participant rationem actus intellectus, & voluntatis, & sunt à suis potentiis cum habitudine ad obiectum: ergo essentialiter includunt hanc habitudinem: est ergo eadem ratio de his, & de omnibus actibus intellectus, & voluntatis. Secundum patet, nam tota hæc opinio fundatur in distinctione, vel vnitæte actuum ex obiectis, & ideo circa vnum obiectum materiale dicit actum esse materialiter eundem, & circa varia obiecta formalia esse actus formaliter diuersos: ergo oportet ita generaliter sentire de omnibus actibus, & de omnibus partibus eorum, vel de nullis, aliàs facile etiam dici posset, sine fundamento affirmari talem compositionem in actibus, sed circa idem obiectum multiplicari actus, & seipsis distinguere.

Præterea vrget rationem factam contra prædictam sententiam: nam si consequenter loquatur, necesse est dicat, quod sicut pars illa materialis actus potest separari ab hac, vel illa parte formali,

Euertitur  
sententia  
5. posita.

X.  
Euertitur  
vltimum.

XI.  
Euasio.

XII.  
Vrgetur ratio facta.  
n. 10.



mali, & sub alia constitui, ita potest simpliciter separari ab omnibus, & sola manere circa obiectum materiale. Probat, nam illa opinio fingit hanc compositionem propterea quod manente actu circa idem materiale obiectum, videtur tolli pars formalis, ut in illo vulgari casu de hoc assensu fidei, *Messias est venturus*, quia erat verus paulo ante Christi ortum, & postea cepit esse falsus; tunc enim videtur manere idem assensus illius propositionis quoad materiale, & amittere rationem formalem fidei infusæ, quia illi non potest subesse falsum. Et idem est in voluntate quando actus amittit honestatem manente eadem inclinatione ad idem obiectum materiale. At vero si hæc ratio, & exempla aliquid probant, concludunt manere illud materiale sine nouo formali, quia neque in vno assensu adhibetur noua ratio credendi, neque in actu voluntatis noua ratio amandi; sed simpliciter tendunt illæ potentie in illa obiecta sicut antea; ergo necesse est in ipsa parte materiali intrinsecè, & essentialiter includi habitudinem ad aliquod formale obiectum, quod sit prima ratio attingendi illud materiale, quia neque mente concipi potest quod maneat assensus propositionis, nisi sub aliqua ratione veritatis: aut quod maneat inclinatio voluntatis actualis, nisi sub aliqua ratione bonitatis: ergo habitudo ad materiale non separatur à prima ratione formali, quod est intentum: nam si aliqua postea superadditur, erit secunda, & accidentalis, de qua supra.

XIII. Sed responderi potest, in illo materiali obiecto includi aliquam rationem formalem, tamen illam non esse specialem, sed communem rationem boni, quia non accidentaliter, sed per se contrahitur per speciales rationes boni honesti, vel alterius. Sed hoc non rectè dictum est, quia quando ratio boni ut sic, est primum motuum attingendi obiectum materiale in ratione obiecti, est ratio specifica, & vltima, sicut supra dicebamus *sect. 1. num. 14. de actu honeste viuendi*, ut sic: & ita tunc non constituitur pars materialis alicuius actus, sed integra quædam voluntas, & appetitio: & ita iam tunc verificatur conclusio nostra: quando vero specialis bonitas honesta, vel alia similis est prima ratio volendi, tunc non mouet bonitas in communi, ut sic, sed solum ut inclusa in tali bonitate, & ideo non dat speciem vltimam, nec formalem, nec materialem, sed ad summum gradum quendam genericum: aliàs quod differentie subalternæ bonitatis obiecti possent præscindi: & abstrahi in bonitate specifica, tot partes physicæ, & essentielles essent distinguendæ in actu voluntatis, quod est ridiculum, & præterea superfluum, quia ab illa parte formali ipsius actus, quæ attingit talem specificam rationem boni, inseparabile prorsus est, quod attingat communem rationem boni ibi inclusam. Sicut etiam in exemplo alio de assensu fidei, si attingit obiectum propter auctoritatem Dei dicentis, necesse est ut attingat etiam propter rationem communem, scilicet testificantes ut sic, à qua ratione communi non potest sumi materialis aliqua entitas, sed tantum generica ratio.

XIV. Atque hinc obiter intelligitur in illo secundo modo explicandi *num. 9. falsò* dici in hæretico manere fidem infusam quoad materiale: quia illa fides, quæ in eo manet, inclinat ipsum non ad materiale assensum tantum, quod est impossibile, sed ad formalem assensum fidei humanæ, ad quem non posset dare facilitatem solus habitus infusus manens quoad materiale: illa ergo facultas aliunde prouenit, scilicet ex eo quod plures actus fa-

cimus fidei humanæ, quam diuinæ: & ideo manet habitus acquisitus fidei humanæ: & per ipsam hæresim acquiritur aliquis habitus erroris. Denique species antea acquisitæ, & communis usus operandi circa illas materias, iuuat ad illam facilitandam. Et idem proportionaliter est de peccatore quoad virtutes infusas: nam illa facultas, quam experitur, potissimum oritur ex appetitu sensitivo, in quo non sunt virtutes infusæ principaliter, & moderatio passionum ex habitibus acquisitis oritur. Sequitur etiam hinc in illo casu de assensu Christi venturi *in num. 12. nō* manere materiale sine formali: sed si ille assensus erat antea fidei infusæ, etiam postea manet: necesse est tamen, ut semper sit verus, quia ut antea esset fidei infusæ, oportebat fieri in illud obiectum materiale, ut abstraheret aliquo modo à circumstantia præsentis temporis, & non limitaret ad tempus futurum includendo negationem præsentis, sed solum indicaretur Christum aliquando esse venturum: & hoc sensu vera est propositio etiam post Christum natum. Si autem ille assensus daretur in priori sensu, non poterat esse fidei infusæ, neque certus, quia constabat ex testimonio diuino, vno, vel altero die ante Christi ortum, eum nondum venisse, & ideo erat solum quædam fides humana, quæ potest de vera in falsam transferri. Nullum ergo exemplum est, quod cogat ad distinguendum hoc materiale à formali in ipso actu.

Et confirmari posset hic totus discursus retorquendo tertiam rationem dubitandi in principio argumenti propositam: nam sequitur ex dicta opinione eandem partem materialem actus posse informari simul pluribus formis specie distinctis in suo ordine, nam ideo ponunt hanc distinctionem, ut possit idem actus fieri ex pluribus motibus proximis simul. Consequens autem est plane monstruosum, & repugnat essentiali compositioni, qualis hæc esse dicitur. Atque hic possent multiplicari argumenta, quæ sunt de materia informata pluribus formis specificis, & vltimis. Præterea possent ferè similia argumenta fieri de altera parte actus, quæ dicitur esse formalis, quia si illa est entitas physica, & partialis actus voluntatis, necesse est ut per ipsam attingat non solum formale, sed etiam materiale obiectum: ergo in illa reperitur quidquid est necessarium ad integrum actum, & alia est superflua. Consequentia nota est: antecedens probatur primo exemplis, nam si in assensu fidei infusæ est aliqua pars, quæ nititur Deo dicenti, necesse est, ut det illi credulitatem: ergo in aliqua re, ergo oportet, ut illa pars attingat aliquid tanquam dictum, & reuelatum à Deo. Idem est de actu voluntatis, est enim inclinatio quædam in obiectum suum, & ideo non potest intelligi, ut aliqua res in voluntate existens tendat in aliquod formale, quin ratione illius tendat in aliquod materiale, siue hæc re ipsa, siue ratione distinguantur in obiecto. Patet consequentia, quia nihil aliud est esse obiectum formale in huiusmodi actibus, quam esse motuum, seu rationem tendendi in aliquid: tum etiam, quia non potest intelligi motus, quin ad aliquem terminum tendat.

Dices partem illam formalem actus terminari ad honestatem obiecti, v.g. temperantiæ, & terminari simul ad ipsam honestatem non tantum per rationem volendi actionem externam, sed etiam, ut rem amatam: atque hoc modo dari aliquod materiale respectu illius. Hoc tamen totum comparari ad actionem externam, ut motuum formale. Sed hoc non est ad rem, & impugnari potest.

XV.

XVI.



test ferè eisdem argumentis, quæ facta sunt de altera parte materiali. Nam quando honestas temperantia, vel alia similis præcisè, & absolutè amatur propter se ipsam; quod fieri potest, quia ipsa est bona, & amabilis, tunc non cõstituit partem alicuius actus, sed quendam specialem actum integrum, & perfectum in sua specie, & distinctam realiter ab omni actu, quo amatur hæc, vel illa actio temperata. At vero quando actus interior versatur circa hanc determinatam naturam, vel actionem, non habet actum, quo tendat abstractè, & in communi in honestatem, sed solum in hanc honestatem huius actus, seu in ipsum actum propter suam honestatem per modum vnius obiecti adæquati: non est ergo alia habitudo illius actus ad hanc honestatem, & ad illam in hoc obiecto, seu in hac materia; ergo superflua est omnis alia pars materialis, quæ fingitur in actu.

XVII.  
Expenditur  
4. sensus  
positi  
num. 6.

Atque hinc à fortiori probatum relinquitur contra tertium explicandi modum positum in n. 6: hanc habitudinem ad obiectum formale non esse modum accidentalem superadditum actui, nam ostensum est ita intrinsecè, & essentialiter includi in visceribus ipsius actus, vt non possit ab illo distingui, etiam vt pars essentialis: multo ergo minus distingui poterit, vt quid accidentale. Dices posse in essentia actus includi habitudinem ad aliquod obiectum formale, & nihilominus dari modum superadditum quo attingat aliud formale, quod sit accidentale respectu alterius, & ita poterit ille modus esse accidentalis. Respondetur, licet hoc totum demus non esse contra conclusionem nostram, quia si respectu actus quoad essentiam eius, datur aliquod obiectum formale, illud erit primum & intrinsecum respectu talis actus, & de hoc loquuti sumus in conclusione. An verò præter illud possit dari aliud, pertinet ad quæstiones infra tractandas. Ex quibus fortasse constabit non posse dari secundam rationem formalem, quæ specificet actum accidentaliter ex parte obiecti: quia illa esse non posset nisi circumstantia aliqua, vel finis extrinsecus; circumstantia autem vt talis est, non potest dare nouam speciem bonitatis actui interiori, vt infra ostendam. Finis autem licet possit dare bonitatem accidentalem, non tamen intrinsecam per modum inhaerentem, sed solum per denominationem extrinsecam, vt dicitur *disputatione* 6. An vero in eodem obiecto possit esse duplex ratio formalis respectu eiusdem actus primaria, & essentialis, dicam *sest. sequente*. Satis ergo ex his constat, tendentiam actus voluntatis in obiectum materiale sub primo formali esse ex natura rei indiuisibilem, & indistinctam.

XVIII.  
Assertio.

Ex quo concludo, & dico secundo, bonitatem actus interioris sumptam ex obiecto esse differentiam specificam ipsius actus interioris quoad physicam, & intrinsecam entitatem eius. Hæc, vt existimo, est expressa sententia D. Thomæ 1. 2. q. 19. art. 1. Vbi hoc sensu dixit differentias boni, & mali esse per se, & essentielles in actu voluntatis. Vbi Conrad. ita hoc intellexit, & sequitur, & idem D. Thomas *quest. 54 art. 3*. Consequenter dicit bonum, & malum, seu virtutem, & vitium distinguere specificè, & essentialiter habitus voluntatis. Et ibi docet esse eandem rationem de actibus, quæ est de habitibus. Idem 1. p. *quest. 48. art. 1 ad 2. & 3.* & alibi, vt ostendam tractando de malitia. Item Gabriel expressè in 3. d. 23. *quest. 1. not. ib. 4.* vbi refert Ocham, Almain. *tract. 1. moral. cap. 13.* quatenus dicit bonitatem actus nihil esse nisi actum ipsum.

Ratione patet ex dictis, quia bonitas honesta obiecti potest esse prima ratio volendi illud: ergo vel voluntas primò inde mouetur, vel non: si non inde primò mouetur, non eliciet actum bonum ex obiecto, nec de illo nos loquimur, nam vt talis actus sit bonus, oportebit addere vel circumstantiam aliam, vel finem bonum vnde bonitatem sumat. Si autem voluntas primò mouetur ab illo motiuo: ergo actus ille accipit inde primam speciem essentialem suam, & entitativam, ratione cuius est actus virtutis, & honestus ex obiecto, ita vt quamuis ex nullo alio capite habeat bonitatem, dummodo nec malitiam aliunde habeat, sit ille actus simpliciter bonus, & virtutis, quia tendit in honestum primò, & per se, quia honestum est. Solum superest probandum primum antecedens assumptum, quod per se satis est notum, quia quælibet ratio boni est per se sufficiens ad mouendam voluntatem: ergo multo magis ea quæ est suprema, & perfectissima: scilicet honestas: quis enim opinari potest posse voluntatem præcisè amare aliquid, quia delectabile est, & non quia honestum est? Vnde cõfirmari potest hæc veritas exemplo virtutum moralium quoad habitus, nam illæ ideo sunt virtutes essentialiter, quia inclinant primo, & per se ad honestum, vt sic: ergo idem est de actibus illis proportionatis. Idem seruatur in actibus, & habitibus intellectualibus. Item in charitate, & virtutibus Theologicis: imo ex hoc principio sumenda est totalis distinctio virtutum infusarum, & acquisitarum, & actuum earum per habitudinem ad honestates diuerforum ordinum.

Ad primam rationem dubitandi in num. 1. positam, respondetur ex dictis de *esse morali*: nam licet hoc esse, vt formaliter dicit denominationem moralitatis, non sit *esse physicum* intrinsecum, sed denominatio extrinseca, tamen illud esse, in quod cadit hæc denominatio, potest esse physicum, & intrinsecum. Et hoc modo esse virtutis in actu voluntatis, est *esse morale*: & hoc sensu dixit aliquando D. Thomas *esse morale* per se conuenire actui interiori, vt in 2. d. 40. q. 1. art. 1. Alibi vero dicit *esse morale* comparari ad *naturale*, sicut quale ad substantiam, vt q. 2. de malo art. 6 ad 3. Sed ibi intelligendus est vel de *esse morali* primo modo pro denominatione ipsa, vel indefinè, seu permissiue, pro aliquo *esse morali*, quod est malitia, de qua ibi agebat D. Thomas: absolutè tamen, & vniuersaliter non est necesse, *esse naturale* esse quid distinctum ab *esse morali* in sensu dicto. Sed potius sicut voluntas includit *esse naturæ*: est enim natura quædam essentialiter, ita actus eius in sua naturali entitate includit specificationem moralem.

Ad secundum supra responsum est, actum ex obiecto bonum non posse amittere illam bonitatem sine sui mutatione. An vero posset aliunde fieri malus accidentaliter, infra dicitur. Tertium argumentum petit sequentem dubitationem.

### SECTIO III.

*Vtrum idem actus voluntatis possit habere plures bonitates specie diuerfas ex proximo obiecto sumptas.*

PRIMO certum est quæstionem præsentem non habere locum quando actus interior vnum tantum habet obiectum materiale, & formale: quia tunc non est vnde sumatur bonitatis distinctio, I. Excluditur alicuius casus ab hac q. actio,

XIX.

XX.

XXI.



Triplex alius propositur.

Actio, seu pluralitas. Et ideo necesse est, ut tunc actus habeant unam bonitatem ex obiecto, quid sit de circumstantiis, & fine, de quibus infra. Procedit ergo questio, si quando contingat circa plura obiecta actum versari. Quod tripliciter contingere potest, primo quod obiectum tam materialiter, quam formaliter sit distinctum. Secundò quod obiectum sit materialiter unum, formaliter autem plura, id est quod sit una res pluribus motiuis, seu rationibus amata. Tertiò quod obiecta sint materialiter plura, seu in esse entis specie diuersa: formaliter autem sint unum, seu quod ratio amandi illa, sit eadem. Ex his autem modis primus, non habet controuersiam; nam constat ex illis obiectis sumi plures bonitates non tamen in eodem actu, sed diuersis, quia non est unde tunc actus habeat unitatem, cum neque in obiecto materiali, nec in formali sit conuenientia. De tertio modo dicemus *sectione sequenti*. Secundus ergo hic superest disputandus. In quo nihil dicendum est de pluralitate numerica, quia si in uno actu una est bonitas specifica respectu obiecti, necesse est, ut una sit etiam bonitas numerica, quia neque ex parte actus, neque ex parte obiecti habet unde multiplicetur, aliunde vero si bonitates fuerunt plures in specie, erunt numero distinctæ, ut ex Metaphysica constat; ergo tota questio reuocatur ad specificam pluralitatem, ut in titulo proposita est.

II. Ratio dubij esse potest, quia D. Thomas 1. 2. *quest. 1. art. 3. ad 3.* docet humanum actum unum in esse naturæ posse esse simul in pluribus speciebus moralibus; ergo idem actus voluntatis quamuis sit vnus in se in esse naturæ ratione vnus obiecti voliti, poterit esse in pluribus speciebus bonitatis moralis propter plures rationes volendi tale obiectum. Secundò, quia non est inconueniens eandem rem sub diuersis rationibus formalibus constitui in diuersis speciebus qualitatis, seu accidentis: ergo multo minus iderit inconueniens in actibus moralibus, qui facilius varietatem recipiunt. Antecedens patet, nam iuxta communem modum sentiendi idē calor sub vna ratione est patibilis qualitas, & sub altera est in specie potentiz. Tertiò, quia videtur hoc experimento cognosci, quod voluntas interdum moueatur ad amandum rem aliquam ob plures rationes boni simul in ea inuentas, & consideratas, à quibus interdum ita mouetur, ut vna, vel altera per se considerata non fuerit sufficiens ad efficiendam voluntatē, & tamen omnes simul tandem illam inducunt: ergo signum est illum motum voluntatis procedere simul ex multis motiuis formaliter diuersis: habet ergo ab illis plures bonitates. Neque enim videtur conuenienter dici multiplicari tunc actus voluntatis, tum quia multis videtur non posse voluntatem simul efficere plures actus non subordinatos; tum etiam, quia esto non sit impossibile, est tamen superfluum, & contra experientiam, ut apparet: nam quando aliquis diligit amicum considerando plures perfectiones eius, quantumuis diuersas, ut quod sit nobilis, studiosus, doctus, non diligit illum pluribus amoribus, sed vno, qui ex omnibus illis rationibus excitatur: cuius signum esse potest, quia tunc voluntas feruentius amat: ergo tota illa cantalitas applicatur ad vnum actum, nam si distraheretur in plures remissiùs amaret, cum in vnum non coniungerentur: ac denique, quia si essent singuli actus propter singulas rationes, vnusquisque excitaretur sine alio propter suum motiuum: contingit autem non ita esse, ut in argumento sumptimus.

In contrarium est primo, quia D. Thomas eadem *quest. 1. art. 3. ad 3.* dicit vnum actum tantum habere vnum obiectum proximum, & immediatum, quauis possit habere plures fines remotos: quod maxime verum esse debet ex obiecto formalis, à quo maximè pendet bonitas, vel pluralitas actus: atque idem repetit 1. 2. *quest. 19. artic. 2.* Vbi in solutione ad primum dicit finem actus tantum esse vnum, quod est verum de fine intrinseco, qui coincidit cum obiecto. Vnde ibi subdit hunc finem non ordinari ad alium finem, nisi ex accidente, & remotè. Si ergo vnus actus tantum potest habere vnum obiectum, tantum potest ab illo habere vnā bonitatem. Secundo urget ratio *sectione precedenti* insinuada, quod vel hæc duplex bonitas intelligeretur esse in eadem indiuisibili entitate actus, vel in diuersis partialibus componentibus vnā. Primum dici non potest, quia vnus entitatis indiuisibilis vna est essentia: ergo vna specifica differentia: ergo vna bonitas intrinseca ex obiecto sumpta. Patet vltima consequentia, quia dictum est hanc bonitatem esse ipsam differentiam specificam actus in entitate sua physica, vel conuenientiam ad naturam humanam, quæ in illa fundatur, quod perinde est iuxta supra tractata. Secundum etiam dici non potest, primo quia si bonitates illæ specie differunt, etiam entitates, quia sunt idem: ergo erunt entitates totaliter distinctæ, & non partialiter, atque ita erunt plures actus, & non vnus compositus ex multis partibus. Probatur hæc vltima consequentia, tum quia fingi non potest quisnam sit modus compositionis ex his partibus, quia nec potest esse per modum actus, & potentiz, seu materiz, & formæ: iam enim generaliter ostensum est hanc compositionem non reperiri in his qualitativis: & in his de quibus agimus, non potest ratio assignari, ob quam vna pars magis sit per modum potentiz, vel actus, quam alia: quia vtraque æquè primò tendit in obiectum propter suam rationem, & neutra ordinatur ad obiectum alterius, ut ad finem, neque ab altera imperatur. Neque etiam potest esse illa compositio per modum integritatis cuiusdam, seu continuationis ob rationes, quas *sect. precedenti* feci, quæ hic etiam maximè urgent, tum quia iuxta communio rem Philosophorum sententiam, quæ specie differunt, ut sic, non possunt continuari, tum etiam, quia in ipsis motiuis nullus est nexus, vel continuatio. Vnde ex parte actus non potest assignari aliquod continuatiuum, quia ex parte obiecti nihil est, quod illi respondeat. Tandem, quia si illa motiua essent in materiis diuersis, differentiz ex illis sumptæ constituerent actus omnino realiter distinctos: sed quod coniungantur in eodem obiecto materiali nihil refert ad unitatem actus, quia, ut ostensum est ex obiecto materiali, ut sic, non sumitur entitas actus, neque habitudo ad obiectum materiale, & formale distinguuntur ex parte actus. Quod etiam ab inconuenienti confirmari potest, quia aliàs actus amoris, amicitiz, & concupiscentiz Dei substantialiter esset, ac realiter vnus, & idem, quia illa motiua diligendi in eadem re coniunguntur.

Duobus modis intelligi potest vnū actum versari circa eandem rem sub diuersis motiuis proximis, & immediatis. Primus modus est quod illa diuersa motiua sumantur ut plura, & diuersa, & ut integra in sua specie: & consequenter quod actus sumat ab illis diuersas species bonitatis ex natura rei distinctas. Secundus modus excogitari potest, si illa omnia motiua concurrant per modum vnus, & tãquam partes componentēs vnum bonum simpliciter perfectum, à quo sumat actus vnā

IV. Duplex questio sensus.



vnam tantum speciem bonitatis diuersam ab illis, quæ sumi possunt ex illis motiuis per se sumptis, easque velut in virtute, & eminenter complectentem.

V. Circa priorem modum mihi videtur clara resolutio ex dictis, nimirum non posse vnum, & eundem actum voluntatis habere simul duas bonitates ex natura rei distinctas; & consequenter non posse tendere in vnum obiectum materiale sub pluribus rationibus, seu motiuis proximis, vt plura sunt, & omnino distincta. Hoc conuincunt (vt existimo) rationes secundo loco factæ innum. scilicet 3. Quæ amplius possunt ex principiis Metaphysicis in hunc modum confirmari. In primis sumo illum actum non posse esse vnum per compositionem ex pluribus partibus realiter distinctis. Quod satis probatur rationibus hic factis, & in superiori sect. Rursus in indivisibili entitate nunquam reperiuntur duæ rationes formales, seu differentię specificę vltimæ ex natura rei distinctę, ita vt vtraque sit essentialis, & primaria in tali entitate; sed quando contingit, vt inueniantur in vna re duæ rationes formales à parte rei distinctę aliquo modo, necesse est, vt altera sit essentialis tali entitati, altera sit modus eius. Vel si vtraque sit essentialis, supponit aliam tertiam primariam, & essentialem tali entitati. Nam in calore, exempli gratia, est & ratio caloris, & ratio calefactionis seu dependentiæ, & iuxta communem sententiam, ratio similitudinis. Ex quibus sola ratio caloris est essentialis illi entitati; aliz vero rationes sunt quidam modi qui per se non valent constituere entitatem, sed solum modificant entitatem constitutam. Vnde fit, vt illa entitas nunquam possit in rerum natura reperiri absque ratione caloris; posset autem esse sine ratione calefactionis, aut similitudinis, quia prima ratio cum sit essentialis, est inuariabilis, & ideo è contrario, non possunt posteriores rationes modificantes, esse absque priori entitatiua. Hæc vero potest esse sine hoc vel illo modo.

VI. Ratio autem à priori huius principij est, quia essentia rei omnino est idem cum entitate rei, vel potentiali, si de essentia abstractè loquamur, vel actuali, si loquamur de essentia existente: ergo prima ratio formalis, quia est essentialis vnicuique entitati, nullam realem compositionem facit cum illa; ergo non potest hæc ratio multiplicari in eadem entitate; ergo si in vna entitate dicantur reperiri plures rationes formales ex natura rei distinctę, & facientes compositionem à parte rei; necesse est, vt vna tantum earum sit essentialis, quæ necessario erit immutabilis manente tali entitate: aliz vero erunt extra essentiam, saltem vt modales entis, qui variari possunt circa talem entitatem. Ex hoc ergo principio concludo in vno actu interiori non posse simul esse duas bonitates obiectiuas ex natura rei distinctas, quia non potest vtraque earum esse essentialis illi actui, quia vniuscuiusque rei essentia vna tantum esse potest, sicut & entitas, quia vt dictum est, essentia, & entitas non componunt, nec distinguuntur in re: item quia in tali actu esset separabilis vna bonitas ab altera, & è contrario, quia & distinguerentur ex natura rei, & neque ex parte obiectorum, neque ex natura sua haberent inter se necessariam connectionem, neque vna magis aliam supponeret, quam è conuerso, cum vtraque per se tendat in suum obiectum absque eorum ordine inter se. Hoc autem repugnat rationi essentiali, vt ostensum est: ergo neutra earum esset de essentia talis actus, quod est contra dicta. Et præterea oportet

ret vtrique earum supponi aliam rationem essentialē tali actui, quæ satis etiam à nobis est exclusa.

Nec dici potest vnam ex his rationibus esse essentialē actui, aliam vero modum eius. Primum quia non est maior ratio de vna, quam de alia, quia vtraque tendit in suum obiectum formale, sine ordine ad alterum. Deinde, quia ostensum est esse mutuo separabiles, quod repugnat rationi essentiali & modificanti: quia licet res possit separari à modo, non tamen è contrario. Tertio propter illud principium Metaphysicum, quod longum esset exponere, scilicet, quod illa ratio, seu differentia, quæ per se sufficiens est ad constituendam primo entitatem, nunquam est modus alterius, quia istæ duæ rationes sunt primo diuersę, & quia eadem differentia semper constituit eodem modo. In præsentia autem quælibet ratio formalis talis obiecti, & differentia ab illo sumpta est per se sufficiens ad constituendam entitatem cuiusdam actus voluntatis, v.g. iustitiæ, aut misericordiæ, &c. quæ esset in tali actu, si ex illo solo motiuo fieret: ergo etiam si simul moueatur voluntas à pluribus motiuis huiusmodi, à nullo eorum sumitur differentia, quæ constituat modum actus, sed quæ constituat propriam entitatem actus: ergo erunt illi duo actus distincti, & non vnus habens plures bonitates, & hæc rationes probant similiter in actibus intellectus. Propter quod existimo certum non posse vnum, & eundem actum esse simul fidei, & scientiæ, vt ex instituto traditur *disp. 3. de fide sect. 9.* Eadem etiam rationes probant de habitibus: nunquam enim reperietur vnus habitus qui simul sit in duplici specie virtutis, quod non provenit nisi ex principiis positis. Probant etiam factę rationes non posse simul vnum actum esse in specie naturali, & supernaturali, quæ sit vera species intrinseca: & realis. Et ex his exemplis potest etiam conclusio, velut inductione quadam confirmari.

Ex rationibus autem in contrarium factis n. 2. duæ primario procedunt contra hunc sensum. Ad quarum primam facile responderetur D. Thomam ibi locutum esse de actibus externis, in quibus moralis species semper est accidentaria, & ideo nihil obstat quominus vnus actus in esse naturæ sit in pluribus speciebus moris. In hoc colligi potest ex principio illius solutionis, vbi D. Thomas aliter loquitur de actu interno. Vel certè, si velimus illa verba extendere ad actus voluntatis, non est necesse intelligi de speciebus sumptis ex obiecto, sed absolute de speciebus moralibus, siue sumantur ex obiecto, siue ex circumstantiis, aut sine, nam hoc modo, (vt infra dicam) non repugnat vnum actum habere plures bonitates vel species.

Ad secundam rationem responderetur nunquam in eadem entitate reperiri duas rationes formales à parte rei distinctas essentielles vni, & eidem entitati, sed si aliquando à nobis distinguuntur, est per rationem tantum, & conceptus inadæquatos, quomodo distinguimus intellectum à memoria: hic autem agimus de rationibus distinctis à parte rei, quæ in præsentia non possunt se habere, vt essentia, & modus, vt declaratum est.

Tertium argumentum in eod. n. 2. tangit alterum modum, seu sensum quæstionis in n. 4. adductum, in quo videtur magis dubia resolutio: nam omnia adducta in illo argumento videntur persuadere fieri posse, vt intellectus simul consideret in obiecto plures rationes obiectiuas, ex quibus veluti conficiat dignitatem quandam, pulchri-

VII.

VIII.

IX.

X.



chritudinem, aut existimationem illius obiecti, ratione cuius iudicet esse diligendum, vt quid optimum, & excellens: & quod tunc voluntas possit vno motu tendere in illud obiectum sic propositum sub illa adæquata, ratione, à qua non sumet plures species bonitatis. v.g. iustitiæ, misericordiæ, &c. Sed vnam ab illis distinctam, & superiorem illis: quomodo verisimile est Christum Domini fuisse operatum. Et potest adiungi ratio, seu coniectura, quia virtutes inferiores multipliciter, & diuisim operantur: superior autem virtus solet operari vnitè: ergo licet actus particularium virtutum tendant in singulas rationes bonitatis, vt motiua integræ, & totalia, poterit etiam dari virtus superior, quæ omnia illa complectatur per modum vnius sicut Angelus intelligit omnia vno actu, quæ respectu inferioris sufficerent ad multiplicandos actus.

XI. In contrarium est, quia licet hæc excellentia, & vniuersalitas virtutis fortasse non sit absolute impossibilis, tamen respectu humanæ voluntatis operantis connaturali modo videtur excedere capacitatem eius: alioquin superflua esset distinctio specialium virtutum huiusmodi in voluntate: nam sufficere posset vna, quæ per modum vnius complecteretur omnes rationes honestatis, nam illa etiam posset elicere actus speciales circa singulas rationes honestatis, quâuis essent illi iuadæquati: sicut Angelus per eandem speciem, quæ potest plura intelligere, potest efficere actum inadæquatum circa vnam rem tantum. Confirmatur, quia aliàs posset etiam voluntas simul vno actu velle obiectum propter rationem naturalem, & supernaturalem componendo ex illis vnum integrum obiectum vndique bonum, ac perfectum: est enim in hoc eadem ratio. Consequens videtur falsum, quia talis actus nec naturalis esse potest, nec supernaturalis. Simile argumentum sumi potest ex actibus intellectus, nam si hoc potest facere voluntas, eadem ratione poterit intellectus vno actu assentiri veritati propter motiua diuersarum rationum, quatenus illa simul sumpta videntur constituere vnum obiectum aut clarius, aut certius: poterit ergo idem assensus intellectus fundari in diuina autoritate, & principiis euidentibus, vel etiam in autoritate humana: atque ita in vna specie assensus complectetur, quidquid est scientiæ, & fidei diuinæ, & humanæ: quod tamen omnino falsum, est, vt suppono ex materia de fide.

XII. In hac re, quæ mihi dubia videtur dicendum in primis censeo regulariter, ac ferè semper cum voluntas operatur propter plura motiua in obiecto inuenta, & formaliter diuersa elicere plures actus habentes bonitates specie diuersas quia licet videtur voluntas simul propter illa omnia motiua interiùs operari, re tamen vera actus voluntatis non fiunt in eodem indiuisibili instanti, sed vnus post alium, quamuis velocissimè. Quod potest ex parte intellectus suaderi: quia non potest facile simul in eodem instanti considerare in eodem obiecto, seu actione plures rationes honestatis obiectiuæ, præsertim cum ad iudicandum de qualibet earum sæpe sit necessaria perfecta attentio, & collatio plurium rerum. Fit ergo hæc consideratio intellectus regulariter loquendo, per velocissimam actuum successionem: ita ergo fiet in voluntate, quia hæc non mouetur actualiter, nisi ab illo obiecto, quod actu aliter consideratur. Vel certe, quia licet contingat interdum voluntatem in eodem instanti moueri ex pluribus rationibus

Scire in primam secundam D. Thom.

honestis actu consideratis, nihil repugnat, quod plures actus simul efficiat: imò ita necessariò operabitur, si illas rationesumat, vt prorsus distinctas, sicut dictum est: nam in eo casu etiam intellectus habebit plures actus; quibus illas bonitates considerat, quia diuersis rationibus, & mediis de illis ferret iudicium: erunt tamen illi actus tunc aliquo modo imperfecti, quia virtus diuisa in plura, minor est in singulis: fiet tamen aliquo modo per modum vnius, quia circa eandem rem versantur: & ex hac parte erit maior quædam facilitas ad sic operandum. Nec refert, quod fortasse voluntas non operaretur ex vno solo motiuo, nisi plura concurrerent, quia hoc pendet ex libertate voluntatis, & ita potest accidere siue voluntas vno actu, siue pluribus moueatur.

Addo vterius, & dico secundò, interdum posse voluntatem moueri vno actu ad vnum obiectum materialiter, vt affectum pluribus bonitatibus in eo consideratis, si ex omnibus illis intellectus quasi conficiat vnam rationem boni ab omnibus distinctam, & quasi ex omnibus compositam: quod videtur facere posse altero, & duobus modis. Primus est per modum confusæ cognitionis, vt si post distinctam considerationem singularum bonitatum absolute iudicet hanc rem esse optimam, & honestissimam fumendo veluti rationem communem omnibus illis bonitatibus: & pluris æstimando illam ex aggregatione plurium: in hoc enim modo operandi nulla est repugnantia: imò videtur valde vsitatus, & accommodatus modo operandi hominum. Secundus modus est per modum totius integralis, vt intellectus consideratis pluribus bonitatibus in eadem re, apprehendat ipsam vniionem earum per modum cuiusdam excellentis bonitatis, sicut incorporalibus, licet pulchritudo constet ex perfectionibus specie diuersis, qualis est color, quantitas, &c. Nihilominus ex omnibus his intelligitur consurgere vna bonitas, quæ mouet affectum ad vnum amorem. Et in anima ipsa integra iustitia, quæ ex infusione gratiæ, & donorum confurgit, & vna integra pulchritudo animæ, quæ vnum amorem excitat, quamuis ipsa ex variis virtutibus consurgat. Et ratio est, quia quæ sunt plura in vno genere, possunt esse vnum in alio: quod maximè verum habet in ordine ad apprehensionem, & motum animi, nulla est ergo in hoc repugnantia, & ad summum hoc probant argumenta, quæ pro hac parte facta sunt num. 10. reliqua verò solum procedunt quando illæ rationes ita sunt distinctæ, vt non possint per modum vnius componi in ordine ad eundem actum.

#### SECTIO IV.

*Virum actus voluntatis habeat vnam bonitatem in ordine ad plura obiecta materialia, ad quæ tendit sub eadem ratione honestatis.*

Qvæstio hæc intelligi potest vel de eadem bonitate in specie, vel vna numero, & de vtroque sensu breuiter dicam. Et de bonitate specifica primò est vulgaris opinio Nominaliū, specifica quæ actus virtutis circa obiecta diuersa materialiter esse specie diuersos, etiam si ratio honestatis sit eadem in obiectis. Quod necesse est sentire omnibus, qui libiectori.

XIII.

Alterū pronuntiatum.



nes, qui existimant substantiam actus voluntatis sumi ex materiali obiecto, & bonitates tantum esse modos, vel formalitates illius: nam si species substantialis actus sumitur ex habitudine ad materiale obiectum: ergo variatio illio obiecto essentialiter, & specificè in esse entis: necesse est variari etiam actum. Quod sic potest confirmari quia actus voluntatis circa idem materiale obiectum diuerso tempore facti differunt numero: & similiter actus circa obiecta materialia specie diuersa: magis enim distat amor Angli ab amore hominis, quam amor vnius hominis ab amore alterius: ergo si hi differunt numero, necesse est, vt illi differant specie, quia post distinctionem numericam nulla est proximior, & minor specifica.

II. Dicendum est tamen solam materialem distinctionem obiectorum non satis esse ad distinctionem bonitatis specificam actus voluntatis, atque ita actus habentes idem obiectum formale, habere vnam bonitatem in specie, etiam si circa res distinctas versentur. Hæc sententia sumitur ex D. Th. prima secundæ, questione decima nona, articulo quinto, & sexto, & clarius secunda secundæ, questione vigesima quinta, articulo primo, & in eius schola est receptissima sententia. Quæ potest in primis suaderi, nam eiusdem rationis est bonitas temperantiæ, aut misericordiæ in voluntate, qua feruatur medium illarum virtutum, siue materia comedendi sint carnes, siue aliæ res, & siue subueniatur proximo dando illi argentum, vel aurum, vel triticum: quia hæc, & similia sunt per accidens ad honestatem virtutis, quin potius accideret potest, vt circa plures ex his materiis versetur vnus actus non solum specie, sed etiam numero, & indiuisibilis in sua substantia, & entitate, & consequenter in sua intrinseca bonitate, vt si quis vno motu voluntatis velit se gerere temperatè in toto prandio, quantumvis diuersis rebus constet, aut velit bona sua distribuere pauperibus etiam si multiplicia sint, & clarè, ac distinctè sibi proposita. Ratio verò sumenda est ex contrario fundamento oppositæ sententiæ: nam actus interior voluntatis non habet substantiam suam à materiali obiecto voluntatis per se præcisè, ac formaliter, sed habet vnicam simplicem speciem ab obiecto sub tali ratione formali intento: ergo vbi in obiecto est eadem ratio formalis, erit in actibus eadem bonitas: conueniunt enim tales actus in bonitate, quæ conuenientia non potest esse nisi specifica, cum sumatur ex vltima differentia, & specifica ratione obiecti, cumque ex obiecto materiali, vt sic, nihil sumatur, in quo possint specie differre. Denique obiectum formale vt sic, quasi contrahit materiale, & ideo sola materialis diuersitas non sufficit ad distinctionem specificam bonitatis.

III. Neque contra hoc obstat coniectura superius adducta, quia in numerica distinctione potest esse latitudo, & maior aut minor conuenientia, & similitudo inter ipsa indiuidua. vt eodem argumento conuinci potest, nā magis inter se differunt bonitates sumptæ ex obiectis materialibus solo numero differentibus. quā bonitates, quæ sunt in ordine ad idē obiectū materiale numero in diuersis actibus elicitis diuersis temporibus, aut à diuersis hominibus: & nihilominus certissimū est illam nō esse differentiā specificā, & in aliis accidentibus respectiuis id non reperitur.

VI. Dico autem conclusionem intelligendam esse quando obiectum formale est omnino idem respectu omnium materialium: nā si aliquo modo varietur, vel in se, vel in modo, (vt sic di-

cam) informandi obiectum materiale, poterit sufficere ad distinctam bonitatem actus, licet forte non distinguat virtutis habitum. Exemplum est in adoratione, seu latria absoluta, vel respectiua, quæ iuxta probabilem sententiam specie differunt in actibus, quamuis in eadem excellentia obiecti fundetur: quia adoratio absoluta respicit illam excellentiam in se & vt intrinsecè afficientem personam: respectiua verò solum attingit illam per quādam habitudinem extrinsecam: atque idem multi existimant de amore Dei, & proximi, & de intentione finis, & electione medii propter bonitatem finis, de quo postea. Atque ad eundem modum idem obiectum bonum sub diuerso statu, & habitudine propositum, potest variare actum, & bonitatem eius. Sic enim bonum absolute propositum excitat amorem, seu simplicem voluntatem: consideratū vero vt absens, & prosequendum excitat desiderium, & intentionem, vt in prima secundæ D. Thomas tractat, & ratio omnium est, quia hæc diuersitas sufficit causare diuersum modum operandi voluntatis, & ideo respectu actuum induit aliquo modo diuersam rationem formalem obiecti, de quo latius alibi.

Circa secundum sensum questionis de vnitatem numerica possunt excogitari varii modi dicendi. Primus est tot multiplicari bonitates in actibus, quot sunt obiecta materialia distincta. Sed hoc ita absolute sumptum non potest esse verum. Quis enim dicat quatuor actus, vel bonitates elicere eū qui vult, aut quatuor numos argenteos in elemosinā dare, aut quatuor hominibus subuenire, quod in actibus malis certum est. Non enim centum peccata committit, qui centum furari vult. Alius modus dicendi esse potest circa hæc obiecta esse vnum actum, compositum tamen ex tot partibus, seu bonitatibus partialibus, quot sunt obiecta materialia. Sed iam sepe improbaui hanc compositionem in his actibus, quæ certe maximè est superflua in ordine ad hæc obiecta materialia inter se omnino discreta.

Dicendum est ergo quando res materialiter diuersæ (licet in se sint distinctæ) tamē voluntati simul proponuntur per modum vnius obiecti adæquati, & sub vna ratione boni, tunc tantum esse in actu voluntatis vnam numero bonitatem simplicem, & indiuisibilem in sua entitate. Probatur, quia hæc bonitas actus est substantialis eius entitas, & tendentia in obiectum: sed tunc voluntas vnico impetu, & inclinatione tendit in totum illud obiectum per modum vnius: ergo realiter est in voluntate vnicus simplex actus: ergo vnica eius bonitas ex obiecto. Et confirmatur à sufficiente enumeratione, quia ibi non sunt plures actus, nec compositio ex pluribus partialibus actibus propter rationes factas: ergo est vnica simplex entitas actus: ergo est vna numero & simplex bonitas.

Vnde infero, quocumque alio modo varietur hoc obiectum materiale, siue in toto, siue in parte, variari totum actum voluntatis quoad indiuiduam entitatem eius, & bonitatem, quia in voluntate creata non potest intelligi de nouo aliquid velle, quod antea nolebat: aut aliquid non velle quod antea nolebat, nisi facta aliqua mutatione in ipsa, & in actu eius: si ergo in obiecto, seu re voluta aliqua mutatio fit, necesse est, vt fiat in actu, quia tunc voluntas aliquid de nouo vult, vel non vult: ergo fit mutatio in toto actu. Patet consequentia quia non potest fieri mutatio in parte eius: non enim habet partes entitatuas, vt dixi neque etiam fieri potest in aliquo modo, vel ratione formali

V. Quoad distinctionem numericam. Primus dicendi modus.

2. Modus.

VI. V. vnus modus.

VII. Ceteri tres ex dictis.

acci-



accidentali, quia per suam entitatem simplicem, & indiuidualem tendit in totum illud obiectum: necesse ergo est, ut mutatio fiat in toto actu, & hoc sensu dici potest bonitatem actus quoad vnitatem numericam sumi, seu pendere ex obiecto materiali eodem numero, nā ab illo determinatur voluntas ad hunc singularem actum adiunctis aliis conditionibus: oportet autem per obiectum materiale intelligere non vnam tantum, vel alteram rem, sed totum illud in quod per modum vnius adæquatæ materiæ voluntas hic & nunc versatur, ut magis declarabitur ex his, quæ sequente disputatione dicemus.

## DISPUTATIO V.

### De bonitate actus interioris ex circumstantiis.



Ondistinguiamus hic, ut sæpe admonui, circumstantias à fine extrinseco, de quo *disputatione sequenti*, & supponimus omnes distinctiones circumstantiarum supra traditas tract. 2. disput. 5. Præcipue tamen in tota hac disputatione aduertendum est circumstantias, quæ possunt ad bonitatem actus interioris conferre, interdum sumi posse ex parte obiecti, interdum ex parte ipsiusmet actus interioris & priores vocabo semper obiectiuas, posteriores vero circumstantias ipsius actus.

## SECTIO I.

### Virum actus interior, ut sit simpliciter bonus, requirat bonitatem aliquam ex circumstantiis.

I.

Ratio dubij pro parte affirmatiua est, quia, teste Aristotele, humanus actus versatur circa singula: ergo non potest esse humanus actus ex obiecto bonus, nisi habeat in particulari circumstantias bonas, quia bonum ex integra causa; ergo non potest esse simpliciter bonus, quin à circumstantiis habeat bonitatem: sicut enim non potest esse substantia creata sine accidentibus; ita neque actus humanus sine circumstantiis: sicut ergo non potest esse substantia perfecta, nisi ab accidentibus sibi debitis habeat perfectionem aliquam, ita neque actus voluntatis potest esse simpliciter bonus, nisi à propriis circumstantiis habeat bonitatem. Vnde multi Theologi actum ex obiecto bonum, & carentem bonitate circumstantiarum, dicunt non esse simpliciter bonum, neque honestum, sed tantum secundum quid, scilicet ex genere, vt loquitur Magister in 2. d. 30. & ibi Bonauentura dubio 5. circa textum, & ibi Scotus, & distinct. 40. & quodlib. 18. Gabr. ibi. & in 3. d. 23. Henr. quodlib. 13. q. 10. Fauet D. Th. 1. 2. q. 28. art. 4.

M.

In contrarium autem videtur fieri non posse, vt actus interior habeat bonitatem ex circumstantiis, nam D. Thomas 1. 2. q. 19. art. 2. docet habere illam ex solo obiecto. Quod potest etiam ratione probari, quia actus interior non habet à circumstantiis substantialem, & (vt ita dicam) entitatiuam bonitatem, quia hæc tota sumitur ex habitudine actus ad obiectum, nam tota entitas actus interioris habet hanc habitudinem. Rursus

Suarez in primam secundæ D. Thom.

neque potest habere à circumstantiis augumentum huius bonitatis, quia neque hoc augumentum potest esse extensiuum, quia huiusmodi genus augmenti non habet locum in actibus internis, vt sæpe dixi, neque etiam intensiuum, quia hoc ad summum saluari potest in circumstantia, *Quomodo*, quæ se tenet ex parte actus ipsius, non vero in aliis circumstantiis, quæ non intendunt ipsum actum; præsertim in circumstantiis obiectiuis, ex quarum additione poterunt quidem multiplicari actus interni, per quos voluntas in illas circumstantias tendat, non tamen videtur augeri bonitas vnius, & eiusdem actus. Nec denique potest hoc augmentum esse solum per denominationem extrinsecam, & moralem ælimationem, quia, vt supra dixi, hæc denominatio in præsentem solum habet locum per informationem, seu imperium vnius actus ab alio. Hic autem modus denominandi pertinet ad circumstantiam finis, non verò ad alias, de quibus nunc agimus.

Dicendum primò, vt actus voluntatis sit bonus simpliciter, non necessariò requirit obiectiuas circumstantias proprias, à quibus accidentalem bonitatem, seu augmentum bonitatis accipiat. Declaratur & probatur, nam, vt Scotus notauit *locis citatis*, & Gabr. in 2. d. 40. notab. 1. Conrad. q. 19. art. 2. Aliud est actum non habere circumstantias malas, aliud vero habere condiciones debitas tali actui, & obiecto ad honestatem eius: aliud denique habere proprias circumstantias bonas, à quibus accipiat augmentum bonitatis. Primum est absolutè necessarium, vt actus sit bonus simpliciter: non quia inde actus habet aliquam bonitatem, quia ex negatione actus mali, vel circumstantiæ malæ præcisè sumpta, nulla bonitas accrescit, sed quia *bonum ex integra causa, malum ex quocumque defectu*. Vnde fit, illud etiam, quod secundo loco est positum esse necessarium, vt actus interior sit bonus simpliciter, tamen, vt supra dictum est, conditiones illæ, quæ sunt simpliciter necessariæ ad honestatem obiecti, non sunt circumstantiæ, sed pertinent ad specialem, & specificam honestatem: & ideo quamuis ex talibus conditionibus obiecti accipiat honestatem, illa non potest dici ex circumstantiis sumpta, sed ex obiecto.

Iam ergo probatur conclusio quæ proprie procedit in tertio membro supra posito. Primò inductione: nam vt actus sit bonus, necesse non est ex tempore, aut loco habeat specialem aliquam conformitatem, sed satis est, quod in his circumstantiis nulla sit deformitas, aut conditio inproportionata actui: & idem facile intelligitur in circumstantia, quis, circa quid, & quibus auxiliis, nam neque in persona operante, neque circa quam sit operatio, neque in instrumento actionis, necessaria semper est huiusmodi specialis conditio specialiter aliquid conferens ad bonitatem, præter id quod est necessarium simpliciter ad essentiam actionis. In circumstantia autem quid, & quomodo facilius, ac frequentius reperitur aliquid quod possit conferre ad augmentum bonitatis, quia quantitas obiecti sæpe recipit magis, & minus, & similiter modus actionis: tamen neque hoc est simpliciter necessarium, vt patet de actu circa obiectum omnino simplex, qualis est amor Dei. Item in aliis actibus possit intelligi minima quædam materia, aut determinatus operandi modus simpliciter necessarius ad honestatem actionis, qui iam non habet rationem circumstantiæ, sed conditionis essentialis. Et hinc est facilis ratio conclusionis; quia cum hæ circumstantiæ sint præter rationem obiecti, nihil repugnat dari obiectum nudum, & absque vlla

III.

1. Assertio  
negatiua.

Præmittitur triplex membrum assertionis.

IV.

Assertio probatur quoad 3. membrum in quo procedit.



ex his circumstantiis : ergo si voluntas circa illud versatur, habebit bonitatem ex obiecto absque bonitate ex circumstantiis; ergo facit actum simpliciter bonum. Patet consequentia, quia talis actus habebit bonitatem specificam sine vlla malitia; quia licet circumstantiæ tales sint, ut non dent bonitatem, possunt tamen esse impertinentes, quæ non dent malitiam; ergo relinquunt actum simpliciter bonum. Et ita non procedit contra hanc assertionem, prior ratio dubitandi, neque autores ibi citati loquuntur in particulari de actu interiori, sed in communi, vel de exteriori. Quod si loquantur de interiori, intelligendi sunt quando deest actui aliqua conditio necessaria ad honestatem simpliciter: quod vero fieri possit, manente eodem actu interiori, postea dicemus.

V.  
2. Assertio.

Dicendum secundo interdum posse actum interiore habere aliquam bonitatem ex circumstantiis obiectiis proprie sumptis: quamuis respectu eiusmodi actus semper induant rationem obiecti individualis (ut si dicam) Prior pars est communis sententia, & per se clara, nam certum est velle dare centum in eleemosynam, esse meliorem actum, quam velle dare decem. Quod augmentum bonitatis non est de essentia specifica talis actus, & sumitur ex circumstantia. Quid, & idem est in aliis. Ratio est, quia ex huiusmodi circumstantiis potest obiectum fieri dignius, & conformius rationi: ergo, & actus poterit inde habere maiorem bonitatem, quam ratio specifica præcisè sumpta postulet. Confirmatur, nam hac ratione duo actus eiusdem speciei ex obiecto possunt esse inæquales in bonitate stante eadem intentione, & libertate ex parte operantis; provenit ergo illa inæqualitas ex circumstantiis obiecti. Posterior autem conclusionis pars sumitur ex D. Thoma citato in posteriori ratione dubitandi *num. 2.* & illam etiam ad summum probat ratio ibi facta, quæ nunc sufficit, quia maior intelligentia huius partis pendet ex *section. sequenti, num. 8.* ubi explicabimus duo alia dubia, quæ hic peti possunt, scilicet, quid sit in actu voluntatis hæc bonitas sumpta ex circumstantiis: & an sumatur tantum huiusmodi bonitas ex circumstantiis augentibus bonitatem intra eandem speciem, vel etiam ex iis, quæ addunt novam speciem bonitatis.

VI.  
3. Assertio.

Vltimo dicendum in actu interiori semper reperiri aliquam circumstantiam ex parte ipsius actus, quæ conferat illi bonitatem aliquam. Hæc conclusio præcipue verificari potest in circumstantia *quomodo*, nam semper in actu aliqua est intentio, ratione cuius habet actus aliquam bonitatem, quæ potest dici accidentaliter, quatenus sine illa posset servari illa species. Solum posset quis fingere dari minimum in intentione huiusmodi actus, & consequenter in tali actu minimo, nullam esse specialem bonitatem ex hac circumstantia, sed fortasse neque physicè verum est, vel saltem non moraliter, quod nobis est satis. Potest autem hinc colligi eiusmodi bonitatis augmentum non oriri ex ipsa ratione bonitatis, sed solum ex naturali modo operandi ipsius voluntatis, quæ licet liberè operetur, tamen supposito quod operari vult, numquam adhibet minimum conatum. Ideo dici solet de circumstantia *quando*, prout spectat ad intrinsecam durationem ipsius actus, quod eadem proportionem explicandum est. Quomodo autem hæc circumstantia augeat bonitatem, dicemus infra, quia longiorem petit quæstionem. De aliis autem circumstantiis, non solum necessarium non est, ut augeant bonitatem ex parte actus in-

terioris, sed etiam raro contingit, ut in *sectione 3.* latius patebit.

Ad rationes dubitandi satis patet ex dictis.

## SECTIO II.

*Quomodo in voluntate esse debeant circumstantiæ obiectivæ, ut conferant bonitatem actui interiori, & quales sit illa bonitas.*

Certum est, ut circumstantia conferat bonitatem, necessarium esse, ut sit voluntaria. In hoc enim omnes Doctores conveniunt, quia tota honestas humani actus pendet ex voluntate, & ideo, quod voluntarium non est, non potest dare, neque augere bonitatem ipsius voluntarij. Item mala circumstantia obiecti non dat malitiam voluntati nisi sit voluntaria: & ideo ignorantia invincibilis excusat, ut hic D. Thomas. ad tertium docet: ergo multo magis requiritur hoc voluntarium ad bonitatem. Patet consequentia: quia bonum est perfectius, & integram causam ad perfectionem requirit: & quia sicut effici-mur mali voluntate, ita & boni saltem loquendo de bonitate actuali.

Difficultas autem est, quale esse debeat hoc voluntarium: an scilicet sufficiat, aut indirectum, aut voluntarium in alio, vel certè requiratur voluntarium directum, & in se, ita ut circumstantia bona non augeat bonitatem actus interioris, nisi in se sit præiusta, & intenta. Aliquibus enim videtur nimis rigorosum hoc posterius requirere: & ideo existimant sufficere quodcumque voluntarium: quod potest probari primo, quia si quis voluntarie omittat actum contrarium præcepto, etiam si id directè non velit positivè actu, aliquam laudem meretur: ergo illud voluntarium indirectum sufficit ad aliquam bonitatem moralem: ergo similiter sufficere poterit in circumstantia obiecti. Primum autem patet ex illo Ecclesiastici 31. *Qui potuit transgredi, & non est transgressus*: hoc enim aliquam laudem continet, & potest fieri sine positivè actu, nam si quis passus iniuriam à proximo, & tentationem patiens de sumenda vindicta, sciens, & videns se se continere per solam suspensionem actus, satis voluntarie implet præceptum, & non parvam difficultatem vincit: est ergo ibi aliqua bonitas cum solo voluntario indirecto. Secundò quod saltem sufficiat voluntarium in alio, videtur exemplo declarari, nam si quis prævideat ex actione sua, v.g. lectione, fore consequendum magnum animarum fructum, & cum hac scientia simpliciter velit illam actionem, etiam si directè non intendat illum fructum: nihilominus illa voluntas erit melior, quia re vera est virtualis voluntas illius effectus: nam si effectus esset malus, id satis esset, ut virtualiter volitus censeretur: cur ergo non erit idem de effectu bono? Item quia, moraliter loquendo, ille effectus voluntati, & actioni meæ tribueretur: ergo illa voluntas ratione talis effectus erit digna maiori laude, quia vnumquodque bonum, eo modo quo volitum est, confert ad laudem, & honestatem. Tertio, quia alias numquam poterit actus interior à circumstantiis mutari speciem habere bonitatem: quia si illæ circumstantiæ sint per se, & directè intentæ, non dabunt bonitatem priori actui, sed novum actum constituent, iuxta principia posita disputatione præcedente: ergo si non sufficit voluntarium indirectum, nullo modo poterunt

I.  
Certum in hac quæstione circumstantiis debere esse voluntarias.

II.  
Dabunt vero quoque voluntarij.



terunt dare bonitatem priori actui. Consequens autem est contra communem modum sentiendi omnium, & præsertim contra D. Thomam 1. 2. *quest. 18. artic. 10. ad 3.* ubi dicit circumstantiam interdum constituere actum in specie boni, & mali. Item quia ieiunium factum ex voto, censetur melius simpliciter, & similiter voluntas illius, cum tamen illa circumstantia mutet speciem. Denique, quia circumstantiæ mutant speciem, dant malitiam actui interiori; ergo & bonitatem, quia privatiuè opposita versantur circa idem.

## III.

1. *Affertio*  
contra præcedentem  
sententiam.

Contraria tamen sententia multo magis probatur. Et primo statuo circumstantiam obiectiuam, ut conferat bonitatem actui, debere esse præscitam directè, & consideratam, non tantum materialiter, ut talis est, sed etiam formaliter in quantum aliquo modo honesta est, vel ad honestatem confert. Probatur, quia nisi sit ita considerata, nullo modo poterit esse voluntaria, ut est honesta, quia *nihil volitum, quin præcogitatum*; ergo nec poterit dare honestatem actui interiori. Probatur ex fundamento posito in initio sectionis: & quia hæc circumstantia non concurrat ad bonitatem actus, nisi cum obiecto, & aliquo modo per modum obiecti. Dices satis esse quod potuerit considerari, licet non fuerit actu considerata, sicut in malis dici solet: sed hoc non rectè dicitur, quia ex his, quæ possumus præcisè non laudamur, neque habemus bonitatem moralem, sed ex his, quæ agimus. Vnde posse considerare bonum, & non considerare, potius pertinet ad imperfectionem, quam ad bonitatem: quare negatio actionis, ut sic & præcisè sumpta in vniuersum non affert bonitatem, ut infra dicam: multo tamen minus quando actio, quæ negatur, vel est bona, vel de se est principium bonitatis, cuiusmodi est ipsa consideratio. Confirmatur ex differentia inter bonitatem, & malitiam: malitia enim interdum imputatur propter inconsiderationem, quia ipsa inconsideratio est etiam culpabilis: at vero inconsideratio circumstantiarum, & bonitatis earum non est laudabilis, sed vel est mala, vel ad summum indifferens, quando non est simpliciter necessaria ad prudenter iudicandum: ergo non ita potest sufficere inconsideratio ad bonitatem, sicut ad malitiam. Præterquam quod cum ad malitiam sufficiat defectus, rectè intelligitur ex defectu oriri posse, qualis est inconsideratio: bonitas autem requirit causam perfectam, quia in perfectione consistit: & ideo inconsideratio honestæ circumstantiæ, ut sic, non potest ad honestatis augmentum deferuire.

## IV.

2. *Affertio.*

Dicendum secundo. Ut circumstantiæ obiecti conferant actui interiorem bonitatem, necesse est non solum, ut sint præuisæ, sed etiam ut sint in se aliquo modo volitæ, & intentæ quatenus honestæ sunt. Hoc sumo ex D. Thoma, & aliis supra citatis, ad probandum obiectum honestum non conferre actui bonitatem nisi sit volitum, & intentum, ut tale est, & alia D. Thomæ testimonia infra referam. Prima ratio conclusionis sumitur ex dicto principio, quod obiectum honestum debet esse, ut sic, intentum, ut actus ex tali obiecto sit honestus: ergo similiter circumstantia obiecti honesti debet esse, ut sic, intenta, ut actus ex illa habeat honestatem. Probatur consequentia tum à paritate rationis: tum etiam, quia huiusmodi circumstantia non confert actui interno honestatem, nisi in quantum augeat bonitatem obiectiuam totius obiecti, atque ita pertinet ad integritatem obiecti indiuidualis, ut supra dicebam.

Suarez in primam secundæ D. Thomæ.

Secunda ratio, quia actus interior voluntatis duobus modis intelligitur habere bonitatem, vel malitiam à circumstantiis. Primo realiter per physicam tendentiam, vel habitudinem actus ad talem circumstantiam. Secundò solum per quandam moralem imputationem, quomodo dicitur occidere, qui non defendit, cum teneatur: sed bonitas non attribuitur actui per solam imputationem: ergo per veram, & realem tendentiam, & habitudinem voluntatis ad talem circumstantiam: hæc autem habitudo non est nisi per actum quo voluntas velit illam circumstantiam, vel obiectum: & hoc ipsum est illam in se directè intendi. Minor, in qua est vis argumenti, sic declaratur: & probatur: nam duo sunt, quæ possunt attribui moraliter voluntati, vnum negatio, vel omisio: aliud positivus actus. Primum non sufficit ad bonitatem, quia in sola negatione non consistit bonitas, quia nullam perfectionem, ut sic, affert. Secundum vero non attribuitur moraliter voluntati: nisi quando intercedit præceptum aliquod, ratione cuius tenebitur homo aliquid agere, vel omittere, ne alius effectus sequeretur, ut constat ex supra tractatis de voluntario, quod habet locum in malis, non in bonis: quare mali effectus imputantur homini hoc modo, non tamen boni: oportet ergo, ut in se sint voliti, ut homo illos efficiendo, fiat bonus: & idem est de cæteris circumstantiis.

## VI.

Tertia ratio, quia in his circumstantiis non sufficit voluntarium merè indirectum, quod est per negationem actus voluntatis, cum posset illum habere stante aduertentia: quia hæc carentia actus, ut sic, non ponit perfectionem in voluntate. Vnde nec bonitatem: nam hæc duo conuertuntur: item quia ex vi talis negationis actus, ad summum potest esse indirectè voluntaria carentia alterius actus materialiter sumpta. Hoc autem non satis est ad honestatem voluntatis, quia circa illudmet materiale obiectum posset versari voluntarium indifferens, vel etiam malum. ergo illud voluntarium indirectum, ut sic, non potest asserre bonitatem formalem. Exemplo declaro vim argumenti, nam non occidere proximum, licet de se possit esse obiectum bonum, tamen materialiter sumptum potest etiam amari actu indifferenti, vel malo, ut si quis vellet non occidere proximum ex timore infamiae, est actus ex obiecto indifferens: & ex alio motivo malo, erit malus: ergo indirectè velle hoc obiectum per solam negationem actus voluntatis, de se non est magis determinatum ad hoc, quam ad illud mortuum: ergo solum intelligitur versari circa illud materiale, ut sic: ergo illud ut sic, non sufficit ad actualem honestatem, quare egregie D. Thomas 2. 2. *question. 69. artic. 1. ad 2.* dixit, illam partem iustitiæ, quæ est *declinare à malo*, non esse merè negatiuè, aut privatiuè intelligendam, sed prout includit actum voluntatis positivum, quo aliquis vult non facere malum, quia *per solam* (inquit) *negationem mali actus vitabit quis penam, nihil tamen merebitur, nec iustitiam aut bonitatem habebit.* Huiusmodi ergo voluntarium indirectum per negationem actus non sufficit ad honestatem.

Rursus neque etiam sufficit voluntarium in alio: quod etiam dici solet voluntarium indirectum per actum positivum terminatum tantum ad aliud obiectum directè volitum: quia hoc etiam voluntarium indirectum numquam imputatur, nisi ratione alicuius privationis actus, quæ deberet inesse, & non inest, scilicet quia deberet voluntas non versari circa vnum obiectum, ne aliud sequeretur: quod, ut dixi, non habet locum in bonis.

## VII.



Deinde quia velle obiectum in se habens honestatem, non propter honestatem, sed propter delectationem, non est satis ad honestatem actus, ut saepe dictum est: & tamen ibi videtur honestas volu a in alio, scilicet in ipso obiecto materiali: ergo si ibi non sufficit, multo minus in aliis effectibus, vel circumstantiis. Vis argumenti patet recepto exemplo; nam si coniux velit actum maritalem ob solam delectationem, ibi videtur virtute velle legitimam procreationem filiorum, & tamen ille actus nullam habet honestatem ex obiecto, sed potius malitiam venialem; ergo idem est de reliquis. Præterea potest in hoc membro fieri eadem proportionalis ratio, quæ in priori in num. præced. quia hæc voluntas indirecta in alio tantum materialiter attingit illud etiam secundum moralem attributionem, quia ex se nullum determinat motuum: ergo, ut sic non sufficit ad honestatem specialem inde sumendam. Ultimo quia huiusmodi effectus, vel circumstantia volenda in alio, est in se directe præiussa, vel non. Si non, iam ostensum est, non posse dare honestatem: si verò est directe præiussa, interrogo cur non sit directe volita. Nulla certè ratio reddi potest, nisi quia voluntas non vult: cur ergo in hoc dicitur voluntas bene facere, aut cur hoc deseruiet illi ad augmentum bonitatis.

**VIII.** Ex his intelligitur, quod præcedente sect. in fine num. 5. in hanc remissi, quid scilicet sit hæc bonitas ex circumstantia in actu interiori: nam qui putant sufficere ad hanc bonitatem voluntarium indirectum, solum dicunt consistere in quadam morali imputatione, non quod aliquid ponat in actu. Nobis necessario dicendum est, esse ipsam realem entitatem actus, ut directe, & realiter terminatam ad talem circumstantiam: quia sine hac reali, & physica tendentia non potest intelligi talis circumstantia vere, & realiter volita, sed tantum permissa: sola autem permissio non facit bonum permittentem, quia nec permissio mali: si præcisè maneat in ratione permissionis, constituit malum permittentem, nisi quando intercedit aliquod præceptum prohibens talem permissionem, vel præcipiens impedire effectum, vel circumstantiam, ratione cuius præcepti illa permissio transferatur in rationem voluntarij indirecti secundum communem estimationem moralem, & imputationem, quod non habet locum in bonis & ideo oportet, ut bonitas ex circumstantia participetur à voluntate, ut volente directe per actuale, & realem tendentiam in illam.

**IX.** Vtlerius vero interrogari potest primò, utrum illa realis tendentia sit aliquid in re distinctum à substantia actus tendentis in obiectum. Aliqui enim existimant esse vel modum realem physicum, vel entitatem partialem. Quod facile impugnari potest ex principiis positris disputatione præcedenti. Dicendum ergo est non esse aliquid distinctum in re, sed esse ipsam realem entitatem actus indivisibilis, quæ talis est ut in individuo non solum attingat obiectum nudum, sed etiam talem circumstantiam ipsum afficientem. Quod potest intelligi duob. modis. Primò, quod actus ita directe attingat utrumque, ut illa respiciat quasi duo partialia obiecta æquè primò constituentia integrum obiectum, ut cū vno actu volo succurrere tribus pauperibus: non enim fingendum est in illo actu esse vnam partem, quæ terminatur ad vnum pauperem, & aliam, quæ ad alium: sed totus ille actus terminatur ad totum obiectum, & ad singulas personas illius, ut ad partes eius. Secundo modo, ut voluntas tendat in obiectum quatenus est tanta bonitate affectum ex conjunctione omnium circumstantiarum, quas veluti

in obliquo attingit, ut si quis velit orationem, factam in Ecclesia, considerans illam orationem, ut meliorem, & gratiorem Deo ex illa circumstantia, quamvis per actum voluntatis non recta tendat in illam circumstantiam loci, sed in orationem ut sic propositam, id satis est, ut ex circumstantia habeat bonitatem, quia iam attingit illam, ut reddit obiectum obiectivè melius, nam inde fit, ut actus etiam ipse sit melior.

Et hinc intelligitur quod supra dicebamus, has circumstantias obiectivas in tantum conferre ad bonitatem actus interioris, in quantum aliquo modo constituunt obiectum individuale illius. Sicut enim individuum in re ipsa non distinguitur à natura specifica, ita etià hæc bonitas ex hac circumstantia non distinguitur à bonitate specifica. Quare non mihi displicet modus loquendi aliquorum, qui dicunt has circumstantias, licet dicantur accidentia respectu rationis specificæ, tamen respectu individui esse quasi substantialia principia: quia suo modo concurrunt ad individuale constitutionem talis actus, quod est verum in actibus bonis, & in quibuscumque aliis quoad speciem, & entitatem positivam actus: quoad speciem verò malitiæ, vel augmentum eius, non est verum, ut suo loco dicemus.

Atque hinc etiam fit eundem numero actum non posse esse magis, vel minus bonum ex his circumstantiis obiectivis, quamvis esse possit ex circumstantiis, quæ immediate afficiunt ipsum actum interiorem, ut postea dicemus. Ratio vero est, quia hic actus interior est indivisibilis, ut attingens obiectum cum his circumstantiis, ut dixi: ergo non potest minui, seu dividi secundum eam habitudinem, quæ habet ad tale obiectum cum circumstantiis: alioqui posset pars eius tolli, & pars manere: quomodo ergo dicebatur indivisibilis? Et eadem ratione augeri non potest per additionem aliquam, quæ cum illo faciat compositionem, quia, ut saepe dixi, nulla talis compositio reperitur in his actibus: quandocumque ergo voluntas plura, vel pauciora amplectitur in obiecto, mutat totum actum, aut addit novum. Vnde sub eadem specie potest unus actus esse melior alio ex his circumstantiis: non tamen idem actus potest in individuo esse magis, vel minus bonus ex hoc capite.

Secundo hic vulgaris quaestio fieri potest, & solui, scilicet, quia videtur posse actum voluntatis habere infinitam bonitatem ex aliqua circumstantia, v.g. ex circumstantia *Quid*: Patet sequela, quia si quantitas obiecti augeat bonitatem actus: ergo si in obiecto ponatur infinita quantitas, erit in actu infinita bonitas. Verbi gratia, velle subvenire vni pauperi est aliquid bonum, velle subvenire duobus, est malus: ergo si quis affectu velit subvenire infinitis hominibus, vel infinitas divitias elargiri, habebit inde actus infinitam bonitatem. Solet communiter responderi, non bene colligi, quia cum pervenitur ad infinitum, non possunt esse cætera paria: vel quia obiectum infinitum magis confusè proponitur, & concipitur per modum unius, vel quia voluntas non potest æquali efficacia in illud tendere, sed ad summum affectu quodam conditionato, quia illud obiectum non potest proponi, ut possibile.

Hæc tamen non satisfaciunt, quia nihil repugnat hæc omnia sumi cum æquali proportionem, scilicet quod quælibet quantitas finita proportionatur etià confusè, & per modum unius: nam etiam maior quantitas sic proposita augebit bonitatem actus: ergo etiam infinita quantitas sic proposita, proportionaliter augebit: vel è contrario, si quantitates finitæ proponantur distinctè, & clarè:

*Anditæ bonitas redistinguitur ab ipso actu interiori.*

X.

XI.

XII.

XIII.



elae: fieri etiam potest per scientiam superiorem, ut infinita quantitas eodem modo proponatur, & cognoscatur. Similiter ex parte voluntatis servari potest proportio ex modo affectus, scilicet quod circa quantitates finitas, & infinitam non sit simpliciter efficax affectus, sed solum quantum est ex parte operantis, nam hic idem affectus erit melior ex maiori quantitate obiecti, vel e contrario circa aliquid infinitum, potest etiam voluntas efficax dari. Vnde totum argumentum urget optime in Christo Domino, qui potuit habere pro obiecto cuiusdam voluntatis efficacis infinitam satisfactionem distinctissime, & clarissime propositam: nam licet ad satisfaciendum, vel finire, vel infinite non oporteat habere ipsam satisfactionem pro obiecto, sed satis sit exercere actum poenalem cum omnibus conditionibus requisitis ad satisfaciendum: nihilominus non repugnat tendere directe in ipsam satisfactionem, ut in obiectum quoddam, quod cum sit bonum, dabit actui interiori bonitatem: ergo quo fuerit maior satisfactio posita in obiecto, erit maior bonitas in actu: ergo si illa fuerit infinita, ut fuit in Christo, habebit actus voluntatis infinitam bonitatem: quia neque ex parte intellectus aliquid deest, cum sit clarissima, & distinctissima propositio: neque ex parte voluntatis, cum sit efficax & operatiua, & re ipsa habeat effectum.

XIV.

Satisfactio  
facilitati in  
n. 13.

Tamen ex principiis positis facile respondetur. Solum enim concluditur illum actum in ea specie habere individualement quendam entitatem meliorem, quam sit quolibet alia, quae versetur circa obiectum finitum, ceteris paribus. Haec autem perfectio non indicat infinitatem simpliciter, quia tota entitas illius actus simpliciter finita est tam essentialiter, quam intensius: extensius autem nullam in se habet quantitatem, seu quantitatis modum cum indivisibilis sit, & ideo nullo ex capite potest esse infinita simpliciter, secundum quid tamen, & obiective potest dici infinita, quia attingit obiectum infinitum, & quia excedit ex hoc capite, & ceteris paribus quemlibet actum intra illam speciem, & illud obiectum constitutum, etiam in infinitum crescat, & multiplicetur. Quomodo amor Dei dicitur infinitus respectu amoris cuiuscumque creaturae, & de visione Dei idem diximus suo loco.

XV.

Instantia.

Diluitur  
consideratis  
actibus in  
sua bonitate  
entitativa.

Dices saltem concedendum esse illum actum aequivalere infinitis actibus, quia faciendo comparisonem inter finita obiecta, voluntas dandi decem aureos in elemosynam aequivaleret decem actibus circa unum aureum: ergo similiter, &c. Respondetur hanc comparisonem, seu equivalenciam vix posse intelligi in quo consistat, saltem secundum physicam entitatem, quia omnes illi actus in individuo habent suam propriam, & individualement perfectionem: quare non apparet quomodo unus actus possit aequivalere multis formaliter & entitate sua. Quoad effectum autem, & quoad efficaciam dandi elemosynam, concedo unum actum aequivalere multis: & eodem modo in actu circa infinitum si sit absolutus, & efficax, ut fuit in Christo Domino, concedo habere effectum infinitum: & hoc modo aequivalere infinitis actibus: si vero sit actus inefficax, proprie non poterit habere huiusmodi modum afficiendi, siue sit circa obiectum finitum, siue circa infinitum. Denique si comparatio sit moralis, v.g. si dicatur unus actus aequivalere multis in merito, non videtur mihi necessarium unum actum volendi dare centum, esse aequale merito centum actibus dandi unum, quia licet

Deinde con-  
sideratis in  
ratione me-  
riti.

quantitas obiecti sit aequalis, tamen multitudo actuum potest multum ad meritum conferre. Et idem maiori ratione dicendum est, quando illa multitudo actuum obiective tantum sumitur, nam si quis habeat in principio diei unum actum voluntatis, quo velit illa die exercere centum actus patientiae, non tantum meretur illo unico actu, quantum postea exercendo illos centum actus, quia obiectum non transfundit in actum totam bonitatem, quam in se habet: quia non est forma intrinseca, sed solum terminus extrinsecus: & ideo amor Dei non est tam bonus, sicut ipse Deus. Et ibi etiam procedit alia ratio, quia ipsa multiplicatio actuum auget bonitatem, & meritum.

Denique hinc etiam interdum fieri potest, ut in obiecto non proponatur determinata quantitas, & tamen in actu sit determinata bonitas. Ut, v.g. si quis velit dare in elemosynam quidquid habet in manu, nesciens quanta sit illa quantitas, tunc voluntas illa habere debet certam, & determinatam bonitatem, quia est individua entitas simul tota existens in re. Vnde Deus scit quanta bonitas sit illa in illo actu, quantumque meritum illi respondeat: quia licet quantitas obiecti, ut proposita, & cognita sit operanti, sit incerta, tamen habitudo ad illud sic propositum, est certa, & indivisibilis: & ideo in ratione obiecti, & termini talis habitudinis est quid sufficienter determinatum ad conferendam tantam bonitatem, quae reuera tunc non pendet ex determinatione quantitatis, quam obiectum habet in re, quia illud est respectu operantis casuale, & contingens: solum ergo ex hoc pendet, quod tali modo operandi talis bonitas respondet ex vi talis actus voluntatis, qui necessario sit operando tali modo.

Ex dictis est facilis responsio ad rationes dubitandi in num. 2. Ad primam responsio iam est negando assumptum: ostensum est enim numer. 6. solum carentiam actus mali non sufficere ad bonitatem, nisi ad sit positiva voluntas non operandi male. Ad secundam respondetur, voluntatem causae si terminetur ad illam, ut causa est, seu quatenus virtute continet effectum, ut sic sumere quidem bonitatem ex virtuali illa voluntate effectus, quia illa voluntas virtualis effectus tunc non est solum per interpretationem, seu imputationem moralem, sed per formalem voluntatem tendentem ad effectum, vel in se, vel ut contentum in virtute causae. Voluntas autem rei, quae est, vel esse potest causa, vel occasio alterius effectus, si nullo modo terminetur ad illum effectum, nec est, nec dici potest virtualis voluntas eius, sed tantum permissio eius. Cuius signum est, quia illa eadem omnino voluntas posset manere, licet invincibiliter ignoraretur talis effectus.

Tertium argumentum est difficilius, & petit specialem difficultatem, an scilicet actus voluntatis habens unam speciem bonitatis, possit habere alias quasi superuenientes à circumstantiis: nam argumenta ibi facta videntur partem affirmantem persuadere. Et videtur favere Tridentinum sess. 14. cap. 3. & canone 7. quatenus docet inveniri posse in actibus moralibus circumstantias mutantes speciem. Nec refert, quod loquatur de actibus malis, nam, ut dicebam in ipso 3. argumento, videtur esse eadem ratio de bonis, cum opposita debeant fieri circa idem. Item in exemplo potest ostendi, quia velle dare elemosynam pauperi sacerdoti, est actus melior ex illa circumstantia personae circa quam, non est autem melior, nisi per additionem bonitatis specie distinctae, quia illa circumstantia pertinet ad aliam virtutem

XVI.

Bonitas de-  
terminata  
in actu su-  
mi potest ex  
obiecto inde  
terminato.

XVII.

XVIII.



tem, scilicet religionis, cum tamen actus quoad substantiam suam pertineat ad misericordiam:

XIX.

Nihilominus opinor has omnes circumstantias obiectiuas, quatenus tales circumstantiae sunt, nunquam conferre actui interiori distinctam speciem bonitatis: & quoad hoc potest illa sententia esse vera, quae docet circumstantiam, ut sic non dare speciem actui interiori, quod significat D. Thomas 1.2. *quest.* 18. *articul.* 5. & 10. & *quest.* 19. *articul.* 2. & *quest.* 72. *artic.* 9. & *quest.* 2. de malo *artic.* 6. Quibus locis licet in communi loquatur de actibus bonis, & malis, tamen, ut infra dicam, in malis non oportet verificari quoad id, quod est negatiuum, vel priuatiuum in actu, sed quoad speciem positiuum, per quam fere semper D. Thomas explicat specificationem illorum actuum. Ratio nostrae opinionis est, quia illa circumstantia, quae mutat speciem, non potest dare bonitatem actui interiori, nisi per se sit intenta, & directe secundum suam honestatem: si autem hoc modo intendatur, constituit propriam, & entitatiuum speciem actus suae virtutis, quae non potest coalescere in eandem entitatem cum alio actu alterius virtutis specie distinctae, ut ex dictis disputatione praecedente facile probari potest. Praeterea si honestas obiecti praecise sumpti, & honestas circumstantiae mouent voluntatem: ergo sunt ibi duo motiua specie distincta. Vel ergo aequae proximae, & immediate mouent, & sic constituent duos actus, sicut specie, ita & re distinctos, & adiuuantes, & mutuo separabiles, quia potest voluntas ex vno illorum operari, & non ex alio, & e conuerso. Si autem non aequae proximae mouent, vnum habebit rationem motiui proximi, & alterum rationem finis remoti: & ita non specificabit, ut circumstantia, sed ut finis, & obiectum. Tandem in superioribus diximus non posse vnum actum interiorem habere duas bonitates specie diuersas intrinsecas, & reales ab eodem materiali obiecto sub diuersis motiuis, seu honestatibus obiectiuis in illo existentibus: ergo multo minus poterit has duas bonitates specie distinctas ab obiecto & circumstantia mutante speciem sortiri. Probatur consequentia, quia tunc in illo obiecto, non solum inveniuntur diuersa motiua per se sufficientia ad distinctionem actuum, sed etiam in illo materiali obiecto est aliqua diuersitas, quatenus vnum includit conditionem, & circumstantiam, quam non includit aliud.

XX.

Ad D. Thomam respondetur, in hoc loco, & aliis huius *quest.* 18. locutum esse in communi de bonitate, & malitia formali, vel obiectiua, & abstrahendo ab actu interiori, vel exteriori: quare non est necesse omnia quae dicit verificari de actibus internis quoad bonitatem formalem, sed singulis rebus applicanda sunt iuxta earum capacitatem. Aliis vero locis agit de actibus ex obiecto, seu formali motiui actus, ut *locis supra citatis*, & in 1.2. *quest.* 72. *artic.* 9. & 2.2. *quest.* 53. *artic.* 2. ad 3. & *quest.* 92. *artic.* 2. Ad Tridentinum fatemur in actibus mali sumi posse distinctam speciem malitiae a circumstantia mutante speciem, vel addente illam, licet non sit per se intenta, nec habeat rationem finis seu motiui. In quo est magna differentia inter bonitatem, & malitiam, quia ad bonitatem necessarium est voluntarium directum, ad malitiam vero sufficit indirectum: neque est necessaria habitudo, seu tendentia realis, ac physica voluntatis in talem circumstantiam, sed sufficit moralis imputatio. Vnde licet malitia, & bonitas versentur circa idem, non tamen eodem modo circa vnum. Ad exemplum adductum re-

spondetur illud esse verum per concomitantiam actuum bonorum, si altera bonitas sit per se intenta, ut finis remotus, altera ut proximus. Vel denique interdum accidere potest, sicut in superioribus dixi, quod ex coniunctione circumstantiae sufficientis ad dandam nouam speciem bonitatis, alia bonitas obiectiua etiam in propria specie censeatur melior, & maioris aestimationis, ut quod ieiunium] praecceptum non solum in ratione obedientiae, sed etiam in ratione temperantiae melior sit, & hoc modo habebit actus ab illo obiecto tali circumstantia affecto, maiorem bonitatem, tunc tamen illa circumstantia proprie non concurrat, ut mutans, vel addens speciem, sed ut agens bonitatem intra eandem speciem.

Vltimo ex dictis a fortiori inferitur, actum qui versatur circa idem obiectum indifferens, nunquam posse habere bonitatem a circumstantia ut circumstantia est, sed necessarium esse, ut sit intenta, aut per modum finis, aut per modum proximi obiecti, & motiui. Quod plane docet D. Thomas *locis citatis*, & probatur rationibus factis, quia ut actus interior fiat bonus ex tali circumstantia, necesse est, ut honestas obiectiua, quae in illa existit, vel resultat illa posita, sit per se intenta per actum bonum: ergo debet intendi per modum finis vel remoti, vel proximi, qui coincidit cum obiecto. Denique propter hoc dictum est circumstantiam necessariam ad primam bonitatem actus, non esse proprie circumstantiam, sed conditionem essentialem actus moralis, neque in hoc occurrit noua difficultas.

## S E C T I O III.

*Quomodo circumstantiae actus interioris, quae immediate ipsum afficiunt, debeant esse voluntariae, ut dent bonitatem: & quae sit talis bonitas.*

Ratio dubii esse potest, quia videtur necessarium has etiam circumstantias intendi per modum obiecti per se, & directe voliti: nam D. Thomas 1.2. *quest.* 19. *artic.* 2. absolute negat actum interiorem habere bonitatem a circumstantia ut sic, sed ab obiecto solum: ergo quidquid dat bonitatem huic actui ex quocunque capite, oportet, ut induat rationem obiecti saltem indiuidualis, scilicet quoad hoc, ut sit in se, & directe volitum obiectiue. Confirmatur primo a paritate rationis, nam si in circumstantiis obiecti hoc est necessarium, cur non in aliis. Rationes enim factae *sect. praecedente* aequae videntur hic procedere, scilicet, quia bonum ex integra causa: & quia bonum non est per solam imputationem, sed per realem tendentiam voluntatis. Confirmatur secundo, quia haec circumstantiae non conferunt actui malitiam, nisi sint voluntariae saltem indirecte, vel in alio. Hac enim ratione, qui habet votum castitatis, si omnino est illius voti oblitus, quamuis contra castitatem peccet, non habet malitiam ex illa circumstantia quae, quia tunc neque indirecte est voluntaria: ergo ut det bonitatem requiritur voluntarium directum, & insequi a magis ad bonitatem, quam ad malitiam necessarium est.

In contrarium autem per extremum videtur nullum voluntarium etiam indirectum requiri, ut haec circumstantiae conferant bonitatem. Quod probatur breuiter inductione. Nam qui bene operatur omnino ignorans statum suum, scilicet, An sit in

XXI.

I.  
Arguitur  
debere esse  
directe vo-  
luntas.

II.  
Arguitur id  
non oportere.



sit in gratia, vel in peccato, si sit in gratia mereatur. Vnde necesse est ut ex illa circumstantia quis, accrescat actui aliqua bonitas, & tamen illa circumstantia non est voluntaria villo modo, cum omnino sit ignorata. Idem videre licet in circumstantia quando, quoad durationem intrinsecam: nam homo fere semper ignorat quantum duret in actu suo interiori: & nihilominus illa duratio tantum auget bonitatem, quantum ipsa est. Idem est de circumstantia quomodo, quoad intentionem. Et in his omnibus, ut minimum est certum tales circumstantias non esse obiectiue, & per se intentas, quia neque consideratæ sunt, neque cognitæ: ergo non sunt voluntariæ directe: sed in bonis nullum est voluntarium indirectum, quia hoc vel tantum est per priuationem actus, vel per imputationem ratione prohibentis precepti, ut supra argumentabar: ergo nullo modo sunt voluntariæ. Idem argumentum fieri potest de circumstantia quomodo, quantum ad libertatē maiorem, vel minorem. hæc enim auget bonitatem, & tamen non est per se volita, nec cogitata maior libertas. Atque huc spectat circumstantia quibus auxiliis: interdum enim actus interior est magis, vel minus bonus, quia sit cum maiori, vel minori auxilio gratiæ, quod tamen totum sit homine ignorante, & præter voluntatem saltem quoad antecedentia auxilia.

III. In hac quaestione primo omittamus circum-

stantias quid, & circa quid, & circumstantias loci, & temporis extrinseci: nam duæ priores continent obiectum ipsum, & ideo nunquam circumstant actum interiore non ex parte ipsius, sed solum ex parte obiecti: duæ autem posteriores, quamuis videantur posse afficere intrinsece ipsum actum: nam actus etiam interior fieri potest, aut in Ecclesia aut extra: & in die festo, vel alio: tamen hæc circumstantiæ respectu ipsius actus semper sunt indifferentes, nisi transeant in rationem obiecti. Cuius signum sufficiens est: quia si conditiones harum circumstantiarum omnino ignorentur, nihil possunt ad honestatem actus conferre. Ratio autem esse videtur, quia hæc circumstantiæ sunt valde extrinsecæ, præsertim respectu actus interioris, & ideo nisi terminent aliquo modo ex parte obiecti habitudinem talis actus, nihil ei conferunt. Superest ergo dicendum de circumstantia quis, & quomodo. Sub qua comprehendimus circumstantiam quibus auxiliis, & circumstantiam quando, prout dicit intrinsecam durationem actus. In quibus nulla est differentia de circumstantiis mutantibus, vel non mutantibus speciem, quia ut videbimus, omnes hæc circumstantiæ ad summum possunt augere intra eandem speciem quatenus intrinsece actum afficiunt.

IV. Est autem secundo obseruandum, quod supra dictum est, in actu interiori aliud esse bonitatem actus, aliud vero moralitatem: nam bonitas sumitur ex habitudine ad obiectum, seu finem: moralitas ex libertate. Vnde fit posse actum augeri, vel minui ex circumstantiis quoad moralitatem, & non quoad bonitatem, quia idem actus secundum eandem habitudinem ad obiectum potest esse magis, vel minus liber propter maiorem vel minorem aduertentiam, aut antecedentem inclinationem. Vnde quia bonitas actus non attribuitur operanti ad laudem, vel meritum, vel alias similes proprietates morales, nisi quatenus habet libertatē, vel moralitatem coniunctam: fieri potest, ut licet ex circumstantiis non augeatur bonitas actus in se realiter, ac physice, augeatur quodammodo respectu operantis secundum morale æstimationē, vel imputationē.

Vltimo aduertendum, aliud esse loqui de rectitudine, & honestate actus interioris propriè sumpta, quatenus dicit rationem virtutis, quæ bonum facit operantem: aliud esse loqui de proprietatibus quibusdam moralibus, quæ oriuntur, seu fundantur in honestate ipsius actus, adiunctis alijs conditionibus personæ operantis, & modi operandi, quales sunt laudabilitas actus, meritum, seu valor moralis, quem habet actus ad aliquos effectus: quæ proprietates sunt aliquo modo perfectiones ipsius actus, & dignitates quædam morales, & ut sic dici possunt, late loquendo, quædam morales bonitates: propriæ tamen non sunt bonitas illa formalis, de qua agimus, quia illæ, ut sic, non faciunt moraliter operantem bonum, & honestum, sed supponunt potius, & honestatem consequuntur.

### Resolutio tituli quoad circumstantiam

Quis.

His positis de circumstantia quis duobreniter dicenda sunt: vnum est non augere rectitudinē, & honestatem actus interioris, nisi trāseat in rationem obiecti: ut sit directe voluntaria modo exposito sectione precedente. Probatur, quia hæc circumstantia personæ non est intrinseca ipsi actui interiori, nec per se spectat ad modum operandi morale, qui ex cognitione intellectus, & facultate voluntatis penderet: sed est extrinseca actui interiori: ergo per se ipsam non potest dare honestatem, & rectitudinem: ergo solum, ut terminus alicuius habitudinis actus ad ipsam: ergo solum per modum obiecti, quia actus non habet immediatam habitudinem, nisi ad obiectum, vel ad ea, quæ illud componunt. Confirmatur primo, quia hæc honestas nunquam est in actu voluntatis, nisi sit voluntaria, ut probant quæ adduximus sectione precedente: ergo oportet, ut sit voluntaria, aut per modum actus, aut per modum obiecti, sed circumstantia quis, non potest esse voluntaria per modum actus, ut per se constet, quia est omnino extra actum, & extra modum eius: ergo per modum obiecti. Tandem hoc etiam confirmat signum supra num. 3. adductum de vbi, & quando, quia si hæc circumstantia quis, ignoretur nullam conferet bonitatem: quia nec malitiam conferre potest: signum ergo est debere esse voluntariam, & non indirecte, ut probat ratio dubii facta in principio num. 1. nec per modum actus, ut dictum est: ergo directe per modum obiecti. Neque in hoc est noua difficultas, quia facile intelligitur posse operantem se ipsum respicere, ut obiectum suæ voluntatis, & velle dignitatem, seu conditionem suæ personæ ad opus applicare.

Secundo dicendum, posse actum interiorem habere ex circumstantia quis, aliquem valorem, seu dignitatem morale, licet talis circumstantia non sit voluntaria: sed solum operatio ipsa. Patet exemplis, nam idem actus fidei, vel amoris est meritorius si sit à persona grata, non verò ab existente in peccato. Ut autem hoc habeat actus, sicut non pendet à cognitione, ita nec à voluntate operantis, quæ circa illam circumstantiam versetur. Nam licet quis omnino non cogitet de merito, nec de statu suæ personæ, an sit grata, imo quamuis hæc prorsus ignoret, reuera merebitur suis actibus coram Deo. Sicut ergo ad merendum non est necessarium, quod ipsum meritum, ut sic, sit voluntarium, & intentum, sed tantum quod honestas actus meritorii sit intenta, ita non est necesse, quod volun-

V.  
3. Obseruatio.

VI.  
1. Assertio.

VII.  
2. Assertio.



tas intendat suum actum esse formatum per gratiam personæ operantis, sed solum, quod re ipsa ita sit, supposita alioqui honestate actus. Vnde iuxta opinionem D. Thomæ, idem actus contritionis, pro ut natura antecedit gratiam tanquā dispositio, non est meritorius de condigno: & tamen in eodem instanti, statim, ac persona fit grata, fit ille meritorius de condigno gloriæ: & tamen illa gratia infusio non est cogitata, aut cognita, nec in se voluntaria, sed à Deo solo prouenit. Hoc etiam confirmat exemplum Christi Domini, cuius opera habuerunt infinitum valorem moralem ex conditione personæ, non ratione voluntarij, sed ratione infinitæ dignitatis ipsius personæ, quæ per se ipsam informabat ipsos actus. Quinimo si illa dignitas personæ solum cōtulisset valorem per modum obiecti voluti, reuera non dedisset valorem infinitum, quia actus ex habitudine ad obiectum infinitum non habet bonitatem infinitam: quia ipsa habitudo finita est, ut patet in amore Dei, & in actibus, quibus Beata Virgo offerebat filium suum, & totam dignitatem personæ eius pro salute hominum: nā ille actus obiectiue respiciebat infinitam dignitatem personalem Christi Domini: ex quo neque infinitam dignitatem, nec infinitum valorem habebant. Actus ergo Christi habebant infinitatem ex dignitate personæ, non ut ex obiecto, sed ut ex forma morali per se ipsam immediate informante, & significante tales actus, non quia voluntaria est, sed quia talis est. Vnde existimo cæteris paribus eundem valorem habitura opera Christi, etiam si ipse suam vnionem hypostaticam ignoraret: quia etiam tunc opera illa essent Dei, & consequenter re ipsa Deificata per vnionem: quia hoc non pendet ex cognitione, vel scientia operantis: & tamen operum valor inde sumitur.

## VIII.

Ratio à priori sumenda est ex differentia inter hunc valorem moralem & rectitudinem, seu honestatem actus: quia per honestatem fit homo rectus, & studiosus, quod intrinsece pendet ex cognitione, ac voluntate, quia voluntate efficitur boni, aut mali: at vero dignitas, seu valor operis formaliter non constituit bonum, & studiosum, sed resultat potius ex honestate operationis adiunctis aliis conditionibus & circumstantiis. Vnde solum pendet à voluntate in quantum honestas in qua fundatur. Et ideo ad hunc valorem non est necessaria voluntas omnium circumstantiarum, & conditionum, quæ ad illum requiruntur, sed solum voluntas obiecti honesti. Declaratur, nam sicut posito actu libero, potest ex illo naturaliter resultare, verbi gratia, habitus, vel aliquid simile sine noua scientia, aut voluntate operantis, ita potest ad illum consequi proprietas aliqua moralis, quamuis ipsa non sit intenta per se, nec voluntaria in se: & huiusmodi est hic valor ad merendum, vel satisfaciendum: ad hunc ergo conferre potest conditio personæ operantis, absque nouo voluntario.

*Resolutio quoad circumstantiam,  
Quomodo.*

## IX.

## 1. Assertio.

Secundo loco agendum est de circumstantia quomodo, quæ distingui potest, nam quædam est physice, & realiter attingens actum voluntatis, ut est intentio. Alia solum moraliter pertinet, ut est maior aduerrentia, maior passio antecedens. Dicendum est ergo primo ex circumstantia quomodo, quoad intentionem augeri bonitatem

actus physice, & naturaliter. Probatur ex d. ctis, quia in actibus ex obiecto bonis, de quibus agimus, bonitas est ipsa entitas actus: sed per intentionem augetur realiter hæc entitas in ordine ad idem obiectum: ergo augetur intrinsece, & realiter ipsa bonitas actus. Patet consequentia, quia sicut primus gradus dicit habitudinem ad tale obiectum, & ita bonus est, ita secundus, & tertius, & omnis alius similem dicit habitudinem: ergo quilibet gradus per se ipsum, & intrinsece est realiter habens maiorem bonitatem, quod totum augmentum manifeste est intra eandem speciem, cum sit in ordine ad idem formale obiectum. Vnde eo modo, quo quis opinatus fuerit de hoc augmento intensiuo quoad entitatem, etiam opinari debet quoad bonitatem, quod scilicet fiat per additionem, vel per maiorem radicationem, vel per vtrumque simul.

Atque ex hac ratione intelligitur veritatem hanc non discordare à D. Thoma dicente, actum interiorem tantum sumere suam bonitatem ex obiecto: nam hæc bonitas, quæ sumitur ex intentione, etiam sumitur ex obiecto: quia sicut absoluta entitas actus dicitur bona ex obiecto, quamuis per suam entitatem bona sit, quia illa entitas respicit obiectum tanquam terminum sue habitudinis, & specificationis: ita idem actus secundum totam intensiōem suam, quæ nihil aliud est, quam quædam integritas entitatis eius, & est in se magis bonus per illam entitatem, quam per intensiōem acquirit, & tamen totam bonitatem habet ex obiecto, quia etiam terminus habitudinis, quam totus ille actus secundum totam entitatem, & omnes gradus habet, est idem obiectum: licet enim non requiratur in actu tantam, vel tantam intensiōem, tamen secundum totam honestatem suam diligibile est tota illa intensiōe: & ita ex honestate illa obiectiua sumitur honestas formalis in tota illa intensiōe.

Sed quæres, vtrum actus ex obiecto bonus, possit fieri malus ex intensiōe actus, nam si hoc fieri potest, falsum erit intensiōem, ut sic, per se conferre ad honestatem. Videtur autem id accidere posse, quia sicut in aliis circumstantiis virtus consistit in mediocritate, ita etiam in intensiōe: ergo ex nimia intensiōe potest actus fieri malus, etiam si cætera non mutantur, ut si proximus tanta intensiōe diligitur, sicut Deus. Et ratio esse potest, quia sicut vnum obiectum est melius alio, ita secundum rectam rationem videtur maiori intensiōe appetendum, quam aliud: ergo si minimum bonum maxima intensiōe ametur, erit actus inordinatus. Vnde de ipsa iustitia dicit Scriptura Eccles. 7. 17. *Noli esse iustus multum.*

Respondetur non posse actum priuari bonitate, quam habet ex obiecto propter intensiōem tantum: imo fieri non posse, quin ex eo capite bonitas semper augeatur. Quia ratio facta nu. 9. formaliter, & vniuersaliter concludit: necesse est enim intensiōem actus tendere in idem obiectum formale, à quo solo pendet hæc bonitas. Item quia quodlibet bonum honestum, ut sic, secundum rectam rationem diligi potest toto conatu, quem voluntas adhibere potest, quia totus ille est proportionatus tali obiecto, & ex natura rei, non est prohibitus, nec per se loquendo impedit aliquod bonum debitum rationali naturæ. Vnde in exemplo posito, diligere proximum tanta intensiōe, sicut Deum, non est malum: imo habitus charitatis de se est æque intensus respectu vtriusque, & de se inclinat ad eliciendum omnem actum secundum omnem latitudinem, & efficaciam.

Vide autorem  
de Incarn.

X.

XI.

XII.



efficaciam suam: minori ergo bono non debetur minor intensio actus, sed actus minus nobilis secundum substantiam: sicut in naturalibus nobiliori formæ non semper debetur dispositio magis intensa: sed solum melior dispositio in specie, vel alia ratione, licet in intentione possit esse æqualis. Dixi autem actum non amittere bonitatem, quam habet ex obiecto propter intentionem, nam aliud est inquirere, an ex accidenti possit illi coniungi aliqua malitia occasione intensiois; ut si ex nimio affectu ad actum non præceptum, etiam bonum omittat præceptum: sed hoc etiam habere potest locum in actu remisso in substantia ipsius actus, de quo dicemus postea.

XIII.

Sed adhuc quæret aliquis an eadem proportionem augeatur bonitas actus, qua augeatur gradus intensiois, ita ut actus, ut quatuor, æquiualeat quatuor gradibus, ut vnum. Respondetur comparationem fieri posse vel physicè, & in genere entis, vel in ordine ad effectus morales, ut sunt meritum, &c. Priori modo pendet comparatio ex quæstionibus physicis. Vtrum gradus intensiois sint omnino eiusdem rationis, & æqualis latitudinis, & quomodo in eis sumenda sit: quæ non sunt nobis disputandæ: videantur dicta in Metaph. Solum est illa regula seruanda, ita esse loquendum de bonitate, sicut de entitate, & ad minimum videtur certum, actum duplo intensiorem æquiualeare imperfectione duobus actibus remissis æqualibus: superare etiam in physica efficacia in ordine ad habitum, quia intendit illum, quod non possunt facere actus remissi, si iam habitus sit intensus vsque ad latitudinem vniuscuiusque. Probabile etiam est actum intensiorem excedere in perfectione indiuiduali suæ entitatis secundum illos gradus, in quibus superat actus remissiores. Et propterea non possunt actus remissi, licet in infinitum multiplicentur, ad illam perfectionem, & bonitatem attingere.

XIV.

At verò iuxta secundam comparationem moralem dicendum est, secundum variam æstimationem, & considerationem posse vnum actum intensum aliquando superare plures remissos, interdum verò plures remissos superare intensum. Nam si in vno solo actu intenso tot sint gradus bonitatis intensi, quot sunt extenti in multis actibus: videtur valde probabile illum vnum actum pluri valere moraliter, quam omnes alios simul sumptos, quia in numero ponitur æqualitas: & alioqui probabile est gradus intensiois habere maiorem quandam perfectionem indiuidualem. Et præterea ipse actus intensus maiorem difficultatem moralem habet in quantum sit per modum vnius maioris impetus. Vnde etiam aptior est ad perficiendam voluntatem. Nihilominus tamen potest esse multitudo remissorum actuum, ut moraliter excedat vnum intensum: nam in ordine ad morales effectus multitudo multum confert: imò interdum fieri potest, ut actus plures imperfectiores in bonitate specifica superent in merito, & in valore actum essentialiter perfectiorem, sicut è cōtrario fieri potest, ut furtum in magna quantitate sit maius peccatum quoad demeritum, quam vnum homicidium, licet quoad essentialem malitiam sit semper inferioris speciei: ergo multo magis poterit intensio multitudine actuum com. ensari, præsertim quia in ipsa multiplicatione actuum est quædam moralis difficultas ad perseverantiam pertinens, quæ potest augere æstimationem moralem: sic enim facilius

est vno momento superare grauem tentationem, quam frequenter, & continuè vincere plures leuiiores. Non igitur potest generalis regula tradi, sed omnia pensanda sunt, nam ex vtroque capite potest esse excessus.

Secundò dicendum est, ut actus voluntatis augeatur ex intensioe, non esse necessarium, ut ipsa intensio sit voluntaria per modum obiecti, sed satis esse quod sit voluntaria per modum actus. Probatur, nam in primis, ut voluntas intensius, & remissius operetur, non oportet, ut intellectus directè cogitet de intentione, quin potius stante eadem omnino, directæ cognitione obiecti potest voluntas intensius, & remissius operari, ut videtur ipsa experientia notum, & ratione, quia scilicet proposito obiecto voluntas est libera ad operandum, & non operandum, ergo etiam est libera ad intensius, & remissius operandum, quia hæc eiusdem rationis sunt. Item quia si voluntas potest operari circa obiectum, sic præcisè propositum directè absque reflexione supra intensioem actus: ergo aliquid determinate potest operari: ergo cum aliqua intensioe, quia non potest actus fieri sine aliqua intensioe, ergo cum maiori, vel minori intra latitudinem efficacitatis ipsius, quia non est maior ratio de vna intensioe, quam de alia. Tandem actus voluntatis semper in re habet determinatam intensioem, quam non potest determinare intellectus, quia non cognoscit quanta sit in re, ergo gradus intensiois non determinatur in actu voluntatis: potest ergo esse intensio maior, vel minor in actu voluntatis, quamuis non sit directè obiectiue voluntaria, sed tunc augebit bonitatem actus: ergo, ut hæc circumstantia augeat, non est necessarium *directè voluntarium* per modum obiecti, sed solum per modum actus. Probatur minor, quia in illo actu aucta est entitas voluntaria, & libera in ordine ad idem obiectum honestum, ergo aucta est bonitas, iuxta dicta in præcedente conclusione. Secundo est euidentis ratio, quia, ut actus voluntatis absolute, & quoad substantiam sit bonus ex obiecto, non est necesse, ut sit voluntarius per modum obiecti propositi reflexè, ut per se est euidentis, alioqui & procedendum esset in infinitum, & actus interior non esset per se bonus, sed tantum per denominationem ab alio, sicut exterior, quod supra ostensum est esse impossibile: ergo idem dicendum est de tota intensioe actus. Probatur consequentia, quia intensio non est distincta à substantia, & entitate actus, sed est quædam integritas illius. Vnde in actu intenso non potest assignari aliquid quod per se sit voluntarium, & aliquid quod sit voluntarium per aliud, sed vnusquisque gradus per se est voluntarius, & quælibet pars, imò quodlibet indiuisibile cuiuscunque gradus, quia eadè est ratio de omnibus, quia omnia sunt à voluntate per modum actus elicitati totaliter, aut partialiter. Vnde intelligi nō potest quod substantia actus sit bona hoc ipso quod est voluntaria per modum actus, quin tota intensio sit eodem modo bona cum eodem *voluntario*.

Et hinc primo colligitur facilè differentia inter hanc circumstantiā & supra tractatas. Nā aliæ non cōferunt ad bonitatem per se ipsas dando actui entitatē, sed solum, ut terminātes habitudinē actus ad ipsas. Et ideo necesse est, ut sint voluntariæ per modū obiecti. At vero intensio dat actui ipsam entitatē, per quā voluntas tendit in obiectum voluntariè, & tantū esse debet eo modo voluntaria, quo ipse actus. Hinc secundo facile solui-

XV.

2. Assertio.

XVI.



soluitur ratio dubitandi quantum ad hoc spectat: nam præter *voluntarium directum*, & indirectum obiectiuè quod in illa ratione proponitur datur voluntarium per modum actus, quod reducitur ad voluntarium directum: & virtualiter reflexum: reperiturque in solo actu elicito à voluntate, ut suprà dictum est. Et consequenter in tota intensiōe eius, quia tota est à voluntate elicita. Ad hoc autem voluntarium non est necessaria directa cognitio ipsius actus, vel intensiōis eius in se ipso, sed sufficit practica cognitio obiecti per modum diligibilis. Et hæc pars confirmari etiam potest rationibus factis in priori parte, præsertim illa, quod intensiō actus tantum præcisè auget bonitatem; quantum ipsa in re est: & tamen sæpe ab operante non cognoscitur præcisè quanta sit: & consequenter nec directè intenditur per modum obiecti, non est ergo hoc necessarium: neque vllum Theologorum inuenio, qui contrarium docuerit, nec rationem probabilem, quæ id suadeat.

XVII.  
3. Afferit.

Dicendum tertio. Circumstantia *quomodo*, quæ consistit in morali modo operandi liberè, & modo humano, non auget physicè, & intrinsecè bonitatem actus, sed potest augere morales proprietates eius in ordine ad operandum, scilicet, ut illi tribuatur ad maiorem laudem, vel meritum. Vtrumque facile est ex principiis positis. Primum, quia actus omnino idem quoad entitatem, & habitudinem ad obiectum potest magis, vel minus liberè exerceri absque sui mutatione, solum ex maiori aduertentiā rationis: vel quia procedit ex maiori vel minori antecedente inclinatione: ergo hic modus operandi non variat intrinsecè bonitatem actus; nam hæc consistit in ipsa habitudine actus ad suum obiectum. Vnde dicebamus suprà eundem actum charitatis, qui prius liberè fiebat, si postea necessariò continuètur, retinere eandem bonitatem, licet non retineat eandem moralitatem: ergo multo magis potest actus fieri magis, vel minus liberè cum eadem intrinseca bonitate, sicut habitus virtutis æquè intensus æquè bonus est, siue sit liberè acquisitus, siue omnino ab extrinseco datus. Secunda autem pars constat, quia ad meritum, vel laudem, aut similes proprietates non tantum confert bonitas actus, sed etiam libertas: quia hæ proprietates cum sint morales, non consequuntur actum tantum, ut est quoddam ens, sed etiam ut actus moralis est: ergo aucta moralitate actus, possunt & ipsæ augeri. Item quia aliud est actum esse bonum, aliud verò attribui operanti: nam illud prouenit ex obiecto, & habitudine ad illud: hoc verò ex modo operandi, qui includat libertatem. Potest autem idem actus magis, vel minus attribui operanti ad laudem, & meritum ex diuerso modo, quamuis intrinseca habitudo ad obiectum eadem sit, præsertim, quia etiam ille modus operandi pertinet ad perfectionem hominis, & operationem eius, quatenus humana est.

XVIII.

Dices. Ergo diuina gratia diminuit meritum vel laudem operationis, quia inclinando voluntatem minuit libertatem eius. Vnde tanto magis minuet, quanto vehementior fuerit gratiæ excitatio. Vnde fiet opera Christi Domini esse ex hoc capite minori laude digna, quia esto fuerint libera, saltem fuerunt minus libera, cum eius voluntas esset ad bonum de terminata. Respondetur ad priorem partem simpliciter negando sequelam, quia, ut suprà indicaui agendo de voluntario, gratia ita inclinat voluntatem, ut illuminet intellectum, & quoniam ex

utroque capite pendet libertas, potest magis ex cognitione, & illuminatione augeri, quæ ex inclinatione minuatur. Accedit quoddam licet ex eo capite aliquo modo minuatur indifferentia, augetur tamen perfectio operis. Et idem maiori ratione dicendum est in Christo quamuis negari non possit, quin aliquo ex capite, & secundum quid diminuantur proprietates morales ex hac parte. Nam in Christo Domino non habuit locum laus illa Ecclesiastici 31. *Qui potuit transgredi, & non est transgressus*: & in quocunque opere gratiæ minus habet homo, quod sibi attribuat, iuxta id 1. Corinthi 1. 4. *Quid gloriaris, quasi non acceperis?* & illud, *Non ego sed gratia Dei mecum*.

Vltimò dicendum est ad huiusmodi augmentum non esse necessarium *voluntarium indirectum* per modum obiecti, sed sufficere per modum actus. Declaratur, & probatur, quia hic modus operandi ex duobus pendet, ex perfecta aduertentia intellectus, & facultate voluntatis. Ad primum nullum voluntarium requiritur: nam si intellectus plenè aduertat, etiam si aduertentia sit prorsus naturalis, & antecedens prorsus voluntarium, potest ex illa oriri actu perfectè liber, & voluntarius. Atque ita contingit in operibus gratiæ, quando intellectus præuenitur, & illuminatur ante omnem concursum voluntarium: atque idem potest accidere in operibus naturæ. Ratio autem est, quia aduertentia intellectus non est principium libertatis voluntatis, eo quod ipsamet aduertentia sit libera, vel voluntaria: nam actus intellectus natura sua antecedit actum voluntatis, cum tamen liber esse non possit, nisi per denominationem, à voluntate. Neque etiam confert aduertentia ad libertatem, vel bonitatem actus voluntatis tanquam forma intrinseca efficiens ipsum, neque tanquam terminus, seu obiectum ad quod tendat directè actus voluntatis, sed solum tanquam applicans obiectum, & ostendens quid bonitatis, vel malitiæ in illo sit: ad hoc autem munus nihil refert quod ipsa aduertentia sit voluntaria, sed solum quod in suo genere sit perfecta, id est, quod perfectè manifestet obiectum secundum omnes rationes, quæ possunt voluntatem inclinare, aut retrahere.

Alterum principium erat facultas voluntatis, in qua etiam est influxus positius, in quo consistit ratio voluntarii, de quo iam dictum est per se esse voluntarium, & hoc sufficere: nam hic influxus, seu conatus in re coincidit cum intensiōe. Est præterea indifferentia voluntatis, quæ consummatur per potestatem non operandi, à qua actus denominatur liber: & de hac constat non oportere, quod sit obiectiuè voluntaria, ut actus denominetur liber, ut inde habeat laudem & meritum: ergo nec etiam ut sit magis liber, & magis laudabilis, est necessarium huiusmodi voluntarium, sed sufficit, quod in re ipsa hæc potestas, seu indifferentia voluntatis sit maior, & quod cum illa sic existente se applicet ad volendum. Consequentia patet à paritate rationis, & ex omnibus dictis de intentione, quæ hic applicari possunt. Antecedens constat, quia aliàs procedendum esset in finitum, vel sistendum esset in aliquo actu necessario, à quo non possunt subsequētes actus habere, quod liberi sint. Probatur quia si ad libertatem, & laudem actus necesse est, quod ipsa libertas sit obiectiuè proposita, & directè volita, quæro de illo actu, quo volita est, utrum sit liber, nec ne? Si non est liber, erit necessarius: ergo actus volitus, seu imperatus ab illo, non poterit ex eo capite esse liber. Si autem est liber, peto ulterius utrum eius libertas

XIX.

4. Afferit.  
Probatum  
parte intel-  
lectus.

XX.

Probatum  
etiam ex  
parte voluntatis.



si hoc affirmetur, iterum rogabo de illo, & procedetur in infinitum. Si autem negetur, concludimus ad actum liberum non esse necessarium libertatem esse obiectiue, & directe, volitam, & ita sistendum erit in primo actu libero. Ratio autem à priori sumenda est ex dictis supra de libertate, nam hæc denominatio non sumitur ab intrinseca entitate actus sola, neque ex habitudine ad obiectum, sed à potentia, quæ ita voluntarie se determinat, vt possit suspendere suum influxum: & ideo ipsa intrinseca ratio voluntarii cum potestate voluntatis sufficit ad hunc modum operandi, & proprietates morales, quæ ex illo resultant, vt à fortiori constat in malis actionibus.

*Resolutio quoad circumstantiam,  
Quando.*

XXI. *1. Assertio.* Tercio loco dicendum est de circumstantia *Quando* quoad durationem intrinsecam. De qua dicendum primo ex hac circumstantia non augeri intrinsecam, & realem bonitatem actus voluntatis. Probatur, quia dictum est hanc bonitatem nihil aliud esse, quam entitatem actus tendentis ad tale obiectum: sed hæc entitas non augetur: nec variatur ex vi huius durationis: suppono enim huiusmodi actum esse entitatem permanentem, quæ tota simul potest incipere, & durare: nam in his rebus duratio etiam est permanens, & indiuisibilis, id est, carens successione: ergo ex vi illius non potest fieri augmentum intrinsecum, & reale in bonitate actus: nam hoc intelligi non potest sine successione, & mutatione aliqua in ipsa entitate actus. Dices, in hac duratione posse augeri, vel minui entitatem actus, si potentia magis, vel minus conetur. Respondetur illud augmentum non pertinere ad circumstantiam durationis, sed intentionis: hic autem loquimur præcise ex vi durationis eius, quod incipit esse, & idem permanet: nam si aliquid ei addatur, illud vt sic, non dicitur proprie durare, seu permanere, sed superaddi, quamuis illud postea durare possit: & tunc de illo erit eadem ratio.

XXII. *2. Assertio.* Dicendum secundo hanc durationem, si modo nostro intelligendi, super coexistentiam ad nostrum tempus maior sit, non nihil conferre ad dignitatem, vel proprietates morales, quatenus illam bonitas actus tribuitur operanti ad maiorem laudem, vel meritum, quo plus illam conseruat, & in ea durat. Declaratur, nam duratio rei metaphysice, & realiter considerata, simul cum re incipit, nam vel est existentia eius, vel cum illa necessario proportionaliter coniuncta: si ergo consideretur actus voluntatis prout in primo instanti factus, in illo habet totam durationem suam, & sic nihil addit moraliter duratio illi actui: quidquid sit de physica, seu metaphysica distinctione, quia est omnino necessario coniuncta cum illo. Potest autem vltius considerari, vt perseverans, seu coexistens alicui tempori necessario, & vt sic, dicitur augere moralitatem, & æstimationem actus. Quod videtur manifestum ex communi consensu sapientium: quia melius esse putant longiori tempore in eodem actu amoris Dei, vel orationis durare, quàm breui: eadem autem ratio est de comparatione temporis ad instans. Item, quamuis Deus rem conseruando, in ea nihil nouum efficiat, præter id, quod fecerat producendo, sed solum in eadem actione perseveret: nihilominus maius est beneficium conseruationis, quam productionis, *Suarez in primam secundæ D. Thom.*

vt per se videtur notum: ergo similiter, licet voluntas conseruando suum actum nihil efficiat nouum præter id, quod fecerat producendo, nihilominus id est maius Dei obsequium, moraliter loquendo. Ratio vero à priori est, quia licet in illa perseverantia non fiat res noua, & tamen continuum quoddam exercitium libertatis, ratione cuius ille actus magis, ac magis tribuitur operanti, in quo est quædam moralis distinctio, & successio in hoc quod semper potest voluntas suspendere actum, quem conseruat: & ideo in hoc meretur maiorem laudem.

Sed contra conclusionem hanc, & vltimam rationem insurgunt Nominales, dicentes actum libere à voluntate elicitum pro aliquo tempore non libere, sed necessario conseruari, & ideo pro illo tempore nec physice, nec moraliter augeri bonitatem actus: transacto vero illo tempore quod vocatur continuationis necessaria: si vltius conseruetur: iam id libere fieri, & inde moraliter augeri. Quod argumentum fuit ab illis inuentum ad vitandum commune sophisma de infinito augmento meriti, vel demeriti, de quo postea. Ita Gregor. in 2. distinct. 3. quest. 1. artic. 2. ad 4. late Almaynus quest. de libero voluntario art. 7. 2. opinione, argumento tertio, idem indicat tractatu secundo, moralium cap. 9.

Hæc vero opinio duobus modis potest intelligi. Primo quod illa necessaria continuatio intelligatur per indeterminatum tempus. Et hoc quidem sensu, quidquid aliqui dicant, nullum habet in Theologia errorem, quia etiam si illa opinio admittatur, nihilominus fatendum est, post primum instans merendi vel peccandi, in quolibet instanti signato posse hominem desistere à peccando, & poenitere, &c. Quia ante quodlibet instans signatum potest voluntas desistere ab illo actu: quia potest tempus indeterminatum potest voluntas desistere ab illo actu, quia tempus indeterminatum non potest claudi inter duo instantia signabilia. Et in hoc sensu habet in Philosophia aliquod fundamentum hæc opinio, scilicet, quod res permanens non potest in eodem instanti desinere, in quo incipit, & in aliquo actu id videtur necessario admittendum, scilicet, quando actus voluntatis incipit esse coexistens tempori, & non instanti nostri temporis: absolute tamen id non est necessarium propter rationes quas statim insinuabo. Neque repugnat rem permanentem vno solo instanti nostri temporis durare, quod sit, & primum, & vltimum sui esse: nam ista duo non inuoluunt repugnantiam, neque ille modus desinendi repugnat rei permanenti. Neque est cur Deus v.g. necessitetur ad conseruandam rem aliquo tempore, quam in instanti produxit: verum licet in hoc sensu admitteretur hæc opinio, negandum non esset, quin in quodlibet instanti signato moraliter augeatur actus quandoquidem libere conseruatur: & ita nihil fere deseruiet ad vitandam difficultatem, quam soluere cupiunt.

Alio ergo modo intelligi potest de mora temporis certa, & determinata. Quo sensu multis videtur erronea hæc opinio, nam ex illa sequitur, esse signabile aliquod tempus, vel minimum, in quo non possit homo poenitere, sed sit obstinatus in malo, & consequenter si illud sit vltimum tempus vite, sequitur pro aliquo tempore dum adhuc viuit esse extra statum salutis. Præterea videtur hæc opinio contra Aristotelem 3. Ethicorum capite quinto, dicentem: Actuum nostrorum à principio vsq; ad finem domini sumus. Præterea est contra rationem, vt dicam, nec deseruiet ad soluendam difficultatem, quia

XXIII.  
Nominalium  
obiectio.

XXIV.  
Quo sensu  
dicta obiectio  
admitti  
possit.

XXV.  
Alter sensus  
obiectionis  
Nominalium  
impugnatur  
multipliciter.



licet demus esse aliquam morulam necessariæ continuationis, in qua actus moralis non crescat: si vero post illam conseruetur, iam crescit, & tunc si daret per aliud breue tempus, in illo erunt infinita instantia: & redibit eadem difficultas de augmento infinito in illis instantibus. Respondere possunt, vt significat Almaynus, hanc necessariam continuitatem non solum esse in prima morula, sed etiam in secunda, ita vt si post primam finitam incipiat ulterius conseruari, necessario per aliam morulam conseruari debeat: & sic de tertia, & reliquis. Sed hoc friuolum est, & improbabile: quia cum sequentes morulae non sint diuisae à prima cum qua continuantur, nulla potest probabilis ratio reddi illius continuationis necessariæ. Sicut in Philosophia dicitur, quamuis res naturalis terminetur ad minimum per se existens, non tamen inexistens: & ideo non est necesse, vt id quod additur minimo, sit illi æquale: Sic autem esset in præsentia. Ratio vero à priori est, quia nihil est quod necessitet voluntatem ad talem continuationem: nam si in instanti, in quo dicitur finita prima morula, potuit voluntas relinquere actum: ergo multo magis poterit in quolibet instanti, post illud: nam suppono aduertentiam intellectus esse eandem, & obiectum idem: quid est ergo quod inferat necessitatem: Quæ ratio etiam probat de quocumque minimo tempore, vel instante.

XXVI. 3. *Affertio.* Tertio, & ultimo dicendum, ad hoc augmentum non esse necessarium durationem actus esse obiectiue, & directe volitam, sed sufficere voluntatem per modum actus exerciti. Hoc probandum est eodem fere discursu, quem de intentione fecimus, nam in primis per se notum videtur, vt voluntas libere daret in actu, non esse necessarium intellectum cogitare de ipsa duratione, eamque proponere, vt obiectum in se volendum, quod satis constat experientia: & ratio est, quia sicut homo libere elicit actum non cogitando de libertate, nec de actu ipso, vt obiecto volendo, ita etiam potest libere conseruare sine illis reflexionibus. Item quia ille actus quandiu est, voluntarius est, quia intrinsece, & per se ipsum voluntarius est, & est à potentia, quæ ita illum conseruat, vt possit non conseruare: ergo etiam est liber quoad conseruationem suam: quia hæc libertas non consistit in denominatione ab illo actu, sed ab ipsa potentia: potest ergo actus magis, ac magis libere durare absque eo, quod duratio sit obiectiue voluntaria.

XXVII. Quod autem hoc sit satis ad morale augmentum actus patet, quia genus voluntarii sufficit ad primam, & quasi substantialem moralitatem actus: ergo etiam sufficiet ad morale augmentum eius. Item hoc probant rationes factæ in secunda conclusione: perseverantia enim in bono actu non censetur augere laudabilitatem operantis propter alium actum distinctum, quo ipsa perseverantia sit volita, sed propter conseruationem voluntariam, & liberam eiusdem operis: sicut dicebamus etiam de beneficio conseruationis. Quod patet primo, quia duratio hæc tantum in re ipsa auget bonitatem, quantum ipsa est in re, cum tamen non semper exacte cognoscatur: & consequenter neque obiectiue ametur, quantum reuera est, sed aliquanto magis, vel minus. Deinde, quia si solum conferret ad morales effectus quatenus voluntaria per alium actum distinctum: ergo non per se & intrinsece, sed solum per extrinsecam denominationem ab alio actu haberet hanc moralitatem, sicut de actu exteriori dicitur: quia ita

vnusquisque actus est laudabilis, sicut est voluntarius, & liber: hinc ergo fieret ipsam durationem per se nihil addere, sed aliam voluntatem durandi: quæ voluntas simul in vno instanti habebit totam laudabilitatem ex obiecto suo, quod ponitur esse duratio alterius actus. Vnde si habeat aliquis voluntatem amandi Deum per horam, & amare incipiat, non magis merebitur, neque operabitur in tota hora quam in principio. Patet, quia prior voluntas amandi Deum per horam, simul habet totam laudabilitatem suam, neque crescit per durationem, quia illa non est voluntaria per alium actum, alias procederetur in infinitum. Rursus neque amor ipse Dei crescit per durationem, quia solum dicitur crescere per denominationem extrinsecam ab alio actu, qui semper est idem physice, & moraliter: ergo nullius actus duratio confert ad bonitatem, & meritum cuius contrarium supponebatur. Præterea, vt multitudo actuum augeat morales effectus, non oportet, vt ipsa multitudo sit directe volita, sed vt in actu exercito sit libera, & voluntaria per modum actus: ergo quoad hoc eadem est ratio de duratione. Atque idem argumentum potest sumi ex intentione, nam sicut intentio est de intrinseca entitate actus, qui per se ipsum voluntarie, ac libere fit, & intenditur, ita & duratio est ipsa intrinseca entitas actus, quæ per se ipsam libere, & voluntarie conseruatur. Et hinc sumitur ratio differentiae inter hanc circumstantiam, & alias, quas vocamus obiectiuas, nam hæc non pertinet ad actum extrinsece, vt terminus alicuius habitudinis: sed est ipsamet entitas actus magis, ac magis durans; & ideo non auget per modum obiecti voliti per alium actum, sed per modum actus per se ipsum voluntarii.

Sed occurrit commune argumentum, quia hinc videtur sequi infinitum augmentum in hac bonitate, seu merito actus, quia actus liber in primo instante quo fit, habet aliquam bonitatem & meritum certæ quantitatis: sed non habet minorem in eodem instanti, in quo conseruatur. Patet, quia est idem actus, eadem actio, eadem aduertentia, & libertas: ergo erit æqualitas in morali effectus: ergo si hic effectus per infinita instantia multiplicetur, erit augmentum simpliciter infinitum, quia constabit ex infinitis partibus æqualibus. Neque quoad hoc est similis ratio de augmento quod fit in motu physico per singula instantia: quia ibi nulla quantitas effectus responderet vni instanti: hic autem in primo instante fit aliquis effectus alicuius quantitatis, & videtur idem fieri in quolibet instante conseruatio: quia nulla est resistentia, aut alia conditio, vnde minuatur.

Propter hanc difficultatem negant aliqui præcedentem conclusionem, & putant requiri ad hoc augmentum, vt duratio actionis sit directe cognita, & voluntaria. Et nunc respondent non esse infinitum augmentum, quia illa duratio non distincte, sed confuse cognoscitur per modum vnus, & eodem modo est voluntaria. Sed hic modus dicendi in primis dicit aliquid per se incredibile, vt argumenta facta ostendunt. Deinde non soluit difficultatem, nam primo inquirō, an si hæc duratio fuerit cognita eo modo, quo non cognoscitur potest, & voluntati proposita, & directe amata, & sic postea exercita, an [inquam] augeat bonitatem, ac meritum. Si non auget: ergo simpliciter perseverando in actibus bonis eo modo, quo nunc possumus, nec magis meremur, nec efficiamur moraliter meliores,

cuius

XXVIII. Communis obiectio contra proxime dicta.

XXIX. Vt à quibusdam euadatur.



cuius contrarium supponitur. Si autem auget, redit idem augmentum cum eadem proportionem, nam cum hoc genere cognitionis, & voluntarii aliquid respondet operationi, ut productum in primo instante: ergo cum eadem cognitione, & eodem voluntario aliquid quale respondet in singulis instantibus conseruationis: ergo illo modo nihil expeditur difficultatis. Et præterea in Christo Domino, vel in Angelo potest intelligi distincta cognitio totius durationis, & voluntas directa illi respondens, & non propterea erit augmentum infinitum, quia nec voluntas, quæ fertur ad durationem vnius horæ sic cognitam, potest esse infinitæ bonitatis, & meriti: quia habet obiectum simpliciter finitum: & licet esset infinitum, tamen obiectiue propositum non daret infinitam bonitatem actui finito, ut supra dictum est. Neque etiam actus ipse exercitus per horam, & quasi imperatus ab ipsa voluntate, potest habere infinitatem prædictam, quia neque ex se cum sit simpliciter finitum, neque per denominationem ab actu imperante, cum ille etiam finitus sit, ut est ostensum.

XXX.

Vera responsio per distinctionem

Mihi videtur distinguendam esse, moraliter loquendo, substantiam actus, ac perseverantiæ eius: & productionem, à conseruatione eius, & dicendum his duobus respondere distinctos effectus morales, & quasi diuersas bonitates, seu laudabiles morales. Quarum una non est cum altera confundenda, nam una est quasi substantialis, altera quasi accidentalis actui, & ut productum secundum substantiam respondet illa bonitas, quam ex vi suæ speciei, & indiuiduæ entitatis habet, & illi statim respondet certum meritum, & præmium, siue ille actus in instanti fiat, siue per coexistentiam ad nostrum tempus: & siue multo, siue paruo, imo etiam si nullo tempore conseruetur, sed tantum vnico momento duret: quia in illo simul habet totam suam bonitatem substantialem. Altera vero bonitas, [quam veluti accidentalem vocamus] respondet perseverantiæ in eodem actu: quia hoc est accidentale morale ipsius actus: hæc autem perseverantia intrinsece includit quandam modum successionis secundum coexistentiam ad nostrum tempus, & moralem valorem, quia perseverantia, ut sic, non potest intelligi tota simul. Vnde si quid meriti, vel præmii respondet huic perseverantiæ, non intelligitur augeri, nisi per modum successiuorum, & ideo licet aliquo tempore continuo augeatur, non fit augmentum infinitum: & secundum hanc rationem augmenti non respondet singulis instantibus aliqua pars aliquota, sed aliquod quasi continuatiuum illius augmenti: imo quoad hoc augmentum vnius instanti additio, vel diminutio non augeat valorem moralem, ut si quis perseveret in vno actu bono per horam vsque ad vltimum instans intrinsece, alius vero extrinsece, non minus merebitur hic, quam ille, quia ille terminus necessitate quadam consequitur in præmio.

XXXI.

Ad confirm. eiusdem objectionis in num. 28.

Quare non est quoad hoc eadem ratio de primo instanti productionis actus, nam tunc non est bonitas, nec meritum in actu ratione perseverantiæ, quæ nondum incepit intrinsece, sed ratione substantiæ, & productionis actus, quæ licet phyſice sit eadem actio cum productione, tamen moraliter habent diuersam rationem & diuersum exercitium libertatis: & ideo non oportet, ut si actus ex vi suæ substantialis productionis libere factus habet aliquem moralem valorem, ille æqualiter augeatur in singulis in-

Suarez in primam secundæ D. Thomæ.

stantibus conseruationis, & ita facile expletur tota difficultas tractata.

Solum superest incommodum: quod multis videtur maximum: nam sequitur plus mereri hominem interrompendo actum, & producendo alium similem, quam durando in eodem actu per æquale tempus, cæteris paribus. Consequens autem videtur falsum: ergo sequela. Probatur primo, quia dictum est non esse tantum valorem in singulis instantibus conseruationis, quantum in productione ipsa. Vnde sit posse esse maiorem valorem in sola productione indiuisibili, quam in aliquo tempore conseruationis, nam ille valor, qui correspondet productioni actus, est certæ, & determinatæ quantitatis, supposita determinatione in obiecto, intentione, & aliis, circumstantiis: valor autem, qui correspondet conseruationi, est maior in maiori tempore, cæteris paribus: vnde tantum potest diminui ex breuitate temporis, ut non adæquet alium valorem, & tamen si intra illud breue tempus fierent duo actus, essent æqualis valoris: ergo necesse est fateri intra aliquod tempus plus valere duos actus, quam vnum. Deinde videtur euidenter augmentum, quia intra quodlibet tempus, quantumvis breue possunt fieri plures, & plures actus discontinui infinitum: quia nullus requirit certam temporis durationem: & quilibet eorum habet totum valorem, qui est in actu ex vi productionis, & substantiæ eius: ergo fieri non potest, ut actus durans per horam æquiualeat multitudini actuum, qui intra eandem horam fieri possunt: alias æquiualeret tribus æqualibus actibus, & sic in infinitum: vnde necesse esset in se habere valorem infinitum. Minor autem, scilicet consequens esse falsum, probatur: quia cæteris paribus, melior est vnitas, quam multitudo: & beato melius est perpetuo eodem actu amare Deum, quam interrompere amorem successiue multiplicando actus, præsertim quia in hac discontinuatione cessat homo ab operatione bona: conseruando autem actum non cessat. Denique, quia indiuisibilis distinctio actuum videtur valde accidentalis, & per accidens ad bonos amores: imo interdum fieri posset sine aduertentia hominis Deo variante influxum suum.

Nonnulli ut fugiant hanc difficultatem negant in multis actibus æqualibus in intentione, & aliis conditionibus esse maius meritum præmii essentialis, quam in vno: & consequenter idem negant de actu magis, vel minus durante: & ita ad difficultatem negant sequelam argumenti, quia neque ex multitudine, neque ex duratione crescit hoc meritum quoad essentialia præmii, concedunt tamen posse augeri quoad accidentalia, vel quoad varios titulos eiusdem præmii essentialis. Sed hi incidunt in maius inconueniens, & non soluunt difficultatem: negare enim actum amoris Dei, v.g. esse meritum vitæ æternæ solum, quia in operante alius similis, vel æqualis præcessit, plus est, quam falsum, & à sana doctrina alienum. Item quia si est inconueniens admittere maius meritum in multis actibus, quàm in vno æqualis temporis, quomodo non est maius inconueniens in vtroque, scilicet in multitudine actuum, & in maiori perseverantia eiusdem actus negare maius meritum, quam in vno solo actu minoris durationis. Quod vero non expediatur difficultas, patet, quia si augeatur præmium accidentale de eodem inferam maius respondere multis actibus, quam vni æque duranti, vel ratione solius durationis debere infinite augeri illud præmium accidentale. Similiter co-

XXXII.

Instatur contra proxime dicta ab incommode.

XXXIII.

Quorundam solutio.



cedendum erit, aut in pluribus actibus esse plures titulos meriti, quam in vno & que durante, aut hoc ipso, quod idem actus aliquo tempore durat, deberi illi premium essentiale infinitis titulis & qualibus respondentibus singulis instantibus, quod per se est absurdum. Et inde sequitur non posse, Deum ad & qualitatem premiare actum durante pro aliquo tempore, si velit dare distincta premia pro singulis titulis meriti.

XXXIV. Alii, ut hæc omnia argumenta tollant, negant durationem actus ut sic quidquam conferre ad meritum, si cetera sint paria in cognitione & operatione voluntatis. Sed hi plus concedunt, quam in argumento sit illatum: quia ex hoc non solum sequitur aliquam multitudinem actuum posse in valore morali superare durationem, sed etiam sequitur semper superare, etiam si duratio vnius actus sit integri diei, & duo actus sint tantum duarum horarum, quia illa duratio nihil addit. Consequens autem videtur absurdum: & argumenta quibus probauimus conclusionem in num. 26. & 27. satis improbant hanc sententiam.

XXXV. Suppositis ergo his tribus veritatibus, prima quod duratio augeat: secunda, quod multitudo actuum etiam augeat: tertia quod sola duratio non augeat infinite: non video quomodo possit negari sequela argumenti, neque ex consequente sequitur inconueniens aliquod: nam in interruptione duo intelligi possunt. Vnum est, cessatio ab actu, & hoc per se non confert, neque augeat bonitatem, aut meritum: sed potius de se minuit: & per se loquendo hoc non est necessarium ad multiplicandos actus: nam potest voluntas libere ab vno actu immediate transire ad alium absque alio medio. Aliud est libera productio noua noui actus, & hæc per se potest conferre magis, quam sola conseruatio eiusdem actus ex fundamento supra posito, quod hæc productio ex vi ipsius substantiæ actus, ut abstrahit à duratione & perseverantia, habet suum certum valorem, qui non est separabilis ab ipsa, nec augeatur, nec minuitur per perseverantiam, sed est totus simul. Deinde potest moraliter explicari, quia quando voluntas repetit actum maiori quodam dominio, & libertate operari videtur: nam postquam iam est ad actum determinata, ipsa continuatio quasi naturaliter sequitur, & libertatis vsus magis videtur necessarius ad suspendendum actum, quam ad durandum in illo. Imo ipsemet actus videtur aliquo modo inclinare ad suam conseruationem: & ideo in noua actus productione est nouum exercitium libertatis omnino distinctum: quare mirum non est, quod ex hac parte augeatur valor moralis.

## DISPUTATIO VI.

### De bonitate actus interioris voluntatis ex fine.



Inis quatenus voluntatem mouet, & excitat, ad obiectum voluntatis pertinet: quatenus vero interdum esse solet extra substantiam actus, inter circumstantias numeratur, & ideo postquam de bonitate ex obiecto, & circumstantiis dictum est, commode explicanda sequitur bonitas ex fine sumpta, de qua re tractauit D. Thomas 1.2. q. 18. per varios articulos, & q. 19. art. 7. & octauo. quos omnes in hac disputatione exponemus.

## SECTIO I.

### Virum bonus finis sit necessarius ut actus voluntatis sit bonus.

PRIMO supponendum est duobus modis versari voluntatem circa finem: Vno modo propter se: alio modo circa alia propter ipsum: & hoc modo distinguere solet in genere duplex motus voluntatis in finem, scilicet intentio, & electio, comprehendendo tamen sub intentione simplicem voluntatem, & amorem, seu desiderium finis propter se ipsum, & sub electione comprehendendo vsum, & quemcumque alium actum, qui versatur circa aliquod obiectum propter extrinsecum finem.

In quo est secundo aduertendum duobus modis posse actum voluntatis versari circa aliquid propter finem extrinsecum. Vno modo in intentione diligendo, seu eligendo medium propter finem, ita ut tota ratio, & proximum motuum talis actus sit ipse finis. Secundo modo fieri potest, ut ipse finis solum remote terminet actum, qui refertur in ipsum: ita ut voluntas proxime velit aliquod obiectum propter bonitatem intrinsecam illius: & præterea referat illum actum in ulteriorem finem: inter quos actus est differentia: nam in priori licet finis videatur extrinsecus respectu materiæ volite, seu medii electi, tamen respectu ipsius voluntatis se habet: ut obiectum formale proxime mouens ad talem actum: at vero in posteriori actu, finis non est obiectum formale, nam supponit aliud motuum formale proximum, sed solum est veluti causa extrinseca mouens remote, & applicans voluntatem, & ut breuibus terminis utamur, priorem actum vocabimus semper puram electionem: posteriorem vero vocabimus actum ordinatum ad finem extrinsecum, nam sub hac ratione se habet, ut electio, vel vsus, quamuis participet etiam rationem intentionis, quatenus versatur circa aliquod obiectum bonum propter se ipsum.

Ex quo potest tertio aduerti interiorem actum voluntatis, de quo solum nunc agimus, interdum esse tantum elicitedum ab illa, ut est, v.g. prima intentio, seu primus amor finis: interdum vero est simul elicitedum, & imperatum, nam imperatum tantum nullus esse potest in actibus internis, de quibus agimus, sed illud est proprium externorum, nam actus interior voluntatis debet esse elicitedum ab illa: quia vero sicut voluntas potest velle actus aliarum potentiarum, ita etiam potest velle suos per alios actus distinctos, ideo sicut potest imperare actus eliciendos per alias potentias, ita etiam & eliciendos per se ipsam, & hoc modo potest dari in ipso actus simul elicitedum: & imperatum, qui necessario supponit alium pure elicitedum.

Vnde etiam fit dupliciter posse esse actum voluntatis imperatum ab ipsa scilicet vel virtualiter tantum, vel etiam formaliter. Formaliter voco eum quando actus est directe, & formaliter volutus per alium actum, ut cum volo dolere de peccatis, aut volo amare Deum: virtualiter autem cum actus vnus excitatur ex vi alterius, quia includit virtualiter voluntatem illius, & hoc modo omnis electio dici valet imperata ab intentione efficaci, quia posita tali intentione ex vi illius applicatur voluntas ad electionem: etiam si non habeat formaliter hunc actum, volo eligere, quia satis est quod hic actus virtute in intentione efficaci includatur, nam qui intendit finem, vult illum consequi, & consequenter virtute vult applicare media

I. Notatio 1. pro resolutione.

II. Notatio 2.

III. Notatio 3.

IV. Notatio 4.



dia, atque adeo eligere illa, atque hoc modo omnes actus circa finem reuocabimus ad elictos, & imperatos: & elicti proprie sunt, qui versantur circa ipsum finem propter se, imperati vero sunt omnes qui versantur circa alia propter finem.

V. Hispositis nonnulla sunt certa in hac quaestione. Primum erit, intentionem finis, ut bona sit, requirere bonum finem eo modo, quo ipsa est propter finem. Hoc constat ex dictis *disput. 4.* nam respectu actus, talis finis, & obiectum coincidunt: sicut ergo, ut actus sit bonus requirat honestum obiectum, ita intentio honesta requirit finem honestum, & hoc est habere bonum finem, & esse propter illum, & hanc conclusionem posuit D. Thomas 1. 2. q. 19. art. 7.

VI. Secundum est certum, actum purae electionis, ut bonus sit requirere honestum finem, ut sic, quod etiam sumitur ex D. Thoma eo loco, & constat eadem ratione, quia respectu talis actus, finis se habet, ut motium, & obiectum formale: ergo, ut actus sit bonus ex illo, oportet, ut motium sit honestum. Confirmatur, quia ille actus ex materiali obiecto non habet honestatem, quia supponimus non tendere in illud propter bonitatem, quae in ipso est, ideo enim est pura electio. Dictum est autem supra actum non accipere bonitatem ab obiecto honesto, nisi tendat in illud propter honestatem eius: ergo ut talis actus sit bonus, oportet ut saltem ex fine habeat honestatem. Vnde confirmatur tandem, quia si finis ille sit malus, actus est malus, si indifferens, saltem ex illo fine non est bonus; ergo ut ipse sit bonus, necesse est habere finem bonum.

VII. Tertium colligitur hinc, ut certum, quoties actus voluntatis versatur circa obiectum indifferens, & ordinat illud in ulteriorem finem, requirere bonum finem, ut bonus sit. Hoc patet, quia non habet aliud caput unde sumat bonitatem. An vero illud sufficiat, postea dicam.

VIII. Quartum est certum, quando actus voluntatis versatur circa obiectum, ut honestum: ut simpliciter bonum sit, necessarium esse ut non ordinetur ad malum finem. In hoc etiam omnes conveniunt cum D. Thoma loco citato, estque communis doctrina Sanctorum, ut videre licet apud Ambrosium libro secundo de Iacob, & vita beata cap. 4. Augustin. 2. de moribus Ecclesiae capite 13. & praefatione in Psalmum 31. & libro de opere monachorum cap. 26. ubi illa exponit illud Matthaei 6. Attendite ne iustitiam vestram faciatis, &c. Et lucerna corporis tui est oculis tuis: ubi nomine oculi intentionem finis intelligit, quod etiam Cassianus praefat collat. 1. capit. 22. Quamuis collat. 2. capit. 2. per oculum discretionem intelligat, sic etiam ad hoc propositum exponit Gregorius 1. moralium cap. 23. & sequenti, illud Ecclesiastici, 1. Ne peccatori ingrediens terram duabus viis. & illud Psalmi 77. Cor autem eorum non erat rectum cum eo, de quo videri potest Chrysostomus homilia 23. ad populum: consentit Aristoteles 2. Ethicorum ad Eudemum in fine. Qualis unusquisque est, ex electione indicamus, non quid, sed cuius gratia fiat expendentes: idem late 7. Politicorum capite decimo tertio. Et si curam appetitus suscipere oportet gratia mentis, & curam corporis gratia animae. Ratio est illa communis, quia bonum ex integra causa. Item quia motio in finem est aliquo modo forma, & dans speciem aliquo modo, & denominationem actui morali, ut infra dicam, omitto nunc tractare, utrum intentio proprii honesti obiecti, ut sic, necessario excludat malum finem, nam de hoc occurrit proprius locus disputatione postea.

IX. His ergo stabilitis solum dubitari potest, vtrum sit in primam secundae D. Thomae.

trum actus habens honestum obiectum, ut sit bonus simpliciter, requirat finem bonum extrinsecum. Quidam Theologi existimant esse necessarium, ut actus praeter obiectum bonum referatur ab operante ad ultimum finem bonum, sine qua relatione negant actum esse absolute bonum, & quidam ex eis dicunt esse malum. Alii vero neque bonum, neque malum, sed indifferentem: quae opinio, ut minimum limitanda est ad illos actus, qui habent obiectum distinctum ab ipso ultimo fine: nam illi qui versantur circa ipsum ultimum finem, ut proximum obiectum, ut amor Dei propter seipsum, non possunt referri in alium finem, quia nullum possunt habere meliorem, quam suum proprium obiectum, & hoc modo tribuitur haec opinio Scoto in secundo distinctione decima quarta, quaestione unica, & in 2. distinctione trigesima septima, quaestione prima, ubi docet nisi praecedat aliquod bonum velle circa ultimum finem, non posse esse bonum velle circa alia obiecta. Vnde concludit si in pura lege naturae non teneretur homo aliquando amare Deum absolute, etiam non posse teneri ad bene operandum. Eandem opinionem tenet Gregorius in 2. d. 18. & 38. Almaynus tractatu 1. moralium cap. 2. inclinatur Bonaventura in 2. d. 41. articulo 1. quaest. 3. Fundamentum sumi potest vel ex illo 1. ad Corinthios 10. Quaecumque facitis, omnia in gloriam Dei facite: sicut ergo teneretur homo eligere Deum suum, et omnia tenere omnia opera sua in eum, ut in ultimum finem referre: ergo actus carens hac relatione, caret circumstantia necessaria ad bonitatem simpliciter. Confirmatur, nam ut actus circa creaturam sit bonus simpliciter, oportet, ut non sit per modum fruitionis, sed per modum usus, iuxta doctrinam vulgarem Augustini, de qua D. Thomas 1. 2. q. 10. ergo necesse est, ut ametur creatura per ordinem ad ultimum finem, nam hoc est illa vi.

Non conveniunt autem hi autores in explicanda hac relatione, qualis scilicet esse debeat: Gregorius contentus est relatione habituali, quam in hoc ponit, quod ex praecedentibus actibus circa ultimum finem, acquisitus, seu comparatus sit habitus, a quo dicit ceteros actus habitualiter referri, sed, ut recte notavit Almainus, hic habitus impertinens est ad subsequentes actus circa alia obiecta, nisi ipse proprium suum actum eliciat, quia alii actus non possunt esse elicti a tali habitu, cum non continentur sub obiecto illius: neque etiam possunt esse imperati, quia habitus non imperat actum nisi mediante proprio actu. Scotus vero solum videtur requirere, quod praecesserit aliquis actus circa ultimum finem, ut patet ex locis citatis: sed, ut infra latius dicam, ex hoc praecise nihil bonitatis communicatur sequentibus actibus, nisi ille prior actus per se, vel per virtutem aliquam influat in posteriores actus, quia alioqui nulla erit dependentia: neque causalitas unius actus ab alio, sed sola temporis successio, quae impertinens est ad bonitatem actus. Alii vero requirunt, ut saltem in principio cuiusque actionis actualiter referatur in ultimum finem, quantumvis, in progressu actionis possit tantum virtualiter manere in continuatione ipsius operis: sed quamvis, ut infra dicam, hoc possit sufficere ad virtualem relationem, tamen valde rigorosum est hominibus hanc obligationem in cunctis operibus suis imponere.

Dicendum est ergo, ad bonitatem actus voluntatis sufficere honestum obiectum, esto ab operante non referatur in ulteriorem finem, ita sentiunt communiter discipuli D. Thomae, & sumitur ex ipso in 1. 2. quaestione 19. articulo 10. ad primum, dicente.

Quid sit de  
ultimum in pr  
senti quaest.  
1. Opinio.

X.  
Dicta opi  
nio varie  
accipitur a  
suis autori  
bus.

XI.



dicente. *Quicumque vult aliquid sub ratione quacumque boni honesti, habet voluntatem conformem diuine in ratione volendi: & ideo bene operatur, & ita explicat doctrinam illius articuli: & præcedentis. Idem D. Bonauentura supra, solum enim requirit relationem in vltimum finem intrinsecam & innatam ipsi operi bono absque alia relatione operantis, nam hoc modo diximus supra tractatu 1. actus omnes honestos tendere in Deum naturæ suæ, vt in vltimum suum finem, quæ tendentia non confert actui distinctam bonitatem præter illam, quam sumit ex obiecto, nisi forte distinctæ rationis secundum rationem genericam, & specificam, vt potest sumi ex D. Thoma 1. 2. q. 18. art. 7. quem latius infra exponam: hanc etiam sententiam late confirmat Sotus l. 2. de natura & gratia c. 20. & lib. 3. c. 4.*

XII.

Fundamentum est, quod actus habens obiectum bonum habet ex illo specificam bonitatem, vt supra probatum est, sed ex carentia vterioris finis non habet semper malitiam: ergo sine illa relatione manebit actus bonus simpliciter. Probatur consequentia quia illa res est bona simpliciter, quæ habet omnia sibi debita secundum speciem, & indiuiduum. Vnde Scotus non consequenter loquitur concedens actum ex carætia huius finis non habere malitiam, & negans esse bonum, cum habeat bonum obiectum, cum enim dicitur *bonum confurgere ex integra causa*, nõ est intelligendum ad actum bonum simpliciter necessarium esse omne id, quod conferre valet bonitatem, alioqui non est bonus actus, nisi optimus: requiritur ergo, & sufficit integra causa perfectionis, & bonitatis debitæ speciei, vel in indiuiduo: ergo. Probatur minor propositio, quia nullum extat præceptum obligans hominem ad huiusmodi relationem, vel actualem, vel virtualem ex proprio ipsius hominis actu circa vltimum finem faciendum, nam hoc præceptum non est naturale, nulla enim sufficienti ratione cõuinci potest. Item satis est homini operari semper iuxta rationem rectam circa obiecta, quæ illi proponuntur, & plus ab ipso exigere ex præcepto, præsertim naturali, superat humanas vires. Item infidelis, qui verum Deum ignorat, potest aliquando bene operari iuxta sanam doctrinam. Item puer veniens ad vsum rationis non tenetur statim in primo vsum rationis Deum in se ipso diligere, sed in his, quæ ipsi occurrunt bene moraliter se gerere, & hoc ipso virtualiter censetur conuerti in Deum: nullum ergo est tale præceptum naturale, neque etiam est positium humanum, aut diuinum; neutrum enim ostendi potest, & humanum quidem superaret potestatem humanam, tum quia esset de re difficillima, tum quia esset de re interna, diuina autem præcepta positia nulla sunt, præsertim in lege gratiæ, nisi fidei, & Sacramentorum: in citatis autem n. 9. verbis Pauli, *Omnia in gloriam Dei facite*, vel non habetur præceptum, sed consilium, vel solum præcipitur, ita semper operari, vt omnia opera nata sint cedere in gloriam Dei, & apta, vt referantur in ipsum, atque adeo quod ex se in illum tendant, quod habent cuncta honesta hoc ipso, quod honesta sunt, & eodem modo tenemur cuncta referre in vltimum finem, & præterea nihil facere, quod non tendat aliquo modo in ipsum.

Satisfit con-  
trario fun-  
dam. in n. 9.

(o)

## S E C T I O II.

*Qualis sit bonitas, quam actus pura electionis habet ex fine honesto.*

DE actu voluntatis circa finem in se ipso nihil superest dicendum, præter ea, quæ dicta sunt de obiecto: nam respectu talis actus finis, & obiectum idem sunt, & eadem ratione fere posset omitti præsens quæstio, quia in virtute est in superioribus definita: verum, vt satisfaciamus omnibus, & quædam propria exponamus, tractanda est. Dicunt ergo quidam auctores speciem illam bonitatis, quam sumit pura hæc electio, ex fine non esse essentialem, sed accidentalem illi actui, quo voluntas vult tale medium propter talem finem. Fundamentum huius sententiæ esse potest primo. In illo actu distinguendum est obiectum à fine, nam obiectum est intrinsecum actui: finis autem extrinsecus: ergo talis actus aliam speciem habet ab obiecto, aliam à fine: ergo illa prior essentialis est, & altera accidentalis: quia, vt diximus superius, non possunt esse duæ species essentielles in eodem actu. Item diximus speciem ex obiecto esse essentialem, cuius signum etiam est, quod vna est prorsus inseparabilis, altera vero mutari potest.

I.  
Sententiæ.  
Arguitur  
pro illa pri-  
mo.

Secundo potest videri hoc difficile argumentum, quia quando medium, quod eligitur, est alioqui bonum, & honestum ex obiecto, vt quando eligitur eleemosyna ad satisfaciendum pro peccatis, tunc ipsa electio habet primariam speciem ex obiecto, ex fine vero accidentariam, vt in dicto exemplo, actus eleemosynæ semper est in specie misericordiæ, quod vero ordinatur ad satisfactionem, aut ad alium finem, est ei accidentarium: ergo idem erit in quocunque medio, esto sit ex obiecto indifferens, nam hoc non variat rationem, & modum specificandi.

II.  
Secundo.

Tertio. Sicut medium ordinatur ad finem: ita finis per media comparatur, sed respectu intentionis finis accidentarium est, quod per hæc, aut illa media comparetur. Vnde quauis hoc possit variare accidentaliter bonitatem intentionis, non tamen substantialiter: vnde si intentio finis sit indifferens, non fiet essentialiter bona, etiam si per honesta media quaratur. Ergo idem est e cõuerso de electione mediorum respectu finis. Et confirmatur, ac declaratur: nam in voluntate medicinæ aliud est amare medicinam ipsam in se, aliud amare vtilitatem eius ad sanitatem: ergo etiam in actu vna ex his rationib. est essentialis, altera accidentalis, nam ex natura rei illa duo distinguuntur, sicut in assensu scientiæ distinguuntur assensus conclusionis ab assensu principiorum propter quæ illi assentimur.

III.  
Tertio.

Quarto. Electio eiusdem finis ex medio ipso habet maiorem, vel minorem bonitatem: ergo non totam recipit à fine: ergo nec totam entitatem, quia, vt dictum est, bonitas actus nihil est nisi entitas eius: ergo illa entitas, quam habet electio ex medio, est prima, & essentialis in ipsa: altera ergo erit accidentalis. Confirmatur, nã stante eodem fine voluntas eligit hoc medium potius, quam illud, propter proprias condiciones talis medii, scilicet, quia est suauius, aut facilius, & c. ergo non est nisi tota ratio illius electionis, seu voluntatis pro vt versatur circa tale medium, cum non sit tota ratio illius comparatiuæ electionis: ergo supponit voluntatem affectam ad rem, quæ est medium, & solum mouet ad ordinationem eius in talē finem. Est ergo illius specificatio accidentalis, qualis autem sit hæc accidentalis species explicata-

IV.  
Quarto.



explicatur vno è tribus modis *disp. 4. tractatus de* obiecto. Primus est, quod voluntas illius rei, quæ est medium, entitas sit quædam partialis, cui adiungitur altera, qua voluntas amat relationem illius obiecti in talem finem, quæ dicitur accidentaliter aduenire alteri, quia illi adesse potest, & abesse, nam voluntas potest nunc velle hanc relationem in hunc finem, vt postea dicam, manente eadem voluntate circa rem, quæ est medium. Secundus modus est, quod voluntas medi in se sit quidam actus voluntatis; bonitas vero ex fine desumpta, sit modus quidam extrinsecus eius. Tertius, quod illi bonitas & specificatio ex fine solum sit determinatio extrinseca, & ratio quædam moralis.

V. Dicendum tamè actum puræ electionis, vt sic, habere primam suam, & substantialem & phylicam speciem ex fine, vnde si finis ille honestus sit, & propter illum quatenus talis est, proxima intentione eligatur medium; prima bonitas talis electionis est ex fine, & illa est intrinseca, & essentialis tali electioni, atque adeo inuariabilis in tali actu. Hæc sententia, vt existimo est expressa D. Thomæ 1.2. *quest. 18. art. 6* vbi *solutione ad 2.* ait, licet ordinari ad talem finem accidat exteriori actui, non accidit interiori actui voluntatis, qui comparatur ad exteriorem, sicut formale ad materiale; & *solutione ad 3.* dicit, quamuis in actibus externis sit diuersitas specifica, in interiori non esse, si illi sub eodem fine amentur; & 1. *contra gentes cap. 76. ratione primæ* dicit finem comparari ad medium, sicut rationem formalem obiecti ad materiale, & ideo vnam esse tendentiam voluntatis, quia idem est actus in obiectum, & in rationem formalem eius, quam doctrinam sæpe repetit, applicando illam ad finem, & medium, vt sic, vt videre licet in *quest. 12. art. 4. & quest. 2 de malo artic. 2. præsertim ad 4. & 5. & in 2. d. 38. quest. 1. artic. 4. ad 1.* Denique in eadem 1.2. *quest. 19. artic. 2. ad 1.* dicit actum voluntatis nunquam habere accidentalem speciem à fine, nisi quatenus finis ordinatur ad finem, & intentio ad intentionem: ergo quatenus medium, vt medium ordinatur ad finem, & pura electio est, sub hac intentione non habet accidentalem speciem à fine, sed essentialem.

VI. Atque ex his locis D. Thomæ sumo duas præcipuas rationes huius veritatis. Prima est. Actus voluntatis nullam speciem sumit ab obiecto, nisi sub aliqua ratione boni, vt supra latè ostensum est: aut ergo amat voluntas rem illam, quæ est medium, solum sub ea ratione boni, quæ est in fine aut sub aliqua alia, quæ est in ipso medio: si dicas primum: ergo ille actus solum habet vnam speciem sumptam ex bonitate finis: ergo illa necessariò erit essentialis, quia etiam ostensum est necessariam esse aliquam specificationem essentialem cuiuslibet entitatis: ergo vbi non est nisi vna, erit essentialis. Si vero dicas secundum, iam non illa est pura electio, de qua tractamus, sed est quædam particularis intentio extrinsecus ordinata ad vltiorem finem de qua postea dicturi sumus. Probatur consequentia, quia secundum eam rationem, secundum quam res, quæ amatur, non amatur ob bonitatem finis, sed ob aliam, quæ in ipsa est, iam non amatur ob aliud, sed propter se: ergo, vt sic, amatur vt finis proximus, non est ergo illa pura electio. Dices amari propter utilitatem ad finem, quæ in ipso medio, est aliquid distinctum à bonitate finis, quod patet, nam utilitas medicinæ ad sanitatem amari valet siue sanitas ametur ob bonitatem honestam, siue ob conuenientiam ad naturam sensitiuam, siue ob delectationem, siue a-

liam utilitatem. Sed hoc in primis non dicitur, consequenter iuxta sententiam citatam, nam vt in argumentis propositis vidimus, ipsa res, quæ est medium, & utilitas eius, vt sic, distinguitur ab utilitate medi, & amore eius, vt sic, deinde, vt supra tractatu docui, utilitas, vt sic non facit rem amabilem, nisi supponat amaram rem, ad quam est utilitas, utilitas enim, in genere loquendo, nihil est aliud, quam virtus ad cauendum aliquo modo effectum: vnde non habet rationem conuenientis, aut disconuenientis, nisi quatenus effectus ipse conueniens, vel disconueniens est: ergo in medio utili, vt sic, tota ratio conuenientis in ordine ad appetentem sumitur ex fine: ergo amare utilitatem medi, & amare illud ob finem, non sunt duo, sed vnum, & idem.

Secunda ratio, quæ ex D. Thomæ, & ex dictis in citatis locis sumitur, est quia medium, vt medium, & finis comparatur, vt materiale, & formale; sed in voluntate idem est indiuisibilis motus, quo tendit in materiale, & formale obiectum: ergo in actu electionis puræ, eadem est indiuisibilis ratio, & specifica differentia, propter quam attingit rem, quæ est medium, vt materiā & finem, propter quem eligitur, vt formalem rationem obiecti: est ergo vna species bonitatis inde sumpta prima, & substantialis in tali actu, Maiorem propositionem sæpe, & expressè docet D. Thomas iam citatus, vt constat ex dictis in ratione prima, quia tota ratio conuenientis, & appetibilitas medi, est bonitas finis. Minor propositio latè probata est supra *disp. 4.* tractando de bonitate ex obiecto, nam rationes ibi factæ de obiecto materiali, & bonitate ipsi intrinseca, eadem proportionem applicari possunt ad medium, & finem, nam in actibus intellectus, & voluntatis nihil refert, quod formalis ratio obiecti in re ipsa sit extrinseca materiæ, circa quam versatur actus, dummodo ab ipsa potentia non attingatur nisi sub ea ratione: nam hoc factis est, vt inde sumat suam primam speciem, vt patet de intellectu in actibus fidei, in quibus testimonium dicentis satis extrinsecum est veritati creditæ, & tamen respectu assensus intellectus, est quasi forma specifica, & idem est in actibus voluntatis, vt patet de amore proximi propter bonitatem Dei, & de voluntate adorandi adoratione respectiua propter extrinsecam excellentiam, idem ergo est de medio & fine.

Vnde possumus tertio argumentari discurrendo per singulos modos, quibus contraria opinio asseritur, & improbando illos: sed quia hoc latè egimus tractando de obiecto *disp. 4.* non oportebit eadem repetere, sed vnusquisque poterit ea applicare, solum declaratur breuiter. Nam hæc specificatio, & bonitas electionis ex fine non potest consistere in sola denominatione extrinseca: nam ipsamet electio per se ipsam est intrinsece electio, & non per denominationem ab alio actu: ergo intrinsece in sua entitate includit aliquem respectum ad finem, præsertim cum ostensum sit respicere illum, vt formale obiectum. Neque etiam intelligi potest hæc specificatio, vt partialis entitas, vel realis modus additus alicui alteri entitati, quia nulla fingi valet entitas, quæ supponatur in illo actu ante relationem ad finem, quia ostensum est, illum actum nullum habere respectum ad medium electum sistendo in illo, sed solum sub ratione finis: quicquid autem in illo actu excogitari potest necessario dicitur habitudinem ad medium electum: ergo & ad finem.

VII.

VIII.



IX.

Vltimò sumi potest hæc veritas ex Aristotele, nam electio ob honestatem alicuius finis est actus elicitus à virtute respiciente illum finem; ergo pertinet ad talem virtutem, seu bonitatem. Antecedens constat ex lib. 6. *Ethicorum cap. 2. & lib. 2. Ethicorum ad Eudemum, circa finem*, & declaratur, nam qui ex solo affectu misericordiæ, & nullo ex alio motiuo lucratur diuitias, vt eleemosynam faciat ex visolius virtutis misericordiæ, habet tam voluntatem dandi eleemosynam, quam voluntatem lucrandi diuitias: vtraque ergo voluntas est actus elicitus ab illa virtute; neque fingi potest quis alius habitus ibi concurrat ad eliciendum posteriorem actum; dici enim non potest ibi concurrere habitum, quo amantur diuitiæ absolute, & propter se, quia nullus talis affectus est in homine sic operante. Prima vero consequentia constat ex differentia inter actum elicitum à virtute, & imperatum, nam elicitus dicitur, quia secundum substantiam, & entitatem suam fit à virtute: imperatus vero qui ab vna virtute refertur in suum finem, cum tamen ab alia substantialiter fiat, vt magis ex sequentibus dubiis constabit.

X.

Ad 1. arg. in  
num. 1.

Ad primam rationem in contrarium respondetur respectu electionis, de qua agimus, obiectum formale non distingui à fine: materiam autem circa quam versatur actus, distinguere ab eo, sicut obiectum materiale à formali, & ideo non oportet, vt à tali obiecto sumatur aliqua species prior illa, quæ sumitur à fine. Vnde licet huiusmodi finis possit esse extrinsecus tali materiæ, vel actioni exteriori, tamē respectu actus interioris electionis, est intrinsecus, vt rectè D. Thomas dixit, quia est obiectum formale: quapropter species inde sumpta inuariabilis est in tali actu electionis: nam licet voluntati lucrandi diuitias accidētarium sit, quod fiat propter eleemosynam, vel propter captandum honorem, & ideo possit voluntas nostrā ab vno actu in alium mutari, tamen illi speciali actui, quo amantur diuitiæ præcisè propter eleemosynam, non accidit ille finis, neque species misericordiæ, vnde non potest illemet actus mutari, & fieri ex alio motiuo: sed quando voluntas hoc modo mutatur, variat totum actum.

XI.

Ad 2. arg. in  
num. 2.

Ad secundam respondetur, formaliter loquendo, doctrinam datam procedere semper in omni verā, & purā electione, siue materia circa quam versatur sit indifferens, siue honesta propria aliqua honestate, quæ est obiectiua respectu illius; nam si illa non intendatur formaliter, sed tantum eligatur realiter propter finem extrinsecum, electio habebit vnam tantum speciem essentialē ex fine: si autem medium ex se honestum ametur propter propriam honestatem, & præterea ordinetur in vltiorem finem, tunc ille actus non est propria electio, de qua agimus, & ideo non est de illo similis ratio: quid autem de illo dicendum sit, aperiam dubio sequenti, vbi priorem partem huius solutionis magis declarabimus.

XII.

Ad 3. in n. 3.

Ad tertiam de habitudine inter finem, & mediā, responderetur tollendam esse æquiocationem de intentione: nam intentio propriè dici solet actus determinatus ad finem, vt ad obiectum, quod per se primo amatur in ordine ad consecutionem, vnde fit, vt in virtute, vel in confuso includat aliquo modo mediā, vt volita, quatenus necessaria esse possunt ad consequendum finem, nam qui efficaciter vult finem consequi, ibi implicite vult adhibere mediā necessaria, & consequenter virtute etiam vult eligere illa, tamen ille actus, vt sic, non est electio, sed natura sua

est prior illa, neque etiam accipit bonitatem, vel malitiam à medio, vel electione mediæ, vt supra latius, sed à bonitate finis, nam cætera, vel non pertinent propriè, & formaliter ad illum actum, vel eo modo quo pertinent, est tantum materialiter.

Alio verò modo sumi potest intentio prout includitur, seu participatur in electione ipsa, nā qui eligit medium propter finem, per illud medium tendit in finem, & hac ratione dici potest per illummet actum aliquo modo intendere finem, quo sensu videtur locutus D. Thomas 1. 2. *quest. 12. art. 4.* Et in hoc sensu idem est secundum rem tendere in finem per tale medium, & velle, seu eligere tale medium propter talem finem: nam licet his verbis videatur diuersa habitudo significari, tamen illud solum est secundum rationem & inadæquatū modum concipiendi nostrum: imo si res absolute consideretur, finis propriè nō dicitur habitudinem ad mediā, sed est terminus habitudinis mediorum ad ipsum, & ideo intentio eius est causa electionis mediorum, & inde per quandam denominationem extrinsecā concipitur à nobis sub hac denominatione rei consequendæ per mediā, vnde in omni motu, & termino eius potest quid simile considerari, & hinc fit, vt licet electio possit illis duobus modis à nobis concipi & significari scilicet mediæ ad finem, & finis per medium, tamen specificatio essentialis sumitur ex fine, quia in re ipsa ille est terminus talis habitudinis, & comparatur ad medium, vt forma ad materiā, sicut dictum est. Ad confirmationem illius tertij argumenti respondetur absolute etiam in ordine ad diuersos actus fieri posse, vt aliud sit velle rem, quæ est medium, & aliud velle vtilitatem eius, tamen in hoc actu puræ electionis non possunt hæc duo separari ab eadem indiuisibili specie entitate, quia, vt sæpe dictum est, comparantur illa duo, vt materiale, & formale.

Quartum argumētum petit comparationem

XIV.

inter diuersas electiones, quæ primo posset fieri inter intentionem, & electionem eiusdem bonitatis, an sint actus speciei distincti, necne. Sed

Resoluitur  
4. arg. in n.  
4. possum.

hæc questio communis est omnibus actibus bonis, & malis, & præterea omnibus illis, in quibus diuersa materialia obiecta propter eandem rationē formalem amantur, quæ ratio formalis in vno materiali obiecto reperitur intrinsecè, in alio vero tantum per denominationem extrinsecam, vt sunt amor Dei, & aliquis amor proximi, de quibus 2. 2. *q. 25. art. 1. adoratio prototypi, & imaginis, de quibus 3. p. quest. 25. de intentione vero, & electione 1. 2. quest. 12. & 13.* Quicquid tamen sit de specifica distinctione, constat, per se loquendo, maiorem bonitatem esse in intentione finis, quam in electione mediæ propter finem, iuxta regulam posterioriasticā: propter quod vnumquodque tale, &c. nam finis simpliciter est dignius obiectum. Eadem autem comparatio duplex fieri potest inter diuersas electiones propter eundem finem, de quibus quod ad specificam rationē attinet, idem iudicium ferendum est, quod de actibus ex obiecto bonis supra dictum est, qui in materiali tantum obiecto differunt, & conueniunt in formali: nam similiter respectu electionum si mediā sint tantū materialiter diuersa, & prorsus dicant eandem habitudinem ad finem, electiones non propterea different specie, quia idem habent obiectum formale. nihilominus tamen negandum non est, quin vna electio possit esse melior alia intra eandem speciem, quia licet finis sit idem in se, tamen iuxta capacitatem, & proportionem mediorum potest illis maiorem, vel



vel minorem bonitatem conferre, quod in omni sententia necessarium asserendum est, siue hæc bonitas dicatur essentialis electioni, siue accidentalis, quia augmentum eius est intra eandem speciem electionis, ut electio est, atque adeo in ordine ad finem.

XV.  
Expediatur  
confirmatio  
in eod. n. 4.  
per triplicem  
modum electio-  
nis vnius  
medij pra-  
altero.  
1. Modus.

In confirmationem illius argumēti petitur de comparatione, seu electione vnius medijs praeter altero, an oriatur ex fine, vel ex ipso medio. Ad quod respondetur interdum oriri ex fine, interdum ex sola libertate voluntatis; aliquando vero posse fundari in ipso medio. Primum contingit, quando ipsa media, ut media sunt, sunt inæqualia, quia scilicet, vnum magis confert ad finem, quam aliud, ita ut si vnum est facilius, vel iucundius, totum hoc conferat vel ad maiorem, vel ad breuiorem, aut certiorē consecutionem finis, tunc enim finis quantum est de se mouet ad eligendum vtilius medium.

XVI.  
2. Modus.

Secundum contingit, si accadat media prorsus esse æqualia tam in vtilitate ad finem, quam in absolutis conditionibus suis, & in omnibus rationibus boni, & mali, tunc enim, ut verior est sententia, voluntas pro sua libertate potest eligere vnum omisso alio, quod nihil obstat, quominus tota specificatio talis electionis sumatur à fine, quia finis non mouet necessitando, & idem ferè reperietur in actibus bonis ex obiecto, seu in intentione ipsa, nam stante eadem motione seu propositione obiecti, potest voluntas vel exercere actum, vel non exercere, & nihilominus quando exercet, tota specificatio sumitur à formali obiecto, & idem à fortiori dicendum est, si voluntas eligat medium minus vtile pro sua libertate. Tercius modus potest contingere quando media, ut media sunt æqualia in vtilitate, tamen vnum excedit in aliqua alia ratione boni, quæ licet non conferat ad finem, est tamen per se appetibilis, & tunc etiam electio talis medijs, si sit pura electio ex libertate voluntatis, supponit tamen voluntatem affectam ad illam rationem boni, quæ in tali medio excedit, ratione cuius affectus virtualiter, vel formaliter existentis in voluntate inclinatur magis voluntas ad hoc medium, quam ad aliud, quomodo etiam potest accidere, ut ex passione eligatur vnum medium potius, quam aliud, vel etiam ex habitu, unde etiam ex hoc capite non mutatur specificatio, sed solum adiungitur quædam libertatis determinatio.

### SECTIO III.

*Virum actus ex obiecto bonus possit habere bonitatem aliquam ex fine extrinseco.*

I.  
1. Punctum in  
hac q. resol-  
uitur.

**T**ribus modis contingere potest actum voluntatis versari circa honestum obiectum in ordine ad vltiorem finem. Primo volendo tantum materialiter illud obiectum, quod in se est alias honestum, non tamen volendo illud propter talem honestatem, imò nec per se volendo honestatem ipsam obiectiuam, sed solum per accidens. Exemplum est, si quis vellet abstinere à pretioso cibo solum, ut habeat, v.g. eleemosynam, & largiatur; est enim illud medium obiectiuè honestum intra latitudinem temperantiæ; tamen per illum actum, neque est volitum propter illam honestatem, neque illa honestas per se, seu in se volita. Et ratio est, quia illud medium non est vtile ad illum finem ratione illius honesta-

tis, sed præcisè ratione illius materiæ, & de hoc actu nulla est difficultas, quin solum habeat honestatem à fine, & non ab obiecto, tum quia est pura electio, tum quia quod est per accidens in obiecto volito ut sic, non specificat voluntatem, ut supra dictum est, & euidentius patebit ex puncto sequenti.

Secundo fieri potest, ut obiectum honestum non sit quidem volitum propter suam honestatem, eius tamen honestas sit in se, & per se volita propter alium finem, ut propter rationem proximam volendi, quod in primis potest in alijs rationibus boni explicari; nam si aliqua actio delectabilis, ratione suæ delectationis sit vtilis ad alium finem, salutem, v.g. vel studium, tunc non solum materialiter illa actio, sed etiam eius delectatio potest in se, & per se amari, non tamen propter se, sed præcisè propter aliud bonum ad quod est vtilis. Simile autem est in bonis honestis aliquando, nam vnum potest esse vtile ad aliud, non solum ratione suæ materiæ, sed etiam ratione suæ honestatis, & tunc potest quidem honestas vnius obiecti, vel actus in se amari, licet non ametur propter se præcisè, sed propter alium finem. Exemplum sit, si quis intendat beatitudinem consequi, & ideo velit meritorios actus efficere, & propterea eligat exercere amorem Dei, tunc hæc voluntas electionis habet pro obiecto exercitium amoris Dei, quatenus meritorium est; & ideo per se, directeque vult honestatem eius, quia ille actus meritorius est ratione suæ honestatis, non tamen vult illum propter honestatem eius, sed propter gloriam obtinendam.

De huiusmodi ergo actu omnes etiam fere conueniunt habere bonitatem essentialē, & primam ex fine, non autem ex obiecto materiali, neque ex honestate eius: ita potest sumi ex D. Thoma 1. 2. quæst. 18. art. 6. vbi Conrad. & Caietan. art. 4. & 6. idem sentiunt. Idem D. Thomas 3. contra gentes cap. 138. vbi significat abstinentiam factam in honorem Dei habere bonitatem religionis, non tamen temperantiæ, vbi Ferrar. in quadam responsione 2. ad quoddam literale dubium, idem indicat, similiter Almain. in 3. d. 23. p. 1. vbi dicit ex Ocham, & Martino, si quis velit perferre mortem propter castitatem, illum non esse fortitudinis actum, sed castitatis: verum est, hæc, & similia verba intelligi posse iuxta prius punctum. Item Ochamus quæst. 12. art. 2. d. 3. art. 3. p. 1. illius conclusionis secundæ. Martinus tractatu de temperantia quæst. 1. Et ratio colligitur ex dictis, quia finis tunc se habet, ut obiectum formale proximum talis actus, & omne aliud se habet, ut obiectum materiale; ergo finis tantum specificat, nam dictum est bonitatem sumi ex formali obiecto, & honestatem obiecti non causare bonitatem in actu, nisi sit volitum obiectum propter ipsam. Et confirmatur, nam talis actus elicitur à virtute, quæ respicit illum finem, ut colligi potest ex D. Thoma 3. p. quæst. 81. art. 2. & primum, vbi tractat de voluntate detestandi peccatum & ex generali ratione, quia eadem facultas, & idem habitus inclinatur in finem, & in medium ad finem, ut tale est, sicut eadem grauitas inclinatur ad centrum, & motum in illud: sed per illum actum, de quo agimus, amatur totum materiale obiectum, & honestas eius, ut medium ad finem præcisè: ergo est elicited à virtute tendente in illum finem, ergo habet speciem substantialem bonitatis suæ ab illo fine, quia, ut supra dixi, ille actus est elicited à virtute, qui ab eo proximè sit secundum substantiam suam.

Et hinc consequenter concluditur illum actum nullo

II.  
2. Punctum  
exponitur.

III.  
Deciditur  
ex communi  
sententia.

IV.



nullo modo esse à virtute, quæ versatur circa illud obiectum propter honestatem eius & consequenter nullam inde habere bonitatem. Prima sequela patet, quia ille actus nō potest simul esse elicitus ab alia virtute, quia non potest idem actus proximè elici à duabus virtutibus, quia non potest æquè primò constitui in duabus speciebus inter se non subordinatis, vt supra ostendimus, neque etiam potest esse imperatus à tali virtute, quia virtus non imperat actū, nisi medio alio actu elicitō; sicut voluntas nō imperat exteriorem actum, nisi eliciendo interiorem. Et ratio est clara, quia hoc imperium est vitale, & ideo oportet vt sit per actum vitæ, potentiz operantis, quia hoc imperiū non est per immediatam efficientiam facultatis, vel virtutis imperantis, alias non distingueretur ab elicitō; esse ergo efficiendum medio actu elicitō; at in casu, de quo agimus, nullus præcessit actus elicitus virtutis respicientis obiectum secundum se, nam ille actus in intentione processit ab intentione finis, vt in exemplo supra posito ante illam voluntatē exercendi amorem Dei ob meritum nullus præcessit actus elicitus à charitate à quo posset illa voluntas imperari; sed præcessit solum intentio propriæ beatitudinis quæ est actus spei. Denique hic possunt applicari rationes omnes, quibus supra probatum est non posse vnum actum voluntatis habere simul duas species bonitatis à duobus obiectis formalibus proximis: nam in casu, de quo agimus, finis est vnum proximum obiectum formale, & ideo honestas mediæ non potest etiam concurrere, vt formale obiectum, sed solum vt materiale, neque etiam in hoc inuenio autores contradicentes, neque difficultates aliquis momenti.

V. Solum enim potest obici, quod ille finis additus non tollit ab obiecto honestatem eius, neque etiam impedit, quin illud obiectum ametur, vt honestum est: cur ergo non habebit actus inde specialem bonitatem. Respondetur, licet tunc finis ab obiecto ipso secundum se non tollat honestatem, tamen respectu operantis facit, vt non moueat illum, sed sola honestas finis, v. g. cum dicitur illud obiectum amari vt honestum, & quiuocatio esse potest, nam si illud reduplicet proximam rationem amandi falsum est: si vero designet rem directè, & per se amatam verum est, non tamen id sufficit ad sumendam inde speciem. Vtgebis. Nam voluntas pro sua libertate potest ex vtraque ratione moueri, & operari simul. Respondetur, si proximè ab vtraque moueatur, non efficiet vnum, sed duos actus: si autem ab vna proximè, & ab alia remotè, iam erit tertius modus operandi, de quo dicemus modo.

VI. Tertio modo potest voluntas ferri in obiectū honestum propter bonitatem eius intrinsecam, ordinando totum actum suum in vltiorem finem honestum, vt in dicto exemplo, qui eligit amare Deum ob merendum, & ex vi huius electionis statim exercet amorem Dei, iam in illo amore amat Deum propter seipsum, & bonitatem eius, huiusmodi enim amorem elegit, & talem exequitur, qualem eligit, quia hoc est de ratione efficacia electionis: ille ergo amor, & est propter honestatem obiecti sui, & est etiam electus propter merendum.

VII. De hoc ergo possunt esse duæ externæ opiniones. Prima, quod talis actus habet bonitatem ex fine solum, & ex obiecto nullam, ad quod potest citari D. Thomas in illo articulo 6. nam vniuersaliter dicit finem dare speciem actui interiori, atque ita quoslibet actus habentes eundem finem

habere eandem speciem bonitatis, etiam si in obiecto differant. Fauent etiam huic opinioni, qui dicunt bona opera, quæ ex æquali intentione, & relatione charitatis procedunt, esse æquè meritoria, quantumcunque ex obiectis videantur inæqualia, quomodo interpretantur: quod Christus dicit Marc. 12. de muliere; quæ obtulit duo minuta, plus scilicet aliis obrulisse, quia ex relatione, ac maiore charitate fecit, & quod ait Augustinus libro de bono coniugali cap. 19. & 23. Coniugium antiquorum patrum fuisse æquè bonum, ac virginitas, est nouæ legis, quia ex eadem intentione. Significatur ergo in hac sententia in huiusmodi actibus nihil esse bonitatis, nisi quæ ex fine desumitur. Et ratio adhiberi potest, quia etiā respectu talis actus finis, est formale, reliqua vero vt materialia. Et confirmatur, quia vnus actus non potest simul esse in duabus speciebus, sed hoc actus de quo agimus, habet al. quam speciem ex fine: ergo ex obiecto nullam habet: ergo nec bonitatem. Deinde si finis ille malus esset, & daret tali actui illam speciem, nullam in illo relinqueret bonitatem, neque speciem ex obiecto; ergo idem est, si finis sit honestus distinctæ speciei.

Secunda opinio esse potest, illum actum habere bonitatem ex obiecto, ex fine autem nullam, prior enim pars videtur ex terminis nota supposita declaratione data in num. 6. nam hic actus, de quo agimus, in hoc differt à primo, & secundo numeratis in 1. & 2. puncto, quod tendit in honestum propter bonitatem eius: ergo in hoc etiam differt à cæteris actibus, quod ab hoc obiecto sumit propriam bonitatis speciem. Probatur consequentia, quia tunc illud obiectum formaliter concurrat in ratione finis proximi; ergo specificat: tum etiam, quia si illud obiectum eodem prorsus modo solum concurreret, daret speciem suam: sed ordinatio in vltiorem finem nihil tollit de bonitate, vel causalitate eius: tum etiam, quia ille actus imperatur ab alio actu respiciente finem, vt habeat in propria specie suam bonitatem, vt supra explicatum est, sed illam habere non potest nisi ab obiecto suo: hæc pars indubitata videtur. Altera vero probanda est, retorquendo argumenta prioris sententiæ in num. 7. quia vnus actus tantum esse potest in vna specie, & quia supposita specificatione ex obiecto non potest satis intelligi, aut explicari quid addat actui tali relato in vltiorem finem illa ratio: Item quia ille actus, vt terminatus ad suum obiectum habet rationem intentionis, vel amoris boni propter seipsum: ergo vt sic, non potest habere rationem electionis, nam quamuis probabile sit eundem numero actum respectu diuersarum rerum posse simul esse intentionem, & electionem tendendo in vnam propter se, & in aliam propter aliud: tamen respectu vnus, & eiusdem rei, seu materialis obiecti non potest idem actus esse intentio, & electio, quia non potest voluntas amare vno actu eandem rem propter se, & propter aliud, vt supra dictum est: ergo talis actus solum habet bonitatem per modum intentionis, & non per modum electionis: ergo ex obiecto, & non ex fine.

Dicendum primo. Illum actum esse simul bonum ex obiecto, & bonitatem aliquam ex fine participare: hæc est sententia D. Thomæ frequenter repetita, nam 1. 2. quæst. 18. art. 4. in genere dicit actum humanum posse simul habere bonitatem ex obiecto, & fine, & art. 6. idem specialiter dicit de actu exteriori: sed, vt bene Caietanus exposuit, doctrina illius articuli non est limitanda ad

VIII.

IX.  
1. Assertio.  
in hoc 3.  
puncto.



ad actus aliarum facultatum à voluntate, sed extendenda ad actus imperatos eiusdem bonitatis, etiam si simul sint eliciti. Idem D. Thomas 2. 2. *quest. 85. art. 5.* dicit actum vnius virtutis ordinatum ad finem alterius participare speciem eius, idem *quest. 147. art. 2. ad 2. & quest. 154. art. 10. & 3. p. quest. 85. art. 2. ad 1.* & alia loca statim adnotabo. Idem Alexander, 2. p. q. 96. *membr. 2. art. 1.* Caietanus hic, & alij.

X.

Quibus argumentis convincatur.

Convincitur quoque assertio argumentis factis, & sic declaratur, quia huiusmodi actus, de quo agimus, simul est elicitus ab vna virtute, & imperatus ab alia, ut cōstat ex supradictis exemplis; ergo necesse est ut participet bonitatem à virtute elicente, quia non potest virtus elicere actum nisi sibi similem, vel illis, à quibus genita est, quia sicut non potest virtus ferri extra obiectum suum, ita non potest elicere actum, nisi qui aliquam speciem sumat ab obiecto suo. Rursum quicumque actus imperatur ab actu bono, ut sic, participat aliquo modo bonitatem eius, si aliunde non habeat repugnantiam: sic etiam actus exterior est bonus, quia imperatur ab actu bono, unde ad eandem speciem renocatur: ergo etiam actus voluntatis quatenus imperatus ab alio actu bono participat bonitatem eius. Quod confirmatur, nam actus indifferēs ex obiecto & specie sua, si in indiuiduo fiat ex imperio boni actus, per quem refertur in bonum finem, est simpliciter bonus: ergo actus imperans communicat bonitatem actui imperato: ergo communicabit illam, etiam si talis actus imperatus alias sit ex obiecto bonus, nam bonitas non repugnat bonitati.

XI.

Assertio ipsius.

Dicendum secundo. In tali actu bonitas ex obiecto, est essentialis, & substantialis, altera vero ex fine tantum accidentalis. Hæc sumitur ex D. Thoma 1. 2. *quest. 19. art. 2. ad 1.* vbi cum docuisset actum interiorē à voluntate elicitem habere ex solo obiecto bonitatem utriusque substantialem, & essentialē in solutione ad primum dicit ex fine non habere bonitatem, nisi ex accidenti, quatenus finis ordinatur ad finem, & intentio ad intentionem, & *quest. 13. art. 1.* dixit, si quis exerceat actum fortitudinis propter Dei amorem, illum actum materialiter esse fortitudinis, formaliter vero charitatis: statim vero explicat illud *materialiter*, id est, substantialiter, quia ille secundum substantiam suam subternitur alteri relationi, & dicitur comparari ad illam veluti materialiter: idem constat ex eodem D. Thoma 2. 2. *quest. 32. art. 1. ad 2. & in 4. d. 14. quest. 1. art. 1. quest. 1. ad 15. & q. 3. art. 1. quest. 1. ad 16. q. 3. artic. 1. quest. 1. ad 3.* vbi disertè dicit ex fine operantis non accipere actum propriam speciem, sed quasi communem, secundum quod actus imperatus inducit speciem virtutis imperantis præter eam, quam habet ab homine elicente: in eadem sententia est Caietanus 1. 2. q. 19. *art. 6.* nec dissentit Conrad. *ibi*, quamvis soleat in contrarium citari.

XII.

Ratio multiplex pro prior parte.

Ratio autem convincit, nam prior pars de specie substantiali ex obiecto probari potest ex omnibus supra dictis de specificatione obiecti. Item quia probatum est supra actum habere speciem substantialem ab ea virtute, à qua elicitur, quia ab ea proximè, & per se fit: sed hic actus elicitor à virtute respiciente obiectum: imperatur enim ab alia, quæ respicit finem: ergo habet speciem substantialem ex obiecto. Item quia proximè, & per se respicit obiectum materiale sub proprio, & intrinseco formali. Tandē, quia hæc species est invariabilis in tali actu, voluntas enim dandi elemosinā propter honestatē illius obiecti, sem-

per est in specie misericordiæ, siue referatur in finem poenitentiae, siue religionis, siue in quodcumque aliud bonum. Atque hinc fere probata manet altera pars, quia relatio in ulteriorem finem accidit tali actui, & potest adesse, & abesse; item quia imperium respectu substantiæ actus imperati est quid extrinsecum, & accidentale per modum cuiusdam dependentiæ à causa extrinseca, siue qua posset actus conseruari à causa elicente, præsertim in actibus voluntatis, qui per se sunt voluntarij: atque hæc pars euidentius constabit ex sequenti dubio.

Solum occurrit hic literale dubium propter articulum septimum questionis 18. in 1. 2. D. Thomæ satis obscurum: docet enim quando actus sumit bonitatis speciem ex obiecto & fine remoto, speciem sumptam ex obiecto esse ultimam: quæ vero sumitur ex fine remoto esse genericam, seu subalternam: non ergo est accidentalis, ut diximus, sed essentialis, quamvis communis, & generica, & auget difficultatem, quod dicit 2. 2. *quest. 11. art. 1. ad 2.* speciem sumptam ex obiecto contineri sub specie sumpta ex fine, sicut speciem sub genere, & adhibet vulgatum exemplum de furto facto propter mœchiam, & in hæresi propter superbiam. Vnde videtur loqui de fine omnino extrinseco, & per accidens.

Respondetur ad prius testimonium, duo docere D. Thomam in illo articulo. Vnum est quando finis est omnino extrinsecus obiecto, & additur ex sola relatione operantis, tunc ex obiecto, & fine duas species sumi non per se, sed per accidens subordinatas, & in hac parte confirmat D. Thomas doctrinam à nobis traditam. Secundo dicit, quando finis, & obiectum sunt per se ordinata, tunc speciem ex obiecto comparari ad speciem ex fine, sicut speciem ad genus, & hæc pars per se est difficilis in omni sententia, & ratio est, quia tam obiectum, quam finis dat suam speciem ultimam. De obiecto D. Thomas id docet in citato loco 1. 2. De fine etiam constat, quia respectu intentionis, habet finis rationem obiecti, & idem est respectu electionis quatenus ordinatur ad ipsum, quod adeo verum est, ut licet cōtingat finem esse rationem aliquam vniuersalem, ut est in exemplo D. Thomæ, intentio fortiter operandi, nihilominus illa ratio respectu intentionis habet rationem obiecti dātis ultimam speciem, sicut supra dictum est *disp. 4. sect. 1. num. 14.* de hoc actu, *Volo honeste viuere*: quo circa Conrad. *ibi*, quem aliqui sequuntur, exponit D. Thomam loqui de pura electione, quæ ex obiecto non habet aliam speciem, præter eam, quæ sumit ex fine, & hanc dicit contineri sub intentione eiusdem finis tanquam speciem sub genere, non propriè, & in rigore, vtendo his vocibus, sed eo modo, quo ratio quælibet particularis, & vniuersalis possunt comparari, sicut genus & species, quia intentio est veluti quid vniuersale respectu variarum electionum. Sed non placet expositio, tum quia est nimis violenta, & præter proprietatem verborum: tum etiam, quia apertè D. Thomas loquitur de voluntate: quæ ex obiecto habet speciem aliquam distinctam ab ea quam habet ex fine, ut patet ex priori parte illius articuli, & ex alio loco in 2. 2.

Secundo dici potest D. Thomam loqui de fine, & obiecto per se ordinatis, ita ut vtrumque sit per se amabile, & sufficiens ad dandam speciem bonitatis, quod in obiectis bonis maxime contingit, quando illa duo non solum se habent, ut finis & medium, sed etiam quasi totum & pars, seu tanquam bonum vniuersale, & particulare, ut se habent intentio religionis, & electio huius, vel

XIII.

XIV.

XV.



vel illius religionis, & exemplum D. Thomæ eiusmodi est: si quidem intentio fortiter agendi, & voluntas aggrediendi pericula belli hoc modo componantur, nam hoc obiectum intrinsecè claudit in se honestatem fortitudinis; quādo ergo finis, & obiectum se habent hoc modo, dicuntur tribuere speciem genericam, & specificā; sed est ultimo aduertendum duobus modis posse tunc intendi finem, & obiectum. Primò diuersis actibus formaliter tendendo altero in finem, altero in obiectum, quorum vnus imperat alium, sed seu manat ab alio; quando fit isto modo, non potest in proprietate intelligi quod species ex fine & obiecto comparentur, vt species, & genus, vt concludit ratio in principio facta: & præterea, quia tunc accidentarium est actui circa obiectum particulare, quod supponat formalem intentionem finis vniuersalis, posset enim per se fieri ex vi proprii obiecti tantum, & tunc tandem haberet speciem, & idem genus essentiale. Si ergo D. Thomas exponatur de hac electione, & intentione, necessariò dicendum est loquutum esse de genere, & specie non logicè, sed moraliter & latè, quia illa intentio comparatur vt vniuersale quid ad aliam voluntatem: ac si quis dicat scientias particulares contineri sub habitu principiorum, sicut species sub genere. Secundo autem modo intelligi potest huiusmodi finem, & obiectum eodem actu amari, quia talis finis vniuersalis non amatur vt in se abstractè, & præcisè propositus, sed tantum vt contentus in obiecto particulari, & tunc ille actus ex obiecto bonus nō refertur ad illum finē speciali relatione operantis, sed ipse natura sua tendit in illum, & ideo bonitas tunc sumpta ex fine, & obiecto, non sunt re distinctæ, sed ratione tantum, & illa quæ est ex fine, est veluti generica, & alia vt specifica, sicut bonitas iustitiæ comparatur ad bonitatem iustitiæ commutatiuæ, in hocque sensu cessat omnis difficultas, neque est contra doctrinam datam, quæ procedit de specie sumpta ex speciali intentione, & relatione operantis.

XVI.

Alterum D. Thomæ testimonium minorem habet difficultatem, quia non dicit D. Thomas determinatè illa duo comparari, vt speciem, & genus, sed sub disunctione dicit speciem ex obiecto, & finē se habere velut speciem ad genus: vel, vt effectum ad causam: quæ doctrina est vniuersaliter vera: nam quando illa duo proprie sumuntur ex propria relatione, & imperio operantis, tunc comparantur, vt effectus & causa: quādo vero relatio in finem est quasi intrinsecè innata in ipsamet obiecti bonitate, tunc cōparantur vt genus, & species: nos autem loquuti sumus priori modo, non repugnat autem comparari, vt effectum, & causam, & dare speciem accidentalem: quia illa causa, vel est finalis remota, vel imperans, & hæc in moralibus dant speciem accidentalem.

XVII. Satis dictum est, de illa vero sententiā, quod actus relati in eundem finem, sunt æquales in bonitate, vel merito, etiam si in obiecto sint inæquales, dico esse incredibilem, & improbabilem, & de bonitate quidem patet ex dictis: de merito autem, in materia de gratia dicendum est, & nunc sufficiens ratio fit, quod meritū in bonitate fundatur, imo addo hoc non solum esse verum, quādo actus ordinantur in finem, & habent proprias bonitates ex obiectis, sed etiam si sint puræ electiones, nam, vt supra dixi sect. 2. num. 14. in eis etiam potest esse inæqualitas propter maiorem proportionem, vel cōiunctionem cum fine, quæ

est etiam aperta doctrina D. Thomæ. 1. 2. quæst. 19. art. 18. igitur in Euangelio non est laudata solum à Christo eleemosyna illius vetulæ propter intentionem, sed etiam propter obiectum, cuius quantitas non absolutè, sed respectiue consideranda est iuxta facultatem dantis, quod satis explicauit Christus Dominus: Omnes enim, inquit, ex eo quod abundabat illis, miserunt, hæc autem de penuria sua omnia quæ habuit, misit. Augustinus similiter non loquitur de sola intentione charitatis, nec negat voluntatem virginitatis esse simpliciter meliorem ex obiecto, voluntate matrimonij, etiam si contingat haberi propter eundem finem, imo id sæpe affirmat in eodem libro, sed dicit tantum posse superare intentionem coniugij in fine, seu ratione volendi, vt excedat voluntatem virginitatis, vt si fiat ex intentione obedientiæ, vel intentione procreandi Christum, quæ erat in antiquis Patribus. Ad rationem ibi positam iam declaratum est, quomodo idem actus possit participare duplicem speciem, & magis patebit ex dubio sequenti. Argumenta secundæ sententiæ admittimus omnia quæ probant priorem partem, quæ autem in secunda parte adducta sunt, petunt sequentem quæstionem.

Quid ad ar.  
gum. 2. opi-  
nionis in  
num. 8.

## SECTION IV.

Quid sit bonitas accidentalis ex fine in actu interiori voluntatis.

Dvo possunt esse modi dicendi, prior est hanc bonitatem esse rem aliquam, vel realem modum intrinsecè superadditum actui bono ex obiecto, ratione cuius tendit in finem. Cui sententiæ fauere videtur D. Thom. 1. 2. q. 18. art. 4. ad 2. dicēs, quod licet finis sit causa extrinseca, tamē relatio in finem inheret actioni, & potest suaderi primò, Quia actus voluntatis sic bonus, verè, ac proprie est propter finem illum, à quo sumit hanc bonitatem: ergo reuera tendit in illū: ergo ab illo accipit aliquem modū, vel specificationem intrinsecā, & realē respectu cuius ille finis se habet, vt ratio formalis specificās. Secundo, quia omnis bonitas voluntatis oportet, vt sit aliquid reale, alioqui vel nihil erit, nisi denominatio extrinseca, vel relatio rationis: hæc autē nō possunt habere rationē formalis bonitatis, quia per hæc non efficiuntur boni sed realibus actibus quib. aliquid volumus. Et cōfirmatur, nā si hæc bonitas solum esset denominatio quædā, nihil magis referret ad virtutem, vel meritum, quā bonitas exterioris actus hoc autem videtur esse contra rationē bonitatis interioris voluntatis, quia bonitas voluntatis debet esse intrinseca, & in hoc differt ab aliis exterioribus actibus. Tertio nā si hæc bonitas est denominatio, peto à quo actu sumēda sit: aut enim ab intentione ipsius finis, & hoc non, alioqui eadem ratione dicendum esset omnē electionē esse bonam tantum per denominationem extrinsecā ab intentione finis, quia ab illa manat, & imperatur eodem modo: aut ab actu imperatē, qui respiciat directè actū imperatum interiorē, & obiectū. Et hoc etiam non videtur dici posse. alias nūquam hæc bonitas ex fine reperiretur in actu voluntatis, nisi quando voluntas reflectitur per vnum actum supra alium, quod videtur falsum nam si quis velit dare eleemosinam propter satisfactionem, ibi bonitas est accidentalis ex fine, & tamen nulla est reflectio actus interioris supra alium, sed tendentia directā in exteriorem actum.

I.  
1. Opinio in  
hac quæst.

Secundus modus dicendi est actum interiorē

II.  
vo- 2. Opinio



voluntatis solum dici bonum ab extrinseco fine per denominationem extrinsecam ab alio actu eiusdem voluntatis, à quo aliquo modo imperatur; loquor autem de actu alio bono ex obiecto, nam solum respectu illius est propriè hic finis extrinsecus, & bonitas ex illo sumpta accidentaliter est: Hæc sententia mihi verior videtur, quam indicavit Caietanus 2.2.q.44.art.4. dicēs hanc bonitatem esse extrinsecum modum actus; sumitur etiam ex eodem Caietano 1.2.q.20. tribus primis articulis iuncta doctrina eiusdem in 1.2.q.18.art.6. nam ibi dicit omnem bonitatem ex fine per se primo esse in interiori actu, in exteriori vero per denominationem ab illo; hic autem dicit actus imperatos à voluntate, ut sic, quoad hoc numerandos esse inter actus exteriores, quamvis alioqui sint elicit, potest etiā hæc sententia sumi ex eodem D. Thoma 1.2.q.13.art.1. Clarius ex quaest. 2. de malo art. 4. ad 9. Item ex omnibus locis, in quibus docet huiusmodi finem non esse obiectum, sed circumstantiam etiam respectu interioris actus voluntatis.

III.

Atque hinc sumi potest ratio à priori huius sententiæ, quia huiusmodi finis nullo modo est obiectum nec materiale, nec formale illius actus, qui denominatur accidentaliter bonus ex tali fine; ergo in illo actu nulla est intrinseca tendentia, vel habitudo ad talem finem. Patet consequentia; quia interior actus solum habet intrinsecam habitudinem, & tendentiam ad obiectum, item quia si hoc modo tenderet in illum finem, esset volendo illum, vel propter illum tanquam ad rationem obiectiuam: si ergo ille finis non est obiectum, neque in actu esse potest intrinseca tendentia in illum: ergo bonitas illa ex fine non potest esse aliquid intrinsecum in tali actu, quia necessario dicere debere: habitudinem, & tendentiam in illum finem. Superest probandum primum antecedens, quod primo declaratur exemplo. Nam quando aliquis vult amare Deum propter meritum; licet illa voluntas prior habeat pro obiecto amorem Dei, tamen ipse amor, qui ex vi illius exercetur, solum habet Deum pro materiali obiecto, quia solum Dei amor est: similiter, quamvis bonitas metiri ut sic, sit formæ ratio obiectiuæ prioris voluntatis, non tamen amoris Dei: nam si est verus amor charitatis, solum amat Deum propter bonitatem ipsius: ergo respectu huius actus ille finis non se habet ut obiectum, sed ut causa mouens remotè, ut significauit D. Thomas 1.2.q.13.art.4. Ratio autem est quia vnus actus vnum tantum habet materiale obiectum, & formale: quando ergo hoc est intrinsecum, totum id, quod extrinsecum est, non habet rationem formalis obiecti.

IV.

Secunda principalis ratio confici posset ex longo discursu supra posito disp. 4. sect. 3. de specificatione ex obiecto, & de pura electione, quia id, quod dicitur intrinsece addi actui ex fine, non potest esse partialis entitas, nec modus realis intrinsecè illi primum inhærens. Primum constat ex rationibus supra factis, quæ hic breuiter vgeri possunt. Nam si ibi sunt duæ entitates. Vna est, v.g. poenitentia: alia est misericordiae elicientis, quia suppono obiectum, & finem ad virtutes diuersas pertinere: ergo non erunt duæ partiales entitates, sed duo actus distincti. Cur enim, aut in quo vnirentur? aut cur non generarent vnum habitum similiter compositum ex duplici virtute? Item reuera illa entitas, quæ specificaretur ex fine poenitentia, non esset imperata, sed elicità à virtute poenitentia: esset ergo ille actus elicitus à duplici virtute secundum partes diuersas, quæ omnia absurda sunt.

Suarez in primam secundæ D. Thomæ.

Altera vero pars de modo intrinseco, facile etiam excluditur ratione proximè facta, & quia si daretur talis modus, ille haberet propriam speciem à fine, quem respiceret ut obiectum proprium, finis autem, qui ita habet rationem obiecti, est per se sufficiens ad constituendum proprium actum distinctum ab omni alio: numquam ergo dat accidentalem modum alteri actui. Quod ita potest etiam intelligi, quia si ille esset modus intrinsecus accidentalique actus, supponeret substantiam eius, & superueniret illi: hoc autem esse non potest respectu finis, quia omnis tendentia intrinseca voluntatis in in finem est prior quocumque actu imperato ex tali fine. Vltimò est apud me sufficiens ratio, quia hæc denominatio sufficit ad omnia quæ possunt conuenire huic actui: & ex vi imperij voluntatis, ut sic, nihil aliud necessario additur actui imperato præter substantiam eius, quam habet ex propria facultate, & obiecto eius: ergo nihil aliud fingendum est, neque est necessarium. Maior patet, quia hoc ipso quod intelligitur actus ex obiecto bonus, & imperatus ab alio etiam bono tendente in bonum finem extrinsecum, & ordinante actum imperatum in illum, intelligitur sufficienter bonitas intrinseca vtriusque actus, & extrinseca informatio, vel denominatio vnus ab alio. Minor vero patet in actibus externis à voluntate imperatis, quia ab illo imperio dominantur boni, et in hiis in eis ponat præter substantiam eorum, & ratio est, quia hoc imperium non consistit nisi in quadam efficientia, fortasse non physica, sed moraliter per consensionem, & subordinationem potentiarum eiusdem anime: hæc ergo ratio imperij nihil ponit in actu imperato, nisi dependentiam quandam, quasi applicationem ad opus, ratione cuius vnus actus denominatur ab alio, & refertur in finem suum: ergo idem est iudicium de bonitate solum fundata in hoc imperio.

Ad primum argumentum in principio factum, respondetur finem extrinsecum respectu actus imperati, & extrinsecus ordinati in ipsum non habere rationem obiecti, nec materialis, nec formalis, sed circumstantia, seu causæ remotæ mouentis, & applicantis voluntatem ad talem actum medio actu intentionis, seu electionis, ut satis significauit D. Thomas 1.2.q.18.art.4. distinguens finem ab obiecto, & dicens à fine sumi bonitatem, ut à causa bonitatis. & q. 19. art. 2. ad 1. dicens respectu actus voluntatis, finem habere rationem obiecti, præterquam cum finis ordinatur ad finem, & intentio ad intentionem: quapropter in actu sic ordinato non oportet intelligere intrinsecam tendentiam in talem finem, sed solum dependentiam ab alio actu respiciente illum finem: & hoc modo dicitur esse propter finem denominatione extrinseca, sicut actus exterior: quapropter ille actus non propriè habet rationem electionis, sed potius medij elicit, & quasi vsus passiui.

Ad secundum respondetur ex actu imperante, & imperato, ut sic, quodammodo componi actum moraliter vnum, sicut ex actu interiori, & exteriori, & hoc modo dicitur ille actus meritorius, & formaliter bonus, & efficere hominem bonum: sed hoc totum habet ratione actus imperantis, actui autem imperato, ut sic conueniunt hæc per denominationem extrinsecam seclusa bonitate, quam talis actus potest habere ex suo obiecto, nam ut sic, habet rationem actus interioris elicit à voluntate, & in hoc est differentia inter illum, & exteriorem, per quod responsum est ad confirmationem.

Tertium argumentum petit, quis sit actus voluntatis.

VI.

Ad 1. argum. in n. 1.

VII.

Ad 2. ibid.

VIII.



Vnus modus  
quo satisfit  
argumento 3.  
in eodē n. 1.

luntatis, à quo sumitur hæc denominatio, ad quod responderetur denominationem hanc posse sumi duob. modis in argumento insinuat. Primus, & clarior est, quādo intercedit formale imperiū vnus actus voluntatis ab alio scilicet, quia vnus actus cadit in obiectum formaliter volitū sua propria ratione, & merito, qui modus operandi, facilius contingit quando actus imperatus est verè interior, vt cum volo amare, dolere, &c. Et tunc facilis est responsio ad argumentum, nec difficultatem vllam habet, quod voluntas huiusmodi reflexionem facile faciat: quando autem actus imperatus est exterior, vt eleemosyna, ieiunia, &c. tunc frequenter potest accidere, vt ab eodem actu electionis efficacis, quæ immediatè sit propter finem operantis, imperetur etiam talis actus exterior, & tunc in actu interiori nulla est bonitas sumpta ab alio actu exteriori, vt ab obiecto, vt supra dictum est, & consequenter neq. actus exterior, vt actus est, denominabitur bonus, nisi bonitate sumpta ex fine media electione; aliquando vero potest actus exterior, & propter se, & propter extrinsecum finem imperari immediatè, & tunc erunt in voluntate duo actus sese concomitantes, & eundem exteriorem actum dupliciter denominantes; tandem potest interdum voluntas per electionem factam ob finem extrinsecum imperare totum actum alterius virtutis, vt compositum ex exteriori, & interiori, vt quādo ex intentione merendi imperio mihi actum misericordiæ, non tantum externum, sed etiam voluntatem miserendi, quia etiam illa est aptum medium ad talem finem; & tunc eadem est ratio de tali actu, quæ de medio interiori: quando autem voluntas operetur vno, vel alio modo, non potest facile discerni nisi in his, qui magna animaduersione, & reflexione operantur: potest autem coniectura sumi considerata ratione finis, & mediorum, seu actuum, & proportionem eorum inter se.

IX.  
Alter modus.

Alter modus, quo potest hoc imperium, seu relatio in finem excogitari est ex vi solius intentionis immediatè transeundo ad eliciendum actum alterius virtutis, omiſſa formali electione media: vt si quis habeat intentionem bene merendi coram Deo, & consulat de medijs, seu modo, & iudicet amorem Dei propter seipsum & super omnia esse aptissimum ad illum finem consequendum, potest, vt videtur, voluntas pro libertate sua statim elicere amorem Dei propter seipsum, in quo apparet magna differentia inter actum exteriorem, & interiorem, nam exterior pendet omnino à formali applicatione voluntatis, & ideo quamuis voluntas intendat finem, & intellectus iudicet motionem manus esse aptum mediū ad illum finem, numq. manus mouebitur, donec voluntas eligat, & vtatur illa: at vero voluntas potest se ipsam determinare immediatè ad actus suos, & accidentarium est, quod per vnum actum determinetur ad alium quoad exercitium, & ideo si ex parte intellectus sit obiectum sufficienter propositum, potest immediatè exire in actum elicatum ante actum formaliter imperantem, & fortè hic operandi modus frequentissimus est.

#### SECTIO V.

*Qualis relatio in finem requiratur ad hanc bonitatem.*

**R**atio dubij est, quia solent distinguere variae relationes, interpretatiua habitualis tantum, id est, ex solo habitu procedens: habitualis

procedens ex præcedenti actu solum quia præcessit virtualis, ex præcedenti actu media virtute relicta, & durante, ac influente, & actualis, quæ est per actualem intentionem talis finis, seu actuale imperium, & de singulis sunt opinioniones.

Prima ergo affirmat sufficere intentionem interpretatiuam, quæ tunc esse censetur, quando homo est ita affectus, & dispositus, quod si talis finis in suam cogitationem veniret, actum suum in vltimū referret. Sed hunc dicendi modum apud nullum scriptum inuenio, neque habet fundamentum, aut probabilitatem, quia ista cōditio nalis nihil ponit in esse, imo nec cognosci potest, nisi à solo Deo. Item quia similis dispositio non sufficit ad culpam, non enim, vt sæpe apud Augustinū legitur, iudicabit nos Deus per ea quæ faceremus, si hæ, vel illæ occasiones occurrerent, aut si tales cogitationes in nobis excitari permitteret, sed per ea, quæ facimus, imo ad magnā Dei gratiam pertinet, quando hominem præuenit, & non permittit in eam cogitationem incidere, cū quæ scit fore peccatum: ergo multo minus sufficit illa dispositio ad bonitatem, quæ perfectiorem voluntatem requirit. Deniq. actus ille ex vi illius dispositionis operantis non habet bonitatem intrinsecam ex fine, quia non tendit in illum per se ipsum, & suam intrinsecam entitatem, neq. etiam habet bonitatem extrinsecam quia nullo modo refertur in talem finem ab aliquo extrinseco principio: ergo nullo modo.

Secunda sententia est: sufficere relationem habitualem, id est, quæ censetur esse in operante per solum habitum virtutis, à quo censetur intrinsecè in formari virtutis actus, præsertim à gratia, & charitate, pro hac opinione referri potest Soto lib. 3. de natura, & Gratia c. 4. concl. 2. qui citat Caiet. 1. 2. q. 109. art. 9. videtur fauere q. 21. art. 4. & aliqui ex Scholasticis infra citandis.

Sed oportet aduertere aliud esse loqui de bonitate propriè sumpta aliud de ratione meriti. Item aliud esse loqui de circumstantia, seu dignitate personæ operantis: aliud vero de circumstantia finis, de qua nunc agimus: quod autem attinet ad meritum, probabilis sententia est habitualem dignitatem personæ operantis, præsertim illam quæ est per gratiam, & charitatem, multū conferre ad rationem, vel augmentum meriti, præsertim si ex parte actus sit sufficiens bonitas: tunc autem non concurrunt habitus, vt principium dans actui bonitatem ex fine, sed vt circumstantia personæ dignificans illam, & consequenter conferens ad valorem moralem actus, vt supra dictum est.

At verò agendo propriè de bonitate, quæ ex fine operantis redundat in actum eius, dicendum est sine dubio, ad illam non sufficere habitum virtutis, vt plane docet D. Thom. in 2. d. 38. q. 1. art. 1 ad 4. & d. 40. q. 1. art. 5. ad 6. & idem sentit Caietanus 1. p. quest. 63. artic. 6. & idem Durand. d. 40. q. 2. num. 11. Scotus d. 41. Adrian. quodlibet 10. art. 3. ad 4. & probatur, quia habitus non confert bonitatem, nisi aut eliciendo, aut imperando: ergo si neutro modo concurrat, nullam confert bonitatem: ergo sola existentia, seu concomitantia eius in subiecto non satis est, vt det bonitatem, quia potest illi adesse, & neutro ex dictis modis concurrere. Antecedens patet, quia habitus tantum est causa extrinseca actus: ergo solum media sua causalitate potest concurrere ad bonitatem eius. Et cōfirmatur, quia habitibus, vt sic, nec meremur, nec demeremur, nisi influant in opus: non potest autem intelligi alius modus influxus præter dictos. Cōfirmatur secundo, quia alias in homine

I.  
1. Opinio reijcitur multipliciter.

II.  
2. Opinio de relatione habituali.

III.  
Probabilis est sed non in sensu huius intentio.

IV.  
In sensu nō intento improbatur.

1. Argum. contra hanc opinionem.



mine iusto, quilibet actus virtutis haberet bonitatem omnium virtutum, vel saltem plurimarum, quia in illo homine sunt habitualiter omnes virtutes, & quilibet actus virtutis, est referibilis in finem omnium, vel saltem plurimarum. Tandem quamvis infidelis, & peccator careat virtutibus, & habeat plures habitus vitiōū, non propterea refert actus suos etiam malos, vel indifferentes ad finem, seu obiecta talium vitiōū, neque inde accipiunt opera eius aliquam malitiam; ergo idem est à fortiori de actibus bonis.

2. Argum.

V.  
3. Opinio de alio modo relationis habitualis.

Tertia sententia est sufficere ad hanc bonitatem relationem habituales relictam moraliter ex aliquo actu præterito, etiam si postea nihil influat in actum, sed moraliter illum denominet. Quam sententiam videntur interdum insinuare Scholastici in 2. d. 41. præsertim D. Bonaventura art. 1. q. 3. & Gabr. q. unica art. 3. dubio 2. Fundamentum esse potest, quia si prior relatio talis fuit, quæ subsequenter actum comprehenderet, plane censetur perseverare quandiu non datur retractatio, quod erit quotiescumque subsequens opus non repugnat priori fini, sed est illi consentaneum. Confirmatur, quia in omni bono opere ex obiecto, operatur homo propter se ipsum proximè, quia operatur propter convenientiam ad rationem, seu naturam rationalem; ergo si prius per se ipsum, & omnia sua reulit in Deum, id satis erit, vt cætera opera virtute referantur in ipsum. Et idem argumentum fieri potest de actibus indifferentibus, in quibus speciale esset inconueniens hoc non admittere, quia alias quamplurimi malè fierent ex defectu relationis in finem.

VI.  
Displicet dicta opinio.

Sed nihilominus hæc sententia mihi non probatur, sicut neque aliis Theologis dicta d. 41. præsertim Ægidio q. 1. art. 2. & Scotto q. 1. & quodlibeto 17. art. 2. nec Bonau. & Gabr. apertè contradicunt, sed confusè loquuntur de relatione virtuali, quod in Caiet. & aliis autoribus notandum est. Probat autem illam relationem non sufficere, quia aliud est relationem in finem obiectiue cadere in aliqua opera, aliud effectiue, seu imperatiue; illa autem relatio, quæ præcessit, quamvis cadat obiectiue in sequentia opera, non sufficit, quia fieri potest, vt omnia illa respiciat, vt materiale obiectum, vt cum aliquis in principio Diei, aut vitæ opera illius temporis refert in Deum; tamen hoc non est satis, vt talia opera sint effectiue, seu imperatiue ab illa relatione, quia ad priorem respectum sufficit, quod illa opera aliquo modo represententur obiectiue in intellectu, quando fit illa relatio, ad posteriorem autem oportet, vt quando fit ipsum opus, ad illud excitetur operas aliquo modo ex vi illius relationis, quia efficiencia, neque potest intelligi sine aliquo influxu; hic autem totus influxus consistit in hac excitatione, seu applicatione ad opus: vt autem intentio det operi bonitatem aliquam, non sufficit habitudo ad aliud, vt ad obiectum, vt per se notū est, quia actus nec physice, nec moraliter informat obiectum, vt obiectum, sed potius è contrario; vnde etiam alienos actus possumus, vt obiectum respicere, & referre in Deum, & non inde accipiunt bonitatem; requiritur ergo causalis relatio, quæ aliquo modo sit per modum imperij: actus autem, qui præcessit omnino, & neque in actu, neque in memoria, neque alio simili modo manet, nullo modo concurrat causaliter, ad præsentem actum, sed ita operatur homo, ac si nullo modo illum habuisset; ergo ex illa relatione præterita nullam bonitatem habet præsens actio. Atq; hoc confirmat vulgatum exemplum de eo,

Suarez in primam secundam D. Thomæ.

qui reulit omnia opera sua in præteritum aliquem finem, vt in idolum, quia non est necesse malitiam illius relationis redundare in omnia opera sequentia, etiam si retractata non sit.

Propter hoc, est quarta sententia, quæ requirit actualem relationem ad hanc bonitatem per formalem intentionem, vel actum imperatum, quæ significat Durandus in 2. d. 40. q. 2. n. 7. & 11. quamquam non satis rem explicet. Probat autem, quia secluso actu, & relatione præterita, ac ipso habitu, nihil remanet, quod possit sufficere. Dices sat esse virtutem aliquam ex priori actu relictam, sed inquiri, quid sit illa virtus, aut enim est aliquid in voluntate, vel in intellectu; non primum, quia in voluntate tantum sunt aut habitus, aut actus: sed non est habitus, vt dictum est: si autem est actus, erit actualis, & non virtualis relatio, atque eodem argumento probari potest non esse in intellectu, quia neque potest esse habitus, neque actus, præsertim, quia hæc virtus debet mouere voluntatem quoad exercitium ex parte ipsius potentie: intellectus autem nunquam mouet nisi ex parte obiecti quoad specificationem.

Nihilominus dicendum est sufficere relationem virtualem ex vi intentionis, seu imperij relictæ: & virtute permanentis, vt ex fine habeat operari humanam aliquam moralitatem, & laudabilitatem: est enim hæc expressa sententia D. Thomæ 3. contra Gentes cap. 138. ratione 3. vbi dicit. *Voluntas præcedens actum virtute manet in tota consecutione actus, & ipsum laudabilem reddit etiam cum de proposito voluntatis propter quod actus incepit in executione operis non cogitatur: idem q. 2. de malo artic. 8. argumento 11. cum solutione, & quest. 2. de Virtut. art. 11. ad 2. & sumitur etiam ex 2. 2. q. 83. art. 13.* Vbi agens de ratione dicit posse imperatoriam esse, & meritoriam sine intentione actuali, quando fit sine culpa, & reuera Bonaventura, Gabriel, Ægidius, & fere alij antiqui Scholastici hoc in sensu loquuntur.

Ratio autem est, quia in primis negari non potest, quin hic modus operandi non solum sit homini possibilis, sed etiam valde frequens, sic enim mercenarius tota die dicitur operari pro mercede, etsi non semper cogitet de mercede: & qui iter agit, vere dicitur deambulare, vt ad terminum viæ perueniat. Similiter in materia de Sacramentis nihil est certius, quam intentionem virtuale sufficere ad conficiendum Sacramentum, etiam si formalis non adsit. Itē quia quando vnus homo per alium operatur, præbendo illi suum consensum, & mandatum, quandiu non retractat dicitur virtute operari, quidquid alius operatur, quia virtus prioris consensus cõsetur manere in scriptura: vel mandato: sic ergo fieri potest in his, quæ homo per seipsum operatur ex vi prioris consensus. Præterea est huius rei argumentum quod homo operetur ex vi prioris intentionis, quia statim, ac illam mutat, cessat ab operando: ergo signum est operari ex aliquo influxu præcedentis voluntatis: quo modo autem hoc sit possibile, statim explicabo.

Quod autem hic modus operandi sufficiat ad dictam moralitatem patet in primis ex communis sentiendi modo omnium hominum, & quia plus ab homine exigere est plusquam humanum. Item quia longe diuerso modo moraliter operatur, quia ex intentione honesta se applicuit ad opus de se indifferens, & postea in illo perseverat, cessante actuali cogitatione illius finis, quam alius, qui per voluntatem omnino indifferētem ad idem opus se applicuit, nam hic sæpe censetur otiose loqui, & operari, ille autem studiosè.

VII.

4. Opinio de relatione actuali.

VIII.

5. Opinio auctoris de relatione virtuali.

IX.

Probatur hanc relationem esse frequentem.

X.

Deinde probatur sufficere.



ut homo. Denique ad hanc denominationem sufficit dependentia moralis, & causalitas unius actus ab alio, ut dictum est: hæc autem tunc intercedit mediate, vel immediate, quia operatio vere procedit aliquo modo ex influxu prioris intentionis, unde refertur aliquo modo in finem eius, & ex hac parte habet aliquam bonam circumstantiam, scilicet finis, quæ sufficit ad prædictam denominationem, si aliunde nulla sit malitia.

XI. Ut autem ad difficultatem propositam in num.

1. Modus explicandi relationem virtutalem. 7. respondeatur, addendum est tribus modis posse accidere, & applicari hanc relationem. Primus est si daretur idem numero actus imperatus, & actus interior imperatus interruptus sit, v.g. in oratione vocali, si quis capit orare intentione implendi præceptum, & in discursu orationis naturaliter distrahitur; nihilominus implet præceptum, & tota illa oratio dicitur esse virtute à priori intentione, cuius virtus manet in ipso opere; & potentia exequens semper manet applicata ex vi illius prioris intentionis, siue hæc applicatio consistat in sola actione exterioris potestatis, siue etiam in aliquo interiori usu voluntatis, & consequenter in aliqua etiam attentione intellectus, quamvis adeo simplici, & remissa, ut sit interceptibilis, sic enim sæpe homo attendit, & tamen si postea reflectatur, non potest iudicare, nec cognoscere se attendisse.

XII. Secundus modus est, quando est varietas in 2. Modus. ipsis actionibus, & in voluntatibus etiam, seu electionibus, tamen sine totali cessatione, sed immediate transeundo ab una electione, seu intentione ad aliam, ut quando aliquis intentione dicendi sacrum, se præparat, domo exit, incipit indui, &c. Et tunc etiam est facile intelligere quomodo maneat virtus prioris intentionis, manet enim in proxima voluntate, seu electione, & per illam imperat aliam, & sic consequenter, & hos duos modos explicui latius in materia de Sacramentis.

XIII. Tercius videtur difficilior, quando omnino 3. Modus. interruptitur formalis intentio, & omnis actus, vel voluntas ab illo manans, ut quando intercedit somnus, & postea incipit denuo operari, ut est vulgatum exemplum in eo, qui intentione implendi votum, multis diebus peregrinatur; qui tamen non quotiescumque euigilat, recordatur voti sui, nec repetit intentionem implendi illud, & in hoc casu, & similibus existimo virtutem prioris intentionis applicari media apprehensione, & iudicio intellectus, nam in prædicto casu statim, ac homo euigilat, apprehendit, & iudicat sibi esse inter agendum, neque inquit rationem bonitatis, aut convenientiæ, sed ex vi prioris deliberationis iudicat hoc sibi expedire, & esse agendum, & inde statim mouetur ad electiones, vel actiones, quæ statim occurrunt, & tunc merito dicitur operari virtute prioris intentionis, quia tota efficacia inde oritur, nam licet intellectus ex se non possit voluntatem mouere nisi obiectiue, & quoad specificationem: tamen virtute prioris voluntatis potest mouere efficaciter, & quoad exercitium: hæc autem motio tanto erit melior, & moraliter laudabilior, quanto in obiecto, seu actu, proposito considerata, vel iudicata fuerit aliqua ratio boni magis accedens ad bonitatem prioris intentionis, fieri enim interdum potest, ut illa prima apprehensio, per quam incipit progredi in opere interrupto, sit tantum de aliquo obiecto agendo sub communi ratione convenientis, aut expedientis, seu iam deliberati, vel simpliciter agendi, & tunc formalis intentio est valde indifferens intrinsece, solumque per denominationem extrinsecam potest ita bona denominari, ut neque

enseatur otiosa, interdum vero potest illud primum obiectum representari saltem, ut honestum, vel prudenter deliberatum, aut sub alia ratione magis speciali, scilicet, ut pertinet ad cultum Dei, vel quid simile, & tunc intrinsece habebit aliquam bonitatem non ex fine, sed ex obiecto, quod actu proponitur: per denominationem autem ex fine habebit speciem ad illum pertinentem, quale est implere votum, vel quid simile, & ita satis responsum est ad difficultatem positam in num. 7.

## DISPUTATIO VII.

### De malitia.



Ræter alias differentias inter bonitatem, & malitiam, una est, quod voluntas humana non potest fieri actualiter bona sine operatione à se elicitâ, ut supra dictum est: potest autem fieri mala sine vilo actu per voluntariam caritatem actus debiti: huiusmodi enim voluntarium dari potest, ut supra tract. 2. disp. 1. sect. 5. dictum est, & ad malitiam sufficit propter imperfectionem eius, ut latius tradi solet 1. 2. q. 71. art. 5. & q. 72. art. 6. Unde fit duplicem esse malitiam, una est quæ proximè denominat actum malum, & per illum, voluntatem altera, quæ voluntati proximè inest, & illam malam denominat. Quoniam igitur hic de actibus agimus, prior malitia est propria præsentis disputationis, & ideo prius de illa disputabimus, & potest illa generali nomine vocari malitia commissionis: in fine tamen aliquid de posteriore addemus, quando carentia actus ex ipso actu facile cognoscatur: de malitia autem actus disputari possunt omnia quæ de bonitate dicta sunt: tamen quia suppositis dictis erunt breuiores, omnia comprehendam sub hac vnica disputatione, explicando prius absolute rationem malitiæ, postea vero de obiecto, circumstantiis, & sine pauca tractabimus.

### SECTIO I.

*Verum sit aliquis actus voluntatis ex se, & natura sua malus etiam seclusa extrinseca prohibitione.*

PRIMO, quod in voluntate humana sint actus mali, per se notum est, & D. Thomas satis disputat 1. 2. quest. art. 2. Quod autem omnes actus mali sint prohibiti aliqua lege, saltem diuina, est certum, quia hoc ad perfectionem spectat diuinæ providentiæ. Rursus certum est apud omnes Theologos aliquos actus esse malos solum, quia prohibiti sunt, tamen ad explicandum exactè rationem malitiæ oportet in vniuersum explicare quomodo se habeat ad prohibitionem quantum à lege pendeat: & consequenter, quantum possit esse intrinseca humanis actibus, quia in hoc potissimum apparet tota difficultas tractanda. Est autem ratio dubij, quia nullus actus voluntatis potest ex vi suæ entitatis positivæ habere malitiam, sicut bonitatem: ergo tantum potest illam habere, in quantum deficit à regula voluntatis, quæ est lex: ergo non potest intelligi actus malus sine lege extrinseca prohibente. Antecedens supponitur, quia malum, ut malum, non potest esse differentia specifica, & positivum ens. Confirmatur, quia non potest intel-

I. Præmittitur quædam ad dubitationem præsens.



intelligi malitia actus sine obligatione non faciendi, sicut neque è contrario intelligi potest malitia in carentia actus, nisi sit obligatio operandi; sed omnis obligatio oritur ex lege extrinseca præcipiente, vel prohibente: ergo sine hac nulla est malitia: ergo sicut talis lex non est intrinseca actui, ita neque vlla malitia. Antecedens videtur ex terminis notum, quia nemo peccat omittendo, quod tenetur facere, neque è contrario, & potest etiam explicari, quia nemo peccat nisi volendo malitiam: non autem vult illam directè, quia nemo intendens ad malum operatur: ergo indirectè: ergo oportet, vt intercedat obligatio cauendi illam, quia hoc voluntarium indirectum, moraliter loquendo, non est nisi vbi intercedit aliqua obligatio.

Propter hæc quidam dixerunt nullum esse actum voluntatis ita malum, quin possit esse non nō malus, quamuis liberè, & humano modo fiat quia putant omnem malitiam pendere ex prohibitione extrinseca saltem diuina, quam putant esse liberam, quia pendet ex voluntate Dei, quæ libera est in omnibus effectibus ad extra, quorū vnus est prohibitio, seu præceptum, ita Nominales ferè sentiunt, Ochamus in 2. q. 19. ad 3. & 4. Gerson alphabeto 6. lit. E & tractatu de vita spirituali, lectione 1. & alios refert Almaynus tract. 3. moralium c. 15. & ferè consentit Scotus in 4. d. 26. q. 1. qui tamen excepit odium Dei: videtur etiam fauere D. Thomas 1. 2. q. 71. art. 6. ad 4. Vbi explicans illam distinctionem Theologorum de actibus malis, quod quidam sunt mali, quia prohibiti: alij vero prohibiti, quia mali, dicit esse intelligendam respectu legis politice, significans respectu æternæ, & diuinæ legis omnes esse malos, quia prohibitos: quod etiam sentit D. Bonauentura in 2. d. 35. dubio 4. circa litteram. Fauet August. 2. de peccatorum meritis, & remissionibus c. 16. dicens, neg. præceptum erit, si quid erit nisi iubeatur, vt non sit. & infra, Quomodo per diuinam misericordiam dimittitur, si peccatum non est, aut quomodo per diuinam iustitiam non prohibetur, si peccatum est. Denique lib. 22. contra Faustum c. 27. præceptum definit per hoc, quod sit contra legem: idem Ambr. libro de paradiso cap. 6. dicens, Quid est peccatum nisi diuinæ legis præuaricatio, imò videtur id docere Paulus ad Romanos 4. Vbi non est lex, neque præuaricatio: & cap. 5. Peccatum non imputabatur, cum lex non esset. & ideo 1. ad Corinth. 15. Virtus, inquit, peccati lex.

Alij vero absurdū existimant, negare aliquos actus ita esse malos, quin habeant inseparabilem malitiam etiam de potentia absoluta, si liberè, & humano modo fiant, & nihilominus propter argumenta facta concedunt non posse esse malos sine prohibitione saltē diuina: vnde concludunt hanc prohibitionem non esse Deo liberam, sed necessariam, quia licet Deus ad extra se nihil simpliciter necessario velit: tamen supposita libera voluntate circa vnum non est incōueniens, vt sit necessarium velle aliud, quia hæc non est necessitas simpliciter, sed ex libera suppositione; sic ergo inquiunt hoc ipso, quod Deus vult creare hominem, & illum liberè vult, & per rationem operari, & cum illo ad hoc cōcurrere, necessarium est, vt illi prohibeat hos actus habentes ita coniunctam malitiam, cum quia facta dicta suppositione necesse est, vt habeat Deus prouidentiam hominis, cuius hæc est pars potissima, tum etiam, quia absolute necessarium est, vt huiusmodi actus Deo displiceat: ergo necesse est, vt repugnet voluntati eius: ergo & prohiberi: nam hæc duo idem sunt, hanc vero opinionem sic explicatam apud nullum scriptorem inuenio.

Alij distinctione vtuntur cum Gregor. in 2. d. Suarez in primam secundā D. Thom.

34. q. 1. art. 2. Gabr. d. 35. q. 1. art. 1. Almaynus tractatu 3. cap. 16. quos sequitur Corduba libro 3. quest. q. 10. ad 2. hi enim autores concedunt aliquos esse actus intrinsecè omnino malos ac necessario, etiam de potentia absoluta: distinguunt autem duplicem legem, aliam indicantem, aliam præcipientem. Prima explicatur tantum per verbum indicatiui modi, hoc est faciendum, vel non est faciendum: alia per verbum imperatiui, fac hoc, vel non facies. Prima tota est in intellectu, & non pendet à voluntate: consistit enim in iudicio indicante rem ipsam prout est. Secunda vero pendet à voluntate quatenus vult imponere hanc, vel illam obligationem. Vnde prima non pendet ex iurisdictione, vel potestate superioris, sed ex re ipsa. Secunda vero requirit potestatem & iurisdictionem: dicunt ergo omnem actum malum requirere priorem legem, non autem posteriorem.

Hæc distinctio à nonnullis improbat, cuius improprie vtitur Gregor. voce legis, propter eam non significat nisi imperium: si tamen res vera est, non esset de voce multum contēdendum, præsertim, quia dictamen rectæ rationis non admodum improprie per sese dicitur habere rationem legis respectu voluntatis, præsertim in voluntate, quæ non est sibi regula suorum actuum, neque est natura sua determinata ad honestum: nam reuera tale dictamen est regula, & mensura talis voluntatis: non ergo adeo improprie dici potest lex respectu illius, neque hæc significatio huius vocis est admodum inuitata. August. enim lib. 22. contra Faustum resp. 27. sub distinctione dixit. Lex æterna est ratio diuina, aut voluntas Dei, & D. Thomas loco supra citato videtur certè hoc modo vti nomine legis, vt patet ex fine illius solutionis, dicit enim omne peccatum esse malum, quia prohibitum, & subdit: ex hoc enim ipso, quod est inordinatum, iuri naturali repugnat: vbi non dixit, ideo esse inordinatum, quia iuri naturali repugnat, sed è contrario, quia est inordinatū, ideo iuri naturali repugnare. quod solum est verum sumendo ius naturale pro ipso dictamine rationis, sed quidquid sit de voce legis, nos loquamur de voluntate prohibente, & de iudicio dictante.

Dicendum primo, aliquos actus voluntatis esse, & ex vi suorum obiectorum esse malos ante omnem voluntatem prohibentem & independentem ab illa quoad rationem malitiæ. Hæc conclusio sumitur ex D. Thoma 1. 2. q. 100. art. 1. & 8. hoc enim sensu definit quosdam actus ita esse malos, vt nulla Dei dispensatione fieri posset, vt non sint mali, & ita sequitur Caietanus ibi, & Scorò 2. de iustitia q. 3. art. 10. Victoria relectione de homicidio, Richard. in 3. d. 37. art. 1. q. 5. & ibi Gabr. q. 1. art. 2. & Scot. q. 1. absolute hoc admittit, licet in particulari iudicio de his actibus differat à sententia D. Thomæ, quod non est huius loci: sentit etiam Durandus in 1. d. 46. q. 4. Sumitur etiam ex Augustino 1. de libero arbitrio cap. 3. dicente adulterium non esse malum, quia prohibitum, sed è contrario, & idem dicit de mendacio glossa Leuit. 19.

Vnde probatur primo inductione, quia odium Dei ita est malum, vt si liberè, & humano modo absque ignorantia fiat, non possit nō esse malum, quod videtur ita ex terminis notum, vt non indigeat probatione, nam rationi propositum statim repugnat, idem est de hoc actu, volo agere contra conscientiam, contra rectam rationem, contra præceptum superioris. Nam huiusmodi actus non potest mēte concipi, quin malus sit, quod argumentum latè prosequitur Almaynus supra. Potest etiam hæc inductione

VI.  
1. Assertio.

VII.

III.  
2. Opinio  
extremè  
contraria.

IV.



ductio extendi ad ipsam diuinam voluntatem, respectu cuius quædam sunt ita mala, vt non possit Deus ea velle: qualia sunt velle mentiri, velle non implere promissum, &c. Quod non prouenit respectu illius ex voluntate prohibente; ergo ex eo prouenit quod talis voluntas per se mala est.

## VIII.

Ratio autem à priori est, quia voluntas sumit bonitatem, vel malitiam suam ex obiecto; est autem aliquod obiectum ex se discoueniens naturæ rationali, vt sic, absq; voluntatis superioris prohibentis, vt supra latè dictum est: ergo talis voluntas per se est mala ex vi voluntariæ tendentiæ in tale obiectum ante voluntatem prohibentem. Cõfirmatur, & declaratur primò, quia in cæteris rebus, & naturis, quædam sunt natura sua discoueniencia naturis rerum ante omnem voluntatē, vt calor ex se est discoueniens aquæ, similiter in aliis rationibus boni, & mali, v.g. delectabilis, aut contristantis vnumquodq; est ex se tale natura sua sine respectu ad voluntatem extrinsecā: ergo idē esse poterit in naturali rationali vt sic, & in ratione boni honesti, aut mali cõtrarij. Tādem, quia sicut in speculatiuis quædā sunt principia per se nota, quæ non pendent ab extrinseco vt vera sint, ita etiam in practicis, qualia sunt, vel illa generalia, *honestum est faciendum, turpe vitandum*: vel particularia *non est metiendum, nemini est faciendum iniuria, &c.* Hæc ergo iudicia semper sunt vera independenter ab omni extrinseco: ergo & voluntas ab illis discordans semper est mala independenter etiam ab omni extrinseco. Nam illa veritas sumitur suo modo ex cõfirmatione ad oppositum rectum, vel non rectum: vnde si fingeremus hominem inuincibiliter ignorātem Deū, & omnem superiorem voluntatem prohibentem mēdacium, vel adulterium, rectè autem vtentē naturali iudicio in rebus agendis, intelligeremus illum posse bene, vel male agere: & à voluntate mentiendi, vel adulterandi in tali homine esse inseparabilem malitiam.

## IX.

## 2. Assertio.

Dicendum secundo, nullum posse esse voluntatis actum malum, quin sit contra dictamen rationis iudicantis malitiam actus, vel obiecti, qui est sensus auctorum terciæ sententiæ, & per se constat, quia non potest actus voluntatis esse malus; quin sic illi voluntaria aliquo modo malitia, non erit autem voluntaria nisi sit aliquo modo ratione diiudicata, vel in actu ipso, vel in obiecto, quod perinde est: nec disputo modo, an hoc dictamen debeat, & possit haberi, nam de hoc satis dictum est supra in materia de voluntario disp. 4. sect. 3.

## X.

1. Corollar. odium Dei fore malum, esto non prohibetur.

Id probatur quando non daretur prohibitio propriè dicta.

Atque ex his sequitur primo quid sit iudicandum de hac conditionali, si Deus non prohiberet odium sui, non esset malum: quidam enim dicunt vtrumque sequi, nam & esset maius, quia esset de turpi obiecto, & non esset malum, quia non esset prohibitum à Deo, ita respondet Medina 1. 2. q. 18. art. 1. & q. 19. in principio, & q. 100. art. 8. tamen si sit sermo de prohibitione non vt spectat ad naturale iudicium, sed ad voluntatem diuinam, quæ vt superior vult obligare hominem, vt hoc faciat, vel non faciat, dicendum est conditionalem hanc esse veram, licet Deus non prohiberet, actus esset malus, & aliam partem omnino esse falsam, neq; sequi contradictionem, quia obiectum ipsum per se sufficit vt actus sit malus: illud autem non mutatur etiam si tollatur prohibitio. Deinde illud antecedens non est ideo impossibile, vt implicet contradictionem; non est ergo impossibile vt ex illo sequantur contradictoria. Antecedens in primis patet: si intercedat ignorantia talis prohibitionis, vt supra in exemplo positum

est, nam respectu ignorantiz perinde est, ac si in re non esset prohibitio. Deinde patet ex re ipsa, quia voluntas, quæ Deus hoc prohibet, vel intelligitur esse naturalis quædam displicentia talis obiecti, vel actus: & hæc in primis supponit malitiam iam in actu, vel obiecto: ergo si per possibile, vel impossibile præscindamus hanc displicentiam, vt non sit, erit in tali actu malitia, & deinde non constat Deum ex necessitate habere naturalem displicentiam, saltem quoad exercitium, quia nihil est, quod necessiter ad hoc diuinam voluntatem. Denique ille simplex affectus, vt sic, per se non sufficit ad rationem legis prohibentis, sicut neque è contrario simplex affectus complaceti in bonum non sufficit ad rationem legis præcipientis, vt patet in actibus consiliorum: est ergo necessaria aliqua voluntas efficax, non quæ Deus velit talem actum non fieri, sed quæ velit teneri inferiorem ad talem actum non faciendum: hæc autem voluntas nulla ratione probari potest conuenire Deo necessariò etiam supposita voluntate creandi hominem, nam licet sit consentaneum diuinæ sapientiæ & prouidentiz gubernare creaturam rationalem, leges, & præcepta ei imponendo per voluntatem suam: tamen non est ita hoc necessarium, vt cõtrarium implicet contradictionem: sicut etiam est consentaneum, vt retribuat præmia pro bonis actibus, & pœnas pro malis, & tamen sine contradictione potuisset Deus nolle punire talem actum malum: sic ergo posset etiam hominem relinquere, vt sua ratione regeretur nullam specialem obligationem per voluntatem suam illi imponendo, nam hic etiam est quidam moralis effectus ad extra, qui non habet necessariam connexionem cum alio effectū, neque cum voluntate diuina. In hoc ergo sensu nullam inuoluit contradictionem illa conditionalis: sed vera est pars affirmatiua, quod licet nulla esset externa prohibitio talis actus esset malus.

Alio vero sensu potest intelligi de dictamine rationis diuinæ, vel humanæ, & hoc modo per locum intrinsecum sequitur, si talis actus non iudicaretur malus recta ratione non futurum malum, quia non potest esse malum autem aliquod in actu, nisi sit voluntarium: non potest autem esse voluntarium, nisi aliquo modo sit recta ratione iudicatum, & quia nostra ratio est quædam participatio rectæ rationis, quæ in Deo est, ideo etiam rectè sequitur, si in Deo non esset, æterna lex indicans malitiam actuum, cui voluntas nostra repugaret, non posse in actibus nostris esse malitiam, quia ablata diuina ratione, necesse est nostram auferri: Si autem sub conditionali fingamus manere in nobis dictamen rectæ rationis indicans malum, & per impossibile non esse in Deo, illud sufficeret ad malitiam, quia illud sufficit vt voluntas voluntarie tendat in turpe obiectum.

Secundo intelligitur ex dictis, quid dicendum sit de hac causali locutione, Omnis actus voluntatis est malus, quia prohibitus saltem lege æterna. nam si intelligatur de lege proprie imponente obligationem per voluntatem legislatoris, non est simpliciter necessaria de potentia absoluta, vt ex dictis patet, nec de facto etiam est vera, si intelligatur de prima radice, & causa malitiæ, vt etiam patet ex dictis: potest autem de facto verificari intellecta de causa sufficenti ad malitiam, nempe dictamine intellectus, seu lege æterna, nam licet, nulla alia esset, hæc satis esset, vt voluntas nostra agens contra illam legem esset mala, & hoc modo possent intelligi quædam testimonia Augustini, Ambrosij, & D. Thomæ supra adducta in num.

## XI.

Quid quædam talis prohibitio non extaret, sed sola dictamen rationis.

## XII.

2. Corollar. circa illam causalem omnino actus est malus quia prohibitus, vt sit, aut non sit vera.



in num. 2. nam de facto ita est, quod omnis actus malus est contra legem Dei, & per illam tanquā per sufficientem rationem, & clariorem notificatur: si vero intelligatur solum de lege dictante pro ut est in ratione, facilius verificaretur propositio de inesse, quam causalis, est enim voluntas mala agens contra dictamen rationis: tamen non ita proprie dici mala videtur, quia agat contra dictamen rationis, sed quia voluntarie tendit in malum obiectum, quod non est malum, quia ratione ostenditur, sed potius ideo ratione ostenditur, quia ipsum malum est, ut in principio huius materiæ dicebam: potest autem aliquo modo verificari illa causalitas. Primo loquendo de ratione diuina in qua tum est prima mensura, & primum exemplar rerum omnium, de ratione autem nostra, in quantum est necessaria conditio, & consequenter aliquo modo causa omnium actuum voluntatis: de vtraque vero proprie ex parte obiecti, non ex parte actuum intellectus, est enim voluntas mala, quia discordat ab obiecto, pro ut per rectam rationem proponitur.

XIII.

3. Corollar.  
quo sensu dicantur aliqui actus in  
intrinsece mali.

Tertio intelligitur ex dictis, quomodo dicantur aliqui actus intrinsece mali, non enim tales sunt, quia malitia sit intrinseca, & physica entitas eorum de quo postea in sect. 3. neque etiam fortasse, quia non possit entitas physica actus poni in rerum natura, sine illa malitia, sed dicuntur tales, quia non possunt libere, & humano modo fieri circa tale obiectum moraliter, & absque ignorantia propositum, quin habeant coniunctam, & innatam malitiam, itaque repugnat tales actus morales sic factos esse bonos, aut manere indifferentes, & ideo merito dicuntur mali intrinsece. Sed inter hos est aduertenda quedam varietas, & latitudo, nam quidam habent adiunctam malitiam ex vi directæ, & physice tendentis in obiectum, quod contingit quando vel obiectum habet omnino immutabilem conditionem illam ex qua oritur turpitudine, ut est in odio Dei, aut quando in ipso obiecto directe volito proponitur illa conditio, ex qua oritur illa turpitudine, ut est in voluntate mentiendi, furandi, &c. Aliquando vero non adiungitur malitia ex vi directæ vel physice tendentis, sed tantum ex indirecta: ut cum aliquis vult hanc rem accipere, vel ad hanc mulierem accedere, & in obiecto volito non ponit conditionem non suam, vel alienam: inter quos est differentia: nam hic posterior actus potest conseruari totus sine malitia, si in obiecto mutetur conditio, quia ex illa mutatione in obiecto non sequitur mutatio in actu, quia non tenebat directæ in illam conditionem: potest autem sequi mutatio moralis, quia moraliter mutatur obiectum: in alio vero actu non potest mutari obiectum, quin mutetur actus propter directam tendentiam, & ideo non potest eo manente auferri malitia, nisi forte interueniente ignorantia: si tamen tamen patens sit malitia, ut non possit ignorari, ut fortasse est in odio Dei, non poterit ille actus esse humanus, quin sit malus; & ideo forte Scotus dixit hunc actum esse specialiter intrinsece malum, de quo nonnulla in sect. 3.

XIV.

4. ratione  
dubitandi  
in num. 1.

Ultimo pater ex dictis responsio ad rationem dubitandi in principio positam: cum enim dicitur, omne malum debere esse contra prohibitionem, vel contra debitum, si intelligatur de intrinseco debito naturæ rationali, ut sic, est verum quod assumitur, & ex illo debito nascitur iudicium rectæ rationis, prohibens iudicando convenientiam naturæ, & malitiam contrariam, non imponendo nouam obligationem: & hoc satis est ad omnia, quæ ibi assumuntur, neque est ne-

cessaria alia maior prohibitio exterior, ut dictum est, quamuis de facto semper hæc concurrat ex perfectione diuinæ prouidentie. Ad testimonia iam responsum est in num. 12. & possunt etiam non male exponi de lege indicante.

## S E C T I O II.

*Utrum malitia actus voluntatis proxime sit in ipso actu voluntatis.*

Non inquiri, utrum sit proprie per identitatem, vel per propriam inhaerentiam, sed quocumque modo sufficiat, ut actus ipse intelligatur esse qui primo, & proxime denominatur ab hac malitia formaliter. In qua re possunt esse duæ opiniones, quæ nihil non probantur. Prima est hanc malitiam solum esse in actu exteriori, ab eoque denominari interiorem malum, quatenus causa eius est, quam opinionem consequenter tenent de malitia omnes supra citati, qui simile docuerunt de bonitate, & maiori ratione existimant hoc habere locum in malitia, quia de ratione boni est, ut per se tendat in honestum propter honestatem quod solum videtur conuenire actui interiori: de ratione autem mali non est, quod per se tendat in turpe propter turpitudinem: id enim neque possibile est, ne dum necessarium: sufficit ergo, quod quocumque modo sit dissonum, & disconueniens rationi: hoc autem per se conuenit actui exteriori, interiori autem non nisi quatenus est causa eius, unde fit etiam, ut actus exteriores per se primo prohibeantur, ut homicidium, interiores autem, scilicet voluntas occidendi solum ratione exterioris.

Hæc sententia est sine dubio contra D. Thomam 1. 2. tota quest. 18. & 19. qui eodem modo loquitur de bonitate, & malitia, & tribuit eam actibus interioribus: imo quest. 20. addit in actibus exterioribus non aliter esse malitiam, quam bonitatem, scilicet primordialiter, seu obiective: formaliter vero esse in actibus interioribus, quod etiam optime docet quest. 2. de malo art. 3. & 3. contra gentes cap. 10. Et potest breuiter ostendi facta partitione, quæ supra etiam tradita est de bonitate, nam actus interiores mali quidam versantur circa obiecta, quæ non sunt humanæ actiones, sed res aliæ, ut odium Dei, inuidia proximi, & de his constat malitiam eorum non posse esse in actibus externis, cum ad eos nullam dicant habitudinem, neque in solis obiectis propter rationes ibi factas, quia obiectum non est forma formaliter denominans interiorem actum, sed terminus habitudinis actus ad ipsum. Item quia obiectum, ut supponitur actui, tantum per se est in apprehensione, & ut sic non denominat hominem malum, imo neque habet malitiam realiter existentem eo modo, quo existere potest: sed hæc fit, quando voluntas tendit in illud obiectum: tres igitur alii sunt actus mali, per quos tendit voluntas in exteriores actus, non tamen exequendo, neque efficaciter ad illos mouendo, sed amando, desiderando, vel etiam eligendo ante realem executionem, & de his eadem fere est ratio, quæ de præcedentibus, quia respectu talium actuum interiorum, externi solum comparantur, ut obiecta, & non ut effectus, unde ipsi interni statim ac sunt incipiunt esse mali, cum tamen exteriorum malitia in re ipsa non sit, donec executioni mandentur, sed in apprehensione tantum. Denique quia talis actus exterior, neque physice, neque moraliter est forma interioris ipsum formaliter



liter informans, ac denominans. Dices. Actus malus, qui fuit, etiam si iam non fit, est forma denominans hominem malum: ergo etiam actus exterior futurus antequam sit poterit esse forma denominans interiorem malum. Respondetur non esse similem rationem, nam actus peccati dum est, seu fit, denominat hominem actu peccantem, quia est forma eius: postquam vero præterit, in tantum potest denominari hominem malum, in quantum sub aliqua consideratione morali perseverat: actus vero exterior futurus nullo modo est per se ipsum forma denominans actum interiorem, sed solum obiectum, imo ad malitiam talis actus interioris impertinens est, quod actus exterior sit aliquando futurus, non enim habebit minorem malitiam, etiam si nunquam sit futurus.

III.

Alii denique actus sunt interiores, quibus voluntas actualiter utitur in mouendis membris externis ad actus malos, & de his solis videtur posse loqui prædicta opinio: tamen reuera est eadem ratio de illis, nam quicquid sit, an exteriores actus in se habeant suam malitiam, quod postea suo loco disp. 10. videndum est: tamen negari non potest, quin etiam isti interiores habeant suam internam malitiam, à qua mali denominantur, quia etiam hi respiciunt actus interiores malos, vt obiecta sua: ergo si hoc sufficit in reliquis ad interiorem malitiam, in his etiam sufficit. Probatur consequentia, quia etiam si addatur causalitas, hæc non impedit malitiam, sed si quid deberet efficere potius augeret, re tamen vera non mutat moraliter actum interiorem, nam si ille sit æqualis, erit æque malus, siue actus exterior sequatur, siue fingatur impediri à Deo saltem. Item talis actus voluntatis est per se valde disconueniens homini, vt rationalis est, vnde non est minus prohibitus, quam exterior. Item si ante actum exteriori æquali, potest esse maior malitia in interiori, propter maiorem intensiorem, & conatum, tamen ad malitiam non refert, quod malus actus non tendat in obiectum turpe, propter turpitudinem, quia saltem necesse est, vt tendat in illud, volendo aliquo modo ipsam turpitudinem, & hoc fit potius interiori actu, quam exteriori.

IV.  
2. Opinio.

Secunda opinio est, malitiam interioris actus esse intra ipsam voluntatem, inesse tamen immediate ipsi potentie, non vero in actu, quamuis in potentiam resultet per actum, & ideo denominet ipsum actum malum. Fundamentum esse potest. Primo, quia hæc malitia est potius ab actiuâ voluntate, quam à receptiuâ, est enim voluntas mala, non quia recipit, sed quia male agit, nam in tantum fit mala, in quantum est libera, non est autem libera ad recipiendum, sed ad agendum. Vnde cum prius natura efficiat, quam recipiat, recipit enim, quia agit, in illo priori, in quo intelligitur agens præter rationem, statim intelligitur malapriusquam recipiat actum: ergo illa est, que immediate intelligitur affici malitia, & non actus. Probatur consequentia, tum quia actus, vt sic, non agit, sed fit potius, & ideo ipse vt sic, non habet vnde fit malus, tum etiam quia si voluntas prius natura intelligitur mala, quam affecta actu, non potest per actum formaliter recipere malitiam, & ideo non dicitur voluntas mala, quia malum agit, quia quidquid sit, hoc ipso quod fit bonum est, sed quia male agit, quod sancti dicunt voluntatem fieri malam non agendo, sed deficiendo: ille ergo defectus est immediate in voluntate: potest autem hoc explicari in hypothesi, si voluntas per se ipsam sine actu elicitio medio libere moueret membra exteriora ad

actum malum, non esset minus mala, quam modo est, & tunc malitia non maneret in actione exteriori, sed in ipsa voluntate maneret: ergo idem est modo dicendum de voluntate comparata ad suum actum elicitum, quem immediate per se ipsam facit.

Secundo potest aliter fundari hæc sententia, quia hæc malitia consistit in deformitate ad legem, seu rectam rationem, seu naturam rationalem, vt sic: hæc autem deformitas proprie, & per se conuenit voluntati, cui erat debita contraria conformitas, nam actui, vt sic non debetur, sed sola habitudo ad obiectum suum: ergo non in actu, sed immediate in voluntate est: ergo malitia quamuis resultet ex actu, non in ipso, sed in voluntate est immediate: eo modo, quo relatio paternitatis ex generatione resultat, non est tamen immediate in illa, sed in principio, vel potentia generandi, vnde sicut transacta generatione manet paternitas, ita transacto actu humano manet eadem malitia, seu deformitas in voluntate.

Hæc vero opinio etiam repugnat D. Thomæ 1. 2. questionibus 18. & 19. vbi eodem modo loquitur de bonitate, & de malitia, & artic. 1. ipsius questionis 18. ex professo probat actum esse malum, non quia oritur ex malitia, vel quia ex illo resultat in voluntate, sed quia ipsemet caret plenitudine essendi, & art. 1. & 2. quest. 19. probat actum sumere malitiam ex obiecto, & quest. 72. artic. 1. ad 2. dicit peccatum esse actum debito ordine priuatum, & eadem fere est Theologorum omnium sententia, vt in sequentibus videbimus, imo omnes homines ita sentiunt, & scriptura ita loquitur hominem peccare non tantum male agendo, sed etiam efficiendo actus ipsos in se malos. Ratio vero ostensiuâ esse potest, quia voluntas fit mala volendo malum: ergo actus ille quo vult malum, est etiam ipse malus: ergo malitia eius est in ipso, quatenus in ipso est aliquo modo tendentia in id, quod est malum, sicut actus est bonus, quia est tendentia in bonum. Vnde etiam hic vrget illa ratio, quia alias etiam volita esset malitia cum sit contraria, seu priuatiue opposita: hæc autem versantur circa idem. Item sicut interior actus proxime est capax bonitatis, ita & malitiæ. Tandem eadem est proportio actuum, & habituum: sed habitus non sunt vitiosi vitio immediate existente in voluntate, sed in se ipsis habent defectum, ratione cuius constituunt voluntatem habitualiter vitiosam; ergo multo magis, &c.

Sed specialiter ostendo falsitatem huius sententiæ, distinguendo duos modos extreme oppositos, quibus affirmari potest, quique in fundamento eius insinuantur. Vnus est, quod malitia ordine naturæ antecedit actum in ipsa potentia, alter est, quod ordine naturæ sequatur, & resultat ex actu. Tertius enim, scilicet quod sit omnino simul, & comiteretur actum, excogitari non potest, nisi dicendo malitiam esse in ipso actu, quod intendimus: nam si esset simul cum illo, & non esset in illo, neque ex illo, neque esset causa illius, sane omnino per accidens comitaretur illum, vnde non denominaret illum: sicut dici solet de actu, qui omnino concomitanter se habet ad omissionem, vel de actu bono, qui simul habet actum malum solum concomitanter: prior ergo modus qui in primo argumento indicatur, est plane falsus, nam voluntas dupliciter potest intelligi prior natura suo actu. Primo vt antecedit non solum actum in facto esse, sed etiam in fieri, id est, actionem & influxum suum: & vt sic, solum intelligitur existere in actu primo: ergo vt sic nondum

V.

VI.

Recurritur prædicta opinio, & vera statuitur.

VII.

Impugnatur deinde 2. opinio iuxta unum eius sensum.



nondum habet malitia n. Probatur consequentia, quia nondum intelligitur exercere libertatem suam, sed adhuc esse indifferens ad bonum, & malum. Secundo concipi potest, ut prior natura suo actu in quantum ordine naturæ actio antecedit terminum, & sic, etiam si demus in illo priori iam esse malitiam in voluntate, non esset in illa immediate, sed in actione ipsa per quam fit mala, quia illa est defectuosa, & tendit ad terminum, & obiectum inordinatum: & præterea falsum est in illo priori voluntatem iam esse malam, seu fieri malam, quia voluntas non fit mala nisi volendo: non vult autem formaliter nisi per actum, qui est terminus actionis suæ, ut suppono ex dictis: per actionem autem dicitur volens in fieri solum.

VIII.

Impugnatio  
altera eius-  
dem sensus.

Item quoad hoc eadem est ratio de bonitate, quæ de malitia: nam etiam voluntas fit bona efficiendo actum bonum: quæ tamen bonitas est in fieri in actione, & in facto esse in actu: absolute tamen voluntas constituitur bona per actum, quia per illum fit absolute volens quod honestum est. Atque ex hoc exemplo bonitatis constat esse sophismata omnia ea quæ in primo argumento num. 5. adducuntur, nam etiam homo fit bonus per actionem liberam, quamvis actus liber non possit consistere in sola actione, loquendo de prima actione libera per immediatam emanationem à potentia libera, & utrumque sumi potest ex Concilio Tridentino *sessione 6. canone 4. & can. 11.* estque per se evidens, quia non potest talis actio esse libera, nisi sit vitalis, & immediate ab appetitu vitali: non potest autem esse huiusmodi, nisi sit immanens in ipso: est ergo de ratione eius, ut informet suum principium: donec ergo utrumque intelligatur habere, non potest intelligi voluntaria, ne dum libera, imo si aliquid esset separabile ab ipsa quatenus voluntaria est, magis esset affectio, quam receptio: ergo impossibile est intelligere voluntatem fieri malam per actionem, vel actum prius natura, quam recipiat illam servata proportione. Vnde impertinens est illa hypothesis in fine num. 5. si voluntas efficeret actum externum liberum sine actu elicitio medio, & c. tunc enim per se ipsam fieret volens, non per actum externum, & ita etiam per se ipsam fieret mala, non ut potentia est, sed ut intelligeretur libere terminata ad obiectum, sub qua ratione ipsa tunc esset suus actus, sicut nunc philosophamur de voluntate diuina: semper ergo, formaliter loquendo, hoc verum est, quod per illud intelligitur voluntas fieri mala, per quod intelligitur actu volens malum.

IX.

Impugnatio  
quoque  
alter sensus  
eiusdem 2.  
opinionis  
positus in n.  
2.

Atque hinc facile impugnatur alter modus extreme oppositus, nam eo ipso quod voluntas intelligitur volens tale obiectum, intelligitur iam prava antequam aliquid ex illa intelligitur resultans, & contra hoc procedit optime illa ratio, quod quidquid postea resultat, est omnino per accidens, & præter libertatem, seu post perfectam iam, & consummatum actum liberum propter quod sæpe in superioribus dixi has relationes conuenientiarum, vel disconuenientiarum proprie sumptas, ut sunt relationes resultantes, esse impertinentes, quia vel nullæ sunt, vel supponunt actiones bonas, vel malas, ut inde resultent. Præterea nihil potest resultare in voluntate ex actu malo, quod rationem malitiæ habere possit nisi sit in ipso actu: nam vel est aliquid positium, & hoc non, quia, ut suppono, malitia actus, non est habitus vitiosus, qui generari potest, nam licet non generetur per possibile, vel impossibile, actus manebit malus, & illo manente, potest tota malitia actus deleri: aliud autem positium

nec cogitari potest: priuatio autem etiam esse non potest, quia nulla est forma positiva in voluntate, qua priuetur ratione actus mali: quod autem quidam dicunt priuari conformitate ad legem, ostendam inferius non fieri per aliud, quam per ipsummet actum malum formaliter. Quare, & c.

Dicendum est ergo actum voluntatis interioris fieri, & denominari malum ab aliquo defectu, qui in ipso est, & ab ipso formaliter voluntatem denominari malum, quod satis probatum est ex dictis contra alias opiniones quarum fundamenta soluta sunt: tota vero huius rei difficultas consistit in explicando illo defectu, qui est in actu, ratione cuius est malus quod sequentibus sectionibus agendum est.

X.

Conclusio  
auctoris in  
hac sect.

## SECTIO III.

*Virum malitia actus interioris sit aliquis  
modus realis positium, & physicus  
in ipso.*

Videretur ita esse primo, quia bonum, & malum opponuntur contrarie, ielle Aristotele 1. *Arg. pro*  
2 *Ethicorum cap. 8.* ubi de vitio, & virtute loquitur, & disputat de propria contrarietate, ut à priuatiua positione distinguitur, ut patet ex capite de oppositis: quæ autem sic opponuntur, positiva sunt in utroque extremo, nam in eo distinguuntur à priuatiue oppositis: ergo. Secundo in naturalibus ita contingit, ut non sola priuatio, sed positiva forma ut talis est sit mala alicui subiecto, ut aquæ non solum est mala priuatio frigoris, sed etiam ipsemet calor quatenus est forma repugnans naturæ eius: & homini, ut senectus est, non solum est malum priuatio delectationis, sed dolor ipse positivus, & c. ergo similiter respectu rationalis naturæ, ut sic, non solum est mala priuatio iustitiæ, seu honestatis, sed etiam actus ipse positivus, quo tendit in obiectum malum, nam illamet positiva tendentia tam est contraria naturæ rationali, ut sic, quam est terræ contrarius motus sursum. Tertio hoc ipso quod intelligitur in voluntate forma, per quam fit formaliter voluntas difformis legi, intelligitur voluntas prave affecta, sed per actum positium, ut talis est, physice fit formaliter voluntas difformis legi: ergo per illum actum, ut sic, constituitur mala: ergo ille actus est malum voluntatis. Minor probatur, nam lex dicit, v. g. *Non concupisces*: ergo voluntas per actum quo concupiscit fit difformis legi. Confirmatur: nam illud propria ratio cuiuscunque rei est, per quod intelligitur constitui in tali esse, quacumque alia ratione præcisa per intellectum priuatiua, vel positiva, sed hoc ipso, quod voluntas intelligitur habere actum proprium, quem lex prohibet, intelligitur malum morale in voluntate, etiam si præscinditur omnis alia priuatio: ergo ratio huiusmodi in illo positivo actu consistit. Vltimo est præcipua difficultas, quia nulla priuatio fingi potest, in qua consistit hæc malitia, ut latius videbimus *sequenti sectione.*

I.

1. *Arg. pro*  
2 *asfirm. par-*  
te.

2. *Argum.*3. *Argum.*4. *Argum.*

II.

Propter hæc argumenta aliqui Theologi docent malitiam moralem actus interioris, præsertim quando est intrinsece malus, esse differentiam quandam, seu modum quædam positium, & physicum ipsius actus. Hæc opinio solet tribui Scoto in 2. *dist. 7. & 41. quest. unica, & quodlibeto*

18. art. 1.



18. art. 1. Quibus locis videtur distinguere duplex malum positium, & priuatiuum: sed reuera nō habet fundamentum in Scoto in quo est cauenda duplex æquiocatio, nam priori loco agens de actibus indifferentibus dicit interdum carere omni honestate, non tamen simpliciter debita, aut necessaria ad bonos mores, & hos actus vocat *priuatiue* malos: non quia reuera mali sint, sed quia reuera non sunt boni: malos autem *contrarie* appellat, quando carent bonitate debita, & necessaria, quod est proprie esse malum. Altera æquiocatio est, quod in dicto quodlibeto agens de circumstantiis, dicit interdum esse malas propter *contrarietatem*, interdum propter *priuationem*, quod non est dicere malitiam ipsam esse aliquid positium, vel priuatiuum, sed conditionem obiecti, ex qua malitia oritur, interdum esse positium, interdum priuatiuum. Insinuat autem in hac sententiam Almainus *tractatu 1. moralium cap. 13. & 14. & tractatu 13. cap. 18.* quamuis non satis explicet.

III. Primus ergo, qui hanc sententiam ex professo docuit, & declarauit, fuit Caietanus 1. 2. *quest. 18. art. 5.* qui distinguit duplex malum: aliud vocat vere, proprie, & simpliciter malum: aliud vero quod est genus, vel differentia entis moralis. Primum dicit consistere in priuatione, & formaliter esse nihil. Secundum vero formaliter esse ens, & consistere in differentia positua actus vitiosi, per quam est contrarius actui bono, & vtrumque malum coniungi cum actu voluntatis malo: nam & habet priuationem boni honesti spectantis ad rectam rationem & habet differentiam posituam, qua tendit in illud: additque Caietanus Deum non esse causam prioris malitiæ, bene tamen secundæ. Hanc doctrinam repetit latius 1. 2. *quest. 71. art. 6. & 72. artic. 1.* & tribuit eam D. Thomæ, asserens duo testimonia. Primum ex 1. parte *questio. 48. art. 1. ad 2. & 3.* Alterum ex 3. *contra Gentes cap. 19.* Et potest hæc sententia iuuari alia communi distinctione Theologorum, quod in actu malo, & est malum conuersionis, & malum auersionis: & priori dicunt respondere pœnā sensus, quæ positua est: posteriori vero pœnam damni, quæ est priuatiua, quæ videtur desumpta ex Augustino *lib. 2. de libero arbitrio cap. 19. & lib. 3. capite primo*, imo fundari potest in illo Ierem. 2. *Me dereliquerunt fontem aquæ viuæ, & foderunt sibi cisternas veteres, &c.* Sunt ergo in actu malo duo mala, quæ Caietanus distinguit, vnum priuatiuum, quod *auersionis* nomine significatur; alterum positium, quod significatur nomine *conuersionis*, indicatque Diu. Thomas illa *q. 72. art. 6. ad 2.*

IV. Hanc sententiam sequuti sunt recentiores Thomistæ, quamquam non in omnibus eam approbent, nam reuera, quod Deo dicitur est intollerabile, nam illud malum positium, quod Caietanus ponit, vere & proprie est malum culpæ, imo ipse significat tanto magis hoc participare rationem mali, quanto magis est directe voluntarius actus posituus, quam quælibet negatio, vel priuatio illum consequens: si ergo absolute concedit Deum esse autorem huius mali, absolute debet concedere Deum esse autorem mali culpæ, quod quam falsum sit, & per se se satis constat, vt suo loco tractandum inferius agendo de peccatis. Vnde nec consequenter loquitur Caietanus vocans malum priuatiuum, malum simpliciter, & negans de hoc positiuo: quod tamē dicit vere esse malum morale, nam esse malum morale nondiminuit rationem mali, sed potius auget: vel ergo illa differentia positua est vera malitia, vel non: si non, ergo simpliciter non est malitia, quia esse tale, & esse vere tale, idem sunt: si autem

est vera malitia, erit proprie, & simpliciter tale, quia esse morale non est conditio diminuens: si ergo Deus illius est autor, sane est autor mali simpliciter, & absolute, & vt alia omittam, falso imponit D. Thomæ, contra expressa verba eius in eisdem locis, quibus illum citat: nam prima parte dicit hoc quod est malum, & bonum, specificare actus morales, tamen addit bonum per se, malum autem in quantum est remotio debiti finis, vnde concludit malum, quod est differentia in moralibus non esse differentiam constitutiuam eius, nisi ratione boni, in quo fundatur malitia, in tertio autem contra Gentes expresse dicit malum, quod est differentia in moralibus, non esse aliquid, quod in se malum sit, sed bonum: huiusmodi tamen est malum in quantum priuat ordine rationis, quod est hominis bonum, & supra malum morale est genus, & differentia, non eo quod est priuatio boni rationis, ex quo dicitur maium, sed ex natura actionis vel habitus ordinati ad aliquem finem, & alia multa ibi dicit, quæ Ferrar. aduertit, vbi etiam congerit alia D. Thomæ loca, & alia in sequentibus ego afferam. Tandem illa expositio conuersionis, vel auersionis, nihil fauet Caietano: nam, vt omittam alias expositiones, quæ in materia de peccatis traduntur, per *conuersionem* significatur malitia quam habet actus ex obiecto proximo, vel circumstantiis: nomine vero *auersionis*, malitia, quam habet in ordine ad Deum, & vltimum finem, de quibus anre ipsa, an ratione distinguitur, non est disputandum hoc loco, satis sit vtrumque esse malitiam moralem, & de vtraque disputari posse: an consistat in positiuo, vel in priuatiuo, nam malitia conuersionis [in altera enim nulla est difficultas] non ideo sic appellatur, quia positua sit, sed quia comitatur conuersionem voluntatis ad obiectum suum, & hoc modo ait D. Thomas in conuersione esse auersionem à regularisationis: lege illum citata *q. 71. art. 6. ad 5. & 72. artic. 7.*

Vt ergo quæstionem expediamus, aduertendum est, sicut in superioribus distinximus, dupliciter rem aliquam posse dici bonam, scilicet vel absolute, & in se: vel respectiue, seu alteri, ita etiam distinguere posse malum: potest enim res dici mala, vel quia in se est, seu quia in se habet malitiam, vel quia alteri est mala tanquam praua affectio, seu disconueniens illi. Dicendum primo. Actus voluntatis non est in se, & absolute malus respectu suæ physicæ, & posituæ entitatis præcise sumptæ. Hæc conclusio sumitur ex Diu. Thoma 1. 2. *q. 18. art. 1.* qui probat actum esse malum non ratione sui, sed quia caret plenitudine essentiali, & aliis locis infra citandis: & est communis Doctorum in 2. d. 34. 35. & 40. Capreolus d. 37. *q. 1. art. 3.* & Dried. 1. *de gratia, & libero arbitrio, tractatu 4. c. 1.* Actus, [inquit], voluntatis non est malus, quia, secundum se malus sit, sed quia malus est rationali menti: & forrasse in hoc sensu dixit Gregor. in 2. d. 34. malum morale non esse aliquid in complexe significabile, quia non est actus ipse secundum se, sed est actum fieri cum tali cognitione, libertate, &c. Quæ sententia à Caietano, & aliis reicitur 1. 2. *q. 71. art. 6.* Et merito, nam quod ad vocem attinet, quidquid hoc malum sit, potest simplici voce significari, vel in genere, vt nomine vitij, vel peccati: vel in specie, vt nomine fornicationis, furti, &c. Et quod attinet ad rem, vel conceptum, etiā hoc malum est aliquid vnum, siue illud sit compositum, siue simplex, quod vno conceptu potest concipi, & significari.

In hoc tamen verum habet hæc sententia, quod actus absolute, & secundum se sumptus, non potest

V.

1. Assertio.

VI.



test dici *malus* ratione solius physice entitatis, quod possumus confirmare ex communi sententia omnium Patrum, qui non solum de actu voluntatis, sed in vniuersum de omni re, & natura, ita sentiunt, quorum paucas sententias notabo, quia sunt fundamenta huius materie. Primus, & precipuus autor est Dionysius, cap. 4. de diuinis nominibus, inquit: *Essentia, omnis actio, omnis habitus, & vno nomine, quicquid est, ex pulchro, & bono est, & quatenus tale bonum est: unde concluditur, malum non esse aliquid eorum, quæ sunt, quod probat, tum quia bonum est in lucem proferre, & conseruare, mali interimere, & perdere, tum etiam quia aliis sibi aliquid malum esset, tum denique, quia nihil intendens ad malum operatur. & inferius: nullam essentiam esse malam, quatenus essentia est, & natura, & quatenus illi non deest naturalis constitutio, & conuenientia, apta que compositionis ratio, & inferius dicit demones non esse malos quatenus in eis motus quidam appetitus, sed quatenus in naturalitatem imbecilles sunt, seu quia priuantur bonis, quæ ipsis accommodata sunt, & alia similia multa ibi habet. Augustinus in omnibus imitatur Dionysium libro vndecimo de Ciuitate capite nono. *Mali nulla natura est, sed amissio boni, mali nomen accipit, & loquitur de malo culpæ: idem in Enchiridion. capite vndecimo, inter alia, Res in quantum nature sunt, male esse non possunt, & capite vigesimo quarto, dicit peccatum esse primum creature rationalis malum, id est, prima priuatio boni, & libro 3. confess. cap. 7. & libr. 7. capite 5. vsque ad 16. & libr. 1. contra aduersarios legis, & Prophet. capite 5. de vera religione cap. 40. & libr. 2. de moribus Manichæ. & libro de natura boni, & 2. de libero arbitrio capite vltimo. vbi in specie disputat de peccati malitia, quam dicit, vt sic ex nihilo esse, & non à Deo, quo modo exponit tractatu primo in Ioan. illud: sine ipso factum est nihil, id est, peccatum, quod nihil est, quia [inquit] idolum nihil est in mundo, ad Corinth. 8. vnde libro octuagesimo tertio, questionum quest. 7. dicit nomen mali sumptum esse ex priuatione speciei, idem late 12. de Ciuitate in principio, hos Patres sequutus est Ansel. libro de Concord. præf. & liberi arbitrii capite 1. in fine. & 1. de conceptione Virginis cap. 27. latius, & ex professo libro de casu diaboli capite septimo, vbi distincte agit de essentia substantiæ, accidentis, & motus, vel conuersionis voluntariæ: & in omnibus ait malum consistere in absentia boni, vbi debet, & expedit esse bonum: & hæc sunt præcipua loca huius materie, & ad hæc fere accedit Fulgent. libro de fide ad Petrum cap. 25. alii vero Patres directe loquuntur contra Manichæum ponentem quandam primam naturam per se malam, & increatam: obiter vero fauent huic sententiæ, vt videre licet in Leone Papa epistola 93 capite 6. Hieron. Matth. 27. & Isai. 18. & Amos 3. Gregor. 36. moralium. cap. 24. alias 32. & super 1. Regum libr. 1. cap. 14. circa principium: Res quidem [inquit] aliquid esse habet peccatum vero nullum: peccator ergo peccando ad nihilum tendit. Bernard. etiam homil. 6. Aduentus, Iustinus, q. 46. & 73. dicit malum non esse nisi peruersionem, vel euerfionem boni. Epiphani. heresi 24. & 66. Nissenus oratione Catechum. cap. 5. 6. & 7. & homil. 2. in Cant. Basil. homil. 9. quod Deus non est autor malorum, inter alia, manifestiam statuere non possumus, nam malum boni priuatio est: & in constit. monast. cap. 3. Vitium nihil aliud est, quam desertio virtutis. idem Chrysost. hom. 2. in Acta circa finem, & oratione 38. Damascen. 2. de Fide c. 4. Nihil aliud quippiam est malum, quam boni priuatio, sicut tenebra luminis, & agit de malo culpæ, idemque reperit libr. 4. cap. 2.**

VII.

Ratione vero probatur conclusio, quia actus voluntatis quatenus in se absolute consideratus, vel intelligitur habere totum id, quod sibi debetur ratione sue speciei in genere entis, atque id

solum: vel intelligitur carere aliquo sibi debito, vel habere aliquid ultra id quod sibi debetur: si primum, vt sic, non potest intelligi, quod sit malus absolute, quia hoc ipso, quod habet aliquid esse, secundum illud habet aliquam perfectionem, neque enim intelligi potest esse reale sine perfectione aliqua, nam hoc saltem modo bonum cum ente conuertitur: sed nulla res est in se mala, propter quod præ se habeat perfectionem sibi debitam, imo in hoc maxime consistit vniuscuiusque rei bonitas: ergo ex illo titulo præ se non potest actus voluntatis, neque alia res dici in se mala. Rursus non est necesse, vt actui voluntatis addatur aliqua res positua distincta ab entitate sibi debita: imo licet hoc habeat locum in aliis rebus, non tamen in his actibus, qui non sunt subiecta, neque in se recipiunt alias entitates, sed sunt vltimi actus: ergo solum superest aliud caput, vt possit actus dici malus, ex carentia scilicet perfectionis debitæ, & hæc assertio magis ex inferiori constabit.

Dicendum secundo. Actus voluntatis non est hoc modo moraliter malus ratione solius physice entitatis, seu specificationis, sed oportet addere ei priuationem aliquam, vel negationem, aut moralem aliquam rationem. Hæc conclusio sumitur ex Patribus citatis numer. 6. præsertim ex Dionysio, & aliis, qui requirunt priuationem aliquam ad quodcumque malum, & sine dubio est D. Thomæ, præsertim 3. contra Gentes cap. 9. vbi inter alia dicit peccatum esse malum hominis, quatenus priuat ordine rationis, quod est hominis bonum, & ibidem docet formam aliquam esse malam alicui subiecto, Quatenus est illi improporcionata. & disconueniens, quam improporcionem, & disconuenientiam dicit consistere in priuatione. Item sumitur ex quaestione de malo articulo secundo, & articulo nono, ad 2. & ex 1. 2. quest. 54. articulo 3. quest. 72. articulo primo, ad 2. 71. articulo primo, in corpore, & ad 2. & alibi Bonauent. in 2. d. 42. quest. vltima, dicit conuersionem non esse malam, nisi ratione alicuius inordinationis: idem fere Scotus in 2. d. 34. articulo 1. & in 4. d. 26. q. 1.

Ratione potest primo probari ex dictis, quia forma, quæ secundum se, & absolute sumpta bona est, non videtur posse esse mala alicui subiecto, ratione sue bonitatis præcise sumptæ: ergo, vt sit illi mala, oportet aliquid aliud in ea addi præter bonitatem eius inconsideratæ: sed in actu voluntatis præcise ratione sue entitatis sumpto, solum consideratur bonitas, & perfectio eius: ergo ratione eius præcise non potest esse malus voluntati: quod argumentum magis vrget in hoc actu, quam in aliis qualitatibus: nulla enim qualitas est, quæ licet alicui subiecto sit mala, & disconueniens, non sit bona alteri, quia semper respicit aliquid subiectum vt proprium, cum quo habet proportionem, & ad quod ordinatur, vt perfectio eius, vel ab eo manat, vt à connaturali principio. At vero actus voluntatis humane, quatenus præcise est tale ens physicum, nulli alteri subiecto bonum est, & hanc voluntatem respicit, vt proprium subiectum, & ab illa oritur tanquam à connaturali principio: ergo sub hac præcisa ratione non est malus homini, sed oportet, vt sit bonus aliquo modo.

Secundo principaliter probatur, quia si in actu voluntatis præcise consideretur totum id, quod est reale, potest inesse voluntati, & ab illa fieri absque malitia morali: ergo signum est hanc malitiam non consistere in sola physica entitate, alioqui essent inseparabilia. Antecedens etiam est notum in omnibus actibus, qui ex malis possunt fieri boni, aut non mali ex sola physica, vel morali

VIII.

2. Assertio.

IX.

1. Ratio præcedens assertio.

X.

2. Ratio.



moralis mutatione obiecti, sine mutatione ipsorum, ut sunt omnes illi, qui sunt mali tantum, quia prohibiti, & illi etiam qui licet ex se mali sint, non tamen directe tendunt in eam conditionem obiecti: in qua fundatur malitia, ut in 1. sect. num. 13. magis declaratum est, de aliis vero actibus, qui magis sunt intrinsece mali, & directe tendunt in priuata obiecta, & in conditiones eorum, in quibus malitia fundatur, probari potest antecedens assumptum ex illo Dionysij, *Quia nemo intendens ad malum operatur*, nam tota ratio, seu specificatio positua actus voluntatis, sumitur ex obiecto formali, seu motiuo: sed hoc nunquam est malitia actus, vel obiecti, sed est ratio aliqua boni: ergo ex vi illius precise sumptæ non erit malitia in actu. Quod potest confirmari duobus modis, primo ex differentia inter bonum honestum, & malum illi oppositum, voluntas enim non solum tendit directe in bonum honestum, sed etiam quia bonum est, & ideo, & actus habet honestatem ex vi directæ tendentiæ in tale obiectum, & omnes actus, qui in idem obiectum sic tendunt, sicut habent eandem honestatem, ita etiam eandem speciem posituam: actus autem mali licet tendant in turpe obiectum, non tamen, quia turpe est, sed semper illud induunt sub aliqua ratione alia: unde fit, ut actus tendentes in idem obiectum turpe, & habentes malitiam eiusdem rationis, habeant speciem physicam, & posituam valde diuersam: si motiuum, seu ratio boni, sub qua appetuntur, sint diuersa. Exemplum est facile, si duo velint subriperre aliena, alter propter honorem, alter propter delectationem, malitia iniustitiæ eadem est, motus autem voluntatis, & affectio positua valde diuersa.

XI.

Sed fortasse responderi posset, argumentum concludere, malitiam non esse primam speciem posituam actus, non tamen non esse aliquem modum posituum illi superadditum. Sed hoc facile potest ex dictis in superioribus impugnari: quia hic modus non potest esse intentionis, quia tota intentio actus habet eandem specificationem, idemque motiuum in obiectum, neque etiam per modum extensionis, nam hæc satis in disputat. 4. reiecta sæpe est in actibus voluntatis, & hic euidentius non habet locum, quia hæc malitia non adiungitur actui propter nouam aliquam directam tendentiam in obiectum, sed propter indirectam secundum moralem quandam rationem, ut magis statim patebit. Dices, quamuis argumentum concludat, actum ex vi solius specificationis non esse malum, non tamen ex vi talis indiuiduæ entitatis, saltem in aliquibus actibus, à quibus est omnino inseparabilis malitia, si non ratione motiui, saltem ratione obiecti mali, quamuis enim voluntas non possit amare malum solum, quia malum est, tamen sub aliqua ratione inferioris boni potest directe amare ipsam malitiam honestati contrariam, ut offensionem Dei ut sic, recessum à recta ratione, & similia, quæ nunquam possunt sine culpa, & malitia amari ex vi materialis obiecti, in quod voluntas directe, & physice tendit: ergo saltem hi actus erunt mali ex vi physice tendentiæ.

XII.

Nec videtur satisfieri si dicamus hos etiam actus, si absque libertate fiant, non habere malitiam, & tamen habere eundem posituum ordinem ad obiectum, possunt autem sine libertate fieri: imo in amentibus possunt esse actus omnino eiusdem rationis quoad physicam entitatem, quia amentes possunt apprehendere illam inferiorem rationem boni, sub qua talis actus

fit, & in motibus primò primis possunt esse huiusmodi actus omnino eiusdem rationis absque malitia.

Sed hoc, ut dicebam, non videtur posse satisfacere, quia dici potest huiusmodi actum non libere factum, esse quidem malum, non tamen imputari ad culpam ex defectu libertatis, quod videtur posse sumi ex D. Thoma questione secunda, de malo artic. 2. & ex his, quæ supra dicebamus, scilicet amorem Dei necessarium, esse bonum, non tamen tribui operanti ad meritum, & laudem ex defectu libertatis.

Sed nihilominus responsio data non est mala, quæ magis declaratur per hanc conditionalem: nam si per possibile, vel impossibile homo, qui habet talem actum, inuincibiliter ignoret, seu inuoluntarie non consideret esse turpe, & inhonestum, sic tendere in tale obiectum, actus ille non erit malus moraliter, non solum quia non imputabitur, sed quia in se non habet malitiam, & tamen retinet totam physicam entitatem specificam, & numericam: ergo signum est non in hac malitia precise consistere. Maior propositio constat, quia moralis malitia actus voluntatis non potest intelligi sine auersione, seu recessu à recta ratione per ipsummet actum voluntatis: hæc autem esse non potest interueniente ignorantia, quæ non solum liberum, sed etiam voluntarium tollit, quod potest recte explicari iuxta quandam opinionem Nominalium, dicentium etiam hunc actum, *Volo agere contra legem*, posse esse non malum de potentia absoluta, si ipse non sit prohibitus, sed tantum obiectum eius: quamuis enim hæc opinio falsa sit seclusa ignorantia, tamen recte declarat non esse omnino impossibile illam ignorantiam, atque adeo moralem deordinationem actus non consistere in sola tendentia in obiectum directe voluntaria, sed necessario includere recessum à lege, seu recta ratione indirecte voluntarium in ipsomet actu, qui recessus non est in illo aliquid physicum, sed morale.

XIII.

Vltima tandem confirmatio esse potest, quia hoc modo recte intelligitur, quomodo actus voluntatis, quamuis sit malus homini simpliciter, nihilominus procedit intrinsece à voluntate hominis secundum aliquam inclinationem naturalem eius, quæ non est mala, sed bona homini, scilicet, quia actus ille quatenus positue procedit ab homine per physicam efficientiam, ex hoc precise non est malus, & tendit ad aliquid naturæ conueniens, seu sub ratione conuenientis. Hinc etiam facilius expeditur illa communis difficultas, quomodo actus malus sit à Deo, nam solum efficitur à Deo, quatenus aliquid physicum, & reale est, & ut sic precise non est malus, de quo infra in materia de peccatis.

XIV.

Ad rationes dubitandi positas n. 1. Ad primam de oppositione varie responder. D. Thom. variis in locis, scilicet vel Aristotelem in eo capite posuisse exempla non ex propria sententia, sed antiquorum, vel locutum esse de contrarietate late sumpta: vel certe, quod verius est, malum opponi contrarie bono, non ratione malitiæ præcisæ, sed ratione eius, in quo fundatur malitia: sicut verum, & falsum potest dici opponi contrarie, non ratione veritatis, & falsitatis præcisæ: sed ratione affirmationis & negationis, in quibus fundantur. Sic Dionys. cap. 4. de diuinis nominibus, dicit malum non pugnare contra bonum, nisi virtute alicuius boni, quia secundum se est impotens, & indifferens, & D. Thomas 3. contra Gent. cap. 9. malum [ inquit ] non repugnat positue bono, nisi ratione alicuius bonitatis: & quest. 1. de malo artic. 1. ad

XV.  
Ad 1. argu.  
in n. 1.

1. ad



i. ad 2. 3. & 4. dicit malum, vt sic, opponi priuatione bono, contrariè verò ratione alicuius boni, quod necesse est manere in eo quod denominatur malum. Idem *quest. 3. de potentia articul. 6. ad 2. & in 2. ad 40. articul. 1. ad 5.* Ad secundam Anselmus *lib. de casu diaboli cap. 26.* in hoc ponit differentiam inter mala naturalia, & moralia, quod in priori malo, quod ipse vocat *incommoditatem*, interdum malitia nihil reale est: vt cecitas, interdum vero est aliquid, vt dolor: in posteriori autem malo, quod ipse vocat *iniustitiam*, semper dicit malitiam esse nihil, quod fortasse dixit propter moralitatem indirectè voluntariam, quæ in omni actu malo necessariò includitur, nihilominus, absolute loquendo, ego responderem, etiam in naturalibus formam positiuam non esse malam ratione positiui, vt sic, nisi quatenus includit aliquam priuationem, vel negationem, quæ autem hæc sit explicabo commodius post sectionem sequentem. Ad tertiam iam declaratum est solam physicam tendentiam non sufficere ad rationem mali moralis: quid vero ulterius addendum sit, superest explicandum, in gratiam ultimi argumenti.

## SECTIO IV.

*Utum malitia moralis actus voluntatis præter entitatem addat rationem moralem positiuam, vel tantum priuatiuam,*

I. Ratio dubii est, quia nulla priuatio potest intelligi in actu voluntatis, quæ compleat rationem malitiæ, nam ista esse deberet carentia honestatis debite actui, sed actui malo nulla honestas debetur, nā potius repugnat speciei talis actus, ergo. Maior patet, quia malitia nō cōsistit in negatione rei non debite, nō est enim homo malus si caret bonitate sibi non debita: sicut nec dicitur res imperfecta eo quod non habet perfectionem sibi non debitam, in contrariū est, quia omnes Sancti citati requirunt negationem aliquam, seu priuationem ad rationem mali.

II. In hac re est multorum opinio, consistere hanc malitiam in quadam positua ratione, seu relatione morali, quam, vt explicem, distinguamus varias moralitates, quæ possunt esse in actu voluntatis. Prima est, & communissima ratio liberi, seu deliberati actus, de qua nulla est controuersia, nam ex hac denominatione, vt sic, non sumitur denominatio boni, vel mali, quia de se est indifferens, & communis, neque hæc ipsa denominatio excludit omnem negationem, vel priuationem: requirit vero tale obiectum, quod non valeat voluntati necessitatem inferre, & in voluntate requirit potestatem ad suspendendum actum. Secunda denominatio est, qua actus voluntatis dicitur difformis legi, seu rectæ rationi, quæ in actu nihil reale ponit præter entitatem physicam eius, & dictamen rectæ rationis vel actuāle, vel quod in esse deberet, inde enim resultat illa denominatio, vel relatio, & in hac multi ponunt rationem malitiæ, & consequenter loquuntur, nam bonitatem ponunt in conformitate contraria. Et potest hoc confirmari ex illa definitione peccati, est dictū, vel factum contra legem Dei: nam idem est esse contra legem, & contra rationem, illa autem contrarietas consistit tantum in prædicta contrarietate, quia scilicet voluntas facit, quod ratio negat esse faciendum, & huius etiam signum est, quod stante eodem actu voluntatis, & Suarez in primam secundam D. Thom.

mutato dictamine intellectus mutatur malitia, solum quia mutatur illa difformitas: ergo signum est in illa consistere malitiam, sicut à simili ex veritate, & falsitate confirmari potest. Tertio potest in actu voluntatis malo considerari disconuenientia quædam, ac disproporatio quam habet cum natura rationali, vt sic, & in hoc ponunt alii huiusmodi malitiam, & differt hæc opinio à præcedenti, solum in hoc quod illa videtur considerare difformitatem inter actus ipsos intellectus, & voluntatis, hæc autem inter actum voluntatis, vt hic, & nunc tendentis in tale obiectum propositum, & ipsam uaturam hominis, vt homo est, vt latius supra *disput. 4. sect. 2.* tractando de obiectiua bonitate, & hoc modo videtur valde probabilis hæc opinio, quia, sicut supra dicebam, bonitas respectiua, seu respectu alterius, solum addit conuenientiam, ergo malitia etiam respectiua, qualis est hæc, de qua agimus addit solum disproporcionem, & disconuenientiam inter formam, seu actum, & hominem cui talis actus dicitur malus: sicut in naturalibus calor vt sit malus aquæ, solum addit disproporcionem cum natura aquæ: hæc autem videtur esse quid positiuum, sicut dicitur esse relatio inæqualitatis, vel dissimilitudinis. Quarto potest in actu voluntatis considerari voluntarium illud indirectum, quo voluntas vult recedere à recta ratione per actum ipsum, quo voluntas conuertitur ad obiectum prauum, seu dissensaneum rationi, nam illud voluntarium æquiualeat moraliter actui positiuo, quo voluntas directe velle posset illam deordinationem: ergo rectè dicitur esse in actu moralis quædam ratio positiua.

Hæc quæstio non videtur magni momenti, nam cum hæc moralitas non addat actui veram, & physicam realitatem sine magno incommodo videtur posse concipi per modum positiui aut priuati: nihilominus simpliciter dicendum est malitiam moralem actus interioris nō consistere in sola aliqua ratione positiua moralis, sed includere priuationem, seu negationem aliquam. Hæc est communis sententia, quæ sumitur ex D. Thoma 1. 2. q. 18. articul. 1. & articul. 8. ad primum, & *quest. 20. articul. 1. & de potentia quest. 3. art. 6. ad 12. & 1. part. quest. 5. articulo 3. ad 2. & articulo 5. ad 4.* vbi adducit Augustinum libro de Natura boni capite 3. & 4. dicentem modum, speciem, & ordinem in quantum talia sunt, bona esse, dici autem mala, quia vel minora sunt, quam esse debuerunt, vel quia non his rebus accommodantur, quibus accommodanda sunt. Denique 2. 2. questione 118. articulo quinto, & questione 162. articulo sexto, dicit peccatum quatenus malum est in quadam corruptione consistere, idem probant loca superius adducta *sect. præced. numero 8.* & sequitur Capreolus in 2. d. 35. præsertim ad 2. & 6. contra primam conclusionem. Ferrar. 3. contra Gentes capit. 9. Caietan. etiam supra admittit in malis actibus aliquam priuationem, Altifiod. lib. 2. summa tractatu 26. capite tertio. Alenf. 2. part. qu. 100. memb. 1. Henr. quodlibet. 1. questione 25. Marfil. in 2. quest. 21. articul. 1. & alii sectione præcedenti citati, & colligitur etiam ex sententiis Patrum ibidem adductis, quia non solum negant malitiam esse re aliquam, sed etiam affirmant constitui negatione aliqua, seu priuatione, vt maxime videre licet in Dionysio, Augustino, & Anselmo, fauet etiam Aristoteles 7. Physicorum textu 17. capit. 3. dicens virtutem esse perfectionem quandam, vitium vero esse corruptionem, atque remotiorem virtutis.

Ratione declaratur primo in generali: quia quamuis moralis ratio non addat nouam enti-

III.  
Auctoris resolutio.

IV.



tatē intrinsecam actui, tamen vt intelligatur esse per modum rationis positiuæ, necesse est, vt oriatur ex denominatione ab aliqua forma positiua (etiam si illa sit tantum extrinseca) siue realiter existente, siue quæ moraliter æstimatur, ac si existeret; hic autem nulla talis forma excogitari potest à qua actus denominatur malus.

V. Secundo in speciali hoc declaratur discurrendo breuiter per singulos modos supra positos in *num. 2.* Primus vero de ratione liberi iam expeditus est. Secundus, qui explicatur per difformitatem à ratione recta, dupliciter intelligi potest, vt in similibus supra dictum est *disput. 4.* primo intelligendo per rationem rectam non solum actum intellectus applicantem voluntati obiectum, & iudicantem quale illud sit: & hoc modo quicquid sit de illa difformitate, an positiuum quid sit, an priuatiuum: tamen certum est non posse in ea, vt sic, consistere malitiam actus; tum quia dictamen rationis hoc modo solum concurrir, vt conditio necessaria, non vt forma actus voluntatis: tum etiam, quia actus voluntatis non est malus, quia talis iudicatur, sed è contrario: ideo vere indicatur malus, quia talis est: tum denique, quia hæc difformitas est quid resultans ex concomitantia actuum. Secundo modo intelligere possumus per dictamen rationis legem, & hæc si proprie, & in rigore sumatur, non est per se necessaria ad malitiam saltem in omnibus actibus, vt constat ex dictis *sect. 1. huius disputationis*: in quibus autem necessaria est, id est, in his, qui sunt mali, quia prohibiti, conformitas, vel difformitas cum lege in tantum pertinent ad rationem malitiæ, in quantum lex transit in rationem obiecti, cuiusque transgressio voluntaria est, nam oppositorum eadem est ratio: ostendi autem supra conformitatem ad legem in tantum pertinere per se ad formalem bonitatem actus, in quantum subit lex rationem obiecti: eadem est ergo ratio malitiæ seruata proportionem, nam ad bonitatem necessarium est, vt sit formale, seu directum: ad malitiam vero satis est quod sit materiale, & indirectum: ergo difformitas à lege non potest constituit malitiam per modum cuiusdam relationis ad suum terminum, loquendo proprie de relatione resultante reali, aut rationis: ergo per modum habitudinis actus ad obiectum: ergo hic modus difformitatis coincidit cum ultimo, seu quarto posito ad finem *numero 2.* de voluntario indirecto circa legis transgressionem, seu rationis deordinationem: sed illud non consistit in ratione pure positiua, vt ostendam *num. 7.* ergo.

VI. Tertius modus erat de difformitate actus ad naturam rationalem, & in hoc verum quidem est hanc difformitatem completi rationem turpitudinis, & malitiæ in ipso actu, vt recte probat argumentum de conformitate, in qua bonitas consistit. Et ex malo naturali idem suaderi potest: calor enim est malus aquæ, quia est dissentaneus naturæ illius, & motus sursum est malus terræ, quia repugnat naturali inclinationi eius: at non minus quodlibet vitium repugnat naturali, & perfectissimæ inclinationi naturæ rationalis. Dico tamen hanc disconuenientiam non esse aliquid positiuum, sed includere negationem, seu priuationem aliquam, quod expresse docuit Dionysius *d. c. 4.* vbi inter alias priuationes ponit ineptam dissimilium compositionem, & defectus naturalis constitutionis conuenientiæ, aptæque compositionis: & idem sentit Diu. Thomas *locis supra citatis.* Et ratione declaratur, quia in vniuersum, omnis dissimili-

tudo, contrarietas, & repugnantia in suo intrinseco conceptu includit negationem aliquam, sicut distinctio, seu multitudo includit in suo conceptu negationem vniionis: & contrarietas requirit impossibilitatem oppositarum formarum in eodem subiecto, quæ impossibilitas negatio quædam est: & sic etiam improprio, & disconuenientia dicit quandam ineptitudinem ad debitam compositionem, & in altero extremorum dicit carentiam propensionis ad aliud, & sic de aliis. Et hoc maxime verum habet in presenti, quia hæc disconuenientia, quam habet actus malus ad naturam rationalem, prout intelligitur per modum cuiusdam relationis, non fundatur in sola entitate physica actus mali, sed prout includit moralem illam rationem, cuius ratione censetur indirecte voluntaria deordinatio, seu turpitudine ipsius actus, & obiecti: ergo si hæc ratio non est positiua tantum, vt iam dicam, neque illa difformitas, seu disconuenientia potest esse ratio pure positiua.

De ultimo ergo, seu quarto modo, dicendum in primis illudmet, *voluntarium indirectum* in tantum esse malum, in quantum est dissonum rationali naturæ, & vt sic, includere negationem aliquam. Deinde in omni *indirecte voluntario* necesse est aliquam negationem includi, quia cum non sit per solam directam tendentiam voluntatis, in tantum illi tribuitur, in quantum vel non exit in actum, cum exire deberet, vel in quantum vult aliquid repugnando, & quasi deuiando à regula cui se conformare deberet: vel, quod fere idem est, in quantum non tendit in obiectum eo modo, quo tendere deberet: ergo semper in huiusmodi ratione morali includitur aliquid priuatiuum. Denique *voluntarium ipsum indirectum* in conceptu suo includit carentiam voluntarii obiecti, & vt hoc ipsum *voluntarium indirectum* malum sit, includit disconuenientiam ad rectam rationem, seu rationalem naturam, quam etiam ostendimus non esse sine aliqua negatione præter actus malos, & quatenus *voluntarium* includit recessum à lege, vel à recta ratione, seu quatenus dicit inordinatam conuersionem ad obiectum delectabile, necesse est, vt aliquam negationem, vel priuationem includat, quod ex sequenti questione fiet clarius, in qua expediemus rationem dubitandi in principio huius sectionis positam.

## SECTIO V.

*Virum malitia actus voluntatis dicat priuationem rectitudinis seu honestatis debite.*

PRæcipua ratio dubii proposita in *sectione precedenti num. 1.* propter quam laborant Theologi in explicando, si malitia hæc dicat priuationem, cuiusnam rei priuatio sit, & quid proxime priuet, in qua re est plurimum sententia, malitiam hanc non actum ipsum, sed voluntatem priuare aliqua perfectione, actumque dici malum, quia in voluntate inducit huiusmodi priuationem, ita Ochamus *quodlibeto 3 q. 4. dubio 2. & quest. 15. & quodlibeto 4. q. 1.* Almaynus *tractatu 1. moralium c. 13.* Gabr. in *2. d. 35. a. 2.* & Gregor. ibi *quest. vnica, concl. 6.* Quibus videntur interdum fauere Patres citati, præsertim Anselmus, qui expresso probat actum non esse malum nisi quatenus minuit rationem naturæ, sicque in naturalibus multi censent motum sursum, v. g. non esse malum terræ, nisi quatenus

VII.  
De quarto.

Quid ad rationem vtriusque dubitandi innu.

1.

2. Sententia.



tenuis priuat illam connaturali loco, & sic de aliis.

II. Ratio autem præcipua in præfenti est, quia malum non est pura negatio, sed esse debet priuatio, vt Dionysius supra docet, & ex terminis clarum est, quia carentia perfectionis non debita non est mala, neque enim homo malus est, quia caret angelica perfectione: ergo malitia requirit carentiam debitæ perfectionis: ergo rigorosam priuationem: at vero in actu ipso nulla talis priuatio intelligi potest: quod patet, quia illi actui nulla reſtitutio, & honestas debita est, quin potius repugnat illi secundum speciem eius, præsertim si sit actus intrinsece malus, sicut in naturalibus: in calore enim respectu aquæ nulla priuatio intelligi potest, quæ immediate sit in ipso calore, & non in aqua, in qua proxime est carentia frigoris, nam licet in ipso calore intelligi possit carentia perfectionis, seu differentie constitutiue frigiditatis, tamen respectu illius illa carentia non est priuatio, sed mera negatio.

III. Responſio communis rationem hanc ex Scotto supra citato, esse solet quod licet illi actui, vt constituto in tali specie, non debeatur reſtitutio, & honestas, tamen illi præcise considerato, vt actus humanus est, debita est honestas, & ideo respectu illius habet rationem moralis priuationis, in qua consistit malitia. Quod si obicias, quia etiam respectu talis actus, vt sic, nullum est tale debitum, quia fieri potest, vt homo nihil teneatur operari: ergo nec tenebitur aſſumere bonitatem actui suo, etiam vt actus humanus est. Respondebitur facile, quod licet absolute homo non teneatur operari: teneatur tamen si operatur ad recte operandum, & ideo supposito eum velle exercere actum humanum tali actui, vt humanus est, debetur reſtitutio, sicut si non teneatur attendere ad res diuinas, tamen si vult orare teneatur attendere, quia illi actui debita est illa conditio: sed contra. Nam finge hominem, qui non possit bene operari, eo quod vel caret concursu necessario ad bonam operationem, vel quia prohibitus est simpliciter operari: ille etiam si exeat in operationem, non potest ullam reſtitutionem illi adhibere: ergo nec debet, quia debitum supponit potestatem: ergo in tali actu non poterit esse malitia, quæ priuatio sit honestatis debitæ sub illa ratione: & tamen actus erit malus. Sed ad hoc etiam facilis est responſio, primo, quia hic non agitur de debito legali tantum, sed etiam de debito connaturali, & ab intrinseco, vt ex sectione prima constat, & hoc modo aliqua perfectio potest esse debita actui, licet homo hic, & nunc, non possit illam efficere: & vt illud debitum sit morale, satis est quod possit homo vitare actum, quando non potest debito modo illum facere, vnde etiam indebito legali hoc verum habet, vt in exemplo posito, si demus hominem non posse attente orare, male faciet orando sine attentione, quia facit actum sine conditione debita, quam licet non posset adhibere, debent tamen potius omnino dimittere actum, quam sic facere, & ideo illa impotentia non excludit debitum conditionatum, & alia multa exempla sunt facilia.

IV. Aliis ergo modis videtur amplius impugnari illa responſio communis, primo, quia si consideremus actum sub ratione generica secundum se, non magis debetur illi vna differentia, quam alia: ergo carentia vnius ratione alterius, quæcumque illa sit, non habet rationem propriæ priuationis, quæ sit malitia: sicut in materia prima, quando est sub vna forma, non est pro-

*Suarez in primam secundæ D. Thom.*

prie priuata, licet careat aliis: ergo etiam actui considerato secundum rationem genericam non inest priuatio, quæ sit malitia: si autem dicatur illud debitum non esse ex vi generis, sed ex vi subiecti, scilicet hominis, seu voluntatis: ergo priuatio non inest actui, sed subiecto, & voluntati. Deinde sequitur in omni actu malo contrario eidem virtuti esse priuationem, & malitiam eiusdem speciei, quod est falsum, vt patet in auaritia & prodigalitate liberalitati contrariis. Sequela patet, quia carentia reſtitutionis debitæ eadem est, scilicet liberalitatis. Tertio è contrario sequitur, vel in vno actu malo esse infinitas malitias, vel nullam determinate. Patet sequela, quia sæpe contingit illi actui, vt humano nullam esse debitam determinatam speciem honestatis, quia si sit donatio, aut datio, satis erit si fiat ex obedientia, vel ex iustitia, vel ex misericordia, vel ex liberalitate: ergo vel sunt in actu omnes malitiæ contrariæ, quod aperte falsum est, quia non omnes sunt debitæ, vel nulla determinate, quod etiam videtur impossibile. Imo hinc vterius concludi videtur nullam honestatem esse debitam actui humano vt sic, saltem vt respicit proximum obiectum, quia si sit indifferens, hoc satis erit ad excusandam malitiam ex obiecto. Simile argumentum fieri potest, quia iuxta hunc modum explicandi omnis malitia actus esset æqualis formaliter, & in se, quia est totalis carentia honestatis debitæ, in priuatione autem totali formaliter non est inæqualitas. Tandem sequi videtur omnem malitiam consistere in omiſſione, vel absoluta, vel conditionata: non est ergo malitia priuatio alicuius perfectionis in ipso actu: ergo esse debet in voluntate, quia non est aliud proximius subiectum huius priuationis.

Sed tunc vterius superest explicandum in hac sententia, vt initio dicebamus: cuius formæ sit hæc priuatio. Nam primo in anima, & voluntate est perfectio substantialis radicalis, & entitativa, & certum est hanc malitiam non posse priuationem huius perfectionis, quæ nec tollitur, nec minuitur per actum malum: quomodo dicunt Theologi cum Dionysio naturalia manere integra post peccatum.

Secundo est in voluntate perfectio habitus, seu virtutum, & in huius priuatione ponunt aliqui hanc malitiam: sed non recte, præsertim tractando de malitia actuali, de qua sermo est, nam omnis priuatio habitus est posterior respectu ipsius malitiæ. Etenim si habitus sit acquisitus, illi in primis non est simpliciter debitus ad bonitatem, nec carentia eius honestatis constituit hominem malum. Item potest homo peccare, & non amittere huiusmodi habitum: si vero sit sermo de habitu infuso, in primis in actibus venialibus est malitia sine priuatione, vel diminutione huiusmodi habituum, & in puris naturalibus esset etiam malitia sine hac priuatione: ac denique licet nunc per peccatum morale amittantur hi habitus, non tamen ideo peccatum habet tantam malitiam, quia homo priuatur his habitibus. Sed è contrario ideo inducit hanc priuationem, quia tantæ malitiæ est, non ergo consistit malitia actus in priuatione huius habituales perfectionis.

Tertio. Est in voluntate perfectio actuum virtutis, & in huiusmodi priuatione ponunt aliqui hanc malitiam: dicunt enim actum esse malum, quia repugnat actui virtutis, & pro tunc reddit voluntatem incapacem eius. Quod si obicias. Quia homo male operatur quando non teneretur operari bene. Vnde tunc carentia actus boni

V.  
Qua forma priuet peccati malitia. Primus dicendi modus & verus.

VI.  
2. Dicendi modus reuocatur.

VII.  
3. Dicendi modus.



non est mala, quia ipse actus bonus non est debitus. Ergo neque actus erit malus, quia induit hanc carentiam. Respondetur potest, quod in simili suora *III. 3.* dicebam, quamvis absolute non teneatur homo facere actum bonum, teneatur tamen ad non faciendum actum incompensabilem bono, vel, quod idem est, ex suppositione, quod velit operari, teneatur ad faciendum actum bonum, & non alium ei repugnantem. Sed hæc sententia mihi non probatur, & in primis contra eam, & responsionem datam fieri possunt fere omnia argumenta, quibus probatur hæc opinio privationem hanc non esse in ipso actu: & illud maxime quia sequeretur omne in malitiam esse omissionis, quia quodcumque homo peccat, vel per solam carentiam actus, vel per hoc solum, quod ponit impedimentum actui debito, tota illa malitia est omissionis. Deinde quia certum est hominem non tantum male agere carendo actu bono, sed etiam amando prauum obiectum, & hoc ipsum esse malum præcisa per intellectum alia carentia, quæ posterior est, quin potius, si recte loquamur, non ideo actus est malus quia repugnat actui bono, sed potius, quia malus est, ideo est incompensabilis cum actu bono.

VIII.  
4. Dicendi  
modus.

Quarto. Præter has perfectiones, non sunt in voluntate alie perfectiones formales intrinsece inhærentes illi, in quarum privatione possit hæc malitia consistere: sunt tamen quædam quæ dicuntur perfectiones extrinsece, ut sunt finis ultimus, lex, seu recta ratio, quæ est regula voluntatis. Dicunt ergo aliqui in illarum privatione consistere hanc malitiam, quia voluntas tendendo in obiectum mali actus priuat se ipsam debito fine, seu regula rationis, ita enim in scriptura malitia actus humani describitur per recessum à Deo, vel per legis transgressionem, &c. & explicatur deinde, quia privatio perfectionis potest per omnia genera causarum intelligi: sicut ergo voluntas priuatur forma, ita etiam potest priuari fine, vel regula. Hæc vero sententia, si nihil aliud addatur, intelligi non potest, quia non potest aliqua res priuari causa, vel perfectione extrinseca, nisi priuatur aliqua habitudine intrinseca ad rem illam, ut non potest effectus, v.g. priuari causa efficiendi, nisi priuatur dependentia ab illa, nec causa finali, nisi priuatur, aut coniunctione illius, aut appetitu, vel inclinatione, vel capacitate illius. Et in præsentis interrogatio, quid sit voluntatem priuari fine, aut regula rationis, vel lege, non enim potest dici priuari huiusmodi perfectionibus, quia in re non existant, neque quia voluntas ipsa secundum se non retineat eandem habitudinem, & capacitatem potentialem ad illas, nam licet homo actu peccet, adhuc in re ipsa Deus est ultimus finis eius, & voluntas habet eandem capacitatem ad illum, & lex & obligatio eius, adhuc perseverat, imo & dictamen rationis potest actu esse, quomodo ergo dicitur voluntas hominis priuari sola privatione extrinseca? Ratio autem à priori est, quia sicut contraria opponuntur in ordine ad subiectum, neque potest intelligi formarum contrarietas nisi respectu subiecti, ita habitus, & privatio opponuntur in ordine ad aliquod subiectum. Unde privatio definitur quod sit *carentia formæ in subiecto*: subiectum autem non potest priuari nisi aliquo, quod se habeat per modum formæ respectu illius, & ideo nulla potest esse privatio extrinsece rei, nisi quatenus illa est terminus alicuius habitudinis subiecti ad ipsam, quæ habitudine immediate spoliatur ipsū subiectū. Dices hoc verū esse in privationibus physicis & propriis, non tamē in moralibus,

sic enim dicitur filius privari parte, & dominus re sua, imo subiectum visum potest dici privari visione: privatio autem, de qua agimus, moralis est. Respondetur etiam in his non dici vnam rem privari alia, nisi comparatur ad illam per modum formæ extrinsece, denominantis, sub qua ratione altera comparatur per modum subiecti, quod non habet locum in præsentis, quia voluntas nullam denominationem recipit à fine, lege, vel recta ratione, quæ immediate priuatur propter actum malum. Deinde in omnibus illis exemplis, aut vna res dicitur privari alia, quia priuatur habitudine ad ipsam, aut per mutationem alterius, ut filius dicitur privari parte per mortem ipsius, quo fit, ut priuatur & consortio eius, & relatione ad ipsum: & similiter dominus priuatur re sua, vel quia priuatur potestate in ipsam, vel quia illa destruitur: at vero in præsentis, nec finis voluntatis in se mutatur, nec lex, nec recta ratio: ergo per mutationem horum non potest voluntas dici priuari illis: ergo per aliquam carentiam alicuius habitudinis, quæ sit in ipsa voluntate.

Ultimus ergo modus dicendi est, respectu legis, seu finis esse in voluntate quandam habitudinem conformitatis ad ipsam, quæ non convenit voluntati, mediante actu, sed immediate per se ipsam, si enim lex dicit, *Non occides*, voluntas nihil operando est conformis legi: non ergo per actum, sed per se ipsam. Hac ergo conformitate priuatur quando vult occidere, quæ privatio redundat quidem in voluntate per actum, proxime tamen, & immediate est in ipsa voluntate, in qua erat conformitas, quia opposita sunt immediate circa idem, quam sententiam sic oppositam videtur tenere Almainus *tractatu primo, moralium capite decimo tertio, & tractatu 3. capite decimo septimo*, citans Ochamum *quodlibeto 3. quest. 15* & eam sequitur Pater Molina *in 1. part. quest. 5.* Mihi tamen non probatur, nec videtur satis posse intelligi, præter quidem, quia Sancti omnes ponunt malitiam in privatione bonitatis, ut patet, præsertim ex Dionysio & Anselmo latissime, & Augustino, quorum verba supra citavi, *section. 3. numer. 6.* illa autem conformitas, ut ipsi etiam autores concedunt, nulla bonitas est, quia per solam privationem existit. Respondent illam conformitatem non esse quidem bonitatem, esse tamen conditionem necessariam, sine qua non potest bonitas esse, & hoc sufficere, ut privatio eius sit mala moraliter: sed in primis Sancti in rigore loquuntur de honestate, & de iustitia, cum docent malitiam esse iustitiæ privationem, deinde cum opposita proportionaliter se habeant: sicut illa conformitas non est bonitas, sed conditio ad bonitatem: ita carentia eius non erit malitia: sed conditio ad malitiam quia bonum, & malum opposita sunt, & reuera ita est, quod illa conformitas ad legem ad summum se habet, ut quædam bonitas obiectiva quam si aliquis velit, ea voluntate fiet bonus, ut Div. Thomas recte explicavit *2. 2. questione septuagesima nona articulo primo, ad 2. sic ergo* est contraria carentia conformitatis non est, quæ facit malum nisi obiective: sed voluntas carendi illa conformitate, siue directa, siue indirecta sit, facit malum. Tandem alias sequitur malitiam moralem non minus esse formaliter in potentia executiva, quam in voluntate, quod isti autores non concedunt. Sequela patet, quia etiam lex prohibet actum huius potentie, & fortasse primario, ut patet in lege, *Non occidis*. Illa ergo potentia carens actu lege prohibito est conformis

IX.  
Quintus  
modus dicendi.

Impugnatio  
huius  
quinti  
modi.



mis legi, & hæc conformitas est etiam condi-  
tio necessaria ad bonitatem: ergo carentia hu-  
ius conformitatis, quæ in potentiam redun-  
dat ex actu, erit etiam malitia moralis. Dice-  
tur fortasse non esse malitiam, quia tantum est  
extrinsece voluntaria per actum voluntatis: sed  
contra. Quia etiam illa carentia conformita-  
tis, quæ in voluntate ipsa redundat ex actu  
solum est voluntaria per extrinsecam deno-  
minationem ab ipso actu: est ergo æqualis  
ratio.

X. *Impugnatio  
2 eiusdē 5.  
modi per di-  
lemma.* Secundo ac præcipue ostendo hæc opinionem  
esse falsam hoc modo, nam in ea conformitate  
voluntatis ad legem duo possunt considerari. V-  
num est relatio quædam resultans inter volun-  
tem, & legem. Aliud est fundamentum huius re-  
lationis, quod ex parte legis nihil aliud est, quam  
ipsa lex prohibens, ex parte voluntatis præter  
voluntatem ipsam nihil est nisi carentiæ actus  
prohibiti, neque autores huius opinionis aliud  
affirmant, neque excogitari potest: sed malitia  
non potest consistere in negatione huius confor-  
mitatis ratione relationis, neque ratione funda-  
menti: ergo nullo modo. Probatur prima pars mi-  
noris primo, quia, vt sæpe dixi, istæ relationes re-  
sultantes sunt impertinentes ad bonitatem, vel  
malitiā moralem, vnde nec hæc cōditio necessa-  
ria ad bonum dici potest, maxime cum sit rela-  
tio rationis. Secundo, quia iuxta hanc sententiā  
malitia dicitur consistere in carentia eius, quod  
cadit sub legem: lex autem non prohibet hæc re-  
lationem, sed prohibet actū, seu quod idem est,  
præcipit carentiam actus. Tertio, quia relatio, vt  
sic, non potest auferri primo, & per se per nega-  
tionem sui nulla facta mutatione in termino, vt  
constat ex Dialectica: hic autem nulla fit mutatio  
in lege: ergo non potest illa relatio primo, & per  
se tolli à voluntate, per solam negationem eius,  
sed per ablationem fundamenti: ergo malitia nō  
cōsistit primo in corruptione relationis, sed fun-  
damenti: iam ergo probatur altera pars minoris,  
quia fundamentum huius relationis solum est  
carentia actus: ergo non potest destrui per nega-  
tionem aliquam: ergo non potest malitia consi-  
stere in negatione conformitatis huius funda-  
mentalis, quæ nihil aliud dicit, quam priuationē  
in vno extremo cum coexistentia alterius. Proba-  
tur prima consequentia, quia priuatio non po-  
test formaliter destrui per aliam negationē, seu  
priuationem, sed per formam cui opponitur. Ex-  
emplo physico res sit manifesta, nam duo cæci  
sunt conformes in cæcitate, in quibus potest in-  
telligi, & fundamentum, & relatio quædam simi-  
litudinis, quæ auferri non potest, nisi ab altero  
eorum tollatur, cæcitas autem, vt sic, non potest  
auferri formaliter per solam negationem cæci-  
tatis, sed per visum.

XI. Dices interdum posse auferri priuationem per  
aliam negationem capacitatis. Respondetur tūc  
non auferri priuationem quantum ad id, quod  
negatiuum est, sed quantum ad id, quod est posi-  
tiuum, quod in præsentī non habet locum, nam  
capacitas voluntatis semper eadem manet, & so-  
lum tollitur ab illa priuatio, quantum ad nega-  
tionem actus: ergo non tollitur per negationem,  
sed per ipsum actum: ergo hoc ipso, quod malitia  
consistit in carentia cōformitatis, nō potest im-  
mediate cōuenire voluntatis, sed medio actu: ergo  
non potest malitia esse negatio aliqua imme-  
diata existens in voluntate ipsa, sed in actu, quia  
nimirum lex, quæ prohibet actum, non vt cumq;  
illum prohibet, sed vt moralem, & vt includen-  
tem de ordinationem à rectitudine, sub qua ra-  
tione ostendimus includere aliquam negationē.

Suarez in primam secundæ D. Thomæ.

Dicendum est ergo in hac quæstione malitiā  
dicere carentiam alicuius rectitudinis, & hone-  
statis debitæ in ipso actu, hæc est communis sen-  
tentia, quæ aperte sumitur ex D. Thomæ 1.2 q. 18.  
art. 1. & q. 20. artic. 1. & 3. contra gentes cap. 7. & 9. & in  
2. d. 37. q. 1. art. 1. ad 4. & 5. & in quæstionibus de malo q. 1.  
2. & Bonauentura in secunda dist. 34. quæst. vltima.  
Idem tenent Scotus, & Richardus citati: sect præ-  
cedenti, Durandus in 2. d. 34. q. 2. vbi hoc explicat  
per negationem conformitatis ad naturam ra-  
tionalem, Gabr. qui alios citat in secunda dist. 55.  
artic. 2. Ferrar. 3. contra gentes capite nono, Petrus So-  
to lectione 5. & 6. de peccatis. Probatur primo à suffi-  
cienti enumeratione, quia malitia includit nega-  
tionem, & non immediate in potentia volunta-  
tis, vt etiam est ostensum, agimus enim solum de  
malitia commissionis, neque etiam est in aliquo  
alio, vt per se notum est: ergo esse debet in ipso  
actu malo voluntatis: præsertim, quia supra o-  
stensum est in illo proxime esse malitiam. Rursus  
hæc carentia, vel malitia directe, & formaliter  
opponitur honestati, & rectitudini: ergo oportet,  
vt sit hæc negatio, & carentia rectitudinis &  
honestatis in ipso actu. Secundo explicatur sic.  
Nam voluntas fit mala in quantum conuertēdo  
se ad obiectum delectabile, aut sibi placitum de-  
ferit obiectum honestum, & consequenter finem  
vltimum eius, ac rectam rationis regulā, sed non  
deserit per se ipsam, sed per actum: sicut non se  
conuertit per se ipsam, sed per actum: ergo in a-  
ctu intelligitur, & positiua conuersio ad obiectum  
malum, & virtualis quædam, seu implicita  
separatio ab obiecto bono, & recta intentione:  
sed hoc nihil aliud est in actu, quam carentia re-  
ctitudinis, seu habitudinis ad debitum obiectum  
virtualiter voluntaria: ergo huiusmodi carentia  
rectitudinis in ipso actu intelligenda est. Tertio  
ipse actus malus est disconueniens naturæ ra-  
tionali, & potest etiam dici difformis legi, sed nō  
habet hoc præcise ratione positiuæ entitatis, vt  
supra ostendi: ergo propter carentiam aliquam  
rectitudinis, & honestatis quæ in ipso est.

Dicendum secundo. Hæc carentia si respectu  
ipsius actus secundum se consideretur habet rā-  
tionem negationis, respectu autem debiti  
voluntatis habet rationem priuationis morā-  
lis, & hoc satis est ad constituendam malitiam  
actus. Hanc conclusionem pono ad explicandam  
præcipuam difficultatem argumentorum à nu. 3.  
positorum, quam sumpsi ex doctrina D. Thomæ  
quæst. 1. de malo art. 1. ad 1. Vbi distinguit duplex ma-  
lum, aliud absolutum, & in se, aliud respectiuū,  
seu quod est malum alteri, prius dicit esse, quod  
caret perfectione sibi debita, posterius autem in-  
quit, non est necesse, vt careat perfectione sibi debita, sed ei  
cui est malum: peccatum autem, vt supra dixi, non  
est in se absolute malum, sed respectiue, id est,  
homini; non est ergo necesse, vt careat perfectio-  
ne sibi debita absolute, & simpliciter, sed debita  
homini, seu voluntati, & ideo nō oportet vt ca-  
rentia illa sit priuatio respectu actus secundum  
se, sed satis est quod sit negatio, nam actus sic ne-  
gatus est quoddam malum disconueniens vo-  
luntati, sicut in naturalibus, vt calor sit malum  
aquæ, non oportet in eo intelligere aliquam ca-  
rentiam, quæ priuet ipsum aliquā perfectione  
calori debita, vt sic, sed satis est intelligere nega-  
tionem perfectionis debitæ aquæ: & ratio est in  
promptu ex dictis, quia eo modo requiritur pri-  
uatio ad rationem mali quo ipsum malum est:  
ergo si res non est absolute mala in se, non est cur  
careat perfectione ei debita: ita vero est in præ-  
sentī: nam voluntati humanæ operanti humano  
modo circa talem materiā debita est talis perfe-

XIII.  
Assertio 2.



atio operationis suæ, & ideo si illa careat in suo actu: priuata merito dicitur tali perfectione in sua operatione: & fortasse in idem redit, quod Scotus dicebat de actu vt humano, & vt constituto in hac, vel illa specie, non enim sensus est, vt in argumentis infirmabatur, quod actui secundum rationem genericam, vel ratione illius debeatur potius vna differentia, quam alia, sed quod actioni humanæ ex debito ipsius subiecti deberetur rectitudo, & quamuis hæc omnino repugnet tali actioni, quæ mala est, v.g. ex obiecto, tamen hoc ipsum est malum humanæ naturæ, quod scilicet efficiat actum, cui rectitudo repugnat, atque eodem modo dici posset, quod licet hæc rectitudo non sit debita tali actui debito absoluto, est tamen necessaria, & debita illi debito conditionato, id est, vt possit esse perfectio conueniens humanæ naturæ, & ideo absolute esse non potest forma conueniens illi, quia simpliciter non potest habere talem rectitudinem, & in hoc consistit difformitas eius, & malitia respectu voluntatis.

**XIV.** Et per hæc fere satisfactum est difficultatibus *Satisfit difficultatibus in 1. sententia allatis.* in prima opinione positus, à nu. 3. iam enim declaratum est, quomodo in hac carètia reperiatur ratio negationis, vel priuationis sufficiens ad rationem mali moralis: quomodo vero in hac malitia sit sumenda determinatio, & specificatio, dicturi sumus paulatim in sectionibus sequentibus, nunc satis sit dicere sumendam esse ex materia, vel obiecto, circa quod versatur actus, potest etiam attendi ratio debiti, semper enim aliqua determinata honestas est per se debita actui. Nam licet contingat ex motiuis extrinsecis posse plures honestates adhiberi, semper tamen attendenda est illa, quæ ex vi intrinseci obiecti debetur: quod si contingat huiusmodi plures esse, & vnâ non comparari ad aliam, vt genus ad differentiam, poterunt etiam malitiæ esse plures in eodẽ actu, neque enim hoc est inconueniens, vt postea dicemus. Atque eodem modo expeditur alia difficultas de inæqualitate malitiæ posita num. 4. quinto loco, quia licet fortasse in ratione negationis quilibet actus malus careat omni honestate, vt sic negatio videatur æqualis, tamen in ratione priuationis non oportet, vt sit æqualis, quia debitum honestatis non est æquale respectu cuiuscumque actus: sed sicut vni debetur perfectior rectitudo specifica, quam alteri, ita etiam deberi potest maior bonitas intra eandem speciem ratione circumstantiarum, de quibus statim dicemus: quo fortasse sensu dixit Diu. Thomas q. 1. de malo artic. 1. ad secundum, & 11. & 1. 2. quest. 18. artic. 8. ad 1. malitiam moralem non esse priuationem totalem, quia non simpliciter priuat omni honestate, cætera sunt facilia, & erunt faciliora ex sequentibus.

## SECTIO VI.

*Vtrum malitia moralis sit sola ipsa negatio, vel priuatio, vel includat etiam entitatem actus positiuam.*

**I.** *Malitia non videtur includere quippiam positiuum.* Hactenus diximus, solum positiuum non sufficere ad malitiam, sed debere necessario in cõceptu suo includere negationem aliquam, vel priuationem, nunc è conuerso explicandum est, an solum id, quod est priuatiuum sit de intrinseca ratione malitiæ, vel includat etiam positiuum, ita vt sit aliquid ex utroque compositum: hoc

enim multis videtur impossibile, tũ quia Sancti supra citati in sola, ac nuda priuatione videntur constituere rationem malitiæ, & mali: tum etiã, quia ex priuatione & positiuâ entitate nõ potest componi vnum per se, cum sint tam diuersorum generum: malum autem, seu malitia dicit aliquid per se vnum: atque in hunc modum explicari solet communis sententia Theologorum, quos citauimus sect. 3. & 5. scilicet quod sola priuatio sit formalis malitia: entitas vero positiuâ actus sit velut materiale quid, in quo inest malitia, & ita videntur frequenter loqui de materiali peccati, cum dicimus Deum concurrere ad illud, non ad formale sic etiam explicatur dictum Augustini, quod peccatum est nihil, scilicet quoad formale, nam quantum ad materiale aliquid est, sic denique loquitur D. Thomas 2. 2. q. 118. art. 5. & 6. 162. art. 6. & frequenter in materia de peccatis.

Multi tamen Thomistæ, præsertim Ferrar. 3. II. *Opinatio quorundam malum morale compositum tanquam genere & differentia ex positiuo & negatiuo* contragentes cap. 9. contendunt malum morale in trìnsece constitui ex positiuo, & priuatiuo, & nihilominus esse vnum per se in suo genere compositum ex illis duobus: qualis autem sit hæc compositio, diuersimode ab eis explicatur: Victoria enim, vt fertur, aiebat esse compositionem ex genere, & differentia: ita tamen, vt genus sit priuatiuum, & differentia positiuâ, nam malum morale, vt sic: commune est priuationi, & positiuæ formæ, & ideo non potest dicere rationem positiuam: ergo priuatiuam: contrahitur autem ad talem rationem mali, quæ est in actu per positiuum ordinem, quem dicit ad tale obiectum. Sed hoc est aperte falsum, nam priuatiuum cum formaliter sit non ens, non potest per se contrahi, & constitui per differentiam realem, hoc enim sensu verum est, quod Aristoteles dixit 4. Physic. textu 17. non entis nullas esse species. Deinde quia ostensum est differentiam positiuam realem, vt sic, non habere rationem malitiæ ex vi totius positiuui, neque ex vi generis, quod per se contrahit, nam vtrumque intelligi potest in actu sine malitia. Vnde alii potius è contrario dicunt compositionem quidem esse ex genere, & differentia, tamen actum positiuum habere rationem generis, priuationem vero differentia: sed hoc frequenter impugnat D. Thomas in hac materia, & de peccatis, vt latius ostendemus in sequentibus, differentiam specificam actus mali non posse esse priuationem, sed reale positiuum, quomodo etiam dixit Aristoteles l. 1. de partibus animalium cap. 3. reale genus per se non diuidi per priuationem, quia actus, & potentia debent esse proportionata, maxime genus, & differentia, quæ in re ipsa non distinguuntur, cum tamen priuatio, vt sic, ex natura rei sit distincta à positiuo, eo modo, quo est: ac denique quia omnis talis priuatio, vel negatio fundatur in differentia aliqua positiuâ, nam illa quæ fundatur in ratione generica, vt sic, non potest constituere determinatam speciem, sed potius communis est omnibus speciebus.

Alii ergo dicunt hanc compositionem esse ex actu, & potentia, seu subiecto, & forma, quia nõ potest huiusmodi genus compositionis, vel vnionis excogitari: nam per se constat priuationem, & positiuum non posse ad componendum vnum conuenire per modum partium integranrium, neque alio genere compositionis. Sed tunc inquirendum superest in hac sententia, in quo contradicant priori opinioni, & communi: aut enim loquuntur de malo morali in concreto, aut de malitia in abstracto. Priori modo nemo vnquã dubitauit, quin malum commissionis, de quo agimus, includat actum positiuum cũ carentia rectitudinis



rectitudinis; illum: ut materiale subiectum, hanc ut formam; & ex utroque componi vnum non omnino per accidens, seu per aggregationem, neque tam per se, ut est substantia vna, vel species constans ex genere, & differentia; sed aliquo modo vnum in genere mali, sicut album, & alia composita ex actu, & potentia, si vero sit sermo de malitia in abstracto, & difficile est explicatu, quomodo componatur ex actu, & potentia, & ex materiali, & formali, cum malitia, ut sic, tantum dicat rationem formalem mali, cumque quidquid est ibi materiale, sit quædam bonitas, quæ à Deo fit; ac denique cum ablata negatione nihil malitiæ prorsus relinquatur in entitate positiua.

## IV.

1. *Questio de re ipsa in præsentia se-  
dione.*

In hac ergo re vna quæstio potest esse aliquo modo de re, & duæ, vel tres de nomine. Primo controuerti potest, vtrum respectu voluntatis, seu hominis sola priuatio habeat rationem mali, vel etiam actus ipse positiuus, & in hac dicendum est non solum priuationem, sed ipsum actum carentem rectitudine esse vnum quoddam malum hominis, ita ut neque actus positiuus per se priuatione seiuncta, habeat rationem mali, neque ipsa negatio per se, sed quatenus adiuncta actui, & vnum quid cum illo componens sit malum hominis, hæc, ut existimo, est sententia D. Thomæ, vbique enim ita explicat rationem peccati, distinguendo semper in illo materiale & formale, ut videre licet *locis citatis*, & 3. contra Gentes cap. 9. & *quest. 2. de malo art. 6. ad 3. & in 2. d. 2. 4. quest. 1. art. 2. vbi in hoc sensu ait hoc malum non esse nisi bonum quoddam imperfectum, & fortasse hoc sensu dixit 1. 2. quest. 18. art. 8. ad primum malum morale non esse puram, aut integram priuationem. Et ad hanc conclusionem probandam valere possunt argumenta facta *sect. 3. num. 1. pro sententia Caietani, & facta. sect. præcedenti, imprimè.* Item hoc videtur necessarium ad distinguendum propriè malum commissionis à malo omissionis, nam illud per se, & intrinsecè non dicit actum, hoc autem per se, & intrinsecè componitur ex actu. Item quia ostensum est *supra. sect. 6. à num. 9.* hominem non fieri difformem legi prohibenti per solam negationem, sed per actum inordinationem: ergo totum hoc est quod iam malum hominis. Præterea, quia hoc totum est disconueniens naturæ rationali, non solum negatio ipsa, sed etiam actus subsistens illi sic, quod ita potest explicari exemplo physico: nam frigiditas remissa dici potest mala aquæ, non tamen ratione positiui, sed præcisè ratione negationis, quia disconueniens quidem est aquæ carere intentione frigiditatis: tamen supposita hac imperfectione non est illi malum habere aliquos gradus frigiditatis, sed simpliciter hoc melius illi est, quam absolute carere frigiditate: non sic autem est in præsentia, nam voluntati non solum est malum habere actum inordinatum ratione negationis, sed etiam positiui, ut coniuncti negationi, ita ut simpliciter melius sit, imò ad bonitatem necessarium, carere tali positiuo, quam habere illud coniunctum deordinationi: rectè ergo dicitur totum illud compositum esse vnum malum voluntatis, neque contra hoc video aliquam difficultatem alicuius momenti, imò ex hoc principio facilius expediuntur difficultates omnes in hac materia occurrentes.*

## V.

1. *Questio de modo lo-  
quendi.*

De modo autem loquendi erit prima quæstio, vtrum hoc compositum ex priuatione, & positiuo debeat dici tantum vnum malum, vel etiam vna malitia. Ad quod breuiter dico respectu voluntatis totum illud dici posse vnam malitiam voluntatis, quia nihil aliud est malitia, quam for-

ma malè afficiens subiectum: huiusmodi autem forma est actus & priuatio, nam re vera est turpitudine animæ, & difformitas eius. sicut è contrario dicit D. Thomas 1. 2. *quest. 51. artic. 4. ad 1. & 1. p. quest. 5. art. 5. ad 2. & 3. p. quest. 11. artic. 5. ad 3.* habitus, vel actus virtutis, non tam esse bona, quam habitus quædam, quia sunt formæ bene afficientes voluntatem, neque repugnat id quod est forma respectu vnius ad alium comparari, ut potentiam, atque ita, quamuis actus malus sit forma voluntatis, potest ad inordinationem comparari, ut materiae ad formale.

Dices, ergo si ex his duobus componitur vna malitia, priuatio erit partialis malitia, & positiuum similiter: quod tamen esse falsum probari potest iisdem argumentis, quibus *supra. sect. 3. n. 4.* contra Caietanum vsi sumus. Respondetur negando simpliciter consequentiam, quia hæc compositio non est ex partibus integrantibus, & homogeneis: ut necesse sit rationem totius in singulis partibus reperiri: sed est tanquam ex actu & potentia: vnde solum sequitur id quod est positiuum in actu talis esse naturæ, & potentiali actus, ut si ei adiungatur priuatio, cum illa componat vnum quid malum, & disconueniens rationali voluntati, quod sine illa habere non potest: quocirca si hæc duo non comparentur ad voluntatem, sed inter se, satis conuenienter dicitur totam malitiam actus esse priuationem, quia illa est quæ facit illum esse difformem, & turpem, & sine illa nullam obliquitatem moralem habere, & hic est sensus communis opinionis, & autorum omnium, quos *supra* citavi.

Altera quæstio de nomine etiam erit, vtrum hoc compositum dicendum sit vnum per se, vel per accidens: dicendum est enim in genere entis realis physici, esse vnum per accidens, id est includens aliquid quod est extra essentiam entis realis: tamen in genere entis moralis vel quasi artificialis dici potest vnum per se, quia illa duo ita coniunguntur ad constituendum vnum malum, ut habeant inter se aliquam viuiationem actus, & potentia, atque ita ut alterum sine altero nullo modo sufficiat ad rationem talis mali constituendam, quia, ut sæpe dictum est, neque actus sine priuatione esset malus, neque talis priuatio sine actu, quia non est carentia rectitudinis absolute debita, sed debita tantum ex suppositione actus, seu in actu, si voluntas vult illum efficere.

Vnde facile expeditur alia quæstio, quam latè tractat Caiet. 1. 2. *quest. 71. art. 6.* Et existimo esse de nomine, quid scilicet sit magis de essentia peccati positiuum vel priuatiuum? ad quod ipse consequenter respondet, positiuum esse magis essentiale, quia per se est magis directè voluntarium. Dicendum tamen est in genere entis physici, & realis, positiuum esse magis essentiale actui, magisque inseparabile ab ipso, tamen in genere talis mali moralis, vtrumque esse essentiale per modum materię, & formę, & quodammodo magis essentiale est priuatio, quam positiuum, quia in vnaquaque re id quod est per modum ultimi actus, & formę, censetur constituere præcipue essentiam rei: quod verò priuatio sit indirecte voluntaria, nihil refert, vt iam dicam *sectione sequenti.*



## VI.

## VII.

2. *Questio etiam de nomine expeditur.*

## VIII.

3. *Questio enodatur.*



## S E C T I O VII.

*Utrum actus malus sumat unitatem, & distinctionem specificam ex obiecto.*

Postquam in genere explicata est ratio malitiz, oportet consequenter exponere, quomodo ex obiecto, circumstantiis, & sine sumatur, hic ergo non est sermo de omnibus actibus, qui quacumque ratione etiam accidentaliter, & ab extrinseco possunt esse mali, sed de illis tantum, qui ex obiecto mali sunt, huiusmodi enim plures ostendimus *sezione 1. huius disputationis.*

I. Est ergo prima sententia hos actus habere unitatem specificam ex præceptis, non ex obiectis: nam actus malus est, in quantum præcepto repugnat iuxta illam definitionem. *Peccatum est dictum, vel concupitum, &c. contra rectam rationem. legemque Dei:* ergo illi actus mali erunt eiusdem specie, qui repugnaverint eidem præcepto: distinctæ vero, qui diuersis præceptis repugnaverint. Quod si obijcias, quia interdum vnus actus furti, v.g. est contra diuersa præcepta legis naturæ diuinæ, & humanæ, & non propterea habet multiplicem malitiam. Respondetur illa præcepta tantum materialiter multiplicari, sententiam vero esse intelligendam de formali multitudine & distinctione præceptorum, & idem actus habebit plures malitias si sit contra præceptum temperantiæ, & religionis, vt in eo, qui violat præceptum & votum ieiunandi.

II. Hanc sententiam D. Thomas improbat 1. 2. *quest. 72. art. 6 ad 2. & quest. 2. de malo art. 6. & merito.* Primo, quia si sit sermo de præcepto propriè, & in rigore imperante ex voluntate superioris, hoc non semper est necessarium ad unitatem, & distinctionem malitiæ, vt constat ex dictis *sect. 1.* Si vero sermo sit de præcepto indicante, seu dictamine rationis naturalis, quamuis verum sit ad dictamina diuersa sequi malitias diuersas, tamen hoc non est, quod distinctio malitiæ sumatur ex dictamine rationis prout est actus intellectus, sed quia sumitur ex obiecto per rationem iudicato, quin potius ipsa dictamina ideo diuersa sunt, quia circa tales materias, seu res versantur quatenus naturæ rationali conuenientes, vel disconuenientes sunt: vnde etiam in his, quæ sunt mala, quia prohibita distinctio præceptorum prout ad diuersas virtutes pertinet, ex materiis sub quibus versantur sumenda est: vnde etiam si contingat eundem materialem actum videri contrarium diuersis præceptis distinctarum virtutum, id semper est, quia includitur aliqua conditio diuersa in materia, vel obiecto talis actus: quamuis igitur quoad nos interdum posuit hæc distinctio per dictamina rationis explicari, tamen non potest hæc esse prima radix distinctionis malitiæ.

III. Est ergo secunda sententia dicēs malitiam sumere distinctionem suam, vel unitatem, ex actu positiuo ad quē sequitur, quia est quali proprietates fluens ab illo: proprietates autem omnes sumunt rationem suam ex essentia, vnde habent originem: sed hæc sententia intellecta de actu positiuo interiori non est vera, quia ex eodem possunt sequi multe inordinationes diuersarum rationum, & è contrario quamuis actus positiui sint specie distincti propter diuersa motiua, possunt habere malitiam eiusdem rationis ex materia in qua conueniunt, neque illud fundamentum

verum est, quod proprietates sumunt unitatem, vel distinctionem ex essentia ex qua manant, vt per se patet.

Tertia sententia est Scoti in 2. d. 35. Quod malitia sumit unitatem, vel distinctionem ex honestate, quia priuat, quam aliis verbis refert, & non improbat D. Thomas 1. 2. *quest. 71. artic. 9. ad 1.* scilicet actum malum sumere suam rationē ex virtute, cui opponitur. Et fundamentum est; quia priuatio sumit unitatem, vel distinctionem ex forma, qua priuat, cæcitates enim sunt eiusdem speciei, quia priuant forma eiusdem speciei, esto contingat ex causis diuersis specie prouenire, è contrario verò cæcitas, & surditas sunt specie diuersæ ex distinctione formarum; & ratio est, quia totum esse priuationis est carentia alicuius esse: ergo talis erit, quale fuerit illud esse, quo priuat; vnde infert Scotus actum malum formaliter prout significatur ratione peccati proximè sumere speciem à priuatione, qua formaliter constituitur, radicaliter vero ab honestate opposita.

Hanc opinionem impugnat Thomistæ his argumentis. Primo, quia ex illa sequitur actus malos oppositos eidem virtuti esse eiusdem speciei, quia priuant eadem honestate, quod esse falsum constat ex vitiis extremè oppositis. Secundo, quia species moralis actus sumitur ex intentione operantis, quod de actibus etiam malis videtur sæpe docere D. Thomas 1. 2. *quest. 72. artic. 3. & 6. & 2. 2. quest. 10 art. 5. ad 1. & 3 p. quest. 88. artic. 4. & quest. 72. art. 3. ad 2.* Tertio, quia idem actus potest habere plures malitias etiam si sit vnus in specie. Quarto, quia quod nihil est, non potest dare speciem actui humano: hæc autem priuatio nihil est. Quidquid autem sit de huius sententiæ veritate, hæc argumenta non concludunt, & à nobis soluenda sunt, qui possunt obijci contra ea, quæ supra sunt definita. Ad primum negatur sequela, quia non quælibet malitia actus alicui virtuti contrarij priuat totaliter honestate illius virtutis, neque secundū omnem rationē eius, sed prout ad diuersos actus inclinare potest, ad quod applicari potest doctrina illa D. Thomæ *quest. 1. de malo artic. 1. ad 2. & 11. & artic. 8. ad 1.* malitiam non esse priuationem totalem, vt in exemplo posito de vitiis extremè contrariis, eadem, v.g. liberalitas inclinatur ad dandum & retinendum cum mediocritate: prodigalitas ergo destruit illam quatenus inclinatur ad dandum, & ideo malitiæ diuersæ sunt, & priuant actibus honestatis diuersarum rationum, vel absolutè, & simpliciter, vel secundum inadæquatos conceptus. Ad secundum respondetur cum malum, vt malum, per accidens sit in rebus, sæpe esse præter intentionem operantis, & ideo in moralibus non oportere, vt sit per intentum, imo, quod sit semper indirectè voluntarium, vt supra dictum est, & ideo necesse non est actum malum, vt malum semper habere speciem ex re, vel motiuo per se intento ab operante: nec D. Thomas contrarium docet eisdem locis: sed agit de quibusdam circumstantiis, quæ non dant speciem malitiæ, nisi sint directè intentæ, & volitæ, de quibus dicam *sect. sequenti à n. 8.* Ad tertium cum malitia sit extra physicā rationem positiuæ entitatis, & suo modo sit in illa, vt in subiecto, sicut in subiecto multiplicantur accidentia, ita nihil obstat, quod in eodem actu multiplicentur malitiæ, in quo est magna differentia inter malitiam, & bonitatem ex obiecto desumptam, & ita docet D. Thomas *locis supra citatis*; addit tamen illud non esse plura, sed vnum peccatum, quod spectat ad modum loquendi, sicut vnus homo licet habeat artes specie distinctas

IV. Sententia.

V. Multipliciter impugnat aliqui hanc sententiam.



tas dicitur vnus homo. Ad quartum dicitur vnumquodq; tale specificatum habere quale ipsum est; ens autem priuatiuum, vt sic, non est reale. & ideo nihil mirum est, quod specificetur à forma, quæ nihil est reale.

VI.

4. Sententia  
& vera.

Quarta opinio est malitiam actus, seu actum malum sumere speciem suam ex obiecto. Ita sentit D. Thomas 1. 2. *quest. 18. artic. 2. & 5. & quest. 72. art. 1.* vbi vtitur illa ratione, quod id specificat, quod cadit in intentionem operantis, & in eadem *quest. 72. art. 2.* dicit peccatum non specificari ex auersione, quæ est priuatio, sed ex conuersione, secundum quam est actus quidam, & hæc opinio D. Thomæ bene explicata vera est; in re tamen non est contraria præcedenti, sed magis explicat radicem actus mali, vt sic.

VII.

Eius assertio.

Itaque primo dicendum est actum malum, si consideretur, vt est volitio quædam, & species entis politiuæ, specificari ab obiecto formali, & ex proximo motiuo, seu ratione volendi, quæ semper est aliqua ratio boni sub qua obiectum appetitur. Hæc sumitur ex D. Thoma *citatis locis*, præsertim 2. 2. *q. 10. art. 5. ad 1. & in 2. d. 42. q. 2. art. 1.* Et ratio est per se nota ex supradictis de specificatione actus boni, nam quoad hoc eadem est ratio de actibus malis, non quatenus malis, sed quatenus actus sunt, quo modo dicit aliis locis D. Thomas malum dare speciem in moralibus, quate nus retinet aliquid bonitatis.

VIII.

2. Assertio.

Secundò dicendum est, actum malum vt malus est, sumere malitiam & speciem eius ex obiecto quatenus disforme est, & disconueniens naturæ rationali: estque hoc modo volitum per talem actum directè, vel indirectè: hoc etiam intendit D. Thomas *citatis locis*, & facillè patet ex supradictis *disp. 2. de bonitate*, & malitia obiectiuæ: ideo enim velle furari malum est formaliter, quia furari est malum obiectiuè; ergo formalis malitia talis voluntatis oritur ex materia obiectiuæ talis obiecti: ergo species vnus sumitur ex specie alterius, & ideo velle furari, & velle mentiri, habent malitias specie distinctas, quia illa obiecta habent disconuenientias formaliter diuersas. Confirmatur, nam supra ostensum est actum voluntatis non esse malum ex vi præcisæ conuersionis ad obiectum sub aliqua ratione boni, sed tunc fit malus, quando ipsa deordinatio obiecti censetur aliquo modo volita: ergo signum est malitiam redundare in actum ex turpitudine obiecti. Denique quia oppositorum eadem debet esse proportionalis ratio.

IX.

3. Assertio.

Vltimo tandem dicendum est etiam verum esse actum proximè constitutum in specie mali, & peccati per priuationem, & priuationem immediatè etiam & proximè sumere rationem suam ex positiuo, quo priuat, sic D. Thom. 1. 2. *quest. 72. art. 1. ad 2.* dicit peccatum non esse priuationem puram, sed actum priuatum debito ordine, & ideo magis sumere speciem ab obiecto, quàm à bonitate opposita, qua priuat: & subdit, quamuis etiam si distinguantur peccata secundum oppositas virtutes, in idem redit. Idem habet 2. 2. *q. 10. art. 5. ad 1.* addit tamen ex recessu à bono non tam sumi speciem, quam priuationem speciei. Vnde intelligi potest sumere D. Thomam speciem pro specie reali, & positiuæ, vt sic, quo sensu in illa *quest. 72. art. 6.* cum dixisset omissionem habere suam speciem, addit *largè tamen loquendo de specie prout negatio, vel priuatio speciem habere potest*: tamen in 2. 2. *quest. 118. art. 5.* dicit, quia in peccato actus est vt materiale: priuatio, vt formale, magis esse attendendam grauitatem, & rationem peccati ex priuatione alicuius boni, quam ex tendentia ad aliquod bonum. Ratio autem huius

conclusionis est, quam adduxit Scotus, quia priuatio, vt sic, respicit proximè, & immediatè positiuum, quo priuat, tamen quia illud dicit ordinem ad obiectum, etiam hæc priuatio suo modo respicit obiectum, quod est prima radix bonitatis, & malitiæ moralis, & ita illa duo sunt contraria, neque in hoc occurrit difficultas alicuius momenti.

## SECTIO VIII.

*Virum actus voluntatis sumat malitiam ex circumstantiis; & quomodo.*

IN hac re omnes conueniunt humanum actum voluntatis sumere posse malitiam, vel augmentum malitiæ ex circumstantiis, idq; duobus modis, vt notauit Scotus *quodlibet. 18. scilicet*, vel addendo positiuas circumstantias ratione repugnantes, vel omittendo condiciones actui debitas secundum rectam rationem, quod latè etiam docuit Augustinus *lib. 5. de Trinitate*, & Basilus in libro quodam de Baptismo, qui sic explicant illud *Genes. 4. iuxta septuaginta, Nonne si rectè offeras, non autem rectè diuidas, peccasti. Nam ille, inquit, rectè offert, qui Deo offert: non autem rectè diuidit, si prudenter non discernat circumstantias quid & loci & temporis, &c.* Ratio autem est, quia bonum ex integra causa, &c. prudentia autem, & recta ratio, vt actus bene fiat, nò solum iudicat de obiecto, sed etià de circumstantiis omnibus actus, & obiecti, ex quibus ferè semper pendet mediocritas, & honestas obiecti, vt hic, & nunc appetendi: & ideo carentia debita circumstantiæ facit actum malum. Et eadem ratione plures circumstantiæ poterunt malitiam augere, quod etiam patet à contrario ex dictis de bonitate. Vnde etiam fit has circumstantias interdum augere intra eandem speciem quatenus magis rationi repugnant intra latitudinem eiusdem honestatis: interdum vero augere nouam speciem addendo, vt sumitur ex Concilio Tridentino *sess. 14. cap. 5. & Can. 7.* quia possunt inducere nouam deordinationem à ratione, de qua re videnda sunt dicta de malitia obiectiuæ in *disp. 2. & regulæ ibi traditæ hic sunt applicandæ. De his vero circumstantiis quando, & quomodo augeant peccata tractat fuse D. Thomas 1. 2. *quest. 72. & quest. 73.* Et ideo non est hoc loco circa hoc immorandum, vide tractatum 5. *disp. 4. sect. 2. à num. 5.* solum prætermitteri non potest quædam generalis dubitatio, scilicet quale voluntarium requiratur, vt circumstantia conferat malitiam actui voluntatis, quod ad 2. partem tituli pertinet. Et est præcipua difficultas de circumstantiis mutantibus speciem: nam de aliis siue sint obiectiuæ, siue se teneant ex parte actus, certum est sufficere, quod sint inducè voluntariæ, & à priori patebit ex dicendis.*

De aliis ergo est prima sententia dicens, vt circumstantia conferat nouam speciem malitiæ, necessarium esse, vt sit directè voluntaria, & in se, & vt inducat rationem motiui. Significat D. Thomas 1. 2. *quest. artic. 6. & quest. 72. artic. 9.* dicens circumstantiam non mutare speciem peccati, nisi variet speciem voluntatis. Vbi Caietanus in hoc æquiparat actum malum actui bono, & *sect. præcedenti*, retuli alia loca D. Thomæ, ex quibus idem sumi potest.

Hæc tamen sententia non potest esse vera loquendo de actu malo, vt malus est, & de specie eius, vt sic. Et in primis non est necesse tendere directè in malitiam ipsius circumstantiæ, nam hoc formaliter

I.

Resoluitur  
1. pars tituli  
vt certa.

II.

1. Sententia  
circa 2. partem  
tituli.

III.



maliter est possibile : materialiter autem, est inordinatissimum, & rarissimum ; cum tamen circumstantiam addere nouam speciem malitiæ frequentissimum sit. Deinde non est necesse intendere per modum motui conditionem illam actus ex quo oritur talis malitia, vt constat primo exemplis, nam qui vult mœchari, non oportet, vt intendat iniuriam alterius, vt malitiam iustitiae incurrat, sed sat est, quod intendat delectationem suam in actu illo, qui re vera est alteri iniurius. Idem est de eo qui vult mœchari cum periculo homicidij, quamuis non intendat. Secundo à fortiori : quia etiam in ipso obiecto non est necesse talis intentionis modus ad contrahendam malitiam eius ; atque hoc euidentius constabit ex dicendis contra sequentem sententiam : docetque hoc aperte D. Thom. *quest. 2. de malo art. 6. ad 6. & sumitur ex D. Thom. 1. 2. quest. 20. artic. 3. & quest. 73. art. 8. Vnde in locis num. precedente citatis*, nō potuit docere contrarium : sed loquitur de actibus peccatorum, non de specie malitiæ, & hoc modo dicit circumstantiam non variare actum peccati, nisi sit intenta. quæ expositio sumi potest ex eodem D. Thoma in 4. d. 16. *quest. 3. artic. 3. questiuicula 3. in corpore, & ad secundum* : vnde aliis locis docet, quamuis in eodem actu multiplicentur malitiæ ex circumstantiis, vnum tamen esse peccatum, præsertim *quest. 23. de veritate art. 7. ad 2. & 2. 2. quest. 184. art. 1. ad 2.* Verum est etiam aliquando vocare illa plura peccata, vt 1. 2. q. 76. art. 4. ad 2. vbi homicidium factum ab ebrio, vocat plura peccata, fortasse quia exteriores actus multiplicantur. Aliter etiam dici posset D. Thomam fuisse loquutum de intentione formali, vel virtuali, directæ, vel indirectæ, nam in illa *quest. 76. art. 3. ad 2.* dicit, quantum remanet in ignorante de voluntario, tantum remanere de intentione peccati.

IV.  
2. Sententia.

Secunda sententia est requiri saltem, vt circumstantia dans speciem sit in se volita saltem, vt materiale obiectum, id docet Caietanus variis locis 1. 2. *quest. 72. & quest. 73. artic. 8. & 76. art. 4. 2. 2. quest. 43. art. 1. 2. & 3. & quest. 57. art. 4. & quest. 150. art. 4.* quibus locis variis modis explicat hanc sententiam, præcipue videtur motus ob quandam difficultatem de circumstantiis generalibus, quam supra in fine num. 1. proposui. Aliæ autem difficultates, vel rationes, quæ fieri possunt pro hac sententia vel procedunt ex fundamentis improbatis supra, nempe quod malitia consistit in positiuo ordine actus voluntatis ad obiectum suum, vel certe solutæ sunt ex dictis, vt, v.g. quia id quod est per accidens, & præter intentionem, non dat speciem, nam in malis, vt sic, non procedit hoc, quia potius mala sunt per accidens in rebus.

V.

Hæc ergo opinio generaliter sustineri non potest, vt probat Adrianus in 4. materia de Eucharistia *quest. 3. & sumitur ex D. Thoma locis nuper citatis, & 2. 2. quest. 99. art. 2. & 3. & quest. 154. art. 1. ad 2. A. lenf. 4. p. quest. 77. membr. 3. Durando in 4. d. 17. quest. 3. & probatur, quia peccatum factum ex ignorantia culpabili, est eiusdem speciei cum peccato ex scientia : ergo non requiritur ad contrahendam speciem malitiæ directæ voluntas, etiam circa materiale obiectum, quia interueniente ignorantia non potest esse talis voluntas. Respondet Caietanus antecedens esse verum de ignorantia culpabili iuris, quia ille non occultat materiale obiectum, & ita cum illa esse potest prædictum voluntarium directum : non vero id procedere de ignorantia facti, quæ occultat obiectum, sed hoc in primis est contra omnes autores. Deinde nulla ratione fundantur, quia quod dat actui*

malitiam, non est materiale obiectum vt sic, sed deordinatio eius, quam aliquo modo voluntas amat, & complectitur, quæ deordinatio occultatur per ignorantiam ; ergo si hoc non obstat, quo minus ab illa sumat actus malitiam ratione voluntarij indirecti : nihil etiam obstat, quod materiale obiectum occultetur per ignorantiam culpabilem, dummodo maneat voluntarium saltem indirectum. Præterea id patet, nam qui in venatione emittit sagittam sine sufficienti diligentia, & occidit hominem, re vera est homicida, & tamen ibi interuenit ignorantia culpabilis facti, quæ tollit voluntarium directum : quia tamen non tollit indirectum, nō tollit etiam malitiam. Respondet Caietanus illud non esse proprie homicidium, sed incautā venationem ; at nō bene, vt à posteriori patet, nam qui sic occideret, maneret irregularis, vt latè Nauarr. cap. 27. num. 230. Item teneretur restituere damna : ergo peccauit contra iustitiam, & non nisi in specie homicidij. Item quia fortasse in illo actu venationis non est alia malitia intra proprium obiectum, & quamuis sit alia, peccatum sit grauius ex hac circumstantia, & non intra eandem speciem, cum repugnet alteri virtuti speciali, & specie distinctæ. Vnde secundum omnes illa circumstantia est necessariò cōstituenda etiam iuxta opinionem docentem circumstantias aggravantes intra eandem speciem non esse de necessitate confessionis : ergo signum est illam esse circumstantiam mutantem speciem : ergo non solum interueniente ignorantia iuris vincibilis, sed etiam facti, peccata ex scientia, & ignorantia sunt eiusdem speciei, cæteris paribus, vt D. Thomas planè docet 1. 2. *quest. 76. art. 3. & 4. & sumitur ex Aristotele 3. Ethic. cap. 5. & 6.*

Tandem est ratio à priori, quia modus voluntarij directi, vel indirecti, quamuis mutet physicam entitatem actus, tamen non sufficit ad variandam malitiam formaliter, si in obiecto, vel circumstantia sit eadem deordinatio à recta ratione, vt constat in peccato omissionis, & in vniuersum supra ostensum est de ordinatione ipsius actus voluntatis magis esse indirectè voluntariam, quam directè : vnde Caietanus coactus argumentis tandem videtur descendere in hanc sententiam, ita tamen, vt dicat malitiam illam, quæ sumitur ex circumstantia tantum indirectè voluntaria, non esse simpliciter in tali specie, sed reductiue : sed hoc spectat magis ad quæstionem de nomine, quam de re : & non videtur necessarium, etiam quantum ad modum loquendi, quia illa est absoluta deordinatio, & defectus, ac priuatio talis rectitudinis : proprie ergo est in illa specie, solum quantum attinet ad materiam morale, & ad incurrendas pœnas impositas propter peccatum talis speciei, potest peccatum ex ignorantia factum dici imperfectum in illa specie, quod solum procedit, quando lex habet aliquod verbum, quod indicat directam voluntatem, vt si quis præsumpserit : si temerariè attentauerit, vel similia, de quo lege Caietan. in summa verbo excommunicatio cap. 28. & 81. & Nauar. capite 28. num. 74.

Tertia ergo sententia, eaque recepta, est, satis esse circumstantiam indirectè voluntariam, vt det malitiam specie distinctam : quæ satis probata relinquitur ex dictis contra præcedentem, & ex differentia inter bonitatem, & malitiam sæpe tradita. Idem confirmari potest, quia cum malum contingat ex quocumque defectu quomodocumque voluntas illud amet, satis est, vt inficiat, & maculet voluntatem : neque potest intelligi, quod voluntas quacumque ratione velit malum

VI.

VII.

3. Sententia  
& vera probatur.



malum quin male faciat volendo; constat autem in malis dari voluntarium indirectum, quia semper intercedit obligatio vitandi illa.

VII.  
Difficultas  
contra hanc  
sententiam.

Sed occurrit statim grauis difficultas, quæ maxime videtur Caietanum mouisse. Nam sequitur in quocumque peccato esse plures malitias specie distinctas, vt, v.g. in furto erit in primis malitia iniustitiæ, & præterea malitia inobedientiæ, quia est violatio præcepti diuini, vel etiã humani. Item malitia contra charitatem propriam, quatenus est mors animæ, & contra charitatem proximi, si sit scandalosus actus, & sic de aliis. Ad quam difficultatem cõmunis responsio esse solet, proximam sententiam procedere in his circumstantiis, quæ sunt speciales, & specialibus virtutibus repugnant & in his nullum esse inconueniens quod actus habeat plures malitias, si habeat plures circumstantias speciali modo rationi contrarias quod docet D. Thomas q. 2. a. 4. vt supra dictum est, & dicitur statim alias vero esse circumstantias, quæ dicuntur generales, vt sunt inobedientiæ, & similes, atque in his non sufficere voluntarium indirectum, vt dent specialem malitiam, sed oportere vt specialiter intendatur; sicut multi existimant de malitia scandalici, &c. Sed non est facile rationem differentiæ reddere nam rationes factæ pro ipsa 3. opinione æque in his circumstantiis videntur urgere: nimirum quod voluntarium directum & indirectum, si cetera sint paria non variant malitiam moralem. Item quod hæ circumstantiæ aggrauant, & non intra eandem speciem, quia in ipso obiecto difformitas contra vnam, vel aliam virtutem est valde diuersæ speciei. Vnde falsum etiam videtur, quod quidam dicunt ab his circumstantiis sumi malitiam quasi genericam, quia genus, & species debent esse per se ordinata, virtutes autem, quibus hæ malitiæ opponuntur non ita comparantur, sed vt species diuersæ.

IX.  
Postea diffi-  
cultati pro-  
babiliter  
succumbunt  
aliqui.

Et ideo aliqui concedunt has etiam circumstantias quomodocumque voluntarias, dare propriam malitiam, quæ speculatiue loquendo, distincta est à malitia sumpta ex obiecto: moraliter autem non distingui, sed reputari per modum vnius quia inseparabiliter & necessario se consequuntur & constituunt vnum peccatum; quod secus est, quando hæ circumstantiæ sunt directe intentæ, tunc enim illa intentio constituit peccatum omnino distinctum, qui modus dicendi est probabilis sed limitari adhuc potest distinguendo dupliciter posse circumstantiam esse generalem, vno modo per modum generis, vt quod sit aliquo modo auersio ab vltimo fine, quod sit inconueniens, seu spiritualiter nociua operati, & quod sit aliquo modo contra legem; & de his est verum tales circumstantias non dare specialem malitiam, nisi sint specialiter intentæ, quia tunc sumuntur, vt obiecta specialia, & aliis modis sunt solum voluntariæ per modum rationis genericæ. Aliæ vero sunt circumstantiæ generales, & vniuersales solum per quandam concomitantiam, quia scilicet vel simpliciter, vel vt in plurimum comitantur aliam malitiam obiectiuam, vt forte est malitia scandalici, de quo in disp. 10. de charit. sect. 2. Et in his conceditur dari propriam malitiam, etiam si tantum sint indirecte voluntariæ.

X.  
Limitatio  
circa proxi-  
me dicta.

In quo tamen vltimo est addendum in his circumstantiis generalibus considerandum esse an ex villarum oriatur specialis obligatio ad vitandum actum, vel operandum sic nam interdum, & sæpe non oritur, quia sufficit obligatio, quæ ex obiecto oritur, & tunc illæ non conferunt malitiam, non tantum, quia non sunt directe in-

tentæ, sed etiam quia non censentur indirecte voluntariæ, formaliter loquendo, sed tantum materialiter, vt v.g. si quis ex præcepto tenetur ieiunare, lex ipsa ponit illum actum intra virtutem temperantiæ, & illa est quæ proxime obligat, non autem virtus obedientiæ, & ideo qui violat illam legem, non vult, etiam indirecte, formalem malitiam inobedientiæ, sed solum materialiter dicitur inobediens: vnde illa lex tunc solum aggrauat constituendo maiorem necessitatem in illo actu intra virtutem temperantiæ. Et ita facile est respondere ad omnia obiecta.

## SECTIO IX.

### *Vtrum actus voluntatis accipiat malitiam ex fine.*

IN actu malo considerare possumus speciem positiuam, & realem, & de hac philosophandum est quantum ad obiectum & finem, eodem modo, quo dictum est de actibus bonis; illa enim doctrina generalis est ad omnem huiusmodi actuum specificationem, & ideo de illa nihil amplius dicam; modo tantum agimus de malitia, vt includit priuationem, de qua dicendum est actum interiorem interdum sumere malitiam ex fine, quod per se est notum, & quasi primum principium in moralibus, nam intentio finis est quæ maxime discernit morales operationes, & à fortiori patet ex dictis de bonitate.

Solum sunt notandæ nonnullæ differentiæ inter malitiam, & bonitatem. Prima est, quod actus solum sumit bonitatem ex fine per relationem in finem bonum: malitia autem dupliciter sumi potest. Vno modo per relationem in finem malum, propter eandem proportionalem rationem; altero per carentiam relationis in finem bonum, & debitum, iuxta sententiam D. Thomæ quod actus indifferens est malus ex sola carentiâ huius relationis: sicut etiam supra dictum est de reliquis circumstantiis; & ratio est illa generalis quod ad malitiam sufficit carentia perfectionis debitæ. Alius modus potest excogitari, quod actus malus ex fine inproportionato, vt si malus actus referatur in Deum, imo Augustinus interdum videtur damnare actum, quando bonum maius ex obiecto ordinatur ad inferiorem finem, etiam si bonus sit, vt si spiritualia ministeria ordinentur ad speciale commodum: sed in priori actu malitia proprie non est ex fine, sed ex obiecto: in posteriori autem, vel nulla est malitia, vel si interdum inueniatur, est quia illud inferius bonum non refertur ad vltimum finem debitum, de qua occurret iterum sermo disp. sequenti.

Secunda differentia est, quia finis bonus si non sit remotus, & imperans, sed proximum motiuum, dat primam, & essentialem bonitatem, & tunc actus nullam habet ex obiecto, etiam si alias bonum sit: at vero in actu malo, etiam si finis sit proxima, & tota ratio volendi obiectum aliquod de se turpe, non impedit quominus actus præter malitiam ex fine habeat propriam malitiam ex obiecto, vt qui vult mentiri, vt proximum infamet non solum habet malitiam iniustitiæ ex fine, sed etiam mendacii ex obiecto, & ratio est, quia vt obiectum det malitiam, non est necesse, quod sit formaliter intentum, sed satis est, quod sit materialiter volitum.

Atque hinc oritur Tertia differentia, scilicet quod actus ex obiecto bonus non habet bonitatem ex fine, nisi per denominationem ab alio actu: actus autem malus potest illam habere, & isto

I.  
Resolutio  
affirm.

II.  
Differentia  
inter  
malitiam  
& bonitatem  
ex fine sum-  
ptas.

III.  
2. Differen-  
tia.

IV.  
3. Differen-  
tia.



directè velit, vel indirectè, & non satis consideratè: atqui eadem ratione potest actus habere suum ordinem positivum cum negatione alicuius perfectionis debet voluntati alio titulo, vel ratione, nam in hoc non involuitur repugnantia, sicut quod una res sit dissimilis uni, & similis alteri, vel eidem secundum aliam formam, non est repugnantia vlla: si ergo fieri potest quod ille actus sit conformis rationi, ut dictanti de obiecto, non tamen, ut dictanti de fine, vel circumstantiis. Confirmatur, quia hoc non repugnat ex vi bonitatis, & malitiae, ut sic, ut patet in bonitate, & malitia naturali, sanitate scilicet, & morbo, pulchritudine, & turpitudine, nam licet una res non possit simul esse simpliciter sana, & infirma, tamen cum est infirma, potest retinere aliquam perfectionem requisitam ad sanitatem: neque etiam repugnat ex speciali ratione bonitatis, & malitiae moralis, quia neque assignari potest, nec videtur possibilis, quia cum hæc sumantur ex diversis capitibus, non habent inter se formalem oppositionem nisi respectu eiusdem.

V. *Sententia.* Secunda sententia esse potest, actum voluntatis non posse simul habere veram bonitatem moralem cum aliqua malitia. Hanc significat D. Thomas dicta questione 19. articulo secundo, ubi ait bonitatem obiecti sufficere ad bonitatem simpliciter actus: & ad secundum addit, *Si voluntas sit boni nullam circumstantiam posse illam reddere malam, & idem sentit ad 3.* Et multi ex autoribus in principio sectionis citati videntur loqui in hoc sensu, præsertim Bonavent. & videtur sanere D. Augustinus in definitione virtutis 2. libr. de libero arbitrio capite decimo octavo & decimono, & 1. retractationum cap. 9. Vbi etiam dicit virtutem esse maximum bonum, quia nemo ea male uti potest, sicut aliis bonis mediis, & reddit rationem, quia opus virtutis est bonus usus aliarum rerum: nemo autem bene utitur malè utendo, quod D. Thomas supra, præsertim questione quinquagesima quinta, articulo quarto, explicat de usu virtutis, ut principio, nam ut obiecto, inquit, potest quis male uti virtute, sed hoc non facit eam, vel actum eius malum: si autem actus à virtute elicitus posset esse malus, iam posset quis malè uti virtute, ut principio. Nec satisfacit aliquis si dicat posse nos uti malè virtute, ut principio materialiter, ut sic dicam, non formaliter, quia licet per illam faciat actum malum, non tamen ut malum, quia ab illo non habet malitiam, nec habere potest, nam hinc iam fieret has virtutes non esse maxima bona, neque esse magis simpliciter virtutes, quam intellectuales, quod est contra omnes Philosophos, & ideo Aristoteles 2. Ethicorum cap. 6. definit virtutem esse, *que bonum facit habentem, & opus eius bonum reddit, & August. 2. de moribus Ecclesie capite sexto, virtutem dicit esse, que animam facit optimam.* Quod argumentum maximè urgere videtur in virtutibus per se infusis, nam si acquisitis posset homo male uti, etiam infusis posset, & si infusis, etiam charitate. Quod repugnat ferè omnibus Theologis, & Augustino præfatione in Psalmum trigessimum primum, dicenti, *Nūquid charitas permittit aliquod malum fieri ei, quem diligit: quin potius Paulus 1. ad Corinthios 13. inquit, Charitas non agit perperam, id est, corruptè, & vitiosè, & infra, non cogitat malum.* Vbi Chrysostomus homilia 33. non denominantem tantum vitia, sed nec consistere quidem in universum vitia ferentem charitatem vides, nec solum non committit mala, sed prorsus non cogitat. Unde etiam est illud ad Romanos 13. *dilectio proximi malum non operatur.* Prima sequela probatur, quia sicut virtutes infusæ tendunt in honestum, quatenus

honestum est in suo ordine, & quatenus conforme rationi supernaturali, ita virtutes acquisitæ tendunt in honestum sibi proportionatū, ut tale est. Vnde D. Thomas particulam illam definitionis virtutis, *qua nemo malè utitur, & qualiter dicit convenire utrisque virtutibus, & si quid est difficultatis in primæ opinionis rationibus equè in utrisque locum habet: quod vero Caietanus ait non posse aliquem malè uti virtute formata, quia per ipsum malum amitteretur: non cogit, quia posset usus malus esse peccatum veniale, & non mortale. Tandem confirmatur ultimo à posteriori, quia alias sequitur eundem actum esse meritorium, & demeritorium coram Deo, nam omnis actus ratione bonitatis moralis habet aliquod meritum, ut docet D. Thom. 1. 2. q. 21. art. 3. & 9. Si autem simul habet malitiam, est dignus poena. Consequens autem est falsum, ut constat ex August. 15. de Civitate cap. 7. imo etiam colligitur ex verbis Christi Matth. 6. *Attendite ne iustitiam vestram faciatis coram hominibus, &c. & infra, Amen dico vobis receperunt mercedem suam.* Ex quibus habetur, quæcumque malitia adiungatur, tollit illius meritum coram Deo: ergo etiam tollit omnem bonitatem.*

Resolutio huius questionis mihi est difficilis, ut tamen facilius expediatur, distinguamus plura, quæ in hoc uno titulo continentur: cum enim tria sint capita, ex quibus insurgit bonitas, & malitia moralis, obiectum, circumstantiæ obiecti, vel actus, & finis: ex horum comparatione oriuntur, ut minimum quatuor partes huius difficultatis. Primum dubium est, an idem actus possit esse bonus ex obiecto, & malus ex circumstantiis obiectivis. Secundum est, an possit esse bonus ex obiecto, & malus ex circumstantiis ipsius actus interioris. Tertiū, an possit esse bonus ex obiecto, & habere malitiam ex fine. Quartum, an possit esse malus ex obiecto, & habere bonitatem ex aliquo fine. Alia autem comparatio, id est, an possit esse malus ex obiecto, & bonus ex aliis circumstantiis, difficultatem non habet: per se enim evidens est non posse, nam si sermo sit de circumstantiis ipsius actus, necesse est eas esse malas, si actus est malus ex obiecto, nam omni tempore, & omni loco, & in omni modo, malum est facere malum ex obiecto malo: si autem sermo sit de circumstantiis obiecti, iam supra dictum est has circumstantias non dare bonitates nisi sint directè volitæ: vnde necesse est transeant in rationem obiecti: imo ut componant unum obiectum cum aliis circumstantiis, & materia circa quā versatur actus, in quo obiectum tendit voluntas uno simplici actu: vel ergo illud obiectum totum ut unum est, est honestum, & sic, actus non erit malus ex obiecto: vel est turpe, & sic, non poterit habere bonitatem aliquā ex circumstantiis, quia non tendit in illas per se, & separatim, sed ut ex illis confurgit tale obiectum si b qua ratione bona esse possunt.

#### Tractatur 1. dubium propositum nunc præcedens.

Circa primum ergo dubium ratio dubitandi iam supra est proposita, quæ sine dubio facit probabilem partem affirmantem, quæ in hunc modum amplius suadet, nam circumstantiæ obiecti actus virtutis, quæ dā sunt necessariæ simpliciter ad constituendum medium illius virtutis, aliæ vero sunt, quæ licet sint necessariæ ad excludendam malitiam contrariam virtuti, non tamen intra obiectum, & latitudinem alterius virtutis, Declaratur exemplo, nam soluere debitum creditori, ut habeat honestatem iustitiæ, fieri debet

VI. Dubia quatuor circa titulum.

VII. Suadet pars affirmativa tanquam probabilis.



debet tempore, & loco constitutis ex obligatione. Vnde si hæc circumstantiæ seruentur, reperitur medium iustitiæ; quod vero locus ille, v.g. in quo soluitur debitum, sit incommodum ad illam actionem, vt si, v.g. est locus sacer, vel tempus audiendi Missam, erit quidem imprudentia eo tempore, vel loco exercere talem actionem, & consequenter habet aliquam malitiam, non tamen iniustitiam; ergo potest in illo actu esse honestas iustitiæ, quia seruatur medium eius, & omnes circumstantiæ intra latitudinem iustitiæ requisitæ, & aliqua malitia contra aliam virtutem. Confirmatur, nam hac ratione sicut potest esse in obiecto bonitas obiectiua honesta, & difficultas aliqua, vel malitia pœnæ delectationi opposita: ita etiam potest esse bonitas obiectiua vnius virtutis cum malitia, vel defectu alterius virtutis, sicut enim idem actus, obiectiue loquendo, potest esse iustitiæ commutatiuæ, seu vindicatiuæ, & tamen esse contra misericordiam: ergo similiter in actu interiori potest esse vtraque conditio si directe tendat in honestatem vnius virtutis, indirecte vero ex circumstantia, ex qua malitia resultat, contra aliam virtutem, potestque hæc opinio defendi, præsertim quia fere omnia argumenta facta pro secunda opinione sunt à nobis soluenda in quarto membro, seu dubio.

## VIII.

Placet magis pars neg.

Probabilius tamen existimo actum ex obiecto bonum non posse habere malitiam ex circumstantiis eiusdem obiecti, quæ videtur esse opinio D. Thomæ 1. 2. *quest.* 19. *articul.* 1. Probatur sic, nam duobus modis contingere posset oppositum. Primus est nulla interueniente ignorantia, vel inconsideratione, ita vt intellectu considerante hanc actionem externam, v.g. ex obiecto esse bonam; tamen hic & nunc, & cum his circumstantiis non posse bene fieri, nihilominus posset voluntas per vnum actum, qui substantialiter sit actus virtutis, efficaciter velle hic, & nunc illum actum externum, & consequenter per illammet voluntatem peccare ratione circumstantiarum, & hic modus, saltem moraliter loquendo, videtur planè impossibilis: nam vt actus voluntatis sit essentialiter studiosus, necesse est vt honestas ipsa moueat voluntatem ad talem actum: quomodo ergo intelligi potest, vt voluntas ex honestate moueatur ad actum, quem videt non posse simpliciter beneficiari? Neque satis est dicere posse dari aliquem affectum ad vnam virtutem: cum malitia, quæ repugnet alteri virtuti, nam reuera qualibet honestas etiam si ad terminatam virtutem pertineat, non solum inclinat ad differentiam specificam talis honestatis, sed simpliciter ad honestatem, atque adeo excludendo quamlibet malitiam. Vnde argumentor secundo sic: quia de ratione honestatis in tali tempore est honestas absolutè, sicut de ratione talis virtutis est, quod sit virtus, sicut genus est de ratione speciei: sed de ratione honestatis absolutè est, vt nullam habeat circumstantiam honestati vt sic, repugnantem: ergo non potest obiectum propositum cum talibus circumstantiis habere veram honestatem obiectiuam talis speciei, si habeat aliquam circumstantiam contrariam rationi: ergo neque actus voluntatis tendens in tale obiectum potest esse ex obiecto bonus, & simul malitiam habere ex circumstantia. Nec existimandum est æquiuocationem committi in hoc discursu, argumentando ab honestate absolutè, vt est genus ad honestatem simpliciter, vt excludit malam circumstantiam: sed hoc potius in argumento supponimus, de ratione scilicet honestatis præcisè, Suarez in primam secundæ D. Thomæ.

vt est genus, & de ratione virtutis, vt sic, esse, vt habeat omnes circumstantias debitas ad honestatem, & consequenter, vt careat omnibus circumstantiis rationi repugnantibus: sicut enim tali honestati debentur hæc, vel illæ conditiones: ita etiam honestati absolutè consideratæ debitum est, vt conuenienti tempore, ac loco fiat, & sic de reliquis, nam talis honestas regulatur per talia principia generalia, quæ generatim etiam postulant debitum circumstantiarum concursum: & hinc forte Aristoteles, quem D. Thomas sequitur, dicit virtutes morales connecti in vna prudentia, ideoque nullam virtutem simpliciter posse exire in actum, nisi præeunte ipsa prudentia: & iudicante hic, & nunc esse conforme rationi omnibus pensatis D. Thomas 1. 2. *quest.* 58. *articulo quarto*, & *quest.* 59. *articulo quarto*, & Aristoteles 6. *Ethicorum*, per totum. Quod tandem sic declaratur, nam illud obiectum iudicatur simpliciter honestum, quod est conueniens homini, vt rationalis est: ergo de ratione talis obiecti, est vt nihil in se admittat, quod sit contrarium eidem naturæ rationali, vt rationalis est: non ergo potest idem obiectum, vt consurgit ex materia & circumstantiis eius verè, & proprie esse honestum secundum vnam circumstantiam, vel materiam, & secundum aliam turpe, sicut non potest in naturalibus eadem forma esse simpliciter conueniens alicui rei, vt talis est, & disconueniens eidem secundum eundem gradum, sed hoc ipso quod est aliqua ratione disconueniens, absolutè & simpliciter tollitur omnis conuenientia respectu talis naturæ.

Iam vero quod attinet ad alium modum, quando intercedit ignorantia, si sit inuincibilis, sic nulla est difficultas, quia tunc actus simpliciter erit honestus absque vlla malitia, quia talis ignorantia illam excusat: si vero ignorantia sit culpabilis, excludet iudicium prudentiæ, & plenam considerationem obiecti honesti, vt sic, & ideo destruet in actu voluntatis omnem rationem honestatis & virtutis simpliciter. Quod ita declaratur, quia si voluntas mouetur ad operandum ex honestate, vt sic, prout necesse est ad honestam operationem, hoc ipso ex vi talis motui, & ex virtuali, vel formali affectu ad illud applicabit intellectum ad prudenter considerandum de honestate actus, & obiecti, prout hic, & nunc ab omnibus circumstantiis pendet: & tunc aut intellectus non animaduertit interuenire aliquam circumstantiam rationi repugnantem, & sic talis inconsideratio iam tunc erit inculpabilis: vnde è contrario quandocumque illa est culpabilis, & voluntaria, est signum voluntatem non moueri ex affectu honestatis, sed ex aliquo alio inferiori appetitu, qui illam imprudenter mouet, & hoc quidem saltem moraliter videtur mihi certum: metaphysice autem est probabile, quamuis difficilius, & in quibusdam actibus est hæc doctrina certior, quam in aliis, nam actualis dilectio Dei si sit perfecta, sine dubio facit, vt homo actu non peccet etiam ex ignorantia culpabili, quia ipsamet dilectio facit vt homo sit diligens in aduertendo, atque adeo, vt vel non ignoret, vel saltem, vt non culpabiliter ignoret, & idem est de hac generali voluntate non peccandi, seu recte in omnibus operandi, & similibus: in aliis autem magis particularibus res, vt dixi, est minus certa, quamuis probabilis.

Traclatur 2. dubium positum num. 6.

Circa secundum punctum de bonitate ex obiecto,

Bb 2

IX.

X.



Suadetur  
pars affirm.

iecto, & malitia ex circumstantiis non obiectiuis, sed ipsius actus, est specialis difficultas, quia hæ circumstantiæ cum non componant obiectum, non mutant illud: ergo quamuis ipsæ malæ sint, relinquunt obiectum in sua honestate, & tamen voluntas potest malè tendere ratione illarum circumstantiarum quod in his etiam potest facilius intelligi, quia non sunt obiectiue voluntariæ, sed solum in ipso exercitio per modum actus, quod exemplis declaratur, primo in circumstantia *temporis*, si Deus prohibeat in hac hora exercere actum dilectionis Dei, nihilominus voluntas potest illum exercere; erit ergo actus ille eiusdem substantiæ cum simili dilectione facta tempore non vetito; ergo eiusdem bonitatis essentialis, quia tendit in idem obiectum, quod ex se habet eandem bonitatem, & tamen exercere talem actum cum tali circumstantia malum est, ratione prohibitionis, & hoc est quod alij dicunt, posse eundem actum simul esse bonum quoad specificationem, & malum quoad exercitium; simile quid potest facile cogitari de circumstantia *loci*, ut præcise respicit ipsum actum interiorem, ut si aliquis prohibeatur exercere in tali loco amorem Dei propter indecentiam loci. Item in circumstantia *quomodo*, ut si quis diligere prohibeatur cum tota intentione, quæ argumenta, & similia faciunt hanc partem probabilem.

XI. Nihilominus etiam ex his circumstantiis existimo probabilius non posse actum voluntatis, si verè, & essentialiter sit honestus, ex obiecto habere simul aliquam malitiam: quod probandum est eodem ferè discursu facto in præcedenti puncto, supponendo per se, & ex natura rei, ac seclusa extrinseca prohibitionem positivam, fieri non posse, ut actus voluntatis ex specie bonus, sit in exercitio malus ex huiusmodi circumstantiis, quia, ut rectè D. Thomas dicit 1. 2. q. 19. art. 2. semper est bonum exercere actum natura sua bonum, quia ex natura rei nihil est, quod hoc prohibeat, *per se loquendo*, quod ideo dico, quia *per accidens* posset hoc esse malum si impediret alium actum, quem tunc homo exercere teneretur, tamen illa circumstantia *temporis* tunc non est ex parte actus, sed ex obiectiva, & ideo ad illam applicanda sunt omnia adducta in priori puncto. Et idem dici potest de circumstantia *loci*, nam bonum operari, per se loquendo, bonum est, præsertim in actibus interioribus, de quibus agimus. Si autem fingamus addi aliquam positivam prohibitionem, ut rationes dubitandi positæ in num. præced. videntur supponere, sicuti multi censent probabile non posse prohiberi talem circumstantiam actus de se boni, si non impedit alium actum; sic D. Thomas in illo art. 2. ad 2. generatim docet non posse esse per se malum exercere bonum actum interiorem, sed solum per accidens, quatenus impedit alium actum. Sic Almaynus in 3. d. 23. quest. 1. dicit Deum non posse prohibere dilectionem sui quolibet tempore per se solum propter carentiam eius, sed solum quatenus illa carentia potest esse necessaria ad alium actum, & citat Scotum in 4. d. 16. q. 1. ubi ex dictis eius sumi potest, quamuis non aperte dicat, & ratio esse potest, quia prohibitio, seu lex esse debet prudens, & consentanea rationi, ac de re ex se bona; carentia autem actus boni, ut sic, in hoc tempore, vel in hoc loco, vel in hac intentione per se non est bona; ergo nec per se potest lege præscribi.

XII. Nihilominus quamuis hoc, moraliter loquendo, & ex natura rei sit verum, quod satis esse posset ad nostram asseritionem, tamen absolute non videtur involuere repugnantiam, quia si Deus vellet hanc legem imponere, non deesset illi sufficiens ratio, ut sanctè fieret, & sufficenter, saltem ad exercitium obedientiæ, & ideo admittitur tali lege prohibente hic, & nunc exercitium amoris Dei, probabile valde est non posse voluntatem elicere pro eodem tempore actum dilectionis per se, & ex obiecto bonum, nec posse amare Deum, ut est summum bonum honestum propter se amabile, quia facta illa suppositione, si homo aduertat, & prudenter iudicet non proponet sibi Deum, ut obiectum sibi conveniens in ordine ad actum dilectionis exercendum; unde quamuis talis prohibitio per se non cadat in obiectum, sed in actum: tamen consequenter efficit: ut obiectum non sit conveniens homini in ordine ad talem actum tali tempore, loco, vel modo exercendi: mutato autem obiecto moraliter, & sub ratione convenientis, necesse est mutari actum, qui in ea ratione obiecti fundabatur. Aliter etiam potest hoc ex parte ipsius actus explicari: nam ad eliciendum actum virtutis per se bonum ex obiecto, non satis est in vniuersali iudicare de actu, vel obiecto, sed in particulari prudentiale iudicium ferre de convenientia, & honestate actus prout hic, & nunc exercendi, quia ad honestatem simpliciter non sufficit vnum sine alio, & quia non solum obiectum, sed etiam actus ipse suo modo amatur ex vi talis virtutis, vel honestatis: ergo oportet ferre iudicium, non tantum de honestate obiecti in se, sed prout redundat in actum, seu de honestate etiam ipsius actus: quod maxime verum est in actibus liberis, in quibus intercedit quædam virtualis electio, qua homo eligit hunc actum potius, quam alium, vel quam carentiam eius, seu eligit exercere illum hoc tempore, aut loco potius, quam alio: ut ergo studiosè, & prudenter fiat, necesse est iudicare non tantum de circumstantiis obiecti, sed etiam ipsiusmet actus, interioris: ergo oportet, ut honestas actus consurgat ex obiecto, & circumstantiis tam obiecti, quam ipsiusmet actus, ergo quæ ratione non potest actus ex obiecto esse bonus, & malus ex circumstantiis obiecti, eadem non potest esse simul malus ex circumstantiis ipsius actus.

### Expeditur 3. dubium positum num. 6.

Circa tertium punctum videtur frequens operandi modus quod homo ordinet actum ex se bonum in finem malum, quod duobus modis potest intelligi fieri, primo, quod huiusmodi finis sit proxima, & tota ratio exercendi alium actum circa obiectum de se bonum, ut cum aliquis ex intentione vanæ gloriæ vult dare eleemosynam, ita ut illa voluntas eleemosynæ sit pura electio, & proximum motuum eius sit ipsa vana gloria, & tunc nulla est difficultas quin actus voluntatis habens bonum obiectum possit habere malitiam ex fine, tamen in eo casu tunc non habet ille actus aliquam bonitatem simul cum malitia, quia ab obiecto nullam sumit, quando materialiter tantum in illud tendit, non formaliter, quatenus honestum est: quod à fortiori patet ex dictis supra de bonitate, nam si finis honestus induens rationem proximi motui excludit specificationem propriam ex obiecto, quanto magis id faciet finis malus & in hoc sensu verissimum est, quod D. Thomas docet 1. 2. questione 19. articulo 7. Quando intentio finis antecedit voluntatem, non posse voluntatem esse bonam, nisi intentio sit bona, quia tunc, inquit, ordo ad finem consideratur, ut ratio quedam ipsius voliti, bonitas autem voluntatis pendet ex bonitate voliti: sic etiam sumi potest, quod dixit Ambrosius 1. officiorum cap.

XIII. Expeditur  
dubium in  
vno sensu.



30. *Affectus tuus operi tuo nomen imponit.* & Chrysostomus homilia 19 imperfecit in Matthæum, *Voluntatem iudicari bonam, vel malam ex proposito:* & Augustinus Psalm. 31. *Bonum opus intentio facit*, quod idem est de malo. Itaque in hoc modo nulla est difficultas.

XIV. *Proponitur alter sensus.* Aliter ergo intelligi potest actum elicitedum à voluntate circa obiectum honestum, & proximè propter honestatem eius extrinsecè operari & referri in malum finem per alium actum intentionis, vel electionis circa talem finem, sicut suprà dicebamus de actibus bonis, & circa hoc videtur aliquibus imposibile actum sic bonum imperari ab actu malo, quia actus imperatus debet esse, proportionatus imperanti; actus autem bonus non habet proportionem cum actu malo, nam potius habet in se repugnantiam saltè sub communi ratione virtutis, & vitij, & quatenus vnus procedit ex prudèti iudicio, alius ex imprudenti. Et sic præterea declaratur, quia quotiescumque vnus actus voluntatis imperatur ab alio in ordine ad finem suum sumitur, vt medium ad illum finem; sed actus studiosus, vt sic, non est medium proportionatū ad finem prauum cōsequendum; omnis enim finis humanus, est temporalis, qui obtineri potest medio actu interiori recto, & studioso, potest facilius comparari per actum moraliter similem circa idem materiale obiectum, vt si quis potest honorem, vel famā lucrari dādo eleemosynam, ad hunc finem impertinens est, quod illa eleemosyna sit ab operante intentā: vt honesta, vel sub quacumq; alia ratione; ergo actus honestus, vt sic, non potest imperari ab actu malo, & ita nō potest habere finem bonitatem ex obiecto, & malitiam ex fine. Denique si rationes factæ de reliquis circumstantiis, & de prudentia regulante bonitatem actus quidquam valent, eadem explicari possunt in præfenti, ergo.

XV. Nihilominus quod possit actus bonus ex obiecto per aliū actum denominari malus in ordine ad finem prauum, videtur posse sumi ex D. Thom. 1.2. q. 19. art. 7. Quamuis non de quacumq; intentione antecedenti, sed de cōsequenti id affirmat, & q. 2. de malo art. 2. ad 4. etiam de ipso amore Dei cōcedit posse malè fieri ex praua intentione: idem Ochamus in 2. q. 19. & potest hæc sententiā sic declarari, nā primo non videtur negādum, quin voluntas pro sua libertate possit actum bonum à se elicitedum per alium actum distinctū imperare, & in prauum finem referre, quia quamuis demus actum bonum, vt sic, non esse simpliciter necessarium ad finem prauum, tamen non potest dubitari, quin possit esse utilis, & vtilior etiā, quam reliqua media, vt patet exemplis, nam credulitas rerum diuinarum potest existimari utilis ad honores, & cōmoda temporalia, vnde quamuis ad hunc finem possit fortasse sufficere credulitas humana: tamē etiam posset prodesse credulitas infusa, & potest etiā vtilior reputari propter maiorem firmitatem: atque eadem ratio fieri potest de quocumque actu virtutis: ergo potest voluntas pro libertate sua vt hoc medio potius, quā alio, quia non ordinat illud ad finem prauum, vt prauus est, sed quatenus in eo aliquid commodi, vel boni relucet, quin potius interdum potest fingi tale medium necessarium ad talem finem, vt exercitiū interioris actus amoris Dei, vel spei potest existimari necessarium ad aliquam vanā delectationem, vel certè ad habendam libertatem in peccando, &c. Vnde ferè omnes autores concedunt actum fidei etiam supernaturalē posse imperari ab intentione vanæ gloriæ, vel simili. Caietanus 2.2. q. 5. art. 2. & communiter Doctores in illa materia. Est autem eadem ratio de cæteris

*Suarez in primam secundæ D. Thomæ.*

virtutibus, vt supra dicebam in simili. Confirmari potest ex Augustino de Ciuitate cap. 12. & 15. vbi significat Romanos, quamuis vana intentione: aliqua tamen opera virtutis fecisse, propter quæ præmium aliquod temporale à Deo meruerunt. Vide dicta in tract. de fide disp. 6. sect. 7. à num. 10. & lib. 2. de grat. cap. 3. à num. 13. Vnde vltèrius necessariò sequitur actum à voluntate elicitedum, quamuis per alium actum referatur in malum finem, non amittere bonitatem intrinsecam, quam ex obiecto habet, vt probat testimonium Augustini nuper adductum. Et ratio est, quæ ex principiis supra positis colligitur, quia ille actus constituitur in sua intrinseca entitate per ordinem ad obiectum: relatio autem ad finem extrinsecum tantum est in illo extrinseca denominatio: ergo non potest illemet actus referri in finem extrinsecum si aufertur ab illo bonitas intrinseca, quia ex hoc omnino cēstrueretur, & præterea sola denominatio extrinseca non sufficit ad hoc. Cōfirmatur morali inductione, quia vix est homo, qui dum aliquid studiosè operatur, non aliquid peccet per sinistram aliquam intentionem insurgentem, aut gloriæ vanæ, aut vanæ delectationis, &c. non est autem credibile propter huiusmodi actum amitti totum fructū bonarum electionum, esset enim res valde rigida, & præter humanas vires.

Sed tunc vltèrius restat dicendum; an illi actui adiungatur aliqua malitia ex tali relatione: videtur enim cōsequenter ita esse dicendum, quia suprà dictum est actum à voluntate elicitedum si adiectum bonum, & imperatum, quatenus imperatur est, denominari bonum, vel malum ab imperante. Vnde si actus est indifferens ex obiecto à tali imperio, dicitur absolute malus: si autem est malus ex obiecto, habere potest nouam speciem malitiæ ex tali imperio: ergo similiter, &c. Neque in hoc videtur esse aliquod inconueniens, cum enim vna bonitas sit intrinseca, & alia per denominationem extrinsecam, nullum videtur inconueniens quod in vno actu coniungantur, nam ibi interueniunt, sicut duo actus voluntatis, ita duo iudicia intellectus: vnum circa obiectum, & intrinsecas circumstantias eius, & ipse actus prout circa illud eliciendus est, & hoc potest esse prudens: alud circa finem, & media, ppter illud eligenda, & hoc potest esse imprudens, & non satis cōsideratum: atq; ita ex hac parte non est eadē repugnantia in fine, q̄ est in aliis circumstantiis. Dixim⁹ etiam supra bonitatem, vel malitiam ex fine extrinseco non esse obiectiuam in medio, sed primò fundari in relatione voluntatis, quod secus est in cæteris circumstantiis, quæ concurrunt ad componendum vnum obiectum respectu bonitatis, vel malitiæ, vt supra dictum est. Est ergo hic modus dicendi valde probabilis absque magna difficultate.

XVII. Nihilominus posset aliquis defendere hanc relationem actus boni interioris in prauum finem, vel non esse possibile: vel eo modo, quo possibile est, non sufficere ad denominandum actum relatū. Duobus enim modis intelligi potest voluntatem referre actum bonum in malum finem, primo imperando propriè, id est, ex vi intentionis prauæ, excitando se, & applicando se primò ad amorem alicuius boni honesti, vt honestum est: & hic modus videtur necessarius vt vnus actus ab alio denominetur malus, quia si non fiat hoc modo, neque est effectus eius, neque ab illo proprie informatur moraliter: non videtur autem possibile hoc modo imperari actum bonum à malo, propter rationes in principio huius tertij puncti factas, quæ saltē moraliter hoc vidēt



tur convincere. Item quia hoc pacto optimè red-  
ditur ratio, ob quam prava voluntas non potest  
immediatè imperare actui fidei infusæ, quia mo-  
tiuum tam imperfectum, & infimi ordinis non  
potest eleuare voluntatem, vel intellectum ad  
actum superioris ordinis. Alio tamen modo fieri  
potest, vt voluntas per sese sufficienter excitata  
ab honesto obiecto, vt honesto, dum elicit ac-  
tum circa illud; & primario propter illud, quasi  
obiter, & concomitanter gaudet de illo actu  
propter finem indebitum, & consequenter eum  
refert in illum; & hic modus est sine dubio possi-  
bilis; tamen probabile est sufficere ad denomi-  
nandum illum actum malum, quia non respicit  
illum, vt effectum, sed purè vt obiectum: sicut  
possem ego vanè delectari de bono actu ab alio  
facto, & hoc videtur sensisse D. Thomas 1. 2. q. 19.  
artic. 7. per distinctionem illam de intentione an-  
tecedenti, & consequenti, & eodem sensu dicit  
sæpe nos vti malè virtute, vt obiecto, scilicet 1. 2.  
questione quinquagesima quinta, articulo quarto, atque  
hoc modo omnia faciliè conciliantur, sicque op-  
time intelligi potest vnum hominem simul me-  
reri, & demereri per diuersos actus, qui licet cum  
aliquo ordine concomitanter se habeant, tamen  
vnus est bonus, & alius malus, & hic non tollit  
integram bonitatem illius, quia proprie non est  
circumstantia eius, vt actus est, quomodo dixit  
Cordub lib. primo, questione 50. circumstantias ma-  
las, quæ tantum concomitanter se habent ad ac-  
tum bonum, non emaculare illum: dixisset ta-  
men melius illas non esse circumstantias, quia  
non afficiunt moraliter.

XVIII.  
Satisfit mo-  
tuis conten-  
dentibus  
nunquā da-  
ri opus me-  
ritorium fa-  
ctum cū fine  
non bono.

Atque hinc facile respondetur ad rationes, &  
testimonia in num. 13. quibus probatur eos, qui  
vana intentione operantur, nullam habere mer-  
cedem, & consequenter neque bonitatem ali-  
quam, quæ Deo placeat: nam id est verum, quan-  
do prava est voluntas, quæ mouet ad ceteros  
actus, at vero quando voluntas vere mouetur ex  
bonitate obiecti, iam ea ratione habet bonum fi-  
nem, & consequenter, vt sic potest habere meri-  
tum, quamuis concomitanter habere possit ali-  
quam prauam intentionem, à qua nullum possit  
oriri meritum, sed potius demeritum. Dices er-  
go posse aliquem simul diligere Deum super o-  
mnia, & malè vti illomet amore saltem vt obie-  
cto, referendo illum in malum finem: consequens  
videtur apertè inuoluere repugnantiam, quia a-  
mor Dei repugnat formaliter cū peccato actuali.  
Respondetur cum dicimus voluntatem posse ma-  
le vti actu bono per malum actum, intelligendam  
est, quantum est ex communi ratione bonitatis,  
& malitiæ, nisi aliunde sit repugnantia ex parte  
obiecti, & finis: sicut in communi loquendo non  
repugnant simul esse actus bonos, & malos in  
voluntate, repugnabunt tamen si in suis obiectis  
includant contradictionem, & hac ratione ne-  
quit fieri, vt cum hac efficaci voluntate, *Voluntatem*  
*peccatum habere, sit actuale peccatum*: sic ergo  
dicendum de amore Dei: est enim quidam amor  
Dei perfectus, & efficax ex modo, & ex obiecto,  
quo voluntas actu vult placere Deo in omnibus,  
tam grauioribus, quam leuioribus rebus, & hoc  
actu nemo potest male vti, etiam venialiter, quia  
hic malus vsus repugnat cum illo actu ex parte  
obiecti illius: alius vero est amor Dei perfectus  
quidem substantialiter, non tamen omnino, vt  
cum quis vult efficaciter habere Deum pro vlti-  
mo finè, & vitare omnia peccata mortalia, quæ  
ab illo auertunt, & hoc actu non potest volun-  
tas malè vti mortaliter, propter eandem repu-  
gnantiam, potest tamen venialiter, quia obie-

ctum illius amoris non excludit omne peccatum  
veniale, & ita quoad hoc eadem est ratio de hoc  
actu, & de quolibet alio studioso.

Vltimo circa hunc punctum constat ex dictis,  
quid dicendum sit de actu bono ex obiecto, an  
possit fieri malus retenta prior bonitate ex obie-  
cto, ex sola carentia relationis in vltiorem fi-  
nem bonum, sicut actus indifferens ex obiecto  
fit malus ex sola carentia boni finis. Dico ergo,  
moraliter loquendo, ex natura rei id non posse  
accidere: quia si obiectum est bonum, & vt sic  
est intentum, ipsummet est sufficiens finis bonus,  
vnde ad bonitatem actionis non requiritur rela-  
tio in vltiorem finem, & ideo è conuerso, non  
potest actus habere malitiam ex carētia talis re-  
lationis: si vero fingamus ex speciali præcepto  
imponi hanc obligationem, tunc non censéo in-  
conueniens reperiri simul hanc malitiā cum a-  
liqua bonitate, tamen bonitas erit intrinseca ac-  
tui, malitia vero primò & per se consistit in om-  
missione alterius actus, quo alter erat referen-  
dus in vltiorem finem, à qua priuatione, vel  
carentia nihil obstat alium actum extrinsecum  
denominari malum.

#### Resoluitur 4. dubium positum num. 6.

Circa quartum punctum, an actus ex obiecto  
malus relatus in bonum finem habeat simul bo-  
nitatem, & malitiam: supponendum in primis  
posse voluntatem libertate sua hoc modo ope-  
rari, sicut Exod. 3. obli. trices mendacio vsq; sunt  
ad tuendam vitam infantium Iudæorum: & ra-  
tio est, quia actio prava ratione eius, quod ma-  
teriale est in ipsa, potest esse vtilis ad consequen-  
dam aliam rem bonam, & honestam, licet enim  
subripere rem alienam potest esse vtile ad subue-  
niendum proximo indigenti, & hoc docuit D.  
Thomas 1. 2. quest. 19. art. 8.

Hoc ergo posito tres possunt esse modi dicen-  
di. Primus est in eo casu intentionem bonam a-  
deo esse vtilem, & efficacem, vt auferat totam  
malitiam electionis. Ad quod confirmandum ad-  
duci possunt Patrum testimonia supra citata n.  
13. quod finis discernit humanas operationes:  
vnde Cassianus collatione 17. dicit mendacium et-  
iam excusari propter bonum finem: quod potest  
confirmari exemplo obstetricum, quæ præmium  
à Deo receperunt, & ratio adiungi potest, quia  
intentio est, quæ dat speciem actioni.

Nihilominus hoc non potest esse in vniuer-  
sum verū: potest quidem interdū bona intentio  
efficere inculpabilem ignorantiam, vel inconsi-  
derationem circa malitiam medij, & tunc excu-  
sabit, non propter bonitatem intentionis, sed  
propter ignoratiam, quæ reddit inuoluntariam  
malitiam medij: non est tamen necessarium hæc  
ignoratiam semper interuenire, interdum enim  
homo sciens mendacium esse malum hic, & nūc,  
vult mentiri propter tuendam vitam amici, &  
idem interdum erit interueniente ignoratiam vin-  
cibili, & tunc est certum electionem esse malam,  
vt constat ex D. Thoma 1. 2. quest. 19. artic. 7. & in 2.  
d. 38. artic. 4. & 5. vbi etiam Magister dist. 40. cum  
aliis Doctoribus, sumitur ex Augustino lib. contra  
mendacium cap. 3. & 4. & ex Aristotele 6. Ethicorum  
cap. 7. Et ratio est clara ex dictis, quia non ob-  
stante bona intentione malitia medij est volun-  
taria, sed vt actus voluntatis sit malus: non opus  
est, vt malitia obiecti sit intenta, sed satis est  
quod sit quomodocumq; volita directè, vel in-  
directè, vt supra probatum est: ergo talis electio  
habet

XIX.  
Actus non  
amittit bo-  
nitatē suā,  
eo quod ca-  
reat relatio-  
ne ad finem  
bonum ex-  
trinsecum.

XX.  
Casus huius  
dubij possi-  
bilis est.

XXI.  
1. Opinio af-  
firm. & eius  
motiua.

XXII.  
Reijcitur  
simpliciter:



habet malitiam ex obiecto suo: est ergo simpliciter mala: & ita est soluta ratio in contrarium: de testimoniis autem adductis dicā statim respondendo ad similia sumpta ex Euangelio. Ad illud autem Exod. 3. distinguendi sunt duo actus. Vnus fuit per modum intentionis, scilicet voluntas liberandi proximum à morte, & ille fuit meritorius, & propter illud præmium receperunt. Alius fuit per modum electionis, scilicet voluntas mētiendi, & in illo nullum fuit meritum. Ita fere D. Thomas 2. 2. quæst. 110. art. 3. ad 2. ponderans verbum illud, *Quia timuerunt obsecrantes Deum*: addit vero ibi artic. 4. ad 4. etiam per actionem mendacii potuisse mereri saltem aliquod temporale præmium, quatenus procedebat aliquo modo à voluntate bona, propter Gregorium 18. *moralium* cap. 2. Sed hoc difficilius est: sufficitque responsio data.

XXIII.

Institur ex  
testimoniis  
Scripturæ.

Sed obici potest illud Matth. 6. & Lucæ 11. *Si oculus tuus fuerit simplex, &c. ubi dicit Chrysostomus hom. 25. per oculum intellectum intelligit: ceteri vero Patres intelligunt rectam intentionem: & re vera est aperta intentio Christi Domini: nā de hac re instituerat sermonem, unde incipit: Attendite ne iustitiam vestram faciatis coram hominibus, ut videamini ab eis, & ita exponit Augustin. lib. de opere Monachorum cap. 16. concludens tale esse factum, qualis est intentio. Idem lib. 4. contra Iulianum cap. 13. & D. Thomas 1. 2. quæst. 11 art. 15. ad 1. & 2. Abulensis q. 179. membr. 6. non potest ergo, si intentio est bona, electio esse mala: quod etiam confirmant illa verba Matth. 7. & Luc. 6. *non potest arbor bona malos fructus facere*: Vbi etiam per arborem bonam intentio bona intelligitur. Ad primum testimonium respondetur, si nomine oculi intelligamus præcisum actum intentionis, vt distinctum ab electione, sic regulam illam non esse simpliciter necessariam, sed moraliter intelligendam, quia vt in plurimum ita accidit, vt ibi Iansenius exponit, vel certe intelligitur quantum est ex parte intentionis formaliter sumptæ, vt bona est. Secundo vero, meliusque dicitur oculum ibi appellari intentionem non tantum secundum se, & præcisè sumptam, sed etiam participatam in electione: unde si intentio est bona, electio autem mala, non potest dici simplex mentis oculi, vt recte Bonauentura in 2. d. 38. quæst. 1. & significat D. Thomas in 2. d. 38. quæst. 1 art. 1. dicens intentionem vocari oculum quatenus virtus intentionis manet in ratione ordinante media ad finem: quæ ordinatio simplex non erit, nisi honesta media ad honestum finem ordinentur. Atque eadem est responsio ad secundum testimonium, si per bonam arborem bonam intentionem intelligamus cum Augustino 1. de Gratia Christi cap. 18. & 19. & libr. de vera & falsa penitentia cap. 2. tamen ad litteram non tantum bona intentio, sed simpliciter bona voluntas intelligitur, vt notat D. Th. 1. 2. quæstion. 20. art. 2. ad 1. & 1. part. quæst. 49. art. 1. ad 1. quæst. 1. de malo art. 3. ad 1. & sumitur ex Augustino 1. contra Adimantum cap. 26. ubi adducit illud Mat. 12. *aut facite arborem bonam, &c.* Unde colligit esse in potestate hominis facere arborem bonam, quia est in potestate eius facere bonam voluntatem, à qua non possunt prodire nisi boni fructus. Item libr. 1. contra Iulianum cap. 3. 2. de nuptiis cap. 26. in Enchiridion. capit. 15. Anselm. Matth. 7. neque est dissimile, quod alii dicunt, per arborem bonam intelligi bonum hominem, quod est certe satis consentaneum verbis Christi, dicentis, *Omnis arbor, quæ non facit bonum fructum, excidetur, &c.* & ideo concludit. *Omnis homo de thesauro suo profert bona*: atque ita notat ibi Chrysostomus homilia 14. & Augustinus in aliquibus locis citatis, & lib. 3. contra literas Petiliani cap. 14.*

hoc tamen in idem redit, quia bonus homo bona voluntate constituitur.

Secundus modus dicendi esse potest fieri non posse, vt ab intentione bona procedat mala electio, & ideo non posse simul in tali electione esse aliquam bonitatem: quod dupliciter potest explicari, & fundari, primo, quia licet ex intentione rei honestæ possit oriri mala electio, tamen quando talis electio oritur, signum est intentionem illam non procedere ex motu honestatis, sed tantum materialiter versari circa rem honestam, & ideo neque in se habere honestatem, nec communicare illam electioni, quia omnis intentio est causa electionis sibi proportionata: turpis autem electio non habet proportionem cum intentione honesti, vt honestum est. Item, quia quod est causa mali, malum est: ergo si intentio honesta esset causa malæ electionis, hoc ipso fieret mala: sed licet hoc, moraliter & regulariter loquendo, ita sit, tamen non est simpliciter necessarium, nec repugnat aliter fieri, nam qui intendit rem honestam etiam sub honesto motu: etiam intendit rem illam materiale quæ honesta est, turpe autem medium, quamuis, vt malum est, non sit utile ad bonum, tamen ratione eius, quod materiale est in ipso, potest esse utile ad rem honestam comparandam. Ergo etiam si voluntas bona esse intendat, potest libertas sua eligere quodlibet medium utile ad obtinendam rem intentam siue materialiter, siue formaliter utile sit.

XXIV:

2. Opinio

Aliter ergo dicunt alii, si voluntas sic eligat, hoc ipso intentionem fieri malam, quia est causa mali, quod sentit Egidius in 1. d. 40. quæst. 1. art. 1. Sed hoc in primis non euacuat difficultatem: nam sequitur in intentione ipsa simul esse bonitatem, & malitiam, quia non potest amittere bonitatem: cum sit illi intrinseca, & essentialis, & prior electione: deinde in rigore id falsum est, quia electio, proprie loquendo: neque est intentio, neque circumstantia intentionis, sed quid posterius, ergo non potest illam inficere, si de se bona est. Item quia bona intentio de se non est causa malæ electionis, sed libertas voluntatis: ergo illa malitia non est tribuenda intentioni, sed causa deficienti: quæ est voluntas, quemadmodum licet quando ex vero assensu fidei, & alia falsa præmissa inferatur falsa conclusio, quamuis aliquo modo concurrat assensus fidei, tamē non est causa falsitatis, quia non ex illo, sed ex alio principio deficiente sequitur: ergo similiter cum intentio bona de se inclinet ad bonum, quamuis voluntas cum illa se determinet ad malam electionem, quatenus habet aliquam conuenientiam cum bono, non est tribuenda malitia intentioni, sed voluntati: ergo inde non fit mala intentio. Dices posse contingere, vt homo videns talem finem bonum non posse obtineri nisi per vnum medium malum, vel adhuc perseveret, vel denuo habeat efficacem intentionem talis finis, & tunc non potest illa intentio non fieri mala, quia est virtualis voluntas talis medii, & causa necessaria in sensu composito: atque ita Medina concedit 1. 2. quæst. 19. Quando medium malum est vnicum intentionem fieri malam ex electione. Dico tamen etiam in eo casu hoc improprie dici, nunquam enim intentio bona ex hac parte fit mala, sed vel à principio fuit mala, vel mutatur vna intentio in aliam: si enim homo prius bona fide intendit honestum finem, vt sic, postea autem videt finem illum non posse obtineri nisi per malum medium, necesse est vt desinat à priori intentione, quia honestū motuum non mouet nisi iuxta regulas prudentiæ, unde

XXV:



non potest mouere ad malum medium, quare si voluntas perseverat in ea prosecutione, vel signum est à principio non intendisse ex motiui honesto, vel certe necesse est, vt mutet intentionem, & quod prius amauit propter honestatem, amare incipiat propter naturalem inclinationem, vel aliam similem causam.

XXVI. Tercius modus dicendi est. Etiam si contingat hominem eligere malum medium ex intentione illa bona, electionem illam esse malam ex obiecto: ex fine vero nullam habere bonitatem, quia electio non accipit bonitatem ex fine pro vt in se est, sed ex ordinatione medi ad finem: quamuis autem finis in se sit bonus, tamen ordinari malum medium ad finem bonum non est bonum, nec rationi consentaneum, & ideo ex hac ratione actus nullam accipit bonitatem. Accedit quod licet finis sit intentus vt honestum est, tamen per illam electionem non ordinatur medium ad finem, vt honestus est, sed absolute, vt talis res est, & ideo mirum non est, quod inde nullam accipiat bonitatem, & ista est communis sententia in 2. d. 38. & 40. Solet autem hic quaeri, an talis intentio bona, esto non det bonitatem, saltem minuat malitiam, nam communiter ita omnes videntur affirmare. Fauetque Augustinus lib. contra mendacium cap. 7. & de mendacio cap. 14. in Enchiridion. cap. 18. dicens minus malum esse mentiri propter utilitatem proximi, quam sine causa. In contrarium vero esse potest, quia idem Aug. lib. 50. homil. in 7. & habetur in cap. forte 14. quest. 5. dicit, *Qui furatur, vt det elemosinam, & dat, non minuire peccatum, sed addere peccatum peccato.* Respondetur ex parte obiecti, neque minui, neque augeri malitiam malæ electionis ex bona intentione, quia idem obiectum cum eadem de ordinatione manet: at vero ex parte affectus, & voluntatis minuit aliquo modo quatenus minuit voluntariū, & liberum: potest etiam dici minuire quatenus impedit prius aliquod aliud motiuium: per se autem nunquam auget, nam D. Augustinus vt in ultimo loco non dicit augeri electionem, nam qui dat re furto ablatam, denuo peccat, quia denuo male utitur re aliena, præcipue si se reddat impotentem ad restituendum.

## SECTIO II.

*Utum idem actus voluntatis successiue possit esse bonus, & malus.*

I. **D**Ve sunt opiniones, prima absolute affirmat, quam tenet Durand. in 2. d. 40. quest. 30. vbi Capreolus quest. 1. licet art. 1. conclusionem 3. contrarium sentire videatur, tamen statim art. 3. respondens ad argumenta Durandi in eius sententiam incidit, dicens eundem actum physice moraliter mutatum ex bono posse fieri malū, quod etiam sentit Scotus quodlibet. 18. artic. 3. Caietanus 1. 2. quest. 19. artic. 1. significat D. Bonauentura in 2. d. 41. art. 1. ad penult. latius Almaynus in 3. dist. 23. q. 1. Qui solum excipit Dei amorem. Fundamentum est, quia putant bonitatem, & malitiam accedere actui voluntatis, ideoque successiue posse abesse, & adesse.

II. **S**ecunda opinio dicit actum exteriorem posse esse successiue bonum, & malum, quia potest à diuersis actibus voluntatis successiue manare, sic enim homo interdum incipit bona intentione operari, & operationem perficit mala inten-

tionem: tunc autem putant necessarium esse actum interiore mutari, nec posse eundem numero actum qui in principio fuit bonus, successu temporis fieri malum: ita Conrad. 1. 2. quest. 19. artic. 1. & putat esse opinionem D. Thomæ quest. 10. art. 6. vbi de actu exteriori querit, an possit esse successiue bonus & malus, quod de interiori non quaesierat, & de illo affirmat solum quatenus idem actus exterior successu temporis potest procedere à diuersis voluntatibus bonis, & malis, & hanc sententiam defendit Gabr. in 8. distinct. 41. questione prima, artic. 2. significat Richardus questione 1. & 2.

Resolutio huius questionis est facilis, si consequenter loquamur iuxta principia posita, & potest ampliari hæc questio, seu varie comparari, non solum, an actus possit fieri ex bono malus sed è contrario: aut ex non malo malus, aut è contrario: suppono etiam ex supradictis actum voluntatis posse considerari præcise, vt elicited, & vt sic vocari proprie, & in rigore interiore, vel vt imperatum, seu imperabilem, sub qua ratione est quodammodo exterior. Dicendum est primo. Si actus voluntatis, vt elicited, & pure interior, est bonus, non potest idem manens fieri malus. Probat ex dictis, quia ille actus est bonus ex vi sui subiecti, & circumstantiarum quatenus transeunt in rationem obiecti: aut ergo mutatur obiectum, vel non: si non, ergo nec mutatur bonitas actus, quatenus elicited est: si vero obiectum mutatur, ergo & ipse actus: ergo non fit malus actus, qui erat bonus, sed potest voluntas transire ab actu bono in malum. Confirmatur, nam dictum est hanc bonitatem esse ipsam entitatem actus: ergo neque ablata bonitate potest manere eadem entitas actus, nec potest illa bonitas esse in actu, in quo prius non fuit. Sed obici solet, nam interdum potest voluntas operari circa aliquod obiectum, quod successu temporis sit prohibitum, cum antea non esset: tunc ergo incipit esse malus idem actus, qui erat bonus, quia incipit esse prohibitus. Respondetur negando sequelam: nam in huiusmodi casu, si actus interior prius reuera fuit bonus ex obiecto, necesse est, aut postea mutari in voluntate, etiam si exterior actio continuetur, vel hominem excusari per ignorantiam, vel inaduertentiam inculpabilem adueniente prohibitionis tempore: at quod ita fiet, vt actus semper perseveret bonus. que ita patet, nam aut existente tempore prohibito, homo aduertit prohibitionem, vel non. Si non aduertit, & prius operatur bene, etiam postea, quia excusatur: si autem aduertit, iam videt mutatam esse honestatem obiecti, ergo non potest ab illa moueri ad perseverandum in eadem actione: ergo si prius mouebatur ex honestate, necesse est, vt habeat nouum actum & quod moueatur ex delectatione, vel alia commoditate.

IV. **D**ices, fieri posse, vt nec directe aduertat, nec inculpabiliter ignoret, sed ex aliqua culpabili inconsideratione. Respondetur id fieri non posse sine mutatione in actu interno, nam si prior voluntas erat studiosa, intellectus prudenter iudicabat de agendis: unde si non mutat actum, vel iudicium, non potest inconsideratio subsequens esse culpabilis: oportet ergo, vt vel in particulari, vel in confuso aduertat factam esse mutationem in obiecto, seu in prohibitionem, aut moraliter posse fieri, aut se teneri ad aduertendum, nam facta sit, vel aliquid simile, nam si nullam omnino ex his reflexionem faciat intelligi non potest, quomodo inconsideratio denuo sit culpabilis: si autem eam faciat, non poterit simul

omit



Omittere voluntarie necessariam diligentiam, & perseverare in prudenti propositione obiecti honesti, nam inuoluitur in hoc repugnantia, nam prudentia non iudicat nisi consideratis omnibus sufficienter, quæ hic, & nunc occurrunt.

V. Sed quævis hæc sint vera de mutatione actus de bono in malum, tamen de mutatione de bono in non bonum, Gabriel in 3. d. 23. q. 1. a. 1. sequutus Ochamum q. 13. & Cameracensem in 1. q. 1. dicit, quamvis moraliter non possit actus bonus carere bonitate, tamen supernaturaliter posse, quia licet naturaliter pendeat à voluntate & prudentia, tamen supernaturaliter potest sine his conservari. In hac sententia inuoluntur aliæ partes, quantum scilicet pendeat actus voluntatis à cognitione obiecti, & à voluntate de quibus supra; fortasse probabilius est ita essentialiter pendere, ut non possit aliter fieri, saltem asseriendo, & informando voluntatem, prout nunc loquimur: quidquid autem de hoc sit, certum in vniuersum est, talem actum, à quocumque, & quomodocumque fiat, non posse priuari habitudine ad obiectum honestum, quia hæc est eius substantia, & eadem ratione non poterit priuari bonitate, quæ in eadem habitudine consistit etiam si fortasse fieri possit, ut illa bonitas non tribuatur homini si ab illo non procedat, vel si non prudenter & humano modo procedat.

VI.  
Dubium  
subortum  
ex multis  
dictis.

Vnde obiter expeditur dubium illud, scilicet, an omnis actus, qui in homine cordato est bonus, & honestus, & moraliter possit esse in amante, vel dormiente, seu quocumque modo carente usu rationis, nam si hoc potest esse, poterit quicumque actus bonus manere sine bonitate, quia sine usu rationis non est bonitas moralis; videtur autem id posse contingere, nam experimur nos in somnis habere easdem apprehensiones obiectorum honestorum, & circa ea versari voluntatem; item amantes interrogati responderent se diligere Deum, quia bonus est: vel facere hoc, quia obedientia præcipit: ergo habent in voluntate actus eiusdem substantiæ cum actibus, qui sunt cum usu rationis. Respondetur supra dictum esse, aliud esse loqui de bonitate actus interioris quoad substantiam, vel quatenus moralis est: concedo igitur posse actum moraliter bonum manere quoad substantiam sine illa moralitate bonitatis, quæ ex libertate pendet, ut supra etiam tractatum est. Sed est considerandum, aliud esse loqui de libertate actus, in qua moralitas actus consistit proxime, ut supra dictum est, de qua præterea procedunt omnia dicta; aliud vero de dependentia actus ab usu rationis, qui non solum ad libertatem necessarius est, sed etiam ad manifestandam in obiecto honestatem, ex qua sumenda est formalis bonitas actus, & hæc dependentia est essentialis eo modo, quo essentialis est voluntati cognitionem supponere, & hoc modo fieri non potest, ut actus voluntatis bonus duret, quin ex parte intellectus sit sufficiens rationalis cognitio ad proponendam, & iudicandam honestatē obiecti, an vero in amante, vel dormiente possit esse talis cognitio, quidquid alij sentiant, mihi videtur non posse, nam suprema ratio obiectiua, ad quam maxime videtur necessarius discursus, est ratio honestatis: ergo si amens potest huiusmodi rationem diiudicare, & ad alias inferiores rationes comparare, quid illi deesset ad sufficientem usum rationis, præcipue moralem, præsertim quia qui potest attingere rationem honesti, poterit etiam oppositam mali cognoscere, quia opposita nata sunt fieri circa idem, & non est maior difficultas in

vno obiecto, quam in alio; ergo posset hæc inter se conferre, & consequenter inter illa eligere: ergo haberet sufficientem usum rationis ad peccandum. Neque oppositum suadet nulla experientia, quia licet amantes habeant actus circa eadem obiecta materialia; tamen non discernunt rationem honestatis, & rectitudinis: sed sicut animalia mouentur naturali instinctu, ita hi feruntur quasi naturali impetu, quo ex habitu, vel speciebus relictis & obiecto proposito iudicat hoc vel illud esse faciendum.

Dicendum secundo. Actus elicitus voluntatis præcise, ut elicitus, & interior, potest interueniente ignorantia, vel extrinseca prohibitione fieri ex non malo malus, vel è contrario, quamvis non possit fieri bonus. Hoc autem constat ex dictis, quia si homo vel ignoret, vel non advertat malitiam obiecti, potest elicere circa illum actum voluntatis non malum, qui potest eodem numero durare oblata ignorantia vel inconsideratione: & tunc incipit esse malus, & ratio est, quia ad hoc non est necessaria mutatio in propria ratione obiectiua, quæ mouet voluntatem: & idem est, si prius actus non erat prohibitus, & postea est prohibitus, propter eandem causam, quia prohibitio non mutat delectationem, vel conuenientiam ad naturam animalē, quæ sufficere poterat ad substantiam, & entitatem talis actus: sine alterutra autem ex his mutationibus non potest intelligi, quod fiat huiusmodi mutatio in actu elicito, ut talis est, quia nullum est aliud caput, unde possit oriri malitia, vel unde possit voluntas à malitia excusari, non sufficit autem hæc mutatio, ut huiusmodi actus fiat bonus, quia ad hoc necesse est, ut mutetur motiui voluntatis, & consequenter positiva habitudo actus ad obiectum, quæ tamen non mutatur propter nouam prohibitionem, vel considerationem nisi actus ipse mutetur.

Ultimo dicendum est, si actus à voluntate elicitus consideretur, ut imperatus, vel imperabilis per alium, actus si fieri potest de bono malus, & è contrario. Hoc probant rationes primæ opinionis in n. 1. quia potest mutari intentio, & imperium, neque in hoc contradicunt auctores secundæ opinionis, sed potius idem sentiunt, quia, ut supra dixi, eadem est ratio de actu interiori, quæ de exteriori: sicut ergo actus exterior potest esse bonus, vel malus successive per denominationem ab actibus diuersis, ita etiam interior.

### SECTIO III.

*Utrum diuisio actus voluntatis in bonum, & malum sit essentialis, vel accidentalis.*

PRIMA opinio dicit esse subiecti in accidentia. I. tenet Caietanus 1. 2. q. 19. art. 1. tribuit D. Thomas 1. p. quest. 48. art. 1. ad 2. Quia dicit bonum, & malum non esse differentias in genere naturæ, sed in genere moris. Confirmatur, quia D. Thomas citato loco 1. 2. dicit ita se habere bonum & malum ad actum voluntatis, sicut verum, & falsum ad actum intellectus. sed hæc est diuisio subiecti in accidentia: ergo & illa. Fauet Bouauentura in 2. d. 41. art. 1. quest. 2. Durand. d. 40. quest. 3. Maior quest. 1. Fundamenta sumenda sunt ex discursu omnium, quæ tractata sunt iam sect. præcedenti, scilicet, quia bonitas, & malitia potest adesse, & abesse eidem actui voluntatis, vel quia consistit in relatione, quæ mutatur mutato extremo. Additur confirmatio, quia actus voluntatis immediate

VII.  
2. Assertio.

VIII.  
3. Assertio.

I.  
1. Opinio.



diatē diuiditur in odium, vel amorem, aut in voluntatem simplicem, intentionem, fruitionem, &c. quæ sunt diuisiones immediate, & substantiales, & quodlibet ex illis membris potest diuidi per bonum & malum; ergo signum est illas non esse differentias substantiales, sed accidentales.

II. Secunda opinio est hanc esse diuisionem per se, & essentialē. Ita Conrad. 1. 2. *quest. 19. artic. 1.* & ita exponit ibi D. Thomam & 3. *contra Gentes cap. 9.* & in 2. *question. 4. artic. 1.* ubi in hoc ponit differentiam inter actus elicitos, & imperatos, quæ nulla esset si respectu utrorumque diuisio esset accidentalis. Sentit ergo respectu actus imperati hanc diuisionem esse accidentalem; respectu vero elicitū esse essentialē, & rationem differentię assignat, quia actus interior est per se in genere moris, exterior vero tantum per accidens, vnde intelligitur quod ex D. Thom. supra citauimus, nam differentia in genere moris, absolute loquendo, non facit differentiam in genere naturæ, nisi in his, quæ per se, & intrinsece sunt in genere moris, ut sunt actus elicitī à voluntate; vnde idem sentit D. Thomas 1. 2. *quest. 18. artic. 5.* & bene Richard. in 2. *dist. 40. artic. 2. quest. 1.* & Ægydius *quest. 2.*

III. Hæc quæstio eodem modo, & eadem distinctione, atque iisdem principiis definienda est, ac præcedens. Itaque loqui possumus de actu voluntatis interno pure, ut interno & elicitō; vel, ut imperatus, vel imperabilis est per alium actum. Primo dicendum actum pure interiorē per se, & essentialiter diuidi in bonum, & malum, quamuis fortasse illæ vocēs non significant formaliter, sed tantum describant differentias essentialē; nec dico in hoc sensu diuisionem esse adæquatam, seu sufficientem, aliqui enim actus voluntarij esse possunt, qui hoc modo non sint boni, nec mali, de quo *disputation. sequenti.* Sed solum assero illa membra esse per se, & essentialiter diuersa, quæ sine dubio est mens D. Thomæ, & patet ex dictis, quia ostensum est bonitatem sumi ex obiecto formali, & consequenter pertinere ad substantiam, & essentialitatem actus, vnde fit, quod licet malitia, ut sic, formaliter sumpta non dicat differentiam, indicat tamen illam in interiori actu, sicut irrationale, quamuis formaliter non sit differentia bruti, indicat illam quod ita declaratur, nam talis malitia actus necessario indicat actum non tendere in obiectum sub ratione honesti, sed sub alia inferiori, cum qua potest esse coniuncta malitia; ergo indicat essentialē differentiam diuersam. Et hoc est quod D. Thomas citatis locis, & in 2. *distinct. 24. artic. 2. ad 5.* & *question. 1. de virtutibus art. 1. ad 3.* dixit, malitiam ratione adiuncti, seu fundamenti esse differentiam. Confirmatur primo; nam hoc modo diuisio habitus in virtutem, & vitium est per se, & essentialis, nam si sumatur respectu eiusdem naturæ, indicat essentialē differentiam formarum, ut quia frigus est malum igni, calor autem bonus, recte colligimus illas formas natura sua esse diuersas.

IV. Neque contra hanc assertionem quidquam arguit confirmatio adducta pro priori sententia, potest enim retorqueri, (sitque altera confirmatio.) Nam actus voluntatis potest diuidi per bonum, & malum, & quodlibet ex his membris potest diuidi per amorem, & odium, intentionem, electionem, &c. Vnde ex hoc argumento non magis potest colligi hanc diuisionem esse accidentalem, quam reliquas, præsertim cum hæc fiat ex primis differentiis eorum, in ratione boni honesti, vel non honesti. Dico ergo non esse

inconueniens idem genus diuidi per varias differentias per se, & essentialiter diuersas, sicut habitus potest per se, & immediate diuidi in virtutem, & vitium, seu non virtutem, & in materiale, vel spirituale, vel aliquid simile; nam sæpe differentię sunt inadæquatæ, & sumi possunt ex variis conuenientiis rerum: quod autem in post prædicamentis dicitur, generum non subalternatum positum non posse esse easdem differentias, vel intelligendum est de adæquatis differentiis, vel limitandum est ex eodem Aristotele in *topicis*, nisi illa duo genera sub vno tertio constituantur, sed de hoc alias.

Secundo dicendum, si actus voluntatis consideretur, ut imperatus, vel imperabilis per alium actum, & quatenus sub ea ratione potest esse bonus, vel malus, sic est accidentalis diuisio: hoc constat ex doctrina D. Thomæ citata, adiunctis his, quæ dicta sunt in *duabus sect. præcedentibus*: nam in primis quoad hoc eadem est ratio de actu voluntatis, & de quolibet alio exteriori: sed respectu actus exterioris talis diuisio est accidentalis, loquendo de bonitate, & malitia formali, ut loquimur. ergo. Item, quia sub hac ratione actus voluntatis non est bonus, nec malus per intrinsecam habitudinem ad obiectum, vel ad circumstantias, ut transeunt in rationem obiecti, sed per denominationem ab actu imperante, & in malis per carentiam talis relationis, si debita sit; sed hæc sunt extrinseca actui, & possunt abesse, & adesse, & ita in sensu hoc recte procedunt rationes primæ sententiæ, & in eodem sensu accommodandum est illud exemplum, ibi adductum de veritate, & falsitate, interdum enim actus intellectus est verus ex vi formalis rationis assentiendi, & tunc fieri non potest, ut idem actus secundum speciem sit verus, & falsus successive, & in eo veritas dici potest essentialis differentia, non ratione actualis relationis, sed ratione fundamenti, ex quo habet talis actus infallibiliter veritatem adiunctam, & hoc sensu comparatur veritas intellectus ad bonitatem voluntatis sumptam ex obiecto: aliquando autem actus intellectus est verus, non ex vi obiecti formalis, sed ratione materialis, quod ita esse contingit sicut iudicatur, quamuis ex vi formalis obiecti possit aliter se habere, ut patet in fide humana, & hoc modo diuisio actus in verum, & falsum, potest dici obiecti, nam idem actus qui est verus posset esse falsus, & quoad hoc æquiparari possunt veritas, & falsitas cum bonitate, & malitia, quæ ab extrinseco prouenit, & non ex intrinseca habitudine ad obiectum.

Sed quæres in communi loquendo, & abstracto ab utroque modo bonitatis, & malitiæ, qualis sit hæc diuisio actus moralis in bonum, & malum. Respondetur in rigore rem esse æquivocam, & analogam, atque adeo diuisionem illam in rigore esse multiplicem, & ideo nihil posse sine distinctione responderi, nisi sub illa diuisione duas contineri, alteram essentialē, & alteram accidentalem, sicut in reliquis denominationibus esse sanum, vel quid simile per intrinsecam formam, & per extrinsecam denominationem est valde analogum: ita actum interiorē esse bonum per se, aut ex vi obiecti, aut per solam extrinsecam relationem, analogum est, diuisio ergo, quæ utrumque modum complectitur non potest non esse analogā: est ergo sub distinctione respondendum, ut dixi.

DISPV.



## DISPUTATIO IX.

*De indifferentia actuum voluntatis, & sufficientia diuisionis in bonum, & malum.*

**E**xplicata qualitate præcedentis diuisionis, solum superest declaranda sufficientia eius, quæ solum pendet ex cognitione actuum indifferentium. Est autem aduertendum hanc indifferentiam duplicem esse posse: vnam in ratione meriti, & demeriti, vt si sit actus qui nec meritorius, nec demeritorius sit, quæ ab aliquibus hic tractatur, sed non est huius loci: alia est in ratione bonitatis, & malitiæ, & de hac proprie est sermo, quæ tractatur à D. Thom. de specie, & indiuiduo, non autem de genere, vel quia cõstat actum morale in communi, seu in genere posse abstrahi à bono, & malo, vel quia per speciem intelligit totam essentiam actus præcise sumptam, per indiuiduum autem intelligit actum prout est in re, & includit non tantum essentialia, sed etiam accidentales circumstantias, quæ illum moraliter afficiunt.

## S E C T I O I.

*Virum detur actus voluntatis indifferens secundum suam essentiam, vel speciem.*

I.  
1. Sententia.

Quo sensu habeat probabilitatis membrum.

Quo sensu improbabili.

2. Sententia.

**P**rima sententia affirmat omnes actus esse indifferentes secundum suam essentiam, quia omnes possunt bene, vel male fieri pro diuersitate intentionum, vel circumstantiarum: hanc partem referunt Magister in 2. d. 40. & D. Thomas qu. 2. de malo art. 4. & in actibus exterioribus posset habere aliquam probabilitatis speciem, qui cum sint boni, vel mali per denominationem extrinsecam ab actibus internis, vt diximus supra, nullus fere est, qui vel non possit mala voluntate fieri, vel etiam bona saltim ignorantia interueniente. In actibus autem internis non potest hoc probabiliter dici, quia ostensum est plures esse actus voluntatis intrinsece bonos ex obiecto, & idem est de malis, præsertim loquendo moraliter, & non fingendo casus inusitados, imo etiam in actibus externis, si considerentur secundum bonitatem, & malitiam obiectiuam, id non potest esse verum, quia plures sunt actus natura sua mali, & prohibiti obiectiue, & alii etiam sunt boni, & honesti, quia hæc bonitas, & malitia non sumitur ab extrinseca denominatione ab actu interiori, sed ex conuenientia: vel disconuenientia intrinseca ad rationalem naturam, vt dictum est: vnde sicut in formis, & motibus naturalibus, quædam sunt naturales, aliæ violenter natura sua respectu alterius naturæ: ita etiam in actibus humanis reperiri potest. Vnde fit multo minus possibile esse probabilem aliam sententiam à Magistro relata, quæ dicebat aliquos quidem actus esse bonos, nullos autem malos: sed omnes, qui boni non sunt esse indifferentes: quod posset aliquo modo verificari, si esset sermo de solis entitatibus posituiis, quæ vt sic, præcise sumptæ malæ non sunt, vt supra dictum est: tamen, absolute loquendo, & vt Philosophi morales loquuntur, illud non est verum, quia aliqui sunt actus,

quibus intrinsece est adiuncta turpitudine, vt supra dictum est, quod primo, & per se verum est de actibus externis quoad malitiã obiectiuam: consequenter etiam de internis per se loquendo, quia sumunt rationes suas ex obiectis suis.

His ergo omisissis, quæ ex dictis satis constant, est alia opinio quæ communiter Scoto tribuitur in 2. d. 7. & 41. Qui negat dari actum indifferentem secundum speciem: cum tamen illum admittat in indiuiduo, vt postea videbimus, putat enim actum voluntatis adæquate diuidi in bonum, & malum ex obiecto, neque in hoc posse reperiri medium: sed actus sumit speciem ex obiecto: ergo eadem ratione non poterit reperiri medium inter bonum, & malum in specie. Maior probatur, quia omne obiectum voluntatis, aut est diffonium rationi, & sic constituit actum malum in specie, aut est rationi consentaneum, & sic constituit actum bonum, neque inter illa duo potest medium reperiri, quia hoc ipso quod res non discordat a recta ratione, est conformis illi: verumtamen Scotus procedit ex diuersis principiis, & aliter vt videtur nominibus, quam D. Thom. & alii: putat enim solum obiectum non sufficere ad bonitatem moralem actus, nisi adiungatur finis, & aliæ circumstantiæ: dicit tamen ex obiecto desumi quandam bonitatem, quam vocat obiectiuam, quæ licet non sufficiat ad bonitatem moralem actus, est tamen necessaria: & de hac bonitate loquens, consequenter dicit omnem actum non malum ex obiecto habere bonitatem obiectiuam, quia omnis actus, qui ex obiecto non est malus, talis est, vt adiuncto fine, & aliis circumstantiis possit esse simpliciter moraliter bonus: ergo habet ex obiecto bonitatem, quæ ex hoc capite sufficit ad bonitatem moralem: tamen hæc doctrina supra est impugnata.

Dicendum est primo, præter actus bonos, & malos voluntatis dari actus secundum suam speciem, & essentiam indifferentes. Hæc est mens D. Thomæ 1. 2. q. 18. art. 8. & est communis sententia in 2. d. 40. Gabriel in 3. d. 23. sumitur ex Augustino libr. 2. de sermone Domini in monte capit. 28. & ex Hieronymo epistola ad August. quæst. 29. inter epistolas Aug. 41. Ratio est facilis: si vocum significatio supponatur: dictum est enim supra illum actum voluntatis esse ex obiecto bonum, qui præcise ex vi obiecti, secluso omni fine extrinseco, habet bonitatem simpliciter, & rectitudinem, præsertim si nulla malitia ei extrinsecus adiungatur: & è contrario illum esse malum, qui ex vi obiecti habet turpitudinem: ille ergo dicitur indifferens, qui præcise habitudine ad obiectum, neque turpitudinem habet, neque honestatem. Huiusmodi autem esse plures actus voluntatis, constat primo inductione, quia velle loqui, aut ire in agrum, aut quid simile, est hoc modo indifferens, cuius signum est, quia si in nullum finem bonum referatur, actus non erit bonus, vt patebit sectione 3. ergo ex obiecto præcise non habet bonitatem, si autem referatur in bonum finem, erit simpliciter bonus: ergo neque malitiam habet ex obiecto, nam si haberet, esset inseparabilis, per se loquendo, & consequenter non maneret actus bonus simpliciter. Secundo est ratio à priori, quia vt actus sit bonus ex obiecto, oportet, vt tendat in illud propter honestatem: sed potest esse actus voluntatis, qui non tendat in obiectum propter honestatem, sed propter aliam inferiorem rationem boni, tum quia nulla malitia necessario coniuncta sit: ergo talis actus erit indifferens ex sua specie, & obiecto.

Sed est communis obiectio, quia omnis species saluatur in indiuiduo, sed non est aliqua indifferens

II.

3. Sententia.

III.

1. Assertio affirm.

Probatur assertio 1.

IV.



Obiectio  
contra asser-  
tionem.

rens in indiuiduo, vt dicitur: ergo. Respondent aliqui hanc speciem indifferentiæ non esse positiuam, sed negatiuam, id est, per solam priuationem bonitatis, & malitiæ: & ideo non oportere, vt in re ipsa in indiuiduo reperiatur, sed satis esse secundum præcisionem intellectus, seu secundum exigentiam actus: sed hoc non recte dicitur, nam licet fortasse nomen indifferentiæ sumptum sit ex negatione vtriusque extremi, tamen necesse est, vt actus sic indifferens, habeat ex obiecto suo aliquam speciem positiuam, quia tendit in obiectum sub aliqua boni ratione: cōcedo ergo hanc speciem posse reperi in aliquo indiuiduo, id est, in re ipsa dari actum voluntatis, qui ex obiecto non habet bonitatem, neque malitiam, tamen quia hæc denominatio *boni*, & *mali*, non solum ex obiecto, & specie intrinseca sumitur, sed etiam sumi potest ex fine, ideo cum hac indifferentia ex obiecto stare potest, vt in re nullus sit actus, qui ex aliquo capite non denominetur bonus, vel malus, de quo postea.

V. Sed vrgebis. Ergo per talem actum generabitur habitus indifferens, quod videtur inconueniens: aliqui Thomistæ negant sequelam: fauet Durand. in 2. d. 40. q. 11. Quia actus non generat habitum, nisi prius in indiuiduo fiat, & quia Aristot. in predicamentis dicit habitum disponere bene, vel male: sed hoc non recte dicitur: Aristoteles enim ibi non loquitur de bono, vel malo moraliter, sed in communi prout est consentaneum, vel disconsentaneum naturæ, in genere ergo moris non est inconueniens dari habitum indifferenter, quod sumitur ex D. Thom. 1. 2. q. 55. art. 4. & Secundo in 2. d. 41. ad 2. Et ratio est clara, quia actus non gignit habitum secundum extrinsecam denominationem quam recipit ab illo actu, sed secundum suam substantiam, & entitatem: actus autem indifferens secundum speciem, quamuis in indiuiduo positus denominetur bonus, vel malus, tamen illa denominatio est extrinseca in ipso, & ideo, vt sic, non generat habitum, sed secundum præcisam habitudinem ad obiectum, secundum quam indifferens est: generat ergo habitum indifferenter, sicut actus eleemosynæ, quamuis ab amore Dei imperetur, & vt sic denominetur actus charitatis: ille, vt sic, non generat habitum charitatis, sed misericordiæ tantum.

VI.  
2. Assertio  
bipartita.

Dico secundo. Actus interior voluntatis secundum essentiam, & speciem adæquate diuiditur in bonum, malum, & indifferenter, nec præter hæc aliud membrum reperitur. Prior pars constat ex dictis: posterior posita est propter quosdam Thomistas, qui addunt quartum genus actuum, quos vocant male sonantes, propterea quod D. Thomas quodlibet. 9. art. 5. præter illas species dicit esse quosdā actus, qui per se, ac præcise sumpti mali sunt, quamuis ex adiunctis possint interdum honestari. Nihilominus probatur facile conclusio, quia actus dicitur indifferens ex negatione bonitatis & malitiæ, ex vi subiecti, sed inter hæc non potest dari medium, scilicet, quod actus habeat ex obiecto bonitatem, vel malitiam, vel neutrum, quia in his membris includitur contradictoria oppositio: ergo nec præter illa membra potest aliud excogitari: contingit tamen actum, qui ex vi obiecti non habet malitiam talem esse, vt in particulari, & ex circumstantiis frequenter illam habeat, & talis actus dicitur male sonans: tamen re vera continetur sub latitudine indifferentium, aliqui numquam posset bene, & honeste fieri.

## SECTIO II.

*Virum detur voluntatis actus supernaturalis indifferens secundum speciem suam.*

Hæc quæstio non tractatur à Theologis, habet vero nonnullam difficultatem, & deseruit ad explicandum quomodo diuisio data licum habeat in actibus voluntatis supernaturalibus in substantia, & specie sua, quos in voluntate dari nunc suppono: deinde sumo, vt indubitatum & certum, hos actus esse, vt plurimum essentialiter bonos, vt pote elicitos à virtutibus infusis, & à fortiori hoc patebit ex dicendis. Deinde etiam sumo nullum esse actum voluntatis supernaturalem, qui ex obiecto sit intrinsece malus. Quod patet primo, quia nullus est habitus per se infusus in voluntate, qui ex se sit habitus vitiosus: ergo nec potest esse actus, qui ex se sit malus, nam habitus, & actus seruant proportionem, vt dixi. Antecedens videtur per se notum, tum quia habitus per se infusus solum Deum habet autorem natura sua: ergo nec ex se potest esse malus, nec ad malum inclinare, tum etiam, quia habitus per se infusi sunt quædam participationes Dei superioris ordinis, & rationis, de quo iterum infra tractat. 4. disp. 4. sect. 2. Vnde Theologi nullum habitum agnoscunt voluntati per se infusum præter virtutes, & dona, quæ sunt etiam virtutes quædam superioris ordinis. Cōfirmatur primo, quia alias Deus esset principalis causa mali, quia est principalis causa supernaturalis actus, qui fieri non potest sine speciali Dei auxilio excitante, & adiuuante. Denique cōfirmatur secundo, quia nullum est supernaturale obiectum, quod habeat intrinsece annexam malitiam moralem: omne enim obiectum supernaturale, aut est Deus ipse, aut aliquo modo respicit Deum, vt est finis supernaturalis, aut secundum aliquam singularem excellentiam, & participationem perfectionis eius: ergo nec potest esse actus supernaturalis, si ex obiecto habeat intrinsecam malitiam.

Dices appetere vnionem hypostaticam esset actus intrinsece malus, & tamen est supernaturalis, quia obiectum est supernaturale. Respondetur primum, antecedens posse negari, quia vnio hypostatica, vt sic, non est prauum obiectum, nam si Dei voluntas ita statueret, non esset malum illam appetere: quod si nunc est mala, non est ex vi materialis obiecti, sed quia, aut est contrarium diuinæ ordinationi, & voluntati, vel certe ratione prauo motiui. Vnde respondetur secundo, negando alteram partem antecedentis, talis enim actus non esset supernaturalis, sed ex naturali quadam inclinatione ad proprium commodum, vel ad honorem, & excellentiam, vel ex inordinato vsu eius profectus, quo modo fuit fortasse talis appetitus in malo Angelo absque vlla supernaturalitate actus, vt constat.

Supere est ergo tantum difficultas proposita de actibus indifferētibz, & ratio dubitandi esse potest, quia multi existimant actum spei, & fidei, seu voluntatem credendi ex propriis speciebus esse indifferētes, & non esse virtutis actus, nisi ex relatione extrinseca charitatis, sicut habitus ipsi fidei, & spei non censentur esse virtutes re-  
II. Opinio a-  
struens a-  
ctus super-  
naturales  
indifferē-  
tes.  
tes. mota charitate, & à posteriori patet, quia hi, & possunt esse boni, & mali: ergo signum est esse indifferētes ex se. Antecedens probatur: nam si quis voluntate absoluta, & efficaci velit credere

I. Notationes  
ad resolu-  
tionem.

Præuia as-  
sertio mul-  
tum dari  
actum su-  
per-naturn-  
alem intrin-  
sece ma-  
lum.



dere fide Christiana, ille actus est supernaturalis, ut colligitur ex Concilio Arausicano II. & tamen illa voluntas potest esse non bona, si fiat ex affectu ad temporalia commoda, & idem argumentum est de actu spei, vel de timore serui, & similibus. Et ratio à priori est, quia ut actus sit supernaturalis, satis est, quod sit voluntas absoluta, & efficax supernaturalis obiecti: quia non potest voluntas solis naturalibus viribus tendere efficaciter in obiectum supernaturale: sed hoc non satis est, ut actus sit intrinsece honestus, & rectus, nam & in illo obiecto, ut sic, potest esse aliqua ratio boni indifferentis, qualis est in fide ratio veri: Vnde sicut velle scire ex vi obiecti est indifferens actus, ita & velle credere: & in obiecto spei conuenientia, seu commoditas propria naturæ: etiam est quædam ratio de se indifferens, & sic de alijs. Confirmatur: nam hac ratione potest esse excessus in amore horum obiectorum, & in timore etiam serui: ergo signum est in ipsis obiectis esse indifferentiam: Tandem actus fidei, qui est in intellectu, licet supernaturalis sit, est indifferens, ut possit bene, & male fieri: cur ergo repugnabit esse in voluntate similis actus, & etiam indifferens.

IV. Dicendum tamen existimo nullum esse actum supernaturalem voluntatis in substantia, & specie sua, qui non sit actus studiosus, & honestus ex vi suæ speciei, & substantiæ, atque adeo ex vi obiecti sui. Hæc videtur mihi communis sententia Theologorum, qui ideo fortasse nunquam de hoc quæstionem mouerunt, quia illud tanquam certum supposuerunt: idque ex parte probant argumenta numero 1. facta de actibus malis, quia actus supernaturalis voluntatis habet Deum principalem, & specialem autorem medio suo auxilio supernaturali excitante, & adiunante: Deus autem non excitat hominem ad actus indifferentes, sed ad actus bonos, ut sic: vnde Concilia quæcumque agunt de actibus supernaturalibus, de eis loquuntur, ut de actibus bonis, & studiosis: item vrget illud argumentum quod nullus sit habitus per se infusus per se indifferens, sed omnes sunt virtutes, vel intellectuales si sint in intellectu: vel morales, vel appetitiuæ si sint in voluntate: neque enim fieri potest, ut habitus, qui essentialiter est virtus voluntatis, eliciat actum indifferentem, ut iam ostendi. Vnde vterius argumentor contraria inductione, nam de actibus charitatis iustitiæ, & aliarum virtutum moralium infusarum, nullus vnquam dubitauit, quin sint intrinsece honesti, de actu vero spei id expresse affirmavit D. Thomas 2. 2. quæst. 17. art. 1. ad primum. Probaturque ratione quam insinuat, quia spes habet tale obiectum, ut ex vi illius præcise sumpti possit habere bonitatem. Ergo potens est elicere actum studiosum ex vi sui obiecti: ergo actus eius semper talis est ex vi suæ speciei & obiecti, & quandoque non est talis, sed indifferens, reuera non est actus eius. Antecedens probatur, quia spes, & attingit Deum, ut maximum bonum hominis, & eidem innitur, ut supremo principio omnis boni, & quodlibet horum est per se se maxime decens, & consentaneum inclinationi naturæ, ut eleuat ad supernaturalem finem: ergo tale obiectum de se est sufficiens ad honestandum actum. Prima consequentia probatur, tum quia spes tendit in hoc obiectum sub ratione perfectæ: tum etiam quia ille actus tendens in hoc obiectum est possibilis homini per diuinam gratiā, & non spectat ad aliam virtutem, nisi ad virtutem spei: secunda vero consequentia probatur, quia vnus, & idem habitus non potest operari

Suarez in primam secundæ D. Thomæ.

circa idem obiectum materiale sub rationibus formalibus omnino diuersis, nam vnitas habitus, vel virtutis non sumitur ex materiali obiecto, sed ex formali, & hac ratione quamuis materiale temperantiæ acquiritur, & infusa sit vnus, tamen habitus sunt distincti, quia sub diuersis rationibus, & motiuis in illud tendunt, id est, sub diuersis rationibus bonitatis: ergo in præfati, si spes infusa & supernaturalis attingit obiectum suum sub ratione obiecti honesti, non potest eadē virtus attingere illud sub alia ratione boni de se indifferente: ergo si elicit actus circa tale obiectum intrinsece, & ex specie sua honestos, non potest elicere actus ex specie sua indifferentes: ergo nulli sunt tales actus supernaturales, alioquin oportet, et duas spes supernaturales distinguere aliam honestam, aliam indifferentem, ut illa sit virtus, non autem hæc, & consequenter, ut hæc maneat in peccatore, non autem illa: consequens autem est plate absurdum, & præter omnium sententiam. Atque idem argumentum fieri potest de supernaturali voluntate credendi: non est enim dubium, quin talis voluntas ex vi illius obiecti possit esse honesta, quia hoc ipso, quod est captiuare intellectum in obsequium veritatis primæ, & fidem adhibere Deo loquenti, est obiectum maxime consentaneum rationi, & honestissimum, secluso omni fine extrinseco, potest ergo illa voluntas supernaturalis ex obiecto esse honesta, & consequenter illi responderet habitus supernaturalis: indifferens ergo simpliciter nulla est, quia omnis voluntas supernaturalis credendi potest elici ab illo habitu, vel fingendi essent duo habitus supernaturales in illo ordine, quod est absurdum. Quarto addi potest ratio: quia ut actus sit supernaturalis, non satis est materiale obiectum esse supernaturale, sed oportet etiam rationem attingendi illud esse supernaturalem: hæc autem ratio semper est honesta in obiectis voluntatis: ergo etiam actus ipse supernaturalis ex vi talis obiecti est honestus. Maior constat, tum quia species, & substantia actus sumitur ex formali obiecto, ut sepe dictum est, tum etiam quia assensus intellectus licet sit de re supernaturali, si non sit sub ratione, & motiuo supernaturali, non est supernaturalis: tum denique, quia res supernaturalis potest interdum à mari sub ratione aliqua turpi, seu contraria rectæ rationi, & tunc actus non est supernaturalis ex vi obiecti materialis, alias actus intrinsece malus ex formali obiecto, esset supernaturalis quoad substantiam, quod esse falsum ostendimus. Minor autem probatur, quia ratio bonitatis supernaturalis sumitur per conformitatem ad supernaturalem finem, vel ad naturam rationalem, ut eleuatam per gratiam, & supernaturale dictamen rationis: sed hæc ratio bonitatis est per se maxime decens, & honesta: ergo hoc ipsum quod obiectum voluntatis est supernaturale appetibile, est etiam honestum. Confirmatur à simili: quia in intellectu non potest esse actus supernaturalis quoad substantiam, quin sit actus virtutis intellectualis, & infallibiliter verus ex vi sui obiecti formalis: ergo neque in voluntate potest esse actus supernaturalis in substantia, quin sit actus virtutis & bonus, & honestus ex vi sui obiecti formalis: probatur consequentia à paritate rationis.

Ad rationem dubitandi in principio positam negatur assumptum: aliud enim est actum supernaturalem voluntatis posse esse bonum vel malum ex obiecto, aliud vero ex fine extrinseco, & remoto. Primum est falsum etiam in actu spei, ut colligitur ex dictis, & ex D. Thom. citato loco 2. 2.

C c

qui

Item de actibus volendi credere.

4. Argum.

V. Satisfit rationibus in num. 5.



qui hac ratione dixit, quod sicut nullus male virtutis alius virtutibus, ut principio: ita etiam neque spe, sed tantum, ut obiecto. Secundum vero est probabile iuxta dicta precedenti disputatione, tamen etiam si id admittamus non inde sequitur actum esse ex obiecto indifferentem: nam iuxta illam opinionem dicendum est voluntatem posse ex intentione mali finis sibi met imperare actum ex obiecto bonum, & ita tunc actus non est indifferens, sed ex obiecto bonus, & malus ex fine: unde quoad hoc non est specialis ratio de pia affectione, seu actu spei: nam si in his actibus hoc admittitur, idem dicendum erit de actibus virtutum moralium, imo & de actu charitatis, saltem quantum ad malitiam venialem ex fine, quæ non repugnat substantiali obiecto charitatis, quod si hoc genus imperii, & talis coniunctio bonitatis ex obiecto cum malitia ex fine, non admittitur in aliis actibus honestis, non est etiam cur admittatur in actu supernaturali spei, & piæ affectionis, nam est eadem ratio, cum hic etiam actus sint ex obiecto honesti: unde quotiescumque aliquis ex humano motivo videtur exercere actum spei, vel fidei, vel reverentia non exercet actum supernaturalem, vel non elicitur, neque imperatur proprie ex illo motivo, sed solum voluntas complacet in illo actu tamquam in quodam materiali obiecto, quod refert ad extrinsecum finem humanum, vel primum, quod non est satis ad denominandum illum actum malum, ut supra dictum est, & ex hoc patet responsio ad reliqua.

### SECTIO III.

#### *Virum detur actus voluntatis indifferens in individuo.*

I. *Opinio affirm. prout ab Scoto questio præsens intelligitur.*

Sermo est de indifferentia in bonitate, & malitia non in merito gratiæ, aut gloriæ: nam hoc posterius pendet ex principiis de gratia, quæ hic non sunt disputanda. Prima opinio affirmat dari actum humanum in individuo indifferentem: ita Scotus in secundo distinctione. 41. Quia tamen videtur contradictio in dictis Scoti, aduertendum est in doctrina eius aliud esse actum voluntatis esse bonum ex obiecto, aliud vero esse bonum moraliter: Scotus ergo consequenter docet nullum actum esse in individuo, qui non sit bonus, vel malus ex obiecto, quia non potest esse in individuo, quin sit in aliqua specie: sed ille non admittit medium inter illas species: ergo nec potest admittere individuum, quod non sit sub alterutra illarum: addit tamen posse dari in individuo actum ex obiecto bonum, qui non habeat alias circumstantias requisitas ad bonitatem moralem, & hunc vocat actum indifferentem: huiusmodi autem actum significat esse posse duplicem. Unus est actus, qui antecedit habitum, quia, teste Aristotele 2. *Ethicorum* cap. 4. Ut actus sit bonus moraliter, necesse est quod fiat bono modo promptè, & delectabiliter, quod non habet nisi procedat ab habitu. Sed immerito Scotus vocat hunc actum indifferentem, cum sit eiusdem rationis intrinsecè cum posterioribus actibus, & habeat omnes circumstantias requisitas, & debitas, nam operari ex habitu licet sit conditio requisita ad melius esse, & ad perfectiorem modum operandi, de quo Aristoteles supra loquitur, non tamen est circumstantia debita ad bonitatem moralem, ut rectè D. Thomas q. 1. de malo art. 4. ad 17. & sumitur ex doctrina eiusdem 1. 2. q. 100. Vbi dicit modum virtutis non cadere sub præceptum:

Quis enim dicat primum contritionis, vel amoris actum esse indifferentem, & non moraliter bonum, quia non procedit ab habitu: Unde falsum est etiam quod ibi ad secundum Scotus concedit, huiusmodi actus non generare habitum simpliciter bonitatis, quia si ab his non generatur à nullis aliis generari potest. Alius ergo modus indifferentis actus est, quando non refertur in finem honestum, qui modus etiam est falsus, quando in ipso obiecto est honestas, ut ex supra dictis patet.

Quando autem in obiecto neque est honestas, neque malitia, nec refertur in finem bonum, hoc modo docuit hanc sententiam affirm. D. Bonavent. eadem d. art. 1. quest. 13. & ibi Gabriel art. 1. concl. 1. Oham in 1. quest. 1. dist. 1. Almay. tract. 1. moralium c. 14. Fundamentum est facile ex dictis, nam huiusmodi actus ex obiecto indifferens possibilis est: ponatur ergo in rerum natura in aliquo individuo, tunc non est necesse illi extrinsecus adiungi aliquam malitiam. Probatur, quia non ex obiecto, ut constat, non ex circumstantiis, tum quia sicut obiectum potest esse indifferens, ita circumstantiæ omnes, ut per se notum videtur, tum etiam, quia, ut sæpe dictum est, si circumstantiæ sint obiective illarum respectu actus inferioris transeunt in rationem obiecti: si vero sint ex parte ipsius actus, illæ non dant bonitatem, vel malitiam, nisi supposita bonitate vel malitia ex obiecto, & fine: non etiam ex fine, præmo, quia potest actus in nullum finem extrinsecum referri eo tempore, quo homo nihil tenetur operari propter talem finem: ergo tunc actus non erit malus ex fine, quia nec potest ut refertur in malum finem. Quod probatur, quia, absolute loquendo, homo interdum nihil tenetur prorsus operari: ergo etiam si velit operari circa tale obiectum indifferens non tenetur operari, propter alium finem extrinsecum honestum. Confirmatur, nam interrogo, quis sit iste finis, propter quem debet operari talem actum? aut enim est Deus ipse, & hoc non, nam etiam ipsa honesta opera non tenetur homo semper referre in Deum, ut supra dictum est: ergo multominus indifferentia: vel est alius particularis finis, & nullus talis assignari potest: addit Bonavent. Quod etiam si interdum occurrat hæc obligatio referendi talem actum in finem bonum, carentia illius relationis erit per se quoddam peccatum omissionis, non tamen reddet actum malum, sed relinquet indifferentem, quia i. le actus nullo modo imperatur ab illa omissione. Vtimo potest confirmari hæc sententia, nam homo potest aliquid deliberate operari propter indigentiam naturæ, vel eius commoditatem eo tempore, loco, & modo, quo nihil contra rationem faciat, neque contra aliquam legem prohibentem, sed hic actus ita factus non est malus, quia etiam ratio operandi est sufficiens, & aliunde nihil inordinatum, neque sufficiens aliqua ratione ostendi potest teneri hominem ad operandum semper ex aliqua alicui ratione: sed neque etiam est bonus ille actus, ut patet ex dictis in superioribus, quia non tendit in honestum, quatenus honestum est, & quia illa ratio operandi quantum est de se est indifferens ad mediocritatem, & excessum: ergo talis actus erit indifferens.

Secunda opinio præcipua est non dari actum humanum indifferentem in individuo. Hanc tenet D. Thomas 1. 2. quest. 18. artic. 9. & quest. 2. iuxta præde malo articulo 2. & in 1. dist. 1. quest. 3. ad 3. & in dictum sent. 2. dist. 40. artic. 5. & ibi Albert. artic. 4. Richard. sum. artic. 2. quest. 3. Durand. quest. 1. Capreol. quest. 1. incli-

II. *Opinio aliorum etiam affirm. in sensu proprio huius quest.*

III.

2. *Opinio de malo articulo 2. & in 1. dist. 1. quest. 3. ad 3. & in dictum sent. 2. dist. 40. artic. 5. & ibi Albert. artic. 4. Richard. sum. artic. 2. quest. 3. Durand. quest. 1. Capreol. quest. 1. incli-*



*inclinat, Aegypt. question. 2. artic. 3. Gregor. d. 41. quest. 1. artic. 1. Maior quest. 2. Fundamentum potissimum huius sententiae esse videtur, quia actus specie sua indifferens sita in individuo fiat absque alia bonitate adiuncta, hoc ipso est actus otiosus: actus autem otiosus malus est, ut colligitur ex Matth. 12. Omne verbum otiosum quod locuti fuerint homines, reddent rationem de eo in die iudicii: & quoniam hoc testimonium videtur esse potissimum huius materiae fundamentum, diligentius tractandum est.*

IV.  
Tractatur  
locus Matt.  
12. de verbo  
otioso 1. an  
sit malum.

Resolvitur  
esse malum.

Primum enim circa illud inquiri potest, an ex eo satis colligatur verbum otiosum, ut sic, esse malum, & ratio dubii esse potest, quia Christus Dominus neque id aperte dixit, neque esse dignum poenae, sed solum dixit homines de illo reddituros esse rationem in die iudicii: reddere autem rationem, non est puniri propter illud, sed solum est in iudicium deferri, & examinari quale sit, sicut alibi ait Paulus. *Obedite praepositis vestris, ipsi enim pertugilant, quasi rationem pro animabus vestris reddituri, ad Hebraeos 13. ubi rationem reddere non est puniri, sicut etiam Luca ibi dicitur, Redde rationem villicationis tuae: ergo licet sit reddenda ratio verbi otiosi, non sequitur iudicandum esse dignum poena, sed satis erit si iudicetur inutile, & indignum praemio. Nihilominus dicendum est verbum otiosum, absolute loquendo, esse malum, & dignum poena: hic est communis sensus totius Ecclesiae, & Sanctorum omnium, adeo ut nullus timoratus dubitet se accusare de verbis otiosis, omnesque existiment esse sufficientem, & indubitata materiam confessionis, & in hunc sensum accipiunt verba Christi expositores Matth. praesertim Hieronymus, & Hilarius cap. 12. Beda, & Anselmus, Chrysostomus homil. 43. quem sequuntur Euthymius, & Theophylactus, idem sumitur ex Hieronymo epist. 1. circa finem, & clarius supra ad Ephes. 4. in cap. quoties 22. q. 5. Irenaeus 4. contra haereses cap. 31. Confert illa verba Christi cum illis, *Qui viderit mulierem ad concupiscendum eam, &c.* Et dicit utraque esse dicta ad augendum timorem in lege gratiae. Idem significat Nazianzenus oratione prima, dicens, *optimum esse, qui Dei meum praeiudicium, ne verbum quidem otiosum emisit.* Vbi Elias Cretensis id latius docet: idem Ambrosius 1. officiorum capite 1. & 2. & super ad Ephes. 5. disertè explicat verbum otiosum esse puniendum. Vnde Isidorus in norma viuendi capite sexto, ex hoc loco probat verbum otiosum esse malum, & Tertullianus libro de patientia cap. 4. ex eodem loco colligit ex verbis otiosis manere in nobis aliquem reatum, & Caesarius homilia 30. rationem reddere exponit, id est, luere poenas. Vnde ita concludit, *si extra Ecclesiam occupari otiosis sermonibus malum est, quanto magis in Ecclesia.* Similia habet Petrus Damiani. sermon. 2. de vitio linguae: Basil. in brevioribus. quest. 23. & in regulis maioribus regula 25. capit. 2. & latius Gregor. 3. part. pastoralis admonitione 15. & 7. moralium capit. 18. alias 25. & homilia 6. in Euangelium circa finem. Bernard. sermone de triplici custodia, manus, linguae, & cordis: & quod ad Christi verba pertinet, ratio esse potest, quia illa verba dixit ad incutiendum hominibus timorem, & exaggerandam severitatem diuini iudicii: ergo sensus illorum verborum est, ita homines reddituros rationem otiosi verbi, ut si nullam aliam excusationem, vel rationabilem causam habeant, pro illo puniendi sunt, alioquin verba Christi nullum fere pondus, aut energiam haberent, neque aliquem metum inferrent, cum tamen illo singulari exemplo voluerit Christus ostendere, quam sint grauiter puniendi homines pro verbis prauioribus.*

Squarez in primam secundae D. Thomae.

Ut autem ex re ipsa ratio reddatur, secundo inquirendum est, quid nomine *verbi otiosi* intelligatur: nam Chrysostomus, quem alii Graeci imitantur, inter verba otiosa numerat *medacia*, calumnias, &c. Sed quamuis haec, & similia verba generali modo possint dici otiosa, quia habent inutilitatem verbi otiosi: tamen iuxta mentem Christi Domini *otiosum verbum* distinguitur ab omni alio, quod habet specialem malitiam iniustitiae, falsitatis, &c. & in genere peccatorum, quae in verbo consistunt habent minimam malitiam, nam si hic non est proprius sensus, neque aliquid determinatum per illa verba designaret, neque recte colligeret à fortiori, si verbum quod minimam, vel etiam iudicio humano nullam videtur habere malitiam, diuino iudicio puniendum est, multo magis verba blasphemiae. Vnde ceteri Patres, quod Chrysostomus non excludit, sed etiam admittit, per *verbum otiosum* intelligunt verbum inutile, quod nequaquam edificat audientes, & sine utilitate audientis, & dicentis dicitur, ait Hieronymus. seu quod ad propositum in Domino usum non facit, ait Basil. aut quod ratione iuste necessitatis, aut intentione pie utilitatis caret, ait Gregor. aut denique quod nullam rationabilem causam habet, ait Bernard. Qui rationem huius indicans subdit, *Nemo vestrum fratres pauci estimet tempus, quod in verbis consumitur otiosis.* Quali dicat, vel hoc titulo verbum otiosum esse malum, quia per illud inutiliter tempus consumitur, etenim si pecuniam conferre inutiliter, & sine causa rationabili malum est, & ad vitium prodigalitatis pertinet, quanto magis tempus inutiliter perdere, & verba quae tantum rectae rationi deseruire debent: denique ratio huius malitiae videtur, quia in huiusmodi verbis nullus est finis, nulla ratio loquendi digna homine, qui in omnibus recta ratione gubernari debet.

Resolvitur  
quid sit.

Tertio inquiri potest, an sit eadem ratio de operibus, quae de verbis otiosis, quidam enim antiqui Scholastici, ut D. Thom. & Bonauent. referunt, dixerunt verbum otiosum esse prauum non tamen opera, & assignabatur duplicem causam. Prima est, quia verbum ex se est instrumentum ad finem ordinatum, scilicet mentis manifestationem, & ideo hoc ipso quod caret fine, otiosum est, & prauum, opus vero non est necessarium propter finem, sed propter se. Secunda ratio, quia locutio est actio magis rationalis, quam aliae actiones externae, maxime enim proprie conuenit homini quatenus rationalis est, & ideo magis requirit finem rationi consentaneum, quam aliae actiones, quae quodammodo animales dici possunt, ut ambulare, &c. Sed haec sententia, ut idem Sancti docuerunt, improbabilis est, & contra omnem rationem, nam, ut recte dicit Hieronymus in Psalm. 16. *Si de verbis otiosis redditur ratio, quanto magis de operibus, qualia sunt vel inutilis usus temporis, vel consumptio, vel modus operandi indignus homine utente ratione.* Rationes autem differentiae adductae, sunt nullius momenti, nam in prima est æquiuocatio, verbum enim ordinatur ad aliud, ut signum ad signatum, quo usu non priuatur verbum, etiam si otiosum sit, nam etiam per illud explicat homo mentem suam, praesertim si in locutione sit veritas, ut supponimus: aliud vero est totam hanc locutionem, & mentis expressionem ordinari ad bonum, & honestum finem, quod non debetur locutioni, ut locutio est, sed ut actio humana est. Vnde quoad hoc est eadem ratio in qualibet alia humana actione, unde quaelibet alia actio, ut humana est, est rationalis,

VI.

An non sola  
verba, sed o-  
pera possint  
esse otiosa.

C c 2

& ideo



& ideo non minus requirit finem honestum, quam locutio, præsertim, quia magis rationalis est cogitatio ipsa, quam locutio: ergo si locutio otiosa mala est, etiam cogitatio otiosa mala erit: ergo & opus otiosum, quod oriri non potest nisi ex cogitatione.

VII. *Ratio pro sententia posita n. 3.* Ex his ergo concluditur ratio pro sententia D. Thomæ. Nam opus indifferens secundum speciem, si hoc modo, & secundum hanc rationem præcise sumatur in individuo, hoc ipso est otiosum: ergo est malum: ergo numquam potest dari actus indifferens in individuo. Probatur ultima consequentia, quia si manet cum sola indifferentia specifica, hoc ipso malum est, ut ostendimus: si autem additur aliquis finis, quo tollatur otiositas operis, iam erit opus bonum, & honestum.

VIII. *Obiectio contra proximam resolutionem.* Sed instabis contra hanc resolutionem, nam inter opus otiosum (& idem est de verbo) & honestum, videtur esse posse medium, nam ut opus non sit otiosum, satis est, quod in aliquam naturæ commoditatem ordinetur, id est, ad iuvandam naturæ infirmitatem, vel supplendam necessitatem: & tamen hoc non sufficit, ut opus sit honestum: ergo tale opus erit indifferens, quia neque est malum cum non sit otiosum, neque etiam est opus virtutis, cum non tendat in honestum ut sic. Vnde Aristoteles 3. *Ethicorum* cap. 8. distinguit varios modos fortitudinis, qui applicari possunt ad quamcumque virtutem, & dicit aggredi periculum propter appetitum honoris, aut propter timorem infamiae, aut alterius periculi, vel incommoditatis temporalis, aut ob iram excitatam ex vulnere accepto, aut ob spem conceptam superandi aliud, aut propter aliud simile motuum non esse virtutis actum, neque qui sic operantur, dicendos esse fortes, sed pugnaces, quia non ob honestatem agunt, nec ut ratio præcipit, sed ob ipsum affectum: & Augustinus 2. de *sermone Domini in monte capite trigesimo quarto*, & *trigesimo quinto*. dicit non satis esse ad rectitudinem actionis, quod fiat propter huius vitæ necessitatem subleuandam, & D. Bernardus *sermone trigesimo sexto, in Cantica*, agens de appetitu scientiæ, qui per se videtur maxime conueniens, habet illam celebrem sententiam *sunt qui scire volunt eo tantum fine ut sciāt, & turpis curiositas est: alii vero ut sciatur, & turpis vanitas est: alii ut pecunias, & honores obtineant, & turpis quæstus est, alii, ut edificent, & charitas est, alii, ut edificentur, & prudentia est.* D. Thomas etiam 2. 2. qu. 167. art. 1. dicit appetitum scientiæ creaturarum, non referendo illum ad debitum finem cognitionis Dei, non esse honestum, secutus Augustinum *lib. de vera religione c. 29*. ubi dicit hoc esse scire frustra, & inaniter, esseque vanum, & perituræ curiositatem. Confirmatur à posteriori, quia si hoc satis esset ad honestatem operis, etiam in specie nullum daretur opus indifferens, quia nullus actus est, qui nō sit propter aliquam naturæ commoditatem in specie sua. Dices aliquem esse posse propter solam delectationem. Sed contra: nā ipsamet delectatio est quædam naturæ commoditas, ideoque amatur, quia naturæ conueniens iudicatur: ergo operari propter delectationem seclusa omni alia malitia, & prohibitione, non est malum, quod est plane falsum, nam etiam actus coniugalís, qui per se honestus est, si propter solam delectationem fiat, est peccatum veniale ex sententia Augustini, & Theologorum omnium. Confirmatur, quia alias nullum esset verbum, nullumve opus otiosum, quia nullum est, quod non fiat saltem propter delectationem, vel aliquam naturæ commoditatem.

Ad hanc difficultatem quidē respondent operari propter naturæ commodum ut sic, non esse malum, neque indifferens, sed bonum, & ita non posse reperiri medium inter bonum, & malum in individuo, quod videtur posse sumi ex D. Thoma in 2. distinctione. 40. articulo. 5. & idem Vega 6. in *Tridentinum capit. 25*. ubi addit hoc opus esse bonum, non tamen laudabile: quod non est consequenter dictum, quia laudabilitas est passio consequens virtutem, ut dicitur 1. 2. *question. 25*. fieri ergo potest, ut tale opus minus laudabile sit, quam si ex altiori motivo fieret, tamen si absolute bonum est, & honestum, ea ratione laudabile esse necesse est. Tamen hæc sententia nisi limitetur, videtur repugnare prædictis Sāctorum testimonijs: addendum ergo est duobus modis posse hominem operari propter subleuandā necessitatem naturæ vel aliam corporis commoditatem, primo considerando solum humanā naturam, ut animalem, alio modo considerando illam etiam, ut rationalem, quod fit quando ad operandum propter commoditatem naturæ adhibet homo rationis regulā, & iudicat illā commoditatem sibi esse conuenientem etiam, ut ratione regulatam: prior ergo modus operandi non sufficit ad honestatem actionis, neque excusat hominem ab omni malitia, & negligentia, quia tenetur semper operari, ut homo, & consequenter regulam rationis adhibere: alioqui ex vi sui modi operandi non poterit tenere mediū in actionibus suis: si autem operetur secundo modo, id satis est ad honestatem actionis, atque ita fit, ut nullum sit medium in individuo inter actionem honestam, & pravam, seu otiosam, aut temere, & irrationabili modo factam: nullum ergo erit opus indifferens in individuo.

Inter has opiniones hæc posterior D. Thomæ est per se, ac simpliciter loquendo, probabilior dictisq; Sāctorum, & sacre Scripturæ conformior, ut satis constat ex his, quæ secundo loco adduximus: Vnde constat, si diuisio illa actus humani in bonum, & malum non intelligatur de bonitate, & malitia specifica, & ex obiecto, sed absolute de bono & malo ex quocumque capite, & quouis modo siue accidentali, siue essentiali, sic diuisionem esse adæquatam, nullumque reperiri actum humanum, qui non sub altero illorum membrorum comprehendatur, nam licet detur actus ex obiecto indifferens, ille semper ex alio capite, aut bonus, aut malus existit. Addendum vero est hoc intelligendum esse de actu humano, ut humanus est, & deliberatus, non quacumque ratione, sed sub ratione turpis, vel honesti, ita ut in potestate libertatis voluntatis sit de illo sub hac ratione deliberare: nam si fortasse dum homo operatur naturaliter non aduertat, neque consideret de sine honesto, nec de obligatione referendi suum actum in talem finem, excusari facile poterit ab ea malitia, quæ est in actu indifferente otiose facto, ut ex D. Thoma 1. 2. *question. 18. articulo nono*, & Caietano *ibidem* sumi potest, & tunc actus in ipsa erit carens bonitate & malitia, & ea ratione dici poterit indifferens: tamen ut sic, vere non est actus humano modo factus: supponimus enim talem inaduertentiam esse omnino inuoluntariam. Est etiam hoc per se intelligendum, nam per accidens, interueniente scilicet ignorantia, nihil vetat posse reperiri actum in individuo absque bonitate, & malitia, ut si quis iudicet contrariam opinionem esse probabilem, & iuxta illam formet dictamen practicum sibi non esse malum hīc, & nunc ita operari, actus carebit malitia ratione ignorantie, & aliunde non

IX. *Quorundā responsio ad propositam obiectionem.*

X. *Approbatum simpliciter n. 3. posita sententia.*



non habebit bonitatem, quia neque est in obiecto, neque in fine, neque operans illam intendit: tamen huiusmodi actus etiam reduci potest ad actum non humanum sub ea ratione, qua ab ignorantia procedit, & hoc modo exposita D. Thomæ sententia facilis est, & ad praxim etiam facile potest applicari; argumenta vero in contrarium numero 2. ex dictis facile possunt expediti.

## DISPUTATIO X.

### De bonitate, & malitia formali exteriorum actuum humanorum.

**A**ctus exteriores hîc dicuntur omnes, qui non sunt elicti à voluntate, sed solum imperati, vnde comprehenduntur etiam sub hoc articulo actus appetitus sensitui, & actus etiam intellectus, dummodo humani sint, saltem per denominationem actus voluntatis: nam alioqui non erunt capaces bonitatis, & malitiæ: actus autem quidam voluntatis, qui ab aliis actibus eiusdem voluntatis imperati sunt, quamuis sub ea ratione possint dici exteriores, vt supra disputatione 5. cum Caierano diximus: tamen in præfenti disputatione excluduntur, quia & tales actus simpliciter sunt interiores, & elicti, & quia de illis saltem multa dicta sunt: quamuis etiam ea, quæ dicemus, facile possint ad illos accommodari: non distinguimus autem in præfenti, tractatum de bonitate, & de malitia, neque singula capita, seu principia earum, quia suppositis iam dictis res est facillima, & breuissime expediti potest.

#### SECTIO I.

*Virum actus exterior sit bonus, vel malus solum per denominationem ab interiori, ideoque nullam ei addat bonitatem, vel malitiam.*

I.  
1. Opinio.

**O**mîssis sententiis supra disputatione 3. sectione 2. refutatis eorum, qui dicebant totam bonitatem, vel malitiam esse in actu exteriori, & ab illa interiorem denominari: est alia opinio Scoti quodlibeto 18. articulo tertio, qui licet concedat formaliter bonitatem primario esse in actu interiori, addit tamen aliqua ex parte etiam esse in exteriori, qui per se consideratus aliquid addit bonitatis, & malitiæ ipsi interiori, quod videtur prius tenuisse Alenf. 4. part. question. 77. membr. 3. articulo 5. & vterque citat Augustin. 3. de Trinitate capit. 5. dicentem, Mala voluntate quisque miser efficitur, sed miserius potestate, qua desiderium mala voluntatis impletur: non enim aliquis potest dici inferior propter maiorem pœnam, quia hæc non est maior, nisi sit maior culpa: ille igitur, qui exequitur voluntatem prauam, miserius dicitur, quia magis peccat, & tamen illa executio tantum addit exteriori actum interiori voluntati: est ergo in illo noua, & specialis malitia. Ratio autem Scoti est, quia in ipso actu exteriori per se sumpto sunt propria principia bonitatis, & malitiæ, id est, proprium obiectum propriæque circumstantiæ, quæ ratione sui requirunt secundum

Suarez in primam secundæ D. Thom.

rectam rationem. Vnde ex se habet conformitatem, & diffinitatem propriam cum ratione recta, & per se præcipitur, vel prohibetur: est ergo per se capax propriæ bonitatis, & malitiæ. Probatur consequentia; quia vbi sunt sufficientia principia, est etiam proprius effectus, præsertim cum nihil sit, quod impedire possit. Nam si quid obstaret, maxime esset quod actus exterior penderet ab interiori, & non est liber nisi per illum: sed hoc nihil ob stare videtur, quia illa dependentia actus exterioris ab interiori est à principio efficiente, seu applicante; quamuis autem vnus actus ab alio manet, potest habere in se formaliter proprietates sibi ex principis suis extrinsecis conuenientes, sicut etiam electio manat ab intentione, & ab illa habet totam libertatem suam, præsertim quando medium est vnicum, & nihilominus est capax suæ bonitatis, & malitiæ: imo ipsemet actus interior est liber per denominationem à potentia, à qua effectiue manat, vt supra dictum est, & hoc non obstat quominus ex propriis principis habeat bonitatem, vel malitiam formalem.

Secunda sententia esse potest, in actu quidem exteriori esse intrinsece bonitatem, & malitiā, nō tamen distinctam à bonitate, & malitia actus interioris, sed in vtroque esse vnā, & eandem, quia licet actus interior, & exterior physice distinctio sint, tamen componunt vnum, quod est adæquatum subiectum illius bonitatis: in formis autem accidentalibus non repugnat eādem formam esse in diuersis subiectis partialibus componentibus vnum, sicut est in figura domus, & forma numeri, quæ opinio tribuitur Bonauenturæ loco infra citando.

Tertia opinio distinguit inter bonitatem, & malitiam, ita vt bonitas sit tantum in actu interiori, in exteriori vero tantum per denominationem extrinsecam: malitia autem sit intrinsece, & formaliter etiam in actu exteriori: & ratio differentiarum reddi potest ex alia supra posita inter actum bonum, & malum, nam vt actus sit formaliter bonus, debet tendere in obiectum honestum: quia honestum est, quod non potest conuenire actui exteriori: vt autem sit malus, nō oportet vt tendat in obiectum turpe, quatenus tale est, sed satis est, quod versetur circa obiectum, vel materiam rationi contrariam, quod potest conuenire actui exteriori secundum se, & prout distinguitur ab interiori, & ideo est capax propriæ malitiæ, licet non propriæ bonitatis, quod potest confirmari illo argumento à posteriori, quia alias non oporteret exteriorem actum, confirmari, si non habet distinctam malitiam, & culpam præter interiorem.

Quarta opinio aliter distinguit ex parte actuum exteriorum, nam in his, quæ sunt omnino externi, vt in actionibus potentia executiæ, dicunt nullam esse intrinsece bonitatem, vel malitiam propter ea, quæ statim dicemus, in actibus vero aliquo modo internis, quamuis à voluntate imperatis non elictis, vt sunt actus intellectus, vel appetitus sensitui, dicunt esse proprie intrinsecam malitiam formalem: ita Medin. 1. 2. quest. 20. art. 3. quia peccato hæresis, prout est in intellectu, est propria malitia, similiter in delectatione morosa prout est in appetitu sensituo: & potest confirmari, quia etiam si voluntas nullum actum potitiuum eliciat, delectatio morosa cognita, præiusta, ac permixta est mala, & non per denominationem ac actu voluntatis, quia nullus est; ergo quia in se formaliter habet propriam malitiam.

Dicendum primo formalem bonitatem actio-

II.  
2. Opinio.

III.  
3. Opinio.

IV.  
4. Opinio.

V.  
1. Assertio.



nishumanæ solum esse intrinsece in interiori actu voluntatis, in exterioribus vero solum esse per denominationem tantum extrinsecam: hæc est sententia D. Thom. 1. 2. *quest.* 20. præsertim *art.* 3. & 3. *contra Gentes cap.* 9. de malo *art.* 3. & communis in 2. *distinct.* 42. vbi Durand. *quest.* 1. Gabr. *art.* 1. *notabili* 2. & *art.* 2. *conclus.* 1. Richard. *art.* 1. q. ... Bonauent. *artic.* 1. *quest.* 1. nam licet dicat actum humanum ex interiori, & exteriori compositum, esse vnum subiectum adæquatum bonitatis, tamen loquitur de subiecto denominationis, non inhesionis, nam intrinsece plane sentit illam bonitatem esse in solo actu interiori, imo Scotus ibi ad secundam, & quartam questionem eandem sententiam significat, dicens bonitatem esse formaliter in voluntate, materialiter vero in actu exteriori: idem late Almaynus *tractatu* 3. *moralium cap.* 18. Oham in 3. q. 10. *dub.* 3. & *quodlibet.* 1. *quest.* 20. & *quodlib.* 5. *quest.* 14.

VI. Fundamentum præcipuum est illud supra insinuat, quod ille actus humanus est formaliter bonus, & ratione sui, qui formaliter tendit in obiectum honestum, quatenus honestum est, nā hoc est quod bonum facit operantem, & à quo pendet tota virtus, & rectitudo eius: sed hoc conuenit actui voluntatis tantum, & non actionibus externis: ergo. Vnde confirmatur, quia ipsimet actus voluntatis, si nō tendant in obiectum honestum vt sic, non sunt formaliter boni, sed ad summum indifferentes: quod si imperentur ab alio actu bono, efficiuntur boni ab alio actu imperante, per denominationem extrinsecam, vt supra dictum est: ergo multo magis idem accidit in actibus omnino externis. Vnde confirmatur secundo, nam quantumuis actus exterior ex se bonus, & conformis videatur rationi, si tamen à malo interno actu, seu praua intentione & electione imperetur, non est bonus, quatenus actus humanus est: ergo signum est in ratione actus humani solum esse bonum per denominationem ab interiori actu: simile arguendum est, quia actus exterior præcise, & per se sumptus nō addit homini formalem bonitatem moralem, nec reddit illum magis studiosum: si enim intelligamus aliquem existimantem se posse exequi exteriorem actum virtutis, habere efficacem voluntatem exercendi talem actum cum rectus est, & studiosus, siue possit reuera exequi, siue non possit, quia virtus non pendet ex facultate, quæ nobis inuitis deesse potest, sed ex voluntate, supposito quod voluntas æqualis sit, quod amplius constabit ex sequenti assertionem, quæ ex hac sequitur

VII.  
2. Assertio.

Dicendum secundo. Idem est de morali malitia formalis & propria, quæ hominem malum, & peccantem constituit, totam scilicet esse intrinsece in voluntate, in exterioribus autem actibus per denominationem solum à voluntate: ita prædicti autores, qui expressius de malitia, quam de bonitate loquuntur, & rationes fere sunt eadem. Prima, quia licet actus malus non tendat in malum sub ratione mali, tamen debet esse aliquo modo capax bonitatis saltem secundum communem rationem talis actus, malitia ergo formalis tantum esse potest in eo genere actus, quod est capax bonitatis formalis: huiusmodi autem est actus interior, non exterior, vt dictum est. Maior patet, tum quia bonitas & malitia formalis, quæ opposita sunt, debent versari aliquo modo circa idem: ergo circa eandem voluntatem, seu circa actum eius, tum etiam quia malitia habet rationem priuationis saltem respectu subiecti: ergo in illo actu est proprie, in quo subiectum, seu voluntas deberet

ponere bonitatem: sed voluntas non debet bonitatem formalem, nisi suo interiori actui: ergo in actu interiori habet rationem priuationis, & malitiæ carentia bonitatis debet. Secunda ratio est, quia actus exterior idem omnino manens est n alius, vel non malus per mutationem solam interioris actus, & similiter augetur, & minuitur in bonitate, & malitia, quatenus procedit à voluntate magis, vel minus mala; idem enim in foris externum factum ex maiori, seu interiori affectu voluntatis, est maius peccatum: ac denique æqualis voluntas æquale peccatum est, siue exterior actus accedat, siue non: ergo, &c. Tercio est communis ratio, quia actus exterior solum est humanus per denominationem extrinsecam ab actu interiori: ergo similiter solum habet differentias, seu proprietates actus humani, quæ sunt formalis bonitas, & malitia, per denominationem ab actu interiori. Neque obstat solutio supra num. 1. insinuat de libertate, seu de prudentia effectiua vnius actus ab alio, nam in actu humano, vt sic, & est ratio voluntarij, & ratio liberi & quamuis ratio liberi consummetur per denominationem aliquam extrinsecam, etiam in actu interiori, & ideo libertas vt sic possit dici tantum conditio quædā, vt bonitas, vel malitia attribuat moraliter operanti: tamen ratio voluntarij intrinsece conuenit propriis, & per se actibus humanis, & ideo non est conditio tantum, sed ratio intrinsece requisita ad propriam, vel formalem bonitatem, & malitiam: propter quod dixit August. *Peccatum in tantum esse peccatum, in quantum est voluntarium*: actus ergo exterior, qui non est intrinsece voluntarius, sed tantum per denominationem extrinsecam, solum eodem modo potest esse bonus, vel malus.

Ex hac resolutione sequitur primo in actu exteriori, & interiori vnica tantum esse bonitatem, & malitiam suo modo indiuisibilem, quæ propterea esse non potest intrinsece, & quasi in hoc, siue in vtroque actu, sicut opinio secunda in num. 2. asserbat, neque est simile quod de aliis accidentibus adducit, nunquam enim vnum accidens potest esse in multis subiectis, nisi sit aliquo modo extensum, & partialiter sit in singulis, vt patet in numero, & figura, cuius signum est, quia ablata aliqua parte subiecti vel omnino tollitur, vel minuitur tale accidens: non est autem ita præsentem, quia ablato actu exteriori, tota bonitas manere intelligitur in interiori: est ergo tantum in illo intrinsece, extrinsece vero in exteriori, & per denominationem quandam.

Secundo sequitur recte à Theologis dici actum interiorem, & exteriorem in genere moris non esse plures, sed vnum actum, licet Scot. dicto *quodlibeto* interiorem actum, & exteriorem vocet duo peccata, quomodo etiam loquuntur Gabriel, & Ohamus supra, & Gregorius in 2. *dist.* 42. etiam tenendo totam bonitatem, & malitiam esse in interiori actu, quia ad illam pluralitatem existimans sufficere subiectorum distinctionem, quamuis forma denominans sit, eadem sicut animal, medicina, &c. dicuntur plura sana, licet ab eadem sanitate denominentur, tamen priori modo loquitur D. Thom. supra citatus in 1. 2. & in 2. *dist.* 42. *quest.* 1. & ibi Bonauent. Richard. *locis citatis*, Egidius *question.* 1. *articul.* 1. Capreolus *quest.* 2. *art.* 3. Ratio autem est, quia licet actus interior, & exterior physice sint distincti a, tamen exterior comparatur ad exteriorem sicut materiale ad formale, & in genere moris censentur habere vnum esse, quia habent vnu voluntarium, vnam libertatem, vnam bonita-

Satisfit cui-  
dam solu-  
tioni allata  
in num. 1.

VIII.  
1. Corollar.

IX.  
2. Corollar.



bonitatem, vel malitiam: unde ita sunt subordinati, ut vnum componant, neque exterior habet rationem actus humani, nisi ut substat interiori, Expediturque obiter difficultas in fine numeri tertij. tacta de confessione actus exterioris. Respondetur enim esse confitendum, quia licet in se non habeat propriam malitiam distinctam ab interiori, tamen reuera est actus peccati vnus cum interiori, & ideo cum illo per modum vnus in confessione declaramus, præsertim quia quando actus interior prodit in exteriorem, moraliter loquendo, non potest eius malitia tota declarari, nisi declarato toto actu morali, prout in re fit. Addo etiam interdum oportere exponere exteriorem effectum, quamuis iam non sit actus humanus, ut possit confessor intelligere obligationem, quæ inde pœnitenti resultat, vel censuram, quam contrahit, vel medicinam, qua indiget. Hic vero occurrebat statim disputatio. Si actus exterior, & interior sunt vnum moraliter, quando multiplicetur secundum numerum: sed hæc questio si physicè sumatur est impertinens, & vno verbo expediri potest, scilicet tunc multiplicari, quando actus exteriores multiplicantur, & singuli habent propriam bonitatem, vel malitiam: si autem intelligatur moraliter, solum habet locum in ordine ad confessionem, & ideo ad illam materiam spectat, ubi fusè eam tractaui.

X. Obiici potest contra dictam secundam illationem, quia actus interior, & exterior diuersis præceptis prohibentur, scilicet 6. & 9. 7. & 10. ergo sunt actus diuersi etiam moraliter. Respondetur nullo illorum præceptorum prohiberi solum actum exteriorem, sed in altero prohibetur actus exterior, ut humanus ab interiori procedens. Vnde simul prohibetur interior illi coniunctus, quia non potest exterior esse malus separatus ab interiori: in alio vero prohibetur solum actus interior, quia potest esse malus separatus ab exteriori, & reuera per alterum illorum præceptorum erat virtute prohibitum: quidquid per alterum prohibetur, oportet tamen illa distinguere propter ignorantiam hominum, qui putabant interiorem voluntatem non esse prohibitam, si non exit in actum exteriorem.

XI. Tertia infertur doctrinam hanc de actibus eternis eodem modo procedere in actibus intellectus, & appetitus sensitui, quo in aliis, ut probant rationes factæ: quia actus intellectus non habet proprium voluntarium, aut liberum: actus autem appetitus licet aliquo modo voluntarius sit, est tamen imperfectus: & non potest tendere in honestum, ut sic. Vnde si in intellectu, vel appetitu aliquis actus reperitur sine consensu voluntatis propter ignorantiam, vel inculpabilem inaduertentiam, nulla est malitia. Vnde ad illud argumentum de hæresi in n. 4. respondetur prout est in intellectu ex se esse malam obiectiue, tamè formaliter, & in ratione actus humani non esse malam, nisi prout subest voluntati, & idem dicendum de delectatione morosa, & ita responsum est ad quartam opinionem. Ad argumentum ibi factum in eodem numero 4. Quando huiusmodi motus mali sunt ex sola carentia voluntatis actus, respondet Almaynus supra tunc esse in voluntate, malitiâ omissionis, & ab ea denominari actum exteriorem malum, sæpe enim hoc contingit: vel etiam dici potest, quamuis ibi non sit formalis actus, esse interpretatiuum, & indirectum, nam tunc homo virtute vult delectari, vel errare, aut quid simile, & hoc satis est etiam ad malitiam commissionis in tali actu exteriori.

Quartò colligitur ex dictis, quomodo actus exterior sit malus vel in specie sua, vel ex fine, vel ex circumstantiis: omissa enim malitia obiectiua, de qua supra, hæc omnia explicata sunt: dicendum est hæc omnia non afficere exteriorem actum, nisi mediante interiori, habet ergo actus exterior proximè speciem malitiæ ab interiori tanquam à forma: unde in ea specie virtutis, vel vitij constituitur, in qua est actus virtutis interior à quo procedit, quod rectè significauit D. Thomas 3. contra Gentes capite de ino. Quod si dicas omnem actum humanum sumere speciem ex obiecto. Respondetur hoc esse verum seruata proportionem, nam actus interior sumit immediatè, exterior vero mediante interiori, atque idem dicendum de bonitate, vel malitia ex circumstantiis, quod de vna in particulari tractauit D. Thomas citato loco 1. 2. articulo quinto, scilicet de effectu secuto ex actu, nam in tantum auget hanc malitiam actus exterioris, in quantum auget malitiam interioris, per quem est voluntarius, & idem est de cæteris circumstantiis, ac denique de fine, ut D. Thomas sæpe inculcat in illis quatuor articulis primis, docens malitiam, vel bonitatem ex fine nullo modo conuenire actui exteriori ex se, sed tantum per relationem interioris.

Ultimo constat, qualis sit diuisio actus exterioris in bonum, & malum: nam, ut ex dictis sumi potest, & omnes ferè docent, est diuisio subiecti in accidentia loquendo physicè, & realiter. Vnde fit, ut idem actus exterior possit successiue esse bonus, vel malus variato interiori, ut D. Thomas supra docuit in art. 6. Vnde quod attinet ad sufficientiam, idem iudicium est de actu exteriori, quod de interiori: nam in individuo si actus exterior sit humanus, non potest non procedere à voluntate aut bona, aut mala, & consequenter esse, aut bonus, aut malus: secus autem erit si contingat fieri modo non humano, ut D. Thomas docuit 1. 2. questione 18. articulo nono ad 3. Quod intelligendum est dummodo neque directè, neque indirectè humanus sit, ut facile constat ex dictis, & ideo non sunt necessaria: quæ Caietanus, & Capreolus cum Durando disputant in 2. d. 40.

Interrogari vero solet, utrum idè actus simul possit procedere à voluntate bona, & mala, & consequenter esse bonus simul, & malus, nam Almaynus tractatu 1. cap. 2. affirmat: Vega tamen lib. 11. in Trident. cap. 25. omnino negat, referens plures Scholasticos. Dicendum tamen fortasse non posse eundem actum exteriorem totaliter procedere simul à duobus actibus interioribus, ut à causis totalibus in suo genere, quia generaliter loquendo, non dantur duæ causæ totales eiusdem effectus, eiusdem ordinis, & rationis: unde si voluntas simul versatur circa eundem exteriorem actum per duos interiores, aut alter tantum est propriè imperans, & mouens, à quo denominabitur actus exterior bonus, vel malus: alter verò solum erit per modum cuiusdam complacentiæ, & relationis extrinsecæ respicientis actum externum solum per modum obiecti, & ideo non denominabit illum nec bonum, nec malum, iuxta supradicta in simili. Aut certè, si vterque actus interior concurrat per modum imperantis, concurrent partialiter, & consequenter denominabitur actus simpliciter malus, quia non habet integram causam bonam, ac denique idem dicendum est quomodocumque actus interior malus concurrat ad exteriorem, eumque informet, ac denominet, nam hoc ipsum facit, ut non sit simpliciter bonus.

XII.

4. Coroll.

XIII.

5. Corollat.

XIV.

Questiuncula suboritur



## S E C T I O II.

*Quid conferant actus exteriori ad bonos, vel malos mores hominum.*

I.  
Ratio dubi-  
tandi.

Duo puncta  
tractanda.

**R**atio dubij est orta ex præcedenti quæstione, diximus enim eos in se nihil habere bonitatis vel malitiæ: unde videntur nihil referre ad bonitatem, vel malitiam morum, atque ita fertur dixisse Abaylardus, & hunc aliqui numerant inter errores eius, quanquam nec Bernardus epistola 183. & sequentibus, in quibus refert, & improbat huius hæretici doctrinam, nec Prateolus, & alij moderni huius erroris meminerunt: possumus ergo loqui primo de substantia morum, seu bonitatis, & malitiæ eorum, secundo de effectibus actionum moralium, ut sic.

## P V N C T U M P R I M U M.

*In hac sect.*

II.  
Opinio quo-  
rundam.

1. Pronun-  
tium.

Circa primum punctum Scotus, & alij afferunt consequenter actus externos per se conferre ad augmentum honestatis, aut malitiæ, quia actus exterior secum affert propriam bonitatem, vel malitiam, quia plus peccat qui re ipsa occidit centum homines, quam qui vult occidere, &c. Dicendum est primum actum exteriorem per se non ferre ad augmentum bonitatis, vel malitiæ, si cætera sint paria in actu interiori: ita D. Thomas 1.2. quæst. 20. art. 4. & cæteri Theologi in 2. d. 42. vbi late Capreol. & Bonavent. artic. 1. q. 2. & Durand. quæstione prima, Gabriel articulo secundo, Gregorius quæstione ultima: Ægydius quæstione prima articulo primo, & dist. 40. quæstione prima, articulo secundo, Richard. ibi art. 1. quæst. 4. & d. 42. quæst. 2. Almaynus tract. 3. moralium cap. 18. & sumitur ex Augustin. epistola 49. quæst. 4. & 1. de libero arbitrio cap. 3. Chrysost. hom. 19. in Matth. Hugo de Sancto Victore 2. de Sacramentis p. 14. cap. 6. & patet ex sect. præcedenti, quia actus exterior non habet bonitatem distinctam ab interiori, & necessario sequitur ex illo si est in nostra facultate: si autem non est in nostra facultate, non minuit bonitatem voluntatis, quia, ut Paulus ait 2. ad Corinth. 8. Si voluntas prompta est, secundum id quod habet, accepta est, non secundum id quod non habet. Unde, Qui multum non abundabit, & qui modicum, non minorabit. Vbi Glossa, & expostores ita intelligunt, & ita etiam à multis exponitur locus ille de vidua paupere offerente duo minuta Marc. cap. 12. & ita etiam rectè explicatur: nam si quis putans se posse dare elemosynam, absolute vellet facere, postea vero in re non sequatur actio Deo non concurrente, vel alio simili modo, in nullo minuitur virtus, vel bonitas hominis sic operantis, quæ nobis inuitis minui non potest: ergo signum est actionem externam per se non augere.

III.  
2. Pronunt.

Secundo dicendum est, actionem externam interdu esse necessariam ad bonitatem voluntatis, vel ad talem bonitatem, hoc intēdit etiam D. Thomas illo art. 4. nam quando est in potestate hominis exequi actionem externam, non potest habere interiorem voluntatem perfectam, nisi anteriorem actionem exequatur, quia actus exterior est terminus, & finis interioris & quia voluntas absolute perfecta est quæ operatur cum potest, unde tunc non requiritur actus exterior, ut complens bonitatem interioris actus, sed tamen necessario consequens, seu tanquam materia, quam debet informare interior actus. Di-

ces, ergo qui non habet facultatem operandi, nunquam poterit habere talem bonitatem in actu voluntatis, qualē habet, qui potest & actu operatur. Probat sequela, quia ille nunquam potest habere voluntatem perfectam, quæ significatur hac voce volo, sed imperfectam vellem. Respondetur primò, etiam si hoc concedatur, non sequitur anteriorem actum addere bonitatem, sed cum exteriori actu esse maiorem bonitatem, quia est melior voluntas. Secundò dicitur eum, qui re ipsa non habet difficultatem operandi, si putet se habere, posse habere perfectum volo, sine actione externa. Denique quamvis, qui nec habet, nec putat se habere facultatem operandi, non possit habere hunc actum, volo facere absolute, sed solum hunc, volo quantum est ex me. hoc, per se, & moraliter loquendo, non minuit bonitatem voluntatis, quia ille actus re vera explicat determinatum affectum appetentis, & potest esse ex toto conatu, solumque includit conditionem saltem virtualem, ex parte obiecti, quæ non minuit rationem virtutis. quo sensu dici solet voluntatem pro facto reputari.

Tertio dicendum per accidens anteriorem actum posse augere bonitatem, vel malitiam simpliciter. Ita D. Thomas supra citatus, & patet facile, nam primo propter anteriorem actum sæpe homo magis durat & perseverat in interiori, imò etiam sæpe multiplicat interiores actus, & hoc modo moraliter peius est occidere, quam velle occidere. Secundo quia ipsa exterior actio, & accendit affectum, & ita facit ad actum anteriorem, quomodo vocalis actio conferre solet ad anteriorem deuotionē. Tertio sunt vitales actiones externæ ad moderandas passionēs, & habitandum corpus, ut facilius iustitiæ deseruiat, atque his modis rectè intelligitur verbum illud supra sectione prima. num. 1. ex Augustino citatum, quod homo sit miser voluntate, sed inferior potestate, nam moraliter loquendo, peiores sunt qui possunt facile exequi prauas voluntates suas, quia ipsamet actio est quoddam malum hominis, & secum etiam affert aliqua mala pœnæ, & miseriam, nec tantum dicit malum culpæ, sed etiam malum pœnæ, & ex his facilis est responsio ad omnia argumenta in contrarium, quæ late tractat Capreolus.

## P V N C T U M II.

Circa secundum punctum aliqui sunt effectus actionum moralium, ad quos conferre potest bonitas, & proportionaliter malitia. Primus est effectus præmij, qui respondet merito operantis, & de hoc dicendum est loquendo de essentiali præmio ad illud non magis conferre actum anteriorem, quam ad bonitatem, quia hoc præmiū per se respondet virtuti, & morali valori eius. Item quia actus exterior non habet distinctam virtutem ab interiori, & ideo non habet diuersam imputabilitatem, aut laudem. Dices dignitas personæ augeat meritum, & affectum eius, etiam si non sit speciali modo libera, aut voluntaria. Respondetur non esse simile, quia illa comparatur ad actum, ut principium, & circumstantia eius, & ideo moraliter significat illum: at vero actus exterior, ut in exercitio positus, solum est quid consequens ad anteriorem actum, & ideo nullam specialem dignitatem addit, præter illam, quam confert per modum obiecti.

Locutus sum autem de essentiali præmio, & merito, quia quoad præmium aliquod accidentale conferre aliquid possunt exteriores actus. Secundo addendum est etiam esse actus exter-

IV.  
3. Pronunt.

V.  
1. Pronun-  
tium o-  
benditur.

VI.  
Limitatur  
pronuntia-  
tum.

nos



nos bonos, per se utiles ad effectum satisfactoris pro pena temporalis debita pro peccato, ut suo loco latius tractatur, quia satisfactio non tantum sumitur ex bonitate, sed maxime ex poenaltate actus: actus autem exterior per se affert propriam poenam, & dolorem. Denique addendum est exteriores actus esse necessarios ad aliquos affectus gratiae, qui vel ex opere operato, vel ex speciali privilegio conferuntur: ut sunt effectus sacramentorum, & effectus martyrij, & si qui alij sunt similes, quia cum hi effectus non pendeant ex sola mente operantis promissi sunt exercenti tale opus non solum in affectu, sed etiam in effectu: & eodem modo est contrarius actus mali externi, vel etiam effectus eorum sunt necessarii ad incurrendas aliquas poenas, vel censuras, quae per solum interiore actum non incurruntur, ut constat de haeretico mentali, qui non est excommunicatus, donec aliquo modo haeresim exterius prodatur, & sic de alijs.

## DISPUTATIO XI.

De prima, seu remota regula bonitatis, seu malitiae humanorum actuum, quae est voluntas Dei, seu lex aeterna.

Alia humanorum actuum causa alio remittitur tractanda.



Actenus dixi de essentia, proprietatibus, & effectibus, ac intrinsecis causis bonorum actuum, & malorum, quanquam de quibusdam causis, quales sunt habitus, concursus diuinus, vel diuina gratia, dici non potuit, quia habent propria loca in 1. 2. partim q. 9. & 10. partim in materia de habitibus, virtutibus, peccatis, & gratia; solum ergo supersunt explicandae duae regulae, seu mensurae humanorum actuum, de quibus hoc loco D. Thomas differuit, una est recta ratio, seu conscientia, de qua dicendum disput. sequenti; altera est diuina voluntas, seu lex aeterna, de qua in praesenti. Ut vero ad vnum caput totam disputationem remotemus, aduertendum est quod supra significavi, legem aeternam posse considerari, aut in ratione diuina, ut antecedit diuinam voluntatem, aut in ipsa diuina voluntate. Priori modo dicitur lex indicans, id quod ex natura sua bonum, vel malum est: posteriori modo est proprie lex imperans, de qua quamuis sit quaestio, an sit in intellectu, vel voluntate, certum est tamen vim, & efficaciam eius ex voluntate oriri: lex autem aeterna priori modo sumpta quod attinet ad nos eiusdem rationis est cum recta ratione nostra, per quam nobis applicatur, cuius ipsa est exemplar; nostra vero naturalis ratio nihil aliud est, quam participatio quaedam illius legis aeternae, & ideo quae supra diximus de conuenientia, seu recta ratione nostra, coincident cum his, quae dici possunt de lege aeterna sub hac ratione sumpta, posteriori autem modo lex aeterna sub diuina voluntate comprehenditur, & ita tota haec disputatio reducitur ad conformitatem cum diuina voluntate.

\* \*

## SECTIO I.

Quibus modis possit humana voluntas esse conformis, vel difformis diuinæ.

Ratio dubij esse potest, quia voluntati diuinæ nemo resistere potest, neque aliquid aliud agere, aut velle, nisi quod Deus vult, quia necesse est, ut Deus concurret: concurret autem volendo; semper ergo voluntas humana necessario est conformis diuinæ. In contrarium est, quia saepe dicitur homo agere contra diuinam voluntatem.

Primo supponenda est distinctio voluntatis diuinæ in absolutam, seu efficacem & simplicem seu conditionatam, quæ alijs vocibus dici interdum solent voluntas antecedens: & consequens; tamen has voces nunc omitto, quia sunt magis æquiuocæ, & diuersis modis à Theologis exponuntur, ut constat ex Damasc. lib. 2. cap. 29. & D. Thoma 1. part. quest. 19. Voluntas ergo Dei absoluta, & efficax dicitur, quando Deus simpliciter vult aliquid facere; aut nulla limitatione; vel conditione subintellecta formaliter, seu virtute: siue talis voluntas procedat ex vero Dei beneplacito, siue ex præscientia alterius rei, quamuis prior voluntas vocetur à Damasc. antecedens, & posterior, consequens, & utraque potest dici voluntas beneplaciti. Affectus autem simplex, seu conditionata voluntas, est qua Deus non vult aliquid absolute esse, aut fieri, sed vel tantum complacet in obiecto secundum se propositum, vel solum vult illud esse cum limitatione aliqua, vel conditione subintellecta ex parte obiecti, quæ ratione vult omnes homines saluos fieri: quæ distinctio est aperta in nostra voluntate, & per eam potest facile explicari in diuina, quamuis de posteriori actu soleat esse quaestio, an sit in Deo formaliter, vel tantum in virtute, & in alio quod ad ad præsens nihil refert.

I. Voluntas diuina alia absoluta & efficax.

Alia simplex, seu conditionata.

Secundo est considerandum duobus modis posse diuinam voluntatem ad humanam comparari, primo ex parte obiecti, possunt enim diuina, & humana voluntas intelligi, ut volentes vnum, & idem obiectum, vel materiale tantum, ut si velint eandem rem sub diuersis rationibus, vel etiam formaliter, ut si velint eandem rem sub eadem ratione iustitiæ, v.g. quæ tendentia in idem obiectum potest intelligi, etiam si neutra voluntas aliquid de altera velit, vel disponat: quomodo etiam duæ voluntates creatæ conuenire interdum possunt in eadem re volenda.

II. Considerari possunt diuina & humana voluntates in idem obiectum non considerando vnam cum habitudine ad alteram.

Secundo igitur modo potest diuina voluntas versari circa humanam ex parte ipsiusmet voluntatis humanæ, quomodo dici potest diuina voluntas disponens, aut prouidens de actibus voluntatis humanæ, ut quando Deus vult, vel disponit me aliquid velle, & hæc autem habitudo posterior potest esse multiplex. Prima est, si Deus efficaciter, & absolute velit voluntatem humanam aliquid velle, ut fortasse voluit animam Christi velle, & acceptare mortem suam, quæ voluntas si antecedit absolute præscientiam Dei, dicitur voluntas prædefinienti: si autem sequatur, dicitur potius voluntas approbans. Secunda habitudo est voluntatis præcipientis, quæ etiam in Deo est absoluta, & efficax non necessario respectu actus præcepti, sed respectu obligationis ad illum, ut cum Deus vult me teneri ad hoc, vel illud volendo quod reuera vult, & si non sit efficaciter me habere talem actum: sicut etiam

III. Considerari etiam possunt cum prædicta habitudine.

1. Habitudo.

& con-



3. *Habitudo*

è contrario potest Deus interdum efficaciter vel-  
le, vt ego velim, non præcipiendo, neque volen-  
do, vt ego ad id volendum teneam, de qua re di-  
xi nonnulla 3. p. *questione* 14. Tertia habitudo esse  
potest diuinæ voluntatis consulentis actum vo-  
luntatis humanæ, vel saltem complacentis, quo-  
modo Deus vult hominem eligere quod melius  
est, seu vt velit esse perfectus, non quidem sem-  
per efficaciter id determinando, alioqui fieret,  
nam hæc est voluntas illa diuina, cui resisti non  
potest, neq; etiam volendo obligare ad illud; quia  
multa sunt huiusmodi, quæ non sunt in præcep-  
to: vult ergo consulendo, quia quantum est in  
se intendit, aut cupit, quod melius est, vt volun-  
tatem castitatis, v.g. aut si non est melius, est ta-  
men bonum, vult etiam illud approbando, &  
complacendo de tali actu, cum qua voluntate,  
quamuis respectu effectus non sit absoluta, & ef-  
ficax, cōiuncta est voluntas Dei efficax dādi suffi-  
cientia media: & auxilia ad habendā tā ē volun-  
tatē, quia sine hac non posset intelligi altera vo-  
luntas, cū nō possit humana volūtas huiusmodi  
actū habere sine tali cōcursu, vel auxilio Dei: Vn-  
de licet per hanc voluntatē Deus non velit effi-  
caciter, vt homo velit, vult tamen efficaciter,  
vt homo possit velle. Quarto modo se habet di-  
uina voluntas tantum, vt permittens aliquem  
actum voluntatis humanæ, quæ propriè non  
versatur immediatē, & in se circa ipsum actum  
voluntatis humanæ, vnde respectu illius neque  
efficax, neque inefficax, quia Deus ex vi hu-  
ius voluntatis nullo modo vult talem actum;  
versatur ergo solum circa permissionem, & re-  
spectu illius est efficax, & multa includit, præ-  
fertim duo, vnum velle absolutē dare concur-  
sum necessarium ad talem actum: secundum velle  
non impedire, seu non dare auxilia, quibus  
impediretur talis actus. Vnde malè hæc volun-  
tas ab aliquibus vocatur prædefiniens huiusmo-  
di actum etiam materiale, id enim, & diuinæ  
bonitati, & nostræ libertati repugnat, de quo  
aliās.

4. *Habitudo*

## IV.

1. *Affertio.*

Ex his facilis est ad propositam quæstionem  
responsio. Primo enim in genere dicendum est  
duobus modis posse voluntatem humanam esse  
conformem diuinæ, primo naturaliter, vt sic di-  
cam, seu necessario, & non voluntariè. Secundò  
moraliter voluntariè & ex propria determina-  
tione. Priori modo voluntas humana est aliquo  
modo conformis diuinæ in genere causæ efficiē-  
tis, seu vt concurrenti, aut volenti concurrere  
cum voluntate humana, hæc cōformitas est val-  
de imperfecta, & secundum quid, & suo modo  
reperitur in omni actione causæ creatæ, similiter  
fieri potest vt homo licet ignoret, quid Deus de  
re aliqua prædefinierit, vel efficaciter voluerit,  
velit illam, quam Deus re ipsa etiam velit, &  
tunc est conformitas non intenta, nec cogitata  
voluntariè, sed ex rebus ipsis consequens, & hic  
modus conformitatis nec difficultatem habet,  
neq; aliquid refert ad bonitatem, vel malitiam,  
quia, vt supra dixi, nulla conformitas ad legem,  
vel ad aliquid aliud quæ solum se habet per mo-  
dum relationis resultantis, confert aliquid ad  
bonitatem, vel malitiam, si non sit intenta: po-  
sterior autem modus conformitatis voluntatis  
humanæ cum diuina pertinere maximè potest  
ad bonitatem moralem: ad hunc autem confor-  
mitatis modū necesse est, vt vna voluntas sit a-  
liquo modo prior altera, nam vt vna voluntas  
voluntariè se conformet alteri, necesse est, vt  
vna comparetur ad alteram aliquo modo vt ob-  
iectum præcognitum, & volitum: ergo necesse  
est, vt vna voluntas sit aliquo modo prior al-

tera saltem secundum rationem, & præcogni-  
tionem: est autem per se manifestum in præ-  
fenti materia voluntatem diuinam debere præ-  
cedere, & præcognosci, voluntatem autem  
humanam subsequi, quia non se conformat vo-  
luntas diuina humanæ, sed è conuerso: ergo ne-  
cesse est, vt voluntas diuina antecedit, & in-  
notescat homini, vt possit, vel debeat se illi con-  
formari.

Secundo dicendum est variis modis posse vo-  
luntatem humanam esse conformem, vel dif-  
formem diuinæ. Primo moraliter, seu vt com-  
muniter dicitur in obiecto, seu volito mate-  
riali: vt quando voluntas humana vult aliquem  
effectum, quem scit Deum velle. Secundo con-  
formitas dicitur formalis, seu finalis, vel con-  
formitas in volito formali, seu in fine, & ratio-  
ne volendi, vt quando voluntas humana non  
solum vult aliquid, quod Deus vult, sed etiam  
ex eodem motiuo, & propter eundem finem,  
& ad hunc modum reuocatur alius, quem D.  
Thomas hic ponit, & Durandus infra citan-  
dus in *sectione* vltima, qui est conformitatis mo-  
dus in principio, vt quando voluntas ex chari-  
tate Dei vult aliquid quod etiam Deus vult pro-  
pter bonitatem suam, nam, vt D. Thomas etiam  
hic notauit: hæc etiam dici potest conformi-  
tas formalis, quia nascitur ex eodem motiuo.  
Tertius modus conformitatis reduci potest ad  
causam efficientem, & potest esse multiplex. V-  
nus est, quando voluntas humana conforma-  
tur diuinæ, & præcipienti, quia voluntas præ-  
cipiens est moraliter mouens, & reducit ad  
efficientem causam. Vnde quartus modus esse  
potest conformitatis ad voluntatem diuinam  
vt efficaciter mouentem, seu prædefiniētem a-  
ctum voluntatis humanæ. Quintus erit ad vo-  
luntatem diuinam, vt consulentem, seu vt pro-  
pensam, & bene affectam ad aliquem actum vo-  
luntatis humanæ, quamuis illud non efficaciter  
velit. Vltimus, & maxime improprius erit ad  
voluntatem diuinam, vt permittētem tantum,  
non quidem respectu ipsius permissionis, sed re-  
spectu actus permisi. Omnes igitur hi modi  
sunt probabiles, qui vero sint elicitri præcepti,  
aut prohibiti, est explicandum.

## S E C T I O II.

*Vtrum voluntas humana, vt recta sit, debeat  
conformari diuinæ & disponenti de  
actibus ipsius voluntatis  
humanae.*

Hæc quæstio est facilis, suppositis, quæ dixi-  
mus, & ideo omisis opinionibus, quas refe-  
ram *sectione* sequenti, dicendum primò. Voluntas  
humana, vt sit recta: debet conformari diuinæ,  
vt præcipienti: hoc est per se notum, quia vo-  
luntas diuina natura sua est superior, & habet  
ius, & virtutem inducendi obligationem, si eam  
velit efficaciter imponere, nam sicut in aliis re-  
bus voluntas Dei est omnipotens, & efficax, ita  
& in homine: sed voluntas diuina præcipiens  
est illa, qua vult absolute imponere homini hu-  
iusmodi obligationem: ergo non potest huma-  
na voluntas esse bona, nisi sit conformis huic  
voluntati diuinæ; & hoc est, quod aliis ver-  
bis dicunt Theologi, voluntatem humanam de-  
bere conformari diuinæ quoad voluntatem si-  
gni, nam vnum signum voluntatis diuinæ est  
præceptum.

Sed quæres vnde oriatur prædicta obligatio,  
solet

V.  
3. *Affertio.*  
*Varij modi*  
*conformi-*  
*tatis vel dif-*  
*formitatis*  
*humanae vo-*  
*luntatis cum*  
*diuinae.*

I.  
1. *Affertio.*

II.



Quæstio-  
la suborta.

solet enim dici non oriri ex speciali aliquo præcepto, sed in singulis materiis oriri ex præceptis ad illas pertinentibus, quia alias quotiescunque homo peccaret in aliqua materia, transgredieretur duo præcepta. Vñ proprium & particulare talis materiæ, vt non furandi; alterum non discordandi à diuina voluntate, seu obediendi Deo; sed quamuis verum sit hæc duo comparari, vt generale quid ex parte obiectorum materialium: nihilominus tamen negari non potest quin speciali titulo, & ratione teneatur homo subiicere hoc modo voluntatē suam diuinæ, quia & Deus habet proprium ius exigendi ab homine hanc conformitatem, vt quia hæc est sufficiens ratio specialis virtutis si sit per se intenta, & è contrario constituet etiam specialem malitiam, si directè, & speciali contemptu velit homo discordare ab hac diuina voluntate, iuxta superius dicta de circumstantiis generalibus: intercedit ergo hic proprium quoddam præceptum, quamuis ex parte materiæ generale sit, & quodammodo censeatur in aliis inclusum, quasi materialiter, & genericè.

III.  
Obiectio.

Dices: omne præceptum manat primò à diuina voluntate; hoc autem præceptum parendi, seu conformandi se huic diuinæ voluntati; non potest ex ipsa diuina voluntate oriri, quia de hac voluntate redibit quæstio, & sic procedemus in infinitum. Respondetur in primis hoc argumento declarari, quod superius dicebamus, aliquam obligationem naturalem honestè operandi intrinsece oriri ex rebus ipsis præcisa diuina voluntate, atque ita in præsentia ex ipsa naturali subiectione hominis ad Deum, & naturali dominio Dei in hominem per se est intrinsece necessaria ad honestatē morum, vt si Deus habeat hanc voluntatem præcipientem, vt homo se illi conformet; vnde hæc ratio præcepti non oritur primo ex voluntate diuina, sed ex natura obiectorum; ad hanc autem obligationem accedit etiam ipsa diuina voluntas, quæ cum simplicissima sit; includit omnem reflexionem, quæ à nobis excogitari potest: vnde simul vult, & teneri hominem ad aliquid faciendum: & consequenter etiam teneri ad se conformandum huic diuinæ voluntati.

IV.  
Corollarium.

Ex his autem intelligitur talem debere esse hanc conformitatem, qualis fuerit diuinæ voluntatis dispositio: interdum enim intelligi potest Deum velle obligare hominem ad volendum aliquem specialem actum, vel effectum materiale, vt sic dicam, nō tamen ad formale, seu speciale motuum eius, vt fortasse voluit Christum velle mortem suam, & tunc satis est conformari huic diuinæ voluntati, volendo materiale obiectum, quamuis in formali, seu ratione volendi possit esse magna varietas: si autem Deus tali voluntate sua præscriberet etiam rationem volendi oporteret etiam in illa conformari: atque idem dicendum est quando voluntas diuina vult me teneri ad efficaciter volendum aliquid, tunc enim debeo conformari habendo talem actum efficacem voluntatis meæ: non autem repugnat huic conformitati, quod habeam inefficacem actum repugnantem per displicentiam, seu simplicem affectum, quo vellem ne Deus id præciperet, seu velleret; cuius rei exemplum fortasse habemus in Christo Domino, & potest etiam exponi, nam si quis habeat præceptum matrimonij, etiam per expressam reuelationem diuinæ voluntatis, sat sfacit volendo efficaciter matrimonium, quamuis simul habeat simplicem affectum ad castitatem, desiderans quantum est in se illam seruare, si Deus vo-

luisset, & ratio est clara, quia posterior hæc voluntas non contradicit primæ, & potest habere honestum obiectum, quo fit, vt si Deus velit hominem ad vtrumque obligare, id est, ad volendum aliquid simpliciter: & nullo modo nolendum etiam per actum simplicem, tunc teneatur homo neutro modo discordare à diuina voluntate, sicut in vniuersum quodcumque dicimus hominem teneri ad non volendum aliquid, tunc etiam conformari diuinæ voluntati, saltem per carentiam actus.

Dicendum secundo. Quando Deus vult absolute, & efficaciter hominem aliquid velle, non potest voluntas humana discordare à diuina, potest tamen habere simplicem affectum circa contrarium actum, seu circa carentiam illius actus. Prior pars intelligenda est de potestate in sensu composito, & ita ratio est clara, quia voluntas diuina efficax, & absoluta simpliciter frustrari non potest cum sit infinita. Vnde si hoc mihi confiteretur Deum hoc modo statuisse ipsum aliquid velle, fieri non potest, vt per contrarium actum efficacem renitatur huic diuinæ voluntati, quia iam illi proponitur vt impossibile illud obiectum: non potest autem voluntas ferri actu efficaci in obiectum repræsentatum, vt impossibile. Sed tunc occurrit obiectio communis, voluntatem scilicet necessitari, de quo alibi latius: nunc negatur simpliciter sequela, necessitatur tunc quidem voluntas, vt habere non possit inefficacem actum contrarium propter repugnantiam obiecti, non tamen necessitatur ad habendum actum quem Deus vult illam velle, quia nulla causa est, quæ hanc necessitatem imponat.

Altera vero pars conclusionis est clara ratione supra facta, quia simplex displicentia non est contraria huic diuinæ voluntati, nec Deus vult me non habere hanc displicentiam, quamuis efficaciter velit me velle aliquid, quia illa duo non repugnant: ergo ex vi illius voluntatis diuinæ non repugnat me habere hanc simplicem displicentiam, & alioqui hoc non est per se malum, quia non repugnat diuinæ voluntati, & in obiecto potest habere aliquod motuum honestum. Sed aduertendum est hanc displicentiam non debere esse de efficacia diuinæ voluntatis, hæc enim displicentia esset intrinsece mala ex obiecto, vt si quis desideraret resistere efficaci voluntati Dei, & illa displiceret, quia non possent huiusmodi affectus liberi non esse contra rationem, quia obiectum eorum est desiderare aliquid contra voluntatem Dei, versari ergo debet hoc affectus circa rem ipsam nudè consideratā, aut circa ipsam voluntatē Dei, quatenus liberè posset Deus velle hoc non esse, vt si homo desideret simplici affectu Deum aliquid non velle, aut, se non habere talem actum subintellecta conditione, si Deus ita velleret, atque hoc modo nulla est in hoc actu difficultas.

Dicendum tertio. Vt voluntas humana sit recta, non est necesse, vt sit conformis diuinæ voluntati ineffaciter volenti, seu cōsulenti actum voluntatis humanæ. Hæc conclusio est per se clara, vt patet in voluntate consiliorum, nam sine dubio hoc modo Deus vult homines velle suam perfectionem, vel castitatem, &c. Et tamen homo non peccat efficaciter volendo aliud ab hiscè consiliis diuersum: & ratio est quia nec Deus per hanc voluntatem inducit positiuam obligationem, quia non vult efficaciter hominem ad hoc obligare, neque etiam obiectum ipsum talis per se, & natura sua inducit illam, cum non sit per se necessarium ad bonos mores.

Vlti-

V.

2. Assertio  
bimembria.

VI.

VII.

3. Assertio.



VIII.  
4. *Affertio.*

Vltimo dicendum, voluntatem humanam non debere conformari voluntati diuinæ sibi aliquid permittenti; sed aduertendum est quod dixi, aliud esse loqui de permissione, aliud de permissio; permissio enim non est actus voluntatis humanæ, sed est obiectum aliud voluntatis diuinæ efficacis duo includens, scilicet concursus necessarius ad actum posituum peccati, quem Deus vult dare quātum est de se, & negationē alterius auxilij, vel pudentiæ, qua Deus posset talē actum impedire, & non vult: & quoad hanc permissionem potest, & fortasse debet voluntas humana conformari diuinæ, si homini constet Deum efficaciter velle talem permissionem, sed hoc non spectat ad præsentem, sed ad sequentem sectionem: nam eadem est ratio de hac permissione, quæ est de aliis obiectis, quæ non sunt actus voluntatis nostræ: nam hæc permissio, vt dixi, non est humanæ voluntatis. Conclusio ergo intelligitur de actu permissio, & sic est manifesta, quia Deus volendo permittere talem actum ex vi huius voluntatis, non vult actum ipsum, non solum actu efficaci, imo nec inefficaci, quia fieri potest, vt nullo modo talis actus illi placeat: ergo talis voluntas nullam potest inducere obligationem conformitatis ad ipsam, quin potius si actus permissus ex se malus sit, malè faciet voluntas se conformando huic permissioni quoad actum permissum, imo omnis malitia voluntatis humanæ in hoc consistit.

IX.  
*Obiectio.*

Sed contra. Nam hæc voluntas permissiua Dei includit voluntatem efficacem ipsius actus permissi, quoad posituum, seu materiale eius, vt dicunt, imo multi putant necessariam esse voluntatem Dei efficacem prædefiniētem talem actum pro materiali: ergo si homini constet de hac diuina voluntate permittente, non potest non conformari illi saltem quoad materiale actum. Respondetur assumptum esse falsum, & contrarium, vt existimo diuinæ bonitati, nam id quod dicitur materiale in actu peccati est voluntas merendi, furandi, &c. Quod plane repugnat voluntati diuinæ, & reuera si Deus id ita vellet, & homini de hoc constaret, non video, quo modo peccaret in hoc se conformando tali voluntati Dei. Respondetur ergo negando assumptum: nam voluntas permittendi tantum includit illa duo supra explicata, quæ potest Deus velle etiam efficaciter non velle actum permissum in seipso maxime prius ratione, quam præcitat hominem illum operaturum, sed de hac re latius alibi.

## SECTIO VLTIMA.

*Verum humana voluntas, vt recta sit, debeat conformari diuinæ volenti alia obiecta extra actus ipsius voluntatis.*

I.  
*Aliud est non repugnare diuinæ voluntati: aliud diuinæ voluntati conformari.*

IN primis supponendum est ex Durand. in 1. d. 48. q. 2. aliud esse non discordare à voluntate diuinæ; aliud posituè illi conformari. Nam hoc secundum requirit actum, quo voluntas humana velit id, quod Deus vult: ad illud autem primum sufficit, vt voluntas non habeat actum repugnātem: hic ergo præcipuè inquirimus, vtum voluntas humana teneatur non repugnare diuinæ, & consequenter ex hypothesi, & suppositione, quod velit habere actum circa id quod Deus vult, vtum teneatur habere actum, quo cōformetur: nam absolutè, & simpliciter certum est non obligari hominem ad positiuam conformitatem.

ex vi huius voluntatis diuinæ, quia licet homo sciat Deum aliquid velle, potest sine peccato nullum actum voluntatis habere, quia nec Deus per illam voluntatem illum obligat, neque ex intrinseca rei natura, vel obiecto oritur talis obligatio.

Secundo statuendum est sermonem esse de efficaci voluntate diuina, quia de inefficaci est certum nullam esse obligationem conformitatis ad illam, vt à fortiori patet ex dictis præcedenti quæst. conclus. 3.

Tertio. Conueniunt Doctores quæstionem solum esse posse de conformitate in obiecto materiali, nam in formali certum est non posse voluntatem humanam honestè discrepare à diuina, quia ratio volendi in Deo semper est iustissima: & ideo illa, vt sic, non potest rectè displicere voluntati humanæ, quin potius omnis actus honestus voluntatis humanæ hoc ipso est conformis diuinæ voluntati in voluto formali, vt D. Thomas hic significauit, non quia necesse sit, vt proximè fiat propter Dei gloriam, vt Durandus intellexisse videtur, & ideo illud impugnat, neque etiam, quia oportet elici actum humanum, aut imperari à charitate, sed quia necesse est, vt fiat sub aliqua ratione honesta, quæ Deo placet, & quia inde fit, vt de se tendat in Dei gloriam: superest ergo agendum de conformitate solum in voluto materiali.

In qua quæstione sunt duæ opiniones. Prima negat teneri hominem ad hanc conformitatem, imo aliqui sentiunt interdum, & sæpe non esse licitam. Hæc existimatur esse opinio D. Thomæ 1. 2. q. 19. art. 9. & 10. & q. 23. de Veritate artic. 7. & 8. & in 1. d. 48. art. 4. vbi Ricardus d. art. 1. q. 1. problematice vtrumq; defendit, citatur etiam Durand. q. 2. num. 14. Sed si considerentur, quæ dicta sunt, potius indicat contrarium 1. 15. in fine: in hanc verò sententiam inclinat Martil. q. 47. art. 2. & alij antiqui. Fundamentum est, quia sola voluntas præceptiua Dei obligat hominem, sed quamuis Deus aliquid velit, non ideo præcipit homini, vt ipse idem velit, quia illa voluntas nullo modo versatur circa præceptum homini imponendum: ergo, &c. Et hinc potest concludi, hanc conformitatem aliquando homini non licere, quia interdum obiectum tale est, quod respectu hominis non deceat, nec sit illi amabile, sicut enim dixit Augustinus in Enchiridio cap. 100. quem imitatur Anselmus lib. de similitudinibus aliquid Deum velle, quod non congruit homini velle, voluit enim Deus passionem Christi, quam non debuerunt velle Iudæi, vt notauit Magister in 1. dist. 48. cap. 3. & 4.

Secunda opinio est teneri hominem ad conformandam voluntatem suam cum diuina etiam in voluto materiali: si Deus illud efficaciter vult, ita sentit D. Thom. in 1. d. 48. art. 4. vbi dicit voluntate deliberata debere hominem cōsentire huic diuinæ voluntati si sibi nota sit, interdum vero excusari propter ignorantiam. Idem si attentè legatur, sentit in alijs locis citatis, & Bonau. in 1. dist. 48. vbi idem sentit hic q. 2. Egidius etiam q. 2. Albertus art. 23. & 4. Scotus, Gregor. Gabriel ibi, & lectione 68. & 69. in Canonem, Alexander Aletius 1. parte quæstione 41. membro 4. & 5. Altfiodorus libro tertio. summa tractatu 1. cap. 13. q. 28. Fundamentum est, quia diuina voluntas est regula omnis bonæ voluntatis, & quia discordare ab hac diuina voluntate, esset diuinæ voluntati absolutè contradicere, quod est per se malum, sed, vt existimo, inter has opiniones non est magna diuersitas, nec esse potest.

Dicendum ergo primò. Si hoc certo constet, Deum

II.

III.  
*Quæstio est de conformitate in obiecto materiali.*

IV.

1. *Opinio negativa.*

V.

2. *Affirmatiua.*

VI.



Prima conclusio.

Deum aliquid efficaciter velle, siue voluntate prædefiniente, siue consequente præscientiam alterius rei, non potest humana voluntas actu absoluto & efficaci discordare à diuina voluntate. Patet ex dictis dubitatione præcedenti, quia stante illa diuina voluntate impossibile est non fieri, quod Deus vult, sed voluntas humana non potest efficaci actu tendere in id, quod hic, & nunc omnibus pensatis repræsentatur, vt impossibile; ergo. Confirmatur, quia hac ratione non potest voluntas humana absoluto actu velle, vt non fuerit, quod factum est, quia iam illud repræsentatur, vt impossibile, hinc optimè dixit Augustinus 21. de Ciuitate capite vigesimo quarto, si Ecclesiæ constaret in particulari aliquem hominem diuina voluntate esse exclusum à regno, non posset pro illo orare.

VII.

Sed quæres, quomodo potest homini de hac diuina voluntate constare. Respondent aliqui, constare ex effectibus, quia quidquid fit, Deus vult fieri. Antea vero, quam fuit non potest constare, nisi ex diuina reuelatione; sed aduertendum est effectum interdum provenire ex sola voluntate permittente, præsertim si sint morales, & defectuosi, ideoque non semper satis esse id ad manifestandam hanc Dei voluntatem, quamquam hoc ipso, quod facti sunt, & vt sic repræsentantur, non possitiam voluntas humana actu efficaci velle, vt non sint pro eo tempore, quo facti esse cognoscuntur, quia illud est impossibile. nam, vt Aristoteles dixit, res quando est, necesse est esse: potest autem voluntas velle, vt non durēt, si illud est possibile, quia nulla tunc est repugnātia, quoad hoc, si quoad futuram durationem, non manifestatur voluntas Dei per effectum, & vt nunc factum: sola ergo diuina reuelatio est quæ certo, & infallibiliter ostendit hanc Dei voluntatem, & adhuc in illa oportet aduertere, præsertim si sit de aliquo peccato futuro, vel dānatione regulariter esse intelligendum in sensu conditionato, vel comminatorio, nisi aliud distinctè, & expressè contineatur in ipsa reuelatione, quod optimè declarat D. Thomas q. 23. de Veritate art. 8. ad 2.

VIII.

Atque ex hac conclusione colligitur inutilem esse quæstionem, an liceat homini efficaci actu voluntatis suæ discordare in materiali voluto ab efficaci actu voluntatis diuinæ: aut enim nota est homini voluntas Dei, aut non, si non est nota, rectè potest discordare, sic enim homo sæpe intendit consequi, quod Deus non vult dare, & ratio est, illud tunc consideratur, seu repræsentatur, vt possibile, quia consideratur secundum se, & non vt subest diuinæ voluntati, & sub ea ratione potest proponi, vt honestum: sic Abraham statuit occidere filium, & Dauid edificare templum Dei, quæ tamen Deus nolebat: & in ipsis sanctis Angelis contingit reperiri huiusmodi voluntatis modum, vt colligitur ex Danielis cap. 10. si autem homini est nota hæc voluntas Dei, non potest illi resistere per voluntatem efficacem: ergo non habet locum quæstio de licito, vel illicito: addo tamen si per impossibile posset homo habere huiusmodi voluntatem, fore intrinsecè malam, & illicitam, vt à fortiori patebit ex sequenti assertionem.

IX.

2. Conclusio

Dico ergo; supposita prædicta Dei voluntate ex scientia eius nota, non licet homini simplici affectu desiderare, vt talis Dei voluntas non impleatur, atque in hoc sensu non licet discordare à prædicta voluntate Dei in obiecto materiali. Hic est sensus posterioris sententiæ, & est euidentis ex sola terminorum explicatione, nam hic affectus est directè repugnans efficaciz diuinæ

Suarez in primam secundæ D. Thomæ.

voluntatis. Vnde vel formaliter, vel virtute includit hunc sensum compositum, licet optare vt quod Deus vult efficaciter, non eueniat: hoc autem velle, & appetere desiderio etiam simplici est intrinsecè malum, quia est directè appetere aliquid repugnans diuinæ perfectioni, scilicet vel quod eius voluntas non sit efficax, & omnipotens, vel certe, quod mutabilis sit: deinde, quia hic affectus est directè contrarius efficaci voluntati diuinæ, quia appetit contradictorium eius, quod Deus absolute vult, vnde inuertit totum ordinem diuinæ prouidentiz, & illam quantum in se est, destruit. Neque contra hoc obstat ratio in principio posita, quia hæc diuina voluntas intrinsece, & natura sua inducit obligationem non repugnandi illi prædicto modo, & consequenter secum affert voluntatem Dei præceptiuam, saltem præcepto negatiuo, quia Deus vult obligare hominem ad non repugnandum dicto modo huic diuinæ voluntati, & hic etiam patet, quod paulo ante dicebam, etiam si per impossibile posset voluntas humana habere voluntatem absolutam contrariam huic diuinæ voluntati cognitæ, illam fore intrinsece malam, quia esset destructiua efficaciz diuinæ voluntatis, eiq; directè contraria ex modo tendendi, & ex obiecto materiali.

Dicendum vltimo. Etiam si homo sciat Deum aliquid velle efficaciter, potest licite affectu simplici discordare ab hac diuina voluntate in materiali obiecto secundum se considerato: hic est sensus prioris opinionis, & est omnino certus, vt satis probat exemplum Christi Domini: imo, & ipsius Dei, vt Deus est, qui simul simplici affectu vult salutem eius, quem alia absoluta voluntate vult damnare. Ratio etiam sæpe tacta est euidentis, quia hæc voluntas, vt sic, non est contraria diuinæ voluntati: nam potius formaliter, vel virtute includit conditionem, si Deus id vellet, aut si aliunde non repugnet, quam significauit Christus Dominus illis verbis: si fieri potest: & illis, Pater si vis, vnde statim concludit, Non mea voluntas, sed tua fiat: & in superioribus conclusum est simplicem affectum vnus obiecti, & voluntatem efficacem contrarij obiecti non esse repugnantem etiam in eadem voluntate: ergo ex hoc capite hic affectus non est malus, & alioqui potest habere honestam rationem ex parte obiecti, & finis, vt per se constat: ergo, &c.

Sed obiici solet illud 1. Regum 16. vbi Deus reprehendit Samuelem, quia lugebat Saulem quem Deus reprobauerat. vsque quo tu luges Saulem, &c. Etenim ibi Samuel discordabat à prædicto modo tantum à diuina voluntate. Respondetur ommissis aliquibus expositionibus illam non fuisse tam reprehensionem, quam apertiore reuelationem diuini decreti, Samuel enim nondum intellexerat, an Deus voluntate definita, vel comminatoria tantum Saulē projecisset, & ideo ita Saulem lugebat, & Deum deprecabatur, vt reuera impenderet veniam: Deus autem ibi declarat suam voluntatem fuisse absolutam, & definitam, & ita monuit Samuelem, ne lugeret Saulem prædicto modo, non tamen prohibuit quominus contristari posset de malo Saulis secundum se considerato.

Sed quæritur vltius, an non solum possit homo licite hoc modo discordare à diuina voluntate, sed etiam teneatur ita dissentiri? Aliqui ita in re sentiunt, vt Abulen. Iosue 2. quæst. 28. & Iudic. 3. quæst. 2. & indicant Bonauentura, Gabriel, & alij. Quæ opinio ad summum intelligenda est de præcepto negatiuo, quia hi simplices affectus, per se loquendo non cadunt in præceptum sal-

D d tem

X.

3. Conclusio

XI.

XII.



tem in ordine ad futuros euentus, quia non sunt operatiui: intelligi autem potest, ut cadat in præceptum, non habere actum positium, quo voluntas simplici affectu ve it id, quod est malum proximi, & ex hoc capite potest intelligi præceptum non se conformandi tam diuina voluntate in obiecto materiali. Dico tamen etiam quoad hoc non esse absolutum præceptum, sed considerandum esse motium talis affectus, nam si quis velit id, quod Deus vult sub earatione, vel facta hypotheti, quod Deus id vult, vel propter hunc finem, ut voluntas diuina impleatur, numquam est prohibitus talis affectus, etiam si obiectum materiale eius sit extrema damnatio, quod Deus non vult nisi sub ratione iustitiæ punitiæ ex præscientia peccati finalis: si autem motium fuerit honestum, tunc affectus erit malus, non propter conformitatem cum diuina voluntate, sed aliunde, quod est per accidens.

XIII. Atq; idem respondendum est ad aliam interrogationem quæ fieri solet, esto non sit necessarium, an sit melius conformari hoc modo per actum simplicem cum diuina voluntate? Respondetur posse esse melius interdum, interdum, vero non iuxta diuersa motiua, seu fines, qui occurrere possunt, nam quando nulla occurrit specialis ratio honesti, quæ moueat voluntatem ad huiusmodi simplicem affectum materialiter diuersum à diuino decreto, melius erit non habere illum. Item si homo intelligat ex huiusmodi affectu fore retardandum ab executione diuinæ voluntatis, interdum vero non sequitur hoc incommodum, & occurrit honestissimum motium ad habendum illum affectum, & tunc erit melius habere illum sicut fuit in Christo Domino, & in Beata Virgine, quando dolebat de Christi morte, quam Deum decreuisse sciebat.

## DISPUTATIO XII.

### De proxima regula bonitatis, & malitia humanorum actuum, quæ est recta ratio, seu conscientia.



I doctrina hæc de conscientia ad singulas res morales applicanda esset, in immensum cresceret: sed hoc non potest exacte fieri, nec sine magna confusione, quia oporteret fere omnes materias morales

Theologiæ euoluere, quæ ex propriis principiis, & circumstantiis pendunt: simul ergo consulemus, & ordini doctrinæ, & breuitati temporis, generales regulas, & principia huius materiæ tradendo.

#### SECTIO I.

##### Quid sit conscientia.

I. PRIMA opinio est esse aliquid ad voluntatem pertinens, scilicet aut bonam inclinationem voluntatis, aut operationem voluntatis, huic inclinationi conformem, vel difformem. Ita Henricus quodlibeto 1. quæst. 18. quem ex parte sequitur Durandus in 1. distinct. 39. quæst. quarta. Fundari potest in locutionibus communibus, & proprietatibus, quæ conscientia tribuuntur, dicitur enim conscientia mundari ad Hebræos 11. quod est

proprium voluntatis, quæ per peccatum maculatur. Dicitur conscientia bona, 1. ad Timoth. 4. & inquieta ad Tit. 5. Inquieta sunt eorum mens, & conscientia, ubi etiam à mente distinguitur, & communiter ita loquimur habere hominem bonam, vel malam conscientiam, quæ sunt proprietates propriæ voluntatis.

Secunda opinio, & communior Theologorum ponit illam in intellectu, & in hoc est magna varietas, nam Scotus in 2. d. 39. dicit esse habitum, vel synderefis, vel scientiæ, vel prudentiæ, D. Thomas vero prima parte quæst. 79. artic. 13. dicit esse actum: existimo tamen totam quæstionem esse positam in æquiuocatione vocis: ut verò sciamus, in qua significatione in hac materia loquendum est,

Dicendum primo conscientia nomen iuxta frequentiore vsum significare aliquid pertinens ad intellectum. Ita Scholastici ita tim circandi, & Patres, quos D. Thomas supra refert, Basilii in principio Prouerborum, vocat conscientiam naturale iudicatum animæ, Damascenus secundo libro, capite duodecimo, vocat legem in intellectu nostro, Hieronym. Ezech. vocat synderefis scintillam conscientia: synderefis autem ad intellectum spectat, Origenes libro secundo, ad Bonauent. conscientiam vocat spiritum correctorem, & paedagogum animæ, similiaque reperies in aliis, præsertim in Hugone & Bernardo: colligit etiam potest ex illo ad Romanos 14. Quod non est ex fide peccatum est, ubi nomine fidei conscientia significatur, ut Ambrosius, & alij communiter exponunt, & significat Innocentius 3. in capite vltimo de prescriptionibus & Gratianus 1. ar. 28. quæstione prima, cap. omnes. §. ex his, & de penitentia distinctione tertia, cap. querit. §. illud autem. Denique probari potest ex communi modo loquendi Scripturæ, & ex effectibus, qui conscientia tribuuntur, Ecclesiast. 7. scit enim conscientia tua, & Genes. 43. Non est in nostra conscientia quid posuerit id est, nescimus. Paulus ad Romanos 2. Testimonium illis reddente conscientia ipsorum, testificari enim est potentia intelligentis, non vero voluntatis quæ cæca est, & cap. 9. Testimonium mihi præbente conscientia mea: 1. ad Corinthios cap. 12. alibi quæ dicitur conscientia accusare, dirigere, & similia, quæ ad intellectum sine dubio spectant.

Dicendum secundo conscientia nomen æquiuocum esse, & interdum habitum, & interdum actum intellectus significare: frequentius tamen, & magis proprie actum significare. Tota conclusio sumitur ex D. Thoma supra prima parte, & in 2. distinct. 24. quæstione secunda, articulo quarto. Vbi præter habitum, & actum dicit interdum significare obiectum, quomodo dicitur aperire conscientiam in confessione, id est, id quod conscientiam in homine accusabat, sic etiam dicitur bona, vel mala obiectiue, addit etiam idem D. Thomas quæstione 17. de veritate articulo primo, interdum etiam significare intellectum ipsum, licet magis improprie, quomodo intelligi potest id quod dicitur lumen conscientia non extingui, quia licet non semper sit in actu, vel habitu, semper tamen manet lumen rationis, quod suis temporibus vrget. Idem D. Thomas in 2. distinct. 39. quæstione tertia, articulo primo, Bonauentura articulo primo, quæstione prima, Richardus articulo 2. quæstione 1. & 2. Gabriel artic. 2. conclus. 5. & 6. Durandus quæst. 4. Capreolus quæst. 1. Alentis secunda parte quæst. 77. & quæstione 137. membro 3. & 4. Neque oportet aliud addere, præter vsum sapientum, sicque patet vltima pars conclusionis, quæ etiam probatur ex effectibus enumeratis, nam testificari proprie sit per actum intellectus, & multo magis obli-

II.

2. Sententia.

III.

1. Assertio.

IV.

2. Assertio.



obligare, quia habitus non obligat nisi ad sit actuale dictamen, similiter non accusat, nec mordet, nisi actualis cognitio: hinc etiam dicitur intrinsecè malum agere contra conscientiam, quod non est verum de habitu, & multo minus de potentia. Tandem dicitur deponi conscientiam ratione actus; licet nec potentia, nec habitus deponatur: est ergo hæc propriissima significatio, & maximè deferuiens præsentis instituto.

V. Dicendum tertio conscientiam esse actualem, & practicum iudicium intellectus discernentis de rebus agendis inter bonum & malum, turpe, & honestum præceptum, vel prohibitum. Hæc conclusio colligitur ex autoribus citatis, & aliis, quos referunt: & sequuntur Corduba libro tertio, questionum questione prima, Couarru. in regula possessor. parte secunda, §. 6. in principio, & in primis quod conscientia sit actus iudicij. Patet, quia est quedam fides, seu credulitas, vt ex Paulo retulimus. Item quia conscientia est vera, aut falsa, vt postea dicemus, quæ sunt proprie in iudicio intellectus. Denique ex effectibus positis testificandi, & accusandi, quæ non fiunt in homine, nisi quatenus illi manifestatur quid sit honestum, vel turpe: manifestatio autem fit per iudicium.

VI. Et hinc etiam constat altera pars, scilicet hoc iudicium debere esse de agendis secundum rationem turpis, & honesti, quia hac ratione obligat, vel accusat, &c. Quando vero dicimus debere esse iudicium practicum, aduertendum est interdu hoc iudicium posse versari proxime circa actionem ipsam humanam, vt hic, & nunc pensatis omnibus existimata honestam, vel turpem, & hoc est propriè conscientie iudicium, quod practicum dicitur, quia iudicat de actione in particulari cum omnibus circumstantiis eius in ordine ad executionem: interdum vero potest esse iudicium de aliqua conditione, vel principio, ex quo pender honestas, vel turpitudine actionis, vt est vtrum hæc res sit mea, vel aliena, ex quo pender, an actio sit iusta, vel iniusta, & hoc solet appellari iudicium conscientie, quomodo dicitur aliquis possidere rem alienam bona, vel mala fide, seu conscientia, & hoc iudicium formaliter magis est speculatiuum, quam practicum, & interdum sufficit, vt actio mala moraliter censeatur, ideo nomen conscientie retinet.

VII. Atque hinc soluitur obiectio Durandi, probat enim non posse conscientiam consistere in hoc actuali iudicio practico, quia aliàs nõ posset homo agere contra conscientiam, quia non potest agere contra actuale iudicium. Respondetur enim hinc potius probari oppositum, nã propriè non dicit homo agere contra conscientiam, nisi quando actu iudicat se male agere. Vnde si interdum malè agit sine tali iudicio, non dicitur propriè agere contra conscientiam, quam habet, sed quàm potest, & debet habere: nego igitur nõ posse hominem agere contra actuale iudicium, & practicum. Sed vt hoc intelligatur obseruandum est, aliud esse iudicare de agendis, & de obligatione, seu honestate eorum ex propriis principiis ipsius rei, vel actionis: aliud vero ex vi prioris affectus, & determinatione voluntatis, vt quando supposita intentione vnius finis iudico hoc consequenter esse faciendum, & vtrumq; iudicium potest etiam aliquid speculationis includere, quatenus aliquam veritatem manifestat, & vtrumq; etiam est practicum quatenus est de re agenda in particulari, & in ordine ad executionem: tamen primum est proprium

Suarez in primam secundæ D. Thomæ.

iudicium conscientie, quod per se discernit honestum à turpi, & illud nullam necessitatem imponit voluntati, quia nec per se potest, neque supponit eiusdem voluntatis actum, in cuius virtute id faciat, & ideo rectè potest voluntas pro sua libertate resistere conscientie; secundum autem iudicium solet imponere necessitatem non absolutè, sed ex suppositione prioris voluntatis, si illa non mutetur, tamen illud non est propriè iudicium conscientie, quia non tam est de honestate, vel turpitudine actionis, quam de virtute, seu connexionione cum priori affectu: legatur D. Thom. questione 17. de Veritate articulo 1. ad 4.

Quæri potest, si conscientia est actus iudicij, quem habitum generet, vel ad quem habitum spectet. Respondetur ex D. Thomæ locis citatis, conscientiam in tota sua latitudine non pertinere ad vnum habitum, sed ad varios pro varietate sua, nam si iudicium conscientie sit certum, & verum, & sit de actione, vt practice exercenda pertinet ad prudentiam: si vero sit de actione in communi, vel de principiis eius, pertinet ad sinderesim, vel sapientiam moralem, si vero sit de conditionibus rei, potest pertinere ad fidem humanam, vel experientiam, at vero si conscientia sit erronea, vt si pertinet ad aliquam opinionem, vel falsam fidem humanam.

## SECTIO II.

### Quotuplex sit conscientia.

EX parte obiecti materialis sumitur prima diuisio in hunc modum. Nam interdum conscientia dicitur præteritorum, interdum presentium, interdum vero futurorum actuum. Priori modo loquimur cõmuniter de conscientia cum dicimus conscientiam examinare, & habere, vel non habere conscientiam peccati, iuxta illud: Hæc est gloria nostra, testimonium conscientie nostræ: sic enim propriè dicitur conscientia mundari, seu liberari à peccato, quomodo aiebat Paulus, Nihil enim mihi conscius sum: non certè quia nihil se commississe existimaret, sed quia credebat se liberum & mundatum à culpa: quocirca licet conscientia hoc modo consistat in memoria præteritæ actionis, & iudicio illius, tamen maximè propriè dici videtur quando actus præteritus, vel moralis status ex eo relictus adhuc durare moraliter censetur, non enim dicitur homo propriè habere conscientiam peccati, solum quia iudicat se peccasse, sed quia inde adhuc timet, & iudicat se esse in peccato, atque hoc modo dici potest conscientiam respicere aliquo modo præsentem hominis statum. Secundo vero modo dicitur esse conscientia propriè de præsentanea actione, vt quando homo operatur actu iudicando actionem suam, & hoc modo dicitur propriissimè homo agere contra conscientiam, vel obedire conscientie, & sic etiam propriè conscientia mordet, vel reprehendit, & fere eadem ratione. Tertio respicere potest conscientia futuram actionem, vt quando homo iudicat de his, quæ postea est acturus, & secundum hunc respectum dicitur propriè conscientia obligare: vnde secundum aliam considerationem omnis conscientia aut est præteriti, aut futuri saltem secundum naturæ ordinem, quia dictamen conscientie, aut antecedit actionem saltem natura, & sic respicit illam, vt futuram, aut supponit actionem, si non respicit illam, vt effectum, sed solum, vt obiectum iudicatum, & sic respicit, vt iam factam,

D d 2

& vs

VIII.  
Ad quæ hæc  
bitum spe-  
det con-  
scientia.

I.  
Diuisio  
conscientie  
nostræ  
præteritorum.



& ut sic licet reprehendat, accuset, vel mordeat, non tamen obligat, vel dirigit propriè, nisi quatenus ex præcepto oriri potest obligatio ad aliquid agendum. Vnde hæc conscientia præteritorum minus est practica, quia non propriè mouet ad opus; altera vero est propriè practica & regula agendorum, de qua hic est sermo, quæ vltèrius subdiuidi potest in conscientiam consiliorum, vel præceptorum, aut prohibitorum, & aliis similibus modis, qui consummantur in solo materiali obiecto, possunt faciliè multiplicari.

II.  
2. Diuisio in  
conscientiã  
veram, vel  
falsam.

Veritas pra-  
ctica quod  
ad conscien-  
tiã spectat,  
qualis esse  
debeat.

Secundã diuisio principalis est in conscientiam veram, & falsam, seu erroneam: cum autem conscientia erronea sit ignorantia quædam prauæ dispositionis, ad illam applicari possunt omnes diuisiones supra traditæ *questione sexta*: potest enim esse vincibilis, vel inuincibilis, &c. Quando autem dicimus conscientiam esse iudicium practicum, non est facile ad explicandum quid ad illius veritatem requiratur, nam Aristoteles 6. *Ethicorum capite secundo*, quem vbiq; imitatur D. Thomas 1. 2. *questione 19. articulo 3. ad 2. & quest. 57. articulo 5. ad 3. primo contra gentes, capite 62. & 67.* distinguit inter veritatem speculatiuam, & practicam, & priorem dicit sumi ex conformitate ad rem, posteriorem verò ex conformitate ad appetitum rectum, de qua conformitate magna est controuersia inter Doctores, vt videre licet in Caietano dicta *questione 57. articulo 5. ad 3. & Durando in 3. dist. 36. & latissime Corduba libro secundo, questione octaua, nona, & sequentibus*, nam Caietanus, & alij dicunt esse intelligendum de conformitate ad appetitum rectum antecedentem, quibus fauet D. Thomas exponens Aristotelis dictum de iudicio practico, quod versatur circa media ex intentione finis; nam tunc est practice verum, quando est conforme intentioni rectæ. Scotus vero illud intelligit de appetitu recto subsequente, seu iudicato per tale iudicium, & intelligit tunc iudicium esse practice verum, quando actus appetitus qui iudicatur honestus reuera hic & nunc est honestus respectu operantis, quamuis fortasse secundum se non sit talis, qualis iudicatur. Vnde fit etiam vt Scotus ponat hanc veritatem practicam in cognitione, vt sic; Caietanus vero negat posse esse veritatem practicam sine recto appetitu, vel antecedenti, vel etiam consequenti, si illum exigit veritas iudicij practici.

III.

Sed quamquam loquendo strictè de imperio prudentiæ, vt sic, possit inter has opiniones esse controuersia, quæ ad præsentem locum non spectat, tamen, propriè loquendo de iudicio conscientie, mihi videtur doctrina Scoti clarior, & verior, & vtilior, quia iudicium conscientie nõ tantum de actu circa media, sed etiam de actu circa finem, quia vterque actus potest esse bonus, & malus: vnde vterque indiget regula iudicij intellectus, quæ est per iudicium practicum; vnde vterque potest esse conformis, vel contrarius conscientie. Ex quo tandem concluditur, conscientiam, vt sic, non posse dicere habitudinem ad appetitum rectum antecedentem, quia illè appetitus rectus necesse est, vt supponat iudicium conscientie, in quo sistendum est tanquam in priori, quandoquidem intellectus prior est voluntate, & in illo quidem primo iudicio conscientie potest esse veritas, & falsitas practica, quæ non potest sumi per conformitatem ad appetitum rectum antecedentem: ergo per conformitatem ad appetitum, qui est obiectum talis iudicij.

IV.

Dices, teste Aristotele eodem 6. *Ethicorum, capite*

primo, Appetitus est rectus quatenus sequitur rationem rectam; ergo si è contrario ratio est vera per ordinem ad eundem appetitum subsequenter, erit circulus. Respondetur non esse circulum, quia interueniunt diuersa genera causarum, nam conscientia est recta ex conformitate ad appetitum, vt obiectum, & rem iudicatam: è contrario vero appetitus est rectus ex conformitate ad rationem, vt applicantem debitum obiectum appetibile, & alij fortasse dicent; vt ad effectiue mouentem. Sed vrgebis: nam hinc nulla videtur esse differentia inter veritatem speculatiuam, & practicam, quia etiam veritas practica sumitur ex conformitate ad rem iudicatam, & ad finimum erit differentia materialis, quia hic res iudicata, est actus voluntatis, in alia autem veritate speculatiua potest esse quæcumque res. Respondetur in hoc esse aliquam similitudinem, quæ est omnino necessaria: quia vtraque veritas; est veritas iudicij, & cognitionis: vnde vtraque esse debet commensurata obiecto suo: solum est aduertendum, quod veritas speculatiua non causat obiectum neque efficit, vt sit ipsi conforme: iudicium vero practice verum, si reuera tale est efficit, vt appetitus, qui ex illo nascitur sic rectus quantum est ex parte ipsius iudicij, & quia sufficienter applicat obiectum, quod voluntas prosequendo recte tendit, & ideo hæc veritas practica non solum est cognoscitiua, sed etiam causatiua, atque ita quotiescumque appetitus, qui sequitur, honestus est, conscientia per quam regulatur vera est, & è contrario quodcumque conscientia est vera practice, appetitus, qui ex illa sequitur, rectus erit, & hoc modo rectè dicitur veritas practica conscientie sumi ex conformitate ad appetitum rectum, è contrario falsitas practica sumitur ex difformitate ad eundem appetitum.

Atque hinc constat dupliciter posse esse conscientiam veram, aut falsam, speculatiue, & practice, interdum enim, vel vtroque modo vera est, vel vtroque modo falsa: scilicet quando, & rei ipsi secundum se, & secundum intrinsecam eius principia, & in particulari, vt hic, & hunc, comparatur ad operantem, conformis est, vel difformis: aliquando vero est vera practice, & falsa speculatiue, quo modo conscientia, quæ vocatur erronea inuincibiliter falsa est, quatenus erronea est: est autem practice vera, quia, vt supra dictum est, appetitus, qui ex illa sequitur, reuera rectus est, vnde eius veritas est practica, quia sumitur in ordine ad appetitum sic operantis cum his circumstantiis, & cum illo habet veram conformitatem. Dices, quomodo potest idem iudicium simul esse verum, & falsum. Respondetur primo, quia hæc ad modum relativi dicuntur respectu diuersorum, sicut simile, & dissimile. Secundo, quia si res attentè consideretur, tale iudicium conscientie, quod est practicum, de actione sic operantis est simpliciter verum, falsum autem, vel erroneum videtur denominari, aut solum per denominationem extrinsecam, & concomitantiam, quia fundatur aliquo modo in aliquo errore circa aliquam conditionem, ex qua pendet honestas talis actus, quia iudicium, vt diximus, solet interdum applicare conscientiam, vel dicitur certe illud iudicium erroneum, seu falsum comparatum non ad obiectum circa quod hic, & nunc versatur, sed vt comparatur ad obiectum secundum se sumptum, prout natura eius exigebat, vt quando Iacob iudicauit licitum sibi esse petere debitum à Lia, illud iudicium erat verum practice, id est, comparatum ad obiectum

V.  
Conscientia  
dupliciter  
dici potest,  
vera, & fal-  
sa.  
Conscientia  
practice ve-  
ra quomodo  
possit esse  
speculatiue  
falsa.



atum, ut hic, & nunc sic propositum, tamen comparatum ad personam Liæ secundum se, & secundum conditionem, quam in re ipsa habebat, erat falsum, quia verè non erat propria vxor; unde ad eundem modum fieri è contrario potest, ut iudicium sit practice falsum, & speculative verum, ut si in eodem casu Iacob iudicasset non fuisse reddendum debitum Liæ, practice enim falsum esset, licet considerata re secundum se esset verum.

VI. Tercio diuiditur conscientia in certam, dubiam, probabilem, & scrupulosam, cum enim conscientia sit actus cognitionis, & iudicij proprii, & per se, diuiditur per proprietates cognitionis, unde sicut ex ordine ad materiale obiectum diuiditur per veram, & falsam, ita ex ordine ad formale, seu ad medium iudicandi diuiditur per certam, dubiam, probabilem, & scrupulosam. Petes, quomodo possint esse plura membra huius diuisionis, omne enim medium essendi solum est aut certum, aut probabile, unde nulla videtur esse conscientia dubia distincta à probabili; nam vel includit iudicium cum formidine, & ita coincidit cum probabili, vel nullum includit iudicium, sed consistit in negatione, vel impotentia assentiendi, & ita non est conscientia. Aliunde vero videtur ibi deesse aliud membrum conscientie temerariæ. Ut explicetur hæc diuisio, aduertendum est ferè omnia illa membra posse duplici ratione ita denominari, nimirum, aut intrinsece, & formaliter, vel extrinsece, & concomitanter.

VII. Primo ergo conscientia certa propriissime dicitur, quæ est formaliter, & in suis etiam principiis omnibus talis est, ut formidinem excludat, unde dici potest certa tam speculative, quam practice, quia etiam illud iudicium vltimum de honestate actionis certum est, & omnia etiam iudicia quæ antecedunt, & conditiones eius: &c. certa etiam sunt. Hinc secundo conscientia dubia dupliciter contingere potest: vno modo practice in illo iudicio vltimo de actione, & hanc volo formaliter, & intrinsece dubiam: hæc tamen conscientia, ut ab aliis distinguitur, reuera non includit posituum iudicium practicum, sed potius carentiam, vel suspensionem circa honestatem, vel turpitudinem actionis; denominatur autem conscientia vel reductiue eo modo, quo in moralibus priuatio reducitur ad posituum, vel certe illud iudicium, quo quis interdum iudicat aliquid sibi esse agendum cum illa dubitatione turpis, vel honesti, dicitur conscientia dubia, alio vero modo illud iudicium practicum denominatur dubium solum extrinsece, quæ dubitatio non excludit certitudinem practicam in ipso vltimo iudicio, sed tantum speculatiuam circa rem aliquam, quæ ante illud iudicium supponitur, ut quando aliquis dubitans an emiserit, vel non emiserit votum, iudicat sibi esse licitum non implere: hæc conscientia est practice certa formaliter, extrinsece vero potest denominari dubia, ut dictum est. Atque idem prorsus est de conscientia probabili, nam interdum potest esse talis intrinsece in ipso met pratico iudicio de honestate actionis, ut quando solum ex motiuo probabili assentior cum formidine, an hoc mihi liceat, & talis conscientia est certa practice, non speculative. Aliquando dicitur conscientia probabilis solum per extrinsecam denominationem, quæ non excludit practicam certitudinem proprii iudicij conscientie; sed speculatiuam tantum, & connotat aliquam conditionem misericordie, vel actionis ex qua pender honestas actus secun-

Suarez in primam secundæ D. Thomæ.

dum esse probabiliter cognitam, ut quando quis dubitat, utrum contractus fuerit licitus necne? Et ex opinione tantum probabiliter iudicat fuisse licitum, indeque practice infert se esse securum non restituendo. Hoc iudicium tunc est formaliter, & practice certum, quamuis extrinsece, & speculative dicatur conscientia probabilis. Quæres quomodo in re dubia, vel probabiliter potest fundari certitudo? Respondetur, quia non fundatur in illo tanquam in principio, sed solum tanquam in solo simplici termino, seu extremitate syllogismi, ex quo conficitur certum aliquod principium practicum in hunc, vel similem modum. In tali dubio vel probabilitate licitum est sic operari; sed hæc intercedit tale dubium: vel probabilitas: ergo licitum est, &c. illæ enim præmissæ non sunt dubiæ, vel probabiles, sed euidentes, & certæ, vel assumunt dubium, vel probabile tanquam medium, vel extremitatem syllogismi.

Eodem etiam modo explicanda est conscientia scrupulosa, quæ dupliciter etiam contingit. Vno modo formaliter in ipso met iudicio practico, ut quando homo iudicat sibi hoc esse peccatum non ex principiis certis, aut probabilibus, sed ex nimio quodam timore, & cordis anxietate cum quibusdam apparentibus principiis, & talis conscientia merito distinguitur à certa, & probabili, quia quamuis includat iudicium opinatiuum, non tamen probabile, neque enim omnis opinio probabilis est. Alio vero modo dicitur conscientia scrupulosa, quæ non excludit practicam certitudinem in iudicio conscientie, sed habet cum illo coniunctas quasdam dubitationes ortas ex iisdem affectibus, & apparentiis, nam quia illa certitudo tantum practica est, & aliquo modo fundatur in aliqua probabilitate vel dubitatione, ideo ex illo capite oriri possunt huiusmodi timores, vel dubitationes, à quibus hæc conscientia extrinsece denominatur scrupulosa, quæ tamen non impedit honestatem actionis, ut supra dixi. Temeraria conscientia ad hanc vltimam reuocanda est, habet enim eundem modum iudicij, quem conscientia formaliter scrupulosa: nam sicut hæc ex nimio timore propter solam apparentiam iudicat malum, quod malum non est: ita illa ex nimio affectu propter solas apparentes rationes iudicat honestum quod honestum non est, atque ita constat tota ratio illius diuisionis. Quomodo autem hic omnibus conscientiis vtendum sit ad honeste operandum, declarandum superest.

### SECTIO III.

#### Quanam conscientia sufficiat ad honeste operandum.

PRIMO constat aliquam requiri rectam ad honestam operationem, quo sensu docuit id D. Thomas questione 19. articulo tertio, dependere bonam voluntatem ex recta ratione, & ratio eius est optima, quia voluntas pendet ex ratione, ut ostendunt obiectum, & ideo necessaria est ratio, quæ ostendat obiectum honestum, ut voluntas sit honesta. Item voluntas est potentia cæca: indiget ergo dirigente, & gubernante, ut recta tendat: hoc autem non est nisi recta ratio, quæ hoc præstat per iudicium conscientie: quocirca si hoc iudicium certum sit, non est dubium quin in suo genere sufficiat ad honestatem voluntatis, neque enim aliquid amplius ab homine

Dd 3

requi-

VIII.  
Quid scrupulosa, & quoniam.

VI.  
3. Diuisio  
conscientie.

Quid conscientia certa.

Quid dubia, & quoniam.

Quid probabilis.



requiri potest, cum & obiectum propositum sufficiens sit: ut supponitur, & modus etiam proponendi sit perfectus quantum ab homine praestari potest: difficultas solum est, an hoc non solum sufficiat, sed etiam requiratur ad honestam operationem, & ratio dubij esse potest, quia iudicium probabile sufficit ad mouendam voluntatem, & videtur etiam sufficere, ut rationabiliter moueatur, quia ad recte operandum humano modo sufficit quaedam moralis diligentia: neque enim semper tenetur homo praestare summum quod potest: habere autem certitudinem in singulis actionibus, vel excedit humanam diligentiam, vel summam requirit, quia incertae prouidentiae nostrae: ergo sufficit probabilis cognitio. Confirmatur, nam ad male operandum non requiritur perfecta haec cognitio: ergo neque ad bonum.

II. Dicendum primum, ut voluntas sit recta, necessarium esse ut sequatur iudicium conscientiae practice certum de honestate obiecti & actionis: ita Doctores omnes, D. Thomas in 4. distinct. 37. & quodlibeto 3. articulo 13. ubi expresse negat sufficere probabilem coniecturam, quod intelligendum est de practica probabilitate. Idem hic questione 19. articulo quinto & sexto, Caietanus tomo primo operum tractat. 31. dubio 7. Adrianus quodlibeto 2. Nauar. late cap. si quis autem, de poenitentia. distinct. 7. Corduba 3. de conscientia, quest. 5. Ratio omnium est illud Ecclesi. 13. qui amat periculum, peribit in illo: nam tenetur homo in suis operationibus cauere quantum potest omne periculum peccandi, & hoc sensu dicunt sepe iura, ut sect. 5. dubio 6. citabimus, in dubiis tutiorem partem esse eligendam, & ad idem applicari potest illud Gregorij lib. 8. epistola 30. Graue est, & indecens in re dubia certam proferre sententiam, refertur in c. graue 11. q. 3. ergo, ut homo recte moraliter operetur, oportet excludere omne dubium, & periculum malitiae: hoc autem non fit sine iudicio certo saltem practico.

III. Dices hanc rationem recte probare requiri iudicium determinatum, quod excludat dubitationem quasi priuatiuam, non tamen probat requiri iudicium, quod excludat formidinem, nam iudicium probabile sufficit ad excludendum morale periculum malitiae, quia iam praestat homo quod moraliter potest. Respondetur hoc argumentum declarare practicam certitudinem necessariam, quia si cum probabili iudicio speculatiuo excluditur periculum malitiae, profecto ut homo rationabili, & humano more operetur, oportet ut hoc ipsum cognoscat, & iudicet, sed hoc ipso habet iudicium practice certum de honestate suae actionis, quia ex principiis certis iudicat hic, & nunc, se operari sine periculo malitiae. Vnde sumitur confirmatio, nam semper potest homo facili negotio habere hanc certitudinem, quia si faciat moralem diligentiam, & iuxta probabilem opinionem comparatam operetur, iam est certus practice de honestate actionis. Replicabis, quamuis verum sit, semper posse in re haberi hanc certitudinem, multos tamen esse posse ita ignorantes, qui non possint dubitationem, vel probabilitatem suam ad practicam certitudinem reuocare, quia nesciant reflecti super suam actionem, & dispositionem. Respondetur, quamuis sint multi, qui nesciant explicare hanc certitudinem per sua principia, nec reducere illam ad syllogisticam formam, tamen vix posse aliquem reperiri, qui ratione utatur, & tamen de suis actionibus nesciat iudicare absque haesitatione, & formidine se bene, & secure operari, quando iuxta cognitionem, quam assequitur, bona fide operatur, quod honestum videtur, & qui hoc iu-

dicium ferre non potest, merito dici potest non operari ex perfecta humana deliberatione.

Vnde etiam intelligitur, qualis sit haec certitudo, quam requirimus, duplex enim distingui solet: una ex medio, & proportionata motui iudicandi, altera ex parte subiecti, quae potius temeritas quaedam, vel pertinencia dici potest, quia excedit proportionem medij ex voluntaria adhaesione. Dicendum itaque est priorem certitudinem hic requiri. Ratio est, quia haec debet esse certitudo prudentiae, quae est certitudo virtutis intellectualis, huiusmodi autem certitudo semper oritur ex medio, seu principiis propriis. Item certitudo, de qua agimus, habet coniunctam fallibilem veritatem, quia actus, qui sequitur ex hoc iudicio, infallibiliter est honestus: certitudo autem ex parte subiecti tantum non habet coniunctam infallibilem veritatem.

Dicendum secundo ad malam operationem non requiri iudicium certum de malitia, sed satis est, quod homo voluntarie operetur sine iudicio certo de honestate. Hoc est certum ex principiis supra positis, nam bonum requirit causam integram, & ideo postulat certam regulam & directionem: ad malitiam vero sufficit quicumque defectus. Item ad bonum non satis est operari, ita, ut accidere possit actionem esse bonam, nisi periculum malitiae caueatur. Ad malum autem satis est se voluntarie exponere morali periculo malitiae, & ideo hoc ipso, quod quis dubitet de bonitate actionis, vel malitiae, satis est, ut male operetur. Dices hoc ipso, quod habeat tale iudicium, quasi speculatiuum, potest habere iudicium practice certum, quod sic operando male agit. Respondetur verum esse ita posse haberi hoc iudicium, tamen non est necesse, quod illud actu habeat, sicut necessarium est ad bonitatem.

Vnde obiter expeditur aliud dubium supra tactum, quod hic agit Medina quest. 13. articulo 6. Ad malitiam scilicet an ad malitiam requiratur actuale iudicium conscientiae? Aliqui enim illud postulant, vel determinate de ipsa malitia, vel saltem de dubitatione, & ambiguitate malitiae, & bonitatis ipsius. At vero Medina responder, non semper requiri, quod mihi videtur verum de formali, & actuali iudicio honestatis, & turpitudinis, aut dubitationis de illis, quia sufficere potest voluntaria carentia iudicij certi, seu quod idem est, voluntaria applicatio ad operationem sine tali iudicio, ut patet ex supradictis de inconsideratione voluntaria, & per haec responsum est rationi dubitandi in principio positae.

#### SECTIO IV.

Quod iudicium conscientiae sufficiat ad inducendam obligationem homini, ut operetur, vel omittat praesertim si erret conscientia.

PRIMUM quod conscientia de se habeat obligationem inducere, res certa est, & communis Theologorum, quos referam, & sumitur ex illo Pauli ad Romanos 14. Quod non est ex fide, peccatum est, id est: quod non est secundum conscientiam, ut constat ex ipso contextu, & ex omnibus seu Graecis, seu Latinis exponentibus, & ex Pontificibus supra relatis: vnde licet Hieronymus, & Beda, & Augustinus 4. contra Iulianum capite 3. interdum exponant de fide infusa, tamen non excludunt priorem expositionem; si ergo non agere secundum conscientiam est peccatum, conscientia obligationem inducit, nam omne peccatum est contra aliquam obligationem, atque idem colligitur ex illo ad Galatas 5. Testificor omni homini circumcidenti se, quia debitor est vniuersae legis.

IV. Qualis certitudo requiratur in iudicio ut voluntas sit recta.

V. Conclusio.

VI. Ad malitiam an requiratur actuale iudicium conscientiae.



gis faciendæ, scilicet ratione conscientiæ, atque idem sumitur ex capit. literas, de restitutione spoliatorum, capit. ultimo, de prescriptione, capit. per tuas 2. de symonia, capit. inquisitioni, de sententia excommunicationis, & capit. si Virgo 34. questione 1. Ratio vero est eadem quæ supra tacta est, quia voluntas est cæca potentia, quæ per se non potest percipere obligationem legis; obligatur ergo media ratione, quam ideo supra diximus legem indicantem. Vnde recte D. Thomas hinc *question. 19. artic. 5.* dicit, conscientiam non proprie obligare tanquam per se causam, sed tanquam applicantem legem superioris, seu subiectum natura sua inducens talem obligationem.

II. Sed superest explicandum quas condiciones requiratur conscientia, ut obliget, & potissimum dubium est an requiratur veritatem, & certitudinem: ex dictis n. sequitur, ut conscientia obliget, necessarium esse, ut in obiecto obligationem proponat, ita ut non solum iudicet aliquid esse bonum, sed etiam necessarium ad honestatem, potest n. conscientia obligare vel ad omittendum, vel ad faciendum: & ad hoc ex parte obiecti satis est, ut contrarium proponat tanquam malum, quia omnne malum cauendum est natura sua, & vitandum. Vel potest obligare ad aliquid faciendum: idque dupliciter, scilicet vel quoad exercitium actus, & ad hoc necesse est, ut iudicem me teneri hic & nunc ad hoc faciendum: vel quoad specificationem tantum, ut si iudicem quamvis non teneat orare, v.g. tamen si orare velim, debere orare attente, vel alio modo, & tunc etiam necesse est, ut illam conditionem proponat tanquam necessariam ad honestatem, & ratio generalis est, quia, ut dixi, conscientia non obligat nisi ut applicans legem, seu obligationem, quæ ex obiecto nascitur: ergo necesse est, ut proponat obiectum, ut inducens obligationem, vel ex se, vel ex superioris mandato. Confirmatur, nam hac ratione iudicium etiam de meliori bono, non inducit obligationem, neque facit contrariam omissionem malam: atque hinc ulterius extra controuersiam est quando hoc iudicium conscientiæ est verum, quia nimirum in re est illa lux, quam conscientia proponit, tunc sine dubio inducere obligationem, quia concurrunt omnia, quæ desiderari possunt tam ex parte causæ per se, quam ex parte applicationis. Difficultas est quando conscientia applicat legem, quæ in re non est, prout dicitur fieri in conscientia erronea, in quo sunt varii modi dicendi.

III. Prima opinio absolute negat huiusmodi conscientiam inducere obligationem, ut refert Glossa *cap. omnes. §. ex his 28. q. 1.* & potest ita suaderi ex Caietano hinc *art. 5. & 6* quia conscientia, vel obligat ratione legis, quam applicat, vel ratione acceptationis: sed hæc conscientia non obligat priori titulo, quia reuera non applicat legem, neque etiam posteriori, quia pendet hæc ex voluntate hominis habentis talem conscientiam, quia suo arbitrio potest illam non acceptare, sed deponere, ut Caietanus ibi dicit.

IV. Secunda opinio distinctione utitur, potest n. conscientia proponere obligationem, quæ in re non est, quamvis etiam non sit in illa prohibitio: ut quando rem indifferentem, vel etiam bonam, quæ tantum est sub consilio, proponit ut præceptam, & necessariam, & tunc dicitur obligare, quia nulla est maior vis, quæ possit talem obligationem impedire. Aliquando vero potest conscientia proponere, ut obligatoriam rem malam, seu prohibitam, & tunc negant obligare, quia non potest habere vim contra legem superiorem, nec veri potest, ut obliget conscientia ad malum: ita

refert D. Thom. hic, & ex parte indicat Alensis 2. p. q. 137. membr. 3. art. 1. tamen D. Thom. vocat hanc opinionem irrationabilem, id est, non consequenter loquentem, quia si in priori casu conscientia obligat, ideo est, quia proponit apparentem legem ubi non est, & voluntas hominis, sicut non mouetur ex his, quæ in re sunt, sed quæ sibi apparent, ita etiam non obligatur nisi iuxta legem cognitam veram, vel apparentem; sed æque potest ratio proponere apparentem legem circa rem malam, vel prohibitam, sicut circa indifferentem, vel bonam, ut circa mendacium: ergo eadem est de utroque ratio.

Tertia opinio negat, hanc conscientiam obligare, sed ligare. Ita Durand. in 2. d. 39. q. 5. & idem sentirent, qui dicunt obligare non simpliciter ad id, quod proponit sed diuinctiue, scilicet vel ut talis conscientia deponatur, vel ut fiat, quod proponit, quomodo etiam loquitur Alensis *supra*, & hæc opinio parum differt à communi, non tamen est cur negetur modus loquendi. Ut tamen melius procedamus, distinguamus hanc erroneam conscientiam in inuincibilem, & vincibilem, seu voluntariam.

Dicendum primo, conscientiam, quamvis erreret, si inuincibilis sit, absolute, & simpliciter obligare. Ita D. Thom. hic, & reliqui Doctores in 2. d. 39. Bonavent. *art. 1. q. 3.* Richardus *art. 1. q. 3.* Gabriel *art. 3.* Ochamus in 3. q. 3. Henricus 2. 2. quodlib. 1. q. 18. Anton. 1. p. tit. 3. cap. 10. §. 4. Adrianus quodlib. 4. art. 2. Almayus tractat. 1. moralium cap. 5. Corduba q. 4. & à fortiori patet ex locis Pauli *supra* citatis, loquitur enim de conscientia errante. Vnde ad Roman. 14. *Quis infirmus est, (inquit) solus manducet, & supra, scio in Domino, quia nihil est commune per ipsum nisi ei, qui existimat aliquid commune esse:* alio vero loco sermonem habet de his, qui post Euangelium putabant circumcisionem esse necessariam, 1. ad Corinth. 8. *Conscientia eorum cum sit infirma polluitur.*

Ratio vero est supra tacta, quia cum homo per rationem obligetur, iuxta modum, & mensuram suæ cognitionis obligatur: ergo si faciēdo, quod in se est, prout ad inuincibilem conscientiam requiritur, adhuc iudicat aliquid esse præceptum, obligatur ex vi talis iudicii. Secundo, quia ille non potest honeste agere contra talem conscientiam, illa durante, ageret enim temere, & voluntarie amplecteretur id, quod sub ratione mali proponitur, neque etiam potest illam deponere, quia supponitur esse inuincibilis, ut infra dicam: conscientia enim non potest deponi, ita ut hominem excuset, nisi ex prudenti, & sufficienti iudicio fiat, quia alioqui esset euidentis periculum errandi in casu autem, de quo agimus, non potest interuenire huiusmodi motuum, alioquin non esset ignorantia inuincibilis. Tertio, quia huiusmodi conscientiæ iudicium est practice verum, & certum, quia cum procedat ex ignorantia inuincibili speculative, reducendum est ad principia practica certa: ergo hic, & nunc vere obligat, sicut per ipsum iudicatur.

Atque hinc infertur primo actum illum, quod voluntas se conformat huic conscientiæ, esse bonum, imo & eiusdem virtutis, cuius esset, si re vera obiectum à parte rei tale esset, ut si ex hac conscientia erronea aliquis iudicet, se teneri ad mentientium, ut proximo periclitati subueniat, ille actus voluntatis erit vere actus misericordie: patet à fortiori ex dictis, quia si homo simpliciter obligatur ad illum actum, ergo est bonus. Item ille homo non peccat in eo actu: ergo bene operatur. Item illa conscientia est practice vera: ergo appetitus illi respondens est rectus

V. Opinio

VI.

VII.

VIII. 1. Corollari



Tandem, quia obiectum in re ipsa non specificat, sed ut proponitur: hic autem sufficienter, aut prudentia proponitur, quia sub ratione honesti; ergo, &c. Hic vero occurrebant difficultates ad alias speciales materias pertinentes, ut de fide, utrum possit ex ignorantia inuincibili haberi actus fidei, vel pietatis affectionis circa falsum. Item an liceat de tali actu gaudere, quod tractatur in materia de peccatis, & delectatione morosa. Item, an liceat consulere de quo in materia de correctione fraterna, & de confessione.

IX.  
2. Coroll. ar.

Secundo sequitur ex dictis in huiusmodi casu obligationem illam oriri ex vi precepti illius virtutis, ad quam pertinet talis actus, ut in predicto casu de mendacio, obligatio nascitur ex precepto misericordiae, quod obligat hominem quotiescumque sufficienter existimat in re subesse sufficienter necessitatem proximi, cui potest commode subuenire, & idem est in similibus. Unde facile soluitur difficultas in contrarium, quia tunc homo formaliter non obligatur ad malum quam malum, sed ad bonum, unde si quid malitiae videtur reperiri in exteriori actu, est materialiter, ut est quoddam materiale obiectum, non vero quatenus est actio humana. Unde etiam non proprie sequitur obligari hominem contra legem Dei, cum obligetur ad actum virtutis: materialiter autem videtur esse obligatio contra quandam Dei legem, quae tunc non obligat, quia excusatur homo per ignorantiam, & per aliam fortioiorem Dei legem obediendi prudenti conscientiae.

X. 2. Assertio. Dicendum secundo, si conscientia erret ex ignorantia voluntaria, tenetur homo adhibere diligentiam, vel ignorantiam talem tollat, vel inuincibilem reddat, quod si hoc non faciat, tenetur conscientiae obedire, & obediendo non evitat culpam. Conclusio proprie procedit, quando huiusmodi conscientiae iudicium est de actu in se malo, ut in exemplo de mendacio: nam si actus esset bonus, vel indifferens, errorque tantum esset circa obligationem, non tenetur homo expellere hanc ignorantiam si tali conscientiae vult obedire, atque hoc modo probatur facile prima pars conclusionis, quia homo habens huiusmodi conscientiam, non solum est in periculo peccandi, sed etiam in perplexitate, nam durans in eo statu, quicquid faciat peccabit: ergo tenetur adhibere diligentiam, ut ab eo statu exeat.

XI. Unde probatur secunda pars, quia homo debet ratione regi: ergo si hic, & nunc per rationem iudicat se teneri ad aliud quandiu non mutat dictamen rationis: neque ad hoc adhibet diligentiam: cogetur tale dictamen sequi, quia alias, & temere, & sine ratione resisteret, & prosequeretur actum existimatum malum, & reuera in hoc casu loquitur Paulus *citatis locis*: praefertim ad Galat. agit enim de illis, qui ex errore culpabili volebant circuncidi, & ita haec est etiam communis sententia Doctorum, quos supra citavi, & D. Thomae *quaestione decima septima, de veritate*: videri etiam potest Couarr. 1. *variarum capit. 1.* nec Durandus in re differt, cum dicit hanc conscientiam ligare, quia non loquitur de materiali vinculo sed de morali, quod non est nisi obligationis cuiusdam, quia haec non est immediata ad operandum, nec simpliciter, sed ex suppositione, quod homo non adhibeat diligentiam, & quia etiam tunc ita hominem obligat, ut reddat eum perplexum, ideo ad hoc distinguendum vocavit hoc potius ligamen quoddam, quam obligationem: res tamen una, & eadem est.

XII. Ultima pars conclusionis patet ex supradictis, quia illa ignorantia est voluntaria: ergo & malitia obiecti, seu exterioris actus: ergo voluntas non excusatur a culpa, neque est inconueniens hominem esse perplexum ex negligentia sua. legatur Gregorius 32. *moralium cap. 18.* & habetur in cap. Nervi *dist. 13.*

XIII. Sed quaeres primo, an in eo actu interiori tunc sit aliqua bonitas ex obiecto saltem. Respondetur actum illum simpliciter non esse bonum, quia ad minimum caret debita circumstantia, & debito modo operandi: an vero cum hac malitia possit haberi aliqua bonitas supra dictum est, imo addit Ochamus *supra* in illo actu esse duplicem rationem peccati, vnam omissionis debitae diligetiae, alteram commissionis peccati existimati: sed hoc non est necessarium, quia illa ommissio non est mala, nisi quatenus est causa talis commissionis. Quaeres secundo, in ea perplexitate, quid sit minus malum, seu quid potius eligendum, agere contra talem conscientiam, vel secundum illam, de quo late Corduba *quaestione quarta, dubio secundo*. Dicendum breuiter non posse regulam generalem dari, quia interdum vnum potest esse grauius, interdum aliud, pro ratione actionum, & preceptorum, & conscientiae, seu existimationis operantis. Loquendo tamen ex genere, maius malum videtur agere contra conscientiam, quia tunc homo magis directe amplectitur malitiam existimatam, seu cognitam.

XIV. Atque hinc sequitur primo agere contra conscientiam in vniuersum esse intrinsece malum, ut recte D. Thom. *quaest. 19. art. 5.* & probant omnia adducta: ad sit vero Almaynus *tractatu 3 moralium capit. 15.* ex dispensatione Dei hoc possibile, quod probabile existimat Corduba *quaest. 10.* licet probabilius oppositum, quod mihi videtur certum cum Adriano *quodlibet 2. artic. 3.* quia vel illa voluntas Dei sit nota homini, & sic faciat mutare conscientiam: si autem non est nota voluntas, retinebit eandem malitiam, nam voluntarie amplecteretur quod existimat non licere: an vero haec circumstantia agendi contra conscientiam, addat nouam malitiae speciem, ut putauit Angelus *capit. 7. moralium*, vel saltem malitiam notabiliter aggrauantem, & in confessione aperiendam, ut iudicauit Adrianus *in 4. alibi* in materia de confessione tractandum est, in vtroque enim pars negatiua est verior, quia huiusmodi circumstantia solum facit actum esse magis directe voluntarium: satis ergo erit declarare speciem peccati.

XV. Secundo sequitur agere contra conscientiam praeteritam, mutando illam, non esse intrinsece malum, sed potius valde conueniens saepe ad vitandum malum: ratio est, quia huiusmodi mutatio conscientiae saepe est rationalis, & necessaria, imo ad hoc adhibetur diligentia: ut non uariatione, vel auctoritate inuenta, veritas cognoscatur, & si oportuerit prius iudicium mutetur: ergo hoc, per se loquendo, bonum est. Mutato autem iudicio, iam non est regula voluntatis illud, quod praecessit, sed quod adest: ergo non male facit voluntas discordando a priori iudicio, imo ad hoc saepe tenebitur, si hoc dicitur per iudicium, seu conscientiam praeteriti formatam.

XVI. Tertio intelligitur quid sit deponere conscientiam, & quomodo liceat, vel etiam saepe necessarium sit ad malum vitandum, ut omnes Doctores docent, nam deponere nihil aliud est, quam mutare iudicium, vel speculatiuum simul & practicum, vel saltem practicum, quasi suspendendo iudicium.

XII.

XIII.

XIV.

Agere contra conscientiam praeteritam intrinsece malum.

XV.

Agere contra conscientiam praeteritam aliquando licet.

XVI.

Deponere conscientiam quid sit.



iudicium speculatiuum, & non applicando illud ad opus, vt bene Caietanus *art. 5.* qui tamen non recte dicit, hoc posse fieri ad libitum hominis, nam reuera licet tempore fieret, & moraliter se exponeret homo infinitis periculis peccandi. Debet ergo fieri ex sufficienti aliqua auctoritate, vel ratione, vel per sufficientia principia practica, per quæ homo sibi rationabiliter persuadet hic, & nunc licite posse non operari iuxta tale iudicium speculatiuum, & tunc sit deposita conscientia formaliter alia, quæ & ad malitiam excusandam, & ad bene operandum sufficiens erit, vt ex dictis patet.

## S E C T I O V.

*Quomodo possit homo licite operari cum conscientia dubia.*

**I.** *Dubium in quo proprie consistat.* Dubium consistit in quadam mentis ambiguitate, & voluntaria iudicii suspensione, non solum quoad exercitium: hoc enim non est satis ad dubitandum: nam circa res certissimas possumus considerationem, vel iudicium suspendere, sed etiam quoad specificationem, quia nimirum voluntas non determinet intellectum ad alteram partem, quia non inuenit sufficientem rationem: unde non videtur hæc dubitatio includere solam carentiam actus circa rem de qua dubitatur, vt existimauit Cano 12. *de locis cap. 10.* sed etiam cognitionem, seu iudicium quasi reflexum, de insufficientia medii, seu rationis ad assentiendum, & hoc modo dubium interdum includit errorem, vt in eo qui dubitat de rebus fidei deliberate, quomodo dixit Augustinus in *Enchyridio. cap. 17.* falli eum, qui iudicat incerta ea, quæ certa sunt: interdum vero potest esse hoc dubium sine errore, vt quando reuera non subest sufficiens ratio determinans intellectum, quod potest contingere, vel propter negationem medii in vtramque partem, vt, an astra sint paria: vel propter rationes vtrinque probabiles cum tanta æquitate, vt intellectus merito dubitet, & suspendat assensum.

**II.** *Conclusio.* Primo igitur certum est, quando huiusmodi genus dubij interuenit in ipso iudicio practico: quo voluntas determinanda est ad honeste operandum, tunc non posse conscientiam hoc modo dubiam sufficere ad honestam operationem, quod docent omnes Theologi citati, & citandi, & constat ex dictis *sect. 3.* nam hæc dubitatio excludit certitudinem practicam de honestate actionis, quam supra diximus esse necessariam ad bonam operationem: ergo conscientia sic dubia formaliter, & intrinsece non potest sufficere ad bene operandum. Unde sit quotiescunque homo dubitat hoc modo, an actio sit bona, vel malæ; in omissione autem nullam malitiam timet, tæneri semper ad omittendam talem actionem, de quo videri possunt Adrianus *quodlibet 2.* Syluester *Confessor 3. §. 10.* Corduba *lib. 3. quest. 4. & 5.* Nauarr. *cap. si quis autem de penitentia distinct. 7.* ex quo textu potest hoc confirmari, & ex *capit. ad audiendum, de homicidio,* & ex aliis decretis, quæ constituunt illam regulam, in dubijs tutiorem partem esse eligendam, *capit. iuuenis, de sponsalibus. capit. significasti 2. de homicidio, & capit. habuisse distinct. 33.* nam hæc regula potissimum verum habet, quando dubium est practicum, & ratio est clara, quia tunc non licet operari cum tali dubio, quia exponit se homo periculo peccandi: ergo omnino debet cessare, cum illa via certa sit ad vitandum omne periculum. Aliqui autem limitant hanc regulam, quando ex tali

omissione sequitur graue aliquod damnum, quid videtur nimis graue obligare tunc hominem ad sustinendum certum damnum propter dubium incertum: sed formaliter ac proprie, nulla est possibilis limitatio, quia operari cum tali conscientia semper est intrinsece malum, vt ostensum est: fieri autem potest, vt per occurrentes circumstantias licitum sit homini practice deponere tale dubium, & definite iudicare stante hac cognitione, & hoc periculo hic, & nunc non esse malum sibi exercere talem actionem, & ita semper oportet, vt saltem per principia extrinseca, vel per aliorum auctoritatem determinetur homo ad hoc iudicium.

Sed quid si vtrumque est dubium de malitia tam in agendo, quam in omittendo, vt si dubitat, an sit malum omittere. Missam propter vrgens præceptum, aut è contra, an sit etiam malum illam audire propter impedimentum, quod apparet necessarium. Responderetur debere hominem tunc inquirere, vel per rationem, vel per aliorum doctrinam: quod si non possit, & per se ipsum debeat breui tempore determinare, si bona fide faciat, quod potest & id eligat, quod minus malum videtur, non peccabit: semper tamen debet in ipso practico, & actuali exercitio operis, hoc sibi practice persuadere, & ratio est, quia si homo faciat moralem diligentiam, & bona fide procedat, non potest esse perplexus, vt necessario debeat malum operari, imò addo etiã, si culpa sua incideret in eam perplexitatem, quia potuit prius doceri, & præueniri, & negligenter omisit, postea tamen si secundum præsentem dispositionem, & occasionem faciat, quod potest, non peccabit verum, quia præterita negligentia non potest inducere necessitatem peccandi de nouo, quia semper potest homo, & de præterito peccato dolere, & secundum præsentem statum prudenter operari, humano modo considerando grauitatem vtriusque præcepti: & eligendo quod magis conueniens, vel minus malum videtur.

Secundo certum est conscientiam practice certam, quamvis extrinsece dubia sit in aliquo principio speculatiuo, vel in cognitione alicuius rei, ex qua videtur pendere honestas actionis, nihilominus sufficere ad honeste operandum, dummodo vere sit certa, & ex certis principiis elicitæ: ita omnes autores citati, & colligitur ex *cap. Donatus. de secundis nuptiis,* & ex *cap. Inquisitionis. de sententia excommunicationis,* & ex Augustino 20. *contra Faustum capit. 24.* & habetur in *cap. Quid culpatur vigesimo tertio, questione prima,* vbi Glossa refert alia iura, & in *capit. Quid ergo, vndecimo, questione 3.* Ratio est, quia regula voluntatis humane est conscientia practica: ergo si illa certa, & vera, & necesse est, vt appetitus illi conformis sit rectus, potest autem esse certa non obstante dicto dubio speculatiuo, vt supra declaratum est, atque ratio huius rei sumitur ex ipsa naturali hominis conditione, quia sæpe est illi impossibile iudicare, quid in re verum sit, cum tamen illi moraliter necessarium sit nihilominus operari: ergo oportet, vt saltem practice possit determinari.

Dificultas est, quædo, aut quomodo, non obstante huiusmodi dubio, possit homo formare hanc conscientiam certam, in hoc dubio: Mihi licitum est hic & nunc hoc facere: & ratio dubii esse potest, quia vera sæpe dicunt, in hoc dubio tutiorem partem esse eligendam: aliunde vero est durissimum, hominem semper a hoc obligari, alioquin deberet semper vel ieiunare, vel reficere, &c. Quoties dubitat, an hoc teneatur,

## III.

*Quæstio: Cula subor- ta.*

## IV.

*2. Conclusio.*

## IV.

*Quomodo non obstante dubio extrinseco possit formari conscientia certa?*



nam securior erit, si id faciat: unde alia iura dicunt. In dubijs meliorem esse conditionem possidentis capit: cum sit, de regulis iuris in 6. capit ex literis, de probationibus. Et tamen non semper ius possidentis est tutius, nam qui dubitat de voto omisso, possidet suam libertatem, & tamen tutior erit, si illa priuatur, & seruet votum. Denique in hac re morali est infinita varietas, & interdum cum dubio aliquid licet, interdum non licet, ut si dubito de hac persona, an sit legitimus superior, licet illi non obedire: si autem certus sum esse mihi superiorem, & hic & nunc dubito, an mihi iuste praecipiat, regulariter debeo illi obedire; quia igitur regula utendum erit, & una quidem generalis est, prius quam liceat cum dubio hoc operari oportere, ut tale dubium fiat inuoluntarium, & inuincibile per sufficientem diligentiam ad expellendum illud, quia alias dubium non provenit ex rebus ipsis, sed ex voluntate hominis, & ita illi tribuetur, quidquid mali acciderit, & omne periculum eius, tamen adhuc postquam dubium factum est inuincibile, sufficienter est moralis ambiguitas posita.

## VI.

Tertio igitur regula hae generalis assignari posse videtur in vnaquaque actione, quae pender ex huiusmodi dubitatione: id esse agendum, quod iuxta materiam exigentiam, & negotij qualitatem minora habet incommoda omnibus pensatis. Hoc inde patet, quia iudicium practicum conscientiae, ut supra dixi, prudentiale est, sed proprium prudentiae principium est in singulis actionibus id esse agendum, quod minus habet incommodi, atque hoc modo hic etiam verum habet illud principium: In dubijs tutior pars est eligenda: applicare vero hanc regulam ad singulos actus minus est potius prudentiae, quam conscientiae; pendet enim ex singularibus contingentibus, quae non cadunt sub scientiam: tamen ut magis in particulari ostendamus aliquam viam applicandi hanc regulam, distinguere possumus duplex dubium: utrum iuris: ut, an hoc sit praecipitum, necne. Aliud facti: ut, an res sit mea, necne? & circa utrumque, sunt pauca notanda.

## VII.

Dubium iuris multipliciter contingere potest.

Circa dubium iuris est advertendum variis modis posse contingere; primo, quia simpliciter dubitatur de tota lege quoad exercitium: id est, an sit lata, necne. Et tunc generalis regula est non obligare. Ratio peti potest ex illo principio quod in dubijs melior est conditio possidentis; homo autem continet libertatem suam; vel certe ex illo, quod in materia notandum est, quod lex non obligat nisi sit sufficienter promulgata: quia diu autem rationabiliter dubitatur, an lata sit, non est sufficienter promulgata. Secundo vero quamvis constet legem esse latam, dubitari potest de sensu eius, & idem est dicendum per eandem rationem, nisi quod in eo casu ad expellendum dubium recurrendum est ad superiorem, si facile fieri potest. Tertio cum constet de lege, & de sensu eius, dubitari potest, an in hoc casu particulari obliget, & tunc generalis regula est, si nulla sit sufficientis ratio, probabilisque ad excusandum, tunc obedendum esse legi, quia ipsa vel superior continet ius suum, quod maxime servare oportet cum ad commune bonum pertineat, de quo lege D. Thomas, & Caeletanum supra quest. 97. art. 2. & 2.2. quest. 120. artic. 1. & Sot. lib. 6 de iustitia quest. 6. art. 5. Nauar. in simili cap. 12. Manuali n. 55. Corduba in summa Hispan. quest. 147. Dubitari potest quarto de obligatione legis propter aliam legem occurrentem, & in hoc servandum est, quod in prima conclusione huius se-

ctionis notauimus. Ultimo dubitari potest de iure, quoad specificationem, ut sic dicam, id est, an iustum sit praecipitum, quod dubium ex duplici capite oriri potest, primo ex defectu iurisdictionis, ut quando non dubitatur, quin actio praecipita sit honesta, sed an excedat potestatem superioris, & in tali dubio etiam obediendum est legi, quia suppono esse certum hunc esse superiorem, atque ita possidere ius suum. Item quia ad bonum commune hoc expedit, alioquin vix possent homines gubernare, lege Bonavent. in 2. distinct. 39. artic. 1. quest. 3. Paludanum quest. 4. Adrianum quodlibet 2. quest. 2. Angelum, & alios verbo Obedientia: Solum in relectione de secreto, membr. 3. quest. 2. Aliud caput huius dubitationis est ratione rei praecipitae, quia dubitatur, an liceat, vel non liceat, expediat, necne. Quod quidem potest contingere duobus modis, primo quia antelatum praecipitum iam erat illa dubitatio, ut quando in die ieiunii ego dubito, an habeam sufficientem causam excusantem, & tunc non est dubium, quin possim ego, & debeam obedire accedente praecipito, non quia liceat mihi cum dubio operari accedere praecipito, sed quia iam tunc habeo sufficientem rationem ad deponendum dubium: & quotiescumque possum, debeo facere hoc propter praecipitum. Ita Corduba quest. 7. & alii: aliquando ante praecipitum superioris erat certum actionem non esse licitam: praecipitum autem illam superior, & oritur dubium, an teneam obedire, & nonnulli censent tunc nec teneri, nec posse. Nauar. cap. si quis autem, num. 91. Cordub. quest. 6. quia tunc conscientia est practice dubia: sentio tamen hanc sententiam non esse regulam generalem, sed pro qualitate materiae prudenter pensandum esse, an actio talis sit ut non sit intrinsece mala, & ideo possit ratione praecipiti superuenientis malitia eius cessare, quae reuera esset secluso praecipito, ita Paludanus in 4. dist. 38. quest. 2. art. 3. Syluester verbo Conscientia quest. 4. Corduba circa relectionem Soti de secreto membr. 3. quest. 2.

Circa dubium facti primo seruanda est illa regula iuris: In dubijs melior est conditio possidentis: obseruanda, ceteris paribus, verum habet in omni materia quoad hoc, quod nullus debet spoliari re sua, quam rationabiliter possidet propter solum dubium, siue debeat spoliari ad exercendum actum iustitiae, ut est restituere, siue ad actum religionis, ut est implere votum, seu ad alia similia: secus vero est quoad alios vsus, quia non semper uti licet re sua cum dubio alicuius malitiae, vel damni, iuxta quam doctrinam explicanda sunt iura de coniuge dubitante cap. Inquisitionis, de sententia excommunicationis, cap. Dominus, de secundis nuptiis. Secundo contingit occurrere iura, & quali contrarias possessiones, ut quando reus dubitat, an iudex legitime interröget, nam iudex possidet ius interrogandi, & reus possidet vitam suam, vel bonam, & ius tuendi illa, & tunc licet regulariter praefendum sit ius maius, quale est in proposito exemplo ius superioris: tamen etiam pensandum est damnum, quod aliunde sequi potest, tantum enim esse potest ut praefendum sit, ut recte Medina 1.2. q. 19. art. 6. Tertio. Ultra haec in singulis muneribus, & officiis, & matris consideranda sunt principia, quae ad illas pertinent, ut iudex in dubio debet mitiorem partem sequi, & absolueret potius, quam damnare: sic etiam dicunt iura iudicandum esse innocentem, qui non probatur nocens, idemque est de nobilitate. Pro quo lege Couar. in 4. decretal. 2. p. c. 8. §. 3. Franciscum Sarmiento lib. 3. selecta interpretationum cap. 1. Quarto in dubio facti interdum licet

## VIII.

1. Principium. 2. Principium. 3. Principium.



4. Principium. licet practice illo uti, solum quia non est aliud medium sufficiens ad expellendum illud, ut in casu cap. laudabilem, de frigidis, & maleficiatis, ubi triennale tempus conceditur, ut qui dubitat de validitate matrimonii, propter impedimentum frigiditatis, possit experimento cognoscere, an re vera habilis sit: ex his ergo principiis facile, ut credo, erit in singulis materiis iudicium ferre.

IX. Expositio alterius regulae, seu axiomatis: In dubiis tutior pars, &c. Atque hinc etiam explicatum manet illud axioma: in dubiis tutior pars est eligenda. Nam si sit sermo de parte tuta in conscientia: intelligendum est, quando dubium est practicum, & ita comparatio est impropria: nam reuera potius comparatur pars tuta: si vero sit sermo de parte tutiori quoad vitanda maiora damna, vel incommoda, sic procedit regulariter iuxta principia dicta, & saepe potest esse praeceptum iustitiae, aut charitatis etiam iuxta materiae exigentiam: interdum vero esse poterit tantum consilium, ut Nauarrus docet in dicto capitulo. si quis autem, ubi fuit de hac materia disputat.

## SECTIO VI.

Quomodo sit utendum conscientia opinanti, seu probabiliter ad recte operandum.

I. Opinio, quod ad praesens spectat, quid sit? Opinio haec differt à dubio, quod includit determinatum assensum alicuius partis, licet formidolosum, & in ea potest esse magna latitudo, nam interdum est temerarium seu improbabile iudicium, interdum probabile, interdum probabilius ceteris, de quibus videri possunt Corduba lib. 1. quest. 17. & lib. 2. q. 3. & Nauar. cap. 27. nu. 289. & Summistae verbo Opinio, qui tradunt indicia ad discernendos gradus harum opinionum, quod magis spectat ad Dialecticam. Nobis nunc satis est, illam existimari opinionem probabilem, quae etiam nititur autoritate aliqua digna fide (quae in remorali multum habet ponderis) & non repugnat, aut veritatibus ab Ecclesia receptis, aut euidenti ratione: neque etiam temere contradicit communi, & receptae doctrinae Doctorum: vnde quo plus opinio participauerit utramque harum rationum, eo erit probabilior. Aduertendum est, aliud esse opinionem esse probabilem, aliud tutiorem: nam primum illud dicitur in ordine ad veritatem magis, vel minus offensam: hoc autem secundum videtur dicere ordinationem ad aliquem finem, seu maiorem utilitatem ad illum, quomodo opinio, v.g. quae olim dicebat posse absolui absentem in casu necessitatis reuera minus probabilis etiam tunc erat, tamen ad iuuandum proximum tutior erat.

II. Primo igitur certum est ex dictis conscientiam intrinsece, & practice formidolosam non sufficere ad honestatem actionis: reuocanda tamen semper esse ad conscientiam practice certam, quod quomodo fieri possit supposita aliqua opinionem probabiliter supra dictum est.

III. Secundo est certum, opinionem speculatiuam, quae non attingit gradum probabilitatis, per se non sufficere ad formandam conscientiam certam, & rectam practice, quo sensu locutus est D. Thom. quodlibet. 8. articulo. 3. & Caietan. in Summa verbo Opinio. Et ratio est clara, quia talis opinio non sufficienter determinat intellectum ad prudens iudicium ferendum. Item exponit hominem magno periculo moralis deceptionis. Dico autem per se, quia ex ignorantia, vel aliqua perplexitate inuoluntaria poterit interdum talis cognitio sufficere; quia nulla est moralis via

ad maiorem obtinendam, & instat necessitas operandi, tunc autem talis cognitio dici poterit probabilis respectu talis hominis, & talium circumstantiarum.

Tertio est certum, probabile iudicium speculatiuum, quando in contrarium nihil certius, vel probabilius occurrit, sufficere ad conscientiam practicam veram, & certam formandam. Pater ex illo principio quod homo prudenter operatur iuxta probabilem cognitionem, quando aliam meliorem consequi non potest. Tota ergo huius materiae difficultas consistit in quaestione comparata: estque multiplex, quia possunt inter se conferri opiniones aequae probabiles, sed non aequae tuta; nam si in omnibus aequales sunt, libera est optio sine difficultate. Rursus possunt esse opiniones in utroque inaequales, ita tamen, ut minus probabilis sit tutior ad aliquem finem: aliquando vero, quae probabilior est, potest etiam esse tutior. Denique potest comparari vna probabilis, vel probabilior ad certam, interdum enim est certum in aliquo actu, vel omissione nullum esse peccatum, & tamen quod contrarium etiam liceat potest non esse certum, sed probabile, vel probabilius, & in his omnibus non loquimur tantum in communi de opinionibus abstracte sumptis, sed etiam in particulari applicatione ad hanc personam, & cum his circumstantiis.

His suppositis variae sunt sententiae: prima absolute, & sine limitatione dicit licere semper uti opinione probabili, relicta etiam probabiliori, & qualibet alia via etiam speculative certa, significat Medina 1.2. q. 19. art. 6. & Lodouicus Lopez 1. p. Summa c. 120. Fundamentum esse potest, quia vel simpliciter licet, vel numquam, quia eadem est semper ratio, dicere autem numquam licere est durissimum: ergo licet semper, quia illa est sufficiens humana cognitio, satisque conformis rectae rationi. Item quia non potest homo ponderare omnium opinionum fundamenta, ac denique, quia etiam in probabilioribus opinionibus potest timeri falsitas, quia, ut Aristoteles ait multa falsa sunt probabiliora veris.

Secunda sententia est extreme contraria semper esse certum praefarendum probabiliter, vel probabiliori, iuxta illud principium iuris: Tene certum, & omite incertum, & id quod probabilius est, minus probabiliter. Ita Conrad. 7. de contract. quest. vlt. Adrianus quodlibet. 2. & Anton. 2. part. titulo. 5. cap. 10. §. 2. Soto in 4. distinctione. 18. quaestione. 2. art. 5. in fine. Ratio esse potest, quia si homo debet ferre iudicium inter res probabiles, necessario iudicat verum, quod iudicat probabiliter: ergo agere contra tale iudicium esset agere contra prudentiam, & contra conscientiam. Item quia sic operando exponit se quis maiori periculo operandi malum. Vnde confirmatur ex illo principio, In dubiis tutius est eligendum: sed opinio probabilior est tutior in conscientia, licet ad alios fines non sit utilior.

Tertia sententia esse potest, tutiorem opinionem esse sequendam, siue probabilis sit, siue probabilior, licet in hoc possit esse diuersitas iuxta varias comparationes supra positas.

Mihi videtur distinctione utendum: interdum enim opiniones versantur circa ius ipsum, scilicet, an hoc sit prohibitum, vel praeceptum, necne? interdum vero circa res ipsas, ut sunt opiniones de sacramentis, ut an hoc modo facta teneat, necne, & in medicina, an hoc pharmacum sit utile, vel perniciosum. In iure civili, an iste sit haeres, vel non, &c. Dicendum primo quotiescunque est opinio probabilis hanc actionem non esse

IV.

Tertium.

V.

1. Sententia.

VI.

2. Sententia.

VII.

3. Sententia.

VIII.

1. Assertio.



esse malam, vel prohibitam, vel præceptam, potest aliquis formare conscientiam certam, vel practicam conformem tali opinioni præter auctores citatos. Fauent huic conclusioni multa, quæ adducit Nauar. dicto cap. si quis autem, à nu. 48. & in Summa cap. 27. n. 288. Syluester, Angelus verbo Opinio, significat Anton. 1. part. tit. 3. cap. 10. Ratio est, quia excedit ordinarium modum humanæ facultatis maiorem cognitionem obtinere in singulis actionibus. Item quia esset intolerabile onus obligare omnes homines ad conferendas singulas opiniones: præterea existimo illam rationem sufficientem: quia quandiu est iudicium probabile, quod nulla sit lex prohibens, vel præcipiens actionē, talis lex non est sufficienter proposita, vel promulgata homini: unde cum obligatio legis sit ex se onerosa, & quodammodo odiosa, non vrget, donec certius de illa constet, neque contra hoc vrget aliqua ratio, quia tunc reuera non est contraria pars tutior in ordine ad conscientiam, neque ibi est aliquid dubium practicum, nec periculum. Intelligentia est autem hæc conclusio præcise ex vi huius capituli, & ex directa obligatione illius legis, de qua versantur opiniones, nam fortasse aliunde ex fine intrinseco, vel ex alia obligatione quasi reflexa poterit aliquis interdum teneri ad operandum, vel non operandum iuxta aliquam probabilem opinionem, ut supra explicaui.

IX.  
Confessio-  
ria ex  
prima asser-  
tione.

Et ex hac conclusione primo definitur illa questio, an debeat confessor conformari opinioni penitentis si probabilis est. Dicendum est enim debere, quia iam penitens est bene dispositus, & tota conscientia operatur, ut latius in materia de confessione. Secundo definitur altera questio: Vtrum liceat consulenti sequi opinionem probabilem, etiam ea relictā, quam existimat probabiliorē, Scot. enim supra negare videtur: dico tamen posse id fieri, dummodo qui consulit veritatem in suis responsis retineat, quia non dicit simpliciter id sibi probabilius videri, aut speculative verum, sed solum posse id sine peccato fieri ex probabili sententia aliorum: an vero expediat ita consulere, ad prudentiam spectat. Secus vero est in docendo, nam tenetur præceptor saniorē, & veriorē doctrinam docere: in quo potest per gradus peccare, iuxta materiam qualitatem: recte autem faciunt, qui licet sentiant moraliter aliquam opinionem esse probabiliorē, simul docent, quando contraria est probabilis, & tunc in praxi, & ita obtinuit usus, qui multum confirmat conclusionem positam. Tandem ex ea inferitur non oportere semper tutiorem viam eligere, voco autem tutiorem illam, de qua certus quispiam est tam practice, quam speculative, in ea nullum esse peccatum, quia esset intolerabile, & præter humanā facultatem, alioqui quoties tantum est probabilis opinio, vel probabilior, quam non sit obligatio ieiunandi, vel faciendi hunc contractum, deberet homo ieiunare, vel abstinere ab illo contractu, & sic de aliis, quia certissimum est in hoc nullum esse peccatum, & aliud solum est probabile, consequens est aperte falsum: ergo etiam antecedens.

X.  
2 Assertio.

Dicendum secundo. Quando opiniones versantur circa res ipsas, an sint talis naturæ, vel conditionis, scpe tenetur homo præferre opinionē certam probabili, & probabiliorē minus probabili, quando scilicet ex iustitia, vel charitate tenetur vitare damnum, vel incommodū, quod in re ipsa subest, vel periculum eius. Sumitur assertio ex D. Thom. in 4. dist. 23. Paludan. dist. 36. q. 2. art. 3. Adrian. quodlib. 2. q. 5. de confessione dubio 7. Victoria relectione de iure belli, Soto 3. de iustitia q. 6.

art. 3. Nauar. dicto cap. de penitentia dist. 7. n. 47. & 75. Corduba q. 5. & Summistis verbo Opinio. Declaraturque exemplis, nam medicus sine dubio tenetur præferre certam medicinā dubiæ, & sic de aliis, hic enim maxime verum habet illud August. lib. 50. hom. in 41. & de penitentia dist. 7. cap. 4. Tene certum, & demitte incertum. Ratio vero est, quia, ut supponitur, homo tenetur vitare illud dānum, vel procurare talem utilitatem, aut efficere validum Sacramentum, vel quid huiusmodi: ergo tenetur vitare periculum, quia hoc perinde est in moralibus: sed si omittit viam certam, aut securiorem, non vitat periculum, nam illud semper in re manet, quod quid sit de probabilitate opinionis. Unde confirmatur ex differentia inter iudicium de iure, vel dere, nam primum dicit ordinem ad operantem, & omnino tollit periculum malitiæ. Secundum vero dicit ordinem ad rem ipsam, & non tollit periculum detrimenti, quod est in ipsa re. Unde in priori est sufficiens excusatio, seu ratio sequendi probabile iudiciū, quia nondum est lex sufficienter proposita, & non expedit hominem obligationibus operari: hic autem nulla est sufficiens excusatio, cum satis constet periculum in re ipsa manere, & consequenter inde obligationem oriri. Hic vero occurrere possunt variae difficultates pertinentes ad materiam de Sacramentis, & ad alias, quæ hic non possunt tractari, ut tamen facilius expediri omnia possint, intelligenda est prædicta conclusio, quando nulla subest rationabilis causa ad omittendam viam certiorē, & minus certam eligendam, ita ut utraq; sit moraliter possibilis æque, & facilis; nam si in altera parte, scilicet certiori, occurrat specialis difficultas, propter quam hic, & nunc non potest aliquis ea vi sine incommodo, licite interdum poterit omitte, quia pro tunc non censetur moraliter possibilis, & altera cum sit probabilis, poterit tunc existimari sufficiens.

Dicendum ultimo. Interdum licet uti probabili opinione circa actum, omissa probabiliori, propter aliquam utilitatem, vel quia in re ipsa tutior est ad aliquem finem honestum, hoc declarat optime casus ille de absolutione absentis in necessitate, nam licet probabilis semper fuerit, & mihi quidem certum, esse nullam, & consequenter non esse exercendam, tamen quia probabile videbatur non paucis esse validam, & hoc absolute erat utilius proximo, ideo licitum erat olim illa uti, quod exempli gratia dictum sit. Nunc autem, quare aliter sit sentiendum Clemens VIII. suo diplomate declaravit. Idem est de absolutione cum solis signis contritionis. Idem potest contingere in corporali medico, si in desperata necessitate utatur medicina probabiliter utili, etiam si probabilius sit fore inutilem. Et ratio est, quia respectu conscientie probabilis sufficit ad certitudinem practicam, & alioqui in re non creatur periculum detrimenti, sed vitatur potius, & additur species utilitatis: unde non immerito aliqui dubitant, an hoc non solum liceat, sed etiam sit præceptum: nam re vera præceptum esse aliquando potest ex obligatione charitatis, vel alia simili, quando ex una parte est gravis necessitas proximi, & aliunde nullum est incommodum, nec periculum eius, quod ponderari posset. Si enim interdum ita accidat: ut ex utraque parte subit aliquid incommodum, vel periculum, prudenter comparanda sunt, & illud eligendum, quod tutius videbitur.

(P)

XI.  
3 Assertio.



SECTIO VLTIMA.

Quomodo sit vtendum conscientia scrupulosa ad honestam actionem.

I. *Varia causa vnde oritur scrupulus.* Scrupulus interdum verum, aut rationabilem conscientia remorsum significat. 1. Regum 25. *Nesit tibi hoc in scrupulum cordis, quod effuderis sanguinem innoxium:* hic vero, & frequentius sumitur, vt supra dixi, pro quadam animi pusillanimitate, & dubitatione ex leuibus, & apparentibus causis, cuius radices sunt, vel tentatio demonis, vel diuina permissio, vt hominem exerceat, & humiliet, vel ipsa corporis complexio, & imaginationis falsitas, vel debilitas: vel nimius timor seruilis, quem generat nimius amor proprius, quemque diminuit perfecta charitas, ex qua, & ex timore filiali raro nascitur hæc affectio, interdum tamen nasci potest ex adiuncta ignoratia, vel etiam consuetudine, aut aliorum exemplo, aut denique nascitur ex sola probabilitate opinionis contraria.

II. *Scrupulosus non sibi persuadeat esse absolutum malum, quod est facturus.* Primo cauendū est, ne scrupulus vincat hominem ad formandum absolutum dictamen esse malum, quod operatur, ita vt nihilominus operetur, quia non excusabitur à culpa, cū agat contra conscientiam, & hoc dixit Innocentius III. in cap. per tuas 2. de Simonia. ibi, *per conscientiam scrupulosam in hanc incidet difficultatem, quam non euadet, nisi deponat errorem, saltem practice.*

III. *Nec formet iudiciū practicum de malitia operis faciendi.* Secundo cauendum est aliud extremū ne homo legatur semper scrupulis obedire, formādo scrupulosum dictamen, seu iudiciū practicum, & obediendo illi, ita omnes autores citandi. Primo, quia erit hoc maxime onerosum: nā imponit sibi homo infinitas obligationes, & præcepta sine fundamento. Secundo est hoc valde periculosum, tū quia inde sequitur magna inquietudo mentis, & conscientia, ac cæcitas, errorēque innumeri, tum etiam quia impeditur homo à perfectioribus operibus, & in spiritualibus exercitiis mirum in modum distrahitur. Tertio, quod grauius est, sæpe tot oneribus prægrauatus præsumpit, & agit contra cōscientiam practicam, & erroneam, & sæpe etiam concipit errorem quendam virtutis, & fit intolerabilis cura, & sollicitudo propria conscientia.

IV. *Imo deponat scrupulum, & formet iudiciū contrarium.* Tertio dicendum non solum esse tutum, sed etiam valde necessarium deponere conscientia scrupulosam, formādo iudiciū illi contrariū, & perseverando in illo quādiu scrupulus instet, & molestat; ita docent omnes, optime autē Caietan. in Summa, verbo Scrupulus Anton. 1. parte tit. 3. cap. 10. §. 10. Gerson 2. parte opuscul. de natura, & qualitate conscientia. Nauarr. & Corduba, & alii citati. Videri etiam potest Laurent. Iustinianus lib. de disciplina Christiana religionis cap. 12. & sunt optima verba Innocentii III. cap. inquisitionis, de sententia excommunicationis. Conscientia leuis, & temeraria credulitatis explosa, &c. Non enim oportet explodi speculatiue, sed practice, neque ita vt non sentiat, sed vt non consentiat per determinatum iudiciū. Ratio vero est, quia hic scrupulus non habet prudens, & rationabile fundamentum, & ideo non potest tollere practicam certitudinem in operando.

V. *Quid scrupulosam malitiam corripuit.* Sed hoc est quod scrupulosum vexat, quia semper illi videtur rationabilis dubitatio, præsertim cū apud Gregorium legat, bonarum mentium esse timere culpam, vbi culpa non est, & maxime turbatur

si aliquoties expertus est se fuisse deceptum in agendo contra scrupulum. Respondetur aliter esse iudicandum de eo, qui pacatam habet conscientia, aliter de his qui perturbatam, vel scrupulosam; nam ille facilius potest timere culpam vbi non est, nam de illo Gregorius loquitur, quia eius timor non est nimius, nec vanus, sed prudens, & cautus. Aliquando vero potest excedere & transire in scrupulum, & tunc si talis homo sit doctus, facile potest applicare principia practica, & ex his firmiter operari, contempto scrupulo, etiam si perseveret: si autem sit indoctus, alterius consilio vtatur, & eius autoritate practice nitatur: quod si non potest alium adire, & necesse est operari, seruet regulam supra tactā de conscientia dubia, sc. vt per se consideret morali diligentia, & bona intentione faciat, quod honestum videbitur, & practice non errabit. At vero in his, qui habent conscientiam scrupulosam & inquietam: primum oportet, vt suam ægritudinem & dispositionem cognoscant, quam facile percipient, vel ex facilitate timoris, & inquietudinis in iudicando de agendis, & facili mutatione iudicii ex quacumque leui coniectura, vel apparentia, vel ex nimia quadam reflexione circa res, vel euentus, qui vix in aliorum cogitationes ascendunt: vel denique, si aliorum consiliis, quibus parere debent, non acquiescunt.

Secundo hinc statuatur non se suo iudicio regere, quia eger animus non potest sibi continenter medicinam eligere: consulat ergo virū doctum & timoratum, cui omnino fidem habeat, & securus erit, & contemnet omnem dubitationē, an se satis explicauerit. Tertio habet aliqua principia generalia extrinseca & practica, quibus vtatur, quale est eum qui bona fide procedit animo placendi Deo si mediocrem diligentiam adhibeat, practice nō errare. Item in rebus moralibus non esse quærendam omnimodam certitudinem: item, quod Caietan. ait, dubitationem quæ in aliis fortasse esset rationabilis, in scrupuloso pro nihilo esse existimandam: vnde licet contingat speculatiue interdum decipi, practice non errare: ac tandem si semel in aliquo facto habuit consilium ab homine docto, in omni simili illo vtatur absque noua interrogatione.

Et hæc quidem procedunt quando scrupulosus procedit de re quidem agēda in futurum; quando vero est de re præterita, duplex esse poterit. Vnus, an consenserit, necne, & in hoc est regula omnium, vbi non fuerit euidentissimus consensus, non est quod timeatur, agimus. n. de his, qui bona fide procedunt, & alioqui habent firmum animum nunquam peccandi mortaliter, neque est quod terreamur propter moram temporis, aut vehementiam cogitationis, nam hæc et sæpe sunt naturalia, & inuoluntaria, & interdum ex timore, postea maiora apparent, quā reuera fuerint. Alter scrupulus similis est, in ordine ad confessionem, an sufficienter confessus fuerit, necne, de quo latius in materia de confessione, & est res de se facillima, nam si mediocrē diligentiam adhibuit, potest esse securus. Ex quibus etiam obiter declaratum est, quæ remedia seruire possent, præsertim ad ipsum vsum: nā radix tollenda est vel purgato corpore, vel certe animo, sentiendo de domino in bonitate, qui non iniicit vincula, neque ab homine exigit plus quam humanam, & moralem diligentiam. Et hæc

satis de hac materia ad gloriam Altissimi.

Finis tractatus tertij.

Suarez in primam secundam Thom.

Ee

ELEN-

Quid sunt remedia adhibendum.

VI. *Alia opportuna remedia præscribuntur.*

VII.





E L E N C H V S

## DISPV TATIONVM

## QVARTI TRACTATVS,

De actibus, qui vocantur Passiones, tum etiam de habitibus,  
præsertim studiosis, ac vitiosis.

## DISPV TATIO I.

De Passionibus, continens duodecim sectiones.

1. *Quid passio anime, & in quo subiecto.*
2. *De bonitate & malitia passionum.*
3. *De generali diuisione, & differentia actuum appetitus, siue passionum.*
4. *Vtrum amor sit in appetitu sensitiuo, & quas causas, & effectus habeat.*
5. *Quid sit cupiditas, seu concupiscentia, & qualis sit diuisio amoris in concupiscentia, & amicitia.*
6. *Quid sit delectatio, & quomodo ab aliis passionibus differat.*
7. *De odio, fuga, & tristitia.*
8. *Quid sit spes, & quod habeat contrarium.*
9. *Quid sit audacia, & quomodo ad alias passiones comparetur.*
10. *Quid sit timor.*
11. *Quid sit ira, & quodnam contrarium habeat.*
12. *De sufficientia diuisionis passionum, & earum comparatione.*

## DISPV TATIO II.

De habitibus in communi, remittitur ad disputationem 44. Metaphys.

## DISPV TATIO III.

De eo genere habituum, qui dicuntur virtutes, continens  
sectiones decem.

1. *Vtrum aliquis habitus sit essentialiter virtus.*
2. *Quomodo diuidatur virtus in intellectualem, & moralem.*
3. *De diuisione virtutis intellectualis.*
4. *Qualis sit distinctio inter virtutes morales.*
5. *De aliis diuisionibus, seu potius de nominationibus virtutum præcipue Cardinalium, & Theologicarum.*

6. *Vtrum*



6. *Vtrum de ratione virtutis sit in medio consistere.*
7. *In quo subiecto sint virtutes.*
8. *Quam efficientem causam habeant virtutes.*
9. *An una virtus sine alia generari possit , & esse , & consequenter an sint connexæ.*
10. *De augmento, diminutione, & corruptione virtutum.*

#### DISPUTATIO IV.

De habitibus pravis, seu vitiis, complectens sectiones duas.

1. *Quæ sit ratio, & essentia habitus vitii.*
2. *De causis vitioforum habituum.*







TRACTATUS QVARTVS  
DE ACTIBVS,  
QVI VOCANTVR PASSIONES,  
TVM ETIAM DE HABITIBVS,  
præsertim studiosis, ac vitiosis.

DISPV TATIO I.

De Passionibus.

SECTIO I.

*Quid sit passio animæ, & in quo subiecto  
detur.*

*Quem locū  
habeant pas-  
siones inter  
actus huma-  
nos, & cur  
de illis agat  
moralis di-  
sciplina.*

**H**umanorum actuum qui-  
dam per se liberi, atque  
adeo humani, & morales  
sunt, & omnino interio-  
res, & immateriales, alii  
sunt prorsus exteriores,  
qui ab interioribus neces-  
sitate quadam efficiuntur:  
alii sunt quasi medii, vt ac-

tionones appetitus sentientis ad quas, cogitatio-  
nes, seu actus phantasiæ reuocamus. De prioribus  
actibus, quæ ad moralem doctrinam pertine-  
bant, in superioribus tradidimus. De poste-  
rioribus nihil præterea, quæ de imperatis actibus  
vniuerse diximus, quod moraliter sit disputan-  
dum, occurrit: superest ergo, vt de actibus me-  
diis, id est, de affectibus animi, seu passionibus,  
dicamus, etsi enim Philosophi naturalis sit de il-  
lis disserere, & multa à Medicis de eisdem tra-  
dantur, ad moralem nihilominus scientiam  
spectant. Primo, quia libertatis quodammodo  
participes sunt, & ideo ad doctrinam de actibus  
humanis annectuntur. Secundo, quia sunt mate-  
ria, in qua plures morales virtutes versantur.  
Tertio, quia horum cognitio plurimum cōfert  
ad perfectam actuum voluntatis cognitionem.  
Disputant autem de hac materia passionum D.  
Thomas in genere quidem 1. 2. à q. 22. vsque ad 24.  
de singulis vero 3. quæst. 25. vsque ad 48. latissime: &  
ante illum Vincentius Beluacensis in speculo  
moralis, si eius est, atque diuersum tale opus: i-  
tem Albertus Magnus nonnulla docet in sum-  
ma de homine in fine primæ partis: alii Theolo-  
gi pauca dicunt, & in variis locis, quæ infra refe-  
remus. Ex Philosophis nonnulli, secundo & tertio  
de anima, præcipuè Ludouicus Viues multa  
congerit: alios in sequentibus ad-  
ducemus.

*Cōsule Bel-  
larm. de scri-  
ptoribus Ec-  
clesi.*

PAssionis nomen, vt Diu. Thomas 1. 2. quæst. 22.  
articul. 1. notauit, multiplex est, interdum  
enim omnis mutatio, tametsi subiectum perni-  
ciat, passio dicitur: nonnunquam vero, quæ sub-  
iectum corrumpit: in præsentī autem materia,  
vt Damascenus lib. 2. capit. 22. definit, passio est  
sensualis motio appetitiuæ virtutis ob boni,  
vel mali imaginationem, quæ ratio nominis ex  
vfu, & consuetudine omnium Philosophorum  
sumpta est, non enim dicuntur hæ passionēs,  
quia in physica alteratione consistant, nam in  
se veri sunt actus quidam immanentes alicuius  
appetitus vitalis, vnde à Latinis vocatur pro-  
prie affectus. Tametsi Cicero Tusculana 4. vocet  
perturbationes, & turbidos animi motus, &  
morbos. Quia vero isti affectus vim quandam  
habent, & mouendi humores, & efficiendi pas-  
sionē in corpore, ab effectu passionēs dicuntur à  
Paulo ad Romanos 7. cum enim essemus in carne,  
passiones inquit peccatorum, quæ per legem erant, opera-  
bantur: vt ibi exponit Chrysostomus, & alii, & eo-  
dem modo loquitur Augustin. 9. de Ciuitate Dei  
cap. 4. Hieronym. Matth. 5. & 26. & Ioel. 10. & Za-  
char. 10.

Primo ergo dicendum est, quod omnis actus  
appetitus sensitiui est, & dicitur animæ passio,  
sic D. Thom. q. illa 22. artic. 1. & 2. & patet ex dictis.  
Sed aduertenda sunt duo, primum, Antiquos  
non omnes appetitus motus, sed eos tantum,  
qui contra naturam, seu rationem sunt, passio-  
nes appellasse, vt D. Thomas ex Cicerone Tuscu-  
lana 4. & Seneca lib. de ira ad Notatum constat, quo  
sensu Hieron. supra negat in Christo fuisse pas-  
siones, quem loquendi modum probat D. Tho.  
3. part. q. 15. artic. 4. Sed non est cur passionis nomen  
semper in malam partē vsurpemus, quia omnis  
appetitus motio, etsi rationi cōsentanea sit, po-  
test in corpore alterationem excitari, sicque di-  
ci passio, & hoc modo vtuntur voce passionis Peri-  
patetici, & Damascen. lib. 3. cap. 2. & Aug. 14. de Ci-  
uitate

I.  
Quid sit  
passio.

H.  
1. Assertu



itate Dei capite 9. Secundo aduertendum est quosdam Theologos distinguere in appetitu operationes, & pafiones illas dicunt esse actus ab appetitu elicitos, has verò minime, sed affectiones quasdam, quæ in appetitu ipso ab alio efficiuntur, vt delectatio, dolor, &c. Cuius sententia videtur fuisse Scotus in 1. distinct. 1. questione 3. & 4. & distinctione 49. qu. 7. Bassolis in 1. dist. 1. q. 2. a. 1. descriptione 4. Mairon. ibid. quest. 2. Audifax apud Gregorium in 1. dist. 1. q. 2. art. 2. in argumentis contra primam conclus. tribuitur Aristoteli 10. Eth. c. 3. 5. & 6. & Henrico quodl. 11. q. 8. & 9. quodl. 12. q. 9. & quodl. 6. q. 32. Sed est falsa sententia, quia in appetitu vitæ nullus est propriè affectus, qui in sola receptione consistat, alias non esset actus vitæ, vt ex supra dictis patet, at hæc pafiones, de quibus loquimur, sunt vitales quidam affectus, & ita actus vitæ, ergo effici debent ab ipso appetitu, & non tantum recipi.

III. 2. Assertio. Secundo dicendum est has pafiones neque in potentia cognoscente, neque in appetitu rationali reperiri. Hæc conclusio magis ex vfu, & impositione nominis, quam alitunde confirmanda est. Aduertendum est ergo ex libro de anima effectum formalem cognitionis receptione quadam perfici, tamen ad cognitionem plures pafiones concurrant, recipitur enim spiritus animalis & ipse actus cognitionis in potentia cognoscente, in appetitu vero solum recipitur actus ipse appetendi: quapropter generali quadam ratione, etiam actus cognoscendi pafiones dici possent: tamen quia alterationes illæ, & commotiones humorum, de quibus pafionis nomen sumptum est propriè, & per se oriuntur ex actibus appetitus, & non ex sola apprehensione, vel imaginatione, ideò pafio propriè dicta ad affectum pertinet, non ad cognitionem, vt Augustinus supra notauit: & D. Th. citatus addidit rationē aliam, quia pafio [inquit] vt agens quoddam est; ad se, vel ad suum esse pertrahat ipsi qui patitur, per appetitiones vero trahitur homo ad res, quas appetit non per solam cognitionem, & ideo in potentia appetente, non in cognoscente pafiones assignantur. Secundo aduertendum est actus quosdam reperiri in voluntate, qui similes sunt illis, qui in appetitu sensitiui pafiones dicuntur, vt ex dicendis constabit, differunt tamen, quia actus voluntatis sunt spirituales omnino, & absque corporali organo perficiuntur: at vero appetitus materiales sunt, & corporei: ex quo fit, vt hi propriè, & per se excitent motum, & alterationem in corpore: illi vero minime: & propterea pafiones propriè non dicuntur, quamuis non negemus interdum sic nominari, præcipue, si absque libertate à voluntate procedant, vel ab aliqua extrinseca causa, quæ vehementer voluntatem excitet, oriantur: sicut motiones, & instinctus dicuntur interdum pafiones ab Augustino 14. de Ciuitate Dei, capite sexto, de quibus suo loco dicendum est. Videatur etiam circa has conclusiones D. Thomas prima secunda questione trigesima quinta, art. primo. Durandus in 3. distinct. 15. q. 2.

IV. Solum posset queri, cum actus appetitus sensitiui sit immanens, cur de illo sequatur transmutatio, cum actus immanens in sua potentia perficiatur, & hoc non habeat vim ad efficiendum aliquid extra ipsum. Hoc dubium magis ad Philosophum naturalem, quam moralem spectat, sed breuiter ex his, quæ D. Th. 1. 2. q. 17. a. 7. ad 2. & q. 33. indicat. Respondeat, hoc provenire ex consensione facultatum, & potentiarum, quæ ab eadem anima reguntur, & suo modo ad ope-

Suarez in primam secundam D. Thom.

randum applicantur, inter quas ea facultas, quæ ad motum localem est, vt appetitui seruiat, & potissimum instituta, quatuor etiam humores, & spiritus animales, seu vitales diuersis appetitus motibus accommodantur, & quasi ex naturali impulsu, vel institutione, hæc omnia anima mouet, prout expedit animali. Vnde Galenus 3. de locis affectis c. 8. & 1. de causis symptomatum c. ultimo. ait atram bilem magis accommodari tristitiæ, quæ est frigidus succus, & nigri coloris, & ideo quasi comprimit cor, sicque tristitia afficitur, & metu, & similibus. Sanguineis accommodatur lætitia propter contrariam rationem; flaua autem bilis accommodatur iræ, propter calorem nimium, & sic de aliis, de quibus nonnulla in sequentibus dicemus, agentes de singulis pafionibus, videri etiam potest Auerroes 3. col. c. 4. & Hier. Fraçast. lib. de sympathia, & lib. 2. de intellectu, prope medium.

## SECTIO II.

### De bonitate, & malitia pafionum.

I. DE causis, & effectibus pafionum nihil est, quod in genere dicamus, præter ea, quæ in Philosophia tradi solent, & quæ commodius in particulari dicemus. De bonitate vero, & malitia multum disp. D. Th. 1. 2. q. 24. & 39. & fere 59. vbi. querit, An pafio esse possit cum virtute morali, fuit n. inter antiquos questio celebris sub hoc titulo, *An affectus cadant in sapientem*. Stoicis omnino negantib. Peripateticis vero affirmantibus, si tamen affectus moderati sint, de qua late Cicero 3. & 4. Tusc. & lib. de finibus, Seneca supra, Aristoteles 2. Ethicorum c. 2. & 6. Aug. supra, Amb. 1. de officiis c. 21. & 47. & l. 2. de fide ad Gratianum c. 3. & l. de incarnatione c. 7. & l. 10. in Lucā, circa illud, *Pater si possibile est*. Greg. 2. Moral. c. 16. & 17. consentiuntque Theologi.

Sed forte est questio de nomine, supponendum est enim si ne libertate nullum esse actum bonum, aut malum moraliter: & rursus appetitum sensitiuum per se nulla vti libertate: ex quo certum est non omnem motum appetitus sensitiui bonum esse; vel malum moraliter, vt patet in his, qui naturales sunt; & libertatem præueniunt, de quo in materia de peccatis infra. Secundo certum est motus hos posse cadere in sapientem, atq; adeo esse posse cum humana virtute, etiam heroica, quia non ita continet appetitum, vt nunquam rationem præueniat, nisi fortasse ex singulari priuilegio. quod Philosophi non cognouerunt. Tertio certum est hos motus interdum esse malos, interdum bonos pro ratione obiecti, & circumstantiarum, accedente consensu voluntatis, prior pars à nemine negatur. Secunda vero debet esse certa, imò de fide, nā sacra Scriptura sæpe laudat motus iræ, vel tristitiæ, easq; tribuit Christo, & Beatæ Virgini Psal. 4. *Irascimini*, &c. Philippenf. 2. ad Rom. 9. *Tristati estis*, &c. Matth. 26. *Tristis est anima mea*, &c. Ratio est quia cum motus voluntatis est rectus, si motus appetitus in fine cum illo consentiat, erit rectus, & à bona causa procedit, & ad bonum obiectum tendit, & ipsi naturæ rationali consentaneus est, & quodammodo necessarius ad operis perfectionem, tunc enim facilius homo bene operatur, cum vterq; appetitus consentit in bono opere, & ideo sæpe expedit excitare hos motus, qui sunt veluti igniculi quidā accēdētes virtutem, vt Plato dixit, & veluti milites iuuantē ducem, seu vt arma virtutum, vt Aristoteles dicere solebat, & refertur à Seneca supra,



cap. 16. propter quod Plutarch. libro de virtute morum, dixit non esse sapientis affectus radicitus euellere, quia neque potest, neque expedit, sed ordinem eis præscribere. Confirmatur. Nam affectus sæpe habent bonos effectus, vt de timore pænæ misericordia patet, ac de tristitia peccati commissi, &cæt. item delectatio natura sua comitatur virtutem: denique virtus non destruit naturam, sicut sanitas non destruit humores, vel qualitatem, nec Musica sonum, sed temperat.

III.  
Stoici negantes bonitatem in passionibus conciliantur.

Quare, vt ergo arbitror, Stoici hoc non negabant, quod ad rem attinet, quia est per se notum, sed hos moderatos motus nolebant nominare nominibus *passionum*, sed *virtutum*, vt plane Cicero supra indicat, & Augustinus etiam supra exponit, ex Aulo Gellio libro 9. nocturnum Atticarum. & plane Seneca epist. 119. idem docet. Qualis vero sit bonitas & malitia istorum affectuum, & cui subiecto hæreant, præcedenti tractatu dictum est, nam eadem de his actibus ratio est, quæ de cæteris, qui à voluntate imperantur. Addendum vero vitimo loco est, affectus immoderatos proprie non cadere in sapientem, vt sapiens est, id est, si vt sapiens opèretur, in eum vero qui alias sapiens est, scilicet virtute præditus, interdum cadere possunt, quia sapientis est interdum deficere. Aliæ quæstiones per occasionem hic tractari solent, vt, An appetitus sensitivus inclinet ad malitiam, quam nos de vitiis disputantes breuiter expediemus.

### S E C T I O III.

#### De generali diuisione, & differentia actuum appetitus.

I.  
1. Diuisio passionum.

PRIMA, & vulgatissima passionum diuisio est, in *passiones irascibiles*, & *concupiscibiles*, sunt enim in appetitu duo genera actuum, à quibus quæ illæ denominationes accipiuntur, quas non omnes eodem modo exponunt, Diuus Thomas prima secunda, quæstione vigesima quinta, articulo tertio ad secundum, notauit esse arduum, vt sic non habet rationem boni, sed mali potius: fertur ergo irascibile ad difficile, quia vim præbet ad vincendas difficultates, quæ in consequendo bono occurrunt, quocirca concupiscibilis non est tantum concupiscere, nec irascibilis tantum irasci, habent enim alios actus, ab his vero vti notioribus nominantur, vt Diuus Thomas supra notauit, in qua doctrina omiſsa quæstione physica, de distinctione harum facultatum, quanta, & qualis sit, illud solum ad distinguendas passionem difficile est, quod de bono arduo dicitur. Nam vel ardui nomine intelligitur bonum aliquod arduum, scilicet excellens, vt excellens: vel bonum supra cætera diligenda, vel bonum absens, vel quod non sine labore comparari potest aut cuius acquisitio habet aliquam rationem mali: at quidquid horum significetur, necessarium omnino videtur concupiscibilem in bonis etiam arduis versari, omnis enim amor, & desiderium ad concupiscibilem spectat: amor vero, & desiderium versari possunt circa bona magna: ergo. Contra vero videtur irascibile non semper versari in arduis homini, qui irascitur.

Nam sæpe ira oritur de his, quæ facili negotio superare possumus, & pro vt reperitur ira in voluntate, tribuitur Deo: quamuis respectu illius nihil arduum sit.

Aliter ergo possumus rationes nominum *irascibilis*, & *concupiscibilis* explicare, opinor enim non duos appetitus, sed eundem diuerso modo conceptum significari, in obiecto enim appetitus duo considerari possunt. Primum ipsum bonum appetibile, & quæ ad illud consequendum per se conferunt. Alterum est id, quod impedit talis boni consecutionem, & bono nos priuat amato, appetitus ergo quatenus bonum appetit *concupiscibilis* dicitur, quatenus vero insurgit in eum, qui huiusmodi bonum impedit, vt suum bonum tueatur, *irascibilis* dicitur: quæ est sententia Auicennæ, & Alberti secunda parte de homine. quæstione de irascibili, & ex ratione nominum patet, & confirmatur, est enim irascibilis vis imprimens motum ad repellendum, quod noxium putatur, vnde Damascenus irascibilem vocat vindicem concupiscibilis. Et ad hanc sententiam accommodari potest prior sententia, quia repellere malum, & vindictam sumere difficilius ex suo genere est, quam simpliciter prosequi bonum ideo irascibilis dicitur versari in arduis, concupiscibilis vero circa bonum absolute, lege Scotum in tertio, distinct. 14. Gabriel distinct. 26. ex quibus constat qualis sit dicta diuisio: & magis ex his, quæ in singulis diuisionibus dicemus, patebit.

Secundo generaliter diuiduntur *passiones*, quod aliæ versantur circa bonum prosequendum, aliæ circa malum fugiendum, & vtrumque membrum passioni irascibili, & concupiscibili commune est, & actum positivum significat: differt vero appetitus naturæ, & vitæ, nam appetitus naturæ eodem motu, qui tendit ad rem naturæ conuenientem fugit incommodum, quia talis appetitus non fundatur in cognitione, nec fere distinguitur ab ipsa capacitate naturæ: appetitus autem vitæ per proprios, & distinctos actus bonum prosequitur, & fugit malum, & hoc sensu dixit Diuus Thomas prima secunda, quæstione tertia, articulo primo, appetitum versari circa bonum, vel malum.

Tertio diuiduntur *passiones irascibilis*, & concupiscibilis à diuo Thoma 1. 2. quæstione 23. in vndecim actus, vel operationes, scilicet amorem, desiderium, seu cupiditatem, delectationem, odium, fugam, tristitiam, & has tribuit concupiscibili: irascibili vero quinque, spem, desperationem, timorem, audaciam, & iram: de quorum singulis nobis agendum est, postea de ratione, & sufficientia diuisionis, & membrorum comparatione, tamen Diuus Thomas in prima secunda, alia methodo processerit.

### S E C T I O IV.

#### Vtrum amor sit in appetitu sentiente, & quas causas, & effectus habeat.

DICENDUM primo quod in appetitu sensitivo est quidam actus, qui vere & proprie amor dicitur. Conclusio est certa, & omnium experientia patet, & ratione, quia primus actus omnis appetitus est amare suum appetibile, vnde D. Dionysius c. 4. de diuinis nominibus, naturalem, sensitivum, rationalem, & intellectualem distinguit pro diuersitate appetituum: hunc autem amorem, appetitus sensitivi, esse actum vitæ.

II.

III.

2. Diuisio.

IV.

3. Diuisio.

Amor est actus vitæ



tæ fer tertia est Aristotelis 2. *Ethicorum* cap. 3. & patet, quia hic appetitus est proprie vitalis, & elicitus, ergo. Confirmatur. Nam vel nullus affectus est actus vitæ, vel maxime hic, qui radix cæterorum est, & in hoc consentiunt omnes Theologi: quapropter mirandum est Scotum in 1. *dist.* 1. *quest.* 5. hoc sine ratione negasse, quia appetitus, inquit, sensitivus non proprie inhæret appetibili, quia non ipse, se ipsum libere movet, sed quasi ab alio ducitur ad amandum, ex Damasceno *lib.* 2. *cap.* 24. sed hoc nihil obstat, nam verus amor vitæ non requirit libertatem, vt etiam est evidens in amore beatorum.

II. Dicendum secundo quod ratio huius amoris est, vt sit veluti pondus, aut impetus sensibilis, & vitalis, quo appetitus sensitivus coniungitur bono sensibili. Est D. Thomæ *supra*, & patet ex alibi dictis, de primo voluntatis effectu, quem amorem esse diximus, & est hæc ratio amoris unicuique amoris communis, & eodem modo fere explicanda: vnde multa quæ D. Thomas 1. 2. *q.* 23. de amore disputat magis in amorem naturalem, quam in sensitivum conveniunt: & explicatur, nam in omni appetitu primus affectus est propensio ad appetibile, quæ in appetitu vitæ debet esse per actum vitæ: amor autem significat primum affectum appetitus, atque adeo primum vinculum, & coniunctionem inter appetentem, & appetibile, & hinc amor dicitur unitivus; ex quo aliqui putant amorem dictum esse à verbo Græco *ενωω*, significante *ligare* seu *vnire*. Hinc & amans magis dicitur esse in amato, quam in se, propter quod Plato in *Cratillo* ait amorem Græcè dictum à *φύω*, quod Latine significat *furari*, quia appetitus amantis rapitur à re amata, quæ omnia proveniunt ex impulsu vitæ, & impetu amoris, & hæc magis constabunt ex sectione sequenti.

III. Dicendum tertio causas per se huius amoris esse vim ipsius animi, & appetitus sensitivi, & bonitatem in obiecto representatam. cognitionem vero esse necessariam conditionem, cognitionem, inquam, accommodatam sensitivæ facultati, causas vero, quasi remotas, & per accidens esse similitudinem, & alia, quæ in causa sunt, vt obiectum bonum conveniens appareat. Est Diui Thomæ, & declaratur; nam in hoc actu, sicut in cæteris, non est querenda causa formalis præter essentialem rationem eius, neque materialis, aut efficiens per se, & proxima, præter potentiam appetitus, qui natura sua talem vim habet ad efficiendum istum actum, & eundem in se recipit, quia est immanens, & ad causam efficientem reducitur habitus, quando amor etiam ab illo procedit, vel aliquis etiam actus, si vnus amor ab alio priori amore oriatur: finalis denique causa nulla est alia præter obiectum, & rationem boni, qui appetitum ad amandum excitat: & ita patet prima pars conclusionis, secunda vero de necessitate cognitionis explicanda est, & approbanda ex dictis alibi de primo actu voluntatis. Tertia pars posita est ad explicandum Diuum Thomam vbi supra & commune illud dictum, *similitudo est causa amoris*, sumptum ex Platone, & aliis Philosophis antiquis, & ex experientia: amat enim vnusquisque maxime quod sibi convenit, vt dixit Aristoteles in *Ethicis*, & Cicero libro de *Finibus*, ait, *omne animal natura sua sibi est consiliatissimum*: similitudinem autem est veluti natura vna in multis: & hinc fit, vt alium mihi similem tanquam me alterum apprehendam, & ita illum amem, & hinc etiam consuetudo, & usus frequens amorem conciliat, si accedat mo-

rum, & animorum similitudo, nam si dissimile sint, potius disiunguntur. Hinc pater amat filium, amicus amicum tanquam alterum se, hinc omnia, quæ vnus animam ad alterius animum conformant, amorem generant, vt idem studium, &c. idemque suo modo est in his, quæ ad corpus spectant. Solum est considerandum hæc per se esse intelligenda, nam per accidens fit interdum, vt similitudo imperfecta, vel eadem officia alienent animos, quia occasione eorum efficitur, vt ob alterius bonum, proprium commodum videatur impediri, quomodo *Proverborum* 13. dicitur inter superbos semper esse iurgia, & Aristoteles in *Ethicis* cap. 1. idem docet, & *figulus figulum odit*.

Quod dictum est de similitudine, intelligendum de aliis similibus causis, vt est amor, qui inter præcipuas amoris causas nominari solet: nil enim magis ad amandum movet, quam amari, quia ipse amor reputatur maximum beneficium. Item quia eum, à quo amamur, facile existimamus bonum, & debito utentem officio. Aliam causam Platonici reddunt, videlicet, quod amare fit in corde amantis quasi figuram amati insingere: cum igitur is, qui amatur, in alterius animo se ipsum intueatur, ad amandum impellitur. Aliam causam ponit D. Thomas, scilicet indigentiam cui similes esse possunt aliæ passionēs, quæ hominem disponunt, vt ratione earum obiectum magis, vel minus conveniens iudicetur, & hoc modo ad amorem conferunt.

V. Dicendum quarto quod proprius, & quasi formalis effectus amoris est coniungere secundum affectum, amantem cum amato, ex quo alii sequuntur quasi effectus, vt desiderium, & passionēs aliæ, de quibus infra. Item cognitio frequens de re amata, ecstasis, zelus, & aliæ similes. Prior pars probatur, quia amor est actus appetitus, ergo formalis effectus eius est constituere actu appetentem, & volentem bonum rei amatæ, seu bonitatem, quæ est in re amata, & hæc bona affectio, seu voluntas vocatur affectiva vnio, seu virtus unitiva à Dionysio 4. *cap. de divinis nominibus*, cōcinitque August. 8. de *Civitate Dei* c. 10. & Aristoteles 2. *Polit.* c. 2. & ratio sumitur ex secunda conclusione posita, quia scilicet cum amor sit pondus quoddam in amatum, consequitur quidam nexus utriusque. Secunda vero pars conclusionis patet experientia, nam, vt D. Th. notavit, ex prima illa coniunctione, effectus qui primo sequitur in amante, est coniunctio per realem præsentiam, & colloquutionem, movet enim amor ad querendam rem amatam, hinc & amans dicitur esse quasi extra se, quia totus vult in amato occupari, & de illo cogitare, vnde magis dicitur esse anima amantis vbi amat, quam vbi animat, iuxta illud, *Vbi est thesaurus tuus, ibi est & cor tuum*, Matth. 6. ideo Plato dixit animam amantis in se mortuam esse, in amato vivam, quod indicavit Paulus, dicens, *Vivo ego, sed non ego, vivit vero in me Christus*, ob id etiam dici solet amorem ponere amantem in amato, quavis alia via dicitur amatum esse in amante, quia est veluti principium operationum eius, is enim ea vult, & operatur, quæ amato placent, & quia esse principium operandi est proprium naturæ, dicitur amicus dimidium alterius, & ex amore fieri, vt vna anima sit in duobus corporibus. Vide Augustinum 4. *confess. capite sexto*, & secundo *retractationum capite 6*.

VI. Ex his prioribus effectibus sequitur alius, dictus ecstasis, qui est abstractio, vel alienatio à De alio esse sensibus, qui, vt à D. Th. exponitur, à superiori actu qui est non ecstasis.



## S E C T I O V.

*Quid sit cupiditas, seu concupiscentia, & qualis sit diuisio amoris in concupiscentia, & amicitia.*

*Lege autorem lib. 2. de oratione ca. 15. mo.*

**VII.** Alius effectus est zelus, id est, affectus remouendi omnia, quæ possunt impedire bonum amatum, qui à diuio Thoma citata questione, articulo quarto, bene exponitur, & huic similis feruor, de quo Diuus Thomas in eadem prima secunda questione quadragesimo octaua, articulo secundo, qui tadem quest. vigesimo octaua, articulo sexto, resoluit omnes actiones, quæ procedunt ab appetitu alicuius boni, esse effectus amoris, ex quo idem Diuus Thomas questione vigesima quinta, articulo secundo, recte concludit amorem esse primum omnium affectuum, quia est radix cæterorum, vnde Dionysius quarto capite de diuinis nominibus, dicit, propter amorem boni omnia geruntur, & malum odio habetur, quia amatur bonum. Idem docet late Augustinus 14. de ciuitate Dei capite decimo septimo, Bernardus sermone 18. in Cantica. Aduertendum tamen est omnia fere dicta communia esse amoris voluntatis, vt per se patet. Erunt tamen propria appetitui sensitiuo, vt circa bona sensibilia versantur, & materiali quodam modo efficiuntur, vnde illi effectus, qui consurgunt in corporis commoditatem, proxime oriuntur ex amore sensibili: ex spiritali vero, non immediate, sed ab illo sensitiuus amor excitatur: huiusmodi autem sunt cordis commotio, gestus, lætitia, sanguinis motus ad cor, & exteriores partes hominis, ex quo sequitur etiam cordis calefactio, & risus: item languor interdum, & liquefactio: de quibus Diuus Thomas supra articulo tertio, qui potissimè contingunt ex vehemēti desiderio per quod animus quasi deserit corpus, & spiritus animales plurimum consumuntur in cogitanda, & desideranda re absente, ex quo sequitur quædam ærumna, & tristitia, quæ iuuat ad deliquium, quia dum cor tristitia cōprimitur, omnes spiritus illius auocantur, & ideo dixit Diuus Thomas hos affectus per accidens sequi ex amore, ratione absentis boni amati, potius quam ex amore eius.

**VIII.** Sed dubitat hic Caietanus, quæ sit maior vnio, amoris ne, vel cognitionis? Verum cum istę vniones diuersarum rationum sint, vix possunt comparari, dici tamen potest se mutuo excedere, nam quatenus intellectus obiectum suum quodammodo ad se trahit quasi illius imaginem in se depingens, dicitur magis coniungi intellectus obiecto, quam voluntas: vt vero amor mouet ad realem præsentiam, & coniunctionem cum amato, superat quodammodo cognitionem: diximus nonnulla de hac re in materia de Beatitudine.



**I.** DE nomine concupiscentia multa supra in materia de voluntario diximus, & plura in materia de peccatis dicemus: interdum enim omnem passionem appetitus, interdum potētiam ipsam significat: si vero ad significandum solum quendam effectum, (qui alias desiderium dicitur) vsurpatur, est difficultas, quomodo hic actus ab amore differat, est enim amare, bonum velle, ex Aristotele secundo Rethor. capite quarto, hoc autem ipsum esse videtur desiderare. Vnde Gregorius primo, distinctione secunda, questione prima, articulo secundo, negat distingui hos actus, quia versari circa bonum non dum sequutum, aut iam obtentum accidentarium est. Refertur etiam Aureolus in 1. distinctione quadragesima septima, questione secunda, art. primo, de qua re multa diximus agentes de actibus voluntatis. Vt ergo rem explicemus, incipiamus à distinctione amoris in amorem concupiscentiæ, & amicitia, qui, vt Gregorius supra ait, vulgari modo intelligitur, amorem concupiscentiæ esse, quando amatum bonum ad commodum amantis refertur: amicitia verò, vel beneuolentiæ, cum alteri bonum appetimus propter ipsum: vnde omnis amor, seu impulsus appetitus, qui refertur in obiectum prout est congruum, & commodum ipsi appetenti, sub amore concupiscentiæ comprehenditur: quodcumque vero bonum iudicatur in se amabile, & ob id appetitus in illud impellitur, & in illo sistit absque conuersione ad se ipsum: vocatur amor beneuolentiæ. Diuus Thomas autem 1. 2. quest. vigesima quinta, articulo quarto, aliter explicat dubitationem hanc, nam cum amare sit bonum velle, in omni obiecto amoris, duo considerari possunt. Is cui bonum amo, & is est amor amicitia, seu beneuolentiæ: & bonum, quod illi amo, & in hoc versatur amor concupiscentiæ, vnde inferunt Caietanus & alii, hos amores non significare actus diuersos, sed eundem ad res distinctas relatum. Idem fere sentit Scotus in primo, distinctione prima, quest. quinta, tamen si nō omnino affirmare videatur hos amores coalescere in eundem actum.

**II.** Quocirca aduertendum est non omnem amorem amicitia comparatum ad aliquod obiectum esse concupiscentia, si ad rem alteram referatur, consistit enim ratio amoris, si propriè loquamur in affectu illo interiori ad rem amatam, quem D. Th. qu. illa 25. art. 2. complacentiam boni appellauit. Vnde cum aliquis Deum v. g. per se amat, nil illi desiderans, sed totum illi se coniungens, & in ipsam Dei bonitatem affectu tendens, nulla ibi ratio concupiscentia admisceri videtur, nisi quis dicat eum, qui sic amat, virtualiter velle totā illam bonitatem, quam in Deo intuetur, in illo esse, vt D. Th. indicat 1. 2. q. 46. a. 2. vbi Caiet. non tantum virtute, sed explicitè vult hæc duo cōtineri in omni amore: vnde ille qui sic amat, dicitur amare Deū amore amicitia, bonitatē vero Dei amore concupiscentia, quod forte ad modū loquēdi spectat, nam reuera idē omnino amor est quo res & bonitas eius amatur, & ideo bonitas ipsa rei, quæ per se amatur, potest dici amari amore beneuolentiæ: nō igitur, pprie omnis amor amicitia amorē concupiscentia includit, quis fortasse etiā amor, qui est concupiscentia respectu vnus rei, sit semper beneuolentiæ.

*Amorem beneuolentiæ, & concupiscentia quæ non distinguantur re ipsa.*



lentia respectu alterius, quia hic amor totus refertur ad personam cui aliquod bonum amatur, & ideo magis censetur esse amor eius boni concupiscentia. Ex qua colligitur ratio differentia inter hos amores, nam prior cum sit rei propter se, & quasi amor finis, & ideo potest esse purus absque permixtione amoris concupiscentia, qui posterior est, & in benevolentia fundatur, & illam aliquando includit, sicut in superioribus dicebamus electionem medii includere virtute amorem finis: est enim eadem proportio, licet non sint omnino idem actus: nam amor concupiscentia est amor mihi conuenientis, siue illud sit in se bonum, siue propter aliud.

III. Ex quibus intelligitur primo, amorem amicitia hoc loco latius patere, quam cum ad humanam necessitudinem accommodatur: hic enim omnis concupiscentia, vel voluntas rei in se bonae, quae ad alicuius commodum non refertur, amor amicitiae dicitur, unde in irrationalibus suo modo reperitur, ut patet, cum quis diligit filium suum, & commodum eius per se absque consideratione proprii boni, imo aliquando cum proprio damno, vel dolore: simili modo amor hic prout ab homine elicitur, potest habere pro obiecto, non solum alium hominem, sed rem irrationabilem, ut dum quis videt rosam, & affectu quodam fertur in pulchritudinem eius, & in ea complacet, & illa visa delectatur, tamen illam sibi non concupiscit: quem affectum volunt aliqui esse amorem quendam tertium distinctum ab amicitia, & concupiscentia, & complacentem vocant: sed non oportet, nam saepe totus ille actus ad intellectum, & cognitionem rei pulchrae spectat, & quia non tam amat quis rem ipsam pulchram, quam visionem eius, & si amat rem, est quatenus habet rationem obiecti conuenientis proprii operantis, & quoad hoc amor talis rei est concupiscentia, & delectatio, quae interdum suboritur, magis est ex propria operatione, quam ex pulchritudine rei secundum se: quod ita esse facile constat in omnibus obiectis, & actibus aliorum sensuum: potest tamen interdum obiectum pulchrum amari absque ullo complacentiae amore, & sic ille amor ad benevolentiam spectat. Nam qui sic amat, virtute vult eam pulchritudinem inesse illi rei solum ut bene affecta sit, & ita vult illi bonum propter se: ad quem modum amat homo virtutem, & honestatem amore benevolentiae late sumpto.

IV. Secundo intelligitur ex dictis, quomodo isti amores distinguantur: si enim essentiae eorum consideremus, distinguere possunt, & formaliter, & omnino realiter, maxime si ad rem eandem uterque amor terminetur, ut patet in amore Dei, concupiscentiae, & amicitiae: tantum enim differunt, quantum virtus spei, & charitatis, ut alias tractaui. Et ratio est, quia hi amores habent diuersa obiecta formalia, quae omnino distinguunt actus, praecipue si vnum ad alterum non refertur, ut supra dixi, & ob id, si amores isti ad res diuersas comparentur, ex quibus vna alteri diligitur, fieri potest, ut idem actus illas duas denominationes recipiat concupiscentia: & amicitia, quamuis illi vna formaliter, altera virtualiter conueniat, ad eum modum quo supra de intentione, & electione loquebamur.

V. Ex his patet responsum ad principalem questionem, quae est de passione concupiscentiae, seu desiderio, hic enim affectus non consistit in illo impulsu interiori, seu complacentia, quam diximus esse amorem, sed in appetitu quodam qui ex dicto amore nascitur, quo cupimus bonum

aliquod rei amatae: & quamuis ratio amoris vix à nobis explicetur nisi ex hoc effectu, tamen experientia videmus talem appetitum ex quadam intrinseca coniunctione ad rem amatam oriri, quod in amore amicitiae facilius cernitur. Est tamen idem in amore complacentiae, prius enim quis afficitur rei, quam sibi conuenientem existimat, & postea illam concupiscit: ratio ergo amoris in dicta coniunctione affectiua consistit, ratio vero desiderii in motu quodam ad realem coniunctionem, & consecutionem rei amatae. Videantur dicta supra de intentione, & simplici volitione, & seruata proportionem applicentur: nil enim aliud dicendum nobis superest. Unde etiam constat easdem esse causas desiderii, quae sunt amoris, supposita tamen absentia rei amatae, & idem ferè est de effectibus, imò multi ex his, qui amoris tribuuntur, medio desiderio sunt: ut motus in rem amatam, sollicitudo, anxietas, ærumna ex quibus variae mutationes in corpore oriuntur iuxta varias dispositiones corporis, vel obiectorum, vel appetituum.

VI. Ultimo tandem inferitur ex dictis distinctio nem illam concupiscentiarum in naturales, & rationales siue non naturales, quam D. Thomas 1. 2. questione 30. artic. 3. tradit, & Aristoteles 3. Ethicorum cap. 11. & 1. Politic. cap. 11. amoris, & desiderio communem esse, sumitur enim hæc diuisio ex bonis, quae appetuntur, nam quaedam sunt natura sua nobis necessaria, ut victus, & cæter. & horum concupiscentia dicitur naturalis: alia vero sunt bona potius arte hominum inuenta, quam natura instituta, quorum conuenientia peculiari ratione elicitur in apprehensione consistere, & in his versantur rationales siue innaturales concupiscentiae, quae proprie hominum censentur qui industria, & apprehensione mouentur, & per inferiorem appetitum, & phantasiam, quae suo modo rationem participant: reliquæ vero communes sunt etiam brutis: propter quod etiam D. Thomas articulo 4. cum Aristotele 1. Politic. cap. 6. concupiscentias naturales ait esse finitas, innaturales vero infinitas, nam quibus natura indiget pauca sunt; & ideo propensio naturæ est moderata, & quamuis hæc appetitio naturæ possit in infinitum procedere, quia cum bona hæc non diu durent, iterum atque iterum occurrit necessitas: genera tamen bonorum, quae appetit, finita sunt, & illa concupiscit cum certa mensura: bona vero, quae homines sibi inueniunt, neque in multitudine, neque in varietate terminum habent, quia semper homo potest noua bonorum genera coningere, neque in numero, aut quantitate boni amati habet terminum, quia vniuersalem rationem boni homo apprehendit, unde appetit diuitias in communi, sub quibus variae diuitiae comprehenduntur, & quamuis illa perfectio vniuersalis ut sic, non communicetur appetitui inferiori, tamen ex coniunctione ad rationem ferri potest in quodcumque singulare, sub maiori, & minori quantitate apprehensum, licet ad infinitam quantitatem perueniat.

Sed quæres, an concupiscentia naturalis, & non naturalis specie distinguantur: nam D. Thomas supra art. 3. ad 2. ita videtur sentire, propter varias apprehensiones, ex quibus concupiscentiae istae nascuntur, naturalis scilicet, ex simplici quadam apprehensione, non naturalis, ex deliberata: ubi Caietanus, ut hoc explicet multa dicit, & tandem concludit apprehensionem ad differentiam obiecti formalis pertinere, contra ea, quae supra quest. 1. art. 1. ipse docuerat, quod esse in intentione sit conditio finis, non vero ratio.

Dicen-

VI.

3. Corollar.

VII.



Dicendum tamen apprehenfionem per fe non pertinere ad obiectum formale, poffe tamen illud variare quatenus sub diuerfis rationibus boni potest obiectum applicare: fic igitur naturales concupifcentiæ ab innaturalibus distinguuntur, quia illi feruntur in obiectum, quatenus ipfi naturæ conueniens est, hæc vero sub aliis diuerfis rationibus bonorum, quæ difcurfu potius, quam fimplici apprehenfione naturali cōcipiuntur & huc tendit ratio D. Thomæ: vel certe naturales concupifcentiæ feruntur in bonum naturæ fenfitiuæ conueniens: aliæ vero magis tendunt in id, quod homini, vt homo eft, accommodatur.

## SECTIO VI.

### Quid fit delectatio, & quomodo ab aliis differat.

I.  
1. Afferio.

Diuifio de-  
lectationis  
enodatur.

Dicendum primo. Delectatio, feu voluptas actus quidam eft appetitus fenfitiui ab amore, & defiderio diftinctus. Conclufio conftat ex dictis fupra de fruitione voluntatis: nam quæ dixi de obiecto, & caufa vel ratione huius actus, communia funt voluptati appetitus fenfitiui feruata proportionē. Ex qua conclufione colligitur generalis diuifio delectationis, alia enim eft fpiritualis, quæ propterea eft voluntatis: alia eft propria appetitus fenfitiui, quæ generali nomine potest dici fenfitiua, quamuis peculiari modo dicitur *delectatio fenfibilis*, quæ ex reali cōfūctione obiecti ad exteriorem fenfum oritur. Illa enim, quæ ex pura apprehenfione nafcitur, folet fpiritualis vocari, tamen in appetitu fenfitiuo inhæreat: quam diuifionem in art. 5. & 6. q. 31. in 1. 2. bene D. Thomas explicat addens omnes fpirituales delectationes fecundum fe, maiores effe: quoad nos vero fenfibiles effe vehementiores, præcipue illas, quæ ad fenfum tactus fpectant, quia, vt Ariftoteles dixit, iſtæ delectationes, ficut & opera, ex quibus nafcuntur, funt maxime naturales, ex quo etiam fit, vt delectationes reliquorum fenfuum prout in animalibus funt ad delectationes tactus, vel guſtus referuntur, vt Ariftoteles dixit 3. *Ethicorum capite decimo*. Dico, prout in animalibus funt, quia homo propter coniunctam rationem, sæpe delectatur in obiectis viſus, vel auditus per fe.

II.  
2. Afferio.

Dicendum fecundo. Cauſa per fe efficiens pafionem delectationis eft appetitus, adiuuantes vero, vt cōditiones neceſſariæ, vel commodiores, poſſunt effe plures, vt vehementior cognitio, &c. Probat per dictis, fupra de delectatione voluntatis: nam eadem eft feruanda ratio, & proportio: opinio vero Scoti afferentis hunc affectum non effici ab ipſo appetitu, ſed recipi ſolum, ſatis eft fupra inprobata. De vltima vero parte conclufionis videri potest D. Thomas 1. 2. q. 32. vbi multa numerat, quæ delectationem excitant, vel etiam cauſant, vt ſpes boni obtinendi, vel memoria obtenti, quæ non indigent expofitione.

III.  
3. Afferio.

Dicendum tertio. Obiectum delectationis, & cauſa finalis eius, eft bonum amatum confeutum. Probat per dictis de fruitione: vbi etiam expoſuimus, an ipſum bonum, vel confeutio eius habeat proprie rationem obiecti, primario enim bonum ipſum delectat, conditio vero neceſſaria eft confeutio, & poſſeſſio eius, quod ſecundario ſuam partitur voluptatem: quo ſenſu D. Thomas 1. 2. *quæſt. 32. artic. 1* dixit operationem effe cauſam delectationis, cauſam enim vocat

omnem requiſitam conditionem, delectatio enim in primis requirit cognitionem, requirit etiam confeutionem, quæ lata quadam ratione operatione aliqua perficitur, vel præſenti, vel præterita, vel noſtra, vel aliena efficiente in nobis pafionem aliquam, vel motum, vel quicumque amati boni poſſeſſionē: non eft autem ſemper neceſſarium, vt illud bonum, quod delectat, ad id requirat propriam vitæ operationē vt conſtat, & Caietanus dicto loco ſatis explicat. Controuerſia autem illa, quam cum Scoto habet Caietan. an in obiecto, ratio delectandi fit conuenientia obiecti, vel fit tantum conditio neceſſaria, res vero per fe delectet, vt Scotus vult nullam habet difficultatem, nam de omnibus actibus appetitus quoad hoc eadem eft ratio, bonum enim ſub ratione boni delectat, ac adeo bonitas ipſa eft ratio delectandi, vnde ſi illa nomine *conuenientia* explicetur, melius Caietanus loquitur, dummodo nomine *conuenientia* non ſignificetur proprie relatio, ſed fundamentum eius, iuxta ſupradicta de bonitate.

Dicendum quarto. Effectus formalis delectationis huius, eft afficere animum ſenſibili quadam ſuauiſſitudine, qua vitaliter dicitur quieſcere in bono adepto, ex quo effectus alii confequuntur, vt motio cordis, &c. D. Thomas 1. 2. q. 33. per totam, & prior pars ex terminis ipſis, & experientia conſtat, & ex dictis ſuprà de fruitione. Secunda pars etiam experimento conſtat, vnde hæc pafio ab effectu dilatationis cordis, delectatio quaſi dilatatio dicta eft. Iſaiæ 60. *Videbis, & affluens mirabitur, & dilatabitur cor tuum*. Dicitur etiam lætitia, quaſi latitudinem afferens, cuius effectus rationem late reddit Albertus magnus 1. *de moribus animalium cap. 5*. Tota vero poſita eft in ſympathia illa, & connexionē inter corporis, & animæ facultates, & humores, & ſpiritus qui ad has deferuiunt operationes: delectatio igitur, eft motus maxime accommodatus ipſi cordi, in quo eft appetitus præcipue, & ideo naturali confeutione cor, cum delectatur, ſeſe dilatatur, & diffundit ſanguinem, & ſpiritus ſanguineos, & calidos cæteris membris communicat, ex quo ſequitur riſus, quæ omnia latius in Philoſophia exponuntur. Illud ſolum aduertendū eft, quod D. Thomas citato loco late exponit, delectationem ſæpe parere defiderium, vel perfectioris voluptatis, ſi ipſa imperfecta fit, vel durationis & perfeuerantiæ: nonnumquam vero generare moleſtiam, & triftitiam propter aliquam incommoditatem adiunctam.

IV.  
4. Afferio.

## SECTIO VII.

### De odio, fuga, triftitia.

Dicendum primo. Odium actus quidam eft, ſive pafio appetitus fenfitiui amoris contraria, & à cæteris actibus diftinctæ. Probat per dictis. Nam vt appetitus naturæ tendit in ſibi conueniens, & fugit contrarium, ita appetitus vitæ, ſicut per proprium actum conuertitur ad obiectum conueniens, ita per proprium actum priori contrarium, fugit diſconueniens; & hic actus eft odium, ſicut prior eft amor: in quo nonnulla differentia eft inter naturalem appetitum, & vitalem: nam ille quia non per proprium actum appetit, ſed ſolum pondere naturali, ideo neque per proprium actum fugit, aut odit, ſed ſolum quaſi cōſecutione quadam: appetitus vero vitæ ſuis propriis actibus verſatur circa obiecta cognita: quia igitur obiectum malum per ſe cognoscitur, & proponitur, appetitus proprios actus

I.  
1. Afferio.



ctus circa illud exercet. Ex quo fit propriam rationem odij in hoc præcipue consistere, vt sit auersio, displicentia, seu alienatio appetitus, sub aliqua ratione mali apprehensa.

II. Sed quæri potest, an hic actus sit per modum volitionis, seu prosecutionis, an per modum nolitionis, & fugæ. D. Thomas enim insinuat hoc posterius, Caietanus vero duplex distinguit odium, aliud vocat abominationem, quod dicit esse fugam à re apprehensa, vt mihi incommoda; aliud odium inimicitiae, quod dicit consistere in prosecutione, quæ est velle alteri malum, nam sicut bonum velle, est amare, ita velle malum est odisse, & ex hac voluntate sequitur desiderium, & operatio, qui sunt effectus appetitus prosequentis. Aliis placet etiam odium, & omnem actum appetitus esse prosecutionem. Nam sicut omnis actus potentiae cognoscentis est cognitio, ita omnis actus potentiae appetentis est appetitio, & patet in primis ex re ipsa: nam odio habere, est appetitum disiungi ab aliqua re, sed hoc ipsum est appetere disiunctionem talis rei: patet etiam à simili in intellectu, nam dissentire non est aliquis recessus, vel negatio, sed est iudicare positivè propositionem esse falsam, & hic modus dicendi mihi non displicet, dummodo non intelligatur odium in formali desiderio fugiendi malum, vel quo velimus alteri malum, consistere, sed per talem effectum explicari, formaliter vero consistere in affectu quo quis disiungitur à re, quam odio habet, quod significat D. Thomas 1.2.q.29. dicens amorem in consonantia quadam, odium in dissonantia consistere, quæ ratio odii, in odium coherarium amoris amicitiae, & contrarium amoris concupiscentiae conuenit, nam alterum est quasi affectiua separatio à re, quæ in se mala est, & turpis, si mihi nullum commodum afferat: alterum vero in eadem atractione à re mihi nociua, quatenus tali, quæ esse potest eiusmodi, etiam si ipsa in se bona sit. Videatur D. Thomas 1.2.q.42.art.1. & 2.2.q.39.

III. Obiectio. Actus prædicti non videntur contrarii amoris; nam amor vel expresse, vel virtute vult bonum amatum; per hos autem actus nullum malum volumus rei, quam dicimur odisse. Etenim qui sese auertunt ab aliqua re, & affectu illam fugiunt, nullum propterea malum volunt. Et confirmatur, nam odium voluntatis proprie videtur consistere in eo actu, quo volumus alteri malum, vnde numquam censetur quis peccare peccato odii, donec similem efficiat actum. Respondetur amorem, vt diximus, formaliter consistere in illa vnione affectiua, quæ non est formale desiderium alicuius boni: odium ergo per se opponitur amoris quoad illum primum effectum: differt tamen aliquo modo ab amore, nam quia hic consistit in affectu quo rem prosequimur, ideo formaliter est appetitio boni, & sic implicite aliquando includit velle alicui bona: odium vero consistit in affectu fugiendi, qui neque formaliter, neque virtute appetit aliquid rei à qua appetitus fugit, sed solum separatur ab illa. Ex hoc tamen frequenter sequitur, vt velit illi malum qui effectus nobis est notior, tamen formaliter non pertinet ad hanc primam passionem, sed vel ad iram, vel ad desiderium, vt magis ex dicendis patebit. Ad confirmationem respondetur eodem modo esse loquendum, ac de odio voluntatis seruata proportione. Verum tamen est perfectum odium prout habet rationem peccati, non censeri donec perueniat ad illum affectum volendi alterum malum.

IV. Vltimo circa hunc actum aduertendum est,

odia hæc contraria amicitiae & concupiscentiae, quamuis formaliter diuersa sint, tamen consecretivè interdum eisdem effectus efficere: nam odium concupiscentiae corrumpit amicitiam, quia separat affectum à persona amata, quod est contrarium amoris amicitiae, quamuis ratio ipsius disiunctionis non sit formaliter contraria, sed quasi disparata, & idem potest è contrario contingere in odio inimicitiae respectu amoris concupiscentiae.

Dico secundo. Secunda passio earum, quæ circa malum versantur, est inordinata, vt D. Thomas ait 1.2.q.40.art.2.ad 3. & ab aliquibus dicitur timor, & à nobis fuga, formaliter autem esse videtur desiderium quoddam, quod versatur circa rem malam, vt malam, & ex odio intrinsece nascitur, & patet, nam contrariorum eadem est ratio, sicut quod modus dicitur unum dicitur & aliud: ergo sicut ex amore boni sequitur modus in bonum, vt sic, ita ex odio mali sequitur motus ex parte obiecti contrarius alteri motui, qui ex amore sequitur: motus vero voluntatis est desiderium. Sed oportet exponere, quid desideret voluntas hoc motu. Respondetur primo, & præcipue ipsa separari ab illo malo, & quia interdum satis est ad satiandum ipsum affectum odii, ideo simpliciter non est necesse aliquid aliud ex vi odii desiderare: si vero odium sit efficacissimum, & intensum, vel malum, quod odio habetur, non possit aliter vitari nisi destruendo ipsum, hoc ipsum desiderari potest hoc actu, nam reuera hoc per se pertinet ad istam passionem, quamuis enim sit fuga, non tam id habet ex affectus modo, quam ex modo obiecti, quia nimirum præcipua ratio eius est appetere separationem, quod fieri solet fugiendo. An vero desiderare malum alteri possit sub alia ratione ad alias passiones pertinere infra dicemus. Quod vero D. Thomas 1.2.q.46.art.2.ad 6 ait hanc voluntatem pertinere ad odium, vel casualiter tantum intelligendum est, vel si intelligitur formaliter, vt ipse indicat, non satis intelligo quid sibi velit, & multo minus, quod Caietanus commentatur, nam ponit hanc fugam, & desiderium in quibusdam actibus simplicibus, amorem vero, & odium in quadam complexione, quia dum amo, volo bonum alteri, dum odio habeo, volo malum, nam potius videtur mihi contrario modo dicendum esse, vt ex dictis patet.

Dicendum tertio. Tristitiam esse actum appetitus voluptatis contrarium, vnde est amaritudo quædam vitalis, quæ ex presentia mali, quod odio habetur, & vitari nequit, resultat: vt patet ex dictis supra de voluptate: nam contrariorum eadem est ratio, vnde quidquid de effectibus, & causis passionis huius dici potest, ex his quæ diximus de passione contraria elicienda sunt. Sed dicet aliquis, delectatio non requirit ex parte obiecti quod vitari, vel non vitari possit: ergo nec tristitia. Respondetur negando consequentiam, nam tristitia oportet esse voluntatem de obiecto involuntario: si autem esset in potestate alicuius malum depelleret, & non faceret, non esset involuntarium, & sic non afferret tristitiam.

Aduertendum vero primo est dolorem ad hanc passionem reuocari: nam etiam sequitur ex presentia mali, differt tamen à tristitia iuxta visitatam terminorum significationem, nam dolor est ex læsione corporis, quæ exteriori sensui percipitur: tristitia vero ex malo interiori tantum apprehenso, quæ hominis censetur propria, quia solus homo potest interno sensu apprehendere conueniens, vel disconueniens absque ordine ad

Notatio pro explicando magis odii actu.

V. 2. Assertio.

VI. 3. Assertio.

VII. Notatio vna pro doloris passione.



ad externum sensuum, & ideo D. Thomas 1. 2. q. 35. art. 2. ait tristitiam comparari ad dolorem sicut gaudium ad voluptatem: & ar. 7. vocat illam dolorem internum, videaturque *quest. eadem* 35. art. 1. ad 11. de dolore vero multa dici possunt, quæ Philosophis remitto, & videri possunt in *tractatu de anima, sect. 1.*

VIII. *Notatio de diuisione tristitia.* Aduertendum secundo est tristitiam à Dama sceno lib. 2. & Gregorio Nisseno lib. 4. cap. 12. Diu. Thoma 1. 2. *quest. 35. articulo sexto*, diuidi in misericordiam, inuidiam, anxietatem, accidiam; potest enim esse tristitia de malo proprio, vel alieno, aut etiam de alieno bono: de proprio enim bono, vt sic, nullus tristatur. Tristitia de alieno malo vocatur misericordia, in qua quis, vt ait D. Thomas, apprehendit malum: vt proprium: tristitia de proprio malo, si communis sit, retinet nomen tristitiæ, & si nimium affligit animam, vocatur anxietas, si vero tanta sit, vt etiam corpori torporem iniiciat, & membrorum vsum impediatur, vocatur accidia, quamuis hoc nomen alias significet peculiare vitium charitati cōtrarium, 2. 2. *quest. 36.* iam vero tristitia cum non sit de bono, vt bonum est, in quoquis illud sit, si bonum alterius, vt malum proprium apprehendatur, tristitiam affert, & illa vocatur generaliter inuidia, quamuis magis proprie tunc censeatur inuidia, quando ratio mali ex bono alterius nulla alia apprehenditur, nisi diminutio propriæ excellentiæ, de quo D. Thomas 2. 2. q. 35. vnde intelligitur hos actus magis proprie in voluntate, quam in appetitu sensitiuo reperiri. Quare alia, præter hæc vulgata genera, numerari hic possunt pœnitentia, zelus, æmulatio, nemesis, quæ Diuus Thomas ad prædictam diuisionem reducit.

IX. *Notatio de causis & effectibus passionum quæ circa malum versantur.* Tertio aduertendum est causas, effectusque harum passionum, quæ in malo versantur ex effectibus, & causis contrariorum effectuum colligi debere, nam per se contrariorum contrariæ sunt causæ, & effectus, quod D. Thomas 1. 2. q. 37. late explicat, vbi tandem concludit nullam passionem magis nocere corpori, quam tristitiam, Prouerb. 17. *Spiritus tristis exsiccat ossa*, vnde à Latinis hæc passio vocatur *agritudo*, tamen si cum moderata est, & rationi consentanea, utilis sit, & necessaria. Isaia 6. *In tribulatione murmuris doctrina tua eis.* 2. ad Corinth. 7. *Tristitia, quæ secundum Deum est.* Quarto aduertendum est de remediis contra tristitiam agere D. Thomam 1. 2. q. 38. quæ duplicia esse possunt, alia quæ delectationem excitât, de quibus ipse copiose differit, alia quæ apprehensionem ipsius mali minuunt, de quibus videri potest Cicero *Tuscul. 9.*

## SECTIO VIII.

### *Quid sit spes, & quod habeat contrarium.*

I. *Spem esse in intellectu quidam putarunt.* Hætenus de passionibus concupiscentiæ disputauimus, sequitur, vt de his quæ irascibili D. Thomas tribuit, differamus, è quibus spes prima est. Dixerunt vero quidam non esse spem actum appetitus, sed cognitionis iudiciū, illud nempe quo quis sibi persuadet se posse cōsequi, vel fore, vt consequatur bonum quod amat, tamen si difficile appareat, quæ sententia falsa est, vt in materia de spe *disput. 1. sect. 2. & lib. 2. de grat. cap. 12.* latius contra Lutheranos diximus, qui spem cum fide confundunt: illud quidem iudiciū necessarium est ad sperandū, & ideo quando quis titubando desperat, præcipue quidem

conamur eum in illo iudicio stabilire, quia ab eo spes oritur, non tamen potest in illo formaliter consistere, cum spes tendat in bonum sub ratione boni, quod potentiæ est appetitiuæ, nō cognoscitiuæ. Dices versari circa bonū iudicando illud posse obtineri, sed contra, quia non omnis, qui ita iudicat, sperat, potest siquidē nullum adhibere conatum ad bonum illud consequendum, & fidelis seruata fide potest desperare. Item vix alias possent in supernaturalibus fides, & spes distinguui: tandem timor est in appetitu; ergo & contraria spes: nam sicut ille est de imminenti malo, ita spes de bono.

Dico ergo, quæ ex dictis certa colligi possunt. Primo spem esse actum appetitus prosequentis bonum. Secundo bonum illud, esse bonum absens, & arduum, nam quæ aliquis possidet, non sperat, & quæ sine difficultate, & dubitatione obtinenda credimus, moraliter tanquam iam obtenta reputamus. Tertio certum est spem, ab amore, & gaudio distinguui, quia amor per se non versatur circa absentia, vt agendo de fruitione diximus. Difficultas ergo superest, quomodo spes à desiderio differat, vterque enim actus in bonum absens tendit. D. Thomas inquit differre, quia spes tēdit ad bonum arduum, desiderium autem in bonum absolute, seu carens arduitate: quam obiectorum diuersitatē in appetitu inferiori vult Sanctus Thomas sufficere ad distinguendos non solum actus, sed etiam potentias: in voluntate vero ad distinguendos saltem diuersos actus. Ratio esse potest, quia cōstat desiderium & spem esse actus diuersos, tum quia contingit vehementer desiderare aliquid sine spe obtinendi, tum quia habent contraria distincta, scilicet desperationem boni, & fugam mali: ergo eorum distinctio est ex obiectis, in quibus nulla diuersitas ostendi potest.

Nihilominus Scotus in 3. *distinct. 26.* Gabriel, & alii ibi, Magist. *tractatu 2. moralium capite septimo*, negant hos actus esse distinctos, & spem tribuunt appetitui, vel etiam voluntati, vt rationem habet concupiscibilis. Probat, nam spes est motus in bonum consequendum vt sic: ergo appetitus fertur hoc motu per modum concupiscentiæ; ergo desiderando. Secundo, quia hi actus solum differunt sicut desiderium boni ardui, & non ardui, quæ differentia est accidentaliter, sicut desiderare moderatas diuitias quæ facile haberi possunt, vel magnas, quæ difficile comparantur, vt enim obiecta hæc accidentaliter differunt, sic & actus. Tertio bonum arduum non speratur nisi prius ametur, nam, vt D. Thomas ait, passionibus irascibilibus oriuntur ex concupiscibilibus, vt per se notum est: sed amor boni & amor boni ardui, non distinguuntur: ergo. Dices amorem nunquam versari circa arduum, vt sic, quia fertur simpliciter in bonitatem obiecti, sine ordine ad consecutionem, in qua tota difficultas boni amati consistere potest. Sed hoc in primis non est omnino certum quia nihil videtur ob stare, quominus aliquod bonum per se reputetur excellens, superansque conditionem appetentis: sed vt demū illud in amore: in desiderio tamen locum non habet, quia hic actus reuera versatur circa bonum absens, & consecutionem, vt supra dixi, agendo de actu intentionis. Sicut ergo potest quis intendere bonum absens, & arduum, ita desiderare: ergo desiderium versari potest circa bonum arduum vt sic: ergo nondiffert ab spe. Confirmatur, quia nullus sperat, qui non efficaciter desideret bonum arduum quod sperat, siquidem nullus sperat nisi quod intendit consequi, quod est efficaciter desiderare.

II. *Tria certa pronuntia-ta de spe.*

D. Thomas placitum de distinctione spei & desiderij.

III



re: ergo. Fauet etiam huic sententiæ axioma illud, Non esse multiplicandos actus sine necessitate, item fauet, quod supra diximus, & latius in libris de Anima, concupiscibilem, & irascibilem non esse distinctas potentias, ac quod agentes de actibus voluntatis statuimus, intentionem & desiderium; & similes actus ad genus idem pertinere.

IV. Dicendum quarto spem differre à desiderio; vel solum accidentaliter: vel solum ut superius ab inferiori, prout desiderij vox variis modis usurpari potest, interdum enim desiderium, ut supra etiam de actibus voluntatis diximus, quamcumque appetitionem boni absentis significat, siue illa efficax sit, siue inefficax, & hoc modo differt ab spe, ut quid generalius. Nam spes significat actum efficacem, & absolutum: neque tamen omne desiderium efficax habet rationem spei, sed illud, quod in realiquo modo difficili versatur; & hoc modo differt spes à desiderio boni non ardui per se loquendo solum accidentaliter ex materialibus obiectis, ut ex dictis patet, & ex dicendis de audacia latius constabit.

V. Neque vero probabile est, quod quidam dicunt spem esse passionem quandam necessario resultantem ex persuasione, & desiderio boni futuri ardui, & obtinendi: primo enim hæc persuasio non est necessaria ad spem, sed est satis existimare posse consequi tale bonum: deinde ex hoc iudicio non necessario sequitur spes, nisi addit desiderium absolutum, & efficax, quo posito non potest exponi quid sit id, quod sequitur, vel quam vim habeat in appetitu. Dices esse veluti erectionem quandam, & extensionem appetitus timori contrariam, & speciem affectum, quo quis confidit se consequiturum quod amat. Sed re vera tota hæc erectio, quantum ad appetitum spectat, consistit in intentione illa efficaci & absoluta prosequendi bonum amatum, non obstante difficultate eius: reliqua vero pertinent manifeste ad persuasione, & iudicium: nam his duobus positis, nihil aliud necessarium est ad omnia quæ in hoc affectu experimur: imo neque aliud videtur posse concipi. Quocirca quamvis spes sit actus appetitus, connotat tamen iudicium illud quod proprie confidentiæ nominatur, & quamvis desiderium per se ærumnam potius, quam gaudium afferat, tamen desiderium cum illa existimatione affert gaudium, & ducit ad operationem, iuxta illud 1. Corinth. 9. debet qui arat sperare: propter hoc etiam dicimus magis nos sperare in alio, quam desiderare, tunc enim speramus in alio quando & desideramus aliquid habere ab illo, & iudicamus fore ut consequamur. Neque contra hoc videntur urgere in contrarium adducta in num. 2. potest enim aliquis desiderare inefficaciter, seu per velleitatem, desperando, non tamen desiderium efficax potest consistere cum desperatione, de qua quid sit statim dicemus in numer. 7.

VI. Ex dictis primo colligitur, quæ sint causæ & effectus spei, cum enim hic actus duo requirat, scilicet obiectum excellens, & iudicium de illo obtinendo, omnia quæ confirmare possunt hoc iudicium, vel extollere bonum apprehensum, poterunt dici causæ spei, quæ cum desiderium quoddam sit, fere eandem dispositionem requirit, & eandem motionem cordis efficit, quam alia desideria, & hinc D. Thomas iuuenes, quod calore abundant, faciles dicit esse ad sperandum. Secundo soluitur ex dictis dubium, quod Caietanus mouet, quomodo spes possit esse partis sentitiuæ actus, cum sit de futuris, quæ sensu non apprehenduntur. Respondetur enim obiectum spei esse præsens in se, vel in aliquo alio, tamen

Suarez in primam secundæ D. Thomæ.

eius consecutio abest, & hoc modo brutum animal videns pabulum præsens, appetit obtinere illud, & si apprehendat ut arduum, etiam conatur illud consequi: sæpe vero ex signo, vel ex effectu mouetur brutum ad sperandum aliquid, non quia ex cognitione vnius in apprehensionem rei futuræ perueniat: nam hic est discursus: sed ex instinctu naturæ, vel consuetudine apprehendit, ut conueniens id quod aliquod commodum allaturum est, quamuis futurum commodum non apprehendat, ut hirundo cum ædificat, sicut tantum habet æstimationem de ipsis rebus, & quæ sensibus obiciuntur, ita solum appetit, & sperat ea quæ veluti ante oculos habet: sub ratione tamen futuri magis in actu exercito, quam signato, ut perficere nidum, deferre paleas, vide Sanctum Thomam 1. 2. quæst. 40. art. 3. ad 1. & quæst. 42. art. 1. ad 3.

VII. Tercio intelligitur quisnam actus sit desperatio, nam S. Thomas & Caietanus supra articul. 1. 3. Corollariæ volunt desperationem esse motum positium contrarium spei, id est, recessum materiale ab illo bono ad quod spes ferebatur: quæ sententiæ sic vdetur intelligenda, ut in eo qui desperat, præter desiderii priuationem, sit quidam motus appetitus, quo proponit quis desistere à prosecutione talis boni, quod licet secundum se sit conueniens, tamen in ordine ad acquisitionem eius non existimatur tale, quia consecutio ipsa iudicatur impossibilis, & hoc modo desperatio potest esse fuga appetitus, quia licet recedat à bono, non tamen ut bonum est, sed ut impossibile, vel numquam obtinendum, & sic quandam rationem habet mali: hoc ergo modo est probabilis ista sententiæ, sicque intelligendus est S. Thomas supra, articul. 4. interdum enim ait obiectum desperationis esse bonum, interdum esse malum, & verumque verum est, ut dixi: frequentius tamen dicitur versari circa bonum à quo aliquis quali difficultate superatus, recedit. Quarto ex dictis constat fere omnes diuisiones datas de desiderio, & fuga, ac cetera, quæ de illis diximus, proportionem seruata habere in locum in spe, & desperatione.

## SECTIO IX.

Quid sit audacia, & quomodo ad alias passiones comparetur.

Quamuis S. Thomas prius de timore in 1. 2. ad 1. quæst. 41. ad 44. postea de audacia in 1. 2. ad 1. quæst. 45. diffinit, tamen cum timor ad fugam pertineat, & audacia contrarius sit, quæ persecutio quoddam est, consequenti methodo, prius videtur de audacia, quam de timore differendum: ut autem horum actuum rationes intelligantur, aduertendum est motum prosecutionum appetitus per se primo ferri in bonum, interdum vero offerri in aliquod malum, quod oportet vel superare, vel perferre, ut quis intentum vere consequatur. Audacia ergo ad eos actus pertinet, quibus anima huiusmodi malorum pericula appetit, & aggreditur, quod Scotus in 3. dist. 23. notauit, addit vero S. Thomas in quæst. 40. audaciam solum excitari in irascibili, quia bonum quod speratur, superato aliquo graui malo, vel tentato aliquo probabili periculo, obtinendum est. In quo est aduertendum secundo, consecutionem boni duplici modo existimari posse arduam, & difficilem: vno modo, quia est bonum ipsum interdu, & media, quibus obtineri debet, per se sunt excellentia & difficilia & in illis proprie versatur

Notatio 2.

F f



satur spes; alio modo censetur consecutio boni ardua, & difficilis, quia aliquod malum, quod tolerare, vel superare oportet, aut grane saltem illius periculum, cum illa coniunctum est, & circa hæc proprie versatur audacia.

## II.

1. *Assertum  
audaciam  
dari.*

Ex his igitur primo constat in appetitu esse necessarium actum quo homo huiusmodi bona appetat & aggrediatur magnum aliquod periculum, ne à prosecutione amati desistat, qui proprie vocatur audacia. Hoc colligitur ex S. Thoma, & patet ex communi modo sentiendi, omnes enim hoc intelligimus significari nomine *audacia*. Solum est aduertendum cum periculum, vel malum, quod timetur, est parui momenti, quasi nihil in moralibus existimari, & ideo dici audaciam in arduis versari, quamvis re vera omnis actus, quo appetitus amplectitur aliquod malum quodcumque illud sit ad audaciā pertinet: semper tamen oportet periculum esse probabile, vel sub ea ratione apprehendi, alias non erit audacia, nisi nomine tantum. Sed quid si malum, quod futurum esse censetur, non sit dubium, sed omnino certum? actus ne appetitus, qui fertur in illud, pertinebit ad audaciā? videtur enim non pertinere, nam audacia opponitur timori, qui solum est de malo incerto, contraria autem versantur circa idem. Quibusdam enim videtur illum motum non esse proprie audaciā, sed constantiam, vel patientiam, nam qui amore, v. g. scientiā, vel virtutis constanter se exercet, cum certo corporis incommodo, non dicitur audax, sed constans: item in his actibus videtur valde diuersa ratio obiecti, & diuersus modus tendendi in malum: item cum quis iam patitur malum, velle perseverare, & illi subesse, certe non est actus audaciæ: eiusdem autem rationis esse videtur appetere malum certum: ergo. Quæ sententia mihi placet, & saltem quod attinet ad distinguendas bonitates, sine dubio actus distincti sunt, quod vero ad numerum passionum attinet, an hi actus constituent per se nouam passionem statim dicetur.

## III.

2. *Assertum  
de obiecto  
audaciæ.*

Ex his constat secundo, quomodo intelligendum sit, quod de obiecto audaciæ docet D. Thomas 1. 2. *quest. 95. artic. 3.* nempe esse aliquod malum imminens, tria enim in obiecto possunt considerari. Primum id quod proxime appetitur, nempe opus aliquod, vel medium per se non malum, sed potius consentaneum fini obtinendo. Secundum ratio amandi, quæ est bonum aliquod à quo appetitus excitatur ad aggrediendum. Tertium est aliquid, quod vel permittitur, vel parui penditur, & hoc potest esse aliquod malum quod appetitus per se non appetit, sed quia illud vitare non potest nisi careat bono amato, illud permittit, & parui pendit, & quia in hoc ultimo tota difficultas huius actus consistit, ab illo nomen, & rationem accipit, & per illud, obiectum explicatur. Addendum vero est pro actu illo, quem constantiam quandam appetitus dicebamus, interdum per huiusmodi actum, non solum permitti malum, quod est in obiecto, sed etiam directe appeti, quando ipsum malum, vel incommodum obiecti, vt tale est, est vtile ad tale bonum: vt cum quis, v. g. appetit poenitentiam, non solum appetit ipsam actionem, sed etiam maliciam ipsam illius directe appetit, malitiam, inquam, quæ ad poenam spectat, hic tamen modus appetendi magis ad voluntatem, quam ad appetitum pertinet.

## IV.

3. *Assertum  
de quidditate  
audaciæ.*

Tertio colligitur, audaciæ modum, si ratio eius formaliter consideretur, re vera in quodam desiderio consistere, nam est prosecutio obiecti sub ratione boni futuri, in quo ratio desiderij con-

sistit, quæ omnia ex dictis patent, & in voluntate apertius manifestantur, nam velle aggredi opus, cui est coniunctum periculum mortis propter alium finem consequendum, vel propter honestatem, intentio quædam est, vel electio, quæ desideria quædam sunt, vt supra dixi; ergo, &c. Confirmatur, nam apperere hoc obiectum, si nulla esset in eo ratio mali, vel periculi, censeretur sine dubio actus desiderii: ergo idem erit quamuis adiungatur illud periculum, nam hoc non variat rationem formalem actus, quia nec mutat formalem motum, nec modum tendendi.

Vltimo colligitur ex dictis quas causas, vel effectus habet hæc passio, nam ex ea parte, quæ cum desiderio communicat, eiusdem rationis causas habet, nam quidquid desiderium auget quantum in se est, auget audaciā, & similiter auget æstimationem boni; propter quod subeundum est periculum: quia vero audacia versatur in malo, quidquid minuit æstimationem mali, vel periculi, audaciā confert, & tribuit potestatem, aut robur ad superandum illud malum: & hoc modo diuitiæ, vel amicorum auxilia augent audaciā. Vnde Aristoteles 2. *Ethicorum cap. 5.* dixit audaciores esse, qui melius se habent ad diuina, quia paratorem Dei protectionem sibi pollicentur, & eos, qui passi sunt iniusta eadem ratione audaciores esse, quia sperant Dei fauorem assecuturum, præter hæc experientia auget audaciā, quamuis nonnunquam minuat, nam inexerti temere aggrediuntur pericula, experti prudentius, & constantius. Effectus etiam sunt eiusdem rationis cum supradictis de desiderio, & spe, commotio cordis, & delectatio, &c. quia in hac passione confortatur appetitus ad vincendum malum, calor etiam, & spiritus reuocantur ad cor, & tunc solent exteriores partes fugere: hinc etiam sanguineus humor, & cholericus, spirituumque abundantia conferunt audaciā, & Aristoteles *problemate 4. sectio. 27.* dicit habentes magnum pulmonem esse audaciores, quia spiritibus, & sanguine abundant, & ex eadem radice provenire (inquit) homines vino dedivos esse audaces.

## S E C T I O X.

*Quid sit timor.*

Dicendum primo. Timor est affectus in fuga consistens, & audaciæ contrarius. Est tamen aduertendum ex S. Thom. 1. 2. *quest. 30. art. 2. ad 3.* nomen *timoris* generali quadam ratione significare omnem fugam appetitus à quocumque malo imminente, quomodo timor etiam opponitur concupiscentiæ, & generaliter desiderio boni opponitur, sub qua generali ratione potest in duas fugas, seu timores distinguere, sicut distinguitur audacia à communi desiderio, quos timores S. Thom. *qu. 41.* in hoc inquit differre, quia timor desiderio contrarius, est de futuro malo simpliciter dicto, alius vero est de malo arduo, & difficili ad euitandum: sed contra hoc est, quia, vt supra dixi, arduum, & non arduum non videntur distinguere affectiones, & appetitus, vnde etiam fuga desiderio contraria potest esse de arduo, & grauissimo malo sicut odium.

Duo igitur exponenda videntur. Primum, quomodo timor, de quo hic agimus, circa arduum versetur. In quo est aduertendum malum dupliciter apprehendi posse, vno modo secundum se sine ordine ad futuritionem, alio modo, vt futurum, & imminens, nam si omnino impossibile sit,

V.  
4. *Assertum  
de causis &  
effectibus  
audaciæ.*

I.  
*Quid &  
quotuplex  
sit timor.*

II.  
*Quomodo  
arduum per  
tineat ad  
iectum timoris.*



fit, vel omnino non futurum credatur, non timetur: fieri autem potest, ut malum futurum apprehendatur, ut inuitabile, & tunc etiam non sequitur proprie timor, sed tristitia quædam, quia iam malum illud apprehenditur, ut præsens, unde Aristoteles 2. *Rhetor. capit. 5.* dixit, eos qui morte iam multandi sunt, non timere, quia mortem inuitabilem fere apprehendunt: est ergo timor de malo quidem, quod apprehenditur, ut futurum, ita tamen, ut euitari possit cum aliqua saltem difficultate, nam si facile vitari potest, proprie non timetur, quia est veluti positum in propria potestate, & quoad hoc saltem verum est timorem esse de malo arduo, quia nimis arduum debet esse illud impedire, ita Aristoteles citatus, & D. Thomas 1. 2. *question. 41. artic. 2. & 3.*

## III.

Quibus modis  
dispositio appetitus  
vari circa  
malum apprehensum  
ut futurum.

Secundo, ut exponamus differentias dictorum actuum, aduertendum est circa malum futurum, sic apprehensum, posse appetitum primo desiderare non subesse illi, & hic actus, si nihil addatur, videtur esse illa fuga, quæ concupiscentiæ contraria est, vel quæ ex illa sequitur, si ad diuersa obiecta comparentur, & locum habere potest in malis imminetibus, & difficillimis, & à metu, qui audaciæ opponitur, separari potest, & cum audacia ipsa coniungi; nam ex desiderio fugiendi malum potest quis aggredi aliquod periculum, ut tale malum superet. Secundo ergo modo potest appetitus fugere malum dicto modo apprehensum, ita ut illi quodammodo succumbat, & ob vitandum illud fugiat illa opera, vel loca, & similia, quæ per se ablati metu non fugeret, & sic est timor audaciæ contrarius, quæ ab illa fuga, quæ concupiscentiæ opponitur, non videtur formali ratione differre, vterque enim actus est fuga à malo imminenti: differunt ergo ex materialibus obiectis, vel quia aliquam conditionem connotat vnus actus, quam non connotat alius, sicut supra de desiderio, audacia, & spe diximus, fuga enim mali generaliter dicit duplicem necessum à malo, ut sic: timor vero proprie est de periculo alicuius mali, quod existimatur probabile, & difficile ad euitandum, quod indicauit D. Thom. 1. 2. *q. 42. art. 5.* quod non aliter probatur, quam experientia, & consideratione nostrorum affectuum, patet etiam à contraria audacia: nam contrariorum eadem est ratio.

## IV.

Cuius potentia actus  
fit timor.

Diuisio timoris iuxta  
D. Thom.

Ex quibus constat primo hunc timorē necessario esse actum potentie, quæ fugit, & odit malum, siue magnum, siue paruum, nam vtrumque odio haberi potest; nec quis timetur, nisi prius odio habeatur; quare omnes isti actus eius facultatis sunt, quæ concupiscit, & amat bonum. Secundo intelligitur diuisio illa timoris quam D. Thomas affert 1. 2. *quest. 41. art. 4.* ex Damascen. *libr. 2. cap. 14.* in segnitiam, id est, laboris formidinem: verecundiam, id est, amittendæ existimationis, vel famæ timorem, propter commissum turpe opus: erubescenciam, quæ est timor eiusdem mali, & iacturæ ex futuro opere turpi: admirationem; id est, timorem grandis mali, cuius remedium inuenire quis nescit: stuporem; id est, timorem mali, quod ob inexperience magnum apparet: agoniam, quæ est ex malo iam imminenti, quod impediri non potest: hæc tamen nomina alias habent significationes, & pro ut hic expolitæ sunt, non species diuersas timoris significant, sed fortasse distinctos eius gradus: solum est cum Caietano aduertendum Aristotelem ad concupiscibilem potius reuocasse admirationem, quæ ex consideratione effectus rari oritur, & concupiscentiam cognoscendi causam occultam parit, unde vel in diuersa significatio-

Suarez in primam secundæ D. Thom.

ne admiratio hic sumitur: vel vtrumque includit timorem ferendi iudicium in præsentem, & concupiscentiam cognitionis futuræ: ita Sanctus Thomas supra indicat ad 5.

Tertio constat quas causas, & effectus timor habeat, quidquid enim confert ad passionem futuri mali, auget timorem: amor etiam boni contrarii maxime fouet illum, Augustin. *lib. 83. questionum q. 33.* imbecillitas, & defectus virtutis efficit timorem, quia periculum existimatur maius, & ideo pueri, & senes & mulieres magis timent. S. Thomas 1. 2. *q. 43. art. 1.* Denique omnia, quæ sunt causis audaciæ contraria, timorem incutiunt. Effectus vero numerari solent. Primus, tristitia quædam contraria illi gaudio, quod de spe boni nascitur: imo sunt, qui in hac tristitia affectum timoris constituunt: sed non recte, quia gaudium non est spes ipsa, sed effectus eius; ergo è contra etiam timor est de malo futuro, ut sic; tristitia vero, vel est de ipso timore, vel de malo apprehenso aliquo modo ut præsentem. Secundus effectus, timor, & tristitia contrahitur cor, auocantur spiritus, unde sequitur frigus in externis membris, tremor etiam, & pavor, interdum linguæ titubatio, & ineptitudo operandi, & nonnunquam etiam fames, Isai. 35. *confortate manus dissolutas, & genua debilia roborate:* videatur S. Thomas 1. 2. *questione quadragesima quarta.* Sed hæc intelliguntur quando timor nimius est, & superat spem, si enim spes vincat (isti enim effectus sæpe miscentur) impedit dictos effectus, & tunc timor iuuat ad operandum propter vitandum saltem malum, quod timetur. Aristoteles 2. *Rhetor. capit. 5.* Ad Philippenf. 2. *cum timore, & tremore, &c.* de his, & aliis vide Caietanum *question. 43.* qui bene exponit, quomodo interdum ex timore sequatur rubor, aut verecundia.

Sed occurrunt duæ difficultates. Prima, quia sequitur ex dictis beatos non posse timere, cum non possint pati malum. Secundo sequitur Christum non fuisse passum affectum timoris, quia certo sciebat non potuisse se fugere mortem. Confirmatur, nam certum iudicium futuri boni non tollit spem: ergo nec certitudo mali futuri timorem. Respondetur nunc solum laqui nos de timore sensibili, considerata rei natura non supernaturali virtute, vel cognitione. Beati ergo dicuntur habere timorē quendam reuerentie, & filiorum, qui ad voluntatem spectat, & consistit in hoc quod beati diuinam voluntatem inuentes effugiunt omne malum quod cum Dei voluntate repugnat, & hac ratione volunt omne illud vitare, etiam si alias possent illud velle, & efficere, & huc etiam forte spectat admiratio quædam de diuinā maiestate. Similiter Christus voluntate, ut natura, fugiebat mortem, qui actus, ut dixi, generali ratione potest dici timor, malum etiam illud, quod Christus passurus erat per se vitari poterat, & ut sic potuit excitare timorem: in appetitu vero sensitivo facilius pati potuit timorem, quia per sensum apprehendere potuit malum, ut formidabile: vide quæ dixi apud D. Thom. 3. *p. q. 15. art. 7.* Ad vltimam confirmationem dicitur spes esse motum, quo profequimur bonum, & ideo certitudo boni futuri non solum non impedit, sed firmat illam, timor vero est fuga mali, & ideo si hæc fuga apprehendatur, ut impossibilis, quasi obruitur timor. Secunda difficultas hic esse poterat de malo culpæ, an possit esse obiectum timoris, quæ in materia de spe tractanda est, quia ad voluntatem potius, quam ad sensum spectat.

FF 2

SE.

V.  
De causis  
timoris.

De effectibus.

V.

Notatio circa prædictam diuisionem.



## SECTIO XI.

*Quid sit ira, & quodnam contrarium habeat.*

I.  
*Quid sit ira.*

**I**Ra generaliratione est appetitus insurgens aduersus eum, qui causa mali est appetenti, vel impedit ne bonum amatum consequatur. Difficultas vero est, quomodo hic actus ab actibus enumeratis distinguere possit: nam insurgere affectum contra alium, nil aliud esse videtur, quam illi malum appetere: hoc autem ad odium videtur pertinere, vel ad desiderium mali. Propter hoc Gabriel, & Scotus 3. distinctione 14 & 26. non distinguunt hanc passionem à numeratis in modo tendendi, sed in obiecto, volunt enim obiectum proprium iræ esse vindictam, ipsam vero iram esse desiderium quoddam illius, quod illi late explicant, & fere omnes motus, quos circa bonum, & malum versari diximus, ipsi circa vindictam explicant, & illos, ut sic, volunt ad iram pertinere. D. Thomas vero supra questione vigesima tertia, & sæpe in hac materia, vult iram non solum esse distinctam passionem à cæteris, sed quasi distinctam requirere potentiam à potentia concupiscente, & obiectum illius vult esse vindictam mali arduam, nam si facilis est, non excitat iram.

II.  
*1. Affectio.*

Dico primo iram proprie consistere in affectu, quo alteri malum appetimus, hoc videtur constare ex experientia, & ex dictis, ut tamen radicaliter explicetur, nota variis modis posse accipi malum alterius. Primo per se primo, solum ut malum habeatur, sine ratione vlla boni, & tunc dicunt quidam esse actum odij quod videtur indicare Caetanum q. 46. art. 6. Verum cum velle alteri malum sit persecutio alterius, nullo modo videtur posse intelligi nisi sub aliqua ratione boni, ut patet ex generali ratione appetitus: & ita docet S. Thomas 1. 2. q. 42. art. 3. Hic ergo modus appetendi alteri malum non videtur mihi verus, sed fictus. Secundo igitur contingere potest, ut quis velit malum alteri, quia id appetit, ut bonum proprium, quod generali ratione odium dicitur: proprie tamen, ut supra dicebam, est hæc quædam concupiscentia per modum desiderij. Tercio potest quis velie malum alteri solum ut compenset iniuriam sibi illaram, quod apprehendit, ut proprium commodum, & hæc proprie censetur ira, quæ ab odio in hoc differt: nam odium per se non supponit malum illatum, ira vero supponit.

III.  
*Obiectio 1.*

Dices primo interdum vnum animal contra aliud irascitur absque præcedere malo illato solum propter naturalem antipathiam. Respondetur forte naturali instinctu alterum apprehendere ut inimicum, atque adeo cum ordine ad malum inferendum, quamuis non videatur posse hoc generaliter dici, ut patet in lupo aggrediente ouem; quare dico illam non esse iram proprie, sed vel odium, vel alium affectum, quem infra explicabimus: sæpe vero communiter ira dici solet omnis motus excitans sanguinem, & bilem aduersus alterum, cum tamen hoc reuera commune sit multis affectibus animæ, & odio.

IV

*Obiectio 2.*

Obiicit secundo: ergo ira non differt ab odio, sed vix plurimum dicitur quædam species eius. Respondetur aduersus eum qui malum intulit, insurgere esse iram, & odium: iram tamen veluti formaliter, nam respicit alterum ut auctorem mali, cui tantum mali appetit, quantum illi intulit, vel ad compensandum damnum illatum, vel ad

pellendum malum, vel aliud simile vitandum: odio vero quamuis occasionem sumat à damno illato, simpliciter vult malum alteri non comparatiue, sed absolute, ut notauit S. Tho. 1. 2. q. 46. art. 2. ad 6. ubi ait odium ferri in malum alterius, ut sic: nam dum apprehendo alterum ut mihi malum, quod illi intulit malum reputo mihi bonum: odium ergo per se appetit hanc compensationem mali cum persona auersa: ita è conuerso, per se non attendit malum alterius personæ, sed compensationem, & repulsam proprii incommodi.

Obiicit tertio. Ergo in appetitu sensitivo non est ira distincta ab odio, quia non potest sensus illos respectus distinguere; oppositum vero, ut D. Thom. q. 46. art. 4. ad 3. respondet, certe non est facile in appetitu præcipue bruti, hos motus distinguere, neque videtur brutum apprehendere vindictam, nec malum alterius, nisi vel ad vitandum malum proprium, vel ut subueniat propriæ necessitati, & hoc ipsum est odisse. Vnde Aristot. 6. Ethic. c. 6. iram ait rationem consequi. Nisi dicamus, quamuis sensus non possit expresse illas rationes distinguere, naturali tamen instinctu ita excita appetitum, ac si illas apprehenderet, unde potest concipere ut conueniens, malum inferre ei qui malum intulit, veluti per modum compensationis, quamuis istam rationem formaliter non apprehendat quod facilius in appetitu hominis intelligitur, quem ille ex directione rationis sapemouet.

Ex his vero dico secundo iram non distinguere ab aliis motibus, quibus alteri malum appetimus, eo quod in arduis versetur. Patet, tum quia etiam in re non ardua potest esse ira: patet enim ira mouetur ad castigandum filium, quod illi non est arduum: tum etiam, quia alii effectus, ut odium, & abominatio versari possunt in arduis, ut ex dictis patet, & experientia, nam ex odio desiderat quis alteri malum maximum, & arduum.

Dico tertio affectum iræ secundum modum tendendi in obiectum esse desiderium quoddam, quod ex proprio amore nascitur, unde ad eandem potentiam pertinet, & ab alijs desideriis solum differt in obiecto, vel formaliter, vel materialiter. Hos mihi satis probant, quæ inter explicandum opinionem Scoti diximus n. 1. & 2. & quæ supra de alijs affectibus dicta sunt, amor enim, & ira inter se comparantur sicut actus circa finem, & media, ira enim appetit vindictam, ut medium ad bonum amatum obtinendum, actus vero circa medium habet rationem desiderij, & in hoc placet Scoti opinio supra allata: illud vero displicet quod potentia irascibili, ut sic, eisdem actus tribuit, quos concupiscibili: hoc est, quod inter motus iræ numeret quendam amorem, timorem, &c. prout isti versantur circa vindictam: cum enim, ut diximus, vindicta solum possit habere rationem medij, non proprie versatur circa eam amor, sed desiderium, iuxta dicta supra scilicet 8. & 9. Alii vero actus timoris, vel similes potius dicuntur esse effectus iræ, quam ad illam formaliter pertinere.

Ex dictis vero expediri facile possent cætera, quæ de hac passione queri, vel tractari solent. Primum est distinctio illa tradita à Damasceno lib. 2. cap. 16. qui tres numerat iræ species. Prima est fel, quam iram subito excandescens vocat. Secunda furor, ira non quiescens donec sumat vindictam. Tertia immanitas, quæ oritur ex inlicitis, quas insinuat Aristot. Ethicorum cap. 5. ubi calores, & biliosos primo iræ genere moueri, acerbos vero, & difficiles secundo genere excitari, quos sibi, & alijs dicit esse molestissimos: il-

V.  
*Obiectio.*

VI.  
*2. Affectio.*

VII.  
*3. Affectio.*

VIII.  
*Questiuncula 1. de ira diuisione.*



los vero, qui tertio genere iræ tanguntur, vocat infestos, & ad communicationem hominum omnino ineptissimos: recte autem Calianus dixit hæc membra inter se differre solum dispositione subiecti, & eodem modo exponenda est partitio Gregorij 2. *moral. capit. 5.* ubi tres gradus iræ numerat.

IX. Secundo queri possunt causæ huius passionis, de quo D. Thomas. 1. 2. *qu. 47.* & breuiter dico, quod efficit, vel auget apprehensionem iniuriæ, aut vtilitatis vindictæ sumendæ, conferre ad irā, deinde quia ira supponit malum illatum, ex quo sequitur tristitia, ideo ira per se consequitur passionem tristitiæ conceptam ob damnum illatum. Vnde quidquid eam tristet an fouet, causa iræ censetur. Vnde D. Thom. *supra art. 3.* dicit pueros, & imbecilles facilius irasci, qui a sunt procliuiores ad tristitiam: quia vero inter homines potissimum malum censetur contemptus, ideo docet *art. 2.* ex Aristotele 2. *Rhetor. cap. 2.* hanc esse causam iræ, non quia sit sola, vt ex dictis de obiecto iræ, & experientia patet: sed quia est potissima, & ad eam possunt quodammodo ceteræ reduci, vt *art. 1.* indicat. Ex quo fit, vt quo persona tibi videtur dignior, ita vt alterum existimet viliores, & vehementius irascitur: fit etiam vt minus irascamur in eos, qui vel ignorantia, vel passione iniuriam inferunt, quia minus arbitramur ab illis contemni; constat etiam ex his quæ sint vtilia ad temperandam iram; nempe omnia; quæ illius causas abstulerint, & præcipue apprehensionem contemptus, & ideo alterius submissio, & humiliatio maxime lenit iram, Prouerb. 15. *Responsio mollis frangit iram,* & 2. *Ethicorum cap. 3.*

X. Tertio peri possunt effectus iræ, de quibus S. Thomas 1. 2. *qu. 48.* Et primo cum ira sit quoddam desiderium, plures generat effectus ex his, quos dixi omni concupiscentiæ esse communes: præcipue tamen efficit in corpore motum suo obiecto, & effectum intento consentaneum, excitat enim sanguinem, & spiritus biliosos aptos ad prosecutionem vindictæ, quæ ad cor congregantur, inde ipsum calefit, & feruet cum quadam amaritudine, & tristitia, in quo differt hæc alteratio ab illa, quam efficit amor, vt D. Thomas *art. 2.* notauit, & Damascenus *lib. 2. cap. 16.* dixit, iram fieri cum quadam felis euaporatione: deinde quoniam ira in quadam extensione animæ consistit, ideo statim se prodit, vt *art. 3. ad 1.* ex Aristotele docuit D. Thomas, & hinc prodeunt verba, gestus, & aliæ commotiones, quas optime depingit S. Gregorius 5. *moral. c. 35.* ex illo Psalm. 30. *conturbatus est in ira oculus meus*, quod etiam ad oculum rationis referri potest, quæ maxime illa passione conturbatur, vt etiam docet D. Thomas.

XI. Quarto queri potest, an ira habeat contrarium, nam D. Thomas simpliciter negat, & ratio esse potest, quia si aliquid habere posset, maxime patienter ferre illatum malum, aut nolle illud vindicare: hic autem actus non videtur pertinere ad appetitum, quia non fertur in obiectum sub ratione aliqua boni sensibilis: ergo. Confirmatur, quia ira supponit malum personæ, quod non potest excitare appetitum ad amorem, sed potius ad tristitiam, & consequenter ad iram. In contrarium est, quia ināfuetudo est vera virtus, quæ teste D. Thoma, in irascibili inhæret, & eius affectum moderatur: ergo necesse est actum ināfuetudinis esse ab appetitu elicitem, & iræ contrarium. Confirmatur, nam 1. 2. *qu. 23.* affirmat D. Thomas contrarias passiones irascibilis interdum esse accedendo, vel recedendo circa idem

Suarez in primam secundæ D. Thoma.

obiectum arduum, vt in spe, & desperatione: ergo idem poterit esse in proposito, cum enim obiectum iræ sit vindicta quæ ex sententia, D. Thomæ habet rationem ardui, & si nimis arduum iudicetur, poterit illum refugere appetitus, per modum iræ contrarium.

Hæc posterior sententia videtur satis verisimilis, non enim oportet si aliquis actus est contrarius, illum esse per modum prosecutionis, & appetitionis mali præsentis; esse enim posset per modum fugæ, & nolitionis vindictæ, sicut in desperatione patet, & hoc modo cadere potest in sensitiuam cognitionem obiectum actus iræ contrarii, quod erit vindicta, ita ardua, & difficilis, vt maius malum existimetur id prosequi, quam iniuriam non vindicare. Præterea in appetitu hominis id videtur magis necessarium propter coniunctionem ad rationem, & illius directionem, imo ex parte obiectorum videtur posse esse contrarietas horum actuum in hoc appetitu: nam si ira est velle malum ei: qui malum intulit, amare illi bonum, erit actus maxime contrarius iræ, & tamen hunc affectum potest habere etiam in appetitu sensitiuo, saltem vt à ratione imperatur. Quare mihi non videtur dubium esse in appetitu sensitiuo actum positium actui iræ contrarium, qui mansuetudo dici potest, neque, vt arbitror, id negaret D. Thomas cum ponat in hoc appetitu habitum contrarium iræ, qui non acquiritur nisi per actus: cur vero non numeretur hic actus inter spirituales passiones, dicemus sectione sequenti.

XII.

## SECTIO XII.

*De sufficientia, & comparatione passionum.*

DE numero passionum, quæ est prior pars tituli, variaz fuerunt sententiæ. Aristot. 2. *Ethicorum cap. 5.* numerat duodecim, & plures ad duas præcipue reuocat, voluptatem scilicet, & dolorem, quæ sententia cum Epicureo ex parte videtur conuenire, qui dolore, & voluptate omnia metiebatur, & Ambros. 1. *de Iacob, & vita beata*, omnes passiones dicit ex his duabus oriri. Alii vero omnes, ad quatuor reducant cupiditatem scilicet, & gaudium circa bonum: metum, & tristitiam circa malum. Cicero cum Stoicis *Tusculanæ 4.* Plato etiam in *Timæo* numerat quatuor, sed spem posuit loco cupiditatis. Alii in concupiscibili quatuor passiones, & totidem in irascibili numerant: in illa desiderium, & voluptatem, à quibus non distinguunt amorem, timorem, & tristitiam, & similes ponunt in irascibili. Alii cum D. Thoma numerant vndecim, de quibus egit in locis hætenus citatis.

Aduertendum tamen est posse nos distinguere actus hos multipliciter, primo secundum generatas rationes, & modus tendendi in obiecta. Secundo considerando vsque ad species vltimas actuum: tertio prout in corpore excitant peculiarem motum, & alterationem: quarto vt habent quandam excellentiam, & propriam considerationem requirunt in corde ad virtutes, & operationes humanas. Prima consideratione videtur certe passiones omnes satis commode ad sex reuocari, tres circa bonum, amor, desiderium, & voluptas: & tres circa malum, odium, timor, seu fuga, dolor seu tristitia: cuius diuisionis sufficientia satis colligitur ex dictis supra de actibus voluntatis, & de singulis passionibus: bonum enim, & malum triplici ratione referri possunt

I. Variant auctores in numero passionum.

II. Quadruplex consideratio ad colligendum numerum passionum.



sunt ad appetitum; vel absolute, vel ut presentia, vel ut futura, nam, ut præterita non mouent nisi aliquo modo referantur ad existentiam presentem, vel futuram: & ideo tantum sunt tres modi, quibus appetitus versatur circa bonum, & circa malum, qui sex dictos actus distinguunt, non ob maiorem, vel minorem applicationem obiecti, ut Scotus in 3. dist. 26. indicauit, hoc enim non sufficeret ad distinctionem essentialem: sed quia modus tendendi in obiectum diuersus est. Iam vero quod præter hos actus alii necessarij non sint, constat; ostendimus enim hos actus circa obiecta ardua versari posse: & omnes alias passiones, quæ numerari solent, desideria quædam esse, vel timores, & fugas.

III. Secunda consideratione passiones non sunt tantum undecim, sed ut nō possint certo numero comprehendi à nobis: supra vero duas species amoris amicitie, & concupiscentie distinximus, & sub his aliæ distingui possunt pro varietate obiectorum formalium, similiter genera desideriorum sunt infinita, & idem de aliis.

IV. Tertia consideratione undecim passiones conuenienter ratione numerantur, de quibus hætenus. Nā termini appetitiui motus duo sunt præcipue, bonum scilicet obtinendum, & malum fugiendum, illud est velut primarius terminus ad quem, hoc ut primus terminus à quo, quibus addi potest tertium membrum, malum scilicet superandum. Ad bonum per se fertur appetitus in prosequendo, & appetendo, idque tribus modis dictis, qui essentialiter differunt, & diuerso modo corpus alterant, ut supra etiam diximus: circa malum versatur appetitus tantū fugiendo per se tribus modis contrariis prioribus, qui etiā proprias motiones in corpore efficiunt: circa malum vero vincendum versari potest appetitus aggrediendo, & fugiendo: quia vero aggrediendo malum, vel propriū, quod fit per audaciam: vel alterius quod fit vindicta, peculiari modo excitatur homo, ideo istæ duæ passiones distinctæ à cæteris numerantur. Spes vero fortasse etiam propriam motionem efficit in corpore si feratur in bonum difficile, quia illud quodammodo est aggredi malum, nam arduitas quodammodo fugit appetitum, & ideo ad spem requiritur peculiaris animi vigor, & corporis, & spirituum propria commotio, quæ non solum ad bonum prosequendum, sed ad difficultatem vincendam iuuat, & propterea passio diuersa numeratur. Hinc etiam duæ aliæ passiones adiunguntur audacie, & spei contrariæ, motus vero iræ contrarius non numeratur, vel quia non excitat in corpore passionem distinctam ab aliis: vel certe, quia motus cohibens iram, quando non ex timore, vel simili affectione proficiscitur, non est per se primo ab appetitu sensitivo ut sic, sed solum ex motione rationis: propriæ autem passiones dicuntur illæ, quæ ab appetitu primario oriuntur.

V. Ex quibus etiam patet diuisionem hæc undecim passionum ad methodum etiam doctrinæ, quā quarto loco considerari posse diximus, satis esse accommodatam, quamuis non sit adeo necessaria, cū aliis etiam modis tradi posset: quod fecerunt alii, quos attulimus, qui nō contrarias, sed diuersas passiones tradiderūt, qui enim passiones omnes ad duas reuocarunt, finem, & terminum considerarunt, & radicem harum passionum, scilicet voluptatem ex Aristotele de generatione animalium c. 8. & contrarium, scilicet dolorem, vel tristitiam, quibus alii addiderunt duas species, scilicet timorem, & amorem, ut præcipuos motus, quibus tendimus ad terminum appetitus, & sic variæ sententiæ possunt conciliari.

Diuisio vero Sancti Thomæ in undecim passiones nobis retinenda est, quia & magis recepta est, & facilius ad explicandam originem, & connexionem omnium affectuum: quare aliæ, quæ numerari solent, ad has reuocandæ sunt, ut ex candescentia, quæ est quoddam iræ genus: fiducia, quæ ad spem pertinet, inuidia, æmulatio, misericordia, quæ sunt tristitiæ quædam, & verecundia, quæ pars est timoris: quas omnes Aristoteles numerat, & similes sunt aliæ, quas distinguit Cicero in illa Tusculana quarta. Alii addunt fauorem, qui non est nisi beneuolentia. Alii addunt reuerentiam, quæ est pars timoris, cui opponitur contemptus, qui proprie videtur consistere in quadam audacia, & idem de similibus.

In secunda parte tituli huius sectionis explicandus est ordo ipsarum passionum, quæ conferri possunt primo in origine: secundo ratione causæ: tertio in perfectione, seu vi, & efficacia mouendi corpus, quarto tandem in oppositione, & contrarietate. Quoad originem constat passionibus illas, quæ sunt circa bonum ex genere suo esse priores, quam quæ circa malum, quia malum non habetur odio, nisi ob amorem boni contrarii, & omnis motus natura sua magis respicit terminum ad quem, quam à quo: non est autem intelligendum omnes tres passiones, quæ versantur circa bonum, debere præcedere, sed aliquam saltem, nempe amorem, ex quo contingere potest cæteras sequi pro varia obiectorum applicatione, nam in hoc nullus est ordo per se simpliciter necessarius, & hoc modo intelligitur, quod D. Thomas dixit passiones concupiscibilis priores esse passionibus irascibilis, & has ad illas referri.

De ordine causæ, & effectus constat ex dictis, amorem esse causam aliorum affectuum: ex illo enim, si bonum sit absens sequitur desiderium, si apprehendatur malum contrarium, sequitur odium; at si bonum apprehendatur ut excellens, & difficile, & amor perseueret, sequitur spes, & sic de aliis, qui omnes comparantur ad amorem, & desiderium, sicut electio ad voluntatem, & intentionem finis: atque eodem fere modo ex illis sequitur, posita connexionem, & apprehensione obiectorum: ex quo fit, ut ex quacumque prior passionem possit quælibet altera sequi circa obiecta distincta: quæ ita sunt ordinata, ut posito amore circa vnum excitetur tristitia circa aliud vel ira, & sic de aliis, & hoc modo facile intelligitur, quod D. Thom. 1. 2. q. 25. art. 3. dicitur ex desperatione sequi timorem, cum tamen q. 45. art. 1. dicat timorem parere desperationem, vbi laborat Caietanus in illis locis conciliandis: fortasse tamen eiusmodi passiones nullum per se, & necessarium seruant ordinem, & ideo interdum vna ex aliis sequitur, aliquando è contra: cum enim aliquis desperat se posse fugere aliquod malum, frequentius illa desperatio generatur ex timore: cum vero desperatio est de bono obtinendo, facile potest generare timorem mali contrarii. Vltimo nota hæc omnia intelligenda esse in genere causæ efficientis, nam in genere causæ finalis voluptas natura sua est causa contrarium passionum, est enim obiectum maxime accommodatum appetitui sensitivo, quamuis non sit simpliciter necessarium, ut alias expositum est.

De tertia comparatione in perfectione, nihil certum dici potest, ex genere tamen suo profectio boni perfectior est, quam fuga mali, ut D. Thomas indicat 1. 2. quest. 35. art. 6. & patet ex modo, & ex obiectis talium motuum: inter passio-

VI.

VII. Quadruplex comparatio, seu ordinatio passionum.

VIII.

IX.



nes vero, quæ sunt circa bonum, amor videtur perfectissimus, quia est perfecta unio appetitus cum appetibili; & origo cæterarum, de quo non nulla dixi supra sect. 4.

X. In quarta denique comparatione nil est difficultatis, generali enim ratione odium opponitur amor; fuga deliderio; tristitia delectationi; hanc vero contrarietatem non exercent nisi circa idem obiectum sub eadem ratione, ut notum est, & docet D. Thomas 1.2. questione 35. articulo primo, & questione 41. articulo tertio. Circa diuersa vero obiecta, passionibus istis non solum contrariæ non sunt, sed aliquo modo se consequuntur, ita D. Thomas quest. 39. art. 4.5. & q. 35. articulo quarto. Ex quibus omnibus facile intelligitur passionibus, quæ versantur circa bonum, potentiores esse suis contrariis, quia bonum ex suo genere fortius est ad trahendum appetitum, quam malum ad pellendum, quia nullum est tam malum, quod non habeat aliquam rationem boni coniunctam: bonum vero esse potest absque admixtione mali. Item persecutio boni generat fugam mali: est ergo fortior ex suo genere. Vnde omnium est potentissima passio amor, per se loquendo, quamuis per accidens, alias contingat esse vehementiores, etiam quoad alterationem, quam efficiunt in corpore. Aliæ etiam sunt natura sua potentiores ad excitandam iram. Vide D. Thomam 1.2. q. 25. art. 2. ad 1. & quest. 29. art. 3. & quest. 35. art. 3. & quest. 37. art. 3.

XI.

Non omnes passionibus appetitus cerni in voluntate putat Caiet.

Vltimo hoc loco ex dictis soluitur dubium, quod disputat Caietanus in fine huius materiæ, an omnes isti actus, qui in appetitu sensitui passionibus dicuntur, sint etiam in voluntate. Cui Caietanus negatiue respondet, & octo actus tribuit voluntati, volitionem, nolitionem, intentionem, electionem, consensum, usum, delectationem, & tristitiam. Sed oppositum verius est, nam reuera omnes actus supra numerati in appetitu rationali reperiuntur, & non minus distincti, siue illis detur passionis nomen, siue non. Et potius illi actus, quos Caietanus numerat si proprie loquamur, non omnes distincti sunt, ut patet ex dictis supra de electione, consensu, & usu, & probatur in nostra sententia: certum est enim in voluntate esse amorem, & desiderium, quos actus inter se distinctos esse, & à simplici voluntate, & intentione finis; non distinguere supra ostendi: ubi etiam demonstratum est, fruitionem, quæ delectatio quædam est, specialem esse actum à prioribus distinctum, quibus tribus, tres alios contrarios respondere, dubitari non potest, cum oppositorum eadem sit ratio: constat ergo omnes sex actus, ad quos omnes appetitus reuocari posse dixi, in voluntate reperiri. Deinde certum omnino est actum spei, & desperationem perfectius reperiri in voluntate: ira vero cum desiderium sit, seu appetitus vindictæ ob iniuriam illatam, cui rectius, quam voluntati tribui potest, cum & causa, & ratio, & totum denique obiectum iræ distinctius ab intellectu, quam à sensu cognoscatur, ut patet. Et eadem est ratio de audacia, quæ consistit in firma voluntate comparandi finem, seu bonum intentum, sustinendo aliquod mali periculum, sicut timor negatur à nemine, voluntati. Vnde non video quam maiorem distinctionem habeant hi actus in inferiori appetitu, quam in superiori, cum in utroque conueniant in principio eliciendi, & differant in obiectis. Et confirmatur ex sympathia, quam experimur in his actibus inter has duas facultates, concupiscentia enim appetitus, ad simile desiderium excitat, & è contrario, & idem est de

alus, quod ex D. Thomâ in tota hac materia elici potest: magis enim in voluntate, quam in appetitu dictos actus explicat. Videatur 1.2. q. 28. art. 6. ad 1.

Obiicit Caietanus primo, quia ea, quæ in inferioribus diuisa sunt debent in superioribus esse coniuncta. Secundo, nam desiderare, sperare, amare sunt velle: ergo sub vno actu volitionis continentur. Ad primum respondetur illud principium non esse eodem modo omnibus rebus accommodandum, facultas enim superior ad plura valet, quam inferior, & hoc modo generale est diuisa in superioribus esse vnita in superiori facultate: non est tamen necesse omnes actus qui in inferiori potentia sunt distincti, esse vnum in superiori: præcipue cum eadem ratio distinctionis in vtrâque reperiatur: sic ergo non est necesse amorem, & desiderium voluntatis esse vnum actum, qui in appetitu sunt duo, quamuis amor voluntatis, quia perfectior est, generalior sit, & plura complectatur quod etiam docet D. Thom. 2. contra Gentes capite vigesimo sexto, & vigesimo septimo. Ad secundum respondetur illo argumento probari, intentionem, & electionem, & voluntatem simplicem non distinguere, quia omnes sunt quoddam velle: quod tamen Caietanus non admittit. hæc ergo ratio generica est, & plures sub se comprehendit, & sic nulla est consequentia. Vnde tandem constat actus illos voluntatis, de quibus in superioribus egimus, non esse ab his, quod illi tribuimus, distinctos sed omnes hos ad illos reuocari, ut intuenti supradicta facile constabit.

XII.

Caietani obiectio duplex.

## DISPUTATIO II.

### De habitibus remissiue.



Ost tractationem de actibus humanis, consequenter dicendum de habitibus, tum quia ad eandem speciem subalternam spectant dispositiones & habitus, tum quoniam principia sunt connaturaliter adiuvantia potentias ad ipsos actus, id quod etiam præstant reliqui Theologi apud Magistrum in 3. dist. 23. a clare D. Thom. 1.2. quest. 49. & quinque sequentibus. De ipsis vero potentis nihil ex instituto agunt, quia licet principia actuum sint, & multo magis necessaria: quam habitus, nihil tamen speciale de eis occurrit in Theologia disputandum. Sed quoniam vniuersa de habitibus doctrina copiose traditur in 44. disputatione Metaphysica, non fuit hoc in loco repetenda: præsertim, quia facillimum Theologo erit totam doctrinam huc accommodare pro exponenda natura, causis, augmento, minutione, distinctioneque habituum. Ex hac ipsa tamen doctrina de habituum distinctione, seu multiplici diuisione illa erit hoc loco, (quia Theologica est) peculiari-ter tractanda, qua diuiditur habitus in bonum, & malum, seu in virtutem, & vitium: duplex ergo erit disputatio, vna de studioso habitu, altera de vitioso.



## DISPUTATIO III.

## De virtutibus in genere.



**E**Xiis, quæ de habitibus tradidimus in *Metaphys.* nonnullæ habituum partitiones habentur, præcipuâ tamen diuisio, quæ etiam à D. Thoma 1. 2. *quest.* 54. *art.* 3. sola traditur, quia ad materiam moralem maximè spectat, est in habitum bonum, & malum, de qua nobis præcipue dicendum est. Primo quidem de habitibus bonis, & postea de malis, atq; adeo de eorum comparatione, & diuisione; hic vero agemus de communi ratione virtutum; quare de virtutibus infusis, ut tales sunt, nihil hic dicemus usque ad materiam de gratia, simili ratione, quamuis virtutes acquisitæ in plura genera descendunt, tamen in particulari nihil tractandum occurrit, solumque attingemus præcipua & utilissima capita, magis ut rationes nominum explicemus, quam ut ipsas. S. Thomas autem de hac materia disputat lib. 1. 2. à q. 55. usque ad 70. & 1. *contra Gentes* cap. 92. & in *questionibus disputatis* *questione* ymca de virtutibus. Alij Theologi præsertim 1. d. 17 in 2. dist. 27 in 3. d. 23. *Alf. fiodo. lib. 1. Summa tractatu* 2. c. 17. 2. & *Gaule. m. opuscul. de virtutibus.* *Augustin. lib. 2. de libero arbitrio* cap. 19. *libro de morib. Eccles.* cap. 15. & 16. *lib. 23. questionum* *quest.* 314. *de ciuitate* cap. 22. 4. *contra Iulianum* cap. 3. *Ambrosii. lib. 1. offic.* à cap. 24. *Aristoteles 2. Ethicorum*, & *lib. 2. Politicorum* & 2. *Magna moral.* à cap. 4. *lib. 2. Rhetoricorum* cap. 9. *Plato in libr. de Republica*, *Plutarchus de virtute morum*, *Cicero de officiis.*

## SECTIO I.

## Vtrum aliquis habitus sit essentialiter virtus.

**I.** **S**UPPONIMUS, ut certum, virtutes esse. Dico ergo primo, virtus est habitus perficiens rationalem potentiam, & inclinans ad bonum. Ut probetur explicandum est nomen virtutis, cuius varias significationes congerit bene *Gabriel 3. distinct.* 23. *quest.* 1. interdum enim significat virtutem ad operandum, interdum potentiam quamcumque: sepe opus aliquid insigne vel fructum, vel affectum, aut ipsum etiam obiectum bonum alicuius facultatis, ut D. Thomas *questione* illa 55. *art.* 1. ad 1. notat. In præsentī vero significat vim quandam animi, qua homo fit aptus, & idoneus ad opera sua bene præstanda. Vnde D. Thomas, & Durandus putant virtutem à vi esse deductam, quia vim homini confert, qua se à malo tueatur; Cicero vero *Tusculana* 2. putat dicendam esse à viro, quoniam animi proprium viri est habere robur, & conuincantur in suis operibus. hinc *Aristoteles 7. Physicorum* cap. 3. dixit virtutem esse dispositionem perfectam ad optimum: & 1. *Rhetor. cap.* 1. esse rem productiuam rerum bonarum. Plato vero ait virtutem esse habitum animi, quo vnaquæque potentia recte exercet suas operationes, quod etiam ferè eodem modo docet *Aristoteles 1. Ethicorum* cap. ultimo, & *lib. 6. cap.* 1. & D. Thomas ubi supra.

**II.** **R**estringitur hæc definitio, ut patebit intuenti etiam, virtutibus intellectus, & voluntatis conuenientiatio ad virtutem moralem. moralibus, de quibus præcipue nobis est sermo,

dicendum est virtutem esse habitum effectiuum, in mediocritate consistentem, prout sapiens determinauerit, quæ definitio est *Aristotelis 2. Ethicorum* cap. 6. & tractat in tota hac materia, & eodem sensu dicit virtutem esse, quæ bonum facit habentem, & opus eius bonum reddit: sic etiam *Cicero in libro de inuent.* inquit esse animi habitum rationi, modo, & naturæ consentaneum, quam sequitur *Augustinus supra in libro octuagesimo tertio questionum*, & 4. de ciuitate capite vigesimo primo, ex eodem *Cicerone* ait virtutem esse artem recte viuendi, & de libero arbitrio capite decimo octauo & decimonono, & 1. retractationum capite nono, dicit virtutem esse bonam mentis qualitatem, qua recte viuatur, qua nullus male vitur, addit vero, quam Deus in nobis sine nobis operatur, quod pertinet solum ad virtutes infusas, ex quibus satis patet conclusio posita: quæ ratione etiam ex *Aristotele* explicatur. Nam virtus non est actus, quia propter vnum actum non est homo studiosus; & licet actu non operetur, non amittit virtutem: est ergo virtus aliquid permanens sine operatione: & non est potentia, tum quia propter solam potestatem operandi non est homo bonus, tum etiam quia experimur ex consuetudine bonorum operum potentias fieri faciliores ad bene operandum, quæ tamen in principio erant veluti indifferentes: ergo acquirunt habitum bonum, quam virtutem nominamus. Ex quo etiam patet virtutem relidere in potentia rationali, quia illa indifferens ad bene, & malè operandum non est nisi in potentia, quæ aliquo modo rationem participat. Ex quo etiam satis constat virtutem habitum esse operatiuum, in quibus omnibus ferè sine controuersia consentiunt Theologi.

Disputant vero an habitus, quibus homo bene disponitur, ex propria essentia boni sint, ac virtutes? Ex qua questione pendent aliæ scilicet: an habitus, qui est virtus, possit esse idem secundum substantiam, postea vitium, si accidentali ter transmutetur? item quomodo bonitas sit de ratione virtutis? item an virtus possit malum actum efficere? Scotus enim in 1. dist. 17. q. 3. opinatur nullum habitum esse essentialiter virtutem, præcipue moralem: fundamentum esse debet, quia nullus actus moralis est essentialiter bonus, talis enim generatur habitus, quales sunt actus, ex quo infert virtutem, ut virtus est, non esse habitum, quod intelligendum est virtutem esse quasi nomen connotatiuum formaliter significans tantum relationem coniunctionis cum prudentia, connotans vero materialiter habitum, qui subesse potest tali relationi, vel etiam alteri, ex quo infert etiam eundem habitum posse esse successiuè virtutem, & vitium: ut si quis (inquit) exerceat actus temperantiæ ad vanam gloriam, & postea mutet malam intentionem in bonam, etiam prudenter vtatur illo habitu, fiet virtus: quod patet, nam vt ille sit promptus ad exercendos actus temperantiæ, non indiget nouo habitu: neque est cur corrumpatur prior: infert præterea virtutem, ut sic, non esse operatiuam, quia licet habitus sit operatiuus, illa tamen relatio, in qua ipse ponit rationem formalem virtutis, non est operatiua, sicut nec relatio in actu est per se transiens, sed ratione ipsius actus: & ultimo infert illum habitum, qui virtus est posse ad malum actum concurrere. Contra hanc sententiam vide *Caietanum 1. 2. quest.* quinquagesimam quintam, supposito tamen ex dictis supra de bonitate, & malitia, habitum denominari bonum, vel quia ad bonum obiectum, & bonos actus refertur, & inclinatur, vel quia ipse est honeste appetibilis. Prima certe

III. Habitū virtutis non esse essentialiter bonum qui putent.



denominatio pertinet ad essentiam, quia habitudo ad obiectum & actum est de essentia habitus; secunda magis pertinet ad proprietatem quandam, vel passionem, ut de actibus ibi dicebam, & de habitibus dicam.

IV. Dico secundò. Dantur habitus in nobis, qui essentialiter sunt virtutes; ut probemus conclusionem, sciendum est, virtutes alias esse intellectuales, alias morales. De primis nullus dubitat in hac questione, quod eo modo, quo virtutes sunt essentialiter sint virtutes, quemadmodum de essentia earum est, ut illis non possit subesse falsum in quo ratio talium virtutum perficitur. Et antecedens constat, quoniam de essentia earum est euidentia, & certitudo. De virtutibus ergo moralibus, quoniam dantur quidam actus morales essentialiter boni; ergo generant habitus essentialiter bonos. Antecedens patet ex dictis supra, consequentia patet, quoniam habitus solum inclinatur ad similes actus, & hoc est de essentia eius; ergo, &c. Secundo sunt quidam habitus, qui necessario, & ex essentia sua tendunt in honestum, ut honestum: ergo, &c. Antecedens patet, nam illa ratio honesti boni est per se appetibilis ab homine, & ad eam appetendam non est promptus, & facilis natura sua: ergo potest acquirere habitum, quo in hoc bonum per se primo moueatur? Confirmatur: nam si habitus dantur inclinantes ad delectabile, ut tale est, cur non ad honestum? Nec vero dici potest eundem habitum nunc inclinare ad delectabile, nunc ad honestum, idque esse quali accidentalium illi. Nam ratio diuersa pertinet ad diuersum obiectum formale, atque adeo infert distinctam, & essentialem differentiam: & præterea tali habitui nulla potest designari essentialis species, quæ ex obiecto sub determinata aliqua ratione boni sumatur, ut ex supra dictis de actibus constare potest. Tertio probatur. nam in intellectu sunt habitus essentialiter virtutes; ergo etiam in voluntate: nam sicut intellectus potest inclinari ad verum perfecte cognitum: ita voluntas ad perfectum bonum bene, & conuenienter amatum: quare, &c.

V. Ex quibus colligitur primo hos habitus non inclinare tantum ad materialia obiecta virtutum, sed ad obiecta formalia quatenus honesta sunt, atque adeo quatenus omnes circumstantias habent ad honestatem necessarias. hoc patet & ex rationibus factis, & ex dictis de bonitate morali actuum, habitus enim in eodem obiecto versatur in quo actus, & confirmatur primo, quia ideo docent Philosophi versari virtutem circa difficile, quia versatur circa honestum, & requirunt non tantum materiam bonam, sed formales etiam rationes. Confirmatur secundò, quia si virtus solum daret facilitatem in materia, non in circumstantiis, cum sæpe ex circumstantiis oriatur noua difficultas, oportet singulos generari habitus; qui ad singulas circumstantias rectè disponderent appetitum (nequæ enim satis esset rationem rectè iudicare, si voluntas non sit rectè disposita) quod tamen est inauditum: si signum ergo est tam materiam, quam circumstantias sub vna aliqua formali ratione habitum ad se pertinentem terminare.

VI. Secundo colligitur virtutem, ut talis est, esse bene, & proprie operatum habitum, ut patet in virtute scientiæ, & de aliis. Probatur, quia constituitur in esse virtutis ex habitudine essentiali ad obiectum, & actus efficiunt autem actus ratione huius habitudinis & inclinationis: ergo. Confirmatur, quia omnes habitus, & operatio-

nes per suam differentiam tales, vel tales sunt. Ratio autem virtutis est specifica differentia in his habitibus.

Tertio colligitur nullam virtutem posse esse principium eliciens actum malum, quæ est sententia Augustini supra, & D. Thomæ questione quinquagesima quinta, articulo quarto, & patet satis ex dictis supra, cum ostendimus actum per se bonum non posse esse in indiuiduo malum, & sine causa limitat hoc Caietanus ibi ad actum charitatis, vel aliarum virtutum, quæ à charitate non separantur: rationes enim supra factæ generaliter procedunt, & eadem est ratio de virtutibus acquisitis, & infusis: præcipue quantum ad eam malitiam actus, quæ potest simul esse cum charitate: loquor vero de actu elicitò à virtute, quia actus solum imperatus habere potest simul cum malitia bonitatem, ut patet in actu exteriori. Quarto tandem infertur eum habitum, qui essentialiter virtus est, numquam posse transmutari in vitium, sicut scientia non potest fieri error, nec è contrario, quod est per se notum in Philosophia.

Sed quæret aliquis, an habitus, qui ex obiecto proximo non est per se, & essentialiter virtus, possit esse ex accidenti: diximus enim supra actus quosdam, qui essentialiter non sunt virtutes, posse esse tales accidentaliter: videntur autem habitus accommodari debere actibus: dico tamen posse nos loqui vel de ratione virtutis quatenus ponit aliquod esse reale, & intrinsecum in habitu, qui denominatur virtus: vel prout tantum consistit in quodam statu, ac denominatione extrinseca proveniente ex subordinatione inter vnum, & alium habitum. Hoc posteriori modo contingit aliquos habitus accidentaliter denominari virtutes, sicut fides coniuncta charitati vocatur simpliciter virtus, & non alias: idem fortasse est in aliis habitibus, ut ex sequentibus patebit, quæ tantum est extrinseca denominatio, totaque in ordine ad actus ipsos consistit, quatenus vnus est coniunctus alteri, ab illoque imperatur, & dirigitur in suis actibus. Primo tamen modo nullum habitum credo esse accidentaliter virtutem propter differentiam, quæ est inter actus, & habitus: actus enim potest esse à duobus principiis, vno eliciente, altero imperante, & ab utroque debet habere aliquod esse, ut supra diximus: inter habitus autem ipsos in ratione habitus non est ratio imperij, nec potest vnus influere in alium aliquod esse intrinsecum, unde quàmuis actus essentialiter temperantiæ possit esse accidentaliter religionis, numquam tamen virtus ipsa, quæ est temperantia essentialiter, potest esse accidentaliter religio.

Dico vltimo. Bonitas virtutis quatenus significat illam conuenientiam, quam habet virtus cum natura rationali, non est de essentia eius, sed proprietatis consequens, ita D. Thomas 1.2.q. 55. articulo quinto; & hoc modo concilianda sunt, quæ eo loco & supra docet. Conclusio patet ex dictis de bonitate actuum: & ratio est eadem, quia ista conuenientia est bonitas ipsa, seu appetibilitas virtutis, quæ non est de essentia entis, ut sic.

Ad fundamentum Scoti patet solutio ex dictis: negatur autem illud quod de actibus bonis dicit, & ad illam experientiam de illo habitu temperantiæ acquisito mala intentione. Respondetur huiusmodi intentione non reddere hominem facilem, & promptum, ut supra probaui: fieri tamen potest, ut ille habitus sit indifferens ex obiecto suo, & ita maneat eum virtute, & aliquo modo ius

VII.

3. Corollar.

4. Corollar.

VIII.

Quæstionibus la suborta.

IX.

3. Assertio.

X.

Satisfit al-  
lati in n. 3.



do inuenit, & tamen ex proprio, & intrinseco obiecto vitium fit, corrumpitur. Ad aliud de relatione negatur virtutem constitui propria aliqua relatione, sed transcendentali habitudine ad suum obiectum.

## SECTIO II.

### Quomodo diuidatur virtus in intellectuales, & morales.

#### I. Afferitur.

**D**ivus Thomas 1. 2. *quæst.* 58. *art.* 1. & 3. & alibi sæpius, hanc diuisionem adducit. Dico primo virtutem conuenienter, & sufficienter diuidi in intellectualem, & appetitivam. Hæc colligitur ex Aristotele 1. *Ethnicorum cap. 1. virtus*, & eam recte declarat: D. Thomas *supra* 4. Supponendum est autem pro nunc sub intellectualibus virtutibus comprehendere quicquid potest esse in quavis cognoscens facultate, quod aliquo modo rationem virtutis habeat: & similiter sub appetitivis virtutis, quicquid studiosum esse potest in appetitu sensitivo, de quo quale infra dicemus, ex quo patet insufficientia diuisionis omnium virtutum rationalium, quæ sufficenter per hæc duo membra diuiduntur. Virtus autem perfectio est rationalis potentiz. Aduertendum tamen, quod licet hæc nomina membrorum sumpta sint ex subiectis virtutis: tamen potissimum differre ex obiectis, nam intellectuales tendunt sub ratione veri, & quia omnis habitus intellectus sub eadem ratione tendit, ratio talis virtutis potissimum perficitur ex modo, nempe quia infallibiliter tendit ad verum, nam quia in intellectu nullum est aliud obiectum, quam verum, non potuit ex sola nuda ratione obiecti sumi ratio virtutis: ex modo igitur tendendi determinanda fuit ratio virtutis. Virtutes item appetitivæ tendunt sub ratione boni, & quia rationes bonorum plures sunt, ideo talis virtutis ratio perficitur ex hoc quod attingit obiectum sub perfectissima ratione boni, nempe honestatis: ex quo etiam habet, ut perfecto modo attingat, scilicet bene, & honeste.

**II.** Dico secundo, quævis intellectualis virtutes in genere entis consideratz perfectiores sunt, tamen in ratione virtutis morales sunt simpliciter perfectiores. Priorem partem docet D. Thomas 1. 2. *quæst.* 58. *art.* 3. & Aristoteles 1. *Ethnicorum cap. 6.* Ratio est, quia intellectus est perfectior potentia voluntatis: ergo & virtutes eius ex suo genere. Patet, nam virtutes participant modum operandi ipsius potentiz, & in eodem obiectum feruntur: ex perfectione autem obiecti, & modo operandi oritur perfectio potentiz: ergo & habitus. Confirmatur primo, quia actus intellectus sunt perfectiores in genere entis, & ideo felicitas in intellectu consistit. Confirmatur secundo, quia prudentia est virtus intellectus, & hoc modo superat virtutes voluntatis. Secunda pars est Sancti Thomæ 1. 2. *quæst.* 58. *art.* 3. & 4. *art.* 1. *primum*, ubi vult morales esse simpliciter virtutes, intellectuales vero, solum secundum quid, quod etiam ex communi loquendi modo liquet, scientia enim, & ars non faciunt hominem bonum, sed secundum quid: virtus autem moralis facit bonum simpliciter: etiam si sit puris intellectualibus: ac virtus, ut Aristoteles dicit, est, quæ hominem facit habitum, ergo.

**III.** Sed quia hæc duæ partes conclusionis videntur inter se pugnare, ideo Cateranus illæ *quæst.* 58. *art.* 3. & 4. *art.* 1. *primum* & 2. *quæst.* 58. *art.* 3. & alij laborant in

hac re explicanda, quibusdam dicentibus virtutes intellectuales in ultima differentia esse perfectiores, morales tamen esse meliores in communibus, & genericis differentia virtutis: quod non satis intelligitur: quia comparatio fit in ratione communi, & excessus est in propriis rationibus, quia in ratione communi, & abstracte non est maior, vel minor perfectio. præcipue, quia genus non est in una specie perfectius, nisi propter meliorem differentiam. Ex eisdem argumentis improbat, quod alij dicunt, virtutes intellectuales in genere habitus esse perfectiores in genere autem virtutis minus perfectas, nam hæc omnia prædicta mutuo se contrahunt.

Dico tamen non esse incontinentem rem ynam, quæ in essentia sua est simpliciter perfectior alia, in aliqua conditione esse minus perfectam, ut intellectus in essentia sua est perfectior voluntas, & tamen in libertate, in virtute movendi alias potentias, & similibus, potest esse minus perfectus. Actus etiam intellectus licet in se sit perfectior, tamen in ratione actus humani, & boni morali, non item tam potius bonitatem suam à voluntate sumit: de ergo dicendum est de habitu. Ex quo signo probatur illa secunda pars conclusionis, quia licet in essentia habitus intellectus sint perfectiores cum tendat in obiectum in genere entis perfectius: attamen in cantu boni habitus voluntatis sunt simpliciter perfectiores, quia tendunt formaliter in bonum simpliciter, nempe honestum. Secundo quia virtutes appetitivæ perficiunt hominem in ordine ad operationem humanam ex specie sua, & ex modo, quoniam perficiunt voluntatem quatenus cum domino, & indifferentia operatur, in quo domino consistit proprius ille modus humanæ operationis: virtutes autem intellectuales conferunt ad perfectionem quorundam actuum, qui secundum suam speciem sunt quædam proprii hominis, non tamen secundum modum: bona autem hominis in his simpliciter consistunt, quæ ipse operatur modo humano, & ideo illa sunt propria modis beatitudinis consequendæ. Tercio virtutes morales tales sunt, ut cum eis non sit communium, quod homini simpliciter est malum, id est, non permittunt in se actibus illam malitiam, quæ hominem reddit malum simpliciter, quia versatur circa honestum, ut honestum, ut diximus: virtutes autem intellectuales non excludunt illam malitiam: nam actus earum possunt esse simpliciter mali: unde si recti sint magis merentur laudem propter rectitudinem, quam à voluntate, & virtutibus eius recipiunt, quam propter propriam excellentiam. Atque hæc omnes fere rationes comprehendit Divus Thomas cum inquit, virtutes morales esse simpliciter virtutes, quia perficiunt non solum facultatem operandi, sed etiam rectum usum: intellectuales vero esse tantum secundum quid virtutes, quia solum dant facultatem operandi.

Sed quæret quis, an dicendum sit has virtutes esse analogice virtutes, nam D. Thomas 1. 2. *quæst.* 58. *art.* 3. & 4. *art.* 1. *primum* & 2. *quæst.* 58. *art.* 3. & alij loquuntur. Respondetur tamen in nomine virtutis significatur habitus quidam, & perfectio naturæ humanæ, ut sic valde accommodatè virtutes intellectuales dici possunt virtutes simpliciter, nam sunt optimæ qualitates, & perfectiones hominis. Imo ex suo genere sunt ex his qualitatibus, quæ dicuntur simpliciter simplices, & naturam humanam in propriis operationibus perficiunt, & perfectam habent malitiam, si tamen virtus dicatur illa, quæ est prima

Admiranda  
Inventio

IV.

V.  
Fuerit virtus  
Inventio  
Inventio  
Inventio



principium actus moraliter boni, vt in communi vsu hominum vsurpari solet, ac D. Thomas loqui videtur, admitti potest analogia: diximus enim supra actus voluntatis proprios esse simpliciter bonos, & honestos, reliquos verò denominari ab illis, & analogicè esse tales; idem ergo proportionaliter dici potest de habitibus, quod præcipue intelligendum est de virtutibus pure intellectualibus, nam de prudentia, quæ moralis dici solet, est peculiaris ratio, vt patebit inferius.

VI. Sed occurrit aliunde difficultas: quia de ipsis moralibus acquisitis videtur D. Thomas negare esse simpliciter virtutes 1. 2. quest. 66. articulo 2. quia non referunt hominem ad finem simpliciter vltimum, cum solis illis non possit homo semper bene operari. Respondetur has esse virtutes simpliciter natura sua, quia bonum honestum est bonum simpliciter, & actus moraliter boni sunt simpliciter recti: ergo & habitus ab illis geniti, & ita loquuntur non tantum Philosophi, sed etiam Augustinus 1. de ordine capite de cimoquinio, vbi dicit Philosophos quosdam fuisse sine disputasse de virtutibus: D. Thomas vero eo loco Theologicè loquitur, & solum comparate: nam si hæc virtutes conferantur cum infusis, non videntur virtutes: vult etiam docere has virtutes solas non sufficere ad constituendum hominem simpliciter rectum, quia per se solæ non redunt in vltimum finem simpliciter, quod tamen necessarium non est ad effectum cuiusque virtutis particularis, sed sufficit per se primo tendat in bonum honestum, & natura sua in finem vltimum naturalem, atque adeo esse de se idoneam, vt referat in vltiorem finem supernaturalem, nec vero etiam est de ratione virtutis, vt numquam illius finis impediri possit, satis enim est si de se inclinet infallibiliter ad bonum.

### SECTIO III.

#### De diuisione virtutis intellectualis.

I. Duidit Aristoteles 6. Ethicorum cap. 3. intellectualem virtutem in quinque species, intellectum, sapientiam, scientiam, prudentiam, & artem, de qua diuisione multa dicit D. Thomas 1. 2. quest. 57. Solum aduertendum est in illa diuisione comprehendit plures. Prima virtutis intellectualis in speculatiuam, & practicam: quam Aristoteles prætermittit, vel quia ex numeratis speciebus poterat facile colligi, vel quia aliqua membra ex his quæ numerauit, possunt per hæc alia duo iterum diuidi; sapientia enim omnino speculatiua est: prudentia, & ars omnino practicæ: scientia vero in speculatiuam, & practicam diuidi solet, & similiter intellectus in habitum principiorum speculatiuorum, & in synderesim, verum est tamen omnem scientiam, & intellectum, comparata ad prudentiam, & artem censeretur virtutes speculatiuas; quia in veritatibus versantur, artem vero & prudentiam dici practicè practicas virtutes: & hoc modo docet Sanctus Thomas illa q. 57. art. 2. distinguere tres virtutes speculatiuas, & duas practicas.

II. Sed occurrit in hac diuisione difficultas, quomodo possunt prudentia, & ars distinctæ esse virtutes à reliquis, nam cum sint intellectuales, versari debent circa verum; ac si virtutes sunt, infallibiliter debent versari: ergo certo, & euidenter: vel ergo ex cognitione terminorum, & non distinguuntur ab intellectu: vel per demonstrationem, & non distinguuntur à scientia, vel

sapientia. Et augetur difficultas: nam hi habitus versantur circa singularia, & contingentia; in quibus nihil est necessarium: quomodo ergo possunt habere certitudinem. De hac difficultate vide Caietanum illa questione 57. Quibusdam ergo videtur has virtutes differre ab aliis, quia non sunt proprie cognoscitiuæ, sed veluti dirigentes, & imperantes, itaque volunt prudentiæ munus non esse iudicare quod verum sit, sed post illud iudicium imperare, quid agendum sit: & similiter artis prout à scientia distinguitur, non esse docere quomodo faciendum sit opus, illud enim efficere scientias practicas: sed artis esse dirigere rectè exteriorem actionem per quandam propensionem ex recto vsu genitam; & hoc modo habent istæ virtutes rectitudinem infallibiliter, quamuis versentur circa singularia, quia semper rectè dirigunt, vel præcipiunt. Sed hæc stare non possunt cum iis, quæ suo loco de imperio diximus, in intellectu scilicet non posse esse actum, qui non sit vel cognitio, vel locutio, atque adeo intellectum non dirigere; nec imperare nisi iudicando quid sit agendum. Vnde Aristoteles 6. Ethicorum aperte dicit omnes intellectuales virtutes discernere verum à falso.

Dicendum ergo est prudentiam, & artem esse habitum certum, & euidentem, & suam certitudinem habere medio aliquo discursu; in quo cum scientia conueniunt, differunt tamen, quia cum scientia circa vniuersalia versetur, habet suam certitudinem ex medio per se certo, & necessario: prudentia vero, & ars, quia versantur circa singularia, semper vtuntur tanquam medio occurrentibus circumstantiis, & conditionibus; & applicant vniuersalia ad particularia, in quare est propria quædam difficultas; atque adeo peculiaris ratio virtutis. Ex quo patet ad primam partem dubitationis responsio: & colligitur ex D. Thoma 2. 2. quest. 47. articulo 5. veritatem scilicet istarum virtutum, etiam si in indiuiduis consideretur; posse esse certam; quia non sumitur ex ordine ad res ipsas, sed ad affectum, quod quomodo intelligendum sit supra explicauimus agendo de bonitate: explicando tamen hoc magis, dici potest in ipsis singularibus, & mutabilibus aliquid posse esse immutabile, & certum, nam licet conditiones rerum singularium sine variæ, tamen occurrentibus his, vel illis conditionibus certum esse potest quid, & quomodo sit agendum, & hoc modo procedit prudentia, quæ pensatis omnibus circumstantiis iudicat operari hoc, hic, & nunc, esse honestum, quod iudicium est practicè certum, vt supra diximus, & eius veritas dicitur esse in ordine ad appetitum; quia cum illo debet appetitus conformari. Et similiter procedit ars, nam proposita conditione talis finis, & tali materia, & conditionibus eius; potest certo iudicari per regulas artis, quid, & quomodo operandum sit, quod intelligitur quando ars est perfecta, quia interdum procedit ars per modum opinionis, & tunc non est virtus, & huius etiam veritas dicitur consistere in ordine ad appetitum, quia bonus artifex tale efficit opus, quale vult. Vnde scripsit Aristoteles 6. Ethicorum cap. 8. ad perfectionem artis pertinere sponte errare, quod tamen est contra perfectionem prudentiæ, quia est directe contra finem eius. Secunda diuisione est virtutis speculatiuæ in intellectum, sapientiam, & scientiam, de cuius diuisionis sufficientia, & de ratione, & perfectione vniuscuiusque membri multa dici possent, sed à Philosophis tractantur, viderique possunt dicta in disput. 1. Metaphysic.

III.

2. Diuisione

Tertia



IV.  
3. Diuifio.

Tertia diuifio est virtutis practicæ in artem, & prudentiam; circa quam, quia magis ad nos pertinet, notandum est primo has duas virtutes in his conuenire, quod vtræque verfatur circa singularia; vtræque fe extendit ad opus, vtræque est aliquo modo regula voluntatis & operationum exteriorum; differunt tamen, quia cum duo possint confiderari in externo opere, nempe honestas eius, seu rectitudo moralis, & quidam rectus, & conueniens modus efficiendi opus, vtræque ratione pendet opus ab interiori motione appetitus, & à directione intellectus: per artem ergo disponitur intellectus ad rectè exercendas operationes exteriores secundum eam rectitudinem, quæ refistit in debito concentu, & ordine partium; prudentia vero confert ad exercendas operationes conuenienter secundum rectam rationem, & honestatem, quæ differentia & ex terminis, & ex communi sensu omnium est satis nota, vt magis infra patebit.

V.  
1. Corollar.  
Quo exponitur Aristotelis discriminem inter prudentiam, & artem.

Ex qua intelligitur primo cur Aristoteles 3. Ethicorum capite tertio & 5. dixerit artem esse rectam rationem factibilem, id est, exteriorum operum: prudentiam vero agibilem, id est, interiorum electionum, non est enim putandum prudentiam nullo modo verfari in operibus externis, cum reuera de illis iudicet, & ad illa moueat: nec etiam artem nullo modo verfari circa interiores actus: sed confiderauit Aristoteles finem esse veluti formam, quam per se intendunt inducere virtutes hæ in operibus humanis: ars enim præcipue intendit informare opus externum, internum vero solum in quantum habet vim mouendi ad opus. At prudentia per se primo intendit efficere bonam voluntatem, & electionem, à qua dimanat bonitas omnis ad & exteriora opera.

VI. Vnde secundo intelligitur cur idem Aristoteles 1. 2. Corollar. les 1. Mag. moral. cap. vltimo dixit finem artis esse aliquid operatum manens, præter actionem, prudentiæ vero finem nihil esse præter operationem; confiderauit enim ea, quæ iunt per se, nam interdum etiam ars nihil relinquit præter operationem, v.g. saltationem: sed hoc accidit arti, vt sic, nam cum verfetur in actione externa, quæ est accedens ex genere suo vendicat relinquere aliquid operatum, quanquam Aristoteles his locis potissimum loquitur de artibus mechanicis, quas vocat factiuas, nam ex liberalibus, si proprie loquamur: magis pertinent ad scientiam practicam & in opere interiori verfantur, quamuis vt descendunt ad singularia habeant rationem artis. Aliæ vero duæ Gramatica, & Rhetorica, vel proprie non sunt virtutes intellectuales, quia fundantur in fide humana, vel in hoc cum mechanicis conueniunt, quod ad operationes externas referuntur.

VII. Tertiò colligitur, cur Aristoteles dixit artem esse virtutem secundum quid, prudentiam vero simpliciter: quoniam ars non respicit honestatē, nec rectum vsum simpliciter: prudentia vero tantum verfatur circa honestum, vt honestum, & ad illud rectè eligendum dirigit, & mouet. Vnde notare oportet prudentiam variis modis vfurpari, & lata quadam fignificatione comprehendere habitus quosdam, qui non sunt simpliciter virtutes, vt est prudentia militaris, & prudentia mercatoris, &c. quæ in hoc conueniunt, nam proposito certo fine vnaquæque rectè disponit hominem ad eligendum conuenienter, & prout reuera expedit tali fini, & prudentia sic sumpta ex genere suo est potius veluti quædam ars, vt prudentia militaris, & quæcumque alia, quæ per se non tendat in virtutem, & honestum vt sic: illa vero,

quæ ad istum finem refertur, virtus simpliciter dicitur ab Aristotele, & à D. Thoma etiam, propter rationem dictam.

Obiicies. Actus prudentiæ, quatenus procedunt ab intellectu, non sunt per se boni moraliter, sed solum quatenus à voluntate pendent, quia per se non sunt liberi: ergo nec ipse habitus erit per se simpliciter virtus Respondetur concedendo in illis actibus non esse per se, & intrinsecè bonitatem moralem. Vnde si nomine virtutis fignificatur habitus ita hos actus solum eliciens, prudentia certe non esset virtus: nunc autem virtus vocatur habitus ille, qui per se, & ex natura est aliquo modo principium talium actuum: & huiusmodi est prudentia, quæ etiam si non eliciat formaliter bonos moraliter: est tamen regula eorundem actuum, & id esse infallibiliter mouetur ad honestum, & optimè disponit in ordine ad operationes humanas, vt in specie, & modo constitutas, & ideo virtus simpliciter censetur.

Vltimo. In hac virtute prudentiæ aduertendum est ex fupradictis de actibus humanis, iudicium illud practicè practicum de honesto, elegendendo, procedere à confilio, quod quidem confilium requirit, & inquisitionem, & inuentionem mediæ ad iudicandum per inferiores, vel superiores causas, vel ad iudicandum secundum communes regulas, vel secundum extraordinarios euentus, de quibus D. Thomas 1. 2. q. 57. art. 6. fed latius 2. 2. q. 47.

## SECTIO IV.

## Qualis fit distinctio inter virtutes morales.

Supponendum primò ex fupradictis, & ex D. Thoma. 1. 2. q. 58. art. 1. morem propriè ad actus liberos referri, qui primò sunt à voluntate, ex quo factum est, vt virtutes appetitiuæ communiter dicantur morales, quasi primo efficiētes rectitudinem in moribus, virtutes enim intellectus quamuis etiam perficiant actus liberos, & hoc modo possint dici la: è morales, quia tamen non illos perficiunt, quatenus liberi sunt, ideo nomen hoc propriè illis non tribuitur, licet interdum accommodetur prudentia, vt notauit D. Thomas illa questione 58. articulo 3. ad 2. eo quod hæc virtus maximè pendet ab appetitu, & minus potest per se sola rectitudinem in illo efficere. Qua prudentia omiffa, de aliis disputat D. Thomas 1. 2. quest. 59. & 60. tamen in priori solum demonstrat quo modo moralis virtus se habeat ad paffiones, id est, an ab illis distinguatur, & cum illis esse possit, de qua re præter illa, quæ ad materiam de paffionibus spectant, & quæ de virtutibus appetitus fenfitiui dicemus, nihil videtur notatione dignum; in alia vero tradit diuifiones harum virtutum.

Vbi secundo aduertendum est quosdam negasse reperiri in voluntate plures virtutes morales, sed vnā fufficere, cuius adæquatum obiectum fit bonum honestum, & actus eius fit propriam reddere voluntatē ad omnia opera virtutis, quæ honesta sunt, quod si contingat voluntatem esse facilem in vna materia virtutis, & non in alia, dicunt habere virtutem illam inchoatam, & non satis extensam: & eodem modo loquuntur de appetitu fenfitiuo, si in eo ponenda est virtus. Nā vnum habitū dicunt fufficere vt appetitus fenfitiuus inclinatur ad obediendum in omnibus voluntati rectè mouenti. Hæc tamen fententia ab omnibus

VIII.  
Obiectio  
dissoluitur.IX.  
Qua de causis virtutis  
quædam re-  
ducantur ad  
prudentiam.I.  
Notatio i.  
pro decisio-  
ne.II.  
Notatio 2.  
de pluralitate  
virtutum  
contra quos-  
dam.



omnibus reicitur cum Aristotele 2. *Ethicorum* cap. 3. & D. Thomas q. 60. art. 1. probat has virtutes esse plures, sed ratione obscura facilius ratio sumi potest ex dictis supra remissiue disputatione de vnitatem, & distinctione habituum, ostendimus quippe *dispositio* 4.4. *Metaph.* in vna potentia esse posse plures habitus, quia habitus est inferioris rationis, & generatur per actus: idem ergo est in virtutibus: unde licet ratio boni honesti respectu voluntatis sit veluti specifica, tamen respectu habituum est generica, sub qua continentur diuersa obiecta formalia virtutis, & ad hunc modum explicari potest ratio D. Thomae in illo art. 1. quia credibile non est tot actus tam diuersos, & ferè nullam inter se habentes connexionem, in vnum concurrere habitum. Et confirmatur à simili de multitudine scientiarum, & artium, sed in hoc occurrebat difficultas: nam videtur consequenter dicendum tot esse in intellectu prudentias, quot sunt in appetitu virtutes; hoc tamen pertinet ad materiam de prudentia. Vide Caiet. 1. 2. q. 66. art. 1.

III.  
i. Partitio  
virtutum  
moralium  
explicatur.

His positis prima diuisio virtutum moralium est, earum quæ versantur circa passiones, & quæ circa operationes. Ita D. Thomas q. 60. citata. art. 2. ex Aristotele 6. *Ethicorum* cap. 4. Est ergo aduertendum omnes virtutes morales elicere actus, qui sunt vere operationes humanæ, & hoc modo omnes versantur in operationibus, id est, vt D. Thomas exponit, operatio honesta, & recta est effectus virtutis: simili ratione ex qualibet operatione humana honesta excitari potest passio aliqua, id est, bonus effectus sensibilis, vt delectatio, vel amor, & per quamcumq; virtutem potest interdu superari aliquis immoderatus affectus; & hoc etiam modo omnis virtus humana est aliquo modo circa passiones, vt etiam docet D. Thomas ex Aristotele 2. *Ethicorum* cap. 2. contingit etiam in quibusdam obiectis virtutum totam honestatem, ac rectitudinem sumi ex debita commensuratione ad ipsum operantem, ita vt homo eo modo vtatur illa materia virtutis, quo naturæ suæ, & rationi conuenit, non prout immoderata passio expetit: in aliis vero virtutum obiectis honestas & rectitudo sumitur ex habitudine, vel commensuratione ad aliud; quia versantur circa opera per se primo ad bonum alterius ordinata. Virtutes prioris generis dicuntur esse circa passiones, non quia hæreant in appetitu sensitivo, id enim necessarium non est, vt patebit: nec quia materia circa quam talium virtutum semper sint passiones appetitus sensitui: humilitas enim, & aliæ, in hoc ordine virtutum numerantur, quæ tamen præcipue ponunt modum in affectu voluntatis, unde etiam in rebus spiritualibus reperiuntur: dicuntur tamen versari circa passiones, quia in habitibus difficultas rectè operandi circa res, quæ ad solum ipsum operantem pertinent, maiori ex parte oritur ex affectibus non bene ordinatis. Item quia principales ex his virtutibus in passionibus versantur: denique, quia finis istarum virtutum est, bene componere inferiorem appetitum cum superiori, passionibus autem sunt inferioris appetitus. At virtutes secundi generis dicuntur esse circa operationes, quia ita referuntur ad rectitudinem ipsarum operationum per se, vt non respiciant tantum perfectionem ipsius operantis in seipso, sed prout ad alium refertur, nec per se tendant ad moderandum affectum & subiiciendum vnum appetitum alteri, sed solum ad bene exercendum officium erga alterum: quod si contingat hoc officium ex passione aliqua non bene exerceri, tunc ex consecutione illam moderantur. Quocirca di-

Suarez in primam secundæ D. Thom.

cta diuisio huc æquiualeat, virtutum quædam referuntur ad operantem tantum per se: quædam vero ad alterum, ex quo satis constat sufficientiam, & ratio huius diuisionis.

Secundo. Diuiditur virtus ad alterum, seu circa operationes, in multa genera, & species. Virtus enim ad alterum, debitum alteri respicit: numquam enim virtus inclinaret ad alterum, nisi hoc esset aliquo modo alteri debitum; & ideo quatenus ille alter potest esse diuersæ rationis, vel etiam debitum ipsum, possunt variari species harum virtutum: unde in hoc ordine numeratur iustitia, & in eo ponit tres species D. Thomas, nempe iustitiam legalem, quæ est priuatæ personæ ad bonum commune reipublicæ: iustitiam distributiuam, quæ est contrariò communitatis ad partes eius: & commutatiuam, quæ proprie est inter priuatas personas, & ad has reuocatur vindictiua iustitia, quæ partim ad commutatiuam, partim ad distributiuam pertinere potest. Numerantur etiam in hoc ordine religio, quæ est ad Deum: pietas ad parentes: obedientia, obseruantia ad personas in dignitate constitutas, gratia seu gratitudo, ad benefactores. De aliis vero dubitari solet, an ad hoc genus pertineant, vt de liberalitate, de magnificentia, de amicitia, & misericordia, de veritate, & fidè, seu fidelitate, de quibus in 2. 2. dictum est; videri potest S. Thomas 1. 2. q. 80. & Aristoteles 5. & 8. & 9. *Ethicorum*.

IV.  
2. Diuisio.

Tertio diuiditur aliud genus virtutis in plurimas etiam species; prout in moderandis passionibus potest reperiri diuersa ratio difficultatis, vel honestatis. Ad istam diuisionem assignandam tanq; fundamentum ponit D. Thomas primo virtutes has præcipue esse in appetitu sensitivo. Ponit secundo, in illo appetitu duas esse potentias, irascibilem, & concupiscibilem, unde concludit virtutes moderantes passiones concupiscibilis, esse omnino distinctas à virtutibus moderantibus passiones irascibilis. Ponit tertio in passionibus duo posse considerari, primum, est obiectum passionis, vt si sit amor, an sit honoris, vel diuitiarum, &c. secundum modum, seu formam passionis, scilicet an tendat in obiectum amando, vel desiderando: statuit ergo solum differentiam in modo passionis non sufficere, vt virtutes diuersæ sint, sed considerandum est, an inter se sint connexæ passionis illæ, vt vna ex altera oriatur, retenta eadem ratione honestatis: nam circa plures passiones sic connexas, vna est virtus: ex quo videtur concludi omnes virtutes, quæ dicuntur esse in potentia concupiscenti, & per se primo moderari amorem, nam ex illo cæteræ passiones concupiscibilis oriuntur. Solum posset esse difficultas de patientia quæ dicitur esse in potentia concupiscenti, & per se primo moderari tristitiam: sed breuiter dicendum est hoc ipsum efficere primo desiderando amorem, id est, inclinando voluntatem vel appetitum ad volendum illa obiecta, & in illis gaudendum, quæ alias tristitiam afferunt, & dolorem, plura autem ibi dicit Caietanus, quem vide si placet:

V.  
3. Diuisio.

De virtutibus moderantibus passionibus concupiscibilis iuxta D. Th.

De passionibus autem irascibilis, inquit D. Thomas non habere necessariam connexionem cum passionibus concupiscibilis. Ratio est, quia hæ passionibus addunt rationem ardui, & difficultatis: qui autem est vere dispositus circa ea, quæ communia sunt, non ideo sic erit circa ardua, & difficultia, unde concludit necessarias esse quasdam virtutes ad moderandas has passiones: distinguuntur autem irascibilis passiones præcipue in tres species, tristitiam, timorem, iram: nam de-

VI.  
De moderantibus irascibilibus iuxta eundem



ſperatio, & audacia duabus aliis respondent, & ſimul temperantur, quæ tres paſſiones nõ neceſſari connectuntur, quia obiecta earum ſunt valde diuerſa, & pro eis moderandi tria virtutum genera aſſignantur diſtincta, atque ita ex parte paſſionum habemus iam quaſi quatuor genera virtutum: in ſingulis autem generibus numerat D. Thomas plures ſpecies; in primo ſex, temperantiam, circa bona delectabilia tactu: liberalitatem, circa diuitias: & philotimiam circa honores: item affabilitatem, quæ accommodat hominem, vt in factis, verbis, & rebus ſeruis ſe præbeat facilem, & humanum. Quinta eſt eutrapelia, quæ ſimiliter moderatur delectationem in rebus iocofis. Sexta eſt veritas, qua aliquis irã ſe communicat alteri ſicut reuera eſt. Circa ſpem ponuntur duæ, ſcilicet magnificentia circa magnas diuitias, & magnanimitas circa magnos honores. Circa timorem, & audaciam, eſt vna, ſcilicet, fortitudo. Circa iram, altera, nempe manſuetudo. Hanc doctrinam ex parte ſumplit D. Thomas ex Ariſtotele 2. *Ethicorum*, & lib. 4. a cap. 6. vſq; ad finem libri.

VII.  
Auctoris cõ-  
ſura de pro-  
xima 3. di-  
uiſione.

In hac tota doctrina multa ſunt obſcura, & dubia, priora enim duo fundamenta in num. 5. poſita, non ſunt mihi certa, nec vera, vnde ex primo illo fundamento ſolum ſumẽdum eſt, materiam circa quam verſantur hæ virtutes, eſſe actus, ſeu affectus appetitus ſenſitiui: non quod hæc ſit materia adæquata, ſed magna ex parte: qui tamen affectus appetitus ſenſitiui reperiuntur etiam in voluntate ſeruata proportionẽ, vt ex materia de paſſionibus conſtat. Secundum etiam fundamẽtum non eſt neceſſarium, nunquam enim virtutes diſtinguuntur propter illas potẽtias, ſed conſiderandum eſt, an ex obiectis, & actibus habeant ſufficientem diſtinctionem. Illud etiam quod tertio loco D. Thomas ait, ſpem non habere connexionem cum aliquo amore, qui ad concupiſcentem potentiam pertineat, eſt valde incertum, & fortasſe falſum, ſi amor ſit efficax, qualis eſſe debet: quare tota illa partitiõ dubia manet, & obſcura: non poteſt tamen hoc loco explicari nõ intellectis rationibus omnium virtutum, & paſſionum: hæc ſola nunc dicenda videntur, primo non omnes has virtutes per ſe primo reſpicere proprie affectus, & paſſiones appetitus ſenſitiui, vt patet de veritate, & fortasſe de philotimia, & liberalitate. Secundo videtur certum non eſſe hic numeratas à D. Thoma omnes virtutes, quæ ad hoc genus pertineat: omiſit ergo patientiam, modeſtiam, caſtitem: & Ariſtoteles ſuprà addidit verecundiam, & nemẽſim, quæ an virtus ſit, ſuo loco dicemus. Tertio fortasſe etiam verum eſt non omnes has virtutes numeratas eſſe ſpecies eſſentialiter diſtinctas, ſed ſolum gradus diſtinctos eiufdem virtutis, vt fortasſe liberalitas, & magnificentia: philotimia, & magnanimitas.

VIII.  
De continẽ-  
tia, & con-  
ſtantia ex  
Ariſtor.

Vltimo aduertendum eſt Ariſtotelem 7. *Ethicorum* cap. 1. addidiſſe duas alias virtutes, continentiam ſcilicet, & conſtantiam. Primam vult eſſe quaſi temperantiam imperfectam, quia pugnat cum paſſionibus, ſuccumbit tamen. Secunda ſimili modo eſſe videtur tanquam fortitudo imperfecta, & ideo dicite eſſe imperfectas virtutes, de quibus D. Thomas 1. 2. q. 58. artic. 3. ad 2. & 2. 2. quaſtione 115. artic. 2. quidam tamen ex diſcipulis eius volunt has eſſe habitus omnino diſtinctos à veris virtutibus temperantiæ, & fortitudinis, quod ita eſſe non cenſeo, vt ostendam infra ſect. 6.

## SECTIO V.

De aliis diuiſionibus, ſeu potius denominationibus virtutum præcipue Cardinalium, & Theologicarum.

Oriebatur ex ſupradictis duplex difficultas, quia videbantur virtutes ſufficienter diuiſæ, cum tamen non diuiſerimus virtutes Cardinales, nec Theologicas. Accedit tertia difficultas propter quosdam habitus, quos circa ſupernaturalia obiecta adquirimus, qui etiam videntur habere rationem virtutis, & ad ſupradictas non pertinere: quæ difficultas inferuire poteſt ad explicandas quaſtiones 61. 62. in 1. 2. D. Thomæ. Atque ad primam partem dicendum, eſſe virtutes, quæ dicuntur *Cardinales*, quo modo loquendi vſus eſt Ambroſius libro quinto, in *Lucam* capite de *Beatitudine*. Hieronymus *Marc.* 1. tales autem virtutes non eſſe diſtinctas à ſuprà enumeratis, ſed quatuor ex illis hanc denominationem accepiſſe, nimirum prudentiam, iuſticiam, fortitudinem, temperantiam, vt ex Cicerone libro ſecundo, de *inuentione*, Diuus Thomas eſert. Dicuntur autem virtutes *Cardinales*, vt idem Diuus Thomas late exponit, vel quatenus illa quatuor nomina in generali quadam ſignificatione vſurpantur, vt videlicet dicant quatuor generales conditiones in omnibus virtutibus reperiendas: vel ſi ſumantur, vt ſignificant quatuor particulares virtutes, dicuntur *Cardinales*, quia ex parte materiæ habent quandam excellẽtiam, & ſunt maximè neceſſariæ, & veluti introitus, & ianua ad cæteras virtutes, vnde non eſt neceſſe has eſſe præcipuas perfectione, & eſſentia, ſed neceſſitate, & vſu: & adhuc iſto modo non comparantur cum Theologicis, quæ non ſolum ſunt præcipuæ, ſed alia ratione ſunt magis neceſſariæ, quia ſunt fundamenta honeſtæ vitæ, vt patet de fide 1. ad *Corinth.* 3. verſiculo decimo, & ad *Hebræos* de ſpe capite ſexto, verſiculo decimonono, & ad *Ephẽſios* 3. charitas dicitur radix, qua dere vide D. Thomam quaſtione de virtutibus artic. 12. ad 14. Diſputari tamen ſolet inter has quatuor, quæ ſic præcipua, de quo D. Thomas illa quaſt. 66. artic. 3. qui rectè docet prudentiam eſſe perfectiſſimam, ſecundum locum tenere iuſticiam, tertium fortitudinem, quartum temperantiam, quod etiam ſentire videtur Ariſtoteles 5. *Ethicorum*. Sed comparatio iſta virtutum, ſicuti & multæ aliæ, quæ fieri poſſunt, hic perfecte intelligi non poteſt vſque ad materiam de virtutibus in particulari in 2. 2.

I.  
Triplex difficultas in gratiã aliarum diuiſionum virtutis.

Ad 1. difficult. de virtutibus Cardin.

Cur ſic vocentur.

Earum gradus in perfectione.

Quæ ſit potior inter Cardinales.

Et iuxta dicta intelligenda eſt alia diſtinctio, ſeu diuiſio, quam Diuus Thomas quaſtione ſexageſimæ ſextæ, articulo quinto, exponit, nempe virtutes iuxta prædictas eſſe politicas, alias purgatorias, alias purgati animi, tales enim virtutes non ſunt diſtinctæ à aliis virtutibus, imo nec membra ipſa ſunt eſſentialiter diuiſa: ſed eadem virtus ſecundum diuerſos gradus, & ſtatus illas recipit denominationes, ſic enim virtutes quatuor Cardinales, quia res humanas moderantur, politice dicuntur, vt vero animum abſtrahunt à temporalibus rebus vt ſic, cum Deo coniungant, dicuntur purgatorie: vt vero iam ſunt in animo perfecto, quem pacatum reddunt, & Deiformem: dicuntur purgati animi, vel heroicæ, aliæ dicuntur exemplares, vt in Deo.

III.

Ad ſecundam difficultatem dicendum eſt, virtutem Theologicam vocari diuinam, vel quia à cultatem de ſolo Deo datur, & ſic talis denominatio eſt communis logica.

Ad 2. difficultatem Theologicam vocari diuinam, vel quia à cultatem de ſolo Deo datur, & ſic talis denominatio eſt communis logica.



munis omnibus virtutibus infusus; proprie tamen, ac prout hæc vox est in usu, virtus Theologica duo præcipue requirit, primo, ut principale obiectum eius sit etiam ipse Deus secundum se, vel secundum aliquod attributum illi proprium, ex quo prætereasit, ut homo solis suis viribus non possit in operando illi solum rationi niti, quia illa ratio operandi est omnino diuina, & homo natura sua semper nititur rationi alicui humanæ. Et hinc oritur alia conditio virtutis Theologicæ, quam D. Thomas assignat, nempe debere esse per se, & natura sua infusam, atque adeo non posse naturali lumine, sed sola reuelatione cognosci, quæ omnia magis eo usu Sanctorum, & communi Theologorum sententia, quam alia ratione ostendit. Confirmatur tamen, nam virtus Theologica importat virtutem, quæ Deum optimum, maximum attingit, vnaquæque in suo genere, & ut à viatore attingi potest, tunc autem virtus perfectè attingit Deum quando, & in illum tendit in se ipso, & illi etiam tantum nititur. Confirmatur, quia perfectio virtutis sumitur, & ex materia, & ex formali obiecto, & vtrumque est in gradu perfectissimo in Deo ipso: virtus autem Theologica est genus optimarum virtutum: ergo, &c. Ex quo etiam facile est intelligere diuisionem virtutis Theologicæ à Paulo assignatam 1. Corinth. 13. in fidem, spem, & charitatem, istæ enim Deum attingunt dicto modo, reliquæ vero omnes quamuis interdum respiciant aliquo modo Deum, ut religio, & similes, ab hoc numero excluduntur, quia vel non attingunt illum in se inmediate, vel non illi tantum nituntur, de qua diuisione, & comparisonem plura alio loco dicenda sunt: constat tamen ex dictis has virtutes sic explicatas, non pertinere ad diuisiones supra positas, quia, ut diximus, loquebamur de virtutibus acquisitis.

IV. Sciendum tamen est in his etiam acquisitis aliquas esse quodammodo proportionatas Theologicis, nam fides respondet in naturali ordine virtutum sapientia, quæ virtus intellectualis est, charitati vero respondet amor Dei naturalis, quia, ut ego opinor, hic amor habitum generat, & inter virtutes acquisitas, quæ in voluntate sunt, primum habet locum: & fortasse etiam spei respondere potest in voluntate aliquis habitus, quo homo naturali sua virtute, si de diuina sui prouidentia recte sentiret, felicitatem suam naturalem, & aliquod virtutis præmium ab illo speraret. Nihilominus hi habitus deficiunt ab illa ratione virtutis Theologicæ, in suo tamen genere reuera virtutes sunt, & generali voce *morales* dici possunt eo modo, quo omnes actus voluntatis ad mores hominum pertinent, Philosophi autem, quia parum de Deo cognouerunt, eas tantum virtutes morales numerarunt, quæ ad vitam politicam spectant, atque eas virtutes, quæ ad Deum pertinent, omnes comprehendunt sub vna voce *Religionis*. Patres etiam, & Theologi de his parum curant, quia de virtutibus supernaturalibus præcipue loquuntur.

V. In tertia difficultate non nihil petitur de habitibus acquisitis circa obiecta supernaturalia, ut est fides humana articularum fidei, & amor quidam naturalis, & imperfectus bonorum supernaturalium, esse enim in nobis huiusmodi actus, & generare habitus euident est experientia. An vero ipsi virtutes sint dicendi, controverti solet. Sicut 3. distinctione 26. & alij, ac Nominales etiam dicunt illos esse virtutes Theologicas. Caietanus vero in 1. 2. quest. 62. articulo 3. Suarez in primam secundam D. Thomæ.

omnino negat esse virtutes, quia sunt improporportionati suis obiectis. Mihi tamen primo videtur non esse virtutes Theologicas, ut ex dictis patet, quia non habent rationem formalem diuinam. Secundo fides etiam non est virtus intellectualis, quia licet ex parte materialis obiecti, non possit illi subesse falsum in aliquibus actibus, tamen ex vi obiecti formalis, potest subesse: quia simpliciter est fides humana, cum humanis tantum testimoniis nitatur. Vnde verisimile est hæreticum eodem habitu credere eas veritates fidei, quas retinet, ac suos errores, quia omnia credit suo iudicio, & illis testimoniis, quæ vult, ut in materia de fide diximus. Tercio videtur certum actus talium habituum posse, & sæpe esse moraliter bonos, vel per se ipsos, si sint actus voluntatis: vel per denominationem ab actibus voluntatis, si sint actus intellectus: hoc patet, quia licet non sint actus perfecti, nullam tamen habent malam circumstantiam, & alias habent bona obiecta, & prudenter fieri possunt, quia non semper est imprudentia non operari optimo modo. Vltimo concludo habitus prædictos posse dici ad morales virtutes pertinere, quia sunt habitus elicientes actus per se bonos, & ita constat eo modo, quo virtutes sunt, ad quod genus virtutis pertinere possint.

## SECTIO VI.

*Utrum ad rationem virtutis pertineat in medio consistere.*

DE hac re tractat Diuus Thomas 1. 2. questione sexagesimaquarta, numerans hanc conditionem inter proprietates virtutis: attamen quia magis videtur pertinere ad formalem effectum, & essentiam eius, hic expeditur commodius. Aduertendum igitur est primo, in virtute morali esse habitum ipsum: materiam, in qua versatur ratio honestatis, quam in obiecto respicit: & circumstantias, quæ interdum sunt veluti conditiones essentielles, interdum accidentia, vel ex parte operationis, vel modi operandi, & in his omnibus videndum est, quo modo virtus medium teneat. Secundo aduertendum est distingui duplicem modum, quo virtus consistit in medio, scilicet essentialiter, & causaliter: primum significat ipsam esse medium quoddam inter duo extrema: secundum, ipsam efficere, ut homo in aliis medium seruet. Tercio aduertendum est cum duplex sit medium, vel per negationem vtriusque extremi: vel per participationem: in virtutibus non esse constiendum per participationem, sed potius per negationem cum quadam contrarietate ad ipsa extrema, quæ turpia esse debent, atque ad eam honestati virtutis contraria, ex quo etiam constat virtutem, ut honesta est, non indigere medio, sed potius tendere in extremum, id est, in optimum, quod facere potest iuxta illud Aristotelis: *Virtus est dispositio perfecti ad optimum.*

Dico primo habitum virtutis sæpe esse medium inter vitia extremè contraria: hoc tamen necessarium non esse in omni virtute, colligitur ex Aristotele 3. Ethicorum, & D. Thomæ 1. 2. q. 64. art. 2. Primà pars constat in formidine, temperantia, liberalitate, &c. Posterior pars, inquit Caietanus ibi, & bene, constat in iustitia, cui non opponuntur duo vitia contraria, est enim ratio iustitiæ reddere unicuique quod suum est: non ergo peccat contra iustitiam nisi auferendo alteri quod suum est, vel retinendo ablatum: re-



tribuere autem alicui plus quam sit suum, si illud, quod tribuitur, bonum est, non erit contra iustitiam, quamvis fortasse esse possit contra aliam virtutem. Si vero illud sit malum, iam inferre alteri nolenti, iniustum est, quia est contra bonum quod per illud malum aufertur, unde etiam in tantum hoc est contra iustitiam, in quantum aufert alteri, quod suum est; quocirca etiam in iustitia vindicativa, crudelitas, quæ videtur contraria per excessum, proprie est per defectum: nam licet sint distincta vitia, vel non punire quantum oportet, vel plus quam oportet, tamen illud primum non est contra iustitiam vindicativam Dei, tamen si esse possit contra iustitiam Deo debitam ex officio, quia priuat illum suo iure, & sic manet responsum Buridano 5. *Ethico-rum questione decimatercia*, dicenti iustitiæ opponi duo vitia contraria, nam plus tribuere (inquit ille) quam æquum sit, est contra iustitiam per excessum, & non tribuere debitum, est contra iustitiam per defectum; excessus enim ille ad iustitiam non spectat. Ad confirmationem, quam adducit ex illo Ecclesiast. 7. *Noli esse iustus nimium*. Respondetur quod vel non est sermo de iustitia, ut particularis virtus est, vel solum docetur eo loco, non oportere semper, & in omnibus rigorem iustitiæ servare, vel, ut vult Augustinus *tract. 95. in Evang. Ioannis*, nimirum iustus ille dicitur, qui superbe de iustitia sua præsumit, & rationem subdit Sapientius, *non est iustus in terra, qui non peccet*: ratio vero totius conclusionis patebit ex statim dicendis.

### III. 2. Assertio.

Dico secundo. Virtutes morales per se, & quasi formaliter ponunt medium in propensione appetitus: effectivè vero in actibus eius, obiectivè denique in materia, & circumstantiis. Regula autem huius medij semper dicitur esse recta ratio: sumitur tota hæc conclusio ex Aristotele 2. *Ethico-rum c. 6*. ubi propterea definit virtutem in mediocritate consistere, idem D. Thomas in hac questione. Et ut explicetur notandum est, omnem virtutem moralem esse perfectionem appetitus, & ut Augustinus de moribus Ecclesiæ cap. 19. dixit, est etiam rectitudo moris unde per se ipsam virtus inclinat appetitum ad operandum prout oportet, & hoc est per se ipsam formaliter ponere mediū in affectu appetitus, & in illa propensione, quæ quasi in actu primo consideratur in voluntate. Ex quo etiam oritur virtutes efficere actus appetitus moderatos; hæc autem mediocritas provenit ex obiecto debitis circumstantiis affecto, à quo tota ratio honesti, & virtutis sumitur, ut supra diximus, ubi etiam ostendimus vitiam partem conclusionis, nempe regulam huius honestatis & mediocritatis esse rationem rei, unde confirmat D. Thomas conclusionem, quia ratio virtutis in hoc consistit, ut attingat obiectum eo modo, quo recta ratio dicat, atque adeo, ut nec excedat, nec deficiat. Si ergo quis prosequatur obiectum, quando ea non concurrunt quæ ad virtutem necessaria sunt, peccat per excessum contra regulam rationis: siue propositis omnibus necessariis ad opus virtutis, aliquis non operetur, peccat per defectum: omnis autem virtus efficit medium inter hæc duo extrema, nam illa duo in omni virtute considerari possunt: ergo, &c.

### IV. 4. Difficultates subor-tæ ex dictis.

Sed oritur prima difficultas, quia ex dictis sequitur semper positivum vitium esse contrarium virtuti per excessum; & nullum esse per defectum, præter omissionem, quæ in negatione consistit. Consequentia patet ex ratione proximè facta, & quia etiam vitium positivum inclinat ad opus, hoc enim est de ratione positivi ha-

bitus; & inclinat, quando non oportet, alioquin non esset vitium, patetque inductione, nam avaritia inclinat ad amandum pecunias plus quam oportet, & ad retinendum quando essent largiendæ. Secunda, quia sequitur ex dictis eodem modo esse medium in iustitia, quæ est ad alterum, atque in aliis virtutibus moralibus, quod est contra D. Thomam supra art. 3. Tertia, quia sequitur non aliud esse medium in virtutibus Theologicis, quam in aliis: nempe vel non credendo quot oportet credere, vel plura, quæ non oportet credere. Quarta, quia sequitur similis difficultas de virtutibus intellectuales.

Ad primam difficultatem dici potest unum genus medij in virtutibus, esse quidè illud, quod in argumento insinuat, sed non sufficere ad salvandum ea, quæ Aristoteles; & D. Thomas docent de medio virtutis, nam per se, & sola illa ratione non generantur vitia positiva extreme contraria virtuti per excessum, & defectum. Dicendum ergo in virtutibus moralibus esse considerandum id, ad quod per se primo unaquæque virtus refertur, nam respectu illius spectanda sunt vitia extrema, ut in liberalitate, primarius finis est ita moderati affectum divitiarum, ut inclinet ad erogandum illas prout ratio dictaverit, unde vitium quod quasi retrahit à liberali usu divitiarum, censetur contrarium tali virtuti per defectum, quia impedit illam à principali actu eius, quamvis negari non possit dici etiam alia ratione tale vitium excessum amoris erga divitias, sicut etiam nimius timor, excessus quidam timoris est, tamen, ut repugnat fortitudini, opponitur illi per defectum, quia non auget, sed tollit potius inclinationem eius. Ad positam ergo rationem in forma negatur sequela, ad probationem concedo esse positivum vitium inclinare ad aliquem actum saltem interiori faciendum, prout non oportet: dico tamen huiusmodi actum semper esse quasi defectum virtutis, quia retardat illam, non autem plusquam oportet inclinat.

Ad secundam difficultatem dico iustitiam convenire cum aliis virtutibus moralibus, quia etiam habet suum medium, quod per rectam rationem mensurari debet, suas etiam circumstantias requirit: & licet sit, ad alterum tamen suo modo consistit in actibus, & obiecto appetitus: differunt vero, quia virtutes morales, quæ versantur in passionibus, servant medium per ordinem tantum ad ipsum operantem, in iustitia vero medium sumitur ex ipsa re quæ alteri debetur, propter quam differentiam dicit D. Thomas citatus, ex Aristotele 2. *Ethico-rum capite sexto*, medium iustitiæ esse medium rei: medium vero temperantiæ, vel similium virtutum, esse medium rationis, quidquid dicat Burid. qui tamen de modo loquendi disputat, non enim est dubium, quod in temperantia etiam medium debeat esse aptitudo rei, non enim tale aliquid medium est, quia ratio dicat, sed potius, quia in re ipsa medium est, ideo recta ratione iudicatur tale. Et eodem modo certum est, medium iustitiæ per se loquendo, consistere in æqualitate rei ad rem, & ideo vocari medium rei: medium autem aliarum virtutum considerari ex proportionem, quam habet cum operante: unde etiam sit, ut medium iustitiæ, per se loquendo, sit idem in omnibus, quamvis fortasse ex ignorantia, vel ex aliqua conditione personæ, vel alia difficultate occurrente variari possit, in aliis vero virtutibus verum est, medium esse varium: & multiplex circa qualitates, & conditiones personarum, & ideo est medium magis occultum, quod sola

V.

Satisfit pri-ma difficultas.

VI.

Satisfit secundæ.

Discrimen unum inter iustitiam, &amp; alias virtutes morales.



ratione discerni debet, & propterea vocatur medium rationes.

VII.  
Discrimen  
alterum.

Ex quo oritur alia differentia inter iustitiam, & alias virtutes : nam iustitia per se inclinatur ad tradendum unicuique quod suum est, cui duo possunt esse extreme contraria, nempe vel plus dare, quam sit suum, vel tollere, quod illius est: hæc tamen duo tamen in ratione rei sunt extrema, tamen non in ratione virtutis, & vitij, & ratio est, quia iustitia attendit rationem debiti, cui rationi non sunt contraria illa duo extrema, ut per se constat. Vnde D. Thomas 2. 2. *questione 79. articulo primo*, indicat hoc medium iustitiæ, quali compleri quadam negatione, videlicet, ut nihil fiat contra ius alterius, & hinc oritur, & liquet, quod supra *num. 2. in prima conclusione* proposuimus;

VIII.  
Obiectio  
contra nunc  
tradita dis-  
solvitur.

Obiicies. Si quis alteri reddat, quod est suum, non tamen quando, & quomodo debet, operabitur contra iustitiam. Respondetur illud circumstantiarum defectum posse interdum esse contra ipsam rationem iustitiæ, & tunc actus erit contra iustitiam per defectum: vel posse esse contra aliam virtutem, & solum repugnare iustitiæ secundum communem rationem virtutis, tunc autem quamvis actus ille simpliciter non sit honestus, quia licet efficiat iustum, non autem iustè, tamen non habebit malitiam proprie contrariam iustitiæ, sed prudentiæ, vel alicui alteri virtuti. Si opponas Divum Thomam 1. 2. *questione sexagesima quarta, articulo primo*, ad 3. dicentem peccare per excessum contra virginitatem illum, qui propter vanam gloriam virginitatē servat, sicque posse peccatum per excessum committi quodcumque additur mala circumstantia, quavis diversæ virtuti contraria, respondebimus quod ad virginitatem attinet non videri illud necessarium, cum virginitas alio modo possit habere medium: ut si quis velit se continere contra officium statui: vel naturæ debitum, erit peccatum per excessum. Secundo respondebimus operationes unius virtutis cum circumstantia contraria alteri virtuti proprie dici à D. Thoma vitium per excessum, quia omnis virtus inclinatur ad operandum sine detrimento alterius virtutis, & ideo opus illud esse supra inclinationem virtutis, atque adeo habere quendam modum excessus, quamvis proprie non oporteat in illo opere esse peculiare vitium oppositum tali virtuti per excessum. Ex quibus tandem concluditur, quod licet in omni virtute morali possit designari medium inter extrema ex parte materiæ, & circumstantiarum, non esse tamen necesse in extremis ipsis reperiri semper malitias contrarias tali virtuti, quia alterum extremum potest esse extremus terminus illius virtutis, non tamen illi repugnare, nec ei deberi honestatem talis virtutis.

IX.  
Satisfit 3.  
difficultati.

Pro tertia difficultate, quoniam habere potest locum in quibusdam habitibus acquisitis, & in nonnullis virtutibus moralibus, scilicet endum est Scotum 3. *distinctione vigesima tertia*, & Durandum *distinctione vigesima septima*, & alios velle has virtutes etiam consistere in medio, sed fere nihil differunt à doctrina D. Thomæ *supra articulo quarto* dicentis has virtutes secundum se non habere medium, habere vero ratione nostri, seu per accidens. Cuius sensus est si consideretur in his virtutibus obiectum earum, quantum est ex hac parte, non habere medium, quia obiectum est infinitum, & virtus numquam adæquatur tali obiecto, ut charitas non amat Deum, quantum ipse est amabilis, propter quod dicitur de modo charitatis, quod sit *sine modo diligere*, & idem est

Suarez in primam secundæ D. Thom

de fide, & spe servata proportionem, & quia obiectum est prima regula virtutis, ideo D. Thomas ait has virtutes secundum se, id est, ratione sui obiecti formali, & principali, non habere medium, ex parte tamen nostra requirunt sæpe modum, seu medium ex circumstantiis, quia non semper expediret homini talium virtutum actus exercere, vel non tanto conatu, &c. ex parte etiam materiali obiecti secundarij, possunt nonnullum medium habere: sic charitas amat proximum in certa mensura, & modo, & idem facile applicari potest ad reliquas virtutes: & quæ de his virtutibus hic dicuntur, suo modo etiam habent verum in quibusdam virtutibus, quæ Deum ipsum attingunt, non proximè tanquam obiectum quod, ut Theologica, sed mediatur tanquam obiectum cui, ut religio, & poenitentia, quæ satisfacit Deo pro iniuria illata. ex qua parte non habet terminum, sed posset magis, & magis satisfacere, & idem est de religione, propter quod dicitur Ecclesiæ 43. *Exaltate illum quantum potestis, maior est enim omni laude.*

Ad quartam difficultatem de virtutibus intellectualibus D. Thomas *supra art. 3.* etiam vult eas consistere in medio, non quia oportet his virtutibus semper esse duo vitia intellectualia contraria per excessum, & defectum: sed ex parte obiecti potest hæc ratio medijs aliquo modo explicari: nam si in virtute consideremus subiectum eius, excessus erit tribuere tali subiecto, quæ illi non conveniunt: defectus vero, negare quæ conveniunt: medium, ea quæ illi verè insunt cognoscere: si autem consideremus ipsam veritatem cognitam, excessus, inquit D. Thomas, erit contraria veritati sentire, defectus eam veritatem, vel negare, vel ignorare: ex parte vero personæ in his virtutibus non sumitur proprie medium, quia, ut supra dictum est, non præbent rectum usum in ordine ad quem considerantur circumstantia. Posset tamen quodammodo considerari medium in his virtutibus ex parte formali obiecti, & suo modo circumstantiarum, consistetque in hoc, ut eo modo assentiatur veritati, prout requiritur tum ratio, sub qua proponitur: tum modus, quo proponitur, ita ut nec incerta credantur tanquam certa: nec in credendis certis, vel probabilibus sit homo difficilis: verum est tamen totam hanc rationem magis pertinere ad has virtutes, quatenus à voluntate pendent.

Et iuxta hæc assignari facile poterit medium arti, & prudentiæ, quæ etiam consistunt in medio, fere ad eum modum, quo cæteræ virtutes morales. Nam quod prudentia definit, illud est medium in reliquis virtutibus, illa enim est regula, & mensura mediorum in reliquis, ipsa autem ex principiis moralibus, & ex rebus in quibus versatur, rationem medijs sumit: virtutes enim appetitus, quia in inferiori potentia sunt, possunt per virtutem supremæ potentie dirigi, & regulari: ipsa autem virtus supremæ potentie, non potest isto modo ab alia dirigi, & ideo prudentia ex principiis propriis, & ex obiectis regulanda est. Quapropter non probò quod quidam dicunt regulam prudentiæ esse appetitum rectum, Divus enim Thomas negat, & merito, cum potius prudentia sit regula appetitus recti, nec enim illa rectè iudicat, quia appetitus rectus est, sed potius appetitus est rectus, quia appetit id quod vere iudicavit prudentia, verum est tamen quoad nos, rectum appetitum finis posse quodammodo dici regulam iudicij circa media quatenus est quodammodo principium eius, ut supra in mate-



ria de bonitate morali explicuimus, & amplius statim dicemus.

## SECTIO VII.

In quo subiecto sint hæ virtutes.

I.  
Expediuntur  
causa for-  
malis & fi-  
nalis virtu-  
tum.

Quæ hætenus dicta sunt pertinent ad essentiam virtutum, & effectus formales earum explicando, iam restat, ut agamus de causis virtutis: formalis vero & finalis non indigent explanatione. Vide D. Thomam 1. 2. *quest. 55. articulo 4.* nā ipsa virtus est ipsa forma, & ob eam, quod quodammodo est forma eius, ut idem D. Thomas *quest. 58. art. 2.* ait, vel potius est finis, ut iam explicatum est, actus etiam virtutum sunt fines illarum, de quibus diximus in materia de bonitate.

II.  
Suppositio-  
nes pro cau-  
sa materia-  
li.

Igitur quod ad materialem causam attinet, primum supponimus solum hominem esse subiectum harum virtutum, quia solus ille est, qui illarum esse capax, & illis indiget, quamvis in hac sit controuersia inter Caietanum 1. 2. *quest. 56. art. 5.* & Scotum 3. *distinct. 33.* nam Scotus tribuit etiam Angelis habitus, & actus talium virtutum, Caietanus vero etiam habitus negat: fortasse tamen verum est Angelum habere posse actus continentes honestatem prædictarum virtutum, vel quia habere possunt actus conditionatos, ut Scotus arguit: vel etiam quia possunt amare honestatē earum, & suorum obiectorum per se absque alio proximo motiuo: hoc tamē modo dicemus infra non oportere illos ponere in Angelis, quia nullam in hoc habent difficultatem, ut habetur in propria materia. Secundo suppono hos habitus solum posse esse in potentiis participantibus rationem, quod etiam docet Aristoteles 1. *Ethicorum cap. ultimo. & lib. 2. cap. 6.* & patet satis ex dictis *disput. 44. Metaphys. de habitibus in communi.* Tercio suppono, quod inter omnes constat, prudentiam, & virtutes intellectuales esse in intellectu, ut in subiecto. Quarto addit D. Thomas 1. 2. *questione 56. articulo 5.* interiorem sensum (si tamen capax sit alicuius habitus, ut supra dixi) non proprie esse subiectum virtutis: & quidam rationem reddunt, quia sensus interior omnino obedit motioni rationis, & ideo habitus, qui illum disponunt, ut rationi obediat, non habere rationem virtutis, quæ requirit aliquam indifferentiam: sed fortasse in hoc nulla differentia est inter appetitum, & phantasiam: D. vero Thomas aliam rationem reddidit, quia videlicet virtus tantum est in potentia, in qua consummatur opus virtutis, habitus vero qui sunt in sensu, non perficiunt opus ad quod ordinantur, sed solum disponunt, ut intellectus bene perficiat opus scientiæ, & intellectuales virtutes. Quæ ratio probabilis est præcipue cum quæstio sit tantum de modo loquendi, & maximè habet locum in virtutibus speculatiuis: nam de prudentia potest esse ali-quod dubium.

III.  
1. Opinio.

His positis tota difficultas quæstionis versatur in virtutibus moralibus, an sint in appetitu, vel in voluntate. Prima sententia distinguit alias virtutes esse operationes, quæ referunt ad aliud: & has ponit in voluntate: aut virtutes esse operationes, quæ respiciunt solam rectitudinem operantis, & has ponit in appetitu sensitivo, ita D. Thomas, & Thomistæ communiter, & Albertus 3. *distinct. 23. articulo 2.* Durandus *questione 5.* referturque Aristoteles 2. *Ethicorum cap. ultimo, & lib. 2. cap. 3. & l. 3 c. 10.* ubi quasdam virtutes ponit in potentiis rationalibus, alias in irrationalibus. Prima pars sententiæ est certa, fundamentum vero est, quia voluntas non indiget his virtutibus:

appetitus vero indiget. Primum patet quia voluntas natura sua est satis propensa ad bonum rationis, & ipsius operantis, nec in illa sunt passionēs, nec proclivitas ad malum. Secunda vero probatur, quia appetitus est omnino propensus ad sensibilia, & ab illo manat tota difficultas, quam in operando honestum experimur. Vnde formalis effectus istarum virtutum est moderatio passionum: ergo sunt ubi passionēs. Confirmatur, & explicatur exemplo. Nam si quis infideat equo, & illum recte gubernet, & regat, indiget tamen prudentia, & arte, non freno, hoc enim indiget equus: ergo similiter, &c.

Secunda sententia ponit virtutes omnes in voluntate. Est communis Theologorum 3. *dist. 33. 2. Opinio.* ubi Bonavent. Richard. Scotus, & Ocham. *quodlibeto 2.* Henricus *quodlibeto 4. quest. 22.* Burid. *in illis locis Ethicorum.* Ex quibus alij ponunt eas in voluntate, & omnino negant in appetitu: alij, ut Burid. in utraque potentia, ita vero ut non sint diuersæ virtutes: alij vnam & eandem virtutem in utraque potentia, ut Aureolus apud Capreolum 3. *d. 33.*

Dico primò omnes virtutes morales per se primo esse in voluntate. Probatur primo. Nam actus istarum virtutum sunt elicti a voluntate: ergo generant in illa virtutis habitum. Antecedens patet tum ex Aristotele 2. *Ethicorum cap. 5.* dicente virtutis actum esse electionem boni: electio autem, actus voluntatis est. Item actus virtutis moralis est idem ac actus moraliter bonus, & qui versatur circa honestum, ut honestum, quæ sanè conueniunt actui voluntatis. Consequentia patet, quia actus generant habitum in potentia à qua eliciuntur, si illa sit capax; voluntatem autem esse capacem. Probatur, quia voluntas se ipsa, & naturali sua inclinatione propensa est ad omne bonum hominis, siue illud ad corpus, siue ad animam pertineat. Ratio est, quia voluntas hominis non est sicut voluntas Angeli, consequitur enim animam rationalem, ut talis est, & ideo sicut anima natura sua refertur ad corpus, ita voluntas natura sua appetit bonum huiusmodi corporis: & hoc modo solet distinguere voluntas etiam à D. Thoma, ut voluntas, & ut natura, quæ ratione dicitur fugere omnia incommoda corporis: hinc etiam est, quod naturaliter refertur ad bonum ipsius appetitus sensitivi, ut experimur. Ex quo intelligitur in voluntate ipsa reperiri inclinationem naturalem, quæ possit reddere difficiles actus ad bonum rationis, nā in ipsa est quædam inferior pars, & ideo appetere honestum in quantum est contra bonum corporis, bonum est ipsi voluntati, non tantum propter appetitum, sed quia intrinsecum est inclinationi eius. Confirmatur. Nam fingamus appetitum sensitivum tolli, vel non appetere naturaliter, adhuc voluntas fugeret mortem, vel appeteret diuitias, vel alia utilia, ad commodum corporis: & quamvis quædam sint bona, quæ sunt veluti intrinsece in appetitu sensitivo, ut est sensibilis delectatio, vel dolor: attamen hæc comparantur voluntati, tanquam obiecta, & ideo oportet voluntatem rectè affici, & componi in ordine ad hæc obiecta, quia homo non sit rectus in se, quia mutat obiectum virtutis sed quia ipse rectè conformatur in ordine ad tale obiectum. Ex quibus conficitur argumentum, nam illa potentia est capax habitus, quæ propter multiplicem inclinationem est ita indifferens, ut ad particularia obiecta non sit satis determinata per se ipsam, & ideo in huiusmodi appetendis potest difficultatem pati, huiusmodi autem est voluntas, ut dictum est: ergo.

IV.

2. Opinio.

V.

1. Assertio.

Secun-



VI. Secundo arguitur. Demus difficultatem provenire ex appetitu sensitivo, ipse tamen appetitus numquam ita recte componitur suis habitibus, quin obiectum virtutis semper maneat absolute difficile: ergo semper voluntas indigebit virtute, vt videlicet appetitu moderato suo modo, & voluntate roborata sua virtute, totū opus virtutis sit simpliciter facile. Et ad hoc confirmandum valet multum discursus D. Tho. 2. 2. q. 56. art. 4. quia vbi est mouens & motus, oportet vtrumque recte esse dispositum, vt recte fiat motus, imo, vt Aristoteles ait 1. Politicorum cap. 3. magis necessaria est virtus mouente, quam in subdito. Quod etiam confirmatur experientia. Nam experimur voluntatem ipsam in hoc regimine appetitus, non esse æque facilem in principio, & progressu virtutis, quia reuera de se indifferens est ad bene & male mouendum, quod sufficit ad acquirendum habitum, quo postea quasi naturaliter bene moueat, & gubernet appetitum, ostenditurque in virtute iustitiæ, nam tota difficultas, quæ est in hac virtute, provenit ex amore, quem homo habet ad bona propria, quo moderato & sublatis passionibus non esset difficultas in seruanda iustitia, quia tamen illa moderatio numquam tanta est, quæ reddat obiectum virtutis omnino facile, ideo necessaria est talis virtus, ergo. Vnde recte Ca. etanus ibi, inquit, voluntatem naturaliter esse propensam ad formale bonum iustitiæ, non ad obiectum, quia illud formale bonum, est actus, vel habitus, qui non appetitur nisi ratione obiecti in quod fertur. Item quia obiectum iustitiæ honestum bonum est, atque adeo vna ex præcipuis partibus obiecti voluntatis.

VII. Tercio arguitur quasi inductione, ex quibusdam habitibus, primo ex habitu continentie, quem D. Thomas, & Aristoteles ponunt in voluntate, & tamen versatur in delectationibus tactus, ex quo Scotus, & Ocham, & Almayr. supra inferunt recte, habitum illum non differre essentialiter ab essentiali virtute temperantiæ, sed esse illam in quodam statu imperfecto: & pater: quia habitibus ille acquisitus est ex actibus quibus voluntas versatur circa bonum temperantiæ, vt tale est, & quibus continet appetitum ne effrenatè feratur. Ergo illi actus essentialiter sunt boni actus temperantiæ, ergo generant habitum natura sua inclinantem ad similes actus. & hanc voco virtutem temperantiæ. Vnde quidam Theologi vt consequenter loquantur, negant talem habitum in voluntate: sed certe contra Aristotelem, & D. Thomam, & experientiam. Nam sæpe homo propter naturalem complexionem, vel alias causas, non potest non sentire passionem appetitus, quod si semper resistat, sit facilis ad se continentem, quæ resistentia siue dubio est voluntatis. Alii concedunt adquiri quidem qualitatem in voluntate, attamen esse dispositionem quandam, quæ postea esse debet, acquisita virtute in appetitu sensitivo: sed hoc est incredibile, quia illa qualitas habet totam essentiam habitus: non ergo potest corrumpi nisi à contrario, vel ad corruptionem subiecti. Item quo appetitus sensitivus magis exercetur, illa qualitas magis roboratur: ergo tandem illa de se multo perfectior est, quam sit habitus si quis generatur in appetitu sensitivo, vt patet ex subiecto, & obiecto eius. Alii tandem concedunt hunc habitum, negant tamen esse virtutem simpliciter, quia non reddit totum hominem facilem: sed hoc est de nomine disputare: nam satis est reddat facilem potentiam in qua inhæret. Nam virtus non tollit o-

mnia impedimenta, eadem ratione, neque id quod est in appetitu posset dici virtus, quod est contra ipsos. Aliud simile argumentum sumitur ex habitu studiofitatis, qui ponit modum in appetitu sciendi, 2. 2. question. 166. & ponitur, à D. Thoma pars temperantiæ, ac sine dubio est in voluntate, cuius est proprie appetere scientiam, & tamen illa voluntas est ex natura sua satis propensa ad hoc obiectum: tamen quia in appetitu, ne ipsa honesta, potest difficultatem pati ex variis rationibus, ideo necessaria est virtus: ergo, &c. Præterea sunt aliæ virtutes, quæ nullo modo per se primo possunt tribui appetitui sensitivo, vt humilitas, & philotimia, quia excellentia, & honor non perfecte, & proprie comprehenduntur sensu, sed ratione, & propensio ad hæc bona magis est naturæ rationalis, vt sic, quam sensitivæ. Itē veritas & fidelitas in promissis, & aliæ similes in quibus aperte inuoluitur rationis vsus.

Quarto arguitur ex vitiis oppositis virtutibus his. Hæc enim vitia debent constitui in voluntate, nec enim dici potest voluntatem natura sua esse propensam ad obiecta vitiorum: potest ergo inclinari per habitus, quandoquidem potest per actus ab ipsa elicitos: contraria autem versantur circa idem: ergo, &c. Quod si hæc vitia ponantur in appetitu sensitivo, hinc etiam sumo argumentum: nam tam est propensus natura sua appetitus ad sensibilia, sicut voluntas ad honesta, & tamen illa propensio appetitus potest augeri per habitum vitii, quia est in eo alia inclinatio ex qua possit retardari, vt suo loco dicam: ergo. Dicere autem, vt quidam conantur, vitia esse in voluntate, virtutes in appetitu, improbabile est, quomodo enim sese mutuo expellerent ab eodem subiecto?

Dico secundo. In appetitu etiam sensitivo generantur habitus virtutibus moralibus deseruiētes, & iuuantēs ad facilitatem actuum earum. Hæc est communis, & patet satis ex dictis alibi de habitibus in communi, & experientia. Ratio est, quia ipse appetitus sensitivus, & est propensus ad sensibilia, & ad obediendum voluntati, & ideo est capax habituum, vt supra dictum est. Sed dubitabis primo, quomodo poterit frenari, & detineri passio appetitus: nam formalis effectus habitus solum est impellere ad actus. Respondetur primo, quod cum appetitus habeat hanc duplicem inclinationem, cum voluntati patet contra primam inclinationem, quæ est ad delectabilia, propensior sit ad similem inclinationem præstandam, & dum hæc propensio augetur, alia impeditur, & debilitatur aliquo modo. Secundo in his actibus sæpe appetitus sensitivus sibi negat, quod esset sibi delectabile, & iucundum, quod facit non solum cessando ab actu, sed etiam positivè suo modo nolendo, vel respuendo talia obiecta: per hos ergo actus generatur habitus inclinans ad non appetendum, & hoc est appetitum frenari, & detineri per habitum. Dubitabis secundo, an omnibus moralibus virtutibus voluntatis respondeat in appetitu aliquis habitus adiuvans; & ratio dubii est propter virtutes, quæ ordinantur ad aliorum bonum, nam de his, quæ versantur circa passionem, pars affirmatiua est communis, & certa: de aliis vero potest esse dubium, quia velle bonum alterius vt sic, videtur esse supra facultatem appetitus sensitivi. Dico tamen verisimilius esse etiam has virtutes iuvari habitibus appetitus sensitivi. Ratio est, quia in exercitio istarum virtutum vterque appetitus habet partes suas, & ideo oportet vtrumque esse bene dispositum, alioqui opus non poterit esse perfectum, & cum delectatione

Item ex habitu studiofitatis.

Denique ex aliis virtutibus.

VIII. Probat. 4.

IX. Assertio 2.



exercitum. Nec est verum amare bonū alterius, vt sic excedere facultatem sensus, vt in materia de passionibus ostendimus latius; imo experientia ostendit etiam in actibus, qui versantur circa Deum exerceri aliquo modo appetitum sensitivum, & consuetudine melius disponi, vel ad dolendum, vel gaudendum, &c. atque idem est de amore erga filium, vel amicum, &c. Quod si hi actus possibiles sunt in appetitu sensitivo, magis requiritur habitus ad illos facile efficiendos, quam voluntas, quia est minus propensus ad bonum alterius: atque adeo illi secundum se magis est difficile eos actus exercere.

X.  
3. *Affertio.*

Dico tertio, habitus appetitus non sunt proprie virtutes, sicut habitus voluntatis; tamen secundum quid, & veluti per denominationem extrinsecā dici possunt virtutes. Prima pars probatur illo communi argumento, quod simile est ferendum iudicium de actibus, ac habitibus: actus autem appetitus non sunt perfecte, & formaliter boni moraliter: ergo. Item tales habitus non attingunt perfecte rationem honestatis, nec regulantur proxime ipsa prudentia. Ex quo etiam fit, vt possint interdum concurrere ad actum malum, quia solum inclinant ad obediendum voluntati in tali materia: quæ tamen motio potest esse mala ex aliqua circumstantia extrinseca, propter quod quilibet actus appetitus sensitivi potest esse bonus, vel malus successiue.

XI.

Secunda vero pars conclusionis, quæ ad modum magis loquendi spectat, explicatur primo, quia prædicti habitus perficiunt eam potentiam in qua sunt optimo modo, quo ipsa potest perfici: virtus autem est dispositio perfecti ad optimum. Item de se inclinant ad bonum, quod ex se honestum est, vnde actus eorum ex obiecto non sunt mali, ipsique sunt boni bonitate obiectiua, id est, appetibiles iuxta rectam rationem, inclinantque ad obiecta sua sub quadam ratione magis eleuata, quam sit ratio delectabilis secundum sensum, nempe sub ratione conuenientis, vt sic: quamuis rationem ipsam conuenientiam sensus non cognoscat, sed imperio superioris moueatur, vt supra diximus. Tandem actus appetitus dicuntur boni, vt informati ab actibus voluntatis: sic ergo proportionaliter habitus. Adde tamen eodem modo loquendum esse in virtute prudentiæ, vt in his virtutibus moralibus appetitus, indiget itaque prudentia, quæ est in intellectu, aliquo habitu existente in sensu, qui illi deseruiat ad gubernandum eos habitus morales, qui in appetitu sensitivo resident: nec video cur non possit ille etiam habitus denominari virtus, ad eum modum, quo habitus in appetitu, nam reuera est eadem ratio, & ita Cætanus 1. 2. *quest.* 57. *artic.* 4. concedit prudentiam esse in cogitatiua secundariā.

XII.  
*Dubium*  
*ex fine n. 4.*

Et ex hac conclusione resoluitur facile dubium in fine *num.* 4. An sit vna virtus, v. g. temperantiæ, quæ est in voluntate, & appetitu? Breuiter enim dico hic esse duos habitus essentialiter distinctos, & hoc modo posse physice dici duas virtutes, si habitus ille, qui in appetitu sensitivo est, à sua propria differentia denominaretur virtus: moraliter tamen dici posse vnam virtutem, ita vt virtus voluntatis sit quasi forma denominans habitum appetitus, seruata etiam proportionem actuum, & habituum.

XIII.  
*Satisfit arg.*  
*in num. 3.*

Ad fundamenta primæ sententiæ responderetur ad Aristotelem quidem in 1. *Ethicorum cap. vltimo*, partem non rationalem vocare appetitiuam, & rationalem intellectuam. Vnde eo loco non distinguuntur virtutes voluntatis à virtutibus appetitus, sed intellectuales ab appetitiuis: cuius

euidens signum est, quod iustitiam ponit in parte non rationali: quem sensum Aristotelis ponit etiam D. Thomas 1. 2. *quest.* 56. *articul.* 6. ad 2. Idem patet ex 1. *Magnorum moralium capit.* 6. & 3. *Ethicorum cap.* 1. & eodem modo est exponendus 3. *Ethicorum cap.* 10. cum vero 2. *Ethicorum cap.* 3. de omni virtute docet, versari circa delectationes, non loquitur de sola voluptate sensibili: sed generaliter de omni voluptate, quam potest virtus efficere. D. Thomam etiam conantur interpretari Conrad. *ibi*, & Heruzus *quodlibet* 4. q. 11. qui nobiscum sentiunt, sed non oportet in hoc immorari. Ad fundamentum ergo D. Thomæ respondetur, voluntatem non esse ita propensam natura sua ad bona honesta etiam propria, quin illa inclinatio possit habitui perfici, quia in exercitio eius est aliqua difficultas orta ex illis capitibus supra numeratis. Exemplum de equo non est simile, quia voluntas non solum gubernat appetitum, qui mouetur ad obiecta, sed etiam ipsamet mouetur, & fertur ad eadem, ad quæ fertur appetitus, vnde etiam quasi sibi infidet, & se gubernat, in ipsaque, vt diximus, distinguui potest inferior, & superior pars, vnde etiam freno indiget.

## SECTIO VIII.

### *Quam efficientem causam habeant virtutes.*

D. Ius Thomas hac de re late 1. 2. *quest.* 63. nos supponimus ea, quæ de habitibus in communi dicta sunt alibi, ac sermonem non esse de infusis virtutibus, de quarum causa, & principio postea in materia de gratia *libr.* 8. *cap.* 4. dicemus. Dico primo. Virtutes de quibus loquimur, non sunt à natura inditæ, & congenitæ. Est certa, quam Aristoteles 2. *Ethicorum cap.* 1. confirmat experientia, quoniam videmus inclinationem ad honesta augeri, & roborari: idem confirmat D. Tho. *art.* 1. quia natura determinatur ad vnū: consummatio autem virtutis non est secundum vnum modum actionis tantum, sed diuersimode, pro diuersitate materiarum: quæ ratio ita videtur intelligenda. Nam voluntas natura sua perfecte inclinatur ad vnum obiectum genericum, scilicet bonum, sub quo sunt variae materiarum, & diuersi modi operandi, & interdum etiam secum pugnantes: ad hæc ergo particularia obiecta, & circumstantias eorum, non perfecte inclinatur sua natura: ergo comparare debet virtutes, quibus inclinatur. Oppones, virtutes eiusmodi dicuntur naturales homini. Respondetur dici, non quia sunt à natura datæ: sed quia maxime consentaneæ naturæ hominis, vt homo est: nam propositio naturalis ad obiecta pars est maxima in voluntate humana, atque hoc modo interpretandi sunt Sancti, cum dicunt in nobis esse naturalia semina virtutum. Vnde Aristoteles 6. *Ethicorum cap.* 1. 2. & *cap.* 13. docet id quod D. Thom. citatus notauit, ex complexione individuali, quosdam magis esse propensos ad alias virtutes, quosdam vero ad alias, & ideo aliquas virtutes aliquibus esse magis naturales.

Dico secundo. Prædictæ virtutes generantur in nobis actibus suis. Est Aristotelis, & D. Thomæ, & omnium, explicanda que est ad modum generationis habituum in communi, de qua alibi diximus: solum restabat hic difficultas perticiens ad materiam de gratia, quomodo possint hæc virtutes acquiri suapte natura, cum homo non possit earum actus frequenter exercere sine

Dei

I.

1. *Affertio.*

II.

2. *Affertio.*



Dei gratia propter quod Augustinus interdum videtur docere virtutes has non generari in infidelibus, sed quoniam res est alterius loci: dicendum breuiter posse hominem in puris naturalibus, vel etiam lapsum vnum, vel alterum actum virtutis exercere sine gratia, & hoc esse satis, vt virtutes generari possint secundum essentiam earum, ad perfectum autem statum suum produci non posse, nisi homo diuina gratia iuuetur, precipue in natura lapsa, quod nullum est inconueniens, quia id non prouenit ex inefficentia ipsorum actuum, sed circumstantijs, quæ occurrunt, vt homo non possit constanter illos exercere.

## S E C T I O IX.

*Virum vna virtus possit sine alia generari, & esse, atque adeo, an virtutes sint connexæ.*

I. **D**iuis Thomas hac de re in 1. 2. question. 65. & quoniam agitur de dependentia vnius virtutis ab alia, quæ ad rationem causæ spectat, explicanda hoc loco erit: possunt autem virtutes morales primo conferri cum infusis, & hoc quærit D. Thomas articulo 2. vbi tractat, an hæ virtutes possint esse sine charitate, & 2. 2. questione 23. articulo 7. in quo breuiter dico morales virtutes quoad substantiam, & essentiam posse esse sine charitate, quia etiam possunt esse actus eorum sine charitate, atque si contingeret iustum hominem habentem has virtutes perfectas, mortaliter peccare, in illo certe manerent cum omnibus perfectionibus intrinsicis, propter quod Scot. 3. distinction. 36. Durand. Gabr. & alij simpliciter volunt hæ virtutes esse, & debere nominari virtutes etiam sine charitate: quod non displicet Caietano illo loco 1. 2. & 22. & vt formaliter sunt morales, ita esset nobis loquendum, quia, vt supra diximus, natura sua sunt simpliciter virtutes, habereque possunt statum perfectum, & recte hominem disponere in ordine ad proprium finem. Itaque videtur loqui Augustinus lib. de spiritu capit. 2. & 28. & epistola 52. ad Maceion.

II. **N**ihilominus D. Thomas, & alij Patres non appellunt virtutes, quæ sine charitate existunt, ad ordinem consentiunt Augustinus 13. de Trinitate capit. vltimus supermo; & 1. retractationum capit. 10. & epistola 52. & 4. contra Iulianum cap. 3. & 13. & lib. 5. de ciuitate cap. 19. & alijs sæpe. Item D. Hieronym. circa id ad Galatas 5. *Fructus autem spiritus est charitas.* Ambros. 1. ad Corinth. 13. & Gregor. 2. moralium cap. 25. & Laurentius lib. 6. diuinarum institutionum capit. 5. Clem. Alexand. 3. Stromat. Et fauet modus loquendi Scripturæ, quæ omnia opera sine charitate quasi nihil existimat. 1. ad Corinth. 13. *charitatem autem non habeam, nihil mihi prodest.* & c. & Ioan. 15. *Sine me, id est, sine gratia, nihil potestis facere:* & ratio est, quia loquuntur de homine ad finem supernaturalem eleuato, in quo solum censentur vtilia, & simpliciter studiosa quæ conferunt ad illum finem consequendum. Item quia tales virtutes sine charitate non reddunt hominem simpliciter bonum, sed potius tunc est simpliciter nialus. Item quia non possunt virtutes eiusmodi sine charitate constanter bene operari. Vnde censentur esse in statu imperfecto, quæ omnia satis sufficienter ad modum loquendi, vt supra in simili diximus de vitijs, de alijs vero quibusdam, quæ de virtutibus infusis D. Thomas ibidem disputat, suis locis dicemus in opere de Gratia.

Iam acquisitæ virtutes quædam sunt pure intellectuales, vt diximus, quæ quidem habent inter se suam connexionem, sed nihil ad nos pertinet, quia nec ille pendet à virtutibus moralibus, nec morales ab illis, dum modo adsit potentia, & habitus principiorum practicus qui est synderesis. Aliæ sunt virtutes morales, in quibus triplex potest esse comparatio. Prima est prudentiæ cum virtutibus appetitus. Secunda est contra virtutum appetitus ad prudentiam, an possint esse sine illa. Tertia virtutum moralium inter se, an vna possit esse sine alijs.

In prima comparatione est sententiâ affirmans prudentiam esse posse sine virtutibus moralibus; ita Scotus 3. distinct. 36. & Gabriel ibi; Ockham 3. question. 7. & quodlibeto 6. quest. 4. Almayn. tract. 3. moralium cap. 30. Fundamentum est, quia quamuis intellectus sit perfectus in suis iudicijs, voluntas potest deficere, & peccare, prudentia autem consistit in iudicijs: ergo. Confirmatur, quia iudicium prudentiæ necessario sequitur ex suis principijs posita illa recta ratione absque dependentia à voluntate, si quis velit recte considerare principia moralia, poterit in materia iustitiæ recte iudicare, quamuis habeat voluntatem illud non efficiendi. Confirmatur secundo, quia prius non pendet à posteriori: prudentia autem est prior virtutibus moralibus, iuxta illud Augustini Psalm. 118. *præuolat intellectus, sequitur tardus affectus, &c.*

Secunda sententiâ negat posse prudentiam esse sine virtutibus moralibus. D. Thomas 1. 2. qu. 58. artic. 5. & 2. 2. question. 47. artic. 13. ad secundum Caietanum late ibi. Henricus quodlibeto 5. quest. 17. & videtur Aristotelis 6. Ethicorum capit. 12. & 17. & 6. Ethicorum capit. 8. ob contrarium fundamentum, voluntatem scilicet non prauè eligere, nisi præcedat iudicium imprudens in intellectu, ex quo sic arguunt; vel voluntas prauè eligit, vel bene: si bene, habet virtutes morales, quod est intentum: si male, præcedit imprudentia, & consequenter corrumpitur prudentia: non potest autem homo alio modo eligere: ergo. Confirmatur, quoniam alias vitia non corrumpent prudentiam, quod est contra experientiam: Confirmatur secundo, quoniam prudentia pendet ex recta intentione finis, hæc autem sit à virtute morali: ergo.

Secunda vero comparatio est minus controuersa, nam fere omnes sentiunt virtutes morales non posse esse sine prudentia cum Aristot. & D. Thoma. supra, & conueniunt Scotus atque alij: Et sancti ita etiam videntur loqui, nam constituunt prudentiam ducem virtutum omnium. Vnde Aristoteles virtutem definiuit in ordine ad prudentiam, scilicet vt sapiens determinauerit, id est, prudens, & supra agendo de his actibus, diximus actum voluntatis numquam esse honestum nisi præcedat iudicium certum, & prudens de honestate obiecti. Nihilominus in contrarium est, quia actus aliqui moralium virtutum sunt priores habitu prudente: ergo & habitu: ergo possunt esse sine illa. Primum antecedens patet, quia prudentia, vt diximus, supponit rectam intentionem circa finem, quæ intentio est actus virtutis moralis, ac sufficiens ad illam generandam.

De tertia comparatione est prima sententiâ, quæ negat esse connexas. Ita Scotus, Gabriel, Almayn. & Ockham supra, & Albertus 3. distinct. 36. artic. 4. videtur fauere Hieronymus ad Ephesios 1. Fundamentum huius sententiæ clare refert Caietanus 1. 2. quest. 65. artic. 1.

Secunda sententiâ affirmat vnam virtutem in esse

III. *Omittitur à quasi virtutes pure intellectuales.*

Comparatio triplex, præ moralium virtutum connectione.

IV. *De 1. comparatione sententiâ quorundam.*

V.

VI. *Expediunt ratio.*

VII. *Circa 3. comparatione.*

VIII.







pore: idem ergo est de habitibus. Sed illud fundamentum videtur falsum, suppono enim intellectum imperio suo posse necessitare voluntatem ad primum actum suum, ut suo loco ostendi, dico ergo fieri posse absolute, & simpliciter, (quamvis forte raro id contingat) ut habitus prudentiæ inchoatè in re ipsa adquiratur absq̃ ullo habitu virtutis in voluntate. Ratio est, quia intellectus potest exercere prudens iudicium & voluntas nihil operari, ut ex supradictis satis patet: ergo.

XIV. Obiectio. Sed contra, quia teste Aristotele 6. *Ethicorum* capit. 5. & libro 7. capit. 8. & D. Thomæ 1. 2. *question.* 57. *articul.* 4. recta intentio finis est prudentiæ: impossibile autem est effectum esse prius suo principio. Et confirmatur, quia omne iudicium de honestate aliqua amanda, quod non comitatur actus voluntatis, est speculativum, & imperfectum, & facile perturbari potest quacumque passione: ergo non est prudentiæ ille actus. Confirmatur secundo, quia actus prudentiæ pendet à consilio, sed ante consilium præcedit intentio: ergo. Ad Aristotelem, & D. Thomam respon-

Ad obiect. detur, loqui de prudentia, quæ est virtus simpliciter, non de hac inchoata, & imperfecta, quæ non necessario supponit elicitam intentionem boni honesti, sed sufficit naturalis propensio quam homo habet ad huiusmodi bona, quæ seminarium est omnis virtutis. Ad primam confirmationem responderetur illum actum posse fieri omnino practice, quantum intellectus potest, ut antecedit voluntatem, & hoc est satis, ut sit actus prudentiæ: quod vero possit perturbari passionibus, nihil refert; nam hinc solum fit illum pertinere ad imperfectam virtutem. Ad secundam confirmationem respondendum ex dictis supra de actibus, posse directe, & reflexe fieri: cum ergo sunt directe, consilium antecedit electionem, & intentio consilium: at cum sunt reflexe, non est necessarius talis ordo, nam cum quis eligit intendere, non est necessarium formare consilium de hoc, sed virtuale, & ideo non est necessaria intentio formalis, sed sufficit illa, quæ est per naturalem propensionem: in his autem actibus, si aliquid intercedit consilium, & aliquis electionis modus, est quasi reflexe, ut patet ex tertio notabili. Addo etiam posse interdum consilium hoc efficere non ex intentione operandi, sed solum ex intentione prudenter operandi.

XV. 3. Assertio. Dico tertio. Prudentia perfecta, ut est virtus simpliciter perfecta, non potest sine virtutibus moralibus adquiri. Est mens Aristotelis, & D. Thomæ. Fundamentum est, quia non potest homo ita se exercere in actibus prudentiæ, ut sit promptus, & facilis ad iudicandum id quod honestum est in omni materia, quin simul exerceat actus virtutum moralium: huius autem ratio est, quia prudentia natura sua est habitus practicus, qui versatur circa singularia agibilia, & ideo natura etiam sua non refertur ad solam cognitionem, sed etiam ad opus, nam cognitio singularium non tam spectat ad cognitionem intellectus humani propter se, quam propter opus: ergo prudentia natura sua requirit cognitionem cum hoc effectu: ergo quavis casu posset homo unum, vel alterum iudicium prudentiæ sine hoc iudicio exercere, non tamen semper, & in singulis prudenter iudicare, quod honestum sit, nisi etiam recte sit affectus ad honeste operandum, & hoc est quod dixit Aristoteles 6. *Ethicorum* cap. 5. prudentiam esse in ratione cum ordine ad appetitum. Confirmatur, nam docet experientia iudicium prudentiæ plurimum pendere ex affectu: ergo si

appetitus non sit per virtutes recte compositus, non potest prudentia perfecte adquiri, unde omnium sapientium consensus est, eum, qui debet recte iudicare, oportere vacuum esse passione, quia, ut dicitur 4. *Ethicorum* cap. 4. *Qualis unusquisque est, talis finis ei esse videtur.* & ideo libro 6. cap. 5. Aristoteles docet temperantiam conservatricem esse prudentiæ, & cap. 12. neminem esse posse prudentem, qui bonus non sit, nec contra hanc conclusionem urgent argumenta contrariæ sententiæ.

Ad primum enim respondetur metaphysicè, & in uno, vel altero actu, posse esse iudicium intellectus rectum sine defectu voluntatis, non tamen moraliter, & frequenter, secundum modum operandi humanum: quod amen necessarium esset, ut prudentia acquireretur perfecte sine moralibus virtutibus. Ad primam confirmationem respondetur, ommissa sententia eorum qui putant iudicium intellectus de singulari aliquo agibili elicatum, nullo interueniente affectu voluntatis, non esse iudicium prudentiæ, hoc enim improbatum à nobis iam est, & patet aperte, quia illud iudicium est alicuius virtutis intellectualis, & non alterius, nisi prudentiæ, item quia prudentia non solum imperat, vel iudicat rectum usum, sed etiam bonam electionem, quo iudicio stante, potest non sequi bona electio: ommissa, inquam, ea sententia, concedo iudicium prudentiæ posse sequi ex proprijs principijs intellectus: ex hoc tamen solum fieri unum, vel alterum iudicium prudentiæ posse esse sine affectu, non vero posse hominem frequenter versari in his iudicijs, si non habeat perfectum affectum ad opus, quia talis habitus natura sua ad opus ordinatur. Ad secundam confirmationem respondetur ex dictis, secundum varias rationes, prudentiam esse priorem, & posteriorem virtutibus moralibus: nam secundum primum iudicium antecedit prudentia: tamen secundum consilium & iudicium pertinens ad electionem, vel usum, moraliter loquendo supponit intentionem finis, ut patet ex supradictis de actibus humanis.

Dico quarto. Quicumque habitus virtutis moralis potest adquiri & esse in statu saltem imperfecto absque alijs virtutibus moralibus, conclusio est communis, & Caietanus fatetur à nemine negari, patetque satis ex argumentis Scoti & Nominalium citatorum in *num.* 7. atque ex dictis de actibus. Nam potest homo exercere nonnullos actus unius virtutis, ut temperantiæ, &c. priusquam se exerceat in alijs virtutibus, sed illi actus possunt efficere habitum: ergo.

Dico tamè quinto. Virtutes morales, illæ præcipue, quæ ad communem usum spectant, nunquam sunt perfecte in statu suo, nisi sint etiam inter se coniunctæ, & mutuò se iuvent, ita est interpretanda sententia D. Thomæ in *num.* 8. & communis. Patet breuiter: nam tunc, virtus censetur habere perfectum statum, cum existit cum perfecta prudentia, & bene disponit hominem ad honeste eligendum, & constanter, ac firmiter in omni sua vita & in quocumque euentu, ut patet ex Aristotele 2. *Ethicorum* capite primo, & ex ipso nomine *Virtutis*: non potest autem habere iustum statum perfectum sine connexionem ad alias virtutes. Probat, quia honestas, & rectitudo in materia unius virtutis sæpe pendet ex connexionem & ordine ad materias aliarum virtutum, & ideo oportet aliquam esse prudentiam in utraque materia, ut recte eligat, similiter actus, & materia unius virtutis, difficilis reddi-

XVI. Ad fundament. postum in n. 4.

XVII. 4. Assertio.

XVIII. 5. Assertio.



redditur ex coniunctione cum materia alterius virtutis, ut materia castitatis, quæ ad temperantiam spectat, interdum est difficilis propter materiam, quæ pertinet ad fortitudinem: & idem est in similibus: ergo ut aliquis sit bene dispositus ad bene tenendum medium in materia temperantiae semper & in omni euentu, necesse est, ut simul etiam habeat fortitudinem.

XIX.

Ex quo intelligitur primo sine causa Durand. numer. 1. citatum dixisse virtutes esse connexas per prudentiam, non per se: nam tota ratio connexionis sumitur ex materia, atque adeo ex obiectis ipsarum virtutum, & hoc est ex propriis rationibus illis conuenire. Secundo colligitur quasi duplicem perfectionem posse in virtute considerari, aliam intrinsecam, quæ consistit in perfectione essentiali, & intrinseco augmento, atque adeo in ipsamet connexionem ipsius virtutis: alia est perfectio quasi extrinseca, quæ reuera nihil entitatis addit ipsi habitui virtutis, sed consistit in confortio alterius virtutis, nam hinc fortitur, ut facilius interdum operetur: proprie ergo, & per se pendet una virtus ab aliis in hac secunda perfectione: in priori vero pendet tantum morali quadam ratione, & quoad acquisitionem suam, quia, moraliter loquendo, nunquam aliquis exercet omnes actus perfectos vnius virtutis, quin intermisceat actus aliarum virtutum, quia sæpe occurrit occasio, atque etiam necessitas: simpliciter tamen non repugnaret aliquem habitum virtutis integrum, & perfectum in entitate sua dari absque coniunctione aliarum virtutum omnium: ut enim, post adquisitionem omnes virtutes, posset aliquis per actus contrarios vnam earum amittere, nihil operando contrarium aliis virtutibus, ita posset quispiam, si metaphysice loquamur, exercere actus in vno genere virtutis, ac adeo acquirere habitum illius, quin occurreret occasio exercendi alias virtutes, aut resistendi contrariis occasionibus: id tamen morale non esset. Et per hæc satisfieri potest argumentis Scoti, & Nominalium, solum enim concludunt quartam conclusionem, & id quod modò diximus.

XX.

Habitum  
vnius virtu-  
tis non con-  
nexum cum  
reliquis, vir-  
tutem non  
dici putat  
Cass.

Sed quæreret aliquis, an habitus virtutis carentis hac perfectione dicendus sit simpliciter virtus. Caietanus enim simpliciter negat genus virtutis conuenire tali habitui, imò addit virtutem temperantiae non inclinare ad castitatem seruandam, si adsit metus mortis, & absit virtus fortitudinis. Dico tamen pertinere id magis ad modum loquendi, & absolute negandum non est. Nam ille habitus est eiusdem essentiae, & speciei, imò idem omnino cum habitu, qui coniunctus est omnibus virtutibus: quoad modum tamen loquendi seruandus est communis usus, & præcipue sapientium, & Sanctorum, qui nolunt vocare simpliciter virtutem, nisi habitum existentem in tali statu, quo modo nomen hoc virtutis non significat totam essentiam habitus, sed simul omnem perfectionem eius: falsum vero est habitum temperantiae separatim ab habitu fortitudinis non inclinare ad obiectum suum, quamuis coniunctum cum metu, vel difficultate alia, ad fortitudinem pertinente: quia non obstante tali difficultate in illa materia relucet propria species temperantiae, ad quam talis habitus naturæ suæ fertur, & inclinatur, quamuis aliunde actus semper maneat difficilis ex defectu alterius virtutis.

XXI.

Hoc loco peculiariter quæri solet, an ista con-  
nexio necessaria sit inter omnes virtutes. Ra-  
tio dubitandi est propter quasdam virtutes ex-  
traordinarias, quæ non videntur ita necessariæ,

ut magnificentia, magnanimitas, & similes: bre-  
uiter respondendum, si loquamur de virtute  
humana, id est, quæ sufficit, ut homo dicatur  
simpliciter studiosus, & rectus, sufficere con-  
nexionem earum virtutum, quarum usus in hu-  
mana vita communiter necessarius est, ut sunt  
quatuor cardinales, & nonnullæ, quæ ad eas re-  
ducuntur, ut obedientia, religio, humilitas, &c.  
Ratio est, quia hæc virtutes sufficiunt, ut com-  
muniter, & regulariter homo sit promptus ad  
virtutem exercendam. Si vero loquamur de vir-  
tutibus heroicis, id est, habentibus perfectissi-  
mum gradum, & statum, illæ fortasse requi-  
runt connexionem omnium virtutum, quia vir  
heroicus debet esse ita dispositus, ut in quo-  
cumque euentu possit facile & prompte virtutem  
vtri, atque de magnificentia, & magnanimitate  
ego dicerem non solum posse adquiri ab eo qui  
magnis honoribus, & diuitiis uti potest, sed  
etiam à quocumque, qui ita est affectus, ut ma-  
gnos honores, & virtutes despiciat, ac paratus  
sit in affectu interiori in his rebus medium re-  
nere, si eis uti oporteret, & ita est inte-  
pretandus D. Thomas, cum ait has virtutes haberi  
solum in animi præparatione ab eo, qui non po-  
test exercere exteriores actus: eam enim præpa-  
rationem animi non intelligo esse solam poten-  
tiam, sicut enim non esset homo facilis, nec inte-  
riori affectu, nec exteriori effectui intelligenda:  
ergo est ut nunc ea posui.

## SECTIO X.

De augmento, diminutione, & corruptione  
virtutum.

D. Ius Thomas 1. 2. quæst. 66. & 67. multa tra-  
dit de excellentia, & duratione virtutum, i. Affertio.  
quæ partim superius à nobis sunt dicta, partim  
dicemus in propriis locis: in præsentem vero dico  
primo. Virtutes sicut per actus suos generantur, Notatio 1.  
ita eisdem augentur: patet ex doctrina de habiti-  
bus in communi, hæc eodem modo probanda  
est hæc conclusio. Solum aduertimus primo, D.  
Thomam numerare quatuor causas huius au-  
gmenti virtutum, nempe actus ipsos, bonam na-  
turæ dispositionem, perspicax ingenium, gratiæ  
donum: intelligendum autem est, proximam, &  
per se causam esse primam, & quodammodo et-  
iam potremam quatenus confert ad efficiendos  
actus virtutis; alia vero duo solum sunt condi-  
tiones adiuuantes.

Secundo aduertendum D. Thom. constituerè  
differentiam quandam inter augmentum inten-  
suum, & extensuum virtutis, vult enim augeri  
virtutes per actus secundum intensiorem, non  
secundum extensionem: quam differentiam ali-  
qui ita intelligunt, ut dicant habitum virtutis, Intra  
tamen imperfectum, ac per vnum tantum actum  
acquisitum, statim inclinare ad totam suam ma-  
teriam, atque adeo esse perfectum extensiuè, &  
idè hoc modo non posse augeri: esse vero re-  
missum, & ideo posse intendi: estque quodam-  
modo simile in habitu fidei, qui licet sit imperfe-  
ctus, ad omnes tamen fidei veritates se extendit.  
Ratio autem esse potest, quia formalis ratio ob-  
iecti virtutis est una in omni materia eius, habi-  
tus autem inclinatur ad omne id, in quo est eius  
ratio formalis.

Sed hoc sensu non mihi videtur illa differenti-  
verà, arbitror enim habitum virtutis etiam posse  
esse imperfectum extensiuè, & inclinare ad al-  
liquam partem suæ materiæ, & non ad totam, &  
con-

I.

Notatio 1.  
circa hanc  
assert.

II.

Notatio 2.  
de differen-  
tia D. Tho-  
ma. Intra  
intensionem  
& exten-  
sionem.

III.



consequenter posse eo modo augeri. Ratio est, quia partes materiæ vtius virtutis non æquæ participant rationem formalem obiecti virtutis, nec omnino eandem difficultatem continēt: nec etiam actus vnius virtutis sunt omnino similes, & ideo quamuis virtus facilem reddat hominem ad quosdam actus, in quibusdam materiis partialibus, non statim reddet ad ceteras omnes. Confirmatur primo inductione, nam in scientiis id constat. Item in prudentia, similiter & in religione, v.g. qui promptus est ad offerendum Deo sacrificium, non statim est facilis ad orandum: & qui facile seruat medium in quantitate ciborum, non eadem facilitate seruat in qualitate. Confirmatur secundo, quia virtus non corrumpitur tota per vnum actum vitii contrarii, nimirum quia potest manere facilitas ad alias materias. Tandem confirmatur manifestè, quando actus virtutis sunt diuersarum specierum. Quapropter vt illa differentia D. Thomæ vera sit, aliter est interpretanda: vult ergo perfectam extensionem habitus virtutis, ita pertinere ad perfectum statum virtutis, vt absque ea virtus non mereatur nomen virtutis, non vero vult ita requiri extensionem perfectam, vt citra illam virtus non sit talis essentialiter: & ratio est, quia, vt habitus sit simpliciter virtus, satis est, vt reddat hominem promptum, & facilem in tota materia virtutis, & hoc efficere potest, si sit perfectè extensus, ac debito quodam modo intensus, quamuis non perueniat ad summam intensiōem.

VI.

Altera differentia D. Th. inter virtutes intellectuales, & morales enotatur.

Et eodem modo explicanda est differentia, quam idem D. Thomas constituit inter intellectuales, & morales virtutes: nam primas vult extensiuè augeri, non vero secundas. Id est, vult intellectualem habitum posse dici suo modo virtutem, quamuis non sit omnino extensus in tota sua materia, cuius rationem reddit Caietanus, quia virtus intellectualis solum est virtus secundum quid, & ideo satis est, vt quancumque veritatem euidenter ostendat, vt suo modo dicatur virtus. Addo etiam, quod virtus moralis respicit bonum simpliciter, & ideo ad eius perfectionem spectat, vt excludat omne malum in sua materia, quod facere non potest, nisi in illa habeat perfectam extensionem, virtus autem intellectualis solum reddit hominem scientem, vel artificem, & hoc reuera assequitur, quamuis in vna solum parte materiæ id efficiat.

V.

2. Assertio.

Dico secundo. Vnaquæque virtus augetur per proprios actus, & non per actus alterius virtutis: quo fit, vt non omnes virtutes in eodem existentes sint æquales. Prima pars constat primò experientia: quia videmus eum qui in vna materia virtutis rectè se gerit, non ita passim se gerere in alia. Secundo, quia actus non habet vim efficiendi nisi propriam virtutem, ergo nec augendi. Tertio à simili de aliis actibus extra virtutes. Secunda pars suadetur experientia, nam potest quis plures actus vnius virtutis exercere, quam alterius: constat etiam ex dictis de connexionione virtutis, & ex quibusdam testimoniis D. Hieronymi quæ ibi numer. 7. adduximus. Videtur tamen ob stare D. Augustinus 6. de Trinitate capit. 4. dicens non posse vnum esse prudentiorem alio: & esse minus fortem, nec è contrario, & D. Thomas 1. 2. quæst. 66 articulo. 2. ait virtutes esse posse materialiter inæquales, formaliter vero posse esse æquales equalitate proportionis. Verum Augustinus non loquitur de augmento, & æqualitate diuersarum virtutum, sed de augmento eiusdem, secundum illas quatuor generare: in primam secundam D. Thom.

rales conditiones in omni virtute necessarias, scilicet, vt sit prudens, fortis, &c. quas vult non posse esse inæquales in vna & eadem virtute, quia æque crescunt, aucta virtute, nam quo quis honestius operatur, eo prudentius agit, & constantius, quia per se maiorem difficultatem superat: & iustus similiter quo magis seruat æqualitatem & medium, eo prudentius, & constantius id præstat, &c. D. Thomas vero loquitur de virtutibus, vt sunt in specie, & perfectione virtutis, & vult eas esse æquales in directione prudentiæ, quam vocauit formale virtutis, eamque æqualitatem non simpliciter, sed proportionalem requirit, quia videlicet, sicut vna perfecte dirigitur à prudentia in tota sua materia quantum necesse est ad esse virtutis, ita & omnes reliquæ, nec in hoc possunt ex parte prudentiæ habere inæqualitatem, licet ex parte propensionis ad suos actus possint esse inæquales, & hoc vocauit D. Thomas materiale in virtutibus, quæ tamen omnia moraliter intelligenda sunt, & in sensu exposito in sectione 9.

Et ex his duabus conclusionibus facile excluditur Stoicorum sententia, quæ, vt refert Cicero paradoxo 1. & Seneca lib. 9. epistola 1. & lib. 10. epistola 2. dixerunt virtutes non recipere magis, & minus, & ideo omnes esse æquales. Fundamentum erat, quia medium virtutis consistit in indiuisibili, quod tamen falsum est, & præcipue quoad circumstantias & conditiones, & quoad conatum, & intensiōem adhibendam in operibus virtutis. Vide Augustinum epistola 29. & Aristotelem 2. Ethicorum cap. ultimo vbi Burid. quæst. 8. Magistrum, & Doctores 2. distingt. 36.

Dico tertio virtutes diminui, & corrumpi per actus, contrarios habitus generantes: patet ex doctrina de habitibus in communi, & disput. sequenti constabit magis de habitibus vitiosis. Solum posset hoc loco quæri: an tota aliqua virtus possit omnino corrumpi per actus vitiosos leues, aut qui tantum versantur in rebus leuibus, quales ij, qui ex vi suæ speciei numquam inducunt grauem obligationem, vt eutrapelia, vel similes: quod si destrui possunt per actus leues similiter & generari. Et hoc secundum videtur simpliciter verum: primum ergo limitandum, vel exponendum est, nam si virtus illa sit semel adquisita, ita vt inclinet ad actus perfectos, & quæ versetur in materiis grauib. numquam corrumpetur, nisi etiam per actus graues contrarios. Secus tamen erit si solum fuerat acquisita in imperfecto gradu per actus similiter imperfectos. Et ratio omnium est, quia virtus per eos actus minuitur, vel corrumpitur, qui generant habitum directe oppositum inclinationi propriæ ipsius virtutis.

Dico quartò. Virtutes existentes in intellectu, & voluntate, non corrumpuntur ad corruptionem hominis, sed manent in anima separata: Hæc conclusio est propter D. Thomam. 1. 2. q. 67. vbi de hac re multa disputat, sed quæ dicit in quatuor vltimis articulis de fide, spe, & charitate, in tomo de fide, & in opere de gratia habentur. Circa ea verò quo dicit 2. 1. & 2. aduerte posse loqui nos de anima nostra per se: & natura sua, & hoc modo patet conclusio posita, quia cum voluntas, & intellectus sint subiecta incorruptibilia, ex parte harum potentiarum non possunt corrumpi virtutes: quæ in illis sunt, nec etiam ratione alterius causæ extrinsecæ, à qua essentialiter depēdeant, quia nulla talis est: contraria verò ratione constat. Secunda pars, quia potētia illæ sensiuæ corruptibiles sunt ad cor-

VI.

VII.  
3. Assertio.

VIII.  
4. Assertio.

Probatur considerando animam secundum se.

H h

rup



IX.  
Quid sit cō-  
sideretur in  
statu dam-  
nationis.

ruptionē compositi. Secundo vero modo possumus loqui de anima ratione status post separationem, & hoc modo disputat Diuus. Thomas, dicendumque est in statu damnationis morales virtutes, si quæ erant, manere possunt pro aliquo breui tempore, tamen breui corrumpi, quia destruitur prudentia, & exercentur actus contrarii: intellectuales autem virtutes speculatiuæ perseuerare semper possunt, vt contingit in Angelis, quia illæ non pendent à rectitudine voluntatis, & propter euidētiā inferunt necessitatem intellectu, nisi quis dicat Deum non conseruare hos habitus in damnatis in pœnam eorum: quod quidem efficaciter impugnari non potest, tamen sine fundamento dicitur. De statu verò beatitudinis D. Th. dicit has virtutes manere formaliter in beatis, non materialiter, simpliciter vero sententia Doctorum sanctorum est perseuerare in beatis: ita D. August. 14. de Trinitate cap. 9. & lib. 6. musica c. 18. Magister 3. distinct. 36. Vbi refert Patres. Doctores ibid. ita sentiunt, vt Gabriel & Capreolus q. 4. Ratio est, quia hæ virtutes sunt bonæ perfectiones potentiarum animæ, & nihil est, quod illis in eo statu repugnet.

X.  
Obiectio  
contrapro-  
xime dicta.

Sed contra, quia animæ beatæ nullum possunt exercere actum talium habituum: non potest autem habitus manere in potētia, quæ non potest actum exercere, si quidem non potest inclinari ad actum, qui est effectus formalis habitus.

1. Responsio.

Respondetur primo negando consequentiā, satis est enim nihil esse in illa potētia, quod repugnet cum habitu: non posse vero exercere actum non est ex parte ipsius, sed fortasse ex defectu materiæ in qua versatur, vnde ipsa potētia manent per se ipsam propensa in suos actus: & eadem ratione potest manere propensior facta per habitum, vnde bene potest ibi virtus habere proprium effectum formalem, nam à virtutibus ipsis, quæ in beato manent, oritur, saltem ex parte, optima compositio, & subordinatio potentiarum, quæ est in beato.

2. Responsio.

Respondetur secundo posse virtutes exercere aliquos actus: & in quibusdam est manifestum vt in religione, in obedientia, in prudentia, & idem est de quibusdam virtutibus, quæ ad iustitiam spectant, vt veritas, fidelitas, &c. fortasse etiam temperantia nonnullam poterit habere materiā in qua versetur, erant enim in eo statu etiam delectationes pertinentes ad sensum quas prudenter, & temperanter amare poterunt beati, imo cuiuscumque virtutis honestatem obiectiuam amare poterunt, ac etiam veluti in præparatione, seu sub conditione exercere actus interiores: quod recte explicauit D. Th. 3. distinct. 36. & questione de veritate articul. 2. ad 4. dicens in virtute posse considerari finem, & media: finis est pax, rectitudo, & quies, quæ ex moderatione passionum resultat, & quidam alii actus, qui ad huiusmodi finem spectant, vt amor & gaudium vnicuique virtuti proprium. Secundum est dimicare contra passionem: & actus, qui in his mediis versantur, non oportet manere, & fortasse primum horum vocauit D. Thomas formale, alterum vero, materiale, nec obstat quod aliqui dicunt beatos habere istos actus, non vt sunt à virtutibus acquisitis, sed solum vt sunt ab infusis, vtrique enim perfectio manet consummata in beatis, & naturæ, & gratiæ. Vnde sicut in eis durant scientiæ naturales, & cognitio naturalis Dei, ita & amor naturalis, & alia virtutes naturales. Solum obicit, quia ibi summa promptitudo elicient hos actus: ergo non indigebunt habitu. Respondetur: istam facilitatem prouenire par-

tim ab habitu: reliqua quæ D. Thomas de virtutibus infusis & donis, & fructibus desierit, in materia de gratia dicuntur.

## DISPUTATIO IV.

### De vitis, vel habitibus prauis.



Quoniam habitus ex actibus oriuntur, & ad illos tanquam ad finem proportionem referantur, conuenienter tot genera habituum moralium distinguuntur, quot actuum: quapropter sicut disputantes de actibus humanis sepe ratim de bonis & malis diximus suo loco: ita hic nobis dicendum est, quamuis Theologi de eis proprie, & distincte tradiderint: vitium ergo generali quadam significatione non solum moralibus, sed etiam naturalibus rebus tribui solet, in præsentia tamen solum ad animum humanum refertur. Et interdum habitum prauum, interdum etiam actum significat, vt patet ex August. lib. 3. de libero arbitrio. cap. 14. attamen D. Thom. hac voce vititur ad significandum habitum tantum, ex Augustin. etiam lib. de perfectione. iustitie cap. 4. Ex quo eliciunt aliqui habitum malum, nondum plene firmatum consuetudine, non esse vitium, de quo ad calcem huius disput. num. 10. Et si vero D. Thomas, vt diximus, vitium pro habitu fere usurpet, attamen agendo de vitis & peccatis, de actibus differit, de habitibus vero solum vnum, vel aliud verbum addit, supponimus autem hos habitus esse: quod experientia notius est, quam esse oportet, & ex dictis de actibus satis constat.

## SECTIO I.

### Quæ sit ratio, & essentia habitus vitij.

SCOTUS 1. distinct. 17. quest. 3. disputans de virtute, I. indicat non esse de essentia alicuius habitus vitiositatem: & loquitur consequenter, nam idem dixerat de essentia virtutis, contrariorum enim eadem est ratio. Vitium ergo in illius sententia erit habitus inclinans ad talem materiam, quatenus habet coniunctam relationem ad rationem practice errantem, seu imprudentiam: qua relatione mutata, quamuis maneat habitus in ratione habitus, non tamen in ratione vitij. Fundamentum est iam positum, quia tota bonitas, & malitia apud Scotum est relatio quedam. Item, quia mutata intentione, vel alia simili circumstantia: habitus fit ex bono malus: vel è contrario. Secunda sententia vult hos habitus esse vitia essentialiter per suas differentias positivas, & essentielles, ita Caietanus 1. 2. quest. 55. art. 1. qui putat mutatione facta manere habitum, & non vitium. Idem sentit Durandus distinct. 40. q. 3. & 5. in fine. Vbi vult nullum esse habitum indifferentem, & habitus virtutum essentialiter esse tales. Fauet D. Thomas 1. 2. q. 54. art. 3. vbi ait habitum diuidi in bonum, & malum, vt in species.

Pro hac re supponendum, cum habitus accommodentur actibus, de eis esse loquendum seruata proportionem: vt ergo in actu malo duo supra distinximus positiva, speciem scilicet, & malitiam, ita in habitibus prauis. Dico primo, habitus vitiorum essentialiter constituuntur in speciebus suis per differentias quasdam positivas, & essentielles, quæ sumuntur ex obiectis formalibus.

1. Sententia.

2. Sententia.

II.  
1. Assertio.



formalibus, & motiuis, propter quæ tales habitus operantur. Conclusio videtur certa, & communis ratione habituum, & ex dictis supra de specificatione malorum actuum. Denique quia isti habitus, sunt qualitates quædam re ipsa constitutæ in propriis speciebus quæ sub genere habitus continentur, ergo, &c.

III.

2. Assertio.

Dico secundo. Habitus vitii, genere conuenit cum habitu virtutis in hoc, quod tendit in aliquod obiectum bonum sub ratione boni: differt tamen essentialiter, & specificè ex differentia, ratione boni, quam in obiecto intuetur, loquor enim solum de vitii appetitiuæ potentia, licet similia possent applicari habitibus intellectus. Prima pars patet, quoniam hi habitus inclinant ad actus positiuos: ergo ad appetendum bonum, vel fugiendum malum, & utroque modo tendunt sub ratione boni. Confirmatur, quia cum habitus prædicti sint quædam impulsus appetitus, sunt etiam quasi quædam qualitates appetitiuæ: ergo tendunt in obiectum sub ratione accommodata potentia appetitiuæ: hæc autem est ratio boni: ergo. Secunda pars patet, quia virtus tendit sub ratione honesti, sub qua non tendit vitium: ergo necesse est tendat sub aliquo alio, & ab hac ratione boni sumit talis habitus suam propriam differentiam essentialem, & specificam: per eam ergo essentialiter differt ab habitu virtutis.

IV.

3. Assertio.

Dico tertio. Hi habitus non sunt mali, atque adeo nec vitia ex præcisa differentia sua positua, & ordine positiuo ad obiecta sua. Hæc conclusio videtur certa ex his, quæ supra diximus de malitia morali, nam ibi adducta probant non solum actus humanos, sed quæcumque etiam qualitatem, imo & quodcumque ens non posse esse malum à positua specie sua: idem autem est in proposito, vitium, ac habitus malus, vt patet ex his, quæ de significatione huius nominis diximus in principio tractatus sequentis, & ex August. lib. de perfectione iustitiæ, vbi in principio definit vitium esse qualitatem malam secundum quam malus est animus. Confirmatur, quia habitus non est malus quatenus inclinat ad obiectum bonum vt sic, sed vt inclinat ad obiectum malum, non inclinat autem ad obiectum malum per se, & ex vi suæ positia differentiæ, sed omnino præter intentionem, & per accidens, quatenus obiecto habenti aliquam rationem boni altera ratio mali coniuncta est: ergo, &c. Hinc D. Augustin. in Enchiridio cap. 11. & lib. 3. de libero arbitrio cap. 14. per priuationem boni, & perfectionis debita, vitium definit. Ex hac porro conclusione sequitur differentia inter habitus virtutum, & vitiorum. Nam illi habitus qui sunt vere virtutes, id per se primo habent ex propriis differentiis quibus constituuntur: vitia vero non sic, quamuis differentia illa, quæ vitium constituit in specie positua habitus, hoc ipso essentialiter distincta sit à differentia virtutis, quod nec sufficiens ipsa sit ad constituendam virtutem, & nata sit habere coniunctam aliam rationem à qua denominetur vitium, & ad hunc modum explicandus est D. Tho. cum inquit diuisionem habitus in bonum, & malum esse in species differentes, vide quæ diximus in simili de actibus.

V.

4. Assertio.

Dico quarto. Non omnis habitus voluntatis, vel appetitus, qui ex differentia sua essentiali non est virtus, hoc ipso vitium est, sed potest esse habitus specie sua indifferens. Probatur, quia habitus per differentiam præcise, non constituitur in esse vitii, vt dictum est, nec cum tali differentia est semper coniuncta aliqua prauitas, vel malitia, quæ constituat habitum in esse vitii.

Suarez in primam secundæ D. Thom.

Patet, quia non semper obiectum illud, à quo talis differentia oritur, est per se rationi contrarium, aut habet turpitudinem coniunctam, potest enim esse illa ratio obiectiua, aliqua ratio delectabilis, vel commoda naturæ, quæ non fit per se mala, sed indifferens. Confirmatur à simili. Nam licet habeat actus speciem proximam ab obiecto non sub ratione honesti, sed sub alia, non ideo statim malus est, sed potest esse indifferens: ergo similiter, &c. Confirmatur secundo inductione. Nam qui per habitum est propensus ad sanitatem, vel scientiam, non quatenus honesta sunt, sed quatenus sunt conuenientia naturæ, vel aliquo modo delectabilia, non propterea habet habitum vitii, nec etiam virtutis, vt ex dictis patet.

Sed argues ex Durando. Quia definitio habitus est, vt bene, vel male disponat subiectum, & non est medium: & ex T. D. Thoma qui diuidit habitum in bonum, & malum, vt in sua membra: ergo. Tandem, quia non datur actus indifferens in indiuiduo, habitus autem generatur ex actibus prout in indiuiduo sunt. Respondetur, cum Aristoteles ait habitum disponere bene, vel male, non loqui de bonitate, & malitia morali, quia ratio habitus latius patet, & definitio illa conuenit habitibus intellectus: intelligit ergo conuenienter, vel disconuenienter naturæ subiecti: habitus ergo voluntatis, qui non est vitiosus, quamuis etiam virtus non sit, dici potest conueniens naturæ subiecti, quia inclinat ad aliquid conueniens naturæ, & per se nullum malum affert: vt propterea disconueniens censeretur debeat, & in hoc etiam sensu diuisio illa D. Thomæ habitus in bonum, & malum, erit adæquata & sufficiens: non vero si intelligatur de vitio, & virtute morali. Vnde ad vltimam confirmationem respondetur actum esse in indiuiduo indifferenter secundum speciem proximam, vel essentialem; quamuis ex accidente semper sit bonus vel malus malitia, vel bonitate accidentaria, actus autem generat habitum secundum substantiam suam. Addo tamen fortasse in indiuiduo semper etiam omnem habitum appetitus habere aliquem statum in quo possit denominari bonus, vel malus, non ex sua specie, sed quasi ab extrinseco, vt ex dicendis constabit. Confirmantur hæc omnia ex habitibus intellectus, ex quibus quidam sunt virtutes intellectuales, non tamen omnis habitus intellectus, licet non sit virtus, propterea est vitium intellectus, nam opinio, & similes non sunt paræ dispositiones, tamen non sunt virtutes, sunt tamen communes dispositiones.

Dico quinto. Ille habitus dicitur vitium, qui inclinat ad ea bona, quæ rectæ rationi sunt contraria, talis enim habitus est disconueniens naturæ rationali, vt sic, & hinc vitium nominatur. Hæc conclusio sequitur aperte ex dictis, quasi ex sufficienti diuisione: habitus enim non est vitium, à differentia positua, nec ex negatione ordinis ad honestum, vt sic, vt patet ex quarta conclusione: ergo ab aliqua disconuenientia quasi priuatiua, quæ quidem consideranda est in ordine ad naturam rationalem vt sic, quia vitia dicuntur talia respectu hominis, vt homo est, & in ordine ad mores, & consequenter in ordine ad rectam rationem, quæ est regula morum.

Sed contra hanc doctrinam occurrit primo difficultas, qualis sit ista priuatio à qua habitus denominatur vitium, & qua perfectione debita illum priuet: nulla enim assignari potest, quæ quasi physicè debeat: debitum autem morale, quod vtebamur in materia de actibus, non videtur

VI.

VII.

5. Assertio.

VIII.

1. Difficultas ex tradita doctrina.

H. h 2

hic ha.



hic habere locum, tum quia omne debitum morale ex lege oritur: lex autem est de actibus, & non de habitibus, tum quia non omni habitui voluntatis est debita honestas virtutis, ut patet in habitu indifferenti: ergo nec illi habitui, qui denominatur vitium, tum quia omne vitium esset peccatum, quia caret debita conformatione ad ultimum finem, in quo consistit ratio peccati.

**IX.** Secunda difficultas est, quia si isti habitus dicuntur vitia, quia inclinant ad bonum, cui est adiunctum malum: eadem ergo ratione naturalis propensio appetitus sensitui natura sua esset mala, quia saepe inclinat ad bonum, quod habet adiunctum malum: propter quod *Gen. scos* 8. dicitur appetitus hominis ad malum propensus, & *Sapient.* 18. naturalis malitia: propter quod *2. Ethicorum* cap. ultimo dicitur oportere studiosos ab his maxime abduci, ad quam naturam inclinat. vide D. Thomam *2. 2. quest.* 116. art. 2 ad 3. consequens autem absurdum est, cum tota illa inclinatio sit à Deo auctore naturæ. Nec satis est dicere inordinationem eius esse ab originali peccato: nam, ut supra diximus, tota ista propensio est per se naturalis, essetque in homine in puris naturalibus.

**X.** Tertia difficultas est, quia sequitur eundem habitum vel simul, vel saltem successiue posse esse bonum, & malum moraliter, & si nunc inclinet ad obiectum, quod est contra rationem rectam, si postea auferatur malitia ab obiecto, & aliunde adiungatur bonitas, habitus iam erit bonus: & idem est de habitu pro eodem tempore, saltem si compareretur ad diuersa obiecta partialia.

**XI.** Quarta difficultas est, quia iuxta rationem vitii à nobis expositam, idem habitus specie poterit esse contrarius virtutis specie differentiibus, è contrario habitus differens in propriis differentiis posituius, poterunt esse contrarii eidem virtuti, atque ita habere diuersam rationem vitii.

**XII.** Ad primam difficultatem dici potest habitum denominari vitium, vel malum non à malitia, quæ veluti hæreat ipsi, sed à malitia, quæ est in actu ab eo elicto: quatenus habitus est causa, & principium eius, nam in moralibus, effectus in causam redundat, sed hoc non omnino satisfacit, quia eo modo habitus non esset formaliter malus, sed solum causaliter, per extrinsecam denominationem, & eadem ratione denominaretur peccatum, quia est principium peccati. Addendum ergo est, hoc ipso quod habitus inclinat ad obiectum, in quo est malitia, & inclinat modo quodam non conuenienti rationali naturæ, inueniri in ipsomet habitu quandam disproportionem, & disconuenientiam cum eadem natura. Nam quatenus talis est, continet priuationem illius bonitatis: sicut supra de actibus diximus: & quamuis non debeatur tali habitui, ut in tali specie physice constituto, debetur tamen homini, & voluntati rationali, & ipsi etiam habitui, præcipue considerato, ut est efficiens talem volitionem, & hoc satis est ad eam priuationem de qua modo loquimur. Vnde ad primum argumen. respondetur debitum legis proximè, & per se cadere in actus: consequenter tamen redundare in habitibus. Secundo dico non oportere hoc debitum pensari ex lege, sed ex ipsa vi, & conditione rationalis naturæ: nam sicut naturæ ignis debetur calor, & propterea frigiditas est disconueniens naturæ eius, ita naturæ rationali debentur principia consentanea, & accommodata operationibus tali na-

turæ conuenientibus. Ad secundum concedo non omni habitui hominis deberi, ut sit perfectio modo conueniens naturæ rationali, ut rationalis est, debetur tamen illi, ut non sit difformis, nec auertens à recta ratione, & ideo quasi ex suppositione, si habitus versari debet circa res conformes, vel difformes rationi, debetur illi conformitas, & honestas: opposita vero carentia eius, censetur in proposito moralis forma denominans vitium. Ad tertium respondetur non posse hæc vitia proprie denominari peccata, alias etiam possent denominari mortalia: vel venialia. Item hæc vitia manent in iustificato, in quo nullum est mortale, & fieri potest, ut nullum etiam sit veniale, saltem pro aliquo tempore. Ratio est, quia eiusmodi habitus per se non auertunt hominem ab ultimo fine, nec actualiter, nec habitualiter, nec physice, nec moraliter: ratio autem peccati sumitur ex ordine ad ultimum finem. Sed vrgebis, tales habitus in se carent debito ordine ad ultimum finem, sed hinc actus denominantur peccata: ergo & habitus. Respondetur tamen ordinem, vel defectum debere consistere in priuatione debitæ conuersionis ad ultimum finem, quæ quidem conuersio est debita: & homini, & omnibus actionibus eius, non vero omnibus qualitativis, vel perfectionibus, quæ ei inhærent, & ideo non omnis qualitas carens hoc ordine habet hac ratione peculiarem difformitatem moralem, à qua peccatum denominetur. Et in hoc multum differunt habitus ab actibus: & oritur hæc responsio ex prior ratione: nunquam enim aliquid habet rationem peccati, nisi ita sit deordinatum ab ultimo fine, ut hominem ipsum in quo est aliquo modo ab ipso sine auertat: quod his habitibus non conuenit, ut diximus.

In secunda difficultate petitur: in quo differat inclinatio vitii, & appetitus sensitui, & indicat illa quaestio, an appetitus sensituius inclinet ad malum: ad quæ breuiter dicendum est, appetitum & habitum vitii conuenire, quia utrumque inclinat ad bonum sub aliqua ratione boni vel delectabilis, vel conuenientis naturæ. Deinde quia saepe inclinant ad illud obiectum, quamuis in illo inlit aliqua malitia, vel turpitudine moralis: quæ duo etiam reperiuntur in voluntate ipsa, prout natura dicitur, in eaque reperitur quædam inferior inclinatio, ut supra dictum est. Differunt tamen primo, quia propensio appetitus sensitui est omnino naturalis, & ideo nullo modo per se ad genus moris pertinet: nec bona, nec mala moraliter dici potest: habitus vero vitiorum sunt voluntarii, & per actus malos aduicti, & ideo defectus illorum magis ad mores pertinent. Secundo, quia propensio appetitus est moderata, & natura sua recte composita, & propterea consentanea naturæ rationali, & simpliciter bona, quia etiam est ab auctore bono: consistit autem hæc moderatio & debitus ordo in eo quod supra diximus, appetitum sensituum hominis natura sua inclinari ad obediendum motioni voluntatis, & rationis. Vnde quamuis etiam feratur ad sensibilia, tamen simpliciter, & maxime inclinatur in id quod est simpliciter bonum hominis: quod si interdum aliter in opere cōtingat, id quidem provenit ex prauo vsu facultatis hominis, & rationis, non ex defectu propensionis naturalis: habitus vero vitiorum nullo modo inclinant ad obediendum rationi, sed solum ad sua bona. Deinde inclinant in debito modo, id est, plusquam natura bene composita requirat, & quasi ex modo, & natura sua inclinant ad prosequen-

**XIII.**  
Ad 2. difficultatem.

Conuenientia inter appetitum, & habitum vitii.



dum sua bona contra dictamen ipsius rationis, quia frequētius adquiruntur per actus hoc modo illicitos, contra ipsius rationis dictamen. Potest etiam tertia differentia assignari, quia appetitus sensitivus oritur ex natura sensitiva, ut sic, ex rationali vero, quodammodo secundario, quantum ad aliquam perfectionem suam: at verò habitus vitiorum generatur ex actibus, quos exercet homo, ut rationalis, & ideo eorum deformitas praua &que propensio attenditur magis ex ordine ad naturam rationalem, ut rationalis est. Ex quo tandem constat appetitum sensitivum proprie non inclinare ad malum, quamvis per accidens contingat ob eius inclinationem sæpe eligi id quod malum est.

**XIII.** Inertia difficultate breviter exponenda est omnis divisio habituum vitiorum. Et primo advertendum est, sicut in actibus quidam sunt intrinsece mali, alii sunt tales ex accidenti, ita in habitibus quidam dici possunt vitia intrinsece, non quia per differentiam positivam tales sunt, sed quia semper cum sua differentia habent coniunctam illam deformitatem, à qua dicuntur vitia, & huiusmodi sunt habitus, qui inclinant ad illa obiecta, & actus qui nunquam possunt humano modo fieri quin prave fiant: conditio enim habitus ex materia, & actu sumenda est, ut inductione patet. Nam habitus inclinans ad mentendum, omnino est intrinsece vitium, idem de habitu odii Dei, &c. Alii autem videntur esse habitus, qui ex accidenti vitia interdum sunt, ut si inclinent ad actum non intrinsece malum, sed tantum qui ex accidenti hinc & nunc in hac persona malus est, mutati que circumstantiis potest bene fieri. Ex quo ad difficultatem positam patet responsio: in prioribus enim vitiis nego eundem habitum posse esse successivum vitium, & non vitium. De posterioribus vero concedo habitum, qui semel vitium est, posse amittere rationem vitii, & manere vel indifferentem, vel etiam quodammodo in statu virtutis, non quod intrinsece & formaliter possit fieri virtus, sed quodammodo per denominationem extrinsecam, ut iam dicam.

**XV.** Namque oportet advertere in hac re differentiam inter actum, & habitum, ut enim actus non sit malus, satis est, ut ex obiecto, vel circumstantiis nullam deformitatem accipiat, quia videlicet mutata sunt, & mutatio ipsa cognoscatur ab operante, ut autem habitus non sit vitium, non satis est obiectum esse mutatum, & circumstantias: ita ut iam non sint contra rationem, neque etiam est satis non elicere actum prauum, quia ratio habitus abstrahit ab exercitio actuum: eius ergo bonitas, vel malitia pendeat ex modo, quo disponit potentiam; nam propria deformitas vitii ex hoc potissimum videtur oriri, quia inclinat potentiam ad appetendum aliquod bonum ita effrenate, ut non attendat regulas rationis, & ideo fieri potest, ut mutetur obiectum, ita ut ex ex malo fiat non malum, & nihilominus habitus retineat rationem vitii, quia ad illam rationem boni, quæ in obiecto est, indubito modo inclinat, & propterea oportet, ut habitus, qui erat vitium, fiat non vitium: aliquo modo in se ipso temperari, ita ut inclinet ad rationem boni indifferentem, & quodam etiam modo non pravo, nec rectæ rationi deformi.

**XVI.** Ex quo intelligitur primum illud quod num. 8. dicebamus, habitum qui ex specie sit indifferens semper in individuo reperiri in aliquo statu, qui ad rationem vitii, vel virtutis pertineat saltem per extrinsecam denominationem, quia sicut agrum petere ob recreationem, est actus

Suarez in primam secundam D. Thom.

indifferens, ita & habitus ei respondens per se est indifferens, attamen dupliciter potest ille actus fieri: primo otiosè: vel ob prauum finem, & habitus inde genitus habebit statum vitii. quamvis ex accidenti, quatenus inclinatur ad actus pravo modo exercendos, secundo propter bonum finem, esto obiectum sit indifferens, & tunc habitus habere potest statum virtutis, quia coniunctus est habitui mouenti & imperanti talem finem, atque eiusmodi duo habitus ita sunt geniti, ut videantur subordinari, atque unus per alium informari extrinsece ad eum modum quem supra diximus de actibus, atque habitibus nonnullis.

Secundo intelligitur quæ sint genera habituum vitiosorum, & qualis etiam sit illa divisio habitus in bonum, & malum, & an sufficiens sit: quæ omnia explicari, & confirmari possunt, & ex proportionem ad actus: & ad habitus ita ellectus, in quibus ita aliqui sunt falsi errores, ut nullo modo possint manere sine illa deformitate: alii vero sunt mutabiliter errores. ut patet ex dictis: quæ differentia oritur etiam in illis, ex parte materiæ. Ultimo patet ex dictis solutio alterius partis, & difficultatis. Concedo enim fieri posse, ut idem habitus pro ut se extendit ad multas materias, inclinet & ad actus qui mali sunt, & ad actus qui bene etiam fieri possunt: ut si contingat unam partem materiæ esse indifferentem, & non alteram, nihilominus huiusmodi habitus dicendus esset malus, & vitium, quia malum ex quocumque defectu. Nec est similis ratio de actibus, quia actus est omnino unus, & quasi indivisibilis, versaturque in unica materia, unus vero habitus inclinet ad plures actus, & in variis materiis operatur.

In quarta difficultate explicanda est oppositio, & contrarietas inter vitium, & virtutem. Et primo totum, quod inferitur, admitto, nam sicut idem actus unus genere, & specie: potest habere plures deformitates repugnantes pluribus virtutibus, ita & idem habitus: nam, ut sæpe dixi, servanda est proportio, & patet etiam inductione: qui enim aliena retinet ex nimio amore ad divitias, certe unico habitu & res illas amat, & retinet, & tamen in illo duplex est deformitas, altera avaritiæ, quæ consistit in nimio amore divitiarum: altera iniustitiæ: idem est de habitu intemperantiæ, qui inclinat ad adulterium, habet etiam malitiam iniustitiæ. Eadem ratione fieri potest ut habitus distincti in positiva specie, & essentia eandem rationem & deformitatem vitii habeant, sicut etiam contingit in actibus. Et ratio est, quia species ista positiva habitus, variatur ex ratione formali obiecti quæ est ratio illa boni, quæ manet: fieri autem potest, ut motium sit diversum, & tamen deformitas sit eadem, quia non tam oritur ex motiva, quam ex ipsa materia, ut si quis amet divitias alienas immoderate propter voluptatem, alter propter honorem: habitus quidem positivi diversæ speciei sunt, tamen deformitas utrique communis unica, nempe deformitas iniustitiæ.

Ex quo intelligitur quomodo vitium & virtus contraria sint. quod Aristoteles docuit 2. Ethicorum cap. 7. & 8. & D. Thomas 1. 2. quæst. 71. artic. 1. nam si consideremus speciem privativam vitii, proprie non est contrarietas inter ipsum & virtutem, sed potius reducitur ad privativam oppositionem, ut supra in actibus expositum est: si autem positivam speciem, & essentiam attendamus, illa habet quidem repugnantiam cum ha-

Hh 3 bitu

XVII.

2. Corollar. exponens divisionem habitus.

3. Corollar. pro 2. parte eiusdem difficultatis.

XVIII.

Pro 4. diff. sic. exponitur oppositio vitii, & virtutis.

XIX.

Qualis sit contrarietas hæc.



bitu virtutis, qui tamen non oritur proprie ex formalibus obiectis virtutis, & vitii, vt ex Aristotele 3. *Ethicorum* cap 7. sumi potest. Nam illæ rationes obiectorum non sunt proprie contrariæ, sed diuersæ, alia enim est ratio boni honesti, altera ratio delictabilis, vel alterius commodi, quæ rationes per se non semper repugnant, sed interdum id contingit ex conditione materiæ in qua versantur. Ex quo fit vt ista oppositio inter habitum vitii, & virtutis, ex ipsis materiis, & ex modo etiam actuum, oriatur: quia videlicet inclinatur ad materias habentes oppositas conditiones, vt sunt magna, vel parua quantitas, vel ad motus contrarios, vt sunt fugere, vel aggredi quod etiam in habitibus intellectualibus facile explicatur, nam illi etiã proprie non repugnant inter se propter rationem formalem sub qua procedunt, quia omnes tendunt sub ratione veri, sed opponuntur propter materias, quia vnus inclinatur ad affirmatiuam, alter ad negatiuam; & consequenter propter motus etiam contrarios, quia vnus inclinatur ad assensum, alter ad dissensum, vnde in his etiam habitibus contingit idem intellectuale vitium contrarium esse multis virtutibus intellectualibus, vt error in hac *Deus est*, & metaphysicæ, & fidei, & Theologiæ repugnat; & è contrario duo habitus erroris possunt esse contrarii eidem virtuti intellectuali, vt si versentur in vna & eadem materia tantum sub diuersis motibus, & rationibus formalibus, quæ sufficiunt ad distinguendos actus, & habitus.

## SECTIO II.

### De causis vitiorum habituum.

I.  
Affinguntur obiter  
alia questiones, quæ hic  
occident.

Questiones, quas de diuisionibus virtutum expediuius, ad habitus vitiorum accommodandæ sunt, nec oportet iterum disputare; habet enim illæ diuisiones, etiam in vitiis, suum locum, seruata proportionem; quædam enim sunt vitia intellectualia, quædam vero moralia; & inter illa, quædam speculatiua, quædam practica; quæ tot fere modis distinguuntur, quibus sua opposita; solum posset esse dubium, an habitui principiorum sit aliquis habitus contrarius? item qui sint proprii actus contrarii prudentiæ, & quod vitium generent? sed prior questio agitur in Philosophia; de secunda in materia de prudentia. Vitia etiam moralia quædam sunt, quæ in passionibus versantur, sicut & in virtutibus diximus: solum addendum est, quoniam virtutes consistunt in medio, vitia ad extrema tendunt: plures esse species vitiorum, quam virtutum, nam eidem virtuti plura vitia contrariantur, vt ex dictis supra liquet. Ex quibus etiam colligitur, questionem illam de effectu, seu medio virtutis, in vitiis non habere locum, nam vitia non solum non consistunt in medio, sed potius ratio eorum consistit in declinando à medio, quatenus vitia sunt: quod addo, quia quatenus sunt positui habitus habent etiam suam differentiam, quæ in indiuisibili consistit & suo modo posset dici consistere in medio, quatenus, si illi aliquid addatur, vel quid tollatur, dissoluetur species, quæ ratio metaphysica est, reperiturque in omnibus speciebus. Vide Aristotelem 2. *Ethicorum* cap. 6. reliqua quæ de augmento, diminutione, vel corruptione virtutum diximus nihil peculiare habent in habitibus vitiorum.

### De causa subiectiua vitiorum.

Supereft dicendum aliquid de titulo proposito in quo tria dubia occurrunt. Primum est de subiecto vitiorum, an sit voluntas, vel appetitus sensituius, & est præcipua difficultas in vitiis, quæ versantur circa passionem: nam qui negant virtutes, contrarias his vitiis esse in voluntate, consequenter negant de vitiis ipsis. Nam cum voluntas natura sua sit omnino propensa ad obiecta contraria vitiosa, non potest per vltimos actus inclinare ad oppositum, sicut, quia terra natura sua propensa est ad locum deorsum, licet frequenter moueatur sursum, numquam adquirit perfectionem ad illum motum, vt Aristoteles alias dixit. Alii vero negant huiusmodi vitia posse esse in appetitu sensituiuo, nam habitus illæ potentiæ adquiruntur, quæ natura sua non sunt satis propensæ ad aliquod obiectum, sed appetitus natura sua est satis propensus ad obiecta vitiosorum habituum: ergo.

Sed dicendum primo, habitus vitiorum primario & per se generari in voluntate, cuius soli habitus possunt esse proprie, & per se vitia. Probatur per rationes supra factas de virtutibus, quia voluntas non est ita propensa in bonum honestum, quin possit per se, & ab intrinseco moueri in obiectum turpe, sub aliqua ratione boni, in quo valde differt voluntas à terra sursum mota, quæ non ab intrinseco semper sic mouetur: motus autem voluntatis, cum sit ab intrinseco necessario, consentaneus est alicui inclinationi eius: & ideo hæc augeri potest acquirendo habitus. Confirmatur primo, quoniam alias nec vitium iniustitiæ posset generari in voluntate, quia repugnat honesto ad quod ipsa naturaliter est propensa. Confirmatur secundo, quia simili ratione non generantur hæc vitia in appetitu sensituiuo, quia etiam pugnant hæc vitia cum naturali propensione, quam appetitus sensituius habet ad obediendum rationi, & voluntati mouenti. Iam vero quod illi habitus soli voluntatis sunt proprie vitia, constat primo, quia illi soli generantur per actus, in quibus per se, & formaliter malitia moralis reperitur. Secundo, quia illi habitus sunt, qui per se, & maxime repugnant debite rectitudini rationalis nature.

Dicendum tamen secundo est in appetitu sensituiuo generari quosdam habitus, qui suo modo sunt vitia. Patet à simili ex dictis supra de virtutibus & de habitibus in communi in *Metaph.* vbi ostendimus appetitum sensituiuum esse capax habitum: ergo maxime horum, nam sunt maxime consentanei nature eius. Item quia si in appetitu sensituiuo non generaretur talis aliquis habitus, non posset ab illo expelli habitus virtutis semel adquisitus, quia non expellitur nisi à suo contrario: denique licet appetitus sensituius natura sua sit propensus ad sensibilia tantum, vt diximus, suo tamen modo fertur ad ea, quæ sunt homini simpliciter bona ex motione saltem superioris rationis cui naturaliter obedit: ergo quo appetitus magis sequitur inclinationem ad sensibilia: eo difficilior potest sequi alienam propensionem perfectiorem: ergo difficultas oritur ex habitu genito, ex quo etiam fit, vt facilius homo sequatur sensibilia etiam contra dictamen rationis. Ex quo tandem arguitur, nã inclinatio illa ad sensibilia est moderata, & subordinata alteri: per habitum autem fit vt excedat debitum modum.

### De causa efficiente vitiorum.

Secundum dubium est de causa efficienti: quoniam vero constat propriam causam esse ipsos

II.  
1. Opinio.

2. Opinio  
opposita.

III.  
1. Assertio.

III.  
2. Assertio.

V.



ipſos actus prauos, vt contingit in aliis: quæri tantum ſolet, an poſſit Deus per ſe efficere ipſos habitus ſolus? Dico ſolus, uam concurrente cum cauſa ſecunda bene poteſt, quamuis illi non ſit tribuenda productio uitii, vt ſic: ſed illius tantum poſitiuæ qualitatis, iuxta dicenda de peccatis. Videtur autem poſſe efficere, quia in Deo eſt ſufficiens poteſtas productiua talis habitus, & nulla apparet repugnantia, quia habitus non pender per ſe & eſſentialiter ab efficientia cauſæ ſecundæ, ſicut pender ipſe actus.

VI. Dico tamen non poſſe Deum immediate. & per ſe infundere homini huiusmodi habitus, nō quia deſit illi potentia actiua ſufficiens ad producendam totam illam rem, quæ eſt habitus uitii. Vnde ſi vellet Deus per ſe producere illam qualitatem, ſine dubio poſſet, quia nulla in ea re apparet indecentia, vel repugnantia. Ratio ergo conſiſtens eſt, quia infundere hos habitus homini pugnat cum Dei bonitate, quia reuera eſſet hominem impellere ad malum. Confirmatur, quia repugnat Deo, eo quod eſt ſumme bonus: conſilio, vel alio ſimili modo hominem ad malum operandum mouere: ſed motio habitus non eſt minor, quam reliquæ motiones, quæ illi eſt tribuenda, qui primo, & per ſe efficit habitum: ergo. Confirmatur, quia non poſſet Deus per ſe infundere habitum inclinantem ad falſum, nam hoc eſſet virtute mentiri: ergo.

VII. Obiectio. Poſt infuſionem talis habitus homo maneret liber, & poſſet non conſentire: ergo adhuc operatio illius habitus non tribueretur Deo. Reſpondetur negando conſequentiam, quia ad rationem cauſæ moralis alicuius operis non eſt neceſſe: vt neceſſitatem ingerat cauſæ proximæ, ſed ſatis eſt ſi conſilio, vel alio modo directe illam impellat, & moueat ad tale opus, vt patet in homine conſulente alteri peccata. Sed vrgebis, quia eadem ratione cum Deus producat inclinationem appetitus ſenſitiui, à qua perſicitur malum opus, eſſet tale opus Deo tribuendum. Reſpondetur non eſſe ſimilem rationem, ſupra enim diximus propenſionem appetitus ſenſitiui eſſe de ſe rectam, & conuenienti modo naturæ hominis tributam: propenſionē vero habitus non eſſe huiusmodi. Deinde ad autorem naturæ ſpectat vnamquamque naturam condere eo modo, & cum illis facultatibus, quæ ſunt illi naturales: hæc autem inclinatio appetitus eſt prorsus naturalis: habitus autem vitiorum ſunt præter naturam rationalem, & ideo non eſt conueniens auctori naturæ illos ſua virtute infundere.

VIII. Dicet tamen aliquis, cum Deus infunderet huiusmodi habitum, conferret ſimul habitum virtutis contrarium, vel aliunde compenſaret illam propenſionem, & impulſum prauum habitus tantumdem gratiæ, vel ſupernaturalis auxilii conferendo quantum neceſſe eſſet ad vincendam propenſionem talis habitus, nam hoc poſito nihil videtur repugnare Deum hoc modo infundere talem habitum, quia tunc non inclinaret ad malum, cum alias det maiorem propenſionem ad bonum: item in eo caſu infuſio talis habitus non videtur mala, & poteſt habere finem conuenientem, vt videlicet vincendo propenſionem talis habitus, homo magis mereatur. Quod quidem in hoc caſu aliquibus nō videtur impoſſibile: mihi vero non videtur verum, quia per ſe Deus non poteſt inducere ad id quod per ſe malum eſt, ſiue alias det auxilium

ad vincendam inclinationem, ſiue non: quia illud eſſet tentare hominem, & Deus ſibi eſſet quodammodo contrarius. Item directe inclinare ad malum ſemper eſt per ſe malum, etiam curando illud impedire a ſua viâ. Quapropter ſolum permittendo poteſt Deus illud facere. Vide dicta infra tract. 5. dyſp. 6. in ſimili de cauſa peccati.

De connexione vitiorum.

Tertium dubium eſt, vtrum vnum vitium ab alio pendeat, atque adeo, an vitia ſint connexa. In qua re eſt dicendum primo, non poſſe vitia omnia eſſe connexa ita D. Thomas quaſt. 73. art. 1. cō. & D. Auguſtinus epist. 29. ad Hieron. & colligitur ex ipſo Hieron. dialog. 3. contra Pelagian. & conſtat, quia nonnulla vitia ſunt contraria: ergo non omnia poſſunt eſſe ſimul. Ratio vero à priori eſt, quia virtus verſatur circa bonum honeſtum, vt ſic: bona autem honeſta inter ſe non ſunt contraria, ſed ſolum ſe iuuant. Præterea virtutes omnes ad eundem finem vltimum naturæ ſuæ referuntur: vitia vero in primis verſantur circa bona delectabilia, & temporalia, quæ ſæpe contraria ſunt. Deinde, quamuis omnia referantur ad amorem proprium: attamen ſæpe habent fines extrinſecos valde diuerſos, inter ſe etiam repugnantes. Addendum vero eſt ſecundo quædam vitia interdum generare alia: & ideo quædam eſſe valde inter ſe connexa, quomodo docuit Gregorius lib. 14. moralium cap. 18. cum ſuperbia multa eſſe alia vitia connexa: & lib. 7. cap. 12. de aliis vitiis id pronuntiat. Et ratio ſumi poteſt tum ex dictis ſuo loco de actibus peccatorum: ſæpe enim vnum ex alio naſcitur, tum etiam ex mediis ipſorum vitiorum, quæ interdum huiusmodi ſunt, vt vnum ad conſequendum alterum vel neceſſarium ſit, vel ad modum vtile.

Sed quaeret aliquis, vtrum ſicut vna virtus ſeparata ab aliis non cenſetur habere ſtatum virtutis, ita nec vnum vitium ſi exiſtat ſine aliis quibus iuuari poteſt. Reſpondet Ariſtoteles 7. Ethicorum cap. 1. licet fecerat in virtutibus, & ita in vitiis diſtinguit tres ſtatus quos vocat incontinentiæ, vitii, & feritatis: itaque vult vitium non ſignificare habitum prauum in quocumque ſtatu, nam in primis cum habitus eſt imperfectus, dicitur incontinentia: cum vero creuit ultra communem modum peccandi, dicitur feritas, vitium vero vocatur quando iam eſt habitus ſtabilis, quo homo facile, & frequenter in materia talis habitus deſicit, quia vero virtus habet rationem boni, & perfecti, vitium autem defectum importat, ideo non videntur tot requiri ad ſtatum vitii ſimpliciter, quot ad ſtatum virtutis, & ideo ſi habitus ſit conſtans, & facilis, quamuis non omnino ſe extendat ad totam ſuam materiam, ne habeat totam deformitatem, quam in ſuo genere, vel ordine habere poteſt, atque adeo quamuis non ſit coniunctus cum omnibus habitibus vitiorum, à quibus in omni occasione iuuari poſſit, dici poteſt habitus ille ſimpliciter vitium, quia malum ex quocumque defectu, & quia ſimpliciter reddit hominem promptum ad peccatum committendum. Haecenus de vitiis, quibus adici poſſunt diſta in materia de peccatis initio.

IX.

1. Aſſertio in hoc puncto.

2. Aſſertio.

X.

Quæſtiō ſua annexa reſoluitur.

Finis tractatus quarti.



E L E N C H V S

## DISPVTATIONVM

QVINTI TRACTATVS,

De vitiis, &amp; peccatis.

P R O O E M I V M.

## DISPVTATIO I.

De essentia, &amp; grauitate peccati, continens sectiones duas.

1. *Quid sit actuale peccatum.*
2. *Quid sit grauitas, & quantitas peccati, & vnde sumatur.*

## DISPVTATIO II.

De peccato mortali, &amp; veniali, continens sectiones octo.

1. *An sit aliquod peccatum mortale, & quæ sit eius grauitas.*
2. *An deformitas propriè constituens peccatum mortale sit distincta ab illa, quam actus habet ex obiecto.*
3. *An malitia peccati mortalis sit infinita.*
4. *An sit aliquod peccatum ex natura sua veniale, & quæ sit eius ratio.*
5. *Qualis sit diuisio peccati in mortale, & veniale.*
6. *An peccatum veniale possit fieri mortale.*
7. *An in omni subiecto, in quo potest esse mortale, possit esse veniale.*
8. *An peccatum mortale necessariò debeat præcedere veniale, vel è contra.*

## DISPVTATIO III.

De diuisione peccati in commissionem, &amp; omissionem, continens sectiones quinque.

1. *Qualis sit prædicta diuisio, & quo modo eius membra differant.*
2. *Vtrum de essentia omissionis sit aliquis actus positivus.*
3. *Vtrum actus qui fit eo tempore, quo omittitur præceptum, & est impossibilis actui præcepto, sit peccatum.*
4. *Quo tempore censeatur quis peccare peccato omissionis.*
5. *De grauitate omissionis, vnde sit sumenda.*

## DISPVTATIO IV.

De peccato ex passione, ignorantia, &amp; malitia, continens vnicam sectionem.

1. *An peccatum rectè diuidatur in illa tria membra.*

## DISPVTATIO V.

De causis propriis, &amp; interioribus peccatorum, continens sectiones nouem.

1. *An in voluntate possit esse peccatum.*
2. *An in intellectu possit esse peccatum.*

3. *An*



3. *An veniale, & mortale peccatum tribuendum sit rationi inferiori, vel superiori.*
4. *An in appetitu sensitivo possit esse peccatum mortale.*
5. *An possit esse veniale.*
6. *An omnis concupiscentia appetitus sit semper veniale peccatum solum ex defectu voluntatis.*
7. *An & quando delectatio appetitus sit mortale peccatum ex consensu voluntatis.*
8. *An in potentiis exterioribus sit peccatum.*
9. *An sit causa alia interna peccati.*

## DISPUTATIO VI.

De causa extrinseca peccati, continens unicam sectionem.

1. *Vtrum Deus sit causa peccati.*

## DISPUTATIO VII.

De effectu actualis peccati, qui est poena, continens sectiones quatuor.

1. *Vtrum poena, eiusque reatus sit proprius effectus peccati eius, qui punitur.*
2. *An peccatum possit esse poena alterius peccati.*
3. *Vtrum poena peccato mortali debita sit infinita, & aeterna.*
4. *An peccatum veniale mereatur aeternam poenam.*

## DISPUTATIO VIII.

De peccato habituali, quod ex actuali nascitur, continens unicam sectionem.

1. *An transacto actuali peccato aliquid habituale in anima maneat, quod vere sit peccatum, & quid sit illud.*

## DISPUTATIO IX.

De peccato originali, continens sectiones sex.

1. *An sit originale peccatum.*
2. *Quid sit.*
3. *De causis peccati originalis.*
4. *An peccatum originale ad omnes Adae filios deriuetur.*
5. *Quos defectus, vel poenas contrahamus in hac vita ratione peccati originalis.*
6. *Quae poena respondeat originali peccato in vita futura.*





TRACTATVS QVINTVS  
DE  
VITIIS, ET PECCATIS.  
PROOEMIUM.

**T**RACTATVS præfens complectitur doctrinam à D. Thoma traditam in 1. 2. à *quæst.* 71. usque ad 89. vitium ergo generali quadam significatione non solum, moralibus, sed etiam naturalibus rebus tribui solet: tamen in proposito solum ad animum humanum refertur, & interdum habitum prauum, interdum etiam actum significat, ut patet ex Augustino *lib. 3. de libero arbitrio cap. 14.* tamen D. Thomas utitur hac voce ad significandum habitum tantum ex Augustino etiam *lib. de perfectione iustitia cap. 4.* ex quo eliciunt aliqui, ut tractatu præcedenti initio disputationis 4. dicebamus, habitum malum nondum plenè formatum consuetudine, & usu non esse vitium: vnde Aristoteles 7. *Ethicorum cap. 1.* hoc modo videtur distinguere vitium ab incontinentia, quod videtur pertinere solum ad modum loquendi: nam in re constat eundem esse habitum, & numero, & tempore, & imperfecte acquisitum, seu inchoatum, & iam plene formatum, & perfectum. Peccatum quoque commune nomen est rebus naturalibus, & proprie significat actionem, vel defectum monstruosum deficientem à fine à natura intento, 2<sup>a</sup> *P. physicorum cap. 8.* tamen in proposito significat voluntarium defectum naturæ rationalis, & D. Thomas vult solum significare actum, licet interdum latius pateat vox *peccati*, ut statim dicam. Aduertendum autem præterea est peccatum & actum malum coincidere moraliter, tamen actum malum formaliter importare defectum in ordine ad subiectum: peccatum vero defectum rectitudinis in ordine ad finem: quod si finis sit particularis, in quo tamen deficiat actio humana, & non à fine ultimo, actus poterit dici peccatum non simpliciter, sed secundum quid, id est, in genere actionis, &c. & hæc peccata nihil referunt in præfenti, importat ergo peccatum, de quo loquemur, defectum rectitudinis in ordine ad finem ultimum: nunc autem hoc supponatur, nam postea probabimus.

DISPUTATIO PRIMA.

*De essentia, & gravitate peccati.*

**V**T hæc tota materia breuiter comprehendatur, notandum, tametsi supra dictum sit, nomen *peccati* ad actum moralem pertinere: latius tamen interdum patere rationem eius: distinguere enim solet à Theologis peccatum in actuale, & habituale: actuale propter conuersionem, & moralem malitiam, quas supra explicauimus, adiunctam habet inordinationem quandam à Deo ultimo fine, ratione cuius præcipue à Theologis consideratur, & peccatum nominatur, ut 1. 2. *quæst. 71. art. 6. ad 5.* D. Thomas aduertit, hoc autem peccatum quatenus conuersio est, habitum, seu vitium generat, quod vere peccatum non est, quia per se non auertit à Deo hominem in quo inheret, ut dicemus: ut tamen, peccatum actuale auersio est à Deo ultimo fine, quoddam habituale peccatum in anima relinquit, à quo transacto actu denominatur homo

peccare, ut infra patebit: & hoc habituale peccatum, aut propria voluntate contrahi potest, & dicitur personale: aut aliena, & dicitur originale peccatum. Ergo de actuali peccato tanquam forte agendum nobis est: postmodum vero de habituali, personali, & originali, quia illa participant rationem veræ culpæ, & veluti effectus quidam sunt actualis peccati. De ratione autem generali, & communi horum omnium, solum hoc videtur considerandum in eo conuenire, quod omnia continent auersionem, vel deordinationem voluntariam ab ultimo fine, reliqua omnia in singulis peccatis melius explicabuntur de habitibus autem vitiosis D. Thomas in tota prima secundæ nihil dixit præter ea, quæ in præcedenti tractatu notauimus.

(o)

SE-



## S E C T I O I.

## Quid sit actuale peccatum.

I. **Propositio** Prima propositio. Peccatum est actus, seu transgressio libera diuinæ legis, in hac definitione in se, omnes conueniunt cum D. Thoma & Mag. d. 35. & sumitur ex Ambrosio libro de Paradiso cap. 8. Augustin. 2. contra Faustum cap. 27. Nam quod ait ipse, dictum, factum, vel concupitum: nomine actus voluntarii comprehendimus. Idem lib. 2. de consensu Evangelistarum cap. 4. & lib. de duabus animab. contra Manich. capite vndecimo, & 1. retractionum capite decimoquinto, peccatum ait esse voluntatem faciendi quod iustitia vetat, nomine iustitiæ legē significans, actus ergo dicitur peccatum, vt illud ab habituali peccato distinguamus: liberum, vt à peccato naturæ separetur, & hoc modo dicit D. Augustinus libro tertio, de libero arbitrio, capite decimoquinto, & sequentibus, non esse peccatum, nisi sit voluntarium: & lib. de perfectione iustitiæ, responsione 4. & de vera religione, capite decimoquarto, de Natura, & gratia capite sexagesimo septimo, & locis citatis, docet libertatem esse de ratione peccati: Ambros. libro septimo de Cain, & Abel capite septimo, & in Psalmum 40. Epiphani. hæresi 16. liberum arbitrium dicit esse auctorem peccati, quod infra latius dicemus in disputat. 6. & ratio sumi debet ex dictis de malitia morali supra: est enim moralis priuatio vel honestatis, vel rectitudinis debitæ ad vltimum finem. non est autem moralis priuatio, nisi vbi adesse potest obligatio, & debitum: non est autem obligatio & debitum nisi vbi libertas: quia qui necessario agit, neque indiget lege, neque propter transgressionem eius, iuste puniri posset: vide Augustinum libro de gratia & libero arbitrio cap. 2. & epistola 46. ad Valenti. & de correptione, & gratia, fere per totum. Quia autem duobus modis contingit actum esse illicitum, scilicet per se, vel per alium: definitio ab utroque modo abstrahit vt comprehendatur etiam actio exterior. Reliqua definitionis pars distinguit actum peccati ab actu virtutis, & indifferenti. Dicitur autem contra legem Dei, non quia transgredi leges humanas non sit etiam peccatum, sed ad indicandum defectum peccati potissime sumitur in ordine ad Deum, & ad comprehendendum leges omnes: nam ideo transgressio cuiusque legis peccatum est, quia ibi includitur transgressio legis diuinæ naturalis, sicut nulla est potestas nisi à Deo, ita nulla lex obligat nisi in virtute diuinæ legis.

II. **Obiectio** Sed contra est primo, quia hæc definitio neque peccato omissionis, neque veniali conuenit, quia illud non est actus, & hoc non est contra legem. Respondeo primo actum non pertinere ad formale, sed materiale peccati, omisi autem fere semper fundatur in aliquo actu, licet per se, & formaliter non sit de essentia eius. Secundo ideo dixi, esse actum, vel transgressionem, vt comprehenderem omnem præuaricationem, & inobedientiam diuinæ legis. actuale tamen, & voluntarium, siue in agendo, siue in non agendo: aliter, & bene respondet Diuus Thomas, vt licet videre in illo 1. 2. quæst. 73. art. 1. De peccato veniali nunc breuiter dicitur, sicut analogice est peccatum, ita analogice definitionem peccati conuenire illi, vt suo loco dicemus disp. 2. sect. 4.

III. **Obiectio** Sed contra secundo ex Gregor. 2. d. 34. & 36. vbi negat peccatum esse actum, vel aliquid simplex, sed est (inquit) quoddam complexe significabile, scilicet, agere contra legem, ex D. August. libro 1. de libero arbitrio, cap. vltimo, dicente peccatum esse

neglectis rebus æternis, temporalia sectari. Idem ferel. 83. quæst. q. 30. Fundamentum eius est, quia non prohibetur actus, sed agere. Hoc vero nihil ad rem facit: nam quidquid est siue simplex sit, siue compositum, tamen suo modo vnum est, quod incomplexè potest, & debet concipi, & significari, vt peccatum significatur nomine furri, vel similibus: quod autem isto modo concipitur, potest sic definiti: vere ergo dicitur peccatum: seu quod subest huic nomini, esse actum: licet peccare sit agere Vide Caietanum citato art. 1. q. 73.

IV. **Propositio** Secunda propositio. Peccatum vt sic, est quoddam malum morale: id est, malum rationalis naturæ, vt ratione vitur. Est communis Theologorum, & significat sacra Scriptura, cum dicit peccatores fieri similes iumentis insipientibus, Psalmo 48. & ideo habere animam suis, 2. Petr. 2. vnde Augustin. 1. ad Simplic. q. 2. Propterea dicit peccatum esse hominis deordinationem, & peruersitatem, & ratio est, nam peccatum formale est contra legem: ergo contra rectitudinem rationis: ergo morale malum. Loquor autem formaliter, quia peccatum defectum significat, & ideo propria forma eius est deformitas, vt patet ex dictis.

V. **Propositio** Tertia propositio. Peccatum essentialiter etiam includit deordinationem aliquam ab vltimo fine. Est certa, nam propterea in Scriptura peccatum, vt lib. 7. de gratia cap. 14. à num. 46. probabamus, dicitur offensio Dei, impietas, &c. Isai. 1. Ierem. 2. Psalm. 13: & punitur: quod etiam ex parte Philosophi cognouerunt, vt patet apud Aristotelem 10. Ethicorum cap. 8. & apud Platonem in Phædone. Et ratio est: quia peccatum formaliter significat defectum rectitudinis debitæ operationis humanæ in ordine ad finem: hæc autem rectitudo præcipue attenditur circa vltimum finem. Confirmatur. nam lex est regula, quæ præscribit homini modum, quem seruare debet in suis operibus, vt ad finem vltimum perueniat: ergo hoc ipso quod peccatum est deordinatio à fine vltimo, est nonnulla iniuria ipsius legislatoris. Vnde act. Roman. 2. Per præuaricationem legis Deum inhonoras. Nam qui peccat virtute saltem, non vult habere Deum pro vltimo fine in illo actu, sed hoc ipsum est deordinatio quædam: ergo. Vide D. Thomam citato loco, & 1. p. q. 48 art. 6. & 2. 2. q. 10. art. 3.

VI. Ex dictis definitur dubium, quod Caietanus eodè loco disputat, an peccatum eo ipso, quod contra rationem est, sit aliquo modo contra Deum, & definit esse: quod principium verum est de peccato mortali, nam veniali solum analogice inconuenit, vt disputatione seq. sect. 4. melius exponetur. Addendum solum est non oportere hoc loco distinguere de Deo, vt finis naturalis est, vel supernaturalis, quia solum agimus de peccato actuali, huiusmodi autem peccatum semper continet deordinationem à fine naturali, à supernaturali vero cōsecutione quadam. Tum quia peccatum contra legem naturæ est etiam contra legem gratiæ, & virtutes infusas: tum etiā, quia supernaturalis beatitudo sine naturali rectitudine consistere non potest: si autē peccatum sit directe cōtra legē supernaturalem, primo auertit à fine supernaturali, ex cōsequētī vero à naturali, quia, vt supra dictum est tale peccatum aliquo modo, scilicet cōcomitāter, est cōtra naturālē rationē, quia hæc vetat deficere à Deo sine supernaturali debite pposito.

Sed quæret aliquis, quæ inordinatio sit magis essentialis peccato, illane, quæ sumitur ex ordi-



ne ad rationem: an illa, quæ sumitur ex ordine ad ultimum finem. Ratio, & interrogatio supponit has inordinationes esse distinctas, quod non est certum sed in disputatione: tamen quia saltem ratione differunt dico breviter, sicut actus virtutis, ut respicit bonum obiectum, bonus est, & inde habet debitum ordinem ad ultimum finem, ex quo denominatur *rectus actus*, ita actus peccati ex deformitate ad rectam rationem proprie dicitur *actus malus*: peccatum vero dicitur ex carentia rectitudinis ad ultimum finem, quod patet ex usu omnium loquentium de peccato, & ex his, quæ initio diximus de ratione eius, & quia supremus defectus actus humani est, qui sumitur in ordine ad Deum, & ultimum finem: peccatum autem est supremus defectus creaturæ rationalis.

## VIII.

Sed contra. Nam si quis cognosceret actum aliquem esse contra rectam rationem, ut tamen inuincibiliter ignoraret Deum, ille peccaret contra rectam rationem, & tamen nihil inordinatum ageret contra ultimum finem, quia ubi non est voluntas, ibi non est moralis deformitas, & ubi est ignorantia inuincibilis, non est voluntas. Respondeo quidquid sit an talis ignorantia sit possibilis, tamen illa posita, actus malus etiam careret illo ordine quem habere debet ad ultimum finem, & hoc non penderet ex cognitione, vel voluntate operantis, quia intrinsece, & essentialiter convenit hoc actui malo, ut malus est, sicut è contra, actus virtutis ratione suæ honestatis habet rectitudinem debitam ad ultimum finem, licet ab operante non referatur, vel etiam non cognoscatur. Aliam questionem tractat *ibidem* Caietanus, quid sit magis de essentia peccati auersione, an conuersio; & definit conuersionem esse magis necessariam, quæ tamen nobis non est necessaria, nam dicendum est, conuersionem esse materiale peccati, auersionem vero esse formale, reliqua quæ hic dici poterant de specificatione, & distinctione specifica peccatorum, petenda sunt ex dictis supra de malitia: aliquid tamen de peccatis mortalibus addemus disputatione sequenti.

## SECTIO II.

## Quid sit gravitas, &amp; quantitas peccati, &amp; unde sumatur.

I.  
Notatio 1.  
pro decisione.

Notatio 2.  
de quadruplici quantitate peccati.

II.  
De prima quantitate.

Supponendum primo est aliquam esse in peccato gravitatem, vel quantitatem, quod ex modo loquendi patet in scriptura Apoc. 14. *iuxta quantitatem delicti*, &c. Deuteronom. 21. *quantum glorificauit se*, &c. item patet, quia proprietates, vel deordinationes quantitatis peccato tribuuntur, ut esse magnum, vel paruum: æquale, vel inæquale, quæ omnia per metaphoram intelligenda sunt, eo modo quo dicuntur in qualitatibus. Aduerte vero secundo quod in peccatis quadruplex quantitas considerari potest ad modum, quo calor abstrahendo ab omni intensiōe habet primo certam quantitatem perfectionis essentialis. Secunda quantitas est quasi multitudinis, ut cum plures rationes peccatorum in eodem actu coniunguntur, quæ omnia patent ex usu loquendi, & ex sufficienti enumeratione.

Tertio ex dictis facile colligitur, unde metienda sit quantitas peccati, prima enim, quæ ad essentiam pertinet, inde mensuratur, unde oritur, scilicet proxime ex bono quo priuat; remote, & quasi ex radice, ex obiecto, ut D. Thomas 1. 2. *quest. 73. artic. 3.* docuit: ex quo principio definit ipse *artic. 4.* illud peccatum grauius esse,

quod perfectiori virtuti opponitur. In quo aduertere oportet eidem virtuti plura peccata specie diuersa posse esse contraria, ut iustitiæ furtum, & homicidium, &c. non est ergo intelligendum omnia peccata contraria virtuti perfectiori, esse in specie sua grauiora, quam peccata contraria virtuti inferiori, sed intelligendum est peccata, ex genere suo esse grauiora, quæ meliori virtuti contrariantur propriè vtendo nomine *generis*, atque adeo maximum peccatum contrarium meliori virtuti esse maius maximo contrario inferiori. Contingere tamen potest aliquod peccatum contrarium inferiori virtuti esse in specie sua maius, quam aliquod aliud contrarium superiori virtuti, ut fornicatio est maius peccatum, quam furtum, & ratio est, quia vnum peccatum non destruit totam vnā virtutem, sed quasi particulam eius, & ideo si peccatum minimū quid destruat in superiori virtute, alud vero destruat maximam perfectionem inferioris virtutis, hoc erit ex specie sua maius, ut furtum, quod solum destruit æqualitatem in rebus exterioribus remanentem, quod minoris momenti est, quam destruere castitatem. Sed contra. Nam minima rectitudo nobilioris virtutis, ut iustitiæ est maioris momenti, quam maxime inferioris. Respondeo negando antecedens, nam imo secundum rectam prudentiam, quæ debet esse iudex huius existimationis, actus inferioris virtutis sæpe est nobilior.

Sed quæret aliquis in vitiis, quæ opponuntur eidem virtuti per excessum, & defectum, unde intelligemus quod sit maius in sua specie, quia ipsum positum, quo priuat, non potest esse rectum, & in huiusmodi lege, v.g. vitium per excessum est maius, in liberalitate vero vitium per defectum est maius. Respondeo, in genere dici potest ex Aristotele 6. *Ethicorum cap. 6. & 7.* in his vitiis illud esse maius, quod magis destruit rectitudinem virtutis, cui opponitur: possumus autem aduertere quasdam virtutes per se ordinari, ut cohibeant hominem, ut humilitas: alias vero ut magis impellant, ut liberalitas. In prioribus virtutibus peccatum per excessum est maius, in posterioribus peccatum per defectum, cuius signum est manifestum, quia tale vitium semper est tali virtuti magis dissimile, ut auaritia liberalitati magis quam prodigalitas.

Ex hoc eodem principio definit D. Thomas in *ea quest. 73. artic. 5.* ex D. Gregorio peccata spiritualia esse grauiora carnalibus: quod eodem modo interpretandum est, ex genere suo, sicut præcedens doctrina: peccata enim spiritualia ex genere suo grauiora sunt, non tamen singulæ species peccatorum spiritualium excedunt singulas species peccatorum carnalium: imo in genere loquendo, quoad multas condiciones sunt peccata carnalia grauiora, quarum vna illa est, quia sunt magis turpia, & ideo maiorem inurunt infamiam, ut D. Thomas *citato articulo ad septimum adnotauit*, & indicat etiam Gregorius, & Augustinus. *soliloquiorum, cap. 10.* quomodo autem non semper peccatum, quod est turpius: sit etiam grauius, docet bene D. Thomas 2. 2. *quest. 119. artic. 2. ad 2. & q. 142. artic. 4.*

Quare quoad secundam gravitatem peccati dico oriri eam ex illis circumstantiis, quæ speciem non mutant, & quoad hoc eadem est ratio de peccato, quæ de malitia: quare condiciones quasdam peccatorum, quæ à D. Thoma inter causas peccati enumerantur, ut ignorantia, passio, & malitia, & peccatum augere possunt, quo circumstantiarum numero continentur, fere enim omnes illæ reducuntur ad circumstantiam quomo-

III.

IV.

Spiritualia  
& carnalia  
in hac 1.  
quantitate  
comparantur.

V.

De 2. quantitate peccati allata n.



quomodo: & ratione etiam huius grauitatis efficitur sæpe, vt peccatum ex specie sua minus graue, sit simpliciter maius, quam aliud: & ratio est, quia licet grauitas essentialis præcipua sit, tamen illa etiam, qui ex circumstantiis sumitur, tanti est in materia morali, vt interdum plus conferat secundum prudentem existimationem ad peccati augmentum morale, quam ipsum obiectum. Dices. Numquam in naturalibus contingit, vt res, quæ in essentia specifica est minus perfecta, in indiuiduo sit perfectior propter circumstantiam. Respondeo primo. Multi hoc negant, vt patet in cælo comparato ad multa animalia, & ratio reddi potest, quia absoluta perfectio creaturæ non ex sola substantia, sed etiam ex accidentibus magna ex parte constat, vt D. Thomas 1. part. question. 5. articul. 6. docet. Respondeo secundo, licet physice species maneat in indiuiduo; tamen in ordine ad mores, & vsus hominum in indiuiduo indicantur melius propter accidentia, vt patet in argento comparato ad aurum: in propositio ergo malitia, quæ physice videtur esse in essentia perfectionis speciei, in indiuiduo propter accidentia est simpliciter deterior in ordine ad mores hominum. Cuius signum etiam est, quia secundum rectam prudentiam tale peccatum existimatur maiori poena dignum.

VI.

De 3. quantitate peccati posita nu. 2.

De tertio grauitatis genere, nihil aliud dicendum est, quam illam ex circumstantiis, quæ speciem mutant, oriri: ex quo etiam fit, vt peccatum ex obiecto leuius, propter hanc quantitatem censeatur simpliciter grauius: quare hæc omnia pensanda sunt, ad ferendum iudicium de grauitate peccati, & illud præterea in his præcipue, quæ ex iure positum pendet: quam scilicet vim habet præceptum impositum, & quam obligationem legislator potuerit, & voluerit imponere, quod partim ex materia, partim ex forma, & verbis legis colligendum est.

VII.

Ex his tandem facile euertitur Stoicorum error, qui, vt refert Cicero 3. & 4. de finibus, & latius paradoxo 3. & 4. dixerunt omnia peccata esse paria, quos sequutus est postea Cyprianus, teste Augustino de heresibus in 82. & videtur fauere D. Basilus in questionibus breuioribus in 293. dicens in Testamento nouo nusquam peccatorum distinctionem maiorum, ac minorum reperiri, contra quem errorem disputat Augustinus supra, & epistola 29. ad Hieron. ad Hieronymum. libro 2. contra Iovinianum, & epistola ad Celantiam, & ex Scriptura patet quædam peccata esse maiora, quædam minora, Matthæi 5. à versu 19. Ioann. 19. Qui me tradidit tibi maius peccatum habet: & Ezechiel. 16. versu 47. & experientia, atque ratione constat, quia cum grauitas peccatorum, ex tam multis iam enumeratis insurgat, quæ non æque in omnibus peccatis reperiuntur, constat non omnia esse paria. Ratio etiam D. Thomæ 1. 2. question. 73. articul. 2. optima est, quia non omne peccatum omnem ordinem, & rectitudinem rationis destruit. Et hoc sensu ait, peccatum non esse puram priuationem: non quia necessarium sit omne peccatum, præcipue quoad formale eius, aliquid posituum continere, nã tota peccati deformitas priuatio est, & vere potest dari pura omisio, de diss. seq. sed quia nullum peccatum contrarium est omni rectitudini rationis, sed aliud rectitudini solum iustitiæ, aliud solum temperantiæ, &c. quia igitur non totum bonum tollit, ideo est non pura, id est, non totalis priuatio. Ex quo euidenter sequitur posse esse magis, vel minus grauem, sicut etiam perspicuum est, plura peccata destruere magis rectitudinem, Suarez in primam secunda D. Thomæ.

nem rationis, quam vnum, & consequenter e minus malum.

Rationes Stoicorum omitto, neq; D. Basilus contrarium sentit, homilia enim 12. ex variis, & homilia in Psalmo 7. & in 14. aperte docet fidei veritatem: quare ille liber questionum multo non probatur tanquam Basilii. Alii dicunt illa verba fuisse inducta ab hæretico, vel incipienti: vel certe Basilium solum docere Euangelium non attulisse distinctionem peccatorum, non tamen dicit eam abstulisse: vel, quod verisimilius est, vult perfectionem legis Euangelicæ à nobis requirere, vt peccata omnia diligenter caueamus, & quoad hoc nullam distinctionem faciamus peccatorum maiorum, vel minorum: quam tamen ipse indicat question. 4. in eodem libro, & eodem modo Hieronymus. in epistola citata ad Celantiam. vbi ex professo constituit inæqualitatem peccatorum, dicens in quolibet gradu æquale peccatum esse vel prohibita admittere, vel iuste non facere: solum enim vult ista omnia præcepta æqualiter, id est, sine distinctione personarum omnes obligare.

## DISPUTATIO II.

### De peccato mortali, & veniali.



N disputat. præcedenti nonnullas diuisiones peccati explicatas reliquimus, quia faciliores erant, nunc tres præcipue super sunt cognoscendæ, & exponendæ: quæ ad cognoscendam peccati essentiam, & grauitatem necessariæ sunt. Prima est ea, quam proposuimus, in qua peccati deformitas erit radicitus explicanda: de qua D. Thom. 1. 2. question. 73. articul. 5. & question. 88. & 89. nos vero de tota re hic dicemus.

### SECTIO I.

#### An sit aliquod peccatum mortale, & que sit eius grauitas.

PRIMA propositio. Certum est de fide multa dari peccata mortalia. In hac cõueniunt Catholici omnes, & hæretici, vt patet ex illis locis, in quibus peccatum vocatur mors animæ Matthæi 18. & 19. ad Roman. 8. ad Galatas 5. 1. Ioan. 8. Qui non diligit, manet in morte. In explicanda autem huius peccati ratione, est magna dissensio, & omisio hereticis, cum quibus disputabimus sect. 4. prima sententia est peccatum mortale esse illud, cui æterna poena lege Dei debetur, quam putat probatiorem Scotus 2. d. 21. & ea vti videtur D. Thomas supra, & August. tom. 9. in Ioan. & Enchirid. cap. 64. quæ sententia verum quidem dicit à posteriori: non tamen explicat rationem peccati mortalis, mortale enim est non quia tali poena puniatur: per iurium enim est peccatum mortale, licet non puniretur à Deo, & dæmones peccata mortalia committunt, quæ non puniuntur nouis poenis.

Secunda sententia affirmat peccatum esse mortale, quia diuino præcepto aduersatur, ita Scotus supra, & Gab. 2. d. 2. Quod si obicias hoc esse commune omni peccato. Respondet Scotus solum peccatum mortale esse verum, vt solum peccatum, & reliqua non esse contra præceptum,

I. 1. propositio dari peccatum mort.

De quidditate eius 1. sententia.

II. 2. Sentent.



sed contra consilium, quod non esse recte dictum infra demonstrabitur: & ideo Adrianus quodlibeto 7. q. 3. explicans hoc, dicit peccatum mortale esse contra præceptum in re graui, quod licet in re forte verum sit, tamen non explicat istius peccati rationem. Tertia sententia est D. Thomæ, qui istius peccati rationem in duobus ponit, in auersione scilicet peccantis ab ultimo fine vero, qui Deus est, & conuersione eiusdem ad creaturam tanquam ad vltimum finem, iuxta quam sententiam.

3. Sententia  
veterior.

III.  
2. Propositi-  
o pro 3. sen-  
tentia.

Secunda propositio est. Mortalis peccati deformitas in hoc consistit, quod per illud virtualiter, & moraliter plus amat peccator creaturam, quam Deum. Colligitur hæc conclusio ex illo Ioan. 10. *Qui diligit patrem plus quam me, non est me dignus*, id est, (vt exponit sancti) qui ob amorem patris præcepta mea transgreditur, Ioan. 12. *dilexerunt gloriam hominum plus quam Dei*, quod colligit Euangelista, quia timore humano non audebant confiteri Christum, quem cognoscebant. Ieremi. 2. *dereliquerunt fontem aquæ viuæ, & foderunt sibi cisternas*, &c. & ad Philppenses 3. *quorum Deus venter est*. ad Galat. 5. ideo auaritia dicitur idolorum seruitus. Idem potest colligi ex Tridentino sess. 6. c. 5. Augustinus 3. de libero arbitrio cap. 24. peccatorem (ait) velle sibi esse Deum, iuxta illud, *eritis sicut dii*. idem 10. de Trinitate cap. 10. & 14. de Ciuitate cap. 24. & lib. 21. cap. 26. & lib. 83. q. 1. 30. Chrysost. homil. 13. ad Philipp. conueniunt fere Theologi, & D. Thomas 1. 2. q. 53. & 2. 2. q. 34. art. 3. & quod 7. de malo artic. 9. Bonauent. in 2. d. 42. art. 2. Albert. q. 3. Durand. q. 6. Caietan. 1. 2. q. 1. art. 5. & videri potest Richard. 1. de distinct. peccati mortalis à veniali. Ratione probatur quia per peccatum mortale homo auertitur à Deo, secundum fidem: ergo non habet ultra Deum pro vltimo fine: ergo sua voluntate aliquid virtute dilexit tanquam vltimum finem: ac proinde super omnia. Secundo, qui mortaliter peccat, non diligit Deum super omnia, dicitur enim Ioan. 15. *Qui diligit me mandata mea seruabit*: ergo aliquid præter Deum diligit super omnia. Quia necesse est amorem hominis esse in aliqua re positum, iuxta ea, quæ diximus disput. 1. de vltimo fine in tract. 1. Tertio ex effectibus peccati, moraliter id potest probari: propterea n. est irreparabile humanis viribus, quia ipsum finem vniuersalem tollit, qui est totius boni principium, & præterea etiam illi est iniuncta poena æterna, vt supra diximus. Ex quibus intelligitur, quomodo mortale peccatum dicatur charitati contrarium: non enim contrarietas physica, sed moralis: eo modo, quo grauis iniuria est contraria amicitie, & eam dissoluit, & præterea quia forte priuat actum speciali honestate charitatis, vt infra dicemus. Ex dictis etiam fit, non quamcumque deordinationem, quæ circa Deum ipsum proxime versari potest, ad peccatum mortale pertinere: vt patet in odio Dei indeliberato, sed solum illam, quæ ita actui coniungitur, vt operantem ipsum ab vltimo fine auertat, & virtute, & moraliter faciat creaturam illi antepone, ex quibus soluuntur facile nonnulla, quæ Scotus in hac D. Thomæ doctrina cauillatur, quæ videri possunt in Caietano, qui omnes dissoluit rationes.

IV.  
Arguitur 1.  
contra hæc  
proposit.

Alia via arguit contra hanc veritatem Adrianus supra, primo, quia contingit mortaliter peccare ex ignorantia, imo putando obsequium se præstare Deo: ergo si quis ita peccat, non amat aliquid plus quam Deum, nam ex amore ipsius Dei peccat. Secundo sæpe aliquis ita peccat circa vnam creaturam, vt illi multas alias præferat vt cū quis peccat propter diuitias, propter quas

non perderet vitam, neq; honorem, & tamen illemet paratus est vitam ponere pro Dei fide: ergo signum est non amare illam creaturam, scilicet diuitias plusquam Deum. Confirmatur, sæpe aliquis ob amorem amici peccatum vitat, quod alias non vitaret: ergo plus diligit amicū, quam obiectum illius peccati, & tamen Deum plus diligit, quam amicū: pono enim amicitiam esse honestam: ergo, &c. Et idem argumentum est. Si quis ob amorem amici vnum Dei præceptum transgrediatur, nouem tamen obseruet propter amorem Dei, ille enim non videtur amicū diligere plusquam Deum, quandoquidem ex Dei amore plura facit bona. Tertio sæpe quis peccat spe veniæ, quam si non haberet, non auderet peccare, quia re vera non vult semper ea ere Deo: ergo signum est super omnia retinere amorem Dei, & solum in illo actu non exercere illum. Propter hæc argumenta Adrianus discedit à communi sententia, & negat eum, qui mortaliter peccat, constituere suum finem vltimum in creatura, & eam plus diligere quam Deum, qui tamen concedit, eum qui mortaliter peccat, iam non diligere Deum super omnia, in quo neque satis sibi constat, neque satis conuenienter loquitur.

Pro explicatione aduertendum est verum esse V. eum, qui mortaliter peccat, neque semper expresse contemnere, aut odio habere Deum, neque formaliter & explicate creaturam aliquam plusquam Deum, & cetera omnia diligere, neque etiam se, & sua omnia formaliter referre in aliquam creaturam, tanquam in finem vltimum: hanc enim expressam voluntatem non reperiri constat experientia euidenti: igitur secundum implicitam, & interpretatiuam voluntatem explicandum hoc est, nam re verita se gerit qui peccat mortaliter, vt moraliter censeatur, & conuincatur Deum deserere, & alterum finem vltimum sibi proponere: & ratio est, quia voluntarie compiecitur id quod Dei amicitie repugnat: item quia medium deserit ad verum vltimum finem consequendum necessarium, vnde quod in se est perpetuo se illa felicitate priuat.

Ad primum igitur argumentum Adriani respondetur ex D. Thomæ. quest. 7. de malo artic. 5. eum qui ex ignorantia peccat, licet putet se amare Deum, re tamen vera non amare, & ipso opere potius contrarium facere: esset simile, si quis ex beneuolentia amici emitteret sagittam, vel ense luderet, tamen ita incaute, vt amicū occideret. Vnde ad Romanos 10. eos Paulus dixerat *emulationem Dei habere non secundum scientiam*. Et subdit, *ignorantes iustitiam Dei, & suam volentes statuere, iustitiam Dei non esse subiectos*. Ad secundum respondeo, eum qui peccat, practice valde errare, & sibi ipsi non constare, nam sæpe non intelligit, quid magis, vel minus velit, & affectus habet contrarios, quia ista contrarietas non est expressa & formalis, sed, vt dixi, est interpretatiua secundum veram & prudentem estimationem moralem: & idem dicitur ad confirmationem, quæ fere idem probat. Atque idem est de illo casu, si quis nouem præcepta custodiens vnū prætermittat, nam hoc ipso totam Dei amicitiam parui pendit, quia hæc consistere non potest nisi integra legis obseruatione. Ad tertium respondetur idem, quod ad præcedens, nam illud de spe veniæ nihil refert, non enim tollit prauam voluntatem, sed augeat potius, & ille nihilominus quod in se est omnino deserit vltimum finem, quem per se iterum non potest obtinere.

SE-



## S E C T I O II.

*An deformitas proprie constituens peccatum mortale sit distincta ab illa, quam actus habet ex obiecto.*

I.

Argum. negatiue.

**N**on videtur esse distincta: quoniam malitia ipsa moralis ex obiecto sumpta per seipsam reddit actum inordinatum circa ultimum finem, & in hac deordinatione consistit ratio peccati: ergo non oportet fingere aliam grauitatem: sicut cum quis committit actum iniustitiæ, non sunt ibi duæ deformitates, alia contra rationem, & operantem ipsum, alia contra proximum, sed est vna, & eadem, quæ respicit rationem, vt regulam, & operantem, vt subiectum: & proximum, vt obiectum: ad hunc enim modum videtur peccatum mortale esse contra rationem, & Deum. Confirmatur primo. Nam diximus supra generales circumstantias actuum humanorum non addere specialem malitiam: actum autem aliquem esse deordinatum ab ultimo fine, est generalis conditio actus mali: ergo. Confirmatur secundo. Nam ista ratione rectitudo actus virtutis cum ultimo fine non reddit nouam honestatem, & simili modo agere contra obedientiam Dei non addit specialem deformitatem, quia id non est per se intentum.

II.

Resolutio vera.

Notatio pro resolutionis probatione.

Respondeo tamen peccatum mortale, vt sic, constitui ex speciali quadam deformitate, quam talis actus habet in ordine ad Deum vt ultimum finem, quæ fere semper distincta est à malitia, quam habet actus ex obiecto. Hoc satis indicat D. Thomas in tota hac materia de peccatis, & 3. p. q. 86. art. 4. ad quintum, & alii Theologi, & sancti citati, & vt probetur, & intelligatur, aduertendum est actum moraliter malum hoc ipso, quod est malus necessario carere debito ordine ad ultimum finem, & carentia huius rectitudinis, vt sic, non addit malitiam distinctam, vt fere probant argumenta facta, & exemplum de rectitudine actus virtutis: tamen non est ista carentia, quæ constituit peccatum mortale, vt sic: nam vt videbimus communis ea est peccato veniali. Præter hanc igitur carentiam rectitudinis addit peccatum mortale propriam quadam offensionem ipsius ultimi finis, & amoris illi debiti, quæ non iam consistit in illa carentia ordinationis, sed in quodam quasi contemptu virtuali ipsius ultimi finis. Ex quibus facile patet conclusio posita, quoniam ista propria deformitas, & malitia, quæ peccatum mortale constituit, sub diuersa ratione formali magis aduersatur rectæ rationi, quàm deformitas ex obiecto sumpta: nam hæc est contra rationem, prout est regula iustitiæ, temperantiæ, &c. Illa est contra rationem, vt recte dicat de amore, & existimatione habenda de ultimo fine: nam illa omni ratione est finita, hæc vero quodammodo infinita est, vt infra videbimus, illa pertinet ad malitiam conuersionis, ista vero ad malitiam auersionis, quibus malitiis secundum Theologos diuersæ pœnæ attribuuntur quod signum est illas esse distinctas. Et tandem istæ deformitates separari possunt saltem per ignorantiam inuincibilem, vt videbimus.

III.

Quæstio- la suborta ex resolutio- ne diluitur.

Sed quæret aliquis, in quo genere, & specie malitiæ sit hæc propria deformitas, quæ peccatum mortale constituit. Respondeo ex sententia Sanctorum, & D. Tho. supra tractata peccatum mortale vt sic, contrarium esse charitati, atq; adeo deformitatem hanc ad speciem malitiæ odij

*Suarez in primam secundæ D. Thom.*

Dei esse reuocandam, eo modo, quo malitia omnis, quæ ex circumstantia indirecte volita oritur, ad illud vitiū reducitur, ad quod pertineret si directe esset volita. Dices hæc deformitas non consistit in priuatione honestatis debite actui, quæ ad charitatem Dei pertineat, nulla enim talis honestas debetur semper actui morali. Respondeo non deberi absoluto præcepto, deberi tamē quasi conditionato præcepto, vel ex hypothesi, nam si homo operatur, tenetur sua actione non laedere amicitiam Dei. Ex quibus infero omnia peccata mortalia, vt mortalia sunt, habere aliquam deformitatem eiusdem speciei moralis, in qua conueniāt, licet differant in malitiis sumptis ex obiecto: id patet, quia conueniunt in ista malitia auersionis, quo modo intelligitur illud Iacobi, *Qui in vno offendit factus est omnium reus*. Aduertendum est autem in hoc aliquid speciale habere odium Dei formale, nam in illo est illa malitia quasi perfectissima, & formaliter, & directe, quia tale peccatum veluti directe fertur in ipsam auersionem, & ideo non videntur in illo actu esse duæ deordinationes, neq; ideo minus peccatum est, tum etiam, quia illa vna deordinatio est fortasse maior, quam duplex alia in aliis peccatis intentata: tum etiam, quia veluti duplici titulo virtute continet tale odium Dei, istam deordinationem, primum directe, vt dictum est, deinde virtute, quatenus tale odium ex aliquo inordinato amore alicuius creaturæ procedit, quam creaturam virtute creatori præfert.

Ad argumentum initio propositum patet solutio ex dictis, neque est simile illud de iustitia: quia reuera proximus pertinet ad obiectum iustitiæ, & consequenter etiam ad iniustitiæ obiectum. In proposito vero malitia, quam peccatum mortale habet in ordine ad Deum, distincta est ab illa, quam habet in ordine ad obiectum: negandum tamen non est veramq; esse contra rectam rationem, sed diuerso modo, vt dictum est. Ad primam confirmationem patet etiam responsio: nam finis ultimus ratione quadam est circumstantia generalis, quia omnes actus honesti saltem natura sua debent tendere in illum, & iidem si turpes sint carent debito ordine ad illum, tamen idem finis ultimus habet rationem particularis obiecti, vel circumstantiæ, quatenus proprio, & peculiari modo potest vel amari, vel odio haberi, &c. & hoc modo versatur circa illum peccatum mortale, vt mortale est, & per hoc etiam patet ad secundam confirmationem. Illud vero quod de inobedientia affertur, non est simile, quia actus turpes non semper sunt peculiari modo contra virtutem obedientiæ, neque formaliter, neque virtualiter, sed materialiter tantum: nam licet sint contra præceptum tamen non omnis præcepti observatio per se, & formaliter pertinet ad obedientiam, sed singula præcepta ad singulas virtutes referuntur, unde offendere isto modo Deum, vt legislatorem, non est proprium inobedientiæ, sed generalis conditio omnium vitiorum.

Sed superest vna difficultas circa dicta in hac, & præcedenti sectione. Nam fieri potest, vt aliquis cognoscens homicidium esse malum morale, etiam contra charitatem proximi, inuincibiliter ignoret esse contrarium Deo, vel ultimo fini: tum quia non est ita per se notum actum malum esse contra Deum, tum etiam quia potest ignorare quis inuincibiliter occidere proximum esse contra ultimum finem, quia neque formaliter, neque virtute talis ignorans vult auerti ab ultimo fine. Consequens videtur absurdum, primo quia ad peccandum mortali-

Notatio pro Dei odio.

IV. Ad argumentum in minimis.

V.

Dubium.



ter satis est transgredi legem naturæ cognitam, & præcipue agere contra charitatem proximi, Secundo, quia alias omnes gentes quæ ignorant Deum, vel istam offensionem Dei per actus nostros, non peccarent mortaliter: non ergo punirentur poena æterna propter actus suos malos.

## VI.

*Vulgaris  
dissolutio  
huius dubij.*

Ad difficultatem hanc communis solutio esse videtur, non obitante quacumque ignorantia inuincibili, vel de Deo, vel de fine ultimo, actum humanum moraliter malum, hoc ipso, quod est contra rationem in re graui, habere necessario coniunctam illam deordinationem & grauitatem, quæ propria est peccato mortali: quia hæc ex natura rei sequitur, & ideo nulla ignorantia impediri potest. Quæ quidem responsio haberet locum, si deordinatio hæc solum esset illa carentia rectitudinis actus moralis ad vltimum finem, quia hæc nullam grauitatem addit malitiæ morali, quam actus habet ex obiecto, sicut etiam patet in rectitudine actus virtutis: & hoc modo loquuti sumus supra section. 1. non tamen videtur posse habere locum ista responsio in deordinatione ista, quæ propria est peccati mortalis: primo, quia ista deordinatio, & auersio propria peccati mortalis est deordinatio moralis vere, & in specie distincta à malitia sumpta ex obiecto: ergo debet esse voluntaria, hoc enim est de ratione malitiæ moralis: ergo debet esse aliquo modo cognita. Secundo ista conuersio ad creaturas, vt ad vltimum finem, non est per expressam, & formalem voluntatem: debet ergo imputari secundum rectam moralem prudentiam, sed vbi est illa ignorantia, cum non sit neque virtualis voluntas, non potest homini rationabiliter imputari: ergo. Tertio qui id faceret, quod est peccatum mortale inuincibiliter ignorans, & putans esse veniale, sine dubio non committeret illam deordinationem propriam peccati mortalis: huiusmodi autem videtur esse dispositio operantis in casu difficultatis propositæ, nam, vt infra videbimus, peccatum mortale nihil aliud est, quam malum quoddam morale contrarium vltimo fini: tale vero non putat esse suum opus ille, qui cum tali ignorantia operatur.

## VII.

Quare dicendum videtur posita illa ignorantia, actum illius hominis habere totam illam malitiam moralem, quæ nata est ori ex obiecto prauo cognito, non tamen illam propriam deordinationem & prauitatem, quam proprie constituere diximus peccatum mortale. Ad inconuenientiam illa, quæ inferuntur. Respondet primum inconueniens esse potere talem ignorantiam inuincibilem, quæ forte per multum tempus in paucis hominibus reperiretur: tamen illa posita concedenda sunt cetera, quæ sequuntur: quod vero attinet ad poenam tali actui debitam, an futura esset æterna, quando quidem actus ille per se non priuat vltimo fine: an vero temporalis esse possit, dicemus infra agentes de peccatorum poenis.

## S E C T I O III.

*An malitia peccati mortalis sit infinita.*

## I.

*1. Sententia.*

Theologi affirmant, vt patet apud D. Thomam 1. part. question. 1. art. 2. sed in modo explicandi differunt, quidam censent illam malitiam esse infinitam simpliciter, quod tenet Medina. Cordic. de penitentia tit. de satisfactione quest. 1. Fundamentum sumitur ex argumentatione calculatoria, quia dignitas personæ offensæ aggra-

uat malitiam: ergo si dignitas Dei offensa est infinita simpliciter, etiam offensa. Confirmatur primo, quia in Deo sunt infinitæ perfectiones, quibus omnibus contrarium est peccatum mortale: sunt etiam infinitæ rationes propter quas prauum est offendere Deum quæ omnes augent malitiam. Confirmatur secundo, quia peccatum mortale constituit alium finem vltimum, tum etiam, quia quod in se est infert tristitiam Deo. Confirmatur tertio, quia hac sola ratione non potest creatura condigne Deo pro peccato vno satisfacere, quia non potest tantum reddere bonum, quantum abstulit. Alii vero Theologi communiter in 3. distin. 20. Paludan. quest. artic. 2. & in 4. distin. 15. Scotus §. quoniam ad primum, censent totam istam malitiam esse infinitam secundum quid, quod sequitur Caietanus 3. p. & mihi videtur verius.

Aduertendum est questionem esse non de illa malitia, quam habet peccatum ex obiecto prauo, nam illam omnes censent esse finitam, sed de illa peculiari deformitate, quam peccatum habet contra Deum, vt est auersio ab vltimo fine, in quo duo possumus considerare, primo speciem illius malitiæ, secundo quantitatem, & quasi intentionem illius malitiæ. Sit ergo prima propositio. Malitia illa secundum suam speciem non potest dici simpliciter infinita, sed bene secundum quid. Prima pars patet, quia est in specie malitiæ certa & determinata, quæ ab aliis speciebus distinguitur, & illas neque formaliter, neque eminenter continet: non formaliter, quia alias illa malitia formaliter esset malitia inuitiæ, infidelitatis, &c. non eminenter, quia non est veluti principium primum, & causa aliarum deformitatum, licet sit coniuncta sæpe cum multis malitiis. Confirmatur, quia hæc deordinatio ad speciem malitiæ odii Dei reducitur, imo in illa specie ex modo, quo committitur, habet imperfectam rationem: at vero odium Dei, & eius malitia est determinata, & finita species vitii, & malitiæ: ergo, &c. Secunda pars probatur primo, quia hæc malitia est contra infinitum obiectum: quare hoc modo dicitur obiectum infinitum, sicut charitas, vel lumen gloriæ: item quia ex specie sua est summe praua, & turpis inter omnes malitias, quæ esse possunt, etiam illa in infinitum multiplicentur, quia inter mala malus est malum culpæ, quam poenæ, & inter mala culpæ maxime in essentia grauitate, est odium Dei, & hanc grauitatem peccatum mortale participat, & hoc etiam confirmant rationes factæ initio. Dices, isto modo dicitur peccatum contra Deum infinitum secundum quid. Respondet concedendo: tamen in ista infinitate potest esse magis, & minus: quod aperte docet illam esse infinitatem secundum quid, & in hoc gradu peccatorum, caput continet odium Dei, & ideo illud est maxime infinitum.

Secunda propositio. Hæc malitia peccati mortalis non est infinita in quantitate, vel intensione. Probat primum, quia, supra diximus, non omnia peccata sunt æqualia, sed alia aliis maiora, vel minora: ergo non est infinita eorum malitia, sed habet terminum. Antecedens suadetur, quia peccata mortalia non solum sunt in æqualia secundum eam malitiam, quam habet ex conuersione ad obiectum, sed etiam in ea, quam habent ex auersione à Deo, quod patet, quia illa prior malitia sit grauior, vel minus grauis propter diuersum modum voluntarii, & ob diuersas circumstantias, sed ipsa etiam auersio potest esse diuerso modo voluntaria, & cum variis circumstantiis, quæ semper conferunt ad maiorem vel minorem

*2. Sententia.*

*II. Notatio pro decisione.*

*1. Propositio.*

*III. 2. Propositio.*



norem grauitatem cuiuscumque malitiæ moralis, quia illa non oritur ex obiecto solum, sed ex his omnibus, ut dictum est, & per se videtur notum. Confirmatur, nam maior malitia est contra Deum velle eum non esse, quam id velle indirecte, & in alio, v.g. volendo furtum: ergo inter ipsas malitias directe volitas, poterit esse inæqualitas ratione diuersi voluntarii, & circumstantiarum: nam generaliter, & per se loquendo, cum peccatum mortale grauius sit ex proprio obiecto, & per se: etiam est grauius, ut est contra Deum, quia in hoc est maior contemptus Dei, eo quod in se magis auertit à fine ultimo.

IV.

Eufasio facta probationis.

Dices illam malitiam esse infinitam quidem simpliciter, & nihilominus posse esse maius crimen, quia tota hæc infinitas licet dicatur simpliciter, in ratione quantitatis & intentionis, tamen absolute est infinitas secundum quid, scilicet intra certam speciem: in infinitis autem secundum quid, vnum potest esse maius alio. Sed hoc recte non dicitur inter infinita etiam secundum quid: quia qua ratione alias finita sunt, potest quidem esse vnum maius alio, non tamen sub ea ratione, quæ sunt infinita simpliciter, in quantitate: ut si esset calor simpliciter infinite intensus, posset quidem esse alia qualitas absolute maior, vel efficacior propter perfectionem essentiam, non autem posset intelligi calor intensior: sic autem est in proposito, nam ista deformitas, de qua loquimur, in omnibus peccatis mortalibus est eiusdem rationis: quare si in omnibus est infinita simpliciter, non esset maior, neque minor, & hæc conclusio magis ostenditur soluendo argumenta.

V.

Ad secundam in num. 1.

Ad primum respondetur, illum modum argumentandi potissimum habere locum in his, quæ sunt eiusdem speciei, vel ordinis, nam si arguendo fiat transitus ad res diuersarum specierum tantum concluditur infinitas secundum quid, ut patet à simili in cognitione, vel amore Dei, arguendo illo modo, quo amor est perfectioris obiecti, eo est perfectior, &c. unde tantum concluditur illam speciem quæ versatur circa infinitum obiectum esse altioris rationis. Potest quis obijcere. Quomodo ergo ex simili argumentandi modo concludunt Theologi meritum Christi esse infinitum simpliciter, & dignitate personæ meritis. Respondeo nunc non agimus de dignitate meriti, vel pænæ, sed de rectitudine, & deformitate, & quoad hoc eadem est ratio de operibus Christi, nam illa etiam habebunt finitam bonitatem, & intrinsecam.

VI.

Ad 1. confir. ibid.

Ad primam confirmationem respondeo non proprie dici, sed per exaggerationem esse infinitas rationes non peccandi, aut infinitas perfectiones in Deo, nam in se est vna ratio ad æquata, & vna perfectio: & licet per plures conceptus nostros possit distingui, tamen semper ratio formalis specificans hanc malitiam, vnica est, & vna honestas ipsi opponitur.

VII.

Ad 2. confirm. in eod. num. 1.

Ad secundam confirmationem dico etiam non proprie dici peccatum esse destructiuum, & contritatuum Dei per se: quia reuera etiam quantum est de se non habet vllam vim ad inferendam tristitiam, quia nihil potest efficere, quod vere sit Deo malum: nihil autem potest esse contritatuus Dei, nisi quod est vere malum eius; & in hoc valde est diuersa conditio hominis, & Dei. Deinde licet sit peccatum de se contritatuus Dei, non propterea tantam habere malitiam, quantam si destrueret Deum. Patet à simili, quia peccans contra Sanctum blasphemando illum, de se contritatur illum, & consequenter tollit beatitudinem, non tamen ita gra-

Suarez in primam secundæ D. Thomæ.

uiter peccat, ac si reuera illi tolleretur beatitudinem. Præterea in actionibus moralibus actionem esse damnificatiuam per se, si qui operatur est certus nullum de facto illaturum damnum, non multum aggrauat malitiam eius, pensandum est ergo tantum ex affectu operantis, unde in proposito concedo, eum qui mortaliter peccat, propterea grauissime peccare, quia virtute vult Deum non esse Deum, & aliquid præfert amori eius, & virtute vult alium vltimum finem sibi constituere præter Deum: & quia duo fines vltimi hominis simul esse non possunt, virtute vult Deum non esse, non tamen propterea voluntas hæc tantam habet malitiam, quanta videtur esse in illo obiecto, scilicet Deum non esse, quia, ut sæpe dixi, non semper voluntas contrahit totam bonitatem, vel malitiam obiecti, & ideo voluntas occidendi infinitos homines, non est infinite mala, & ratio est, quia malitia actus non consistit in obiecto; sed in tendentia ad obiectum, & in modo quo versatur circa obiectum: licet autem obiectum sit ratione aliqua summe malum, actus poterit versari circa illum, modo non summe malo, sicut etiam è contra contingit in actibus bonis.

Ad vltimam confirmationem respondeo non esse illam rationem, propter quam creatura non potest æqualiter satisfacere Deo pro iniuria illata, sed quia non potest suis viribus se conuertere ad Deum, à quo peccando se auertit, & quia maiorem habet improportionem ad satisfaciendum, quam ad faciendam iniuriam, quod latius exponitur initio operis de Incarnatione.

VIII.

Ad 3. confirm. in num. 1.

## SECTIO IV.

An sit aliquod peccatum ex sua natura veniale, & quæ sit eius ratio.

PRIMA sententia omnino negat, quam tenuit Iouinianus, & Pelagius, ut patet apud Hieron. *Varia hæc lib. contra Iouinianum*, maxime *dialog. 2. contra Pelagium*, hi enim sine distinctione vlla faciebant omnia peccata mortalia. Secunda sententia est similiter hæreticorum, qui etiam peccata omnia re ipsa mortalia esse fatentur, & tamen quodammodo venialia à mortalibus distinguunt. Hanc tenuit Vualeph, referente Vualdensi *tom. 2. de Sacramentis cap. 154.* qui dixit omnia peccata reproborum esse mortalia, prædestinatorum vero omnia venialia: hæretici vero huius temporis, aiunt esse mortalia, tamen quædam à Deo non imputari ad pœnam, & ideo esse venialia; unde Lutherus omnia peccata infidelium dicit esse mortalia, renatorum vero dicit omnia esse venialia; præter infidelitatem. Melancthon addit etiam in renatis esse quædam alia mortalia, illa scilicet, quæ committunt aduertentes se esse renatos, & idem fere dicit Bucerus, qui peccata omnia & sola ex malitia commissa, dicit esse mortalia in renatis. Fundamentum harum hæresium totale sumitur ex quibusdam locis sacræ Scripturæ, vbi sine distinctione asseritur peccata mereri mortem, Deuteron. 27. & Ezech. 18. *Anima quæ peccauerit, ipsa morietur*, & alia, de quibus infra. Ad hanc fere accedit tertia sententia Catholicorum, quæ etiam affirmat peccata omnia de se, si distincte iudicemus de illis, esse mortalia, & mereri pœnam æternam, tamen ex Dei benignitate factum est, ut quædam peccata venialia censeantur, neque expellant gratiam, neque puniantur æterna pœna, ita Gerson de *vita spirituali sect. 1. Almaÿn. tractatu 2. moralium cap. 32.* & Roffens. *art. 32.* Fundamentum

Quorumdam Catholicorum sententia.



mentum esse potest, quia omne peccatum etiam minimum habet eam deformitatem, & malitiæ infinitatem; quam habet peccatum mortale: patet, quia omne peccatum est offensio Dei, & præuaricatio legis eius.

**II.** *Notatio pro decisione.* Aduertendum est nomen peccati venialis variis modis interdum à Patribus usurpari, aliquando enim vocant veniale ex effectu, illud cuius veniam consequimur: aliquando vero ex causa, quod aliquo modo venia dignum est, quia ex passione, vel ignorantia commissum: ita Ambrosius *lib. de Paradiso cap. 1.* August. 21. *de ciuitate cap. vltimo*, & *libro de vera, & falsa poenitentia cap. 18.* tamen proprie veniale peccatum, de quo est questio, illud dicitur quod neque spiritualem mortem affert animæ, neque æterna pœna per se puniatur.

**III.** *Propositio.* Propositio prima Quædam sunt peccata modo nunc exposito, venialia proprie & vere: est de fide definita in Tridentino *sessio. 8. capit. 11. & 13. Can. 23. & 25. & sess. 14. cap. 5. & Canon. 7. & Mileuitan. cap. 7. & 8.* quam late ostendunt contra hæreticos Roffensis *supra*, & Vualdenſis Cocleus *lib. 2. contra Caluinum tract. 9.* Vega 14. in *Tridentinum*, Castro verbo *Peccatum*, heresi 11. Soto in 4. *dist. 15. q. 2.* Et probatur primo. Nam sunt quædam peccata, quæ non excludunt gratiam, neque iniustitiam coram Deo, quod inde colligitur, quia in sacra Scriptura tribuuntur iustis perseverantibus in amicitia Dei, *Prouerb. 14. septies in die caderet iustus. 1. Ioannis 1. Iacobi 2. In multis offendimus omnes.* quæ loca ita intelligit Augustinus *tract. 41. in Ioan. & in Enchiridio cap. 78. & de natura, & gratia cap. 16. & 38.* & eodem modo dicit esse *lib. 1. contra duas epistolas Pelagian. dicenda esse à iustis illa verba dimitte nobis debita nostra*, &c. propter venialia peccata, quæ quotidie committunt. Idem D. Hieronym. *dialog. 2. contra Pelag. vbi etiam vti-tur illa sententia Psalmi 31. Pro hac orabit ad te omnis sanctus in tempore opportuno: & illud Hebr. 5. de sacerdote, qui offerre primum debet pro peccatis suis; nam si iustus, inquit, non esset, non iuberetur offerre; neque etiam pro se si omni peccato careret.*

**IV.** Secundo, quia etiam Scriptura docet esse quædam peccata, quæ non puniuntur æterna pœna, quod Hieron. colligit ex illo *Matth. 6. Reus erit iudicii, reus erit gehennæ ignis.* vbi distinguuntur duo genera iracundiæ: alterum subiicitur gehennæ ignis, & pœnæ æternæ: alterum vero non: vt exponit etiam Chrysostom. *homilia 16. in Mattheum*, & Gregor. 21. *moral. capit. 5.* & primo colligitur idem ex 1. *ad Corinth. 18. vbi de illo, qui superadificat lignum, fenum, & stipulam, dicitur saluum fore, sed quasi per ignem.* in quibus verbis sancti peccata venialia intelligunt, quæ non igne æterno, sed quasi temporali puniuntur, quæ late profequitur D. Thomas 1. 2. *quest. 89. art. 2. ex Augustino lib. de fide, & operibus cap. 25. & in Enchiridio. cap. 78. & Ambrosio. Gregor. Hieron. & alios refert Vega lib. 14. cap. 4.*

**V.** Ex quo loco sumitur etiam tertia ratio, nam sunt quædam peccata, quæ in sacra Scriptura per res leuissimas significantur, quæ dicuntur etiam sine plenâ voluntate committi, & facili negotio condonari, quæ non conueniunt in peccatum mortale. Antecedens patet ex dicto loco, & ex *Matth. 5. vbi Hieron. ait significari per nouissimum quadrantem cum Origene homil. 35. in Lucam, & Matth. 7. dicit significari per festucam.* Idem Tertullian. *lib. de animis cap. 17. & Matthei 23. ait significari nomine culicis.* Idem Cyprian. *sermone de elemosyna, & lib. 4. epistola 2. Ambrosio. Lucæ 12. Emphenus Eusebius homil. 3. de Epiphania. Augustinus sermone 29. de verbis Apostoli, ait, in capit. 5. ad*

*Ephesios, per maculam, significari peccatum mortale, per rugam vero, veniale.* Idem libro de bono coniugali: & in *Enchir. c. 43. & in illis verbis Iacobi 1. concupiscentia parit peccatum, intelligit veniale, quod sine pleno consensu committitur, nam de mortali statim additur, cum consummatum fuerit generat mortem, id est, plene deliberatū. Item illud Iacobi 5. Si in peccatis fuerint, dimittentur eis. scilicet per extremam unctionem. De venialibus peccatis intelligit Gregor. 31. *moral. capit. 1. & cum eo Theologus in 4. d. 71. Idem etiam Gregorius 4. dialogorum capit. 23. docet ex Matth. 12. esse quædam peccata, quæ licet non remittantur in hac vita, remittentur in futura.* Ex quibus etiam satis constat hanc conclusionem haberi ex traditione Patrum, vnde Alexander Papa quintus post Petrum, instituit aquam benedictam in remissionem venialium, de consecratione *dist. 3. cap. aqua. & in eadem veritate consentiunt Scholastici in 2. dist. 21. 35. & 42. & in 4. d. 41. ratione agemus statim. vide quæ pro hac 1. propositione scribimus lib. 11. de grat. cap. 3. à num. 14.**

**VI.** *2. Propositio.* Secunda propositio. Peccata hæc non sunt venialia propter extrinsecam conditionem personæ committentis illa: neque quia Deus non imputat. Hæc etiam est de fide contra dictos errores, & patet primo quod non propter illas conditiones reprobi, & prædestinati: nam quid sit veniale, quid veniale peccatū, & per se patet, & colligitur ex Tridentino *sess. 14. cap. 5. Quis autem sit reprobis, vel quis prædestinatus, non constat nobis, iuxta Tridentinum sess. 6. cap. 5.* Secundo, quia sacra Scriptura docet prædestinatos mortaliter interdum peccasse Dauidem, Petrum, Paulum, qui blasphemum, & contumeliosum seipsum vocat: reprobos vero venialiter interdum peccare, de se est euident, nam verbum otiosum in reprobo non est mortale. Hæc vero sententia erronea supponit alium errorem, scilicet reprobis nullum peccatum vere remitti: prædestinatis autem nullum peccatum vnquam imputari, contra veritatem, & necessitatem Sacramenti Baptismi, & Poenitentiae. Et adductæ rationes fere eadem valent contra Lutherū, quia etiam illæ conditiones personarum, scilicet esse iustos, vel non esse reatos, non sunt nobis omnino notæ, & præterea Patres, & sacra Scriptura non ex conditionibus personarum, sed ex conditione, & veluti merito ipsarum actionum distinguunt venialia à mortalibus. Deinde sancti censent peccata Christianorum cæteris paribus esse grauiora, propter maiorem scientiam, & accepta beneficia, vt, supra agentes de malitia diximus, & colligitur ex 6. & 10. *ad Hebræos: ergo mendacium leue, vel verbum otiosum, non minus est in infideli: quam in renato.* Præterea hic error supponit: alios, scilicet peccatum vere mortale posse esse in iusto, conseruata iustitia, contra Paulum *ad Romanos 8. & totam primam Canonicam Ioan. Item supponit iniustitiam nullo peccato amitti, nisi infidelitate, contra quod differimus in materia de gratia.*

**VII.** Ex quibus colligitur hæreticum esse dicere peccatum veniale tale esse, quia Deus non imputat, licet in se mortale sit, est enim hoc contra innocentiam iustorum, quam, vt diximus, sacra Scriptura prædicat. Item est contra iustitiā Dei: & ea sacra Scripturæ loca, quæ peccata committentibus dignas minantur pœnas, *ad Galat. 5. ad Ephesios 1. 1. ad Corinth. 6. & passim.* Item contra bonitatem Dei, & ea loca sacra Scripturæ, quibus dicitur Deum odisse impium, & impietatem eius, *Iacobi 2. Qui in vno offendit, factus est omnium reus, & definitur hoc in Tridentino sess. 6.*



Mortaliter  
etiam pecca-  
tur & igno-  
rantia, aut  
passione.

Canone 15. tandem constat ex dictis hæreticum etiam esse dicere omnia peccata esse venialia, quæ sunt ex passione, vel ignorantia, tum quia ipsa ignorantia potest esse peccatum mortale, 1. ad Corinth. 14. *ignorans ignorabitur*; tum etiam, quia ex ignorantia committuntur grauissima peccata, ut Paulus de se ipso fatetur 1. ad Timoth. 5. *Blasphemus fui persecutor, & contumeliosus, sed ignorans feci in incredulitate, &c.* Colligitur ex 15. Ioannis, *sed hæc omnia facient vobis propter nomen meum quia nesciunt eum qui misit me.* & capite decimo sexto, *quia non nouerunt Patrem, neque me.* Marci ultimo, *exprobrauit incredulitatem eorum.* Actuum 13. *hunc ignoscentes.* &c. & cap. 17. *tempora quidem huius ignorantia despiciens Deus.* Simili modo Petrus, licet ex passione peccaret, tamen non ignorabat peccatum; dum flebat amare. Idem constat de peccato David, quod fuisse mortale ignorabat ipse, quod indicat, dicens *filius mortis est hic, qui fecit hoc.* Cui consentit Nathan, dicens, *tu es ille vir.* 2. Reg. 12. è contra vero posse esse veniale peccatum sine ignorantia, vel passione, constat in verbo otioso, vel mendacio leui.

VIII. Tertia propositio. Peccata venialia talia sunt natura sua. Est contra tertiam sententiam in n. 1. quæ omnino falsa est, & fortè plusquam temeraria. Hæc est communis conclusio Theologorum, & probari potest ex dictis, ideo enim sacra Scriptura comparat hæc peccata leuissimis rebus, ut ostendat has culpas per se, & in se ipsis, esse leuissimas. Præterea Patres non ex Dei reuelatione, sed ex conditione, & circumstantiis operis docent quid veniale sit, quid vero mortale, quod non posset fieri si hoc totum ex extrinseca Dei voluntate penderet. Et ratione patet, nam dupliciter potest intelligi, peccata, quæ nõ sunt venialia, benignitate Dei censerent talia; primo, quia reuera eam turpitudinem habent quæ inest propriè peccato mortali, Deus tamen eam dissimulat, & in hoc sensu coincidit hæc sententia cum illa hæretica de non imputatione, Secundus sensus est, omnia hæc peccata ex sua natura apta esse contrahere illam deordinationem, quia posset Deus, si vellet, talibus legibus hominem obligare, ut sub reatu mortalis culpæ teneretur omnia illa peccata vitare, quæ nunc venialia sunt; tamen iam in his peccatis illam deordinationem non inueniri, quia noluit Deus hominem ita obligare, quæ Dei est voluntas, & benignitas, non rei natura. Et hic sensus cum secundum naturas rerum procedat, & in illis fundetur, falsus est, non tamen hæreticus, nam ex natura rei præcepta Dei non magis hominem obligant, quam ipsis rebus, & actionibus sit consentaneum: vnde si expendamus naturalem rationem quæ legem ostendit naturalem, nulla esset talis lex quæ obligaret hominem sub mortali ad vitandas istas leues culpas, quia ipsamet naturalis ratio dicitur hæc ex natura sua esse leuiora. Confirmatur, nam si talis lex naturalis esset, illa certè nunc vigeret, quia gratia, & benignitas Dei non tollit obligationem naturalis legis, sed vim præbet ad illam seruandam; ergo si de facto non est talis lex, signum est non esse naturalem; neque dici potest eam quidem legem & nunc obligare, & tamen transgressionem eius esse, & reputari venialem ex Dei benignitate: hæc enim implicant, scilicet peccatum actu esse contra legem obligantem ad mortale, & non ignoratum: & peccatum esse reuera veniale.

IX. At dicit aliquis. Licet lege naturali transgressio aliqua non sit mortalis, tamen positio præcepto posset Deus illam prohibere sub mortali.

Respondeo, de potentia absoluta, & ut supramus Dominus non videtur dubitari, quin Deus possit: & hoc modo eius benignitati tribui potest, quod non fecerit, & fortè in hoc sensu pie exponi potest illa Catholicorum sententia, ut non coincidat cum hæretica: is tamen præcipiendi modus neque diuinæ sapientiæ, neque suauitatis prouidentia est consentaneus, & præterea non ideo esset negandum peccata aliqua esse ex natura sua venialia, nam præceptis posituius non sit, ut ea quæ ex sua natura mortalia sunt, fiant venialia, sed potius è contrariis præceptis fieret, ut quæ ex se tantum essent venialia, ob legis obligationem essent mortalia: sicut etiam interdum ea, quæ de se indifferentia sunt, possunt prohiberi sub peccato mortali, vel veniali.

Propositio quarta. Ratio venialis peccati in hoc consistit, quod præter moralem malitiam, quam ex obiecto & propriis circumstantiis habet, non habet illam propriam deformitatem mortalis, quæ in auersione à vero ultimo fine, & in conuersione virtuali ad creaturam, ut ad vltimum finem posita est. Hanc intendit D. Thomas in tota hac materia de peccatis, & quest. 7. de malo art. 1. & ratione probatur ex dictis, nam peccatum veniale, ex natura sua differt à mortali: ergo natura sua caret ea deformitate quæ & propria est peccati mortalis, & quæ illud constituit. Ratio autem à priori istius carentiæ est, quia sunt res quædam, quæ licet minus rectæ sint, tamen adeo sunt parui momenti, & ponderis natura sua, ut non sint media simpliciter necessaria, vel ad obtinendum vltimum finem, vel ad cõseruandam Dei amicitiam, & ideo, qui in his delinquit, neque expressè, ut constat, neque tacite, neque virtute aueritur, à Deo vltimo fine, ut patet ex contraria ratione, propter quam peccatum mortale virtute includit istam deformitatem. Antecedens primo in genere patet, quia ratio amicitia postulat, ut non pendeat ex rebus leuissimis, & idem est de adeptione vltimi finis, quæ res est omnium grauissima. Secundo in particulari patet, maxime in his peccatis venialibus, quæ ex subiectione, & ex indeliberatione committuntur, nam istæ actiones indeliberatæ vix dici possunt humanæ, nisi imperfectissimo modo, & ideo non possunt esse media necessaria ad vltimum finem, quia finis vltimi amor est res, quæ maxime indiget deliberatione: ergo, &c. vnde D. Thomas etiam illa peccata mortalia, quæ circa Deum ipsum videntur versari, ut odium Dei indeliberatum, non vult circa illum versari tanquam circa vltimum finem, sed potius ille defectus est quasi circa quoddam medium secundum prudentem estimationem moralem, est enim defectus quidem circa debitum vsum, & exercitium ipsius voluntatis hinc; & nunc, & in hoc actu: atque adeo retardatio quædam in operatione circa vltimum finem quasi materialiter sumptum, in aliis autem peccatis venialibus, quæ talia sunt, vel ex genere, vel ex leuitate materiæ, satis constat ex conditione ipsius materiæ, vel actionis, circa quas versantur talia peccata, illas non esse res necessarias simpliciter ad vltimum finem. Sed contra. Nam D. Chrysostomus homilia 40 ad populum, inquit, non leuius esse peccatum furari duos obolos, quam magnam auri quantitatem. Respondeo, aperte loquitur de eo, qui voluntatem habet furandi plura, si posset, tamen in effectu solum furatur duos obolos, quia non inuenit aliam quantitatem, & hoc ex contextu facile colligitur.

Sed obijciunt hæretici, nulla actio potest re-

li 4 puta-

X.  
4. Propositio  
tio.

xi.



Obiectio ha-  
reticorum  
refellitur.

putari parui momenti, quæ impedit executionem maximi præcepti charitatis, quo tenemur Deum semper tota mente amare. Respondeo; idem argumentum fieri potest de quolibet humano opere: non ergo tenemur illo præcepto semper occupari in actuali amore Dei, sed suo tempore & modo: habitualis vero Dei amor non repugnat esse cum peccatis venialibus quia hæc, ut dictum est, non sunt contrariæ amicitiæ. Aliter etiam obicitur contra ultimam conclusionem, nam per veniale peccatum constituit hominem alium ultimum finem præter Deum, quia illud peccatum habet aliquem ultimum finem, & non Deum: ergo. Respondet quis esse verum de fine operis, non vero operantis, ut diximus sectione 1. Contra est: nam hoc ipso tollitur Deo tota ratio ultimi finis, sicut qui à prima causa aliqui eius vel minimum subtraheret, quod ab ipsa non fieret: totam rationem primæ causæ euerteret, ita etiam qui à fine ultimo aliquid subtrahit. Respondeo; licet is, qui venialiter peccat, non referat peccatum suum in Deum, ut in ultimum finem, non propterea virtute aut interpretatiue vult illum non esse ultimum finem. Ratio est, quia non ideo non refert, quia vel expressè, vel tacite indicet, aut velit Deum non esse illum, in quem bona omnia sunt referenda, sed solum vult non nihil circa creaturam immorari; non est autem de ratione ultimi finis, ut omnia quæcumque, & qualicumque illa sint, siue bona, siue mala, in illum referantur, sed solum ea, quæ bona sunt: unde qui peccatum veniale in Deum non refert, nihil Deo subtrahit, quia illud non est referibile in Deum, licet hoc ipsum (scilicet aliquid velle quod in Deum referibile non sit) aliquid malum sit, non tamen est gravis iniuria ipsius ultimi finis, & ad illud de prima causa agente patet eadem responsio, est enim de ratione talis causæ esse causam omnium bonorum, non tamen peccatorum, ut sic.

XII.  
Ad fundam.  
in n.1.

Ad fundamentum hæreticorum in principio positum, respondeo in illis, & similibus sacræ Scripturæ locis, sermonem esse de peccato tantum mortali, ut *sect. sequenti* melius exponemus, ubi etiam satis faciemus illi fundamento contrariæ sententiæ.

## SECTIO V.

### Qualis sit ista divisio peccati in veniale & mortale.

I.

In hac quæstione multæ includuntur, quæ ad duas reuocari possunt. Prima est, quomodo ista membra inter se differant. Secunda, quid sit id quod in ea diuiditur, & quomodo conueniat membris diuidentibus. In priori quæstione prima sententia affirmat peccatum veniale, & mortale accidentaliter differre, quia per se in aliqua specie malitiæ conuenire possunt, in qua differunt secundum maiorem, vel minorem grauitatem: ita multi Thomistæ opinantur propter doctrinam D. Thomæ 1.2. *quæst.* 7. *art.* 5. Secunda vero sententia affirmat, hæc duo membra differre essentialiter, quæ colligitur ex D. Thomæ 1.2. *q. 7. art. 3. ad 1. & 2. & artic. 1. & 2.* dum inquit, hæc esse analogice peccatum, nam analogia non est inter ea quæ sunt eiusdem speciei. Idem *quæstione* tertia de malo, articulo octauo, Bonauentura 2. *dist.* 42. articulo secundo, *quæstione* prima. Carthusian. 2. *dist.* 1. *quæstione* 5. Capreol. d. 45. & 49. Nauar. in *præudio* 9. qui refert alios, tamen hæc res ex dictis facile potest expediri.

1. Sententia  
de differētia  
accidentali  
inter veniale  
& mortale.

2. Sententia  
opposita.

Prima propositio. Peccatum mortale de se, & ut tale est, habet aliquam deordinationem specie distinctam ab omni ea, quæ est in peccato veniali. Probat, nam illa prauitas, quæ est directe contraria ipsi ultimo fini, ratione cuius homo auertitur ab ipso, & conuertitur ad creaturam ut ad ultimum finem, est propria speciei deordinationis, & prauitatis mortalis, & hæc non potest reperiri in peccato veniali, ut etiam ostensum est, & in hoc sensu vera est secunda sententia.

II.  
1. Propositio

Secunda propositio. Malitia, & deordinatio mortalis, quæ sumitur ex obiecto proximo, esse potest eiusdem speciei in peccato mortali, & veniali, ita intellegendus est D. Thomas citatus, & conciliari potest, nam patet conclusio in furto graui & leui: si enim considerentur quatenus habent malitiam iniustitiæ, conueniunt in specie, habent enim idem obiectum, solumque differunt in quantitate materiæ, quæ est accidentalis circumstantia. Confirmatur, nam ab eodem vicio secundum eandem propensionem fiunt, & hoc modo dicunt etiam Theologi circumstantiam, & si non mutet speciem, posse interdum mutare actum de veniali in mortale, quatenus ratione circumstantiæ fit, ut ea malitia in propria specie sit grauior, ex quo consequitur altera deordinatio.

III.  
2. Propositio

Dicit quis: Quomodo potest fieri, ut malitiæ conuersiones sint eiusdem speciei, & tamen propter solam accidentalem grauitatem ex vno sequatur illa grauissima deformitas, quæ est in peccato mortali, & non ex alia, nam ex eadem essentia eadem proprietates sequuntur. Respondeo quantitatem, v. g. materiæ circa quam, vel aliam similem circumstantiam posse efficere, ut secundum rectam prudentiam ea res existimetur medium necessarium ad conseruandam charitatem Dei, vel proximi, & non in minori quantitate, & ideo solum augmentum in huiusmodi circumstantia posse esse sufficiens ad contrahendam deordinationem mortalem, neque enim ista deordinatio auersionis sequitur ex illa malitia conuersionis tanquam proprietas ex essentia, sed quasi concomitatur illam, quia est virtualiter voluntaria. Sed contra, ergo odium Dei, quod est veniale ex indeliberatione actus, habet malitiam mortalem eiusdem speciei cum odio, quod est peccatum mortale, nam illi actus habent idem obiectum: & differunt sicut furtum graue, & leue. Respondeo primò, licet in aliqua malitia conueniunt, tamen in odio deliberato semper est aliqua deordinatio in qua differunt, quia scilicet illud odium perfectum est conuersio virtualis ad creaturam, ut ad ultimum finem, & perfecta, & quasi formalis auersio à Deo, quæ non conueniunt odio indeliberato. Secundo potest negari consequentia, quia actus indeliberatus in genere moris quasi differt genere ab actu perfectè humano, & ideo omnis malitia, quæ in tali actu fundatur, est quasi genere diuersa, quod aperte docuit D. Thomas 1.2. *quæst.* 88. *art.* 6. ubi Caietanus multum laborat, tamē res non videtur difficilis, quia cum istæ deordinationes, aut malitiæ sint morales priuationes, ut diximus, & priuatio respiciat subiectum, & capacitatem eius variatà subiecti capacitatem, (ut variatur in actu deliberato, & indeliberato) variatur etiam ratio priuationis, quod bene indicauit Durandus 2. d. 42. *quæst.* 6. & iuxta hanc doctrinam secunda conclusio solum habet locum in actibus perfectè humanis, & deliberatis.

IV.  
Dubium

Instantia.

Iam circa secundam partem huius sectionis variæ sunt etiam sententiæ: prima dicit istam di-

V.

uisio-



1. Opinio de qualitate diuisionis peccati in mortale & veniale.

uisionem esse subiecti in accidentia, quia illa deformitas mortalis peccati, veluti accidit actui morali: & tamen non negat hac sententia mortale, & veniale realiter & specie differre, sicut lucidum, & tenebrosum formaliter specie differunt, licet diaphanum diuidatur in illa duo membra tanquam subiectum in accidentia. Sic ergo mortale, & veniale ad actum malum moralem comparantur, quatenus ille constitutus est in prima sua specie malitiae: quod ex dictis probatur, quia illa deformitas, quae constituit peccatum mortale, est quasi indirecte voluta, & secundario, & potest adesse & abesse manente eadem specie malitiae, ut magis ex infra dicendis constabit.

VI. Refellitur hac opinio & confurgit 2. opinio.

At enim non solum isto modo diuiditur actus moralis, ut malus est, in peccatum veniale, & mortale, sed etiam formaliter peccatum, ut peccatum est, nam hoc modo videntur peccatum veniale, & mortale in aliqua communi ratione conuenire. Et hoc modo est secunda sententia quae affirmat hic diuidi quandam communem rationem peccati, quae vniuocè dicitur de peccato mortali, & veniali: ita Durandus *supra*. Et probatur, quia in sacra Scriptura nomine peccati absolute dicti, comprehenditur veniale, Ioannis 20. *Quorum remisistis peccata*. Item 1. Ioan. 1. *Si dixerimus, quia peccatum non habemus*. & eodem modo de consecratione d. 3. dicitur simpliciter aquam benedictam remittere peccata, & Sancti & Concilia definiunt nullum hominem sine specialissimo privilegio carere peccato actuali, item Augustinus *lib. de mendacio, & contra mendacium*, absolute docet omne mendacium esse peccatum, & tamen illud esse veniale tantum ex suo genere. Ratione etiam probatur. Peccatum veniale est simpliciter actus malus, & rationi deformis: ergo simpliciter peccatum. Patet consequentia, nam omnis actus bonus eo quod est bonus, eo ipso est rectus: ergo omnis actus malus hoc ipso, quod malus, est obliquus, & hoc est esse peccatum. Confirmatur, nam poena respondet culpe, & peccato, sed poena peccati venialis est simpliciter poena: ergo illud est simpliciter peccatum.

VII. 3. Opinio.

Tertia sententia negat veniale peccatum esse simpliciter peccatum: & consequenter affirmat diuisionem esse analogicam. tenet D. Thomas *supra*, & Caietan. & alii in 2. dist. 42. & Vega 14. in *Tridentinum cap. 13.* admittit diuisionem esse analogicam, & tamen veniale peccatum esse omnino simpliciter. Probatur ista sententia primò, quia sacra Scriptura nomine peccati simpliciter dicti frequentius intelligit tantum mortale. Ezechielis 18. *Animam quae peccauerit, ipsa morietur*. circa quem locum videatur Augustinus 6. *contra Iulian. cap. 45.* Item ad Romanos 6. per totum, Ioan. 3. *Qui in eo manent, non peccant*: & Iacobi 2. & Matth. 5. & Deuteronomio. 26. in quibus locis sermonem esse de solo peccato mortali constat, tum ex poena quae apponitur, & exemplis, quae in illis locis subiunguntur, & ex ipso contextu, & intentione.

VIII. Suadetur 2.

Ratione quoque probatur, quia, ut initio huius tractationis diximus, ratio peccati sumitur ex deordinatione circa vltimum finem: hanc autem deordinatio proprie, & per se reperitur in mortali, in veniali vero tantum secundum quid, quia non per propriam, & speciale in prauitatem, sed generali quadam ratione. Confirmatur, quia veniale peccatum de se est quasi deordinatio circa medium: circa finem vero, non nisi consecutione quadam mortale vero directè importat deordinationem circa finem. Hanc tamen controuersia magis ad modum loquendi,

quam ad rem ipsam spectat, & ideo si rem tantum metaphysice consideremus, reuera hic non apparet analogia, quia veniale peccatum in se habet, quasi inherētem sibi quandam defectum debiti ordinis circa vltimum finem, & ab illo potest denominari absque vllō ordine ad peccatum mortale: vbi vero non est respectus vnius ad alterum, non est proprie analogia: tamen, loquendo moraliter, & Theologicè, dicitur hanc denominationem analogam & secundum quid, quia in moralibus, quod adeo leue est, quasi nihil reputatur: item quia hanc deordinatio venialis peccati maximè ponderatur in moralibus quatenus est dispositio ad mortale: tum demum quia peccatum veniale non denominatur tale solum, quia caret illo debito ordine ad vltimum finem, sed etiam quia caret illa propria deformitate peccati mortalis, & hoc modo in tali denominatione habet semper respectum ad mortale peccatum. Quae circa in sacra Scriptura raro nomine peccati simpliciter dicti, comprehenditur veniale: & quando id contingit, ideo est, quia ex adiunctis, vel qualitate materiae facile intelligi potest de qua re sit sermo, sicut etiam nonnunquam poena vocatur simpliciter peccatum ad Romanos 7. per totum. 2. ad Corinth. 5. *Pro nobis peccatum fecit*, &c. cum tamen proprie non sit peccatum, quod ex adiunctis constare potest.

Primum dubium ex dictis definitur.

Ex decisione huius difficultatis facile potest alia similis definiri, videlicet: An veniale peccatum sit contra legem, necne: nam quidam simpliciter affirmant, sic Durandus *supra*, & Vega Adrian. quodlibeto 6. articulo secundo, Castro lib. 1. de lege poenali capite quinto, & Navarr. praeludio sexto, num. 17. Alij simpliciter negant, & volunt tantum esse contra consilium. Scot. in 1. dist. 21. Gabr. d. 22. sed non recte loquuntur, quia consilium nullam inducit obligationem, & ideo agere contra consilium per se non est malum, alias non seruare virginitem esset malum, contra Paulum. Aliorum sententia dicit non esse contra, sed praeter praeceptum. Alia denique sententia distinguit praecepta maiora, & minora, iuxta illud, *Qui soluerit vnum de mandatis istis, & dicit veniale peccatum esse contra praecepta minora*: ita ait Latomus contra Lutherum.

IX. Veniale aut sit contra legem.

Prima propositio. Peccatum veniale aliquo modo est contra praeceptum. Probatur, quia est contra dictamen rectae rationis, item quia vbi non est lex, ibi neque malitia, ad Romanos 3. Item aliqua lex prohibet mendacium, Leuit. 19. *Non mentiemini*, & Eccles. 17. *Noli velle mentiri*, &c. ergo mendacium licet sit ex suo genere veniale, tamen est contra legem.

X. 1. Propositio

Secunda propositio. Moraliter loquendo veniale peccatum non censetur contra legem, nisi secundum quid. Colligitur assertio ex Matth. 19. *Si vis ad vitam ingredi, serua mandata*: & qui venialiter tantum peccat, ad vitam ingreditur, seruatur ergo mandata. Ioan. 14. *Si diligitis me, mandata mea seruare*. diligit autem, licet peccet venialiter: unde Luca 1. dicitur de Elizabeth & Zacharia, *incedentes in mandatis Domini sine querela*: qui tamen sine dubio venialiter peccauerant: & tandem omnis iustus dicitur legis seruatur, ad Romanos 3. Respondet Vega illud esse, non quia veniale peccatum non sit contra legem, sed quia cum sit minima quaedam transgressio, non denominat eum, qui praecipua obseruat mandata: sicut minimus calor non denomi-

XI. 2. Propositio



nominat subiectum in quo est, proprie calidum. Sed contra, quia non solum subiectum, sed etiam actio non dicitur in sacra Scriptura præuaricatio legis: deinde iustus non solum præcipua, sed etiam omnia præcepta obseruat: ergo nullum transgreditur proprie, licet venialiter peccet.

XII.

Secunda ratio reddi potest pro eadem assertionem, primo ex morali existimatione, vt *sect. præcedenti*. Secundo, quia adimpletio legis est charitas, *Matthæi 22*. Vnde primum præceptum est præceptum charitatis: reliqua vero in tantum habent rationem præcepti, in quantum illo nituntur, iuxta illud *Matthæi 22*. *Vniuersa lex pendet, & Prophetae*: quare licet præcepta reliqua sint distincta in se à charitate, tamen id, quod charitati contrarium non est, nulli præcepto censetur esse perfectè contrarium: veniale autem peccatum est tantum præter charitatem, id est, secundum quid contra illam. Tertio. In peccatis venialibus ex indeliberatione ratio reddi potest, quia lex non imponitur nisi ratione intentionis: actus autem indeliberatus non simpliciter, sed secundum quid est rationalis, & humanus, & ideo non simpliciter, sed secundum quid, est transgressio legis. In aliis vero peccatis venialibus ex leuitate materiæ, ratio potest sumi ex fine, est enim præceptum regula quædam præscribens medium, quo perueniendum est ad finem; & ideo solum illud dicitur simpliciter præceptum, quod est simpliciter, & absolute necessarium ad finem consequendum: huiusmodi autem præceptum non frangitur nisi per peccatum mortale, quod bene docuit Bernardus *libro de præcepto, & dispensatione*.

XIII.

Satisfit aliis  
sententiis in  
num. 9.

Et ad hanc ferè sententiam accommodari possunt aliz in num. 9. relatæ: Scotus enim late vsus est nomine consilij, vt comprehendit omnia, quæ ad salutem non sunt simpliciter necessaria: cum tamen consilium proprie non ita late pateat, sed directionem solum significet ad ea, quæ meliora sunt eligenda, vt patet *1. ad Corinth. 7*. Eodem etiam ferè sensu distinguit Latomus præcepta maiora à minoribus, licet non semper peccatum veniale, & mortale aduersentur diuersis præceptis, vt patet in incestu graui, & leui: interdum vero contingit legem aliquam solum prohibere venialia, quæ merito dici potest solum esse præceptum secundum quid, & veluti quoddam medium inter præceptum, & consilium.

### Dubium 2.

XIV.

Veniale an  
sit offensa  
Dei.

1. Propositio

Secundo definitur ex dictis aliud dubium. An peccatum veniale sit offensa Dei? nam D. Bonauent. *supra* simpliciter negat, quia hoc peccato non præfertur creaturæ Deo. Alij simpliciter affirmant, vt Vega *supra*, cui fauet illud Iacobi 2. *In multis offendimus omnes*, quod de peccatis venialibus intelligitur. Dicendum tamen est primo sicut in præcedentibus. Primo hoc peccatum aliquo modo esse offensionem Dei. Patet primo, quia aliquam deordinationem continet in ordine ad vltimum finem, alias non esset vlllo modo peccatum. Secundo, Deus omne peccatum etiam veniale odio habet, quia aliquo modo pugnat cum eius bonitate infinita. Tertio, tale peccatum est contra legem aliquo modo, ac præter Dei voluntatem, & propter hæc Sancti exaggerant quodcumque veniale peccatum. vide Vegam *supra cap. 16*. & hoc præcipue verum habet in quibusdam peccatis venialibus, quæ non solum respiciunt Deum, vt finem vlti-

mum, sed etiam; vt obiectum, & præcipue si deliberatè fiant vt verbum otiosum, mendacium, vel alia transgressio legis, vel voti in leui materia.

Secundo addendum est, non simpliciter, neque propriè veniale peccatum esse offensam, vel iniuriam Dei, sed tantum secundum quid, & analogicè. Et in primis si sit actus indeliberatus, id constat, quia offensio, vel iniuria propriè non fit sine actu humano: at vero illa non est simpliciter actus humanus. Deinde si veniale sit quod ad Deum non pertinet, non est alia ratione offensa Dei, quia peccatum mortale non est, neque ex hac offensione contrahit propriam speciem malitiæ, & ideo quasi materialiter potius quam formaliter est Dei offensio. Tandem si malitia ipsa venialis peccati versetur proxime circa Deum, & non versetur circa illum formaliter, vt vltimus finis est, adeo est leuis, vt nihil fere censeatur ad Dei honorem pertinere secundum moralem existimationem.

### Dubium 3.

Tertio definitur aliud dubium, an in peccato veniali sit infinita malitia? Et dico breuiter primo non esse in peccato veniali illud genus malitiæ infinitæ, quod est in peccato mortali. Hoc patet ex dictis, quia in peccato veniali non reperitur illa malitia: ergo neque infinitas eius.

Secundo dico malitiam peccati venialis non posse propriè, & simpliciter dici infinitam, nam maxime talis diceretur ex deordinatione circa Deum, sed propter hoc non, quia illa deordinatio non confert specialem grauitatem formalem, sicut nequè è contra actus bonus, licet naturæ suæ rectus sit in ordine ad vltimum finem, quæ tamen intelligenda sunt de peccato veniali, quod non versatur circa Deum propriè. Nam ea peccata venialia, quæ versantur circa Deum, vt obiectum, quendam modum infinitatis habent: ex illo obiecto tamen secundum quid, & imperfectè.

Tertio dicendum veniale hoc ipso, quod malum culpæ est, posse dici continere aliquo modo quandam infinitatem secundum quid, quatenus vnum veniale peccatum maius malum est, quam omnis pena, id est, altioris cuiusdam ordinis: vnde propter nullam vitandam pœnam committendum est. Et hæc etiam ratione veniale peccatum tantæ est malitiæ, vt quamdiu in anima habetur, conspectum Dei impediât, licet simpliciter non impediât, quia, per se loquendo, auferri potest, quomodo intelligitur illud *Apocalyp. 21*. *Nihil coinquinatum introibit in eam*, licet aliqui illud intelligant de peccato mortali, & eodem modo intelligunt Origenes, & Bernardus *de Cænâ Domini*, illud *Ioan. 13*. *Si non laueris te*, quod ipsi de peccato veniali intelligunt: Basilii autem *lib. 1. de Baptismo cap. 2*, intelligit de peccato mortali, quod Petrus committeret: si Christo obedire recusasset.

### Dubium 4.

Quarto colligitur: quibus signis, vel regulis interdum nobis discernendum sit peccatum mortale à veniali, de quâ re vide Richardum *supra*, & Vegam *capite duodecimo*, Nauarrum *prælatio 9*. Dico primo aduertendam esse vim, & obligationem præcepti, ex qua maximè pender turpitudine peccati. Et quidem si præceptum aliquo modo continetur in sacra Scriptura, ponderan-

XV.

2. Propositio

XVI.

An veniale  
habeat ma-  
litiæ infini-  
tam.

1. Propositio

XVII.

2. Propositio

XVIII.

3. Propositio

XIX.

De signis dis-  
tinguendi  
veniale à  
mortali.

1. Propositio



deranda sunt illius verba ; nam cum inquit aliquando actionem esse dignam morte , aut excludere à regno, aut esse execrandam , & abominabilem , vel similia , satis indicat esse prohibitam sub mortali. ad Romanos 1. *Qui talia agunt, digni sunt morte.* ad Galat. 5. *Qui talia agunt , regnum Dei non consequentur ,* ad Ephesios 5. *Ezechiel. 18.* Cum vero vitur sacra Scriptura mitioribus verbis, signum est esse venialia , & cum stultiloquio , & scurrilitate Paulus supra loquens solum dicit *ad rem non pertinere*, & Iacobus docet, *peccatum non consummatum non generare mortem*, & hoc idem considerandum est in præceptis iure humano latis. Nam primo est aduertendum, an ipsa verba sint ex his, quæ habent vim obligandi, ex quibus etiam colligenda est intentio legislatoris. Consideranda est etiam poena qua sancitur lex, &c. Quod si nullum sit scriptum, aut præceptum quod hic , & nunc vere obliget, neque consuetudo , vel traditio , quæ illi æquipolleat , ratione naturali est vtendum , nam hac discernimus bonum à malo , & consequenter grauius à leuiori , & tandem in ferendo hoc iudicio de peccato veniali , vel mortali , adhibenda est sententia Doctorum , & Patrum in hac materia , quia in re morali plurimum valet autoritas.

XX. Secundo dicitur. Quando nulla est lex , aut sacra Scriptura , ex qua satis colligatur , an sit peccatum mortale, & consideranda est res in qua peccatum versatur, an ad Dei, vel proximi charitatem seruandam spectet, & grauis sit: nam *finis præcepti charitas est*, 1. ad Timoth. 1. nam ex hoc fine recte colligitur peccati grauitas. Item aduertendum est, an aliqua virtus ex his, quæ homini maxime necessariæ sunt, grauius lædatur illo actu, ita Diuus Thomas 1. 2. *questione octuagesima octaua, articulo secundo.* Durandus 2. *dist. 42. questione sexta.* Quod autem dicimus de charitate proximi, intelligendum est de charitate propria, maximè si peccatum afferat peccati aliquid nocuum, vel in spiritualibus bonis, vel in his, quæ ad conseruationem corporis necessaria sunt: nam in aliis fortunæ bonis facilius potest homo cedere iuri suo; quod si ex omnibus modis positus non inuenitur præceptum obligans ad mortale, licet sit aliqua deformitas, culpa erit venialis; & hinc sumitur primum genus peccati venialis, quod dicitur ex genere suo; & est illud, cuius malitia ex obiecto desumpta, ita est natura sua leuis, vt per se prohibita non sit graui præcepto, vt *sectione sequenti* constabit.

XXI. Terrio dicitur. Si præceptum obligat sub mortali, vltius consideranda est materia, quia licet præceptum ipsum graue sit, tamen leuiter ab illo deficere perinde est, atque leue præceptum transgredi, & hoc est secundum genus peccati venialis, quod dicitur ex leuitate materiæ, quare cum in Scriptura sacra peccata aliqua tanquam mortalia damnantur, intelligendum est ex genere non in omnibus indiuiduis: quæ autem sit materia leuis, vel grauis, prudenter pro qualitate rei, vel materiæ pendendum est. Aduertendum est, id non solum pendere ex qualitate, vel quantitate materiæ absolute considerata, licet id plurimum conferat, sed etiam ex cæteris circumstantiis, præsertim ex conditione personæ fieri potest vt hæc materia in ordine ad furtum, vel iniuriam talis personæ, sit grauis, quæ per se considerata censeretur leuis.

XXII. Quarto si materia, & præceptum graua sint, considerandum est, vtum consensus hominis

fuerit perfectus, & deliberatus, nam hoc necessarium est ad perfectum actum humanum, qualis debet esse peccatum mortale, & hinc oritur tertium genus peccati venialis, quod dicitur ex indeliberatione, & imperfectione, quod difficile cognosci potest, quando alia adsunt, quæ ad mortale peccatum sufficiunt: dicemus tamen de hac re in sequentibus. Aduerte quosdam Thomistas putasse hoc genus peccati venialis tantum contingere in rebus aliis grauib, sed non ita est. Nam in rebus etiam ex genere suo venalibus, & ex leuitate materiæ potest contingere peccatum veniale ex indeliberatione, & in mendacio & similibus, quod satis indicat Caietanus *quest. 89. artic. 3.* & ratio est, quia in his actibus efficiens libertas ad peccandum venialiter: ergo licet obiectum sit leue, actus tamen habet aliquam malitiam.

## S E C T I O VI.

## An peccatum veniale possit fieri mortale.

Diuus Thomas 1. 2. *quest. 88.* quatuor vltimis articulis tractat hanc questionem. Potest autem habere tres sensus, primus est, vtum veniale propter multiplicationem efficiat mortale? *questio 88. sensus.* Secundus, an actus, qui est ex specie sua venialis, ex accidenti possit esse peccatum mortale, vel de Angel. 6. contra. Tertius, an idem actus numero possit esse veniale peccatum, & mortale simul, vel successiue. 8. a. num. 7.

Prima propositio pro primo sensu. Peccatum veniale non sit mortale propter solius actus multiplicationem, vnde neque multa venialia æquivalent mortali. Est certa, & communis. Ratio est, quia veniale, & mortale differunt genere, & non solum tanquam magis, & minus graue in eadem specie: ergo, &c. Confirmatur prime, quia per multa etiam venialia non constituitur finis vltimus in creaturâ. Confirmatur secundo, quia eodem præcepto prohibetur derem mendacia, quo vnum: sed totum illud præceptum non est de re ad salutem necessaria: ergo transgressio eius, siue vna, siue multiplex, non est mortalis; quæ ratio solum procedit in venialibus ex genere. Confirmatur tertio, quia nullus numerus venialium signari certa ratione potest, qui sufficiens sit ad mortale constituentum: ergo si aliquis numerus nobis ignotus esset sufficiens, in quocumque peccato veniali exponeremus nos periculo peccandi mortaliter, & hoc ipso mortaliter peccaremus. Dices eodem argumento probaretur quodlibet veniale ratione periculi esse mortale, quia disponit ad mortale. Respondeo non esse simile, quia licet veniale sit dispositio, tamen est remota, quæ per se non est moralis occasio peccandi; vnde si solus numerus peccatorum venialium constitueret mortale, de quocumque veniali esset timendum, an expleret illum numerum. Tandem confirmatur ex illo Prouerb. 24. *Septies in die cadit iustus*, vbi numerus certus pro incerto ponitur, & tamen tribuitur iusto.

Contra hanc veritatem docuit glossa *cap. tria sunt, de penitentia, dist. 1.* propter verba Augustini *epistola centesima sexta ad Iulianum*, vbi de venialibus loquens ait, *si collecta contra nos fuerint, ita nos grauiabunt, sicut vnum grande peccatum.* Tamen pie exponenda sunt ista, videlicet posse multa peccata venialia ita nocere dispositiue, quia sunt

3. Genus  
peccati venialis.

I. Triplex  
questio 88.  
sensus.

II. 1. Propositio

III.



occafio committendi peccata mortalia, quod afferit D. Thomas articulo 4. ad 1. & eodem modo est interpretandus Augustinus, tractatu 11. in Ioan. & serm. 88. de tempore, & 41. de Sanctis, quomodo dixit etiam Sapiens, qui spernit modica, paulatim, decidet; Ecclesiast. 19.

IV.

Alij, vt refert Victoria relectione de charitate, licet non verbis, tamen re ipsa consentiunt cum illa glossa, nam dicunt peccatum veniale aliquid charitatis tollere, ex quo fit, vt paulatim possit homo propter multiplicationem venialium, ad eum statum peruenire, vt si vnum vel leuissimum committat, omnino à charitate excludat: tamen addunt hoc non esse, quia multa venialia efficiunt mortale: sed quia illud vltimum: quod alias leue esset, propter detrimentum charitatis, fit mortale: quæ sententia non minus est falsa, quam præcedens, & non minus exponit se homo periculo peccandi mortaliter in quodlibet actu, nam quis scit an habeat charitatem ita remissam? Deinde licet peccatum mortale ideo destruat habitum charitatis, quia habet deformitatem illi contrariam, non tamen deformitatem contrahit, quia destruit charitatem: non ergo ex illo detrimento tanquam ex prima radice recte dicunt peccatum illud veniale esse mortale. Tandem hæc sententia supponit aliam falsam, scilicet veniale peccatum remittere charitatem, quæ suo loco impugnamus.

V.

Sed contra. Nam si quis vnum, & alterum leue furtum committat, & sæpe id faciat, tandem peccabit mortaliter in illis actibus, alias posset furari magnam quantitatem sine peccato mortali. Respondeo, si quis habeat voluntatem furandi sæpius illo modo, illa voluntas est peccatum mortale, atque adeo actus omnis, vt ab illa procedit, & ferè ita peccant omnes ij, qui habent voluntatem furandi, & consuetudinem in illo modo: si tamen non adsit vna voluntas, neque formalis, neque virtualis, contingere poterit furari magnam quantitatem sine peccato mortali, quamuis retentio omnium partium sit mortalis, non quia ex venialibus fit factum mortale, sed quia est ibi nouus actus, vel noua omisio non restituendi cadens in materiam grauem. Vide Vegam lib. 4. cap. 11. & Sotum 3. de iustitia q. 3. art. 3.

VI.

Sed urgebit quis: ergo si quis habet voluntatem formalem, vel virtutalem omittendi partem aliquam leuem diuini officij, aut Missæ, aut earum precum, quas Deo vouit, erit in statu mortalis. Respondeo de his latius in propriis materiis esse agendum: solum certum est nunc, peccata venialia non posse efficere mortale, nonnunquam autem materiam aliquam integram, quæ in multis actibus diuersis non faceret singula mortalia, per vnum actum intenta faceret mortale, quoniam tota illa materia facit vnum obiectum graue contra vnum præceptum, quod ex suo genere ad mortale obligat, vt contingit in furto. Quando vero illæ singulæ partes non faciunt vnum, quod vni præcepto sit contrarium, actus non erit mortalis ex vi illius obiecti, sed habebit quasi malitiam multorum venialium, & ita contingit in casibus illis partialibus, licet illud de voto habeat maximam difficultatem.

VII.

2. Propositio communis.

Secunda propositio pro secundo sensu. Nullum est peccatum mortale, quod ex accidenti non possit fieri veniale. Est certa, & communis, nam ex in deliberatione actus, omnia ex leuitate autem materiæ; ferè omnia ex genere possunt in diuino esse venialia.

VIII.

3. Propositio bipartita.

Tertia propositio. Peccatum veniale ex suo genere numquam fit mortale, nisi addatur circ-

cumstantia speciem mutans, aut quidam amor directè charitati contrarius. Ratio prioris partis est, quia hoc differt veniale ex genere suo à mortali ex genere, quod illius malitiæ ex natura, & vi sua nunquam est coniuncta deformitas mortalis. Confirmatur, nam si intra propriam speciem posset hoc veniale fieri mortale, iam quando tale non esset, non esset ex defectu suæ speciei, sed quia non habet totam illam grauitatem speciei, quam haberet veniale ex leuitate materiæ, velex imperfectione actus.

IX. Obiectio.

Dices illo modo nullum est veniale ex genere, quia nullum est peccatum, quod ex vi speciei suæ non pugnet cum aliqua virtute: nulla autem est virtus, quæ per se interdum non obliget ad mortale. Confirmatur, nam peccatum potest destruere virtutem contrariam omnino, hoc autem non videtur fieri sine mortali. Propter hæc dicunt aliqui nullum esse veniale ex genere nisi illud, quod per se est indifferens; & sine honesto fine fit, sed hoc est contra communem sententiam, & non necessarium ad soluendas difficultates.

X.

Dico ergo primò, posse virtutem aliquam habere materiam adeo leuem, & ad conseruationem charitatis non adeo necessariam, vt nunquam propria sua virtute ad mortale obliget, nisi accedat obligatio superioris virtutis, vt Eu-

Vnum pronuntiatum pro veritate sponsione.

trapelia. Secundo dico eidem virtuti multa vitia specie diuersa posse esse contraria, ex quibus aliquod esse poterit in sua specie adeo leue, vt neque possit omnino, neque grauius virtutem contrariam destruere, & ideo nunquam mortale sit, specie sua. Vltima pars conclusionis posita est propter D. Thomam dicentem peccatum veniale interdum fieri mortale, si quis in obiecto eius finem vltimum constituat, quod est omnino certum, quomodo intelligi potest illud Exechielis 10. Nihil iniquius, quam amare pecuniam, & Iacobi 2. Qui diligit mundum, non est charitas in eo. Quomodo etiam Augustinus ait summam esse perversitatem frui vtendis, & ratio est, quia tenemur solum Deum diligere, vt vltimum finem.

XI.

Alterum pronuntiatum.

Sed obscurum est in hac sententia D. Thomæ, quid sit constituere finem vltimum in obiecto venialis peccati. Dicunt quidam id esse peccare venialiter solum propter peccare. Ita Gerson de vita spirituali lectione 3. Sed non recte, nullus enim peccat, qui non sub aliqua ratione boni velit peccare, & ex illo motiuo attendenda est grauitas: vnde si quis vellet ipsum peccare formaliter, vt contemneret Deum, esset quidem peccatum mortale: si vero peccaret vt peccando haberet materiam confessionis, non ideo grauius peccaret.

XII.

Alij dicunt constituere finem vltimum esse maxime diligere creaturam, Deum autem remissius, Ita Adrianus quodlibeto 7. art. 2. & 4. materia de penitentia, & Petrus Soto tractatu de penitentia lectione 14. & 15. videtur fauere Augustinus 1. de Ciuitate cap. 10. indicat enim interdum peccare hominem mortaliter amando temporalia, licet illa Christo non præferat, & Hieronymus lib. 1. contra Iovinianum, & habetur 32. d. quest. 4. cap. origo. indicat amorem vxoris propter maximam intensiorem fieri peccatum mortale: & ratio est, quia ob hanc intensiorem fieri potest, vt homo magis diligat obiectum illud, quam ipsum Deum. Dices illud esse verum intensiue, non appetitiue. Sed contra, nam ex illa maiori intensiōe sequitur illa oppositio maior: nam si intensius diligit creaturam, quam Deum, firmitus adhæret per amorem creaturæ, quam Deo: ergo qui ita amat ita est dispo-

XIII.



dispositus, vt si occurrat occasio deferendi vel Deum, vel creaturam potius derelinquat Deum, quam creaturam.

XIV. Sed hæc sententia mihi nullo modo probatur, & falso nititur fundamento, teneri nos magis intensiue diligere Deum, quam cætera omnia, quod falsum esse in materia de charitate, & penitentia latius ostendo. Nunc breuiter ratio est, quia intensio per se neque cadit, neque potest cadere sub præcepto, quia nullo modo potest homini consistere qua intensio, & quo conatu amet. Deinde intentio actus non efficit actum malum per se, unde si rationes dictæ sententiæ vrgerent, etiam probarent non tantum actum venialem ex obiecto, sed etiam indifferentem, imo & bonum propter intentionem posse fieri mortale peccatum. Præterea sequitur omnes, qui ardent aliquid amant, exponere se periculo peccandi mortaliter: quod est absurdum: præterea vel ista intensio, quæ facit veniale mortale, est determinata, vel non, sed non respectiue est consideranda, si primum sit, v.g. vt decem, vel vt octo: ergo quicumque amat illud obiectum intensiue, vt octo, peccat mortaliter: ergo etiam si habeat charitatem Dei vt centum, & creaturam illam amet, vt octo, peccabit mortaliter, quod euidenter est falsum, quia ille nullo modo diligit creaturam plusquam Deum, vel ille gradus intensiōis non est certus, & ideo debet sumi ex comparatione ad dilectionem Dei, ita vt tunc solum, & semper sit mortale, quando in eodem subiecto excedit in intensiōe intensiōem charitatis. Et hoc primo est contra rationem, quia peccatum per se ex propriis, obiecto scilicet, & circumstantiis, habet propriam deformitatem: illa autem intensio per se non est mala, & remissio amoris Dei per se non est mala: ergo quod illæ coniungantur in eodem, non possunt efficere actum illum peccatum mortale, alias quicumque remisse amaret Deum, deberet moraliter timere in se peccatum mortale, & peccatores in quocumque amore creaturæ peccaret mortaliter, quia intensius amant creaturam, quam Deum, quem non amant, nam tenemur Deum magis non solum intensiue, sed etiam appetitiue diligere, vt communiter docent Theologi cum Augustino 21. de Ciuitate cap. 26. Neque verum est per intensiōem actus semper firmiter adherere voluntatem si amores non sint eiusdem rationis, vt in proposito contingit, nam verus Dei amor ex charitate ex vi suæ essentiz, licet sit remissus, firmiter coniungit voluntatem cum suo obiecto quam quilibet amor intensus creaturæ, quod intelligendum est per se loquendo, nam per accidens ex fragilitate amatoris potest interdum inferior amator vincere. Ex quib⁹ colligitur per solam actus intensiōem numquam veniale peccatum fieri mortale, per se loquendo: per accidens vero interdum posse si quis aduerteret inde sibi oriri mortalem quandam occasionem transgrediendi aliquod diuinum præceptum, tunc enim esset peccatum mortale non propter intensiōem, sed propter periculum.

XV. Dicendum est ergo tunc aliquem constituere finem vltimum in obiecto peccati venialis, quando ex affectu ad illum paratus est alia præcepta grauiora transgredi, quod contingere posse videtur dupliciter. Primo, si quis directe, & expresse id animo concipiat, quod directe est contra charitatem Dei, & hoc sensu procedit secunda pars conclusionis. Secundo modo potest contingere implicite tantum, vt cum voluntate aliquis in actu exercito transgreditur graue præceptum, vt si otiose loquatur, v.g. vel cum huic

Suarez in primam secundam D. Thomæ.

periculo voluntarie se exponit, vt dictum est: tamen in eo casu illa transgressio præcepti iam est circumstantia mutans speciem, vide Syluest. verbo Peccatum. §. 3.

Sed tunc quæret aliquis an in huiusmodi euentu ita augeatur malitia ex illo obiecto desumpta, vt intra propriam speciē putanda sit grauis, & mortalis. Respondeo ita videri cum Almaino tractatu 1. moralium capite 12. itaque qui ex nimio amore ludendi furatur, non solum furando, sed etiam ita amando ludum, peccat: quia ille amor non intensiue tantum, sed etiam appetitiue est nimius: neque satisfaceret confessioni dicendo se fuisse furatum, nisi addendo ex nimio amore ludendi, quod sentit Caiet. q. 88. citata art. 4. & disputatione sequenti, agentes de omissione à nobis diligenter exponitur.

Propositio quarta. Circa tertium sensum quæuis actus numero posse esse successiue veniale, & mortale peccatum. Conclusio de exteriori actu est per se manifesta: de interiori proba. Quia idem actus potest esse in principio indeliberatus, & si ratio magis aduertat, & voluntas in eodem actu magis perseueret, & consentiat, erit peccatum mortale: & potest è contra in principio actus esse deliberatus, postea vero fieri potest, vt homo passione aliqua, vt ira, &c. paulatim accendatur, ita vt impediatur vsus perfectus rationis. Præterea idem patet in actu veniali ex leuitate materiæ: nam sicut potest idem actus successiue intendi, & remitti, ita ad maiorem, vel minorem materiam extendi. Idem patet, si in principio actus sit forte otiosus ex materia indifferente, & perseuerante eodem actu accedat grauis prohibitio homine aduertere, & illam considerante. Et ratio est, quia deformitas mortalis licet sit de essentia mortalis peccati, tamen accidit ipsi actui voluntatis, & ideo potest interdum esse & abesse ipso actu mutato tantum accidentaliter: indicat tamen D. Thomas 1. 2. questione 88. articulo quarto, illum actum manere eundem in esse naturæ non in esse moris, quia magna mutatio moralis in illo facta est, quod pertinet ad quæstionem de nomine, nam res per se patet.

Dixi tamen in conclusione successiue, quia simul non videtur, per se loquendo, eundem actum posse esse veniale, & mortale peccatum, quia istæ denominationes includunt oppositionem, & repugnantiam: licet negandum non videatur posse eundem actum simul habere malitias morales veniales specie diuersas, & ita fieri potest, vt vni earum sit coniuncta malitia mortalis, & non alteri: vt cum quis mentitur contra iustitiam, ibi est malitia contra veritatem, quæ non est mortalis, & est contra iustitiam, quæ est mortalis, & idem est notandum in similibus.

## SECTIO VII.

An in omni subiecto in quo potest esse mortale, possit esse veniale.

TRACTAT hoc D. Thomas 1. 2. quest. 89. articulo 2. & 4. Aduertendum est duobus modis intelligi posse aliquem carere potestate peccandi. Primo propter interiorem bonam dispositionem diuinæ gratiæ sibi inhaerentem. Secundo modo propter extrinsecum Dei fauorem, & protectionem. De posteriori hoc modo non est quæstio: nam certum est posse Deum aliquem in gratia ita confirmare, vt mortaliter peccare non possit: tamen possit venialiter, & è contra potest re-

K k lin-

XVI.

XVII. 4. Propositio.

XVIII. Exponitur propositio præcedens.

I. Propositio duplex sensus quest. & expeditur alter eorū.

Concluditur nunquam veniale fieri mortale, nisi forte ex accidenti.



linquere cum potestate peccandi mortaliter, & nullo modo permittere, ut venialiter peccare possit, quamdiu mortaliter non peccauerit, & hoc saltem modo concessum fuisse privilegium hoc in statu innocentiae hominibus est mihi verissimum, quod in prima parte demonstratur. Vide tractatum de opere sex dierum lib. 3. De altero autem sensu est difficultas, & supponendus est ille duplex modus peccandi venialiter, vel ex indeliberatione actus, vel ex paruitate materiae, quibus suppositis.

II. Prima propositio. Fieri potest, ut aliquis possit peccare mortaliter, & non venialiter per indeliberationem. Probat, quia potest fieri, ut aliquis natura sua non sit capax actus indeliberati, qui tamen sit liber ad peccandum, ut patet in Angelo, vel etiam in anima separata; & idem putant aliqui factum fuisse in Adamo in statu innocentiae, sed licet verum sit in eo statu non fuisse futuros actus indeliberatos; tamen non censeo illud provenisse ex solis habitibus, & iustitia inherente, sed necessarium praeterea esse arbitror singularem Dei potestatem, & favorem ad eum effectum precipite.

III. Secunda propositio. Quicumque potest mortaliter peccare, potest etiam venialiter, quantum est ex intrinseca eius dispositione, ita Scotus, & Gabr. 2. d. 21. & 24. & Almain. tractat. 3. capite vigesimo secundo, & refert Almainus, Altiusodo. 2. p. Summa. Et probatur: nam qui potestatem habet peccandi mortaliter, potest eligere bonum delectabile turpe, omisso honesto, & hoc in gravi materia: ergo eadem ratione poterit idem peccare in materia levi, quia non potest intelligi intrinseca dispositio, quae unam istarum libertatum auferat, non vero alteram, ut statim magis patebit.

IV. Confirmatur in Adamo, de quo est potissima controuersia. Nam tota illa intrinseca dispositio, quae erat optime affectus, non potuit illum necessario continere, ne committeret contra legem obligantem ad mortale: ergo si lex illa solum obligaret ad veniale, ut potuit fieri, eadem ratione non minus posset illam transgredi. Deinde sicut comedit de illa arbore sic prohibita, potuit comedere ex alia nullo modo prohibita, sine necessitate tamen, vel honesto fine. Tandem ne id faceret, non poterat necessario impediri ab aliquo habitu. Nam ipsimet habitus, in eo potissimum, qui Deum non videt, subditi sunt libero arbitrio; nam habitibus utimur cum volumus, teste Aristot. nullus ergo habitus potest inferre per se necessitatem. Neque vero aliqua cognitio poterit illam inferre, quia Adamus non necessario actu considerabat omnia, alias neque mortaliter peccaret eadem ratione: praeter has autem nulla alia perfectio intrinseca fingi potest, cui iste effectus tribuatur: ergo.

V. Porro eisdem rationibus concluditur Angelum natura sua posse venialiter peccare, quandoquidem potest mortaliter, nam sicut potest inconsiderate agere in materia gravi, ita in materia levi. Dixi tamen natura sua, quia Angeli, & Sancti ob statum beatitudinis, nullo modo peccare possunt, Angeli vero mali propter obstinationis statum forte semper peccant mortaliter. Contra istam partem arguit D. Th. supr. art. 4. Nam Angelus nihil vult, quod non referat actu in ultimum finem, quia Angelus natura sua omnia resoluit ad prima principia. Primum autem principium in operabilibus est finis ultimus: ergo non potest Angelus deficere in medio, quin deflectat ab ultimo fine, quod est mortaliter peccare. Et

eodem fere argumento uti videtur art. 3. de homine in statu innocentiae, in quo hic ordo erat firmiter constitutus à Deo, ut quamdiu suprema portio hominis esset recte subdita Deo, omnes inferiores hominis partes essent optimo modo, & ordine subiectae superioribus: ergo quamdiu homo in illo statu haberet Deum pro ultimo fine, non posset non velle omnia propter eum finem: ergo non posset venialiter peccare.

Ad primam rationem respondeo primo non videri necessarium, Angelum natura sua omnia necessario referre actu in ultimum finem, quia nulla est ratio, quare non possit velle aliquod particulare obiectum propter propriam eius bonitatem, nihil cogitando de alio fine. Confirmatur: nam Angelus etiam cum moraliter peccauit, non retulit expressè & formaliter actum suum in creaturam, & in ultimum finem, sed solum in virtute, ut homines faciunt: patet etiam exemplo, quo Divus Thomas utitur, nam licet Angelus possit conclusionem, quam considerat, resolvere usque ad prima principia, non tamen semper actu id facit necessario: sed deinde licet demus Angelum semper cogitare de ultimo fine, & referre omnia, quae sunt referibilia in illum, tamen si vellet ob delectationem, vel aliam similem causam leuem, quod videret non esse referibile in ipsum verum ultimum finem, tamen esse referibile in istud bonum in communi, posset illud isto modo appetere, & non mortaliter peccaret, nam illa circumstantia, vel aduerrentia non addit mortalem malitiam, & homo potest interdum isto modo peccare venialiter.

Ad secundam concedo illum ordinem fuisse statutum à Deo in statu innocentiae: dico tamen non potuisse infallibiliter seruari propter ea tantum dona, quae in homine inhærebant, quia illa non efficiebant ut homo omnia opera sua in eo statu necessario actu referret in verum ultimum finem: oportet ergo praeterea addere singulare praesidium, & Spiritus sancti auxilium, ut a libi diximus.

Propositio tertia. Per se, & absolute inuincibili ignorantia nullus potest venialiter peccare, qui non possit etiam mortaliter, quantum est ex intrinseca dispositione eius. Probat: nam duobus modis potest id contingere, primo si quis haberet imperfectam quandam libertatem, quae sufficiens esse solet ad peccandum venialiter, & tamen non haberet perfectam libertatem ad peccatum mortale: quem modum censent aliqui contingere in pueris ad usum rationis accedentibus, nam prius habent imperfectum rationis usum, & idem putant posse contingere in aliquibus amentibus, & dormientibus, quod etiam censet probabile Victoria cum Nominalibus p. 2. in relectione de peruenientibus ad usum rationibus: hunc autem modum esse impossibilem aperte indicat D. Thomas 1. 2. quest. 89. artic. 6. & in 4. d. 91. artic. 4. Probat, quia nullus potest peccare, quia non habeat eum rationis usum, quo possit honestum à turpi discernere, & quod velit horum eligere, sed qui habet istam facultatem rationis, & libertatis, potest mortaliter peccare: ergo, &c. Maior patet, quia omne peccatum essentialiter includit priuationem honestatis debita in esse: ergo omne peccatum necessario supponit potestatem honeste operandi: ergo, &c. Confirmatur, nam peccatum veniale minus malum est, quam mortale, qui autem potest cognoscere minus malum, potest cognoscere maius in eodem ordine: ergo, &c. Confirmatur secundo, quia qui potest peccare

VI.

VII.

VIII.

3 Propositio.  
Vnus modus contrarius huic propositioni.

V.  
Extenditur  
præcedens  
propositio  
ad Angelos.

car



care venialiter, potest mereri, & potest se ipsum referre in ultimum finem, & suas actiones: nam si venialiter peccat, est quia non refert: ergo potest peccare mortaliter.

¶ IX.

*Alter modus etiam  
reijcitur.*

Secundo modo potest accidere si aliquis ita perticeretur gratia Dei, ut necessario contineretur ne peccaret mortaliter, non tamen venialiter. At neque hic modus potest admitti, propter rationes ferè factas in secunda cōclusionē *num. 3. & 4.* quia omni illa intrinseca dispositione, quæ fit per habitus, utimur cum volumus: ergo nullam infert necessitatem. Confirmatur, nam omnes illi habitus per se non coniungunt hominem cum ultimo fine perfectè, & non minus permittunt non considerare cum homo operatur in materia graui, quam cum operatur in materia leui: ergo, &c. Tandem id patet inductione in Adamo: & Angelis: & in ipsiis beatis, solum actualis vñtio, & amor potest auferre potestatem peccandi.

X.

*Obiectio.*

Sed arguitur contra priorem partem. Nam in motibus secundo primis reperitur libertas sufficiens ad peccandum venialiter, & non mortaliter: ergo. Confirmatur, nam peccatum veniale est quid imperfectum in genere moris: ergo imperfecta ratione, & libertate committi posset. Sed hæc esse potest in aliquo, ut in paruulo: ergo. Propter hoc dicunt quidam conclusionem habere verum in peccato veniali quod per deliberationem perfectam committitur, sed non est necesse. Dico ergo propterea addi in conclusionē *per se*, in motibus enim secundo primis per accidens est hominem non exercere actum ea libertate, & rationis perfectione, qua reuera præditus est, quam si modo haberet non imputaretur sic operanti defectus illius actus, qui propriæ culpæ tribuitur: quia absolute potuit vitari ab homine habente perfectam facultatem, & libertatem arbitrij: quia vero homo neque actu vitatur illa facultate, neque moraliter potest sine magnâ difficultate, propterea culpa illa venialis est: quocirca licet demus pueros paulatim peruenire ad vñtum rationis, & prius habere aliquem modum discursus, & quandam forte indifferentiam in suis actibus: tamen donec ratione, & libero arbitrio perfectè uti valeant, neque sunt domini suorum actuum, neque etiam vllam venialem contrahunt culpam. Vnde ad confirmationem dico, ad peccandum venialiter sufficere quidem imperfectum vñtum libertatis: dico tamen necessariam esse perfectam vim deliberandi in eo, qui sic imperfectè operatur.

## SECTIO VIII.

*An mortale debeat necessario precedere  
veniale.*

I.

Quæstionem hanc tractat D. Th. 1. 2. q. 89. artic. 6. sub hoc titulo, utrum peccatum veniale possit esse cum solo originali, quia hoc loco non est quæstio de homine in statu innocentie, de quo iam diximus. Est autem eadem controuersia de homine in puris naturalibus: sed eodem modo definienda quo de homine lapso, ut etiam docuimus in tract. de oper. sex dierum lib. 3. cap. 12. an. 15. Aduertendum ergo est omnes in hoc conuenire, quod si homo quando ad vñtum rationis peruenit, in primo forte suo actu se se ad Deum conuertat, & gratiam consequatur, postea posse peccare, & indifferenter incipere à peccato veniali, aut mortali. Difficultas est ergo de homi-

*Suarez in primam secundam D. Thom.*

ne peccante tam mortaliter, quam venialiter. Et partem affirm. docuit Diuus Thomas citato artic. 6. & quæstione vigesima prima, de veritate artic. 3. ad 4. & de malo artic. 2. & in 2. d. 42. q. 1. art. 5. ad 7. Fundamentum est, quia homo in primo instanti vñtus rationis tenetur se conuertere ad Deum, quod si faciat iustificabitur; si non faciat, mortaliter peccabit. Maior patet primum quod in eo instanti primo homini occurrit, est deliberatio de se, & de suo ultimo fine: ergo, &c. Confirmatur primo, quia alias posset mori homo in peccato originali, & solo veniali, & consequenter absque vlla pœna alterius vitæ. Consequens videtur falsum, nam posset in eo statu mori: nullus est autem locus in inferno, in quo puniri possit iste homo. Confirmatur secundo, Nam in cap. maiores, de Baptismo, indicatur hominem adultum in originali existentem semper habere adiunctum mortale peccatum.

In hac quæstione quid sit præceptum videamus. Secundo respondebimus quæstioni. Aduertendum est, quid vocemus primum instans vñtus rationis: nam cum ratio sit vis intellectus ad ratiocinandum, & conferendum vñtum cum alia, ex qua vi sequitur potestas libere eligendi, peruenire ad vñtum rationis est peruenire ad eum statum, in quo homo habet facultatem humano modo operandi: primum autem instans vñtus rationis hoc loco non sumitur mathematicè pro illo primo instanti temporis: quo homo incipit esse dispositus vere, ad vñtum ratione: neque etiam significat illud, in quo primo incipit deliberare, sed significat illud instans, vel tempus, in quo perficit suam primam actionem perfectè liberam, quoad exercitium, & specificationem, vnde humano modo loquendo, inter illud instans primum, de quo homo est aptus ad ratiocinandum, & instans, quo potest peccare, est aliquid temporis, quia deliberatio humano modo non fit sine tempore, imo addit Victoria in relectione de hac re, non censeretur primum instans vñtus rationis, donec aliquis censeatur percipere actu aliquid tantquam honestum, vel turpe, & ita eligat, ut stimulum conscientie sentiat, quod probabile est, licet forte non sit simpliciter necessarium. Hoc posito vult D. Thomas teneri hominem ex singulari præcepto efficere, ut ille primus actus, quem in prima deliberatione efficit, sit conuersio ad Deum, tamen in hoc explicando Thomistæ non consentiunt.

Quidam illorum dicunt debere illam conuersionem esse necessario a morem Dei verum super omnia, ita Capreolus 2. d. 40. art. 3. ad argumenta Soto libro secundo, de iustitia quæst. 3. artic. 2. & Nauar. capite septimo, num. 11. & cap. quando num. 47. & verè videtur sensus D. Thomæ, quia vult istam conuersionem esse dispositionem sufficentem. Ratio esse potest, quia nullum præceptum, nisi charitatis, obligat hominem ut conuertatur in Deum per se: hoc autem præceptum cum affirmatiuum sit, & non obliget pro semper, nunquam videtur melius obligare, quam in primo opere, nam illo transacto non erit maior ratio de vno tempore, quam de alio, vsque ad extremum vitæ periculum. Est autem absurdum tanti præcepti obligationem elicere in ultimo vitæ terminum: ergo. Confirmatur, quia ordo naturæ postulat, ut cum homo inchoat vitam rationalem, incipiat à cognitione ultimi finis, nam ex ea pendet bona institutio vitæ. Sed huius sententie contradicunt reliqui Thomistæ, & reliqui omnes Theologi, quia non est credibile Deum obligasse hominem in prima illustratione rationis ad primum, & difficillimum præceptum statim exe-

II.

*Exponitur  
quæstionis  
sensus, quo-  
ad 1. eius  
partem.*

III.

*Interpre-  
tationis o-  
pinionis D.  
Th.*



quendum. Confirmatur, quia cognitio Dei est homini valde difficilis, & non potest multa disciplina, & tempore comparari, & præcipue illis, qui educantur inter homines, qui veram fidem Dei non habent.

IV.  
2. Interpretatio.

Alij ergo dicunt illam voluntatem liberam debere esse conuersionem quandam in bonum honestum in communi, id est, propositum sequendi in omnibus, quod est rectum, quam dicunt conuersionem in confuso in Deum, ita Caietan. *citato articulo*, & 1.2 q. 10 articulo quarto, Victoria, *supra* & fauer Diuus Thomas q. 14. de veritate articulo 11. ad 1. Probatum quia cogitatio de bono honesto in communi est facilis, & conuersio in illud obiectum est necessaria, vt cætera opera hominis procedant ex appetitu boni honesti, ad quod tandem homo refertur. Confirmatur: nam præcepta negatiua obligant hominem in primo instanti: ergo & aliquod affirmatiuum: ergo maxime hoc. Confirmatur secundo, quia in illo instanti proponitur homini lex naturalis per ipsum naturæ lumen: ergo tenetur tunc acceptare illam legem, atque adeo proponere in omnibus parere illi legi.

V.  
Difficet  
precedens  
interpretatio.  
Im-  
pugnatur.

Hæc sententia non est mihi magis probabilis, quam præcedens, quod sic ostendo. Nam homo per se solum tenetur amare bona honesta particularia, hæc enim sunt per se necessaria ad rectitudinem operationum; ad amandum autem illa obiecta communia non tenetur per se nisi ob vnam ex duabus causis: prima ob necessitatem contritionis, nam huic coniunctum esse debet propositum honeste viuendi. Secunda, si homo deliberare velit, vel debeat de lege, seruanda in futurum, nam tunc tenetur proponere honestum sequi, præter has autem causas nulla est obligatio, quia præceptum operandi circa ista vniuersalia, & confusa neque scriptum est, neque sola naturali ratione satis colligitur, quia præter dictos casus numquam illud est per se necessarium ad rectitudinem: nam in primo instanti vsus rationis certum est non esse necessarium eum actum propter priorem causam, quia neque tunc habet peccatum mortale, cuius contritionem habere teneatur: neque teneatur ad amorem Dei super omnia, vt est ostensum. Quod vero propter secundam causam teneatur, patet, quia statuere in communi de ratione vitæ in futurum instituendæ, est res magni consilij, & iudicij: ergo morale non est puerum in prima voluntate obligari ad talem electionem. Secundo, quia in eo primo actu non statim occurrit homini cogitatio de vita futura instituenda, vel de communi ratione boni honesti, quod expressè videtur docere Diuus Thomas, & ratio est, quia pueri in primis illis cogitationibus mouentur conaturaliter à sensibilibus: & ideo primum de his cogitant quæ primum etiam sensibilibus occurrunt: vel de his, in quibus in pueritia magis versati sunt. Videantur dicta supra. *tract. 1. disp. 3. sectione 7.* quia in illo principio vsus rationis solum obligatur ad ea, quæ euidenter ratione naturali cognoscuntur. Dicunt, huiusmodi esse honestum eligendum, sed contra, quia non est huiusmodi debere hominem tunc deliberare de se ipso, neque est aliquis, qui tunc illam obligationem senserit. Vnde confirmatur, nam si est tale præceptum, nullus est, qui non inuincibiliter ignoret illud in illo instanti: cum neque in eius mentem veniat, neque aliquid facere possit vt illud cognoscat: superfluum ergo est tale præceptum.

VI.

Ad primam rationem istorum respondet, licet

fit facile cogitare de bono honesto, tamen difficillimum est, vt de eo sit prima cogitatio cum homo ab aliis sensibilibus moueatur. Respondeo secundo illam conuersionem ad bonum in communi non esse necessariam, vt sequentia opera sint honesta: nam quodcumque obiectum potest homo amare propter determinatam rationem honesti temperatiæ, vel iustitiæ, licet nullum habuerit actum circa honestum in communi. Ad primam confirmationem, primum non est par ratio: nam præcepta affirmatiua non obligant semper, sicut negatiua. Secundo dico fieri posse vt aliquid affirmatiuum obliget, sed non illud generale, sed particulare aliquod, v.g. misericordiz, vel temperantiæ. Ad secundam confirmationem respondeo primo: in illo instanti non proponi talem legem. Secundo cum proponitur lex, non tenetur homo statim illam exequi, sed suo tempore. Negandum tamen non est huic, & superiori sententiæ, debere hominem non differre istam conuersionem, vel deliberationem vsq; ad finem vitæ, neque per multum tempus, quia amor Dei est Deo valde debitus, & tota ista deliberatio humano modo necessaria est ad rectitudinem vitæ: quando autem primum incipiat obligare, non potest certa ratione definiri, videtur tamē mihi numquam hominem sic obligare donec aduertat, & cogitet de ista, & aliquo modo sentiat istam obligationem, & tunc non in eodem instanti, sed intra aliquod breue tempus, quod moraliter & prudenter describendum est.

Tertius modus explicandi præceptum D. Thomæ, est teneri hominem in sua perfecta deliberatione aduertere, an id quod eligit honestum sit, vel turpe, & eligere honestum, & hanc vocant implicitam conuersionem in Deum. Hæc sententia in re verum dicit, quia semper tenetur homo, cum libere operatur, non peccare, & consequenter honestum sequi: tamen est omnino præter sententiam D. Thomæ, quia illa obligatio non oritur ex singulari præcepto conuertendi se ad Deum, sed ex generali obligatione operandi honeste, si operatur, & prædicta sententia nihil refert ad præsentem questionem. Et hæc tenus de prima parte ex his ad secundam partem, & questionem propositam, sit.

Prima propositio. Possit hominem tam venialiter peccare, quam mortaliter pro sua libertate. Primo, quia allato illo præcepto nulla est ratio necessaria ordinis inter hæc peccata, & primum obiectum, quod occurrit, potest esse levis materia; ergo si homo circa illud peccet venialiter peccabit. Dicunt quidam illum primum actum semper procedere in virtute prioris actus naturalis, quo voluit homo esse felix, & ideo si in illo primo actu libero eligat materiam turpem, etiam leuem, virtute vult habere felicitatem, sequendo quod præuium est, quod est velle constituere vltimum finem in illo obiecto. Sed hoc falsum est, quia neq; talis actus prior præcedit, in cuius virtute alius subsequatur, vt *sect. 1. dixi*: neq; si præcessisset, id sufficeret ad peccatum mortale, alias omnia peccata venialia essent mortalia, quia in omnibus virtute continetur appetitus felicitatis: non ergo id intendit homo peccando venialiter, sed solum vult aliquid pertinens ad communem felicitatem formalem, id est ad bonum. Confirmatur, quia nullus constituit vltimum finem in obiecto venialis peccati, nisi vel id expresse velit, vel deo transgredatur aliquod præceptum graue: neutrum autē contingit in proposito. Secundo probatur, nam primum opus, quod

Ad 1. probat. in n. 4.

VII.  
3. Interpretatio  
non faciens ad re.

VIII.  
1. Propositio pro alie.  
ra questio-  
nis parte  
proposita  
n. 2.



## SECTIO I.

*Qualis sit ista diuisio, & quomodo differant  
ista membra.*

**P**rima propositio. Sufficiens, & conueniens  
ter diuiditur peccatum in remissionem & omi-  
sionem, ex communi sententia. Et probatur, <sup>I. Proposi-  
tio.</sup> nam peccatum est transgressio diuinæ legis; du-  
pliciter autem id contingere potest, scilicet ope-  
rando aliquid contra rectam rationem, vel non  
operando, quod recta ratio dicat. Primus defe-  
ctus vocatur commissio, secundus omisio, inter  
quæ nullum est aliud membrum, quia opponun-  
tur quasi contradictoriè: habetur etiam passim  
in scriptura de commissionis peccato, & passim  
de omissione. Iacobi 4. *Scienti bonum facere & non  
facienti, peccatum est illi.*

**S**ecunda propositio. Differunt proprie com-  
missio, & omisio: cum commissio negatiuo præ-  
cepto, omisio affirmatiuo per se opponatur. Est <sup>II. Proposi-  
tio.</sup> D. Thomæ supra, & omnium: & probatur, quia  
affirmatio per se opponitur negationi, & ideo  
omisio, quæ importat actum, opponitur prohi-  
bitioni negatiuæ, omisio vero, quæ per se con-  
sistit in non agere, per se opponitur affirmatio-  
ni. Huic assertioni contradicit Gabr. 2. d. 41. ubi  
vult omnem omissionem esse cōtra præceptum  
negatiuum, quo tenetur quis non omittere: &  
eadem ratione commissionem contra præceptū  
affirmatiuum, quo tenetur cauere illud malum:  
sed de nomine disputat, omisio enim nullo mo-  
do dici potest contra negatiuū præceptum, quia  
omisio non prohibetur, nisi affirmando; quia  
duæ negationes affirmant: commissio vero quo-  
dammodo dici posset contra affirmatiuum, non  
absolutum, quo teneatur quis simpliciter opera-  
ri; sed quasi conditionatum, & quod ex hypo-  
thesi obliget: nam cum aliquis vult operari cir-  
ca talem materiam, facta hac hypothese, tenetur  
recte operari, & hoc modo qui orat sine atten-  
tione, peccatum omissionis committit; quia li-  
cet non teneatur orare, tenetur orare attente, si  
orat, licet etiam dici posset teneri ad non oran-  
dum illo modo. Vnde hæc omnia in idem re-  
deunt. Sed modus loquendi S. Thomæ est opti-  
mus omnium: nam hæc duo præcipue inten-  
duntur in qualibet virtute: sequi bonum, cui op-  
ponitur omisio, & fugere malum, cui opponi-  
tur commissio.

**T**ertia propositio. Differetia commissionis, &  
omissionis in moralibus, per se non est formalis  
neque essentialis, sed materialis tantum. ita D. <sup>III. Proposi-  
tio.</sup> Thomas illo art. 6. Non est autem sensus nullam  
omissionem & commissionem differre essentia-  
liter; nam id plane falsum est, sed sensus est non  
id habere ex eo quod sunt omisio, & commissio;  
atque adeo posse interdum esse eiusdem speciei,  
cuius ratio est, quia formalis ratio peccati in in-  
ordinatione, & priuatione consistit: ergo si inor-  
dinatio & carētia rectitudinis sit eiusdem ratio-  
nis, peccatum erit eiusdem rationis, licet in vno  
contingat esse actum positiuum, & non in alio.  
Potest autem id contingere (inquit D. Thom.)  
cum omisio, & commissio opponuntur eidem  
virtuti. Sed addendum est, secundum eandem ra-  
tionem. Exemplum D. Thomæ est in peccato  
furti, & omissione restituendi, nam vtrumq; op-  
ponitur restitutioni iustitiæ, & facit inæqualita-  
tem eodem modo. Quod ideo addo, quia non sa-  
tis est commissionem, & omissionem opponi ei-  
dem virtuti, vt sint eiusdem speciei, quod aperte  
Kk 3 patet

homo elicit, quando est in statu primæ delibera-  
tionis, posset esse indeliberatus motus, atque a-  
deo veniale peccatum: quod argumentum et-  
iam procedit posito præcepto, quod D. Thomas  
inducit. Et virgeri potest primo, quia illud potest  
inuincibiliter ignorari. Secundo cum illius præ-  
cepti executio tempus requirat, vt omnes con-  
cedunt, non est necessarium summam diligen-  
tiam adhibere: quare si interdum verba otio-  
sa diceret, non propterea mortaliter peccaret,  
neque probabiliter loquitur Caietanus supra, qui  
oppositum sentit: nullum enim est, licet leuissi-  
mum, præceptum, in cuius executione non pos-  
sit aliqua levis negligentia intercedere. Tandem  
posito illo præcepto, & obseruatione eius non  
videtur necessarium hominem statim iustifi-  
cari, quia potest homo aliquo actu, saltem  
breui tempore honestè operari ex cognitione  
naturali, ad quam non necesse est statim sequi  
iustificationem, vt suo loco dicemus: ergo post  
illam.

**IX.** <sup>2. Proposi-  
tio.</sup> Secunda propositio. Frequentius contingit  
hominem prius venialiter, quam mortaliter  
peccare: patet, & quia potestatem habet vtro-  
que modo peccandi, & facilius est veniali-  
ter peccare: tum quia minus requiritur delibe-  
ratio, & homo in principio vsus rationis qua-  
cumque cupiditate, vel affectione faciliè mo-  
uetur; tum etiam, quia obiecta, quæ illo tem-  
pore occurrunt, frequentius sunt leuiora:  
ergo facillime poterit venialiter peccare cir-  
ca illa.

**X.** <sup>3. Proposi-  
tio vnde  
constet.</sup> Tertia propositio. Peccatum veniale potest  
esse simul cum solo originali, hæc sequitur ex di-  
ctis. Sed restat, vt respondeamus ad rationem  
D. Thomæ num. 1. positam. Respondeo ergo pri-  
mo, eos, qui in peccato sunt originali, si gratiam  
non consequantur, non posse esse multo tempore  
sine peccato mortali, & ideo ferè numquam  
mortaliter contingere aduultū mori cum origi-  
nali sine mortali, & ad hunc modum loquitur  
Innocentius III. in cap. maiores, de Baptismo. Re-  
spondeo secundo, eum qui in eo etiam statu ha-  
bet peccatum originale, si in periculo mortis  
constituatur, iam tunc teneri se ad Deum con-  
uertere, & ad gratiam præparare, propter mor-  
tis articulum: quod si non faciat, iam tunc pec-  
cabit mortaliter, quæ solutio per se vera est, ta-  
men posita ignorantia inuincibili, vel aliquo ca-  
su fortuito, non procedit. Respondeo tertio, po-  
sito isto casu ad diuinam spectare prouidentiam,  
vt nullus in eo statu moriatur. Respondeo quarto,  
forte potest quis mori in illo peccato veniali,  
& postea cum cæteris paruulis in limbum reci-  
pietur: vel perpetuo punietur leui aliqua pœna  
pro peccato veniali, quia numquam satisfacit ex  
defectu gratiæ, iuxta diuerfas sententias infra  
tractandas.

## DISPUTATIO III.

*De diuisione peccati, in omissionem,  
& commissionem.*



**N** præcedenti disputatione expli-  
cauimus id quod formale est, in  
peccato scilicet deordinationem e-  
ius, in hac vero quid sit materiale  
illius, nempe actus voluntatis D.  
Thomas i. 2. quest. 71. art. 5. & 72. art. 6. de hac et-  
iam diuisione tractat.

*Suarez in primam secundam D. Thomæ.*



pater in odio Dei, & omissione amoris Dei, oportet ergo addere taliter esse contra eandem virtutem, ut eadem ratione rectitudinem eius destruant, & hoc vocauit Sanctus Thomas sub eodem motiuo.

IV.  
Obiectio.

Sed contra, nam præceptum affirmatiuum, & negatiuum sunt regulæ speciei differentes; ergo inordinationes contra illa, necessariè etiam differunt specie. Confirmatur primo, nam vitia extremè contraria eidem virtuti, differunt specie, ut dictum est: sed commissio, & omisio differunt tanquam vitia extremè opposita, nam omisio semper est defectus virtutis, commissio vero excessus vitij. Confirmatur secundo, nam omisio, & commissio differunt valde in ratione voluntatis, commissio enim directe voluntaria est, omisio vero indirecte. Confirmatur tertio, quia in naturalibus carere perfectione debita, & habere aliquid contra naturam differunt specie, etiam in ratione materiali: ergo similiter, &c.

V.  
Responsio  
quorundam  
ad obiectio-  
nem.

Ad primum respondet D. Thomas art. illo 6. ad 2. & ibi Caietanus, negando consequentiam, quia peccatum non sumit speciem ex præcepto, cui est contrarium, quia id pertinet ad auersionem, sed ex obiecto ad quod est conuersio, sed hæc solutio, ut statim apparebit, procedit de specie positiua peccati, quæ sumitur ex obiecto, potius quam de specie malitiæ. Dico ergo istam præceptorum diuersitatem non semper arguere distinctionem specificam, quia affirmatiuum, & negatiuum præceptum possunt per se, & proxime referri ad cõseruandam eandem rectitudinem rationis, & virtutis, ut patet de præcepto non furandi, & restituendi. Ad primam confirmationem respondeo negando antecedens, nam peccatum commissionis interdum esse potest per defectum, ut sine attentione orare, & propter hanc causam, qui sine attentione orat, & recitat horas canonicas non committit duo peccata, commissionis, & omissionis, sed vnicum habens vnam malitiam; quia hæc eiusdem rationis est in illa commissione, & omissione: e contra verò, dicit D. Thomas, peccatum omissionis potest esse per excessum, & ponit exemplum in eo qui intemperate comedit die ieiunij, sed forte ibi non est commissio, quia præceptum negatiuum est, propriè loquendo: exemplum fortè esse potest, si quis ex appetitu delectabilium, vel odio insuauium, non comederet necessaria saluti, esset omisio per excessum contra temperantiam, & esset per nimium appetitum delectabilium. Ad secundam respondeo, antecedens non esse vniuersaliter verum, ut statim patebit, licet differentia indirecte, vel directe voluntarij non semper efficiat diuersitatem specificam in malitiâ morali.

VI.

Ad tertiam. Peccatum commissionis, & omissionis quodammodo etiam differunt ex parte eius, quod est materiale in peccato: nam commissio pro materiali semper requirit actum positiuum: omisio vero non item. Hoc patet ex dictis, quia prohibitioni actus, ipse actus est, qui opponitur: at vero præceptioni actus per se satis opponitur carentia actus. Sed est aduertendum circa priorem partem Dionysium Cisterciens. ut refert Almaynus tractatu 2. capite 10. negare commissionem semper includere actum, quia contingit aliquem peccare contra præceptum negatiuum solo conatu: conatus autem est quid distinctum ab actu: nam actus procedit à conatu: sed hoc intelligi nullo modo potest, nisi fortè loquatur de actu exteriori, nam in interiori non potest intelligi conatus voluntatis actualis sine

aliquo actu, nam ille conatus saltem est aliquod desiderium, vel cupiditas agendi, alias nihil est. De secunda parte est maior difficultas sectione sequenti separatim tractanda.

## SECTIO II.

Utrum de essentia omissionis sit aliquis actus positiuus.

PRIMA sententia affirmat quod sit de eius essentia: quatenus omisio peccatum quoddam est. Eam tenet Alensis 2. p. questione 130. membro 2. & 10. & Diuus Thomas 2. d. 41. quest. 3. & Capreolus d. 35. Adam. in 4. quest. 3. Henric. quodlibeto 12. questione 14. Fundamentum est, quia omisio ut peccatum, debet esse voluntaria: non potest autem esse volita nisi per actum. Secundo, quia in peccato omissionis reperitur non tantum auersio à Deo, sed etiam conuersio ad creaturas: cuius signum est, quia punitur non tantum poena damni, sed etiam poena sensus: sed non potest intelligi conuersio ad creaturam sine actu: ergo, &c. Tertio quando quis omittit, vel cogitat de re, quam omittit, vel non cogitat: si primum, impossibile est, quia habet actum volendi: si secundum, non peccat. Dices, poterit culpabiliter non cogitare: sed contra, nam de hoc ipso non cogitare reddit idem argumentum: & ita vel sistendum erit in aliquo actu, vel non poterit esse peccatum. Quarto, quia sine actu non potest esse meritum: ergo neque demeritum.

Secunda sententia est contraria, quæ affirmat, posse esse peccatum omissionis sine actu. ita Durand. 2. d. 35. quest. 2. Carthusianus quest. 7. Argent. d. 76. quest. 1. artic. 1. Gabr. 2. d. 41. Maior 2. questione 2. Adrian. in materia de Eucharistia quest. 3. ad 7. Almain. tractatu 1. cap. 6. Fundamentum est supra insinuatum, quia peccatum omissionis tantum est libere non agere, quod quis tenetur, sed hoc non requirit actum; quia & liberum, & voluntarium non semper requirit actum, ut supra ostensum est. Secundo, nam vel iste actus requiritur, ut sit causa omissionis, vel ut per illū sit volita ipsa omisio: non primum, quia non oportet esse aliquam causam omissionis positiuam; cum ipsa sit priuatio: neque secundum, quia ad non operandum non est necessaria voluntas non faciendi, sed satis est non velle facere. Quod optime patet in his omissionibus quæ non sunt peccata, quæ etiam possunt esse voluntariæ sine actu. Tertio, quia etiam si quis cogitet de præcepto, potest pro libertate sua suspendere actum, quia illi liberum est velle, vel nolle: ergo neq; velle, neque nolle, & ratione huius suspensionis omittit, & peccabit. Tertia sententia est quam D. Thomas in initio præced. sectionis citatus, videtur docere, & recte intellecta mihi placet.

PRIMA propositio. Peccatum omissionis committi posse per actum positiuum, idque duobus modis, primo directe, volendo omittit quod quis facere tenetur: secundo indirecte, idque variis modis iuxta diuersos modos voluntatis suo loco positos: duo tamen præcipue notandi sunt. Primus est, quando quis vult hic, & nunc aliquid facere, in cõpossibile actioni præceptæ, aduertendo præceptum, & incompatibilitatem, vel vincibiliter ignorando: alter modus est, quando aliquis hic, & nunc vult aliquid facere quod moraliter est futurum impedimentum ad exercendam actionem præceptam, etiam in præiudicando: in his autem casibus actus ille non censetur peccatum commissionis, quia non est per se prohibitus.

I.  
Sententia  
affirm.

II.  
Sententia  
opposita.

III.  
Propositio.



bitus per negatiuum præceptum, sed consecutione quadam per affirmatiuum.

IV. *2. Propositio.* Secunda propositio. Peccatum omissionis potest esse peccatum etiam consummatum sine actu exteriori. Est per se nota, ut si quis velit non audire sacrum, nihil tamen contrarium agere illi.

V. *4. Propositio.* Tertia propositio. Positiuus & interior actus voluntatis, non est de essentia peccati omissionis: hoc probant rationes secundæ sententiæ. Confirmatur, nam si per possibile, vel impossibile aliquis non faciat, quod tenetur, hoc ipso peccat supposita cognitione, & aduertentia humana, nam hoc ipso discordat à sua regula, & repugnat rationi, & voluntati diuinæ: non solum autem est moraliter malum repugnare voluntati diuinæ formaliter & positiue, sed etiam, interpretatiue ac priuatiue.

VI. *4. Propositio.* Quarta propositio est. Peccatum omissionis physice fieri posse sine actu interiori voluntatis, & fortè interdum fieri, licet moraliter loquendo, fere nunquam ita accidat, hoc modo intelligenda est doctrina D. Thomæ supra, licet Caietanus velit istam impotentiā esse omnino physicam. Sed probatur primo, quia nihil est, quod necessitet physice voluntatē ad efficiendum aliquem actum, etiam si intellectus consideret, potest ergo suspendere actum. Dices: ista suspensio actus, ut sit peccatum, debet esse ex proposito voluntatis etiā humano modo. Respondeo non esse opus, ut sit humano modo, esse directā intentione, & positiuo actu amatam, sed satis esse hominem ex certa scientia non operari: sicut cum homo deliberate vult, non prius vult velle, sed volēdo obiectum vult velle: ita in proposito non volendo, virtute vult non velle. Confirmatur, nam propositio obiecto futuro, v.g. facere hoc crastina die, nunc suspendo omnem actum, neque volo, neque nolo: ergo idem possum facere de obiecto presenti.

VII. Ultima assertionis pars, quæ communis etiam est, probatur, quia si quis aduertat obligationem præcepti imminere, vix potest, moraliter loquendo, non habere aliquem actum circa rem sic præceptam, quia tale obiectum, & mouet voluntatem, & est res, quæ valde ad ipsam perficit, ergo moraliter non fit per meram negationem, & tota illa suspensio actus in quacunque materia est moraliter difficillima: si autem quis non aduertat tunc, ut omisio sit culpabilis, necesse est illam inaduertentiam esse culpabilem, atque adeo voluntariam, & de ea procedit eadem ratio, vnde tandem sistemus in aliquo actu, quo vel directe, vel indirecte fuerit volita ipsa omisio. Vnde etiam colligitur omisio exterior non semper requirere actum interiorē concomitantem, in quo etiam differt à commissione.

VIII. Ad argumenta primæ sententiæ respondeo, ad primum negando voluntarium requirere actum. Ad secundum respondetur voluntatem peccando, auertere se tantum interpretatiue, & similiter se conuertere, & ideo talem auersionem, vel conuersionem non semper requirere actum positiuum, sed satis est virtualis voluntas, quæ cum quis omittit, virtualiter vult, vel se ipsum, vel aliquid aliud plus quam Deum: vnde pœna sensus merito tribui potest sine actu positiuo, quia hæc non respondet actui ratione differentię positiuæ, quam habet in ordine ad obiectum, sed ratione malitiæ moralis, quam ex eodem obiecto, vel circumstantiis habet, hæc autem malitia moralis manet in omissione pura, licet non maneat actus ut ex se facit. Ad tertium responde-

tur ex dictis, etiam si quis cogitet de obligatione sua simpliciter posse non efficere actum, licet id sit difficile, & ideo moraliter raro, vel nunquam contingat, ut supra etiam in conclusionibus explicauimus. Ad quartum respondet D. Thomas negando consequentiam, quia plura requiruntur ad bonum, quam ad malum. Ratio differentię est, quia bonum, quod ad meritum supponitur, non consistit in priuatione, sicut malum potest consistere. Petes quare hoc dicatur peccatum actuale, si in actu non consistit. Respondeo, quia eius malitia non consistit in aliqua priuatione veluti habituali per alium actum contrarium, sed in priuatione actus debiti, quæ etiam voluntaria actu est, vel virtute, & per hæc satis patet ad argumenta prioris sententiæ. Ad argumenta secundæ sententiæ respondeo solum probare potestatem physicam, non moralem.

### SECTIO III.

*Virtus actus, qui fit eo tempore, quo omittitur præceptum, & est incompesitilis actus præcepto, sit peccatum.*

PRIMA sententia affirmat huiusmodi actum semper esse peccatum. Ita Capreolus 2. d. 35. Fundamentum est, quia tali actui semper defuit circumstantia temporis, fauet D. Thom. quest. 2. de malo ar. 1. ad 7. ubi inquit, etiam laudare Deum, eo tempore, quo aliud est præceptum, esse malum. Secunda sententia absolute negat illum actum ratione illius circumstantiæ esse malum, si alias ipse bonus sit ex suo genere. ita Durandus d. illa 35. q. 2. Fundamentum est, quia talis actus, neque est per se malus, neque eo tempore prohibitus, nullum enim est præceptum, quo stuitur, v.g. in die festo prohibitum sit. Sed distinctione breuiter utendum est, nam voluntas omittentis dupliciter potest ferri in actum istum incompesibilem actui præcepto: primo, quia antecederet eligitur, ita ut voluntas id faciendi sit causa, & ratio omittendi præceptum: secundo quasi concomitanter, vel consequenter, ut cum quis iam deliberauerit omittit e, & ideo vult hoc, vel illud efficere.

PRIMA propositio. Ille actus, qui est causa omissionis, ipse peccatum est. Est communis, & probatur, quia omnis actus liber, qui est causa peccati, est peccatum, ut patet, nam ideo consulere peccatum, est peccatum, & idem est in alijs. Ratio vero est, quia agere peccatum libere, formaliter loquendo, est peccatum, sed id, quod est causa peccati, vere agit peccatum. Ergo. Confirmatur, nam ille actus virtute est contra præceptum affirmatiuum: qui enim præcipit hîc, & nunc aliquid fieri, virtute præcipit, ut non fiant illæ actiones, quæ eo tempore incompesibiles esse possunt cum obseruantia illius præcepti.

Sed quæres, quodnam peccatum sit ille actus, & quamnam malitiam habeat. Respondeo primo illum contrahere malitiam omissionis, & sub hac ratione esse vnum peccatum specie, & numero cum omissione. Hoc patet, quia in illo actu continetur formalis, vel virtualis voluntas omittendi: ergo ut sic, habet idem obiectum cum omissione, atque adeo eandem malitiam, & deformitatem repugnātem eidem præcepto: est ergo idem peccatum, etiam in specie, quia habet inordinationem eiusdem speciei, & numeri, quia talis actus, & omisio tunc fiunt, & appetuntur per modum vnius, & hac ratione habent eandem numero deformitatem.



qua ratione actus ille, vt sic posset dici peccatum omissionis, quia omissioni non repugnat includere aliquem actum. Secundo. Certum est illum actum, si alias ex obiecto sit malus, vel contrarius virtuti, retinere propriam malitiam, vt si quis furetur tempore quo tenetur audire sacrum.

**IV.** Difficultas vero est quando actus ille videtur bonus ex obiecto, vel indifferens, vt actus studii, an habeat aliam malitiam distinctam à malitia omissionis. Ad quam solet sub distinctione responderi, nam si quis aduertit se hoc tempore omittere, & ex nimio affectu ad illud opus, velit nihilominus illud exercere, & sic omittere: tunc actus ille habet malitiam specie distinctam, quia vere est contra rectitudinem propriæ virtutis, & quia constituit vltimum finem in illo obiecto. Si vero non aduertit & ex negligentia quadam sequatur omisio, tunc dicunt non habere actum illum malitiam præter malitiam omissionis, quia non procedit omisio ex inordinato affectu ad illud opus. Cuius distinctionis prima pars consentanea est his, quæ supra diximus in materia de malitia, & de peccato veniali. Sed in secunda parte videtur esse nonnulla difficultas, quia vel illa omisio ex negligentia, oritur ex ipso opere, & ex nimio conatu, & affectu, & tunc iam ille actus est per se malus in propria specie, quia indebite fit. Vel non est actus ille causa negligentiae, vel inaduerentiae, sed accidit hominem dum hæc operatur, negligere alium, & tunc neque actus ille peccatum erit, sed concomitanter se habebit, quia non est causa. Confirmatur, quia si ille actus in propria specie esset bonus, & virtutis, numquam esset causa malitiae omissionis: ergo semper præintelligitur in illo prior alia malitia. Respondeo argumentum concludere, quod actus ille quando cumque est causa omissionis præter malitiam omissionis habere aliam inordinationem in propria specie, quia reuera caret alia honestate, quam habere deberet, tamen illa inordinatio non semper est per se grauis, neque mortalis, nisi sit priori modo amatus ille actus per modum vltimi finis.

**V.**  
2. Propositio.  
310.

Secunda propositio. Quando actus qui fit tempore omissionis non est causa omissionis, sed concomitanter tantum se habet, nullum est peccatum. Est communis sententia, & patet, quia illa actio non est causa, neque occasio peccandi, vt suppono, & probatur, quia eius obiectum bonum est, & ex vi omissionis nullam habet circumstantiam malam: ergo. Probatur minor, nam maxime haberet circumstantiam temporis: sed hæc non est necessaria remota obligatione præcepti extrinseci, & illud tempus est conueniens ad illam actionem, præceptum autem non reddit illud tempus ad actionem incommodum, nisi quatenus actio illa potest esse occasio hoc tempore non obediendi præcepto: sed posito illo casu iam non est occasio: ergo. Confirmatur primo, nam contingit & potest illum actum esse sub præcepto, vt si quis vouisset studere toto illo tempore, quo manet domi, & iam decreuisset non exire de domo, tunc ratione voti teneretur illud facere: ergo signum est illud non esse peccatum. Confirmatur secundo, quia in huiusmodi casu licitum est consulere homini illam actionem: dices id esse, quia licet consulere minus malum. Contra est, quia non solum licet consulere, sed cooperari etiam cum illo, vt studere, vel argumentari, vel ludere.

**VI.**

Sed contra. Nam ille actus est tunc virtute prohibitus, vt diximus: ergo quomodo cumque tunc

illum faciat, facit contra præceptum. Secundo, actus ille de se est impossibilis actui præcepto: ergo ex vi eius sequitur omisio: ergo semper est causa eius: neque videtur referre, quod simul sequatur ex alia causa, scilicet voluntate omitterendi. Nam, vt aliquid sit peccatum, non est necesse, vt solum illud causet peccatum, neque quod peccatum fieret, etiam illo non posito, vt si quis sciret fore vt alter furetur hanc, vel illam rem sine concursu eius: nihilominus ipse peccat si illum adiunget. Tertio, quia alias sequeretur non peccare sacerdotem, qui cum decreuerit non dicere officium, proiicit breuiarium in mare: neque illum, qui cum decreuerit non seruare votum castitatis, contrahit matrimonium: neque etiam illum, qui cum propositum habeat non restituendi, distrahit bona illa.

**VII.**

Ad primum respondeo illum actum eo tempore non exeri, prout est prohibitus, quia solum virtute prohibetur, vt potest esse occasio omitterendi. Ad secundum nego actum illum illo modo concurrere ad omissionem, & ad argumentum fateor necessarium esse, posito illo actu, omittere, tamen id non satis est, vt actus sit causa omissionis, sed necessarium præterea est, vt hic, & nunc, sequatur omisio, ex eo quod actus ille exercetur; unde aduerte, vt aliquis actus sit causa omissionis, non satis esse actum illum de se esse sufficientem ad efficiendum illum effectum, sed necessarium præterea esse non supponere effectum iam productum, hoc enim necessarium est in omni causa, quæ actu debet influere; in proposito autem illa omisio iam erat facta moraliter, & ideo formaliter non censetur manare ab illo actu: quare non est simile de aliis exemplis. Ex hoc tamen inferri videtur, vt actus iste concomitans omissionem, non sit peccatum, necessarium esse præcedere voluntatem formalem, & expressam omitterendi, quia ubi non est hæc voluntas, actus, moraliter loquendo, semper est causa indirecta, nam omnis effectus refertur in aliquam causam, unde quando non habet causam directam, refertur in indirectam, & præterea quia cum non habet aliquis illam voluntatem expressam, non potest moraliter vere iudicare omissionem iam esse factam. Ad tertium respondetur negando consequentiam. Et ratio in primis est, quia ille in eo casu adimit sibi potestatem adimplendi præceptum, etiam si in futuro tempore propositum mutet, studium vero non est huiusmodi. Dices ergo saltem, si quis dormiret eo tempore, peccaret, quia adimit sibi potestatem mutandi voluntatem, & ideo videtur noua culpa. Respondeo, transeat hoc. Unde infero quod si actus concomitans talis sit, vt per se possit conferre ad perseverandum in malo proposito, atque adeo magis impedire hominem ne impleat præceptum, ex hac parte poterit actus habere aliquam malitiam. Secundo respondeo, si quis deliberate decreuit omittere, & moraliter non est verisimile illum mutaturum voluntatem, non censetur sibi adimere potestatem non peccandi, ratione somni. Idem fere est dicendum ad alia duo exempla: quæ non procedunt, quia illi actus sunt per se mali, & directe contra ipsum præceptum.

#### SECTIO IV.

*Quo tempore censeatur quis peccare peccato omissionis.*

**D**ifficultas huius questionis versatur in ea omissionem, quæ non est actus voluntatis, eo tempore.

**I.**



**I. Sententia improbat.** tempore, quò præceptum vrget: de qua est prima sententia, quæ affirmat posse illam esse peccatum, licet neque eo tempore, quo præceptum obligat, voluta sit, neque interior culpa præcesserit. ita Marfil. in 2. quæst. 21. sed est sententia improbabilis, nam impossibile est eum qui se somno committit in gratia, & sine peccato mortali dum actu dormit, amittere gratiam, & peccare mortaliter: quia non habet libertatem, neque vsum rationis, alias amens & puer ante vsum rationis posset amittere gratiam: impossibile ergo est, vt omisio illa sit peccatum, nisi ratione præcedentis voluntatis: & ratio est, quia nullum est peccatum, nisi sit liberum: ergo vel voluntate præfenti, vel voluntate præterita: ergo debuit præcedere interior culpa.

**II. 2. Sententia proponitur.** Secunda sententia est, quæ vult totum hoc peccatum omisionis committi, cum aliquis dat sufficientem causam omisionis, postmodum vero tempore præcepti nullum esse peccatum, ita Alenf. 2. p. quæst. 130. memb. 6. Gabr. 2. d. 45. dub. 3 ad 7. Fundamentum est, quia omne peccatum sequitur voluntatem.

**III. 3. Sententia.** Tertia sententia dicit tunc omisionem imputari ad peccatum, & culpam, quando adest tempus implendi præceptum, est D. Thomæ. 2. 2. q. 79. art. 3. ad 3. & ratio esse potest, quia peccatum constituit in transgressionem præcepti: hæc autem obligatio solus est eo tempore, quo præceptum obligat. Confirmatur à signo, nam si illa causa omisionis esset somnus, vel ebrietas, & casu ille excitaretur, vel ad se rediret, & impleret præceptum, reuera non omisisset, atque si tali omisioni esset imposita pœna excommunicationis, vel irregularitatis, non illam incurreret. vide Caietanum 2. 2. quæst. 150. art. 4. sed forte dissensio est de nomine.

**IV. Observatio pro decisione.** Aduertendum est in omisione, sicut in commisione duo esse consideranda, interiorem culpam, quæ in voluntate ipsa est, & exteriorem omisionem, quæ in carentia actus præcepti consistit. Prima propositio. Culpa, & peccatum interius committitur, cum quis volutarie dat causam futuræ omisionis. Est certa, quia omnis culpa formaliter est in voluntate. Confirmatur, nam qui directe vult omittere, tunc committit culpam quando habet illam voluntatem: ergo idem est quando vult indirecte. Idem patet ex his, quæ diximus de futuro euentu quomodo aggrauet malitiam voluntatis.

**V. 2. Propositio.** Secunda propositio. Exterior omisio tunc intelligitur fieri cum occurrit tempus præcepti, & licet nullam mortalem malitiam addat, ipsa tamen peccatū proprie dici potest. Probantur singula, quia omisio exterior tunc fit, quando fit exterior actus prohibitus. Secunda vero pars, scilicet illam omisionem non addere malitiam mortalem, patet, quia suppono voluntatem neque mutari, neque augeri. Vltima vero pars patet, quia vt actio exterior sit mala, satis est quod procedat à mala voluntate: ergo idem erit de omisione. Confirmatur, nam cum procedit à voluntate directa, est peccatum non propter malitiam, quam inde habeat, sed propter voluntatem: ergo similiter, &c. & hoc etiam probant rationes D. Thomæ.

**VI.** Ex his colligitur mensuram huius peccati omisionis sumendam esse ex culpa interiori quæ præcessit: nam si illa fuit venialis, & omisio talis erit: si mortalis, etiam mortalis erit omisio. Ratio est, quia tota illa malitia omisionis est à præcedenti volitione. Aduertendum vero est in illa præcedenti voluntate esse distinguendas duas rationes, vel malitias, vnā quam habet ex pro-

prio obiecto intemperantiæ si sit ebrietas aliam, quam habet vt causa omisionis: omisso ergo, quæ subsequitur, denominatur, & mensuratur ex posteriori malitia, non ex priori, vnde contingere potest priorem malitiam esse mortalem, & tamen omisionem esse venialem, propter leuem negligentiam, vel culpam in præuidenda omisione futura.

Sed quæres an possit contingere voluntatem, quæ est causa omisionis vt sic, esse culpam, & tamen omisionem postea sequutam nullo modo esse peccatum. Nam videtur posse accidere si aliquem antequam sequatur omisio, pœniteat prioris culpæ, & causæ datæ, tamen non possit impedire effectum, nam tunc omisio sequens est simpliciter inuoluntaria: ergo. Confirmatur, quia alias contingere posset eum qui est in gratia, dum est in gratia, peccare mortaliter peccato exteriori, quod videtur inconueniens. Item sequitur aliquando teneri hominem ad efficiendum actum illum exterioriorem, qui est peccatum, vt si quis volutarie incidit in morbum, ex quo sequitur culpabilis omisio postea dum iam agrotat, & recte facit, & debet omittere. In contrarium vero est, quantumuis illum hominem pœniteat postea, propter illum actum iuste punitur, & manet irregularis, ergo ille actus exterior habet rationem peccati, præterea in simili quæstione actus commissionis vtre peccatum est, vt homicidium, ergo, &c.

Dico breuiter vtrumq; modum loquendi esse probabilem, priorem videtur sequi Soto 4. d. 12. qu. 1. art. 7. & dicendum esset pœnam non solum esse impositam actioni exteriori, quia peccatum est, tunc cum fit, sed quia per se culpabilis est, & causam habet prauam voluntatem, licet per accidens contingeret non esse peccatum propter mutationem voluntatis: sed forte magis proprie illa peccata dicentur, quia procedunt à causa libera, & deiciente quatenus tenetur illa euitare: neque refert voluntas subsequens, quia illa non est principium omisionis, quæ sequitur, sed alia prior, quæ præcē sit: actio autem exterior, vel omisio denominatur peccatum à voluntate à qua procedit, vnde simul eadē omisio, & est voluta, vt effectus à voluntate, quæ est causæ eius, & est nolita per modum obiecti, & prima voluntas est volo, secunda est nollem sequi effectum. Ad confirmationem respondeo illam omisionem habere duplicem respectum, alterum ad præcedentem voluntatem prauam, cuius est effectus, alterum ad præfentes circumstantias, & voluntatem, & vt sic, recipit denominationes diuersas, neque est inconueniens eundem actum exteriorem denominari bonum, & malum à diuersis voluntatibus.

Sed occurrit hoc loco alia difficultas: nam sequitur eum qui volutarie incidit in morbum, ex quo euidenter fiat, vt omittat executionem multarum actionum sub præcepto, vt ieiunandi, audiendi sacrum, &c. in illo priori actu incurrere malitias omnium illarum omisionum, quod videtur durissimum, & sequela patet, quia tunc ponit sufficientem causam. Et habet difficultas locum in præceptis positiuis. Quidam dicunt nunquam illum incurrere hanc malitiam. Ratio eorum est, quia ista præcepta positiua non obligant omnes, sed potentes illa exequi: non tenetur autem aliquis tueri sanitatē, vt possit obligari his præceptis, & postea peccare si non impleat. Sed non videtur verisimiliter dictum, primo, quia sequitur eum, qui ista directa intentione procurat morbum, vt deobligaretur ab agendo, contra illa non peccare quod aperte

VII.

VIII.

IX.



est falsum. Secundo sequitur eum, qui in ebrietate tanquam in causa vult istas omissiones, nunquam incurrere istas malitias, quia praecepta non obligant, nisi eos qui possunt ratione uti: ergo non tenebitur quis conseruare vsum rationis, ut obligetur. Tercio, quia praecepta omnes obligant, licet aliqui excusentur, vnde cum ille hic non excusetur, videtur virtute agere contra obligationem ipsam, quod est peccare. Alii dicunt tunc aliquid incurrere culpam, cum directe praeuidet, & intendit illas omissiones, propter rationem factam, non tamen si non praeuideat. Sed neque hoc secundum videtur consequenter dictum, nam in moralibus voluntarium indirectum aequiualeat directo.

- X. Quocirca dico breuiter, eas omissiones esse malas, si aliquo modo voluntariae sint: quae est expressa sententia D. Thomae 1. 2. *question. 77. artic. 7. ad 7.* Addo tamen esse prudenter considerandum moraliter, quia ut istae omissiones sint voluntariae indirectae, oportet non solum esse praeuistas, sed esse tales, ut praeceptum obliget ad vitandam agnitudinem ne illae sequantur: praecepta autem posita ad hoc non obligant, nisi quando omissiones proxime, & veluti eodem tempore, moraliter loquendo, sequantur. Ex quo etiam efficitur, ut quando istae omissiones non sunt directe intentae, neque praeuistae, raro imputentur ad culpam, quia praecepta ista posita non cum tanto rigore obligant, ut propterea teneatur quis cum tanto rigore praeuere illa omnia quae possunt impedire eorum executionem.

## SECTIO V.

### De grauitate omissionis, vnde sit sumenda.

- I. In hac re eadem omnino regula seruanda sunt, quae de peccato in genere supra *disput. 1. section. 2.* sunt posita. Prima propositio. Specifica grauitas, & essentialis istius peccati ex obiecto est considerata, seu ex materia circa quam versatur: hoc conuenit, quia hoc generale est in omni peccato. Et explicatur, nam directa voluntas non faciendi quod praeceptum est, ex se volita habet specificam malitiam, & maiorem, vel minorem in illa specie, ergo, &c.

- II. Secunda propositio. Grauitas huius malitiae optime consideratur ex actu, quo omisio priuat, illa enim omisio grauior erit ceteris paribus, quae opponitur meliori actui. Probat, tum quia propria mater a, & veluti obiectum omissionis est virtus, id est, quia priuat, quia cum hoc peccatum sit quasi pura priuatio, de se non potest habere proprium obiectum nisi ratione positiui, tum etiam, quia priuatio ex forma, qua priuat, mensuranda est, & ideo hac ratione supra diximus malitiam oppositam perfectiori virtuti de se esse maiorem.

- III. Sed contra docuit Alm. 3. *moralium cap. 26.* & Adam. in 4. *quest. 6.* & fundamentum est, quia si ex actu opposito pensanda esset grauitas omissionis, puta omisio de se non haberet certam malitiam, sed in infinitum maiorem, & minorem. Probat, quia ille actus contrarius est in infinitum remissibilis, & illa omisio est minus mala, quam quicumque actus positiuus, licet in infinitum remittatur: ergo, &c. Sed melius confirmari potest primo, quia melior est actus, qui est in consilio, quam qui est in praecepto, nam ille potest esse actus heroicus, & tamen priuatio con-

traria non est magis mala. Confirmatur secundo. Nam grauius peccatum est non succurrere extreme indigenti, quam existenti in necessitate minori, & tamen illud primum videtur minus bonum. Ad argumentum eorum respondeo in primis falsum supponere, quia forte actus non est in infinitum remissibilis. Secundo, quidquid sit, ille actus in quacumque remissione habet certam perfectionem specificam, & essentialem, quae reperitur in quocumque actu quantumcumque remisso: ergo ponenda erit malitia purae omissionis, ut sit specifica grauitas malitiae. Ad primam confirmationem respondeo ex dictis, omnem malitiam debere habere rationem moralis priuationis, atque adeo debere esse carentiam bonitatis debitae inesse, & ideo omissiones illarum bonitatum, quae non sunt moraliter debitae, non debent hoc loco numerari: supponit ergo conclusio posita omissionem esse malam, & de illa loquimur. Ad secundam confirmationem patebit responsio ex ijs, quae infra latius a nobis dicenda erunt.

Tertia propositio. In grauitate omissionis consideranda etiam est obligatio, & vis praecepti, & legis praeipientis actus cui omnino opponitur. Ita Almayn. *supra*: in quo sine causa improbat, ut Thomistae, quia certum est esse grauius de se id omittere, quod a superiori distinctius praecipitur, quia est magis rationi dissonum. Confirmatur, nam licet ille actus de se non esset neque bonus, sicut alius, tamen eo ipso, quod a superiore sub maiori vinculo praecipitur, habet quandam maiorem rationem boni: ergo, &c. Idem praeterea patet a simili in commissione. Nam aduertenda est differentia interea quae naturali legi, & positiua praecipuntur: in illis siquidem quo actus est de se in materia grauiori, eo praeceptum naturale, quod in tali actu cadit, magis obligat: in praeceptis autem positiuis non semper ita est: & praeterea in omissionibus, quae his praeceptis opponuntur, praeter materiae qualitatem consideranda est vis, & modus obligationis praecepti.

Quarta propositio. Etiam in omissionibus sunt consideranda aliae circumstantiae, & ideo non omnes omissiones oppositae eidem praecepto sunt neque graues, quod etiam aliqui Thomistae sine causa negant. Et patet, quia ista omisio morale quid est, & vel formaliter, vel virtute includit actum voluntatis: potest ergo esse vel magis, vel minus voluntaria: & propter finem magis, vel minus malum, & sic de reliquis: ergo, &c. Ex quibus etiam colligitur in primis puram omissionem, ceteris paribus, esse minus peccatum, quam eam quae est directe voluntaria positiue.

Definitur deinde ex dictis alia quaestio, quam D. Thomas hoc loco omittit, sed tractat. 2. 2. *quest. 79. artic. 4.* quod sit peccatum grauius omisio, an commissio? & respondet commissionem summam esse grauius peccatum, quam sit summa omisio, ut odium Dei, quam carentia amoris. Similiter respectu eiusdem virtutis, ex suo genere, etiam commissio est peior omissione, ut haereticus, carentia fidei, & sic de alijs, & ratio est, est, quia commissio opponitur quodammodo contrarie, & ideo inducit maiorem inordinationem virtutis; at vero in particulari loquendo de hac, vel illa omissione, & commissione, saepe contingit omissionem esse grauiorem, ut per se constat.

\* \*



# DISPUTATIO IV.

## De peccato ex passione, ignorantia, & malitia.

### SECTIO VNICA.

#### An peccatum recte diuidatur in hac tria.



N præcedētibz explicui ea, quæ pertinet ad formale, & materiale peccati; hæc vero sectio præcipue necessaria est ad intelligendam grauitatem accidentalem eius, de qua Doctores in 2. d. 22. & 43. & D. Tho. 1. 2. quest. 76. 77. & 78. Vbi hæc numerat tanquam tres causas peccatorum: tamen quia proprie circumstantiæ sunt, & melius, & breuius intelliguntur si simul inter se conferantur, ideo vnico verbo hic rem expediemus.

I.

Rationes dubitandi.

Dubitatur itaque, vtrum peccatum recte in tria illa membra diuidatur. Ratio dubitandi prima est, quia omne peccatum ex aliqua ignorantia oritur. Secundo, quia nullum est peccatum ex malitia, quia vel illa malitia, ex qua dicitur esse peccatum, est actualis malitia, vel non: si non est actualis, non est malitia: si vero actualis: ergo peccatum: ergo vel illud est ex malitia, vel non: sistendum est ergo in alio quod non sit ex malitia, & cetera, quæ ex illo oriuntur, etiam non erunt ex malitia, sed erunt tantum talia, quale illud est ex D. Thoma q. 3. de malo art. 4. quia effectus participat conditionem causæ. Tertio, quia videntur esse aliqua peccata, quæ non comprehenduntur ista diuisione: primum ignorantia ista, quæ sæpe peccatum est. Secundo peccatum ex suggestionē, quod non est ex malitia, cum proueniat ab extrinseca causa, & tamen neque est ex passione, neque ex ignorantia, vt patet in peccato Adam, & inferiorum Angelorum, & idem fere videtur de peccato, quod occasionem habet in naturali quadam complexione præua, & tandem potest esse peccatum, quod simul ex ignorantia, & passione oriatur.

II.

Propositio.

Prima propositio. Certum est hæc tria genera peccatorum reperiri. Probatur Actorum 3. Scio quia per ignorantiam fecisti: 1. ad Timoth. 1. ignorans feci, Ierem. 4. propter malitiam cogitationum vestrarum, &c. Isai. 5. Vbi qui trahitis iniquitatem in funiculis vanitatis, &c. Dan. 12. Concupiscentia subuertit cor tuum, Iob. 34. Quasi de industria recesserunt à me, quod est peccatum ex malitia, & est communis sententia Patrum, & Theologorum, & ratione patebit statim.

III.

Propositio de peccato ex passione.

Secunda propositio. Peccatum ex passione illud est, quod oritur ex motione appetitus sensitui trahentis voluntatem ad consentiendum, atque adeo determinantis libertatem, iuxta illud Iacobi 1. Vnusquisque tentatur à concupiscentia sua abstractus, & illectus. Aduertendum est circa hoc genus peccati passionem hanc debere antecedere, & quodammodo extorquere consensum voluntatis, atque adeo debere esse intensum, & vehementem: nam si sit remissus quidam motus, qui fere nihil voluntatem commoueat, aut rationem perturbet, non constituitur peccatum ex passione, quia fere nihil minuit libertatem, & propterea oportet esse passionem simpliciter antecedentem: nam si sequatur excitata

à voluntate, licet postea ipsam voluntatem augeat, neque peccatum, neque augmentum eius, censetur ex passione, quia non fuit passio prima radix, & causa augmenti, & peccati. Ex quo etiam fit vt ea passio, quæ propter prauam consuetudinem est vehementior, non constituat peccatum ex passione, quia talis motio non est violenta, sed voluntaria, & ideo dixit Aristoteles, intemperatum, non ex passione, sed ex malitia peccare, 3. Ethicorum. Et D. Thomas idem dixit 1. 2. questione 78. articulo septimo, de peccato ex consuetudine, quod intelligendum est quandiu ipsa consuetudo voluntaria est: nam si poeniteat aliquem præteritæ consuetudinis, & iam, quod in se est, faciat, vt illi repugnet peccatum ex illa consuetudine ortum, ex passione iudicandum erit, & idem fere iudicandum, quando consuetudo ipsa ex passione traxit originem; quia tunc sicut habitus passionis est genitus, ita eius effectus moraliter videntur quasi ex passione fieri, licet D. Thomas in questione 79. articulo 2. ad secundum aliud videatur indicare, sed intelligendus est, quando passio non cessauit, & nihilominus aliquis vult perseverare in sua consuetudine, tunc enim habitus incipit esse quasi plene voluntarius.

De ignorantia multiplex questio excitari solet: quod attinet ad moralia, de quibus hic nobis sermo est, prima esse de ignorantia, quatenus est cum voluntario, de qua re iam superius diximus in tractatu 2. Secunda consideratio est, quatenus refertur ad species bonitatis, vel malitiæ moralis, seu peccati: & hoc modo de illa fuisse egimus tractatu 3. in materia de conscientia. Tertia consideratio, vt causa, vel potius circumstantia peccati, & de hac agemus statim, & multa etiam diximus superius in illo tractatu 2. Idem enim omnino est ignorantiam causare, augere, vel minuire voluntarium, ac augere, minuire, vel causare peccatum. Quædam vero alie questiones, scilicet, an ignorantia, quæ non excusatur à culpa, excuset à poena; vel è contra, an ignorantia quæ excusatur à culpa, non excuset à poena? & alie his similes, non sunt huius loci propriæ, prima enim solum videtur habere locum in excommunicatione, posterior vero in irregularitate, vt latius in materia de censuris videri potest. Quarta consideratio esse potest de ignorantia ipsa, quatenus quoddam peccatum esse potest, & de hoc peccato dicemus disputatione sequenti section. 3. In specie vero, nempe quarum rerum ignorantia sit peccatum, & quando, & quomodo id contingat, ad materiam de fide spectat; ibique videri potest, vbi agimus de præcepto, quo tenemur scire res fidei. Nunc quatenus peccatum dicatur esse ex ignorantia, videamus.

IV.

Recensentur, & remittuntur alio varia questiones de ignorantia.

Tertia ergo propositio sit. Peccatum ex ignorantia illud est, quod à vincibili ignorantia voluntarium diminuentem, tanquam à causa per accidens procedit, iuxta illud 1. ad Corinth. 2. Si cognouissent, non crucifixissent. Dixi ignorantiam debere esse vincibilem, quia oportet omne peccatum esse voluntarium, & propterea, si inuincibilis est, non solum non est culpabilis, sed excusatur, vt D. Thomas expresse multis in locis docet in 1. 2. licet Caietanus questione 176. articulo primo, velit ignorantiam inuincibilem esse causam peccati, licet illud peccatum (inquit) non imputetur operanti: tamen non bene loquitur, potest enim ignorantia inuincibilis esse causa efficiendi actum, qui esset peccatum, si voluntarie fieret, tamen simpliciter nunquam est causa peccati: quia cum illa adest, non

V.

Propositio de peccato ex ignorantia.

solum n



solum actus non est peccatum, sed etiam esse potest virtus.

**VI. Obiectio.** Sed contra, nam si quis inuincibiliter ignoret talem actionem, quam nouit turpem, fore Petro nociuam, & ideo illam exerceat, quam tamen non exerceret, si id non ignoraret, tunc illa ignorantia inuincibilis est causa peccati tanquam remouens prohibens. Respondeo concedendo aliquam ignorantiam inuincibilem esse interdum nonnullam occasionem peccandi, nego tamen ratione illius ignorantie actum esse malum, & hoc modo debet oriri ab ignorantia peccatum quod ex ignorantia dicitur. Vnde peccatum illud quod proponitur in casu argumenti, cum supponatur eum qui peccat scire actionem illam esse alias turpem, quam tamen turpitudinem solum contrahit, non est ignorantia. Sed aduertendum præterea est istam ignorantiam, ut D. Thomas 1. 2. *quest. 76. artic. 1.* notat, debere esse scientie contrariam non prudentie, seu electioni recte tantum, quæ potius inconsideratio dicitur: nam cum ista inconsideratione peccati, potest esse ex malitia, & quorumque alio modo: quod forte limitari potest, quando inconsideratio illa ex humana quadam fragilitate procedit: nam tunc non censetur procedere ex perfecta libertate, & ideo non minus diminuit peccatum, quam ignorantia scientie, ac propterea tunc reduci potest hoc peccatum ad peccatum ex ignorantia, nisi quis velit potius pertinere ad peccatum ex passione, quia inaduertentia illa, vel inconsideratio frequenter ex passione procedit, vel moraliter reputatur tanquam fragilitas æquiualens passioni: tandem addendum est oportere ignorantiam istam non esse affectatam, nam quando ipsa est directe amata, licet scientie sit contraria, non tollit perfectam libertatem, neque voluntarium, & ideo non constituit peccatum ex ignorantia, quia reuera prima radix peccati non est ignorantia, sed voluntas. Vide D. Gregorium 25. *moralium cap. 16.* & D. Augustinum libro de gratia, & libero arbitrio capit. 3. Bernardum epistola 27.

**VII. De peccato ex malitia.** Iam de peccato ex malitia difficultas est in quo consistat. Prima sententia dicit peccare ex malitia esse peccare amando malum sub ratione malitia Scotus, Nominales, & alii refutati soliti 1. 2. q. 5. art. 1. tamen addit Almain. tractatu 3. cap. 26. peccare ex malitia, esse amare peccatum quatenus est offensa Dei, licet sub aliqua ratione boni, ut vindictæ, &c. Sed is forte potest esse quidam modus peccandi ex malitia, tamen neque omne peccatum ex malitia comprehendit, neque tale genus peccati frequenter reperitur inter homines, sed est quasi proprium damnatorum: peccatum autem ex malitia frequens est.

**VIII. 2. Sententia etiam refellitur.** Secunda sententia dicit peccare ex malitia esse peccare ex perfecta scientia intellectus speculatiua, & practica, habituali, & actuali, & hic modus etiam placet Scoto: sed an iste modus peccandi possibilis sit, tractandum est disputatione sequenti: certum tamen videtur non esse necessarium ad peccatum ex malitia, ex ratione facta, quia peccatum ex malitia frequens est: ille autem modus vel numquam, vel raro contingit. Item quia peccatum ex consuetudine voluntarium, secundum omnes, est peccatum ex malitia, & tamen non semper fit cum illa consideratione actuali. Denique neque ille modus sufficit ad peccandum ex malitia: nam maxime operabitur quis contra illam totam scientiam ex passione aliqua, & sic erit peccatum ex passione.

**IX. 3. Sententia.** Tertia sententia est D. Thomæ 1. 2. *question. 78. artic. 3.* tunc aliquem peccare ex malitia, quan-

do voluntas de se ipsa fertur ad malum, quia tamen voluntas non fertur ad malum, eo quod malum est, ex mali propensione, addit D. Thomas oportere, ut feratur ex aliqua deordinatione, quam interdum dicit esse prauum habitum, ut *quest. 3. de malo artic. 12.* interdum vero ait esse vel aliquod peccatum præcedens, ut desperatio, &c. vel certe aliqua complexio naturalis, & praua corporis dispositio, &c. Sed hæc omnia indigent explicatione, & videtur mihi melius explicari hoc peccatum per negationes, quam per affirmationes.

**X. 4. Propositio.** Quarta propositio. Peccatum ex malitia est illud, quod absque ignorantia, vel passione, atque adeo plena libertate, & voluntate committitur. Hæc patet primo, quia hoc peccatum ab omnibus distinguitur contra alia duo genera peccatorum: ergo est tertium membrum reliqua omnia peccata complectens. Et ratione confirmatur, nam, ut D. Thomas ait, homo peccat ex malitia quando ipse ex se se fertur ad malum, propter quod Aristoteles 7. *Ethicorum cap. 7. & 8.* vocat hoc peccatum ex electione, & sacra Scriptura vocat illud quasi ex industria, Iob. 34. Sed tunc proprie mouetur homo isto modo, quando neque ex passione, neque ex ignorantia, sed propria libertate mouetur, nam sola ignorantia est, quæ ex parte intellectus potest minuere potestatem voluntatis, sola etiam passio est, quæ potest quasi nonnullam vim ipsi voluntati inferre: ergo quando neutra istarum circumstantiarum adest, peccatum est plene liberum, & sine ulla excusatione proprie commissum, & ideo ex malitia proprie dicitur.

**XI. Ad 1. innu.** Ad argumenta in principio, ad primum iam dictum est eam inconsiderationem, quæ coniuncta est cum omni peccato per se, non sufficere ad peccatum ex ignorantia, & consequenter non repugnare cum peccato ex malitia, quia moraliter non censetur minuere libertatem, quia facillimo negotio vitiari potest, quando non adest passio, neque ignorantia.

**XII. Ad 2. ibid.** Ad secundum patet ex dictis, peccatum non dici ex malitia, quia ex priori peccato oriatur, sed quia ex libertate sola, quæ veluti de se se praevertitur sua facultate, & ideo quasi denominatione extrinseca, malitia nuncupatur: quare cum D. Thomas ait peccatum ex malitia oriri ex illis inordinationibus enumeratis, intelligendum est, ex illis sumi quidem occasionem peccandi, quatenus ratione illarum fit, ut obiectum appareat conueniens, vel ut remoueantur ea, quæ possent impedire peccatum; tamen ut doctrina sit generalis, non est intelligendum illas inordinationes esse semper necessarias, sed vel illas, vel aliquid illis proportionale, quod etiam ipse D. Thomas indicauit *artic. 1. ad 3. & art. 3. ad 3.* & patet in primo peccato primi Angeli.

**XIII. Ad 3.** Ad tertium respondeo, quando ignorantia est peccatum, ipsa potest esse peccatum ex malitia, si directe, & plene libere ametur, & ex passione, & ex ignorantia, quia ipsa potest reflecti in se. Ad secundam partem respondeo, suggestionem semper in hominibus excitare passionem quandam, si tamen id non faciat, ut in Adamo, & Angelis, aliqui volunt hoc peccatum non comprehendere sub ista diuisione: sed melius dicitur illud esse peccatum ex malitia, quia est plene liberum, & tunc illa suggestio solum est tanquam propositio obiecti. Et ad eundem modum est dicendum de praua complexione naturali, quando est occasio peccandi. Nam frequenter hæc complexio in tantum est occasio ad peccatum, in quantum excitat passionem, ut D. Thomæ 1. 2. *quest.*



quest. 77. artic. 7. indicat, si tamen nullam passionem moueat, sed solum sit occasio peccandi, in quantum ratione illius hæc potius obiecta, quàm illa offeruntur tanquam conuenientia, tunc tale peccatū est ex malitia, quia plene, & perfecte liberum, & hæc est differentia inter passionem, & naturalem corporis complexionem, in quo Caietanus 1. 2. qu. 78. artic. 7. laborat. Ad tertiam partem argumenti respondeo diuersis rationibus posse pertinere illud peccatum ad diuersa membra, vel ad illud potissimum, quod magis libertatem diminuit.

XIV.

Tria con-  
siderantur ex di-  
ctis.

Ex dictis primo colligitur diuisionem istam esse sufficientem, & inductione patet etiam. Secundo colligitur esse diuisionem accidentalem, non essentialē, quod per se constat, quia solum ex diuersis circumstantiis, quomodo sumitur: patet etiam ex dictis. Tertio colligitur ex his peccatis grauissimum esse suo modo peccatum ex malitia. Patet, quia est maxime liberum, & quia ex sua ratione fit cum maiori contemptu, quàm maxime aggrauant peccata, videatur Augustinus 14. de Ciuitate cap. ultimo, & Aristoteles 7. Ethicorum cap. 3. ex aliis vero duobus membris peccatum ex ignorantia, & liberum, & voluntarium diminuit: passio vero licet libertatem minuat auget voluntarium, item quia facilius potest quis vitare peccatum ex passione, quam ignorantia: videatur Augustinus 6. contra Iulianum cap. 1.

## DISPUTATIO V.

De causis propriis, & interioribus  
peccatorum.

## SECTIO I.

## An in voluntate possit esse peccatum.

I.

Notatio 1.  
pro titulo.

Peccatum quatenus peccatum est, nullam proprie formalem causam habet; præter eam inordinationem, à qua formaliter denominatur peccatum: & quia hæc inordinatio est præter intentionem operantis, ideo peccatum ut tale est, neque formalem causam habet, licet ut est actus, sit aliquo modo propter finem, de quo sine satis supra disputauimus. Igitur de causa materiali, & efficiente agendum est, sciendum est autem ex D. Thomas, peccatum proprie esse actum immanentem, nam est actus voluntarius, qui manet in operante, & denominat illum peccatorem, unde necesse est idem esse proximum efficiens, & materiam peccati, nam actus immanens in eo subiecto recipitur, à quo fit, & ideo de utroque simul erit dicendum. Præterea supponendum est tanquam certum, contra quendam antiquum errorem Albanensem, quem Castro verb. peccatum heresi 3. refert: hominē ipsum esse proximam causam effectiuam, atque adeo proximum subiectum peccati, quod per se notum est ex dictis: & patet ab effectu, quia ipse homo est qui punitur, unde de supposito agente nulla manet quæstio, sed tota est de potētiis, in quibus potest esse peccatum.

II.

In quo versetur  
quæstio.

Quæritur ergo primo, utrum in voluntate possit esse peccatum, & simul, utrum sola voluntatis libertas possit esse prima radix, & origo peccandi, atque adeo sufficiens. In hac autem Suarez in primam secundam D. Thom.

quæstione vnum est de fide certum, nempe in voluntate esse vere, & proprie peccatum, & solum eius consensum sufficere ad peccandum, hoc patet ex Matth. 5. 6. & 7. & ex dictis supra de malitia morali, quam totam in interioribus actibus constituimus, quia illi sunt proprie humani, & voluntarii: eadem autem est ratio de deformitate peccati. Confirmatur, nam hac ratione in voluntate angelica potuit esse peccatū, & in hoc errarunt olim Hebræi totam iustitiam, atque adeo totum id quod est peccatum, ponentes in actibus externis, ut colligitur Matth. 6. & refert Iosephus 12. antiquit. 1. cap. 13. contra quos facit illud Psalmi 53. Si iniquitatem asperi in corde meo, &c.

Colligitur iam primo ex his voluntatem esse, quæ proxime efficit peccatum. Patet, quia est actus vitæ, & appetitio libera. Secundo sequitur deformitatem peccati proxime quasi inhaerere in actu ipso, & per illum in voluntate. Patet, nam proxime, & immediate actum denominat, ratione iam dicta. Tertio sequitur voluntatem non esse causam physicam per se, & directe influentem in deformitatem peccati: esse tamen causam moraliter per se, & physicam per accidens. Patent singula, quia priuationes & defectus non habent causam physicam per se efficientem, quia actio physica per se tendit ad dandum esse. Et hoc modo August. 12. de Ciuitate 6. 7. dicit peccatum non habere causam efficientem, sed deficientem, quia non est quidem effectio, sed defectio. Secunda pars de causalitate per accidens constat, quia voluntas efficit actum cui coniuncta est priuatio, ergo per accidens priuationem causat. Dices, imo etiam sequitur per se efficere, quia illa deformitas necessario est coniuncta actui, ut hic, & nunc fit, ergo etiam intenta per se sicut actus. Respondeo, hoc probat tertiam partem tertii corollarii, de causa per se morali supposita obligatione vitandi inordinatum actum: de causa autem physica non procedit, ut patet. Quarto constat, quid dicendum sit de causa puræ omissionis, si illam esse contingat, huiusmodi enim peccatum & inordinatum immediate, & proxime quasi inhaeret ipsi voluntati: nam est priuatio actus debiti in esse causam autem efficientem nullam habet positiuam neque per se, neque per accidens, sed priuatiuam: scilicet solam voluntatem ipsam, ut non influentem in actum, unde quod D. Thomas 1. 2. qu. 75. art. 1. dicit inordinationem peccati, semper habere causam aliquam agentem per accidens, quia non est pura negatio, sed priuatio perfectionis debite in esse: perfectio autem debita non abest nisi propter causam impediētem: hoc inquam, est intelligendum moraliter, & frequenter, quia frequentius accidit omne peccatum actu positiuo committi: tamen per se, & simpliciter, necessarium omnino non est: unde etiam ratio illa per se non est necessaria in præsentia materia: nam peccatum non priuat perfectione debita, necessitate naturæ, sed debita ex lege rectæ rationis: & propterea non tantum propter impedimentum, sed etiam ratione libertatis abesse potest.

His positis difficultas potissima huius materiæ est in explicanda radice huius defectus, qui actui voluntatis coniungitur: nam cum voluntas ex sua natura sit perfectum principium agendi: non facile apparet, quid sit in causa, ut in suis actionibus deficiat. In qua re prætermittendus est error Manichæi, qui, sicut ponebat duo prima principia, bonum, & malum, ita homini tribuebat duas animas, vnam factam à principio

III.

Corollari-  
um 4.

IV.

Quæ sit ra-  
dix defor-  
mitatis pec-  
cati.Excluditur  
error Mani-  
chæi,

L. I

malo,



malo, quam dicebat esse principium omnium peccatorum. Contra quem agitur 1. parte q. 48. & 49. & videri potest August. de hereticis c. 46. & 5. Confession. cap. 50. & 12. de Civitate cap. 7. & Chrysos. homilia 9. in Synodum.

V. Prima sententia est inter Scholasticos, quæ affirmat deformitatem peccati per se oriri, quasi ex defectu aliquo ipsius principii, nempe liberi arbitrii, nam omnis causa per accidens reducit ad causam per se, ita D. Thomas 1. 2. quest. 75. art. 1. & 1. p. qu. 49. art. 1. ad 3. & q. 63. art. 1. Bonauent. 2. d. 34. & 44. & fauet Aug. lib. retract. c. 9. & 16. & l. de vera religione c. 26. & vbiq. fere agit contra Manich. & Iul. Fundamentum est, quia effectus est similis causæ: sicut ergo perfectio effectus est ex perfectione causæ, ita defectus ex defectu. Confirmatur, quia in naturalib. nūquā effectus, vel operatio priuatur perfectione debita, nisi quia causa est imperfecta, neque potest vincere omnia impedimenta. At enim iste defectus non eodem modo explicatur. D. Bonauentura dicit solum esse vnum: scilicet voluntatem factam esse ex nihilo, quod sumpsit ex modo loquendi Patrum, quos attuli lib. 7. de Angelis. tamen D. Th. citata q. 75. dicit hunc defectum esse carentiam directionis, vel applicationis debite regulæ rationis: & legis diuinæ ad operandum, ex quo defectu nascitur, vt voluntas deficiat. Neque refert, quod defectus videatur esse in intellectu: nam liberum arbitrium facultatem dicit voluntatis & rationis: & præterea, quia defectus quidam est ipsius voluntatis, applicari ad opus sine debita regula. Eandem sententiam habet Diuus Thomas quest. 77. articulo secundo. & qu. 78. articulo primo, ad 1. & quest. 3. de malo, articulo nono Durand. 2. d. 35. quest. 9. & d. 37. Capreol. ad argumenta contra secundam conclusionem. & in tertio dist. 36. ad argumenta Scoti, Marfil 2. d. 13. articulo secundo. Adrianus quodlibeto 4. quest. 1. qui communiter dicunt voluntatem non posse deficere nisi quia præcedit defectus in intellectu, ex quo oriatur defectus in ipsa: fauet Aristoteles 3. Ethicorum cap. 1. & 6. Ethicorum capit. 6. & libro septimo. capite tertio, vbi dicit omnes peccatores ignorare. fauet item illud Prouerbii 14. Erant, qui operantur malum, & Daniel. 16. Auerterunt sensum suum. De hoc autem defectu, qualis sit, non eodem modo loquuntur hi auctores, vt videbimus.

VI. Secunda sententia dicit primam peccandi originem esse solum libertatem voluntatis, & ideo defectum peccati non habere originem ex aliquo defectu, qui in principio efficiente procedat, sed solum sequi rationem naturæ, vel obiecti, in quod ferri potest voluntas sua libertate. Neque obstat, quod libertas sit perfectio, nam propterea per se fertur voluntas vt sic, & per accidens sequitur defectus. Ita opinantur multi Theologi in 3. dist. 36. & 37. Scotus, Gabriel, Ocham quodlibeto 5. & quodlibeto etiam 22. & Maior 4. d. 49. questione septima Henricus quodlibeto 10. quest. 3. & quodlibeto 1. questione 16. & 17. fauet Augustinus supra, & in Enchirid. capite 22. & 23. de Civitate capite primo, & de Ecclesiast. dogmat. cap. 15. quisquis tandem sit autor libri huius, sicut & Enchiridii. Fundamentum est, quia licet intellectus, quidquid in se est faciat, & consideret, & iudicet practicè, vel speculative, non potest inferre voluntati necessitatem, &c. Neque etiam ex parte voluntatis oportet præcedere defectum aliquem, nam vel ille defectus est liber, vel naturalis, non liber, quia alias procederet ex priori defectu, de quo rediret eadem questio. Deinde vel ille defectus est peccatum, & sic non est causa peccati prima: vel non est peccatum, & sic

non poterit esse causa peccati, & idem argumentum procedit, si defectus ille est naturalis, nam ratione illius non imputabitur peccatum. Confirmatur, nam in naturalibus sæpe effectus per accidens non habet semper fundamentum in defectu causæ, sed sæpe in obiecto, vel materia, ergo similiter, &c.

VII. Prima propositio. Cum perfecta scientia, & consideratione vel habituali, vel naturali potest esse peccatum, & defectus in voluntate: est communis sententia, & certa de fide. Lucæ 12. Seruus qui cognouit voluntatem domini, & non fecit, vapulabit multis, &c. & Iacobi 4. Scienti bonum, & non facienti, &c. quomodo exponit illud Augustinus Psalm. 68. fiat mensa eorum coram ipsis in laqueum.

VIII. Secunda propositio. Non est necesse præcedere in intellectu aliquem errorem speculatiuum, qui sit quasi origo ad peccandum. Est communis. Probatur: nam fidelis cum furatur non habet iudicium speculatiue falsum circa furtum, alias esset hæreticus. Idem patet in Angelo primo, & Adamo, & in peccato puræ omissionis, si fiat. Sed obiciunt. Nam qui peccat, fertur in malum, sub ratione boni, ergo iudicat esse bonum, quod non est. Quæ ratione videtur vt Diuus Thomas illa quest. 77. art. Respondeo, licet qui peccat non appetat honestum bonum, tamen appetit bonum delectabile, seu naturæ commodum, & ideo sic iudicans non falso iudicat. Sed contra, quia voluntas nihil appetit nisi sub ratione boni honesti, vt iudicat Aristot. 3. Ethicorum cap. 4. & Rethorico. cap. 9. & patet, quia voluntas est appetitus rationalis perfectus: ergo nullum bonum appetit, nisi vt bonum simpliciter est rationis. Respondetur falsum esse antecedens, neque Aristoteles id affirmat, cum sit contra experientiam. Et ratio est, quia voluntas licet sit rationalis, tamen est vniuersalis appetitus hominis, & ideo quidquid homini est conueniens appetere potest sub quacunque ratione conuenientis, quod docet Augustinus lib. 2. Confessionum capit. 4. & D. Thomas quest. 3. de malo articulo 12. & exponit bene Caietanus 1. 2. quest. 78. articulo 3.

IX. Tertia propositio. Ad peccandum, non est necessarium, vt præcedat inconsideratio speculatiua tanquam origo peccandi, vnde voluntas peccare potest, etiam si intellectus habeat omnem speculatiuam considerationem, licet hic modus non semper contingat. Colligitur hoc ex Aristotele supra. & D. Th. 1. 2. q. 77. a. 2. Vbi contrarium tribuit Socrati: idem tribuitur Platoni. 3. de legibus. imo colligitur clare ex c. 14. ad Romanos, & ex dictis supra in materia de cōscientia, & experientia patet. Ratio est, quia voluntas non ab speculatiua cognitione, sed à practica mouetur. Vltima pars etiam constat experientia, & ratio est, quia iudiciū practicū oritur ex iudiciis speculatiuis, & ideo difficile est actu considerare omnia, quæ ad vitandum peccatū cōferre possunt, & practice deficere. Confirmatur: nam maxime id contingeret propter passionem: passio autem, moraliter loquendo, ideo est causa practice electionis quia perturbat rationem, & eam impedit.

X. Quarta propositio. Etiam ad peccandum non est necessarius error practicus, qui peccatū antecedit, & sit quasi origo eius. Est contra Durandum, & alios, qui dicunt debere præcedere hoc iudiciū, hoc est, præ ceteris faciendum, & eligendum, quod sine dubio falsum est, nam illo modo solum bonum honestum est eligendum: & signum est, quia voluntas illi iudicio conformis est praua: ergo iudiciū est practice falsum, iuxta definitionem Arist. de Virtute practica. Probatur tamē cōclusio, quia ad eligendū non est necessariū illud



Iudicium, ita vt sensus sit, hoc est dignū eligi prae aliis, vel, est eligendum prae aliis, contra rationem rectam, nam tale iudicium non solum practice, sed etiam speculative est falsum: ergo sufficit iudicare, hoc est delectabilius, vel aliqua ratione vtilius ad diuitias comparandas: imo iuxta dicta de electione satis erit iudicare mihi esse bonum, & vtile. Præterea signum illud nullum est: nam prauitas voluntatis non ex falsitate iudicij, sed ex obiecti deformitate provenit. Confirmatur: nā qui iudicat ad comparandas diuitias esse viles vsuras, non iudicat falsum, & tamen illud iudiciū sufficit ad peccandū. In Angelo quoq; & Adamo non præcessit error, neq; practice, vt alibi etiam ostendi *tomo de Angelis, & de opere sex dierum.*

XI. Sed quidam dicunt hanc conclusionem esse veram de peccato quasi inchoato, quod consistit in electione, non vero consummato per vsū: nam tunc necessario debet præcedere imperium efficax de re agenda, quod practice est falsum. At in primis in electione ipsa satis consummatur peccatum: deinde eadem est ratio de iudicio, quod præcedit electionem, & vsū, iuxta dicta: tandem, vt non sit questio de nomine, si practice falsum dicatur omne iudicium, quod non est ex prudentia morali, neque est bonis moribus consentaneum, atque adeo quod potest esse occasio defectuose operandi: sic dici potest illud iudicium practice falsum, seu potius metaphorice, quam proprie, quomodo peccatum ipsum est error quidam: si vero dicatur iudicium falsum, quod non est conforme rei iudicatæ, sic manifestum videtur nullam rem in tali iudicio necessario præcedere falsitatem, vel inconsiderationem.

XII. Quinta propositio: Moraliter loquendo, semper in omni peccato occurrit aliqua inconsideratio practice, vel prauitatis obiecti, vel actus, licet si absolutam voluntatis potentiam consideremus, neq; iste defectus intellectus simpliciter videtur necessarius ad peccandum. Priorem partem persuadent dicta in priori sententia n. 5. allata: quæ isto modo vera est, & interpretanda, loquitur enim, vt Philosophi morales. Confirmatur, quia vix potest aliquis actum honestū, & delectabile bonum ita perfecte considerare, vt simul absolute iudicet hoc etiam prosequendum esse, quia sensui conueniens: vitandum vero, quia contra rectam rationem, sed qui peccat, semper actu considerat priori modo circa bonum delectabile, vel aliud simile: ergo, moraliter loquendo, non actu tunc indicat virtutem esse sectandam. Vltima pars satis probatur illa ratione. Nam si naturam & potestatem nostræ liberæ voluntatis consideremus, in potestate eius est, moueri quod voluerit, si obiectum sit sufficiens, quidquid intellectus in contrarium conetur. Confirmatur ex dictis supra in materia de electione. Nonnulli obiiciunt, quia sequitur posse aliquem sæpe peccare, & tamen habere perfectam prudentiam. Respondeo negando consequentiam, quia prudentia dependet ex recta intentione finis, quæ non est in ea, qui quomodocumque peccat.

XIII. Sexta propositio. Licet cum actu peccati semper sit coniunctus iste defectus intellectus, non tamen ille est prima origo peccandi, sed potius ille reducitur in defectum voluntatis: hoc notauit Alensis 2. p. quest. 129. membro 2. & explicatur, nam ex Aristotele 3. Ethicor. cap. primo. aliud est ex ignorantia, aliud ignorantem peccare: interdū vero ita peccat aliquis inconsiderate, vt paratus sit ad peccandum, etiam si consideraret, & tunc non proprie inconsideratio est origo peccati, Suarez in primam secundam D. Thomæ.

neque proxima, neque prima, cum tunc inconsideratio non sit causa. Interdum vero ita peccat quis inconsiderate, vt si aduerteret, non peccaret, & tunc inconsideratio est aliquo modo causa per accidens, tamen non est prima origo, quia ipsa inconsideratio ex voluntate nascitur: ideo enim intellectus non considerat, quia voluntas non vult, vel directe, vel indirecte. Quod patet, quia si inconsideratio aliquo modo non esset voluntaria, & illa esset causa actus, non esset peccatum ille actus, vt patet à simili ignorancia inuincibili. Confirmatur, nā tota perfectiopractica intellectus, vt sit absoluta, debet oriri ex affectu, & ex illo pendet, vt dicit Aristoteles secundo de anima cap. 20. Diuus Thomas 1. p. q. 14. art. 16. ergo è contra defectus practicus intellectus oritur ex defectu affectus: ergo cum iste tantum defectus practice inconsiderationis sæpe concurrat in peccato, prima eius radix affectui est tribuenda. Tandem inconsideratio est priuatio exercitij actus intellectus, vt in exercitio pendet à voluntate: ergo iste defectus est ex defectu primi mouentis. Sed contra. ergo iste defectus voluntatis erit peccatum, quod est impossibile, cum antecedit ipsam inconsiderationem, atque adeo primum peccatum. Respondeo negando illationem, ille enim defectus voluntatis solum est formalis, vel virtualis voluntas non considerandi: non cōsiderare autem de se neque est malum, neque peccatum, licet malum postea sit inconsiderate velle, & agere. Ex quibus dico vltimo,

XIV. Septima propositio. Voluntatem posse peccare est defectus quidam naturalis ipsius voluntatis coniunctus cum perfectione naturali, & ex utroque simul applicato ad opus manat peccatum. Est D. Thomæ 1. 2. q. 75. articulo 1. & clarius 1. p. q. 49. art. 1. ad 3. & questione 1. de malo art. 3. ad 14. & 3. & contra gentes capite 10. indicat Augustinus supra, videaturque 3. de libero arbitrio capite 17. & 1. primo retractationum capite nono: & facit illud Ecclesiastici 15. Deus ab initio hominem constituit, & reliquit eum in manu consilij sui. Et ratione probatur, nam in primis peccatum supponit in voluntate potestatem appetendi quidquid est homini conueniens, & non appetendi quidquid non est sibi necessarium bonum, & hæc potestas perfectionem importat libertatis, & dominij propriorum actuum: habet tamen coniunctos hos defectus, scilicet non esse suam regulam, neque semper, aut necessario inniti suæ regulæ, & fini vltimo, atque adeo esse moralem. Ex quibus fit, vt sua illa potestate vtī possit sine debita regula, & mensura rectæ rationis, quæ quædam imperfectio est, nam posse deficere imperfectio est, sicut posse mori, vnde perfectissima voluntas, quia omnem excludit defectum naturalem, deficere non potest. Dices, non ideo peccat aliquis, quia potest deficere, sed quia actu deficit: ergo ille defectus, qui consideratur quasi impotentia, non est prima origo defectus peccati? Respondeo, illa propositio causalis potest explicare causam quasi formalem: peccat quia actu deficit, & hoc modo est vera: potest tamen reddere causam efficientem de qua agimus, & sic est falsa, non enim ideo aliquis efficit peccatum, quia deficit, nam hæc non sunt distincta, sed quia potest deficere, ideo peccat, vnde defectus actus secundi, ex defectu actus primi oritur, vt in naturalibus etiam patet, neque vrget argumentum Scoti in num. 6. scilicet istum defectum esse naturalem, & ideo nō esse primam originem peccati, quia licet ipse sit naturalis, tamen operatio non ab illo naturaliter profluit, sed libere, quia est in potestate.



Potestate voluntatis non operari cum illo defectu, vel ex illo defectu, & ideo illi tribuitur defectus in actu.

XV.

Sed obiiciet aliquis, Nam prius natura, quam voluntas efficiet peccatum, vel operationem defectuosam, est indifferens: & ut sic, non potest illam efficere, sed oportet querere à quo determinetur: illa autem determinatio est origo peccati. Respondeo voluntatem, ut priorem naturam illo actu, nullo modo posse esse determinatam, quia per se ipsam non est determinata: debet ergo determinari per aliquid illi additum: nihil autem illi additur ante actum. Item querendum est quid sit illud, si naturale, actus profecto, qui ab illa nascitur, non erit liber: si liberum, quomodo ad illam determinationem se determinauit voluntas? Negandum ergo est à voluntate per se indifferente non posse procedere actum peccati immediate, imo id vere est necessarium ad actionem liberam, & ratio est, quia ista indifferencia non est quasi per negationem solam, sed per virtutem positivam ad efficiendum hoc, & illud diuisum, quæ virtus volendo efficit hoc potius, quam illud, neque prius efficit, quam velit, neque è contra.

## SECTIO II.

*An in intellectu possit esse peccatum.*

I.  
Expeditur  
vnius quæ-  
stionis sen-  
sus.

Quæstio intelligi potest vel generaliter, de omni peccato: an videlicet peccatum sit in intellectu, vel specialiter de aliquo genere peccatorum. De primo sensu certum mihi videtur, non omnem peccati malitiam esse formaliter in intellectu: quodammodo tamē vult D. Thomas 2. 2. quæst. 74. art. 5. omne peccatum esse in intellectu, scilicet tanquam in dirigente, & mouente voluntatem ad id, quod honestum non est: vel non mouente ad id, quod est honestum: nam cum intellectus sit gubernaculum voluntatis, quando voluntas deficit, signum est intellectum male consulere, & gubernare, sicut è contra omnis virtus voluntatis, est quodammodo in intellectu, ratione prudentiæ dirigentis. Certum tamen esse debet istum defectum intellectus non esse per se culpam, neque peccatum, atque adeo, nec continere in se formaliter malitiam moralem, cuius contrarium videtur sentire Caietan<sup>9</sup> illo art. 5. contra quem faciunt ea, quæ diximus supra de malitia, & quæ statim dicam. De secundo sensu sit.

II.

1. Propositi-  
o pro al-  
tero sensu  
quæstionis.

Prima propositio. Quædam peccata peculiari ratione dicuntur esse in intellectu, quia ex genere suo in illo consummantur. Patet, nā hoc modo ignorantia earum rerum, quas scire tenemur, est peccatum ad intellectum pertinens, 1. ad Corinth. quarto. Deus excacauit mentes infidelium, ut non fulgeat illis illuminatio Euangelij. Et idem de errore, vel hæc e. i. Aduertit tamen Caietan<sup>9</sup> differentiam inter ignorantiam, & errorem: ignorantia enim tantum est peccatum, quando est de his rebus quas scire tenemur, error vero voluntarius, in quibuscumque rebus censetur semper esse peccatum, quod verū videtur, licet Durand. 2. d. 39. quæst. 2. contrarium sentiat. Et patet, quia error per se est obiectum prauum, & defectus contrarius naturæ hominis, & ad nullum finem bonum referri potest: ergo non potest honeste amari. Confirmatur, quia mendacium per se malum est: ergo magis est malum iudicium falsum, ex quo fit, ut semper sit peccatum temere se exponere erroribus, vel veniale, vel mor-

tale pro qualitate materiæ: secus vero esset quādo hoc esset opinando probabiliter, nam tunc non voluntarie erratur. vide pro hac propositione dicta in tomo de fide disp. 16. sect. 13.

Secunda propositio. Etiam malitia, & deformitas moralis istorum peccatorum, non est in intellectu, neque in actibus eius, sed tota in voluntate. Colligitur ex D. Thoma 1. 2. quæst. 17. 4. art. 2. ad 1. tum etiam ex dictis supra de malitia, tum denique, quia operatio intellectus non est per se libera, sed subditur voluntati.

Et ex his expeditur facile dubium, quod Caietan<sup>9</sup> 1. 2. quæst. 76. articulo. 1. mouet, an ignorantia vincibilis per se sit peccatum, vel ratione negligentię, in quo ipse affirmat esse ratione negligentię. Durand. etiam 2. d. 22. questione tertia: dā expidem asserit. Alij vero Thomistæ volunt potius ignorantiam præcepto contrariam esse per se malam, negligentiam vero ratione ignorantie esse malam. Sed si considerentur dicta supra de malitia formali, & obiectiua, cessat controuersia, ignorantia enim præcepto contraria est per se mala obiectiue, sicut omnis omisio actus præcepti: tamen formaliter, & in exercitio ipsum ignorare est malum ratione voluntatis, vel directe, vel indirecte: & hæc indirecta voluntas per negligentiam explicatur, & ita dixit Augustinus 3. de libero arbitrio capite vigesimo quarto, ignorantiam ex negligentia fieri vitiosam. Et hinc sequitur eum, qui longo tempore ignorat ea, quæ scire tenetur, non semper continue peccare quandiu in ignorantia permanet, sed toties ex ignorantia peccat, quoties voluntarie ignorare vult formaliter, vel virtualiter, id est, cum se illi offert occasio sciendi, & aduertit, vel facile potest aduertere se teneri, & posse, & tamen negligit.

Sed dubitat Caietan<sup>9</sup> supra ad quoddam vitium spectet hoc peccatum. Respondeo pertinere ad illud, quod contrarium est illi virtuti, ex qua oritur obligatio sciendi, vel vitandi errorem, vnde si ignorantia sit in rebus fidei, pertinet ad vitium fidei contrarium, quod non solum est in intellectu, sed potissimum in voluntate, & repugnat vel voluntati credendi, vel sciendi res fidei: si vero ignorantia sit de rebus, quæ ad ius naturale, vel positium spectant, in genere pertinet ad contrarium vitium studiositatis, de qua Diuus Thomas 2. 2. quæst. 166. & 167. in specie vero pertinere potest ad multas fortassis virtutes.

## SECTIO III.

*An veniale, vel mortale peccatum tribuendum sit rationi inferiori, vel superiori.*

Hæc quæstio præcipue ponitur propter explicandum Diuum Thomam 1. 2. q. 74. art. 6. 9. & 10. & supra questione 15. art. 4. qui quæstionem hanc mouet propter Augustinum 12. de Trinitate cap. 12. Aduertendum est rationem inferiorem, & superiorem apud Theologos interdum significare partem rationalem, & sensualem, sed non accipitur hic illo modo: sed de sensuualitate statim dicemus: proprie ergo ipsa rationalis pars diuisa fuit ab Augustino in inferiorem, & superiorem, & habet locum tam in ratione practica, quam in speculatiua, & variis modis exponitur, ut videre est apud D. Thomam 1. p. quæst. 76. art. 9. & Caietanum, 3. p. quæst. 76. art. 7. Scotum 3. d. 15. & alios Doctores in 2. d. 24.

Dico

III.  
2. Propo-  
sitiu.

IV.  
Dubium  
consurgens  
ut à quibus  
datur.

V.  
Alterum  
dubium e-  
notatur.

I.  
Notatio  
pro decisi-  
one.



II. Dico tamen breuiter rationem inferiorem, & superiorem in materia morali esse distinguēdas per diuersas regulas, & motiua humanarum actionum: quando enim est ratio per regulas æternas, & diuinas, in quibus lex naturalis continetur, superior dicitur. Quando vero per rationes, & regulas humanas, ac temporales de agendis iudicat, dicitur ratio inferior: & hoc modo distinguuntur istæ rationes, velut ex obiecto formali. Penes materiam vero in qua versantur, etiam quodammodo differunt: nam ratio superior ad sensibilia prout legi æternæ subsunt extenditur: & è contrario: hæc denique distinctio, & intellectui, & voluntati facile applicari potest: hic vero propriè loquimur de ratione, quæ utramque potentiam comprehendit.

III. 1. Propositio. Prima propositio, in ratione inferiori secundum se, id est, prout versatur in propria materia potest esse veniale peccatum: ratio est, quia ista ratio potissimum versatur circa res leues, vnde omnia venialia ex genere suo, & ex propria materia pertinent ad rationem inferiorem, & ex aliis venialibus etiam nonnulla, vt ex dicendis patebit.

IV. 2. Propositio. Secunda propositio. Peccatum mortale etiam potest esse in ratione inferiori. Probat, nam multa mortalia committuntur in materia pertinente ad rationem inferiorem: sæpe dum homo sic peccat, ratio superior nihil operatur, ergo, &c.

V. 3. Propositio. Tertia propositio. Omne peccatum mortale aliquo modo pertinet ad rationem superiorem, Sensus est, nullum consensum voluntatis posse esse mortale peccatum nisi intellectus, & voluntas, vt vim habet rationis superioris, aduertant, vel facile possint aduerrere, quale id sit, quod voluntas amet. Colligitur ex D. Thom. *supra art. 7. & 8. ad 7. & 5.* quia non est perfecte peccatum mortale sine perfecta deliberatione, quæ non est sine perfecta rationis aduertentia. Confirmatur, nam qui mortaliter peccat auertitur à Deo, & conuertitur ad finem vltimum: sed agere de vltimo fine, est rationis superioris: ergo, &c. Tandem peccatum mortale perfecte debet esse contra legem Dei, sed considerare legem Dei pertinet ad rationem superiorem: ergo, &c. in quo conueniunt Doctores cum Magist. in 2 d. 14. & colligitur ex Augustino. lib. 1. de Genesi cap. 14. & de sermone Domini in monte cap. 13.

VI. Sed contra. Nam Gentiles, qui non habent fidem, peccant mortaliter, & tamen neque habent, neque habere possunt vim rationis superioris. Respondeo, in hoc deceptus est Durandus & alii, putantes rationem superiorem solū versari circa supernaturalia, quod est falsum: nam etiam cognitio naturalis Dei, & legis æternæ pertinet ad rationem superiorem, & hæc est in Gentilibus, vel facile eam habere possunt, ita vt vincibiliter ignorent, alias non peccant mortaliter, vt supra dictum est.

VII. 4. Propositio. Quarta propositio. Etiam omne peccatum veniale, est aliquo modo in ratione superioris vel prout illa in propria materia versatur, vel prout debet dirigere inferiores vires, quod verum est, siue tale peccatum sit indeliberatum, siue ex deliberatione. Hæc conclusio partim est D. Thomæ. 1. 2. quæst. 74. art. 9. & 10. partim videtur illi contraria. Dicit enim primo in ratione superiori secundum se posse esse veniale peccatum ex indeliberatione, quod plane verum est vt patet in motu infidelitatis indeliberatæ. Et ratio est, quia intellectus etiam in his rebus potest habere subitas motiones, quæ perfectam deliberationem antecedunt, à quibus ali-

Suarez imprimam secunda D. Thom.

quo modo excitatur voluntas, vnde intelligitur non solum hæc peccata venialia, quæ dicuntur motus secundò primis, sed etiam motus omnino primò primos, & qui nulla peccata sint, posse esse in ratione superiori secundum se: quod, sine causa aliqui negarunt: quia interdum etiam ipsa apprehensio, & tota motio nullo modo est in potestate voluntatis. Indicat tamen secundo Diu. Thomas in ista ratione superiori secundum se non posse dari peccatum veniale ex deliberatione plena, quod de genere, vel specie peccatorum, puto intelligendum, non de indiuiduis omnibus: itaque omnia peccata plene libera, in materia pertinente ad rationem superiorem, sunt mortalia quia illa materia est grauis de se, non tamen repugnat in indiuiduo esse hoc peccatum plene liberum, & tamen veniale ex leuitate materiæ, vt in fractione voti in materia leui, cum tamen seruare votum pertineat ad rationem superiorem: idem est de iuramento siue vtilitate prolato, & forte Diu. Thomas non explicauit hoc, quia videtur per se manifestum. Tertio dicit Diu. Thomas in ratione superiori, prout gubernat inferiores vires, posse esse peccatum veniale, plene deliberatum, quod per se patet, quia materia illius deliberationis potest esse res leuis. Tamen indicat quarto, in ratione superiori, vt sic, non posse esse peccatum veniale ex subreptione, quia, inquit, ratio superior non versatur circa res inferiores, nisi prout consulit rationes æternas: ergo vt deliberans: ergo motus indeliberatus circa res istas non potest illi attribui.

Sed licet hoc verum sit, hæc peccata non tribui rationi superiori tanquam causæ mouenti, tamen arbitror debere semper tribui tanquam non impediendi, atque adeo motum rationis inferioris nunquam esse peccatum, nisi ratio superior potuerit aduerrere illum esse turpem motum, & vitandum secundum rectam rationem. Confirmatur, quia non potest motus voluntatis esse peccatum, nisi vt capax bonitatis, vel malitiæ moralis, sed non est capax, nisi vt potest regulari lege æterna, atque adeo superiori ratione, ergo, &c. Tandem nullus peccat venialiter, nisi qui potest peccare mortaliter: sed sola ratio superior est, quæ potest mortaliter delinquere: ergo, &c. Solum obici posset illud argumentum de ignorante inuincibiliter Deum, nam in illo posset esse peccatum veniale, & nullus esset vsus legis æternæ. Respondeo ipsam rationem boni honesti pertinere ad rationem superiorem: nam per se est spiritualis, & propria rerum intellectualium, & hanc saltem posse cognoscere illum Gentilem.

Sed dices, nullum ergo est peccatum in ratione superiori, quod non sit in inferiori, & è contra, quod videtur manifeste contra D. Thomam 1. 2. tum loc cit. tum quæst. 15. art. 4. Vbi ex doctrina Augustini consensum in actum tribuit rationi superiori: consensum vero in delectationem actus tribuit rationi inferiori. Respondeo & concedo omne peccatum pertinere ad rationem superiorem, quia illi primo repugnat, & quia inaduertentiæ, vel defectui culpæ eius tribuitur omne etiā peccatum pertinet quodammodo ad rationem inferiorem, quatenus est aliquid in fini ordinis, & semper procedit ex rationis inferioris motiuo, tamen secundum quandam approbationem quædam peccata ratione materiæ in qua versantur, aut medi quo committuntur magis vni rationi, quam alteri accommodantur, & hoc modo dicit optime Caietanus illa quæst. 74. artic. 5. & 7. omnem consensum in actum,

VIII. Iudicium autoris circa prædicta.

IX. Illatio ex dictis.



vel cognitionem pertinere ad rationem superiorem, quia ad illam pertinet gubernare hominem non solum in actibus ultimis, sed etiam in ipsis cogitationibus, & consequenter doctrinam D. Thomæ, & Augustini intelligendam esse secundum quandam attributionem, quam ipse optime exponit.

#### SECTIO IV.

*An in appetitu sensitivo possit esse mortale peccatum secundum se.*

I.  
Error hæreticorum  
& fundamentum.

Dico secundum se, ut excludam consensum voluntatis, ut dicam infra. Est enim hæreticorum sententia omnem motum appetitus sensitivi esse mortale peccatum, etiam si non consentiat voluntas. Fundamentum est, quia omnes isti motus sunt prohibiti illa regula, *non concupisces*, quod sic intelligunt: ratione naturali non cognoscit homo istam concupiscentiam esse peccatum, sed sola lege Dei: ergo intelligitur de ipso motu appetitus secundum se. Confirmatur ex Augustino 1. de nuptiis, & concupiscent. cap. 25. & 2. contra Iulianum, & lib. 5. cap. 1. & lib. 6. cap. 8. vbi concupiscentiam vocat iniquitatem, & peccatum, quia inest ei inobedientia contra dominatum mentis, & ideo facit nos non solum miseros, sed etiam malos, & refert id Matth. 7. *Si vos cum sitis mali*, &c. & Hilarius dicentem discipulos etiam iustificatos dici malos malitia concupiscentiæ tracta ex Adamo, & addit Augustinus per Baptismum tolli concupiscentiam non ut non sit, sed ut ad peccatum non imputetur, idem sermon 5. de verbis Apostoli, & de spiritu, & litera cap. ultimo. De his motibus etiam videtur interpretari illud, *non concupisces*, ideo concludit non posse perfecte seruari in hac vita, licet illa seruari possit, *Post concupiscentias tuas ne eas*, Ecclesiastici 18. Tandem concupiscentia per se mala est odio habenda, ut ad Romanos 7. & ut in Epistola Iudæ dicitur, imo addit Augustinus Deum odisse illam, qui tamen solum odit peccata.

II.  
1. Propositio de fide.

Prima tamen propositio sit. De fide est motus hos appetitus, si voluntas per consensum non accedat, non esse peccata mortalia, est definita in Tridentino sessione 5. Probatur, quia isti motus, ut sic sunt necessarij: de ratione autem peccati mortalis est, esse liberum perfecte, ut supra est ostensum, hinc Chrysostom. hom. 14. ad populum, *concupiscentiæ consentire peccatum est, non concupiscere*: quia scilicet hoc naturale est, illud liberum: idem homilia 17. in Mattheum. & 1. ad Rom. Prosper. lib. 3. de vitæ contemptu cap. 3. & 4. Ambros. 1. de officiis capit. 21. Hieron. epistola ad Eustochium de virginitate. Gregor. 4. moralium capite 27. & eadem est sententia Augustini, ut patet lib. 1. contra duas epistolas Pelag. cap. 10. & 1. de peccatorum meritis cap. 35. vbi sine propria voluntate dicit nullum esse peccatum, & libro 2. de Genesi cap. 14. *Cum reluctamur concupiscentiæ, non peccamus, sed coronamur*. Et hoc idem videtur docuisse Iacobus cap. 1. *cum beatum appellat eum, qui suffert tentationem, quam statim dicit in concupiscentia sitam esse potissimum, tamen illam non generare mortem, nisi peccatum fuerit consummatum, nempe per liberum consensum voluntatis, ut sancti exponunt, Beda ibi, & Cyrillus lib. 4. in Ioan. cap. 51. Aug. lib. 5. contra Iulianum. cap. 3. & lib. 6. cap. 8.*

Ad hanc rationem dupliciter respondent hæ-

retici. Primo negant de ratione peccati, quod coram Deo peccatum est, esse voluntarium veli-  
berum, licet admittant illud esse de ratione peccati, quod vocant politicum & civile, quale, in-  
quiunt est illud, quod definiunt plurimi. Sed hoc vanum est, nam peccatum verum coram Deo est, quod & Scriptura & Ecclesia & sancti docent esse peccatum, sed Scriptura docet in potestate hominis esse peccare, & non peccare, & reliqua non tribuit culpæ coram Deo, & ideo dicit Ecclesiastici 15. ante hominem positam esse vitam & mortem, ut quod voluerit eligat, propterea monet ne peccemus, Ecclesiastici 21. *non adicias iterum*, &c. Ioan. 5. *noli amplius peccare*. 1. ad Corinth. 15. *nolite peccare*. 1. Ioan. 2. *nolite diligere mundum*, &c. Præterea id quod vere, & coram Deo peccatum est mortale, non potest esse in iustis, & simul cum charitate: at isti motus concupiscentiæ sunt in iustis servata iustitia, ut constat, ergo: &c. Maior late ostenditur in opere de gratia lib. 11. cap. 4. Nunc breviter 1. Ioan. 3. *Qui in eo manet non peccat*, ad Romanos 8. *nihil damnationis est iis, qui sunt in Christo Iesu, qui non secundum carnem ambulant*, &c. Respondent hæretici, ideo hoc dici, quia non imputatur: sed aperte Paulus vocat damnationem id, quo homo fit dignus damnatione, sicut cap. 5. dixerat per Adæ peccatum damnationem in omnes homines pertransisse, nam in fine cap. 7. *mente servio legi Dei, carne autem legi peccati*: & addit. *Nihil ergo damnationis est his, qui non secundum carnem ambulant*, id est, qui non consentiunt concupiscentiæ, quia tunc non consentunt ipsi operari, id est, humano modo, & moraliter, & ideo capit. 7. dicit, *Non ergo operor illud*, &c. Vide Augustinum 1. retractationum capite 15. *Aufertur ait, omnis iniquitas, sed non omnis infirmitas: omne peccatum, sed non omne malum*. idem lib. 6. contra Iulianum cap. 5. & Hieron. 2. & 3. dialogo contra Pelagium, & Epistola ad Oceanum. Cyprian. sermone de ablu-tione pedum.

Secundo respondent istam voluntatem esse voluntariam voluntate primi peccantis, in quo quidam ex Catholicis videntur concedere concupiscentiam in homine existente in peccato originali vere esse peccatum propter causam dictam. Henric. quodlibeto 6. quest. 32. fauet Augustinus 1. de nuptiis cap. 23. & lib. 2. contra Iulianum cap. 3. & lib. 6. cap. 5. vbi solum in reuatis dicit fomitem non esse peccatum, & Tridentinum sess. 5. solum hoc definit. Sed primo, si hoc datur: nullo modo dicendum est, hos motus ita esse peccata, ut habeant propriam, & intrinsecam malitiam moralem, atque adeo, ut sint distincta pœna digni ab illa, quæ debetur peccato originali. Secundo neque proprie, neque vere dicuntur isti motus peccata, etiam in infidelibus, quod recte docuit Diu. Thomas 1. 2. quest. 89. art. 5. probatque optime primo, quia repugnat actuali peccato esse voluntarium voluntate aliena, ut Augustinus dixit supra: nam hoc differt per se primo peccatum actuale ab originali. Tertio quia omnes effectus, qui sequuntur sunt ex peccato Adæ, ita censentur moraliter voluntarij, ut tribuantur ad culpam, alias mors hominum omnium fuisset voluntaria Adæ, & ipse incurrisset malitiam homicidii omnium hominum, & eodem modo unicuique esset propria mors voluntaria, & peccatum, voluntate Adæ: ergo illi tantum effectus fuerunt Adæ voluntarij qui proxime sequebantur ex eius peccato, & propter quos vitandos teneretur ipse vitare peccatum, peculiari obligatione. Quarto, quidquid sit de ipso Adamo, tamen ut ex materia de o-

IV.  
1. Eusebio hæretico-  
rum.



originali, ut infra constabit, non quidquid ipse voluit, cum peccavit voluerunt omnes posterius voluntate eius, sed solum illius præcepti transgressionem, quod illi, ut capiti totius posteritatis erat impositum, alia vero damna sequuta imputari poterunt Adæ, ut particulari personæ, non vero posteritati eius. Concilium autem Tridentinum solum hoc definit in renatis, quia illud tantum erat indubitatum, & pertinebat ad fidem, & eundem puto esse sensum D. Augustini, quod confirmatur, nam si voluntas Adæ sufficiens est, ut hæc concupiscentia esset peccatum in infideli dormiente, talis motus esset peccatum, ut in puero ante usum rationis, quod stultum indicat Augustinus 7. de Civitate cap. 11. & lib. 6. de duabus animabus contra Manicheos cap. 10. videatur etiam secundo libro de gratia Christi capite octavo ageimo.

Ad fundamentum Lutheranorum respondeo, præceptum illud, non concupisces, ad voluntatis consensum referri: idem est illud, post concupiscentias tuas ne abeas, &c. ut tractatu 2. agentes de voluntario, ex sententia Patrum diximus. Et præterea patet, præceptum enim debet esse de re possibili, 1. Ioan. 5. Mandata eius graviora non sunt. Mat. 11. Iugum meum suave est. Deuter. 4. & in Tridentino sess. 6. c. 11. concupiscentia vero; scilicet antevertit deliberatam voluntatem. Secundo, quia sensus non est capax præcepti, quia neque potest cognoscere superioris potestatem, neque vim præcepti, neque rationem turpis, & honesti. Tercio reliqua præcepta Decalogi ad voluntatem referuntur, tandem ipsa Scriptura ita interpretatur hoc præceptum. Ecclesiastici 18. ad Romanos 6. & ideo Matth. 15. Ea solum coinquinant hominem quæ ex corde exeunt. id est, à voluntate, & libero consensu. Dices, si hoc præceptum non cadit in hos motus, etiam non erit prauum consentire illis. Respondeo negando consequentiam, quia prohibitum est velle illos, & consequenter, licet illi non sint prohibiti, ut motus quidam naturales, tamen vetantur, ut habent rationem obiecti amabilis, & supponuntur esse aliquo modo actus humani, & liberi: vide Augustinum 6. contra Iulianum cap. 18.

Ex quibus locis patet male hæreticos exponere illa verba ad Romanos 7. Concupiscentiam nesciebam nisi lex diceret, non concupisces, &c. non est enim sensus, legem veterem demonstrare istos motus per se esse peccata, nam aperte ibi Paulus vocat hanc legem, non concupisces, legem mortis, tanquam ad intellectum, & voluntatem pertinentem, unde ibidem ait, si autem quod nolo facio, consentio legi, id est, licet sensus concupiscat, si tamen ego nolo, obedio legi, signum ergo est ad voluntatem referri, addit tamen, quia iam non opereor illud, sed quod habitat in me peccatum. ubi fomitem peccatum vocat: quia & ad peccatum inducit, & ex peccato est, tanquam poena peccati: est enim nomen peccati mortalis in Scriptura multiplex, nam proprie culpam, translate vero, interdum significat vel hostiam pro peccato, vel poenam, & hoc modo usurpatur hic, ut docet Tridentinum supra, & Sancti citati, & Augustinus 1. de nuptiis cap. 23. & patet ex ipso sermone Pauli, nam non loquitur de actu concupiscentiæ, sed de ipso inordinato principio, quod fomes dicitur, & idem vocat legem peccati, quod metaphorice dictum est: quod ergo inquit, concupiscentiam nesciebam, propter Iudæos dicitur, qui, ut supra dixi, non intelligebant solum interiorem consensum esse peccatum, neque quia dicit, legem peccati repugnare legi mentis, ideo sequitur concupiscentiam esse peccatum, quidquid legi quomodocumque repugnat

peccatum est, sed voluntaria eius transgressio, neque peccare potest contra legem, nisi ille cui lex est imposita, non est autem imposita lex appetitui, sed voluntati.

Ad August. respondeo mentem eius satis constare ex eisdem capitibus, in illo ergo loco secundi libri contra Iulianum concupiscentia dicitur peccatum, non quia hominem faciat reum, sed quia reatu primi peccati facta est, & ideo 1. de nuptiis cap. 25. ait per Baptismum non tolli concupiscentiam, sed reatum illius, nam tollitur originale peccatum, propter quod homo est reus concupiscentiæ, & aliarum poenarum, & hoc idem est, quod ait Baptismo fieri, non ut concupiscentia non sit, sed ut non imputetur, quia scilicet aufertur culpa à quo ipsa oritur. In aliquibus præterea locis indicat Augustinus concupiscentiam, esse peccatum, licet non possimus ei resistere: tamen nunquam loquitur de potestate simpliciter, sed morali, & vocat impossibile quod est difficillimum, & non loquitur generaliter de omnibus hominibus, speciatim de quibusdam, qui culpa sua, & prava concupiscentia, ita sunt dediti concupiscentiæ, ut vix possint resistere: frequentius tamen loquitur de culpa veniali, & de impotentia vitandi omnes hos motus collectivè, non singulos: & hoc modo dicit legem illam, non concupisces, imperfecte impleri in hac vita, quia saltem venialiter, occasione concupiscentiæ, ab illa deficimus, videatur idem Augustinus de spiritu, & litera cap. ultimo, & de perfectione iustitiæ circa finem, & 1. de nuptiis cap. 29. sermone vero 45. de tempore, dicit præceptum illud servari in hac vita quoad substantiam, non vero quoad finem præcepti, quod alias dicit de præcepto charitatis. Quod denique Augustinus ait Deum odisse concupiscentiam, vel est intelligendum de concupiscentia voluntaria, vel certe propter radicem eius, hoc enim modo 1. Ioannis 2. dicitur non esse ex patre, sicut enim dicitur in Scriptura, Deum odisse mortem.

## SECTIO V.

An in appetitu sensitivo per se, possit esse veniale peccatum.

Dico per se eodem modo, quo in titulo præcedentis sectionis Caietanus 1. 2. quæst. 74. firm. art. 4. affirmat. & videtur favere D. Thomas, dicit enim in sensualitate posse esse peccatum veniale, non mortale: loquitur ergo de sensualitate secundum se, nam, ut subest voluntati, etiam mortale potest esse in illo, ut dicemus. Idem colligitur ex articulo secundo, & 3. & ex differentia, quam constituit inter appetitum sensitivum, & membra exteriora. Fundamentum est, quia appetitus sensitivus per se habet aliquam deliberationem, & libertatem, ut indicat ibid. D. Thomas & 2. d. 21. quæst. 1. & fauet Aristoteles 1. Politicorum cap. 3. & 1. Ethicorum cap. ultimo, ubi dicit appetitum moveri politice: non potest autem moveri politice, nisi quod est mobile liberum. Et ratione patet, quia cogitativa hominis est particeps rationis, unde potest componere, & discurrere in particularibus, unde libertas oritur. Confirmatur, quia experimur illos concupiscentiæ motus discursu, vel ratione remitti, vel intendi. Confirmatur secundo, nam ideo in appetitu ponuntur ab Aristotele, & D. Thom. quædam virtutes morales.

VII.  
Ad loca  
Augustini  
ibid.

I  
Pars af-



II.  
Vera respo-  
lutio.

Respondeo in appetitu per se non potest esse peccatum veniale, & opposita sententia est improbabilis. Probat ex omnibus allatis contra hæreticos in *sestione preced.* nam sine distinctione venialis, vel mortalis peccati, docent omnes Patres sine voluntate non esse peccatum, Augustinus 1. *retractationum* cap. 9. *Voluntate peccatur; & recte vivitur* & 3. de libero arbitrio capite 18. & Tridentinum *sessione* 5. dicit concupiscentiam sine voluntate nihil nobis nocere. Quod optime docet Augustinus libro de duabus animabus capite decimo & 11. & Chrysostomus tomo tertio ad Romanos 7. *Si quid nolens facio, iam non ego operor illud*; & infra, *mente serui legi Dei*. Ratio à priori est, quia appetitus sensitivus non est capax actus honesti, per se: ergo neque alicuius peccati, cum eius ratio consistat in privatione honestatis, & ideo supponat capacitatem. Antequam edens vero patet, quia sensus non potest cognoscere rationem honesti, quæ consistit in rectæ rationis conformitate. Secundo nulla potentia potest habere libertatem ad peccandum venialiter, & non mortaliter, ut supra *sect.* 3. dictum est ex doctrina etiam Caietani: sed in appetitu sensitivo non est libertas ad mortale: ergo. Tertio, quia sequitur omnem consensum voluntatis semper continere duo peccata alterum veniale, alterum mortale, quia semper consentit appetitus, deinde sequitur eum, qui sua voluntate omnino resistit concupiscentiæ, neque potest illam omnino frænare, venialiter peccare, quod videtur erroneum: unde vltius sequitur simul in eadem materia hominem mereri per voluntatem, & per appetitum sensitivum peccare venialiter, quod est absurdum, & sequela patet, nam resistendo per voluntatem coronatur, secundum fidem, & alias concupiscentia per se & ex proprio principio peccatum veniale est: ergo retinebit suam malitiam licet voluntas repugnet. Dices fieri fortasse non posse, ut voluntate perfecte repugnante concupiscentia duret. Sed in primis hoc falsum est, ut infra dicam. Deinde illo opposito, iam concupiscentiæ motus non esset malus propter ipsum appetitum, sed propter negligentiam voluntatis, ut D. Thomas ait q. 7. de malo art. 6.

III.  
Ad D. Tho.  
in num. 1.  
allatum.

Ad fundamentum Caietani in primis nego D. Thomam hoc sentire. nam articulus 1. & 2. ad 1. & in 2. d. 24. q. 10. art. 2. expresse docet nullum peccatum committi, nisi voluntate: quo tamen sensu tribuat appetitui sensitivo magis veniale, quam mortale, *sect. sequenti*: commodius exponetur. Ad fundamentum nego appetitum sensitivum habere libertatem ullam: libertas enim quoad specificationem requirit cognitionem singularium rationum bonitatis, & malitiæ, & facultatem quandam ad considerandum pondus vniuscuiusque bonitatis & malitiæ, & ad conferendum vnum bonum cum alio: libertas vero quoad exercitium requirit vim ad cognoscendum quasi per reflexionem ipsum motum appetitus, & an sit bonum exercere illum, necne? hæc autem manifeste requirunt vim, & perfectionem rationis, ut D. Thomas 1. part. *quest.* 82. & 83. late declarat: neque verum etiam est, cogitativam quoque posse proprie discurre, vel ratiocinari, licet possit uti recordatione quadam, & ex vno in aliud veluti inuestigando pervenire: dicuntur autem istæ potentie rationis vim participare, quatenus per coniunctionem ad rationem, & in se multo magis perfectæ sunt, & aptæ moveri à ratione. Ad primam confirmationem iam circa questionem 17. art. 7. in 1. 2. exposuimus illam motionem fieri sine li-

bertate. Ad secundam ipse D. Thomas q. 74. art. 1. ad 2. dicit virtutem non esse in appetitu, nisi ut subest motioni voluntatis, quod suo loco explicabitur.

## SECTIO VI.

*An omnis concupiscentia appetitus sit semper veniale peccatum solum ex defectu voluntatis.*

Sunt Theologi, qui in generali id affirmant, I  
Indicat Magister in 2. d. 24. & tenet Altfiodor. Quorum-  
lib. 2. summa tractatu 28. cap. 1. Parisiensis 2. p. tra- dam sen-  
ctatu de matrimonio. cap. 7. Alij vero hoc limitant, tentia.  
dicunt enim concupiscentiam, quæ oritur ex naturalis dispositione corporis, posse interdum esse sine peccato non tamen eam, quæ oritur solum ex approbatione imaginariæ, ita Alensis 1. p. q. 125. art. 1 Durandus 2. d. 42. *quest.* 6. Bonavent. & alij d. 24. D. Antoni 2. p. titulo 5. cap. 1. §. 4. Petrus de Soto in suo pastoralis tractatu de peccato originali. D. Thomas fauet his autoribus qui 1. 2. *quest.* 74. art. 3. ad 3. & in 2. d. 21. *quest.* 1. artic. 2 ad 5. & *quest.* 7. de malo art. 6. ad 8. expresse tenet secundam sententiam, tamen 3. p. *quest.* 41. art. 1. ad 3. dicit tentationem, quæ ut per internam delectationem & concupiscentiæ motum, non fuisse in Christo, quia non posset esse sine peccato, dicente Augustino 19. de Civitate cap. 4. *Quando caro concupiscit adversus spiritum, nonnullum peccatum est*: & lib. 4. contra Iulianum cap. 2. & lib. 5. & 3. etiam indicat concupiscentiam esse peccatum aliquod. Fundamentum totius huius sententiæ esse debet, quia est in hominis potestate per rationem, & voluntatem impedire omnes hos motus, si ratio vigilet semper, ut tentetur: ergo si concupiscentia sequitur, est quia ratio non vigilat: ergo nonnullam habent culpam.

Prima propositio. Huiusmodi motus sæpe esse II.  
peccata venialia ex defectu voluntatis. Est 1. Propos-  
certa de fide, ut patet primo, si materia sit levis, tio.  
& directe consentiat voluntas, vel certe si consensus ipsius voluntatis non sit perfectus, sed indeliberatus, & imperfectus & iuxta hanc conclusionem intelligendus est Diu. Gregorius homilia 16. super Evangelia, & 4. moralium cap. 25. Isidor. libro de summo bono capite 23. Cum in progressu peccati dicunt primo esse suggestionem, secundo delectationem sensus, & hoc esse veniale peccatum. Tertio esse consensum, nam intelligendum est in illo secundo esse nonnullam voluntatem, licet imperfectam. Aduertendum etiam est ex dictis, hoc peccatum veniale appetitus sensitivi denominatione tantum extrinseca esse peccatum, nam tota malitia eius in voluntate, ut ex dictis patet. Præterea aduerte dubitari de hoc peccato, an sit omissionis, vel commissionis: nam Scotus 2. d. 24. *quest.* 3. & Henricus quodlibeto 6. *quest.* 32. & Almaynus. tract. 3. cap. 24. volunt esse peccatum omissionis, quia est causa solum negligentis voluntatis. Alii tamen omnes, & melius, dicunt esse commissionis, quia est contra præceptum negativum. non concupiscas: & consistit in actu positivo vel directe, vel indirecte voluntario, sicut patet in homicidio simili modo ex negligentia commisso.

Secunda propositio. Sæpe isti motus nulla sunt peccata. Est communis Theologorum sententia, & colligitur ex Augustino locis citatis, nam dicit hos motus ita interdum nullam continere culpam, ut non oporteat pro illorum remissione



missionem orare, neque dicere, *dimitte nobis debita nostra*. Videatur lib. 1. contra duas epistolas Pelag. cap. 13. & in Psal. 142. & tractatu de pugna anime tom. 9. Idem sentit D. Thomas 1. 2. quest. 75. art. 2. ad 3. Albert. 2. d. 9. 2. 4. 4. 9. Bonaventura art. 5. Scotus, & Almaynus supra. Confirmatur ex scripturis, & Conciliis allatis supra: nam docent concupiscentiam nihil nocere cum ei veraciter resistitur: ergo supponunt posse aliquem pati hanc concupiscentiam sine peccato: præterea de motibus, qui insurgunt ex dispositione corporis, vel naturali alteratione, videtur res indubitata, nam est evidens experientia non esse in nostra potestate, quod Paulus ipse de se fatetur ad Romanos 7. *Quod nolo, illud facio*. Deinde de aliis motibus, qui insurgunt ex apprehensione, æquè fere est evidens: nam non potest homo omnem apprehensionem imaginationis prævenire, quia sæpe oritur ex præsentia obiecti sensibilis, quam non potuit homo vitare, quia fortuito casu occurrit: vnde recte Augustinus de spiritu, & litera cap. 34. non esse (inquit) in potestate nostra quibusdam visis tangamur. Item sæpe ex cogitatione reilicet, turpis quædam phantasiæ motio insurgit antequam homo possit attendere, imò sæpe, vt infra dicemus, non tenetur homo honestæ rei, imò neque turpis cogitationem repellere, ne inuoluntariæ concupiscentiæ motus insurgat, quando alias cogitatio licita est. Rursus etiam postquam ratio aduertit, potest esse tam vehemens imaginationis apprehensio, vt non possit voluntas omnino eam repellere. Denique virtute demonis fieri potest, vt istæ phantasiæ in nobis excitentur. Videantur dicta apud D. Thom. 1. 2. quest. 17.

esse perfectè deliberatum, ostendimus enim supra sine his nunquam peccatū mortale committi. Vnde duo puncta restant declaranda. Primum, quæ delectatio, vel motus appetitus sit sufficiens obiectum peccati mortalis. Secundum, quando voluntas est iudicanda sufficienter consentire.

PUNCTUM I.

Quæ delectatio sit mortale peccatum.

Aduertendum primò est D. Thom. & alios totam istam rem specialiter disputare de delectatione concupiscentiæ, quia in ea frequentius committitur peccatum: hæc tamen, quæ dicimus seruata proportionem applicari poterunt aliis passionibus. Aduertendum est secundò non esse sermonem de delectatione, quæ coniuncta est cum executione operis exterioris, nam de illa est eadem ratio, quæ de opere, de quo infra dicemus: sed est sermo de interiori delectatione, non quæ coniuncta est cum executione operis exterioris, sed de interiori delectatione, quæ ex cogitatione turpis operis nascitur, quæ dupliciter oritur, iuxta D. Thomam, primò ex cogitatione solâ, alio modo ex recogitata, quæ apprehensione fit ita præsens, ac si reuera adesset, & talem delectationem infert, qualem efficeret res in præsentia.

Prima propositio. Delectatio de sola cogitatione non est per se mala, neque obiectum peccati, licet opus cogitatum turpe sit, vnde si volunt. III. Propositio. Est D. Thom. 1. 2. q. 74. art. 6. & q. 15. de veritate art. 4. & 8. & communis. Et ratio est, quia cogitatio illa per se non est prohibita: ergo neque delectatio illam consequens: nam talis est delectatio, quale opus, ex quo sequitur, nam accessoriū sequitur naturâ principalis, & effectus imitatur causam. Antecedens probatur, quia delectatio, vt sic, neque versatur circa verum vt verum: opus autem licet sit malum in ordine ad appetitum, tamen vt est quoddam verum, & intelligibile non est per se malum, ergo neque cogitare de illo est per se malum. Et ex hoc patent aliæ partes conclusionis, nam cogitare de his rebus, interdum fieri potest recta intentione, vt ad intelligendam necessariam, vel vtilem veritatem: sæpe vero deficit, & deest bona intentio, & saltem actio manet otiosa. Dico per se, vt excludam, quod potest esse per accidens, scilicet periculum consentiendi in aliud opus prauum mortaliter, nam exponere se tali periculo, mortale peccatum erit, & hæc delectatio subintelligenda est in omnibus, quæ dicemus.

Secunda propositio. Delectatio, quæ oritur ex opere cogitato, quod de se mortale peccatum est, etiam ipsa de se est mortale peccatum. Aduerte dupliciter posse aliquem consentire in hanc delectationem, primò appetendo opus, cui est coniuncta delectatio, id est, desiderando executionem eius, & hoc modo est de fide, Matt. 5. Qui viderit mulierem ad concupiscendum, & cæte. & ad Romanos 7. Non concupisces. & ratio est, quia illa voluntas est directe legi contraria, & obiectum illud est mortale, & prohibitum. Secundo modo potest quis consentire delectationi operis cogitati, ita vt reuera nolit opus, & proponat illud non facere, tamen velit in eo sic cogitato delectari, & hoc sensu conclusio est vera, & eam tenet D. Thomas 1. 2. q. 74. art. 5. & 8.

SECTIO VII.

Quando delectatio appetitus sit mortale peccatum ex consensu voluntatis.

I. Duo certa. Vnt duo in hac questione certa. Primum sæpe dictum consensum esse mortale peccatum, licet tota eius malitia sit in consensu voluntatis inhærentur, iuxta superius dicta. Secundo certum est duo requiri, vt iste motus sit peccatum mortale: primum concupiscentiam esse turpem, & in re graui: secundum est consensum voluntatis



8. & 2. q. 154. & communiter Doctores 2. d. 24. qui hanc vocant delectationem morosam, & Summistæ omnes verb. Delectatio morosa, Henric. quodlibet. 6. q. 4. & materia de Eucharistia q. 4. August. 12. de Trinitate cap. 12. facit illud Ierem. 4. Quousque morabantur apud vos cogitationes noxiæ. Vide Iob. 31. Psalm. 4. Sapientia 1. Ex quibus locis colligunt Sancti in delectatione cogitationis posse interdum committi peccatum mortale, & non ratione cogitationis, vt diximus: ergo ratione operis cogitari. Rationem reddit D. Thomas, quia qui delectatur in opere prauo cogitato, necessario habet affectum propensum ad opus ipsum, nemo enim delectatur nisi in his, quæ amat.

V. Dicit quis, illum appetere quidem opus, sed non in re, sed in cogitatione tantum: sed contra hoc est, nam opus ipsum prauum cogitatum secundum se est peccatum mortale: ergo & delectatio, quæ ex illo nascitur. Instabis. Opus in re factum, & velle illud hoc modo, est peccatum mortale, quia hoc est prohibitum, tamen velle illud in cogitatione, non videtur lege prohibitum, atque adeo neque mortale: ergo neque delectari in illo isto modo. Sed contra, nam opus, & delectatio, quæ ex illo nascitur, in moralibus non sunt duo, vnde vno & eodem præcepto prohibetur, & malitiam habent eiusdem rationis: at vero is qui delectatur in opere cogitato, actu fruitur delectatione eiusdem rationis, atque adeo eiusdem turpitudinis cum delectatione quæ ex opere in re ipsa nascitur: ergo illa delectatio est prohibita. Confirmatur: nam numquam opus illud delectaret, quod cogitatum est, nisi ipsum secundum se amaretur, nam cogitatio solum est conditio quædam, vnde licet is, qui sic delectatur, non intendat opus, quia non respicit executionem, tamen reuera amat illud secundum se. Confirmatur: nam qui vult effectum, vel propriam passionem, virtute vult causam, vel essentiam: hæc autem delectatio est tanquam passio consequens opus: ergo, &c.

VI. Contrarium tenuit Lyranus circa id Matth. Lyrani pla 5. Qui viderit mulierem, &c. Fundamentum essetum con potuit, quia illa delectatio per se non est mala, tra nunc di imo in aliquibus potest esse honesta: ergo illam cta eiusque per se appetere si non ordinetur ad ipsum opus, fundam. vel ad aliud mortale crimen, non erit mortale, sed veniale. Confirmatur primo, quia in illo obiecto nullum est graue damnum contra charitatem Dei, vel proximi. Confirmatur secundo, nam Augustinus supra significat hoc peccatum esse leue, pro cuius remissione dictum est illud, dimitte nobis debita nostra: quod tamen pro remissione venialium docet in Enchirid. cap. 71. Et hanc (vt fertur) putauit probabilem opinionem Victor: sed omnino est cauenda, & improbabilis, quia est contra omnes Theologos, & occasionem præbet libidini, & ruine. Ad argumentum respondeo illam delectationem esse intrinsicè malam, sicut est fornicatio, atque adeo in nullo esse licitam si sit eadem moraliter, secus verò est, si opus ex quo nascitur moraliter mutetur. Ad confirmationem dico similiter illud obiectum per se esse contra charitatem, per accidens verò est, quod ex intentione operantis non feratur vsque ad opus. Ad Augustinum respondeo cum D. Thom. 1. 2. q. 74. a. 8. solum docere istam delectationem morosam esse minus peccatum, quam sit consensus in opus ipsum, tamen intra latitudinem peccati mortalis, & illa verba, dimitte nobis, pro peccatis venialibus, sed non solis esse dicenda.

VII. Ex his colligitur regula ad intelligendum, an

consensus ex delectatione sit mortale peccatum ex obiecto nec ne? nam respiciendum est ad opus ipsum, & talis erit delectatio, quale opus. Videatur D. Thomas 2. 2. q. 154. art. 4. & Nauar. cap. 16. num. 6. & 7. Caietanus verb. Delectatio morosa, qui tamen addit delectationem de opere cogitato si non sit de substantia operis, sed de singulari quodam, & mirabili modo efficiendi opus ipsum, dicit per se ex obiecto non esse mortale peccatum, quia ille singularis modus est quid distinctum ab opere, & potest esse delectabilis per se: & similiter quando ille modus per se est quid indifferens ad bonum opus, & malum: vt si esset sagacitas quædam, & calliditas, quæ per accidens & quasi in quodam exemplo cogitatur in opere malo, tunc certe delectari de illo modo non est per se peccatum mortale, dummodo delectatio, quæ proprie est turpis operis, non simul oriatur, si vero modus efficiendi illud opus quædam cumque sit mirabilis, in illo genere proprius sit, & quasi determinatus ad opus turpe, non video qualiter possit diminueri culpam: nam turpior est delectatio, quæ oritur ex opere sic cogitato, quàm si simpliciter cogitaretur: neque potest quis tunc delectari de opere, vt est mirum quid, & non vt est malum, nam hæc intellectu possunt præsciendi aliquo modo, & ideo si delectatio esset de sola cogitatione, haberet id locum: secus verò videtur si sit de malo cogitato, & de re sub illo commodo cogitata, quia modus ille non potest delectare, nisi prout est aliquid ipsius operis, neque parit delectationem alterius rationis à delectatione ipsius operis, & ideo Caietani doctrina, non est indistinctè probanda.

Sed quæres, quando delectatio de cogitatione censenda sit, vel de re cogitata? Respondeo ex effectu sumi aliquod signum: vt si ex tali delectatione sequantur turpes effectus, &c. quod signum est probabile, non certum: ideo, vt D. Thomas ait q. illa 74. art. 6. intentio, & affectus operantis præcipue consideranda sunt: nam si mouetur ad permanendum in illa cogitatione ex bono motiui, signum est delectationem oriri ex sola cogitatione: secus verò est, si mouetur ex turpi aliqua occasione, vel etiam sine vlla causa, vel necessitate, licet nullum etiam istorum sit infallibile signum, quia res tota pendet ex voluntate, & intentione.

Ex dictis colligitur primò delectationem quæ sequitur ex opere cogitato, quod eo tempore, quo cogitatur, est licitum cogitanti, per se non esse peccatum mortale, quia vt diximus, delectatio, & opus, eiusdem rationis sunt. Vnde rectè dixit illa quest. 74. Caiet. art. 8. coniugum qui viuente altero coniuge, in absentia tamen eius, delectatur in opere cogitato, non peccare mortaliter, (licet Nauar. supra oppositum affirmet) patet ex dictis, quia ille actus cogitatus, ex quo sequitur delectatio est licitus huic coniugi hoc tempore, nam est actus matrimonii. Item illa delectatio in re posita non esset mala: tandem consentire in actum illum hoc tempore exercendum non est peccatum: ergo, &c. Nec fundamentum Nauarri vrget, scilicet talem delectationem fore peccatum, si alter cõiux esset mortuus, vt statim dicemus: ergo si est absens. Negatur enim consequentia, quia non est similis ratio: nam postquàm per mortem est dissolutum matrimoniũ moraliter, mutatur tota ratio actus, & delectationis, quia mutatur obiectum: intelligitur autem hoc per se semper, excluso periculo effusionis, &c.

Secundo sequitur delectationem sumptam ex actu, qui per se est peccatum mortale, sub conditione tamen excludente turpitudinem, vt si est lar. set li-

Confecta-  
rium ex di-  
ctis.

VIII.  
Questiun-  
cula enoda-  
tur.

VIII.  
1. Corola  
ex dictis.

X.

2. Corol  
lar.



ser licitum, vel, si esset vxor, ex obiecto esse peccatum mortale, quæ est communis sententia. Legatur Caietanus, & Nauarrus: & ratio est, quia licet consensus conditionatus videatur respectu actus, tamen respectu delectationis est absolutus. Paret, quia delectatur, ac si potiretur re ipsa, & tamen hic, & nunc illa delectatio est illicita sicut actus ex quo sequitur. Confirmatur, nam delectatio non sequitur, nisi ex obiecto amato, & cōsecuto, vel apprehenso, vt tradit D. Th. 1.2 q. 32. art. 3. ergo, qui sic delectatur, amat illud obiectum, & apprehendit illud tanquā consequutū. Sed contrā primo: nā conditionalis nihil ponit in esse. Secundō illa conditio addita præscindit malitiam. Tertiō sequeretur hunc actū esse malum si non esset tempus *Quadragesimæ comedere carnes*. Respondeo, si ille consensus esset pura velleitas, quæ non asserret delectationem similem illi, quam obiectū tupe habet ex natura sua, nō esset peccatum mortale: secus vero est, quando ad actū in effectū, & sequitur delectatio: nam actus tunc iam ponit aliquid turpe in esse: ergo quantū ad id non est pure conditionalis: vnde ad tertium nego sequelam, quia ille actus est simplex desiderium imperfectum.

XI.

1. Observatio pro dicto.

Sunt tamen duo aduertenda. Primo esse differentiam inter actiones natura sua malas, vel malas, quia prohibitas: nam in illis non licet delectari sub quacumque conditione, quia semper delectatio oritur ex motiui per se prauo: in his vero, quia secundum se, vel honestæ, vel indifferentes sunt, potest quis sine peccato mortali in illis sic consideratis delectari, quod fit, quando apprehenduntur ablata prohibitione. Secundo aduertendum, an ille actus, vel delectatio per se sit capax alicuius motiui honesti, licet fortasse hic, & nunc cogitanti non liceat in tali materia, vt religioso non licet dispensare pecuniam, tamen si ita cogitaret, si liceret, & haberem, darem pauperibus, & in hoc delectaretur non peccaret, imò fortè mereretur, quia tota illa delectatio procedit ex motiui muericordiz, quod per se est honestum, & licitum, & per accidens est quod applicatum ad talem materiam non liceat huic persone: secus verò est quando motiui per se est inhonestum.

XII.

3. Corollar.

Tertio sequitur delectari in actu, qui nunc est per se malus, apprehenso tamen prout in futuro tempore erit honestus esse ex genere suo mortale, si actus sit talis, ita Nauar. *supra*, licet Caietanus tom. 2. opusculo. 2. tractatu 14. dubio. 2. oppositum sentiat, non satis constanter: siquidem est eadem ratio in hoc, & in actu conditionato, nam etiam in hoc casu accipit quis delectationem hic & nunc sibi illicitam sub illo titulo, actus futuri liciti, sicut aliis fruebatur sub titulo, licita conditionis.

XIII.

4. Corollar.

Quarto sequitur, non licere delectari de actu licito præterito, si in præsentis statu iam est intrinsece malus: contrarium indicat Caietanus in *Summa*, & in illo opusculo Et habet apparens fundamentum, quia est eadem ratio de actu, & delectatione: sed licet nunc consentire, & approbare præteritum actum: ergo & delectari. Confirmatur, nam obiectum illius delectationis per se bonum est, & differentia præteriti, vel futuri nihil videtur referre. Sed intelligendum est licitum quidem esse iudicio, & voluntate approbare præteritum actum, & veluti spiritualiter gaudere de illo quatenus est actus iustitiæ, vel temperantiæ: non est autem licitum cogitando illum actum delectationem sensualem capere, & in illa consentire: quod patet ratione facta, quia ille actus in præsentis statu est inhonestus: ergo & delectatio quæ illi est coniuncta quatenus hoc

tempore fit. Vnde potius eadem ratio est de delectatione ista, & de illa, quæ est sub conditione, vel actu futuro: nam semper delectatio illa est eiusdem rationis cum illa, quæ cōiuncta est actui matrimonii, cū tamē re vera hic, & nunc nō sit talis actus, sed potius fornicationis. Confirmatur: nam si quis vellet exercere illum actum hic, & nunc secundum præsentem statum, peccaret sine dubio: ergo etiam si vult actu delectationem illam: & hoc tandem modo videtur Caietanus se exponere, licet obscure. Neque obstat ratio in contrarium, concedo enim esse eandem rationem de actu, & delectatione, si pro eodem tempore sumatur, & pro eiusdem circumstantiis, non est autem eadē ratio de delectatione præsentis, & actu præterito: nam licet sola temporis successio non efficiat istam varietatem honesti, vel turpis, tamen in diuersis temporibus potest obiectum, vel circumstantia variari.

Quinto sequitur, non esse licitum delectari de actu præterito qui per se malus est, licet ex ignorantia inuincibili, vel alia ratione fuerit commissus sine culpa. Patet ex dictis. Sed est aduertenda differentia inter istam delectationem, & præcedentem, nam quando actus præteritus est per se honestus, licet postea consentire in illum, quamuis non semper liceat delectationem nouam eiusdem rationis capere: tamen quando actus per se est malus, & aliunde excusatur, postea neque consentire in illum licet, neque velle illum. Ita Palud. 4. d. 8. quest. 1. & Adrian. qu. 4. de Eucharistia, & Soto d. 12. quest. 1. articulo 7. Et ratio est, quia ille actus per se est prauum obiectum, & ideo numquam licet illum velle. Confirmatur, nam ille actus præteritus excusatur, quia fuit inuoluntarius: ergo si accedat voluntas, non erit vnde excusetur. Videantur dicta supra de conscientia erronea.

Addendum est tamen primo, actum præteritum non fieri malum propter consensum habitum, quia numquam ille actus procedit à mala notitia, sed solum se habet per modum obiecti: solus ergo motus interioris consensus peccatum est. Secundo addendum est, quamuis non liceat liceat gaudere de actu præterito secundum se, & propter eius voluptatem, licitū tamen esse gaudere de bono effectū inde sequuto, atque adeo de illo actu tantum vt fuit causa talis effectus, licet dicti autores videantur repugnare, tamen in hoc conuenit D. Thomas 4. d. 9. articulo 4. & 5. & D. Antoninus 2. p. titulo 6. capit. 5. & Caietanus 2. 2. quest. 154 articulo 5. Nauar. *supra*, Syluest. & alii. Ratio est, quia ille effectus potest esse secundum se honeste amabilis: ergo id quod est causa eius, vt sic, potest honeste amari, si aliunde non sit turpitudine, vt in proposito nulla esse videtur, quia neque amatur talis actus per se, neque delectatio eius, neque præterea in re ipsa male vel inhonestè fit. Sed contra: ergo licebit desiderare illum actū illo modo. Respondeo per se concedo. Ita Nauar. qui late hoc confirmat, sed eadem ratione probatur, quia vt sic non est malum obiectum. Sed vrgebis, ergo si licet desiderare: ergo & procurare. Respondeo negando cōsequentiam, nam sæpe non licet conari ad exequendum omne id, quod licet desiderare, & ratio est, quia non quidquid possum pari ab alia causa sine peccato, possum ego licite facere, vnde interdum licet desiderare propriam mortē, vel alterius, & non procurare, vel efficere.

(o)

XIV.

5. Corollar.

XV.

Observatio  
1. pro dicto.



## PUNCTUM II.

*Quando voluntas censetur consentire.*

**XVI.** *Consensus non est imperfectus ex breui mora.* PRO secunda parte quæstionis posita in fine numeri 1. quando scilicet iudicandū sit voluntatem plene consentire, breuiter aduertendum est, istum consensum duo requirere, aduertentiam intellectus plenam, & perfectam, & motū voluntatis, & quando ista duo conueniunt, est non solum plenus, sed etiam directus consensus voluntatis, qui sufficit, licet per vnum instans tantum duret, non est enim ex tempore perfectio consensus pensanda, licet Almayn. supra oppositam indicet: nam licet sit verum, deliberationem perfectam requirere tempus, tamen posita iam debita aduertentia consensus fieri potest subito. Ex quo sequitur ex duplici capite posse istum consensum non esse perfectum: primum est aduertentia intellectus: & quidem si aduertentia nulla omnino sit, nullus quoque est consensus: atque adeo nullum peccatum veniale, quia totus ille motus est naturalis: & licet duret per tempus aliquod delectatio & motus in sensu, si tamē dispositio rationis sit semper eadem, nullum adhuc est peccatum. Nam, vt ait D. Th. art. 6. ad 3. delectatio hæc non est morosa ratione temporis, sed ratione voluntatis, idemq; sentiunt alii: & colligitur ex August. 12. de Trinit. cap. 12. si tamen aduertentia sit aliqua, imperfecta tamen, erit quidem aliqualis consensus, sed non qui sufficiat ad peccatum mortale.

**XVII.** *Quando intercedat hæc imperfectio.* Est autem difficile cognoscere quando adest aduertentia, & tamen imperfecta propter quod Oham, quem Almayn. refert, nullam credidit esse aduertentiam rationis quasi mediam, id est, quæ sufficiat ad veniale, & non mortale: sed omnes Theologi illam admittunt, alias nullum esset peccatum veniale ex susceptione: potest autem explicari, vel quia tam naturalis est illa aduertentia: vt non habeat homo locum perfecte de liberandi, vel certe, quia aliquo modo aduertit quid agat, tamen non aduertit malitiam, & turpitudinem. Denique quia licet possit simpliciter aduerrere, tamen non cum pleno dominio sui actus: vide Caietanū supra, & Adrianum q. 4. de Eucharistia, & Gersonem 2. p. Alphabeto 3. solum est notandum istum defectum aduertentia in tantum excusare, in quantum ille est inuoluntarius: quare si illa inaduertentia sit voluntaria, non excusabit: potest autem esse voluntaria vel in se, vel in causa, vt quando quis scienter se exponit periculo morali patiendi istos motus, qui mentem eius raptant, arbitror tamen raro, aut numquam hoc esse peccatum mortale, nisi aliquis directe illud præuideat, & velit, quia non potest homo tam à longe humano modo præuenire istas motiones, & inaduertentias. Vide, si placet, supra tract. 2. disp. 4. sect. 3.

**XVIII.** *2. Caput imperfecti consensus.* Secundum caput huius imperfecti consensus esse potest, postquam fuit plena aduertentia rationis, in quo dubium est, an posita ista aduertentia si directe voluntas non consentiat, censenda sit saltē indirecte, & virtute consentire, si veluti negatiue habeat, & non curet excutere delectationem, & concupiscentiam, licet illam non velit. Prima sententia simpliciter negat ibi esse consensum sufficientem ad mortale: ratio est, quia tota hæc obligatio oritur ex præcepto negatiuo non concupiscendi. Hoc autem præceptum non obligat ad agendum, atque adeo neque ad depellendum motum naturalem, sed neque ad consentiendum. Confirmatur, quia de-

lectatio appetitus naturalis est, & nulli est nociua. Tandem, quia alias semper teneretur homo expellere istam delectationē statim, atque sentit illam, neque liceret illam vnquam permittere, quod est falsum, & sequela patet, quia si illa obligatio oritur ex præcepto naturali: ergo oppositum est intrinsece malum, ita Henric. quodlibeto 6. q. 4.

Secunda sententia contraria sine distinctione affirmat ibi esse plenum consensum morale indirectum: ita D. Thomas, & Nauar. & Caietanus indicant, D. Thomas 1. 2. qu. 74. art. 7. ad 3. & 4. & art. 8. ad secundum, & qu. 15. de veritate art. 1. 4. ad 1. Syluest. & alii Summistæ, & Adrianus supra. Fundamentum esse debet, quia præceptum negatiuum, quod prohibet actum de se malum, non solum prohibet consentire in illū actum, sed etiam permittere, v.g. mortem proximi, si possum impedire, vt si ab altero moueretur ad percutiendum alterum; teneretur non solum non consentire, sed etiam resistere: & eodem modo mulier, cui violētia inferitur, tenetur resistere, si potest: ergo similiter, & c. ergo si non faciat indirecte consentit, & vult illam delectationem.

Et hæc sententia vera est, si recte explicetur: nam ex opposita simpliciter prolata sequuntur multa incommoda. Sed primo addendum est intelligendum esse quando omnino nullam diligentiam quis adhibet vt excutiat delectationem: nam si aliquam diligentiam faciat, licet non tanta sit, quanta esse debet, poterit consensus esse imperfectus ratione diligentia imperfecta: quanta vero & qualis sit ista negligentia, vix potest à nobis dici. Secundo addendum est non eodem modo teneri hominem ad non consentiendum, & ad expellendam delectationem: nam primum per se primo oritur ex præcepto negatiuo naturali, non consentire, & ratio pro semper obligat, & ideo nullo titulo neque occasione licet se exponere periculo consentiendi. Secundum vero oritur potius ex affirmatiuo præcepto, licet in negatiuo contento, & omnino non obligat pro semper. Simile est, quod dixi agendo de voluntario indirecto.

Vnde sequitur tunc censerī aliquem indirecte consentire, quando sine iusta causa non curet pellere delectationem illam, nam tunc contentio tribuitur voluntati, non necessitati. Secus vero est si ex rationabili causa permittat id facere: rationabilis autem causa numeratur duplex, prima si probabiliter quis timeat eo magis esse augendam concupiscentiam sensus, quo ipse magis conetur ad illam expellendam, colligitur ex D. Th. 2. 2. quæst. 35. art. 1. ad 4. & ratione, quia tunc resistere potius esset cooperari. Addunt vero Nauar. & Caietanus non esse mortale non depellere concupiscentiam istam ex quodam contemptu, quādo nullum est prorsus periculum consensus voluntatis, licet etiā speraretur fore, vt depelleret concupiscentiam, si conaretur: sed mihi hoc non placet: quia non tantum ratione periculi consensus, sed per se quis tenetur vitare istam concupiscentiam si facile potest: neque excusat dictus contemptus, quia ille tunc non est bonus, quia est contra legem, addo tamen illam causam vere non tam esse ad non depellendam delectationem, quam ad non depellendam tali modo, scilicet positiue agendo, & quasi resistendo illi, nam negatiue, & quasi fugiendo tenetur illum pellere, id est, reuocando mentē ad alias cogitationes, nam hoc semper potest prodesse, & non obesse. Secunda causa quæ ab omnibus probatur, est quando ad depellendam illam concupiscentiam necessariū est omit-

**XIX.** *2. Sententia indistincte affirmans.*

**XX.** *Iudicium de hac sententia.*

**XXI.** *Non repellere concupiscentiam absque vlla causa est consentire.*



est omittere aliquam actionem honestam, ut studium, & confessionem, &c. ablato enim periculo consensus affirmatiuum præceptum non obligat cum tanto discrimine, præsertim cum ille motus naturalis per se non sit malus moraliter. Confirmatur, quia alias homines deberent semper esse solliciti, & multa bona prætermittere. Vide Caietanum *tomo 1. opusc. tract. 22.*

Quanta vero, & qualis debeat esse utilitas istius operationis, varie explicatur ab auctoribus, & non potest certa regula præscribi, solum sunt aduertenda duo. Primo considerandum est, an opus ex natura sua sit aptum natum ad excitandam istam concupiscentiam, nam tunc fere semper vitandum est, quando non est ingens utilitas, vel necessitas. Vide Caietanum *verbo Interrogatio*, si vero opus non ex natura sua id habet, sed per accidens, raro tenetur homo illud relinquere propter concupiscentiam suborituram, quia ea quæ sunt per accidens, proprie non cadunt sub lege. Item, quia sapissime id fit tentatione demonis, qui inde sumit occasionem, nam non solum quando honestum est opus, sed interdum, etiam si alias sit malum, tamen utile ad res humanas, ut agere iter, &c. non tenemur illud omittere, ne sequatur concupiscentia quæ est communis sententia. Aduertendum secundo, qualis sit concupiscentia, quæ sequitur, nam quanto illa fuerit grauior, aut magis consummata, tanto maiori studio excutienda, unde oportebit interdum omittere aliquam actionem, si sit periculum talis concupiscentiæ, non vero si sit minoris, & eodem modo minori culpa vitanda sunt ista quando statim, & in vigilia timentur, quam si in futuro, & in somno timeantur, quia illa sunt minus humana, & minus certa, & minus periculum consentiendi, quod in hac materia semper non nihil timendum est, teste Aug. lib. de honestate mulierum, & Hieron. epistola ad Eustochium de Virginitate.

## SECTIO VIII.

### An in potentiis exterioribus sit peccatum.

- I. Hæc quæstio expedita est supra ex dictis de malitia morali, *tractatu 3. disput. 10.* & ideo nunc summatim ibi dicta proponemus. Prima propositio. Actus exteriores per se sunt obiectiue mali, atque adeo peccata: licet hæc peccati denominatio secundum vsitatum loquendi modum non proprie obiectis, sed actibus, ut actus sunt, tribuatur.
- II. Secunda propositio. Actiones istæ, ut à propriis principiis procedunt, non habent, quod sint peccata, id probatur, quia ut sic, non sunt actus vitii.
- III. Tertia propositio. Istæ actiones dicendæ sunt simpliciter peccata quatenus à voluntate procedunt, licet tota malitia, & deformitas sit per denominationem ad voluntatem. Hæc vltima assertionis pars constat satis ex superioribus: prior vero probatur ex communi modo loquendi Scripturæ, nam *Matth. 5. & 15. & ad Romanos 6. & 1. ad Corinth. 6. ad Gal. 5.* istæ actiones vocantur peccata: item ex definitione Augustini peccatum est dictum, vel factum, &c. contra legem Dei: certum est autem istas actiones etiam esse lege prohibitas. Confirmatur, quia non tenemur confiteri nisi peccata, tenemur autem confiteri istas actiones exteriores. Tandem ratio propria

Suarez in primam secunda D. Thom.

est, quia istæ actiones ex natura sua subiiciuntur voluntati, & procedunt ab illa, & ideo ab illa, tanquam à forma, & principio de nominantur, & hanc esse sententiam Diui Thomæ, constat tum ex dictis de omissione exteriori, tum ex his, quæ ipse docet *prima secunda, quæstione octuagesima prima, articulo primo.*

Solum obstat, quod idem D. Thom. *q. 74. art. 2. ad 3.* dicit actionem exteriorem non esse peccatum etiam denominatione extrinseca, nam hoc dicit differre ab actione appetitus sensitui, cum tamen in nostra sententia nulla videatur esse differentia. In qua re Caietanus, & Thomistæ valde laborant. Ego vero dico quoad rem ipsam, re vera nullam esse differentiam, tamen, ut iam supra iterum insinuaui, secundum appropriationem, potest esse aliqua: nam quia appetitus sensituius à principio intrinseco mouetur in bonum, & malum, quod est proprii motus voluntarii: membra autem exteriora mouentur solum ut organa quædam, ideo peccatum magis attribuitur appetitui sensitui, quam exterioribus membris, quod etiam ideo obseruauit D. Th. ut etiam intelligeremus, quare in appetitu sensituiuo possunt esse actus vitiosi, & non in membris exterioribus. Vnde etiam constat, quomodo intelligendum sit, quod supra diximus, & D. Thomas *art. 2.* omne peccatum esse actum immanentem, nempe ratione illius formæ, à qua oritur peccati denominatio, licet etiam aliquæ actiones transeuntes poterunt etiam denominari peccata.

## SECTIO IX.

### An sit aliqua causa alia intrinseca peccati.

Causa interior peccati dici potest, vel lato modo omnis dispositio peccatoris, quæ est occasio peccandi: & hoc modo præcipue est duplex causa inter dictas, scilicet ignorantia, & passio, de quibus iam diximus: alio modo potest sumi proprie causa, quæ directe, & per se influit in peccatum, & hoc modo dicenda sunt duo.

Prima propositio. Habitus etiam sunt causa peccatorum interna. Patet, quia in vniuersum habitus sunt causæ actuum. Dices, habitus minuit peccatum, quomodo ergo est causa eius? Respondeo primo per se non minuit, imo auget, ut diximus superius. Secundo non solum augmenti, sed totius peccati est causa ipse habitus simul cum potentia falsum est igitur quod assumitur.

Secunda propositio. Quatenus vnus actus voluntatis potest esse causa alterius, fieri potest, ut vnum peccatum sit causa alterius, ita D. Thom. *1. 2. qu. 75. art. 4.* ubi probat, quia actus est causa habitus, deinde habitus est causa sequentium actuum: ergo & actus actuum, quæ ratio solum probat causalitatem per accidens, nisi moraliter exponatur. Aliter probatur, quia vnum peccatum potest esse causa alterius eo modo, quo intentio finis est causa electionis mediorum, quem causandi modum explicat D. Thomas *1. 2. q. 84.* per quatuor articulos, quem vide.

Aduerte primo cum inquit appetitum diuitiarum esse causam, & radicem omnium peccatorum ex Paulo *1. ad Thimoth. vltimo*, non esse necessariam, sed, quia ista radix est sufficiens ad importanda reliqua peccata, vel per modum præintentionis, ut dictum est, & exponit Durand. *2. d. 2. q. 3.* vel per modum fomenti, & instrumenti

IV.

I. Propositio.

II. Propositio.

III.

Quo pacto diuitiæ dicantur radix peccatorum.

Mm

omni-



omnium peccatorum, nam diuitiæ sunt instrumenta ad omnia vitia, vt vult. D. Thomas, vtroque enim modo exponitur à Sanctis Ambrosio. *ibi* & Hieronymo. & Augustino. *Psalm.* 105. & Isidorus. 2. *de summo bono cap.* 4. & Bernardus. *sermone* 6. in *Psalm.* 90. licet locus Pauli alias habeat expositiones. Secundo aduertit quod Diuus Thomas eadem q. 84. inquit superbiam esse radicem omnium peccatorum, eodem prorsus modo esse exponendum; & non quod necesse sit: vt inquit Caietanus, in quolibet homine peccatum superbiæ esse primum quod sit radix aliorum, nam id nulla probabilitate dicitur, neque quod referendum id sit ad peccatum primi Angeli, vel primi hominis, vt exponit Durandus *supra*, sed quia iste appetitus excellentiæ, est quoddam vitium, quod per se quælibet alia vitia parit, tum quia nullum est temporale bonum, quod non possit ad excellentiam aliquo modo conferre, tum quia excellentia quandam præbet facilitatem ad transgredienda præcepta, quia non recognoscit superiorem. Ita docent Sancti Isidorus *supra cap.* 38. & Chrysostomus *homiliæ* 46. ad *populum*. Tandem exponit D. Thomas in illa *quest.* quomodo numerentur septem peccata quasi capita & principia aliorum, quod ipse bene declarat, vide Gregorium 31. *moral: cap.* 3. & Cassian. *collatione* 1.

## DISPUTATIO VI.

## De causa extrinseca peccati.



Inter causas extrinsecas peccati de tribus posset esse controuersia, homine, dæmone, & Deo: cætera enim res cum naturaliter tantum agat, ac bona sint, de se ad bonum prouocant, licet interdum homo prauè illis utatur. De homine clarum est, quomodo possit esse causa peccati alterius, scilicet consulendo, & præcipiendo, constat etiam quomodo esse non possit scilicet efficiendo proprie peccatum alterius, aut efficaciter, & necessario mouendo. De angelo malo etiam patet posse esse causam peccati hominis, & inductione externa si velit, & suggestionem interna: & hoc vel proxime per se ipsum, vel remote per alium. Certum etiam est neque per se concurrere ad actum peccati in nobis, neque necessitatem posse inferre ad peccandum, de qua re multa dixi in disputatione de ministeriis Angelorum, quæ propterea omitto, cætera videantur in D. Th. Sequens ergo questio tantum discutienda restat.

Vide Auctorem  
lib. 8. de Angelis  
cap. 19.

## SECTIO VNICA.

## Utrum Deus sit causa peccati.

I. Antiquus  
error affirmans.

Antiqua fuit hæresis, quæ hoc affirmauit, habuitque originem à Simone Mago, teste Vincentio Lironense in suo *monitorio*, & Clemente Alexandrino 3. *Stromat.* Idem sentit Marcion. apud Irenæum *lib.* 1. *cap.* 29. Hieron. apud Eusebium *lib.* 5. *historiæ cap.* 20. Manichæi apud Augustinum *hæresi* 46. & Priscillianistæ, contra quos Leo *epistola* 93. Idem sentiunt huius temporis Lutherani, qui in hoc peius errant, nam alii non bono Deo, sed malo tribuebant peccata, ipsi vero tribuunt vero Deo, duplici titulo, quia scilicet

et hominibus negat auxilia necessaria ad peccandum, & occasiones offert, & cogit ad peccatum.

Fundamenta sumuntur ex variis locis Scripturæ. In primo genere sunt omnia illa, in quibus Deus dicitur esse auctor generaliter omnium nostrorum operum, siue bona sint, siue mala. *10. Scio Domine, quia non est in homine via eius.* *locorum* *Ephesios* 1. *Qui operatur omnia secundum consilium voluntatis sue.* *Psalm.* 104. *quadragesimo tertio.* *Declinastris semitas nostras à via tua & 118. Inclina cor meum in testimonia tua, & non in auaritiam.* similia habentur *Psalm.* 130. & *Matth.* 6. Secundo in Scriptura nonnulla peccata certo tribuuntur Deo. *Psalm.* 104. *Conuertit cor eorum: vt odirent populum eius.* *Gen.* 45. *Non vestro consilio, sed Dei voluntate huc missus sum:* & *cap.* 50. *Num quid resistere possumus Dei voluntati?* Auctor. 2. *Definito consilio, & præscientia Dei traditum;* idem *cap.* 4. Tertio sunt loca, quibus Deo tribuitur excusatio, & induratio, de Pharaone *Exod.* 9. 1. *Reg.* 2. de filiis Heli. *Ioan.* 12. de Iudæis; & ad Rom. 4. *Quem vult indurat.* *Psalm.* 104. *Isai.* 63. *Ecclesiastici* 14. *Dominus decepi.* *Iob.* 12. *Qui immutat corda principum, & decipit eos.* quæ loca tractans Augustinus 5. *contra Iulianum capite septimo*, ait Deum indurare per potentiam, non tantum per patientiam expectando. Quarto sunt loca in quibus dæmones, qui inducunt homines ad peccandum, dicuntur instrumenta Dei, & id facere ex præcepto Dei primo *Reg.* decimosexto & 18. & 2. *Reg.* 16. *Dominus præcepit ei, vt malediceret.* & *capite vigesimo quarto, furor Domini,* & c. commouitque *Dauid.* quod per Sathanam factum fuisse dicitur 1. *Paralip.* 1. & 3. *Regum capite vigesimo secundo, Egredere, & fac ita, decipies:* & infra, *Dedit Dominus spiritum mendacii in ore Prophetarum.* 1. ad *Timoth.* 1. *Mites illis spiritum erroris.* Quinto vtuntur Augustino, præcipue est ille locus 5. *contra Iulianum* & alius, quem D. Thomas affert 1. 2. q. 78. *art.* 1. ad 1. *lib. de gratia, & libero arbitrio c.* 21. Vbi ait Deum inclinare, homines ad malum, indicat potestatiue, & de correptione, & gratia *cap.* 7. dicit Deum elegisse ludam ad effundendum sanguinem suum.

Rationibus arguitur primo Deus concurrere cum homine, & efficit totum actum peccati: ergo est causa peccati. Nam vel ratio peccati consistit in differentia positiua, & habetur intentum; vel in priuatione consequente, & nihilominus habetur intentum eo modo quo priuationis potest esse causa, quia qui efficit totam formam, efficit priuationem necessario consequentem, vt late argumentatur Caietanus in illa q. 79. & D. Thomas *argum.* 2. *art.* 2. Confirmatur, quia ipse homo non aliter efficit deformitatem peccati. Secundo, quia in isto concursu Deus efficit vt causa prima cum secunda: ergo non solum efficit, sed mouet etiam voluntatem hominis ad efficiendum, nam causa secunda non agit nisi mota à prima: ergo, & c. Tertio Deus non solum vult permittere, sed etiam vult fieri aliqua peccata, quia in sua æternitate ante permissionem omnis peccati vult multa quæ non possunt fieri sine peccato, vt voluit pati Christum, & mortes Martyrum, & similia: imo & multorum damnatio significatur in illo Prouerb. 16. *Impium quoque ad diem malum,* & c. ergo necesse est, vt velit etiã peccata: nam qui vult effectum, vult causam necessario. Quarto, qui est causa causæ, est causa causati, & in moralibus est causa per se, si præuidet effectum: sed Deus est causa liberi arbitrii mutabilis ad malum, & præuidet fore, vt tale liberum arbitrium infallibiliter interdum peccet: ergo. Quinto vnum peccatum est peccatum alterius: ergo vt sic, potest Deus esse causa eius.

II. Eius fundam. ex quadruplici genere locorum scriptura.

III. 1. Argum. pro eodem errore.

2. Argum.

3. Argum.

4. Argum.



eius, iuxta illud ad Romanos 1. Tradidit illos Deus in reprobum sensum.

IV. Prima propositio. Deus peccare non potest. Est de fide, quam etiam Lutherani non negant, & patet Deuteron. 32. Deus fidelis, & absque ulla iniquitate. Psalmo 144. Sanctus in omnibus operibus suis Abacuc. 1. Mundi sunt oculi tui, & cetera. & 1. Ioannis 2. Peccatum in eo non est: & ratio est, quia Deus summum bonum est, summa regula bonitatis, & quia posse peccare est summa imperfectio. Vide Dionysium capite 4. de diuinis nominibus, & Augustinum lib. 33. quest. 9. 3. & Hieronymum epistola ad Cresiphontem, & Damascenum lib. 2. capite 29. Diuum Thomam 1. contra gentes capite 91. & 1. p. q. 19. art. 9.

V. Secunda propositio. Deus neminem cogit, aut directe mouet ad peccandum. Est de fide, & prima pars patet primo ex dictis de ratione peccati: nam si actio non est libera, non est peccatum. Item si Deus infert necessitatem, non agimus contra voluntatem eius, nam illa motio effeax Dei est per motionem absolutam eius, nam voluntate operatur: neque potest intelligi voluntatem absolutam Dei, quæ dicitur beneplacitum, & maximè præuenientem nostram voluntatem esse contrariam voluntati nostræ signis, id est, præcepto Dei, alias simul velleret Deus, & efficaciter nos compellere ad peccandum, & obligare nos ad non peccandum, quod vel apertam contradictionem ponit in Deo, vel certè impiam quandam tentationem agendi cum hominibus, ut dici posset cum Paulo ad Romanos 3. Nunquid iniquus est Deus, qui infert iram: quomodo indicabit Deus hunc mundum, & Psalmo 5. Non Deus volens iniquitatem. Præterea afferri possunt hæc omnia, quæ probant libertatem arbitrij, & quibus supra ostendimus esse in potestate hominis bene operari, & multa ex his probant etiam secundam partem conclusionis. Quæ confirmatur ex illo Iacobi 1. Deus autem neminem tentat, quod intelligendum esse de tentatione culpæ, non probationis, docet Augustinus libro 2. de consensu Euangelistarum, cap. 30. & 1. ad Corinth. 3. addit Paulus Deum non permittere nos tentari ultra id quod possumus, vnde neque auxilium sufficiens ad non peccandum negat, ut in materia de gratia late ostendo, & patet ex illis scripturis, quæ voluntati hominis tribuunt peccata, & esse in potestate vitandi illa, Numero 14. Nolite rebelles esse contra Dominum: Ierem. 7. Abierunt in voluntatibus, & in prauitate cordis sui mali, & sæpe alibi. Denique tota conclusio habetur Ecclesiastici 15. Non dices, ille me implanauit: non enim necessarij sunt ei homines impij: & infra, nemini mandauit impie agere.

VI. Ratione arguitur, quia eiusdem rationis est velle aliquid, & mouere, vel irritare ad illud. sed Deus vult peccatum, nam hoc est peccare: ergo neque excusat. Respondent hæretici primo Deum velle peccatum, non tamen peccare, quia non agit contra regulam, & legem: sed contra: nam hoc est negare Deo nomen peccati, & illi tribuere turpitudinem eius, talis est enim voluntas, quale est quod amat: ergo non potest esse voluntas amans peccatum, quin illa turpis sit. Deinde eodem modo posset Deus velle mentiri, & seipsum odio habere: ideo ergo Deus hoc non potest velle, quia seipsum negare non potest. Respondent aliter, Deum non peccare, quia mouet hominem ad ista propter bonum finem: sed hoc ineptum est, quia si obiectum voluntatis prauum sit, bonus finis non excusat, neque impedit malitiam voluntatis, cum non sint faciendæ mala ut eueniant bona, teste Paulo. Tandem eiusdem rationibus excusandus esset homo

Suarez in primam secundæ D. Thom.

peccator, nam cum moueatur à Deo qui est ultimus finis, illa actio non erit contra, neque præter ultimum finem, quia Deus omnia mouet ad se ipsum, & actio instrumenti, & principalis agentis ad eundem finem tendunt: nostra autem voluntas, ut ipsi dicunt, dum peccat, est instrumentum Dei. Quod si dicant hominem peccare, quia praua intentione vult, quod Deus vult bona: iam quæram de illa praua intentione, vtrum sit vel à Deo, vel à solo homine, si à solo homine, habeo non posse esse peccatum: cum non sit à Deo: si à Deo: iam ipse est auctor prauæ intentionis, artifex enim auctor est, ut suum opus deterius fiat, iuxta Augustinum tractat. 53. in Ioan. ubi loquitur de peccato Iudæ, & libro 5. hypognosticon. Nazianzen. oratione prima contra Iulianum, Eius providentia consilij non ille ad malum excitatus est, & Euseb. libro 6 de præparatione capite quinto. Impius profecto iudicabitur, imo vero pessimus omnium, qui à creatore omnium alios ad adulteria, alios ad alia vitia impelli arbitretur.

Tertia propositio. Deus omnia peccata quæ sunt, permittit: idque iustissime. Est de fide: & prima pars patet, quia peccatum non posset committi Deo absolute nolente: nam ad eius omnipotentiam pertinet, ut quidquid absolute vult, fiat: ergo, &c. Secunda pars probatur, quia velle permittere peccatum non est aliud, quam velle hominem habere liberum arbitrium, & formalem usum eius, eo modo quo illi naturale est, non addendo illud donum, quod illi necessarium est ut quis infallibiliter non peccet, sed totum hoc velle, ut recte Augustinus ostendit li. 7. de libero arbitrio capite 5. & 9. est iustissimum, tum quia velle conferre reb. naturales proprietates, per se bonum est, & nolle dare perfectiones supernaturales non est malum, alias teneretur Deus vel non creare hominem, vel non sine supernaturalibus donis. Præterea hæc voluntas permittendi præterquam quod ex obiecto bona est, habere potest plures fines honestissimos, & rectissimos, qui omnes ad gloriam Dei manifestandam spectant, de qua re prima p. q. decima nona, & 22. latius. Videatur Augustinus in Enchirid. cap. nono, & de bono perseverationis, capite decimo: & ultimo de Ciuitate cap. ultimo.

Quarta propositio. Deus effectiue concurrit ad totum actum peccati quatenus ens, & actio realis est. Est certa, & multis videtur de fide, quæ scriptura dicit omnia fieri, & conservari à Deo, Ioan. 1. Omnia per ipsum facta sunt. Actorum decimo quarto. Qui fecit cælum, & terram, & mare, & omnia, &c. ad Coloss. 1. In ipso condita sunt vniuersa, &c. ad Hebr. Per quem fecit & sæcula. & infra, Tu Domine terram fundasti, &c. sic sentiunt Theologi cum magistro & D. Thoma in 2. distinct. 37. Augustinus libro de moribus Manichæorum, capite 2. & de natura boni capite 24. & 12. de Ciuitate capite 8. optime Anselmus libro de casu Diaboli à capite 7. & de conceptu Virginali cap. 4. Ratio sumitur ex generali influenza primæ causæ, & concursu eius, de quo alibi latius agitur, contra Durandum in 2. distinct. 1. q. 5. & distinct. 37. q. 2. qui ausus est id negare. Vide disput. 22. Metaph. sect. 1.

Quinta propositio. Deus ita concurrit ad actum peccati: ut nullo modo causa, vel autor peccati consensus sit. Est de fide, & primo patet ex dictis secundæ conclusionis. Secundo, quia quidquid Deus facit, bonum est, Genesis primo, & Sapientia vnde decimo. Nihil odisti eorum quæ fecisti: odit autem peccatum, Sap. 4. Tercio non aliter esset à Deo peccatum, quam actus virtutis, contra Osee, perditio tua ex te Israel. Quarto scriptura Sacra tribuit peccatū homini, & Dæmo-

M m 2

& ne-



& negat Deo, 1. Ioannis. 3. *Qui facit peccatum ex diabolo est, non ex Deo.* Ioannis. 8. *Qui loquitur mendacium, ex propriis loquitur: & Sapientia primo.* Deus mortem non fecit, scilicet quatenus ex peccato. Quinto sunt omnes illæ Scripturæ, quibus dicitur Deo displicere peccata, & seuerissime illa prohibere, & punire: non est autem ipse autor eius, cuius est ultor, vt dixit Fulgent. & refert Dius. Thomas. Sexto faciunt illæ Scripturæ, quibus dicitur Deum velle salutem hominum, & mouere illos ad bonum: ergo non ad malum, quia omnino Deus esset sibi contrarius. Septimo definitur in concilio Tridentino sess. 6. cap. 5. & 6. Arausic. cap. 25. & Lateran. sub Alexandr. I. l. cap. trigesimo quarto. Octauo, est communis Patrum traditio, ita Basil. homil. *Quod Deus non est autor malorum*, Chrysostomus homilia 27 in Ioan. Hieron. 4. contra hereses capite 48. Origenes 3. de principiis capite 2. Hieron. Ecclesiastici 7. & Ezechia 5. Gregor. 29. moralium capite 21. Ambrosius lib. de Paradiso capite 15. & Psalmo 4. August. lib. 2. de libero arbitrio c. 20. & libro tertio, cap. 13. Peccatum (inquit) non potest Deo tribui, nam dum peccatum vituperatur, amor naturæ laudatur, propterea enim malum est, quia à Deo auertit, propterea hoc vituperabile est, quia Deus summum bonum est. Ibidem libro de spiritibus & littera cap. trigesimo primo, & libro 2. de peccatorum meritis & remissione capite 17. & 18. Nono ipsi quoque Philosophi antiqui Gentiles hoc cognouerunt. Plato libro 2. de Republica. *Malorum (inquit) alieni causam esse Deum cum bonus sit refellendum, & omnino neque permittendum hoc quandoque dicere in ciuitate si bonus instituta legibus ciuitas esse debet: plura refert Theodoretus libro sexto de affectionibus Græcorum.* Eusebius libro quarto de preparatione capite vndecimo, ex Porphyrio & aliis, & lib. 6 c. 7. ex Homero, & lib. 13. cap. 2. ex Timeo Platonis.

X.

Tandem arguitur ratione, primo ex dictis, nam peccare est peccatum committere: ostensum est autem Deum non peccare: ergo neque peccatum efficere: atque adeo neque esse causam eius. Confirmatur: nam Deus non consulit, neque mouet ad peccandum, neque consentit vt quis operetur peccatum, vt peccatum est: ergo: Probatur assumptum, quia licet Deus concurrat cum causa deficiente ad actum peccati, non tamen concurrat, cum illo vt deficiens est, atque adeo neque vt peccat. Quod sic amplius patet, quia Dei concursus de se est indifferens, & offertur ad actus tam bonos, quam malos efficiendos: & ex vi illius concursus nulla est actus adiuncta malitia, & non tenetur Deus, neque secundum rectam rationem conuenit non offerre homini illum concursum veluti indifferenter, ne illo male vtatur, vt etiam ostendimus propositione 3. ergo, &c. Simili enim modo etiam vnus homo peccatum alterius permittat, vel al: quo modo quasi naturaliter cooperetur, veluti cum non tenetur vitare, nullo modo censetur causa, quod ea solutionibus primæ, & secundæ rationis magis constabit.

XI.

Ad Argumenta respondetur, & ad testimonia Scripturæ primo in genere retinenda est regula communis sanctorum, vt quando aliqua deæmonis, aut hominis improbitas Deo tribuitur, id permittitur tantum explicandum sit: ita Chrysostomus homilia 36. in Matth. Damascenus libro 4. capite 20. & Augustinus de gratia, & libero arbitrio cap. 23. Iam ad primum gentis testimoniorum. Respondetur illis posse probari quartam conclusionem nostram. Secundo cum Ierem. ait, non esse in homine viam eius, id dicit, quia sine Dei gratia non potest gressus suos dirigere, vt ipse

Ad 1. genus locorum scripturæ imm. 2.

vt ipse exponit, Pauli vero distributio est accōmoda, omnia enim quæ Deus operatur, consilio voluntatis suæ operatur: peccatum autem non operatur. Reliqua verò loca de permissione intelligenda sunt, præsertim de illa, quæ continet specialis auxilij denegationem, vt sancti interpretantur, & ex contextibus clarum est.

Ad secundum genus dicendum est cum Damasceno, & Augustino supra permissionem inter dum in Scriptura dici actionem, imo, & præceptum nonnunquam, quomodo Christus Dominus quasi imperans dicebat Ioannis 2. *Soluite templum hoc, id est, occidite me, & Matthæi 23. Implete mensuram patrum vestrorum:* & Ioannis 13. *Quod facis, fac citius*, cuius sensus est, ego paratus sum quam citissime mori, & quod in me est, tibi permittitur vt citissime id facias. Aduertendum est præterea effectum bonum sequutum ex peccato, sæpe esse intentum à Deo per se, licet non per se intendat illum per hoc medium: videns tamen Deus voluntatem hominis propensam ad efficiendum id, quod ipse vult fieri, permittit eum peccando id facere; ex quo ipse elicit bonum effectum, quem intendit: & hoc modo intelligi potest, quod dicitur voluisse Deum venditionem Iosephi in Ægyptum, scilicet quantum ad effectum illius venditionis, nam licet verba illa cap. 51. *Genesios*, aliis soleant modis exponi, tamen hic videtur proprius sensus, quod patet ex verbis, *Vos cogitastis de me mala, sed Deus vertit in bonum*: & hoc modo interpretanda sunt omnia testimonia, quæ pertinent ad mortem Christi.

Ad tertium eodem modo dicendum est Deum per se, & directe, nihil operari ad excacationem, & obdurationem hominis, quia directe excacare est decipere: indurare autem est facere, vt homo in peccato perseveret, alterum autem est contra veritatem, alterum contra bonitatem Dei: ipse ergo homo est, qui directe, & proprie se indurat. Psalmo. 94. *Nolite obdurare corda vestra.* Dicitur autem Deus indurare permissiue duobus modis, primo non agendo aliquid circa hominem: & hoc non agere potest esse duplex, scilicet, vel non punire peccatorem, & quasi liberam facere illi viam peccandi, quod explicuit recte Origenes 3. periarcon cap. 1. ex vulgari hominum sermone, nam cum filius, aut seruus ex nimia patris aut domini indulgentia insolentior sit, dicitur illum perdere, & adducit illud Ecclesiastici 30. *Tunde latera filij tui, ne forte induret:* & ad Romanos 2. *An ignoras quia benignitas Dei ad penitentiam te adducit? tu autem secundum duritiam tuam, &c.* in eodem vero non solum negat flagella, sed etiam specialia auxilia, quæ moraliter essent fere necessaria, vt homo resipisceret, ita Augustinus epistola 105. ad Simplicium capite 2. & sermone 88. & Hieron. epistola ad Hedibiam. quæst. 10. tomio 3. & Gregorius 11. moralium cap. 3. Chrysostomus homilia 3. ad Romanos vtitur hac similitudine: qui in medio prælio relinqueret in manu inimicorum quem liberare posset, dicitur eum traducere Idem Origenes supra, & homilia 7. in lib. ludicum. Damascenus & alij.

Secundus modus durationis permissiue est, quando Deus aliquid facit cum homine de se quidem bonum, & bona intentione factum à Deo, ita tamen vt præsciat Deus illud futurum esse in scandalum & occasionem indurationis, & excacationis hominis: ita Origenes supra, & D. Thomas in commentariis ad Romanos 9. Augustinus Psalmo 104. & ibi Theodoretus dicunt hoc modo conuertisse Deum corda Ægyptiorum, vt populo

XII.  
Ad 2. genus ibid.

XIII.  
Ad 3. genus ibid.

Vnus modus indurandi cor.

XIV.  
Alter modus indurandi cor.



populo Israel dedissent innumera : scilicet sub præstando, ex quibus sciebat fore, vt Ægyptij sumerent occasionem concipiendi illud odium, & hoc modo exponit Augustin. in illo lib. 5. contra Iulianum, dum ait Deum non solum per patientiam, sed per potentiam indurare, quia non solum indurat tolerando præscita peccata, inquit Augustinus, siue deferendo, siue alio quocumque inexplicabili modo: non tamen errando, neque iniuste quidquam iudicando, vel temere faciendo. Aduertendum etiam est istam derelictionem Dei nunquam tantam esse, vt non possit homo, & non consentire peccatis, & orare, & obtinere auxilium, vt resipiscat, quod idem Augustinus docet libro de prædestinatione, & gratia capite 14. & in illis materiis clarius, & latius à nobis demonstratur. Aliter exponit hæc omnia Diuus Augustinus supra Exod. qu. 18. Ego indurabo (inquit) id est; quam durum sit cor eius demonstrabo, & ad hunc modum dicitur Deus aliquando decipere principes, quia deludit cogitatione eorum, mutando scilicet effectus, & efficiendo, vt res aliter eueniant, q̃ ipsi putabant.

Sed quæret quis, vtrum in proprietate sermonis concedi possit Deum esse causam excæcationis, & indurationis, & an ita nobis sit loquendum, nam multis Theologis ita videtur, quia excæcatio, & induratio ex vi vocis pœnam potius, quam culpam significant, & quia includunt per se aliquid cuius Deus est causa, & quod per se intendit in pœnam culpæ, scilicet detestationem peccatorum. Tandem quia Scriptura ita loquitur. Ego tamen negarem potius esse vtendum isto modo loquendi, neque est verum in rigore sermonis, quia induratio duo requirit, scilicet prauam dispositionem hominis, & destitutionem Dei: Deus autem non est causa primæ conditionis, quam præcipue significat induratio: item sæpe Deus negat speciale auxilium ad non peccandum: nunquam tamen potest dici causa peccati, quia neque ad illud inducit, neque deformitas peccati est ab ipso: sed induratio hæc importat etiam inordinationem, quæ non est à Deo: sermo autem in Scriptura, quando ita loquitur, magis est metaphoricus, quam proprius, vtitur enim eo modo loquendi vel ad exaggerandam iram Dei contra peccatores, vel ad explicandam necessitatem diuini auxilij, quando inuoluitur homo, vel erroribus, vel peccatis, quod manifestè aliæ locutiones indicant, in quibus Dei præuisio vocatur actio, vel præceptum.

Ad quartum genus testimoniorum eadem est responsio, quæ ad cætera, scilicet intelligenda esse permissiue, quod affirmat Augustinus cap. 23. de libero arbitrio. Sed quia dæmones paratissimi sunt ad decipiendum, & nocendum, ided vt explicetur eiusdem efficaciz, & rationis esse in Deo permittere, aut præcipere, & eis tanquam instrumentis vt, ideo ita loquitur Scriptura. Aduerte etiam sæpe Deum permittere huiusmodi deceptionem, & tentationem propter aliquem effectum, quem reuera vult, scilicet propter alicuius supplicium, vel mortem: & tunc in ordine ad talem effectum dicitur dæmon instrumentum Dei, licet vsualis instrumenti non sit posituius, sed permissuius. Aduertendum est etiam interdum Deum permittere, vt dæmon tentet in hac materia, & non in alia, vel vt inducat Tyrannum ad inferendum bellum huic genti, & non illi, & tunc peculiariter dicitur Deus vt Tyranno, & dæmone tanquam instrumento ad puniendam gentem illam.

Suarez in primam secunda D. Thom.

Ad loca Augustini. Ad primam patet ex dictis: ad tertium, cum Augustinus ait Deum elegisse Iudam, &c. sensus est elegisse cui permetteret id facere. Secundus locus est difficilior, tamen si recte consideretur, ipse Augustinus se exponit, ait enim Deum inclinare voluntates nostras ad bonum, seu malum per Angelos bonos, & malos: capite autem 23. statim dicit non vti Deum malis Angelis, nisi permittendo: ergo solum vult istam actionem, vt positiua est, esse à malo Angelo: tribui tamen aliquo modo Deo quatenus ipso permittente, dæmon est paratissimus ad mouendum, & ita videtur interpretari Augustinum D. Thomas: tamen illa locutio est interpretanda ex aliis locis, neque est vsurpanda. Alii exponunt Augustinum loqui, quando voluntas peccatoris iam est parata ad peccandum, nam tunc aiunt posse moueri à Deo ad hoc potius peccatum, quam aliud: sed hoc in primis in re ipsa magna indiget expositione: nam sit si sermo de voluntate parata in actu primo, nunquam Deus mouet, aut potest ita mouere, vt latius statim dicam: si de voluntate parata in actu secundo, quia iam vult, determinatum peccatum facere, sic tunc poterit mutari à Deo ab vno actu malo in alium actum, ita tamen, vt in ea mutatione, neque mendacium aliquod, vel consilium prauum intercedat, & præterea peccatum aliud in quod mutatur: vel minus peccatum sit, vel non peius: si vero voluntas sit determinata ad genus, vel speciem peccati, nunquam credo determinari à Deo ad indiuiduum actum: quod si forte id Deus potest facere, necessarium est vt determinetur ad illud peccatum, quod intra illud genus minimam malitiam contineat, vnde colligo aperte non esse istam mentem Augustini, nam ille loquitur de peccato, quo mouetur quis alium decipiendo, & præterea dicit istam motionem esse in pœnam prioris peccati: mutare autem voluntatem ab actu priori ad minus malum non est pœna.

Ad primam rationem Nominales fatentur in rigore sermonis posse concedi Deum esse peccati causam, quia reuera efficit quidquid in peccato est: negari tamen à nobis illam locutionem, ne videamur sentire cum hæreticis. Hæc vero sententia nihil differt fere ab hæresi. Caietanus hoc loco concedit Deum esse causam mali moralis, & consequenter sentit malitiam esse differentiam physicam actus, quam sine dubio Deus efficit, negat tamen Deum esse causam peccati, quia peccatum, præter malitiam moralem continet auersionem, atque adeo priuationem deformitatem. Sed non minus repugnat Deo primum, quam secundum, quia malitia moralis opponitur summæ bonitati Dei: nam est contra ipsam rectam rationem, & vt malum culpæ priuat ipsa bonitate, nam sancti non distinguunt, quo ad hoc malum morale à peccato, & ideo simpliciter negant Deum esse causam malæ voluntatis, ita etiam loquitur Scriptura: Alii respondent Deum non moraliter concurrere ad actum peccati, & ideo non debere, neque posse dici causam eius, nam effectus debet tribui causæ proportionatæ, & ideo effectus physice moralis morali causæ: peccatum autem quidam effectus moralis est. ita Cano lib. 2. de locis capite 4. & Soto lib. 1. de natura & gratia capite 8. Vega lib. 4. in Tridentinum c. 5. Sed non omnino satisfacit. Nam cum Deus concurrat ad actum, non potest omnino à ratione causæ moralis excludi. Dicendum ergo peccatum vt sic, constitui formaliter priuatione ad quam Deus non influat, neque directe vt constat, neque indirecte,

Mm 3 nam

XVII.

Ad Aug.  
in fine eius  
dem n. 2.

XVIII.

Ad 1. arg.  
in nu. 3.

XV.  
An dici  
queat De-  
us causa  
indurati-  
onis.

Pars ne-  
gat: magis  
placet.

XVI.  
Ad 4. ge-  
nus in cod.  
n. 2.



nam licet concurrat ad actum ex quo sequitur priuatio, tamen moraliter non censetur indirecte velle illam, quia non tenetur concurrere ne illa sequatur, imo iure suo, & quasi munere primæ, & vniuersalissimæ causæ, optime fungitur, cum ita concurrat, neque etiam physice, quia reuera priuatio illa non sequitur necessario ex influxu Dei, neque ex tota positiua entitate, quæ per illum efficitur si per se consideretur, nam tota illa esse potest in rerum natura sine tali defectu, vt patet ex dictis supra de malitia morali: totus ergo ille defectus sequitur ex proprio, & peculiari modo non agendi causæ secundæ liberæ, & efficientis, vt Diuus Thomas exponit exemplo claudicationis, & latius 3. *contra Gentes* cap. 71.

XIX.  
Cur Deus  
sit causa  
panis, &  
non culpæ.

Ex his sequitur, quare simpliciter Deus dicatur causa malipænæ, & non culpæ, quod esse de fide docet Augustinus libro de *hæresibus* in 63. & patet *Isai.* 45. & *Amos* tertio. & passim: cum tamen vtrumque malum consistat in priuatione. Ratio differentiz est, quia in malis pænæ Deus per se efficit illas formas, quæ sunt contrariæ naturæ bono, etiam si considerentur prout à Deo fiunt: & præterea Deus intendit istas priuationes, quia bonæ & consentaneæ rationi sunt, quæ tamen deficiunt de malo culpæ. Vide D. Thomam. 1. *parte* quest. 48. *art.* ultimo.

XX.  
Ad 2. arg.  
quid non-  
nulli re-  
spondeant.

In explicanda difficultate secundi Argumenti est multiplex sententia, & modus dicendi Theologorum, quos suo ordine referemus, vt his computatis nostrâ statuamus sententiam. Thomistæ volunt, ita Deum concurrere ad hunc actum, & peccati malitiam, vt voluntate sua moueat nostram, & applicet, & determinet ad hoc hîc, & nunc, & hoc modo volendum solum propter argumentum secundum factum, quibus in genere fauere videtur Diu. Thomas 1. 2. *quest.* 9. & *quest.* 10. *art.* 4. & 1. *parte* quest. 93. *art.* 1. & *quest.* 3. de *potentia*, *art.* 7. Hæc sententia in genere aut omnino tollit libertatem, aut vix potest explicari libertas, vt etiam Caietanus 1. 2. *quest.* 22. *art.* 4. fatetur. Deinde in hac materia facit Deum causam peccati, nã si prius natura, quam nostra voluntas se determinet, Deus mouet, & applicat illam ad actum qui est peccatum, reuera Deus est autor peccati, quia licet solum directe applicet ad materiale, tamen ex vi illius motionis, vt hîc, & nunc fit à Deo, necesse est voluntatem exercendo illum actum peccare. Ratio manifesta differentiz ostendit vim argumenti, nam si Deus relinquat voluntatem indifferentem, voluntas etiam de se est indifferens, vnde ex vi eius, vt voluntatem præuenit, neque peccatum, neque actus peccati sequitur. Si tamen Deus determinet, & applicet ad actum peccati, iam concursus eius per se est determinatus ad talem actum, atque adeo non solum efficit Deus actum, sed efficacissime etiam efficit, vt voluntas faciat: facit ergo, vt peccet.

XXI.

Præterea hæc sententia videtur dare Lutheranis quidquid volunt, nam ipsi non dicunt Deum per se intendere malitiam, neque etiam dicunt Deum efficaciter mouere hominem, vt per se, & directe intendat, vel efficiat deformitatem peccati, nam ipsi fatentur hoc non esse necessarium ad peccandum, solum ergo dicunt ista voluntatem Dei præmouere nostram voluntatem, & illam applicare, & determinare ad actum peccati vt ex vi illius motionis necessarium sit voluntatem operari, & operando peccare. Præterea si per impossibile Deus posset esse causa peccati, nullo alio modo, aut magis efficaci, & conuenienti id facere posset. Tandem

si Deus suo consilio, aut alio modo ex parte obiecti, & intellectus moueret voluntatem ad actum peccati, verissime diceretur autor peccati, vt ipsi etiam fatentur, & patet in dæmone, & homine, qui non alio modo sunt causæ peccati alterius: ergo multo magis est causa si præmoueat, & applicet efficaciter voluntatem ex parte ipsius potentie, nam hæc est magis efficax motio. Præterea si Deus, mouet voluntatem illo modo, vt velit, v.g. mentiri: ergo prius natura vult Deus me velle mentiri, quam ego id velim, nam illa efficax motio Dei non fit nisi per absolutam eius voluntatem: ergo non tantum permittit Deus me velle mentiri, sed efficaciter id vult, ex quo sequitur tunc esse Deum autorem illius voluntatis, quam alterius bonæ quod virtute est damnatum in Tridentino sess. 6. *can.* 6.

XXII.

Propter hæc addunt quidam huius sententiæ Deum infinita sua scientia præcognoscere in voluntate nostra, quid hîc, & nunc esset factura, si per se, & absq. Dei concursu posset ad hoc, vel illud agendum determinari, & propterea quandocumque Deus determinat voluntatem, ad malum actum peccati prius præuidet voluntatem ipsam ita fore determinandam, si omnino ab alio non penderet, & ideo non Deo, sed peccatori tribuitur peccatum, quia Deus mouet voluntatem eius, prout illa nata est moueri. Hic modus non est probabilior, quam præcedens, primo enim verum non est Deum in voluntate ipsa, vt aiunt, præuidere certum, & determinatum actum peccati, quia præuidere effectum in causa, est præuidere illum in virtute causæ: in virtute autem voluntatis non continetur hic certus, & determinatus effectus sed indifferenter continentur multi simpliciter possibiles in hoc instanti, & positis omnibus requisitis, alias causa non esset indifferens, neque libera: sed hoc latius ostenditur prima parte. Tamen secundo impossibilis est Deum cognoscere in voluntate quid ipsa faceret, si Dei concursu careret, quia cum illa condicionalis pendeat ex hypothesi impossibili, nihil ponit in voluntate ipsa: sicut ergo nunc in voluntate non est virtus ad agendum illo modo, ita neque in virtute, quam habet, nunc potest Deus cognoscere quid tunc ageret: & præterea illa condicionalis ponens effectum determinatum peculiari ratione non potest vere cognosci infallibiliter in causa, quod patet, quia ipsa condicionalis non est necessaria: scilicet si homo per se vellet, hoc vellet, quia consequens non necessario sequitur ex antecedenti: ergo non est cognoscibilis illa veritas cognitione certa, & in causa. Dixi in causa & in voluntate ipsa, quia cognitionem certam, & infallibilem futurorum sub 1. de gradatione in seipsis non nego etiam eorum quæ nulla cum causa habeant necessariam connectionem, de quolatus alibi agendum: quamuis ubi multa neque hoc etiam modo Deus cognosceret quid & erudite voluntas per se & sine simultaneo ei concurreret de scientia condidimona. quæ esset futura, vt pote destituta concursu Dei, qui omnino requiritur in creaturis ad operandum: & sine quo nec diuinitus posset voluntas aliquid velle. Tertio ergo data etiam ista conditione impossibili, & scientia eius, non euitat hæc sententia quin faciat Deum autorem peccati: nam homo non peccat propter hoc quod faceret, si permetteretur, vel posset facere, sed propter id solum quod vere operatur libere, atq. adeo tota malitia, vel bonitas actus



actus eius in Deum refunditur quamuis hæc sententia saluat libertatem sub conditione, tamen absolute negat. Confirmatur, & explicatur vis argumenti huius duplici modo, fac Deum præuidere fore vt homo in hoc instanti, si ratione, & libero arbitrio vtatur, tale peccatum committat, & vel ex ordinatione Dei, vel casu accadat hominem in eodem instanti sine vsu rationis, & libertate eundem actum efficere: in eo certe casu nullum esset talis hominis peccatum. Simili ergo modo est in proposito, vt patebit consideranti. E contra verò si ego certissimè aliqua via præscirem fore, vt Petrus in hoc instanti se occidat, ac propterea ego præueniam, & occidam eum, reuera non illi, sed mihi est tribuenda eius mors: ergo similiter licet præsciret Deus voluntatem meam sic fore determinandam: si se determinaret: si tamen iam non ipsa se, sed Deus illam determinat, tota determinatio, atque adeo effectus esset à Deo, eo maiori ratione, quod nunc de facto nunquam voluntas se determinaret, iuxta hanc sententiam, quæ procedit ex hypothesi impossibili.

ptura dicitur voluntas nostra instrumentum Isai 10. comparatur securi Ecclesiastici 23. & Ierem. 18. comparatur luto in manu figuli. Respondeo primo, vt supra notauimus, dici instrumentum, quia Deus ita ordinat voluntatem præuisam peccatoris ad suum intentum, ac si illam moueret, licet sæpe non vtatur agendo, sed permittendo. Secundo, quia tota virtus agendi data est à Deo, & nihil potest creatura efficere sine influxu Dei quæ conueniunt instrumento: neque oportet metaphoram in omnibus esse similem. Tertio indicatur sæpe Deum posse, & mouere, si velit, voluntatem tanquam instrumentum, sed hoc neque necessarium est ad actionem voluntatis, neque cum sit, est ad malum, sed ad bonum.

XXV.

Ad 3. arg. ibid.

Tertium argumentum inculcat iterum difficultatem, quomodo Deus præsciat peccatum & præordinet effectum illius, quæ prætermissa, quia pertinet ad primam partem, respondeo Deum nunquam præordinare absoluta voluntate quæ secundum rationem antecedit, præscientiam futurorū, aliquem effectum, qui sine certo aliquo peccato esse non possit. Ratio est, quia eadem est voluntas finis, & medii necessarii ad finem: si ergo Deus præordinaret finem, ad quem consequendum esset necessarium peccatum aliquod cerium, vt medium, eodem modo præordinaret peccatum, alias voluntas finis esset efficax, & voluntas medii necessarii inefficax, scilicet permissiua, vnde consequenter nego Deum aliquem præordinasse ad supplicium ante præuisionem finalis peccati eius, & sensus illius loci Prouerb. 19. non est propterea Deum creasse impium, vt illum traderet dei malo, sed Deum omnia propter se creasse: impium autem, vt impius est, ipse non fecit, sed ad diem malum destinauit, & hoc ipsum propter semetipsum fecisse. Ad cætera dicendum est vel non esse talia, quæ sine certo aliquo peccato fieri non possunt, vel certe si nonnulla talia sunt, non esse præordinata ante præuisionem futurorum peccatorum.

Ad quartum in primis multi Theologi negant Deum esse causam potestatis peccandi, quomodo loquitur D. Thomas 2. dist. 1. quest. 1. artic. 1. fauet Augustinus 12. de Ciuitate cap. 1. & lib. 2. de nuptiis, & concupiscentia cap. 28. & in Enchirid. cap. 12. quia potentia peccandi duo includit, vim scilicet appetendi, & defectum, qui veluti formaliter complet eius potestatem, vt supra diximus: licet autem vis appetendi sit à Deo, tamen defectus non videtur esse ab illo, sed quasi à se habet illum voluntas quatenus ex nihilo est, & eodem modo loquitur Scotus 2. dist. vltima, & iuxta hanc sententiam ad argumentum negatur Deum esse causam peccati.

XXVI.

Ad 4. arg. responsio quorundam.

Sed tamen hic modus loquendi non placet Durando in eadem distinctione q. 2. & Gabrieli ibid. Marfil. quest. vltima. Et eorum ratio esse potest, quia potestas peccandi non est aliud quàm potestas efficiendi actum peccati hic, & nunc, & hoc modo, & cum his circumstantiis: sed hæc est à Deo: ergo. Confirmatur, nam cum Deus producit rem aliquam per se, producit quidquid est entitatis, & perfectionis in illa re, ex consequenti vere defectus naturales vniuscuiusque rei, vnde potestas vt res corrumpatur à Deo est: tamen hæc potestas non est malum culpæ, vt constat, ergo non venit à Deo, & de hoc modo loqui videntur Sancti aliqui quos refert Magister distinction. quadragesima quarta, & ita soluitur etiam facile difficultas posita, quia licet Deus præsciat istam potestatem, non ideo id

XXVII.

Responsio altera.

Mm 4

facit,

XXIII.

Verare-  
sponso ad  
arg. in  
n. 3.

Dico ergo Deum ita concurrere ad actum peccati cum voluntate, vt eius determinatio nullo modo antecedit determinationem voluntatis, neque inter has duas voluntates oportet alium ordinem intelligere præter hunc, quia voluntas nostra à Deo habet omnem virtutem efficiendi, & quoad hoc influxus causæ primæ antecedit influxum secundæ. Secundo Deus æterna sua voluntate decreuit ita concurrere cum voluntate hominis, prout ipsa indigeret aut se vellet determinare, & quoad hoc antecedit etiam quodammodo concursus Dei non tam actu efficiens, quam paratus ad efficiendum. Tertio cum in tempore voluntas humana se determinet, simul Deus influit ex vi prioris determinationis in actum voluntatis, & licet nonnulli dicant prius natura voluntatem determinare, quam Deus influat, & Deum influere, quia præuidet determinationem voluntatis: tamen in hoc bono sensu explicari debet: nam cum voluntatem determinari nihil aliud sit, quam velle, & voluntatis influxus & volitio essentialiter dependeat ab influxu Dei, non potest præcognosci esse prius quam Deus influat: igitur, proprie influendo, neque Deus influit, quia voluntas se determinat, sed quia ipse voluit, & ita decreuit: quamuis conditio sine qua non fluere ad hunc actum, sit cooperatio ipsius voluntatis, neque è contra voluntas se determinat, quia Deus influit, sed quia potest, & vult, quamuis dependenter à diuino influxu, & hoc modo facile intelligitur, & libertas arbitrii, & quomodo Deus nullo modo sit autor peccati, & in re ita sentiunt Theologi 2. dist. 37. quest. 1. Scotus, Gabriel, Gregorius, Almaynus in moralibus capite primo, & idem sentiunt Sancti, cum docent Deum non omnia in particulari prædefinire absoluta voluntate, ne & libertatem tollat, & prædefiniat peccatum, Damascenus lib. 2. cap. 29. Gregorius Nissenus lib. 7. Philosophia capite 1. Theodor. in Epitome diuinorum decretorum capite de providentia, Origenes 3. Periarchon. cap. 3. Et iuxta hoc est explicanda illa maxima aliquorum Philosophorum, secunda causa non mouetur nisi mota prima, sensus enim esse debet, id est, nisi prima causa præbente virtutem, & concurrente.

XXIV.

Instantia enodatur.

Sed obicies. Nam si Deus non præmouet voluntatem etiam ad actus istos, quomodo in Scri



facit, vt ex ea sequatur peccatum, sed potius vt resistendo illi promereamur gratiam & gloriam, & ideo simul cum hac potestate dedit Deus homini lumen rationis, & naturalem propensionem ad id, quod honestum est, & præterea superaddidit gratiam, & originalem iustitiam, vt facilius esset non peccare quàm deficere, quod verò in natura lapsa infallibiliter sequatur peccatum ex hac potestate, primum non est ex defectu diuinę providentię, sed ex hominis culpā, qui originalem amisit iustitiam, deinde licet Deus à principio hominem in puris naturalibus crearet, ex quo foret certum aliquando peccaturum, non propterea esset peccatum in Deum referrendum, quia non tenetur Deus aut non condere creaturas, aut præternaturales, vel supernaturales virtutes illis conferre ne deficient: nam ex his Deus multa bona elicit, vide Augustinum libro de libero arbitrio, & Euseb. 6. de preparatione cap. 4.

**XXIX.** Quod verò ad differentiam attinet inter istas sententiās de causa propria peccandi ferè pertinet ad modum loquendi, & vterque potest probabiliter sustineri. Et quidem quatenus potentia peccandi, præter omnem rationem positivam potentię actiue, includit quandam negationem perfectionis omnino cōnaturalem creaturę, dici potest non esse à Deo, quia illa negatio nullam habet causam efficientem, & ita est cōiuncta cum esse creaturę, vt non possit Deus creaturam facere sine hoc defectu. Si tamen potētia peccandi consideretur veluti proximè quatenus etiam includit carentiā eius auxilii diuini, quo fieri posset, vt talis defectus creatura nunquam reduceretur in actum: sic dici potest Deum per se, & directè velle creaturam carere hoc auxilio, atque adeo posse peccare, neque hoc est inconueniens, quia obiectum illud non est malum: sed potius bonum, & potest habere optimum finem, verum est tamen Deum complere istam potestatem non agendo, seu potius subtrahendo, & hoc modo dixerunt Augustinus de natura boni cap. 10. & Anselmus de libero arbitrio, posse peccare non esse posse, sed potius non posse.

**XXIX.** Propter quintum argumentum Caietanus lib. 2. Regum cap. 12. & 16. dixit Deum posse esse causam peccati non vt peccatum est, sed vt est pœna alterius: sed hic modus loquendi in rigore non est usurpandus, quia simpliciter est falsus, nam, vt diximus contra hæreticos, esse causam peccati est intrinsecè malum: non ergo potest honestè fieri propter vllum finem: non ergo facit Deus peccatum, sed permittit in pœnam præcedentis ad eum modum, quo supra de induratione diximus: quid verò sit in peccato subsequenti, pœna præcedentis, dicetur disputatione sequenti.

## DISPUTATIO VII.

### De effectu actualis peccati, qui est pœna.



**I**n vs Thomas 1. 2. quæst. 35. communiter disputat de effectu originalis, & actualis peccati: sed vt materiā de actuali peccato absolua-  
mus, explicandi sunt prius à nobis proprii effectus eius: postea vero dicemus, quæ

sunt propria originalis peccati. In actuali ergo peccato duo sunt, positivus actus, & malitia: ratione actus habet vnum effectum, scilicet habitum inclinantem ad similes actus, de quo infra forte dicemus: ex hoc tamen sequitur eam facilitatem, & propensionem, quam voluntas habet innatam ad prosequendum honestum, peccatis diminui, seu potius impediri, non quod illa in se minor fiat, aut remittatur, sed quia propter adiunctum habitum sit minus idonea, & apta ad bonas actiones proprias, & hoc modo diminutio, vel corruptio boni naturę inter peccati effectus numerantur, iuxta illud Psalm. 17. *Corrupti sunt*, &c. Et hac de causa hoc naturę bonum, vt D. Thomas aduertit, nunquam tollitur omnino per peccatum, quia non per ablationem, sed per additionem minuitur, propterea dixi potius impediri, & habitus, quantumvis augeantur, nunquam per se loquendo, euertunt rationis vsum, neque tollunt naturam libertatis, & voluntatis: ex quo etiam sequitur istum effectum proprie non vno, vel altero peccato fieri, quia vnus actus non generat habitum, vel adeo imperfectum, vt moraliter censeatur nihil impedire: constat etiam ex dictis hunc effectum non fieri peccato omissionis per se, sed solum vt includit aliquem actum, quæ omnia facilia sunt, licet Durand. 2. dist. 34. quæst. 4. in nonnullis contradicat, magis de nomine, quam de re disputans: lege Caietanum citato loco. Posteriori ratione, scilicet ratione malitię, tribuuntur peccato multi effectus, licet eos non physice, sed morali modo efficiat, scilicet auersio à Deo, & offensio Dei, macula animę, & reatus pœnæ, & pœna ipsa: tamen auersio, si actualis sit, non est effectus, sed potius ipsa forma peccati: si vero sit habitualis, eadem est cum macula, & peccato habituali. & idem ferè est de offensione, vt statim dicam: & ad hunc etiam effectum reuocatur alius, quem D. Thomas quæstione illa 85. art. 4. numerat, scilicet priuatio modi speciei, & ordinis, nam quatenus priuatio istarum rerum est in actu ipso, pertinet ad formale peccatum, quatenus vero veluti habitualiter manet in operante, pertinet ad peccatum habituale, & priuationem gratiæ: quare de duplici tantum effectu dicendum superest, scilicet macula, quæ fere nihil distinguitur ab habituali peccato, de quo infra, & pœna de qua iam dico.

## SECTIO I.

### Utrum pœna, & pœna reatus sit proprius effectus peccati eius, qui punitur.

**S**uppono pœnam propriè esse incommodum I. Aliquod naturę, vel voluntati contrarium, pœna pro quo possit malum culpe vindicari, & aliquo modo, ea ratione sit infligendum, nam licet omne malum quod non est culpa in rationali creatura, habeat rationem pœnæ, vt indicat D. Thomas 1. parte quæst. 48. tamen propriè non haberet rationem pœnæ, nisi respiceret culpam, vt dicit Augustinus 1. retractionum c. 9. licet Gabriel 2. distinct. 76. alio modo loquatur, sed non rectè, nam mala, & effectus naturales, qui reperiuntur in brutis, non alia ratione non vocantur pœnæ, nisi quia non sunt propter culpam. Hæc autem pœna interdum ordinatur non solum ad vindictam peccati, sed etiam ad medelam pecca-



peccatoris, & hanc D. Thomas 1. 2. qu. 87. art. 7. non vult vocari poenam simpliciter, sed medicinalem: idem D. Thomas in id Ioan. 9. Neque hic peccauit, neque parentes eius, sed vt manifestentur opera Dei in illo.

II.  
1. propositio.

Prima propositio. Omnis culpa digna est aliqua poena, & hoc modo poena & eius reatus est effectus culpae. Est conclusio de fide, Ad Romanos. 2. Tribulatio, & angustia in omnem animam hominis operantis malum. Matth. 25. Ibunt hi in supplicium eternum, &c. Ratio ex D. Thoma qu. 87. art. 1. est, quia ad potestatem superioris pertinet vindicare, & cohibere peccatum; ergo qui peccat, hoc ipso subditur tali potestati: Vide Augustinum 1. Confessionem cap. 1. 2. Aduerte autem reatum poenae vocari à Theologis illud debitum vel obligationem ad poenam, quae ex peccato nascitur: de quo D. Thomas, & alii 2. distinct. 41. qu. 1. & in 4. dist. 14. qu. 1.

III.  
Obligatio ad poenam duplex.

Duobus autem modis potest aliquid obligari ad poenam, vno modo non voluntarie, sed solum ratione culpae: secundo propria voluntate; & sine culpa, vt cum quis vult satisfacere pro alio. Hæc secunda obligatio non dicitur proprie reatus, nam Christus non fuit simpliciter reus poenae, licet fuerit debitor; vt fidei iussor: Quare D. Thomas poenam respondentem priori obligationi vocat poenam simpliciter, quia omnino est inuoluntaria: alteram vero cum addito solum, nempe satisfactoriam. Ex quo etiam colligitur reatum poenae non esse idem, quod est culpa, formaliter loquendo, quia culpa consistit in voluntaria deordinatione ab ultimo fine, non sic reatus poenae saltem temporalis, secundum fidem definitam in Tridentino sess. 6. cap. 24. & canone 2. & sess. 6. cap. 1. Quod si quæras, quid in re ipsa sit iste reatus. Respondetur non esse accidens aliquod quasi physicum, quod inhæreat in illo qui peccauit, sed solum morale debitum, quod quæ peccando contraxit; quod nihil aliud est, quam ratione offensæ commissæ aliquem posse secundum rectam rationem puniri: vnde ex parte Dei, vel iudicis, importat ius quoddam morale, quod adquirat vindictam de peccatore sumendam: & hæc peculiari ratione solet dici peccatum offensam, quatenus ex se habet prouocare Deum ad iustam iram. Videatur D. Thomas in 4. d. 19.

IV.  
Obiectio contra explanationem reatus.

Sed obieciens reatum poenae non esse quid distinctum à culpa, nam per ipsam culpam est homo dignus poenâ, & confirmatur, nam reatus poenae est quoddam malum, vt patet ex D. Thoma 1. 2. qu. 85. art. 1. ad 2. & non est poena ipsa: ergo est culpa. Vnde D. Dionysius 4. cap. de diuinis nominibus, puniri non est malum, sed fieri poenâ dignum, quod de malo culpae necessario est intelligendum. Respondetur hominem esse dignum poenâ pro culpa tanquam per radicem, & ideo esse dignum poenâ, vocatur à Dionysio malum culpae, non in se, sed in radice, quocirca hic reatus est quid medium inter culpam, & poenam, & ad illam reuocatur, nam ex parte termini pertinet ad poenam, ex parte vero iudicis ad culpam: magis vero videtur pertinere ad culpam, quia reuera antecedit poenam, & inseparabiliter coniungitur cum culpa, vnde proprie fieri à Deo non potest, sicut neque culpa.

V.  
2. propositio.

Secunda propositio. Poena medicinalis infligi potest sine culpa: Est communis. Probat Ioan. 9. de poenâ cæcitatis, neque hic peccauit, nec parentes eius. Iacobi 1. Beatus vir qui suffert tentationem: &c. & ex Patribus, quos refert Magister in 4. dist. 45. Et ratio est, quia reuera non est poena, sed medicina, quæ maius affert bonum, quam incommodum.

Sed quæres, an hæc medicinalis poena consistat semper in priuatione bonorum fortunæ, vel corporis, an etiam in priuatione bonorum spiritualium, & auxilii diuini: Diuus enim Thomas simpliciter negat huiusmodi spirituales poenas infligi tanquam medicinam, quia maximum bonum hominis consistit in influxu virtutum, & in vnione ad Deum: ergo priuari his est maximum malum, non ergo potest esse medicina. Contra vero est, quia, sæpe Deus negat peculiare auxilium, & protectionem permittendo labi in peccatum, vt seruētius quis resurgat. Respondetur primo, per se & ex vi huius mali, & priuationis magis impeditur homo; quam iuuetur ad profectum virtutis, & ideo per se hæc non vocatur medicinalis poena, licet ex misericordia, & potentia Dei possit conuerti in maius bonum, vnde secundo crediderim nunquam Deum vti ista medicina, nisi prius homo aut negligenter, aut vero superbe diuinis vtatur donis, quia cum per se afferat maximum malum, non est ex his medicinis, quæ sine præcedenti culpa adhibentur.

VI.  
Dabuntur infirmitas.

Tertiâ propositio. Poena satisfactoria necessario supponit culpam, non tamen semper in eo, qui poenas luit: Prima pars constat, satisfactio non habet locum nisi vbi præcessit iniuria. Secunda vero pars est de fide, & patet in Christo, & in iustis etiam, qui pro aliis satisfacere possunt, ad Ephesios, & ad Colossenses 1. In quo habemus redemptionem per sanguinem eius remissionem peccatorum. & in Tridentino sessione 14. capite 2. Ratio sumitur ex coniunctione charitatis, ex qua efficitur, vt omnes iusti conficiant vnum corpus, iuxta Paulum 2. Corinth. 12. & ad Ephes. 4. de qua re alibi late dixi.

VII.  
3. propositio.

Quarta propositio. Poena simpliciter semper est effectus alicuius culpæ. Est etiâ communis Theologorum: & ferè patet ex dictis, quia poenâ, & culpa correlatiua sunt. Confirmatur, quia omne opus Dei est misericordia, & veritas, & ideo nunquam infert homini malum, nisi vel ob maius bonum eius, quod est misericordia: vel in vindictam culpæ, quod est iustitia. Contrariū sentit Durandus 2. dist. 36. qu. 3. quia paruuli siue actuali peccato patiuntur poenas sensus, quæ non debentur etiam originali peccato: videmus etiam homines sine culpa affici grauissimis poenis; etiam per iniuriam à prauis hominibus. Respondetur non agere nos de poenalitatibus; quæ quasi necessario consequuntur naturam humanam; nam hæc sæpe ex originali peccato trahunt originem; vt infra dicam: sed loquimur de his poenis, quas Deus infligit; & hæc si non sunt medicinæ, semper sunt propter culpam: Sed quid de iudicio humano: Nani contingit interdum vt lex humana obliget ad poenam sine culpa. Respondetur eam tunc non obligare hominem ad poenam ex merito suæ actionis; sed ex potestate superioris, qui ob commodum reipublicæ id potest præcipere: nam tunc illa proprie, & in rigore non est poenâ, sed veluti tributum, aut impositio quædam sub tali conditione. Vide D. Thomam 2. 2. q. 136. art. 9.

VIII.  
4. propositio.

Quinta propositio. Spiritualis poena nunquam imponitur sine propria culpa eius, qui punitur. Est communis, & habet verum tam in iudicio humano, quam in diuino, & in presenti vita, & futura, & hoc modo sæpe scriptura dicit vnumquemque recepturum iuxta opera sua: & Deum neminem deferere, quod est spiritualiter punire, nisi prius deferatur ab ipso: imò aliqui Theologi putant de potestate absoluta fieri non posse vt ali-

IX.  
5. propositio.



ut aliquis puniatur pena, præcipue eterna, nisi ob propriam culpam, quod indicat Scotus 2. distinction. 41. quest. 1. Marfilius quest. 46. & Ekiuscenturia 6. quod verum est quali formaliter, & relative loquendo de pena: negandum tamen Deum non posse quatenus supremus Dominus est, sine culpa inferre homini totum illud malum, quod Gregorius, Gabriel, & alii docent distinction. 41. & videri potest Boëtius 4. de consolatione, prosa 5. De iudicio humano etiam est res manifesta; nam hoc ut sit rectum, debet esse conforme diuino & quia bona spiritualia maxima sunt, & personalia, & de cetero hoc Pater ex ca. qua. situm, extra de his qua sunt a maiori parte capituli.

X. Sexta propositio. Etiam pena corporis, & quælibet alia, non infligitur a Deo, nisi in eo, qui puniatur, sit sufficiens culpa, & meritum illius pœnæ; licet interdum simul infligenda ista pœnia, respiciat Deus ad aliena peccata. Ista conclusio rednctur in concordiam duæ sententiæ Patrum, quas late disputat Adrianus quodlibet 12. Prima affirmat Deum sepe punire homines ob aliena peccata, ex illo Exod. 20. *Ego Deus zelotes visitans peccata patrum in filios*. Filius puniatur propter patrem; & populus propter peccatum principis, & sepe Deus iubet occidi indifferenter omnes homines alicuius totius republicæ, vel ciuitatis, in quibus sunt multi paruuli; & forte iusti, Genes. 1. & 19. Regum 2. capit. 22. & 34. Vnde Augustinus questionum in Iosue question. 8. & 9. exponens illud Denteronom. 24. *Non occidetur filius pro patre*, dicit intelligendum esse ab homine, nam Deus, inquit, sepe id facit, quod late etiam prosequitur 6. contra Iulianum capite octauo, & sequentibus, indicat Gregorius 15. moralium capite trigesimo quarto. Euseb. libr. 12. de preparatione capit. 25. & sentiunt hoc multi cum Magistro 2. distinction. 36. Et ratio esse potest, quia propter coniunctionem naturalem, quæ est inter patrem, & filium, vel ciuilem, quæ est inter partes eiusdem ciuitatis inter se, & cum principe, pœna vnus ad alterum deriuatur.

XI. Altera sententia. Secunda verò sententia simpliciter negat Deum punire aliquem nisi ob propriam culpam, ex illo Exod. 18. *Anima que peccauerit ipsa morietur*. Quæ loca D. Augustinus libr. 6. contra Iulianum capit. 12. dicit esse intelligenda de tempore gratiæ, nam antea patiebantur filii ob peccatum patris, quia iusti detinebantur ab ingressu celi ob peccatum primi parentis: sed hoc non est proprie dictum, alias etiam nunc paruuli priuarentur beatitudine ob peccatum parentum; quod ipse damnat tanquam Pelagianum libr. 4. contra duas epistolas Pelagian. capit. 4. vbi etiam dicitur fuisse proprium Christum occisum ob peccatum alienum, & Pelagianos auferre Christo istam prærogatiuam. Præterea Ezechiel apertè loquitur de tempore legis antiquæ, & ita intelligit Hieronymus ibi, & Gregorius supra, & Anselmus de conceptu Virginali capit. 24. & Chrysostomus homilia 25. in Genes. Qui omnes tenent istam sententiam, & exponunt filios puniri vsque ad quartam generationem; quia frequentius contingit vsque ad illam filios imitari parentes: consentit etiam Augustinus libr. contra Adimantum, discipulum Manichæi; cap. 7. licet aliter interpretetur Quatuor generationes, id est, quatuor ætates ab Abrahamo: idem Psalmo 108. Confirmatur: nam scriptura dicit Deum non punire iustos cum impiis, Genes. 18. Ieremie 18. & Malachia 3. Ecclesiastici 33. & hanc sententiam videtur magis sequi D. Thomas. Ratio esse potest, quia hoc est

magis consonum benignitati, & iustitiæ diuinæ, & ipsi rationi culpæ, nam cum illa sit radix pœnæ non videtur conueniens, ut vbi culpa non est, sit pœna.

IX. Ista, inquam sententiæ ex nostra conclusio-  
ne videntur ita conciliari, si dicamus Deum neminem afficere maiori pœna, quam ipse sit dignus ratione culpæ, quam in se habet, & hoc vult secunda sententia, & rectè id conuincit: interdum tamen fieri dico ob peccata parentum ut is puniatur, qui alias non puniretur, non quia non mereatur alioquin pœnam, sed quia Deus dissimulare, & coniueret, nisi accederet peccatum patris, vel principis, & huius signum est, quia sepe in scriptura occiduntur filii etiam post mortem patris, ex qua iam nulla accrescit pœna patri, & tamen dicuntur puniri ob peccatum patris: ergo signum est illam pœnam tunc non esse pœnam solum parentum, sed etiam filiorum ipsorum per se, atque adeo ob eorum culpam, licet simul respiciat Deus ad culpam patris.

Præterea verificari potest conclusio alio modo: nam sepe Deus ob peccata parentum negat filiis singularia beneficia & auxilia, quæ sub hac ratione habent rationem pœnæ, tamen ex parte filiorum non deest causa, quia sine vlla etiam culpa posset negare Deus huiusmodi beneficia: ergo propter quæcumque, quæ in filiis reperiatur, & numquam deest. Videatur de hac re late Abulensis Iosue 6. & 7. & Matth. 5. a quest. 320. & sequentibus, & Chrysostomus homilia 1. & 4. in Iosue, & super Psal. 3.

XIV. Et ex his facile constat quid dicendum sit circa hoc de iudicio humano, per se enim non potest puniri in hoc iudicio filius pœna temporalis, neque spirituali, neque e contra. Quia hoc non esset secundum rationem iustitiæ, & patet Deuteronom. 24. *Non occiduntur patres pro filiis, nec filii pro patribus*, &c. & 2. Regum 14. tamen indirectè, & consecutione quadam fieri potest, ut pœna patri imposita, præcipue in bonis fortunæ, redundet ad filios, ut cum puniuntur, vel fortunis, vel nobilitate, vel fama, de quo diximus in tomo de fide disput. 22. & sequent. Vide D. Thomam 2. 2. quest. 108. & Castro de iusta hæreticorum punitione lib. 2. a cap. 10. & Iuriconsult. cap. ita nos. 259. q. 2.

## SECTIO II.

### An peccatum possit esse pœna peccati.

I. Explicata ratione pœnæ, sequitur, ut explicemus eius qualitatem: & quia omne malum hominis, quod non est culpa, sine controuersia potest subire rationem pœnæ, de sola culpa tractat hanc questionem D. Thomas. In culpa tria possunt considerari, quædam antecedentia, ut permissio, & derelictio Dei: quædam subsequencia, vel concomitantia, per modum effectus, ut tristitia, fatigatio, &c. & peccatum ipsum. Duo ergo sunt certa apud Theologos: primum ea, quæ antecedunt vnum peccatum posse esse pœnam prioris peccati, quod videtur de fide, ex illo ad Romanos, 1. *Propter quod tradidit illos Deus in reprobam sensum*. Secundum est, ea quæ sequuntur ex peccato etiam esse pœnas peccatorum, iuxta illud, *lassati sumus in via iniquitatis*, & ad has reducitur vermis conscientiæ, de quo Augustinus 1. Confessionum cap. 12. vbi habet illam celebrem sententiā, *Iussisti Domine, & sic*

XII. Quomodo concordetur dicta sententia.

XIII. Quæ ratio ne alia verificetur 6. propositio.

XIV. In iudicio etiam humana procedit eadem propositio.

I. Quæ antecedunt, vel sequuntur culpam possunt esse eius pœna.



Et sic est ut omnis iniquus animus sibi ipsi sit pœna. Iam de peccato ipso est controuersia.

II. Prima sententia est negantium ipsum peccatum secundum se, posse habere rationem pœnæ, quæ videtur aperte D. Thomæ 1. 2. *quest. 57. artic. 2.* eam late defendit Caietanus, & omnes Thomistæ, & Durandus 2. *distinction. 36. quest. 2.* Fundamentum est, quia culpa, & pœna habent rationes contrarias: ergo, &c. Antecedens patet, quia culpa consistit per se in actione, pœna in passione, ex Augustino 1. *de libero arbitrio*. Deinde culpa est per se voluntaria, pœna essentialiter inuoluntaria. Deinde ex eodem Augustino libro *de fide ad Petrum*, pœna per se est obiectum iustitiæ, unde directe potest intendi, & appeti, culpa nullo modo potest iuste amari, unde confirmatur. Nam Deus est auctor omnis pœnæ, iuxta illud Amos 3. *Si erit malum in ciuitate, quod non fecerit Dominus, scilicet malum pœnæ.* Confirmatur secundo: quia si culpa ipsa esset pœna sui ipsius, esset sibi sufficiens pœna, atque adeo non mereretur aliam, sicut quia actus virtutis per se est sufficiens præmium sui ipsius, in rigore iustitiæ non debetur illi aliud præmium.

III. Secunda sententia affirmat culpam ipsam secundum se esse vere, & proprie pœnam, licet sub diuersa ratione formali, ut explicabimus, tenent multi cum Magistro in 2. *distinction. 36.* Bonaventura *questione prima*, & tertio Gabriel. *questione 1. & ibi.* Diuus Thomas *questione tertia*, & *questione prima, de malo articulo quarto*, Scotus 2. *distinction. 77. quest. 3.* & refert Conradus *ciuita questione 87.* Fundamentum est, quia duo sunt in peccato, actus, & inordinatio: utrumque autem videtur habere rationem pœnæ. Primum patet, nam affici dedecore, vel turpitudine, vel quauis alia praua qualitate potest esse pœna: Item ipse habitus malus, qui ex actu generatur, est etiâ pœna, hoc enim modo induratio in Scriptura dicitur peccatoris pœna: actus etiam terroris, & tristitiæ, & similes, qui sunt animæ disconuenientes, sunt pœna, sed ipse actus peccati est magis homini disconueniens, quam ista omnia: ergo.

IV. Secundum de inordinatione probatur primo, quia licet ut peccatore committitur, habeat rationem culpæ, tamen quatenus in ipso peccatore manet, & prauè illum afficit, potest dici pœna. Probatur secundo, quia ita videtur loqui Scriptura, nam Paulus ait, *tradidit eos Deus, ut faciant ea, que non conueniunt*: & Apocal. 22. *Qui in sordibus est sordescat adhuc* eodem plane modo loquitur Augustinus libro *de natura, & gratia cap. 22.* & libro *de Gratia & libero arbitrio capite vigesimo*, & 3. contra Iulianum cap. 3. & in Psalm. 57. Chrysostomus homilia de Adam, & Eva, Gregorius homilia 11. in Ezechielem, & 12. moralium cap. 25. & sæpe Isidor. lib. 2. de summo bono cap. 39. Confirmatur, nam nihil illi deest ad rationem pœnæ, nam in primis ista deordinatio est summum malum, & maxima deformitas eius, qui peccat, deinde non deest sufficiens ratio inuoluntarii, nam in primis deordinatio ipsa non est de se amata, sed solum indirecte, quomodo etiam pœna est quodammodo indirecte voluntaria. Præterea illa inordinatio est contra summam perfectionem, & appetitum naturæ, & bonum eius: & hoc sufficit ad rationem pœnæ: nam licet aliquis se voluntarie occidat, tamen mors illa erit malum pœnæ in illo: sicut etiam tristitia voluntatis pœna est, & tamen est actus eius, & eo ipso voluntarius. Denique illa inordinatio potest etiam esse inuoluntaria, quatenus is, qui peccat, nollit aliquam inordinationem

contrahere, ex quo recte intelligitur formalis differentia inter culpam, & pœnam, licet in eandem rem conueniant, nam culpa per se, & formaliter completur voluntario, pœna inuoluntario, & ideo illa dicitur consistere in actione, quia in agendo est per se libertas, non in patiendi: pœna vero potius in passione quodam. Et explicari potest à simili in actu pœnitentæ quatenus est actus virtutis, & pœnæ. Dices istam non esse pœnam, quia non est inflicta, sed permixta. Contra, nam permissio ipsa potest à Deo esse directe volita & intenta, & cum sit de malo quodam nimis disconuenienti naturæ rationali, satis magna pœna est. Præterea obstinatio damnatorum, & induratio peccatoris est pœna, & tamen non fit, sed permittitur à Deo. In hac controuersia vnum potest esse quod maxime ad rem spectat, cætera vero ad modum loquendi.

V. Prima propositio. Peccatum per se non potest esse ita pœna peccati, ut Deus propter demeritum vnius peccati ordinet aliud à peccatore fieri, neque propterea illo modo peccatorem directe inclinât, aut mouet ad nouum peccatum, quod dicitur pœna peccati. Hanc arbitror esse de fide, ex dictis disputat. præced. contra hæreticos, & hoc saltem modo verificari potest, quod D. Thomas ait peccatum scilicet, ut culpa est, non posse per se esse pœnam, id est, tanquam per se intentatam à iudice in vindictam peccati, & hoc solum videtur pertinere ad quæstionem de re ipsa, unde de modo loquendi dico secundum.

VI. Secunda propositio. Licet quodam modo, & late, peccatum ipsum possit dici pœna peccati, non tamen ita proprie, & in rigore. Prior pars constat satis ex dictis numer. 4. & 5. pro secunda sententia: ideo enim Deus permittit vnum peccatum in pœnam alterius, quia re vera peccatum ipsum est magnum quoddam malum ipsius peccatoris. Secunda vero pars probatur, quia, ut D. Thomas *quest. illa octuagesima septima, articulo primo*, ait pœna ordinatur ad restituendum ordinem quem culpa destruxerat: non ergo quodcumque malum peccatoris, licet maximum sit, est propria pœna peccato per se debita, sed illa, qua pristinus ordo restituitur: peccatum autem ipsum secundum se non est huiusmodi, quia neque deprimit peccatorem, neque per se illum subiicit potestati eius, contra quem peccando surrexerat. Confirmatur: nam pœna proprie & per se debita peccato est illa, ad quam peccator compelli potest, vel it, nolit: non est autem huiusmodi peccatum ipsum. Alii duplicem pœnam distinguunt, vnam contractam, aliam inflictam, & hanc secundam rationem dicunt ipsi conuenire peccato, non primam: quod tamen in idem redit, & totum ad modum loquendi spectat, res enim ipsa constat.

### SECTIO III.

*Vtrum pœna peccato mortali debita, sit infinita, & æterna.*

IN hac quæstione solum est nobis dicendum de illa pœnâ, quam iam certa lege Deus statuit, & quæ veluti per se debetur peccato: nam pœnæ aliæ veluti extraordinariæ, & quæ etiam infliguntur legibus humanis, infinitis modis fiunt, & ideo solum hoc in genere dicere possumus



sumus pœnam istam debere esse commensuram culpæ, eamque iudicio prudentis iri penlandam.

I.  
1. Propositio.

Prima propositio. Vnicuique peccato mortali duplex respondet pœna, damni, & sensus. Est certa, & communis Theologorum. Pœna damni continetur in his Scripturæ locis, quæ docent hominem propter peccatum priuari regno cœlorum 1. ad Corinth. Regnum Dei non possidebunt. & Matth. 25. Clausa est ianua, & infra. Ite maledicti, & capit. 3. explicatur multis parabolis: pœna vero sensus continetur in illis locis in quibus fit mentio ignis inferni. Videatur D. Thomas dist. 47. primæ parte quæst. 64. rationem affert idem Diuus Thomas, quia in peccato duo sunt: conuersio ad commutabile bonum, & auersio à Deo: utrique ergo merito debet correspondere sua pœna: auersioni merito respondet pœna damni, ut qui voluntate Deum dereliquit, eius amicitia, & conspectu inuoluntarie priuetur in æternum, conuersioni autem respondet pœna sensus, ut quantum glorificauit se in delictis, tantum detur ei tormentorum.

II.  
Obiectio.

Dices, conuersio per se non est mala, ut supra diximus: ergo non meretur propriam pœnam. Confirmatur: nam saltem pura omisio, si sit, non merebitur illam, quia nulla est ibi conuersio, è contra vero ipsamet auersio à Deo, est voluntate praua voluntaria, ergo meretur pœnam sensus. Respondeo primo, sicut peccatum est vnum quid in genere moris, & in illo distinguimus duplicem totalitatem, ita illi respondet vna integra totalis pœna, quasi ex duplici parte constans: & licet à Theologis illa pœnæ secundum quandam accommodationem attribuantur singulis prauitatibus, & deformitatibus, tamen simpliciter totum peccatum, & omnis eius malitia illa eadem pœna puniatur, & singulis partibus eius. Secundo dicitur conuersioni attribui pœnam non propter positium, sed propter malitiam moralem per se contrariam rectitudini rationis, quæ ut sic, non respicit vltimum finem, & ideo illa maxime censetur puniri eâ pœnâ quæ homini affert incommodum sine ordine ad vltimum finem. In ommissione autem pura, si esset, licet desiceret actus positius, non tamen hæc malitia moralis, quæ est rationi contraria, & propria ratio huius pœnæ: de auersione vero concedo illam esse dignam eâ pœna, quæ causet afflictionem, & tristitiam: sed non oportet esse eam, quæ oritur ex actione ignis, nam multo maior est ea: quæ ex carentia diuine visionis nascitur, quod late docet Chrysostomus homilia 24 & 25. in Matth. Vide Bonauenturam in 2. distinct. 3. quæst. 3. Richard. in distinct. 50. quæst. vltima.

III.  
2. Propositio.

Secunda propositio. Vtraque ex his pœnis erit æterna. Est de fide, Matth. 15. & Marc. 9. In supplicium æternum, Isaias vltimo. Vermis non moritur, & ignis non exstinguitur Iudith. decimo sexto, Dabis ignem in carnes eorum, ut vrantur in sempiternum. Apocalypsis decimo quarto, Fumus tormentorum ascendet, in secula seculorum. Definuitur in VI Synodo actione 11. & in Concilio Lateranensi cap. firmiter, de summa Trinitate, & in Tridentino sessione 6. capite 14. & 15. & sess. 14. capite 18. dum definit in iustificatione impii æternam pœnam gratis remitti. Vnde colligitur secundum fidem, quod sicut quolibet peccato mortali amittitur gratia, ita non tantum multitudini peccatorum, sed singulis mortalibus deberi æternam pœnam, iuxta illud Iacobi, Qui in vno offendit, factus est omnium reus. 1. ad Corinth. 6. Neque fornicarii, neque idolis seruientes. &c. regnum Dei possidebunt. Est etiam traditio

Patrum, Hieronymus in epistola ad Autum, & epistola ad Pamachium, & libro tertio ad Ephesios, circa illud capite quinto. Nemo vos decipiat in anibus verbis: & super tertium caput Ionæ, & in Apolog. contra Rufinum, Augustini de hæresibus capite vigesimotertio & sequentibus 21. de Ciuitate fere per totum, Gregorius 15. moralium cap. 4. 9. dialogorum capite 43. Cyprian. libro de laudibus martyrii, & Chrysostom. homilia 12. & 25. ad Romanos, Damascen. lib. 4. in fine. Origen. homilia 14. in Iosue, & 18. in Numeros 14. in Ezechielem, & tom. 5. super ad Roman.

Contra hanc tamen veritatem refertur primo error eiusdem Origenis negantis pœnas fore æternas etiam in demonibus, licet multi propter dicta loca citata eum liberant ab hac nota, sed ab hæreticis fuisse hunc errorem insertum scriptis eius, de quo dixi lib. 8. de Angelis c. 7. Ad hunc tamen errorem accedit sententia, quæ refertur ex Amodeo, dicente neque beatos esse securos de sua beatitudine, neque damnatos esse certos de suarum pœnarum æternitate, quia cognoscunt Deum esse clementem, & misericordem. Sed hoc est plane erroneum, quia reuelauit Deus numquam se vsurum hac clementia cū damnatis, & hoc ipsi etiam inuiti certo credunt, alias neque omnino essent obstinati, neque desperati de salute sua, quod hæreticum est, & diuinæ sapientiæ lege damnatum. An vero aliquis excipitur, res controuersa est, quæ non pertinet ad fidem, de qua tractari solet in fine quarti. Vide Abulensem libro quarto Regum, capite quarto, quæstione quinquagesima septima, & quæ scripsimus tomo secundo, in tertia parte disp. 4. sect. 3. & tom. 4. disp. 48. sect. 4. conclus. 3.

Secundus error refertur pœnas dæmonum fore æternas, non tamen hominum quem erroris Rufinus libro primo in Hieronymum, illi imponit propter verba eius lib. 5. in Isai. quæ habentur in Glossa ordinaria Isai. 14. vbi ad dæmonem loquens ait; etsi omnes animæ aliquando habuerint requiem, tu numquam habebis. Sed de catholica sententia Hieronymi satis constat ex allatis locis: verba vero illa sunt intelligenda per exaggerationem quandam impossibilem ex Diuo Thoma 4. distinct. 46. quæst. 2. Tertius error negat pœnas Christianorum fore æternas, licet de inndelium pœnis id concedat, refert Augustin. supra varios modos huius erroris cap. 26. & 27. & hic etiam error imponitur Hieron. propter verba eius in Ionam Proph. capite 3. & lib. 1. contra P. lagium: impugnatur tamen late ab Augustino supra, & libro de fide, & operibus capite 24. & libro de vita Christiana à capite 13. & in Enchiridio à capite 67. Hieronymus autem, ut ex contextu constat, de pœnis purgatorii loquitur. Quartus error asseruit pœnas eorum hominum, qui fuerunt ante aduentum Christi, non esse perpetuas, quia per Christum descendantem ad inferos fuerunt liberati, secus vero post Christi aduentum refert Castro verbo Infernus hæresis 2. & confutatur ex dictis, nam Scripturæ, & Patres generaliter loquuntur. Et confirmatur, quia alias post Christi aduentum mali essent peioris conditionis. Quintus error referri potest ex Eusebio lib. 12. de preparatione capite 3. vbi ex Homero, & Platone in Gorgia refert Reges, & Tyrannos in sempiternum fore cruciandos, non vero priuatos, quod nullum habet fundamentum. Sextus error posuit pœnas quidem fore æternas, tamen in eis futuras intermissiones quasdam, ita ut quodā tēpore intensius, quodam remissius patiantur: aliquando intermittantur omnino, postea redeant, & in hac vicissitudine, perpetuo duraturas. Quæ sententia etiā hæretica est, ut ex dictis testimo-

IV.

1. Error contra 2. propositionem.

2. Error falso attribuitur D. Hieron.

3. Error falso etiam attribuitur eidem Hier.

4. Error contra futurum.

5. Error sine fundam.

6. Error excluditur.



testimoniis, & P.P. patet, nam Ec. 11. *Vbi ceciderit lignum, ibi erit, siue ad Austrum siue ad Aquilonem.* &c.

Supereft in hac conclusione videre vnde sumenda fit ratio istius perpetuitatis: nam cum peccatum sit malum breuissimum videtur vltra condignum puniri perpetua pœna, vnde Glossa ordinaria in id Psalm. 72. *Ex vñsuris, & iniquitate redimet animas eorum,* sumpta ex Augustino, ait vsuras esse peccata, quæ nobis cum magno scœnore pœnas, puniunt. Deus enim plus exigit in pœnis, quam commissum fuit in culpis. Idem Augustinus libro de natura boni cap. 31. Respondeo primo, cum eodem Augustino, rationem sufficientem iustitiæ huiusmodi pœnæ esse diuinam legem, primo de fide contra Manich. capite decimono-

no, & seueritatem, qua omne mortale peccatum sub hac pœna prohibuit, sicut etiam iustis promisit æternum præmium pro merito temporali: Lex enim humana quando à prudente legislatore sub certa pœna proponitur, hoc ipso, qui talem legem transgreditur, meretur illam pœnam: ergo à fortiori de Deo hoc procedit, qui infinite sapiens est, &c. Atque adeo, quia voluntas Dei per se est iusta, in taxanda hac pœna, creditur pœnam proportionatam esse mortali peccato, & accommodari naturæ ipsius peccati. Secundo addendum est hanc pœnam proportionatam esse mortali peccato. Primo, quia est contra Deum ipsum, qui est infinite dignitatis, vt Chrysostomus homilia 25. ad Romanos, & homilia 9. in 1. ad Corinth. late tractat. Deinde, qui sic peccat, quod in se est, totum suum amorem, & felicitatem perpetuam in creatura constituit: & veram æternam vitam contemnit, quæ est ratio Augustini epistola 49. quæst. 4. Præterea hoc peccatum, & malitia eius æterna sunt, nam ex viribus creaturæ est irreparabile, & ideo, qui mortaliter peccat, quod in se est perpetuo vult in peccato manere. Quam rationem affert Gregorius 4. dialogorum cap. 44. & Diuus Thomas exponit eo quod peccatum mortale destruit principium vitæ spiritualis, & ideo meretur æternam mortem. Præterea quandiu aliquis non satisfacit iniuriæ commissæ, semper est pœnæ dignus, & consequenter iuste puniri potest: peccator autem numquam plene satisfacit peccato mortali.

Dices, hæc solum procedere de peccato vt est iniuria Dei, atque adeo, de pœna damni, quæ illi correspondet, non vero de pœna sensus. Respondeo illam accommodationem pœnarum, vt iam dixi, fieri consideratione quadam: nam re ipsa totum peccatum mortale est vnus irreparabile malum, & ideo illi respondet vna integra pœna perpetua: sed hoc forte quæstione sequenti magis explicabitur. Verba autem illa Augustini, quibus significat pœnam esse præter iustitiæ æqualitatem, non de æqualitate meriti, sed rei intelligenda sunt, quia non est necesse ad rationem iustitiæ, peccatum, & pœnam esse duratione æqualia, vt docet idem Augustinus 21. de Ciuitate capite vndecimo, & in iudiciis etiam humanis patet: ita Diuus Thomas exponit in 4. distinct. 46. articulo 2. quæstione secunda, ad secundum, vbi etiam videri potest Durandus quæst. 2. & 7. Loquitur præterea Augustinus de dano, quod aliquis efficit peccando, & vult maius pati dānum, quam ipse efficiat. Vnde exemplum ponit in eo, qui alterum priuat vita corporali, propter quod ipse priuatur spirituali vita. Ex quibus patet, quomodo intelligendum sit, quod aliqui D. Th. tribuunt, peccatum mortale ideo mereri æternam pœnā, quia perpetuo durat: nam re vera totum meritum pœnæ est in

Sanchez in primam secundam D. Thom.

actuali peccato, quod breuissimo tempore durat, sicut totum meritum gloriæ est in temporali actu: solum enim meremur gloriam, vel pœnam per actus huius vitæ, & hoc colligitur ex omnibus auctoritatibus allatis, & videri potest Anselmus libro primo, cur Deus homo capite vigesimo, & lib. secundo, fere per totum. Vt igitur illud verum habeat, nempe æternitatem pœnæ respondere æternitati culpæ, intelligendum sic est, congruentem rationem, & originem propter quam Deus statuit hanc pœnam, sumi ex statu huius culpæ, quæ de se æterna est, & ideo, qui illam culpam committit, censetur velle totum illud, scilicet statum, & perpetuitatem eius licet ex obiecto, & ex aliis capitibus sumantur aliæ rationes, vt dictum est.

Tertia propositio Ex dictis pœnis, pœna sensus est finita intensionem simpliciter, pœna vero damni est secundum quid infinita, licet etiam simpliciter finita sit. Est communis, & patet: nam pœna damni est priuatio æternæ felicitatis, & quoad hoc est infinita secundum quid, nam priuat Deo, quod est infinitum bonum, non tamen est infinita simpliciter, quia non priuat Deo in se ipso, neque ipsum in se tollit, sed priuat creaturam participatione illius, quæ participatio finita est simpliciter. Secundo est illa pœna tristitia, & dolor, quæ ex parte obiecti etiam est quodammodo infinita, quia est de summo bono amisso, tamen simpliciter est intensionem finita, quia creatura non potest elicere actum tristitiæ infinite intensionem, qua etiam ratione pœnam sensus constat etiam esse simpliciter finitā, quia ignis inferni nullam qualitatem potest efficere in damnato, quæ non sit finitæ intensionis, dolor vero, qui inde nascitur, non solum in intensionem, sed etiam in obiectum finitus est. Et rationem vtriusque partis reddit Diuus Thomas ex partibus culpæ, quibus correspondet: nam malitia conuersionis omnimodo finita est, malitia autem auersionis secundum quid infinita. Sed dubitat Caietanus, quia interdum malitia conuersionis infinita est saltem secundum quid, vt patet in odio Dei: respondet autem in hoc peccato, & similibus malitiam conuersionis esse omnimodo finitam. Summa rationis est, quia peccatum accipit grauitatem malitiæ ex motiuo, qui autem odio habet Deum, mouetur semper ex motiuo aliquo creato, & ideo, vt est conuersio ad illud, habet malitiam simpliciter finitam.

Sed hoc non videtur satisfacere omnino, quia, vt sæpe diximus, grauitas malitiæ non tantum ex motiuo, sed etiam ex re, in qua versatur actus, sumitur: sed illud, quod directe vult, qui odio habet Deum, est infinitum malum, scilicet Deum non esse: ergo ille actus, vt conuersio est ad tale obiectum, est infinitum secundum quid. Confirmatur à simili in eo, qui vult occidere proximum ex motiuo diuitiarum, nam ille actus, vt est conuersio, non solum habet grauitatem ex motiuo, sed etiam ex re, quam vult. Confirmatur etiam, quia alias non esset grauior malitia in odio Dei, vt tale est, quā in amore diuitiarum, ex quo nasci potest. Quocirca mihi certum videtur deformitatem, quam habet odiū Dei ex obiecto ad quod conuertitur, esse infinitam secundum quid, scilicet obiectiue atque adeo ratione illius mereri hoc peccatum pœnam aliquam secundum quid infinitam: vnde sicut supra dicebamus, peccatum illud quasi duplici titulo continere deformitatem auersionis à Deo, ita duplici ratione meretur ipsam pœnam damni, vnde ratione huius peccati ipsa tristitia de felicitate amissa erit acerbior: pœna tamē sensus erit finita

Nn simplici-

VII.

3. Propositio.

VIII.



simplicitet, tum quia ex modo suo non potest habere infinitatem; tum etiam, quia respondet actui finito: tum denique quia tribuitur actui, quatenus virtute saltem includit inordinatum amorem creaturæ, & in hoc potest explicari sententia Caietani.

IX.

1. Sententia  
in hoc du-  
bio.

Sed superest aliud dubium: nam rationes factæ solum probant istas pœnas iam de facto esse finitas, quia fortasse infinitæ esse non possunt. Dubium tamen manet, an ipsum peccatum de se sit dignum infinita pœna. Prima sententia affirmat; Almayn. 3. *moralium cap. 29.* & Parisien. *lib. de fide*; & probatur primo, quia peccatum mortale est maius quocumque malo pœnæ, etiam si in infinitum augeatur: ergo nunquam hoc malum superabit illud. Secundo nulla pœna, quantumvis magna sufficiens est, ut peccator satisfaciatur pro iniuria illata: sed in se potest ab illo exigere plena satisfactio: ergo posset pœna eius in infinitum augeri, quia semper esset minor, quam ut ad satisfaciendum sufficeret. Tertio non minus angetur meritum pœnæ ex dignitate personæ offensæ, quam meritum satisfactio- nis, & præmii, ex dignitate merentis, & personæ satisfaciendæ, nam videtur eadem proportio, sed meritum Christi augetur infinite ex personæ merito: ergo &c.

X.

2. Sententia.

Secunda sententia est D. Thomæ 1. 2. *quest. 87. artic. 5.* & Caietani, & videtur communis Theologorum peccatum non mereri pœnam infinitam intentionem etiam de se. Probatur primo, quia malitia peccati est simpliciter finita, & debet pœnâ proportionari culpæ: ergo. Secundo, quia alias omnia peccata mortalia essent meritoria æqualis pœnæ, nani in pœna infinita intentione, non est maius, neque minus. Tertio alias damnati nunc paterentur pœnam infinite minorem, quam sit illis debita propter peccata sua. Quarto, quia neque pœna damni, neque sensus ex merito peccati debet esse ita infinita. De pœna damni patet, quia si consideremus priuationem, peccatum non potest amplius mereri, quam priuari tota felicitate, sicut iam priuatur. Hæc autem priuatio non potest dici infinita intentione, quia est priuatio quædam totalis, & non suscipit intensiorem. Nisi quis dicat fortasse visionem Dei esse in infinitum intentionabilem: & quia hæc pœna priuat tota visionem possibili, ideo censendam esse infinitam intentione: quod non recte diceretur, tum quia illa priuatio opponitur beatitudini secundum subiectum eius, non secundum intensiorem; tum etiam, quia damnatus non erat ita proprius, & proxime capax totius intensiorem, & perfectionis possibilis in diuina visione, ut in pœna peccati censeatur tota illa intensiorem priuari: si vero loquamur de tristitia sequente priuationem istam, etiam non est cur censeatur illa infinita intentione, cum alias habeat illa pœna infinitatem proportionatam infinitati culpæ, nempe obiectiuam, tandem iustus per actus charitatis non meretur infinitum præmium intentione, neque de se: ergo neque peccatum talem pœnam meretur.

XI.

iudicium  
auctoris de  
p. dictis  
sententiis.

Quælibet istarum opinionum est probabilis: prior enim debet habere hunc sensum, potuisse scilicet Deum, licet non ut Dominus, sed præcisè, ut legislator & iudex consideretur, prohibere peccatum mortale sub acerbiori pœna, quam nunc patiantur damnati, & quavis præfixa pœna potuisse imponere maiorem, etiam si in infinitum procedatur, & hunc sensum verissimiliter suadent duæ rationes ultimæ factæ in n. 9. pro prima sententia. Verissimilius tamen mihi

videtur peccatum mortale pœnam infinitam intentionem non mereri. etiam de facto: quia tanta solum ac talis pœna sancita est per legem, peccatum vero solum illam pœnam meretur sub qua lex est lata, unde etiam verissimiliter inferitur hanc esse materiam ipsius peccati, nam Deus accommodat pœnam dignitati culpæ, quod etiam probant argumenta pro secunda sententia præcipue secundum, & quartum.

Ad primam rationem primæ sententiæ negatur consequentia, quæ aperte deficit in peccato veniali. Item si illa ratio valeret, etiam lex humana posset leuissimam culpam acerbissima pœna punire: quamvis ergo culpa quoad suam malitiam, temper sit maior, & maior, & altioris rationis: tamen pœna ut est remedium in vindictam culpæ, sufficiens esse potest ad puniendam culpam secundum æqualitatem proportionis: sicut argentum numquam potest esse æquale auro in ratione naturæ, & perfectionis, tamen in ratione pretii & valore potest.

Ad secundam respondeo. Aliud est satisfacere, aliud satis pati. Illud requirit dignitatem, & voluntatem personæ, atque adeo proportionem inter satisfaciendam, & satisfactum: passio vero non requirit voluntatem, neque dignitatem personæ, sed hoc solum fit, quia tantum subiicitur potestati superioris, quantum voluit offendere, unde ad argumentum, concedo peccatorem non posse tantum satisfacere Deo, quia non potest refarcire iniuriam illatam, nihilominus tamen posse pœnam æqualem, & iustam semper pati, quia in hoc consideranda est proportio rei ad rem, non personæ ad personam.

Ad tertiam respondeo questionem de infinitate meritorum Christi non posse hoc loco explicari, ex quo scilicet capite oriatur illa infinitas, scilicet, an tantum ex dignitate personæ, ut est tantum principium operationis, an etiam ex modo operandi, & ex summa proportionem inter operantem, & eum propter quem operabatur, an etiam ex re oblata in satisfactionem, & meritum quæ simpliciter erat infinita ratione unionis. Et ideo nunc breuiter dico non esse parem rationem de dignitate personæ in ordine ad meritum: nam dignitas personæ merentis per e ipsam auget meritum operis, & ad rationem meriti est quasi intrinseca forma eius. Quod explicatur, quia persona, quæ meretur ipsa per se ipsam subiicitur alteri, & se se offert ad obsequium alterius, atque adeo ad merendum præmium: demeritum autem præcisè respondet malitiæ actionis, ad quam confert obiectum, non per se ipsum intrinsece, sed ut est extrinsece terminus habitudinis, quam opus habet ad ipsum. Et signum etiam huius differentia est: nam dignitas personæ merentis tantam dignitatem confert actui in ratione meriti, quantum conferre potest nulla proportione spectata, sed solum posita honestate actionis, & relata ad præmium: obiectum autem non dat actui semper omnem bonitatem, vel malitiam, quam potest, sed seruata proportione, quam actus habet ad obiectum, unde etiam fit, ut in bonis actibus obiectum infinite bonum non eleuet illos ad infinitum simpliciter: denique obiectum eatenus confert ad meritum, & demeritum quatenus confert ad bonitatem & malitiam, & non alias, quod est veluti mediate conferre dignitas autem personæ merentis non hoc tantum modo, sed existente alias certa bonitate in actu, dignificatur per personam ipsius merentis dignitate, atque ita patet ad tertiam rationem.

Sed quæret aliquis, an illa pœna, quam iam

nunc

XII.

Ad 1. arg. in  
n. 9.

XIII.

Ad 2.

XIII.

Ad 3.

XV.



hunc patiuntur damnati propter peccatum mortale, sit æqualis, atque adeo maxima, quia peccatum tale potest iuste puniri. Respondet primum esse & verisimilem communem sententiam Theologorum quæ affirmat damnatos puniri citra condignū, quæ non est ita intelligenda, ut credatur ex pœnis à Deo præscriptis per singula peccata, remitti aliquid, nam lex Dei est immutabilis, & certa: intelligendum est ergo Deum singulis peccatis minores adhibuisse pœnas, quā in toto rigore mererentur, quod ideo dixerunt Theologi, ut id etiam in illo opere punitionis perpetuè seruetur aliquis misericordiae modus, quo non obstante, seruetur etiam iustitia vindictiua, licet non omnino rigorosa, & commutatiua, quia tantam pœnam vnusquisque recipit, quantum ex lege Dei meretur, & distributiua, quia tantum pœna vnus superabit in magnitudine pœnam alterius, quantum excedit in culpa, & sic intelligendum est illud Apoc. 18. *Quantum glorificauit se in delictis, &c.*

XVI.

Aliud denique dubium mouet citato loco Caietanus, an peccatum mortale iuste mereatur annihilationem. Respondet affirmatiue, & mihi placet responsio, & videri ibi possunt rationes eius: ego vero existimo illam pœnam fore minorem, quam sit ea, quam nunc patiuntur damnati, quia licet nunc aliquod bonum habeant, scilicet ipsum esse quod tunc non haberent si annihilarentur, habent tamen illud tot malis coniunctum, ut prudenter minus malum censi debeat utroque carere, quam habere illud simul cum eis coniunctum.

## SECTIO IV.

*An peccatum veniale mereatur æternam pœnam.*

I. *Expediuntur quædam certa de pœna culpe venialis.* Circa grauitatem pœnæ, quæ debetur veniali peccato, non oportet mouere quæstionem, quia certum est peccato veniali debere pœnam aliquam sensus finitam, quam patiaturs omnis, qui peccat in futura vita, nisi in præsentis remissionem eius consequatur, nam iustitia Dei nullum malum relinquit impunitum. Vnde secundo certū est peccatum veniale impedire ad tempus consecutionē æternæ felicitatis, & hoc modo esse aliquam infinitatem secundum quid in pœna eius, sicut & eius malitia est aliquo modo contra Deum: hoc autem dupliciter facere potest peccatum veniale, vno modo per se, quia iuste meretur illud in pœnam: alio modo consecutione quadam, quia subiectum, quod non est purum ab omni culpa subditum alicui pœnæ, non est aptum ad videndum Deum. Apocal. 21. *Non intrabit in eam aliquod conquinatum.*

II. *1. Sententia de duratione.* De duratione ergo est prima sententia quæ affirmat veniale peccatum per se, & ex propriis, mereri pœnam æternam, quam defendunt hæretici, & illi Catholici, quia non distinguunt mortale, & veniale peccatum ex natura rei, & vtuntur illis locis Scripturæ, quibus indifferenter, vel etiam vniuersaliter dicitur omne peccatum mereri mortem. Rationibus potest confirmari. Prima, quia peccatum veniale, est maius malū omni malo pœnæ: ergo secundum quid in finite superat malum pœnæ: ergo meretur pœnam aliquo modo infinitam: non in intentione: ergo in duratione. Secunda, maius malum est priuari Dei visione ad tempus, quam semper puniri aliquo minimo malo sensus: sed peccatum veniale meretur primum: ergo, & secundum.

*Suarez imprimam secunda D. Thom.*

Tertia omne opus bonum meretur præmium æternum: ergo è contra opus malum.

Secunda sententia extreme opposita omnino negat peccatum veniale posse puniri pœna æterna, neque per se, neque per coniunctionem cum mortali. tenet Maior, Gabriel, Amayn. & alij in quarta distinctione decima quinta, & 16. & Scotus distinct. 21. quæstione prima, & Vega lib. 14. in Trident cap. 16. Fundamentum est, quia peccato veniali per se non debetur æterna pœna, sed temporalis, ut infra dicam: ergo nunquam potest illa pœna puniri: alias puniretur grauius, quam meretur. Dicit quis mereri de se temporalem pœnam, tamen ex coniunctione ad mortale posse fieri perpetuam, quia tunc, ut Caietanus ait, non fit pœna grauior, sed tantum diuturnior, quia peccatum illud licet non fiat grauius, sit ex coniunctione irremissibilis. Sed contra est, quia in veniali peccato, transacto actu, nihil manet nisi obligatio ad pœnam, ut D. Thomas etiam indicat 1. 2. q. 89 articulo 1. ergo remitti peccatum veniale nihil est aliud, quam iam non deberi pœnam: quod continget interdum, quia liberaliter fuit remissa illa pœna, vel certè, quia iam quis sustinuit totam pœnam, quam merebatur, quod fieri potest etiam ab eo, qui est in mortali, & sine gratia: dicere vero, quod tunc fit peccatum irremissibile, videtur petitiu principij: nam est dicere pœnam temporalem: quæ antea erat æqualis culpæ iam non esse, quod sine ratione dici videtur, quando quidem culpa non est actu: quod præterea sic vrgo. Consideremus peccatum veniale per se sine ordine ad libertatem Dei, vel meretur pœnam æternam, vel non: si sic, non differt à mortali: si non, ergo etiam si Deus nulla vtatur gratia & liberalitate cum homine, illa pœna manebit semper temporalis, ergo etiam in peccatore est temporalis. Forte dicit quis debere huic peccato pœnam temporalem, non positue, sed negatiue, id est, de se non meretur æternam, tamen etiam non postulat positue, ut sit temporalis, sed quasi indifferens, & etiam dependet à dispositione subiecti. Sed contra. Nam æqualitas inter culpam, & pœnam est rei ad rem: ergo semper est eadem siue conditio varietur subiectio, siue non. Confirmatur, nam alias in puris naturalibus peccatum veniale non minus mereretur æternam pœnam, quam mortale. Patet, quia tunc careret homo gratia Dei, quæ est necessaria ad satisfaciendum, & certe dicere veniale peccatum, & eius pœnam non remitti nisi ex amabili beneuolentia Dei, videtur esse dicere, de se quidem mereri pœnam æternam, ex Dei vero misericordia fieri temporalem. Confirmatur iterum, quia si aliquod ex illa sententia sequeretur inconueniens, maxime, quia in inferno aliqua interdum finiretur pœna: sed hoc nullum est, tum quia id necessario dicendum est in pœnis temporalibus, quæ debentur peccatis remissis, illæ enim non possunt esse æternæ, alias enim Deus infligeret pœnam, quam simul remiserat, tum etiā quia in inferno perpetuo sunt ea, quæ per se ibi puniuntur, non quæ per accidens, & quæ communia sunt purgatorio. hæc sententia non est improbabilis, præcipue si ratione sola nititur deberemus.

Tertia sententia est, peccatum veniale per se debere puniri pœna temporali, tamen si reperitur coniunctum mortali per accidens puniri pœna æterna. Est D. Thom. 1. 2. quæst. 87. articulo 5. & in 4. distinct. 15 vbi Magister, Bonauentura, & Richardus idem sentiunt Alensis 4. part. quæst. 85. membro primo, Adrianus in 4. materia de satisfactione

Na 2

Capre-

III.

2. Sententia.

IV.

3. Sententia.



Capreolus *distinct.* 21. *quest.* 1. Richardus de Sancto Victore 1. *parte tractatu* 22. *de differentia venialis, & mortalis peccati.* Sylvester verbo *satisfactio* §. 7. Caietanus *citato art.* 5. & *tomo* 2. *opuscul. tractatu* 6. *quest.* 2. Soto *distinct.* 19. *quest.* 10. *art.* 4. Et fundamentum est, quia culpa venialis est irremissibilis in eo qui caret gratia: ergo & poena eius: non est enim probabilis sententia, dicens interdum Deum remittere totam poenam & non culpam. Antecedens probatur, quia remissio culpæ dupliciter obtineri potest. Primo ex liberalitate, quæ non habet locum nisi in hominegrato: velex iustitia, & hoc vel ex merito de condigno, quod gratiam supponit, ut suo loco dixi lib. 12. *de gratia.* vel per æqualem, & condignam satisfactionem. Et hic etiam modus necessario requirit gratiam, iuxta communem sententiam Theologorum, quæ colligitur I. Iai. 58. *Ieiunauimus, & non aspexisti.* Ecclesiastici 34. *Bona impiorum nihil curat Altissimus.* 1. ad Corinth. 13. *opera sine charitate nihil sunt, nihil valent: multum autem valerent, si sufficerent ad remissionem culpæ, quæ est sententia Augustini lib. 2. contra Crescon. cap. 12. & 12. de Ciuitate cap. ultimo. Qui anima sua non miseretur placens Deo, nihil potest dignum pro peccatis suis offerre.* Confirmatur, nam remissio culpæ non est nisi ex Christo. 1. Ioan. 2. Ioan. 2. *Ipsa est propitiatio pro peccatis, &c.* ad Romanos 3. *Per fidem Iesu Christi &c.* Qui tamen carent gratia, non viuunt in Christo, & damnati, cum neque veram fidem supernaturalem habeant, in illis non sunt: ergo &c. alias similiter dici posset, infideles in hac vita posse consequi remissionem alicuius peccati, & extra Ecclesiam esse remissionem peccatorum. Confirmatur ex Tridentino *sess.* 14. *cap.* 8. *vbi ipsam satisfactionem pro poena ait esse per Christum, ex quo (inquit) est omnis nostra satisfactio.*

V, Ad hoc tamen fundamentum respondent, qui verisimilius defendunt priorem sententiam, concedendo ad satisfaciendum Deo in hac vita, necessariam esse gratiam, hoc enim vrgenter probant testimonia adducta, non tamen esse idem de satisfactione future vitæ: Et ratio differentia esse potest, quia opera huius vitæ per se non sunt sufficientia Deo satisfacere, & ideo pendunt ex acceptatione eius: quod sic exponitur. Nam integrum est iudici nullam satisfactionem à reo oblatam suscipere, sed illum punire poena legis: quapropter cum Deus aliquid ex hoc rigore remittit, gratiæ tribuendum est. Item quia opera nostra innumeris aliis titulis sunt Deo debita, & præcipue ratione peccati mortalis, in quo iacere supponimus eum qui deberet satisfacere, & ideo potest Deus nullum opus acceptare in satisfactionem: at vero satisfactio vitæ future non est satisfactio amicitialis, sed est vindictæ, & summi rigoris, in qua non est attendenda conditio personæ patientis, sed æqualitas rei ad rem, quæ æqualitas considerari potest in omni poena, & culpa abstrahendo ab omni statu personæ. Sed adhuc ista omnia non omnino satisfaciunt, nisi in purgatorio. Item satisfactio huius vitæ, cæteris paribus, censetur efficacior, & faciliior, propter liberam voluntatem, nam iustus minori poena satisfacit in hac vita, quam in futura: ergo idem, &c. Probatur particulariter in peccatore si voluntariè poenam sumeret. Ex quo etiam sumitur congruentia, quia peccatum ex sua natura est iniuria voluntaria: ergo est consentaneum rationi, ut non nisi voluntaria poena remittatur. Confirmatur illa ratione, quia in inferno nullum est refrigerium,

nulla remissio, nam vbi ceciderit lignum ibi erit. Confirmatur amplius, nam qua ratione hoc peccatum veniale puniretur poena temporali in inferno, eadem malitia conuersionis mortalis peccati, nam illa malitia ex suo genere, & specie est eiusdem rationis cum malitia venialis peccati, atque hoc modo poena sensus peccato mortali debita esset temporalis. Neque videtur referre malitiam istam esse coniunctam auersioni peccati mortalis in eodem actu, atque adeo veluti per se, & ex natura sua malitiam vero veniale solum coniungi in eodem supposito cum mortali, sed nihil interest hæc differentia, non enim mutat grauitatem, neque speciem malitiæ, atque adeo neque facit illam dignam diuturniori poena.

Prima propositio. Veniale peccatum de se non meretur poenam æternam, quod censeo de fide ex dictis supra de peccato mortali, & veniali. Colligitur *Matth.* 5. vbi non omni generi peccatorum, sed cuidam minatur Deus gehennam, ut aduertunt, & exponunt Chrysostomus, Theophyl. Hilar. & Hieron. *Matth.* 10. idem ex illo 1. Corinth. 3. *Saluus erit, sic tamen quasi per ignem:* iuxta expositionem Patrum supra traditam. Ratio vero huius propositionis, & quomodo sit intelligenda, patebit ex secunda propositione.

Secunda propositio. Tutior, & verior videtur illa sententia affirmans peccatum veniale coniunctum mortali puniri perpetuo: quæ sic intelligenda est, potuit scilicet Deus statuere veniali peccato ea lege poenam temporalem, ut amicitialiter, & voluntariè illam subiret, qui tale peccatum committeret, sin minus, ne vnquam cessaret: quæ lex iusta esse potuit, tum quia illa est iusta poena, quæ à iustissimo Legislatore imponitur, ut diximus: tum quia est accomodata culpæ voluntariæ, ut explicuimus, tum etiam, quia rationi consonum est, ut culpæ, quæ perpetuò durat, Deus imponat poenam perpetuam: culpa autem venialis coniuncta mortali perpetuò durat, ut vidimus: si autem hoc potuit Deus, credendum est ita statuisse, quia hoc est maxime consonum aliis principiis fidei, & ipsi etiam rationi, & naturæ culpæ, vnde solum dicitur veniale peccatum per se mereri poenam temporalem, quia culpa ipsa per se etiam temporalis est, quia non excludit principium gratiæ, quo possit obtineri remissio illius, & per hæc satis patet solutio ad fundamenta secundæ sententiæ in num. 3.

An vero idem dicendum sit de temporali poena debita pro culpis remissis, ad materiam de iustificatione pertinet. Illud solum addo, propterea, quæ dicuntur in illis argumentis de homine in puris naturalibus, non esse statum illum quo ad omnia comparandum cum statu gratiæ, nam tunc etiam fortasse esset aliquis modus remissionis peccati non ex iustitia, neque ex gratia gratum faciente: sed ex quadam liberali prouidentia consentanea naturæ, & ideo etiam in illo statu peccatum veniale non esset per se dignum poena æterna, & tantundem valeret, tunc homo carens mortali peccato ad obtinendam remissionem venialis suo modo à

Deo, quantum nunc homo in gratia constitutus proportionem seruata.

VI.

1. Propositio de fide.

VII.

2. Propositio de fide.

Quid ad allata in r.

VIII.

Satis sit alius rationibus in eod. n. 3.



## DISPUTATIO VIII.

De peccato habituali, quod ex  
actuali nascitur.

**D**E hac materia tractat Diuus Thomas 1.2. *quæst.* 86. sed nos ordinem mutamus, tum quia hæc disputatio pertinet ad perfectam cognitionem peccati actualis, cuius effectus est: tum præcipue, quia fere est necessaria hæc tractatio ad materiam de peccato originali, viderique possunt multa quæ in opere de gratia, & de pœnitentia diximus.

## SECTIO VNICA.

*An transacto actuali peccato aliquid habituale in anima maneat, quod sit vere peccatum: & quid sit illud.*

I  
Rationes  
dubitandi.

**R**atio dubitandi est, quia per se ex actu peccati nihil sequitur in anima, nisi habitus prauus vitij, qui non habet rationem peccati, quia potest esse in homine grato. Confirmatur, nam si sit actuale peccatum puræ omissionis, illud certe nihil poterit relinquere, quia nihil est. Secundo homo in puris naturalibus sine gratia, si peccaret, non contraheret positiuam culpam habitualement ex peccato, vt constat, nec priuatiuam, quia nulla forma reali priuaretur, ergo.

II.

In hac re duo sunt certa. Primum, transacto actuali peccato, hominem vere, & propriè nominari peccatorem, quamdiu illius peccati remissionem non consequitur, quod patet ex communi modo loquendi Scripturæ, & sanctorum, hoc enim modo dicitur Luc. 7. *Erat mulier in Civitate peccatrix*, licet non actu peccaret, tum etiam Christus dicitur *cum peccatoribus manducare & pro peccatoribus mori*: sic etiam peccatores dicuntur *esse impij, & iniqui*, lege Augustinum sexto, contra Iulianum ca. octavo. Secundum est manere in homine transacto actu peccati maculam aliquam donec ad diuinam gratiam redeat, quod est de fide ex communi modo loquendi Scripturæ, Iosue 22. *Vsq̃ue in præsentem diem macula huius sceleris in nobis permanet*, Ecclesiastici 47. ad Salomonem loquens, *dedisti maculam in gloria tua, &c.* & ad Ephesios quinto, *vt exhiberet sibi Ecclesiam non habentem maculam, &c.* Vnde etiam peccatores dicuntur *immundi, sordidi*, Osee 19. & Apocal. 1. *abominabiles*: & e contra iustificatio impij dicitur *mundatio, ablutio, &c.* hinc etiam apud omnes constat manere peccatorem post peccatum auersum à Deo, & in offensione eius. Videndum ergo restat à quo denominetur homo peccator transacto actu, quid etiam sit ista macula, quid auersio, & offensio culpæ: & an ista distinguantur.

III.  
3. Sententia.

Prima sententia est Scoti 4. *dist.* 14. *quæst.* 1. dicentis transacto actu nihil manere prorsus in peccatore præter denominationem extrinsecam, quam ipse vocat relationem rationis, quam inquit consurgere ex actu Dei, quo peccatorem ordinat ad cõdignam pœnam hanc enim Dei ordinationem, quatenus ad pœnam refertur, dicit esse realem, vt tamen à Deo provenit, dicitur esse offensio Dei: vt vero est disconueniens peccato-

*Suarez in primam secundam D. Thom.*

ri, dicitur eius macula. Sed vero ista non sunt conuenienter dicta, quia macula significat malum culpæ, vel aliquid certe ad culpam pertinet: illa autem Dei ordinatio est bona & iusta. Deinde homo non denominatur peccator ab actu Dei, alias Deus actione sua constitueret aliquem peccatorem. Tandem Deus ordinat ad pœnam, eum qui peccator est, & quia peccator talis est.

Propter quod Gabriel in illa *distinct.* *quæst.* 1. & IV. Oham *quæst.* 8. & 9. in 4. dicit hominem denominari peccatorem ab actu, qui præterit, vt idem prædicta fit peccatorem esse, quod peccasse: & quia hoc paulo altius non satis est, alias, qui semel peccauit, semper esset peccator, aiunt esse addendam ordinationem Dei, & ab utroque simul hominem denominari peccatorem. Sed contra hoc fere procedunt rationes factæ. Præterea licet Deus non ordinaret ad pœnam eum qui peccauit, manere posset, & vere denominari peccator, & in illo maneret macula: ergo ordinatio Dei ad pœnam nullo modo requiritur, in macula, aut in forma, quæ denominat peccatorem. Dicent fortasse repugnare Deum non ordinare ad pœnam, & remittere culpam. Respondeo id falsum esse de potentia absoluta, vt patet etiam in humanis de iniuria facta principi. Præterea, quia per se constat differre dignum esse pœna, & à Iudice puniri. Propter hæc tandem dici potest in hac sententia, esse peccatorem nihil aliud esse, quam peccasse, & perseverare dignum pœna propter illud peccatum, quæ dignitas dici potest macula. Quod si obijcias, homo etiam iustus qui peccauit, interdum manet dignus pœna, propter peccatum, & tamen iam non est in peccato. Respondetur non manere dignum pœna condigna, & æquali, quæ est ad æquata peccato. Sed adhuc ista omnia non satisfaciunt: tum quia talis dignitas pœnæ pertineret ad reatum: supra autem diximus reatum distinguere aliquo modo à culpa. Item de potentia absoluta posset ab homine auferri macula, & id quod est culpa, manente integro toto reatu pœnæ, quia reuera illa dignitas pœnæ oritur ex solo actuali peccato, non ex macula, vel habituali dispositione, quæ manet, vnde tandem dicere hominem denominari peccatorem ab ista dignitate, videtur idem ac denominari ab actu præterito connotando tantum Deum non remisisse.

*Quid tandem dici possit pro sustinenda eadem sententia.*

V.  
2. Sententia.

Secunda sententia vult prædictam maculam esse quandam qualitatem prauam, quæ ex peccato actuali manet, quæ ita est contraria rationali naturæ, vt eam reddat Deo inuisam, & exosam. Sed hæc sententia quæ habet fundamentum in Magistro *distinct.* 33. est prorsus improbabilis, quia neque intelligi, neque explicari potest, quæ aut qualis sit ea qualitas, neque à quo fiat: non enim fieri potest ab actuali peccato, quia actus peccati, vt plurimum, potest efficere habitum malum, qui potest manere, & peccatum deleri. Item quia si esset pura omisio, nihil generaret: neque potest fieri à Deo, quia non est autor peccati. Deinde si est qualitas, vt sic, bona est, nec potest esse mala, nisi ratione alicuius priuationis. Explicetur igitur ista priuatio, quid sit, & tollatur qualitas. Ex quo intelligitur non recte fuisse loquutum Gregorium *distinct.* 20. dum inquit, vitiorum habitus posse dici peccata habitualia præcipue ante iustificationem. Contra quem Capreolus *ibi* ad argumenta contra secundam conclusionem, nam certe nihil interest ante vel post iustificationem, & propria huius ratio est: quia tales habitus per se non auertunt à Deo, vt alias explicabo.

*Habitus vitiosi non sunt peccata.*

¶ Non 3

Hinc



VI.  
Placitum  
quorundam  
circa  
hanc sen-  
tentiam  
displicet.

Hinc etiam mihi displicet quorundam Thomistarum sententia dicentium transacto actu peccati manere in voluntate positivam ordinationem, & realem ad illud obiectum, ad quod se conuertendo peccavit: in quo etiam fundatur realis auersio à Deo, & hoc volunt esse habituale peccatum: sed hoc non est intelligibile, nam ille ordo, si est realis, in aliquo ente reali fundari debet: vel ergo illud ens est aliquid additum voluntati, & hoc non erit habitus vitij, quia nihil aliud ibi manens potest dici peccatū, si nihil est additum, fieri non potest, ut voluntas nihil magis habens, quam antea, neque in se intrinsece mutata, retineat aliquem ordinem realem, quam ante non habebat.

VII.  
2. Sententia.

Vna explicatio huius sententiae refellitur.

Tertia sententia est hanc maculam esse priuationem nitoris, & pulchritudinis animæ. Ita D. Thomas *supra*, & in 2. distinct. 30. quest. 1. artic. 1. & idem fere sentiunt antiquiores Theologi in 4. distinct. 18. Modus autem explicandi istam priuationem est varius, quia vix potest explicari qua forma priuet. Quidam ex Thomistis dicunt maculam hanc priuare nitore, & pulchritudine, quam habitualis gratia in anima efficit. Quod si obiicias. Quia hæc priuatio est à Deo, & est pœna, respondent quidam eorum, maculam potius pertinere ad malum pœnæ, quam ad culpam, & ideo posse fieri à Deo ipso: quod aliis non placet, quia macula in Scriptura semper significat malum culpæ, & non tribuitur Deo, sed peccatori. Item quia hæc sententia non explicat quid sit habitualis culpa.

VIII.  
2. Explicatio.

Propter quod distinguunt alii gratiam dupliciter considerare, vno modo materialiter ut est entitas physica, & hoc modo priuationem eius fieri à Deo, & non esse maculam. Secundo modo quatenus auferat animæ pulchritudinem, & hoc modo priuationem eius esse maculam, & non à Deo, sed à peccatore. Sed non satisfacit hæc duplex gratiæ consideratio, quia est solum per præcisionem intellectus, tamen in re nihil est, quia gratia non confert homini pulchritudinem nisi ut bona qualitas animæ inhærens: ergo gratia, licet materialiter consideretur, non habet aliud esse, neque aliam causam, quam ut considerata formaliter, & ut dans pulchritudinem. Præterea arguit Scotus, quia sequitur omnes maculas omnium peccatorum esse æquales, quia omnes æque priuant habituali gratia. Respondet, D. Thomas maculam esse priuationem cum ordine ad peccatum præcedens, & quia illud non est æquale, idèd neque macula. Contra hic ordo tantum est relatio rationis: ergo ratione eius non erit inæqualitas in maculis. Tandem peccatum ut sic latius patet, quam gratia, quia posset reperiri in homine in puris naturalibus, quæ non priuaret gratia, ergo in illo peccatum habituale manens, non esset priuatio nitoris. Ad explicandam hanc difficultatem incipiendum videtur à pura natura.

IX.  
1. Propositio.

Prima propositio. In homine existente in puris naturalibus vere maneret aliquo modo, peccatum mortale (de quo tantummodo loquor) per modum habitus, transacto actu, quamdiu ad Deum non conuerteretur, vel non remitteretur illi peccatum. Probatur, quia homo semel auersus à Deo, semper manet auersus, quamdiu non conuertitur. Explicari solet exemplo hominis, qui auertit faciem à sole. Confirmatur, nam ille homo maneret in eo statu, in quo esset dignus odio, & indignus amicitia Dei, ergo perseveraret in peccato. Tertio ille non esset in ea pura natura in qua fuerat à Deo conditus: ergo esset impurus, seu in peccato.

Secunda propositio. Peccatum manens habitualiter in illo homine, non est ens aliquod positivum physicum, neque priuatio realis & physica alicuius formæ positivæ. Primam partem conuincunt argumenta facta contra secundam sententiam. Secunda vero etiam patet, quia nulla potest designari forma positiva, qua anima habitualiter priuetur propter peccatum commissum: nam illa intelligenda esset in essentia animæ, aut in potentiis. Non in essentia, quia ex natura rei in essentia animæ nihil inhæret nisi forte potentiæ eius, & eadem ratio procedit de ipsis potentiis, quæ etiam inter se non possunt transmutari aliquo modo, nec remitti: ergo nihil reale potest intelligi in eiusmodi potentiis, vel ab aliis realiter distinctum, vel quod sit idem cum illis, quo priuetur per habituale peccatum. Neque intelligi potest, quod aliqui dicunt, & colligunt ex Caietano loco citato quest. 86. nempe hoc peccatum esse priuationem realem illius spiritualis pulchritudinis, quam boni actus in anima efficiunt, quia licet actuale peccatum possit efficere huiusmodi priuationem: tamen illo transacto, non necessario durat ista priuatio cum habituali peccato, nam illo perseverante potest homo bonos actus exercere, & contrarios priori actuali peccato: neque illa actualis priuatio pulchritudinis per se, est culpa, ut patet in homine dormiente peccatore, & iusto, &c.

Tertia propositio. Peccatum quod habitu manere in tali homine dicitur, non est physice intelligendum, sed moraliter, secundum rectam, & prudentem estimationem, & hoc modo est quædam auersio à Deo ultimo fine quæ moraliter censetur manere in homine, quia voluntate sua se auertit à Deo, & nunquam ad illum conuersus est: Colligitur ex D. Thomæ quest. citata artic. 1. ad argumenta, & artic. 2. & 3. parte quest. 88. art. 1. ubi dicit maculam consequi peccatum ex parte auersionis. Et probatur tum ex dictis, nam numerauimus omnia quæ possunt cogitari circa hoc peccatum, & nihil aliud reperitur. Secundo exemplo ex humanis, nam qui offendit hominem, cæsetur manere inimicus eius quamdiu aut voluntatem non mutauit, aut quod in se est non fecit, ut iniuriæ satisfaciatur, & tamen totum illud contingit per moralem estimationem. Tertio in aliis rebus hæc moralitas constituit prædicationem realem, & veram in rebus multum pertinentibus ad mores hominum, ut dicitur res aliqua tanti valoris, quia lege taxatū est: quod tamen nihil in re ipsa ponit præter estimationem moralem.

Dices coincidere nos iam in priorem sententiam Scoti: nam hoc nihil aliud est, quam denominari hominem peccatorem ab actu præterito existimato moraliter, ac si esset. Respondeo primo in hoc differimus, quia non intelligimus peccatum hoc consistere in ordinatione ad pœnam, sed in auersione ab ipso Deo: ex quo fit, ut aliquis sit odio Dei dignus, quod propriè pertinet ad culpam. Secundo non dicimus istam denominationem fieri ab actu præterito, sed à quodam effectu morali, qui cæsetur fieri per illū actum. Quod explicatur à simili in peccato puræ omissionis, si fiat: nam qui sic peccat, verissimè censetur actu se auertere à Deo, & se conuertere ad se ipsum, vel ad aliam creaturam, ut ad vltimum finem, non quia realem actum efficiat, neque quia aliqua forma physica priuetur, sed quia moraliter ita se habet, ac si id vellet: ita in proposito iste censetur moraliter auersus à Deo, quia id voluit, & nunquam mutauit voluntatem, nec consequutus est remissionem peccati.

Quarta

X.  
2. Propositio bipartita.

XI.  
2. Propositio.

XII.  
Obiectio contra nunc dicta.



XIII.

4. Propositio.

Quarta propositio. In hoc peccatore macula non est aliquid distinctum ab habituali peccato, & explicuimus. quare explicanda est per morale quandam indignitatem, sicut qui in Republica exercuit vilissima munera, licet postea illa non exerceat, manet moraliter infamis: ad hunc enim modum se habet coram Deo, qui semel peccauit, & in peccato iacet: hæc ergo macula, & habituale peccatum, idem sunt, licet secundum rationem, vel potius secundum etymologiam differant, peccatum enim dicitur, ut auertit hominem ab ultimo fine: macula vero quatenus reddit ipsum hominem turpem: & propterea macula ut sic, non fit à Deo, quia ad malum culpæ spectat, & idem prorsus est de auersione habituali: de reatu vero & offensa Dei iam diximus quid sit, & statim etiam dicemus.

XIV.

5. Propositio.

Quinta propositio. Nunc in homine destinato ad finem supernaturalem habituale peccatum, & macula peccati mortalis includit dicta omnia moralia, & præterea realem, & physicam priuationem gratiæ, & charitatis, de hac propositione videri possunt dicta lib. 7. de gratia capite vigesimo ad n. 7. & ita sentit D. Thomas quod bene notat Caietanus infra questione 113. in artic. 2. Capreolus 4. distinctione 14. Sotus distinct. 15. q. 1. art. 1. Et ratio est, quia peccatum nunc auertit hominem à Deo fine supernaturali: ergo priuat conuersionem ad illum: sed habitualis conuersio ad hunc finem est per gratiam, & charitatem: ergo habitualis auersio priuat his formis, in quo differt valde ista auersio ab auersione à solo fine naturæ. Confirmatur, nam peccatum habituale nunc manens, immediate & formaliter tollitur per inhærentem iustitiam, quæ peccatori datur in iustificatione, sed formaliter tollitur priuatio ipsa gratiæ, & charitatis: ergo hæc ipsa priuatio est formale peccatum siue macula. Inferes. Ergo peccatum habituale est eiusdem rationis in omnibus peccatoribus. Respondeo quod aliud, scilicet auersionem à Deo, concedo, differunt tamen semper quoad morale malitiam, quæ, ut diximus solum moraliter permanere censetur, & eodem modo est intelligendum, quod Diuus Thomas 1. 2. q. octuagesima sexta, art. 1. ad 3. dicit, eandem priuationem gratiæ propter ordinem ad diuersam causam, scilicet actuale peccatum maius, vel minus, esse maius, vel minus habituale peccatum. Non est enim ipsa priuatio physice maior, vel minor, tamen quatenus procedit ab his, vel illis actibus, censetur reddere hominem moraliter magis deformem, & indignum: & simili ratione peccatum denuo iteratum licet non inducat nouam priuationem gratiæ, tamen censetur inducere eandem priuationem nouo titulo, & hoc modo illud secundum, seu iteratum peccatum includit priuationem gratiæ.

XV.

Instantia soluitur.

Dices. Priuatio gratiæ fit à Deo: ergo est pœna. Respondeo non fieri à Deo positivè agente, sed deserente. Secundo dici potest habitualis gratiæ priuationem esse quasi materiale in peccato: at vero formale esse voluntariam deformitatem, quæ moraliter manet: illa ergo priuatio, ut culpa est, non est à Deo, quia sic est voluntaria voluntate praua: ut vero est corruptio cuiusdam rei, est à Deo non seruante, & hoc non est inconueniens, quia illa, ut sic, non est peccatum, & posset accidere homini iusto, si Deus suspenderet influxum conseruationis gratiæ illius. Et eodem modo licet illa priuatio sub vna ratione sit culpa, tamen sub alia ratione, potest quodammodo dici pœna non tam imposita, quam contracta, iuxta dicta. Vide Durandum se-

cundo distinctione trigesima, questione tertia, ad argumenta.

Ex his facile expediuntur reliqua, quæ de hoc peccato, vel macula dici possunt, nam iam constat, an sit, & quid sit. Et quomodo in peccatis diuersis sit diuersa, & maior, vel minor, de quo etiam videri possunt dicta in opere de gratia locò citato. In quo vero subiecto sit, breuiter dicendum est ex Diuo Thoma quæst. illa 86. ar. 1. partim esse in essentia animæ, partim in voluntate, nam gratia, & charitate priuat in quibus amicitia Dei consistit, præcipue tamen videtur esse in essentia animæ, quia licet actuale peccatum primo sit in voluntate, quia per eam committitur, tamen id, quod præcipue maculatur, est ipsa anima, quæ in se manet moraliter odio digna, & ipsa est principale mouens: & operans, & sicut iustitia coram Deo primo est in essentia animæ, ita, & habituale peccatum: deriuatur vero etiam ad voluntatem, quia etiam ipsa est censenda manere à Deo auersa. Rogabis, quomodo vnum esse queat in duobus. Respondeo, quia non est vnitum in genere naturæ, sed moris: & quia non æque primo est in utroque.

De causa autem efficiente ipsius maculæ, dicendum est physicam nullam habere, habet tamen morale, quæ est ipsum actuale peccatum præcedens. De effectu dicendum est formalem eius effectum esse reddere hominem auersum à Deo, & odio Dei dignum, unde sequitur esse dignum pœna: per quem effectum interdum Scriptura, & sæpe Augustinus explicat hoc peccatum habituale, scilicet per reatum. Vide illum in Psalmum 33. & libro primo, capite vigesimo octauo, 6. contra Iulianum capite 8. Aduertendum autem est istam pœnæ dignitatem non esse aliam ab illa, quæ fit per actuale peccatum, quia homo ratione huius maculæ non meretur nouam pœnam, sed solum ratione actus, & eodem modo solet ista macula dici generare offensionem Dei, quæ, ut diximus, ex parte Dei nihil ponit, nisi iram eius, vel denominationem extrinsecam: ex parte vero hominis præter actuale peccatum nihil dicit præterquam esse dignum illa ira. Vide Diuum Thomam tertia parte quæst. 86. articulo 2.

Solum superest de veniali peccato, an relinquat maculam. Scotus enim quarto distinctione vigesima prima, questione prima, & Gabriel quarto d. decima sexta quæst. 5. & alij in 2. distinct. 24. dicunt quod post veniale peccatum nihil manet, nisi obligatio ad pœnam, quia neque priuat gratia, neque remittit charitatem, & licet remitteret, illa remissio non haberet rationem culpæ, quia non tenetur homo habere charitatem in tanta, vel tanta intensio: denique nullo alio modo auertit à Deo. Diuus Thomas autem & alij. 3. p. q. 87. ad 3. volunt relinquere maculam, fauet Eccl. 31. Beatus vir qui inuentus est sine macula, & Psalmo decimo quarto, Qui ingreditur sine macula, & omnes illæ sententiæ, in quibus dicitur hominem non esse sine peccato, & sordibus, videntur verificari ratione huius maculæ, quia sine actuali peccato, & mortali esse potest, idem vero Diuus Thomas 1. 2. q. 89. art. 1. addit hoc peccatum non causare maculam simpliciter, sed secundum quid. Et hic modus loquendi est retinendus, quia est conformior Scripturæ & Patribus, & explicandus ad eum modum, quod explicauimus habituale peccatum in puris naturalibus, nempe per moralem existimationem, quia reuera nihil aliud fingi potest. Sola vero ordinatio ad pœnam non pertinet ad rationem culpæ, neque maculat animam, & manere potest, ipsa culpa remissa.



missa: rectè autem intelligi dicto modo constat, quia ille, qui venialiter peccat, aliquo modo offendit Deum: ergo quamdiu voluntate sua non satisfacit Deo, censetur moraliter permanere in illa voluntate, atque adeo ita dispositus, ut censeatur aliquo modo indignus diuina quadam familiaritate, & singularissimis auxiliis: propter quod dicunt sancti hanc maculam repugnare feruori charitatis. Explicari etiam potest à contrario: remissio enim venialis peccati ex sententia Theologorum, ut in materia de poenitentia, & de gratia dicimus, sine infusione nouæ gratiæ fieri potest: ergo illa priuatio in qua talis macula consistere potest, non priuat aliqua forma, & habitu reali physicè, quando quidè sine tali habitu auferri potest per Dei condonationem, reliqua de macula explicanda sunt ad modum peccati mortalis. Vide dicta *tomo 4. de poenitentia disp. 11. sect. 1.*

## DISPUTATIO IX.

## De peccato originali.

**D**IXIMVS de duobus generibus peccatorum, sequitur, ut de peccato originis differamus, quod *natura peccatum* etiam dicitur, quia non propria voluntate, sed naturali generatione illud contrahimus: & propterea natura filii iræ dicimur ad *Ephesios 2.* ut voluit Augustinus *lib. 2. de peccatorum meritis, cap. 2.* de quo peccato loquens idem libro de motibus Ecclesiæ, peccato (inquit) antiquo nihil est ad predicandum promptius, nihil ad explicandum difficilius: & *lib. 3. de Baptismo paruulorum cap. 4. & 2. de nuptiis cap. 29. & epistola 26. 28.* fatetur se nescire solvere difficultates omnes ut sibi satisfaciatur, in hoc peccato occurrentes, de quo disputant Theologi 2. dist. 3. D. Thomas 4. contra Gentes cap. 50. & quest. 4. de malo, & opusculo 3. tractatu 2. & 1. 2. quest. 81. 82. & 83. & nonnulla in 85. quæ quæstiones præsentis tantum sunt instituti, nam quæstio illa quomodo hoc peccatum auferatur, siue effectiuè per Baptismum, siue formaliter per gratiam, videatur in *tomo de Sacramentis disputat. 26. sect. 1. & lit. 7. de gratia, per varia capita.*

## SECTIO I.

## An sit originale peccatum.

**I.** Error fuit Pelagii peccatum originale negans, Ex Augustino 88. hæresi 88. & *lib. 3. de peccatorum meritis cap. 7. & de Baptismo paruulorum cap. 2. & lib. 2. de peccato originali, & 5. contra Iulian. cap. 5.* hunc sequuti sunt Armeni, Albanenses, & Albigenes, ut referunt Antonius 4. parte titulo 11. cap. 7. §. 3. Castro verbo peccatum, Guido Carmelitan. In eodem errore fuisse Abailardum indicat Bernardus *epist. 111. & 118.* refertur etiam Zuinglius, & Erasmus 1. & 2. editione ad Romanos 5. aperte fauet huic errori, & inter alia impudenter mentiri eos, qui locum illum Pauli *Ephes. 2.* dicunt non posse intelligi de peccato per imitationem: eidem fauet Stapulensis *ibidem.* Fundamentum est duplex, primum quia pugnat dicere peccatum, & naturale, nam deratione peccati est voluntarium, ut diximus:

peccatum etiam est contra legem ad Romanos 4. Sed ea quæ sunt naturalia, nec à voluntate pendunt, nec legi subduntur, præcipue cum tempore conceptionis homo non sit capax præcepti, nec voluntatis. Confirmatur primo. Nam meritum Adæ nihil nobis profuit: ergo neque culpa. Confirmatur secundo quia Deus, qui propriè remittit peccata, non imputat aliena, Ezechielis 18. *Filius non portabit iniquitatem patris, sed anima, quæ peccauerit, ipsa morietur, &c. & 2. ad Corinth. 5. Vnusquisque referet prout gessit.*

**II.** Secundum fundamentum. Quia peccatum originale nullam potest habere causam: non enim voluntatem pueri, quia ea uti non potest rationabiliter: neque patrem generantem, qui alias ille generando peccaret, quia efficeret peccatum. Item quia forte qui generat huiusmodi est sine peccato: tandem quia peccatum est in anima, atque spirituale quid: pater autem cum generat non attingit animam: neque ergo per seminalem, & corpoream virtutem potest animam maculare. Præterea neque Adam potest esse causa huius peccati, tum quia & ipse, & eius actus præterierunt, tum etiam, quia nunc etiam peccaret denuo semper posteris in peccato propagatis ab ipso. Neque denique Deus, quia nullius culpæ autor esse potest, ut diximus: aut etiam dæmon, quia non est autor animæ, & quia hoc esset in errorem Manichæorum incidere. Neque vero dici potest hoc peccatum à nullo fieri, quia aliquid est, & non necessario ex natura hominis sequitur, alias esset talis natura per se mala, & tale peccatum in pura hominis natura referiretur: imo sic ex natura per se, & necessario sequeretur illi esset tribuendum, à quo est natura. Confirmatur, quia cum anima sit ex nihilo à solo Deo producta, non apparet, unde habere possit maculas naturales. Pro tertio fundamento vtuntur hæretici autoritatibus sanctorum, præcipue Chrysostomi, quæ statim exponam.

**III.** Vnica propositio. In hominibus est peccatum, quod in conceptione sua, dū ex stirpe Adæ seminali generatione descendunt, contrahunt. Esse veritatem hanc vnum ex præcipuis fidei fundamentis, docet Augustinus. 1. contra Iulianum cap. 2. Præcipuum fundamentum eius est, illud ad Romanos 5. Per vnum hominem peccatum in hunc mundum intrauit, & per peccatum mors, & ita in omnes homines pertransiit, in quo omnes peccauerunt: & infra, Vnius delicto peccatores constituti sunt multi. Dupliciter respondent Pelagiani, primo Adam peccando fuisse quasi quoddam exemplar omnium hominum peccantium, & ita aiunt peccatum Adæ ad omnes transisse imitatione, non propagatione, quæ explicatio habetur in quibusdam commentariis. super 5. ad Romanos, quæ circumferuntur nomine Hieronym. quæ tamen fuisse scripta à Pelagio, docet Augustinus 1. contra Iulianum capite duodecimo, & Theodoret. in Epitome diuinorum decretorum cap. 11. & in Psalm. 50. eam indicat, & Erasmus ut illam defendat, non legit, in quo omnes peccauerunt, sed quatenus omnes peccauerunt, quod prius fecisset Iulianum docet Augustinus loco citato. Sed ei repugnant Concilia, & Patres, Trident. sess. 5. Arauiscanum II. cap. 2. Mileuitanum cap. 2. Tolentanum II. Canone 12. Innocentius III. epistola quæ est 93. inter illas Augustini. August. 4. contra duas epistolas Pelagianorum cap. 4. & lib. 1. de Baptismo paruulorum cap. 10. Ambros. Beda, & alii, & patet ex mente Diui Pauli. Primo, quia dicit peccatum Adæ ad omnes pertransisse: at vero non omnes imitantur Adam, tum quia

**I.**  
Error negans  
peccatum ori-  
ginale.

**III.**  
1. Propositio  
de fide  
ex Sacra. lit.  
& Patri-  
bus.

Erasmii  
euasio ex-  
pugnatur.



Quia in primis paruuli non imitantur, tum etiam, quia sunt multi, qui nihil audiuerunt de Adamo, vt obiicit Augustinus. *lib. 6. contra Iulianum cap. 12.* Præterea sequitur eos qui propria voluntate non imitantur Adamum, non egere gratia, neque esse filios iræ, quod est contra vim eorum verborum. *Per vnius delictum omnes homines in condemnationem:* & illud ad Galatas tertio. *Concluditur omnia Scriptura sub peccato, vt gratia Dei abundet:* tandem si esset sermo de imitatione, vel exemplari, potius Eux, vel dæmonis peccatum proponendum esset exemplum, vt Augustinus supra argumentatur, & affert illud Sapientie 2. *Imitantur eum, qui illius sunt.* Præterea ita dicit Paulus, peccatum Adæ ad posteros pertransire, sicut mortem: sed mors, non tantum imitatione, sed necessitate quadam deriuatur ad filios Adæ: ergo, &c. Confirmatur ex comparatione qua idem Paulus vtitur inter Adamum, & Christum, quæ habetur etiam 1. ad Corinth. 15. inquit enim ita peccatum Adæ deriuatur ad posteros, sicut iustitiam Christi ad regeneratos: hæc autem redundat propagatione quadam, non tamen imitatione: ergo. Tandem ponderari possunt illa verba, *Non sicut delictum, & ita donum*, nam iudicium quidem in vno in condemnatione, gratia vero ex multis delictis in iustificatione. Secundo Adam nos infecit vna culpa, Christus vero non solum illa, sed innumeris etiam peccatis nos liberat: non ergo est sermo de imitatione, nam isto modo multis peccatis inficimur imitantes Adamum, vt argumentatur Augustinus *lib. 1. de peccatorum meritis cap. 12.* Quapropter Theodoretus eo loco pie exponendus est, minus enim proprie loquitur, nam comparatione facta ad actuale peccatum non vult originale vocare culpam: vel certe docet peccatum Adæ, vt in illo est, non constituere nos peccatores, sed prout nos in illo peccauimus, nam alias bene illum in reseruire, ex eodem colligi potest.

IV. Altera-  
ratio.  
Secundo responderi potest Apostolum solum docere mortem, & similes pœnas ad nos provenisse propter peccatum Adæ, non vero culpam ipsam, vnde Chrysostomus *hom. 10. ad Romanos*, Adamo, inquit, peccante, & mortali effecto, qui ex eo orti sunt eos tales esse nihil habet absurdum, at ex illius inobedientia alteros peccatores extitisse, quam habet convenientiam, aut congruentiam? Idem homilia 39. in id ad Corinth. 1. cap. 15. in Adam omnes moriuntur morte (inquit) corporis non gehenna. & idem dicit Ambrosius *ibi*. Contra hanc vero expositionem faciunt omnia dicta contra priorem, & est contra omnem consensum Patrum, qui locum hunc interpretantur de culpa. Idem Augustinus *lib. 1. contra Iulianum initio* refert 11. patres, & inter alios Chrysostomum, cuius etiam quendam alium locum exponit: & idem sentit Dionysius *cap. 3. Ecclesiast. Hierarch.* Fulgentius *lib. de Gratia Christi contra Faustum*. Ambrosius *de fide ad Petrum cap. 2. & 25.* & Gregor. 4. *Moralium cap. 2.* & Anselmus in illum locum, *ad Romanos*, & libro conceptu Virginali; & Bernardus *epistola 190.* Et arguitur præterea ex vi ipsorum verborum, nempe, in quo omnes peccauerunt, & peccatores constituti sunt multi, quæ possunt sine metaphora intelligi: ergo ita intelligenda sunt iuxta regulas Patrum, maxime ita intelligente Ecclesia, & cum id sit consonum aliis Scripturæ locis, quæ partim adduximus, partim adducemus, & parabolis Evangelicis de oue perdita, drachma, & homine incidente in latrones *Luca 10.* quibus significatur totam naturam humanam fuisse semel infectam, vt Sancti vnanimiter interpre-

tantur. Arguit præterea Augustinus *Psal. 50.* quia pœna non transfunditur sine culpa, quod præcipue indubitatum est de pœna æterna spiritali, quia puniuntur paruuli, vt *sect. 6.* patet. Denique Paulus ait peccatum intrare in mundum, & per peccatum mortem: prius ergo ingreditur peccatum, quam mors: vnde concludit etiam ante legem peccatum regnasse, quia regnabat mors: addit tamen, quod tunc non imputabatur, id est, non reputabatur, nec cognoscebat ab hominibus, vt Anselmus, Ambrosius, & alii exponunt. Priora ergo Chrysostomi verba exponi debent eo modo, quo supra *num. 3.* respondimus Theodoro, non enim negauit culpam contractam ex Adamo, nam *ibidem* dicit peccatum Adæ totum mundum infecisse, & eos, qui non baptizantur mori in peccato, & *homil. 40. ad Romanos* clarius dicit Baptismum tollere radicale peccatum, & *homilia ad Neophytos*, & *homilia de Adamo & Eva*, & in id *Psal. quinquagesimi septimi. Alienati sunt peccatores à vulua: hic*, inquit, *originalis peccati ius in impiis elucet ab incunabulis.* In alio vero loco solum vult Chrysostomus peccatum originale non semper adferre mortem gehennæ: & idem est sensus Ambrosij, si eius sunt commentaria, quia aperte *ibidem* docet veritatem peccati originalis: ad hunc modum interpretanda sunt alia loca Chrysostomi, vt *homilia 17. in 1. ad Corinth.* & *homil. 24. ad Ephesios*, & alibi in quibus loquens pro concione ad populum baptizatum dicit illum non fore damnatum ob peccatum originale.

V  
Rationibus probatur secundo conclusio non quidem naturalibus, quia nullæ hic esse possunt, sed ex aliis principiis fidei sumptis. Prima ex generali redemptione Christi, est enim redemptor non solum quia gratiam præstat, sed præcipue quia à peccato liberat: liberat autem omnes homines, etiam paruulos, qui propria voluntate non peccauerunt, propter quod dicitur Agnus Dei, qui tollit peccata mundi, vbi multi legunt peccatum mundi, vt sit dictum propter peccatum originale dumtaxat, vt ostendit Eusebius *lib. 9. de demonstratione Evangelica cap. 5.* & ratio colligitur ex *cap. 3. ad Romanos*: omnes peccauerunt, & egent gloria Dei. 2. *ad Corinth. 5.* Si vnus pro omnibus mortuus est: ergo omnes mortui sunt: & ad Galatas tertio. 1. Petri. 3. Iob. 14. Quis potest facere mundum de immundo conceptum semine? lege Iustinum libro de recta fidei confessione, August. 6. contra Iulianum *cap. 4.*

VI.  
2. Ratio:  
Secunda ratio sumitur ex necessitate Baptismi in lege gratiæ, & circumcisione in lege Moïsaica, vel alterius remedij, sine quo paruuli non possunt consequi regnum cælorum, quod est de fide, quæ ratio colligi potest ex capite Maiores de Baptismo, & ex Leone *epistola octuagesima sexta*, & 93. quam bene prosequitur Cyprianus sermone de circumcis. Origen. *homilia 8. in Leuiticum*. Hieronym. *dialogo 3. contra Pelagi.* & Augustinus libro 4. de peccatorum meritis capite 24. & 16. de Civitate capite 26. ponderat illum locum *Genes. 17.* Masculus cuius preputij caro circumcisa non fuerit delebitur anima illa, quia irritum fecit pactum meum: quod, inquit, de pacto circumcisionis non posse intelligi, quia infans non transgreditur illud, sed de pacto contracto cum Adamo, quod omnes in illo transgressi fuimus, ad quod etiam Hieronymus *Osee. 6.* refert illa verba, sicut Adam transgressi sunt pactum meum: ibi (id est in Paradiso) preuicati sunt in me. Respondebunt Pelagiani paruulos non baptizari, vt deleatur eorum peccatum, neque vt sint beati, sed vt fiant hæredes regni cælorum,



rum: in quo responso multi sunt errores. Primus Baptismum non dari paruulis in remissionem peccatorum, contra Paulum ad Titum 3. & ad Ephesios 5. Secundus, paruulos posse esse beatos sine Baptismo, & Christi sanguine, contra 1. Ioannis cap. 5. & illud Pauli, in Christo omnes viuificabuntur. Vnde Augustinus epistola 28. Tercius beatitudinem simpliciter esse extra regnum celorum quem errorem notat Augustinus 1. de peccatorum meritis capite vigesimo. Quartus excludit paruulos à regno celorum absque peccato. Legatur August. libro 10. de sermone Domini. & libro 3. contra Iulianum, initio.

VII.  
3. Ratio.

Tertia ratio est Origenis homilia octaua in Leuit. quia in Scriptura multi iusti queruntur de die natali, & suæ conceptionis, & maledicunt, quod non facerent ratione naturæ: ergo ratione culpe. Idem etiam ponderauit Gregorius 4. Moralium capite quinto, exponens illud, pereat dies in qua natus sum, & c. huc referri possunt verba illa Psalmo 50 Ecce in iniquitatibus conceptus sum, quæ non possunt intelligi fuisse dicta propter peccata, quæ patentes in conceptione eius commiserunt, tum quia ex legitimo matrimonio natus erat, quod notauit D. Thomas 4. contra gentes capite 50. tum quia ibi David non accusat peccatum alienum, sed agnoscit proprium, ut Deum ad misericordiam flectat. loquitur ergo de originali, ex Hieronym. & Aug. ibi.

VIII.  
4. Ratio.

Quarta ratio est à signo, quia scriptura docet esse quorundam peculiare priuilegium, ut ante natiuitatem fiant Sancti, Luca primo. Ieremia 1. de Iacobo fratre Domini refert idem Hegelesippus apud Eusebium lib. secundo de historia capite 23. quod ego non assero. Si ergo est hoc singulare priuilegium, signum est alios concipi sine gratia: ergo in peccato, quia in homine creato ad finem supernaturalem non est medius status. Vide Augustinum libro 2. de peccato originali cap. 32. & Greg. 17. moralium c. 10. & patet ex Scriptura, nemo mundus à forde, neque infans, atque per hæc manet confirmata conclusio ex Patribus, & ex Conciliis.

IX.  
Ad f. n. la  
men. in n.  
1. & 2.

Ad fundamenta erroris contrarii. Ad rationes dicemus in sequentibus: ad Patres iam est responsum: ad illa verba Scripturæ fateamur nunquam filium puniri nisi ob culpam propriam, id est, quam in se habeat: de illo autem loco Exechielis satis multa diximus supra disp. 7. sect. 1. ad illa verba Pauli, referet unusquisque prout gessit. Anselm. de conceptu Virginis capite 18. exponit sic, prout meretur, & dignus est, vel aliter, prout gessit, vel propria voluntate, vel aliena. Vel certe hæc, & similia loca, ut in fine huius materiæ dicemus, de adulteris intelligenda sunt, nam illi proprie sunt iudicandi.

## SECTIO II.

### Quid sit peccatum originale.

Primum omnium statuamus, ut certum hoc peccatum non esse aliquem actum eius, qui in peccato concipitur, quod est euident, quia ille tunc non vitur ratione, neque miraculosè illuminatur, ut peccare possit. Vnde Augustinus lib. primo de peccatorum meritis capite 74. & 75. irridet quosdam Pelagianos, qui ad hoc tandem deueniunt, ut paruulos dicerent esse Baptizandos propter peccatum actuale, quod in conceptione committunt.

### Resiciuntur primum opiniones de essentia peccati originis & statuitur esse priuationem.

Prima ergo sententia omnino negat originale peccatum esse aliquid, quod inhereat in homine, qui ex Adamo nascitur, sed illud ipsum, peccatum, quod in Adamo fuit actuale, & ipsum intrinsece denominauit peccatorem, aiunt respectu nostri esse originale, quatenus illos omnes extrinsece denominauit peccatores. Et Alberti Pighij in controuersia de peccato originali, & Catherini opusculo de hac materia. Fundamentum eorum est, quia in puero nihil esse potest, quod veram, & propriam rationem peccati habeat, quia peccatum propriè est actus voluntarius: sed peccatum originale est propriè, & vere peccatum: ergo oportet illud etiam esse aliquem actum non proprium: ergo alterius, in quo reliqui peccauerunt, ad Romanos quinto, ubi etiam dicitur illo peccato omnes fuisse constitutos peccatores. Contra hanc sententiam sit sequens propositio.

Peccatum originale est aliquid à parte rei priuatiuum, vel positium intrinsece inhærens in homine concepto ex Adamo. Censèo conclusio-  
nem hanc esse de fide, patet ex Tridentino sessione quinta. Si quis dixerit illum (scilicet et Adamum) per inobedientiam peccatum mortem, & penas in omne genus humanum transfudisse, non autem peccatum, quod mors est anima, & anathema sit: & infra ipsius hoc Adæ peccatum, quod origine vnum est, & propagatione transfusum omnibus, id est, unicuique proprium, & c. quod sæpe ibi repetit, colligitur etiam ex omnibus adductis, in prima sectione, quia in re, prædicta sententia aufert à nobis originale peccatum. Confirmatur ex illo ad Romanos quinto, ubi homines non renati in Christo dicantur impij, peccatores inimici: & infra, sicut peccatum intrauit, ita & mors: mors autem intrat ad vnumquemque propria, ibidem etiam comparatur peccatum Adæ cum gratia Christi: gratia vero Christi transfunditur non per denominationem extrinsecam, sed per inhærentem iustitiam: ergo, & c. Præterea hæc est sententia Sanctorum Patrum, Hieronym. libro 3. contra Pelag. & aliorum.

Secunda sententia est quorundam Lutherorum, qui dicunt peccatum originale esse formam substantialem, quod sic explicant, dicunt enim hominem physicum, id est, constantem ex solo corpore & anima naturaliter aptum ad omnia opera humana, fuisse creatum in principio, atque illi fuisse additam quandam substantialem formam, vel substantialem gradum eiusdem formæ, per quam efficiebatur homo Theologicus diuinus, & ad imaginem Dei, capaxque diuinæ beatitudinis, & supernaturalis legis, & hanc formam vltimam dicunt esse mutatam in formam deterrimam, qua homo fit procliuus ad omnia vitia, & omnino ineptus ad bona, vnde concludunt primum hominem substanti-ali ratione fuisse conceptum, iamque non habere imaginem Dei. Vtuntur ad hoc monstruosum figmentum Scripturæ locis, in quibus homines dicuntur semen diaboli, & plantatio Sathana & habere cor lapideum, & similia. Confirmatur, quia peccatum legi Dei repugnat, & ideo dicitur iniquitas, i. Ioannis 3. Sed iam nunc nostra natura per suam substantiam est contraria legi Dei, ut colligitur ad Romanos 7. ergo, & c. Huius erroris auctor fuit Illyricus, quem impugnant

I.  
1. Opinio.

II.  
1. Propositio contra hanc opin.

III.  
2. Opinio seu figmentum quorundam hetericorum.



gnant alii Lutherani, revera tamen ille ex eorū doctrina hunc errorem hausit, nam etiam Lutherus, & alii dicunt peccatum hoc esse corruptionem naturæ, & per illud in hominibus esse deletam imaginem Dei.

IV. Secunda propositio. Originale peccatum neque forma substantialis, neque eius privatio, aut remissio, aut transmutatio esse potest. Hæc conclusio licet non sit definita his verbis: tamen tenenda est de fide, quia ex dicta sententia sequuntur apertissimi errores. Primus formam substantialem esse per se malam, & peccatum, quæ est hæresis Manichæorum ab omnibus Patribus damnata, ut suppono, ex prima parte D. Thomæ *quæst. 48.* & per se est impossibile quia peccatum est defectus, & iniquitas contra legem. Substantia vero ut substantia, non possunt ista convenire, legatur Augustinus 1. *contra Iulianum capite tertio, & libro 6. cap. 1. & lib. contra epistolam Fundamenti cap. 33. & 35 & de natura, & gratia cap. 19. & 20.* Secundus error, qui ex præcedente sequitur, est hominis animam esse corruptibilem, & transmutabilem in aliam. Tertius, quod necessario debet dicere Deum esse autorem peccati, vel aliquam rem esse, quæ non sit à Deo, quia illa transmutatio animarum rationalium ab ipso solo fieri poterat. Videatur Augustinus 1. *confessionum cap. 12. & libro contra Secundinum Manichæum cap. 3. & 13. in Enchiridio cap. 11. Basilii in libro, quod Deus non sit auctor malorum, & Ambrósii 1. Exameron cap. 8.* Quartus, quod hacratione coacti dicunt Dæmonem habere efficaciam ad istam transmutationem faciendam, quod est hæreticum, ut docetur in prima parte, viderique potest in *lib. de Angel.* & præerea id non potest intelligi, nam vel illæ formæ sunt spirituales, vel materiales, si secundum, er se erunt corruptibiles, & homo ratione illarum non erit capax Dei, neque formam mutabitur in formam, sed corruptetur vnum compositum, & generabitur aliud: quod tamen non sit sine physica alteratione, quam non semper peccatum efficit, alias homo peccando moretur: si vero spirituales sunt, per creationem incipiunt, & per annihilationem desinunt esse: quomodo ergo Dæmon habet efficaciam in illas? Videatur Augustinus *tractatu 4. in primam Canonicam Iohannis.* Quintus error, sequitur peccatum originale non auferri per Baptismum, quia nulla aufertur, nec datur substantialis forma. Sextus error sequitur, nunc eam mentem hominis, quæ in illo nunc est suprema, esse peccatum originale, & inclinare ad malum, quod est contra Paulum *ad Romanos 7. & ad Galatas 3.* ait ubi mentem, & rationem velle id, quod est bonum. Septimus error, sequitur Verbum divinum vel assumptisse formam illam substantialem, quæ est originale peccatum, quod est hæreticum, vel non assumptisse naturam eiusdem speciei substantialis cum nostra, quod est etiam hæreticum. Legatur Leo Papa *in epistola 11. ad Iulianum.* Octavus error, sequitur hominem beatum substantia, & essentia differre à viatore, quia non manent in illo ea forma, quæ est peccatum originale.

V. In ratione etiam naturali dicitur impossibilia hæc sententia: nam quæro quid intelligat per hominem physicum: aut enim illud est compositum ex corpore, & anima rationali vera, aut non. Si primum, ille homo habet intellectum, & voluntatem: ergo est ad imaginem Dei, nam hæc ratio imaginis in intellectu, & voluntate fundatur, ut docet Augustinus, Basilii, & alii, qui etiam tanquam hæresim damnant imaginem Dei in homine posse deleri per peccatum, licet

fuerit denigrata. Præerea talis homo est capax gratiæ, nam propter rationalem animam ut sic, est capax, iuxta illud August. *posse habere gratiam natura est hominum:* unde tandem ille homo habebit propensionem ad id, quod est honestum, & libertatem, & cetera, quæ isti hæretici negant: si vero dicit hominem illum physicum non esse rationalem, ipsi tanquam irrationales sunt omittendi.

Ad fundamentum expugnati erroris responderetur, omnia illa loca meta, homo continere, nam *cor hominis*, dicitur prauum, non quia substantia eius mala sit, alias cum dicitur *lapideum*, haberet lapideam substantiam, sed propter pravas cogitationes, & fomitem ex August. no 1. *contra duas epistolas Pelag. capit. 13.* & idem est de aliis: quod vero *ad Romanos 6.* dicitur *corpus peccati*, ideo dicitur, quia vel est peccatum subditum: vel quia est instrumentum peccati, vel verius propter defectus, quos ex peccato contraxit. Ad confirmationem responderetur, id quod est prohibitum lege, & illi contrarium, esse peccatum, tamen naturalem substantiam non esse prohibitam lege, neque omne id quod inclinatur ad operandum contra legem esse peccatum, licet interdum sit aliqua occasio peccati.

Tertia sententia est communis Lutheranorum, qui videntur putare peccatum originale esse concupiscentiæ fomitem, & totam eam inordinationem potentiarum, quam in nobis experimur: dicunt enim hoc peccatum esse tenebras in intellectu, auersionem in voluntate, contumaciam in corde, & vitiorum omnium originem, quæ opinio in sensu quo ab ipsis asseritur, est hæretica: ad eam non nihil accedit quorundam Scholasticorum sententia dicentium peccatum originale esse concupiscentiam ipsam, quam videtur tenere Magister 2. *distinct. 36.* Sed in sequentibus partim hoc explicabimus, partim impugnabimus.

Sit ergo tertia propositio. Id quod verè, & formaliter est originale peccatum, non consistit in concupiscentia, neque in aliquo defectu potentiarum hominis, qui veluti naturalis sit, & in homine in puris naturalibus creato reperi possit, vel esse in homine iam iustificato. Hæc est contra sensum Lutheranorum, ac probanda est ex illo principio, peccatum originale esse id quod per Baptismum aufertur, neque manet in renatis, ut Concilium Tridentinum *sessione 5.* definit, & patet ex illo ad Titum 2. *mundaret sibi populum acceptabilem*, & ad Romanos 5. *Sicut per vnum hominem*, & infra, *nam sicut delictum, ita & donum:* & infra, *ubi abundavit delictum, superabundavit gratia*, ex quibus habetur gratia Christi esse directe contrariam peccato contracto ex Adamo: quod etiā habet *cap. 8.* quod incipit, *Nihil ergo est damnationis his, qui sunt in Christo*, & *cap. 6.* *Qui mortui sumus peccato, quomodo vivemus in illo:* & tandem 1. *Iohannis. sanguis eius emundat nos ab omni peccato.* Confirmatur, nam in renatis nihil est quoddam impediatur introitum in regnum celorum, nisi id propter quod tollendum Baptismus institutus est: hoc autem est originale peccatum: ergo tale peccatum nihil est aliud, quam vera animi culpa. Maior patet Iohannis 3. *Nisi quis renatus fuerit ex aqua & c. Mar. 16. Qui crediderit & baptizatus fuerit saluus erit.* id est, si ipse aliud impedimentum non apponat, ex Augustino in *Enchiridio cap. 66. & 67. & lib. 21. de Civitate capite 16.* atque aliis in locis id confirmat, qui etiam videri potest libro 1. *contra duas epistolas Pelag. cap. decimotertio.* Vbi radicatus auferri dicit peccatum originale, non radi per Baptismum, & Chrysostom. *homil. 40. ad Corinthios, & homil. ad Neophytos, & epistola ad Ctesiphontem, & Nazianzenum.*

IV. Ad fundam. in n. 3.

Ad confirm. ibid.

VII. 3. Opinio Lutheranorum.

Quorundam catholicorum placitum.

VIII. 3. Propositio contra proximam opinionem.



& Nazianz. oratione de Baptismo, & Epiphani. heresi 37. & 66.

IX.  
Probatur  
iam 3. propo-  
sitis.

Ex hoc ergo fundamento colligitur primo concupiscentiam non ut significat actum, sed ut significat appetitum sensitivum, quatenus proclivis est ad sensibilia, & potest contra rationem moveri, peccatum non esse, atque adeo, nec originale. Confirmatur, quia hæc concupiscentia non est defectus voluntarius contra legem, neque avertit hominem à Deo. Antecedens patet, quia nulla est lex, qua teneamur non habere istam concupiscentiam, vel habere iustitiam originalem, ut supra diximus, de quo videri potest Epiphani. contra quandam antiquam hæresim *tomo 1. heresi 64.* Secundo colligitur eadem ratione tota conclusio, quia omnis defectus potestiarum hominis est veluti naturalis: licet enim modo, ut infra dicemus, ex peccato originali deriuatur, tamen per se etiam sequitur ex natura hominis, & esset in puris naturalibus: non ergo potest habere rationem peccati originalis, cum etiam eiusmodi defectus maneant in renatis, unde neque tenebræ intellectus, neque duritia cordis, &c. ad essentiam originalis peccati pertinere dicuntur, licet sint eius pœnæ, ut decemus, non tamen maiores, aut grauiiores nunc, quam in puris naturalibus esset, prout infra exponemus.

X.  
Obiectio  
Lutherano-  
rum.

Sed obiciunt Lutherani, quia concupiscentia repugnat legi mentis: ergo est peccatum, ideo enim à Paulo appellatur peccatum ad Roman. 7. & alibi, & August. *libro primo contra Iulianum, initio*, propter hanc concupiscentiam dicit renatos non omnino carere vitio, refertque multos Patres, & *lib. 5. cap. 3.* dicit concupiscentiam non tantum esse pœnam, sed etiam peccatum, & ideo non esse laudandam. Respondetur, hæc probant concupiscentiam esse defectum, & vitium quoddam naturæ, non ut vitium significat peccatum, sed ut importat imperfectionem quandam. Neque refert, quod hæc concupiscentia moueat ad operandum contra legem, quia inde solum sequitur posse esse occasionem peccati, non vero ipsam esse formaliter peccatum, quia non est ipsa formaliter contra legem, cum non sit in se prohibita, & ita satis patet Augustini sensus in primo loco. In secundo vero, dico primo, loqui de concupiscentia prout est in homine antequam sanetur per gratiam, quam ipse vult aliquo modo, id est, materialiter pertinere ad hoc peccatum, ut patet etiam ex libro 1. de Nuptiis *cap. 6.* Quod quomodo verum sit infra dicemus. Secundo dicitur Augustinum solum voluisse contra Iulianum, concupiscentiam non esse laudandam, quia non solum est pœna, sed etiam inclinatur ad culpam. Unde non potentiam ipsam, sed actum ab illa manantem vult esse peccatum, non originale, sed actuale, & accedente aliquo consensu voluntatis, ut ex toto contextu colligitur.

XI.  
4. Opinio.

Quarta sententia est quorundam, peccatum originale esse qualitatem quandam naturæ corruptæ in hærentem: quam explicant dicentes ex Adami peccato factum esse, ut voluntas eius fuerit infecta quadam qualitate inclinante ad creaturam, ex qua inquirunt, redundavit ad corpus eius aliqua qualitas morbida, quæ in ipsa generatione postea coniungitur semini, quod format corpus naturali qualitate infectum, quod fit, ut cum primum anima infunditur tali corpori, qualitas, quæ est in carne, efficiat in anima etiam illam pravam qualitatem, hancque dicunt esse peccatum originale essentialiter, quia ipsa est quæ animam inclinatur ad creaturas, & avertit à Deo: prædictam vero quali-

tatem corporis dicunt esse peccatum originale causaliter, & quia etiam ex peccato parentis nascitur. Hæc sententia tribuitur Magistro secundo distinct. 30. & decimo, licet non satis eam explicet, ut potius videatur loqui de concupiscentia: defendit tamen illam Gregorius Arim. ibi. sic intelligens Magistrum, & Henricus quodlibeto secunda, questione undecima & Driedo libro secundo de gratia, & libero arbitrio, sub finem, & Michael Baius de peccato originis. Confirmant sententiam ex Augustino libro primo de Nuptiis, capite vigesimo tertio, & 25 dicente concupiscentiam esse hoc peccatum, causam vero esse affectionem malæ qualitatis: & capit. 21. carnem hominis vocari carnem peccati, propter morbidum quandam affectum: & 1. contra Iulianum capite 7. animam corpori infusam maculari tanquam à vase vitiatum, quæ sententia est improbabilis, ut melius ex dicendis patebit.

Sit ergo quarta propositio. Peccatum originale non est positiva qualitas addita animæ, vel potentis eius. Est communis Theologorum infra citandorum. Probatur, quia ratio peccati præcipue habitualis, non potest consistere in qualitate positiva, sed in defectu, ut supra ostensum est: peccatum autem originale est quoddam habituale: ergo. Confirmatur, nam vel illa qualitas est peccatum ratione solius positivæ, quod habet in homine: & hoc primo est contra rationem mali, & peccati, ut supra ostendimus: deinde sequitur Deum efficere peccatum formaliter, nam efficit totam illam qualitatem. Vel est peccatum ratione alicuius privationis adiunctæ, & hanc non explicant prædicti autores: neque potest esse aliqua, ad quæ sit necessaria qualitas contraria. Secundo, totus ille modus, quo explicatur illa sententia, est commentitius, nam ex peccato Adæ solum potuit resultare in voluntate eius aliquis habitus pravius, qui non est peccatum, ut ostendimus supra, ab illo autem habitu nihil deriuatur ex natura rei ad corpus, nisi forte quis dicat: quod Gregorius indicat, qualitatem illam processisse ab habitu serpentis, quia autor libri Hypognofticon in 4. libri initio, dicit peccatum originale natum esse ex fetu serpentis: sed hoc est ridiculum, nam autor loquitur metaphorice, & Dæmon per se nullam qualitatem potest efficere: per serpentem autem posset efficere qualitatem nocivam corpori: non animæ. Et eodem modo facile reiicitur, quod dicunt alii cibum ve titum effecisse illam qualitatem: nam si cibum aliquid efficeret, illud pertineret ad commodum, vel incommodum corporis, non animæ, illudque potius esset salubre, ut colligitur ex Augustino de Civitate capit. 12. Tertio, quidquid fuerit de Adamo, ille modus communicationis prædictæ qualitatis ad posteros est etiam impossibilis, quia illa qualitas aliquem effectum formalem habere debet, atque adeo determinatum subiectum: effectus autem in hac sententia erit proclivem facere animam ad vitia: quare subiectum eius erunt potentis ipsæ: non ergo potest esse illa qualitas in semine subiectivæ. Præterea esto in illo esset, non posset efficere qualitatem spirituales in animâ. Denique quidquid est in potentis animæ, inclinans illas ad actus, habet rationem habitus, qui non potest esse peccatum, ut sæpe dixi. Unde confirmatur ultimo, nam sequitur peccatum originale manere in renatis, siquidem in illis manet omnis qualitas positiva, quæ antea erat, & inclinatio ad obiecta sensibilia.

Nec testimonia ex Augustino vrgent, quod enim ait concupiscentiam esse morbidum affectum,

XII.  
4. Propositio  
contra  
preced. opi-  
nionem.

XIII.



Ad suasio-  
nes ex Au-  
gust. in n.  
11.  
etum, vel affectionem prauæ qualitatis, non est  
intelligendum esse affectionem à praua qualita-  
te proueniente, sed esse affectionem prauam ip-  
sius appetitus, qui est quædam qualitas, & esse  
languorem eius: qui tamen languor, & affectio  
solum addunt appetitui priuationem quandam  
vt infra magis exponemus.

XIII.  
5. Opinio.  
Quinta sententia est dicentium hoc peccatum  
non esse puram priuationem, sed positium ali-  
quid cum priuatione. Ita Caietanus *prima secunde*  
*quest. 82. art. 1. & 3.* qui illud positium vocat qua-  
litatem, vel habitum corruptum. Idem Capreo-  
lus *2. distinct. 3.* & Ferrariensis *quarto contra gentes ca.*  
*52.* qui volunt positium illud esse ipsam volun-  
tatem, nimirum conuersam ad bonum commu-  
tabile. Fundamentum eorum est obscura quædā  
verba D. Thomæ illa *q. 82. art. 1. ad 1.* peccatum o-  
riginale non esse priuationem puram, sed inclu-  
dere habitum corruptum.

XV.  
5. Proposi-  
tio bipari-  
tita con-  
tra quintā  
opin.  
Sit tamen quinta propositio. Essentia origi-  
nalis peccati in priuatione aliqua vere, & pro-  
prie in homine existente, & suo modo inhæren-  
te consistit, nihilque reale positium includit:  
quod in homine inhæreat. Est communis Theo-  
logorum, & prior pars satis patet ex dictis, osten-  
sum est enim nihil pure positium posse esse hoc  
peccatum essentialiter. Vltimam partem proba-  
mus: nam si aliquid positium includitur in essentia  
originalis peccati, illud certe est in anima, vt  
per se constat, & infra etiam patebit: ergo vel  
est ipsamet essentia animæ: & hoc non, quia  
illa est subiectum peccati, non peccatum: ac  
per se bona: vel est aliqua potentia eius, & hoc  
non propter easdem rationes, vel aliquid addi-  
tum potentiæ, & essentiæ, quod etiam falsum  
est, nam rationes factæ contra quartam senten-  
tiam probant nullam qualitatem esse additam  
animæ, præter hoc peccatum, & licet addita es-  
set, non posse pertinere ad essentiam peccati, ne-  
que vt est pars, neque vt totum.

XVI.  
Enasio im-  
pugnatur.  
Dices illud positium esse modum quandam  
ipsius voluntatis, qui ab ipsa realiter non est di-  
stinctus, & consistit in quadam nimia propensio-  
ne, & conuersione voluntatis ad creaturas. Sed  
hoc est intelligibile, quia talis propensio, quate-  
nus est idem cū voluntate, est ipsa essentia eius,  
quia est aliud nihil, quam propensio ad bonum,  
quæ neque potest augeri, neque mutari in ipsa  
voluntate, quia voluntas ipsa est immutabilis  
entitas, & in se, neque recipit magis, neque mi-  
nus: vnde euidēs est hominem creatum in puris  
naturalibus non aliam propensionem, neque  
aliud modum habiturum in voluntate per se  
ipsam, quam habeat homo genitus ex Adamo:  
quia vterque homo haberet essentiam, & poten-  
tias, quæ in se inalterabiles sunt: & neuter ha-  
beret alias entitates. Confirmatur, nam con-  
uersio ad creaturas non habet rationem peccati,  
præcipue originalis, nisi sit ad creaturam, vt  
ad vltimum finem, voluntas autem pueri non  
est isto modo conuersa ad creaturam: nam po-  
tius est magis propensa ad Deum vltimum fi-  
nem, quam ad omnem creaturam, sicut esset vo-  
luntas hominis in puris naturalibus, præter-  
quam quod illa conuersio non est physica, vt  
constat, neque etiam moralis, quia isto modo so-  
lum esset conuersio actualis Adæ imputata pue-  
ro, quod esse non potest, vt contra primam sen-  
tentiam partim ostendimus, partim dicimus  
in sequentibus: Confirmatur præterea, quia ad  
delendum originale peccatum non est per se ne-  
cessaria actualis conuersio ipsius hominis ad De-  
um, cum voluntas eius non fuerit conuersa ad  
*Suarez in primam secunda D. Thom.*

creaturam, vt ad vltimum finem, propterea e-  
nim, vt dicimus, peccato originali non tribui-  
tur pœna sensus. Tandem in Baptismo nihil po-  
sitium tollitur ab homine, & tamen totum il-  
lud tollitur, quod est de essentia peccati origina-  
lis: D. Thomas autem (vt ad illius obscura verba  
citata *num. 14* respondeamus) cum ait originale  
peccatum non esse solum priuationem, non  
loquitur de eius tantum essentia, quæ ab eodem  
in *art. 3.* dicitur formale huius peccati, ponitur-  
que in priuatione: sed loquitur de inordina-  
ta dispositione partium animæ, quæ ex peccato  
originali nascitur, & vocatur ab ipso materiale  
huius peccati, propter Augustinum, ac languor  
naturæ, & in hoc includitur aliquid positium,  
prout exponemus agentes de effectibus huius  
peccati in *sect. 5.*

Sed obieciēs. Peccatum originale in nobis est  
simile peccato habituali, quod in Adamo per-  
mansit transacto actu, quod indicat Trident.  
*sess. 5.* cum dicit originale peccatum esse vnum  
in suo principio: sed illud habituale non consi-  
stebat in sola priuatione, sed in deordinata con-  
uersione ad creaturas: ergo. Respondeo in Ada-  
mo transacto actu nihil mansisse quod vere, &  
physice in illo fuerit, sed solam priuationem,  
quatenus voluntaria ex ordine ad actum præce-  
dentem: aliquid etiam mansit secundum mora-  
lem estimationem, & huiusmodi fuit conuer-  
sio ad creaturas, & malitia eius: peccatum ergo  
originale in nobis est simile peccato Adæ secun-  
dum priorem rationem, non secundum poste-  
riorem, quia illa conuersio, quatenus ex ob-  
iecto continebat particularem malitiam, erat  
personalis, & ideo tota pœna sensus illi respon-  
dens soli Adamo erat debita, auersio autem à  
Deo, erat ab illo, vel in illo; vt à capite, quia  
nos solum censebamur contineri in illo, in  
his, quæ ad Deum pertinebant, imo tantum  
in ordine ad dona superaddita naturæ, vel pri-  
uationem eorum, quæ omnia magis ex sequen-  
tibus patebunt. Dices: nam paruulus manet a-  
uersus à Deo: ergo habet aliquam conuersionem  
contrariam. Respondeo negando consequen-  
tiam, nam id non sequitur in peccato actuali, nō  
in habituali, & præcipue originali, quod non fit  
per proprium actum. Sed iam supersunt duo ex-  
plicanda. Primum, quare prius istud peccatum?  
Secundo, quomodo illi priuationi conueniat  
ratio peccati? primum variis modis explicatur à  
Theologis, quia tamen arbitror omnes in re  
conuenire.

### Cuius forma peccatum originale sit priuatio.

Sit sexta propositio. Peccatum originale per  
se est habitualis auersio à Deo sine supernatu-  
rali, vnde priuat iustitiam, seu, quod idem est,  
charitate, & gratia, quatenus hominem conuer-  
tunt ad vltimum finem supernaturalem, scilicet  
Deum. Est communis Theologorum, & proba-  
tur primo, quia originale peccatum essentiali-  
ter est illa priuatio, quæ in Baptismo primo, &  
per se auertur. Quæ regula ad cognoscendū ori-  
ginale peccatū colligitur ex Cōcilio Mileuitano  
*canone 2.* dicente, peccatum originale esse id quod  
debet in Baptismo mundari: & Tridentino  
dicente Baptismo tolli id, quod necessario pec-  
cati rationem habet: sed nulla alia priuatio au-  
fertur per Baptismum per se primo nisi priuatio  
gratiæ, & charitatis, & consequenter etiam tol-  
litur priuatio aliarum virtutum, quæ Baptismū

XVII.  
Obiectio.

Solutio.

Instantia  
diluatur.

XIIX.  
6. Proposi-  
tio.



consequuntur: ergo, &c. Secundò peccatum originale est priuatio alicuius perfectionis in homine inhærentis, & non naturalis, quia naturalia manent integra post peccatum: ergo supernaturalis: ergo illius doni, & perfectionis quæ mentem hominis ad Deum vltimum finem conuertit, quia peccatum, vt sic, auersionem dicit ab vltimo fine. Tertiò originale peccatum formaliter, & per se est mors animæ, iuxta Tridentinum *supra*, & Arausican. *ca. 2. sed mors animæ est ca. entia gratiæ, & charitatis, in quibus vitæ eius consistit. Quartò peccatum originale in nobis est simile peccato habituali, quod in Adamo mansit: sed illud consistebat in priuatione gratiæ: ergo &c.*

**XIX.** Ex hac conclusione intelligitur primo quo sensu dixerit Anselm. *lib. de peccato originali.* originale peccatū esse priuationem originalis iustitiæ, quem secuti sunt Thomistæ 1. 2. q. 81. art. 5. ad 2. & 82. art. 2. 3. & 4. Bonauentura, Scotus, & alii d. 30. & 31. Alensis. 2. parte q. 122. qui sub iustitia originali gratiam sanctificantem comprehendunt, vt D. Thomas 1. parte *quest. 95. & 100.* notauit & clarius in 2. *distinct. 32. q. 1.* dicit iustitiam originale non differre à gratia gratum faciente quoad illum effectum, cui contrarium est originale peccatum. Et eodem sensu sumendum est quod dicit q. 4. *de malo, art. 1. ad 11.* vbi indicat peccatum originale esse iustitiæ indignitatem, Scotus *supra* clarius dicit hoc peccatum esse priuationem gratiæ, quæ debebat inesse. Quocirca intelligendum est primum effectum originalis iustitiæ fuisse subdere animam Deo, id est, illam conuertere ad supernaturalem finem, postquam habebat alios, vt rationem inferiorem subiiceret superiori, & appetitum sensitium voluntati, & corpus animæ: non est ergo intelligendum peccatum originale dicere priuationem iustitiæ, vt omnes hos effectus cauebat, al'as hoc peccatum non plenè deleteretur in Baptismo, neque ipsi Adamo fuisset vnquam omnino remissum. Solum ergo priuatio iustitiæ quantum ad primum effectum, qui est quasi primarius, & essentialis, pertinet ad essentiam originalis peccati: & magis vtuntur Doctores nomine iustitiæ, quam gratiæ, quia in sua origine homo illam habere deberet: priuatio autem reliquorum effectuum pertinet quidem ad rationem pœnæ, non ad essentiam culpæ: cuius ratio est, quia solus ille primus effectus est per se necessarius, vt homo sit verè, & simpliciter conuersus ad suum vltimum finem, & amicitiam eius conseruet, & beatitudinem consequatur: alii vero non erant huiusmodi, sed veluti proprietates pertinentes ad ornamentum illius status. Vide Sotum *lib. 1. de natura, & gratia cap. 4. & 5.* & quæ diximus in opere sex dierum.

**XX.** Secundò infero sine causa Caietanum, Canariensem, Sotum, & alios laborare, & in se disceptare, dum quidam eorum negant originale peccatum esse priuationem iustitiæ, vel gratiæ: cum tamē concedant esse priuationem subiectionis ad Deum, quā efficiebat iustitia. Alii dicunt vnum esse primum, alium esse secundarium. Alii neutrum istorum esse, sed auersionem à Deo. Verum hæc omnia solum sunt distincta verba, vnde non sibi constant dum vnum concedunt, & aliud negant, quia idem est priuari forma, & priuari effectum formali formæ, vnde idem est priuari iustitia, & subiectione ad Deum. Similiter auersio nihil aliud est quam priuatio conuersionis: conuersio autem, & subiectio ad Deū

idem sunt, quæ omnia etiam satis patent ex polita forma, quæ omnia ista tolluntur.

Tertiò infero peccatum originale in essentia sua non includere auersionem à Deo sine vltimo nature, sed solum vt est finis vltimus gratiæ. Quod patet ex dictis, quia peccatum hoc non priuat aliqua perfectione naturali: conuersio autem ad Deum, vt finem naturæ, naturalis est. Confirmatur, quia paruuli, qui decesserunt in solo peccato originali, sine dubio diligunt Deum super omnia, vt finem naturæ: habent ergo illum pro vltimo fine. Propter quod aliqui probabiliter putant fore beatos beatitudine naturali, de quo *infra sect. 6. propos. 3.* non nihil fortasse dicam, neque est inconueniens eundem hominem esse auersum à Deo sine supernaturali, & conuersum ad eundem, vt est finis naturæ, quod Caietanus 1. *quest. 109.* late disputat *art. 3.* dicemusque inferius.

Sed obijciens. Adamus post peccatum mansit auersus à Deo sine naturæ, & à Deo sine gratiæ: ergo similiter posterius. Confirmatur: nam iustitia originalis etiam conuertebat hominem ad Deū finem naturæ. Ad primam partem nego consequentiam, quia Adamus proprio actu se se conuertit ad creaturam, & contra ipsam etiam naturalem rationem, & legem peccauit: sed hoc, vt particularis persona, quia nos solum censebamus contineri in illo ordine ad supernaturalem legem. Ad confirmationem negatur assumptum. Nam iustitia originalis supponebat eam perfectionem, quæ omnino naturalis est, & quæ esset in homine in puris naturalibus, qualis est conuersio ad Deum finem naturæ, iustitia vero iuuabat ad conseruandam: & tuendam talem conuersionem.

### Quomodo explicata priuatio rationem peccati habeat.

Iam sequitur inquirendū, quomodo hæc priuatio veram habet rationem peccati, Parisiensis libro de vitiis, & concupiscentiis, negare videtur hoc esse vere, & proprie peccatum, & eodem modo loquitur Ruardus *art. 2. contra Lutherum, & Durandus. 2. distinct. 30. q. 2.* qui in tertia dicit esse reatum pœnæ: quomodo loquitur D. Augustinus 3. *contra Iulianum capite 3. & 1. retractationum capite 15.* sit tamen

Septima propositio. Priuatio hæc est vere, & proprie peccatum, quatenus est voluntaria auersio à Deo sine supernaturali, & legi eius eo modo contraria, quo sunt reliqua actualia peccata. Prima pars conclusionis videtur de fide, ex his, quæ in prima sectione dicta sunt, vbi etiam ostendimus Sacras literas de hoc pacto loquentes proprie esse intelligendas: nam si improprie exponantur, solum concludetur in nobis esse pœnam peccati, cum tamen Tridentinum *supra* tolli docet per Baptismum id, quod proprie, & vere peccatum est. Confirmatur, quia nihil est mors animæ, nec constituit hominem inimicum Deo, & odio dignum, nisi verum peccatum, & hæc est etiam sententia Augustini libro secundo de peccatorum meritis capite trigésimo quarto, & tertio, contra Iulianum sape: quare in aliis locis loquitur large explicando rem per effectum.

Vt autem exponamus secundam partem conclusionis, supponendum est quod in opere sex dierum libro 3. cap. ult. latius tradimus, Deum in prima hominis creatione, postquam instituerat primum hominem rectum, & constituisse illum

XXI.  
Vltimum  
corollar.

XXII.  
Obiectio.

Resoluitur.

XXIII.

XXIV.  
7 Propositio  
bipartita.

XXV.  
Præmissa  
pro suadenda  
aliter  
caput parit.



caput totius posteritatis suæ, à quo voluit vitam spiritualement, & mortem eius posteritatis pendere, vnde intelligendum est, ita pepigisse cum illo, hanc quam precipio legem fideliter custodieris iustitiam, & gratiam meam, & tibi, & omnibus tuis posteris conseruabis, si vero pactum meum irritum feceris omnes mihi reddes inimicos. Quemadmodum pactionis Soto 1. de natura, & gratia cap. 10. & quidam alii irridunt tanquam non necessarium ad rem hanc explicandam. Tamen Pighius & Catherinus supra. illum admittunt, & antea Scot. distinct. 31. & melius August. 16. de Ciuitate de cap. 27. sic exponens verba illa Genes. 17. Pactum meum irritum fecit, vt supra vidimus, & Hieronym. Osee 6. vt supra etiam attulimus. Esse autem conueniens tale pactum, vt peccatum Adæ ad omnes eius posteros pertineat, neque esse satis illum fuisse primum principium, & quasi naturalem stirpem posteritatis suæ, liquet; quoniam alias omnia peccata parentem pertinerent & transfunderentur ad filios, & omnia reliqua peccata Adæ ad nos ipsos; ergo communicatio originalis peccati non fundatur in sola natura, aut naturali lege: ergo in positua à Deo lata, & in peculiari modo, & ratione imponendi: quod totum vocamus pactum iuxta vñtatam pharasm Scripturæ, & quia ex vtraque parte continebat equalitatem, ac veluti mutuam obligationem, ideo factum est, vt ex solius Adami inobedientia omnium filiorum, quos naturaliter procreauit inimicitia, vel amicitia erga Deum penderet: & hoc est voluntatem Adæ moraliter coram Deum reputatam fuisse totius naturæ voluntatem, cum dicimus, omnes in eo peccare, Rom. 5. vel in paradiso transgressos fuisse pactum eius, Osee 6. Sic etiam Augustinus 1. de Baptismo paruulorum cap. 10. Omnes peccauerunt, quia omnes vnus homo fuerunt: & Basilus homilia de ieiunio, Omnes cecidimus, quia omnes in primo parente non ieiunauimus, & Fulgentius libro de incarnatione, Omnes testamentum Dei transgressi fuimus transgrediente primo parente. & Origenes ad Romanos 6. Adamo stante stetimus, & eo declinante à via recta omnes declinauimus. Fortasse tamen necessarium non fuit Deum totum hoc pactum, & negotium reuelare Adæ, quia ipsius expectans consensum, sola enim Dei voluntas sufficiebat, vt ex dicendis magis patebit: non est tamen improbabile Adamum explicitè cognouisse totam voluntatē, & pactum diuinum, vt ei omne bonum, & malū quod in eius actu esset, cognoscere posset, ac magis proprie censeretur voluntarie obedire, vel repugnare, non vt particularis persona tantum, sed vt caput, vt in hoc sensu intellexerit illa verba, in quacumque die comederis, morte morieris.

XXVI. Ex quibus facile intelligitur primo carentiam iustitiæ, & gratiæ in qua nunc nascimur, proprie habere rationem priuationis mortalis, quia subiectum proxime aptum erat illam habere & ex lege diuina habere illam deberet, & in suo capite iam illam habuit, & per idem caput se illa priuauit.

XXVII. Secundo constat quomodo peccatum hoc pos sit dici contra legem naturæ, quia scilicet omnino est contra illud præceptum quod tota natura humana recepit in suo primo parente, nam licet præceptum proxime obliget ad actum, & ad obediendum Deo etiam ex consequenti obliget ad retinendam diuinam amicitiam & habendum Deum pro vltimo fine. Adde præterea non oportere vt peccatum, quod est per modum habitus immediate, & per se sit contra legem, sed satis est esse contra actum per voluntatem inprimam secunda D. Thom.

tariam præcepti transgressionem, de quo vide Augustinum 16. de ciuitate cap. 27.

Tertio colligitur quomodo peccatum originale dici possit voluntarium, non voluntate propria sed capitis, quia scilicet secundum moralem & prudentem existimationem, quasi omnium filiorum eius voluntas reputanda est, quod bene exponit Augustinus 1. retractationum cap. 15. Et potest sic declarari: nam si quisque nostrum sponte sua voluntatem propriam ita in voluntate alterius transferret, vt quod ille veller, id se velle profiteretur, iam posset moraliter dici voluntate alterius velle, quod ille vult: ad hanc ergo rationem intelligendum est Deum voluntatem omnium nostrum in Adami voluntate posuisse quo ad amicitiam, & inimicitiam erga Deum, vt scilicet penderet ex obseruatione illius præcepti, quod non solum iuste, sed etiam rectissime, magisque in nostrum commodum facere potuit Deus non expectato nostro consensu, non solum quia erat supremus Dominus nostræ voluntatis, & rerum nostrarum gubernator sed etiam quia totum illud pactum erat in nostrum commodum, & bonum: propterea enim præstitit Adæ gratiam, auxilia, & dona omneque interiores inimicos abstulit, & vnum tantum, ac leuissimum præceptum illi tanquam capiti imposuit, vt esset magis idoneus ad obediendum, atque adeo ad conseruandum nobis iustitiam quam ad peccandum. Adde præterea totum hoc negotium, de donis supernaturalibus fuisse, sine quibus homo ex natura sua nasci deberet, etsi nullus peccasset: vnde omnia ista fuisse conferenda Adamo, & nobis, illo perseuerante, summa erat iustitia: quod si nobis nullum sit peccatum actuale, nullum quoque sit nocumentum in naturæ bonis, quæ ipsi ex se debita sunt.

Alio modo explicari potest ex D. Thoma questione illa 81. art. 1. ex similitudine à corpore, & membris vnus corporis humani desumpta. Nā sicut actio manus licet voluntate ipsius manus non sit voluntaria, attamen quia relata ad voluntatem voluntaria est, idem censetur peccatum. Ita inquit, quia tota Adæ posteritas quasi corpus vnum consideretur, cuius ipse erat caput & voluntas totius corporis, censetur moraliter in capite residere, ideo defectu paruuli, licet illius voluntate non sit voluntarius, tamen relatus ad voluntatem capitis, est voluntarius, & ideo peccatum. Quæ analogia confert quidem ad rem exponendam, non tamen putandum est similitudinem tenere in omnibus, sed in his tantum, quæ per se sunt necessaria: scilicet quod sicut omnia membra naturalia efficiunt vnum totum, quod vna voluntate regitur. Ita & Adam, & omnes posterius eius, qui in ipso virtute continebantur, moraliter constituunt vnum corpus, quod etiam vna lege, & voluntate tunc regebantur: deficit vero similitudo, quia vnio ibi est naturalis, hic tamen moralis, & ex pacto Dei, non ex sola natura rei orta, & ideo in illo exemplo peccatum membri, & capitis vnum omnino est: hic autem in singulis membris peccata sunt singula, & distincta, & peccatum solum est vnum propagatione, & origine: hic etiam fit, vt peccatum membri tantum dicatur peccatum denominatione extrinseca: at vero peccatum originale, licet non sine ordine ad extrinsecam voluntatem sit peccatum, in se tamen intrinsece est peccatum, quia non est per modum actus, sed per modum habitus, & in subiecto apto.

Ex quo etiam soluitur difficultas, quæ esse posset 4. Cor.

XXVIII. 3. Consect.

XXVIII.

XXX.

Oo 2



posset in hac, & præcedente propositione. Nam illa priuatio, quæ est in nobis, est à Deo, & est pœna peccati Adæ, & effectus eius: quomodo ergo potest habere propriam: & veram rationem culpæ, ea enim soluenda sunt eo modo, quo soluimus similia cum de peccato habituali ageremus: priuatio enim gratiæ non est à Deo influente, sed non agente, & adhuc eo modo non est ab illo formaliter quatenus est peccatum, sed ut est veluti materiale peccati, sic enim potest esse pœna peccati Adæ: sic etiam vnum peccatum possit esse effectus alterius, & lato modo pœna contracta ab ipso.

XXXI. Ex his manet solum primum fundamentum, quod in præcedenti sectione num. 1. Pelagiaua hærelis asserbat, nam licet repugnet peccatum nullo modo esse voluntarium, atque adeo esse prorsus naturale, & necessarium tamen non repugnat esse tantum voluntarium: moraliter, voluntate alterius suppositi, & præcipue, quando tale peccatum non actuale, sed habituale est, & eodem modo repugnat esse naturale, id est cum ipsa natura in generatione contractum, & necessitate quadam, supposita priori voluntate. Ad primam confirmationem latius infra, nunc breuiter dicitur æqualitatem esse in hoc seruatum, quod sicut inobedientia Adæ nobis nocuit, ita profuisset obedientia si obediret, ut caput, non ut particularis persona, quia totum pactum Dei ad solam illam legem de non manducando cibo referebatur. Secunda confirmatio non indiget solutione, nam Deus non imputat nobis alienum peccatum: sed proprium cuiusque, licet alterius voluntate contractum, quod iustissime fieri potuisse ostensum est.

XXXII. Ex dictis præterea expediuntur nonnulla dubia. Primum, an peccatum originale sit cum reliquis vniuoce peccatum nam Capreol. 2. *Questiuncula vna suborta expeditur.* *distinct. 90. ad argumenta*, fatetur quidem peccatum esse, sed nimis æquiuoce: aliis vero videtur hoc est contra fidem, quia si non est vniuoce peccatum, neque simpliciter tale erit. Ego vero existimo omne peccatum habituale comparatum ad actuale continere quandam analogiam, quia ratio peccati primo, & per se reperitur in actuale: ex consequenti vero in habituali, per ordinem scilicet ad actuale, in quo non cernitur solum differentia maioris, vel minoris malitiæ, sed quidam veluti ordo vnius ad alterum, in quo consisteret analogia. Antecedens vero patet, quia peccatum habituale non est voluntarium, nisi per ordinem ad actuale, & similiter non est deuiatio à lege, nisi per illud, quia lex non cadit in habitum, nisi per actum, neque propterea sequitur habituale peccatum non esse simpliciter peccatum, quia analogia hæc non consistit in sola denominatione extrinseca: nam vere in se & intrinsece habituale peccatum, est peccatum, licet non sine ordine ad alterum: ad eum modum, quo creaturæ sunt entia in ordine ad Deum vel accidentia respectu substantiæ. Secundo existimo rationem peccati habitualis vniuoce reperiri in originali, & personali. Ratio est, quia licet reuera peccatum personale magis voluntarium sit, differentia tamen magis, & minus, quando est sine ordine non constituit analogiam: hic autem nullus est ordo, quia peccatum originale, neque rationem voluntarii, neque rationem transgressionis legis, atque adeo, neque rationem peccati habet ex ordine ad personale peccatum, ut per se constat.

XXXIII. Secundum dubium, an quando paruulus con-

trahit hoc peccatum, dicatur verè, & proprie peccare: dicendum proprie, & simpliciter non peccare, quia verbum ipsum peccare manifeste indicat actuale peccatum: sed dici debet generari in peccato, vel nasci in illo, sicut ille qui semel peccauit, non dicitur amplius peccare, licet in peccato maneat. Dices, ad Romanos 5. habetur, *Omnes in Adam peccauerunt.* Item paruulus in eo instanti sit peccator: ergo peccat. Respondetur non fieri peccatorem committendo, sed contrahendo peccatum. Paulus vero non ait simpliciter peccare nos, sed cum addito, & in præterito peccasse nos in Adamo, unde postea simpliciter subdit, *peccatores constituuntur multi.*

Tertium dubium potest definiri hic quod sit maius peccatum originale ne, an veniale. Nam D. Thomas 3. p. *quest. 1. art. 4. sine vlla distinctione* respondet veniale esse intrinsece maius, quam originale. Idem tamen q. 5. de malo art. 1. ad 9. ait respectu personæ esse grauius veniale, quia magis voluntarium: tamen respectu naturæ maius malum esse originale. Respondendum tamen videtur cum peccata hæc sint diuersorum generum, vix posse commode comparari: simpliciter vero maius malum, & peccatum videri originale, quia priuat hominem gratia Dei, non autem veniale, licet alia ratione secundum quid veniale sit grauius in ordine ad personam, quia magis voluntarium, propter quod is qui peccat venialiter, reprehensione dignus est, non qui originaliter.

### SECTIO III.

#### De causis peccati originalis.

Constat originale peccatum nullam habere causam finalem, quia per se non est intentum, sed per accidens sequitur. Formalem quoque non habet præter quidditatem suam: de materiali vero, seu subiecto eius, licet Theologi diuersa sentiant (Durandus enim, & alii volunt esse in appetitu sensitivo, Scotus, & Bonauentura in voluntate) probabilior tamen videtur sententia D. Thomæ 1. 2. q. 83. art. 2. dicentis primario esse in essentia animæ, consequenter vero in voluntate, quia gratia, seu iustitia primario est in animæ essentia, ac totus homo sit hoc peccato Deo iniustus, & ingratus per se primo: voluntas autem ab ultimo fine consequenter auersa, nam ad ipsam primo pertinet etiam conuersio ad eundem finem, quæ omnia explicanda, & defendenda sunt eo modo, quem supra tradidimus, cum de peccato habituali ageremus. De causa ergo efficiente sit

Prima propositio. Causa huius peccati, quod in nobis sit, ipsum fuit peccatum Adæ, quo se & omnes posteros à Deo auertit. Patet ferè ex dictis, & ex Paulo ad Roman. 5. *per vnum hominem, & e.* & infra explicabitur.

Secunda propositio. Peccatum actuale Adæ non potuit esse causa Physica efficiens in singulis hominibus peccatum originale, sed est solum causa moralis. Videtur clara satis propositio quod ad primum partem, quia causa physica est, quæ vere, & realiter influit in effectum: actus autem Adæ id non potest, quia non est, quando singulorum hominum peccata incipiunt: Secunda pars constat ex priorè, quia non restat modus alius, quam moralis efficientiæ, qui explicari potest primo per modum meriti, & demeriti. Namque Adam peccando meruit posteros omnes priuari gratia



gratia, & consequenter nasci inimicos Dei. Quibusdam hæc explicatio non placet, quia similiter, si Adam perseveraret, ac obediret Deo, mereretur posteris gratiam, & iustitiam de condigno: si ponamus Adam nihil meruisse, sed tantum non peccasse, id satis esset, ut tota posteritas nasceretur in iustitia, & gratia absque ullo merito Adæ. Vnde Driedo lib. 2. de captivitate & redemptione, tractatu 2. cap. 2. parte 4. negat Adamo rationem hanc meriti ex iustitia, sed per modum, inquit, naturæ communicaretur, si ipse perseveraret, & similiter per modum naturæ communicatur peccatum ipso olim peccante. Hoc ergo posito dicendum est illud peccatum fuisse causam moralem per modum efficientis, quia illud est quasi radix, qua posita, & applicata subiecto ab illa statim moraliter deriuatur peccatum, vel etiam quia, ut Paulus ait, ipso peccante, omnes in illo censentur peccavisse.

III. Tertia propositio. Hoc peccatum originale prout in nobis sit, non habet causam physicam efficientem neque eger illa. Probatur, quia solum est priuatio, ut ostendimus: priuationes autem per se non indigent his causis. Dices saltem posse habere causas priuatiuas, seu non agentes. Respondetur eo modo iam supra dixisse nos, posse Deum aliquo modo esse causam quoad materiale, quod est in hoc peccato, non tamen ipsius peccati: ut etiam ostendimus, & bene declarat D. Thomas quest. 4. de malo art. 1.

IV. Ex quo facile soluitur dubium, per quas rimulas hoc peccatum ad nos ingreditur, ut obiebat Augustino Iulianus lib. de nuptiis cap. 28. ob quam difficultatem, Magister & alii commenti sunt illam qualitatem morbidam in semine, & Capreolus dist. 31. quest. 1. posuit in semine quandam qualitatem saltem intentionalem, quæ possit originale peccatum in omnia efficere: quod prorsus est falsum, & improbabile, tum propter rationes factas contra Magistrum: tum quia est superflua qualitas, quia impossibile est priuationem per se fieri efficienter ab aliqua qualitate. Recte igitur Augustinus solum respondet: Quid queris latentem rimam, cum habeas apertissimam ianuam: per vnum hominem peccatum intravit in mundum: quasi diceret, præter hanc non oportere aliquam querere causam per se huius peccati. Quocirca actiones feminis solum sit, ut homo ex Adam nascatur, quod naturale est, ex quo (posito iam Adæ peccato sine alia physica efficientia) sit ut hic homo nascatur auersus à Deo voluntate sui capitis: quare quod Augustinus contra Iulianum capite quarto, & libro de peccatorum meritis cap. 16. & 2. de Nuptiis capite vigesimo sexto. scribit peccatum hoc fieri propter concupiscentiam, vel libidinem, quæ in generatione hominis adiuncta est, non est intelligendum concupiscentiam, vel libidinem esse causam, quæ peccatum originale in prole efficiat, tum propter dicta, tum quia cum homo concipitur, non est iam illa concupiscentia: tum denique, quia sæpe in illa non est macula: intelligendum ergo istum generationis nostræ defectum ex peccato primi parentis manasse, & hanc defectuosam generationem esse viam, per quam originale peccatum suo modo transfunditur, atque eodem modo exponendus est Diuus Thomas 1. 2. question. 83. artic. 1. cum ait, in semine esse hoc peccatum originale, tanquam in causa instrumentalium, non quod in illo sit aliqua vis productiua peccati, ut sic, sed quod semen sit instrumentum, quo producitur filius naturalis Adæ, quam productionem consequitur nunc hoc peccatum.

Suaræ in primam secundæ D. Thom.

Ex quo etiam soluitur aliud dubium, quomodo cum anima creatur à Deo, possit statim maculari. Propter quod multi de modo productionis animæ dubitarunt, ut Augustinus libro de origine animæ, & epistola 26. & 157. & alibi. Respondetur tamen, licet anima creetur, ut fides docet, tamen homo verè generatur, & producitur ab homine, & ex femine Adæ, neque anima ipsa creatur, nisi ut sit pars hominis: & ideo simul creatur, & vnitur, quare totus homo quilibet genitus ex Adamo comprehensus est sub lege Dei, per quam voluntates hominum positæ fuerunt in voluntate Adæ: Quod si quæras cur Deus creat animam, quam sit statim inficiendam peccato. Respondet D. Thomas illa quest. 85. artic. 1. ad 3. primo, quia commune bonum vniuersi, præfertur priuato. Secundo, quia ipsi homini melius est, sic esse, quam omnino non esse. Tertio, quia illa macula non est perpetua, cum Deus constituerit modum, quo possit deleri.

Tertio intelligitur ex his, quare ex parentibus iustus filius peccator generatur, quia scilicet non generatur ab illis, ut sunt iusti, sed ut sunt filii Adæ. Ita Augustinus lib. 2. de peccatorum meritis cap. 8. 9. & 10. & lib. 6. contra Iulianum cap. 2. & 3. cuius rationis sensus est, quia solum peccatum Adæ, fuit peccatum capitis, atque adeo totius naturæ: iustitia autem personalis, sicut & poenitentia Adæ, & ideo efficacius est peccatum Adæ, licet sit parens remotus ad transferendum peccatum, quam iustitia proximi patris ad gratiam communicandam. Vide Magistrum 2. distinct. 31. & ex his manet solutum secundum fundamentum hæresis Pelagianorum.

### Quæstiuncula nonnulla circa deriuationem peccati originalis.

Iam petes primo, quodnam Adæ peccatum fuerit causa originalis peccati. Respondetur fuisse peccatum illud quod commisit contra legem prohibentem esum fructus arboris scientiæ boni, & mali, nullumque aliquid præter hoc peccatum potuisse esse causam. Prima pars constat ex poena illa peccato imposita, in quocumque die comederis morte morieris. Quæ verba à sanctis intelliguntur dicta toti naturæ humanæ, ut patet ex illis verbis, quia audisti vocem vxoris tue, maledicta terra, & cæ. Idem est sensus Pauli ad Roman. 5. cum dicit, si vnius delicto multi mortui sunt, & clarius infra, si enim vnius delicto mors regnavit, & cæ. Quod vnum peccatum sancti intelligunt fuisse illam inobedientiam. Tridentinum quoque sessione quinta, id aperte confirmat. Secunda pars probatur, quia Deus nullam legem imposuit Adæ tanquam principio, & capiti totius naturæ, nisi illam cohibentem cibum, ut patet ex Scriptura. Confirmatur: quia ex sententia Augustini, & aliorum primum Adæ peccatum fuit superbia: ergo si propter cætera peccata & non propter illud tantum, nasceremur in peccato, non esset verum, per vnum peccatum, sed per plura, mortem ad nos transire. Quare cum sancti videntur dicere primum Adæ peccatum fuisse causam perditionis humanæ naturæ, loquuntur de peccato illo perfecto, & completo, quod exterius apparuit, & expressè in Scriptura narratur. Quod docet D. Thomas 1. 2. quest. 81. art. 2. Quæ reuti vero, an si Adam solo interiori actu peccasset contra illam legem, nobis noceret. Respondendum, licet nihil videatur certum, Deus enim potuit utroque

O o 3 modo

V.  
Dubium  
alterum.

VI.  
Dubium

VII.  
1. Quæsti-  
uncula.

Solum in-  
ternum A-  
dæ peccatū  
sufficeret  
ad trans-  
fusionem in  
posterios.



modo id statuere, verifimilius videri etiam transgressionem interiorem futuram fuisse sufficientem, quia illa lex simpliciter erat imposita toti naturæ, & illa interior esset perfecta transgressio eius: esset ergo auersio, & inobedientia totius naturæ, & de facto nunc non transfertur ad nos propter exteriorem actum, qui malitiam non addit, sed propter id, quod veram habet rationem auersionis, & culpæ.

## VIII.

2. Quæsti-  
uncula.

Secundo petes, an peccatum Euz fuerit etiam causa nostri peccati originalis, atque adeo illa peccante, & non Adamo, homines nascerentur in originali, quod tractat D. Thomas 1. 2. quæst. 81. art. 5. & negatiue respondet, utitur tamen illa ratione, quod mater sit principium materiale in generatione, non efficiens, sed quidquid de ratione ipsa sit, sententia vera est, ex illo Pauli, *Per vnum hominem peccatum in mundum intrauit*. Ratio vero est, quia solus homo Adam fuit constitutus caput generis humani, & ideo sola eius voluntas reputabatur voluntas totius naturæ.

## IX.

3. Quæsti-  
uncula.

Tertio petes similiter, an peccatum alterius parentis præter Adamum transfertur ad filium, id est, si Adamo non peccante Cain peccaret, posteritas Cain nasceretur sine gratia, Scotus enim distinct. 31. affirmat in eo casu omnes illos homines nascituros in peccato, quod etiam sentit Driedo libro secundo de redemptione, & captiuitate generis humani tract. 2. capite 2. in fine, & fuit sententia Diui Thomæ quæst. 5. de malo art. 4. ad 8. sed nullum video huius sententiæ fundamentum. Quare opposita sententia vera videtur, quam tenet D. Thomas illa quæst. 81. art. 2. Ratio est, quia solus Adam fuit caput suæ posteritatis, & cum illo fuit quasi foedus illud contractum, quod patet primo, quia de illo tantum est nobis reuelatum, & non de aliis. Secundo, quia ita fuit conueniens, alias omnium filiorum Adæ salus ex voluntate singulorum, & omnium parentum penderet, mortem vero quilibet eorum per se posset causare. Tertio, quia Adamus, & sibi, & toti posteritati iustitiam perdidit: ergo si perseverasset, eam posteritati conquereret: alias non esset æqualis pactio. Quarto, quia nunc parens iustus non transfert suam iustitiam ad filium: ergo similiter, si duraret status innocentiae, pater iniustus non transferret suam iniustitiam ad filium. Quinto, quia alias nunc etiam dici posset peccata Cain, vel aliorum filiorum Adæ transferri ad filios.

## X.

4. Quæsti-  
uncula.

Quarto petes, an originale peccatum in singulis hominibus sit vnum, vel plura, in qua re Augustinus in Enchiridio capite 44. epistola 86. dubius esse videtur. Dicendum est tamen in vnoquoque esse vnum tantum originale peccatum, quod colligitur ex Paulo ad Romanos quinto, & Tr. sessione 5. Estque communis Theologorum, & ratio est, quia vnum solum peccatum Adæ est causa, & origo istius peccati, vnde vnica tantum voluntate censetur in ipso peccasse. Neque obstat nonnunquam in Scriptura hoc peccatum nominari in plurali, vt Psalmo 50. *Ecce in iniquitatibus conceptus sum*, & sæpe alias dicitur Christus venisse in remissionem peccatorum, quomodo loquitur Damasus Papa epistola ad Episcopos Orientis refertur lib. 8. Tripartita capite 15. Nam sæpe plurale pro singulari ponitur, vel certe id fit ad significandum peccatum hoc, esse multorum originem, & formaliter vnum, multa autem virtute, vt Diuus

Thomas notauit qu. 82. Consule, si placet,  
pro dictis hactenus lib. 4. de opere  
sex dierum.

\* \*

## SECTIO IV.

## An peccatum originale ad omnes Adæ filios deriuetur.

Explicatis causis originalis peccati, oportet nonnulla de generali eius propagatione dicere, in quo duo occurrunt videnda. Primum, an soli filij Adæ naturaliter ex illo geniti hoc peccatum contrahant. Secundum, an omnes.

Prima propositio. Soli homines & omnes naturaliter ex Adamo generati contrahunt hoc peccatum. Est ex communi sensu, & traditione Ecclesiæ, & colligitur ex ad Roman. 5. vbi bene rem explicat Anselmus, & Origenes libro quinto ad Romanos, & Augustinus decimo, Genesis ad literam cap. 20. D. Thomas 1. 2. quæst. 81. articulo octauo. Ratio à priori est lex diuina, & voluntas, qua statutum est, vt Adam tantum eorum hominum esset caput, qui ab illo naturaliter generantur, de potentia enim Dei absoluta, fortasse non repugnaret aliter fieri pactum: congruentia quoque non deest, quia non erat expediens Adamum communicare illi culpam, cui non tribuebat naturam. Qua ratione, inter alias, Christus ex vi suæ conceptionis erat immunis à peccato, idemque dicendum de quouis homine, qui à Deo crearetur, vel produceretur ex alia materia, vt notauit Diuus Thomas illa quæst. 81. articulo quarto, vnde sequitur primo, Euam non habuisse gratiam, & iustitiam originale dependenter ab Adamo, quia non processit ab illo per naturalem generationem.

Secundo sequitur, si ipsa Eva non peccasset, non amissuram originale iustitiam. Vnde cum Paulus inquit, omnes in Adam peccasse, intelligitur de filiis, non de vxore: quare Adam caput quidem Euz fuit politicum in ordine, scilicet ad res matrimonij, non vero fuit caput in ordine ad iustitiam, vel culpam, nec id expediens foret, tum quia ex utroque vnum integrum principium speciei humanæ constituebatur, tum propter aliam rationem, quam statim subiiciam.

Tertio sequitur contra, si Eva tantum peccasset, amissuram non solum gratiam, sed etiam originale iustitiam, atque ita de facto amisit per proprium peccatum: in quo est deceptus Catherinus super Genesim, & ad Romanos 5. vt in tract. de opere sex dierum libro 2. cap. 13. late dicimus. Quid autem tunc fieret: si casus ille contingeret, diuinæ prouidentiae esset relinquendum, vt in eodē tractatu videre licet.

Quarto sequitur, si Adam ante primum peccatum generaret filium, in iustitia quidem generaturum, an verosi post ita genitum peccasset, filius genitus in iustitia eiusque posteritas amissuri fuissent iustitiam, nihil certum nobis esse potest, quia totum pendet ex modo pacti, & voluntate Dei: videtur tamen verisimile primo in eo casu omnes genitos ab illo filio Adæ nascituros in peccato originali, quamuis proximus parens esset iustus. Ratio insinuata est, quia iustitia proximi parentis semper est personæ particularis, illeque nepos vere esset genitus ex Adamo peccatore, atque eius voluntas censeretur ex pacto Dei constituta in voluntate Adæ. Secundo de tali filio iam antea in iustitia genito, videtur probabile non amissuram gratiam, nec iustitiam coram Deo propter subsequens Adæ peccatum. Primo, quia Deus non aufert gratiam suam ab eo, qui iam illam continet,

I.

1. Propositio bipartita.

1. Coroll. ex hac proposit.

II.

1. Coroll.

III.

3. Coroll.

IV.

4. Coroll.

trinitatib.

1. Memb.

2. Memb.



linet, nisi ipse peccet per propriam voluntatem, quia Deus non deserit nisi prius deferatur. Colligiturque ex Augustino epistola 33. ad Bonifacium, ubi generaliter ait, hominem cum in se ipso est aliter effectus ab eo, à quo est genitus, non posse sine consensu proprio fieri peccato obnoxium, quia voluntas filii non videtur conuenienter poni in voluntate patris, nisi pro tempore quo filius non habet propriam quæ ratio maxime procedit de iam adultis, sed prior ratio generalis est. Confirmatur, quia hoc peccatum non transfunditur, nisi per generationem naturalem: sed tunc facta fuisset sine peccato generantis, ut ponitur: ergo, &c. Tercio de donis aliis originalis iustitiæ pertinentibus ad complementum status innocentis, ac si ne quibus poterat consistere amicitia Dei. Vtrumque probabiliter defendi potest, scilicet, vel quod illa auferrentur, siquidem propter peccatum capit totus innocentis status destrueretur, vel quod cōseruaretur à Deo, quia dona eius sunt sine pœnitentia Rom. 11, nullumq; sit inconueniens talem hominem conseruari in singulari perfectione, quamuis ceteri lapsi essent.

V.

Quid de 2.  
parte pro-  
positionis  
quidam  
senserunt.

Circa secundam partem conclusionis difficultas nascitur ex verbis Pauli ad Romanos 5. *Vnus delicto multi mortui sunt*: & infra, *peccatores constituti sunt multi*, quæ verba exponens Theodoretus in Epitome diuinorum officiorum cap. 11. dicit Paulum vsum fuisse illo verbo *multi*, quia non omnes transgressores legis facti sunt propter peccatum Adæ, sicut non omnes fiunt iusti propter Christi iustitiam. Huc etiam spectat error Caluini dicentis omnes pueros natos ex infidelibus contrahere originale peccatum, non vero natos ex fidelibus, quia illis non imputatur. Et inter Scholasticos etiam est controuersia de sensu illo rum verborum Pauli. Caiet. loc. cit. 1. 2. dicit vim eorum verborum solum esse, omnes Adæ posteros incurrere necessitatem, vel debitum contrahendi originale peccatum, non vero contraxisse peccatum ipsum. Confirmatur: nam eodem modo ait Paulus contraxisse omnes peccatum sicut mortem: non est autem certum omnes in effectu contrahere mortem, nam probabilis sententia est aliquos nunquam morituros, ut D. Thomas 1. 2. *quest. 87. art. 3. ad 1.* docet: ergo &c. Confirmatur secundo, quia necessitas contrahendi peccatum sufficit, ut omnes indigeant gratia Dei, & redemptione Christi, quæ est intentio Pauli. Alii vero ex Thomistis, & Ferrariens. 4. *contra Genes. cap. 5.* omnino improbant sententiam Caietani, ex ea enim sequitur non esse firmum in fide omnes re ipsa nasci in originali peccato, sed solum nasci obnoxios. Quod esse posset verum etiam si nullus conciperetur in peccato. Vnde sententia Caluini non posset damnari vt hæretica, & similiter non esset nunc erroneum asserere multos nasci sine peccato originali etiam præter Beatam Virginem, sicut non est erroneum affirmare aliquos nunquam morituros, illud tamen esse erroneum docet D. Thomas 4. *dist. 34. art. 4. & quest. 4. de malo art. 5.* sed fortasse hæc dissensio inter Scholasticos est de nomine: sit ergo

VI.

Propositi-  
o expri-  
mens:  
partem  
precedentis  
propositi-  
onis.

Secunda propositio. Omnes filii Adæ ita incurrunt necessitatem contrahendi originale peccatū, ut illud in re ipsa contrahant: nisi priuilegio Dei singulari præueniantur. Hæc est de fide certa, ex dictis initio huius materiæ, & definita sessione 5. Trident. & hoc sufficit contra errorem Caluini, præterquam quod de fide etiam certum est filios fidelium indigere Baptismo propter peccatum, quod in eis est, & hunc etiam esse sen-

suum Pauli constat ex Tridentino, & ex verbis aliis eiusdem capituli, dicit enim Paulus, *Omnes Adam peccasse, & per unum delictum in omnes homines in condemnationem.* Vnde recte Anselmus, & Origenes aduertunt ibi omnes, & multos, idem significare. Sensus itaque est: *Multi peccauerunt*, id est, non vnus tantum, sed omnes, qui ab illo geniti sunt: & eodem modo dicit multos fuisse iustificatos per Christum, scilicet omnes, qui in ipso sunt regenerati, nisi forte, ut Anselmus etiam notat, velimus nomine mortis, quæ multis ibi tribuitur, intelligere non primam mortem peccati, sed secundam, scilicet æternam mortem, quam non omnes, sed multi propter originale peccatum contrahunt, ad quem modum posset exponi Theodoretus, licet reuera obscure loquatur.

Tertia propositio. In citatis Scripturæ locis non docetur nemini fuisse concessum priuilegium non contrahendi re ipsa originale peccatum, cui natura sua erat obnoxius. Hoc intendit præcipue Caietanus, quod negare recte non possunt, qui eum impugnant: nam fere est certum ex Tridentino sessione 5. ubi post generalem propositionem, addit, non esse mentem eam Concilij vt nemo excipiat. Idem confirmari potest ex aliis regulis generalibus Scripturæ, quæ fere nunquam excludunt singularem priuilegia, vt illud *nemo mundus à sorde, neque infans*, & cætera. *non est iustus, qui non peccet*, & illud, *in dolore paries filios*, & cætera. Ex his sequitur, non obstant pacto & lege, quam Deus cum Adamo & eius posteritate statuit, potuisse Deum aliquos filios Adæ innocentes seruire præueniendo, ne contraherent maculam. Ita D. Thomas in 3. *dist. 7. quest. 1. art. 1.* & quibusdam videtur iam certum ex definitione Tridentini quia supponit hoc vt possibile manifeste. Sed licet non de fide, attamen rationi videtur consonum, quia Deus potest gratiam suam communicare cui, & quando, & quomodo voluerit, atque adeo in primo instanti sui esse: nec in hoc est vlla repugnantia, vt statim patebit.

Quarta propositio. Omnes homines, excepta Beata Virgine, contraxerunt, & contrahunt re ipsa originale peccatum: Beata tamen Virgo singulariter est præseruata. Prima pars constat, quia Scriptura docet, omnes ex Adamo via ordinaria genitos concipi peccatores, & antiquiora Concilia, & Sancti nullum excipiunt. Tridentinum vero solam Beatam Virginem, idque non definiens, sed facultatem præbens id opinandi: ergo indicat satis de nullo alio modo id posse credi, vel affirmari. Confirmatur, quia si de aliquo dici posset, maxime de Ioanne Baptista: vel simili: sed hunc constat, & Apostolos & alios conceptos fuisse in originali: ergo, &c. Vide quæ dixi *tomo 2. in 3. p. dist. 24. sect. 4.*

Quæro, in quo gradu certitudinis sit hoc tenendum. Respondeo si ex meritis Christi diceretur alicui alteri fuisse datum hoc singulare priuilegium, non videretur dampnum tanquam plane hæreticum, quia oppositum non est palam definitum, neque in Scriptura continetur, atque hoc etiam intendit Caietanus: esset tamen non solum temerarium, sed etiam erroneum, quia fere est contra communem consensum Patrum, & contra id, quod generaliter sentit tota Ecclesia. Sed contra, quia excipere aliquem à generali regula mortis, vel peccati actualis, non est erroneum, ergo neque hoc erit. Respondeo regulas Scripturæ eo spiritu esse interpretandas quo traditæ fuerunt: cum ergo Ecclesia, quæ verum nobis fidei sensum proponit, regulam hanc

VII.

3. Propositi-  
o.

VIII.

4. Propositi-  
o.

IX.

De gradu  
certitudinis præ-  
cedentis  
propositi-  
onis.



de originali peccato intelligat, ut nullum, præter Virginem, excipiat, ita est plane interpretanda, secus in aliis, in quibus vel ex ipsa Scriptura, vel ex Ecclesiæ traditione exceptiones aliquæ, vel manifestæ vel verisimiliter colliguntur. Vide D. Thomam 4. d. 43. quest. 1. art. 4.

**X.** Circa secundam partem conclusionis de Beata Virgine, aduerse duobus modis posse nos intelligere Beatam Virginem potuisse præseruari. Primus est post constitutas à Deo omnium hominum etiam ipsius Virginis, voluntates, in voluntate Adæ, atque adeo postquam omnes in illo peccauerunt, ac necessitatem contraxerunt incurrendi peccatum, simul ac nascerentur, seu conciperentur: Deum tamen ipsum ex gratia, & privilegio suo Virginem præuenisse, ne illa eius necessitas, quam in Adamo contraxerat, haberet in ipsa effectum, & hunc modum in *tomo 2. in 3. p. disp. sect. 5.* late exponimus.

**XI.** Secundus modus est fuisse Beatam Virginem exceptam in ipso pacto, quod Deus pepigit cum Adamo etiam ante præuisionem peccati eius: itaque licet omnium aliorum voluntates in eius voluntate constituerit, tamen propter dignitatem, & merita Christi voluisse iam tunc Beatam Virginem ad perpetuam sanctitatem ordinare: ut in ea nullo modo penderet à voluntate Adæ. Hic vero modus in primis necessarius non est, nec satis firmus, aut tutus, quia iuxta illud dicendum esset Beatam Virginem neque in Adamo peccauisse. Secundo ex vi suæ conceptionis non contraxisse originale peccatum, nec saltem subditam fuisse necessitati eius.

*Difficilis hic modus.* Tertio, non videri eo modo fuisse à Christo redemptam, nam licet præseruata tunc diceretur à Christo, ea tamen præseruatio redemptionis rationem habere non posset. Nam etiam si post peccatum Adæ Deus statuisset non redimere mundum, Beata Virgo mansisset libera, iuxta prædictum modum. Quarto, mortem, & alias similes pœnas non fuisse in Beata Virgine ex peccato Adæ, quod tamen esse proprium Christi docet Augustinus libro quarto contra duas epistolas Pelagianorum capite quarto. Dices, hoc argumento probaretur Beatam Virginem vere contraxisse culpam, cum subierit pœnam. Respondetur negando probari, nam ut patitur pœnam satis est peccatum Adæ, ita ad illam pertinuisse, ut vere dici posset illam in Adamo peccasse, atque adeo futurum fuisse ut incurreret culpam necessitate quadam, nisi præueniretur, sicut nunc iuste patimur eandem pœnam post remissionem originalis, nam sicut potest remitti culpa, eadem ratione potest præueniri, non remissa pœna.

*Obiectio diluitur.*

*Ita sentit autor iam olim, cum hac Roma dictaret in Schola, & deinde typis mandauit in 2. tomo in tertiam partem disp. 3. sect. 5. Eandem porro sententiam plane, non multo ante mortem vulgari sermone transmisit Conimbrica ad socium, qui eum ex Hispania rogauerat, etiam ne permaneret in doctrina eadem, nihil turbatus motu per id tempus (hoc est, vertente anno 16. supra 1600.) exorto circa Beata Virginis immaculatam conceptionem. Eam itaque doctrinam hic fideliter Latino idiomate subiiciendam, sum ratus.*

**XII.** Scribit R. T. maxime controuerti nunc iis in partibus quæstionem de immaculata conceptione Virginis: supposito videlicet, quod fuerit concepta sine peccato originali, an in se habuerit debitum contrahendi illud in primo instanti sui conceptionis, prius natura, quam iustificaretur, quærens an perseverem adhuc in sententia quam habui in 2. to. 3. partis disp. 3. sect. 3. agendo

de hoc ipso puncto. Respondeo, nunquam me eam putasse adeo veram ac hodie iudico, quia cum viderem aliqua eorum quæ cum pietate dicta & excogitata hætenus sunt, & vellem iis fulcire magis dictam opinionem piam, ex iisdem occasione habui firmiter adherendi illi sententiæ, quam citato loco secutus sum, intra latitudinem tamen opinionis. Et ideo quemlibet prudentem Theologorum, & dominæ nostræ valde affectum, debere non inclinare ad illud extremum, quoniam ad honorem Virginis nihil refert, neque eius immaculatæ conceptionis veritatem iuuat, præterque occasionem aduersariis dicendi, non posse nos immaculatam conceptionem defendere, nisi declinando ad opiniones vel censura dignas, vel diminuentes Christi redemptionem, vel saltem apparentiam talem habentes.

Et licet à me non postules fundamentum, vel motuum eius, quod in hac sententia, neque sere habeam ultra ea quæ iam in citato loco 3. partis dixi: tamen quia ratio temporis id exigit, & fortasse nouus discursus efficiat, ut res magis declaretur, vel etiam persuadeatur, proponam quæ memouent, afferendo propositiones aliquas, quæ mihi videntur inter se connexæ, & concatenatæ, incipiendo à certioribus, & ex eis deducendo puncti totius resolutionem.

Primo ergo certum puto, conuenire in eo nos omnes, Virginem scilicet immaculatam, fuisse propriè, et vere redemptam per Christum. Hoc fuit fundamentum S. Thomæ, in quo non ei contradicunt boni defensores immaculatæ conceptionis, sed in consequentia, quam fecit quæ reuera bona est. Fundamentum tamen est solidum, nec potest negari, ut latius in dicto loco dixi: nec video, aut audio, qui illud neget.

Ex quo infero eguisse Virginem sanguine, & morte Christi, ad sanctificationem suam, præseruationemque à peccato originali, quia redemptionis nostræ pretium fuit sanguis Christi, & per mortem suam peculiariter operatus est, ac consummauit redemptionem ipsam, ut passim Paulus, ac tota sere Scriptura docet: ergo si Virgo fuit propriè redempta, fuit vero emptæ sanguine Christi, iuxta illud, *empti enim estis pretio magno.* Et eodem modo fuit præseruata ex morte Christi præuisa, ut canit Ecclesia in oratione quadam, festi conceptionis, quæ ante Pium V. vniuersaliter recitabatur, & hæc verba continebat, *ut sicut ex morte filij tui præuisa eam ab omni labe præseruasti: ita, & cætera.* Quæ oratio licet hodie, neque in Missa dicatur, nec legatur in toto Missali, in manibus tamen fidelium versatur, ac piè à quam plurimis recitatur. Et audio concessisse eundem Pium V. indulgentiam recitantibus illam cum quadam antiphona, atque ita mihi videtur hanc propositionem, *Beatissima Virgo fuit præseruata ex morte Christi præuisa*, negari non debere.

Ex quo etiam sequitur, si Christus non redemisset genus humanum per mortem suam, Beatam Virginem fuisse concipiendam in peccato originali, saltem secundum præsentem prouidentiam, seu legem à Deo statutam. Probat, proboniam quia Christi redemptio, est vnica, & ad quæ causam totius gratiæ comunicatæ hominibus post lapsum Adæ, atque etiam primæ gratiæ Virgini fuisset iudicata: ergo ablata causa auferretur effectus. Dixi, ex vi præsentis prouidentia, quoniam poterat Deus statuere non redimere homines per Christum incarnatum in carne passibili, nec per eius passionem, sanguinem, & mortem, & tamè prouidere, ut per alia opera eiusdem Christi abfque pro-

XIII.

XIV. Beata Virgo fuit propriè redempta per Christum

XIV. Prædicta redemptionem præseruationem & sanguinem Christi.

XV. Si Christus non redemisset genus humanum, Beatam Virginem concipiendam in peccato originali, saltem secundum præsentem prouidentiam, seu legem à Deo statutam.



que propria satisfactione, quamvis cum proprio merito & rigorosa iustitia, præserreret Virginem ab omni peccato, etiam originali, qui etiam foret modus aliquis redemptionis particularis Virginis: sed non foret redemptio quam nunc statuit, & de qua agimus.

XVI. *Sanctificatio Virginis in clausura remissionem culpæ quæ futura esset in ea si non præseruaretur.*  
 Ex quo procedendo ulterius, colligimus primam Virginis sanctificationem, non fuisse simplicem, sed inclusisse remissionem culpæ, non quæ esset in persona, sed quæ futura infallibiliter fuisset, si gratia non infunderetur. Hoc autem ego sic explico: duobus enim modis infundi potest gratia personæ: unus est ex sola negatione gratiæ: alter est ex priuatione gratiæ, quæ fit culpa. Et horum modorum quilibet potest dupliciter contingere: vno modo præcedente in subiecto, & tempore, negatione, vel priuatione gratiæ: vel solum ordine naturæ, seu quantum est ex conditione, vel origine personæ, quod facile declaratur in Angelis, & in Adamo innocente: quorum prima sanctificatio non inclusit remissionem culpæ, & vt magis philosophice loquar, non habuit pro termino à quo culpam, sed solum negationem gratiæ. Et iuxta opinionem tenentem non fuisse sanctificatos in primo instanti sui esse, negatio illa præcessit duratione in ipsis. Verum iuxta veriolem opinionem fuisse scilicet sanctificatos in primo instanti sui esse, præcessit tantum ordine naturæ, vel simpliciter non præcessit, sed futura fuisset ex vi naturæ, & conditionis personæ, si gratia in eo instanti non infunderetur.

XVII. *Modus explicandi hoc.*  
 Alter modus sanctificationis, qui habet pro termino à quo propriam priuationem gratiæ, quæ est culpa, inuenitur communiter in filiis Adæ, quorum sanctificatio est translatio à culpa gratiam, vt colligitur ex Tridentino sess. 6. & ita includit cum sanctificatione remissionem culpæ, vt idem Concilium docet. Hæc vero culpa ordinarie præcedit tempore sanctificationem, & nunc includit propriè, & (vt ita dicam) formaliter remissionem culpæ, veruntamen fieri etiam potest, quin culpa præcedat in subiecto per aliquod momentum, vel durationem, sed solum ordine naturæ, seu ex conditione, & statu personæ: & tunc magis proprie dicitur præseruatio culpæ, quam remissio, vel dici potest eminens remissio culpæ, quamvis formaliter non sit remissio, verum in effectu etiam ista sanctificatio habet quodammodo culpam pro termino, non quæ præcesserit, sed quæ futura fuisset, nisi præueniens gratia impediuisset.

XVIII. *B. Virginis sanctificatio habuit pro termino à quo, priuationem gratiæ quæ in esset re ipsa nisi præseruaretur.*  
 Dico ergo sanctificationem Virginis fuisse isto ultimo modo, quia id necessarium est, vt eius sanctificatio fuerit redemptiua, atque ex morte, & sanguine Christi. Atq; ita sanctificatio Angelorum & Adami in sua prima creatione, non potest dici fuisse ex redemptione, quia nullo modo inclusit remissionem culpæ, nec necessaria erat mors, aut sanguis ad sanctificandum, absque remissione culpæ. Ergo vt Virgo fuerit sanctificata ex sanguine Christi, & per modum veræ redemptionis, oportet, vt aliquo modo fuerit translata à culpa, ad gratiam, non quidem à culpa, quæ in ea præcesserit, sed quæ in ea fuisset, nisi per Christum ita fuisset præuenta scilicet eminentiori modo applicando illi fructum passionis suæ, non vt ordinario modo illi remitteretur culpa, sed eminentiori, atque per præseruationem, quod declaratur, & confirmatur per hanc conditionalem, quia si beata Virgo non fuisset sanctificata in conceptione, nec gratiam in primo instanti habuisset, eo ipso non solum esset non grata, vel non sancta, sed

etiam esset in peccato, & Deo inuisa, & ingrata. Ergo eius sanctificatio fuit remissiua, seu potius impeditiua peccati, & ita fuit sanctificatio, redemptiua, seu quæ fuerit effectus redemptionis, & sanguinis Christi.

Quod autem, si pro illo instanti non fuisset virgo sanctificata, carentia gratiæ non fuisset in illa pura negatio gratiæ, sed esset etiam priuatio & culpa, probatur, quia nullus homo redemptione indigens potest carere culpa, si effectus redemptionis illi non applicetur. Et explicatur hoc magis, quia alia non fuisset Virgo præseruata à peccato originali per gratiam, quæ illi data est in instanti conceptionis suæ, quia etiam si ei non daretur, non fuisset concepta in peccato, sed in puris naturalibus, vt aiunt. Video posse responderi, fuisse præseruatam à peccato remotè, & quasi in radice, eo quod fuerit exempta à generali lege per quam omnes in Adam peccant. Verum hoc reuera non satis facit quantum ad punctum redemptionis, nec quantum ad modum iustificationis redemptiuz ab statu peccati.

Quod etiam magis declaratur à simili, quoniam si Deus in sua æterna prædestinatione statueret non permittere peccatum Adæ, sed dare ei gratiam efficacem ad non cadendum, & ex consequenti ne alii caderent in ipso, & hoc fieret per merita Christi præuisa, eo modo quo præiudici potuerit ante præuisum originale peccatum non possent tunc homines dici redempti à Christo & multo minus per eius mortem, quæ data illa hypothese futura non fuisset. Nec de filiis Adæ, qui tunc concipiendi essent in gratia, poterat proprie, & vere dici, quod per gratiam, quæ tunc eis dabatur, præseruati erant à peccato originali: ergo neque modo dici posset de Virgine si tam remota ab ipso pacto cum Adamo inito fuisset exempta. Ac denique non videtur posse negari quod quemadmodum alii homines habuerunt in Adamo debitum habendi gratiam ab initio conceptionis suæ, ita & Virgo habuerit id debitum: nam hoc perse ad perfectionem spectabat, & fundabatur in iure quodam, ad habendā à principio iustitiam, & gratiam, si Adam in innocentia perseverasset, à quo iure non est beata Virgo excludenda, cū per se bonum sit, & ad perfectionem spectet, & nullum sit fundamentum ad talem exclusionem faciendam: ergo si beata Virgo in instanti conceptionis gratia caruisset, illa carentia non tantū foret negatio sed priuatio gratiæ, quam habere debuisset proueniens non ex pura voluntate Dei, sed ex peccato Adæ, ac proinde esset culpa originalis, sicut est in aliis hominibus.

Ex quo ulterius concluditur fuisse Virginem in instanti suæ conceptionis obnoxiam de se originali culpæ, nisi præseruaretur per gratiam, & consequenter habuisse debitum eiusdem culpæ, quoniam esse obnoxiam, & habere debitum, duo non sunt, sed idem diuersis verbis significatum, vt liquet. Et probatur, quoniam de natura præcisè, ac purè considerata, absque ordine ad Adam, & ad id quod ex illo hæreditariè contrahit, nullus haberet peccatum in sua origine, seu principio sui esse, etiam si tunc Deus gratiam suam illi non communicaret, sed solum auerteret in sua pura natura, cum negatione gratiæ: ergo si ex Virgine ex Adam concepta non ita contingeret, sed potius eo ipso, quo non haberet gratiam, habitura esset peccatum, necessario dicendum est, quod propter talem conceptionem, & hæreditatem ex Adamo, de se subiecta erat, & obligata ad contrahendum peccatum nisi

XX.  
*Probatum.*

XX.  
*Declaratur à simili.*

XXI.  
*Confectum B. Virginem in instanti conceptionis fuisse obnoxiam de se originali culpæ, quæ ex priuilegio caruit.*



*Vi aliqui  
superio-  
rem discursu  
conueniunt  
eludere.*

nisi gratia præueniretur, & hoc esse obnoxiam, & habere debitum. Atque ita videtur concludi non se compati esse Virginem vere, & propriè redemptam Christi morte, & non habere saltem debitum contrahendi culpam. Vnde nonnulli conuicti hoc discursu fatentur habuisse Virginem debitum contrahendi culpam originalem in Adamo, vel parentibus suis, quatenus filij Adami fuerunt, non vero habuisse tale debitum in propria persona. Mouentur ad hoc asserendum, quia aliter non posset sanctificari in primo instanti suæ conceptionis, quia in illo haberet id debitum, quod cum gratia non comparitur, alias haberet Virgo tale debitum semper, si gratia illud non excludit.

**XXII.**  
*Redarguuntur.*

*Si Virgo  
B. non peccaret  
in Adam non  
posset vere  
dicere redempta  
à Christo.*

Hoc tamen non intelligi potest, nec confiteri, aut fundari: nam in præmissi Virgo habuit debitum in Adamo, necesse est ut in Adamo peccauerit, quod etiam suppono tamquam verum, nec negari potest, quia alias non egeret vera redemptione, nec morte, & sanguine Christi, si quidem prima & fundamentalis ratio redemptionis Christi fuit peccatum Adæ tamquam capitis, in quo includitur peccatum originale, & consequenter ordinata est in remedium omnium peccatorum actualium, quæ ab originali descendunt, iuxta communem doctrinam Theologorum, ex qua sequitur quod si Virgo non peccaret in Adam, non fuisset comprehensa in obiecto, seu materia redemptionis, neque in decreto quod Deus habuit, ut Christus moreretur ad redimendos homines, quia tale decretum supponit originale peccatum, saltem in præsentia absoluta Dei. Atque ita quando Ecclesia dicit fuisse Virginem præseruatam ab originali ex morte filij sui præuisa, apertè supponit virginem per se comprehensam in peccato Adæ, & consequenter in Adam peccasse propter quod credo non esse Virginem excipiendam ab illa Pauli regula, omnes in Adam peccauerunt, Romanor. 3. & adhuc in eo loco non addit limitationem illam, in Adam, sed absolute dicit omnes peccauerunt & egent gloria Dei. Sed ita locutus fuit ut omne peccatum complecteretur, & ex cap. 5. colligitur, quod tantum ad originale, intelligi debet cum dicta moderatione, ut constat ex illis verbis, in quo omnes peccauerunt atque etiam, quia infantes propriè non peccant, nisi contrahendo peccatum, quia in Adam peccauerunt, nec gratia præueniuntur.

**XXIII.**  
*B. Virgo peccauit  
in Adamo  
& eguit re  
demptione  
filij.*

Dico ergo non posse Virginem excipi ab hac regula, omnes in Adam peccauerunt, quemadmodum nec posset excipi ab illa, omnes egent gloria Dei. Quam gloriam declarat ipse Paulus, nasci ex eo quod omnes sint iustificati gratis per gratiam ipsius per redemptionem, quæ est in Christo IESU, quem posuit Deus propitiationem per fidem in sanguine ipsius. Ex quo colligo pertinere ad gloriam Dei, & Christi, quod B. Virgo sit iustificata per redemptionem, quæ est in Christo IESU, & in sanguine ipsius, nec debere negari hanc gloriam Christo, quantumcumque Virgo fuerit iustificata per præseruationem ab omni culpa, & non minus quam Paulus, imo cum maiori gratitudine, quam ipse, sentiebat & dicebat de filio suo, qui dilexit me, & tradidit semetipsum pro me. Denique prætermisissis aliis, quæ in confirmationem huius rei alibi adduxi, qui consentunt habuisse Beata Virginem debitum contrahendi peccatum originale saltem in causis, se in Adam, negare non potuerunt quod Beata Virgo peccauerit in Adam, quia id debitum ex altera ratione oriri non potuit.

Hoc supposito dico quod in præsentia non datur locus de debito in propria persona, vel in parentibus, seu in Adam, quoniam hoc debitum non est res physica, quæ ponat aliquid reale in Virgine, sed est veluti obligatio quædam moralis, nata ex Adamo, & suos descendentes denominat debitores solum propter originem, quam trahunt ex illo, atque ita supponendo hoc debitum, ut fuit in Adamo, comprehendisse Virginem eo ipso quod Virgo ab hac radice infecta per seminalem generationem descendit, necessario sequitur quod delictum quod fuit in Adam tanquam in causa denominante, fuerit etiam in Virgine tanquam in passo, seu subiecto denominato. Probarur hæc illatio, quia hoc debitum respectu virginis fuit in Adam, tanquam in causa agente, & obligante Virginem, sed in Virgine solum poterat esse tanquam in passo de se subiecto, & obnoxio infectioni à tali causa: ergo si Beata Virgo habuit hoc debitum in Adamo, non potuit habere illud in instanti conceptionis prius natura, quam sanctificari intelligatur, eo utique modo, quo haberi potest, scilicet morali, & per extrinsecam denominationem. Et declarari potest per comparisonem ad alios infantes, nam in illis etiam in instanti conceptionis cuiusque possunt: distinguere duo signa naturæ, vnum in quo habent debitum contrahendi peccatum originale, aliud in quo iam sunt infecti peccato originali, nam illa duo vel distinguuntur tanquam in causa, & effectus, vel saltem tanquam via & terminus, illa obligatio contracta ex peccato Adæ, ratione cuius eo ipso quod sunt, subiecti influxui culpæ cum Adamo prouenientis, & hoc est satis, ut dicantur habere hoc debitum in se, & in illo semper includitur conditio, nisi Deus gratia sua præueniat, & impedit originalis culpæ influxum: ergo quoad hoc debitum, eadem est ratio de Beata Virgine, supposito quod in Adam peccauit.

**XXV.**

Atque hinc facile intelligitur, quomodo nulla sit repugnantia quod Virgo in primo suæ conceptionis instanti fuerit sanctificata, non obstante hoc debito: quia gratia non opponitur formaliter debito, quod persona de se, & ratione suæ originis habet ad carentium gratia, si priuilegium ei non infundatur, sed opponitur ipsiusmet gratiæ priuationi, quæ in Virgine non est data, nec debet intelligi præcedere realiter in instanti cum prioritate naturæ, hoc enim repugnat, sed solum intelligi debet futurum fuisse in persona talem priuationem cum vera ratione culpæ, nisi gratia præueniret, & hoc sufficit ad debitum, quod etiam est prius priuatione in eodè ordine naturæ. Atque ita nulla est repugnantia quod persona in instanti suæ conceptionis spectata in se, & in eo quod acciperet à causis suis proximis, si non impedirentur, subiecta sit influxui culpæ, & quod in eodem instanti Deus, ut causa superior præueniat influendo gratiam, impediatur influxum culpæ, & hoc modo potuit Deus facillimè sanctificare B. Virginem in primo instanti suæ conceptionis, non obstante dicto debito, quia quamuis Adamus obligauit omnes suos descendentes ut inciperent vitam cum culpa: Deus tamē non se obligauit ad negandam gratiam omnibus in eo instanti, nullo excepto, neque à se abstulit potentiam præueniendi quem voluisset, ac deceret, iuxta suam æternam sapientiam, tali sanctificatione, quæ culpam impediret.

**XXVI.**

Neque etiam sequitur, quod inferebatur, si Virgo habuit hoc debitum in primo instanti, non

**XXIV.**

*Futiles  
quorum-  
dam di-  
stinctio de  
debito in  
Adam,  
& de de-  
bitis Virgi-  
nis in sei-  
psa.*

*Non ob-  
stante de-  
bito con-  
trahendi  
quomodo  
fuerit B.  
Virgo in  
concep-  
tione  
instanti  
sanctifi-  
cata.*

*Debitum  
contra-*



non obstante  
originali  
non per se  
erat post  
gratia in-  
fusione.

non obstante gratia, futurū id debitum semper in ipsa: quia licet nonnulli ex modernis velint hanc illationem concedere, nec putent inconueniens asserere debitum peccati manere semper in Virgine: imo putent necessarium, cū non appareat ratio aliqua differentię inter primum instans, & reliquum tempus: attamen non sentio hoc probabile, nec verisimile, nec video fundamentum alicuius momenti, in quo nitantur: & ideo dico, debitum hoc non debere intelligi nisi pro primo instanti conceptionis, & id in prioritate naturę: seu ex meritis causarum, quia hæc solum habet virtutem influendi peccatum originale in primo instanti, & in primo signo naturę illius, atque adeo si tunc impediatur à Deo preueniente animam cū vera sanctificatione, omnino extinguitur virtus illa causarum, vt non possint amplius inducere originale peccatum: ex quo sequitur vt in tali anima nullum iam maneat debitum originalis peccati, quia non amplius manet etiam ex se subiecta infestationi culpę à talibus causis. Et ratio, vt iudico, euident est, quia per talem sanctificationem omnino, & eminentissimo modo remittitur culpa originalis, quę in illo instanti inducenda fuisset, culpa autem semel remissa redire iterum non potest, nec manet iam in virtute causarū, & ideo persona cui remissa fuit talis culpa, non potest manere obligata, nec obnoxia illi, etiam si secundum se consideretur, vt trahit originē ab Adam. Et in hoc apparet clare differentia inter primum instans pro primo signo naturę, & reliquum tempus subsequens: quia in illo signo primi instantis, nondum intelligitur remissa culpa originalis, & ideo adhuc intelligitur persona de se obnoxia culpę: tamen postquam in secundo signo primi instantis facta est remissio culpę, iam in posterum non manet illa persona obnoxia tali culpę. Vnde etiam postea, per Dei voluntatem gratia priuaretur, iam nō traheret originale peccatum ab Adamo, quia illud quod trahere poterat, remissum fuit, & illa carentia gratiæ non haberet rationem culpę, si solus Deus pro sua voluntate tolleretur gratiam: Confirmatur hoc, quia omne debitum vel solutione, vel remissione extinguitur, ita vt amplius non idem maneat, nec redeat. Circa quod possem longius discurrere, sed nolo in his punctis esse prolixior, & quę diximus sufficiunt iis qui in materia sunt versati.

XXVII.  
Inter debi-  
tum, & i-  
psū pecca-  
tum origi-  
nale est la-  
tum discer-  
men.

Ex dictis intelligitur magna differentia quę intercedit inter debitum, & peccatū originale, propter quam etiam si necessarium sit ad perfectam sanctitatem, & puritatem virginis, conceptam fuisse absque originali labe, non fuit conueniens vt de se non esset illi subiecta, quod idem est ac habere debitum. Ratio est, quoniam peccatum originale facit inimicum Deo, quod non facit debitum. Item originale est vere peccatum, defectusque moralis: debitum vero neque peccatum est, neque defectus moralis, quoniam ante peccatum originale non potest dari moralis defectus in puero, vt est manifestum, atque ita debitum hoc est veluti defectus naturalis, qualis est nasci ab ignobilibus, seu esse huius, vel illius originis, vel nasci à parentibus perduellionibus, quod nihil refert ad perfectam sanctitatem atque innocentiam. Ac si res bene perpendatur, eo ipso, quod Deus ordinauit, ac voluit Virginem nasci ex Adamo peccatore via ordinaria, voluit eam nasci ex radice infecta, & ex principio quod Deo fuerat perduellio: cum quo simul stat, vt nasceretur semper sancta, & innocens, licet ex priuilegio,

hoc enim nihil derogat perfectę sanctitati & innocentię Virginis in se ipsa consideratę.

Quod si dicatur fuisse maius priuilegium excipi à lege in ipso Adam, & consequenter excipi à debito culpę, quam si à sola culpa diceretur excepta: respondetur in primis, esto hoc ita esset, talem tamen meliorationem, vel anticipationem priuilegii, nihil referre ad sanctitatem, & puritatem virginis. Secundo negatur esse maius, vel melius Virgini tale priuilegium, quia melius, & honorificentius fuit Virgini habere priuilegium præseruationis per sanguinem, & mortem Christi, quam habere illud modo illo anticipationis. Vltra quod considerandum etiam est, legem, quam Deus constituit cum Adamo respectu posterorum eius, de se fuisse ordinatam ad hoc vt omnes nascerentur in gratia à sua origine, vnde nomen habuit iustitia originalis, & nullo modo conueniebat, vt Virgo ab hac lege exciperetur, qua conciperetur in iustitia originali, Adamo non peccante. Ex quo etiam sequitur, quod vel non posset, vel non conueniret eximi ab ipsa lege, in quantum per consequens includebat, vt Adamo peccante, ipse sibi suisque posteris gratiam perderet, ex quo oritur debitum peccati originalis.

Atque hinc etiam facile intelligitur, quomodo hoc debitum peccati originalis, cum præseruatione ab ipso peccato, non repugnet modo altissimo, & perfectissimo prædestinationis, & electionis Virginis ad gratiam, & gloriam perpetuam cum purissima innocentia: imo recte consentiat eum quouis modo prædestinationis, qui iuxta varias Theologorum sententias probabiles tribuitur Virgini. Est namque opinio valde communis quod nec Christus, nec, Virgo, in quantum mater eius, fuerunt prædestinati, nec præelecti ad gloriam ante præuisum originale peccatum. imo multi dicunt, nullum hominem ita fuisse prædestinatum: iuxta quam opinionem impossibile est defendere non habuisse Virginem debitum peccati originalis, quia nō potuit esse exempta à lege posita Adamo, neque etiam poterat eximi à communi lege, ex meritis Christi præuisis: & tamen adhuc intelligitur facillimè, quod quamuis fuerit prædestinata post Adę peccatum, potuit tamen esse prædestinata ad perpetuam innocentiam, & præseruationem ab omni culpa ex morte Christi iam præuisa: & cum illa opinio de prædestinatione sit probabilis, non debemus limitare veritatē præseruationis Virginis ab omni peccato cum perfecta innocentia & sanctitate, vt non possit teneri, ac defendi cum illa opinione.

Verum supponendo vt probabilius fuisse electam ad perfectam innocentiam, & sanctitatem ante præuisum originale peccatum, dico non posse inde inferri, quod fuerit exempta à lege, seu pacto in Adamo, vel quod non habuerit debitum: hæc enim duo bene cohererent, scilicet quod ante præuisum originale peccatum, propter merita Christi præuisa (præsciendo vtique à morte, & passione) Deus præelegerit virginem ad gloriam, gratiam, perpetuamque innocentiam, & nihilominus constituerit eam in Adamo sub eadē lege, & pacto cū ceteris hominibus, & cum permissione peccandi in Adam, quia non obstante hoc pacto, & permissione, semper potuit impleri prius illud decretum absolutum, & immutabile, quo beata Virgo fuerat electa, quia etsi peccatura esset in Adam, nihilominus in se semper esse potuit sancta, & innocens, vt iam declaratum est: neque certitudo prioris decreti

XXX.  
Ostenditur  
coherentia  
in opinione  
qua docet e-  
lectionem  
Virginis  
ante præui-  
sum pecca-  
tum Ada-  
mi.

XXIX.  
Prædestina-  
tio B. Vir-  
ginis iuxta  
omnes opi-  
niones pro-  
babiles, quo-  
modo cum  
debito pec-  
cati origi-  
nalis con-  
ueniat?

XXVIII.  
Honorifi-  
centius B.  
Virgini fu-  
it, debitum  
incurrisse,  
vt per san-  
guinem  
Christi re-  
dimeretur.

exposita



exposita fuit periculo propter permissionē peccati Adæ, vel Virginis in Adamo, ut quidam obiciunt: quia sciebat Deus se potuisse alio medio efficere, ut prius decretum infallibiliter impleteretur, non obstante superueniente peccato: atque ita sicut post præuisum originale peccatum, ordinauit Deus Christum ad mortem, passionem (quod antea non fecerat secundum nostrum intelligendi, & loquendi modum,) ita etiam propter mortem Christi præuisam, voluit exequi prius decretum electionis Virginis, præseruando illam ab originali culpa in se contrahenda. Vnde in his signis prædestinationis, & electionis contingit errare, quia non fit distinctio inter decretum quod est per modum intentionis finis ab ordinatione mediorum, ut in præsentī contingit. Nam præelectio Virginis ante originale peccatum præuisum: ad perpetuam sanctitatem & innocentiam, intelligenda est per modum cuiusdam propositi, & intentionis finis, seu effectus, qui potuit intendi ante præuisum peccatum, quamuis media per quæ executioni mandandus erat, non fuerint præordinata ante præuisum peccatum, sed postea: sicut est valde probabile omnes prædestinatos fuisse præelectos ad gloriam ante præuisum originale peccatum: media autem particularia, per quæ saluantur, non nisi post originale peccatum fuisse præordinata, seu prædefinita. Et ex hac sola notatione refelluntur facile obiectiones, quibus aliqui moderni, repugnantiam inter illa decreta ostendere nituntur, confundunt enim finem cum mediis, & ordinem intentionis cum executionis ordine: & ideo falsa principia sumunt, & nihil concludunt, ut alibi latius dictum est.

XXXI. Potest vere confirmari quod dicimus communi argumento quod sumi solet ab vno effectu peccati originalis, qui est passibilitas, & mors corporis, à quo effectu non fuit Virgo præseruata, & id fuit satis ut illum incurreret, quia mors, & passibilitas corporis in Virgine, non fuit solus effectus, & proprietates naturæ, sed reuera fuit effectus peccati Adami, iuxta regulam Pauli Roman. 5. *Per vnum hominem peccatum introiit in mundum, & per peccatum mors, & ita in omnes homines mors pertransiit.* à qua regula non possumus cum fundamento eximere mortem virginis, quia hoc neque ad sanctitatem, vel innocentiam Virginis spectat, neque habet fundamentum in Patribus, vel Ecclesia: item quia si Adam non peccaret, beata Virgo nata ex illo, immunis à morte nasceretur: ergo si nunc non habuit hanc immunitatem, fuit ob Adæ peccatum, quia si negatio fuisset causa negationis, affirmatio profecto est causa affirmationis. Nec dici potest quod quamuis Virgo non amisit immortalitatem quam haberet in statu innocentie propter peccatum Adæ, illam abstulit Deus propter meliorem ordinem suæ prouidentie, ut in hoc statu nasceretur in corpore, & exterioribus conformis cæteris hominibus, præsertim filio suo, & ut ex illa acciperet ipse carnem passibilem. Hoc, inquam, non est verisimile, quia Deus neminem priuat donis, quæ dedit, vel iure ad illa, sine culpa sua, vel quæ ad ipsum aliquo modo pertineat. Vnde cum Deus dederit immortalitatis donum naturæ humanæ cum iustitia originali, nullum purum hominem priauit eo dono, nisi propter peccatum Adæ.

XXXII. Atque ita, inquit, Augustinus, contra duas epistolas Pelagianorum lib. 4. cap. 4. circa medium, quod trahere mortem sine meritis mortis de vno solo

mediatore Dei & hominum homine Christo IESU, Catholica fides nouit, qui pro nobis mortem, hoc est, peccati penam, sine peccato subire dignatus est. Ex qua Augustini sententia colligitur mortem in omnibus hominibus, aut esse penam culpæ, quam vel in se contraxerunt, vel in Adam commiserunt, vel est remedium culpæ vniuersalis. Et sicut hoc secundum est singulare Christo, ita prius est generale reliquis hominibus absque exceptione, ut ipse ibidem expressè addit. Ad quod plane necesse est asserere, beatam Virginem in Adamo peccasse, & quod de se obnoxia fuerit originali culpæ. non est tamen necessarium, ut beata Virgo in se habuerit originale peccatum, quia solet Deus remittere eam culpam non remissa pena mortis, & hoc ipsum potuit efficere cum Virgine, etiam si eam à culpa præseruauerit, quia, ut dictum est, præseruatio illa fuit quoddam genus remissionis culpæ, altius & excellentius: & non obstante tali remissione, potuit manere mors tanquam pena demeriti Adam, non tantum ut erat solum demeritum ipsius, sed omnium descendendum qui in eo peccauerunt, quod maxime illic intendit Augustinus contra Pelagianos. Atque eodem modo incurreret Virgo fontem peccati, & alias penas ex vi suæ conceptionis, nisi ab eis, licet à culpa præseruaretur: sed in eis erat peculiaris indecentia, & affinitas cum peccato, quæ nimium derogabant perfectioni sanctitatis, & ideo ab eis etiam fuit præseruata: at vero in morte, & passibilitate corporis, non erat talis aliqua indecentia, imo erant multa conuenientia, & ideo noluit Deus eam ab hac pena præseruare: & ita licet non sit sufficiens indicium culpæ præcedentis, est tamen sufficiens debiti culpæ.

Quod attinet ad Tridentinum dico frustra ab aliquibus induci ut det licentiam non solum ad eximendam Virginem à peccato originali, sed etiam à debito eius, quia hoc nec est iuxta mentem, nec iuxta verba eius, quia expressè ait, non esse intentionis suæ comprehendere immaculatam Virginem in hoc decreto, ubi de peccato originali agitur. Censet autem non esse idem agere de peccato originali, & agere de debito eius, de quo nihil omnino tractat Concilium, nisi quod in can. 2. attingit, quod Adam peccato sibi, suæque posteritati nocuit, transfundendo in descendentes non solum penas, sed etiā culpam, & ad hoc solum allegat locum Pauli Roman. 5. in ultimis verbis colligendo eas ex transfusione peccati. Quod amplius declarat remittendo ad Extrauagat. *Græue nimis.* Sixti IV. quæ etiam solū agit de immunitate peccati originalis, & non debiti. Et ita certum est, quod si quis hodie affirmaret, vel prædicaret, affirmantes, vel prædicantes Virginem non habuisse debitum, vel non fuisse obnoxiam culpæ originali ex vi originis, mortaliter peccare, vel etiam esse hæreticos, vel erroneam doctrinam seminare, certum inquam, est quod si quis hodie hoc affirmaret, non peccaret contra illam Extrauagantem, nec eius penas incurreret, quicquid sit de imprudentia, vel culpa, quam alioquin in eo committeret. ergo sicut Christus IV. non fuit locutus de debito peccati, sed de culpa ipsa, & præseruatione eius, ita quoque ea fuit Concilii Tridentini mens, mens enim allegantis ex mente eius quod allegat recte colligitur.

Si vero querat aliquis, an contraria opinio censuram aliquam mereatur, dico in eadem distinguendum. Aliquæ sunt quæ attingunt Christi redemptionem: ut, Beata Virgo non fuit præseruata à peccato originali ex morte Christi præmissa, vel, non fuit B. Virgo proprie nem fuisse

XXXIII. Frustrum aduersario- rum argumentum ex Tridentino, refellitur.



proprie redempta per mortem Christi, vel, Christi sanguis, aut mors non fuit necessaria Virgini ad aternam salutem. Et hæc omnes, vel quæ necessariam connexionem cum illis habuerint, putarem ego continere malam doctrinā, & aliqua censura dignā, quam nunc non determino, quia necessarium non est. Alterum genus propositionū est de solo puncto debiti absolute sumpti in se, & in sua radice, ut, *Beata Virgo non peccauit in Adam, vel non habuit debitum peccati originalis nec in se, nec in alio.* & has non puto dignas censura aliqua, quia possunt

Quid de his qui negant peccasse in Adam aut contraxisse immo debitum?

defendi absque connexionem vlla cum prioribus. Verū tamen ad hoc defendendum, necessariū etiam est defendere Christum fuisse prædestinatum ante peccatum originale absolute præcisū, non solum quoad assumptionē humanitatis, sed etiam quoad carnē passibilem & mortem, quia Christus redemptor non fuit, nisi mediātē ipsius morte, & passione, iuxta verbum eius Matth. 20. *Filius hominis venit dare animam suam, in redemptionem pro multis:* propter quod communiter in Scriptura dicitur fuisse sanguinem Christi precium redemptionis nostræ: atque adeo ut Virgo dicatur propriē & verē redempta per Christum, necesse est saluare fuisse præseruatā ex morte Christi præuisa, ut suprà numero 14. visum est. Et ex consequēti ad asserendum, fuisse præseruatam ante præuisum peccatum originale, oportet asserere etiam mortem Christi fuisse prædestinatam, & præcognitam ante peccatum originale, quia sic dici poterit, B. Virginem fuisse præseruatam per Christum, ut redemptorem, ut pote per mortem & passionem eius. Ad quod necesse est addere ad redemptionem sat esse, exemptam fuisse anticipatē in lege, & pacto cum Adam inito, quia nisi ita fuisset, exempta peccaret in Adamo, & consequenter ex vi suæ originis contraheret originale peccatum. Et quoniam in his duobus, scilicet quod mors Christi fuerit præordinata ante originale peccatum præcisum, & quod id genus præseruationis sat est ad propriam redemptionem, non continet errorem, nec aliquid contrarium modo loquendi Scripturæ, vel Patrum, nec etiam apparet in excipienda Virgine à quavis lege vniuersali quæ attingat peccatum, vel peccare etiam in alio: propterea credo hoc secundum genus propositionum, non mereri censuram aliquam, nec potest dici improbabile, cum non delint authores pii ac docti qui id probant.

XXXV.

Veruntamen ego illis non acquiesco, nec in eam sententiam induci possum. In primis enim mihi nimis durum videtur, quod Christus ut passibilis, eiusque passio, & mors fuerint prædestinata ante præuisum absolute originale peccatū, propter ea quæ alibi scripsi. Secūdo non videtur etiam mihi sufficere ad propriam redemptionem, quia vbi non intervenit aliquo modo remissio peccati, & satis factio pro persona redempta, non videtur dari propria redemptio, ut suprà declaravi ponendo casum in quo Deus ex præuisis meritis Christi præseruaret totum genus humanum in Adamo, atque etiā ipsum Adamum, non permittendo ipsum peccare, & quæ tamen non esset propria redemptio, quamuis esset genus aliud excellentissimæ gratiæ, & beneficii. Id quod verum etiam est, quamuis supponatur Deum scire optimē quod si permitteret, Adamum peccare, ipsum fuisse infallibiliter peccaturum.

XXXVI.

Quid de his qui negant proxi

Tertius modus sentiendi, & loquendi in hac materia est eorū, qui dicunt in persona propria Virginis non fuisse debitum peccati originalis, quamuis in Adamo illud habuerit, quia in

*Suarz in primam secundæ D. Thom.*

eo peccauit. Et hoc genus propositionum clarius multo est, non mereri censuram Theologicam, ut sic dicam, verum ex vi rationis, videtur mihi includere contradictionem, quia, ut suprà numero 21. dictum est, debitum in propria persona, non est nisi moralis quædam denominatio à debito contracto in alio, nam eo ipso quod persona procedit à tali radice infecta, & ex illo semine, nascitur sub illo debito, & ab illo denominatur: atque ita hæc duo, scilicet, personam habuisse debitum peccati in parentibus, & esse in se obnoxiam tali debito cum primum incipit esse per viam seminalem à talibus parentibus, sunt veluti duo correlatiua, quæ impossibile est non dari in utroque extremo, eo ipso quod sunt, vel se habeant ut duo extrema, quorum vnum denominat alterum intrinsece, & absque separatione abinuicem, quomodo fieri non potest, ut vnus videat, & nihil sit quod videtur: quod ut etiam suprà tetigi, locum habet in hominibus in peccato originali conceptis: nam prius natura quam intelligantur esse sub peccato intelliguntur esse sub debito, & habere illud in se, eo modo quo morale debitum personæ inesse potest. Et propterea non obstante eo debito, poterat Deus præseruare à peccato originali Ioannem Baptistam, vel alterum si vellet: verum hoc privilegium matri suæ reseruauit. At verò quoad debitū in priori naturæ, necessariū mā sit virgo eiusdem conditionis cum aliis, si semel admittitur illam peccasse in Adamo, & in illo habuisse debitum peccati originalis, quia necessariū attingit personam dicto modo, eo ipso quod exillere incipit, neque potest præueniri in aliquo priori naturæ, quia talis persona non prius natura est, quam sit ex tali radice, & per talem originem. Et quidem puto has consequentias adeo necessarias, ut in materia censuræ Theologicæ sit hoc tertium genus propositionum in eodem gradu cum secundo: & in ratione discursus, existimo hoc posterius minus probabile.

Restabat vnum verbum pro authoribus qui allegantur pro carentia debiti, pro qua opinione allegavi in primis Catherinum, Gaetium, & Vguerium. Et postea P. Vazquez excepit duos posteriores, nescio quo fundamento. Verum nunc non refert id expendamus, quia licet omnes tres ita sentiant, non satis erit ad probabilitatem sententiæ, nisi adstipulerent etiam alii. Veruntamen postea citantur plerique authores, quorum plures prodierunt postquam in 2. tomo 3. partis quæstionem agitaui: qui verò antea prodierant, ad meas manus tunc non venerant. Et vnus ex iis est P. Salmeron *super epistolam ad Romanos cap. 5. disput. 45. in fine* quia dicit pactum Dei cum Adamo ad beatam Virginem se non extendisse, sed præuisam ut matrem, singulari privilegio fuisse exemptam. Verum ipse idem author in *disput. 50. parum à principio*, cum dixisset quod solus Christus fuit longè, non solum ab actu peccandi, sed etiam ab omni potentia, addit, *quæ longe excedit Virginem in qua fuit potentia, & debitum contrahendi peccatum.* Et aliquanto inferius in § *obuiet*, significat solum Christum exemptum fuisse ab illa sententia Pauli Ephes. 2. *Eramus natura filii iræ.* Et ad hunc modum loquitur in discursu illarum disputationum, quod dico, ut aduertatur non sat esse authorem obiter dicere Virginem fuisse exemptam à peccato, quia optimè intelligi potest de peccato quoad executionem eius, non verò quoad contractum, seu obligationem: Et iudico hoc sensisse Patrē Salmeronē in citatis verbis. Et fortasse

XXXVII.

P. Salmeron  
ron debitū  
in B. Virgi-  
ne agnoscat.

Pp

multi



multi ex iis, qui pro hac opinione allegantur, ita etiam loquuntur. quāquam nunc tempus non habeo ad videndum omnes, & nonnulli minus noti non sunt apud nos: quāquam sat scio eorum plerosque non satis expendere punctum, sed obiter, & summarie loqui, atque ita verisimile est nō loqui in proprio rigore puncti, quod tractatur.

XXXIX. Pro qua re proponam exemplum aliud, quod ex P. Canisio affertur lib. 5. de beata Mariæ cap. 27. ubi in §. ad Thomam, refert hæc verba ex Alberto Magno, Hanc Virginem solam à communi illa regula excipi: Omnes peccauerunt in Adam, quæ ipse sequitur, & approbat absque alia declaratione. Verum tamen absque dubio Alberti mens non fuit loqui de exceptione in ipso pacto facta, ut sic dicam, sed à lege contrahendi peccatum originale, quæ in ipso pacto inclusa est, vel, quod idem est, de exceptione ab executione, & effectu pacti Maiori cum rigore & distinctione loquitur Pater Iustinianus, qui etiam allegatur 1. Timothy. 2. Circa illa verba. qui dedit redemptionem, &c. & apud me author est gravis: verum solum dicit, valde probabile existimo. in quo ego non contradico, quāquam illud valde excusari posset. Allegatur etiam P. Valentia 2. tomo disp. 6. quest. 11. puncto 2. §. Quare ad primum. Vbi ad argumentum quod contendeat, non potuisse Virginem præservari à peccato originali, supposito pacto cum Adamo, respondet potuisse præservari ab ipso pacto, & addit, quod de beata Virgine pie credi potest. Verum subdit responsionem aliam, quod licet non fuerit excepta à pacto, potuit tamen esse, & fuisse à peccato. Et in altero §. addit quod licet prior si latius bona sit, secunda tamen est melior. Et in hac materia mihi videtur eligendum quod melius, & quod servetur inter defensores immaculatæ conceptionis Virginis vno, ut facilius deueniatur ad eius certitudinem intelligendam. Patres verò, qui pro eadem parte citantur, omitto, quia reuera id non explicant.

XXXX. Vltimò addo circa id quod inuenitur scriptum de hoc privilegio præservationis Virginis, in vno ex libris antiquis qui inuenti sunt in monte sancto Granatæ, qui tribuitur Diuo Sicilio, & habet pro titulo, de domo gloriæ, & domo tormenti, in quo libro dicitur egisse Apostolos de hoc mysterio, confirmando veritatem immunitatis virginis à culpa originali. Et audio allegari in fauorem sententiæ asserentis Virginem non solum non habuisse culpam, sed neque etiam eius debitum. Verum iuxta notitiam, quam de hac re habeo, nullo modo D. Sicilius, aut Apostoli ab eo relati, fauent dictæ opinioni, nam formalia verba libri illius scripta ad me sunt à viro graui, & docto, & qui iure poterat ea scire: sunt hæc. Illa Virgo, illa Mariæ, illa sancta, illa electa, à primo originarioque peccato præservata fuit, & ab omni culpa libera, atque hæc veritas Apostolorum Concilii est. nec scio alia verba esse in eo libro, quæ ad hanc rem pertineant, nisi comminationem pœnæ, quæ ad nostrum casum non facit. Et ex citatis verbis constat, agi solum de præservatione ab originali peccato, & immunitate ab omni culpa: nullum ergo est fundamentum ad extendendum ea ad carentiam debiti: imo eo ipso quod dicitur fuisse præservatam ab originali peccato, significatur Virginem ex se fuisse obnoxiam illi culpæ, quamvis singulari privilegio fuerit ab ea immunis.

## SECTIO V.

Quos effectus, vel pœnas contrahamus in hac vita ratione peccati originalis.

Circa hanc quæstionem Lutherani, & Pelagiani conveniunt in vno principio contra fidem, scilicet primum hominem fuisse creatum solum cum perfectionibus humanæ naturæ debitis, ex quo inferunt contrarias conclusiones. Pelagiani quidem nullas pœnas nos contrahere propter peccatum Adæ, illum enim fuisse passibilem & mortalem, habuisseque concupiscentiam sicut nos: ita refert Augustinus epistola 106. Fundamentum est, quod hæc sint naturalia homini. Lutherani vero colligunt etiam naturam ipsam in naturalibus perfectionibus fuisse corruptam, ideoque amisisse arbitrium, & lumen rationis ad bene operandum, ac etiam ad superandam concupiscentiam.

Sed fides supponit contrarium fundamentum, scilicet primum hominem fuisse creatum in quadam naturæ integritate, & rectissima potentiarum constitutione, quæ perfectio naturalis non erat, sed ex singulari Dei dono perfecta, quæ veritas probatur latius in tract. de opere sex dierum lib. 3. nunc supponenda ex illo Ecclesiastes 7. Deus fecit hominem rectum, &c. & Ecclesiastici 17. Secundum se vestivit illum virtute, &c. cui consonum est illud Psalmi. 8. Gloria, & honore coronasti eum. & 48. Homo cum in honore esset, &c. quæ testimonia in hoc sensu intelliguntur à Patribus citandis infra. Vnde prorsus est improbabilis sententia eorum, qui putant hoc veluti naturæ complementum, quod habuit homo in statu innocentie, ita fuisse naturale, ut esset omnino naturæ debitum, vel ex ipsis naturæ principis fluere, atque adeo futurum in homine in puris naturalibus, ex quo inferitur hominem post peccatum mansisse monstruosum contra doctrinam Patrum, Dionys. 4. diuinorum nominum, & Damasc. lib. 2. cap. 3. ubi de demonibus loquitur: sed est eadem ratio, ac de hominibus. Cyrilli in Ioan. ca. 9. & 13. libro de adoratione, & spiritibus, & Chrysost. homilia 15. in Genes. Cyprian. epistola ad Pomp. & Ambros. libro de Helia, & ieiunio, cap. 4. & de Iacob. & vita beata capite 5. Augustin 13. de ciuitate capite 13. & 11. Genesios ad litteram cap. 32. & 4. contra Iulianum capite vltimo. Ratio quoque est euidens, quia naturæ tantum debentur potentie naturales, & concursus ad operandum, quod infra melius patebit. Secundò sumendum est tanquam certum principium hominem totum hoc donum recepisse, non solum ut prodesset propriæ personæ, sed ut communicaretur toti naturæ, si ipse non peccasset, ut ex dictis patet. Ex quibus sequitur tertio per peccatum originale amisisse nos originalem iustitiam, atque adeo effectus omnes, qui ab illa oriebantur: quare omnes contrarii effectus veluti priuatiui, sunt originalis peccati effectus, nam ablato principio auferuntur reliqua quæ sequuntur ex illo: & sicut affirmatio est causa affirmationis, ita negatio negationis: rectè igitur Augustinus sermone 11. de verbis Apostoli, Creatus est, inquit, homo in natura sine culpa, creatus est rectus, non se ipse fecit rectum; quid autem fecerit notum est, cadens à manu figuli fractus est. Hac ergo veritate supposita sit,

Prima propositio. Effectus primarius originalis peccati est priuatio gratiæ, & omnium virtutum infusarum, eoque modo priuatio talis, non habet

I. Error hæc citorum in hac quæst.

II. Vnum principium de se de contrariis erroribus.

Improbabile quorundam placitum hæc in re.

Consequenter ratione. Alteri principium.

Vide prologum. 4. de gratia cap. 5. num. 4.

III. 1. Propositio.



habet rationem culpæ, sed pœnæ. Est certa, & de fide, ostendimus enim peccatū originale in hoc æquivalere mortali: hinc Hieron. lib. 3. contra Iul. cap. 20. ait id perdidisse nos in Adamo, quod recepimus in Christo: recepimus autem gratiam, & virtutes infusas, quare, &c.

IV. Secunda propositio. Secundarius effectus originalis peccati est vulnus, seu infirmitas naturæ, quæ in naturalibus potentiis hominis ex peccato relicta est. Hæc conclusio certa est, vt præcedere tenet D. Thomas 1. 2. quest. 3. artic. 3. & quest. 85. artic. 4. D. Augustinus de natura, & gratia cap. 19. & 20. Colligitur Sapientia 8. versu 20. ad Roman. 8. versu 21. 2. Petri 1. versu 4. ponit verò Augustinus quatuor effectus, ignorantiam in intellectu, malitiam voluntatis, seu debilitatem: concupiscentiæ corruptionem, irascibilis infirmitatem, quæ breuiter sunt exponenda. Lutherani ignorantiam intellectus, & malitiam voluntatis, ita interpretantur, vt dicant intellectum post peccatum mansisse prorsus cæcum ad intellegendum verum, præcipue practicum, & morale: voluntatem verò prorsus amisisse libertatem ad operandum bonum, quæ hæresis coincidit cum illa supra impugnata, per peccatum fuisse hominem substantialiter mutatum. Quid tamen possit intellectus noster in cognitione veri, dicitur à nobis, in materia de Gratia lib. 1. capite 1. de libero verò arbitrio ad operandum bonum partim supra diximus, partim in citato lib. de Gratia. Dicendum est ergo ignorantiam esse vulnus peccati originalis propter intellectum præcipue. Primò, quia multa nunc homo, quæ in illo statu nō ignoraret, ignorat, caret fide, prudentia, &c. Secundò, quia in multis nunc decipitur, perseverando verò in illo statu, in nullo permetteretur decipi, quæ tamen deceptio nunc partim ex imperfectiōe naturalis ingenii, partim ex impedimento passionum provenit. Voluntas verò sine dubio manet libera, & cum viribus ad operandum aliquod honestum, quia tamen procliuor manet ad obiecta sensibilia, quæ in illo statu esset, ideo ipsa etiam suum defectum contraxit, qui malitia dicitur, non propriè, & in se, sed quia est occasio peccandi, de quibus vide Augustinum 1. retractationum cap. 9. & 15. & 12. de ciuitate cap. 22. de correptione, & gratia capite 1. 2. & 3. de natura, & gratia capite 3. & Ambros. libro. 7. in Lucam.

V. Circa concupiscentiam, sub qua comprehenditur infirmitas irascibilis, aduertendum ex Augustino 1. de Nupt. capite 21. & 25. & 1. de peccatorum meritis capite 29. concupiscentiam non significare hic appetitum sensitium secundum se: nam ille per se bonus est, & in natura integra reperiatur, vt ipse disputat 4. Contra Iulianum cap. 14. & li 6. capite 7. sed ipsum appetitum vt rebellem, & contrarium rationi, qui aliàs dicitur sensualitas, vel fomes peccati, licet interdum sub hoc nomine ipsa etiam voluntatis infirmitas, & totum distemperamentum peccatorum hominis, significari soleat, vt D. Thomas notauit ex Augustino 14. de Ciuitate capite 13. Secundò aduerte pœnam hanc per se, & propriè in priuatione consistere illius obedientiæ, quam iustitia originalis efficiēbat, quare potentiæ hominis, veluti in statu primo consideratæ, non manserunt procliuiores ad sua obiecta, quam ex sua natura essent in homine in puris naturalibus. Quod docet Anselm. lib. de conceptu virginis capite 7. Augustinus libro 2. de gratia Christi cap. 4. & sermone 4. in Psal. 103. Ratio est, quia sicut natura hominis est prorsus eadem, ita & naturales potentiæ, & inclinationes earum. Con-

statu in primam secundam D. Thom.

firmatur, nulla enim ratione intelligi potest, quomodo hæc propensio fuerit aucta, quia omne augmentum fit addendo aliquid: his autem potentiis nihil additum est: ipsæ enim in se intrinsecè, nec mutari, nec augeri possunt, quia neque intenduntur, neque remittuntur, neque illis additus est aliquis habitus, vel qualitas, vt concludunt rationes supra factæ contra dicentes peccatum originale esse qualitatē.

Obiicies. Nam D. Thomas 1. 2. questione 83. articulo 1. ait peccato hominis, diminutum fuisse naturæ bonum: & Augustinus sæpe vocat concupiscentiam vitium naturæ: dicit autem ipse in Enchiridio capite. 11. vitia animorum esse priuationes naturalium bonorum. Præterea D. Thomas in hac materia aperte docet hunc defectum non esse puram priuationem, sed positium quendam corruptum habitum, quod etiam indicat D. Augustinus libro 1. de peccatorum meritis cap. 16. & 4. lib. contra Iulianum cap. Vltimo. Respondetur, D. Thomam priori loco loqui de peccato in genere, & ita in diuersis peccatis diuerso modo verum est id quod affirmat: nam per peccatum actuale diminuitur naturæ bonum ratione habitus naturalis superadditi: per originale verò, diminuitur non in se intrinsecè, nec per additionem, sed per subtractionem potius illius doni, quod continebat naturam: quod donum licet supra debitum naturæ esset, quia tamen ad ipsa opera naturæ perficienda iuuabat, & quasi supplebat defectus naturales, ideo illius priuatio dicitur naturalis diminutio: & idē potest esse sensus Augustini in priori loco. Ad secundum locum D. Thomæ dicendum est ratione priuationis originalis iustitiæ factum esse reuera, vt in homine manerent duæ propensiones positivæ, quodammodo contrariæ, scilicet ad sensibilia, & ad honesta: inter quas est etiam quædam disproportion: & hanc vocatur D. Thomas & Augustinus habitum corruptum, qui tamen nihil addit ipsis potentiis naturalibus, & ideo ex pura priuatione resultare potest.

Ex quo intelligitur primo recte Theologos fere omnes dixisse concupiscentiam hanc per se esse naturalem homini: nunc tamen esse pœnam, quia ille defectus, quasi sublatus erat diuino dono, & ideo iterum illum contrahere pœna est: & hoc modo dixit Augustinus. 3. de libero arbitrio. 18. non esse hanc naturam hominis constituti, sed pœnam damnati: cum tamen eodem libro cap. 22. & 24. dicat hominem in natura sua potuisse creari eo modo, quo nunc est quoad inclinationem concupiscentiæ, idem ait 1. retractationum cap. 9. & hinc Theologi etiam dicunt non differre hominem nunc, ab homine in puris naturalibus, nisi tanquam hominem nudum à nudato. Colligitur secundo quo sensu accipiendum sit per peccatum hominem fuisse spoliatum gratuitis, vulneratum in naturalibus: quod sumptum est ex Beda, Luca 10. licet ipse solum dicat fuisse hominem spoliatum innocentia, & vulneratum plagis peccatorum: habetur tamen illa sententia ex sensu Sanctorum in eo loco Ambros. Chrysost. & August. libro 2. de concordia Euangel. quest. 19. & Bernard. sermone 1. de Annuntiatione. Sensus vero illius sententiæ iam patet ex dictis. Dicit aliquis, si propterea tantum dicitur natura vulnerata, quia sublato iustitiæ dono, quod naturales effectus impediēbat, iterum illos contraxit: ergo non magis vna potentia vulnerata est, quam alia, cum tamen D. Thomas, & Augustinus dicant, concupiscentiam, & potentiam generatricem ac sensum tactus fuisse maximè vulnerata.

Pp 2 Respon-

VI. Obiectio ex quodam loco D. Thomæ.

Trem ex hoc altero.

Ad priorē locum.

Ad posteriorem.

VII. Vnum contra sectarum ex dictis.

Alterum contra sectarium.

Instantia remouetur.



Tertium  
confecta-  
rium.

Respondeo has potentias ex natura sua esse pro-  
cliuiores in objecta sua, vel certe magis excita-  
re, & commouere hominem, & ideo dici magis  
lasas, quia iustitia originalis in his potentiis  
maiores impetus reprimebat. Vide Augustinum  
14. de Civitate. Colligitur tertio & ultimo, quare  
dixerit Diuus Thomas concupiscentiam esse ve-  
luti materiale peccati originalis: sic enim loqui-  
tur, ut explicet Augustin. qui interdum vocat  
concupiscentiam originale peccatum, vel cer-  
tè reatum originale peccati, 1. de nuptiis capite  
23. & 26. Augustinus tamen solum vult hunc  
reatum, vel debitum contrahendi inordina-  
tam concupiscentiam esse ex originali peccato,  
ideoque per hunc tanquam per effectum expli-  
cat peccatum illud, ut colligitur ex eodem 1. con-  
tra duas epistolas Pelagianorum cap. 13. & lib. 5. contra  
Iulianum cap. 12. & 13. & libro 6. capite 8. Vbi  
concupiscentiam vocat filiam originalis pecca-  
ti. Idem, 1. de nuptiis capite 24. & 1. retractationum  
capite 15. Diuus autem Thomas vocauit materia-  
le, quia in iustitia originali præcipuum, & quasi  
formale, erat subiectio ad Deum: restitudo ve-  
ro potentiarum inferiorum, quasi materiale,  
vnde contrarias eis priuationes vocat D. Tho-  
mas formale, & materiale in hoc peccato, & præ-  
cipue, quando sunt coniunctæ ante Baptismum.  
Et præterea ratio esse potest, quia concupis-  
centia est veluti materia præcipua, in qua ver-  
satur voluntas auersa à Deo per originale pecca-  
tum: proprie tamen loquendo concupiscentia  
hæc nullo modo constituit peccatum origi-  
nale, neque est pars eius, sed effectus, ut ex di-  
ctis patet. Vide Sorum 1. de natura, & gratia cap.  
8. & 9.

VIII.

Tertia pro-  
positio.

Tertia propositio. Alia etiam pœna originalis  
peccati in hac vita est mors, atque adeo cæteræ  
infirmittates, quæ consequuntur corpus corrupti-  
bile. Est certa ex illo Geneseos 2. morte morieris. &  
intelligitur de morte corporis: patet etiã ex ca-  
pite 3. Pulvis es & in puluerem reuerteris. Ita Hierony-  
mus in questionibus Hebraicis, & Augustinus 13 de Ci-  
uitate à capite 12. & 1. de peccatorum meritis capite 1.  
Cyrillus 1. in Ioan. capite 15. ad Romanos 6. Stipen-  
dium peccati mors: idem capite 8. versu 10. & 1. ad Cor-  
inth. 5. Versu 5. & videtur res definita in Concilio  
Mileuitano, & Tridentino. Plura pro hac assertio-  
ne & contrarii erroris sequentis confutatione  
vide lib. de opere sex dierum cap. 14.

IX.

Error contra  
præcedentem  
propositum.

In hac autem veritate errauit Pelagius, ut pã-  
tet ex Augustino lib. 1. de Baptismo paruulorum,  
capite 2. licet libro 4. contra duas epistolas Pelagianor-  
um capite 4. dicat aliquos tandem Pelagianos  
confessos fuisse veritatem hanc. In eodem erro-  
re fuisse Hebræos, ait Eugubinus In Genesim: vbi  
refert Iosephum in antiquitatibus, & Philonem:  
ipseque ferè consentit, & Jacobus Faber ad Ro-  
manos 5. Scotus etiam in 2. distinctione 19. non re-  
cèt loquitur, non tam quod dixit hominem ante  
peccatum fuisse mortalem, licet non moriturum  
[hoc enim ad modum loquendi spectat, quo  
interdum vtitur Augustinus, ut 1. de peccato-  
rum meritis capite 3.] quam quia asserit potuisse  
contingere in illo statu hominem innocentem  
mori: ut si parentes destituerunt filium cibo;  
& potu. Fundamentum huius erroris fuit, quia  
mors est naturalis, & quia homo erat liber;  
& potuisset se occidere, & non comedere, si  
vellet, sed hoc solum est: nam licet effectus  
ille esset naturalis, sublatus tamen erat, & im-  
peditus diuino beneficio, atque adeo quoddam  
reus, pœna est: & hoc modo, ut notauit Au-  
gustinus 1. retractationum cap. 26. dicitur in Scri-  
ptura, Deum non fecisse mortem, Sapient. 1. quia

Eius funda-  
mentum dissol-  
uitur.

scilicet non est ex parte Dei instituta: & quia  
quod in se erat, illam abstulerat. Attamen Ec-  
clesiastici 11. dicitur mortem esse à Deo, quia qua-  
tenus pœna est, vult illa punire homines. Ne-  
que obstat libertas hominis, quia illa fieri pos-  
set, ut peccaret ipse, necessarioque prius pec-  
caret, quam villo modo occideret. In illo casu  
vero paruuli destituti pertinuisset ad prouiden-  
tiam Dei in eo statu subuenire in omnibus hu-  
iusmodi defectibus, quia tota illa immortalita-  
s potissimum prouidentia Dei nitebatur.

## SECTIO VI.

### Quæ pœna respondeat originali peccato in vita futura.

Suppono eos, qui in originali peccato tantum  
moriuntur, post diem iudicii resurrecturos,  
nam articulus resurrectionis generalis est, & il-  
los etiam includit. De pœna ergo animæ, & cor-  
poris breuiter dicendum est.

Prima propositio. Anima decedentis cum ori-  
ginali, præcipue punitur pœna damni æterna: est  
de fide: nam ille qui caret gratia, non habet ius  
ad gloriam, & qui decedit sine gratia ex hac vita,  
in futura nunquam illam obtinet, nec remissio-  
nem lethalis peccati.

Quod tamen habet dubium in hac pœna est,  
an afferat paruulis tristitiã: ita enim apparet ex  
Gregorio libro 9. moralium capite 16. vbi habet eos  
paruulos ad tormenta peruenire, & Augustino  
1. de peccatum meritis capite 16. & 1. de natura  
& gratia cap. 8. & 5. libro contra Iulianum capite 8. dicit  
hos paruulos excludi à regno, & leuissima pœna  
puniri: idem in Enchiridio. capite 93. & 3. de libero  
arbitrio capite 23. Confirmatur. Nam cognitio bo-  
ni amissi causat tristitiã: at paruuli cognoscunt  
se amisse illud regnum vel cognitione naturali,  
quia comprehendunt etiam naturam suam, co-  
gnoscuntque aptam ad illam felicitatem, vel cer-  
te cognoscunt in die iudicii: & ita sentit Abulens.  
questione 662. in capite 25. Matth. & Soto 1. de na-  
tura, & gratia cap. 14. in hoc inclinât.

Contraria tamen sententia est probabilior,  
quam D. Thomas. 2. distinctione 33. questione 12. ar-  
ticulo 2. tenet, Bonauentura in secundæ parte distin-  
ctionis questione 2. Richardus 4. distinctione 50. que-  
stione vltima, & Catherinus opusculo de hac re. Et  
patet primò, quia tristitiã de illa carentia est ma-  
ximã omnium pœnarum, quas sentiunt damnati  
in inferno, ex Chrysost. homilia 24. in Matth. Non  
est autem verisimile paruulos affici summa pœ-  
na non propria voluntate commissa culpa, cum  
præsertim hæc pœna, quæ sentitur, inordinatæ  
delectationi voluntatis respondeat, ex Apo-  
cal. 18. Quantum glorificauit se, & in deliciis fuit,  
tantum date illi tormentum, & luctum. Item, quia  
cum hæc tristitiã magna sit, & æterna, & paruuli  
illi destituti sint gratia Dei, non possent non  
generare aliquem modum odii, & impatientiæ.  
Confirmatur. Nam ideo in hac vita ad remissio-  
nem originalis peccati per se necessarius non est  
vllus dolor quare, &c.

Ad argumentum ex Patribus respondendum,  
iplos vocare pœnam, & tormentum ipsam pri-  
uationem gloriæ, quamuis non sentitur. Ad  
confirm. D. Thomas respondet, paruulos habe-  
re quidem cognitionem illam, sed non contri-  
stare eos, quia simul cognoscunt non habuisse mo-  
dum, neque viam euadendi illud damnum, quia  
non proximè fuerunt dispositi ad obtinen-  
dum illud bonum: sed hoc difficile creditur  
est:

I.

II.

Ante res-  
urrecti-  
onem pœna  
sensu.

III.

Verior sen-  
tentia.

IV.

Ad argum.  
in num. 3.



est: unde probabilius videtur, quod ibidem D. Thomas ait nihil cognoscere paruulos illos de beatitudine supernaturali nam quod Soto ait naturali cognitione posse animam cognoscere prædictam priuationem, & aptitudinem ad felicitatem æternam, falsum est, ut alibi demonstratur, de quo vide etiam supra in tract. 1. ad finem. quia illa felicitas est omnino supernaturalis: quod si naturalis cognitio non sufficit, non est necessarium eis id cognoscere diuina reuelatione iam ad illud de die iudicii, probabile est ibi paruulos non adfuturos, ut diximus tom. 2. in 3. p. disput. 57. sect. 7 & licet adsint, non esse necesse omnia comprehendant, quæ ibi geruntur: vel ad summum in genere intelligent Deum reddere bonis præmia, & supplicia impiis, quæ, & qualia sint, non necessario assequuntur: quia verò ipsi tempus non habuerunt bene, vel male operandi, nihil de suo præmio, vel pœna intelligent, sed tantum manere se in bonis naturalibus: suæque proinde sorte erunt contenti, licet videant alios maius bonum recipere.

V. 2. Propositio. Secunda propositio. Paruuli post hanc vitam non patientur pœnam sensus. Est omnium Theologorum supra citatorum, & D. Thomæ quest. 5. de malo, artic. 2. ubi eam probat. Quia hæc pœna respondet prauæ conuersioni, quam paruuli non habent. Confirmatur, nam ex sententia communi paruuli sunt in limbo, & non in inferno: si verò puniendi essent pœna ignis, in communi loco eam subirent. Colligitur etiam ex cap. maiores, de Baptismo. ubi dicitur carentiam visionis diuinæ esse pœnam originalis peccati: gehennam verò actualis: gehenna autem ex communi vsu Sanctorum significat pœnam ignis: patet denique rationibus factis. Contrarium verò tenet Gregorius. 2. distinct. 31. quest. 3. propter quædam loca Augustini, sed in his, quæ adduximus, potius nostræ fauet sententiæ. Alia verò loca ex libro de fide ad Petrum

cap. 3. & 26. & 5. Hypognoticon, non habent tantam auctoritatem, quia non censentur Augustini. Gregorii rationes omitto, quia vim non habent.

Tertia propositio. Post resurrectionem patientur paruuli in anima eandem pœnam quam antè: in corpore verò solam priuationem illius gloriæ, quæ ad corpus pertinet. Ita D. Thomas supra & omnes ex quo infero fore ut illi paruuli habeant tunc veram Dei cognitionem naturalem, & amorem eius super omnia, atque adeo reliquas naturales virtutes, & corpora impassibilia, non per intrinsecam dispositionem, sed ex prouidentia Dei, & ipsorum, quia debent esse æterna. Unde non indigebunt cibo, neque potu, quia omnis alteratio tunc cessabit, Deo ita prouidente: itaque neque patientur rebellionem carnis, neque interiorem, neque exteriorum pugnam: quia etiam hæc esset pœna sensibilis, & omnia hæc pertinent ad viam, illi verò sunt suo modo in termino: atque in his ferè conueniunt Theologi, solum de loco in quo erunt, dubitant aliqui: Soto vult futuros in loco inferni prorsus tenebroso, quia Augustinus 1. de peccatorum meritis cap. 23. id indicat, sed vere non affirmat, ut patet ex Cap. 24. & 25. idem tamen tenet Bonauent. Cæteri verò piè, & probabiliter censent habitationem illorum futuram in hoc mundo, quia vera magna pœna sensibilis esset detineri in illo loco, unde quidam censent, licet non rectè, non esse aliam pœnam ignis in inferno. Est etiam alia ratio, quia tota pœna paruulorum debet esse priuatiua sicut culpa, detineri verò in illo loco positiua pœna est. Tandem, quia naturalia non fuerunt hoc peccato diminuta, habebunt ergo illum locum, qui ipsis consentaneus est

ex sua natura: atque hæc satis sunt de peccatis.

\* \*

Læus Deo, Virginique Matri.





Handwritten text in two columns, likely a manuscript or letter. The text is faint and mostly illegible due to fading and bleed-through from the reverse side. It appears to be organized into paragraphs or sections.

Handwritten text, possibly a signature or a line of a letter, located below the main body of text.



Handwritten text at the bottom of the page, possibly a date or a reference number.





# INDEX RERVM, VERBORVM, ET SENTEN- TIARVM, QUÆ IN HOC OPERE CON- TINENTVR.

*Prior numerus paginam, alter eiusdem pagine numerum  
marginalem denotat.*

## A

### Actio.



CTIONES libera, imperataque à vo-  
luntate fiunt, & sunt propter finem  
13.2

Quæ habent obiectum, dici etiam  
possunt fieri propter ipsum, tan-

quam propter finem, vt contemplatio: quæ verò  
non habent vt cybarizatio, productio ipsa dici po-  
test propter terminum, tanquam propter finem,  
terminus vero non est propter finem. *ibid.*

Actio proprie etiam dicitur quæ est necessaria. 16.6

Actio voluntatis necessaria cum aduerrentia, dici potest  
actio hominis, non tamen proprie humana. *ibid.* 7

Actio humana si intelligatur illa quæ moralis est, tunc so-  
la libera est humana, si veroper humanâ intelligatur  
procedens ab homine cum deliberatione, tunc etiam  
necessaria est humana, *ibid.* 9

Actio vt actio non est violenta agenti. 125.3.4

Actio qua ignis eluatus frigefaceret non esset ei violenta,  
*ibid.* 4.

### Actus.

Actus elicit voluntatis circa media sunt propter finem,  
quamuis non sint directum obiectum electionis. 13.3

Actus voluntatis vt dicatur propter finem, non oportet vt  
sit liber. 15.2

Actus voluntatis possunt esse necessarij aut ex imperfectio-  
ne, aut ex perfectione. *ibid.* 1

Actus necessarius non denominatur liber ex eo quod oria-  
tur ex libero, vt amor patriæ ex amore via. 16.8

Actus qui à voluntate hominis nõ ordinatur, vt nutritio,  
prima intellectio, &c. non sunt propter finem ab homi-  
ne intentum. 18.4

Actus vitales contrarij nequeunt esse simul etiam remissi.  
144.8.9

Actus moralis substantia pendet ex quatuor causis, esto  
vt physicus est non sic pendeat. 170.1.5

Actus imperatus, & imperium constituunt moraliter v-  
num actum. 198.1. & seq.

Actus liber quoad rationem vtilis, vel conuenientis, & in-  
deliberatus quoad rationem honesti, vel turpis, an sit  
moralis. 202.9

Actus humani bonitas obiectiua, quomodo ex obiecto, &  
circumstantiis sumatur. 217.2. & seq.

Actus moraliter bonos nullos dari in homine, error 222.  
1. & seqq.

Actus voluntatis non dicuntur tantum boni à bonitate ob-  
iecti, sed à sua, quam habent formaliter. 223.2

Actum esse bonum, vel conuenientem naturæ humanae,  
quid importet. 228.16

Actus vt dicatur bonus nulla malitia ei adiungi debet.  
229.21

Actus vt sit bonus simpliciter non requirit quatuor boni-  
tates. 229.2. & seqq.

Actum voluntatis bonum sequuntur aliquot proprietates,  
quæ illum non reddunt meliorem, sed ab ipsa eius boni-  
tate manant. 230.6

Actui voluntatis duplex bonitas tantum competit, vna in-  
trinseca, altera extrinseca, quando ab alio actu bono  
imperatur. *ibid.* 7 & seqq.

Actus imperans bonum actum non habet ab eo specialem  
bonitatem præter ipsam formalem. 231.9. ad finem.

Actus interni bonitas ex obiecto est specifica, licet datur  
interdum generica, & ea quæ est ex circumstantiis spe-  
cifica. 232.1.2. & seqq.

Actus internus voluntatis sumit bonitatem ex obiecto for-  
mal: per se intento, quod in actibus malis non reperi-  
tur. 233.7.8. & 12

Actus qui tendit ad honestum in communi ad quem vir-  
tutem spectet. 234.14. & seqq.

Actus voluntatis & intellectus indiuisibiliter attingunt  
obiectum materiale, & formale. 233.7. & seqq.

Itaque in vnquoque actu non sunt duæ partes quasi  
integrantes. *ibid.* 8

Nec quasi materia & forma. 233. ad n. 6. vsque ad 16

Nec quasi accidens, & subiectum. *ibid.* 17

Actus vnus non potest tendere ad vnum obiectum mate-  
riale sub pluribus bonitatibus primariis, quantum v-  
naquæque det suam realem specificationem: & ob ean-  
dem rationem non potest idem actus esse fidei & scien-  
tiæ: nec idem habitus pertinere ad duas species virtutis  
nec idem actus esse simul naturalis, & supernatura-  
lis. 228. sect. 3. per totam.

Si tamen intellectus concipiat bonitates per modum  
vnus vt potest in quibusdam, tunc voluntas in illas  
tendit vnico actu. 237.13

Actuum bonorum vnitas specifica, vel numerica, quomo-  
do ex obiectis sumatur. 241. sect. 4. per totam.



# INDEX RERVM.

- Actus potest esse bonus ex obiecto absque ulla bonitate ex circumstantiis obiectiuis.* 243.3  
*Actus dandi v.g. viginti aureos non necessario aequiualeat actibus viginti.* 247.15.  
*Actus voluntatis bonus ex obiecto non potest habere alias bonitates ex circumstantiis superuenientes priori ibid.* 18 & seqq.  
*Sed tales circumstantiae causant distinctos actus, & bonitates.* ibid.  
*Actus ut quatuor ansit tam bonus ac quatuor actus ut unum.* 251.13.14  
*Actus non est melior ex obiecto ex eo quod fiat cum maiori libertate, erit tamen laudabilior.* 252.17.18.  
*Actus liber esse potest quin liber si ipsa per se intendatur, nisi per virtutalem reflexionem.* ibid.19.&20  
*Actus liber a pro aliqua mora continetur, necessario.* 253.23.& seqq.  
*Actus continuus, ne, an multi discreti, ceteris paribus, sint maioris momenti.* 255.32.& seqq.  
*Actus bonus ex obiecto est simpliciter bonus, licet non referatur in finem ultimum dummodo non referatur in malum.* 256. sect. 1. per totam.  
*Actus tendens in obiectum quidem honestum, sed non ob honestatem, sed utilitatem alterius finis, sumit tantum speciem ex fine.* 261.1.  
*Quod si bonitas obiecti per se ametur, & referatur in alium finem, tunc actus habet speciem ex obiecto essentialem ex fine vero accidentalem.* 262.9. & seqq.  
*Actus bonus ex obiecto relatus in finem extrinsecum solum dominatur bonas accidentaliter a fine illo, vel ab actu eum imperante.* 264. sect. 4. per totam.  
*Actus a quo sumitur denominatio praedicta, quis sit?* 262.8.9.  
*Actus aliqui mali sunt ex obiecto, ante omnem prohibitionem.* 269.6. & seqq.  
*Nullus tamen actus est malus, quin sit contra rationem.* ibid.  
*Actus omnis voluntatis malus est quia prohibitus, quis sensus.* 270.12  
*Actus intrinsece malus, quid importet.* 171.13  
*Actus internus voluntatis malus dicitur a sua malitia formali, & non tantum a malitia actus externi.* ibid.1.2  
*Actus mali differentia non est malitia, ut falso putauit Caiet.* 273 & seqq.  
*Actus mali specificatio non est ex praeceptis violatis.* 284.1.2  
*Neque etiam ex actu positio ad quem sequitur.* ibid.3.  
*Sed quoad positum quod in actu est, sumitur specificatio ex bonitate obiectiua quam respicit v.g. delectabilitate, quoad malitiam vero ex obiectiua disconuenientia ad naturam rationalem.* 285.6. & seqq.  
*Actus bonus ex obiecto dicitur bonus ex fine per denominationem ab alio actu quo obiectum refertur in bonum finem, malus vero actus per se ipsum etiam habet malitiam intrinsecam a tali fine.* 286.4  
*Quae harum malitiarum sit essentialis.* ibid.  
*Actus voluntatis non potest simul esse simpliciter bonus, & malus, aliquammodo vero potest.* 289.1. & seqq.  
*Actus dici probabiliter potest bonus ex obiecto & malus ex aliqua circumstantia obiectiua, probabilius tamen est non esse bonum, quia haec vel illa honestas continetur sub honestate in communi quae omnem malitiam excludit.* 290.7
- Probabilius, etiam est actum bonum ex obiecto posse conservare honestatem cum malitia ex circumstantia actus.* 291.10. & seqq.  
*Actus bonus non potest, saltem moraliter loquendo, imperari a malo fine, ut actus fidei a vanagloria, possunt tamen esse simul concomitantur.* 293.17  
*Actus bonus ex obiecto non potest fieri malus ex eo quod non referatur ad ulteriorem finem quod si praecipatur referri, cum omnis talis praecipit erit malus, non vero actus.* 294.19  
*Actus mere internus, & ut elicited non potest de bono fieri malus.* 296.3  
*Potest tamen fieri de non bono malus, & de malo non malus.* 297.7. & seqq.  
*At vero si sumatur ut imperatus, fieri potest de bono malus, & contra.* ibid.8  
*Actus diuisio in bonum & malum est essentialis non tamen adaequata.* 298.3.4.  
*Erit tamen accidentalis loquendo de bonitate & malitia aduenientibus actui quasi imperato.* ibid.5  
*Actus qui boni non sunt esse indifferentes quomodo verificari possit.* 299.1.  
*Actus indifferentes, vide indifferens.*  
*Actus supernaturalis nullus est malus ex obiecto* 300.1  
*Imo neque indifferens.* ibid.3. & seqq.  
*Actus ad subleuandam naturam ut animalem sunt otiosi.* 303.9  
*Actus exterior, id est, non elicited a voluntate, solus est malus, vel bonus per denominationem ab elicited.* 305.5. & seqq.  
*Bonitas, & malitia est tantum in haec in actu interno.* 206.8  
*Actus exterior peccaminosus confitendus esto non habeat aliam malitiam quam interior.* ibid.9  
*Actus exterioris diuisio in bonum, & malum, qualis.* 307.13  
*Potestque idem esse bonus, & malus successive.* ibid.14  
*Actus exterior per se non augeat bonitatem interioris.* 308.1  
*Est tamen saepe necessarius ad bonitatem interioris.* ibid.3.  
*Per accidens tamen augeat exterior malitiam interioris, & quomodo.* ibid.4  
*Actus exterior conferre potest ad premium & poenam accidentaliter, & ad meritum ex ope operato.* ibid.5  
*Actus voluntatis, vide cognitio varia.*  
*Actus liberi, vide libertate determinationes.*  
*Actus beatifici, vide Amor & visio.*  
*Actus appetitus sensitiui, vide Passio.*

## Adam.

- Adam creatus fuit in natura integritate quae a singulari Dei dono profecta.* 59.12  
*Errores contrarii.* ibid.  
*Refelluntur, vide verbo Origin. peccatum, verbo Poena peccati, verbo Maria Virgo.*

## Aeternitas.

- Aeternitas beatitudinis, vide Beatitudinis aeternitas.*

## Agere.

- Agere propter finem quadrupliciter contingit, vide Relatio operis.*

*Agens*



# INDEX RERVM.

Agens vt sic, non patitur violentiam non agendo, & cur. 136.6  
 Agere, & pati simul potest voluntas suum actum. 180.5.

## Amens.

Amens operantur interdum propter finem, licet non admodum propriè. 17.12.  
 Amens an eligant. 192.5.6  
 Amens an sit aliquis in vna materia, & non in alia. ibid.  
 Amens, dormientes, etsi haberent eosdem actus quos in sanitate, & vigilia, non essent morales, reuera non habent eosdem nisi materialiter. 297.6

## Amor.

Amor solus absque visione non satiat, imo ex illo nasci potest desiderium. 58.30  
 Amor est de essentia beatitudinis, licet sit idem cum amore via, quia neutra beatitudo sine hac coniunctione cum Deum potest constare, quia forte de causa D. Thom. non numerant hunc actum, sed visionem, vt particulare quid. 59.33  
 Amor licet resultet ex visione non desinit pertinere ad essentiam beatitudinis. ibid.35.  
 Amor concupiscentie propriè beatitudinis obiectiua, vel formalis non pertinet ad essentiam beatitudinis. 60.36  
 Amor concupiscentia est necessarius ad falsam beatitudinem, non sic de vero ultimo fine. ibid.38  
 Amore amicitia amat homo suam beatitudinem obiectiuam, & ipsam formalem, saltem virtute, amat etiam seipsum non sibi sed Deo. ibid.39  
 Amor in patria non ordinatur ad visionem, sed per seipsum est amabilis. 62.48  
 Amor & visio fere sunt incomparabiles, videtur tamen creasse Deum hominem magis vt se videret, quam amaret. 63.51  
 Amor preferendus esset visioni, si vnum tantum esset eligendum. ibid.55  
 Amor licet excedat in quibusdam visionem, in aliis magis excutitur, si camen in amore includamus gratiam, tunc est perfectio. 64.56  
 Amor & visio non habent contrarium positium, quia sunt actus necessarii, & ideo odium & error opponuntur solum a tribus liberis via. ibid.58  
 Amor eat est affectiuus, & obedientialis. 79.20  
 Amore concupiscentie amat beatus suam beatitudinem necessariam. 81.6.8  
 Amor non distinguitur à voluntate sumpta pro actu. 176.5  
 Amoris necessarii honestas est physica non moralis. 204.1  
 Amor beatificus, vide Voluntas posita Dei visione. 330.1  
 Amor est actus vita & vbi resideat. 330.1  
 Amoris casus in appetitu sensitivo, quanam sint. 331.3.4  
 Amoris effectus formalis quis. ibid.5  
 Amoris effectus secundarii quis. ibid.5.6.7  
 Amoris ne, an cognitionis maior sit vnio. 332.8.  
 Amorem benevolentia, & concupiscentia distingui verius ibid.2.  
 Amicitia suo etiam modo in brutis. 333.3

## Angeli.

Angelorum ordines videntur distingui per comparationem ad viam, vbi amor perfectior est scientia, 62.47

## Annihilatio.

Annihilatio non est alicui rei violenta. 137.9

## Anima.

Anime post mortem certa sunt sui status, contrarium est error in fide. 96.1.  
 Animas esse in sinu Abraha quis sensus. 97.2  
 Non deportantur ad paradysum terrestrem. ibid.3  
 Sed ad cælum plene purgata, ibid.4  
 Et post Christi mortem vident non solum humanitatem e us, sed etiam diuinam essentiam. ibid.5.6  
 Plene purgata statim recipiunt essentiale pramium, 98.7. & seqq.  
 Animas parata beatitudo. 106.3

## Appetitus.

Appetitus sensitivus non mouetur ex se propter finem, propriè, & cur. 18.7  
 Appetitus sensitivus non est subiectum virtutum. 9. & seqq. 355. 9. & seqq.  
 Appetitus sensitivus an inclinet ad malum. 364.13  
 Appetitus morum omnem esse peccatum mortale, error. tract. 5. disp. 5. sect. 4. n.1  
 In appetitu sensitivo possè dari peccatum veniale, error Cicerani. tract. 5. disp. 5. sect. 5. à n.1  
 Concupiscentia appetitus saepe est peccatum veniale ex defectu voluntatis. 5.5.6.2  
 Sapientius nullum est peccatum. num 3  
 Appetitus innatus beatitudinis vide Beatitudinem naturalem in particulari.  
 Appetitus innatus datur in nobis ad beatitudinem in comuni. 108.5  
 Appetitus innatus non potest esse ad videndum Deum sub ratione causa prima quin sit etiam sub aliis rationibus v.g. trini, &c. ibid.5.  
 Appetitus innatus ad supernaturalem beatitudinem tam certum est non dari, ac non dari potentiam naturalem. 111.10  
 Appetitus naturalis, si daretur ad beatitudinem supernaturalem, nulla esset beatitudo naturalis. ibid.  
 Appetitus elicited naturaliter est ad beatitudinem naturalem tam in communi, quam in particulari, ne esset rursus quoad specificationem, ac sublati extrinsecis impementis laboris. &c. 109.1.2.  
 Appetitus elicited naturalis non potest esse efficax ad beatitudinem supernaturalem & cur. 112.5.  
 Inefficax tamen seu conditionatus potest esse etiam in infideli. ibid.6  
 Talis reud appetitus non oritur ex innato naturali. 113.7  
 Appetitus non potest ferri in incognitum. 178. sect. 4. per totam.  
 Appetitus non mouetur à voluntate, nisi medià cognitione sensitiva. 196. sect. 2.  
 Et quo pacto obediat voluntati. ibid.  
 Appetitus delectatio, vide delectatio.  
 Appetitus, vide Incognitum.

## Ars.

Ars & prudentia quò modo differant. 348. & seqq.

## Aristoteles.

Aristoteles agens de circumstantiis latè exponitur. 172.14.

## Audacia.

Audaciam dari in nobis ostenditur. 338.2  
 Eius obiectum, quidditas, & causa. ibid.3. & seqq.  
 Aureola.



# INDEX RERVM.

## Aureola.

Aureola dantur tres in patria.  
Quid sint.

95.1.2.  
96.3.4

## B

## Beatitudo.

**B**eatitudo in Deo est, non est tamen eius finis proprie  
29 disp. 4. initio.

Beatitudinis significatum duplex. *ibid.* 1.

Beatitudo proprie est per quam immediate attingitur vltimus finis, cetera sunt accidentia. *ibid.* 4.

Beatitudo completur e formali, & obiectiua. *ibid.* 5.

Beatitudinis vera est homo capax iuxta principia fidei. *ibid.* 3.1.3.

Imo ex principiis natura ostendi potest esse capacem  
alicuius beatitudinis. *ibid.* 4.

Beatitudo alia naturalis, alia supernaturalis, & quomodo  
id probetur. *ibid.* 32.2.

Beatitudo naturalis hominis eleuati ad supernaturalem, non potest dici simpliciter beatitudo. *ibid.* 33.4.

Beatitudo obiectiua hominis non potest esse aliqua creatura. *ibid.* 7.8. & tota sect. 2.

Beatitudo non potest consistere in bonis externis seu fortuna. *ibid.* 31.2. & seqq.

Nec essentialis obiectiua potest consistere in bonis animae, nec in ipsis Angelis. *ibid.* 31.5.6.

Beatitudinis vere siue naturalis siue supernaturalis obiectum solus Deus est. *ibid.* 37.5.

Beatitudinis obiectum est Deus realiter, & non obiectiue tantum ex tens. *ibid.* 7.

Beatitudo obiectiua est Deus secundum sua attributa omnia, vide Deus secundum sua, &c.

Beatitudo obiectiua huius vite etiam supernaturalis, non est Trinitas, vide Trinitas.

Beatitudo nostra non potest consistere in aliquo illapsu in essentiam animae per gratiam, *ibid.* 45.18.

Beatitudo non consistit in perfectione aliqua, qua immediate efficitur essentiam animae. *ibid.*

Beatitudo formalis non est ipsa increata visio. *ibid.* 46.1.

Est aliquid creatum, & non substantia sed accidens, nec oportet ut sit perfectior simpliciter ipso homine. *ibid.* 3.

Beatitudo formalis est qualitas, qua Deus fit formaliter praesens intellectui, non vero relatio praesentiae. *ibid.* 47.4.6.

Beatitudo formalis non est actio transiens, vel passio qua fiat mere ab extrinseco. *ibid.* 5.

Beatitudo formalis est actus secundus, & non habitus vel potentia. *ibid.* 7.8.

Beatitudo est vltimus actus, non generatione, sed quia nobilissima potentia non procedit ulterius. *ibid.* 48.9.

Beatitudo formalis est actus productus ab ipso beato, productio vero talis actus est quid praerequisitum. *ibid.*

Beatitudo formalis ponenda est solum in iis actibus quibus immediate attingitur vltimus finis. *ibid.* 49.50.5.

Vnde in sola anima est talis beatitudo. *ibid.* 6.

Imo in attingentibus Deum abstractiue. *ibid.* 9.

Beatitudo formalis ex eo quod sit affectio vltimi finis non sequitur constitui in vna, & pluribus operationibus, vel quod sit operatio omnium perfectissima, &c. *ibid.* 10.11.

Beatitudinem formalem esse visionem late probatur ex Patribus. *ibid.* 53.7.

Et ratione. *ibid.* 54.8. & seqq.

Beatitudo componitur ex actu intellectus, & voluntatis. *ibid.* 57.26. & seqq.

Praecipue ex actu intellectus in quo tanquam in radice tota perfectio beatitudinis consistit. *ibid.* 58.29.

Beatitudinem huius vite aliqui heretici posuerunt in visione Dei. Alii nullam esse in hac vita. *ibid.* 65.1.

Alii posuerunt illam iniure ad futuram beatitudinem. *ibid.* 2.

Beatitudo supernaturalis huius vite sunt actus supernaturales intellectus, & voluntatis. *ibid.* 66.3.

Intellectus inquam, id est fidei, qua Deus immediate attingitur, non in dono sapientiae qui est claritas circa credulitatem. *ibid.* 4.5.8.

Non includit alium actum intellectus praeter fidem. *ibid.* 68.13.

Quomodo includat actum alium nempe spei praeter charitatem, n. 14. quomodo alia virtutes pertineant ad eam beatitudinem. *ibid.* 15.

Beatitudo essentialis est radix complementi desideriorum beatorum tempore, sic anima beata desiderat gloriam corporis, & ideo non affligitur. *ibid.* 91.67.

Beatitudo accidentaliscum ita dicitur. *ibid.* 92.3.2.

Quid sit. *ibid.* 94.4.

Beatitudo essentialis animae non cessabit propter coniunctionem ad corpus. *ibid.* 97.3.

Nec augebitur. *ibid.* 4.

Erit tamen maior extensus. *ibid.* 6.

Beatitudinem non futuram perpetuam error Origenis. *ibid.* 100.1.

Contrarium est desidia. *ibid.* 2.

In habitibus semper erit perpetuitas, & in actibus essentialibus, & in gaudio, in aliis vero erit varietas. *ibid.* 4.

Beatitudinis aeternitas est etiam primum iustitiae nostrorum meritorum. *ibid.* 6.

Quomodo hac aeternitas respondeat ipsis meritis. *ibid.* 101.

Beatitudo est simpliciter incorruptibilis cum per solam suspensionem diuini influxus possit desinere. *ibid.* 4. & seqq.

Beatitudo naturalis in contemplatione, & amore Dei consistit. *ibid.* 104.3. & seqq.

Contemplatio est potior considerando hominem Physice, amor autem considerando ipsum moraliter. *ibid.* 105.6.

Cognitio vero practica requiritur ut conditio necessaria ad amorem. *ibid.* 7.

Idemque dicendum de aliis virtutibus, & scientiis, & bonis aliis fortuna, &c. *ibid.* 8.

Beatitudinis naturalis actus potest homo elicere naturaliter. *ibid.* 106.5.

Imo & naturaliter uti mediis proportionatis tali fini. *ibid.* 6.

Beatitudinem aliquam potest homo in hac vita consequi, & multo perfectiorem in anima separata. *ibid.* 107.8.

Beatitudinem naturalem quamvis homo non assequatur omnino, aut ut plurimum, non ob id non esset naturalis. *ibid.* 11.

Beatitudinem naturalem in particulari appetit homo appetitu innato. Et hic appetitus tam est voluntas, quam intellectus, quia iste inclinatur in verum sub ratione boni, & voluntas queritque in bonum ut liquet, & in verum ut bonum intellectui, ac toti supposito. *ibid.* 108.2.3.

Beatitudo etiam in communi appetitu innato appetitur. *ibid.* 5.

Beatitudo, vide comprehensio in beatitudine.

## Beatus.

Beati non formant ut sic varia iudicia de variis Dei attributis.



# INDEX RERVM.

Beatus animas oruari aliis qualitatibus prater gratiam,  
& charitatem, & virtutes infusus impugnari satis  
non potest, non est tamen a Theologo assertum, & est  
superfluum. 44. 11. 12  
Beatus est Deus non existendo, sed se videndo. 45. 18  
Beati conseruabunt scientias suas naturales, etiam quo-  
ad species, quae non pendent essentialiter ex phantaf-  
matibus, unde habent memoriam praeiorum. 71.  
2. & seqq.  
Opusculi vero non manebunt, sed memoria eorum. 72.  
4.  
Beati qui non acquisierunt scientias, aut imperfecte ac-  
quisierunt infunduntur perfecte ratione sui intelle-  
ctus. ibid. 5  
Beati habent negationem multorum scientiarum non  
priuationem. ibid. 1  
non habent errores. ibid. 3. 4  
Beati quomodo iudicent probabilia. 73. 5. 6  
Beati praeiudici non potest ut cesset ab amore Dei, & licet  
possit, tamen illa cessatio erit ex amore virtualiter.  
79. 18  
Beatus etsi videret aliquod maximum incommodum  
sibi imminere si non cesset a visione, nihilominus non  
cessabit. ibid. 19  
Beatus cum ipse scit necessariò suam beatitudinem, est que-  
re co cupiscentia supernaturalis. 81. 6  
Beati sunt impeccabiles. 84. 2. & seqq.  
Non ob Dei prouidentiam extrinsecam, sed ex vi bea-  
titudinis. 85. 5. & seqq.  
Et ideo etiam si videret omnes circumstantias in qui-  
bus possit peccare, quod tamen certum non est, non  
ob id peccaret. ibid. 6. 7  
Et licet cessaret ab amore, ipsa visio redderet impecca-  
bilem. 87. 17  
Beati quomodo liberi sint ad bene moraliter operandum.  
88. 20.  
Non possunt simul peccare, & videre Deum. ibid. 21.  
Possunt tamen habere maculam habituales, si Deus  
velit. ibid. 23. & seqq.  
Beati retinent virtutes quoad habitus, & quoad aliquos  
actus, & dona Spiritus sancti, vide virtutes habitu-  
ales, &c.  
Beati non desiderant maiorem visionem. 91. 4  
Desiderant tamen alia bona prater formalem beati-  
tudinem. ibid. 5  
Beatus si desiderat salutem amici, qui non saluatur, est  
per modum simplicis affectus. ibid. 8  
Non tristatur. 92. 9  
Beatus non denominatur Paulus, si essentiam diuinam  
intreptu vidit, quia ab ea cessauit. 103. 4  
Et cognitio huius perpetuitatis est conditio ad perfe-  
ctam beatitudinem. 104. 6  
Beatus, vide videns Deum, & item voluntas viden-  
tis.

## Bonitas.

Bonitas est finitatio causandi. 6. 1  
Bonitas actus requirit voluntarium directum, ad maliti-  
am se habet indirectum. 168. 32. & 213. 13  
Bonitas obiectiua talis est & dicitur respectu actuum  
quos terminat, licet ipsa formalis sit comparata ad ip-  
sam rem quae dicitur bona. 211. 9. 20  
Bonitas obiectiua nec est relatio, nec denominatio eam  
fundans. 213. 3  
Nec conformitas ad legem, vel quasi legem. ibid. 5  
Nec est bonitas transcendens. 214. 8  
Bonitas tamen obedientiae consistit in conformitate ad le-  
gem seu preceptum. ibid. 7

Quid sit bonitas obiectiua. ibid. 20. & seqq.  
Bonitas obiectiua interdum fundatur in perfectione &  
proprietas physica, interdum in moralibus, ut re-  
stituere aliquid fundatur in dominio. 215. 14. 15  
Bonitas obiectiua priuationis, qualis. 216. 19  
Bonitas obiectiua actus humani unde sumatur. 217. 3. &  
seqq.  
Bonitas & malitia obiectiua inuenitur tum in rebus aliis  
tum in actibus humanis. 211. 6. & seqq.  
Bonitas ex obiecto, & circumstantiis an sit diuisibilis.  
219. 14.  
An sit eterogenea, vel omogenea. 220. 16. & seqq.  
Bonitas formalis actuum voluntatis non est collectio cir-  
cumstantiarum necessarium ad tales actus. 225. 12.  
Nec est conformitas ad legem, vel quasi legem. ibid. 3.  
& seqq.  
Nec conformitas ad rationem. 226. 9. 10  
Nec est proprietas realis ipsius actus. 227. 13.  
Est ipsum esse virtutis, quod loquendo de actu elicitivo vo-  
luntatis est eius specifica natura, in imperato est de-  
nominatio ab elicitivo. 228. 15. 16.  
Bonitas formalis actuum voluntatis, est etiam obiectiua,  
quia potest amari. ibid. 17  
Bonitas actus interni sumpta ex obiecto, est eius differen-  
tia physica. 238. 18. & seqq.  
Bonitas addita ex circumstantia non distinguitur in re à  
bonitate ex obiecto, facit tamen vnum indiuiduum  
in ea specie bonitatis, quod variabitur si aliqua circum-  
stantia obiectiua accedat, vel recedat. 246. 9. & seqq.  
Bonitas infinita non potest dari in actibus, esto crescat  
obiectum infinites, ut si vellem dare infinitas diuitias  
ibid. 12. & seqq.  
Bonitas actus non crescit quod fiat maiori libertate, cres-  
cit tamen meritum, & laus. Et actus qui fit cum ma-  
iori gratia licet sit magis bonus, non tamen fit magis  
laudabilis ut sic. 252. 17. 18  
Bonitas in actu ex fine extrinseco, nihil est quam denomi-  
natio ab actu bono imperantem actum. 264. sect. 4.  
per totam.  
Bonitas ex obiecto an coniungi possit cum malitia ex cir-  
cumstantiis obiectiuis. 290. 7. & seqq.  
Item an malitia ex circumstantiis ipsius actus. 291. 10.  
& seqq.

Bonitas diuina, vide diuina bonitas.

## Bonum.

Bonum honestum, ut sic, non delectat. 183. 1  
Bonum minus potest eligere voluntas omisso maiori. 190.  
9. 10  
Bonum honestum, & delectabile ex se habent appetibilitate  
rem, ac ad eo vim causandi finaliter. 7. 1  
Bonum aut amatur propter se, aut propter aliud, neque  
hinc abstrahitur aliquid vniuocum. 10. 8  
Bona creata ad tria capita reuocantur nimirum bona ete-  
terna, corporis, animae. 34. 1  
Bonitas corporis, vel animae, vide beatitudo non po-  
test, &c.  
Bonum aliud est in seipso, aliud respectu alterius. 213.  
2. 10.  
Bonum honestum dicitur conueniens naturae rationali  
non propter utilitatem, sed propter proportionem cum  
illa. 215. 13.  
Bonum & malum, vide diuisio.

## Bruta.

Bruta an eligant.

191. 4

## Carentia.

Carentia actus mali non sufficit ad bonitatem. 247.  
17. Causa



# INDEX RERVM.

## Causa & causalitas.

- Causa exemplaris causalitas est ipsa actio agentis, prout est quedam imitabilitas, &c.* 49.  
*Causalitatem finis non exerceri circa ipsum sed circa media non recte dicitur.* 52.  
*Causas finales duas totales dari magis interdum repugnat, quam duas efficientes.* 228  
*Causa duplex totalis efficientis quando dari potest respectu eiusdem effectus.*  
*Causa aliqua quomodo denominari potest moralis.* 208  
 1.2  
*Causalitas finis, vide finalis causa.*

## Charitas.

- Charitas est simpliciter perfectior fide.* 67.9.10.

## Christus.

- Christus beatus non est per illapsum diuina persona in humanitatem.* 45.18.

## Circumstantia.

- Circumstantia ignorata, vide ignorata conditio.*  
*Circumstantie aliquae sunt a conditione actuum physice sumptorum, quae sunt de essentialia eorum ut morales sunt.* 170.5. & seqq.  
*Idque tam respectu actus interioris, quam exterioris.* 171.11.12.  
*Circumstantia addentes nouam speciem etiam sunt accidentia actus, &c.* 172.13.  
*Circumstantia quot & quales sint.* 173. sect. 2. per totam.  
*Circumstantia quae pacto efficiant actum mutando, vel non mutando essentiam illius quod honestatem hanc vel illam, aut maiorem, vel minorem.* 174. sect. 3. per totam.  
*Circumstantia necessaria, vel accidentaria obiecto quomodo dent actui bonitatem obiectiuam.* 217.3. & seqq.  
*Quomodo una circumstantia se habeat ad alteram.* 218.9. & seqq.  
*Circumstantia quomodo cognoscatur addere nouam speciem, vel aggravare tantum.* 221.20  
*Circumstantia minuentes an dentur.* ibid. 21.  
*Circumstantia propriae sunt abesse ab obiecto alias bono, & ita poterit actus esse simpliciter bonus absque tali circumstantia.* 243.3. & seqq.  
*Circumstantia ut addat bonitatem actui debet esse in se directe considerata etiam formaliter ut honesta est.* 245.3  
*Imo debet esse directe volita.* ibid. 4. & seqq.  
*Circumstantia quis non augeat bonitatem actui nisi transeat in obiectum.* 249.6  
*Augeat tamen valorem, & dignitatem ipsius actus, ad quod non est opus esse volitam, nec cognitam.* ibid. 78  
*Circumstantia intensiois nunquam vitiat actum bonum ex obiecto.* 250.11.12.  
*Circumstantia quando, vide quando.*  
*Circumstantiam mutantem speciem oportere esse volitam directe, quidam false dixerunt.* 285.2.3  
*Alii debere directe intendi ipsum materiale circumstantia, sed non recte.* 286.4. & seqq.  
*Satis est intendi indirecte circumstantias speciales, quid vero de generibus duendum, & quorundam dicantur generales.* 287.8. & seqq.  
*Coactio, vide cogi.*

## Cognitio.

- Cognitio rei quando sola appetitur, est finis, seu obiectum*

*voluntatis, quando verò res cognita appetitur, tunc cognitio est tantum conditio.* 7.3

- Cognitio varia ex parte obiecti, variat actum voluntatis veluti si apprehendatur malum ut bonum, aut contra. Si autem sit varia ex parte sui ipsius, ut clara, vel obscura, non causatur actus voluntatis diuersae speciei.* ibid. 4  
*Cognitio necessario praestit appetitionem.* 178. sect. 4. per totam.  
*Cognitio mouens voluntatem ad appetendum bonum, debet esse iudicativa, & practica.* 179.4.5.

## Cogi & coactio.

- Cogi potest voluntas ad recipiendam quancunque qualitatem, ad quam ipsa actiua non concurrat.* 143.2.  
*Idem dicendum de priuatione qualitatis quam maxime vult habere voluntas.* ibid. 3.  
*Si tamen Deus faciat ut voluntas libere, vel necessitate non habet actum contrarium priori, nulla est coactio in reliquendo priorum.* ibid. 4.  
*Coactum proprie non dicitur, nisi quod est contra appetitum elicatum efficacem, & ita coincidit cum inuoluntario.* 133.8  
*Vide voluntas potest pati coactionem, &c.*  
*Cogi voluntas non potest in actibus elicitis.* 143.6. & seqq.  
*potest tamen in actibus imperatis elicitis ab aliis potentis, à Deo quidem quoad omnes potentias, à creatura aliqua, quoad aliquas, & quamquam sint istae.* 144.1. & seqq.  
*Coactio in aliis potentis à voluntate, non datur respectu eorum.* 145.7.8.  
*Commissio, vide omissio.*

## Comprehensio.

- Comprehensio in beatitudine non est perpetuitas.* 74.2  
*Nec est relatio.* 74.4  
*Sed operatio.* ibid. 5. & quomodo.  
*Comprehensio quo pacto spectet ad voluntatem.* 75.9

## Concupiscentia.

- Concupiscentia antecedens, & consequens quid.* 150.1.  
*Concupiscentia consequens non augeat voluntarium.* ibid. 6  
*Concupiscentia antecedens minuit liberum.* 151.7  
*Excitat autem faciendo ut obiectum appareat pulchrius, vel suauius, & occultando quidquid mali in eo est.* ibid. 8  
*Concupiscentia consequens esto minueret liberum non excusaret aliqua ex parte peccatum moraliter quia talis concupiscentia iam oritur ex priori libertate.* ibid. 9.  
*Concupiscentia antecedens augeat voluntarium, licet aliquomodo minuat liberum, quia est extrinseca perfectio voluntarii.* ibid. 10  
*Concupiscentia augeat cognitionem eorum quae ipsa vult, & minuit eorum quae non vult. prior cognitio inferuit ad augendum voluntarium, posterior occultatio ad minuendum liberum, quod in amplitudine cognitionis radicem habet.* 152.13  
*Concupiscentia intrinsece augeat voluntarium, quatenus proponit voluntari obiectum, sicut qui consulit non mouet extrinsece, quasi vim inferendo, sed proponendo rationes, &c.* ibid. 14  
*Concupiscentia non causat inuoluntarium sicut metus quia obiectum illius est bonum, istius malum.* 153.4.5  
*Concupiscentia passio.* 333.5  
 Concupiscentia



# INDEX RERVM.

Concupiscentia diuifio. *ibid.* 6  
An fit in fpecies ea diuifio. *ibid.* 7

## Conformitas.

Conformitas cum diuina voluntate, vide Voluntas.

## Conscientia.

Conscientia frequentius fignificat aliquid pertinens ad intellectum. 314.3  
Es frequentius actum quam habitum. *ibid.* 4  
Est actuale & practicum iudicium intellectus discernentis de rebus agendis inter bonum, & malum, &c. 315.5. & feq.  
Conscientia ad quem habitum fpectet. *ibid.* 8  
Conscientia quatuorplex. *ibid.* 1. feq. 2  
Vera vel falſa. 316.2  
Conscientie veritas practica qualis eſſe debeat. 3.  
Conscientia dupliciter dici poteſt vera, vel falſa. 316.5  
Practice vera quomodo poſſit eſſe falſa ſpeculatiue, vel contra. *ibid.*  
Conscientia certa, dubia, & probabilis quid. 317.7  
Quid ſcrupuloſa, & quatuorplex. *ibid.* 8  
Conscientia quam requiratur ad honeſte agendum. 318.2.3.4.  
Qua ad male operandum. *ibid.*  
Conscientia de ſe inducit obligationem. *ibid.* 1  
Requiritur tamen vt iudicet rem non ſolum bonam eſſe, ſed etiam neceſſariam ad honeſtatem. 319.2  
Conscientia erronea, etiam inuincibilis abſolute obligat. *ibid.* 6.  
Actus illi conformis eſt bonus. *ibid.* 8  
Obligatio tunc oritur ex vi precepti illius virtutis ad quam pertinet talis actus ſubſecutus. 320.9  
Conscientiam erroneam vincibilem, qualiter tenemur deponere, vel iuxta illam agere. *ibid.* 10  
Contra conscientiam preſentem agere eſt inſiſſe male. *ibid.* 14  
Non vero contra prateritam & iam mutatam. *ib.* 15  
Conscientiam deponere quid ſit. *ibid.* 16.  
Cum conſcientia dubia quomodo poſſit quis libere operari. 321.2.  
Conscientia opinatiua, ſeu probabili quo modo ſit vtendum. 323.8  
Conscientia ſcrupuloſa, vide ſcrupulus.  
Conscientia dubia, vide dubium.  
Conscientia opinatiua, vide opinio.

## Conſenſus.

Conſenſus eſt proprie actus voluntatis, & qualis. 186. 1.2  
Non diſtinguitur ab electione ſi proprie ſumatur. 187.5  
Conſenſus, vide voluntas.

## Conſilium.

Conſilium quot modis accipiat. 191.2

## Conueniens.

Conſuetudo quomodo augeat, vel minuat voluntarium. 152.16.

## Conſuetudo.

Conueniens natura quatuorplex. 211.5  
Conueniens natura rationali, non eſt idem ac conueniens rationi recte. 215.12.  
Suarez in primam ſecunda D. Thom.

Conuenientia boni honeſti ad naturam rationalem quid importet. *ibid.* 16.17.  
Corpus graue, vide lapis.

## Corporis membra.

Corporis membra quomodo obediunt voluntati, vide motiua potentia.  
Corruptio, vide mors.

## Creatura.

Creatura ſecundum ſuum eſſe formale non pertinent ad obiectum beatitudinis, ideo tamen earum & continentia eminentialis, ac diuina potentia maxime. 41.15

## D

## Debitum.

Debitum contrahendi originale in quo differat à peccato. 443.27  
An id contraxerit B Virgo, vide Maria.

## Delectatio.

Delectatio ſeu fruitio non eſt proprie propter finem. 15.4.  
Delectatio ſimpliciter pertinet ad beatitudinem eſſentialem, quia inſiſſe eſt illi coniuncta. 92.3.  
Delectatio eſt actus appetitus ſenſitiui ab amore, & deſiderio diſtinctus. 374.1  
Delectationis cauſa. *ibid.* 2.  
Obiectum. *ibid.* 3  
Eſſectus formalis. *ibid.* 4  
Delectatio appetitus ſape eſt peccatum mort. 405.1.  
Delectatio de ſola cogitatione non eſt per ſe mala licet opus cogitatum ſit turpe. *ibid.* 3.  
Delectatio critica ex opere cogitato quod de ſe eſt peccatum mortale, etiam ipſa de ſe eſt mortalis. *ibid.* 4. & feqq.  
Delectatio quando cenſenda ſit eſſe de cognitione, aut de re cogitata. 406.8  
Delectatio de debito ſoluendo coniungi abſenti licita eſt. *ibid.* 9  
An item de debito iam ſoluto coniungi mortuo. *ibid.* 10  
Delectationes conditionales an licite. *ibid.*  
Ab eodem. *ibid.* & feqq.  
Quid de delectatione de actu quando ſaturus eſt licitus. 407.12.  
Quid de actu praterito licito. *ibid.* 13.  
Quid de delectatione de actu praterito ex ſola ignorantia non malo. *ibid.* 14.15.  
Delectationi appetitus quando cenſetur voluntas conſentire. 408.18. & feqq.  
Delectationem prauam appetitus quando tenetur voluntas repellere & qua ratione, aut mere negatiue ſe habere. *ibid.* 20.21  
Delectatio, vide dolor, gaudium, fruitio.  
Delectabile, vide bonum honeſtum.  
Deſiderium beatorum an ſit completum, vide beati non deſiderant.  
Deſiderium & voluntas pro actu, an diſtinguantur, 176.6. & feqq.

## Deſperatio.

Deſperatio quid ſit. 337.7

## Deus.

Deus & nihil aliud eſt obiectum beatitudinis. 35.7. & 36.3



# INDEX RERVM.

Siue ea sit huius vel alterius vite: naturalis, siue superna-  
turalis. 37.5  
Deus realiter existens est obiectiua beatitudo. ibid. 7  
Deus secundum sua attributa & non sine illis, est obie-  
ctum beatitudinis, quia attributa sunt perfectiones  
simpliciter simplices ac adeo in Deo formaliter inclusa  
38.3  
Deus quo modo est obiectum beatitudinis huius vite tam  
naturalis, quam supernaturalis. 39.6  
Deum attingi ab intellectu sub ratione veri, & à volun-  
tate sub ratione boni nihil addit ipsi Deo, sed sumitur  
ex modo operandi nostrarum potentiarum. ibid.  
Deus summe amabilis nobis, & in se est obiectum beatu-  
dinis, atque adeo satians nostrum amorem concupis-  
centia & amicitia. 41.17  
Deus potest esse immediatum obiectum gaudii qui per se  
est optimus, & pulcherrimus, non tamen tristitia, sed  
mediate causando contristans. 83.9  
Deus non potest facere vt beatus manens beatus peccet,  
& cur. 88.21  
Deus dicitur inferre violentiam cum aliquid operatur  
contra impetum naturae. 150.3.4  
Non sic cum operatur aliquid supernaturale, sium  
tunc non priuet forma aliqua naturali vt cum in-  
fundit gratiam vel scientiam, siue priuet, vt in  
vniione hypostatica & in Eucharistica. ibid. 6  
At vero respectu totius vniuersi nulla violentia fieri po-  
test à Deo. 151.8  
Deus non infert violentiam voluntati quosuis habitus illi  
infundendo. 139.2.3  
Deus non potest infundere voluntati nisi actum vel habi-  
tum, attenda eius capacitate naturali. ibid. 4  
Deus infert violentiam voluntati priuando illam actu,  
vel habitu quem habet n.aturaliter. 140.7  
Deus an possit necessitare voluntatem, 141.13. & si qq.  
Verus modus necessitandi. ibid. 16. & seqq.  
Deus beatus est, vide beatus est Deus.  
in Deo non datur causalitas finis, licet proprie actio-  
nes eius ad extra sint propter finem. 5.11.  
Deum esse authorem peccati antiquus error. 412.410.  
11.1  
Deum non posse peccare est de fide. 411.4  
Deus neminem cogit, aut directe mouet ad peccandum. ibi. 5  
Omnia peccata iuste permittit. ibid. 7  
Deus effectiue concurrit ad totum actum peccati quate-  
nus ens & actio real' est. ibid. 8  
Non tamen author aut causa peccati est. 415. ibid.  
119. & seq.  
Explicantur loca scriptura quae videntur Deum facere  
authorem peccati. 412.1. & seqq.  
Soluuntur etiam argumenta quae id videntur proba-  
re. 413.18. & seqq.  
Deus qualiter dicatur obsecare, & indurare. 412.13.14  
Deus dici nequit causa indurationis. 413.15  
Deus cur sit causa poena, & non culpa. 414.19  
Dei concursus ad actum peccati varie explicatur ab auto-  
ribus. ibid. 20  
Vera resolutio. 415.23  
Deus an, aut quomodo sit causa potestatis peccandi. ibid.  
26. & seqq.

## Diuinitas & diuinus.

Diuina bonitas non est attributum particulare, & quid sit  
38.4  
Diuinitas non potest immediate perficere essentiam ani-  
ma, 46.21

## Diuisio.

Diuisio actus in bonum & malum, & indifferentem est  
essentialis, & adaequata. 300.6  
Diuisio actus exterioris in bonum & malum, est subiecti  
in accidentia. 307.12.

## Dolor.

Dolor appetitus cur non pendeat ab imperio voluntatis,  
itemque delectatio. 196.2

## Donum.

Dona spiritus sancti quae maneat in beatis. 69.2

## Dotes.

Dotes anima quomodo accipiantur. 92.1.2  
An dicantur de anima Christi, & de Angelis. ibid.  
Sintne illae dotes actus, an habitus. ibid. 3.4  
Quot, & quid sint. 93.5.6

## Dubium.

Dubium in quo proprie constat. 321.1  
Cum Dubia conscientia quomodo possit quis licite ope-  
rari. ibid. 2  
Quid sit vtrunque dubium tam in agendo, quam in  
omittendo. ibid. 3  
Quomodo non obstante dubio extrinseco possit forma-  
ri conscientia certa. ibid. 5  
Dubium iuris multiplex. 322.7  
In dubiis quomodo sit melior conditio possidentis.  
ibid. 8.  
Et quomodo tutior pars sequenda. ibid.

## E

## Ebrius.

EBrii ignorantia, & c. 162.23

## Effectus.

Effectus qui per accidens sequitur ex omissione volunta-  
ria non est voluntarius. nisi ad sit praeceptum non omis-  
tendi. 131.10  
Effectus quibus modis dicatur merialis. 209.3. & seqq.

## Electio.

Electio est actus voluntatis, licet ab intellectu dirigatur.  
185.1.4  
Electio est inter plura, verum, si vnum eligatur esto non  
sit praeter aliis, est etiam proprie electio. ibid. 2  
Sitamen non eligatur vnum propter aliud esto sit inter  
multa, non est electio proprie. 186.5.  
Electio obiectum quod. 185.3  
Et debet esse de re aliquo modo à nobis operabili. 186.6  
Electio ab intentione formaliter distinguitur, interdum  
realiter. 188.7  
Electioes nostras esse liberas est de fide. 190.3  
Electio mediis vnici est necessaria supposita efficaci inten-  
tione finis. ibid. 4.5  
Esto intentio ipsa sit libera. ibid. 6  
Electio potest esse de minori bono omisso maiori. ibid. 9.10  
Electio an detur in sensu, in brutis, & amentibus. 191.  
4. & seqq.  
Electio pura sumit suam bonitatem primariam, & speci-  
ficationem ex fine, & non ex obiecto materiali, vel  
aliunde. 259.5. & seqq. vsque ad 10  
14



# INDEX RERVM.

*Id quod verum est licet obiectum materiale sit alias honestum.* 260.11  
*Electio mala ex obiecto non fit bona ex bono fine.* 290.6  
*Ne. ex parte obiecti talis malitia minuitur ex bono fine, licet ex parte affectus minuatur quia minuitur liberum.* ibid.

## Eleemosyna.

*Eleemosyna facta diuitiis pauperi, an sit inuoluntaria.* 161.22

## Error.

*Error an praequiratur in intellectu ut voluntas peccet. vide voluntas. vide etiam visioni non contrariatur.*

## Exemplar.

*Exemplaris causalitas, vide causae exemplaris.*

## F

## Fatum.

*Fato tribuebant quidam infideles necessitatē inenitabilem.* 120.2

## Felicitas.

*Felicitas futura vita. vide beatitudinem.* 100.1

## Fides.

*Fides qua attingitur Deus immediate, & non sapientia qua attingitur clare credulitas est pars beatitudinis supernaturalis huius vita.* 66.4.5.8  
*Fides non manet in beatis.* 69.1

## Finis.

*Finis eiusque causalitas maxime cernitur in voluntate humana.* 3.1.  
*In Finali causa quatuor distinguuntur scilicet, in efficiente, nimirum res qua causat, principium quo causat, causalitas & effectus.* ibid. 3  
*Finalis causa causalitas non est id propter quod aliquid est ut voluit Caiet.* 4.5  
*Neque est motio metaphorica in actu primo, seu ut distinguitur ab omni actu voluntatis.* ibid. 6.7  
*Finis causalitas non datur actu nisi quando voluntas actu mouetur.* 4.8  
*Est ipse actus voluntatis, non prout egreditur à voluntate, sed prout res amat, per illum attrahit ipsam voluntatem, neque in tali actu oportet duas rationes, seu modos distinguere.* ibid. 9  
*Causalitas Finis solum visitur proprie in cognoscentibus per intellectum, datur tamen aliquantulum in brutis.* 5.10  
*Finis causalitas non solum circa media, sed etiam circa ipsum finem exercetur.* ibid. 2  
*Finis dando appetibilitatem mediis causalitatem suam exercet erga ipsa media, atque adeo magis circa ipsum finem cum per se habeat illam appetibilitatem.* ibid. 3  
*Finalis causalitas proxime exercetur circa actus elicitos voluntatis, remote circa imperatos.* 6.4  
*Finalis causa effectus sunt omnes actus voluntatis tam circa ipsum finem quam circa media,* ibid.  
*Finis intentio etiam dici potest eligi propter ipsum finem.* ibid.  
*Suares in primam secundae D. Thomae*

*Finis non solum dicit habitudinem ad media, sed etiam ad omne id quod terminat, atque adeo ad ipsam intentionem, seu amorem sui.* ibid. 5  
*Finis causat sub ratione boni.* ibid. sect. 3  
*Finis ratio propria non reperitur in mediis, sed in ea re solum qua in aliqua serie sola amatur propter se.* 8.5  
*Finis est formale obiectum voluntatis creata, unde media appetibilia etiam formaliter propter ipsum finem licet materialiter distinguantur à fine.* 10.3  
*Est vero finis formale obiectum prout abstrahit ab executione seu intentione unde impossibile licetiam sunt finis, quando per simplicem affectum appetuntur.* ibid.  
*Finis ultimus, & non ultimus, quod duplex,* 11.1.2  
*Finis ultimus simpliciter qualiter intendatur.* ibid. 3  
*Finis vnus cuius, alter cui & quis eorum proprie sit finis,* ibid. 4 & seqq.  
*Finis cuius multum differt à medio.* 12.6.  
*Finis cui, & cuius componunt vnum totalem finem.* ibid.  
*Finis cuius interdum est re ipsa perfectior sine cui, interdum non, & cur.* ibid. 8  
*Finis alius est operatio, alius res manens post operationem, in operatione autem visitur actio & terminus, qui proprie est finis.*  
*Finis non solum est extrinseca ratio volendi media, sed etiam quando est obiectum intrinsecum alicuius actus verbi gratia volitionis simplicis, vel intentionis, est causa finalis talium actuum.* 14.8. & seq.  
*Propter Finem operantur aliquo modo prioriter amens.* 17.12  
*Finis aliquis ultimus praestitus est homini ab autore suo.* 20.1  
*Fines ultimus totius naturae humanae vnus est videlicet vel naturalis spectato appetitu innato, vel supernaturalis, id est, spectata diuina ordinatione. At vero spectato appetitu elicto, quisque sibi proponit finem pro sua libertate.* ibid. 3. & seq.  
*Finis ultimus est aliquid particulare, & non bonum in communi, & cur.* 21.6  
*Fines duo ultimi particulares intendi simul possunt si non habeant in se repugnantiam, neque in mediis.* 22.3  
*Neque oportet ut voluntas formaliter intendat vnire illos, quidquid sit de interpretatiua intentione.* ib. 5  
*Fines duos ultimos & totales nemo potest copulatiue appetere, & licet speculatiue erret quis putando se appetere ut totales, re tamen ipsa vtrumque appetit ut partialem.* 24.4.5  
*Fines duos ultimos neque disiunctiue potest quis appetere, quia talis appetitio est inefficax & cur.* ibid. 6.  
*Finis formalis cum est idem, potest appeti sub disiunctione in hac, vel illare.* ibid. 7  
*Duo Fines ultimi possunt appeti interpretatiue, non formaliter.* 25.1.3  
*Finis ultimus simpliciter, & finis ultimus negatiue bene possunt intendi.* 26.4.5  
*Finis ultimus simpliciter nec formaliter, nec materialiter talis, ut est bonum simpliciter, Deus, pecunia, necessarius appetitur ante alias appetitiones finium non ultimarum.* 27.3  
*Et si forte praecessit talis appetitio, ea non influit necessario in appetitiones consequentes particularium bonorum.* ibid. 4  
*Finis ultimus formalis, id est, bonum simpliciter, & completum semper appetitur interpretatiue in quacunque particulari appetitione.* 28.2  
*Finis ultimus realis, id est, Deus semper intenditur solum interpretatiue, in quibuslibet actibus virtutis.* 28.4  
*Finem & medium aliquando appetit voluntas vno actu, & ut quod.* 188.8



# INDEX RERVM.

Finis, vide causa & causalitas.

Habitus indifferentes ad dentur.

363.5.6

## Forma.

Forma extrinsece denominans quomodo debet alteri re  
inhabere. 208.21.

## Fructus.

Fructus beatorum qui & quales. 96.5

## Fruitio

Fruitio non est proprie propter finem, & cur. 15.4  
Fruitio beatorum tam pertinet ad amorem amicitia quā  
concupiscentie. 82.1.2.3  
Fruitio sequitur amorem necessario, non tamen impedi  
bitur diuinitus. ibid.3  
Fruitio nis beatifica obiectum est immediate tam viso  
quam Deus ipse, & late probatur. 83.7. & seqq.  
Fruitio non potest de lege ordinaria terminari ad Deum  
& non ad visionem & cur. ibid.10  
Est supernaturalis. 84.11.  
Elicitur in patria ab habitu spei. ibid.12  
Fruens necessario habet tres actus, amorem possessionem,  
& gaudium. 182.4  
Fruitio non spectat per se ad ordinem intentionis. 176.9  
Fruitio ab amore distinguitur. 182.6  
Et sola est gaudium formaliter, licet interdum vocetur  
consecutio. ibid.7  
Fruitio a voluntate effectiue elicitur. ibid.9  
Et est etiam de bonis alterius, ac adeo non pertinet so  
lum ad concupiscentiam, potest etiam esse de resup  
posito distincta a fruente. 183.6  
Fruitio de fine confecto re ipsa, & de habito in spe, an  
specie distinguantur. 184.7. & seqq.  
Fruosus, v. de amentes.

## G

## Gaudium.

Gaudium non est de essentia beatitudinis, sed ex ea  
sequitur: non est ultimum quid. & est honesta  
quia operatio est honesta, nec per se primo emendatur a  
beato: attingit Deum ut iam adeptum, & ideo iam non  
est ultimus finis, vocatur tamen interdum beatitudo  
gaudium ab effectu. 61.43  
Gaudium est in potentia appetente. 182.5  
Gaudium an sit actus necessarius, an sit volitio. ibid. 10.  
& seqq.  
Gaudium & fruitio proprie spectant ad delectationem vo  
luntatis. 183.11  
Gaudium capi potest de medio, ratio tamen gaudendi est  
finis ipse. 184.2. & seqq.  
Amor est perfectior gaudio. 185.4.  
Gaudium, vide fruitio.

## Gratia.

Gratia quomodo inam. s. bis in patria. 45.16  
Gratia consummata quid. ibid.  
Gratia an augeat vel minuat voluntarium. 152.17

## H

## Habitus.

Habitus quomodo augeat vel minuat voluntarium.  
152.16. & seqq.  
Habitus causa, augmentum, minutio 343. disp. 2. re  
misiuē.  
Habitus vitiosus, vide vitium.  
Habitus virtutis, vide virtus.

## Homo.

Homo habet finem vltimum ab autore suo. 20.1  
Et quomodo id probatur. ibid.  
Homo quando primo operatur, non necessario intendit  
formali intentione aliquem finem vltimum simplici  
ter in quem se & omnia sua refert. 21.4  
At vero semper quando operatur intendit aliquem fi  
nem vltimum neg. tunc. ibid.5  
Homo capax est beatitudinis iuxta fidem. 31.3  
Imo iuxta principia natura potest probari esse capa  
cem ali. vlt. beatitudinis. ibid.4  
Hominem in aliquibus indiuiduis fo. e. a. i. quādo bene ndū,  
sat congruenter probatur. 32.6.7.  
Et quam beatitudinem assequi possit natura viribus.  
ibid.8  
Homo naturaliter elicere potest actus essentiales beatitudi  
nis naturalis. 106.5  
Imo & probabile est, posse quoque naturaliter assequi  
talem beatitudinem per media proportionata na  
tura. ibid.6  
Homini sufficit acquirere beatitudinem in statu in quo po  
test naturaliter existere, scil. cet. temporalem in toto,  
& perpetuam in anima, quia status resurrectionis, non  
est naturalis. ibid.7  
Homo potest in hac vita aliquam beatitudinem natura  
lem consequi, & multo perfectiorem in anima sepa  
rata. ibid.  
Hominem assequi beatitudinem naturalem, vel etiam nul  
l. meam assequi est per accidens ex impedimentis ex  
trinsecis, & ex constitutione sua ē corpore & spiritu,  
habet tamen potentias quibus eliciat actus talis beati  
tudinis & media etiam naturalia. 107.10.11  
Humana actio, vide actio humana.

## Honestum & honestas.

Honestum ut sic, non generat delectationem, sed ut est de  
lectabile. 183.1  
Honestum non dicitur quod est conueniens recta rationi,  
sed natura rationali. 215.12  
Honestum in communia qua virtute appetatur. 234.14  
Honestas datur in quibusdam obiectis qua ab actibus ho  
nestis non petitur, sed potius actus ab illa dicuntur ho  
nesti. 210.3.  
Honestas in obiecto priuatiuo quomodo detur. 216.19  
Honestatem formalem actus voluntatis sequuntur alia  
dignitates vel formalem honestatem.  
Honestas actus interni voluntatis est sumpta ex obiecto,  
& est ipsa eius differentia specifica, & physica. 238.18  
Honestas, vide bonitas.

## I

## Ignorantia.

Ignorantia quaestiones varia remittuntur. 395.4  
Peccatum ex ignorantia quid sit. ibid.2.5  
Ignorantia vincibilis an sit per se peccatum vel potius ra  
tione negligentia. 400.4  
Ignorantia dicitur causa actus non directe, sed ut remo  
uens prohibens, quia remouet scientiam, qua posita  
non fieret actus, nisi in raro casu. 154.4. & seqq.  
Ignorantia varia diuisiones explicantur. 155.7. & seqq.  
vsque ad. 23  
Ignorantia potest esse causa voluntarii directe circa ali  
quod materiale obiectum. ibid.67  
Ignorantia



# INDEX RERVM.

*Ignorantia potest esse non voluntaria, & concurrere ad actum voluntarium sicut cognitio necessaria potest concurrere ad actum liberum.* ibid. 7  
*Ignorata conditio, seu circumstantia causat non voluntarium directum, & in se, respectu talis conditionis, etiam si ignorantia sit affectata* ibid. 8 9  
*Ignorantia antecedens causat simpliciter inuoluntarium non solum si inuoluntarium sumatur negativae, quod est certum, sed etiam contrarie quod est probabile.* ibid. 10  
*Ignorantia concomitans fit omnino involuntaria, causat actum ignoratum omnino inuoluntarium.* 156. 11 & seqq.  
*Ignorantia concomitans, & antecedens non distinguuntur, quando ambe sunt omnino inuoluntariae.* ibid.  
*Hic verò intelligitur quantum ad actuale effectum, non vero virtuale, at verò concomitanter ignorans, non habet inuoluntarium aliquod actuale nec virtuale.* 157. 17.  
*Ignorantia simpliciter voluntaria reddit affectum simpliciter voluntarium, siue illa sit consequens siue comitans* ibid. 18. 19.  
*Ignorantia an augeat, vel minuat voluntarium.* 162. 24

## Illapsus.

*Illapsus Dei in animam per gratiā est specialis, &c.* 43. 8  
*Impeccabilitas, vide beati sunt impeccabiles.*

## Imperium.

*Imperium quid sit, & an ad intellectum vel voluntatem pertineat.* 177. sect. 3. per totam.  
*Imperentur ne actus, à voluntate eliciti, & actus intellectus.* 196. sect. 1. per totam.  
*Vbi de actibus euidētibz, & non euidētibz speciatim.*  
*Imperium voluntatis in actus appetitus non datur sine intermedia cognitione sensitiua, & quomodo detur tale imperium.* ibid. sect. 2.  
*Imperium, & actus imperatus constituunt moraliter unum actum in eodem homine.* 198. sect. 3

## Inconsideratio.

*Inconsideratio excludit voluntarium directum.* 162. 1.  
*Quando est omnino inuoluntaria dicitur, obliuio ibid.*  
*Inconsiderationem aliquam esse voluntariam probatur.* 163. 8  
*Omnino Inuoluntaria seu obliuio, tollit voluntarium etiam indirectum.* 164. 9.  
*Inconsideratio proveniens ab extrinseco causat omnino inuoluntarium.* ibid. 10  
*Inconsideratio tollit omnino aduertentiam, non sic ignorantia.* ibid. 11  
*Inconsideratio actu voluntaria non reddit actum omnino non voluntarium* 165. 12. & seqq.  
*Inconsideratio vno è tribus modis potest esse voluntaria,* 167. 25 & seqq.  
*Quomodo est indirecte voluntaria.* 168. 28

## Incognitum.

*In incognitum non potest tendere appetitus.* 178. sect. 4 per totam.

## Incorruptibilitas.

*Incorruptibilitas creatura quando est simpliciter talis.*

101. 4. & seqq.

## Indifferens.

*Indifferens obiectum quid sit.* 216. 2.  
*Indifferentes esse omnes actus secundum suam essentiam, quidam dixerunt non recte.* 300. 1  
*omnes non bonos esse Indifferentes, quis sensus.* ibid.  
*Indifferens actus in specie datur.* ibid. 3. & seqq.  
*Imo & indiuiduo attenda sola essentia.* 301. 4  
*Et secundum suam essentiam generat habitum indifferentem.* ibid. 5  
*Indifferens actus in indiuiduo non datur.* 302. 3. & seqq.  
*Nisi forte quis non aduertat, se operari actum indifferenter in specie vel sibi persuadeat opinionem ponentem actus indifferentes, esse veram, aus probabilem,* 304. 10

## Instans vsus rationis.

*In primo instanti vsus rationis an detur aliqua obligatio.* 387. sect. 8

## Intellectus.

*Intellectus est perfectior voluntate.* 54. 8  
*Intellectus immediate sequitur substantiam rationalem, voluntas medio intellectu & ipsum intelligere primo consiluit diuinam essentiam, amare vero solum per identitatem ratione infinitatis.* 43. 8  
*Intellectu nihil cogitante, nullum datur voluntarium, etiam si voluntas imperet, ut nihil cogitet.* 166. 16  
*In intellectu an requiratur error, vel consideratio ut desit peccatum.* 398 7. & seqq  
*An peccata sint in intellectu.* 400. 1. & seqq

## Intentio, Intendere.

*Intentio recte dicitur esse propter finem.* 14. 4  
*Intentio si fiat ante vsum rationis, necessaria accedente vsu repetitur, quia debet dari consultatio, in qua necessario repetitur intentio.* 21. 6  
*Intentio & intendere quid.* 175. 23  
*Intentio quomodo attingere possit etiam media.* 177. sect. 2. per totam.  
*Intentio nunquam est actus necessarius simpliciter.* ibid. n. 4  
*Intentio libera potest esse causa electionis necessaria.* 190. 6.  
*Intentionis nomine quid intelligatur Matth. 6. & Lucā* 11. 29 5. 23

## Intensio.

*Intensio nunquam per se actum ex obiecto bonum, reddit malum.* 250. 11. 12  
*Intensus actus v.g. ut 4. an aequaleat quatuor actibus ut vnum.* 251. 13. 14  
*Intensio est voluntaria per modum actus cum addat entitatem ipsi actui, non vero per modum obiecti.* ibid. 15. 16.

## Inuoluntarium.

*Inuoluntarium aliud est perfectum, id est, in appetitu rationali, aliud imperfectum, id est, in sensu.* 134. 10  
*Non diuiditur tot diuisionibus, quot voluntarium.* ibid. 11. & seqq.  
*Inuoluntarium quibus signis ostendatur.* 135. 1  
*Inuoluntarium, vide lu. v. inuoluntarium simpliciter.*  
*Inuoluntarium ex inconsideratione quando datur.* 166. 18. & seqq.



# INDEX RERVM.

## Ira.

- Ira* quid sit. 340.1  
*In* quo proprie consistat. ibid. 2  
*Versatur* etiam in non arduis. ibid. 6  
*Eius* diu sio trimembris. ibid. 8  
*Eius* cause & effectus 341.9.11  
*An* habeat contrarium. ibid. 11.12

## Iudicium.

- Iudicii* vniuersalis die quomodo remunerabuntur anima sancta. 98.10.  
*Iudicium* practicum non necessitat voluntatem. 123.21

## L

### Lapis.

- L**apis sursum detentus patitur violentiam, quomodo. 136.6.

## Libertas, & Liberum.

- Libertas* arbitrii late ostenditur. 121.11. & seqq.  
*Libertas* est in infeca, & naturalis homini. 122.15.  
*Si* talis non esset non posset eleuari ad liberè operandum. ibid.  
*Libertas* in actu primo quæ? 123.1  
*Libertas* in actu secundo in actibus imperatis est, sed denominatione in actu ipso imperatio proueniens ab actu elicitio libero. ibid.  
*Liberum* per quid distinguatur à necessario. 124.7  
*Liberum* includit voluntarium. ibid. 9  
*E* contra vero voluntarium etiam perfectum non includit liberum. 125.11  
*Libertas* non est perfectio simpliciter respectu cuiuscunque obiecti: nec necessitas semper est imperfectio. ibid.  
*Libertatis* gradus videlicet à coactione, à necessitate spontanea, ab infirmitate, hoc est, à captiuitate corporis mortalis & ab obligatione, seu precepto. ibid. 13  
*Libertas* in actu nihil reale ponit in ipso, sed denominationem à potentia potente non agere illum. 126.18. & seqq.  
*Et* quidquid aliud dicitur est superfluum, & insufficiens sine hac denominatione. 127.23  
*Liber* actus non sit necessarius ab extrinseco v.g. à Deo sine mutatione dependentia, at verò ut actus liber fiat ab extrinseco necessarius, non oportet variari dependentiam eius, sed satis est variari cognitionem. Sic variata fide in visionem amor via fit patria. ibid. 22  
*Libertas* in actu primo est perfectio, in actu secundo non adit perfectionem physicam. ibid. 24.  
*Liberum*, & voluntarium non repugnant. ibid.  
*Liberum* & voluntarium indirectum recurrunt 139.12. 13.  
*Liberum* & voluntarium adeo differunt, ut possit vnum augeri & alterum minui. 150.5  
*Liberum* an minuatur à gratia. 152.17  
*Libertas* actus non necessario intenditur per formalem tendentiam, sed ipse actus se ipso est liber. 252.19.20  
*Libertas*, vide actus liber.

## M

### Malitia, malum.

- M**alitia sat est voluntarium indirectum, non sic bonitati. 169.32

- Malitia* quid. 216.20  
*Malitia* obiectiua indirecte tantum communicat formalem actui. 212.13  
*Malitia* obiectiua actus an sit diuisibilis, vel indiuisibilis. 219.15.  
*Malitia* non est immediate in ipsa voluntate, sed in actu eius, sicut & bonitas in actu est, & in habitu. 272.7.  
*Malitia* non est aliquid posituum, vs Caier. non recte putauit. 273.2. & seqq.  
*Id* est priuatio fundata in positiuo. 275.1.14  
*Id* vero posituum non solum est ex vi specificationis actus sed etiam ex vi indiuiduationis. 276.11. & seqq.  
*Malitia* est mera priuatio. 277. sect. 4. per totam.  
*Non* tamen est priuatio debita actui peccaminoso, neque debita tali actui in genere sumpto, seu humano 279.3. & seqq.  
*Neque* item est priuatio habitus studiosi. 280.1.6  
*Nec* actus studiosi. ibid. 7  
*Nec* priuatio alicuius extrinseci v.g. finis boni, aut legis, aut recte rationis, cum voluntas non priuetur his bonis, esto peccet, nisi quia priuatur aliqua intrinseca a habitudine ad ista. 280.8  
*Nec* item malitia est priuatio istius habitudinis, cum non sit bonitas aliqua formalis. ibid. 9  
*Sed* est carentia rectitudinis ex stens in actu peccaminoso, quæ respectu illius est solum negatio, at respectu voluntatis est priuatio. 281.12  
*Malitia* sumitur per relationem in finem malum, vel per carentiam relationis in finem bonum. At bonitas solum per relationem in finem bonum si actus ultra obiectum refertur in aliquem finem. 287.3  
*Malitia* sumitur ex obiecto, etiam si actus proximo, & solum refertur in finem, si obiectum est malum, at bonitas solum ex fine sumitur, etiam si obiectum sit bonum, si solum ob finem appetitur. ibid. 3  
*Vide* etiam actus bonus ex obiecto non dicitur bonus, &c.  
*Malitia* quæ dari potest in omnimoda suspensione actus, qualis sit. 288. sect. 10. per totam.  
*Malum* morale non componitur ex actu & priuatione tanquam ex genere, & differentia. 283.2  
*Sed* tanquam ex actu, & potentia, seu partibus eterogenicis. ibid. 4. & seqq.

### Maria virgo.

- B. Maria* virgo singulariter fuit preseruata à peccato originali. 439.8  
*Hæc* preseruatio quando fuerit. ibid. 9  
*B. Virgo* incurrit debitum contrahendi peccatum originale. 440.10.11  
*B. Virgo* fuit redempta per mortem, & sanguinem filii. ibid. 13.14.  
*Qualiter* iustificata fuit per remissionem culpæ, quam esset contractura, nisi praueuieretur. 441.16  
*B. Virginis* sanctificatio habuit pro termino à quo priuationem gratia, qua in eis et ipsi praueuieretur. 441.18  
*B. Virgo* in instantia sua conceptionis prius natura fuit obnoxia culpa quæ ex privilegio carnis. ibid. 21  
*Nisi* peccaret in Adamo non fuisset proprie redempta à Christo. ibid. 22  
*E*quit tali redemptore. 442.23  
*B. Virgini*, & non soli Adamo prius natura inerat debitum peccandi. ibid. 24  
*Non* obstante tali debito, quomodo fuit in primo instanti sanctificata. ibid. 25  
*Et* debitum ipsum extinctum omnino fuit per sanctificationem. ibid. 26  
*In* eq.



# INDEX RERVM.

Inter quod & peccatum ipsum est laicum discrimen, 443.27.  
Honorificentius fuit Virgini debitum peccandi, vt sic redempta diuatur a filio. *ibid.* 28  
B. Virginis praeſtinationo quomodo cum debito peccandi in omni opinione probabili cohaereat. *ibid.* 29.30  
Ab effectu poſtunitatis & mortis conſtat B. Virginem incurriffe ſaltem debitum originale. 444.31.  
Quam enſuram mereantur qui debitum origin. Beatae Virgini negent. 445.34

## Medium.

Medium vt ſic, an participet rationem finis: 3.4  
Medium ſi non cauſat finaliter quando ipſum eligitur, minus cauſat quando alia eliguntur propter ipſum & cur. 4.5.  
Medium ex ſine habet quod ametur, ſicut imago ex exemplari colitur, & proximus ex Deo amatur. *ibid.*  
Media interiacenti: inter primum medium, & vltimum finē dici poſſunt participare rationem finis, id eſt, terminum propter quem aliqui d ſit. 8.6  
Medium eſt terminus electionis, quia eſt eius obiectum, finis vero proprie non dicitur. *ibid.* 6,7  
Medii vtilitas eſt intrinſeca in eo, quatenus effectiue conſert ad aſſequendum finem: ac vt amatur propter finem non habet bonitatem niſi extrinſecam a ſine. 9.7  
Medium electum pra alio aequali, imo & minus vtile, ſolum mouet finaliter voluntatem ad talem electionem, &c. *ibid.* 8  
Media formaliter appetuntur propter bonitatem finis, vnde ſolum per ſe pertinent ad materiale obiectum voluntatis. 10.5  
Medium non eſt obiectum per accidens voluntatis, ſed per ſe attingitur proprio actu voluntatis, *ibid.*  
Medium Vnum externum poſſeſt ordinari ad diuerſos fines vltimos negatiue, & diſparate ſe habentes. 22.6  
Internum vero neceſſario eſt duplex, & cur. *ibid.* 78  
Medium vt medium bene poſſeſt appeti non cogitando de ſine formaliter, 187.3.4  
Medium, & finem aliquando appetit voluntas vt quod, vnicui tantum actu. 188.8  
Medium ſi amatur propter ſe, & propter finem vt potio dulcis, an ibi ſint vnus vel duo actus. 189.12

## Membra.

Membra corporis quomodo obediunt voluntati. 197.10

## Meritum.

Meritum non ſolum accidentale, ſed etiam eſſentiale reſpondet actibus aliarum virtutum a charitate, ratione ſuae ſpecialis voluntatis. 94.6  
Merito eidem reſpondet praeſtium eſſentiale, & accidentale ſicut eidem peccato poena damni, & ſenſus. 95.11  
Meritum, vide praeſtium non neceſſario.

## Metus.

Metu facta ſunt ſimpliter voluntaria, & cur. 147.3  
Quid ſi aliquid mittatur metu. *ibid.* 5  
Metu facta ſunt ſimpliter voluntaria reſpectu metus. *ibid.* 6  
Metu facta contra legem ſunt peccata, niſi in aliquo caſu ceſſet lex, quia tunc non ex defectu voluntarii, ſed legiſceſſeſt peccatum. 148.7  
Metus non dicitur cauſare inuoluntarium quod cauſat non Suarez in primam ſecunda D. Thom.

leuitatem qua quis habet vt g. proiciendi merces, 149.8  
Metum cauſare voluntarium, quomodo intelligendum, *ibid.* 9. & ſeq.

## Moleſtum.

Moleſtum quid. 134.9.

## Mos, Moralitas, & moralis.

Moris etymologia, & deſcriptio. 202.1.2  
Moralis actus quis ſit. *ibid.* a n.5  
An del beratus quoad rationem vtilis natura, & indeliberatus quoad rationem honeſti, vel turpis ſit moralis. 203.9  
Moralitas actus neque eſt intensio eius, neque dependentia phyſica a ſua cauſa. 204.5.6  
Imo nec eſt regulabilitas per rationem, ſive per modum legis, ſive tantummodo proponendo voluntati quod bonum eſt. 205.9. & ſeqq.  
Moralitas nihil addit actui quam dependentiam a ratione aduerſante, & voluntate libere operante. 207.15  
& hac dependentia nihil ponit intrinſecè inhaerens, *ibid.* 16.17  
Moralitas eſt quaſi analogum ad actum internum & externum & cur. *ibid.* 18  
Moralitas actuum internorum eſt eiſdem rationis, licet actus diſtinguantur ſpecie phyſica. *ibid.*  
Moralitas quomodo dici poſſit ens rationis, & licet ſit extrinſeca actui, cum ſit intrinſeca operanti poſſeſt cedere in laudem vel vituperium. *ibid.* 19  
Moralis cauſa, & effectus quomodo tales denominantur. 208.1  
Morale eſt vel ſolum denominatione, vel etiam entitate. 209.3  
Moralitas quomodo deſtruatur. *ibid.* 6  
Moralitas in actibus quid ſit, 229.20

## Mors.

Mors non eſt proprie violenta morienti. 237.9.10  
Mori an poſſit quis cum ſolo originali, & Veniali peccato, & quid tunc de illo fieret. 389.9.10.

## Motiva potentia, motio.

Motiva potentia obedit voluntati ad nutum. 197.10  
Motio quoad ſpeciem, & exercitium, 179.1

## N

## Neceſſitas, Neceſſarium.

Neceſſitas quoad exercitium etiam oritur ex obiecto in ſuo genere & non a ſola potentia. 78.14  
Neceſſarium quor modis dicitur. 134.9  
Neceſſitas an poſſit inferri voluntati a Deo. 141.13. & ſeqq.

## Negatio.

Negatio actus mali praſeſe non ſufficit ad bonitatem, ſed requiritur poſitiua Voluntas non faciendi malum. 247.17

## Negligentia.

Negligentia vt ſit, etiam indirecte, voluntaria, neceſſaria eſt aliqua aduerſentia. 156.15.



O

Obedientialis potentia.

Obedientialis potentia non sufficit ad appetitum naturalem constituendum. 111.9

Obiectum.

Obiectum non concurrat effectiue ad actum voluntatis & cur, idque etiam si dicatur concurrere ad actus intellectus effectiue. 14.5  
Obiectum indifferens quid. 216.21.

Obluio.

Obluio est inconsideratio omnino inuoluntaria. 163.7

Obstetrices.

Obstetrices Exodi 3. non receperunt à Deo pramium propter mendacium sed ob a'iam causam, nec alia solutio ex D. Thoma, aus D. Gregorio acieptanda est. 294.22.

Odium.

Odium est actus appetitus sensitui amoris contrarium. 337.1.  
Sic nef. ga, an pro se utid. 335.2

Omissio.

Omissio seu carentia actus e'iciti à voluntate est voluntaria, etiam si non deur p' acceptum faciendi actum positium & cur. 130.1.7  
Idem sentiendum de omissione actus imperati quæ per se, & immediatè sequitur ex omissione actus eliciti. ibid.8  
Idem de effectu per se secuto ex vitalium omissionum n.9  
Omissionis peccatum in quo diff. rat à commissione. 298.1. sect. 1. p' r'otam.  
Omissionis peccatum committi potest per actum positium. idque multipliciter. 390.3  
Consummari potest absque actu externo. 391.4  
Positius actus non est de essentia omissionis. ibid.5  
physice si ri potest sine actu positio, licet moraliter se re nunquam id accidat. ibid.6  
Actus, qui est causa omissionis, est peccatum. ibid. 2. sect.3  
Actus qui fit tempore omissionis, nisi fit causa eius, nullam sortitur ex ea malitiam. 392.5  
Nec satis est illum actum de se esse sufficientem ad causandam omissionem, nisi actu causet. ibid.7  
Quid de sacerdote pronunciente breuiarium in mare, &c. ibid.67  
Omissio quo tempore imputetur ad culpam varie sententia. ibid.1. & seqq.  
Auctoris sententia. 393.4.5  
Omissionis externa malitia merienda ex malitia actus interni qui præcessit. ibid.6  
Quid si data causa futura omissionis interim pœniteat, nec tamen impediri iam possit omissio. ibid.7.8  
Quid si quis voluntarie in'itit in morbum vnde nec ieiunare possit, vel sacrum audire, &c. ibid.9.10  
Omissionis grauitas vnde sumenda. 394.1. & seqq.  
Omissionis ne an commissionis peccatum grauius. ibid.6  
Omissio, vide Effectus qui per accidens.

Operari.

Operari propter finem quadrupliciter contingit, vide Relatio operis.

Opinio.

Opinio quid. 323.1  
Opinio ne probabili vti omiffa probabiliori, an, & quartus liceat. ibid.8. & seqq.

Ordo.

Ordines angelorum distinguuntur per ordinem ad viam ubi amor excedit scientiam. 62.47.

Originale peccatum.

Non dari Originale peccatum, error Pelagii, 428.1  
Est tamen de fide dari. 11.3  
Id probatur ratione Theologica supposita fide. an.5  
De peccati Originalis essentia varia opinioniones. tract.5. disp.9. sect.2 n.1.3.7. & 11.  
Peccatum Origin. est quid à parte rei priuatiuum, vel positium intrinsece inherens in homine concepto ex Adam. eadem sect.2. n.2  
Non est forma substantialis, neque eius p' iuratio. n.4  
Non consistit in concupiscentia, neque in aliquo defectu potentiarum qui veluti naturalis sit n.8  
Nec positium a qualitas anima, vel potentiis inherens. n.12.  
Peccatum Originale vere & proprie consistit in priuatione suo modo inherente, nihilque reale positium includit. à n.15  
Est habitualis auersio à Deo sine supernaturali seu priuatio gratiæ, & charitatis. 433.18.  
Quo sensu dicatur priuatio originalis iustitia 434.19  
Peccatum Originale non includit in sua essentia auersionem à Deo sine vlt. mo na ure. ibid.21.  
Priuatio in qua consistit peccatum originale est proprie peccatum quatenus est auersio à Deo sine supernaturali. ibid.24.  
Peccatum originale quomodo dici possit esse contra legem naturæ. 435.27  
Quomodo voluntarium voluntate capitis. ibid.28.  
An sit vniuocè peccatum cum reliquis. ibid.32.  
Peccatum Originale quando contrahitur à puero, an hic vere, & proprie dicatur peccare. 436.33.  
Peccatum Originale an sit grauius veniali. ibid.34.  
Peccatum Originale primario residet in essentia anima. tract.5. disp.9. sect.3 n.1  
Peccatum Originale quod in nobis sit, habet pro causa efficiente primam peccatum Adæ. n.1.  
Non est causa Physica sed moralis. n.2.  
Nullam habet causam physicam efficientem. n.3  
Originale peccatum per quas rimulas ad nos veniat ab Adamo. n.4  
Cur creat Deus animam cum sit peccato originali inficiendam. n.5  
Cur ex parentibus iustis generetur filius in originali. n.6.  
Quomodo Adæ peccatum fuit causa peccati originalis. n.7  
An peccante sola Eua transfunderetur peccatum originale. n.8  
An peccante altero parente, præter Adamum fransfunderetur in eius posteros simile peccatum originale. n.9  
Originale peccatum an sit vnum tantum in singulis hominibus. n.10  
Omn. s homines & soli naturaliter geniti ex Adamo contrahunt peccatum originale. tract.5. disp.9. sect.4 n.1

Quid



# INDEX RERV M.

Quid si Adam ante primum peccatum generaret filium.

n. 4

Omnes filii Ada non solum debitum, sed etiam ipsum peccatum originale contrahunt, excepta Beata Virgine. ibid. n. 8.

Vide Maria Virgo.

## Originalis peccati effectus & pœna.

Originalis culpa primarius effectus est privatio gratiæ & omnium virtutum infusarum. 64. 4. 3

Effectus secundarius est vulnus, seu infirmitas nature, quæ in naturalibus potentiis animæ relicta est. 447. 4

Quid de defectu concupiscentiæ. ibid.

Mors est effectus peccati originalis. 448. 8

Error Pelagii contrarius. ibid. 9

Anima decedens in Originali præcipue punitur pœna damnationis aeternæ. ibid. sect. 6. n. 1

An ei respondeat tristitia. ibid. 2

An alia pœna sensus. 449. 5

Post resurrectionem patientur paruuli in anima eandem pœnam, quam ante patebantur. ibid. 6

In corpore patientur solam privationem gloriæ, quæ ad corpus spectat. ibid.

## Otiosum.

Otiosum verbum esse malum recte colligitur ex Matth. 12.

303. 4

Quid nomine verbi otiosi intelligatur. ibid. 5

Otiosa sunt etiam reliqua opera, & non sola verba. ibid. 6.

## P

### Pars.

**P**artes essentielles bene possunt inter se habere ordinem & causalitatem, & tamen pertinere ad essentiam compositi. 59. 35

### Paruuli.

Paruuli decedentes in originali, vide Originalis peccati pœna.

### Passio.

Passiones quæ in locum sortiuntur inter actus humanos. 328 disp. 1. initio.

de Passionibus cur agat disciplina moralis. ibid.

Passio quid sit. ibid. 1. 1

Omnis actus appetitus sensitiui, est passio animæ. ibid. 2

Passiones neque in potentia cognoscuntur, neque in appetitu rationali inveniuntur. 329. 3

ex Passionibus appetitus sequuntur transmutationes sanguinis, & humorum. ibid. 4.

Passiones an cadant in sapientem, siue an cum virtute morali consistent. ibid. sect. 2. 2. 3.

Passionem diuisio in irascib. & concupisc. 330. 12.

Passio concupiscib. sex habet actus, passio irascib. quinque. ibid. 4.

Passionum numerus apud auctores varius. 34. 11. & seqq.

Verior computatio. 237. 6.

Passionum comparatio, seu ordinatio quadruplex. ibid.

7. & seqq.

Passiones omnes appetitus cerni etiam in voluntate contra Caiet. probatur. ibid. 343. 11. 12

## Peccatum & peccans.

Peccans non necessario constituit formaliter finem ultimum in creatura sed interpretatiue. 25. 12

Peccat magis qui vult copulatiue duo mala quam qui vult disjunctiue. 24. 8

Peccans etiam aliquo modo intendit Deum vultimum finem, licet non tam proprie sicut per actus honestos, & quæ sit hac differentia. 29. 5

Peccare non possunt beati. 84. 2. & seqq.

Peccatum actuale quid. 371. 1. & seqq.

Peccato quæ de ordinatio sit magis intrinseca. ibid. 7. 8

Peccati grauitas, & qualitas quid sit, & vnde sumatur 372. 1. & seqq.

Peccatum contra virtutem inferiorem cur aliquando grauius eo quod est contra superiorem. ibid. 2.

Peccatum ex scientia, vel ignorantia culpabili non variat speciem. 65. 285.

Peccatum mortale & veniale.

Peccatum mortale in quo consistat. 373. & 4. seqq.

Quomodo dicitur contrarium charitati. ibid.

Peccati mortalis malitia fere semper habet aliam distinetam deformitatem ab ea quam habet actus ex obiecto. 375. 2.

In quo genere malitia sit hac deformitas. ibid. 3

Peccati mortalis malitia non est simpliciter infinita. ibid. 2.

Non est infinita in quantitate, vel intensiōe. ibid. 3

Peccatum veniale nullum esse, error Iouiniani, & aliorum. 377. 1

Peccata aliqua esse proprie venialia fide constat. 378. 3 4

5.

Non sunt venialia ob solam extrinsecam conditionem peccantis, nec quia Deus non imputat. ibid. 6

Sed ex sua natura. 379. 8

Peccati venialis ratio in quo proprie consistat. ibid. 10

Peccati venialis & mortalis aliorum varia sententia. 380. 1.

Authoris sententia. ibid. 2. 3

Qualis sit diuisio peccati in mortale & veniale. ibid. 5. & seqq.

Peccatum veniale sit ne simpliciter contra legem. 381. 9.

& seqq.

Sit ne offensa Dei. 382. 14. 15.

Habeat ne infinitam malitiam. à n. 16.

Peccatum veniale à mortali quibus signis distinguatur. ibid. 19.

Peccati venialis triplex genus. 383. 21. 22.

Peccatum veniale non fit mortale per solius actus multiplicationem. ibid. n. 2

Omne mortale ex accidenti potest fieri veniale. 384. 7

Veniale ex suo genere quando possit fieri mortale. ibid. 8.

An successiue idem actus à mortali in veniale transire possit, & contra. 385. 17. 18

An in eo subiecto in quo dari possit mortale reperiri etiam possit veniale. 386. 2.

Peccatum mortale necessario precedere debeat veniale, an è contra, opinio D. Thomæ late discutitur. 387. 1.

Peccare potest quis pro sua libertate in primo suarationis instanti mortaliter, vel venialiter. 388. 8

Frequentius contingit praepeccare venialiter.

Peccatum veniale potest esse simul cum solo originali. 389. 10.

Quid si quis tunc moriatur. ibid.

## Peccatum commissionis & omissionis.

Quid sint hæc peccata & in quo differant. 389. 1. sect. 1. per totam.

299 5

Vide



# INDEX RER VM.

Vide omisio & commissio.

peccati diu sio in peccatum ex malitia, ignorantia, & passione an bona sit, 395.1.  
Quid imputet quoduis horum membrorum. ibid.3

## Peccati subiectum.

Peccatum in homine eiusque voluntate subiectatur. 397.

1.2

Peccati deformitas inest immediate in actu, mediate in voluntate. ibid.3

Vide Voluntas intellectus, ratio appetitus.

Peccatum an sit in potentiis exterioribus. 424.7.

Peccati poena, Vide poena.

## Peccatum habituale,

Peccato actuali transacto, homo vire denominatur peccator. 425.2.

Peccati habitualis macula in quo consistit, varia sententia refertur. ibid.3 & seqq.

De homine creato in puris naturalibus in quo eius peccatum habituale consisteret. 426.9. & seqq.

Opinio eiusdem de homine nunc creato. 427.14.15

Peccati habitualis macula ubi subiectetur ibid.16

Eius effectus formalis. ibid.17.

Peccatum veniale an relinquat maculam. ibid.18.

## Pœna.

Pœna proprie quid sit. 416.1.

Obligatio ad poenam duplex. 417.3

Reatus poenae quid. ibid.

Pœna medicinalis infligi potest sine culpa ibid.5

Non sic poena satisfactoria. ibid.7

Pœna simpliciter semper est effectus aliquius culpae. ibid.8

Pœna spiritalis nunquam puniatur absque culpa puniri ibid.9

Pœnas corporis quatenus Deus infligat late. 418.10. & seqq.

An peccatum possit esse poena alterius peccati, authoris decisio. 417.6. & 7

Vnicuique peccato mortali duplex respondet poena dāni, & sensus. sect.8.n.1.

Vitae poena est aeterna. num.3.

Error nonnulli hac in re confutantur. num.4.

Cur peccato breui respondeat infinita duratio poena num.5 & 6

Pœna sensus est intensius finita, damni simpliciter finita. num.7.

Peccatum mortale an sit ex se dignū infinita poena. num.9. & 10

Resolutio autoris. num.10

Pœna quam nunc patiuntur damnati an sit maxima qua peccatum mortale iuste potest puniri. num.15.

Peccatum mortale an mereatur annihilationem. num.16.

Peccatum veniale an mereatur aeternam poenam. tract.5. disp.7. sect.4. à n.1.

Pœna peccati origin. vide Originalis peccati poena

## Perfectum.

Perfectius non est necessario id cuius contrarium est minus perfectum. 64.58

## Persona.

Persona diuina non aequi pertinet ad obiectum effectuale

beatitudinis, ac ipsa diuinitas, & cur.

17. sect.3.

## Phantasia

Phantasia non mouet voluntatem immediate. 179.1.2

Phantasia quousque pendeat à voluntate. 196.2. sect.

## Potentia.

Potentia tam actiua, quam passiua cum sit vniuersale principium suorum actuum bene potest habere actus ignobiliores alia potentia ignobiliori. 48.11

Potentia nulla etiam partialis datur in natura ad actus supernaturales. 110.7. & seqq.

Potentia ad actus supernaturales nullum habet terminum, & ideo naturalis non est sed obedientialis. ibid.

Potentia vitalis potest concurrere obedientialiter ad actum vitalem, ac adeo non esse principium principale talis actus. ibid.

Potentia passiua non dicitur naturalis ex principio vnde manat, aut cum quod identificatur, sed per ordinem ad actum naturalem. ibid.8

Potentia obedientialis non sufficit ad constituendum appetitum naturalem. ibid.9

Potentia alia à voluntate, non cogitur ad actus suos, etiam si illos eliciant contra voluntatem hominis. quia sunt ab intrinseco, &c. 145.7. & 146.8

Potentia motiua, vide Motiua potentia.

## Practicum iudicium.

Practicum iudicium non necessitat voluntatem. 123.21.

## Prædeterminatio.

Predeterminatio physica quid praestet. tract.5. disp.6. sect. vniuersa. n.20.

## Premium.

Premium non necessarium est in potentia, in qua est meritum. 65.1

Premium respondet etiam aliis virtutibus à charitate. 94.6

Premium essentiale, & accidentale quomodo respondeant merito. ibid.9

## Processio.

Processio Spiritus sancti cur non est generatio, vide Intellectus immediate.

## Productio.

Productio Spiritus sancti cum sit à voluntate cui non est propter finem. 15.3.

## Pueri.

Pueri amientes, & cooperantur aliquo modo propter finem. 17.12.

Puer, vide Vetus rationis.

## Qualitas.

Qualitas nulla possibilis qua determinet voluntatem ad agendum praeter id quod recta ratio iudicat. 141.14

## Quando.

Quando circumstantia actus non auget in eo bonitatem realem sed laudem & meritum. 253.2. & seqq.

Nec oportet esse volitum obiectiue. 254.26 & seqq.

De augmento meriti, vel laudis eius. ibid.28. & seqq.

Ratio.



# INDEX RERVM.

## R

### Ratio.

**R**atio superior, & inferior quid. 401.2  
An & qualiter in veraque sit peccatum late, ibid.  
3. & seqq.

### Relatio.

Relatio operis in finem quadruplex. 19.1  
Relatio habitualis qua sit. ibid. 2.3.  
Relatio virtualis quomodo fiat in actibus externis, & in  
internis. ibid. 4.  
Relatio interpretatiua, qua. ibid. 5.  
Qualis istarum relatio in finem requiratur ut opus re  
latum inde habeat bonitatem. 266. sect. 5

### Resolutio.

Resolutio & compositio quid, & quomodo se habeant in  
ter se. 191.3

## S

### Salmeron.

**S**almeron debitum originalis in Virgine agnoscit. 445.37.

### Scientia.

Scientiam per se insensam habent beati in proprio genere,  
qua dicitur vesperina. 70.9  
Est inequalis pro ratione meritorum, quoad species ta  
men rerum credibile est omnes beatos esse aequales. 71.  
10  
Scientia naturalis in beatis, vide Beati conferri habunt.  
Scientia vel cognitio beatorum, vide Beati habent ne  
gationem.  
Scientia beata, vide Visio non coniungitur.

### Scrupulus, scrupulosus.

Scrupulorum varia causa. 325.1  
Scrupulosus non sibi persuadeat absolute esse malum id  
quod est facturus. ibid. 2.3  
Imo deponat Scrupulum, & firmet iudicium practi  
culi contrarium. ibid. 4.  
Scrupulosum quid maxime torqueat. ibid. 5.  
Scrupulosus varia remedia praescribuntur. ibid. & seqq.  
Sensitiua cognitio, vide Phantasia.

### Spes.

Spes pertinet ad beatitudinem hominis ordinati ad alte  
ram vitam. 68.14.  
Spes non pertinet per se ad ordinem intentionis, licet redu  
catur interdum. 176.9  
Spes est actus appetiue non cognoscitiua. 336.1  
Est de bono absente, & arduo. ibid. 2.  
Ab amore & gaudio distinguitur. ibid.  
An item a desiderio. ibid. 3. & seqq.  
Spes in parte sensitiua quomodo sit de rebus futuris. 337.  
num. 6

### Species.

Species aliqua generis inferioris potest esse perfectior alia  
generis superioris. 67.9.10  
Spiritus sancti processio, vide Productio.

## T

### Theologia.

**T**heologia an maneat in beatis, & quomodo. 69.4.  
& seqq.

## Timor.

Timoris passio quid. 334.1  
Ad obiectum timoris quomodo spectet arduum ibid. 2.  
Timoris diuisio. ibid. 4.  
Timoris causa & effectus. ibid.

## Trinitas.

Trinitas personarum non pertinet ad obiectum beatitudi  
nis huius vita etiam supernaturalis & cur. 39.7  
pertinet tamen ad primum & adequatum obie  
ctum alterius vita. 40.11.12.

## Tristitia.

Tristitia in beatis nulla. Et quomodo considerent pecca  
ta sua praeiterita. 91.9  
Tristitia passio quid sit, & quoduplex. 335.6 & seqq.

## V

### Verum & falsum.

An sint essentialiter differentia. 298.5  
Videns Deum, vide Visio.

## B Virgo.

Virgo Maria, vide Maria.

### Violentia, Violentum.

Violenti definitio exponitur. 133.5.6  
Violentum inuenitur etiam in non cognoscentibus, non sic  
inuoluntarium. ibid. 7  
Violentia inefficax est quando extorquetur consensus per  
minas, dolores, &c. & est proprie metus. ibid.  
Violentia in lapide sursum detento qua 136.6.  
Violenta non est vlla forma quoad positum suum, sed  
quoad priuationem, quam forte affert se, ut calor  
est violentus aqua per adiunctam priuationem frigo  
ris. ibid. 7  
Violenta non dicitur actio rei destructa ut mors animali,  
proprie. 137.9.10  
Violentiam nulla creatura potest facere voluntati, &  
cur. 139.1  
Violentiam an possit Deus inferre creaturis, vide Deus  
dicitur &c.  
Violentiam non patitur voluntas recipiendo quod suis habi  
tus etiam virtuosos si a Deo infundi possent. ibid. 2.3  
Violentiam patitur voluntas si priuetur actu, vel habitu  
naturalis, quem possidet. 140.7

### Virtus.

Virtutes habituales voluntatis omnes sunt in beatis, immo  
& appetitus post resurrectionem si qua illa sunt. 91.3  
Et possunt exercere aliquos actus in patria. ibid. 4.  
Non omnes tamen. ibid. 6  
Virtutes etiam acquisite manent in patria. ibid. 7  
de Virtutibus qui autores tractant. 344. disp. 3. initio.  
Varia significationes virtutis. ibid. 1.  
Virtus moralis quomodo definienda. ibid. 2.  
Virtutem non esse habitum essentialiter bonum opinatur  
Scotus, & refellitur. ibid. 3  
Virtutem moralem esse essentialiter bonam ostenditur.  
345.4  
Nulla virtus est principium elicitiuum actus prauis.  
ibid. 7  
Habitus ex obiecto proximo inaffrens, possitne indu  
re accidentaliter rationem virtutis. ibid. 8  
Virtutis diuisio in rationalem & moralem qualis. 346.1  
Virtus rationalis in genere entis perfectior est virtute mo  
rali: non item in genere moris. ibid. 2.  
Virtus rationalis, an sit simpliciter virtus. ibid. 5.  
Virtutis intellectualis prima diuisio. 347.1  
Secunda, & tertia diuisio. ibid. 3.4  
Virtutem



# INDEX RERVM.

*Virtutem moralem vnam tantum esse, quorundam placitum, refilatur.* 348.1  
*Virtutum moralium alia circa passiones versantur, alia circa operaiones.* 349.3  
*Virtutis circa operationes, seu ad alterum, subdiuisio in varia species.* ibid. 4  
*Virtutis circa proprias passiones diuisio iuxta D. Thomam ibid. 5 6*  
*Authoris iudicium.* ibid.  
*Virtutes Cardinales quae & cur id nomen sortita.* 350.1  
*Earum gradus in perfectione.* ibid.  
*Virtutum partitio in politicas, purgatorias, & purgati animi.* ibid. 2  
*Virtutes Theologicae quae sint, & quot requirant conditiones.* ibid. 3  
*Virtutibus Theologicis respondent suo modo alia acquirere.* 351.4  
*Sunt tamen morales.* ibid. 4.5  
*Virtus saepe est habitus medius inter duo vitia extrema.* ibid. 2.  
*Virtutes morales per se, & quasi formaliter ponunt medium in propensione appetitus: effectiue in actibus eius: obiectiue in materia & circumstantiis.* 352.3. & seqq.  
*Inter iustitiam & alias virtutes morales circa medium est discrimin.* ibid. 6.  
*Virtutes etiam intellectuales, qualiter consistant in medio.* 354.1  
*Virtutes morales per se primo resident in voluntate.* ibid. 5 & seqq.  
*Vnde denominentur morales.* 348.8  
*Virtutis habitus dantur in appetitu, sed non proprie.* ibi. 9  
*Virtutes non sunt à natura congenitae.* 356.1  
*Cur aliqua dicantur naturales.* ibid.  
*Virtutes generantur actibus suis à nobis* ibid. 2  
*Virtutum moralium cum char. tate connexio non necessaria quoad substantiam.* 357.1.  
*Non sic quoad ordinem finis supernaturalis.* ibid. 2  
*Virtutum moralium connexio cum prudentia, & inter se la. isime.* ibid. 7. & seqq.  
*Virtutes per actus suos augentur.* 360.1  
*Virtutis habitus potest etiam se extensius imperfectus quoad aliquam suam materiam partem.* ibid. 2  
*Virtutes singulae per proprios, & non per alterius virtutis actus augentur.* 361.3  
*Virtutes per actus contrarios corrumpuntur, & minuiuntur.* ibid. 7  
*Virtutes in voluntate, & intellectu residentes non destruntur corrupto homine.* ibid. 8  
*Virtutes morales an maneant in damnatis.* 362.9  
*An in beatis.* ibid. 9.10

## VISO.

*Viso beata esto concedatur terminari necessario ad personas, non sequitur has esse partem obiecti essentialis eius.* 39.8.  
*Videns Deum sine personis (esto fieri posset) esset beatus essentialiter, minus tamen quam videns unum personis.* 40.11.14.  
*Viso beata, si non sit tota beatitudo, excludi nequit à tota ratione essentialis beatitudinis.* 54.10. & seqq.  
*Viso si non solum beatificat formaliter inhaerendo, sed etiam effectiue, debet utique aliquid efficere quod formaliter beatificet: visio quomodo potest esse libera beatitudo.* 123.19.  
*Hoc autem est amor.* 58.31  
*Viso ad amorem comparatur ut actus primus ad secundum: adeo ut sic magis spectat amor ad essentiam beatitudinis, quam visio vterque tamen est de essentia,*

& cur.

59.35.

*Viso perfectior est amore, in via perfectior est amor fide* 62.46

*Viso est amabilior amore.*

63.53

*Viso non coniungitur in beatis cum alia cognitione naturali ut inde eliciat conclusiones.* 70.8.

*Videns Deum potest de potentia absoluta illum non amare, non poterit tamen odisse.* 80.21

*Viso Dei est necessaria quoad specificationem per se loquendo.* ibid. & 81.3

*Viso non excluditur à peccato sicut gratia excludi potest* 87.18

*Viso & peccatum nec diuinitus simul esse possunt, vide Deus non potest.*

*Viso & habituale peccatum non repugnant diuinitus.* 88.23

*Viso creaturarum in verbo pertinet ad beatitudinem essentialem, extra verbum ad accidentalem.* 93.3

*Visioni non contrariatur proprie error.* 101.4. & seqq.

*Viso cum solo auxilio absque habituali lumine, an sit corruptibilis.* 102.7

*ad Visionem Dei non potest inclinari natura sub ratione causae primae, quin inclinetur sub omnibus aliis rationibus, etiam Trinit. &c.* 109.5. & 112.4

*ad Visionem nulla est potentia naturalis etiam partialis.* 110.7. & seqq.

*Viso, vide Beatitudo, Actus beatificus, Amor beatificus, Voluntas.*

## Vitalis concursus.

*Vitalis concursus bene potest esse obedientialis, & cur.* 110.7

## VITIUM.

*Vitia opposita vni virtuti non ob id sunt eiusdem speciei.* 272.5

*Vitii habitus essentialiter constituitur in specie sua per differentias positivas.* 362.2

*Tendit in obiectum sub ratione boni, non tamen honesti.* 363.34.

*Vitii habitus est qui inclinat ad bonum quod contrariatur rationi.* ibid. 7. & quae malitia denominetur vitiosus, seu vitium.

364.12.13.

*Habituum vitiosorum diuisio.* 365.14. & 376.1.

*Vitii & virtutis, contrarietas in quo consistat.* 365.18.19

*Vitiorum habitus primarij, & per se generantur in voluntate.* 366.3

*Et in appetitu suo modo vitiosi.* ibid. 4

*Vitii habitum an possit Deus immediate & per se infundere.* ibid. 5. & seqq.

*Vitia an sint inter se connexa.* 367.9

*Vitium solitarium, atque vnicum, an absolute id nomen mereatur.* ibid. 10

## Vnio, Vnitās.

*Vnio inter Deum, & animam beatam substantialiter est impossibilis, si antecedente aliquo nouo effectu qui sit in anima,* 42.4. & seqq.

*Vnio substantiae animae ad Deum quae fit per gratiam in via, ipsa est quae manet in patria, estque illapsus quidam.* 43.9.10

*Vnio ante animam & Deum crescit crescente gratia.* 45.14

*Vnio fit per visionem & amorem, & quae sit praestantior* 64.61.

*Vnitās specifica & numerica bonitatum in actibus voluntatis quomodo sumatur ex obiectis.* 241. sect. 4. per totam.

## Voluntas, Voluntarium.

*Voluntas humana maxime mouetur à fine.* 3.1

In voluntate



# INDEX RERVVM.

Involuntate antequam proprio motu moueatur, nihil datur quod sit causalitas finis. 4.7  
 Voluntas affectus simplex non est causalitas qua finis antecedenter attrahat voluntatem finaliter. ibid.  
 Voluntas quando appetit rem cognoscere, ut eam cognoscat, tunc cognitio est finis, seu obiectum voluntatis: quando vero appetit rem ipsam, tunc cognitio est conditio. 7.3  
 Voluntas obiectum adequatum est hoc disiunctum finis vel media, si tamen nomine finis intelligamus, quicquid propter suam bonitatem amatur. 10.7  
 Voluntas seu amor simplex, est propter finem. 14.5. & seqq.  
 Voluntas actus dupliciter necessarii, aut ex imperfectione aduerentia, aut ex perfectione. 15.1  
 Voluntas actus quid requirat ut sit propter finem. ibid. 2  
 Voluntas est tendat sola in bonum, & finem sub ratione boni, & finis, non ob id probatur eius actum solum esse beatificum. 65.62  
 Voluntas sufficienter ex parte obiecti mouetur à Deo clare v. so, quia in eo videtur quid sit summum bonum, id quod non solum quoad speciem, sed etiam quoad exercitium. 77.10. & seqq.  
 Voluntas etiam ab obiecto in suo genere mouetur necessario quoad exercitium. 78.14  
 Voluntas posita Dei visione necessario amat ipsum, & cum Deus etiam hoc habeat non potest talis necessitas sui imperfectio. ibid. 13.14  
 Voluntati nulla offerri potest ratio ut cesset ab amore beatifico, cum sit de summo bono, nec lassatur, nec per alios actus impeditur, &c. 79.19  
 Voluntas videns Deum destituta auxilio supernaturali, non tamen naturali posset Deum visum amare, amore naturali. 80.22.  
 Voluntarium per modum actus, est actus elicited à voluntate, vel etiam imperatus, quamquam hic imperatus est etiam voluntarius seu volitus obiective, 118.2  
 Voluntarium obiective est sola denominatio rei volite, ab actu voluntatis, ut visum, amatum, &c. ibid. 3  
 Et simpliciter voluntarium per modum actus imperati, est denominatio ab actu elicited. ibid. 4  
 Voluntarium per modum actus elicited, est actus elicited à voluntate, nec refert inter talem actum & voluntatem intercedere dependentiam, seu actionem, quominus ipse dicatur immediatus, & intrinsece volitus per virtutalem reflexionem. ibid. 5.6  
 Voluntas actus per modum fuge licet sint volitiones obiectorum, sunt tamen volitiones sui ipsorum, & explicari etiam possunt per modum prosecutionis. 119.8  
 Voluntas definitio explicatur. ibid. 9  
 Voluntatem necessario operari quidam heretici falso tribuebant. 120.2  
 Alii diuina determinationi. ibid. 3. & seqq.  
 Impugnantur. ibid. 5.7  
 Alii appetitus sensitui. 121.8  
 Alii nature ipsius voluntatis. ibid. 9.10  
 Voluntas si natura sua non esset libera, eleuari non posset ad liberè operandum. 122.15.  
 Voluntas etsi potest necessitari, non posset tamen eleuari ad agendum libere si de se esset determinata, & cur. ibid. 16  
 Voluntas potest eleuari ad liberè agendum supernaturaliter, quia est libera ad bonum in communi sub quo est supernaturale. ibid. 18  
 Voluntas non necessario sequitur iudicium practicum. 123.21  
 Voluntarium est perfectio physica, quia consummatur in ipso influxu positiuo voluntatis, liberum vero addit

actus solum respectum ad potentiam potentem non elicere. 127.24  
 Voluntarium & liberum non repugnant. ibid.  
 Voluntarium imperfectum & quod procedit ex imperfecta cognitione. ibid. sect. 4 n. 2  
 Voluntarium in se, vel est directum, ut cum voluntas versatur immediate circa obiectum: vel est indirectum ut cum vult omissionem alius rei. 128.3  
 Voluntarium interpretarium quod. ibid. 4  
 Voluntarium in altero requirit actum terminatum ad aliud. ibid.  
 Voluntarium in alio est quando volito vno sequitur aliud precise priori volito, aliud inquam, aliquo modo praesens, & sic vere dicitur velle consequens qui vult antecedens, si vero non ita sequitur: necessario debet ibi interuenire preceptum, ut dicatur volitum in alio. 128.8. & seqq.  
 Voluntarium esse potest aliquid in alio, seu causaliter, & inuoluntarium in se, seu obiective. 129.12  
 Voluntarium dari potest in sola suspensione actus. ibi. sect. 5.2  
 Voluntarium indirecte etiam potest esse immediatum, & mediatum, ut carentia actus elicited ad dandum elemosinam, & carentia actus externi dandi ipsam. Effectus vero sequens v.g. mors pauperis est voluntaria in alio indirecte. 130.6  
 Voluntarius non est effectus qui per accidens sequitur ex omissione actus, nisi adsit preceptum. 131.10  
 Voluntarium indirectum, & liberum indirectum reuertuntur. ibid. 12.13  
 Voluntarium in quibus suppositis requiratur. 132.2  
 In quibus potentiis. ibid. 3  
 In quibus actibus. ibid. 4  
 Inuoluntarium simpliciter non est nisi contra imperium voluntatis de se efficacem ad impediendum. 133.3  
 De inuoluntario, vide plura lit. I.  
 Voluntas non est naturaliter capax nisi actuum, & habituum. 139.4  
 Voluntas, vide Violentia.  
 Voluntatem necessitari posse variis modis in sufficientibus traditur. 141.13 & seqq.  
 Voluntas non necessitatur etiam si dicamus illam non posse suspendere actum omnem, sed debere semper elicere aliquem, & cur. ibid. 15  
 Voluntas necessitari potest à Deo concurrente cum ille per concursum efficacem determinatum ad vnum, ita ut concursus Dei simul natura sit cum concursu voluntatis. ibid. 16. & seqq.  
 & Violentia non datur tunc in tali concursu. 142.20.  
 Voluntas cogi non potest in actibus elicited, potest tamen in habitibus, & eorum priuationibus, vide Cogi potest voluntas, & Cogi voluntas non potest.  
 Voluntas, nec alia potentia vitalis potest simul habere duos actus contrarios etiam diuinitus, etiam in gradibus remissis. 144.8.  
 Ac si haberet in neutro illorum diceretur cogi. ibid. 9  
 Voluntas potest pati coactionem in actibus imperatis elicited ab aliis potentiis vnde nec tunc peccat. 144.1  
 In aliquibus solum cogi potest à Deo. ibid. 2. & seqq.  
 Voluntas non proprie cogitur quoad alias actiones internas hominis, ut quoad nutritionem, vel quoad externas homini, ut quoad mortem amici. 146.9  
 Voluntarium potest augeri diminuto libero. 150.5  
 Voluntarium, vide concupiscentia.  
 Voluntas affectus vnus, quomodo possit augeri ex alio. 152.15

Volun



# INDEX RERVM.

- Voluntarium an minuat ex consuetudine habitu, & gratia.* *ibid* 19.17  
*Voluntarium ab actu praterito non habet nouam malitiam, vt occisio hominis in ebrietate, eandem malitiam habet quam habet ebrietas.* 162.2  
*Voluntarij vel inuoluntaria inconsideratio, vide inconsideratio.*  
*Voluntarium directum requiritur ad bonitatem actus, ad malitiam satis est indirectum, & cur.* 169.32  
*Voluntarium, vide Intellectus.*  
*Voluntas pro actu quid sit.* 175.1.  
*Voluntas & intentio quo pacto differant.* 176.4.  
*Non distinguitur ab amore.* *ibid.* 5.  
*Voluntas & desiderium an distinguantur.* *ibid.* 6. & seqq.  
*Voluntas non potest ferri in incognitum.* 178. sect. 4 per totam.  
*Voluntas non mouetur a cognitione sensitiua immediate, sed ab intellectiua.* *ibid.* n. 2.  
*Et id per cognitionem iudicatiuam, & practicam.* 179.45.  
*Voluntas a se ipsa tantum mouetur efficiuè.* 180.2  
*Nec est inconueniens simul agere, & pati.* *ibid.* 5.  
*Voluntas non mouetur per se ab alio, nisi a Deo.* *ib.* sect. 7  
*Voluntas aliquando fertur in finem, & medium vt quod unico actu.* 188.8  
*Voluntas ex pluribus omnino aequalibus potest eligere quodlibet, nec necessario manet suspensa.* 190.8.  
*Imo potest eligere minus bonum omisso maiori.* *ibid.* 9.10  
*Voluntas non mouet appetitum nisi media cognitione sensitiua, & quando moueat.* 196. sect. 2.  
*Voluntatis actus esse potest tantum dupliciter, 269.7. & seqq.*  
*Voluntas non fit prius natura mala, quam recipiat in se actum malum.* 273.8.9.  
*Voluntarium directum, vel indirectum non mutat malitiam, isto physice mutetur actus.* 286.6.  
*Voluntas alia antecedens, seu absoluta, alia conditionata, &c.* 309.1  
*Voluntatis diuina ad humanam habitudo multiplex ponitur.* *ibid.* 3.  
*Variis modis humana cor formis esse potest diuina.* 310.4.5.  
*Voluntas humana quomodo teneatur conformari diuinae disponenti de suis actibus* *ibid.* sect. 2. per totam.  
*Voluntas humana vt recte sit verum, aut quomodo debeat conformari diuinae volenti alia obiecta extra actus ipsius voluntatis.* 213.6. & seqq.  
*in Voluntate, an, & qualiter sit peccatum* 2.397. & seqq.  
*Voluntas est causa effectiua peccati mortalis per se, physica per accidens.* *ibid.* 3.  
*Quanam sit radix deordinationis peccati in voluntate late.* *ibid.* 4. & seqq.  
*In Voluntate potest esse peccatum cum perfecta scientia, & consideratione intellectus.* 398.7.  
*Nec requiritur vt precedat error speculatiuus.* *ibid.* 8.  
*Nec inconsideratio speculatiua.* *ibid.* 9.  
*Nec error practicus qui sit origo peccati.* *ibid.* 10  
*Moraliter tamen loquendo in peccato voluntatis occurrit aliqua inconsideratio practica.* 399.12  
*Qua tamen non est prima origo peccandi.* *ibid.* 13  
*Voluntatem posse peccare est quidam defectus naturalis ipsius coniunctus cum perfectione item naturali.* *ibid.* 14.  
*Voluntatis consensus non est imperfectus ex quantum aius breui mora.* 408.16.  
*Sed ex imperfecta aduertentia.* *ibid.* 17  
*Voluntas an teneatur positiue resistere voluptati turpi appetiui, vel sufficiat mere negatiue se habere.* *ibid.* 18 & seqq.  
*Voluntas est capax in via omnis actus patrie, non sic intellectus, & cur.* 90.10.  
*Voluntas beati, vide Beato precipi & Beatus etiam, si videret.*  
**Vsus.**  
*Vsus varia acceptiones.* 191.1  
*Vsus alius actiuius, alius passiuus, & quarum potentiarum sint.* *ibid.* 3.  
*Vsus obiectum quod.* *ibid.* 4.  
*Vti Deo non possumus, imo nec coelis, nec Angelis, & quare.* *ibid.* 5  
*Vsus quomodo distinguatur, aut non distinguatur ab electione.* 193. sect. 2. per totam.

F I N I S.









ALMA 99110988150001001

ALMA 1785471 02-28562B  
1785374







